



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Tappan Presbyterian Association
LIBRARY.

Presented by HON. D. BETHUNE DUFFIELD.


From Library of Rev. Geo. Duffield, D.D.



Geo Duffield

Section
Nº

William Duffield
William Duffield



Tappan Presbyterian Association
LIBRARY.

Presented by HON. D. BETHUNE DUFFIELD.

From Library of Rev. Geo. Duffield, D.D.




Geo Duffield

Section _____

N^o _____

Library of Rev. Geo. Duffield, D.D.
Library of Rev. Geo. Duffield, D.D.



Tappan Presbyterian Association
LIBRARY

Presented by HON. D. BETHUNE DUFFIELD.

From Library of Rev. Geo. Duffield, D.D.



Geo Duffield

Section _____

Nº _____

Presented by Rev. Geo. Duffield, D.D.



Tappan Presbyterian Association
LIBRARY.

Presented by HON. D. BETHUNE DUFFIELD.

From Library of Rev. Geo. Duffield, D.D.



Geo Duffield


Section _____

No _____

Blanche Bevelin Spence
Totani deenprey







WITSII, Herman

HERMANNI WITSII
MISCELLANEORUM
SACRORUM
TOMUS ALTER.

C O N T I N E N S

*XXIII. Exercitationes, maxima ex parte Historico- & Critico-
Theologicas; nonnullas in Ultrajectina, alias in Lei-
densi Academia, studiosæ juventuti exhibitæ.*

Quibus accesserunt

ANIMADVERSIONES IRENICÆ


ad Controversias quasdam Anglicanas;

UT ET

ORATIONES QUINQUE.



LUGDUNI BATAVORUM,
Apud CONRADUM MEYERUM,
M D CC XXXVI.



Daffam Pres. Associn.

*9th
11-27-1923*

Nobilissimo & Amplissimo

V I R O

PAULO VOET,

V A N

WINSSEN.

PRIMIS

IN DIOECESI ULTRAJECTINA
ET REPUBLICA BELGICA

DIGNITATIBUS

SUMMA CUM LAUDE FUNCTO
NUNC

ORDINUM ULTRAJECTINORUM
SECRETARIO

SUA MAGIS ERUDITIONE VIR-
TUTE MERITIS

QUAM PUBLICIS TAMETSI HO-
NORATISSIMIS MUNERIBUS
ILLUSTRI

EXERCITATIONES HASCE MIS-
CELLANEAS SACRAS FACIT

HERMANNUS WITSIUS.

BR
75
W83
M6
1736
V2

Quum



DEDICATIO.



QUUM ante hos sex annos partem aliquam harum Exercitationum, Ultrajecti elucubratam, in lucem ederem, non diu mihi deliberandum fuit, *VIR NOBILISSIME*, cujus potissimum nomen pagellis istis præscriberem. Tu amicorum omnium unus tunc maxime occurrebas, ad quem sua sponte inclinabat, & impetu quodam ferebatur animus. Neque profecto cassus ratione impetus iste fuit: sive Te, sive me spectem. Et Te quidem quod attinet, tantus est, quum cæterarum virtutum, tum eruditionis tuæ splendor, tanta optimarum literarum copia, tantus in literatos favor; ut nemo hic ex eo hominum genere inveniatur, qui non in magna felicitatis suæ parte collocet, Tibi haut displicuisse. Quam natura Tibi iniecerat ingenii solertiam, eam pii ac prudentissimi parentis sollicita educatio tam feliciter excoluit, ut non flores solum, sed & fructus ætatem anteverterent. Tuorum quippe exempla tuentem, & Avus, & Pater, & Patruus, & Frater, incluta atque æterna nomina, ad præclara quæque excitabant. Adeo quidem ut laurea Academica, doctarum præmio frontium, jam redimitus, necdum posita lanugine, in Amplissimo Batavorum Dicasterio causas ageres, ea modestia quæ decora istis annis erat. ea constantia quæ studiorum & causarum fiduciam argueret, ea denique facundia quæ omnium Tibi facile conciliabat admirationem. Dehinc Reipublicæ admoto, simulac maturior ætas magistratui & honoribus capeffendis idoneum fecisset; prima quidem curarum fuit ut pulcherrimam illam Teque dignissimam spartam non perfunctorie ornares, & Curia Provinciali adscriptus, civibus tuis jus diceres, uti castum Themidos sacerdotem, & rigidum justitiæ satellitem decebat: mox Consul creatus, singulari prudentia ac fide Civitati consuleres: denique

DEDICATIO.

que ad supremum Belgicæ Fœderatæ Ordinum Consessum ablegatus, insignem illam in arduis Reipublicæ negotiis pertractandis dexteritatem explicaret. Unde factum est, ut Illustres Dioecessios Ultrajectinæ Proceres nec fido magis nec doctiori calamo acta atque arcana se sua committere posse jure meritoque crediderint. Non tamen hæc omnia, quamvis plurima & maxima, & difficillima forent, ita Te totum occuparunt, quin & horas aliquas subinde invenire potueris, quas sine Reipublicæ fraude, nunc severioribus, nunc amœnioribus Musis impenderes. Tunc volupe Tibi, jucundissimumque curarum levamen fuit, intra Bibliothecæ Tuæ parietes, quam locupletissimam & exquisitorum librorum copia instructissimam formavisti, excluso omni negotiorum strepitu, cum præstantissimis tam humanæ, quam Divinæ, tam priscae, quam recentioris sapientiæ magistris, Græcis ac Latinis, familiariter conversari. Hinc ea Tibi de omni re literaria tam perite arbitrandi facultas parta est, ut quotquot hic scribendis libris operam dant, Tibi placere nitantur, Te patronum exoptent; quem nemo eruditorum est qui non æquissimum ac faventissimum expertus sit. Idem Tibi placendi studium si quis meæ quoque imputare velit ambitioni; non admodum habeo quod refrager. Hæc una defensionis ratio est; honestam eam neque indignam homine Theologo ambitionem esse, qua se suosque conatus bonis & sapientibus viris adprobare gestit. Ob hanc causam recta mihi ad Te eundum esse putavi, cui omnium primo istas quas hic vides Exercitationes legendas, imo & censendas, offerrem. Verum & alia accesserunt, minime præmittenda. Tanta Tuorum, tanta Tua in me merita sunt, ut grati animi officio non nisi publica testificatione defungi posse videar. Sub Parentis Tui, Acutissimi non minus Philosophi, quam Consultissimi Antecessoris, disciplina, purioris Philosophiæ scita hausi. Avus vero Tuus, Consummatissimus Theologus, perquam accuratas mihi rerum Theologicarum ideas, penitæ adhuc menti impressas, primus præformavit. Tu autem ex illis es qui me, tantorum virorum non prorsus degenerem fortassis alumnum, ad Ecclesiasticam & Academicam in patria Tibi urbe Cathedram, haud spernendis conditionibus invitarunt. Tu ille es, cujus potissimum ore Academicæ rei præstites uti voluerunt, ut dilectam merito Frisiam, ubi per-

DEDICATIO.

commodam mihi studiorum sedem fuisse gratus semper profitebor, amoenissima Ultrajecto commutare persuaderer. Tu me, simul pedem in istam urbem intuli, ædibus tuis comiter exceptum, omni officiorum genere prolixè curasti, & ab eo tempore non favore solum tuo, quem ne proletariis quidem hominibus negare quandoque soles, sed & interioris admissio- nis necessitudine condecorasti: consiliis atque ope, ubi res tu- lit, juvisti. Bibliothecam quoque tuam patere mihi voluisti, concessa, ad hoc ipsum quod nunc oblatum venio opus, ra- riorum librorum usura. In iis fuerunt Commentarii de Re Navali, Veteri & Nova, quos summa arte ac solertia concin- navit *NICOLAUS WITSEN*; Vir antiquæ virtutis, & ra- ræ eruditionis; quem non sua solum Amstelædamum, cui plus vice simplici Consul Batava fide præfuit, iterumque præest, sed & Belgica nostra universa, ob res domi forisque strenue & feliciter gestas, imo omnis orbis literatus, ob accuratissi- mas observationes Geographicas, summo in honore habent: cuique omnes plus debitori sumus, ubi Viro illustri libuerit, quam profligatam habet, novam Tartariæ Descriptionem cum publico communicare. Cæterum quum tardius ad laudati mo- do libri cognitionem & inspectionem devenerim; minus copi- ose de inventionem pyxidos nauticæ disserui, quam factum fuisset si maturior mihi doctissimi operis contigisset usus. Nunc Te velim, Amplissime *VOETI*, quæ ego strictim habeo Exer- citatione altera de Evangelio in America per Apostolos prædi- cato, sectione *XLI.* & sequentibus, configere cum iis quæ Vir iste Illustris ampliter collegit operis sui *pag. 417. & seq.* & videbis quanto plura de hac re Witfio sciverit *WITSENIUS*. Quæ hætenus narravi huc tendunt omnia, ut intelligat Lector, quot me nominibus obstrictum Tibi agnoscam: & ut Tu videas non esse me ingratum collatorum in me beneficiorum deco- ctorem. Non tamen eo a me allegantur, quasi lucubratorum non admodum, quod fateor, elaboratarum inscriptione partem aliquam nominum meorum expungere me postulem: nam in novo ponendum est, & revera a me ponitur, beneficio, quod licere mihi volueris titulos Tuos, *πρόσωπον*, ut ille ait, *τηλαυ- γ**, surgenti veluti ædificio præstruere: ut quod a se non ha- bet, a Te mutuetur splendoris. De materia operis nihil di- cam: miscellæ Exercitationes sunt: quas nunc hac nunc illa occa-

DEDICATIO.

occasione invitante, apud disciplinæ meæ consecraneam juventutem publice ut plurimum recitavi. In quibus, si nihil aliud, varietas fortassis delectatione aliqua Lectores, non nimis delictos, adficiet. Certe diligentia alicujus meæ novum hoc volui exstare specimen; ut Vos, qui studiorum nostrorum arbitri estis, quibus rebus, præter quotidianas operas, occupemur cognoscatis. Vale Vir amplissime, bono publico multos in annos sospes. Ita fere scribebam Ultrajecti ipsis. Kal. Sept. Anno erę vulgaris MDCXCIV. Ex illo tempore supremo sortis meæ arbitro placuit, ut ad Theologicam in Leidenſi Academia Cathedram evocarer: cui dum pro mea parte exornandæ incumbo, natæ mihi sub manu sunt Exercitationes aliæ non disparis generis atque argumenti; quæ prioribus junctæ tomum altero tanto majorem effecerunt. An eo meliorem, Tui, Vir Doctissime, arbitrii esto. Nam & hæ quoque viam ad Te affectant, Tuæ se censuræ lubenti animo submittentes. Nec sine spe, eadem se favoris benevolentia exceptum iri, quam majoribus natu præstitisti. Intromittantur itaque intra amplissimi niditissimique Musæi Tui parietes; cujus fores debita tot magnis nominibus reverentia pulsant: si non aliam ob causam, ob hanc saltem; ut obsequiosi mei erga *VOETIOS* affectus, & amicitia præca fide cultæ, perennes testes sint. Iterum Vale, Nobilissime Voeti, & Divinæ liberalitatis muneribus, auro contra non caris, in Te, & sanctissima Coniuge, totaque lectissima familia, nunquam turbata animi tranquillitate æternum frui. Et dum frueris, ne grave sit ejus quandoque memoriam recolere, qui calidis hæc Tibi votis apprecatus est. Lugduni in Batavis v. Kal. Jan. Anni cdo. 16cc.

S E R I E S
E X E R C I T A T I O N U M .

E X E R C I T A T I O I .

Gloria Messia Regis, in demonstratione Justitia & Gratia, revelata Jesaia Cap. VI. Pag. I.

E X E R C I T A T I O II.

De votivo Anathemate Pauli, ad Rom. IX; 3. 41

E X E R C I T A T I O III.

παρὶ τῶ λόγῳ: sive *de Sermone Deo.* 60

E X E R C I T A T I O IV.

De Michael. 94

E X E R C I T A T I O V.

De Monte Agar, ad Galat. IV: 21.-26. 108

E X E R C I T A T I O VI.

De Officio Juventutis, & Incommodis Senectutis, ad Eccles. XII: 1-7. 129

E X E R C I T A T I O VII.

De Uxore Loti, ad Luc. XVII: 32. 146

E X E R C I T A T I O VIII.

Qua anquiritur, quinam Assyriorum nomine in Sacris Literis veniant. 162

E X E R C I T A T I O IX.

De Rechabitis. 176

E X E R C I T A T I O X.

Historia Hierosolyma, ab urbe condita usque ad excidium Babylonicum. 187

E X E R C I T A T I O XI.

Historia Hierosolyma, ab urbe restituta usque ad excidium per Romanos. 216

E X E R -

SERIES EXERCITATIONUM.

EXERCITATIO XII.

Historia Hierosolyma, ab excidio Titi ad nostra usque tempora. 267

EXERCITATIO XIII.

Qua disputatur, Evangelium per Apostolos Americanis olim predicatum fuisse. 315

EXERCITATIO XIV.

Qua ostenditur probari non posse, quod Evangelium per Apostolos Americanis predicatum sit. 325

EXERCITATIO XV.

De Vita Johannis Baptista, observationibus Historicis & Criticis illustrata. 366

EXERCITATIO XVI.

De Vita Timothei. 438

EXERCITATIO XVII.

De Usu & Abusu Rationis circa Mysteria Fidei. 457

EXERCITATIO XVIII.

De Conscientia nunquam, an aliquando, errante. 470

EXERCITATIO XIX.

De Efficacia & Utilitate Baptismi in electis fœderatorum Infantibus. 480

EXERCITATIO XX.

De Theologia Gentilium in negotio Justificationis. 524

EXERCITATIO XXI.

De Theologia Judæorum in negotio Justificationis 548

EXERCITATIO XXII.

De Controversiis, qua Apostolorum ætate in Ecclesia Christiana circa Justificationem orta sunt. 566

* *

EXER-

SERIES EXERCIT. & ORAT.

EXERCITATIO XXIII.

De mente Pauli in negotio Justificationis. 574

ANIMADVERSIONES IRENICÆ,

Ad Controversias . qua , sub infausis Antinomorum & Neonomorum nominibus , in Britannia nunc agitantur. 591

SERIES ORATIONUM

I.

Oratio Inauguralis Franequerana , de Vero Theologo. 664

II.

Oratio Inauguralis Trajectina , de Præstantia Veritatis Evangelicæ. 680

III.

Oratio Inauguralis Leidensis , de Theologo Modesto. 705

IV.

Oratio Panegyrica de Theocratia Israelitarum. 717

V.

Oratio de felici , an infelici , Reipublica Literaria ; hoc sæculo statum. 730

ACCESSERE IN FINE

Judeus Christianizans , & Dissertatio Epistolica ad Ulricum Huberum , qua duæ Diatribæ etiam seorsim editæ sunt.



GLORIA MESSIÆ REGIS,

In demonstratione Justitiæ & Gratiæ, revelata

JESAIAE.

C A P. V I.

B R E V I A R I U M.

I. Nulla rerum Divinarum contemplatio utilis est, nisi qua animum Dei reverentia imbuat. II. Capitis hujus argumentum, & partitio. III. Prima partis subdivisio. IV. An visio hæc fuerit Jesaia primum Prophetici muneris auspiciū. V. Tempus visionum accurate a Prophetia annotatum. VI. Cur epocha hujus visionis figatur in anno emortuali Ussie. VII. Is valde notabilis est. VIII. Nexus inter mortem Ussie, & manifestationem regni Christi. IX. Quid visio Dei sit. X. Quis Dominus ille, quem vidit. XI. Quid celsum solium; & an in templo conspectum: quid sessio in solio. XII. Quid fimbria, replentes Templum. XIII. Harum rerum significatio mystica. XIV. Et applicatio ad animum. XV. Seraphim, cur sic dicti, qui, & quot. XVI. Cur starent, & quidem supra thronum. XVII. Cur sena singulis ala, & quis earum usus. XVIII. De clamore unius ad alterum. XIX. Dem, cur dicatur Jehova Sebaoth. XX. De elogio Sanctitatis, ter repetito. XXI. De gloria Jehova implente totam terram. XXII. Pia super hisce rebus meditationes. XXIII. De postibus ad vocem clamantem commotis. XXIV. De fumo replente domum. XXV. In quibus rebus exprobratio fuit obdurationis & occacationis Judæorum.

Tom. II,

A

XXVI. Con-

SERIES EXERCIT. & OR

EXERCITATIO X

De mente Pauli in negotio Iustificacionis,

ANIMADVERSIONES IRE

Ad Controversias . quæ , sub insensu Academicorum nominibus , in Britannia nunc agitur

SERIES ORATION

L

Oratio Inauguralis Francoquerana , de Vero

II.

Oratio Inauguralis Trajectina , de Præstantissima

III.

Oratio Inauguralis Leidenfis , de Theologo .

IV.

Oratio Panegyrica de Theocratia Israelitarum

V.

*Oratio de felici , an infelici , Reipublica
culo statu.*

ACCESSERE IN F

*Judæi Christianizans , & Dissertatio Epistolæ
Huberum , qua duæ Diatribæ etiam scriptæ*

XXVI. *Confernatio Propheta.* XXVII. *Causa confernationis, in Propheta, & populo.* XXVIII. *At præcipue, in conspectu Divinae Majestatis.* XXIX. *Pia observationes.* XXX. *Secunda partis subdivisio: & de Serapho advolante.* XXXI. *De Pruna ardente, illiusque usu & significatione.* XXXII. *De Sermone Seraphi, qui Symbolo junctus fuit.* XXXIII. *De ipsius Dei ad Prophetam alloquio.* XXXIV. *Et invitatione ad munus Propheticum.* XXXV. *Prophetae alacritas.* XXXVI. *Tertia partis subdivisio.* XXXVII. *Jubetur Propheta prædicere defectum attentionis in audiendo & videndo.* XXXVIII. *Itemque indurationem & occæationem.* XXXIX. *Quæ attribui potest, vel populo.* XL. *Vel Deo.* XLI. *Vel Propheta.* XLII. *Et inducit impossibilitatem conversionis, ac salutis.* XLIII. *Judicium hoc Christi patefacti tempore potissimum incubuit populo Israëlítico.* XLIV. *Ejus rei rationes.* XLV. *Cur omnia hæc tanto ante tempore prænuntiata sint.* XLVI. *Jesaja interpellatio.* XLVII. *Denuciatio pænæ.* XLVIII. *Promissio gratiæ.* XLIX. *Ob semen sanctum.* L. *Nostrium circa hæc omnia officium.*

I. Nulla rerum Divinarum contemplatio milis est, nisi quæ animi reverentia imbuat.



Uum oppido jucunda, neque minus utilis animo meo acciderit illustris hujus vaticinii meditatio, facile in eam inductus sum sententiam, non male me publico consulturum esse, si, quæ initio professionis in Academia Lugduno-Batava auditoribus meis viva voce exposui, eadem nunc iis, & quibuscunque nostra inspicere libuerit, scripto consignata exhibeam. Nam certe verborum elegantia, rerum præstantia & sacra quædam pompa, materiæ ubertas grataque varietas, & quidquid tandem generosis mentibus, Divinarum veritatum amore tactis, solidam voluptatem conciliare potest soletque; omnia ista in mirabili hac visione ita concurrunt, ut singula vix alibi luculentiora invenias. Unde secus fieri non posse arbitror, quin eadem, si ista quæ par est animi contentione expendantur, insignem habitura sint valentiam ad mentes nostras ea fide atque reverentia imbuendas, quam Christo Jesu, Domino, Regi ac Judici nostro gloriosissimo, debemus. Quo nisi directa sint studia nostra, in cassum omnis impenditur labor atque industria; & inanis, damnosa, immo & damnabilis, quantacumque eruditionis ac sapientiæ jactatio erit. Non aliud certius profectuum nostrorum argumentum est, quam quod incredibilem Sospitatoris nostri Majestatem, collatamque cum ea nostram vilitatem, aut verius *divitiarum*, clarius solito cernentes, nobis ipsis prorsus displiceamus, illius autem admi-

admiratione perculsi, & in sacrum quendam stuporem acti, nunquam in tam illustri gloriæ contemplatione, veneratione, ac prædicatione desiderii nostris satisfaciamus. Sic ergo in tremendæ hujus apparitionis commentatione versabimur, ut, iis quæ non nisi male curiosarum mentium levis pastus sunt consilio insuper habitis, ea solum sectemur quæ conscientiæ in fide ac pietate ædificandæ idonea sunt. In quibus tandem quæsitum operæ pretium inveniemus. Adsit cœptis Deus, eodemque nos spiritu ad intelligentiam hujus prophetiæ ducat, quo eam olim menti Jesaiæ repræsentavit. Amen.

II. ARGUMENTUM totius Capitis, est repræsentatio Jesu Christi in gloriosa regni sui Majestate, per Prophetam Jesaiam, solemniter sanctificatum & prædicare jussum, severissimi judicii sententiam in rebellem populum Israëliticum pronunciantis, quo ad stuporem, excæcationem & obdurationem damnati sunt, tunc potissimum iis incubituras, quando regnum Messiae in medio ipsorum manifestabitur, donec nefandam istam pertinaciam reipublicæ suæ excidione luant: servatis interim reliquiis secundum electionem gratiæ. PARTES itaque majores visionis hujus tres sunt. I. GLORIOSA APPARITIO DEI IN CHRISTO REGNANTIS, vers. 1--5. II. SANCTIFICATIO ET MISSIO JESAIÆ ad prædictionem earum rerum quæ eventuræ erant populo, vers. 6-8. III. PRONUNCIATIO INFANDI JUDICII in Israëlitas refractarios, vers. 9-13. Singulæ rursus partes in suas sunt secundæ particulas, ut, quantum fieri pote est, nihil inexcussum relinquatur.

III. *Gloriosa Dei in Christo regnantis apparitio* descripta versibus quinque prioribus, rursus tria continet. I. *Designationem personæ*, cui facta. II. *Definitionem temporis*, quando facta. III. *Repræsentationem rei*, imprimis memorandæ. Ubi iterum tria observatu dignissima. I. *Majestas* regnantis in Christo Dei. II. *Satellitium* tanto Rege dignum. III. *Tantarum rerum sequela & effectus* geminus: alter respectu *templi trepidantis*, & *implendi fumo*, alter respectu *Prophetæ*, ingenti *consternatione perciti*.

IV. Is cui gloriosa ista apparitio contigit, JESAIAS est, de se ipso in prima persona loquens, visionemque hanc sibi evenisse testans. Non lubet hic de Prophetæ nomine, genealogia, vitæque ac mortis genere prolixam disputationem ingredi. Alibi nobis commodior ea re agendi oblata occasio est. Eoque se nunc ablegari, ægre ne ferat, æquum Lectorem rogo. Vide *Miscel. nost. Lib. I. Cap. XVIII. §. LI. & in Præf. §. XIII.* Id nunc inquirendum esse videtur, an ista de qua disputamus visio, prima sit earum omnium quibus ipsum dignatus est Dominus, munerisque sui Prophetici exordium. Non desunt

qui ita opinentur; his potissimum inducti rationibus. I. Quia hic se profiteretur Dominum vidisse, non prius. II. Quia hactenus impurus labiis fuit, neque ad sancti muneris functionem rite comparatus. III. Quia circa has apparitiones se gerit, ut novum planeque inexercitatum tyronem, nondum iis assuefactus. IV. Quia videtur detrectare docendi munus, quod non fuisset facturum, si jam aliquamdiu eo functus esset. Neque ob stare sibi putant ordinem, quo visio ista narratur. Nam in collectione prophetiarum non exacte semper temporis ordinem esse servatum ignorare non possunt, qui, ut cætera taceam, Jeremiæ volumen aliqua cum sedulitate tractarunt. Sed quamvis non sine specie aliqua hæc ita disputentur, verius tamen esse censeo, exhiberi hic nobis eam visionem, non qua Jesaias Propheta primum constitutus, sed qua in Prophetici muneris functione insigniter confirmatus est. Non quod ex nudo narrationis ordine probari id posse existimem; sed partim quia inscriptio, tam integri voluminis, quam hujus prophetiæ, eo nos ducit; partim quod rationes in contrarium prolatae infirmiores sint, quam ut assensum impetrent. Sane inscriptio capitis primi, *Visio Jesaiæ quam vidit in diebus Ussia, Jotham &c.* primordiis multo aptior est, quam quæ huic capiti præfigitur. Ibi certe docemur, Jesaiam regnante etiamnum *Ussia* prophetasse. Hæc autem visio contigit ei anno quo *Ussias mortuus* est, admodumque probabiliter post ipsius mortem; uti mox prolixius ostendemus. Neque dicit Jesaias, nunc *primum* sibi apparuisse Dominum. Quod etiam si dixisset, non tamen idcirco hactenus non fuisset Propheta. Potuisset enim a Domino erudiri, vel in *somnis*, vel *externo* etiam *alloquio*, vel *interno* cœlestis *lucis* in animam *illapsu*, sine objecta sibi *specie* aliqua *visibili*. Deinde aptitudo ad munus Propheticum, Prophetarumque tam sapientia, quam sanctimonia, suis interfecta sunt gradibus; quibus ministros suos Deus paullatim ad sublimiora evehit. Quod & Apostolis usu venisse ex Evangelica constat historia. Porro non soli tyrones. sed & sacrorum vatum exercitatissimi ad gloriosas Dei apparitiones vehementem in modum consternati sunt: quod ex Ezechielis, Danielis, Johannis Apostoli, aliorumque exemplis, in liquido est. Neque novum videri debet, quod Jesaias insolita tantæ gloriæ apparitione ita fuerit perculsus, ut Prophetam se esse quasi oblivisceretur. Denique mirum non est, si gravitatem muneris apud rebellem, duræque cervicis, & adamantini cordis populum, expertus, & ad tam puræ gloriæque intuitum sanctitatis, suæ convictus impuritatis, novoque terrore attonitus, sese excusat. Eo itaque visio ista pertinet, tam ut animaretur ipse ad constantiam, majorique alacritate in suo deinceps cursu pergeret, quam ut cœlesti auctoritate sancti-

IN JESAIÆ VI. VERS. I. 5

fanciretur ejus ministerium apud Judæos. Adeo nemo est tanta heroiæ animi fortitudine præditus. quem non ferocientis populi pervicacia statione aliquando sua dejiciat. Ipsi illi, quos *equos Divinæ Majestatis in prælio* dixeris, calcaribus aliquando & palpo indigent. Estque hæc indulgentissimi Domini nostri clemens benignitas, ut fatiscientes suorum animos insigni gloriæ suæ manifestatione erigat, Gen. xxviii: 12. xxxiii: 1. Exod. xxxiii: 18, 19. xxxiv: 5. Jos. v: 13. Ezech. i: 1. Dan. x: 5.

V. ANNO QUO MORTUUS EST REX USSIAS, apparitionem hanc sibi factam esse, Propheta annotavit. Ubi generatim ^{visionum} primum observare lubet, quam sollicitè sancti Dei homines ad oblatarum sibi visionum ^{accurate a} *tempus* attenderint, & quam accurate illud ituris ^{Prophetis} *annotatum*. in secula chartis commendaverint. Hic *annum* designatum videmus. Alibi & *ensem*, & *diem*. Ezech. i: 1. Hag. i: 1. & ii: 1. Est, ubi & diei *horam*, Dan. ix: 21. Act. x: 3-9. Nimirum amat Deus *angelorum* servorum suorum, ut ad omnia, etiam circumstantias Divinorum operum attendant; meminerintque non solum *quid* sibi acciderit, sed & *quomodo*, & *quando*. In omnibus sane mirabilem sese Divina præstat Providentia, etiam in temporum occasionumque, quas ipsa format, selectu. Rem quamque pulcram facit suo tempore, Eccl. iii: 11. Hæc igitur magna sapientiæ justorum pars est, ut in ipsa quoque temporum dispensatione Divinam cernant laudentque sapientiam. Ea se quandoque rite attendentibus patefacit. Nonnunquam magis in abdito latet. Semper tamen sibi similis, aut, verius, eadem est. Utile simul atque jucundum est, ubi eam cernere datur: & deprehendere licet Divinarum operationum nexum, & concinnam veluti catenam. Quam pulcra observatio est, ea diei parte Gabrielem Danieli revelatum venisse Messiae mortem, nimirum *tempore sacrificii vespertini*, quo & ipse Daniel intentus erat orationi, & Messias ad peccatorum expiationem, æternæque justitiæ adductionem, moriturus, Dan. ix: 20, 21. Ita docebatur Daniel oranti se Deum, etiam inopinato, manifestare: & docemur nos, ex eventus cum vaticinio conflictu, eadem diei hora prænunciatam esse mortem Christi, quâ contigit. Tanti est, Daniele id cum cura, non solum pro se ipso observasse, sed & nobis scripto reliquisse. Hoc exempli duntaxat causa dictum esto: prolixum enim foret ire per singula. Cæterum ubi ea Dei sapientia in temporum dispensatione non æque liquet, credi tamen eam oportet, & vel ab ignorantibus laudari. *Quis est sapiens, observet hæc, & advertat animum ad misericordias Jehova,* Pl. cvii: 43.

VI. *Cur
epocha hu-
jus visionis
figatur in
anno emor-
tuali Ussie.*

VI. At propius aliquanto hanc temporis designationem spectemus. *Anno quo mortuus est Rex Ussias.* Non placet mihi Chaldæi Paraphra-
stis, aliorumque Hebræorum sententia, qui *mortem* Regis exponunt de
lepra (quæ certe *mors civilis* erat) quum Rex se ab hominum consortio
subducere, & principatu abdicare coactus est. Nihil enim est, quod
a literæ simplicitate proprioque mortis significatu, recedere jubeat,
suadeatve. At quum multa isthoc anno gesta sint, unde epocham in-
choare propheta potuisset; cur mavult a *morte Regis Ussie*? Enimvero
hoc determinatius, finitiusque est, quam si *primum Jothami* annum,
qui certe cum hoc ipso idem est, nuncupasset. Initium enim regni
Jothami putari potest bifariam: vel ab eo tempore quo leprosi patris
nomine & loco reipublicæ præfuit, vel ex quo functo parenti successit.
2. Reg. xv: 5-7. Faceffit autem omnis ambiguitas, ubi Chronologia
figitur in anno emortuali Regis Ussie. Id duntaxat relinquitur dubium,
an *ante*, an *post* Ussie mortem ista contigerit. Hoc tamen illo longe
probabilius est. Nimirum superiora vaticinatus erat Jesaias, viventi
etiamnum Ussia, ut inscriptio primi capitis docet: fortassis, postquam
jam percussus esset lepra. Nam longinquitas temporis, quo ad Ma-
nassis usque regnum prophetavit, jubet primordia vaticiniorum ad
postremos Ussie annos rejicere. Sic itaque existimo; quum jam obiis-
set Ussias, & vel successurus illi esset, vel successisset Jotham, obla-
tam hanc Jesaiæ visionem esse.

VII. *Le val-
de notabi-
lis est.*

VII. Longe profecto notabilior erat exitus Ussie, quam initium
Jothami, digniorque qui visioni huic epocham daret. Ussie enim
historia omnibus omnium seculorum mortalibus, cujuscunque ordinis
ac dignitatis, pro exemplo est, quo edoceantur, quam accurate, sol-
licite, ac præcise se Deus coli postulet, neque ferat, ut quis, præfer-
tim in re religionis, præter ordinem ac vocationem, temere quidquam
fufcipiat. Conf. Lev. x: 1, 2. 2. Sam. vi: 6, 7. 1. Reg. xiii: 20.
Hac Lege non Reges minus, quam sacerdotes, quam cives, quam
servi tenentur; nec si violaverint, vindices Dei manus effugient, 1.
Sam. xiii: 8, 13. Severo mandato caverat Deus, ne quis præter
sacerdotes, filios Aaronis, sacra in templo faceret. Si fecerit, capi-
tale fore, Num. iiii: 10. Uti noluit Deus, Regem, ex tribu Judæ,
sacerdotem agere; ita nec sacerdotem. ex tribu Levi, solum & co-
ronam, tribui Judæ promissam, invadere. Tentarunt id Hasmonei,
sed invito Numine, Ezech. xxi: 26, 27. Soli Christo combinationis
hujus honos competit, Ps. cx: 2-4. Zach. vi: 13.

VIII. *Ne-
xus inter
mortem*

VIII. Quæ observatio eo nos paullatim ducit, ut animadvertamus
sapientem illum nexum, quem Divina fecit Providentia inter mortem
Ussie,

Ussias, & hanc manifestationem regni Christi. Nimirum is nunc repræ-Ussias, &
sentatur, qui & Rex & Sacerdos simul est, post regem, qui improbe-manifesta-
sacerdotium regno jungere est ausus. Videtur etiam Ussias ut in aliis-sionem re-
quibusdam, ita in hac historiæ suæ parte, typus fuisse Christi. Quam-gni Christi.
rem prolixè & subtiliter exsecutus est solidissimus Theologus *Josue Pla-*
cens, in sua ad hunc locum disputatione. Ego summam hic dabo,
æquo lectori dijudicandam. Extincto, inquit, Rege Judæ umbratili,
verus Rex apparuit: innuens, se tum demum proditurum majestatem
suam Regiam, quum fuerint de medio Reges Judæ sublati. Solus
Rex Ussias conjungere sacerdotium voluit cum Regio munere, ausus
adolere incensum super altare thymiamatis. Quod fecit Ussias male,
id Christus fecit optime: utrumque enim munus in se suscepit, præeun-
te vocatione legitima, sed Judæis ignota. Restitit Ussias summus sa-
cerdos, cum reliquis sacerdotibus, bene: restiterunt iidem Christo,
pessime. Noluit a malo suo proposito dimoveri Ussias; nec a bono
Christus. Percussus est Ussias lepra, plaga immunditiem legalem se-
cum trahente. Et de Christo dicitur, *Jes. LIII: 4. Nos putavimus*
eum quasi leprosum, & percussam a Deo. Ussias, pro immundo a sa-
cerdotibus habitus, ejectus est ex templo, & domo regia, aliorumque
Judæorum consortio. Christus, veluti immundus & civitate Dei indi-
gnus, extra urbem pulsus est. Ita Rex Ussias desiit dominari Judæis,
retento tamen sibi jure regni, quamvis illud non exerceret. Et Chri-
stus jus regni in Judæos retinet, licet illo nunc non utatur. Hæc om-
nia, sic pergit *Placens*, manifestum est competere in Christum ser-
vata proportionem inter umbram & corpus; ac dempto peccato, quod
umbræ est proprium. Sublata igitur umbra, viva imago veritatis
ostendit se Jesaiæ. Atque hæc dicenda habui de designatione temporis.

IX. Nunc ad rei ipsius repræsentationem accedamus. VIDI DO-IX. *Quid*
MINUM SEDENTEM SUPER SOLIUM EXCELSUM ET ELEVATUM, ET *visio Dei sit.*
FIMBRIÆ EJUS REPLEBANT TEMPLUM. Ubi & *actio* Prophetæ nar-
ratur, & actionis *objectum*. VIDI, inquit. Dei essentia invisibilis est;
non solum *corporeis oculis*, quum sit spiritualis, sed & *oculis mentis*,
quoad sui plenitudinem, quum sit infinita, *Joh. I: 18. 1. Tim. VI: 16.*
Nemini etiam mortalium in *hac vita* datur ita Deum videre, uti vide-
bitur in *futura*, *Exod. XXXIII: 20.* Atneque de ista Dei visione hic est
cogitandum, quæ sola animi *contemplatione ac meditatione*, sive *naturali*
illa, *Rom. I: 20.* sive *spirituali* etiam ac mystica, *Ps. XXVII: 4. LXIII:*
3. peragitur. Sed visio hæc consistebat in *repræsentatione symbolica* spe-
ciei alicujus corporeæ, quæ vel *revera* oculis Prophetæ objiciebatur, vel,
quod malim, *phantasia* ipsius, sic ut Divina aliqua virtute spiritus ani-
males

males in cerebro non aliter afficerentur, quam ad realem præsentiam objectorum in oculos agentium affici solent. Atque hinc est ut phantasmata illa Prophetarum sive dormientium, sive vigilantium, non minus dilucida ac distincta sint, quam si oculis cernerentur fidelibus. Placuit autem Deo frequenter *humana se specie* videndum exhibere: sive corpus assumeret revera, Gen. xvi 11. sive speciem solum & repræsentamen corporis vel in aëre formaret, vel in videntium animo pingeret: Ezech. 1: 26, 27. Dan. x: 5. in qua erat veluti præludium aliquod *ἑωραῖσθαι* Filii Dei, & arrha spei nostræ, fore aliquando ut *Deum videamus sicuti est*, 1. Joh. 111: 2. hoc est, non minus familiariter ipsum cognoscamus, quam amicus amicum, cujus faciem e propinquo intuetur, & in facie animi imaginem; cujusque quotidiano & amicissimo colloquio fruitur. Hactenus quidem in muneris sui functione *audiverat* Propheta verbum Domini, sed non *viderat* ita Dei gloriam. Sic paullatim ducit suos Deus ad ulteriora. Primum exercet fidem; deinde se præbet conspiciendum, Job. xlii: 5. Nam quod Deus Jesaiæ ut Prophetæ concessit, id alio quidem modo, attamen concedit electis suis in hac quoque vita: ut non *credant* solum, aut *rationatione colligant*, sed & *videant gustentque Jehovam suavem atque benignum esse*, Pl. xxxiv: 9. 1. Pet. ii: 3. Estque hæc profecto magna Dei cum homine familiaritas, digna, quæ, cum omnibus, quantum fieri pote est, circumstantiis suis, penitæ infigatur memoriæ: ut etiam, postquam defuit, meditationibus nostris, ad fidei speique firmamen, præsto maneat.

X. *Quis Dominus ille, quem vidis.*

X. At distinctius consideremus, quem viderit Jesaias. Is describitur I. Ut DOMINUS. II. INSIDENS SOLIO EXCELSO ET ELEVATO. III. FIMBRIIS SUIS REPLENS TEMPLUM. *וישׁב* DOMINUS indubie hic Deum notat, quem, quotquot vere Christiani sumus, Triunum ex sacris literis credimus. Qui hic menti nostræ obversari potest, vel *essentia*, vel *personarum* intuitu. Gloriam, quæ hic repræsentatur, Divinam esse, atque hactenus *essentia* Dei, etiam seposita personarum distincta consideratione, competere, nemo, opinor, ibit inficias. Si de singulis personis cogitemus, non puto mortalium quemquam futurum esse, qui gloriæ istius participatione excludat *Patrem*. Sed & *Filio*, & *Spiritu Sancto* eadem attribuitur, Joh. xii: 41. Act. xxviii: 25. Nimirum, quoniam, propter essentiæ unitatem, personæ seungi nequeunt, ubi una videtur, videntur & ceteræ: una quippe eademque omnium est gloria, Joh. xiv: 9, 10. Atque hæc, tam unitas, quam distinctio, satis aperte innuitur variatione ista numeri quæ invenitur vers. 8. *Quem MITTAM? & quis ibit NOBIS?* Præcipue tamen de *Filio* hic cogitandum. Huc enim & Johannes nos trahit, & res ipsa ducit. Quum mani-

manifestum sit ex omnibus epithetis, totaque narrationis serie, cuncta quæ vidit, quæ audivit Jesaias, in Christo Salvatore nostro verare: cui Pater & regnum, & judicium omne tradidit, Joh. v: 22-27. Vocatur autem אֲדֹנָי, κύριος, DOMINUS, cum singulari appropriatione istius nominis, Mal. III: 1. Ps. CX: 1. Joh. XIII: 13. Phil. II: 11. Εἰς κύριος. 1. Cor. VIII: 6. Eph. IV: 5. ὁ αὐτὸς κύριος. 1. Cor. XII: 5. Competitque hic ipsi dignitatis titulus in omni significationis suæ valore. Quia *Jehova exercituum* est, infr. vers. 5. imperium habens in omnes, & omnia, & speciatim in creaturas rationales, ut earum legislator, exemplar, & finis, Jes. XXXIII: 22. Tum etiam quia, ut Mediator, speciale dominium habet in electos, a Patre sibi datos, Joh. XVII: 6. a se emptos, 1. Cor. VI: 19, 20. actuque sibi per vocationem efficacem assertos ac vindicatos, Tit. II: 14. Quod sane omnes, quotquot Christus isthoc dignatur honore, agnoscere & profiteri par est: Act. II: 36. 1. Cor. XII: 3. ut omni alieno dominio, Satanæ, mundi, peccati, sui ipsorum, sincere renuncient, *quam nemo duobus simul dominis servire queat*, Mat. VI: 24. Christo autem, unico Domino, in omnibus se submittant, Ps. CXVI: 16. tam quoad jubentem, quam decernentem ejus voluntatem.

XI. Ut autem Domini istius Majestas liquidius appareat, repræsentatur, ut INSIDENS SOLIO CELSO ET ELEVATO. *Solium* symbolum est *Regis*, 1. Reg. II: 12. & *Judicis*, Dan. VII: 9. qui quo est augustior, eo splendidius ampliusque habet solium, 1. Reg. X: 18. Deo in sacris geminum frequenter adscribitur solium, alterum *in cælo*, Psal. CIII: 19. sive *cælum* ipsum, Jes. LXVI: 1. alterum *in Sanctuario*, nimirum in aureo operculo propitiatorio, imposito arcæ fœderis, in medio Cherubinarum, Exod. XXV: 22. Ps. LXXX: 2. XCIX: 1. vel ipsum *Sanctuarium*. Jer. XVII: 12. Neutrum hic intelligitur. Sed representamen ab utroque diversum, *forma, situ, locoque* speciali. *Forma* erat רם *excelsum*, amplum, altum, in magnam se tollens celsitudinem, ut Jes. X: 33. רמי הקומה *proceri statura*. *Situ*, מָעוֹן, *elevatum*, collocatumque in sublimi, ut Jes. II: 2. מִבְּעוֹת נִשָּׂא *extolletur supra colles*. Nisi malimus voces ejusdem significationis esse, junctas emphasios caussa, ut Jes. II: 13. אֲרָוֵי חִלְבָּנוֹן וְהַרְמִיָּם וְהַנֶּשְׂאִים *cedri Libanon proceræ & excelsæ*. At quo tandem loco? Certe *circa templum*: an & *in templo*? Hæsitant Interpretes. Chaldæus, בְּשָׂמִי מְרוֹמָא *in calis excelsis*. Hunc sequuntur ex Hebræis, nostrisque, non pauci. Verius puto, conspectum *in templo*. Quod tamen cum distinctione aliqua clarendum. Templum quandoque notat totum illum locum sacro cultui destinatum, quo *atrium* utrumque, tam *populi*, quam *sacerdotum*,

comprehenditur, quæ sub dio erant: Jer. vii: 10. xxvi: 10. eoque sensu frequentissime tam in V. quam in N. T. in *templum* adscendisse, vel venisse, dicuntur, quibus fas non fuisse ulterius quam in *atrium* penetrare constat. Alibi templum strictius sumitur pro sola *ade sacra*, cujus tres erant partes, *חול* *porticus*, *חזית* *templum* strictissime dictum, sive *sanctum*, & *הדביר* *adytum*, sive *sanctum sanctorum*, 1. Reg. vi: 2, 3, 5. Altitudo porticus valde sublimis erat, si cum latitudine & longitudine contendatur. Longitudo erat cubitorum viginti, secundum frontem latitudinis domus, latitudo cubitorum decem, 1. Reg. vi: 2. altitudo vero cubitorum centum & viginti, 2. Chron. iii: 4. In hac *porticu*, verisimile est conspectum solium esse. Non solum quia antiquitus Reges in porticu palatiorum ad jus dicendum confidebant, 1. Reg. vii: 7. Christus autem hic ut Rex & Judex repræsentatur: sed præcipue, quia cetera omnia tunc exacte quadrant. Nam ob loci celsitudinem, solium & sublime esse potuit, & in sublimi, & in propinquo fuit altare, ex quo desumpta ab Angelo pruna, & sic facile explicatu est, quo modo fimbriæ ipsius repleverint templum, quod ex altera hypothese vix concipi possit, nisi prius in animum induxeris, quod *replere* & *contegere* idem sonent. Ut rem in pauca conferam: *Solium* regiam ac judicariam Christi dignitatem ac potestatem notat: solium *in templo*, summum ejus in Ecclesiam præcipue dominatum, solium *celsum* ac in *sublimi* locatum, regni eminentiam, non modo supra mundi splendidissima Imperia, sed & supra veteris populi umbraticam Theocratiam, cujus thronus erat operculum arcæ, non in sublimi, sed in solo positæ. *Sessio* in folio, exercitium muneris regii ac judicarii, nunc solennibus quibusdam actibus palam demonstrandi. Nunquid & muneris *sacerdotalis*, quum dicatur Zach. vi: 13. *eritque sacerdos in folio suo*? Nolim improbe refragari. Vix tamen a me impetro, ut eam rem hic & nunc agi existimem. Quoniam ea, quæ Regis magis quam quæ Sacerdotis sunt, toto hoc capite describuntur. Quamvis hæc, veluti in templo existentia, Prophetæ repræsentata fuerint, non tamen idcirco necesse est, ipsum revera corpore suo in templo fuisse: potuerunt enim ei vel domi, vel in agro, vel alibi agenti, eadem offerri, quod & aliis frequenter Prophetis accidit.

XII. Quod
fimbria, re-
plens
templum.

XII. Additur, ET FIMBRIÆ EJUS REPLEVERUNT TEMPLUM. Vox Hebræa *שוליים* *ora*, *fimbria*, non nisi de vestibis, quod sciam, in sacris usurpatur, Exod. xxviii: 33. *על שוליו* *ad fimbrias ejus*, pallii hyacinthini, vers. 34. clarissime, *שולי המעיל* *fimbria pallii*. Sic & Jer. xiii: 22, 26. Thr. i: 9. Unde colligo, non tam de ora folii

folii cogitandum esse, quod quibusdam allubuit, quam de fimbriis vestium ejus qui infidebat folio. *Josue Placens*, summo merito suo, aliquoties jam nobis laudatus, existimat alludi, non tam ad fimbrias vestis *regia*, quarum nulla usquam in sacris est mentio, quam ad fimbrias vestis *pontificia*, quæ accurate describuntur, Exod. xxviii: 33. & xxxix: 24. & erant admodum amplæ; habebant enim in ambitu multa aurea tintinnabula, malis punicis pretiosissimis ordine dispositis interjecta. Cujus umbræ corpus in Christo sit, qui, ut Rex & summus Sacerdos, sedet in domo Dei, hoc est, sua, sublimis, eamque totam implet aureis tintinnabulis & malis punicis, id est, pretiosissimis sacerdotii sui nunciis & fructibus. *Idem enim ipse qui descenderat, ascendit supra omnes cælos, ut impleret omnia*, Eph. iv: 10. Negan- dum sane non est omnia ista, pie, vere, gloriose, de Christo prædi- cari; non tamen dubitare nefas, an huic loco recte congruant. Nam præterquam quod, ut supra monui, Regis potius quam Sacerdotis partes Christus hic sustineat; fimbriæ pallii sacerdotalis an admodum amplæ fuerint nescio; hoc scio, non fuisse longas, neque attigisse so- lum, quum Pontifex, sacra facturus, templum intraret, nedum si in sublimi sedisset folio. Ut autem vestes regiam aliquam impleant, non amplas modo, sed & longissimo fyrmate præditas esse oportet, præ- fertim, si, qui indutui habet, in sublimi conspiciatur. Credibilis itaque arbitror, alludi ad morem Regum in Oriente, qui togam am- plam gestabant, longumque fyрма trahebant. Ita rem concipio; vi- sum esse thronum in porticu, in excelsa aëre, sic, ut qui insideret throno, non procul a summa contignatione porticus, capite suo, ab- esset, throni autem infima pars sublimior esset ostio templi, sive sancti, adeo ut vestes, amplitudine & prolixitate sua fluentes, per ostium sanctuarii se dimittere, illudque implere potuerint.

XIII. Dubium non est, quin hæc quoque habeant significationem XIII. Ha-
rum rerum mysticam. Non contemno *Wolfgangi Musculi*, diligentissimi interpretis, significatio
mystica. observationem, Prophetam de superioribus Divinæ majestatis orna- mentis nihil, de infimis vestium oris tantum meminisse: eaque re ex- primi consternationem animi religiosi, qui in visionibus Divinis, non superiora, sed vix infima contemplatur. Quod imitandum omnibus modestis Dei ministris est, ne temeraria & irreligiosa præsumptione ad superiora & secretiora mentis oculos elevantes, nihil inde quam ex- cæcationem reportent: experianturque, infelici exemplo, veriverbium illud, *Scrutator Majestatis opprimitur a gloria*. At majora subesse cre- do. *Vestes* Christi notare possunt I. *Decus* potentiae, justitiæ, bonitatis, opulentiae, & gloriæ ipsius, Pl. xciii: 1. civ: 1, 2. Jes. lix: 17.

II. *Justitiam* Christi Mediatoris, qua electorum suorum delicta tegit, eosque gratos & acceptos Patri suo facit; uti olim Jacobus erat Isaaco, indutus amictu fratris primogeniti, Dan. ix: 24. Ap. xix: 8. III. *Sanctitatem & Gloriam*, qua Ecclesiam ornat, Ps. xlv: 14. 15. cx: 3. Quidquid enim Christus habet, cum Ecclesia sua, singulisque illius membris, liberalissime communicat. Eo enim pertinet, quod fimbriæ vestium repleverint templum.

XIV. Et
applicatio
ad ani-
mum.

XIV. Ita Jesaias Jesum vidit: nos eum nobis ad eundem modum repræsentemus oculis fidei ac devotæ meditationis. Et primo quidem ut *Regem* magnificentissimum. Nunquam nos offendat ejus humilitas, & forma servi, quam, nostri causa, lubens assumpsit, & in diebus carnis suæ, ad salutem nostram, circumgestavit. Etiam tum radii quidam Majestatis ipsius emicuerunt, Joh. i: 14. Mat. viii: 27, 31. At post eam, majorem consecutus est gloriæ splendorem, Jes. xlix: 6, 7. Eph. i: 20, 21. Phil. ii: 9, 10. Talem eum agnoscamus, qui Principibus, Regibus, Imperatoribus, Monarchis immensum excelsat, dignus quem nobiscum quidquid in terrâ sublime atque augustum est, omnesque adeo cœlestium geniorum chori, cernui adorent, coronas suas ad pedes ejus deponentes, Apoc. iv: 10, 11. v: 12, 13, 14. Majestatem ejus ita revereamur, ut contra mandata ipsius nec hiscere, nec velle, nec cogitare ausimus. Conf. Ezr. vi: 12. Portas urbium, ædium, cordium nostrorum ei aperiamus: ut nutu ac oculis suis quidquid virtuosum est inde pellat, Prov. xx: 8. Ad thronum ejus, quotiescunque nobis prece adeundus est, non nisi debita animi submissione accedamus, Hof. iii: 5. Ecc. v: 1. Et quidni liceat nobis, generoso in debellandis hostibus nisu, ad solii sui communionem adspirare? quippe quam victori promisit, Ap. iii: 21. Sed & meminermus, ad tribunal ejus comparandum nobis aliquando fore, Rom. xiv: 10. 2. Cor. v: 10. vindictamque & animadversionem in hostes futuram esse certimam, Ps. ii: 9. Luc. xix: 27. Trepidemus ad diem iræ ejus: sine mora crimina nostra agnoscences, confitentes, deplorantes, emendantes; tunc in clementia benignissimi judicis tutum inventuri receptum, Prov. xxviii: 13. Denique foedæ nuditatis nostræ convicti, ab eo nobis vestes justitiæ sanctitatisque comparemus, quibus ad justificationem, glōrificationem, decore exornemur, Ap. iii: 18.

XV. Sera-
phim, cur
sc dicti,
qui, &
quor.

XV. Postquam magni Regis nostri incomparabilem Majestatem contemplando oculos animumque pavimus, nunc *satellitium* attendamus tanta Majestate dignum; cujus descriptionem habemus vers. 2, 3. Ubi quatuor consideranda veniunt. I. Nomen. SERAPHIM. II. Situs. ADSTABANT EI SUPERNE. III. ALÆ, earumque usus. IV. CLA-

MOR.

μον δὲ λογίας. Illustres ergo hi Divinæ Majestatis ministri ac satellites Hebræo nomine סרפדים SERAPHIM dicuntur. Qua voce plerumque *serpentes ardentes* designantur, sive illi *Hydri* fuerint, quod *Bochartus* vult, sive *Presbiteres*, quod alii, Num. XXI: 6. Deut. VIII: 15. Ceterum ea significatio huic loco non videtur esse consentanea. Quod enim quidam contendant, sanctos Dei angelos urentium serpentum nomine ideo venire, quod quemadmodum hi olim in deserto, ita & illi nunc, ardentis iræ Dei in populum rebellem executores sint; longiuscule petatum est. Malorum angelorum emblemata, serpentes sunt; bonorum, non item. Satiùs igitur erit, ut per *Seraphim* intelligamus corpora ignita & ardentia, qualia conspiciebantur Jesaiæ. Quo symbolo repræsentati sunt *Angeli*: alibi quoque eadem ardentium corporum specie apparentes, 2. Reg. 11: 11. VI: 17. Ezech. 1: 13. Neque caret ea res mysteriis. Significari enim ignita isthac specie potest I. Natura eorum spiritualis atque agilissima, Heb. 1: 7. II. Lux sapientiæ, 2. Sam. XIV: 17. Dan. v: 11. III. Puritas sanctitatis, & fervor caritatis ac zeli. IV. Iræ Divinæ in ministris se suis declarantis æstus atque incendium, cujus vindices & executores in tremenda hac visione adstabant. Confer Gen. 111: 24. Ap. XIV: 18. XVI: 8. Non moramur Pseudo-Dionysii Areopagitæ, & Scholasticorum curiosas nugæ, novem Angelorum ordines fingentium, quorum omnium supremus sit, quem Seraphini absolvunt, septem gradibus ordine Archangelorum celsior. Quæ non nisi cassæ speculationes sunt hominum *pedem inferentium in ea quæ non viderunt, & temere inflatorum carnis suæ intelligentia*, Col. 11: 18. Neque de definiendo Seraphim hic apparentium numero solliciti erimus. Nam quod nonnulli non nisi *binos* fuisse conjectant, sicuti bini fuere Cherubim, primum in Tabernaculo, Exod. XXXVI: 7. dein in Templo; 1. Reg. VI: 27. id, quamvis *Calvino* nostro non improbatum, debili nititur fundamento. Quum necesse non sit horum numerum illorum numero respondere. Nam alibi in simili apparitione inveniemus *quatuor*, Ezech. 1: 5. alibi & *multas* simul *myriadas*, Ps. LXVIII: 18. Dan. VII: 10.

XVI. De *gestu* sitaque סרפדים סתים SERAPHIM testatur Propheta quod fuerint סתים סתים STANTES SUPER ILLUM. *Stare* ministrorum est, *starens*, & *sedente* domino, 1. Reg. 1: 2. x: 8. XVII: 1. Zach. 11: 7. quare innuitur promptitudo ad omnia jussa capeffenda, & ad eundum quo mittuntur, Matt. VIII: 9. Hoc statu alibi quoque conspecti sunt Angeli, Dan. VII: 10. Luc. 1: 19. quoniam sunt *spiritus ministratorii*, Heb. 1: 14. *nuntii Dei, valentissimi robore, efficientes verbum ejus, auscultantes voci verbi ejus*, Ps. CIII: 20. Stabant autem סתים סתים Chaldaeus,

מִן בְּרֹמָא קְדָמָה *in sublimi coram ipso*. Minus proprie. Kimchi, מִן לְיָ *prope eum*. Aben Ezra, *a dextris & sinistris*, Lxx. κύκλω αὐτῷ *circum ipsum*. Grotius aliique malunt, *juxta ipsum*. Nihil recte. Quamvis enim עַל sæpe significet *juxta*, vel *apud*: מִמֶּעַל tamen nunquam aliud notat quam *super*, aut *superne*. Vide Jes. xiv: 13. Jer. lii: 32. Dan. xii: 6. & sic passim. *Supra eum* referri potest vel ad thronum, vel ad eum qui insidebat throno. Illud notæ Anglicanæ malunt, quandoquidem indecorum videtur ministros superiore quam Regem loco constitui. Concipit itaque doctissimus earum auctor, inferiorem throni in porticu conspecti partem æqualis fere altitudinis fuisse cum suprema parte ostii templi, unde se demittebat vestis regia; caput autem Regis fere attigisse lacunar porticus: Seraphinos viſos, supra solium, non supra ejus summitatem, quod indecorum foret, sed sublimiores infima solii parte, ut adstarent Regi. Quæ acute quidem observata esse videntur, sed dubito, annon, ut servetur illud quod moribus nostri seculi judicatur esse decorum, vis aliqua fiat phrasi Hebræicæ. An recte dicitur מִמֶּעַל הַכֶּסֶּם *supra thronum*, quod illius summitate depressius, sola duntaxat infima parte, aut subsellio, aliquanto fortassis sublimius est? Nil mihi potius est simplicitate. Itaque, servata propria vocis significatione, perinde arbitror, sive לְיָ *eum* ad thronum, sive ad sessorem referatur. Et tantum abest ut quidquam in isthoc situ deprehendam indecori, ut ex adverso insignem animadversionem mereatur. Thronus Christi conspiciebatur in sublimi. Infra stabat Jesaias, suspiciens. Superne circumvolabant Angeli. Christus ipse, quasi centrum erat, in quo & cœlitum, & terricolarum pia studia jungebantur. Conf. Joh. i: 52.

XVII. Cur
sena singu-
lis ala, &
quis earum
usus.

XVII. In ALIS confidero *Numerum & Usam*. Sena erant singulis. *Duas* habebant *Cherubini* in *Templo*. i. Reg. vi: 27. *Quatuor*, illi quos vidit Ezechiel, Cap. i: 6. x: 21. Hi Seraphini, *sex*. Cujus differentię veram rationem quis asseverate docuerit? Non spernenda videtur ista diversitatis observatio, quod Ezechielis Cherubini, non circa aut supra thronum, uti nostri Seraphini, sed sub throno, in inferiore aëre versabantur, ideoque minus indigebant binis illis alis, quibus tegenda coram Divina Majestate facies erat. Aliam rationem doctissimus *Ouvvenus* dat, in *Prolegomenis ad Hebr. Exercit. xxii: 5*. xvii. Jesaiæ visio, inquit, repræsentabat Christum, cum mysterio vocationis Gentilium, & rejectionis Judæorum; cui introspectiundo impares erant Angeli, Eph. iii: 9, 10. Cæterum apud Ezechielem repræsentatur voluntas Dei in operibus communis Providentię, quam detecta facie contemplantur. Hęc de aliarum numero. *Usam* compe-
rimus

rimus fuisse trigeminum. **בִּשְׁמַיִם יִכְסֶה כְּנָנִי** BINIS TEGEBAT QUISQUE FACIEM SUAM: præ verecundia; quia nulli creaturarum, ne Angelis quidem, datum est, Divinæ gloriæ lucem, in omni suo fulgore, irretortis oculis intueri, 1. Tim. vi: 16. Non tamen ita tegebant faciem, quin aliquo fruerentur Dei conspectu. In quo nimirum eorum consistit felicitas. Neque certe volatu cæco & erroneo ferebantur. Sunt qui hac occasione observant, fidelium, etiam dum in terris degunt, conditionem in hoc potiore esse illâ Angelorum, quod, quum hi faciem tegant, illis datum sit resecta facie intueri gloriam Domini, 2. Cor. iiii: 18. Cujus rei hæc sit causa: quod angeli propter suam, fideles propter Christi justitiam, Angelica multo præstantiorem, Deum videant. Attamen speciosum id magis, quam solidum est. Nam neque res ipsa vera, neque ratio valida est. Nusquam docet Scriptura, homines plus de Deo videre & cognoscere quam Angelos: ne quidem in futura vita, ubi demum futuri sunt *ισάγγελοι*, Matt. xxi: 30. Luc. xx: 36. nedum in hac. Paulus non loquitur de visione gloriæ Dei in *se ipsa*, sed in *speculo*: & opponit non fideles Angelis, sed fideles Testamenti Novi fidelibus Testamenti Veteris. Tum etiam, quamvis justitia Christi illam Angelorum indubie antecellat, non tamen idcirco fideles Angelis præstantiores sunt. Melius enim est, nulla peccata nec habuisse, nec habere, quam eorum obfectionem esse consecutum, interimque cum multis adhuc vitiis luctari. Contenti itaque felicitate nostra sumus, licet eam non præferamus Angelicæ. Porro BINIS ALIS TEGEBAT QUISQUE PEDES SUOS. Quod referri fortasse potest ad naturam Angelorum hominibus invisibilem, quibus adsunt quidem, sed non videntibus pedes, id est, adventum eorum. Alii putant rectos fuisse Angelorum pedes, ne terram contingerent, atque ex ea aliquid contraherent sordium: quemadmodum nos homines solemus. At multa & magna paucis dixisse mihi videtur illustris *Grotius*. *Intellige*, inquit, *per pedes, more Hebræo, ea quæ velari jubet pudor: quibus respondent in ipsis etiam Angelis imbecillitates quedam, si Deo comparentur. Vide Job. iv: 18.* Digna hæc ulteriori deductione sunt. Ea humani corporis membra, quæ *ατιμώτερα καὶ ἀσχημόνα* Paulus nuncupat, 1. Cor. xii: 23. quæque iis sunt vicina, *pedum* nomine Hebræis quandoque dici, eruditius ignotum non est. Vix alium sensum admittit Prophetæ nostri phrasîs, Cap. vii: 20. *Abradet Dominus novacula mercenaria pilum capitis, & pedum; etiamque barbam consumet.* Conf. Deut. xxviii: 57. Ezech. xvi: 25. Ob eandem causam urina, aqua pedum dicitur; quæ verecunda loquendi ratio est, passim in Hebræo sermone observata. *Angeli*

Angeli igitur, quum in humana forma apparerent, concipi debent cunctis præditi fuisse partibus, quæ ad humani corporis integritatem pertinent: iis etiam, quas operire omnes propemodum gentes naturalis docuit pudor. Cujus pudoris causam non eam sane sancti Angeli habent quam homines peccatores: attamen tam illustris, splendida, augusta Divinæ faciei Majestas est, ut etiam sanctissimæ creaturarum, cum incomprehensibili Divinæ sanctitatis perfectione collatæ, illiusque lucis fulgore circumfusæ, suæ imperfectionis & imbecillitatis agnitione & pudore imbuantur. Atque huc pertinere arbitror alterum alarum Seraphicarum usum, conferendum cum Ezech. 1: 11. Circa tertium nulla est difficultas. Nam quod BINIS VOLASSE dicuntur, palam significat celeritatem & promptitudinem ipsorum ad exsequenda Dei jussa. Confer Dan. 1x: 21.

XVIII. De
clamore
unius ad
alterum.

XVIII. Quos *vidimus* hactenus, nunc *audiamus* Seraphinos. Non enim adstabant silentes. Sed **קָרָא זֶה אֶל זֶה** CLAMAVIT HIC AD ILLUM. Ut de sermone Angelorum inter se, sive, quod idem est, de modo quo meri isti Spiritus suas sibi mutuo cogitationes communicant, curiose disputemus, neque hujus loci, neque ullibi locorum nostræ modestiæ est. Res ipsa loquitur, omnia hic esse symbolica: ac proinde CLAMOREM Seraphinorum, vel verum fuisse sonum ab ignitis istis corporibus in aëre formatum, qui aures Prophetæ ferierit; vel aliquid sono ejusmodi analogum, quod phantasiâ ipsius affecit. Quod autem *clamasse* potius, quam locuti fuisse narrentur, partim est ad exprimendam rerum dicendarum præstantiam; dignarum sane quæ torporem mortalium excitarent, & a quibusvis longe lateque audiantur: partim ad ostendendam vehementiam zeli & affectuum in loquentibus. Conf. Ezech. 1: 24. Porro clamabant HIC AD ILLUM, sive alter ad alterum. Fortasse per vices, ut alter alteri responderet: eo fere modo, quo Israëlita & Israëlites sibi invicem, post superatum mare algosum, Exod. xv: 1, 21. aut Sacerdotes & Levitæ in fundatione Templi secundi, Ezr. 111: 11. Qua re & ordinis concinnitas, & animorum consensus declaratur.

XIX. Den-
cur dicatur
Jehova Se-
baoth.

XIX. Materia sive argumentum clamoris est *δοξολογία* pulcherrima, qua JEHOVAM SEBAOTH sanctitatis & gloriæ suæ nomine celebrant. Vox Hebræa **יְהוָה צְבָאוֹת** duplici sensu usurpatur. Plerumque exercitus sive agmina notat, quod probatione non indiget. Aliquando & *statum tempus*, Num. 1v: 23. **וְהָיָה צֶבֶא לְצֶבֶא** *veniens ad obsecrandam vicem suam*, Num. vii 11: 25. **וְהָיָה צֶבֶא לְצֶבֶא** *decedet a statione sive statuto tempore ministerii*. Eodem retulerim Job. x: 17. **וְהָיָה צֶבֶא לְצֶבֶא** *viciissitudines & statum tempus sunt apud me*. Hoc est, unum malum

malum alteri decedit, & per suum tempus quasi vice sua fungitur. Utroque sensu Deus *Jehova Sebaoth* est. Nam *exercitus* omnes, tam cœlestes, quam terrestres, & ipsos denique infernales, imperio ipsius parere necesse est; sive volentes lubentesque, sive frementes & invitos. Idem etiam *temporum ordinator* ac *stator* est: in natura, religione, & œconomia gratiæ, Dan. 11: 22. Act. xvii: 26. Eph. 1: 10. Estque ea res tanti momenti, ut hinc quoque denominari mereatur.

XX. Huic *Jehovæ Sebaoth* adscribunt SANCTITATEM. Ea ^{elogio Sanctitatis, seu repetitio.} *xx. De* est immaculata puritas naturæ, virtutum, actionum Dei, in quibus omnibus talis est, uti optimum perfectissimumque numen decet. Vel si sic malis, Sanctitas Dei est castissimus amor, quo perfectiones suas Deus ita sapienter constanterque diligit, ut nihil unquam velit aut agat, quod iis non consentaneum, & creaturæ rationali pro consummatissimo exemplari sit. Ea ergo sanctitas ceteras Dei virtutes includit, vel supponit. Proinde quotiescunque Dei sanctitas laudatur, laudantur & reliquæ ejus perfectiones, quarum illa decus atque ornamentum est, Exod. xv: 11. Neque profecto de nihilo est quod hoc *Sancti* elogium ter repetatur: SANCTUS, SANCTUS, SANCTUS. Hoc enim rei de qua agitur eximiam notat præstantiam atque ubertatem: quasi dicas, sanctus, imo ter sanctus. Vide similem repetitionem, emphasios causa Jer. vii: 4. Ezech. xxi: 14, 27. Et sane sanctus est Deus in cœlo, terra, inferno. Sanctus in justitia, gratia, gloria. Sanctitatem suam demonstravit in Lege, in Christo, & in hoc ipso quoque populi rebellis excidio. Significatur etiam vehementia affectus, Jer. xxi: 29. 2. Sam. xix: 1. & indefessa continuatio *δοξολογίας*. Ap. iv: 8. Καὶ ἀνάπαυσιν ἔκ ἔχουσιν ἡμέρας καὶ νυκτὸς, λέγοντα. Ἀγίος, ἄγιος, ἄγιος. Veteres addiderunt, subesse argumentum τῷ τρισυποσώντι. Quod quidem non est adspernandum, præsertim quum pluralitas in unitate doceatur commate 8. Sed habemus multo in eam rem fortiora.

XXI. Post sanctitatis laudem sequitur celebratio gloriæ. מְלִא מְלִא. ^{gloria} *xxi. De* Quod proprie sonat, PLENITUDO TOTIUS TERRÆ ^{gloria} *gloria* *Jehovæ im-* GLORIA EJUS. Vox Hebræa מְלִא a *gravitate* nomen habet, notat- ^{plene so-} que eam rerum præstantissimarum soliditatem, sive pondus, quo ^{ram con-} quis alteri comparatus, ei præponderat. Sic Apostolus *βαρὺς δόξης* ^{ram.} dixit 2. Cor. iv: 17. Si ad rem ipsam magis attendamus, GLORIA *Jehovæ* est venerabilis illa eminentia, decusque augustissimum, quod ex infinitudine omnium perfectionum ipsius simul junctarum splendet, & in omnibus ejus operibus fulgentissima luce micat, omnesque creaturas rationales ad admirationem ac reverentiam obligat. Ista Dei *gloria.*

gloria, quam cum sancto quodam, sapiente beatoque stupore adorant cœlites, hic **PLENITUDO TOTIUS TERRÆ**, sive, quod idem est, totam terram implere, dicitur. Sive illud de *terra Israël*, sive de *toto orbe* habitabili intelligas, ex æquo verum est. Cæterum defectus *verbi* in sermone Hebræo in ambiguo relinquit, num oratio ista sit votum rei desideratæ, an enuntiatio rei præteritæ, aut præsentis, an denique prædictio futuræ. Quoniam autem nihil admodum est, quod ad unum horum præ ceteris eligendum nos subigat, quidni de omnibus junctim cogitare liceat? Dubitare nefas est, quin, exardentissimo Divinæ gloriæ zelo, eam ubique fulgere, & ab omnibus agnosci ac celebrari, Angeli vehementer optent: non minus certe quam Psaltes, Ps. xcix: 3. lxxii: 19. cxiii: 2, 3. Magna etiam cum animi sui voluptate cernebant, in *terra Israël habitare gloriam*, Ps. lxxxv: 10. lxxvi: 2. Præsertim Hierosolymis, & in Templo, Ps. xlviii: 2. Jer. xviii: 12. Sed & in *universo orbe* habitabili eam insignibus Providentiæ operibus demonstrari animadvertabant, Ps. xix: 1. civ: 24. Job. xxvi: 14. Denique læti prævidebant, ac prædicebant, futurum esse ut progressu temporis, euntibus ordine fati, gloria Dei longe luculentiore ratione splenderet, in terra Israël primum, mox per mundum universum. Ea nimirum temporis plenitudine, qua Christus, ut hic repræsentatur, regnum capeffiturus erat. Tunc in tota, qua patet, Israëlide patefacta est gloria Dei, per prædicationem Evangelii, per miracula a Christo & Apostolis patrata, & per effusionem Spiritus gloriæ, Jes. xl: 5. Mat. iv: 23, 24. Act. x: 38, 39. ii: 5, 6. Deinceps Evangelium per Apostolos, eorumque comites ac successores, prædicatum est ubivis terrarum: & proclamata publiceque demonstrata Christi gloria, in subversione idolorum, & conversione tot myriadum, Ps. viii: 1. Mal. i: 11. Denique gloria justitiæ Divinæ repleta est tota terra Israël, quando eam percussit anathemate: conf. Lev. xxvi: 31. cujus rei fama, una cum miseris refractariæ gentis reliquiis, totum orbem pervagata, effecit ut a quibusvis gentibus Deus in isthoc suo iudicio justificatus sit, Deut. xxxix: 22-26.

XXII. *Pia
super hisce
rebus me-
ditationes.*

XXII. Officii nostri est ea quæ de Angelis hic repræsentantur piis meditationibus ad animum nostrum revocare: non otiosorum Scholasticorum more *ὑπερβατέοντες ἀπὸ τῆς ἐπαύσεως*, sed quæ sanctissime ab iis gesta sunt, ea nobis proponentes in exemplum: ut vel in terris vitam discamus agere Angelicam. Contemplemur igitur cœlestes hosce spiritus, Divinæ caritatis sanctique zeli flammis prorsus *astuantes*, deque nostro erubescamus tepore: ne posthac *ignavi studio simus; sed spiritu*

ritu ferventes, Domino servientes. Spiritus Christianismi *ignem* est. Jef. iv: 4. Dan. vii: 10. Mal. iii: 2. igneos quoque, quos im-
buit, facit, purgans a scoriis vitiorum, elevans sursum, flammam-
que excitans, nullis unquam aquis extinguendam, Cant. viii: 6, 7.
Attendamus, ut *adstent Christo*: & ipsi quoque præcipuam beatitudi-
nis nostræ partem in eo sitam esse arbitremur, quod prope ei liceat
adesse, Ps. lxxiii: 28. Adhæreamus ei ἀπεναντίας, 1. Cor. vii:
35. Act. xi: 23. iteratis frequenter devotæ pietatis exercitiis, & pra-
xi exactissimæ sanctitatis, Job. xxi: 21. Observemus & *alas* eorum,
& ex iis discamus, I. Non aliter Deo Christoque adstiteri nisi cum
submissa veneratione: neque plus inquirendum de iis esse quam par sit
atque expediat. Si enim Angeli majestatem Dei ferre nequeunt,
quanta erit hominum temeritas, si eousque perrumpere conentur?
II. *Tegere pedes* & actiones nostras: non cum Pharisæis bona opera,
nedum merita, jactantes; sed defectuum, qui optime a nobis gesta
inquinant, cum pudore conscii. III. *Volare quam ocysime*, quoties-
cunque aliquid in Dei ministerio faciendum est, Jef. xl: 31. In-ite-
mur etiam jucundissimum eorum in concentu Divinarum laudum *con-*
sensum. Hoc est sacrificium laudis, sacrificium illud unicum quod
commune est Angelis ac piis hominibus, Apoc. iv: 8, 9. sacrificium
juge & sempiternum, quo nihil a nobis offerri potest Deo gratius,
& Majestati ejus convenientius, modo fiat in spiritu & veritate. Sed
& accedat zelus ex ardentissimæ caritatis vehementia; *clamor* ex exu-
berantia amoris. Neque unquam clamemus *alter contra alterum*, in-
conditis vociferationibus jurgiorum & convitiolorum, per quæ fieret ut
nostri causa nomen Dei blasphemaretur. Consideremus Jehovah,
uti Deum *exercituum*, cui nos quoque in sua singuli statione militare
debemus, Apoc. xii: 7. xix: 14. & uti *ordinatorem temporum*, in
omni eorum mutatione ostendentem, tam supremam suam nullique
obnoxiam potestatem, quam immensam sapientiam ac bonitatem, Act.
i: 7. *Sanctitatem* Dei, unice nobis diligendam, omni laude conce-
lebremus, Ps. xxx: 5. ad illiusque nos componamus exemplar. Agno-
scamus temporum nostrorum felicitatem, quibus *totam terram implevit*
gloria Jehovah. Non est nunc necesse, ut Hierosolymam adscenda-
mus, ibi demum gloriam Dei visuri. Ruptum velum est, splendor
ubivis micat. Id solummodo operam demus, ut & in nobis Deus
gloriosus & admirabilis appareat; ne cogatur terram quoque nostram
implere gloria justitiæ suæ.

XXIII. Tam luculentæ tantæ gloriæ demonstrationi respondent ^{XXIII. De}
gemi ^{posibus ad} affectus, alter in re sensu ac ratione carente, alter in cre-
^{vocem cla-}
^{manrem}
^{commotio.}
atura

atura rationali. Ille describitur com. 4. TUM COMMOTI SUNT POSTES LIMINUM A VOCE INCLAMANTE, vel INCLAMANTIS, ET DOMUS IPSA IMPLETA EST FUMO. Causa hujus rei proxima est קול הקורא quod duplicem habet significationem. Reddi enim potest VOX CLAMANS, ut denotetur vehemens, omnemque humanum modum superans, sonus, sine strictiore determinatione; vel VOX CLAMANTIS, sive Angeli alicujus sanctitatem & gloriam Dei celebrantis, illius fortassis, qui ultimus fuerat locutus; sive Dei ipsius, annuentis & respondentis doxologiæ Seraphicæ. Conf. Ps. xxix: 2-9. Heb. xii: 26. Utut sit, insolita vox insolitum habuit effectum. COMMOTI SUNT POSTES LIMINUM, *postes* quorum uni inserti erant cardines ostii, alteri id quo claudebatur, *liminum*, tam superioris, quam inferioris. *Commoti sunt* יָרָעוּ, vel sic ut tremuerint duntaxat, vel etiam ut insigniter locum mutaverint. Illud prætulerim: tam rei intuitu, quæ commodior, quam verbi, quod ista significatione venit Jes. vii: 2. & respondet verbo שָׁעָרָם Amos. ix: 1. Nolim tamen valde refragari *Musculo*, dissolutionem ac diruptionem liminarium intelligenti, non quæ revera facta sit, sed quasi fieret a Propheta visa. Nam & hac significatione נָנַע invenitur Ps. cix: 10. Amos. iv: 8. Vox Hebræa נָנַע hic per *postes* exposita, plerumque *cubitos* notat, unde Judæorum aliqui collegerunt, limina ipsa cum postibus & ostio ad spatium duorum triumve cubitorum loco mota fuisse. Sed collectio nulla est, & res ipsa parum probabilis. Conf. Am. ix: 1. Significatur nutatio Templi, & cum ea Reipublicæ ac Religionis. Utriusque enim quasi arx templum erat. Vide Jes. xxiv: 19. Sequitur autem *nutatio* ista *vocem clamantis*; cum qua duplicem habuit nexum; alterum respectu vehementis soni, quo præter naturalis potentiae modum concussus aër solidissima & firmissima corpora fecit contremiscere; quod si ad Angelicam vocem referendum sit, non habuit illa ex se istam vim, sed placuit Deo isthac ratione zelum ministrorum suorum approbare. Conf. Act. xv: 31. & xvi: 25, 26. Alterum respectu materiæ clamoris, quoniam tremor templi, una cum ipsius significatione mystica, in ea rerum junctura, ad demonstrationem sanctitatis & gloriæ Dei plurimum faciebat. Hæc veritas doxologiæ confundet aliquando omnes impios, destruetque regnum diaboli, mundi, & Antichristi. Præteriri silentio non potest, quod *Josephus de Bello Judaico Lib. vii. Cap. xii.* his verbis commentatur. *Orientalis porta interioris templi, quam esset anea atque gravissima, & sub vesperam vix a viginti viris clau-*

clauderetur, serieque ferro vinctis obseraretur, pessulosque altos haberet in saxum limen demissos, uno perpetuo lapide fabricatum, visa est noctis hora sexta sponse patescere. His autem curriculo per custodes templi magistratui renunciatis, ascendit ille, vixque eam potuit claudere. Unde prudentiores templi tutamen sponse sua dissolutum iri cogitabant; & hostium donum esse portas aperiri: solitudinemque illo ostento signari, inter se pronuntiabant. Quæ historia vaticinio huic ad literam fere respondet.

XXIV. Accessit & aliud ostentum: quod DOMUS ipsa, San-
ctuarium distinctum ab adyto, & atriis, REPLETA FUERIT FUMO. ^{fumo re-}
Id Placens intelligit de fumo sacrificii, & præcipue suffimenti. ^{plense do-}
Nam ^{mum.} *victimæ, inquit, quæ in atrio sub dio offerebatur, fumus, quam exitum*
non haberet, per loca sancta, & loca sanctissima pervagabatur, eaque
odore complebat. Non Sacerdotis Levitici, qui nullus in hac visione com-
paret; sed Sacerdotis Christi, qui post peractum sacrificium, sedens in ex-
celsimo folio thymiana intercessionis offert, & cælesti sanctuario ministrat.
Ceterum hæc abs re dici videntur. Non enim Christus hic ^{Act. iv} Sa-
cerdotis, expiationem facientis, aut intercedentis, sed offensi Regis,
& severi Judicis, habet. Neque fumus suffimenti, qui gratiosissimi
odoris, & benevolæ acceptationis Dei, sive instrumentum, sive ar-
gumentum erat, admodum convenit cum tremore postium templi,
mali ominis portento. Calvinus observat, fuisse hoc ordinarium sym-
bolum, quo Dominus erga veterem populum usus est. Nam, quoties Moses,
inquit, tabernaculum ingrediebatur, legimus fumum spargi solitum fuisse,
ut populus neque Mosen neque tabernaculum intueri posset. Fumus ergo,
quem describit Jesaias, non fuit res incognita, sed pro more testari voluit
Deus, se potentiam suam ad ferendum de populo iudicium exercere. At in
eo virum sagacissimum fugit ratio, quod non distinxerit inter nubem
& fumum. Nam quod Deus, in dedicatione tam tabernaculi quam
templi, utrumque nube repleverit, clarissime legimus Exod. xi:
34. i. Reg. viii: 10. Eratque hoc signum gratiosæ ac benevolæ
præsentiae Dei, sed obscurioris, uti Veteris Testamenti æconomiae
conveniebat. Fumus autem iræ & vindictæ symbolum est. Ps. xviii:
9. Lxxiv: 1. Deut. xxix: 20. Et speciatim hic notare videtur tem-
pli per Romanos incendium, nam flamma fumo proxima est: hinc
& utrumque jungitur Apoc. ix: 17, 18. xviii: 9. Isthoc sane in-
cendio vix aliud Divinæ adversus se excandescentiæ illustrius argu-
mentum unquam a Judæis conspectum est. Quum enim ignem circa
se primum cernerent, templi porticus aliquot depopulantem, cor-

pora simul animique iis cedere, & stupore attoniti nemo eum extinguere conatus est. Deinceps flamma e septentrionali templi regione rursus excitata, dignus tanta calamitate Judæorum clamor exoriebatur, & ad subveniendum, quamvis frustra, properabant: neque jam vitæ parcendum rati, neque viribus temperandum, eo amisso cujus gratia omnium mortalium felicissimi visi fuerant. *Joséph. de Bel. Jud. Lib. VII. Cap. IX. x.*

XXV. In
quibus re-
bus expro-
bratio fuit
obduracionis
& occæ-
cationis
Judæorum.

XXV. Fuit sane in utroque hoc ostento exprobratio quædam obdurationis & occæcationis Judæorum. Nam si ad vocem istam sive Dei, sive ministrorum ejus, inanimes moventur creaturæ, quid animi pervicacibus istis hominibus fuisse censendum est, quos nulla criminum suorum conscientia, nulla saltem salutaris pœnitentia adfecit? Dum in cruce pendebat Christus, tremebat terra, ac sindebantur rupes: ipsi autem, quasi re bene gesta, secure sibi plaudebant, & crudelibus disertiis insultabant misero. In fumo, qui & caligine sua visum impedit, & acrimonia oculos lædit, repræsentatur extrema populi cæcitas circa res spirituales atque cælestes: quæ imminens est indicium internecionis, Luc. XIX: 42, 43. Lubet etiam cum sacra veneratione animadvertere mirabilem illam Divinorum operum œconomiam, quod cum manifestatione regni Christi conjunctam esse voluerit nutationem primo, mox & excidium Templi ac Reipublicæ Judaicæ, & occæcationem nationis. Nimirum obstabat illa moles spirituali genio, & libertati Ecclesiæ Christianæ, Zephan. III: 11. Et Judæorum ruina, debebat esse opulentia gentium, Rom. XI: 12. De qua re mox commodior erit differendi occasio.

XXVI.
Consternatio
Propheta.

XXVI. Dici non potest quam illætabile, lethale ac præsentaneum venenum in peccato sit; quippe quod etiam quæ exoptatissima jucundissimaque sunt mortalibus, amara, & formidabilia, immo & mortifera iisdem faciat. Nihil jucundius Adamo, adhuc integro, erat, quam præsentem sibi in Paradiso Deum coram ac familiariter conspici. At postquam se crimine obstrinxerat, ad primum præsentis Numinis indicium misere trepidavit, & nil profuturas quæsit latebras. Simile quid Jesaiæ accidit, ad conspectum gloriæ Dei, ob conscientiam suæ impuritatis, ita perterritus, ut vix mentis compos certum sibi exitium imminere opinaretur. De qua sic ipse loquitur vers. 5. VÆ MIHI, QUOD EXSCINDOR, QUIA VIR POLLUTUS LABIIS SUM, ET IN MEDIO POPULI POLLUTI LABIIS HABITO: QUOD REGEM ILLUM JEHOVAM EXERCITUUM VIDERINT OCULI MEI. Maximam esse oportuit istam animi perterrefactionem & exsternationem, quam pectoris inclusam angustiam cohibere Propheta nequivit, quin querula, eaque

eaque affectuosissima, voce erumperet. In querela nota I. *Pavorem* Prophetæ. II. Illius *caussas*. Pavor sic exprimitur, אִי לִי כִי נִרְמָתִי, VÆ MIHI, QUOD EXSCINDOR. וְנִי, וְנִי, est particula *καταστροφῆς*, sive lamentantis, dolentis de præsentis malo, & paventis ad futurum. Thren. v: 16. & vix adhibetur nisi ad testandam affectuum istorum in mali apprehensione vehementiam. Hebræum נִרְמָתִי diversimode exponitur. Vulgata versio: *quia taci*, non libere satis reprehendi regis aliorumque peccata. Et sane affine, ejusdemque radices, vocabulum silendi & cohibendi se sensu venit, Amos. v: 13. *Idcirco prudens eo die ירם filebit*. Attamen quum hic exister in forma Niphal, re-tenta silendi notatione, aliqui transferunt, *ad silentium redactus sum*: q. d. Ita sum consternatus, ut proloqui non possim, ut vox faucibus hæreat, Ps. LXXVII: 5. *Calvinus* subtilius: *Silentium sæpe pro morte in Scripturis capitur, & dicuntur in silentium redacti, qui sepulti sunt*. Communior tamen, & commodior huic negotio est *excisionis*, sive perditionis significatio, qua quis redigitur ad *ἀφασία*, ad statum gaudii, consilii, spei, vitæque expertem. Vid. Jes. xv: 1. עַר מוֹאָב נִרְמָה, & קִיר מוֹאָב נִרְמָה. *Ar Moabitarum excisa est. Kir Moabitarum excisa est*, Zophon. 1: 11. כְּנָעַן נִרְמָה עַם excisus est populus Canaan. Adde Ps. XLIX: 13. Itaque נִרְמָתִי hic quoque valet, occidi, perii, nullus sum, actum est de me. Ortus videtur hic merus ex dicto Dei ad Mosen, Exod. xxxIII: 20.

XXVII. *Causse* pavoris assignantur tres. *Prima* proxime refer-tur ad *Prophetam*, *altera* ad *populum* Israëliticum, *tertia* ad *Majestatem Divinam*. De se dicit, QUIA VIR POLLUTUS LABIIS SUM. *Causa con-* Id *sternatio-* nis, in *Pro-* pheta, & XIV: 4. Prov. xx: 9. sed quod nunquam in se ipso clarius animad-*populo*. verterat, quam nunc, ad fulgentissimam illam Divinæ sanctitatis & gloriæ manifestationem: prorsus sicut Petrus Luc. v: 8. Nominatim de *labiorum impuritate* conqueritur, non eam solum ob causam, quod facillimus in iis & frequentissimus lapsus sit, Jacob. III: 2. vel quod ea totum hominem polluant, ibid. vers. 6. aut quod indices sint im-puritatis, cæteroquin in corde latentis; Mat. xII: 34, 35, 37. quæ rationes generales sunt: sed præcipue, quia insigni ardore Trishagii istius Seraphici convincebatur sui in prædicanda Dei laude, & promo-venda ejus gloria, teporis. Hoc præcipue sanctum vatem urebat. Datus populo in Prophetam erat. Labia autem Prophetæ Domino sacrosancta esse oportet, & instar auri purgata septies, & in sermoni-bus Divinis ardentia. Nunc autem summo suo cum pudore depre-hendit, ea se parte immundum esse, qua cum primis mundus esse de-buerat,

buerat, & cujus immundities sanctitati Jehovah exercituum, a Seraphinis tam eximie laudatæ, a se quoque prædicandæ, potissimum officiebat. Addit etiam impuritatem populi. IN MEDIO POPULI POLLUTI LABIIS HABITO. Innuens se convictu immundi mundi deteriorum factum esse; dum sui officii erat illum corrigere. Notatu dignum est, quod semetipsos sancti Prophetæ uti partem populi consideraverint, sic ut sibi quodammodo attribuerent crimina quæ populus perpetraverat, Dan. ix: 5, 6. neque minus de iis erubuerint, quam si ipsi aliquam in eorum communione partem habuissent, Ezr. ix: 7.

XXVIII.

At præcipue, in conspectu Divinæ Majestatis.

XXVIII. Tertia & præcipua consternationis causa erat, quod, talis quum esset, OCULIS SUIS REGEM ILLUM, Jehovah exercituum, VIDERIT. Semper fere ingenti terrore perculsi fuerunt mortales, etiam præcipui amicorum Dei, & qui proximæ admissionis erant, quotiescunque iis Deus Majestatis suæ symbola conspicienda præbuit, Gen. xxviii: 17. xxxii: 30. Jud. vi: 22. & xiii: 23. Moses ipse tanquam rem miram narrat de Senioribus Israelis, & de toto populo, quod Majestatem Dei viderint, nec tamen mortui sint, Exod. xxiv. 10, 11. Deut. iv: 32, 33. Et populus, quamvis singularem Dei erga se indulgentiam grato animo agnoscat, eandem tamen discriminis aleam iterato subire reformidat, Deut. v: 24, 25, 26. Adde Ezech. i: 28. Dan. vii: 15. viii: 27. x: 8. Et ne quis Veteris Testamenti rigori, aut Spiritui servitutis, proprium hoc esse existimet, similia nobis exempla Novi quoque Testamenti tabulæ suppeditant, Luc. ii: 9. Mat. xvii: 6. & xxviii: 4, 5. imprimis Apoc. i: 17. Nec in obscuro est tantæ trepidationis causa. Nimius enim Divinæ Majestatis fulgor est, quam ut infirmos corporis animique mortalis oculos non præstringat. Ipsæ etiam res inanimes, ac si cernerent & animadverterent, ad gloriæ Divinæ demonstrationem contremiscunt; quod grandiloquo ore prædicavit Psaltes, Ps. lxviii: 8, 9. & cxiv. universo. Nec abludit Habacuc Cap. iii: 3, 4, 5, 6. Accedit conscientia vilitatis, impuritatisque, quam luce ista circumfusi sancti homines, in omni sua turpitudine evidentissime conspiciuntur, Job. xlii: 5. Dum enim ad animum revocant, quod tantam Majestatem despiciatui habuerint, tantam sanctitatem spreverint, tantam bonitatem non ardentius amaverint, tantam potentiam adversus se irritaverint, tantæ lucis consortio indignos se reddiderint, fieri non potest quin ad illius adspæctum contremiscant.

XXIX. *Pie observatio-
nes.*

XXIX. Hinc discimus ingens illud inter cælum ac terram discrimen. Uti nullæ hic rosæ sine spinis, ita & maximus ille favor, quo sum-

summantes Dei amici quandoque maſtantur, ſuos habet, quibus ſtimulentur animi, aculeos. Apparitio Jeſu, qui vita noſtra eſt, familiaribus etiam ſuis pavorem incutit morti proximum. Ceterum in cœlo corporis animique noſtri infirmitas, una cum peccatorum conſcientia, prorfus erit abolita. Deumque ſine ullo terrore, imo cum inexplicabili gaudio, ſemper videbimus ſicuti eſt, 1. Joh. 111: 2. Pl. xvii: verſ. ult. At ſi gratioſæ Majeſtatis Dei apparitio tantum amicis ſuis, cum corpore peccati adhuc luſtantibus, incutiat tremorem; quid contemptoribus & hoſtibus ipſius fiet, *quum decorem excellentia ſua oſtentabit, & exſurget ad violenter exagitandam terram?* Jeſ. 11: 19, 21. xxxiii: 14. Apoc. vi: 15, 16, 17. Hinc quoque cauſa pateſcit, cur tam profana in plerisque regnet ſecuritas: & cum contemptu Numinis, ſuæ ſalutis neglectus. Nimirum non conſpiciatur Deum in ſua gloria. Equidem ad eum ſe modum non conſpiciendum nunc præbet, quo Jeſaiæ, priſciſque vatibus, apparuit; ſed nec plane ſinit ſe eſſe *adæquum*, in operibus, & præſertim in judiciis ſuis. Præterquam quod omnes iſtæ viſiones Prophetiæ, hac ſini victuris in ævum monumentis conſignatæ ſint, ut eaſdem nobis, ſanctis & fidelibus meditationibus, intentique animi contemplationibus, tam vivide, tam valide repræſentemus, ac ſi interfuiſſemus præſentes. Hoc ſi fecerimus, certe & nos trepidabimus ad illud gloriæ Divinæ repræſentamen; & quo turpioribus præ Jeſaia ſædatis ſumus criminibus, eo & magis paveſceri conſentaneum eſt.

XXX. Quod ſinceram ſui humiliationem ſequatur gloria & honor, vetus ſapientiſſimi regum obſervatio eſt, Prov. xv: 33. xviii: 12. Habemusque veritatis iſtius evidens in Jeſaia noſtro exemplum: qui nunquam ſibi magis diſplicuit, quam eo tempore quo benigniſſimæ conſolationi proximus, & ad ſummam muneris Prophetici dignitatem delegandus, erat. Quum enim vivido impuritatis ſuæ ſenſu tactus humillime eandem Deo fateretur, non modo condonationis certitudinem, & ſanctitatis augmentum conſecutus, ſed & ad redintegrandam muneris ſui functionem nova ſollicitatione invitatus eſt. Atque hæc ſecunda hujus capituli pars eſt, comprehenſa verſ. 6, 7, 8. Ubi rurfus diſtincte conſidero. I. *Sanctificationem Prophetæ.* II. *Iteratam & ſolemennem ejusdem miſſionem.* In illa occurrunt I. *Minifter. II. Symbolum.* III. *Sermo conſolatorius.* De Miniſtro ſic habetur. Et *advolavit ad me unus ex iſtis ſeraphim.* Facile fuiſſet Jehovah, nullo miniſtri interventu, quidquid hujus rei erat per ſemetipſum conficere; at maluit internuncio uti. Sic aſſolet in diſpenſandis conſolationibus ſuis: adhibens plerumque verbi miniſtros, Act.

1X: 6, 10, 12. X: 5, 6. Qui quum & ipsi *Angeli* sint: Apoc. I: 20. par est, ut veluti Angeli Dei excipiantur & audiantur, Gal. IV: 14. insignis profecto honos præstitus Jesaïæ fuit, quod quum ipse se vix hominis nomine ac conditione dignum profiteretur, Jehova non unum aliquem ex Angelis, sed ex Angelorum principibus, qui throno gloriæ proximi adstant, ad ipsum cum lætissimo nuncio amandaverit. Sic beat hominulos Deus, ut Angelici ordinis primates ministrare ipsis jubeat, Dan. IX: 21. Tantumque abest ut primates illi Angelorum provinciam istam, quasi dignitate sua inferiorem, detrectent, ut summa potius alacritate jussa exsecuturi advolent.

XXXI. De

*pruna gr-
dente, il-
linque usa
& signifi-
catione.*

XXXI. De *Symbolo* Propheta sic narrat: HABENS IN MANU SUA PRUNAM, QUAM FORCIPIBUS SUMSERAT AB ALTARI, ADMOVIT EAM ORI MEO. Vocem פְּרִיָּה LXX. vertunt *arborum*, PRUNAM, sive carbonem ignitum. Eodemque sensu Hebræi & Christiani interpretes, magno numero. Sed intercedit *Boschartus Hierozoici Part. I. Lib. II. Cap. XXXIII.* pugnatque non carbonem intelligi, sed LAPIDEM IGNITUM. Certum utique est quod פְּרִיָּה ordinarie pavimentum nomet, vel lapides quibus sternitur pavementum, Esth. I: 6. Ezech. XL: 17, 18. XLII: 3, Lapidibus autem cum carbone nihil commune est; ideoque vix concefferit, idem nomen duo tam diversa significasse. Porro observat, ignitos lapides gentibus orientalibus in crebro usum fuisse; iis enim lac coquere, carnes ad esum assare, stigmata cauterii & cauteria vivæ carni inurere solent. Conjicit ergo, in altari hujusmodi fuisse lapides, quorum contactu caro victimarum, vel coqueretur, vel absumeretur citius. Et horum uno, per visionem ablato, Angelum Prophetæ labia tetigisse. Laudasque *Hieronymum*, qui, *Aquilam, Symmachum & Theodotionem* secutus, vertit, & in manu eius calculus. Equidem nec solide propugnare observationem istam possum, in re hæc magni momenti. Barum interesse arbitror, an ignum ignitum, an lapis ignitus fuerit. Significatio symbolica non in materia, sed in igne est: illo nimirum qui coelitus descendit, & ejus solius in sacris erat usus. Is significabat Spiritum S. qui ex caelo venit, continuoque a nobis fovendus est, cujus virtute vetus noster homo absumitur, & per quem solum, quidquid in religionis & virtutis negotio agitur, Deo gratum atque acceptum esse potest. Porro notatur, hunc sive lapidem, sive carbonem, ab ALTARI desumptum. An æneo, holocaustorum, an aureo, suffituum, expresse non dicitur; illud tamen est probabilius. Utrumque significabat Christum. Notat igitur, Spiritum Sanctum nos habere ex Christo, illius meritis, intercessione, ac dono. Carbonem istum FORCIPIBUS sumfe-

sumferat ab altari. Simile quid, sed alio modo ac mente, visum Ezechieli est, Cap. x: 7. Ibi Cherub ignem *manu* arripit, tradendum in pugnos viri amicti lino. Ratio diversitatis gemina esse videtur; quarum altera ad symbolum externum, altera ad rem significatam pertinet. Apud Jesaiam ignis defumitur *ex altari*, in cuius utensilibus præsto erant forcipes: apud Ezechielem *ex interstitio rotarum*, ubi nullus forcipum usus. Per ignem Jesaiæ intelligitur Spiritus consolationis & sanctificationis, per ignem Ezechielis fervor Divinæ ex-candescentiæ rebellem urbem consumpturus, Forceps itaque ab Angelo hic adhibita, docet, symbola gratiosi Spiritus *operibus* esse habenda, atque, ubi fieri potest, utendum esse mediis a Deo præscriptis. Denique carbo admoveatur LABIIS, remedium parti adfectæ. Et ut doceretur, eos, qui Spiritu Sancto præditi sunt, eum quoque sermonibus suis præferre, Zach. ix: vers. ult. Eph. v: 18, 19. Et fore aliquando tempus, quo pro juvencis offerenda sint labia confitenti Deum, Hos. xiv: 3. Heb. xiii: 15. Et tum demum Prophetam, atque imprimis N. T. ministrum, cuius hic typum gerebat Jesaias, muneri suo idoneum esse, ubi sacro Spiritus igne labia ipsius ardent, Act. ii: 3, 4.

XXXII. At audiamus exponentem adhibita signa Angelum: Ec- XXXII. De
CE HOC TETIGIT LABIA TUA, ET RECEDIT INIQUITAS TUA, ET *Sermo*
EXPIATUR PECCATUM TUUM. Quasi diceret, hæc labiorum tuo- *Seraphi,*
rum tactio per prunam, non vulgari, sed sacro igne, neque *qui symbolo*
alibi, *unctus*
sed in altari, *fuit.* candefactam, pro signo & sigillo tibi sit, quod omnium
peccatorum veniam per Spiritum Sanctum, propter Christi merita &
intercessionem, consecutus sis. Ita Deus symbolis addit verbum, ut
intelligantur; verbo symbola, ut efficacius in animum penetret, &
penitius memoriæ imprimatur.

XXXIII. Dubium non est, quin blanda hac actione, & delini- XXXIII.
fica oratione, percussus nuper Prophetæ animus, valde recreatus & *De ipse*
refocillatus sit. Non utique, ut in sinu suo gaudens læticia isthac *Dei ad Pro-*
otiose frueretur; sed ut præpararetur ad grandiora ac difficiliora, in *phetam ab-*
ministerio Domini peragenda, & gustato hoc cælesti melle animosior, *loquio.*
sicut Jonathan olim, factus, summa cum alacritate susciperet, sum-
ma cum agilitate patrarot, quæcunque sibi a Deo injungenda forent.
Mox enim post tam eximiam consolationem vox Domini audita, quæ
ad novos vocatur, & excitatur labores. Neque integrum sibi existi-
mavit, tam insolitam Dei benevolentiam recens experto, quicquam
detrectare, vers. 8. ET AUDIVI VOCEM DOMINI, DICENTIS,
QUEM MITTAM, ET QUIS INT NOBIS. Hactenus audiverat vocem

Seraphinorum, laudantium Deum, & Dei nomine consolantium ipsum. Uterque sermo fuerat jucundissimus. Nunc audit ipsum throno suo insidentem DOMINUM & Regem. Eundem ordinem tenuit Deus circa Ecclesiam universam, Heb. 1:1. Et, si sejungamus illud quod propheticum & vatibus proprium est, sic fere solet Deus agere cum omnibus amicis ac familiaribus suis. Primum eos alloquitur, invitat ad sui communionem, & erudit per Evangelii ministros; sed deinceps immediato Spiritus sui in animis alloquio & informatione dignatur. Neque acquiescendum homini Christiano est, donec eam ipsius Dei vocem intus audiverit. Enixis olim precibus contendebat carnalis Israël, ne Dei rursus vocem audire juberentur, Mose internuncio contenti, Deut. v: 29-33. At longe aliter instituebat David; Deum obsecrans, *dic anima mea*, Ps. xxxv: 3. Non sufficit homini spirituali Mosen aliquem audivisse, aut Apostolum, aut, si forte, coelestem Angelum, nisi arcanus acceperit Divini Spiritus sermo, ministrorum conciones animo insinuans, exponens, confirmans, atque obsecrans. De eo David gloriabatur, 2. Sam. xxi: 11: 3. Hanc vocem oves suas audire facit Christus, Joh. x: 27. (ut secundum promissionem gratiosi foederis vere sint *audientes*, Joh. vi: 45.) non utique formando in aëre sonum, sed penetrando per efficacitatem suam interiores animæ medullas. Est autem in ea Christi voce tanta coelestis sapientiæ claritas, tam pura doctrinæ sanctitas, tam jucunda consolationum suavitas, tam penetrans *ingenium*, & quæ ex his omnibus oritur, tanta Divinæ Majestatis luculentia; ut, qui illi infusi sunt, facile a deceptorum spirituum fictis blandiloquiis, & Sirenium cantu, illam dignoscant. O beatos, quibus hoc datum est! ut ad primum beatificæ vocis sonum, pridem eam experti, dicere, cum sponsa, queant; *hæc est vox dilecti mei*, Cant. ii: 8.

XXIV.
In invocatio-
ne ad
mentis Pro-
phetiam.

XXXIV. At quid tandem ex gloriosissimo illo Domino audiet Prophetæ? QUEM MITTAM? ET QUIS IBIT NOBIS? Supponit Dominus, nemini fas esse, Prophetæ sibi dignitatem aut functionem arrogare, nisi missus sit, Jer. xiv: 14. xxi: 21. Rom. x: 15. Supponit itidem, nemini misso integrum esse jussionem Divinam detrectare. At rogat, QUEM missurus, QUIS iturus sit: non quasi nescius, aut deliberationis incertus, aut consilium nescio quibus petens. Quis enim Deo a consiliis est? Rom. xi: 34. sed partim ut hac loquendi formula ostenderet consilii sui, mox eventu patefaciendi, sapientiam; more ab hominibus communiter, vel speciatim a regibus desumpto, qui sapientissime tunc agere creduntur, quando inito prius consilio aliquid decernunt: partim, ut declararet, paucos oppi-

oppido, aut nullos fere, in toto populo Israëlítico inveniri, tanto muneri & oneri pares: partim denique, ut Jesaïæ alacritatem exploraret, & eliceret. Non est absque animadversione dimittendum, quod quia a Deo missi eunt, illi non hominibus, non sibi, sed Deo eant. Ex ejus præscripto, ejus nomine, in ejus commoda, ad ejus gloriam, & ut qui ipsi rationem aliquando reddent, omnia sua dicturi atque acturi, Gal. 1: 10. 1. Th. 11: 6. 2. Cor. 14: 5. & VII: 5. Quemadmodum Eliezer sponsam, non sibi, sed herili filio, petitum ibat, Gen. xxiv: & servi Davidis Abigaëlem sollicitabant pro domino suo, 1. Sam. xxv: ita illi quoque *amici sponsi* sunt Joh. 11: 29. Id agentes, ut electi Dei, curæ suæ commissi, velut sponsa Christi, ad Dominum deducantur, 2. Cor. xi: 2. Denique notanda quoque numeri variatio est. Quem MITTAM? in singulari. Quis ibit Nobis? in plurali. Certe non consuluit Deus Seraphinos, quum modo ostenderimus eum consilium a creaturis non capere. Neque Prophetæ Angelis eunt, Angelorum nomine, aut ad Angelorum ministerium, sed soli Deo. Innuitur ergo, quod & ante monui, Divinarum personarum in essentiae unitate pluralitas. Quam fortassis in ejusmodi locutionibus veterum Israëlitarum pauci oppido affecuti sunt; tamen in iis quæ etiamnum exstant Hebræorum scriptis rudera quædam inveniamus, quamvis multo pulvere & situ senta; nobis tamen, de hoc *עֲמִיקָא מִשְׁתַּבֵּחַ* aliunde satis edoctis, ad ista sacrarum literarum ænigmata probe attendendum est: neque ullo pacto committendum, ut vel incuriosis elabantur, vel pravis interpretationibus aliovorsum trahantur.

XXXV. Interrogatione hac excitatus Propheta, respondet alacriter. ECCĒ ME, MITTE ME. O pulcram, sanctamque Divinæ *Propheta alacris* vocis ab anima eam audiente repercussionem! Jucundum utique fidei animæ est, si vox orationum suarum e cœlo percussa, Divinarumque benedictionum ubertate comitata, suaviter in sinum suum redeat. Sed nec minus Deo gratum est, si ad compellationis suæ vocem resonans ex fidelium cordibus Echo audiat; qualis elegantissima est, Pl. xxvii: 8. *Pro te, vel tuam vicem, dicit mihi cor meum, quæris faciem meam: faciem tuam quero Jehova.* Conf. Jerem. 11: 17. ECCĒ ME. Est formula dicto audientis, prompti, & semetipsum offerentis, Gen. xxi: 1. 1. Sam. 11: 4. Pl. xl: 7, 8. MITTE ME. Non rogat, quo? aut ad quid? paratus ad omnia. Certe sic decet fidum Domini ministrum. Meminerit se Nethinæum esse, Ezr. 11: 43, 58. dedititium Jeshvæ ad cuncta, sine exceptione, officia. Qualis erat familia Stephanæ, quæ se in ministeria sanctis addixerat, 1. Cor.

xvi: 15. Laudanda profecto hæc Jesaiæ alacritas est, præ tergiver-
satione Moïsis, Exod. iv: 10. aut Jeremiæ, i: 6. Non tamen hinc
inferre licet, fuisse hanc primam Jesaiæ missionem; uti §. iv: evici-
mus. Ceterum eo laudabilior censenda Jesaiæ promptitudo est, quod
molestias prophetici muneris, & populi pervicaciam, expertus, non
tamen iterato mitti, & ire detrectat. Tam generosus ipsi Divina
isthac apparitione inditus erat animus.

XXXVI.

*Tertia par-
tis subdi-
visio.*

XXXVI. Quam animi perturbationem ostendit Jesaias, quando
judicia Dei super Babelen denuncianda habebat Cap. xxi: 2-4. *Visio
dura nunciatur mihi: idcirco implentur lumbi mihi ægritudine; tormina cor-
ripunt me, quasi tormina parturientis &c.* eandem, vel etiam aliquan-
to majorem, ostendere merito potuisset, quum terribilius judicium
super Israëlitis populo prædicare juberetur. Quidquid enim durum
durumque in dilectissimos sibi populares suos cogitari potest, hic uno
veluti agmine concurrat; nisi quod aliqua tamen gratiæ mixtura tem-
peratum sit. Uti ex illius meditatione patebit. Tria adhuc excut-
tienda restant. I. *Denunciatio judicii*, quod prædicare Jesaias jube-
tur, vers. 9, 10. II. *Interlocutio Propheta*, initio vers. 11. III. *Re-
sponsio Dei*, vers. 11, 12, 13.

XXXVII.

*Jubetur
Propheta
prædicare
defectum
attentionis
in audiendo
& videndo.*

XXXVII. Denunciatio judicii his concepta verbis est. *Itô,*
quemadmodum te obtulisti. Quod enim quis pollicetur, id ei præ-
standum est, Ecc. v: 3. Pl. lxxvi: 12. Nihil magis Deo displicet,
quam blandiri ore, & mentiri corde ac facto, Pl. lxxviii: 36. Mat.
xxi: 30. *Dicito.* Præformat Deus ministris suis verba, Jes. xl: 6.
Quibus tam addere quam demere nefas est, Ezech. iiii: 10, 11. *PO-
PULO HUIC.* Israëlitis, in quem tot contuli beneficia, ad quem
tot misi Prophetas, quem fide & sanctitate præ ceteris mundi nationi-
bus eminere oportuit: sed qui jam dudum sua se pervicacia indignum
foedere ac favore meo præstitit, non meo amplius, quippe quem fa-
stidio, sed Huic populo, dicito. Est formula dedignantis. Conf.
Jes. xxix: 13. Jer. vii: 16, 33. Et quid jubetur dicere. *AUDIEN-
DO AUDITE, ET NON INTELLIGETIS; ET VIDENDO VIDETE, ET
NON COGNOSCETIS.* Græci ita interpretantur, *ἄκουε ἀκούεις, καὶ ὁ
μὴ οὐκ ἀκούεις, καὶ βλέπεις βλέπεις, καὶ ὁ μὴ ἰδὲν.* *Audite audietis, &
non intelligatis, videntis videbitis, & non cognoscatis,* quasi priora verba
prædicantis, altera imperantis essent. Alii, quasi omnia essent im-
perantis. Vulgata: *Audite audientes, & nolite intelligere; & videte
visionem, & nolite cognoscere.* Junius: *Audite indefinenter, at ne in-
telligatis: videte indefinenter, neque cognoscatis.* Ita quam plurimi. Quos
& Belgæ, & Angli, & Coccejus sequuntur. Chaldaæus utitur gemino
parti-

participio, in priori parte coli. **וְשִׁמְעוּן שְׁמַע וְלֹא מִסְתַּכְלִין**, *qui audientes audiendo & non intelligentes*. In posteriori, verbo ambiguo, quod & præteriti, & imperativi est, una cum participio. **יִחוּ מִחוּן וְלֹא יִדְעוּן**, *& viderunt*, vel *& videte videndo*, *& non cognoscentes*. Rite tamen attendenti manifestum est, quod **וְשִׁמְעוּ** & **וְלֹא** imperativi modi sint, sed **וְיִדְעוּ** & **וְיִחוּ** futura. Quam variationem significationis non puto esse negligendam. Non nescio, illud quandoque contingere, ut aliquid cum indignatione aliqua quasi præcipiatur, quod in se oppido malum est, imo & ipsa illa indignante præceptione malum esse declaratur. Pro exemplo sint, *Jes. l: 11. Eccl. xi: 9. Ezech. xx: 39. Apoc. xxi: 11.* Neque admodum iis refragari velim, qui & hæc Dei verba eadem mente exponunt. Quasi dixisset: quandoquidem tam obstinata hætenus pervicacia & verba mea, quæ tot jam secula audivistis, & miracula mea, quæ vidistis, spernere vobis lubuit, pergite nunc in eadem obstinatione ad finem usque, & ad perniciem vestram sine fine. Ego vos relinquam vobis, & malo vestro genio. *Conf. Ps. lxxxix: 12, 13.* At causam non video, cur a textus Hebræi simplicitate & facilitate recedamus. Quum dicit Deus, **AUDIENDO AUDITE**, & **VIDENDO VIDETE**, duo innuit. Primum, se dedisse iis, & porro daturum, quæ audire & videre liceret, quæque audisse & vidisse operæ pretium erat; nimirum conaciones Prophetarum prorsus Divinas, & singularia, ac quandoque prodigiosa, suæ erga ipsos providentiæ exempla, denique fui etiam in carne præsentiam, & verba quæ ipse sibi novissimis temporibus prædicanda reservaverat. Dein monet, officii ipsorum esse, ad ea omnia, audiendo & videndo, accuratissime attendere. At longe aliter eos esse facturos, verbis sequentibus monet, **NON INTELLIGETIS**, **NON COGNOSCETIS**; intellectione & cognitione, quæ cum fide, caritate, sanctificatione & salute conjuncta sit. Hac ratione & verborum servatur proprietas, & ex facili fluunt omnia.

XXXVIII. Major difficultas esse videtur in sequenti commate. **XXXVIII.** **PINGUEFAC COR POPULI HUIUS, &c.** Ubi occurrit I. *Denunciatio* *Itemque* *induratio-* *nem & oc-* *cacationem.* **II. Negatio boni.** In priori considera, & mala denunciata, & *actiones*, sive Dei, sive Prophetæ, circa ista mala. Mala denunciata sunt I. **PINGUEDO CORDIS.** Non utique vitalis istius corporeæ partitis, sed mentis atque animi; similitudine tamen inde desumpta. Quando enim cor nimio obseptum est adipe, stupidius & insensatius esse, & minus bene officio suo fungi creditur. Sic in animis quoque ex diuturno & imprudenti rerum prosperarum usu moralis quædam oritur pinguedo, sive petulantia, & inadvertentia, & recalcitratio adver-

adversus monita salutaria, Deut. xxxii: 15. Pl. xvi: 10. Jer. v: 28. II. GRAVITAS AURIUM. Tarditas, & νοησιμότης, & obstinatio animi, Zach. vii: 11. III. OCULORUM OCCLUSIO. Mentis voluntarius stupor, cum odio veritatis, quantumvis se clare ingerentis. Vox Hebræa חָשַׁח videtur a gemina derivari posse radice; vel a חָשַׁח, quod aliquando significat vultum oculosque *avertere*: uti Pl. xxxix: 14. חָשַׁח מִפְּנֵי וְאֶחָדָם, *respice*, vel *averte*, vel *desiste*, a me, ut recreemur, & Jer. xxxi: 3. וְלֹא תִשְׁעִינָה עֵינֵי רוּחַיִם Neque *avertent* se, aliove respicient, *oculi videntium*, & tunc significaret oculorum aversionem ab iis rebus quæ præ cæteris animadversione dignissimæ sunt: vel a חָשַׁח, quod Chaldæis etiamnum significat *oblinere*, *incrassare*. Et sic notaret, oculos populi veluti crassa aliqua materia oblitos, vel emplastro palpebras tegente, ac contrahente, & aciem visus infrigente; impeditos fore. Utrum eligas, eodem fere res redit. Atque hæc quidem mala ista sunt, quæ denunciare Propheta jubetur.

xxxix.

Quæ astringi
bui potest,
vel populo.

XXXIX. *Actiones* circa ista mala adscribi possunt, vel ipsi populo Israëlítico, vel Deo, vel Propheta. De primo cogitasse videntur qui sic transtulerunt. Ἐπαχύνθη γὰρ ἡ καρδία τοῦ λαοῦ τούτου, καὶ τοῖς ὤσιν αὐτῶν βαρύνει ἡκούσαν, καὶ τὰς ὀφθαλμοὺς ἐκάλυψεσαν. Ita LXX. hodie habent. Ita & Mat. xiii: 15. & Act. xxviii: 27. *Crassum enim factum est cor populi hujus, & auribus graviter audiverunt, & oculis suis commoverunt.* De qua interpretatione vir quidam doctus sic scribit apud Cappellum Crit. Sac. p. 499. *Deus Propheta precipit, ut impinguaret cor populi, & aures ipsorum aggravaret. Quæ induratio quæm Apostolorum acate imprimis obtineret, & omnia ea, uti Deus prædixerat, evenissent, Apostoli de ea induratione, quam ipsi oculis suis intuebantur, ita loquuntur: Ἐπαχύνθη γὰρ ἡ καρδία &c.* Sententiam hanc, illi Jesaia loco omnino congruentem, quam aliquis Scriba ad marginem libri sui annotatam videret, & eam rectam esse illius loci lectionem crederet, Keri illud in locum τῶν Cetib substituit: ordines temporum, & historia seriem in Jesaia perturbans. Quæ nemo sane mentis crediderit, ab Interpretibus illis ita primum scripta fuisse, uti nunc habentur. Sic ille vir doctus. Cappellus ex adverso p. 535. *Quidni, inquit, LXX. Interpretes sic reddiderint istum locum? Nimirum pro imperativo, uti nunc in punctatione Massoretica legitur, illi mutatis tantum punctis, quæ tunc nulla fuerunt, per præteritum, vel per nomen, aut participium, quæ vim præteriti habent, legerunt חָשַׁח pingue est, vel חָשַׁח in Hophal, Ἐπαχύνθη, pro חָשַׁח impingua, quod hodie legitur. Item חָכַר vel חָכַר gravis est auris eorum, βαρύνει ἡκούσαν τοῖς ὤσιν αὐτῶν. pro חָכַר aggravata. & חָשַׁח ἐκάλυψεσαν oculus eorum, quod ipsi acceperunt quasi esset præteritum Cal a radice חָשַׁח, quæ etsi non agnoscitur*

scitur ab hodiernis Lexicographis, potuit nihilominus ab illis Interpretibus vox illa sic accipi, ex affinitate Linguae Arabicae, in qua *γωγ* significat compungi, comprimere animo, quasi *γωγ* sit oculos comprimere, oculis nictare. Hæc Cappellus. Ego istam controversiam meam hodie non facio; neque determino an Cappellus, dum ita legentes facit LXX. Interpretes, analogiæ Linguae Hebraicæ perite satis consulat. Mihi compertum est, novi fœderis Scriptores in allegationibus suis non anxia se cura semper Prophetarum verbis adstringere; plerumque contentos ea solum allegasse quæ & vera essent, & ad rem præsentem facerent. Sufficiebat autem ad institutum Apostolorum ex allegato Jesaiæ vaticinio probare, prædictam olim illam cordis duritiem esse, quæ tunc Israëlitis sua culpa incumberebat.

XL. Johannes pinguefactionem & aggravationem & occæcationem hanc, sano & sancto sensu, Deo adscribit. Sic enim ille Evang. *Deo*. Cap. XII: 40. *Τετύφλωκεν αὐτῶν τὰς ὀφθαλμοὺς, καὶ πεπύρωκεν αὐτῶν τὴν καρδίαν.* Quasi scriptum esset *וְהִפְשִׁיחַ* & *וְהִכְבִּיר*. At nec desunt, ex Hebræorum magistris, in quibus est *Aberbenel*, qui nostrum *וְהִפְשִׁיחַ* & *וְהִכְבִּיר* contendunt posse esse in infinitivo. Porro apud Hebræos, sicut & apud Latinos, non insolens est enallage infinitivi pro præterito: quod & Buxtorfius observavit, *Grammatica Lib. II. Cap. XVI.* ubi exempli causa adducitur Ezech. I: 14. *וְהָיוּ רְצוּחַ וְשׁוֹחַ* *Et animalia currere & redire.* Glassius, diligentissimus, si quisquam, Scripturarum Interpres, multo plura suggerit *Phil. Sac. Lib. III: Tract. III. de Verbo. Can. XLIV.* unum præ ceteris, quod apprime instituto nostro consentaneum est. Nimirum Exod. VIII: 11. *Et vidit Pharaon quod esset respiratio.* *וְהִכְבִּיר אֶת לִבוֹ* & *aggravare cor suum.* Ubi idem verbum, eadem qua hic punctatione, præteriti significationem habet. Fortasse temnenda non est Cocceji observatio, in tali constructione subintelligi verbum præteriti temporis, ut plena oratio fuerit, *Impinguando impinguavit*, nempe Deus. Talem ellipsin, & subintellektionem agentis hic approbat vox sequens *וַיִּשָּׁא* & *sanet*: ubi necessario sanans debet subintelligi, qui non est nisi Deus. Addit Coccejus: *Neque potest rejici ista interpretatio, quoniam sit analogia Scripturae, qua dicit, Deum indurasse cor Pharaonis, Sichonis, & filiorum Eli, & populi Israëliti, Exod. IV: 21. Deut. II: 30. I. Sam. II: 25. Jes. XXIX: 10.* Nullo modo autem Deum isthac Scripturæ phrasi verum peccati auctorem constitui, notius est quam ut monere necesse sit. Indurat Deus, quando non emollit, quando hominem in pœnam antecedentium scelerum sibi relinquit, & tradit in reprobum sensum, & Satanæ mancipiat, & ea obijcit quibus improbus ille improbe abutens porro

Tom. II. E sua

sua culpa induretur. Atque ita Johannem cum Jesaia optime conciliamus, ut uterque, hætenus saltem, idem dixisse comperiatur. Nec tamen prorsus idem. Nam quæ Jesaïas de aurium aggravatione habet, ea Johannes non habet. Unde redeo ad nuperrimam observationem, non existimasse Apostolos eam sibi operam datam esse, ut verbotenus allegarent omnia quæ ex Prophetis laudant.

XLI. *Vel
Propheta.*

XLI. Caussam itaque non video, cur, in propria & literali Hebræi sermonis interpretatione, recedendum ab eo sensu sit, quem verborum punctatio primum se legenti ingerit. Nimirum verba *הַשִּׁיעַ, הַכִּנֵּר, הַשִּׁמֶן*, imperativa sunt, denotantque aliquid quod agere jubetur Propheta. At qua mente? Ex Hebræis quidam sic exponunt. Quandoquidem populus hic amat contraria mandatis agere; præcipe illis ut indurent se, obturent aures, avertant, vel oblinant oculos, si forte tunc resipiscant, & sanentur. Ceterum explicatio ista subtilior, quam solidior est. Nam, uti ex ipso *Aberbenele* bene notavit *Coccejus*, in tali inobedientia non potest esse conversio, & sanatio. Alia igitur hic cogitare oportet. Atque id quidem omnium primo occurrit, quandoque Prophetis injungi ut aliquid *agant*, quod solummodo habent *prædicere*. Illustre hujus rei exemplum est Jer. 1: 10. *Vide, præficio te hodierno die gentibus & regnis, ad exstirpandum, & ad demoliendum, & ad perdendum, & ad destruendum, ad edificandum, & ad plantandum.* Ex hac mente, dum jubetur Propheta impinguare cor, gravare aures, oblinere oculos, jubetur omnia ista, ut populo aliquando eventura, claro & perspicuo sermone prædicere. At suspicor subesse majora; & hanc esse præterea Dei mentem: ita loquere tu, ita etiam loquantur Prophetæ te secuturi, in parabolis & ænigmatis, ut, quum illa inservire deberent excitandæ diligentiae, ignavo populo cedant in augmentum stuporis. Sic enim verbum suum comparavit Deus, ut sedulus lector in eo salutarem inveniat sapientiam, ignavus ac perversus offendatur. In hanc cogitationem induxit nos D. Jesus, Mat. xiii: 13. Luc. vii: 10. Et fortasse ne sic quidem habemus omnia. Ita plerumque usu venire solet, ut remedia, cæteroquin validissima, si optato fructu careant, in malum cedant ægris, & verbum Dei, quando non est odor vitæ ad vitam, evadat odor mortis ad mortem, 2. Cor. ii: 16. Excæcat enim & indurat eos quibus stat indulgere opinionibus & affectibus suis, eosque quovis modo stabilire. Quo clarius invitis ingeritur veritas, eo plus elusionum & corruptelarum quærunt: quas si invenire nequeant, eo vehementius exardescit odium adversus tam importunam, tamque molestam veritatem. Sensus itaque est; prædica constanter & assidue
verbum

verbum meum, & quandoquidem, pro insita sibi, pravisque actibus insigniter aucta, pervicacia, se illi scelerate opponent, tua eos constantia & ~~passiva~~ redigito porro ad insaniam & ultimum furorem. Quod revera miseris illis ad clarissimam Evangelii prædicationem cōtingit.

XLII. Et quidem maximo suo malo. Talis enim status con-^{XLII. Es}versionem ad Deum, & sanationem ad salutem, fere impossibilem ^{inducis im-}facit. Quod his docetur verbis: NE VIDEAT OCULIS SUIS, ET ^{possibilitatem con-}AURIBUS SUIS AUDIAT, ET CORDE SUO INTELLIGAT, SEQUE ^{versionis,}CONVERTAT, ET SANET EOS. Profecto istiusmodi induratio mi-^{ac salutaris.}serimos mortales, hominum & animalium statu exemptos, quasi in statuas transformat, Ps. cxv: 5, 6. cxxxv: 16. Et si *animadvertere* non possint, nec *convertere* se ad Deum possunt. Quippe quæ conversio in animi & actionum rationalium sancta mutatione consistit. Porro si non convertant se, *non sanabuntur*; non consequentur remissionem peccatorum, Mat. vi: 12. neque ullam Reipublicæ prosperitatem, Ps. lx: 4. Jes. xix: 22. In Hebræo est *לֹא יִשְׁתַּחֲוֶה*. Quod multi interpretantur passivè, & *sanetur*, vel propius, *ut sanitas obveniat ei*. At verbum activum est. Et proprie sonat, & *sanet eum*: nimirum is cujus est sanare, Filius Dei, ipse Rex Israël. Evangelistæ habent, & *sanem*. Eodem recidit. Nam & Filius cum Patre hic loquitur, & eadem est utriusque voluntas, Joh. v: 19. Sæpe etiam contingit, ut verbum singulare tertiæ personæ sumatur impersonaliter. Quod si & hic velimus, sensus esset, & *sanet eum quisquam*. Idque cum *Junii* interpretatione fere coincidit, & *sanitas obveniat ei*. Non eo certe hæc dicuntur, quasi noller Deus conversionem peccatorum & vitam. Contrariam protestationem jurejurando confirmat, Ezech. xxxiii: 11. Conf. Luc. xix: 41, 42. Sed docetur, quis futurus sit tantæ occæcationis & indurationis exitus; nimirum impossibilitas conversionis, Jer. xiii: 23. certusque interitus, Proverb. xxix: 1. Phrasis autem ista, *ne videat*, &c. justissimam Dei indignationem indicat. Quasi diceret, quandoquidem populus ita amat, sit ita, Jer. v: 31. *Quandoquidem maledictionem amavit, eveniat ei; neque delectatus est benedictione, procul ea absit*, Ps. cix: 17.

XLIII. Inquiri tandem meretur, quo præcipue tempore judi-^{XLIII. Ju-}cium hic denunciatur genti Israëlitiæ incubuerit. Dubitari equi-^{dictum hoc}dem non potest, perpetuum id fuisse populi vitium, de quo omnes ^{Christi pa-}omnium temporum Prophetæ conquesti sunt, Deut. ix: 24. Jer. v: ^{tesacti tem-}20, 21. Zach. vii: 11, 12. Sed in hac prophetia illud potissimum ^{pore possi-}tempus designatur, quo Dominus Jesus ad regnum suum in mundo ^{bum incu-}^{buis populo}erigen-^{Israëlitico,}

erigendum venit, & Evangelium regni ipse primum prædicavit, dein per Apostolos, ceterosque ministros suos, promulgari iussit. Eo tota hæc apparitio nos revocat, describens tempus regnantis Christi, miserrimumque populi, regnum illud respuituri, statum. Dubitationem omnem eximunt *ἀντιθέσεις* sacrarum literarum Interpretes, Christus & Apostoli, suæ hoc vaticinium ætati applicantes, Mat. xlii: 14. Joh. xii: 39. Act. xxviii: 25. Accedunt consimiles de eadem ætate prophetiæ, Jes. xxix: 10. col. cum Rom. xi: 8. Jes. xlii: 19, 20. col. c. vers. 1, 2. Denique tam manifestis indiciis respondit eventus, ut eadem cæcitare laborare eum necesse sit, qui id non videt.

XLIV.
*Ejus rei
rationes.*

XLIV. Verum & id sua dignum inquisitione est, cur Deo placuerit, admirabili sua providentia ita res dirigere, ut, Christo adventante, tam profundus stupor populo Israëlítico incumberet. Profecto viæ Domini abyssi sunt, sæpe impenetrabiles, Rom. xi: 33. Attamen hujus rei rationes quasdam ipse patefecit. I. Ita docere voluit, Messias in mundum adventum ex mera gratia, nullo modo secundum antecedentem populi dignitatem, esse. Frequens etiamnum in Judæorum ore dictum est: venturum Messiam, si Israël dignus sit, sin secus, non venturum. Ut nullus tam vesanæ cogitationi locus esset, placuit Deo, deploratissimam omni modo Israël conditionem esse, quo tempore Filius suus se præberet conspiciendum. Conf. Tit. i: 3, 4. II. Ad salutem generis humani prorsus erat necessarium, ut Messias, secundum prophetias, a suis spretus, rejectus, male habitus, tandem sceleratorum hominum manibus adigeretur cruci. Id quod fieri potuisset, nisi incredibili stupore & amentia præditi fuissent & populus & summates? Ps. cxviii: 22. I. Cor. ii: 6-8. III. Sapientissimo clementissimoque consilio definiverat Deus, ut Evangelium prædicaretur Gentibus; sed eâ demum occasione, si prius contemneretur a Judæis; quorum lapsus futurus erat opulentia mundi, Rom. xi: 11, 12. Act. xiii: 46, 47. xxviii: 26, 27, 28. IV. Visum denique summo Numini est tam horrendam tamque detestandam populi malitiam eo dirigere, ut tanto luculentius Divinæ suæ potentiae & gratiæ gloria splenderet, in illiusdem populi vivificatione ex tanta tamque diuturna morte. Quam vivificationem uti certa fide præstolamur, ita calidis optamus votis, Rom. xi: 25. quippe quam sequetur aut comitabitur insignis totius Ecclesiæ felicitas, & *quasi vita ex morte*, Rom. xi: 12, 15. Jes. lx: 1-3.

XLV. *Cur
omnia hæc
tanto ante*

XLV. Neque nullæ Deo fuerunt rationes, cur tanto ante tempore prænunciari hæc omnia voluerit, quamvis sciret ne hac quidem

cos

eos ratione emollitum iri. Etenim non modo omni excusationis præ-^{tempore} textu exuere voluit, si toties, tamque perspicue commonefacti, ta-^{præ-nuncia-} men non attenderent: sed & noluit Apostolis atque Evangelistis ani-^{sa sint.} mum ob eam causam concidere, quod incassum se omnem Israëlitis convertendis operam impendere experirentur. Denique præ-nuncia-tione ista prudenter cavit, ne ea res vel gentibus, vel ipsi etiam Ju-dæorum posteritati, offendiculo foret. Quoties enim cunque cogi-tamus, tam deplorandum populi Israëlitiçi statum, sub primis regni Messîæ initiis, a Deo præcognitum, & per Prophetas prædictum esse, toties animum in admiranda quidem illa, sed & adoranda semper Di-vina providentia, tacita veneratione acquiescere oportet.

XLVI. Hanc nobis viam Jesaias præit: sic tamen, ut non de-^{XLVI. Ja-} sinat commiserationem suam erga perditissimam gentem, salvo semper ^{saie inter-} supremæ justissimæque voluntatis Dei arbitrio, demonstrare. Huc ^{pellasio.} enim pertinet ea interpellatio vers. 11. **עַד מָתַי אֲדֹנָי** Quousque, DOMINE? Quando Deum compellat ut DOMINUM, agnoscit absolu-tum ejus in omnes & omnia dominium, & contestatur suam ^{καὶ τοῦ γογγυσμῶν καὶ διαλογισμῶν} subjectionem. Enimvero in consideratione Divinæ prædestinationis, & viarum, quibus decreta sua exsequitur, nihil est quod omnem querulandi, murmurandi & contra responsan-di audaciam validius compescat, quam meditatio supremi, nullisque nisi virtutum suarum limitibus circumscripti, domini Dei in omnes suas creaturas, Rom. ix: 20. Rogat autem, Quousque, Domine? Quod non erat curiositatis, sed commiserationis, & tædii, & desi-derii, ne in longum tam deplorandus popularium suorum extendere-tur status. Conf. Ps. vi: 4. xlii: 2, 3. lxxx: 5. xc: 13. Zach. i: 12. Non audet obstrepere Deo. Tu, inquit, DOMINUS es. Ergo, quod bonum videtur in oculis tuis facito. Si quidem hæc ita fieri necesse sit, fiant. Quis famulus dicet cœli terræque Domino, cur decernis, cur facis ita? At tamen, Domine, quum nihil hætenus de duratio-ne significaveris, liceat mihi rogare, quousque? liceat vovere, ut brevi tam immanis habeat miseria finem. O devota submissio! O sancta & prudens caritas! At nec illud sine animadversione præter-mittendum, quam apte & sapienter hæc quoque a Deo dispensata sint. Destinaverat Deus Jesaiam de fine hujus judicii, & quorsum ista evasura essent, informare. Sed voluit ob eam rem rogari. Ita plerumque suorum vota dirigit, ut consilii sui executioni inserviant, Ezech. xxxvi: 36, 37.

XLVII. Pœna sequitur delictum, uti umbra corpus: & justa ^{XLVII.} proportionem delictorum gravitati respondet; sic tamen ut plerumque ^{Denuncia-} Deus, ^{tio pœnæ.}

Deus, præcipue in populi sui criminibus vindicandis, severitatem suam sapienti clementiæ mixtura temperet. Nihil horum est quod non inveniamus in responso illo quod Prophetæ interpellationi reponitur. Ubi primo occurrit declaratio *vindictæ*, dein addictio *miserericordiæ*. Vindicta consistit in terræ & populi DESOLATIONE: gravi pœna, criminis gravissimi. Quum occæcatio & obduratio ad Messiæ revelati tempora, uti modo demonstratum est, potissimum referantur; consequens est, ut per desolationem hic denunciata novissima illa intelligatur, quæ per *Romanos* facta est. Ea describitur, partibus quibusdam gradibusque, hoc ordine, distincta. I. Occurrit desolatio *urbium*, etiam munitissimarum: adeo ut vix quisquam supersit, qui in una alterave relicta domo habitet. vers. 11. USQUE DUM VASTENTUR CIVITATES, UT NON SIT HABITATOR. Conf. Cap. 11: 15. II. Vastatio *domorum*. ET DOMUS, ADEO UT NON SIT HOMO. Raro evenit ut deletio urbium tam sit universalis, quin ædes aliquot ad paucorum miserorum refugium supersint. Conf. Cap. v: 9. III. Vastatio *terræ*: ETIAM IPSA *הארץ* REGIO VASTATA SIT DESOLATIONE. Non arata, non sata, non culta, tota spinis, vepribus, sentibusque horrens. Cap. VII: 23, 24. IV. Remotio *hominum*, & dispersio in omnes orbis angulos, procul a terra sua, procul a se invicem. vers. 12. ET PROCUl AMOVEAT JEHOVA HOMINEM QUEMQUE, ET MAGNA SIT DERELICTIO IN TERRA. Videretur innui spontanea terræ relictio. Quæ in eo distincta est a transportatione Assyriaca & Babylonica. Non enim coegerunt Romani superstites Judæos alio commigrare: sed plerisque non lubuit habitare terram, tam horribili a Deo anathemate percussam. Hinc aliis alio commigrantibus, in remotissimas orientis, occidentis, meridiei, & septentrionis plagas dispersi sunt, Deut. XXVIII: 64. V. *Superstitio partis decimæ*, hoc est, exiguæ: sed iterum depascendæ. vers. 13. ET ADHUC IN EA DECIMÆ, ET REVERTENTUR, ET ERUNT DEFASTIONI. Nimirum qui post tot strages in Judæa remanserunt, vel postliminio redierunt, ad rebellionem per Bar Cosba incitati, sub Hadriani imperio, a Tinio Rufo, Judææ præside, crudeliter ad internecionem deleti sunt. Quam historiæ suæ partem tragice Hebræorum magistri descripserunt. Vide sis *nostram Hierosolyma Historiam Part. III. §. XII. & seq.* Quæ quum, uti prædicta sunt, ita patrata apud *Josephum* aliosque legimus, non potest, quin miserrimæ nunc, at olim Deo dilectæ gentis *συμπάσις* commoveamur; quin trepidemus ad tantæ severitatis exemplum; quin denique, Jesaiam,

Chri-

Christum, Paulum imitati, ardentibus precibus intercedamus, ut tantæ tandem miseriæ imponatur finis.

XLVIII. Cujus nobis spem clementissima Dei promissio, his XLVIII. verbis facit vers. 13. **אֲשֶׁר בְּשִׁלְכָת מִצְבֶּת בָּם יִרְעַ** *Promissio* **בְּאֵלֶּה וּבְאֵלֶּיךָ** *gratia.* **קִדְשׁ מִצְבֶּתָּהּ**. Quæ quamvis admodum diversimode exponantur, in universum tamen liquet, contineri iis promissionem de posteritate Israëlitis non penitus delenda, propter electos in iis, suis singulos temporibus vocandos. In sensu parabolæ melius conveniunt Interpretes, quam in singulis verbis. Disputant an **אֵלֶּה** sit *quercus*, an *ilex*, an *ulmus*: item an **אֵלֶּיךָ** sit *pinus*, an *castanea*, an *robur*, aliave distincta species quercus. Quam controversiam solide dirimere fortean **אֵלֶּה** *τῶν ἀδύνατων* est. Neque res est tanti, ut multum de ea laboremus. Ad mentem enim prophetiæ perinde est, modo tales hic supponantur arbores, quæ etiāsi aliquando emortuæ videantur, tamen, propter succi sui vigorem, revirescunt. Neque minor difficultas est in voce **שִׁלְכָת**, quam Chaldaeus exponit **מִתַּר תְּרַפִּין** *defluxionem foliorum*; quod sequuntur *R. Salomo & David Kimchi*. *Aberhenel* interpretatur **הַעֲנָפִים** *abjectionem ramorum*. Nostrorum quamplurimi eadem mente. Et tunc sensus esset: sicut arbores illæ suas patiuntur hiemes, quibus fructus & frondes defluunt, imo & rami arefiunt, atque emoriuntur, vel amputantur in pabulum ignis; attamen remanet **מִצְבֶּת** *STIPES FIRMUS & validus*, cum suo alibili succo, unde vere novo efflorescunt; ita & res comparata erit cum populo Israëlítico. Sævissimam longissimamque experietur hiemem, omnis bonæ frugis expers, ne frondes quidem, speciemve pietatis, aut ullius decoris, habens: amputabuntur, comburendi igne hostili, & fervore Divinæ iracundiæ. Attamen virtute æterni fœderis non penitus interibit. Remanebit truncus, quantumvis succifus, qui suo tempore efflorescet in progeniem lætiorem, *Jer. xxxi li: 25, 26*. Cæterum alii putant per **שִׁלְכָת** intelligi *AGGEREM* illum editum, viamque excelsam, qua e domo sua Salomo in domum Dei ibat; quamque ad majorem soli firmitatem arboribus plantaverat; de qua *1. Reg. x; 5*. & quæ **שִׁלְכָת** dicitur *1. Chron. xxvi: 16*. Quam interpretationem si sequamur, hæc posset esse mens: quemadmodum quercus & ilices viæ illi regiæ pro firmamine erant; ita in gratiam electorum ex Israëlē conservatum iri terram illam, quam verus Israëlitis Rex pedibus suis calcavit, & ex qua in templum gloriæ suæ ascendit, ut illa maneat Israëlitis hæreditas, tunc ei restituenda, quando ablata cœcitate Christum agnoscet. Id enim viri pii futurum existimant, ex *Deut. xxx: 4, 5*. & *xxxii: 43*. *Pf. cv: 8-11*. *Ezech.*

xxxvii: 21, 22. Luc. xxi: 24. Et quidni liceat sperare, fore aliquando, ut in Judæa non minus, quam cæteris terræ partibus, Jesus noster agnoscat, & colatur. Si cui tamen interpretatio ista paullo videatur subtilior, non admodum repugno. Fortassis omnium simplicissimum erit, ut per שלכת generatim intelligamus *aggestum aliquem agerem*, in quo validæ arboris truncus obrutus jacet, multo post tempore repullulaturus: eaque similitudine præsens populi Israëliti status figuretur. Qui profecto nunc non est sicuti ilex aut quercus ramis & frondibus læta, & suffugium præbens animalibus agri & volucris cœli: sed ut truncus ilicis aut quercus aggesta terra circumvallatus, & diu in ea subsistentiam retinens, statoque tempore novo cum vigore ac virore proditurus.

XLIX. Ob
semen san-
ctum.

XLIX. Firmitas ista est ex SEMINE SANCTO. Quo nomine intelliguntur electi, quos Deus in populo Israëlítico habet. Non enim ignorandum est, *obdurationem non nisi ex parte Israëlitis evenisse*, Rom. xi: 25. semper facta est *reservatio, secundum electionem gratuitam*. ib. vers. 5. Hi vocantur SEMEN; tam ratione *Patrum*, ex quibus nati sunt, *semen Abrahami, amici mei*, Jes. xli: 8. quam ratione *posteritatis*, ex ipsis oriundæ, Jes. xxxvii: 31. SANCTUM semen dicuntur. I. Intuitu Divinæ *electionis*, qua secreti sunt a reliquo mundo, & semine tantum carnali. II. Intuitu *fœderis* Abrahamici, Rom. xi: 16. *Quod si primitiæ sancta, etiam massa: &, si radix sancta, etiam rami*. III. Intuitu *puritatis internæ* ac spiritualis, ad quam, virtute fœderis & electionis, promoventur, Eph. i: 4. Hi tales sunt terræ & populi FIRMAMEN. Propter illos, inquam, electos, qui *olim fuerunt*, Rom. xi: 28. qui *tunc erant*, quando ista judicia Deus exsequebatur, Mat. xxiv: 22. & qui labentibus seculis *existuri erant*. Quum enim plurimos haberet Deus, olim ad sui communionem vocandos, eorum gratia conservari populum oportuit, ex quo aliquando erant prodituri. Conf. 2. Pet. iii: 9. Summa promissionis huc redit: Quantumvis populus Israëliticus occæcatus, obduratus, perditus, dissipatus sit; nunquam tamen penitus excisum iri, sed futurum esse, ut in electis suis ad gloriam repullulet. Quod non hic solum, sed & alibi frequenter, & quidem disertissime, prædictum est. Vide Levit. xxvi: 44, 45. Deut. iv: 30, 31. Jer. xxxi: 35, 36. Hos. iii: 5. Mat. xxi: 39. Rom. xi: 28. 2. Cor. iii: 16.

L. Nostrum
circa hæc
omnia offi-
cium.

L. Quæ quum ita sint, discamus hinc, quid nostri sit officii. Ne gloriemur adversus defractos arboris, cui insiti sumus, ramos. Ne efferamur animo, sed metuamus. Nam si Deus naturalibus ramis non pepercit, vigilemus ne nobis quoque non parcat, Rom. xi:

18, 20, 21. Nationem eam, cui tanta promissa facta sunt, non vexemus, exhibeamus, exturbemus: sed potius, *συμπάθει* ducti, ad zelotypiam provocemus: illiusque conversionem; precibus, sermonibus, pio exemplo, promoveamus: inservientes consilio Dei in generatione nostra. Habet etiamnum Deus in ea gente electos suos, propter quos sicut Deo chara est, ita & nobis charam esse oportet, Jes. LXV: 8. Israëlita Ecclesiae vota olim pro nobis fuerunt, Cant. VIII: 8, 9. Debemus illi *ἀποσταῖν*. Nostra rursus vota pro ea sint, Ps. XIV: 7. LXXX: 2, 3. Ex Israëlitis fuere, quorum opera nos adducti sumus ad Christum, Rom. xv: 16. Ex nobis oriantur, qui eos iterum Christo sistant, Jes. LXVI: 20. O DEUS EXERCITIUM, REVERTERE JAM, INTUERE E COELIS, ET RESPICE ET VISITA VITEM HANC: ET SURCULUM QUEM PLANTAVERAT DEXTRA TUA: IDQUE PROPTER FILIUM, QUEM FORTIFICASTI TIBI, Ps. LXXX: 15, 16.

EXERCITATIO II.

DE

Votivo Anathemate Pauli.

AD

ROM. IX. VERS. III.

BREVIARIUM.

- I. Thema explicandum. II. *Ἀνάθημα* & *ἀνάθημα*, an, & quid differant.
- III. Differre negat Theodoretus. IV. Afferit Chrysostomus. V. *Ἐπίγειον*.
- VI. Anathema Grecis erant homines ad extrema diris devoti. VII. Qua significatio ab hoc loco aliena non est. VIII. Cherem Hebrais notat rem vel personam devotam destructioni.
- IX. Ut & separationem a populo Dei, duobus tribusve gradibus distinctam. X. Qui sic separatus erat, desinebat esse pars cætus Israëliti.
- XI. An & publica Synagoga ejiciebatur? Negant Seldenus & L. Cappellus. XII. Sed potius affirmandum videtur. XIII. Neque obstat quod licitus excommu-

Tom. II,

E

nica...

nicatis fuerit Templi introitus. XIV. Cherem subiciebat quoque excommunicationem Divinae execrationi. XV. Credibile est, Paulum omnia ista anathematis vocabulo comprehendere. XVI. A Christo, notare potest causam efficientem. XVII. Quid sit Maranatha, & Ramantha. XVIII. A Christo, etiam terminum significat: importatque separationem ab Ecclesia, quæ Christi corpus est. XIX. Et ab ipso Christo capite. XX. Pro fratribus, notat tam loco, quam bono fratrum. XXI. Magnis difficultatibus votum istud Pauli premitur, XXII. Quod tamen neque temerarium, neque utilitate cassum, neque sanctitati contrarium esse potest. XXIII. Varii Interpretum in tollendis difficultatibus labores. XXIV. Sunt qui Paulum de tempore Phariseismi sui loqui putant: sed male. XXV. Alii anathema interpretantur de morte violenta, aut annihilatione. Sed nec hoc satisfacit. XXVI. Propius accedunt, qui intelligunt separationem ab Ecclesia. XXVII. Sed admittenda quoque est separatio ab ipso Christo: saltem ad tempus. XXVIII. Quidni, & in æternum? XXIX. Exclusis tamen damnatorum peccatis. XXX. Difficultates, quibus hæc explicatio premitur. XXXI. Earum solutio generalis. XXXII. Specialior. XXXIII. Toti voto subest conditio, si quidem fieri possit. XXXIV. Quæstiones duæ. XXXV. An lege charitatis omnes Christiani teneantur eodem modo & gradu animati esse erga proximos suos. XXXVI. Non videtur. XXXVII. Mystica Theologia circa purum Dei amorem subtilitas. XXXVIII. Non usque quaque Evangelii simplicitati consentanea,

I. Thema
explicandum.



Um sacro nuper horrore expendimus terribilem Dei in obduratum populum Israëliticum sententiam: circa quam, uti & illius executionem, quomodo affectus fuerit Paulus, emphatico admodum sermone docet, in ea, quam hac Exercitatione explicandam mihi summi, pericopa. Exstat illa in Divina ad Romanos epistola, Cap. IX: com. 3. his concepta verbis. *Ἦν θέλημα γὰρ αὐτοῦ ἐν τῷ ἀνάθεμα ἵνα ἴεν ἀπὸ τοῦ Χριστοῦ ἡ τὴν ἀδελφὴν μὴ.* OPTARIM ENIM EGO IPSE ANATHEMA ESSE A CHRISTO PRO FRATRIBUS MEIS. Ad cuius loci distinctam intelligentiam, quatuor hæc capita libero ac fusiori commentario elucidare conabor. I. Quid sit ANATHEMA. II. Quid sit Anathema A CHRISTO. III. Quid sit anathema a Christo esse PRO FRATRIBUS. IV. Denique qua mente id esse se pro fratribus Paulus OPTAVERIT.

II. Incipiamus a voce *ἀνάθεμα*, eamque in sua primum, id est, Græca lingua, consideremus; mox eandem collaturi cum Hebræa, cui

cui in Sacris nostris respondet. Non desunt viri eruditissimi magna ^{θημα}, cum fiducia asseverantes, voces ἀνάθημα anáthema penultimâ correptâ, ^{an, & quid differant.} & ἀνάθημα anathéma penultimâ porrectâ, uti scriptione, ita & significatione differre. *Budeus* in *Commentariis Linguae Graecae* p. m. 263. proluxa exemplorum inductione probat, ἀνάθηματα dici donaria & ornamenta templorum, quæ alias ἀφιερόμενα, & ἀνατίμενα vocantur, vel statuas sacras, ipsa denique fana & basilicas, & alia urbis ornamenta. *Ανάθηματα* autem dici sacros homines, quorum capita diis inferis dicata sunt, & devota. Utrumque derivat παρὰ τῷ ἀνατιθέναι, id est ἀνάττειν, quod & istorum hominum detestatio soleat in cippis exposita proscribi, & illa in parietibus & columnis templorum suspendi. *Beza*, postquam hæc ex *Budæo* laudavisset, sui animi sententiam sic exponit: *De quibus si mihi fas sit dicere quid sentiam distinctionem ἀνατίμεθα & ἀνάθημα non agnosco, quamvis ἀνάθημα peculiariter donarium declaret, ut Luc. XXI: 5. quum passim Græci Interpretes converterint ἀνάθημα, ut Levit. XXVII: 28, 29. pro quo ubique Paulus scribit ἀνάθημα. Calvinus similiter: De voce anathematis quæ tradit Budæus, pugnant cum sententia Chrysostomi, qui ἀνάθημα & ἀνάθημα confundit. Nec abludit Musculus. Cum Budæo facit Salmasius ad Luc. XXI: 5. confidentissime, ut solet. Nusquam ἀνάθημα apud Græcos, inquit, in malam partem accipitur: nec illi unquam ἀνάθημα dixere pro ἀνάθημα; ut hinc liqueat, aliud esse ἀνάθημα, aliud ἀνάθημα, licet contra sentiant viri in his literis doctissimi. Eadem fere habet *Vossius* in *Etymologico*. *Heinsius* autem parum abest, quin *Beza* succenseat. Certe non sine supercilio præfatur, fieri non posse ut quis cum fiducia in novi fœderis contextu versetur, nisi qui ubique in *Hellenistas* oculos intendit, aut cum studio iudicioque in iis versatus est: quasi *Beza* id ignoraverit, vel neglexerit. Mox subiungit, Certissimum est, τὸ ἀνάθημα, καὶ τὸ ἀνάθημα diligenter distinxisse *Hellenistas* veteres. Post tam præclaros versatissimosque Græcæ linguæ doctores, alios minorum gentium Interpretes, in eadem iiscum euntes, memorare, supervacaneæ cujusdam diligentiae foret.*

III. Missis itaque recentioribus, antiquiores audiamus, & eos ^{III. Differre negat Theodore.} quidem quibus Græca lingua vernacula fuit. *Theodore* aperte utramque vocem confundit, & pro synonymis habet. Sic enim ad hanc ipsam Pauli pericopam loquitur: Τὸ ἀνάθημα διπλὴν ἔχει διάνοιαν. καὶ γὰρ τὸ ἀφιερόμενον τῷ θεῷ, ἀνάθημα ὀνομάζεται, καὶ τὸ τούτου ἀλλότριον τὴν αὐτὴν ἔχει προσηγορίαν. *Anathema* duplicem habet intelligentiam: nam & quod Deo consecratum est, anathéma nominatur, & quod ab eo est alienum, eandem habet appellationem. Similia habet in *Cap. 1. Sophonia*.

ne incauto excidisse ista vocum confusio videatur. Τὸ ἀνάθημα διπλῶν ἔχει τὴν ἔννοιαν. ἢ γὰρ μόνον τὸ ἀνακείμενον τῷ Θεῷ, ἀλλὰ καὶ τὸ ἀλλοτριώμενον ἀνάθημα κέκληκε. Adde & tertium, ad *Jes.* XIII. Ἀνάθημα καλῶμεν καὶ τὰ τῷ Θεῷ προσφερόμενα, καὶ τὰς διὰ τινὰ παρανομίαν τῆς ἐκκλησίας ἐκβαλλομένους. Hæc me *Theodoret*i testimonia, ut & alia istius generis, *Swicero* debere, ingenue, ut par est, profiteor: ex cujus quippe *Thesauro*, omnibus prostante, hausta, in usus nunc meos converti. Eoque annotavi lubentius, quod ad *Cilvini* & *Bezae*, quorum nomen auditoribus meis venerabile esse cupio, si non patrocini-um, certe excusationem, non parum valere arbitratus sim.

IV. *Afferit*
Chrysostomus
mon.

IV. *Chrysostomus* vocabula hæc distinguit, sic tamen, ut, quum ab eodem oriantur verbo, in uno etiam tertio conveniant. Ἀνάθημα definit alienationem & separationem ab omnibus. Ἔσω ἀνάθημα, id est, inquit, κρηρίσω πάντων, ἀλλότριον ἔσω πάντων. Per ἀνάθημα intelligit donum Deo consecratum. Similitudinem utriusque in eo constituit, quod quemadmodum τὸ ἀναθήματι τὸ ἀνατιδιμένον τῷ Θεῷ ἔδωκεν ἀπλῶς ταῖς χερσὶν ἀλᾶσαι ἢ ἰγγὺς γράσαι, donum Deo oblatum nemo est qui manibus contingere audeat, vel ad illud propius accedere: sic etiam ab eo, qui anathema factus ab Ecclesia separatus est, se sejungere ac pedem referre jubetur. Quapropter separatio, tum hæc, tum illa, ex æquo a vulgo alienatio erat; sed separationis ratio diversa, imo contraria. Τῷ γὰρ ἀναθήματι, τιμῆς ἔντα, ἔδωκεν ἐτόλμα ἰγγίσαι; τὸ δὲ ἀποκριθὲν ἐξ ἰναντίας ἐκρηρίστο γνώμης ἀπαυτί. Quæ erudite & subtiliter a *Johanne* disputata esse quis neget?

V.
ἐπιμαρτυρεῖ.

V. Mihi, salvo doctiorum judicio, sic videtur; non esse nullam inter ἀνάθημα & ἀνάθημα distinctionem, sed non semper observari ab Hellenistis illam quam viri maximi prætendunt. Ἀνάθημα Græcis in malam partem usurpatum esse non deprehendi, sed constanter de eo sacrorum donorum genere dicitur, quæ suspendi poterant, & in excello & conspicuo loco collocari, ut erant phialæ aureæ & argenteæ, tripodes, acerræ, corollæ, & similia: quod evidenti *Pollucis* testimonio confirmat *Salmasius*. Et palam est ex *Luc.* XXI: 5. Ubi de Templo Hierosolymitano, λεθὸς καλοῖς καὶ ἀναθήμασι κοσμήσονται. Ad quam phrasin proxime accedit impii *Antiochi* promissio 2. *Maccab.* IX: 16. Ὅτι πρότερον ἐσκύλευον ἄγιον νῶν καλλίστοις ἀναθήμασι κοσμήσονται quod prius spoliaverat sanctum templum, se optimis donariis ornaturum. Attamen ἀνάθημα mediæ significationis esse videtur, & tam rem Deo consecratam, quam hominem diris devorum notare. Sic sane apud *Justinian* Martyrem *Quæst.* XXI: ad *Orthodoxos*, ἀνάθημα non tantum dicitur esse τὸ ἀλλοτριωμένον Θεῷ διὰ κακίαν id quod alienatum est a Deo propter

propter malitiam; sed etiam τὸ ἀνακείμενον Θεῷ, καὶ εἰς κοινὴν χρῆσιν μετακτι λαμβανόμενον quod Deo est sepositum, & consecratum, & in communem usum non amplius convertitur. Eodem sensu, quidquid obloquatur *Heinsius*, & Hellenistæ hanc vocem usurpant; nisi meæ me, quibus uti soleo, Græcorum Bibliorum editiones fallant. Utor autem Londinenſi, juxta Exemplar Vaticanum, Anni 1653. eaque quæ in Bibliis Anglicanis Polyglottis exſtat. Ea sic habent Lev. xxvii: 28. Πᾶν δὲ ἀνάθημα, ὃ ἐν ἀναθῇ ἄνθρωπος τῷ Κυρίῳ ἀπὸ πάντων, ὅσα αὐτῷ ἔσονται ἀνάθημα ἅγιον ἁγίων ἔσται τῷ Κυρίῳ. Ubi Græca voce *donarium* designari ipse probat *Heinsius*, sed, uti & *Beza*, legit ἀνάθημα. Facile inducor ut credam, (quamvis in eam rem non vacat nunc sollicite inquirere) diversimode hic se habere editiones. Attamen ex ipsa illa diversitate colligi posse arbitror, exscriptores utraque voce, uti quam, ex parte saltem, ejusdem significationis esse rati sunt, indiscriminatum usos. Certe nihil manifestius eo est quod invenitur Jos. vi: 17, 18. ubi anathema utraque significatione venit. Καὶ ἔσαι ἡ πόλις ἀνάθημα, αὐτὴ, καὶ πάντα ὅσα ἔσιν ἐν αὐτῇ Κυρίῳ σαβαὶθ. Exponitur autem id ἀνάθημα com. 19. καὶ πᾶν ἀργύριον, ἡ χρυσίον, ἡ χαλκός, ἡ σίδηρος, ἅγιον ἔσται τῷ Κυρίῳ, εἰς thesaurὸν Κυρίου εἰσενεχθήσεται. Ecquid desiderari pro isthac notatione evidentius potest? At vide elegantissimam anta-naclasm com. 18. Ἀλλὰ καὶ φυλάξισθε σφόδρα ἀπὸ τοῦ ἀναθήματος, μήποτε ἐνθυμηθέντες ὑμῖς λάβετε ἀπὸ τοῦ ἀναθήματος, hoc est a re Deo sacra, & in thesaurum ipsius inferenda. Pergit sacra historia, καὶ ποιήσente τὴν παρεμβολὴν τῶν υἱῶν Ἰσραὴλ ἀνάθημα & faciatis castra filiorum Israël *anathema*, exterminanda a favore & conjunctione Dei. Ex quibus omnibus, & quæ his addi possent compluribus, infero, uti vox ἀνάθημα plerumque, & si ita velis, fortasse semper, in bonam partem sumitur; ita vocem ἀνάθημα mediæ significationis esse, prorsus sicut Hebraicum אֲנָתָה, cui solet respondere. At nimia fortassis hæc exsecuti diligentia sumus: si modo aliquid, quod Divinis literis illustrandis impenditur, nimium esse queat.

VI. Cæterum valere jussu ulteriori & scrupulosiori vocum ex-
amine, ad rem veniamus. Constat ἀνάθηματα Græcis dictos fuisse eos-
dem qui aliter vocabantur βδελύγματα, περιθήματα, παθήματα, ἀπο-
τρόπαιοι, ἀντίψυχοι, & si quæ id genus plura sunt nomina: significa-
bantur autem homines, qui, sive ab aliis, sive a semetipsis, ad aver-
runcandam Deorum iram, diris devoti, extremæ necessitati expone-
bantur. Ii plerumque ex infimæ facie, & abjectissimi mortalium
erant. Sic enim *Scholiastes Aristophanis* ad Equites, laudatus *Grotio* ad
1. Cor. iv: 13. Ἐξέφερον γὰρ τινες Ἀθηναῖοι λίαν ἀγενεῖς καὶ ἀχρεῖς, καὶ
devoti.

ἐν καιρῷ συμφορᾷ τινος ἐπελθούσης τῇ πόλει (λοιμὸν λίγω, ἢ τοιοῦτε τινὸς) ἰδυόντες, ἵνα καθαρθῇ τὸ μιάσματος, ὃς καὶ ἐπανόμαζον καθάρματα. *Alebant enim Athenienses quosdam valde ignobiles & inutiles, quos, quoniam malum ullum civitati impenderet, (pestis scilicet, aut tale quicquam) ad piaculum expiandum immolabant, quos appellabant Catharmata.* Vēl alia voce περιήματα Quia, uti ad hoc vocabulum *Suidas* commentatur, αὕτως ἐπέλεγον τῷ κατ' ἐνιαυτὸν συνήγοντι τῶν κακῶν, περιήμα ἡμῶν γένε, ἥτοι σωτηρία καὶ ἀπολύτρωσις. Καὶ ἐνέβαλον τῇ θαλάσσῃ, ὡσανὶ τῷ Ποσειδῶνι θυσίαν ἀποτίννυντες. *Ei, qui malis averruncandis quotannis destinatus erat, sic imprecabantur, sis περιήμα nostrum, hoc est, salus & redemptio: atque ita illum in mare proficiebant, quasi Neptuno sacrum solventes.* Atque hi quidem inviti eo cogebantur. Alii vero sponte se offerebant. Qua de re audiatur *Servius* ad illud *Virgilii*, *auri sacra fames. Massilienses quoties pestilentia laborabant, unus se ex pauperibus offerebat, alendus anno integro publicis & purioribus cibis.* Hic postea, ornatus verbenis & vestibus sacris, circumducebatur per totam civitatem, cum execrationibus, ut in ipsam reciderent mala totius civitatis. Et sic proiciebatur. Verum non pauperes duntaxat, & privatæ sortis homines, sponte in se aliis debitas pœnas susceperunt; sed & magnates, & principes populi, ipsique adeo reges, idem facitasse memorantur. Labet hic inferere id in quod nuper incidi, quum *Clementis Romani*, qui *Pauli* nostri cooperarius fuisse creditur, ad *Corinthios* epistolam perlegerem. Ubi ille, quisquis est, auctor, *Sectione* LII. ex *nupera Clerici* editione, sic scribit: ἵνα ὃ καὶ ὑποδείγματα ἰδόντων ἐνέχωμεν, πολλοὶ βασιλεῖς καὶ ἡγούμενοι, λοιμικῷ τινος ἐνσάντος καιρῷ, χρησιμευομένης, παρέδωκαν ἑαυτοὺς εἰς θάνατον, ἵνα ῥύσωνται διὰ τὸ ἑαυτῶν αἵματος τὰς πόλεις. Ut autem etiam gentium exempla proferamus, multi reges & principes, pestifero tempore sæviente, quam oraculo admoniti essent, se ipsos morti tradiderunt, ut cives suo sanguine liberarent. Et quid sane notius iis est quæ de *Menceceo*, *Codro*, *Macaria*, *Protogenia*, & *Pandora*, *Lei* filiabus, *Curtio*, *Deciis*, aliisque memorantur, qui ultro se morti pro communi salute devoverunt.

VII. Quæ significatio ab hoc loco aliena non est.

VII. Difficile non est, hæc, ex Græcorum, aliarumque gentium institutis transumpta, *Pauli* verbis applicare. Nimirum *Evangelii* caussa, ut *Corinthios*, aliosque ex Gentilibus Christo lucrificeret, nullum ignominie, contumelie, injuriæ, æumnarum genus subire detrectaverat, factus cum sociis suis & itinerum ac prædicationis confortibus, omnium propemodum, qui alienos ab *Evangelio* animos gerebant, lustramen ac retributum. Eo enim manifeste alludit *1. Cor. IV: 13.* ὡς περικαθάρματα τῷ κόσμῳ ἐγενήθημεν, πάν-

των

των περιψύμα ἕως ἄρτι. Hoc est, ita habiti, itaque ab hominibus excepti sumus, quasi purgamenta generis humani essemus, præ cæteris omnibus mortalibus *συπαροὶ καὶ ἀπόβλητοι*, omnium contemptum, odium, diras meriti, in quos peccare nemo possit, digni denique in quos debita ac destinata universo alicui populo mala, iustâ Dei hominamque indignatione, recidant. Omnem hanc contumeliam Gentium caussa lubenter devorabat. Sed quanto propiore nexu fratribus suis Judæis obligatus erat, tanto graviora pro iis subire non recusabat. Non si vel jugulum ensi præbendum, vel corpus flammæ; non si in mare præcipitandus, vel ex rupe deturbandus, vel in foveam lacumve detrudendus foret; aut quidquam præterea diri subeundum, quod sacris hominibus, qui *anathemata* dicebantur apud Græcos, aliasve nationes, subire necesse fuit. Nihil se horum detrectaturum esse profitetur. Atque hæc ex Gentilium institutis petita interpretatio sensum hactenus gignit non incommodum.

VIII. Sed majora subsunt, ex Hebræorum monumentis claranda. Nuper dixi, quod *anathema* Græcorum respondeat τὸ *חרם* *Cherem* Hebræorum. Cujus significatio, quatenus ad institutum nostrum *brais notat rem vel personam* facere potest, gemina est in sacris. Primo enim notat *devotionem*, non sine diris & execratione, ad *plenariam destructionem*, sive a Deo, sive ab hominibus, inferendam: & consequenter *rem*, sive *personam*, quæ ad talem destructionem *devota* est, Deut. VII: 26. *Non inferes rem abominabilem in domum tuam*, וְהָיִיתָ חָרֵם כְּמוֹהוּ, καὶ ἀνάθεμα ἔσθαι ὡς περ τούτο, Jes. XLIII: 28. *Et dabo* *חרם* *ut* ἀνάθεμα *Jacobum*, 1. Reg. XX: 42. *Eo quod dimisisti* *חרם* *ut* ἀνάθεμα. Quod optime interpretantur Græci, ἀνὰ ἀλτὴριον, *virtutem a me interitui devotum*. Adde Num. XXI: 2, 3. ubi vovent Israëlitæ se Cananæorum urbes, Deo opitulante superandas, *Cherem*, sive *anathemate*, in honorem Dei destruturos esse. Quod ubi perfecissent, in perpetuam rei memoriam locum illum vocaverunt *חרם*. ἐπαλλέσαντο τὸ ὄνομα τῷ τόπῳ ὡς ἀνάθεμα.

IX. Sed & præterea *חרם* significat *segregationem* a communione *IX. Ut* populi Dei, cum multa ignominia conjunctam. In quam mentem *segregationem* eximius locus est Ezr. X: 8. *כל רכושו והוא יכרל מן חקל הגולה*, καὶ αὐτὸς διασπείσεται ἀπὸ τῆς ἀναθεματισθείσης πᾶσα ἡ ὑπαρξίς αὐτοῦ, *duobus autem modis* *anathemata erunt omnes facultates ipsius, ipse vero* *separabitur ab Ecclesia transmigrationis*. Hujus segregationis a populo Dei, quam *excommunicationem*, sueto nobis vocabulo, dicere licet, tres vulgo statuuntur gradus, quorum primus & minimus vocetur *נדה* *Niddai*, secundus *חרם* *Cherem*, tertius, isque summus,

אמת

שחממא Schammata. De quibus nominibus, eorumque differentia, vide sodes Buxtorfium in *Lexico Talmudico* ad singula. Seldenus de *Jure Naturæ & Gentium* Lib. IV: Cap. VIII, negat Niddui & Schammata binas esse excommunicationis species, innumerorum, ut ait, locorum fide in Commentariis Talmudicis nixus, ex quibus constet Niddui & Schammata generalia esse nomina, eaque *יסודותא*. Id sæpissime verum esse Munsterus olim notaverat, neque infitetur Buxtorfius, & agnoscit l'Empereur. qui tamen tria ista aliquando distinguere, sic ut *סוהר* gravius fuerit quam *נדה*, & *שחממא* gravissimum, allatis exemplis docet, in *Notis ad Bertranum de Republica Judaica* Cap. VII. Confer *Ouvvenum* in *Prolegomenis Commentariorum ad Hebr. Exerc. XXI. §. 19. & seq.* & *Bocharti Epistolas* p. 1036. Nobis ad hanc rem necesse non est minutias sectari. Suffecerit attendisse, quænam effecta fuerint *ר"י Cherem*, sive *anathematis*. & excommunicationis.

X. Qui sic
separatus
erat, desi-
nebas esse
pars cœtus
Israëlitici.

X. Primus separationis sive excommunicationis hujus effectus, hic erat. Quod excommunicatus ita pars cœtus Israëlitici esse desierit, ut cum novem aliis decem non conficeret; & si ita iudicibus visum esset, licuit interdicare ei, ne convivio trium interesset, ne cum decem oraret, &, si mortuum haberet, ne quis eum sepeliret, & si filium, ne quis eum circumcideret. Ex jure communi fas ei non erat alteri (demta uxore & liberis) intra spatium quatuor cubitorum assidere. Si mors ipsum isthoc in statu occupet, feretro ejus, iudicum jussu, lapis imponitur. Quæcunque horum in excommunicatione minori Niddui locum habent, graviora sunt in Cherem. Quo anathemate qui percussus est, non docet, neque discit, cum aliis: soli autem studere fas est, ne eorum quæ didicit obliviscatur. Nul- lum cum ipso commercium, nulla habenda consuetudo est. Et quamvis emere ipsi licet *אֵימָלָא* victualia, non tamen cum ipso edere licet aut bibere. Sane, tamen si nihil aliud in se contineret anathema, res esset homini Israëlitæ prorsus intolerabilis, & ipsa prope morte redimenda.

XI. An &
publica
Synagoga
ejiciebatur

XI. An qui sub hac anathematis specie erant *Synagogæ* quoque, id est, ædibus publici ad sacra conventus, fuerint exclusi, disputatur inter eruditos. Plerisque id Interpretibus secure fuit creditum, inductis repetita in Johannis Evangelio locutione, *ἀποσυνάγωγος ἦν αὐτός*. Joh. IX: 22. XII: 42. XVI: 2. Quod primo intuitu vix videtur aliud notare posse, quam ejectionem, quæ Senatus decreto fit, ex Synagoga. Synagoga autem passim in Evangeliiis pro Divini cultus loco sumitur, quem Hebræi *בית הכנסת* nuncupant. Vid. Luc. VII: 5. Verum Johannes Seldenus de *Jure Nat. & Gent. Lib. IV, Cap. IX. & Ludo-*

Ludovicus Cappellus in *Spicil. ad Johan.* ix. aliud nunc credere juss- Negam Sel-
runt. Observant illi, sæpissime apud Hellenistas συναγωγὴν pro קהל denus &
substitui, & innuere omnimodum populi plebisve, sive totius, sive Cappellus.
partis, conventum. Unde habemus *Synagogam peccantium*, *Synago-*
gam ludentium; & si quæ id genus alia. Itaque ἀποσυναγωγὴν γίνεσθαι
ipsis est privari solita congressus hominum libertate, eo, quem su-
pra memoravimus, modo. Cujus interpretationis rationes potissi-
mum duæ sunt. Primum, quod nullibi in Hebræorum disciplina in-
veniatur, eo sensu Synagoga motos fuisse quospiam, ut interea aliis
hominum cætibus libere interessent. Deinde, quod ipsum templum,
omnibus Synagogis longe sanctius, ingredi excommunicatis ejusmo-
di nefas non fuerit. Quod palam elicitur ex titulo Talmudico *Mid-*
dot. Nimirum excommunicati templum ingrediebantur, non, uti
ritus aliàs obtinebat, dextrorsum, sed sinistrorsum se vertentes. Et
si causam rogarentur insoliti moris, respondendum singulis fuit,
מנורא שאתני מנורא *quia ego excommunicatus sum*. Quam confessionem solem-
ni hoc carmine excipiebant pii sacræ ædis frequentatores, חסוכן
בבית הזה יהי בלכך ותשמע לדברי חבריך וקבלוך *Qui inhabitat adem*
hanc indat cordi tuo, ut auscultes verbis sociorum: quo fiat ut recipiant te.

XII. Cæterum utut hæc magna cum specie a viris doctissimis XII. Sed
asseverentur, neque minore cum applausu, tanquam reconditiōis posuit
eruditionis haud contemnenda pars, ab aliis avide accepta sint; mandum
meum tamen sine hæsitacione assensum impetrare nondum potuerunt. videtur.
Non solum, quod aliquem ἀποσυναγωγὴν ποιεῖν ipso verbi tinnitu eam
legenti cogitationem injicit, ut vix aliud sibi figurare possit quam
ejectionem ex conventu sacro, & loco illius conventus, quorum alte-
rutrum in Evangeliiis passim, & fortasse semper, *Synagoga* nomine
venit: verum etiam, quod ipse Johannes exemplo in hanc mentem
evidenti vim locutionis hujus illustrare videatur. Nam postquam in
historia cæci, cui visum dederat Jesus, memorasset decretum Phari-
sæorum de eo qui Christum professus fuerit faciendo ἀποσυναγωγὴν,
mox narrat *vers.* 34. quomodo id circa eundem exsecuti sint.
καὶ ἐξέβαλον αὐτὸν ἔξω *Et ejecerunt eum foras*. Unde, nisi ex Synago-
ga? Ipso, quod largior, facto, & manu ministrorum; sed & in-
dubie ex prævio procerum jussu, & sententia, convenienter ei,
quod pridem sanciverant, edicto. Similis locutio occurrit in *Atha-*
nasii operibus, quod ab ipso etiam *Seldeno* observatum est, ubi Ju-
dæus ille Berytiensis, in cujus cella imago Christi reperta erat, a
principibus Sacerdotum & senioribus Synagogā ejectus esse dicitur.
Τότε θυμωθέντες, τὸν μὲν κατοικῆντα ἐν τῇ οἰκῇ ἀποσυναγωγὴν ποιήσαντες ἤλασαν.

50 EXERCITATIO II.

Tum vehementer irati, Judæum in illa ade habitantem, extra Synagogam facientes, expulerunt. Quod, quidquid obnitatur *Seldenus*, vix est ut aliter quam de domo Synagogæ exponi possit. Hodiernis sane Judæis, patriorum adhuc rituum, quantum fieri potest, tenacissimis, talem ex Synagoga ejectionem in usu esse, apertis verbis *Leo de Modena* testatur. *De Consuet. Jud. Lib. II. Cap. III. Quando aliquem excommunicant, id publice significant. Post quod tempus non licet ulli Judæo sermones miscere cum excommunicato, neque ipsi appropinquare ad quatuor cubitos; INGRESSUS IN SYNAGOGAM IPSI EST PROHIBITUS.* Enimvero res ipsa id exigere videtur. Cui enim non licuit mortalium cuiquam appropinquare, nisi ad quatuor, ut minimum, cubitorum distantiam; is, vel sine speciali interdicto, haud facile locum in Synagoga invenisset, non semper amplissimis, & plerumque ingenti hominum multitudine fartis.

XIII. Neque obstat quod licitus excommunicatis fueris Templi introitus.

XIII. Difficilis, fateor, obiectio est, quam ex licito excommunicatis in templum introitu urgent. Cæterum non male mihi observasse videtur doctissimus *Vitringa*, quod non in omnibus una eademque ratio Templi & Synagogarum fuerit. Templum commune quoddam universæ gentis Israëliticæ refugium fuit, a cujus introitu, præter impuros, nulli Judæorum arcebantur. Synagogæ autem complectebantur totidem quasi societates Judæorum singulares; ad quas proinde propius pertinebat judicium de vita & moribus eorum qui societatem illam constituiebant. Hæc *Vitringa de Synagoga vetere p. 741.* Sed & aliud addendum esse existimo, tollendæ difficultati non minus fortassis idoneum: quod nimirum excommunicatis haud ultra procedere fas fuerit, quam in atrium gentium, quod Rabbini vocant *הבית הדר* montem domus, unde ne Ethnici quidem, & immundi excluderentur. Vide sis *Lightfootum in Centuria Geographica Matthæo præmissa Cap. xxviii. & xxix.* Unde infero, per facultatem istam in extimam templi partem ingrediendi, nihil excommunicatis conferri, quo non & Ethnici & publicani, si velint, gaudere queant. Magnus *Bochartus* ita rem concepisse videtur, in *Epistolis suis p. 1037.* quasi excommunicatis & lugentibus non tam ingredi, quam stare aut sedere ad fores Templi licuerit, ut olim in veteri Ecclesia iis, qui dicebantur *ἀρροῦμενοι* & *ὑποκρίνομενοι*. Sed pace viri incomparabilis, Rabbini non de statione, aut sessione ad portam, sed de introitu per portam, constanter loquuntur. Manifestæ mentis sunt quæ ex *Capit. R. Eliezeris Cap. xvii. circa finem* exscripsit *Buxtorfius* ad vocem *נדרי*. Rex Salomo, quando edificavit domum Sanctuarii, fecit duas portas, unam pro sponsis, & unam pro lugentibus & excommunicatis. — Qui

INGRE-

AD ROM. IX. VERS. III. 51

INGREDIEBATUR PER JANUAM *lugentium*, *ejus caput erat obvelatum* *etc.* Qui autem INGREDIEBATUR non obvelato ore, inde cognoscebant ipsum esse excommunicatum. Verum e diverticulo, quamvis fortean non inamœno, in viam redeamus.

XIV. Præter hanc segregationem a commercio Israëlitarum, di-
XIV. Che-
rius aliquid complectebatur anathema: subiciebat enim excommu-
nicatum Divinæ exsecrationi, non in hac modo vita, sed &, si non
resipisceret, & reconciliaretur Israëliticæ Ecclesiæ, in futura. Hanc
enim רַחֵם Cherem sive anathematis formulam exhibet Maimonides in Tal-
mud Tora Cap. VII. §. 2. passim a viris doctis laudatam. פְּלוֹנִי נֶאֱסָר
דְּרִי מוֹחָרִים וְאִרְוֵה בּוֹ שְׂבוּעָה בּוֹ נֶרְדִּי *Iste devotus esto, & male-*
dictus. In eo residebit exsecratio, in eo adjuratio, & in eo averfatio.
Formulam horrendi carminis amplio-rem & dirio-rem videat, qui vult,
apud Buxtorfium, Lex. p. 828. Notissima, & cui non dicta? Cabba-
listica Rabbiorum observatio est: vocem חָרֵם literis suis conficere
numerus 148. totidem dicunt corporis humani ossa esse; in quæ
nimirum omnia & singula vim suam tremenda ista exsecratio exerat.
Hinc Schammata confertur cum כֶּתֶן כִּימָה adipe clibani. Quia, ait
R. Salomonis glossa, sicut pinguedo clibano intrinsecus allita consumitur,
neque unquam inde exit: ita totus consumitur is, qui per Schammata de-
vovetur, non evasurus in æternum. Vide l'Empereur ad Bertram l. c.

XV. Omnia ista quin Paulo, rituum gentis suæ peritissimo, XV. Cre-
ideoque quid anathematis vocabulo comprehendatur callentissimo, de-
anathemate nunc loquenti, in mentem venire potuerint, ecquis jure
dubiter? Et quid obstat, quo minus statuamus, non noluisse Pau-
lum, ut populares sui, Israëlitiæ, ad injectam hanc anathematis men-
tionem dirissima quæque sibi repræsentarent, ex quibus sponte ab Apo-
stolo, si fieri posset, subeundis immensitatem suæ adversus ipsos
charitatis intelligerent? Verum neque hic subsistendum esse reor.
Quantum Novi Testamenti gratia illam Veteris post se relinquit, tan-
to etiam gravius censendum Novi Testamenti anathema est: quippe
quo sublimior iste excellentioris gratiæ ac gloriæ gradus abdicatur. De
hoc autem se anathemate agere, innuit Apostolus, dum vocat ANA-
THEMA A CHRISTO.

XVI. Quæ locutio duplicem habere potest significationem, al-
XVI. A
tera; ut causam efficientem notet; altera; ut terminum. Si causa desi-
gnetur, significabit exsecrationem, non a Judæis profectam, bruto
fulmine; non ab hominibus, in quorum manu non est executio: *Christo, no-*
sed ab ipso Christo supremo iudice, a quo ad alium non datur provo-
catio. Sic interpretatur Photius Epist. 216. Ἀπὸ Χριστοῦ διαλύεται, καὶ
G 2

τὴν τιμωρον ἀφ' αὐτοῦ ὁ Ἰησοῦς *A Christo iudice infligēta, & sententiam pronuntiantē punitivam.* Apud Hebræos quoque gravius anathema cœlo, id est Deo, & Domino imputabatur. **שבעה מנודים לשמים** *septem sunt cœlitus, sive divinitus, excommunicati*, dicitur in *Pesach. fol. 113. 2.* Estque diri carminis initium, **על דעת אדוני האדונים** *ex sententia Domini Dominorum.* In *Targum* etiam aliquoties occurrit **שמתא דיי** *anathema excommunicatio Jehova*; & in *Talmud* **שמתא דאלהי ישראל** *anathema Dei Israël.* Quod ipse nimirum Deus pronuntiat, atque infligit.

XVII.

Quia sit Maranatha, & Ramantha.

XVII. An huc quoque pertineat decantatissimum illud 1. Cor. XVI: 22. *Si quis non diligit Dominum Jesum Christum, ἴτω ἀνάθεμα, μαρὰν ἀθά*, dubitari video. *Seldenus & Lightfootus* negant se in Hebræorum scriptis hanc velut execrationis formulam invenisse. Quod tamen si verum sit, non impedit tamen quo minus pro Apostolico anathemate habeatur; cuius ipse Dominus terrifico suo adventu exsecutor in omnes hostes suos sit. Nisi cum *Seldeno* malis τὸ *Maranatha*, exclamationem solennem, seu epiphonema, & asseverationem sanctiorem esse. Cæterum si formula aliqua Hebræorum non sit, quæ dici potest ratio, cur Chaldaice potius quam Græce protulerit Apostolus? Frigida enim satis *Lightfooti* conjectura videtur, suspicantis eo id esse factum, quod fulmine hoc Judæos potissimum ferire voluerit, qui soli ex omnibus hominibus dixerunt Jesum anathema, & de quibus *Jes. LXV: 15. relinquetis nomen meum electis in execrationem.* Mihi prorsus verisimile est, *Maranatha*, sive finem, sive initium esse horrendi carminis, quo illi præcipue feriebantur peccatores de quorum pœnitentia ac salute conclamatum esse videbatur, sic ut nihil illis supersit præter expectationem terribilis iudicii, ab ipso Domino in illustri adventu suo infligendi. Nec exempla locutionis *ἱεροδραμῶν*, tam in Veteri, quam Novo instrumento, defunt. Tale enim est initium imprecationis illius, qua in profligatos id genus homines usus esse perhibetur *Henochus Judæ 14. Ecce venit Dominus.* Atque hoc ipsum minitari videtur *Malachias* ultimis illis V. T. verbis, *Ne veniam, & terram percutiam anathemate.* Nec abit id quo in conclusione *Apocalypsios* suæ *Johannes* usus est. Ubi, postquam multis devovit & detestatus est eos, qui aliquid vel addituri scripto, vel demturi de eo essent, tandem addit, *ἀλλὰ ὁ μαρτυρῶν ταῦτα, καὶ ἔρχεται ταχὺ. ἀμήν.* Respondet *Johannes*, *Ναὶ ἔρχου ἔσθου Ἰησοῦ.* In Syriaca interpretatione legitur *תת סריא ישוע* verbis ad phrasin Apostolicam proxime accedentibus. Quæ acute ab *Daniele Heinsio* notata sunt. At non pari successu conjectat, eandem formulam usurpatam fuisse pastori illi apud *Laodiceam*, qui, ut auctor est *Stepha-*

Stephanus de urbis ad vocem Laodicea, fulmine percussus dixerit, Παμάνθας, τὸν ἐν, inquit *Stephanus*, ἀφ' ὧν ὁ Θεός. ῥάμαν γὰρ τὸ ὕψος, ἄδας ὁ Θεός. Putat *Heinsius* vocem esse corruptam, & pastorem, v. so fulmine, quod Dei telum esse dicitur, lingua sua exclamasse Μαράν ἄδά, ὁ Κύριος, ἦν ὁ Θεός, ἔρχεται. Tantum abest, inquit, ut ἄδας sit Deus, aut ῥάμαν, ὕψος. Sed dubium non est, quin infeliciter admodum observatio ista cesserit viro πολυμαθείᾳ. Prorsus credibile est, pastorem clamasse ῤΑ Ἀττα, vel ῤΑ Ἀντ, posteriori voce Chaldaicā, quod significat, *excelsus es tu*. Priorem vocem optime interpretatus ex *Philone* est *Stephanus*, neque posteriorem pessime: imprimis, si ad Cabbalistarum attendamus hypothesen, quibus ῤΑ Ash Dei nomen est, conflatum ex prima & ultima Alphabeti Hebræi litera: quo significari volunt, Deum principium cunctarum rerum & finem esse, τὸ Α & τὸ Ω. Uti in hanc rem appositissime commentatus est ὁ πᾶν *Bochartus Canaan Lib. II. Cap. XII*. Conf. *Thomam de Pinedo* ad eum *Stephani* locum. Utcunque fumas, certum est, τὸ *Maranatha* Chaldaice & Syriace tantundem valere, ac, *Dominus venit*, & notare gravissimam imprecationem pœnæ a Domino infligendæ. Quæ subtiliter ab aliis ad exaggerandam utriusque vocis emphasim animadversa sunt, vide apud *Bochartum* laudata nunc aliquoties epistola. Vereor enim ne justo hic fuerim prolixior. Tantummodo animus fuit ostendere, gravissimum esse illud anathema, quod ipso Domino Jesu Christo auctore sit. Cui hoc quoque inest, ut eadem sententia miser a communione Domini arceatur. Quod Arabs in mente habuit, dum Apostoli verba sic exposuit, *is omnis sit excommunicatus a spe Domini*. Vide *Grotium*.

XVIII. Et sane anathema a Christo non auctoris duntaxat, sed XVIII. A & termini respectu intelligendum est; ut separationem a Christo significet, uti Gal. v: 4. κατηγγράφη ἀπὸ τοῦ Χριστοῦ a Christo prorsus abscissus. ^{Christo, etiam terminum significat:} Atque id rursus exponi potest bisariam, vel respectu corporis Christi, quod est Ecclesia, vel respectu personæ Christi, qui est causa importationis Ecclesiæ. Certe Ecclesia aliquando vocatur Christus. 1. Cor. XII: 12. Gal. III: 27. sicut mos erat apud Hebræos, uxores vocari de mariti nomine, Jes. IV: 1. Atque hoc sensu anathema a Christo inferret privationem dignissimi muneris in Ecclesia, & locum inter Christianos abjectissimum, multa cum ignominia maximisque sæpe miseriis conjunctum. Sic *Theodoretus* exponit, 1. Cor. XVI: 22. ἔστω ἀνάθεμα, ἀλλότριος ἔστω τῷ κοινῷ σώματι τῆς ἐκκλησίας. Similiter apud *Albanasium Quæst. cv. de parabolis Scripturæ* Χωρίσται αὐτὸν ἀπὸ τῆς ἐκκλησίας, καὶ τῶν πιστῶν, καὶ ἔστω κληρονομήσει ἀπὸ τοῦ λαοῦ, ὁ μὴ πιστὸς. ^{Christo, etiam terminum significat:}

Eam separationem magna semper comitabatur indignitas atque ignominia, quandoque etiam traditio Satanæ ad vehementem corporis per morbos doloresque vexationem. *Balsamon ad Canon. III. Synodi Constantinopolitana sub Photio p. 586. ὁ τοιοῦτος ἀνάθεμα ἔστω. Κληρονομία ἀπὸ τοῦ Θεοῦ ἔστω, καὶ παραδιδόσθω τῷ δαίμονι, ὡς ἀνάθεμα.* Quæ tamen Diaboli vexationes cum æterno exitio non semper censebantur esse conjunctæ, neque importabant omnimodam separationem a Christo. *Ignatius ad Roman. κακαὶ κολάσεις τῷ διαβόλῳ εἰς ἐμὴν ἐχέσθωσαν, μόνον ἵνα Ἰησοῦ Χριστῷ ἐπιτύχω.* Mala Diaboli tormenta in me veniant, tantummodo ut Jesum Christum nanciscar.

XIX. Et ab ipso Christo capite.

XIX. Verum ἀνάθεμα complectitur etiam separationem a Christo capite, illiusque salutari gratia, saltem quatenus illa exhilarat, atque lætificat. *Chrysostomus Homilia adversus Anomæos I: 6. Τί ἐστὶν ὁ λέγει ἀνάθεμα, ἀλλ' ὅτι ἀνατίθω ἔνθ' διαβόλῳ, καὶ μηκέτι χάραν σωτηρίας ἔχεται, γινώσκω ἀλλότριον ἀπὸ τοῦ Χριστοῦ.* Porro separatio illa a Christo posset esse vel temporaria & ex parte, vel perpetua & totalis, qualis est reproborum. Hæc excludit amorem Dei ac Christi, ac salutem æternam: illa, non item. Cujus exemplum oppido memorabile habemus in Gregorio Nazianzeno. Qui amore salutis Macedonianorum, probe quidem viventium, & de Deo Patre ac Filio recte sentientium, sed Spiritum Sanctum non nisi pro creatura agnoscentium, *Orat. IV. in Pentecostem* sic eos affatur: *Adeo vos amplector, atque exosculor, ὥστε καὶ ἀνάθεμα εἶναι ἀπὸ τοῦ Χριστοῦ, καὶ παθεῖν τι ὡς κατάκριτον δέχομαι ὡς αἰνῶν μετ' ἡμῶν, καὶ κοινῇ τὴν τριάδα δοξάζομαι, ut anathema etiam a Christo esse, ac nonnihil ut damnatus perpeti non recusem, modo nobiscum adjungamini, communibusque animis Trinitatem concelebremus.* Atque hæc de anathemate a Christo prolixè satis disputata sunt.

XX. Pro fratribus, notas tam loco, quam bono fratrum.

XX. Nunc anquiramus, quid sit anathema esse PRO FRATRIBUS. Id rursus geminum admittit sensum, vel in bonum & commodum fratrum, quo modo testabatur Apostolus, se reliquias afflictionum Christi vicissim exptere in carne sua, pro corpore Christi, quod est Ecclesia. Col. I: 24. hoc est, ad ædificationem, confirmationem & consolationem Ecclesiæ: vel etiam loco & vice fratrum, ut iis se succidaneum sistat, & poenas iis debitas in se suscipiat. Nec obscurum esse arbitror, quin postremum hoc significationis amplitudine includatur. Hoc enim potissimum erat, tam in Græcorum, quam in Hebræorum sacris hominibus, qui anathemata dicebantur. De illis pater ex iis quæ Sectione VI: allegata sunt. De his quoque manifesta res est, ex voti formula, *Sin ego expiatio tua.* Sic enim id genus formulas passim interpretantur Hebræi. *Baal Aruch* ad vocem כִּנּוּ. Ubique

הריני כפרתו וזוה פירושו הריני במקומו לסבל
: עונותיו כלומר שאני מקבל עלי עונותיו להתכפר : *Ecce ego sim expiatio illius, perinde est ac si dixisset, sim ipse illius in locum suppositus, ut iniquitates ejus portem. Quod idem valet ac si dixisset: ego illius iniquitates in me suscipio: ut ille earum consequatur veniam.*

XXI. Sic singula hæc verba se junctim & in se consideravi-
mus: nunc quid in connexionem notent expendamus, & QUID DENI-
que Paulus VOLUERIT, quum se anathema a Christo fieri pro Judæis
fratribus suis OPTAT. Atque hic quædam supponenda esse viden-
tur, tanquam manifestæ veritatis; alia claranda, ut quæ variarum
interpretationum ambiguitate, quasi nebulâ quadam, involuta sunt.
Primo quidem loco perspicuum est, non potuisse Paulum ullâ cujus-
cunque, sive hominis, sive cœtus, sententiâ, nisi iniquissima inju-
stilimaque, vel muneris istius quoungebatur dignitate privari, vel
Ecclesiæ communione ac privilegiis interdici. Nihil enim admisit,
quo id mereretur. Neque votum hoc talis poterat esse sententiæ
fundamentum: quum enim ex sanctissimæ proficisceretur charitatis prin-
cipio, quo plus ab ordinariæ pietatis officiis recedebat, eo venera-
biliorem ipsum omnibus, atque adeo Apostolatu digniorem efficie-
bat. Porro & id constat, nulla fieri ratione potuisse, ut Paulus a
Deo ad salutem æternam electus, a Christo redemptus, viva fide con-
stantique charitate redemptori suo adhærens, salutifera illius commu-
nitione excidat. Etiam si singulari aliqua & extraordinaria mentis emo-
tione eo ferretur, ut ex incredibili gloriæ Divinæ proximique amore
id optaret, non tamen verisimile est, id, vel optanti voventique, a
Deo permissum iri. Quo enim ardentior est ista charitas, eo & ac-
ceptior est Deo, & qui ista est præditus, eo confirmator est in bea-
tissima Dei, sui diligentes infinito plus diligentis, redamatione.
Tertio, non minus liquet, non posse Pauli quantascunque perpeffio-
nes improbis illis reprobisque redimendis, Deoque reconciliandis,
& ad fidem & pœnitentiam adducendis inservire, nedum sufficere.
Ea enim reconciliandi vis & dignitas solis Christi Domini perpeffio-
nibus competit; neque in earum partem ulla, quantumvis sanctissi-
morum hominum, & ex quantalibet charitate suscepta, passio ad-
mitti digna est. Et quo pacto denique in mentem Paulo venire po-
tuit, sui qualicunque anathemate confieri ulla ratione posse, quod
ea quam Christum pro hominibus subiit execratione factum non sit?
Quarto loco incontestatæ veritatis est, non licuisse Paulo, quacun-
que demum id fiat intentione, quidquam optare quod cum ullo vel
suo vel proximorum suorum peccato, nedum maximo gravissimoque pec-

peccato, conjunctum est. Unde duo colliguntur, primo non potuisse ipsum optare ut ullo Ecclesiæ anathemate percussus, illius communionem & Apostolatu privaretur; hoc enim sine summa injustitia decerni nequivit. Deinde & illud ex ante dictis consequitur, multo minus licuisse, voto se aliquo a salutifera Christi communione segregare, & damnatorum, id est hostium Christi, statui aggregare: quippe qui non solum miserrimus, sed & propter desperationem, odium Dei, & continuas blasphemias, sceleratissimus, & Diabolorum statui simillimus sit. Atque hæc veritates omnes, uti sua luce conspiciuntur, ita totidem gravissimæ difficultates sunt, quibus istud Pauli votum premitur.

XXII.

*Quod semen neque
semper a-
rium, ne-
que utilis-
se cassum,
neque san-
ctitatis con-
servarium
esse potest.*

XXII. Verumtamen non minus tria hæc quæ mox dicturi sumus rata certaue omnibus esse debent, quibus explorata sunt Pauli tam moderatio animi, quam sapientia & sanctitas. I. Non esse votum istud præcipitanter ac temere conceptum, aut sine matura animi deliberatione prolatum: quod de Jephthæ voto fortean cogitare licet. Id enim ut de Paulo credamus verat prudens illa & bene meditata protestatio, qua sermonem istum suum orditur. *Veritatem dico per Christum, non mentior, attestante mihi simul conscientia mea per Spiritum S.* II. Non esse etiam votum inane, sani consilii expers, atque unde nulla possit in Ecclesiam redundare utilitas. Tanto enim tamque insolito prorsus apparatu nihil agere, a sapientia & a magno serio Apostoli perquam alienum est. III. Quidquid denique vovet Apostolus non repugnare ullo modo exactissimæ sanctitati, vel quicquam continere quod cum suo aliorumve peccato aliquo conjunctum sit; nedum ut minimum eo delibetur gloriæ isti quæ solius Christi ἀπολυτρώσις unice debetur.

XXIII. *Varii Inter-
pretum in
sollendis
difficultati-
bus labores.*

XXIII. Hæc ut obtineant Interpretes, simulque allegatas supra difficultates e medio removeant, multis se fatigant modis; abeuntque in diversissima. Nonnulli in designatione *temporis*, alii in *emol- litione* quadam & diminutione *rei optatæ*, alii denique in *conditione*, quæ in voto subintelligatur, difficultatum remotionem quærunt. Audiamus viros aliquot eruditissimos, omnibusque rite libratiss, quid vero proximum sit modeste arbitremur.

XXIV.

*Sunt qui
Paulum de
tempore
Pharisæis-
mi sui lo-
qui putant:
sed male.*

XXIV. Sunt qui volunt Paulum animum suum testari, qualis erat tempore sui Pharisæismi. Vulgata enim Latina editio habet, *optabam*. Ambrosius, *optabam, non opto*. Primasius, *optabam aliquando, non nunc optarem*. Hieronymus, Anselmus, Cajetanus; multique alii in eundem sensum. Nimirum aliqua jam dixerat, plura dicturus erat, quæ ingrata oppido Judæis esse non ignorabat. Ne ergo ex odio

odio hæc proficisci existimarent, adducit naturalem suum affectum, quo olim gentem suam prosequeretur, adeo ut separatus esse a Christo optaverit, quo fratrum suorum jura, gentisque judaicæ privilegia tueretur. Cæterum hæc coacta sunt; & neque instituto Pauli, nec verborum proprietati consentanea. Non poterat enim Paulus, jam Apostolus, Christi quæ causam fervidissime agens, & de Judæorum induratione ac rejectione acriter nunc disputans, amoris erga eos sui constantiam ac vehementiam ex iis rebus probare quas olim fecerat antequam religionem Christi amplexus fuisset. Facile fuisset Judæis oggerere: quamvis hactenus nos charitate prosecutus fueris, dum a nostris stares partibus; postea tamen quam te ad Christum contulisti, mutasti animum, & quoniam nos quoque infensos tibi habere meruisti, vicissim nos probris & maledictis incessis. At si hæc dicta intelligantur de præsentis statu, eoque tempore quo hæc ipsa scribebat, & significetur etiam tum illum voluisse pro iis anathema esse a Christo; de ejus adversus illos benevolentia dubitari non potest. Sed nec verba ipsa explicationem istam admittunt. Quomodo enim Paulus optare poterat ut anathemate aliquo a Christo separaretur, quo tempore nulla conjunctione Christum attigerat, aut attingebat? Quodnam etiam amoris erga Judæos argumentum, si eorum causa lubens se separari pateretur ab eo quem ipse dicebat anathema, & quem pro execrabili habebat? Neque ulla præteriti temporis, quod quidam urgent, nota in Græca voce *ἐνχόμην* est: frequens enim est Græcis imperfecti pro optativo usus, sive addita, sive omissa particula *αἰ*. Pro exemplo sit Act. xxv: 12. *ἔβουλόμην καὶ αὐτὸς τῷ ἀνθρώπῳ ἀκούσαι.*

XXV. Alii itaque malunt emollire significationem vocis *ἀνάθεμα*, XXV. Alii eaque intelligunt *exterminationem e terra viventium*, sive mortem in-^{anathema}tempestivam ac violentam, juxta primam expositionem vocabuli ^{interpretantur de}*ἀνάθεμα*, de qua Sect. VIII. Sed bene interpretationem illam refu-^{morte vio-}tavit Chrysostomus: *Εἰ τὸ τοῦτο ἔλεγε, πῶς ἀνάθεμα ἑαυτὸν ἔχοντο εἶναι ἀπὸ τοῦ* ^{lenta, ἀπὸ} *Χριστοῦ; ὁ γὰρ τοῦτο θάνατος μᾶλλον τῷ τῷ Χριστῷ συνῆπτε χορῶ, καὶ τῷ* ^{annihila-} *δοξῆς ἀπολαύειν ἐκείνης ἡπολεί* ^{cione: Sicut} *Si id diceret, quomodo anathema semetipsum a* ^{nec hoc sa-} *Christo esse precabatur? mos enim illiusmodi magis cum choro Christi ad-* ^{isfacto.} *jungebat: efficiebatque ut gloria illa frueretur. Quum itaque constet, talem mortem non exhaurire vim vocis Cherem, paulo ulterius progressi sunt aliqui, eamque explicuerunt, de destructione totali, & annihilatione. Sic Martinus in Lexico ad vocem Anathema: optat se ex numero servandorum, adeoque hominum excludi, ut scilicet esse desineret: nimirum si ita χρεώσας εἰς ἀνταρξίαν, per istam suam humanam naturam defensionem posset Judæorum conversionem adjuvare. Cæterum quum nulla*

unquam res totaliter annihilata aut annihilanda sit, consequitur quod *Cherem*, tam de rebus, quam de personis usurpatum, nunquam omnimodam ἀννῆσιν, sive existentiae desinentiam, notet. Idcirco ne hæc quidem satisfaciunt.

XXVI.

Propius accedunt, qui intelligunt separationem ab Ecclesia.

XXVI. Propius accedere videntur, qui separationem ab Ecclesia, quæ Christi corpus est, ab Apostolo intellectam esse contendunt, cum omni quidem ignominia cæterisque malis, separationem talem comitantibus & sequentibus, at sine salutis æternæ dispendio. Hac mente interpretatur *Seldenus de Syned. Lib. I. Cap. VIII. Grotius* pariter: *Hoc dicit; Velim non modo carere honore Apostolatus, verum etiam contemtissimus esse inter Christianos, quales sunt excommunicati. Aliquanto plenius Hammondus: Tantum abest ut dignus sim qui habear inimicus Iulæorum, quemadmodum habeor, ut non recusem separari, vel excommunicari a Christiana Ecclesia, nec carere duntaxat honore Apostolatus, sed instar vilissimi hominis a communione sanctorum ejici, atque adeo Satanae tradi.* Verum quidem est, quod antea jeci, non potuisse sine magna injustitia talem anathematis sententiam ab ullo cœtu Christiano in Paulum pronunciari; neque conveniens esse, ut Paulus ullo suo voto Ecclesiæ ad talem adversus se iniquitatem committendam auctor sit. Attamen quum duæ distinctæ res sint; Paulum ex spontaneo voto ignominiam ac miseriam in se suscipere, & Paulum immeritum ad istam ignominiam ac miseriam damnare atque protrudere; prioris rei consideratio sola vorentis menti observabatur, seposita & abstracta consideratione prioris. Sicut & Dominus noster sponte ignominiam & crucem elegit, licet illi non nisi sceleratorum hominum manibus affigi potuerit. Cui observationi affinis altera illa *Hammondi* paraphrasis est. *Quemadmodum Christus, quum per se nequaquam maledictus esset, neque ullo malo dignus, factus est tamen maledictio pro nobis; ita nec recusarim in gravissimas ærunnas incidere. Cæterum ne hæc quidem, quantumvis probabilia, omnem phrasios emphasim exhaurire videntur. Dirius quid sonat anathema a Christo.*

XXVII.

Sed admittenda quæque est separatio ab ipso Christo: saltem ad tempus.

XXVII. *Gomarus* itaque, ut vim dictionis servaret, interimque vitaret extrema, *anathema a Christo* sic interpretatur, partim quod est a Christo, ut causa efficiente, partim quod est a Christo, ut termino; verumtamen non simpliciter, & in perpetuum, quale est reproborum qui æterna morte afficiuntur; sed temporale & secundum quid, quod salutem æternam non evertit. *Quemadmodum, inquit, Christus pro nobis factus est anathema, simpliciter quidem, sed non in perpetuum. Addit: atque hoc modo Paulum fieri anathema voluisse, nunc, re diligentius perpensa, consentaneum existimo, magisque verisimile, quam*

ut simpliciter & de perpetuo exitio intelligamus. Subjungit rationem non spernendam : Nam etsi charitas Dei charitati erga nos sit præponenda , tanquam summum ac primum mandatum , magisque Dei gloria quam salus nostra sit amanda ; justitiæ tamen contrarium est , ut simpliciter anathema esse , & exitio æterno devoveri ac salute æterna excidere optemus. Hoc enim & amor Dei adversatur , optare ut ab illo , summo bono nostro , perpetuo separemur : & amor erga nos repugnat , ut & summo bono nostro semper careamus , & summo malo ac supplicio , in æternum , afficiamur. Hæc Gomarus. Quibus si cuiquam acquiescere liceat , non habebit me improbe repugnantem. Non intercedo tamen , quin ulterius enitatur. Nam ratio a Gomaro allegata talis non est , ut nihil ei reponi queat : sicut ex iis quæ adhuc dicenda sunt patebit.

XXVIII. Chrysostomus cum multis aliis , qua Veteribus , qua recentioribus , anathema a Christo in omni significationis suæ emphasi interpretatur , cum connotatione exitii æterni. XXVIII. Quidni & in æternum ē Διὰ τὸ τοῦ κόπτομαι, καὶ εἰς τὴν ἡ χορισθῆναι τὴν περὶ Χριστὸν χορὴν , καὶ ἀλλοθροῦθῆναι , ἐκ τῆς ἀγάπης αὐτοῦ , (μὴ γένοιτο , ἐπεὶ καὶ ταῦτα δι' ἀγάπην ἐποίησεν) ἀλλὰ καὶ τῆς ἀπολαύσεως ἐκείνης , καὶ τῆς δόξης , κατεδιέξαμην ἂν . . . Καὶ βασιλείας ἰδὼς ἂν ἐξέπικτον , καὶ τῆς δόξης ἐκείνης τῆς ἀπορρήτου , καὶ πάντα ὑπέμεινα ἂν τὰ δεινὰ . Propterea discrucior , ait , & , si quidem fieri posset , vellent ab eo choro separari , atque alienari , qui Christum circumdat ; non ab ipsius amore , (absit , quandoquidem etiam hæc propter amorem faciebat) sed illa fruitione atque gloria privari sustinerem — Et a regno cælorum libens exciderem , & ab illa ineffabili gloria , atque adversa omnia tolerarem. Non sine ratione ita commentantur fidissimi Interpretes. Phrasia enim ista ἀπὸ Χριστοῦ nativa significatione sua importat separationem a Christo & beneficiis ejus : quæ quum non hujus tantum , sed & futuri sæculi sint , horum omnium denotatur privatio : & quum qui separatus est a Christo , exfors redemptionis sit , utique simul significatur mors æterna , omnes pœnæ quæ damnatis superventuræ sunt , Dei maledictio , & quidquid ab ira Dei & gloria potentia ejus proficisci potest , ad demonstrandam Dei justitiam & vindictam. Nihil gravius dici , imo nec concipi potest : uti judiciose argumentatur Jacobus Altingius.

XXXIX. Observandum interim , omnes qui ita interpretantur , id a me quam laudati modo Altingii verbis dici posse. XXXIX. Exclusa tamen damnationum pec- Anathema non dicit peccatum aliquod ejus qui id fit , sed damnum , pœnam , maximamque perditionem. Sic Apostolus se anathema fieri optat , exitium subire , & quidem æternam , a Christo quippe ; citra impietatem , (neque enim

Christum dicit anathema, loquens ipse per Spiritum S. I. Cor. XI: 3.) adeoque non vult odisse Christum: sed privati fructione ejus amoris, pati ea, quæ hostes & inimici ejus passuri sunt: non autem agere, quæ illi agunt, vel agent. Optat sibi inimicorum Christi penam, non culpam; damnationem, non damnationis meritum. Sic Altingius. Addo ego, neque damnationis in hominibus reprobis sequelas, odium Dei & blasphemiam.

XXX. *Difficultates quibus hæc explicatio premittitur.*

XXX. Equidem id mihi in isthac explicatione præ cæteris omnibus probandum esse videtur, quod singulorum vim verborum, sine ulla significationis diminutione, illæsam retineat. Negari interim nequit, quin & pluribus, iisdemque gravissimis, prematur difficultatibus. I. Qui enim potuit hæc optare sapienter, quum omnes voti partes ex earum rerum genere sint quæ prorsus fieri nequeunt? Nam vel reprobos Judæos servari, vel Paulum damnari, vel Pauli damnatione eorum reconciliationem promoveri, omnia ex æquo sunt *adjuvata*. II. Qui potuit etiam hæc optare sine violatione venerabundæ istius submissionis quæ Divinæ debetur voluntati, non jubenti solum, sed & decernenti: præsertim ubi Deus sapientissimum, justissimum & ἀμεταμέλητον consilium suum revelavit? Optime enim callebat Paulus, & hoc ipso discursu prolixè alios docebat, consilium Divinæ probationis, cui quocunque modo contra niti nefas esse declarat. III. Qui potuit hoc optare sine violatione enixissimæ charitatis Deo debitæ? Qui enim Deum, uti par est, amat supra omnia, is ejus communionem arctissimam ex isthoc amore impensissime necessario desiderat: neque videtur illam sine vilipendio Dei alteri cuicunque rei posse postponere. IV. Qui potuit hæc optare sine inversione ordinis quem Deus in nostri & proximi amore observare jussit? Charitatem enim a nobis incipere, & ad proximum transire, non autem proximum supra nosmet ipsos diligere mandavit. Omnium minime, ut æternum alterius salutem nostræ antehabeamus. V. Denique. Qui potuit suæ substitutionem pro Judæis optare, sine injuria Christi, cui soli, ob dignitatem personæ & Mediatorii muneris, talis substitutio convenit? Vix quemquam esse reor, cui non de hac re ferio cogitanti difficultates istæ in mentem veniant. Cæterum quo pacto solvendæ sunt? Meditemur aliquantulum.

XXXI. *Etærum solutio generalis.*

XXXI. Nunquid omnes unica hac observatione modestis animis, si non prorsus eximantur, saltem plurimum minuuntur, quod in voto hoc eluceat heroicus excessus, & quasi ecstasis quædam amoris, qui unice in amabile objectum suum intentus, illiusque bonum incredibili ardore desiderans, nunquam sibi in votis suis satisfacit; justo

justo se remissius diligere credens, si sollicita deliberatione singula, an & quatenus fieri queant, expenderet. Anxia illiusmodi deliberatio sedati magis animi est, & modeste amantis, quam hominis extraordinario amoris impetu velut extra se rapti: qualem sese hic representare Paulus videtur. *Ὡς τις κόρον ἐκ αὐτῆς ἡρώδης, αὐτὸν ὁ νομίζων ἑλαττῦναι τῷ χρεῖ, καὶ τὰ λοιπὸν προσφιλονεικῶν ἀναπαυῶσαι, veluti insatiabilis amator, qui semper citra debiti lineam se consistere credit, & quod deest summo studio implere nititur, ait Photius.* Hoc ferme modo Pauli votum concipit præstantissimus Sacrarum Literarum Interpres *Martinus Bucerus*. Votum hoc, inquit, non nisi ex incomparabili dolore de ruina & perditione Israël existeret potuit. Probavit ergo eo PORTENTOSAM doloris sui magnitudinem, indeque & amoris in istum populum. *Ὁραβαν, vel orabαν, dicit.* Significat, se non perpetuo hoc orasse, verum aliquando; nimirum quum dolor iste ex contemplatione exitii tantæ gentis, quæ etiam Deo chara adeo fuerat, singulariter invaluisset. Tum certe perditionem illorum sui dispendio avertere, & salutem illorum suo exitio redimere in lucro posuisset. *Rapitur si quidem ad impossibilia animus tantis æstibus agitat.* Et postquam Moïsis exemplum cum hoc Pauli contendisset, sic pergit (digna enim viri magni verba existimo, quæ & hic legantur, quoniam graphice heroïcos ardentissimæ charitatis raptus delineant.) Sic, inquam, pergit *Bucerus*. Nec vero convenit hic objicere, quod uterque, Moïses & Paulus, Deum summe amarint, nec ullius vi creaturæ potuerint ab amore Dei divelli. Haud siquidem tum, quando ista orabant, librabant se inter Deum & res alias, utro inclinarent; sed totum animum habebant defixum in exitio tanti populi: quem quum ex Spiritu Dei diligerent multo vehementissime, nihil aliud in ista mentis ecstasi cogitare poterant, quam si quo pacto posset eripere illos ex æterna everfione & morte. Quare *ut sunt sancti sui ipsorum ad omnia imprimis prodigi*, nihil illis prius occurrit, quam ut Deo sui commutationem pro redemptione populi Israëliti offerant: quæ commutatio objicit eis, ut quæ sit ipsis permaximè: non quidem quod se ipsos tanti existiment; sed quod beari in Domino sibi merito summum sit cujus dispendium faciant. *Isti excessus sunt charitatis vere flagrantis, quæ Deo displicere non possunt, quam ex charitate proveniant, quæ Deum deletat unice.* Pauculis interpositis hæc addit: dum scripsit, *ὠρχόμεν, orabαν, non ὠρχο, oro, significavit hanc orationem fuisse nec perpetuam, nec animi in Deo tranquillæ, sed extra se rapti, & jam, ex consideratione perditionis hujus tot sæculis sancti populi, quique ex omnibus populis orbis solus Dei populus*

fuiſſet, ſumme afflicti & perturbati. Haſtenus *Bucerus*. Temperare mihi non poſſum, quin profitear vehementer me lectione & exſcriptione horum verborum affectum fuiſſe. Adeo mihi vir ſanctus in animum Apoſtoli videtur penetraviſſe, & quaſi ſenſum aliquem flagrantiffimæ, & ut optime ait, *portentoſæ* illius charitatis in ſe habuiſſe, quem vix quiſquam vividius repræſentet. Et quamvis aſſeverare non auſim omnino mihi obſervatione iſthac ſatis factum eſſe; (nam non approbo ſane quæ de præterito imperfecto notat, ob ea quæ *S. xxiv.* dicta ſunt) perſuaſus tamen ſum, non eſſe illos idoneos harum rerum æſtimatores: qui cogitationes ſuas longe ſupra illius quæ plerumque obtinet & laudari ſolet charitatis teporem extollere non didicerunt. Si quis quodammodo ſaltem aliquos Divini amoris raptus expertus eſt, is demum rite cognoscet, omnia ſic amantis vota & verba ad vivum reſecanda non eſſe: neque exigenda ad amuſſim orationis ex compoſito ſedatoque animo proficiſcentis.

XXXII.
Specialiter.

XXXII. Non tamen ita Paulum amor ſuo indulgiſſe putandum eſt, ut ſapientiæ aut ſanctitatis ſuæ oblitus ſit. I. Nihil enim in hoc voto eſt quod ſapientiæ repugnat; quamvis eas in ſe res comprehendat quæ fieri non poſſunt. Plerumque enim optantur ea quæ *ἐκ τῶν ἀδυνάτων* eſſe perſuaſiſſimi ſumus, quia ſepoſita conſideratione ejus quod fieri poteſt, optantis animus unice in rei deſideratæ bonitatem intentus eſt. Non eſt credendum, deſipuiſſe illum qui præteritos ſibi annos referri optabat; aut Davidem, dum optabat mortuum ſe eſſe pro jam trucidato filio Abſolomo. Super omnia exemplum Chriſti eſt, optantis, ut, ſi fieri pote eſſet, quod tamen pote non eſſe optime ſciebat, calix amariffimæ paſſionis ſuæ a ſe præteriret. II. Neque quidquam voto hoc derogatur ſubmiſſioni illi qua Divinæ voluntatis decreto acquieſcere par eſt: non magis quam in eam peccavit Chriſtus, dum pro hoc ipſo populo, & urbe Hieroſolyma, cujus interitum ex Divina voluntate prædicit, votum iſtud concepit quod Lucas memorat Evangelii Cap. XIX: 42. *Utinam vel tu noſſes, hoc ſaltem tuo die, quæ ad pacem tuam pertinent!* Non certe Deo diſplicet, qui pereuntium hominum, & ſua quidem culpa pereuntium, miſeriam ſinceris lacrumis deſlet; quamvis cæteroquin ſententiæ Dei ut juſtiſſimæ ſubſcribat, & in ſanctiſſimo ſemper ſupremi arbitri conſilio acquieſcat. Nam, pro objecti cogitati conſideratione varia, varie etiam homines ſancti afficiuntur. Quando mentis ſuæ oculos in ſuam aliorumve ſalutem deſixos habent, aliter affecti ſunt, quam quum decretum Dei, cui omnia cedere oportet, animo ipſorum obverſatur. Tunc ſemper Chriſti illud obtinet: *non mea, Pater, ſed tua*

tua voluntas fiat. Vel alterum istud : ita , Pater : quia sic placuit tibi. Pulcherrime Calvinus : Hinc docemur , non impedire obedientiam , quam Dei providentiæ deferimus , quin ad perditorum hominum ruinam ingemiscamus , cui tamen scimus iusto Dei iudicio destinatos. Potest enim idem animus duplicem hunc affectum recipere ; ut quum in Deum respicit , libenter perire suslineat quos perdere ille decrevit ; quum ad hominum cogitationem reflexit , eorum malis condoleat. III. Non præjudicat etiam Pauli votum charitati Deo debitæ. Duabus enim hisce rebus , Dei gloria & suæ salute , cum se invicem collatis , potior semper piis Divinæ gloriæ quam suæ salutis rationem esse convenit. Ita vero hæc res Apostoli animo obversabatur , plus ad Deum gloriæ redundaturum esse ex integræ gentis Israëlitiæ , tot vinculis Deo nexæ , conversione atque salute , quam ex sua privata felicitate. Communio Dei , quatenus nostram absolvit felicitatem , quantumvis in se sit desiderabilis supra omnia quæ nobis bona esse cognoscimus , postponenda tamen esset Divinæ gloriæ , si ea luculentius aliunde illustrari posset. Nulli docto & pio divitiarum erit si elegantissimam Photii ratiocinationem ex laudata epistola hic quoque legendam exhibeam. Τὸ ὅτι τοιαῦτα καὶ φρονεῖν καὶ λέγειν ἔτε Θεοῦ χάρισμός ἐστιν , ἔτε διδάσκεις , ἐννοεῖς ὅτι μᾶλλον θαυμάσια τις καὶ ὑπερφύης , καὶ καινοπρεπὲς αὐτῇ συνάφεια , καὶ τὰ πρὸς Θεὸν καὶ ἀνθρώπους ἀπαρβλήτε φίλτρον ἡναργισμένη παράστασις , καὶ μόνης , ὡς ἀληθῶς , τῆς μακαρίας ἐκείνης καὶ ἁγίας Παύλου ψυχῆς ἀπαράγραπτον γνῶρισμα. Hæc sentire & dicere non est a Deo separatio ; sed mira potius quadam conjunctio , & unio supra naturam innovata ; amoris erga Deum & erga homines incomparabilis manifesta exhibitio ; insigne quoddam proprium beatæ & cælestis illius Pauli animæ. IV. Non invertitur etiam dilectionis ordo. Nam sicuti Servator monuit , satius esse ut unum membrum refecetur , quam ut totum corpus pereat ; ita Paulus hoc spectavit , melius esse ut de magno corpore servato Deus haberet gloriam , se refecto ; quam ut ipse servaretur , & Judæorum universitas , quæ magni corporis instar erat , abjiceretur in gehennam. Non pro uno aliquo Israëlita anathema fieri optat : quum enim omnium hominum æque pretiosa sit anima , nihil omnino lucris in ista permutatione esset , & sic quisque sibi ipsi est proximus. Lucrum autem semper in ejusmodi permutatione spectandum est : unde ne quidem temporalis vita pro altero ponenda , nisi illius vita majoris pretii atque usus sit. De cætero res ipsa loquitur , aliquot millenas animas potiores esse una ; & melius esse unum mori , quam totum aliquem populum perire , Joh. xi : 50. V. Denique omnium minime voluit Paulus voto hoc suo injuriam facere unico redemptori
Chri-

Christo, illiusve redemptioni. Nam, uti bene *Coccejus*, aliud est optare fratribus salutem contingere propter se, sive cupere fratribus prodesse, quod Paulus voluit; aliud putare se tanti esse, ut possit fratribus mereri salutem, quod ne per somnium quidem sibi arrogavit. Quibus observationibus difficultates §. xxx. motas non incommode remotas esse arbitror.

XXXIII.

Toti voto
subest con-
ditio: si
quidem fieri
possit.

XXXIII. Omnibus itaque rite subductis, hæc Apostoli Pauli mens esse videtur: tam immensa & incredibili charitate fratres meos Israëlitas, populum perenni fœdere Deo nexum, prosequor, ut, quando ad eam felicitatem attendo a qua exciderunt, eamque miseriam in quam se præcipitarunt, æternæ meæ salutis dispendio, si quidem id, salvo Dei beneplacito, fieri possit, redemptos cuperem: ut gloria Dei in universi potius populi salute, quam in mea privata luculentissime fulgeret. Prorsus enim subintelligenda esse videtur illa quam monui conditio. Quod & ipsa vox *πυχόμεν optαρίν* innuit, uti judiciose observatum a *Photio*. Οὐδὲ γὰρ εἶπεν, εὐχομαι χωρισθῆναι, ἀλλ' ἐπυχόμεν ἄν. τῆς ἐν, εἰ δυνατόν ἦν, εἰ συντελεσθῆναι θέλω πᾶσι πᾶσιν ἐν Θεῷ ἐκνωθῆναι, εἰ ἔπος θεοπροπῆ θεοπίσιον ἔργα παρνοδοῖμαι, καὶ τῶτον ἐπελθεῖν ἡγωνισάμεν. Non enim dixit, opto separari, sed optarem, hoc est, si possibile esset, si fieri posset, ut desiderium Divinum Divino desiderio vinceretur; si amor detens Deum Divinum amorem transcendere, hunc ego ut subirem contenderem. Paulo post. *Ἐπυχόμεν ἄν, εἰ ἐνδοχέτο, εἰ ἐνέχοιτο, εἰ τις ἦν ἀπόστασις συνήρητος*, Θεῷ χαριζομένη συνάφειαν, εἰ τις χωρισμός συνδέν σφοδρότερον, εἰ τις ἀλλοτριώσις οἰκειῦσα πελειώτερον, Optarem, si concederetur, si liceret, si apostasia aliqua salutaris esset, qua cum Deo conjunctionem procuraret: si qua separatio artius constringeret: si qua alienatio perfectius uniat.

XXXIV.

Quæstiones
duæ.

XXXIV. Manum nunc possem tollere de tabula, nisi occasione hujus exempli duo restarent, ulteriore inquisitione dignissima: quorum alterum ad proximi, alterum ad Dei amorem pertinet. De illo quaeritur, an Pauli exemplum Christianis omnibus pro regula sit, ut & ipsi ex lege charitatis parati esse debeant aliorum æternam salutem suâ, si fieri posset, redimere. De hoc, an purus Dei Divinæque gloriæ amor ita absorbere debeat nostri ipsorum amorem, ut illius intuitu æternam salutem nostram pro re indifferente habeamus, & æque lubenter æternum damnemur quam servemur, modo in nobis glorificetur Dominus. De priori arbitremur prius.

XXXV.

legē chari-
tatis omnes
Christiani

XXXV. Sunt qui putent, Christianos omnes necessitate quadam Christianæ legis obligatos esse, ut eodem quo Paulus modo circa fratres suos animati, eademque iisdem præstare parati sint. Atque

que isti his potissimum argumentis pugnant. I. Quod illud involva-^{seneantur} tur communissimæ istius legis amplitudine, quæ proximos ita dilige-^{eodem mo-} re jubet ut nos ipsos. Ita vero plerumque comparati sumus, ut^{do & gra-} quories in summis versamur angustiis ab alio quopiam redimi opte-^{du anima-} mus, etiam cum redimentis dispendio. Quod iniquissimum foret^{si esse erga} votum, nisi in simili causa & casu idem libenter suscipere-^{proximos} mus pro^{sus.} aliis. *Quæcumque igitur volueritis ut faciant vobis homines, ita & vos facite eis, ista enim est lex & Propheta, Mat. VII: 12.* II. Accedit expressissimum Johannis dictum I. Joh. III: 16. *Nos igitur debemus pro fratribus animas deponere.* Cujus officii æquitatem ad naturæ lumen Gentiles quoque agnoverunt. Notum est *Sineca* illud *Epist. IX.* *In quid amicum paro? ut habeam pro quo mori possim, ut habeam quem in exilium sequar, cujus me morti opponam & impendam.* III. Præcipue urget exemplum Christi. Quisque nostrum ita tenetur diligere proximum, sicut Christus nos dilexit. At Christus ita vitam in cruce posuit, ut non modo a Patre se suo desertum quereretur, sed & execratio pro nobis factus sit. Si roges, quis ita hoc exemplum sequatur, ita hanc legem præstet; respondent, fortassis neminem. Neque tamen ea causa damnari pios. Quod enim nostræ deest justitiæ, id ex perfectissima Domini justitia gratiose nobis imputata compensari. Non tamen idcirco fas esse quicquam remittere de studio hoc mandatum præstandi. Conandum pro viribus, si non successerit, dolendum; conantibus & dolentibus confugiendum ad perfectam Christi justitiam, & immensam Dei misericordiam.

XXXVI. Speciose hæc dici fateor, dubitare tamen licet, an XXXVI. æque solide. I. Nulla lege Divina proximi salutem quærere jubemur ante nostram. Quo loco præcipit Apostolus, ut *ne sua quisque spectet, sed etiam ea quæ sunt aliorum*, & ut *idem in nobis affectus sit qui fuit & in Christo Jesu*; eodem loco singulis inculcat, *cum timore ac tremore vestram ipsorum salutem conficite*, Phil. II: 4, 5, 12. Qui salutis viam ipse ingreditur, ei non opus est optare, ut alius quispiam ejus vice damnationem subeat. Qui vero ad salutem per Christum partam ea quam Evangelium monstrat ratione adspirare susque deque habet, is & ipse improbus est, & scelerate optaret ut homo aliquis pius, abdicata sua cœlestis hæreditatis portione, ipsi eam cederet. Nemini optare licet quæ a ratione & Evangelio adeo sunt aliena. Mandatum vero Domini, ut aliis faciamus, quæ nobis fieri velimus, non nisi de justa sanctæque voluntate intelligendum est. II. Non loquitur Iohannes de æternæ, sed corporalis hujus & perituræ vitæ dispendio. Eam autem charam habere non oportet, si quidem morte constanter

& sancte obita, Deum glorificare, Evangelii cursum, fratrumque salutem promovere, & grandia ab iis mala averruncare detur. Dici non potest, quantum qui ita pro fratribus moritur sibi ipsi gloriæ ac felicitatis lucretur. Quod ab hac de qua nunc agimus causa prorsus alienum est. III. Denique nec Christi exemplum ultra quam par est urgeri convenit. Præterquam enim quod multa hic fecerit Christus, non præcise qua homo, ex lege communis charitatis, sed qua *Mediator*, virtute singularis ac voluntariæ sponsonis, quæ non ita trahenda sunt in exemplum; certe neque voto, neque reipsa, anathema eo sensu fuit quem Pauli fuisse disputavimus. Sciebat enim Christus, se, post gravissimam quidem, sed parvi temporis passionem, ut principem salutis, gloria & honore coronatum iri: quod pacto convento determinatum erat. Ergo ne hoc quidem exemplo evincitur, optandum nobis esse, ut aliorum salutem nostri æterna damnatione redimamus. Quid igitur? Singulare hic aliquid in Paulo fuit, heroicum, & hyperbolicum; *extremum votum*, in quod, ut bene Calvinus, *confuso animo erupit*: quod miremur ac stupeamus magis, quam ut in ista *ὑπερβολῇ* cunctis Christianis in exemplum imitatu necessarium proponamus. Atque hæc ad priorem quæstionem dicta sunt.

XXXVII.
Mysticæ
Theologiæ
circa pu-
rum Dei
amorem
subtilitas.

XXXVII. Veniamus ad alteram. Mysticæ quam vocant Theologiæ Professores, de puro simpliciue Dei amore disputantes, distinguunt duos status vel gradus diversos, quorum alterum *RESIGNATIONIS* vocant, alterum *INDIFFERENTIÆ*. Per *resignationem* eo deveniunt sancti, ut omnem appetitum, omne desiderium, omnem denique voluntatem, quæ aliquem ad nos ipsos respectum habet, superent, eumque submittant voluntati Divinæ, in omnibus omnino rebus, sine exceptione ulla, ne quidem æternæ salutis. In illo amoris Divini statu qui est, is quidem revera Deum amat supra omnia, & idcirco Deum amat, quia in se pulcherrimus & ob infinitas perfectiones suas amore dignissimus est; sed & Deum cum aliquo ad se ipsum respectu amat, utpote cujus communione queat beari: sic ut in amore isto Dei aliqua suæ felicitatis consideratio & appetitus sit. Sed appetitum istum submittit Divinæ voluntati: sic ut Deo dicat, Ego quidem, Domine mi dilectissime, deprehendo in me appetitum beatitudinis in tui communione inveniendæ: at tu si malis a tui me communione arcere & damnare, quam tui communione beare, acquiesco prorsus isti tuæ voluntati, eademque submissione excipiam sententiam damnationis qua exciperem sententiam æternæ salutis. Qui huc usque pervenit, quis dubitet quin plurimum in amore Dei profecerit? Cæterum non paullo sublimior est status *indifferentiæ*. In

eo enim nullus superest appetitus qui resignandus sit. Animus sancte indifferens nihil amat intuitu sui ipsius, nihil amat nisi propter voluntatem Dei : caret omni electione, æqualiter dispositus est ad omnia : ne quidem eas res amat quas Deus vult, sed solum voluntatem Dei qua eas vult. Licet quidem desiderare vitam æternam, at non eam ob causam quod in se desiderabilis sit, quamvis talis revera, sed unice propter voluntatem Dei qua vult nos desiderare vitam æternam. Tales sancti amatores Dei, vident cælum sibi apertum, vident mille ærumnas in terris, utrumque quoad electionem æque ipsis est indifferens : sola Dei voluntas inclinatur animum ad alterutrum. Si scirent sui damnationem aliquantulum Deo gratiorem esse quam salutem, hac relicta ad illam currebant. Hoc fere modo mentem suam suorumque exponit *Franciscus de Salignac Fenelon, Archiepiscopus Cameracensis*; in Libro, non suis plus meritis, quam aliorum contradictionibus, & expetito Papæ iudicio, ac impetrata denique condemnatione, in Ecclesia Romana celeberrimo. *Art. v.*

XXXVIII. Oppido subtilia atque sublimia hæc esse, quis iverit inficias? Dubito tamen an non in metaphysicas abeant otiosorum hominum *mutuallac*, abducantque nos a simplicitate Evangelii, & actiosa praxi sanctæ charitatis erga Deum & nos ipsos. Ego ex Evangelio hæc quæ dicam didici. I. Citra controversiam amandus est Deus propter se ipsum & infinitas suas perfectiones; quæ cum in se amabilissimæ sint, idcirco amandus supra omnia, omnique virium nostrarum intensione. II. Idem amabilissimus Deus bonus etiam est, & beneficus, docuitque nos in Evangelio, hanc esse omnifufficientiæ suæ gloriam, ut possit ac velit Deus & salus peccatorum in ipsum credentium fieri per Christum. Eam omnifufficientiam ac benignitatem Dei summe diligere oportet, quia Dei est. III. Verum, quum Deus, qui nos adeo diligit, non solum permiserit, sed & iusserit, ut & ipsi nos diligamus; æquum, justum ac sanctum est, ut eam Dei omnifufficientem benignitatem amemus cum isto quoque respectu quem ad nos habet, & sub quo nobis tam amabilis proponitur & offertur in Evangelio. IV. Attamen quum in ista omnifufficiente benignitate Dei, qua beamur, duo distincte considerari possint; primo gloria tantæ perfectionis in Deo, deinde felicitas inde redundans in nos, quanto Deus major ac præstantior est homine, & amor Dei prævalere debet præ amore nostri, tanto etiam potior nobis in hac ipsa re esse debet Dei gloria, quam nostra salus. V. Quandoquidem non potest non ad Dei gloriam esse, ut omnes in Christum sincere credentes & Deum sancte amantes per immensitatem omnifufficientis

XXXVIII.
Non usque
quaque
Evangelii
simplicitatis
consensu-
nea.

benignitatis ipsius æternum servantur ; ita non potest non contrarium esse gloriæ Dei, ut tales æternum damnentur : absurda , Deo indigna , & contradictoria fictio est , ut homini sincere Deum diligenti proponatur optio , utrum ad honorem Dei servari an damnari malit. Nam hæc est gloria Dei , ut tales servantur ; & contra Dei gloriam esset ipforum damnatio. VI. Sanctus nostri amor purissimo purissimoque Dei amor non repugnat , sed ei subordinatur. Quamobrem non ideo minus Deum diligimus quod & nos ipsos rite atque ordine diligamus. Quando igitur Deus sui communionem , ut summum nostrum bonum , nobis proponit & offert , tenemur illam diligere & desiderare ex principio amoris Dei , qui iussit ut eam oblatam cum summa grati animi alacritate accipiamus ; sed & ex principio amoris nostri , eo nos impellentis , ut & propriæ salutis nostræ operemur. Et quum desiderium salutis sanctum sit Deoque gratum , usu venire non potest ut ei renunciandum sit. VII. Indifferentia circa æternam salutem & damnationem prorsus impossibilis est : & si possibilis foret , esset vitiosa , & injuriosa Deo. Nam quum natura hominis ita comparata , & ab ipso Deo creata sit , ut ab eo quod summum sibi malum esse novit insociabiliter abhorreat , & id quod sub summi boni specie sibi obversatur indeclinabiliter appetat , fieri non potest ut voluntas circa tam contraria objecta indifferenter se habeat. At finge indifferenter se habere : tum certe summam injuriam facit Deo , cujus favorem & communionem haud æquo pretio æstimat , & cujus odium & iram non pertimescit. Audio , solam Dei voluntatem esse quæ nostram inclinet ad alterutrum. At hæc perpetua & constans Dei voluntas est , primum naturæ humanæ insita , deinde in Evangelio patefacta , ut homo ratione sua utens nolit esse æternum miser , velit esse æternum beatus. Non vexat Deus dilectos sibi , & diligentes se , absurdis istiusmodi quæstiunculis : fili , si vellem te , adeo nunc me amantem , in æternum amore meo excludere , an isti voluntati meæ tacitus acquiesceres , foretne tibi in indifferenti amor vel odium meum ? Apage væsanæ absurditates. VIII. Huc denique res omnis redit : Deum propter se ipsum amandum esse super omnia : nosmet ipsos nobis quoque amandos esse sub Deo & in ordine ad Deum : & uti sanctus & bene ordinatus amor nostri nihil derogat purissimo amoris Dei ; ita Deus nunquam amantes sui inter suam voluntatem & gloriam ab una parte , & ipforum salutem ab altera , velut ancipites collocat , ut alterutrum ipsis eligendum sit , quum utrumque inseparabiliter junxerit. Hæc simplicitati nostræ sufficiunt , & in horum axiomatum praxi sita est charitas Evangelica.

EXER-

EXERCITATIO III.

Περὶ τοῦ Λόγου.

B R E V I A R I U M.

I. Exercitationis partitio. II. Paraphrases Chaldaicae Verbum Dei in significatione personae Divinae saepe usurpant. III. Et a Deo cujus est verbum distinguunt. IV. Oweni observatio. V. Isaac Aramaeus Verbum Dei exponit per Dei nuntium. VI. Notabilis locus ex libro Sapientiae in eandem mentem. VII. Tria insignia ex Philone. VIII. Alia ex Zoroastre, Orphicis, Heraclito, Platone. IX. Johannis Evangelium a recentioribus Platoniciis laudatum. X. Attamen λόγος Platonis & λόγος Johannis plurimum a se invicem distant. XI. Quidquid in veterum Philosophorum locutionibus boni, id ex antiqua traditione est. XII. Quae in Paraphrasis & Philone aliquanto purior. XIII. Recentiores Platonici quaedam ex Evangelio sumpta Philosophicis subtilitatibus corruerunt. XIV. Perperam itaque Christianum dogma ex Platonis Schola arcessitur. XV. Perperam statuitur, Johannem Platonis phrasas induxisse in Evangelium. XVI. Quippe qui Philosophorum inanes disputationes neque ipse didicit, neque edoctus est a Spiritu S. XVII. Quamvis fieri potuerit, ut altercationes Philosophorum & Gnosticorum, occasionem ipsi praeberint Divinam veritatem hoc modo explicandi. XVIII. Rem tamen & phrasin habet ex Ps. xxxiii: 6. & 2. Sam. vii: 21. XIX. Item ex Hag. ii: 4. XX. Multi Filium λόγον nuntiarum pari autumant, in significatione rationis, vel definitionis. XXI. Improbante Beza. XXII. Et Gomaro. XXIII. Sarius videtur ad significationem Sermonis attendere: vel quia de Filio locutus est Deus. XXIV. Vel quia Filius ita se habet ad Patrem ut sermo ad loquentem: quippe qui Patrem declaravit. XXV. Et per quem ab aeterno locutus est Pater. XXVI. Et qui suo privoque jure verba Dei loquitur. XXVII. Probabile est, in genuina vocis λόγος expositione non esse aggreganda ea quae disparata sunt. XXVIII. Quater Johannes hac voce isto sensu usus est. XXIX. 1. Joh. v: 7. in multis editionibus non invenitur. XXX. In aliis tamen antiquissimis exstitit. XXXI. Pro genuino retinendum est. XXXII. Extrusio ejus Arianique non est imputanda. XXXIII. Quippe iis antiquior. XXXIV. Ipso seculo secundo Haeretici sacrilegas manus injecerunt Scripturae. XXXV. Ii maxime qui bo-

stes erant Deitatis Christi. XXXVI. Qui scelus istud in hanc ipsam
Johannis Epistolam variis modis ausi sunt. XXXVII. An & alii
Christum λόγον vocaverint? XXXVIII. Videtur id fecisse Lucas.
Evangel. I: 2. XXXIX. Et Act. xx: 32. XL. An & Paulus? Heb.
IV: 12. Rationes affirmantium. XLI. Rationes negantium. XLII.
Επιμνηστικ.

I. Exerci-
tationis
partitio.



Disseraturus περί τῆς λέξεως, quo nomine Johannes Aposto-
lus Filium Dei, Sospitorem generis humani, ali-
quories designat, tria mihi capita explicanda sumo.
I. Unde denominationem istam Johannes habeat. II.
Quid ea impartet. III. An Johanni soli ex omnibus
Novi Testamenti scriptoribus proprium sit Filium Dei
eo nomine insignire.

II. Para-
phrases
Chaldaicae
Verbum
Dei in si-
gnificatione
personae Di-
vine saepe
assurpant.

II. Johannem non esse primum eorum qui Dei Filium λόγον di-
xerunt, omnes fere consentiunt eruditi. Non desunt qui existiment,
hoc ei praecipue nomen arrisisse, quod & multa significatione factum,
& Judæis pariter ac Græcis fuerum gratumque esse sciret. Plerique
observant, similem locutionem frequenter occurrere in Paraphrasibus
Chaldaicis, quæ veterum Hebræorum Catechesin, & antiquas lo-
quendi formulas exhibent. Quoties de Deo nobiscum loquente, no-
bis opitulante, vel nobiscum conversante, sermo est, toties fere
Targumistæ pro Deo, vel Jehova, substituerunt מִסְרָא *Verbum Je-*
hova. Pro exemplo hæc paucula ex innumeris sunt: Gen. xxi: 20.
Deus fuit cum illo. Onkelos: *Verbum Domini fuit illi auxilio.* ibid.
com. 22. *Deus est tecum.* Onkelos: *Verbum Domini erit tibi subsi-*
dio. Deut. xx: 1. *Ne timeto ab eis: nam Jehova Deus tuus tecum est.*
Onkelos: מִסְרָא בְּמַעַרְךָ אֵלֶיךָ אֲנִי יְיָ eo quod Jehova Deus tuus,
verbum ejus, auxilio tibi est, quod eduxit te ex terra Egypti. Num. xi:
20. *Eo quod reprobastis Jehovam.* Onkelos: *Eo quod fastidivistis ver-*
bum Domini, cujus שכִּינָה schecina, Divina Majestas habitat in vobis.
Exod. xvi: 8. *Non contra nos murmurationes vestrae, sed contra Jeho-*
vam. Onkelos: *sed contra מִסְרָא רַבִּי verbum Jehovæ?* Ubi Raca-
natis addit: *intentionem esse, quod שכִּינָה, sive Divina Majestas*
apud homines habitans, ita nuncupetur Deut. xviii: 19. *Erit autem,*
ut quisquis non auscultaverit verbis meis, quæ locuturus est in nomine meo,
ego reposcam ab illo. Onkelos: וְהָיָה גְבוּרָא דִּילָא יִקְבֵּל לְפָתְנִי דִּי יִמְלֵל בְּשֵׁמי מִסְרֵי יִתְבַּע מִנִּיהָ
Erit autem ut qui non acceperit verba mea
quæ loquetur nomine meo, Verbum meum requirat ab ipso. Infinita sunt
familia. Unde colligitur, receptum eo tempore Hebræis fuisse, ut
Deum,

III. Verum quidem est, quod *Fagius*, *Buxtorfius* uterque, *Hacsp-* III. Et *nus*. aliique viri eruditissimi pridem observarunt, vocem מִימֶר Chal- Der, cu-
dæis Interpretibus sæpissime notare *rem ipsam*, cujus dicitur esse ver- jus est ver-
bum : idemque valere quod נֶפֶשׁ Hebræorum, נֶפֶשׁ Rabbīnorum, bingunt.

IV. Digna memoratio est doctissimi *Ουνυενι* observatio in *Proleg. IV. Ουνυενι*
ad Epist. ad Heb. p. 114. phrasin hanc Chaldaicam primo omnium oc- *ni observatio.*
currere in prima apparitione personæ alicujus Divinæ, mox post la-
psum hominis. Gen. 111 : 8, ubi Moses dicit : ושמעו את קול יהוה
אליהם כהם בחור, quod verti potest, & *audiverunt vocem Jehovæ*
Dei ambulantis in horto : ut *ו* *קול* *יהוה* *Dei*, significet non *λόγον* *προ-*
φορικόν, sed *λόγον* *ἐσωτερικόν* *καὶ* *ἐνυπόστατον*, cujus ambulantis strepitum au-
divere, antequam articulado sermone eos compellaret : quod demum
factum memorat Moses, Cap. v : 2. Sane Chaldaus Paraphrastes hic ha-
bet,

bet, וְשָׁמַעוּ יָת קַל מִיִּסְרָא דִּי אֱלֹהִים מִתְחַלֵּךְ בְּגִנְתָּא, *Et audierunt vocem verbi Jehova Dei ambulantis in horto.* Targum autem Hierosolymitanum verbum sequentem ita inchoat. וְקָרָא מִיִּסְרָא דִּי אֱלֹהִים לְאָדָם, *Et vocavit verbum Jehova Dei Adamum.* Dehinc frequentissimus hujus locutionis usus est, ubi de persona Divina agitur.

V. *Isaac Aramaeus Verbum Dei exponit per Dei nuncium.*

V. At nihil illustrius esse potest Rabbi *Isaaci Aramaei* verbis, a *Paulo Fagio* allatis, ad *Deut. v.* si modo illa veterum & phrasés & sententiam ex vero nobis repræsentent. Scripsit *Isaacus* iste commentarios in librum Moſis quartum: quibus titulus est *Sacrificium Isaac.* Ex iis *Fagius* excerpſit hæc ſequentia, Latine a ſe reddita: *Pſalteri dicit: Mittet Verbum ſuum & ſanabit eos, & eripiet eos de plagis eorum.* *Pſ. CVII: 20. Dixit R. Samuel Levita, דָּבַר הוּא שְׁלוּחוֹ, VERBUM DEI EST NUNCIUS, ſive ORATOR EJUS. De quo ſcriptum eſt: Profecto tale eſt Verbum meum qualis eſt ignis, dixit Deus. Jer. XXI: 29. Et hoc eſt quod dictum eſt, Veniet Verbum tuum, & honorificabimus te. כְּשִׁיבוֹא דָּבַר אֱלֹהִים אֲשֶׁר הוּא שְׁלוּחוֹ, Utrique quum veniet VERBUM DEI, quod eſt NUNCIUS ipſius, tunc honorabimus cum. Dixit R. Saul: nonne venerunt Propheta, & occidimus eos, fundimusque ſanguinem illorum; quomodo nunc accipiemus Verbum ejus, aut quam ob rem credemus ei? Reſpondit ei Rabbi Samuel: quoniam ſanabit eos, & liberabit eos a plagis eorum: propter hæc, inquam, ſigna credemus ei, & honorem ei habebimus. Dixit ei: quare, precor, non dixit, Mittet Verbum ſuum, & ſanabit vos, ſed ſanabit illos? *Pſ. CVII: 20. Reſpondit, hoc ideo eſt, ut ego ſentio, quoniam loquebatur de parte, de aliquibus duntaxat, non de omnibus: quod ſignatur ſcilicet ſecundum proprietatem Hebræi ſermonis in diſtione, illos. Dixit illi: verum certe dicis. Nam Verbum ejus venit ſanare omnes; non aliquos, neque in parte: verum non fuit receptum, niſi ab aliquibus particularibus, qui conſebantur inter omnes craſſioris ingenii, viri piſcatores, exercentesque ſe in mari. Hæc Isaac Aramaeus ex verſione Fagii. Opido mirum eſt, ex calamo hominis Judæi talia eſſe profeſta. Ego, omiſſis cæteris, hoc tantum nunc obſervari volo, veteres, quando in Sacris Verbum Domini legerunt, id Meſſiæ applicuiſſe: etiam tum fortaliſ, quando non debebant. Unde nihil novi fecit Johannes, nihil dixit quod popularium ſuorum aures offenderet, quando & ipſe Meſſiam λέγει ſive Verbum nuncupavit.**

VI. *Natus eſt ex ſtra Sapientia in eandem mentem.*

VI. Verum non Hebræi ſolum, ſua aut Chaldæa lingua loquentes, ita intituerunt; ſed & Helleniſtæ. Auctor Libri *Sapientia Solomonis*, quem nonnulli *Philonem* eſſe volunt, alii *Philone* longe antiquiorem, *Cap. XVII: 15. hæc habet: ὁ παρτιδύναμις ἐν λόγῳ, ἐν*

ἡσυχίᾳ

ἑρανῶν, ἐκ θρόνων βασιλειῶν, ἀπότομῳ πολεμιστῇ, εἰς μέσον τῆς διεθλείας ἄλατο γῆς. OMNIPOTENS VERBUM TUUM, a cælis, ex thronis regalibus, asper bellator, in medium terræ exitio destinata defiliit.

VII. Apud Philonem ejus generis occurrunt plurima. Taceo VII. Tri-
quæ ex Platone sumfit, de quibus mox commodior erit dicendi occa-
sio : ex suæ religionis principiis multa habet, quæ nostro plus ser-
viunt instituto. In libro de Agricultura, p. 195. editionis Parisiensis
1640. scribit, Verbum, primogenitum Dei filium, gubernationi
mundi a Deo esse præfectum. Προσπάμειν τὸν ὁρθὸν αὐτῷ λόγον, πρω-
τόγονον υἱόν. ὃς τὴν ἐπιμέλειαν τῆς ἱερᾶς ταύτης ἀγέλης, διὰ τις μέγας βασι-
λέως ἵπαρχῳ, διαδέχεται. καὶ γὰρ εἰρηταί πε. Ἰδὲ ἐγὼ ὑμῖν, ἀποσελῶ
ἄγγελόν μου εἰς πρόσωπόν σου τῷ φυλάξαι σε ἐν τῇ ὁδῷ. Præfecto his RECTO
SERMONE, PRIMOGENITO FILIO, qui curam sacri hujus gregis tan-
quam magni Regis Prorex in se recipiat. Dicitur enim est alicubi : Ecce
ego sum : mittam Angelum meum ante faciem tuam ut custodiat te in via.
Exod. xxi 11: 20. Ecce, sermonem, qui idem sit Filius primogeni-
tus, magni Patris Prorex, & Angelus ille in cujus medio nomen
Dei est. Adde & hoc ex Libro de profugis p. 466. ubi allegorice ex-
ponens reditum eorum qui involuntariæ cædis rei erant, mortuo Pon-
tifice, sic loquitur : λέγομεν τὸν ἀρχιερεῖα ἐν ἄνθρωπον, ἀλλὰ θεῖον λόγον
εἶναι, πάντων ἐν ἐκείνων μόνον, ἀλλὰ καὶ ἀκρίτων ἀδικημάτων ἀμέτοχον.
Hæc est nostra sententia, PONTIFICEM HUNC non hominem, sed DEI
VERBUM esse ; quod expers est peccatorum omnium, non solum spontaneo-
rum, sed & involuntariorum. Mox addit, Pontificem hunc Patrem
habere Deum, Matrem Sapientiam, per quem quidquid est in lucem pro-
diit : καὶ διότι τὴν κεφαλὴν κέχρισται ἑλαίῳ. Et ideo caput ejus unctum est
oleo. En rursus τὸν λόγον, qui Pontifex sit, omnis vitii expers, Pa-
trem habens Deum, & unctus oleo. Quis ille, nisi Messias, ὁ Χριστός;
Jungamus & tertium ex libro de Confus. Ling. p. 341. Κἀν μὲν περὶ
μέντοι τυγχάνη τις ἀξίος ὅς ἂν υἱὸς Θεοῦ προσαγορεύεσθαι, σπένδῃ κοσμεῖσθαι
κατὰ τὸν πρωτόγονον αὐτῷ λόγον, ἄγγελον πρεσβύτατον, ὡς ἀρχάγγελον πο-
λυώτυμον ἱπάρχοντα. Καὶ γὰρ ἀρχή, καὶ ὄνομα Θεοῦ, καὶ λόγος, καὶ ὁ κατ'
εἰκόνα ἄνθρωπος, καὶ ὅρων Ἰσραὴλ προσαγορεύεται. Quod si nondum quisquam
est dignus ut Dei filius appelletur, tu tamen da operam ut ornatus sis sicut
VERBUM IPSIUS PRIMOGENITUM, Angelus antiquissimus, & quidem
variarum appellationum Archangelus : videlicet principium, nomen Dei,
& Verbum dictus, & homo factus ad imaginem, & videns ille Israël.
Mox subdit : καὶ γὰρ εἰ μὴ περὶ ἱκανοὶ θεῷ παῖδες νομίζονται γινόμενοι, ἀλλὰ
τοὶ τῆς αἰδίου εἰκόνος αὐτῷ, λόγῳ τῷ ἱεροτάτῳ. Θεὸς γὰρ εἰκὼν, λόγος ὁ
πρεσβύτατος. Nam si nondum idonei sumus ut nominemur Dei filii,
sumus saltem Verbi istius sacratissimi, quod ejus sempiterna imago
est.

est. Imago enim Dei est Verbum illud antiquissimum. Neque multum abludit, quod eodem habet libro. Ευπρεπὲς γὰρ τοῖς ἱταρίαν πρὸς ἐπισήμην θεμένοις ἐφίεσθαι μὲν τῷ τὸ ὄν ἰδεῖν, εἰ ᾧ μὴ δύναιντο, τὴν γὰρ εἰκόνα αὐτοῦ, τὸν ἱερότατον λόγον. Decet eos qui cum scientia societatem inierunt, ejus quod EST videndi desiderio teneri, aut si minus id possunt, ejus saltem imaginis, quod est Sacratissimum Verbum. Vid. Euseb. Præp. Evang. Lib. XI: C. xv. p. 533. Plura me id genus apud Philonem legisse memini: sed non occurrit nunc locus. Et quid opus est plura congerere, quum hæc sufficiant ad ostendendum, quomodo Judæi, tam Hebraizantes, quam Hellenistæ, tempore Johannis, de Verbo Dei philosophati sint.

VIII. Alia
ex Zoroa-
stre, Orphi-
cis, Hera-
clito, Pla-
sono.

VII. Nec Judæi tantum. Zoroastris sectatores non absimilia sunt locuti. Thomas Stanleius Anglice edidit Historiam Philosophiæ Orientalis, quam Latino sermone transtulit Johannes Clericus. Ejus historiæ Liber IV. complectitur Chaldaica Zoroastris oracula, at Græcis versibus: in quibus pro λόγῳ frequenter Νῶν dicit. Uti vers. 27, 28.

Πάντα γὰρ ἐξέτελεσσε Πατὴρ, καὶ Νῶ παρέδωκε
Δευτέρῳ, ὃν πρῶτον κληίζεται ἰθνεα ἀνδρῶν.
Cuncta enim perfecit Pater, & MENTI tradidit
Secundæ, quam primam vocant gentes hominum.

Mens illa vers. 30. vocatur πατρογενὴς φάος Patre genita lux. Alii ex veteribus Chaldæorum libris citant: Ἐξ ὧ λόγῳ καὶ ἡλιος καὶ σελήνη ex quo VERBO, & sol est & luna. Hinc sua sumsit Orphicorum scriptor.

Εἰς λόγον ᾧ θεῖον οὐράς, τότε προσέδρευε.
In DEI VERBUM adficiens, huic adsis semper.

Alibi αὐδὴν Vocem dixit.

Αὐδὴν ὁρίξω σε Πατρός τῆς φθέγγατο πρώτης
Ἦνικα κόσμον ἀπάντα ἐαῖς σφριζατο βυλαῖς.
Vocem adjuro te Patris quam protulit primam,
Quam mundum universum consiliis suis firmavit.

Hunc secuti Heraclitus, apud quem hoc nomen eo sensu exstare, observatum ab Amelio; & Zeno, laudatus a Tertulliano & Lactantio. Tertulliani verba sunt in Libro adversus gentes: Apud vestros quoque sapientes λόγον, id est sermonem atque rationem, constat artificem videri universitatis. Hunc enim Zeno determinat factitorem, qui cuncta in dispositione formaverit. Stoicorum mentem sic exponit Diogenes Laertius Lib. VII. §. 134. Δοκεῖ αὐτοῖς ἀρχὰς εἶναι τῶν ὄλων δύο, τὸ ποιεῖν καὶ τὸ πάχον. τὸ μὲν ἔν πάχον εἶναι τὴν ἀποικον ἐσίαν τὴν ὕλην. τὸ δὲ ποιεῖν τὸν ἐν αὐτῇ λόγον θεόν. τῶτον γὰρ ὄντα αἰδὼν διὰ πάσης αὐτῆς δημιουργεῖν ἐκκῆα. Videtur autem illis esse duo rerum omnium principia, faciens videlicet ac

patiens

patiens. Quod igitur patitur materiam esse, sine qualitate substantiam: quod autem faciat, RATIONEM in ipsa esse Deum. Hunc enim, quippe sempiternum, per ipsam omnem singula creare. Vide Menagii Observationes ad h. l. & Lipsium de Physiol. Stoica Lib. I. Dissert. IV. Seneca Stoicos sequens, Rationem facientem vocat. Epist. LXV. Vide Grot. ad Job. I. At apud neminem Antiquorum sæpius hanc vocem invenias, quam apud Platonem & interpretes ejus, adeo prolixè, adeo subtiliter philosophantes, adeo ænigmatice loquentes, ut nesciat lector, in quo orbe versetur. Cujus philosophationis specimina aliqua exhibuit Euseb. Præp. Evang. Lib. XI. Cap. XVII. XVIII. XIX. Morneus De Relig. Christ. Lib. I. Cap. V. & nuperrime Huetius Alnetan. Quæst. Lib. II. Cap. III. Memoratu dignissimum est, quod ex Platone excerptit Eusebius Præpar. Evang. Lib. XI. Cap. XVI. ubi beatitudo in admiratione & studio τῷ λόγῳ constituitur. At ipsa Platonis ex Epimenide verba audiamus: Καὶ τιμὰς ἀποδίδωμεν, μὴ τῷ μὲν ἐνιαυτὸν, τῷ δὲ μῆνα, τοῖς δὲ (ἡμέρας) μήτε τινα μοῖραν τάττωμεν, μήτε τινα χρόνον, ἐν ᾧ διεξέρχεται τὸν αὐτὸν πόλον, συναποτελᾶν κόσμον, ὃν ἔταξε λόγῳ ὁ πάντων θεοτάτος. ἐν ᾧ μὲν εὐδαίμων πρῶτον μὲν ἰθαύμασεν, ἔπειτα δὲ ἐρωτᾷ ἔχει τὸ καταμαθεῖν ἑπὶ οὐρανῷ φύσει δυνατόν. Et honores, inquit, habeamus: sic tamen, ut non jam annum alteri, alteri mensem, dies aliis tribuamus, aut ullum omnino tempus, quo suam quilibet conversionem absolvat, dum ad mundi, quem Verbum longe omnium Divinissimum conformavit, perfectionem ipse concurrat. QUOD QUIDEM VERBUM, QUISQUIS BEATUS EST, PRIMUM ADMIRARI, TUM EJUSDEM, QUATENUS MORTALI NATURÆ FAS EST, COGNOSCENDI AMORE AC STUDIO TENERI SOLET.

IX. Quorsum hæc omnia? Dicendumne ergo est, veteres istos IX. ^{Johannis Evangelium a recentioribus Platonis laudatum.} eandem propemodum quam Christianismus docet de Filio Dei fovisse opinionem, & Johannem ab iis suas mysticas istas loquendi formulas mutuatum esse? Non desunt ex Christianis, emunctæ etiam naris scriptores, qui ita opinentur. Ii quos modo laudavi viri eruditissimi, secuti Clementem Alexandrinum, Eusebium, Cyrillum, aliosque quamplurimos, omni ope nisi sunt ut probarent, priscam Philosophiam sanctissimam personarum Trinitatem agnovisse & professam esse; inque ea re invenire se putant Christianæ veritatis certissimum argumentum. Et sane reperias hic *ἑστίαν*, *ὑποστάσεις*, aliaque vocabula nostræ professioni sueta: immo, quod mireris, ipsum τὸ ὁμοούσιον. Reperias, Deum Filium, sive Mentem, a Deo Patre, cui tribuitur Boni cognomen, genitum esse ante tempora, modo quodam qui ab hominibus comprehendi non possit; per se constare ipsum, atque esse

esse rerum omnium, omnisque pulchritudinis fontem. Reperias a recentioribus Platonis, Magistri sui mentem operosius explicantibus, Johannis Evangelium eo nomine laudatum, quod cum *Platonis* dictatis optime consentiret. *Amelius* in *Plotini* Schola eductus, per Verbum omnia condita esse scribit, idque ex sententia *Heracliti* & sua: idemque esse Verbum hoc atque illud, quod *Barbarus* ille (sic *Johannem* Evangelistam indigitat) in principii ordine & dignitate constitutum, apud Deum esse, & Deum esse, dictavit, per quem omnia simpliciter facta sint; atque id Verbum delapsum esse in corpora, indutaque carne humanam speciem tulisse, &c. *Euseb. Prepar. Evang. Lib. xi. Cap. xix.* Ex *Mediolanensi* Episcopo *Simpliciano* sæpe se audivisse narrat *Augustinus*, *De Civ. Dei Lib. x. Cap. xxix.* quendam ex *Platonis* dixisse, aureis literis describendum esse Evangelii *Johannis* initium, & in conspicuis Ecclesiarum omnium locis proponendum.

X. *Assumen*
λόγος
Platonis &
λόγος
Johannis
plurimum
a se invicem
distant.

X. Verum quidquid nostræ sectæ homines antiquorum Philosophorum locutiones sint admirati; quidquid in eorum sententia exsultaverint; quidquid etiam recentiores Platonici *Johannis* Evangelium laudaverint, mea tamen sic est ratio, & sic animum induco meum, sub verborum similitudine dissimillimum latere sensum. Ut neque nostri Platoniorum sententiam approbare debeant, neque Platonici approbaverint sententiam Evangelii. Qui *Platonem* ipsum, ejusque commentatores, *Plotinum*, *Namenium*, *Amelium*, aliosque attentius legerit, facile deprehendet, eos intricatos & confusos de Deo conceptus habuisse, & quos habebant, ænigmatico dicendi genere expressisse; ut liquido appareat, ne ipsos quidem quid dicerent intellexisse: nedum ut alii systema quoddam bene coherentium cogitationum inde formare queant. At neque recentiores Platonici intellexerunt mentem Evangelii: quam suis eos subtilitatibus corrupisse, & ad præconceptas opiniones pessimo exemplo torxisse, ex laudato nuper *Amelii* dicto copiose probavit *Christianus Schottanus*, *Triumph. Script. Lib. iiii. Cap. vii.* Certe, quod ad nostrum nunc institutum maxime facit, *λόγος* *Platonis*, & *λόγος* *Johannis*, toto cælo distant. Secundum *Platonem* *λόγος* est Dei de mundo condendo idea, quæ fabricata est ante hunc mundum, & exemplar mundi adspectabilis, a quo & mensuretur, Deo inferior, minor, junior, nec Deus, sed, qui ab intellectu Divino formatus, Dei filius, mundi anima, ipse mundus. Quid hæc ad eum *λόγος* quem describit *Johannes*? Non pigebit appingere quæ notavit *Petavius*, *Theolog. Dogmat. T. ii. De Trin. Lib. i. Cap. i. §. 2.* Ac longius sane disputando *Plato* proventus, ejusque discipuli, speciem quandam Trinitatis informarunt: quò etiam nomine

mine nostrorum aliqui supra modum illos admirantur ac prædicant. Sed profecto majore flagitio, ac dispendio veritatis, quam operæ pretio, istud illorum dogma prodiisse mihi videtur: neque ulla ex re gravior Christianæ fidei noxa, ac perniciēs importata fuisse. Ut perinde eos facere putem qui Platonicos deosculantur, quod larvam nescio quam personarum trium adumbraverint; ac si quis poëtas, & profanæ superstitionis, idolorumque buccinatores impense collaudet; quod in Jove, Neptuno, ac turpioribus etiam Deorum portentis, divinitatis utcumque nomen majestatemque commendent. Etenim quidquid hæreseon, opinionumque falsarum primis illis Ecclesiæ temporibus emerfit, ac præsertim Ariana tota perfidia, ex illo Platoniorum commento causam & originem accepit. Adde ex Cap. 11. §. 2. Talibus de Filio Dei præconiis Arianorum Philo perfidiam armavit. Neque quibusdam e nostris, id est Catholicis, assentiri possum, qui & hujus, & aliorum, maxime Gentilium, ejusmodi scita, quæ de Divinis personis utcumque aliquid tinniunt, cupide deosculantur, atque ad Christiani integritatem dogmatis accommodare student, labe omni erroris, atque invidia, fūco quodam falsæ ac violentæ interpretationis obducta. Qui quidem merito in Photii reprehensionem incidunt: Codic. CLXX. qui nostrorum ait aliquos ea, quæ plurimum distant & abhorrent, eniti ad religionis nostræ, quæ nequaquam indiga, sed sola sincera est ac vera, probationem, per vim applicare, eaque conciliare cum nostris, a quibus magis differunt quam a luce tenebræ. Hæc Petavius. Nec abludit Cavius in vita Athanasii. Sect. 1. §. VI. ubi in lemmate marginali laudat clarissimum virum D. Cudworth, de Platoniorum trinitate plenissime & doctissime disserentem Lib. 1. de System. Univers. Cap. IV. p. 551. &c.

XI. Si meam mihi mentem exponere liceat, sic sentio: Deum antiquitus semetipsum Patriarchis patefecisse, ut qui unus quidem Deus foret, at in quo plures simul distinguendi essent, quibus eadem competere opera, eadem etiam deberetur veneratio & cultus. Id simplicissimis expositum est verbis, sicut eorum seculorum ruditas ferebat. Quod & tantæ dignitatis mysterio convenientissimum fuit. Ejusce rei exempla in antiquissimis Religionis nostræ monumentis exstant. Patriarchas arcanam istam de Deo doctrinam posteris suis, prout eorum captus erat, diligenter inculcasse ut credamus jubet ipsorum pietas. Hinc semina tam momentosæ veritatis, late sparsa, quasdam germinum suorum pullulationes in iis quoque reliquerunt pectoribus, quæ superstitioni & idololatriæ pridem invaserant. Non solet autem humanum ingenium simplici veritate, præsertim in rebus Divinis, esse contentum: maxime si quæ abstrusiora & remotiora a communi sensu olim revelata fuerint. Ea tum subtilitate commen-

XI. Quid-
quid in vo-
serum Phi-
losophorum
locutioni-
bus boni,
id ex anti-
qua tradi-
tione est.

torum suorum dum exornare se putat ingenita superstitiosis mentibus δοκσισοφία, misere corrumpit. Inde deduco quæ ex vetustissimis Chaldaeis proferuntur, & apud *Platonem* inveniuntur, aliquam, verbis saltem, consonantiam habentia cum doctrina Ecclesiæ. Paullo enim remotiora a ratione esse videntur, quam ut ejus inventioni adscribenda sint. Itaque quum *Plato*, illiusque discipuli, imo ipse *Aristoteles* de Deo, de creatione, & similibus arcanioris Philosophiæ mysteriis loquuntur, antiquorum dogma, & majorum per manus traditam fidem, lubenter in testimonium adducunt, tanquam solidissimum in iis quæ hominem excedunt argumentum, & demonstrationi proximum: quod his verbis fere exprimunt: ὥσπερ ὁ παλαιὸς λόγος, ὡς οἱ παλαιότατοι λόγοι, ὡς φάσιν οἱ ἀρχαῖοι, καὶ οἱ πρεσβύτεροι: quæ frequenter lectori occurrunt.

XII. Quæ
in Paraphra-
stis &
Philone
aliquanto
purior.

XII. Hebræorum Magistros sua ex Mose, Prophetis, & majorum κατηχήσει habere, palam est. Fuitque cœlestis hæc veritas sacris ipsorum voluminibus sufficienter expressa. Sed, quod *Jesaias* aliique Prophætæ futurum prædixerant, incredibilis mentis cæcitas, & spississima caligo, toti fere Hebræorum nationi, præsertim Christi ætate, incumbit: unde factum est, ut rectam de Divinis personis, & nominatim de Messia Filio Dei, sententiam, si non penitus amiserint, certe indistincte admodum conceperint. *Philonis* argumentationes περὶ τῶ λόγου, Platonicis subtilitatibus plurimum corruptæ, a simplicitate veteris Hebraismi valde degeneraverunt. Quæ major est in Paraphrasi *Onkelosi*. Kabbalistæ, prorsus ut Platonici, gryphos loquuntur, quos nemo intelligat. Nonnulla tamen retinuerunt ex doctrina & phrasibus veterum: quæ præclari quondam ædificii veluti rudera sunt; in Evangelio recollecta, & Prophetarum fundamento superstructa, ac in augustissimi sapientiæ Templi formam feliciter rursus assurgentia.

XIII. Recentiores
Platonici
quædam ex
Evangelio
sumpta Philosophicis
subtilitatibus corrupunt.

XIII. De recentioribus Platonicis, qui post publicatum vixerunt Evangelium, *Numenio*, inquam, *Porphyrio*, *Pamelio*, *Hierocle*, & similibus, ita fere arbitror, uti *Lucas Holstenius*, qui in hanc rem in opere de vita & scriptis *Porphyrri* ita disserit: *Isi*, inquit, quum Divinæ veritatis gustum ex sacris literis, & nascentis Ecclesiæ doctoribus, aut præceptorum Christianorum ore, percepissent, purissimos veritatis rivulos in *Pythagoræ* & *Platonis* derivarunt lacunas: & igniculos Divinæ lucis mendaciorum fumo ac tenebris obscurarunt. Qui secuti sunt instauratæ Academiæ Professores, homines Asiatici, *Syrianus*, *Proclus*, *Marinus*, *Isidorus*, *Damascius*, non contenti luxuriantis ingenii argutiis, magnam veterum opinionum farraginem commentis iterum admiscuerunt;

runt; & dum, crescentis longe lateque Christianismi æmulatione, Platoniam Theologiam phaleris nimium exornare studerent, veritatem, paullo ante *Ammonii* operâ in lucem retractam, πολυλογία καὶ ἀλλοτριῶν δι' ἁσμάτων ἰσότης rursus obruerunt. Hinc putat effectum, ut in posteriorum Platoniorum scriptis, præsertim *Plotini*, *Jamblichi* & *Procli*, tam multa passim reperiantur, quæ non ex obviis & communibus quibusdam religionis nostræ dogmatibus, sed ex intimis & reconditissimis mysticæ Theologiæ penetralibus videntur deprompta; neque ea obiter tantum strictimque verbis adumbrata, sed proprio & efficacissimo orationis genere adeo luculenter ab iis expressa, ut magnis ingeniis non levem dubitandi materiem præbuerint; alios in eum impulerint errorem, ut quæ apud vetustissimos Ecclesiæ scriptores Divina prorsus in hoc genere exstant, ea, inverso ordine, à Platoniciis mutuata, & velut Ægyptiorum spolia in pios usus conversa affererent, atque isto etiam argumento præclarissimorum operum fidem auctoritatemque convellere aggredierentur. Hæc *Holstenius*.

XIV. Equidem non dubito, quin Theologi Apostolorum seculi XIV. Perlo posteriores, illi præcipue qui ex *Platonis* schola veniebant, sim-Peram itaque Chri- plicitatem Christiani dogmatis philosophematum suorum mistura cor- ruperint; in quo optandum esset ut fuerint aliquanto parciores: sed-rianum dogma ex ipsam doctrinam a philosophis excogitatam, indeque in Christianis-Platonis mum invecitum esse, quod Sociniani contendunt, id enimvero ne-Schola ar- cessitur.

XV. Uti nec illud, quod *Johannes* locutiones suas a Platonis XV. Perpe- cis philosophis mutuatus sit. De qua re operæ pretium est audire-ram statim- quomodo nuperus scriptor disputet. *Judæi*, inquit, in Ægypto & tur, *Johan-* Syria viventes, tempore Christi & Apostolorum, imbuti erant phi- nem Plato- nismis opinionibus: quas eo facilius admittebant, quod- nis phrasen- induxisse in- crederent ita se religionem suam felicius posse tueri, eamque Gentili- Evange- bus probabiliorē efficere. Atque hinc fortassis est, ut & alii viri- lium. docti observarunt, quod multæ phrasen Platonice in Novo Testa- mento, & præcipue in Evangelio *Johannis*, inveniantur. Quod ubi illustrasset parallelismo quodam dictorum *Philonis* & Christi apud *Johannem*, sic pergit: Plura id genus phrasium Platoniarum exempla in N. T. assignari possent: at sufficeret hic animadvertisse, quod Apostoli *Jesu Christo* ea Veteris Testamenti dicta applicent, quæ *Philo* applicuit τῷ Λόγῳ: & quod Philosophus iste *Judæus* τὸν Λόγον iis plurimum exornet titulis, quos Apostoli attribuant *Jesu Christo*. Vide *Bibliot. Universel. Tom. x. p. 400. &c.* Imprimis *Clirici Animadvers.* ad Cap. 1. *Joh.*

XVI. Hæc mihi πονηρὰ καὶ μάλα esse videntur. Et mirum, ni XVI. Quis- non Apostoli solum, sed & Christus ipse, ex hac sententia, a Pla- pe qui phi- tonicis loquorū-

*inanes dis-
putationes
neque ipse
didicit
neque edu-
ctus est a
Spiritu S.*

tonicis didicerint, quomodo sibi de rebus Divinis loquendum esset; eorum saltem hominum phrasibus prædicationes suas Evangelicas exornaverint. Dicam quod res est. Apostoli munifica Spiritus Sancti virtute locupletati, ab omnibus iis rebus abunde instructi fuere quibus ad Evangelii doctrinam propagandam indigebant. Sed uti ad eam rem non requirebatur philosophicorum commentariorum peritia; ita nec ei studio incubuerunt, neque eas argutias a Spiritu Sancto edocti sunt. Nam oratio ipsorum & præconium versari non debuit in persuasoria humana sapientia verbis, sed in demonstratione spirituali & potente. Ne fides nostra consisteret in sapientia hominum, sed in potentia Dei. 1. Cor. II. 11: 4, 5. Nominatim autem de Johanne apposite notavit Grotius, quod Bethsæidenensis piscatoris filius, piscator Legem quidem discere potuerit puer, ut mos erat Hebræis, cæterum nulla tinctus fuerit aut Hebraica aut Græca literatura: nisi si quid utriusque hauserit jam major natu in Asia. Quare quidquid ei ad Apostolici muneris functionem necessarium fuit, supplevit Spiritus Sanctus; qui idem in rebus non necessariis solet ea relinquere cuique quæ ei sunt propria. Hinc fit, ut supra alios Apostolos magna sit in Johannis dictione simplicitas, procul a phaleris Platoniciis. Et quæ ei dictavit Spiritus Sanctus, ea non ex Philosophorum Schola, sed ex Mosis & Prophetarum potius desumpta sunt voluminibus.

XVII.

*Quamvis
feri posue-
rit, ut al-
tercationes
philosopho-
rum, &
Gnostico-
rum, occa-
sionem ipse
præbuerint
Divinam
veritatem
hoc modo
explicandi.*

XVII. Fieri interim potuisse non diffiteor, ut in Asia degens aliquid de philosophorum altercationibus περί τῆς Λόγου inaudiverit; præsertim si jam tum, quod quidam opinantur, in Ecclesiam Christianam irrepsissent nescio qui Gnostici, ex Cabbala Judaica, & Pythagoræ Platonisque schola, philosophiam miscentes simplicitati Christianæ, de emanationibus Divinis, earumque syzygiis & pleromatis, non ex Dei Spiritu, sed ex suis commentis, quæ vellent populo venditantes. His omnibus, Cabbalistis, Pythagoricis, Platoniciis, Gnosticis, & si qui alii inutilibus istis subtilitatibus sibi placebant, Divinam Evangelii simplicitatem opponit Johannes; docens unum Jesum Christum esse τὸν Λόγον, qui & apud Deum sit, & Deus ipse, & per quem omnia facta sunt, qui homo factus sospitator sit generis humani.

XVIII.

*Rem tamen
& phrasin
habet ex
Pf. XXXIII.
6. & 2 Sam.
VII. 21.*

XVIII. Neque anxie quærendum est, unde hanc τῆς Λόγου denominationem Johannes habeat. Non habet eam a Zoroastre, Pythagora, Platone; non habet a Paraphrastis Chaldaicis, aut Cabbalistis Hebraicis: habet a Spiritu Sancto, habet ex scriptis Propheticiis. Hoc ipsi, hoc Evangelio, hoc universæ religioni Christianæ longe gloriosius, & ad fidem nostram firmandam multo fortius est, quam

quam si de humana & philosophica mystici nominis origine cogitemus. David olim cecinit Psal. xxxiii: 6. *VERBO Jehova celi facti sunt, & Spiritu oris ipsius omnis exercitus eorum.* Quid melius, aut quem melius per *Verbum* intelligemus, quam eundem illum Dei Filium, quem Johannes quoque *Verbum* nominat, & per quem omnia condita esse testatur, & sine quo nihil factum est. Conf. Col. i: 16. Heb. i: 2. Idem David, Deo pro insignibus promissis suis gratias agens, sic fatur: 2. Sam. vii: 21. *Propter VERBUM TUUM, & secundum animum tuum, præstas has omnes res maximas, notas faciendo servo tuo.* Idem i. Chr. xvii: 19, sic exprimitur, *propter SERVUM TUUM, &c.* Quidni hæc duo ita conferamus, ut qui in Chronicorum libris *Servus* Dei appellatur, idem in iis qui Samuelis dicuntur *Verbum* Dei nominetur; Servus autem Dei κατ' ἔξχην Messias est. Jes. xli: 1. xlix: 5. Hujus intuitu Deus Davidi, & omni populo benefacit. Ps. lxxx: 15, 16. Sui autem ipsius considerationem a causis tantæ benignitatis ac beneficentiæ David prorsus removet & hic vers. 20. & Cap. xxi: 5.

XIX. Memorabile imprimis est, quod Hag. ii: 4, 5. Zoroba-^{Item} XIX. beli Principi, & Josuæ Sacerdoti maximo, & populo denique uni-^{ex Hag.} verso dicit Deus: *Vobiscum sum, dicit Jehova exercituum, cum VERBO, 11: 4. quo pepigeram, vel de quo pepigeram, vobiscum, exeuntibus vobis ex Ægypto, & cum Spiritu meo stante in medio vestri.* Tota sermonis series docet, nihil convenientius esse quam ut Verbum hic exponamus ὑποσταντικῶς, quemadmodum Jehova cujus est Verbum, & Spiritus Jehovæ ὑποσταντικῶς sunt. Ut enim abundantissimam consolationem ex gratiosa Dei præsentia haberent, promittit Jehova Pater se cum Verbo, Filio, nimirum, & Spiritu suo, hoc est tota, ut ita loquar, Deitatis plenitudine, iis adfuturum. Et sane Filius est Verbum illud, אשר כרת Deus egredientibus ipsis ex Ægypto. Verti id potest bifariam, vel in quo pepigit, vel de quo pepigit. Ut Johan. i: 46. ὃν ἔγραψε Μωϋσῆς, de quo scripsit Moses. Et Exod. xxxiii: 1. *In terram אשר נשבעתי de qua juravi.* Si priorem interpretationem eligamus, denotabitur Verbum illud quo mediante Deus cum Israëlitis Ægypto exituris pepigit. Hoc autem est Angelus ille qui Mose apparuit in rubo, & qui semetipsum Deum Abrahami, Isaaci & Jacobi nuncupavit. Exod. i: 2, 6. & cujus benevolentiam, uti omnis benedictionis fontem laudat Moses Deut. xxxiii: 16. Sin posterior explicatio magis arrideat, significabitur Verbum illud quod se ad populum suum missurum stabili pacto pollicitus est Deus. Et tunc conferri hoc dictum potest cum Exod. xxiii: 20. & Deut. xvi: 18. ubi Deus promittit

se missurum Israël Angelum in cuius medio nomen suum sit, & excitaturum iis Prophetam cuius ori verbum suum indat. Utrovis exponas modo, idem Filius Dei notatur, quo mediante, & de quo, populo olim locutus est Jehova; & qui venit ad illud templum, de quo Haggæus loquitur, & cum Spiritu suo stetit in medio populi. Ex his, & si quæ his similia sunt, Veteris Testamenti dictis, Johannis locutionem desumptam esse malo credere, quam ex Chaldæis paraphrasibus, aut Platonis dissertationibus.

XX. *Multi
Filium λό-
γον nuncu-
pari autu-
mant, in
significatio-
ne rationis,
vel definitio-
nis.*

XX. Nunc alterum tractationis nostræ caput aggrediamur, inquitur quid nomen τῷ Λόγῳ Filio Dei datum importet, sive quam ob causam ita dicatur. Ubi notandum, vocem λόγῳ Græcis esse homonymam. Aliquando enim *Rationem*, aliquando *Orationem*, aliquando & *Definitionem* significat. Nulla harum significationum est, quin a quibusdam huic rei applicetur. Plurimi tam veterum, quam recentium, *Ratio- nem* interpretantur, atque ita dictum Filium Dei autumant, ob has potissimum causas. I. Sicuti λόγῳ, ratio, cogitatio, est intimus mentis actus, & immediata illius operatio, & separari non potest a mente, & quodammodo est ipsa mens considerata ut agens; ita & Filius est in Patre, inseparabilis a Patre, ab ipso tamen procedens interna & quam maxime spiritali actione; hypostatica sapientia Patris. II. Sicut intelligens se sibi perfectissime repræsentat, ita Filius Patris semet ipsum intelligentis perfectissima & intima imago est, æqualis Patri, gloria & resplendescencia Patris. Veteres hæc diversimode, at non æquali omnes accuratatione, explicuerunt. *Basiliius M. in initium Evang. Joh.* breviter & perspicue. Διὰ τί λόγῳ; ἵνα διεγρηῇ ὅτι ἐκ τοῦ νῦν προσήλθε. διὰ τί λόγῳ; ὅτι ἀπαθὴς ἐγενήθη. διὰ τί λόγῳ; ὅτι εἰκὼν τοῦ γενήσαντός, ὅλον ἐν ἑαυτῷ δεικνὺς τὸν γενήσαντα, ὅδιν ἐκείθεν ἀπομερίσας, καὶ τέλει ὑπάρχων παρ' ἑαυτὸν ὡς καὶ ἡμέτερος λόγῳ ὅλην ἡμῶν ἀπεικονίζει τὴν ἐννοίαν. *Cur Verbum? ne quod ex mente procedat ostendatur. Cur Verbum? Quoniam citra passionem genitum est. Cur Verbum? Quoniam imago est genitoris, totum in se monstrans genitorem, nullam inde partem deducens, & perfectum in se existens, quemadmodum Verbum nostrum quod totius nostræ cogitationis imaginem refert. Gregorius Nazianzenus addit notationem definitionis. Orat. XXXVI. Τόχα δ' αὖν εἴποι τις, ὅτι καὶ ὕψως ἔχει πρὸς τὸν πατέρα ὡς ὁ ἄρῳ πρὸς τὸ ὀριζόμενον, ἐπὶ δὲ καὶ τὸ τοῦ λέγεται λόγῳ. ὁ γὰρ νενοηκὼς φρεσὶ τὸν υἱόν, τὸ τοῦ γὰρ ἰς τὸ ἰσχυρὸς. νενόηκε τὸν πατέρα, καὶ σύντομος ἀπόδειξις καὶ ῥαβδία τῆς τοῦ πατρὸς φύσεως, ὁ υἱός. γέννημα γὰρ ἅπαν τὸ γεγεννηκός ἐκωπῶν λόγῳ. Fortasse etiam dixerit aliquis, quia eodem modo se ad Patrem habet, quo definitio ad definitum. Nam definitio quoque λόγῳ dicitur. Qui enim Filium cognovit, ait Christus (hoc enim significat qui vidit) Patrem quoque cognovit:*

cognovit : ac brevis & compendiosa facilisque paterna naturæ declaratio, est Filius. Omne enim quod genitum est, genitorem suum tacita quadam voce definit. Has similesque explicationes, quæ ad Christum quatenus Filius Dei est referuntur, plerique Theologi non admittunt solum, sed ut præcipuas amplexantur, & adversus Photinianos, Arianos, Socinianos firmiter tenendas dicunt, quippe quibus impia istorum hæreticorum dogmata funditus eruantur.

XXI. Non tamen hoc impeditur Beza, Gomarus, aliosque acerrimos, sed & judiciosissimos, orthodoxiæ hyperaspistas, quo minus hæc sibi non admodum probari testarentur. Beza candidè, ut solet : Sed quamvis de rebus omnium abstrusissimis loquatur Johannes, & hæc testimonia de Filio Dei vere & sapienter dicta agnoscam, mihi tamen non sit verisimile tam subtiliter illum voluisse hoc loco differere. Deinde habenda potius fuit (opinor) ratio idiomatis Hebræi quam Græci. Quamvis enim Johannes Græce scripserit, tamen in tradenda Theologia, ac præsertim in istis declarandis arcanis, neque a locutionibus recessit, quæ in Verbo Dei & in Synagogis erant ita usitata, ut ab ipso etiam vulgo, si non res ipsa, at certe vocabula intelligerentur. Jam vero apud Syrum interpretem pro λόγῳ legitur מלתא, qua voce significatur λόγος προφητικός, quam linguam multi existimant etate Christi fuisse in Judæa popularem : & in editione Chaldaica innumeris pene locis pro eo quod in contextu scribitur Jehova, scriptum invenimus מֵימָר : ut mihi verisimile videatur Johannem hoc nomen veluti e medio sumsisse, quo soliti fuerint Veteres illi Messiam vocare.

XXII. Cui Beza observationi, postquam eam ut eruditam laudaverat Gomarus, hanc de suo rationem addit : Si causa, cur Filius Dei appellatus sit λόγος, est quod sit Rationi menti insita similis ; tum eadem erit causa cur a Davide Ps. xxxiii. vocetur דָּבָר, verbum aut sermo. Atqui non eadem est causa cur ita vocetur a Davide Ps. xxxiii. Ergo neque ea est, cur a Johanne. Propositio nititur hypothese confessa ac probata ab Orthodoxis : cum priscis, tum posteris : nempe quod eodem utrimque sensu Filius Dei vocetur verbum sive sermo. Assumptio vero probatur ex vocis Hebrææ, & conjugatæ, sive thematis illius usu. Nam דָּבָר verbum & דִּבֶּר verba facere, seu dicere, proprie ad externum verbum pertinere, ut Ps. xviii : 1. deinde per metaphoram, ad internum, seu ad cogitationem, quæ est quasi sermo intellectus, transferri, ut Ps. xii : 3. xiv : 1. notissimum est. Tertio vero modo, ut sermonis intellectus causam, seu rationem insitam menti (a qua cogitatio procedit) significet nullum prorsus documentum apparet : ideoque hæc significatio, usu

omni destituta, non est admittenda Pf. xxxiii. Non diffiteor hæc mihi accurata & solida videri.

XXIII.

Satius videtur ad significationem Sermonis adlocutionem Filii locutus est Deus.

XXIII. Ponamus itaque Filium Dei λόγον dici, non tam Rationis, quam Orationis & Sermonis significatione; at quærendum restat, quam ob causam Sermo dicatur, an quia de eo, an quia per eum sermo Dei factus est, an propter utramque hanc causam simul. Prior ratio probatur Bezæ: *Quasi eum dicas inquit, de quo locutus est, sive quem pollicitus est Dominus: ne quis fortasse me existimet statuere Filium non esse ἡμῶντον λόγον & Patri ὁμοῦσιον. Itaque ὁ λόγος bene τὸν θεόν illud semen Deum & hominem hoc sensu declarat, de quo Adæ, Abrææ, Isaac, Jacobo, Davidi, & electis omnibus locutus est Dominus, quasi sermonem seu promissum Dei voces.* Et sane de Filio suo locutus est Dominus in omni sermone suo. *In volumine libri de ipso scriptum est.* Pf. xl: 8. *Propheta omnes testimonium ei perhibent.* Act. x: 43. Adeo ut testimonium Jesu sit spiritus, & quasi anima, prophetia. Apoc. xix: 10. Sine quo omnes prophetiæ, quasi vita cassæ, nullam vivificandi vim haberent. Et quomodo non idoneum est eum sermonem Dei nuncupari de quo sermo Dei factus est? quum idem quoque dicatur dari in *Fœdus populi*, Ies. xlix: 8. quasi ipsum fœdus esset, quia fœdere promissus. Quo sensu ostendimus exponi posse Hag. ii: 5. *Ego vobiscum sum cum Verbo quod promisi vobis.* Neque existimandum est parum significationi huic inesse præcellentiæ, eâve tam præclari nominis vim imminui. Nam, quod acute a celeberrimo Coccejo ad initium *Evang. Joh. S. 15.* observatum est, magna est hujus sensus efficacia. De quo enim locutus est Deus quidquid in fœdere suo locutus est, in eo verificatur, quidquid gloriosum & magnificum Deus in fœdere suo promittit: ut id quod omnium summa est, *ero vobis in Deum.* Gen. xvi: 8. Lev. xxvi: 12. Jer. xi: 4. ita quod Deus Salvatorem se nominat, Vindicem Israël, Sanctificatorem, Heroem Israël, Dominum, Ruperem unicam ad quam confugiant, Deum Amen in quo sibi benedicant, in quo solo gloriantur, cui se flectat omne genu, cui confiteatur omnis lingua, & cæteræ maximæ promissiones in Filio fiunt Næ & Amen. 2. Cor. i: 20.

XXIV.

Vel quia Filius ita se habet ad Patrem ut sermo ad loquentem: quippe qui Patrem declarat.

XXIV. At quantumvis magnifica sit interpretatio ista, alii tamen malunt, Filium Sermonem Patris dici, quia ita se habet ad Patrem uti sermo ad loquentem. Sub qua communi χῆμα aliquam multa commode comprehendi possunt. Et primo quidem, uti sermo hominis est character & index cogitationum mentis, (unde ἀγγελος νοήματος πνεύματος cogitationis dici solet) sic Filius Dei is est in quo cognoscitur quænam sit sanctitas, & decentia ac sufficientia, & gratiosa voluntas Patris. Is

no-

nobis invisibilem Deum *ἐξήγησατο*. Joh. 1 : 18. non tantum dictis, sed & factis. gloriam ipsius & voluntatem testantibus. Est *ὁ μὲν Θεὸς ἀπαράτος*. Col. 1 : 15. 2. Cor. 14 : 4. Sic ut qui Filium viderit, viderit etiam Patrem. Joh. xiv : 9. id est virtutem & voluntatem Patris cognoscat in virtute & voluntate Filii : qui est resplendescencia gloriæ *χαρατὴρ τῆς ὑποστάσεως τοῦ Πατρὸς*. Heb. 1 : 3. Pulcre in hanc mentem *Augustinus Lib. de Fid. & Symb. Cap. 111. Verbum autem Patris ideo dictum est, quod per ipsum innotescat Pater. Sicut ergo verbis nostris id agimus, quam verum loquimur, ut animus noster innotescat audienti, & quidquid secretum in corde gerimus, per signa ejusmodi ad alterius cognitionem perferatur : sic illa sapientia, quam Deus Pater genuit, quoniam per ipsam innotescit animus secretissimus Patris, Verbum ejus convenientissime nominatur.*

XXV. Deinde hoc quoque sensu Filius Verbum Dei dici potest, quia per ipsum Deus omni tempore, etiam ante manifestationem ipsius in carne, hominibus locutus est. Per quem quis loquitur, is illius os dicitur. Exod. 14 : 16. Et Jeremias os Dei vocatur. Jer. xv : 19. Et quod proxime huc accedit, Johannes Baptista sese dicit esse vocem clamantis in deserto Joh. 1 : 23. Clamans ille Deus est, cujus vox erat Johannes. Per Filium autem locutus est ab ævo. Filius est qui dicit Jes. xlviii : 16. *Accedite ad me, audite istud : non a principio in occulto locutus sum : ecce quo tempore fuit hoc, ibi sum ; & nunc Dominus Jehovi misit me, & Spiritus ejus, vel & Spiritum suum.* Confer Jes. vi : 8, 9. cum Joh. xii : 41. Adde Act. vii : 38. Heb. xii : 25, 26. 1. Petr. iii : 18. Præstantissimi Theologi Petri Martyris observatio digna est quæ hic quoque legatur. Exstat ea *Loc. com. Clas. 1. Cap. 14. §. 6. Filius Dei verbum, seu λόγος, ab Evangelista vocatur : quod ab eo temere fieri credendum non est ; sed quia per ipsum Deus intelligatur loqui, quem Scriptura illum testatur esse locutum. Propterea quoties legimus Verbum Domini ad hunc vel ad illum fuisse factum, ego toties Filio Dei Christo Domino nostro id attribuendum censeo : nempe ut Deus per eum Patribus & Prophetis locutus fuerit. Quod ne frustra dixisse videretur, pro sententia isthac sua duo testimonia laudat ; quorum alterum duntaxat brevitatis causa hic adscribam. Johannis 1. Cap. habetur, Deum nemo vidit unquam : & statim per occupationem subjicitur ; Filius qui est in sinu Patris, ipse enarravit. Rogasset enim quispiam, si Deum nemo unquam vidit ; Patribus, quæ eis Divina ostenderentur, quisnam aderat ? quis cum eis loquebatur, quando variæ formæ atque imagines Dei nomine iis apparebant, & cum eis agebant ? E vestigio respondetur, Filius qui est in sinu Patris, ipse enarravit : fuit apud homines veracissimus Patris interpres. Cætera qui vult apud auctorem videat.*

XXVI. Et
qui suo pri-
voque jure
verba Dei
loquitur.

XXVI. Addi & tertio loco potest, eam ob rem Filium λόγῳ Dei nuncupari, quod κατ' ιδιότητα, suo privoque jure, *verba Dei* loquatur. Joh. III: 34. & Deut. XVIII: 18. id est ea verba, quæ præter Deum nemo loqui potest, nisi narrans de alio; & quæ Deus sibi reservaverat dicenda ultimo tempore; & quorum dictione is qui dicit suam probat Divinitatem. Quamvis enim ista phrasis, de nudis usurpata hominibus, eam significationem non habeat; quum tamen in Christo omnia sint διαφορώτερα, conveniens est, majorem hic cogitare emphasin, quæ dignitati loquentis respondeat. Insignis in hanc rem locus exstat Jes. LII: 6. *Quapropter cognosceat populus meum nomen meum; idcirco, inquam, cognosceat eo ipse die* כִּי אֲנִי הוּא הַמְדַּבֵּר *quod ego is sum qui loquitur, Ecce me. Is qui loquitur absolute: quo loquente aliis omnibus auscultandum & tacendum est. Qui dicere potest, quod nemo vel angelorum vel hominum, Respi-*
cite ad me & salvemini omnes fines terræ: nam ego Deus, & non est præterea. Jes. XLV: 22. Ego sum ille qui ab initio locutus sum, & vocavi verbo meo quæ non erant, & tuli eadem verbo meo potenti, & sine quo nihil dixit Pater; qui Patribus me olim notificavi, & descendens in montem Sinai terram commovi, & Prophetas per Spiritum meum illuminavi, & nunc humana carne vestitus, omnibus inclamo, *Venite ad me omnes qui fatigati estis & onerati, & ego faciam ut requiescatis.* Qui ita verba Dei loquitur, næ is dignus est ut singulari ac privo sibi titulo λόγῳ Dei dicatur.

XXVII.
Probabile
est; in ge-
nuina vocis
λόγῳ expo-
sitione non
esse aggre-
ganda ea
quæ dispa-
rata sunt.

XXVII. Quandoquidem vero omnes Theologi, quotquot Christi gloriam ex animo diligunt, in eo conspirant, nomen λόγῳ Christo attributum esse διαφορώτερον ὄνομα; hinc facile in istam ducuntur opinionem, tutissime se facturos esse, si omnes illas significationes τῷ λόγῳ conjungant, ut quotiescunque augustum illud nomen explicandum habent, toties omnia ista quæ præstantiam Domini sui arguunt animo simul complectantur. Negari equidem non potest, quin cogitatio ista pia sit; sed an æque prudens & solida, disquiri meretur, Enimvero ea quæ dicta sunt omnia Christo conveniunt, & frequenter animo nostro cum lætitia inculcanda, fortiterque adversus quoscunque obloquentes tuenda & vindicanda sunt. Verum id nunc agitur, an una vox λόγῳ, in una alicujus pericopæ parte, tam diversas ac disparatas significationes habeat, eaque mente a Spiritu S. usurpata sit, ut quæ alibi de Filio Dei convenientibus cuique rei locutionibus docentur, istâ quoque voce indigitata censerī debeant. Judiciose mihi Gomarus adnotasse videretur, expositiones ejusmodi *hoc habere incommodi; quod unius ejusdemque vocis significationem non ab una me-*

metaphora, sed a pluribus simul derivent. Quod, inquit, ad cautionem solum monemus: nam hac occasione adversariis videndi præbetur occasio, quum in causa nominis λόγος assignanda ea aggregantur, quæ in recto vocis usu minime concurrunt.. Mihi itaque, ne quid dissimulem, ea præ cæteris explicatio placet, quæ §. 24. 25. 26. comprehensa ad unum generale caput omnia refert: nimirum Filium ideo λόγος dici, quia ita se habet ad Deum uti se habet sermo ad eum qui loquitur.

XXVIII. Adeo Johanni placuit hoc nomen, ut quater eo usus sit. Loca quibus hoc sensu invenitur, ista sunt: Joh. 1: 1, 14. *Quater Johannes hac voce isto sensu usus* 1. Joh. 1: 1. 1. Apoc. xix: 13. 1. Joh. v: 7. Ubi insigne hoc & luculentissimum pro adoranda Trinitate exstat testimonium. *Nam tres sunt qui testificantur in cælo, Pater, Sermo, & Spiritus Sanctus: & hi est. tres unum sunt.* De cujus pericopæ genuinitate quum multum inter eruditos disputetur, meam quoque mentem exponere hic liceat.

XXIX. Negari non potest in multis antiquis editionibus comma hoc defuisse: quod longa inductione ab Erasmo olim, & nuper rime a Simonio, *Hist. Crit. N. T. Part. 1. Cap. xviii.* comprobatur. Et confirmatur porro his argumentis. I. Quia in versionibus Orientalibus, Syriacæ, Arabicæ, Æthiopica, constanter abest. Nam quod in nupera editione Syriacæ *Egidii Gutbirii*, edita Anno 1668. Hamburgi, in Octavo, reperitur, illud a recenti manu est, & ut ipse auctor fatetur, ex notis *Tremellii* transsumtum. II. Quia ex Patribus acerrimi Trinitatis propugnatores hoc loco adversarios non premunt: quod sane in causa tam probabili, vel potius argumento tam *ἀποδικοτιμῶν*, non omisissent, nisi vel non invenissent in suis codicibus, vel ut suspectæ fidei neglexissent. III. Quia ne tum quidem hoc comma urgent quando ex proxime conjunctis argumentantur. Ita *Cyrillus in Thesauro Lib. xix. Cap. penultimo*, antecedentia & consequentia allegat; verum hunc intermedium, in quo cæteroquin præcipua vis argumenti esset, omittit. *Augustinus* similiter contra *Maximum Arianum Lib. 111. Cap. xxi.* antecedentium mentionem facit, hujus commatis nullam. Imo in ipso *Concilio Nicæno* versus 6. urgetur, septimus hic silentio præteritur. IV. Quia in illis quibus exstat codicibus, sive Græcis, sive Latinis, diversimode admodum legitur; uti in *Itinerario suo Epist. 1.* singulari diligentia adnotavit *Burnetus*; non ita tamen ut effugerit censuram *Simonii*, majorem accurationem pollicentis. *Hist. Crit. N. T. Part. 11. Cap. x.*

XXX. Attamen in aliis editionibus non minus antiquis idem comma existisse certum est. Legit illud *Cyprianus*, qui floruit sub Decio

mis existi-
sit.

Decio Imperatore circa A. C. 250. & sub *Valeriano* & *Galieno* Carthagine capite truncatus est 260. in tractatu de *Simplicitate Prælatorum*, vel, ut alias inscribitur, de *Unitate Ecclesiæ*. Dicit *Dominus*, *Ego & Pater unum sumus*. Et iterum DE PATRE FILIO ET SP. S. SCRIPTUM EST: ET HI TRES UNUM SUNT. Quem *Cypriani*-locum *Fulgentius* quoque laudat, *Libro contra objectiones Arianorum*, sub finem. Idem ante *Cyprianum* legit *Tertullianus* contra *Praxeam*, QUI TRES UNUM SUNT. Disertus admodum in hujus commatis vindiciis *Hieronymus* est, in prologo ad *Epistolas Catholicas*: ubi exagitat malam fidem translatorum testimonium illud omittentium. *Bellarminus* Lib. I. de *Christo* Cap. VI: plures ex Veteribus assert, verum ea quæ laudat scripta ὑποβολιμαία sunt: antiqua tamen. Confer sodes doctissimam *Johannis Gerhardi* super hoc commate disputationem, quæ exstat *Disputationum Jenensium* Part. III. p. 1318. Accedit consensus antiquorum codicum quibus usus est uterque *Stephanus*, & juxta quos concinnata est editio Complutensis, ut & *Britannici* illius quem *Erasmus* magni fecit.

XXXI. Pro
genuino re-
tinendum
est.

XXXI. Et prorsus retinendum id testimonium existimamus. I. Quia continet veritatem, ac sapientiam Deo dignam, plurimisque aliis Scripturæ locis traditam. II. Quia verbis *Johanni* Apostolo fuerit expressum est. Quæ quis Divinæ veritatis assertor improbe fingere, & in Canonicum scriptum infarcire sustinisset? Nulla id faciendi necessitas incubuit Orthodoxis; qui præter hoc testimonium multa habent alia. Hæreticis autem animus non defuit ea eradendi quæ sibi tam aperte oberant. III. Quia ad textus ὁλοκληρίαν omnino facere videtur. Etenim *Johannes* vers. 9. respiciens ad testes illos plane Divinos ac cœlestes, hoc commate laudatos, infert, si testimonium hominum accipimus, testimonium Dei majus est. Illatio autem ista longe esset obscurior, si nulla testimonii exserte Divini mentio facta fuisset.

XXXII.
Extrusio
ejus Arianis non est
imputanda.

XXXII. Unde autem hæc in antiquis exemplaribus diversitas? Nonnulli *Arianos* corruptarum in hac parte Scripturarum reos agunt, præsertim quando *Constantii* tempore, pulsus Orthodoxis, totum pene orbem occupant. Sed ea observatio ab omni verisimilitudine aliena est. I. Quia etiam ante illa tempora ex hoc loco adversus *Arianos* disputatum non est, uti ante jecimus. Neque potuerunt, opinor, *Ariani* corrumpere codices *Nicænorum Patrum*. II. Quia etiam si maxime hoc voluissent *Ariani*, non potuissent tamen vivente *Athanasio* & illius sequacibus: in quorum ore perpetuo hic versus fuisset, si

si in eorum voluminibus extitisset. III. Quia non probatur, hoc unquam iis ab Orthodoxis exprobratum esse.

XXXIII. Anterioribus ergo seculis hujus commatis expunctio imputanda est. Cujus historiam ex antiquitatis monumentis solerter ^{Quippe iis antiquior.} eruit *Nicolaus Vedelius in Opusculis Theologicis Franequeranis*. Ego hac methodo commodissime procedi arbitror. Ut primo in genere probem, pessimos Hæreticos jam inde ab antiquo adulterandis Scripturis incubuisse. Dein specialius, eos id imprimis egisse qui Trinitatis hostes erant. Denique specialissime, hanc Johannis Epistolam sacrilegas eorum manus non effugisse.

XXXIV. Primi asserti fidem facit *Diomysius*, Corinthi Episcopus, ^{xxxiv.} qui vixit sub *Marco Antonino Philosopho*, de quo agit *Baronius* ad A. Ipso seculo 175. Is apud *Eusebium Histor. Eccl. Lib. iv. Cap. xxiii.* postquam conquestus esset Diaboli Apostolos se vivo suas epistolas corrupisse, pro arbitrio addentes & dementes, addit: Οὐ θαυμαστὸν ὅρα εἰ καὶ τῶν κυριακῶν βιβλίων τινὲς ἐπιβέβληνται γραφαῖν. Unde mirandum non est, ^{secundo hæresici sacri legas manus iniecerunt Scri-} quidam corrumpere sacras literas aggressi sunt. Idem de *Marcione* sæpe conquestus *Irenæus* est, *Polycarpi* discipulus, qui floruit circa A. 180.

XXXV. Alterum patet ex narratione Scriptoris Ecclesiastici, Anonymi quidem, sed Orthodoxi & pii, apud eundem *Eusebium Lib. v. Cap. ultimo.* Ubi refert *Asclepiadem* aliosque *Theodoti Coriarii* discipulos, qui auctor erat τῆς ἀρνητικῆς ἀποστασίας, & Christum ^{maxime qui hostes erant Deitatis Christi.} *Ἰλὸν ἀνθρώπων* esse calumniabatur, sine ullo pudore Divinas literas adulterasse. Verba sunt. Γραφαὶ μὲν θείας ἀπόψεως παρασκευάσαι, πῶς τις ἢ ἀρχαίας κανόνας ἠδυνήσαι. Sacras literas audacter adulteraverunt; primitivæ autem fidei regulam rejecerunt. Paulo post: Διὰ τὸτο ταῖς θείαις γραφαῖς ἐπιβαλὼν τὰς χεῖρας, λέγοντες αὐτὰς διορθωμένας. Hinc est quod Divinis Scripturis audacter manus intulerunt, eas a se emendatas esse dicentes. In hac depravatione, quam blasphemio ore correctionem vocabant, tam sibi ipsis non constabant, ut aliter libros sacros mutaret *Asclepiades*, aliter *Apollonius*, aliter *Hermophilus*, ejusdem cæteroquin pravitatis socii. Et habebanthi impuri canes discipulos suos, qui plurimos codices ita a se adulteratos describerent, & in vulgus spargerent. Facta hæc tempore *Victoris* Episcopi Romani, qui *Theodosium* illum *Coriarium* excommunicavit, circa finem seculi secundi.

XXXVI. Tertium docet *Socrates*, *Historiæ Ecclesiasticæ Lib. v. i. Cap. xxxii.* Οἱ παλαιοὶ ἱρμυνοῖς αὐτὸ ἐπισημῆναντο, ὡς τινες εἶεν βιβλίων σαυτῶν τὴν ἐπιστολὴν. Hoc ipsum veteres indicant, declarantes quosdam corrupisse hanc Epistolam. Loquitur autem de prima Johannis. Si ergo ^{Quid scelus istud in hanc ipsam Johannis Epistolam} hostes adorandæ Trinitatis, jam inde ab initio hæresium suarum, li-

variis mo-
dis ausi
sunt.

bris sacris corrumpendis operam dederint, præsertim circa ea testi-
monia quæ sibi obesse videbant, & speciatim huic Johannis epistolæ
non pepercerint; omnino credibile est alios hoc testimonium erasisse,
quo evidentius alibi non exstat, alios corrupisse. Et quum *Theodosi*
discipuli tam diversimode textum adulteraverint, hinc fortasse illa
exemplarium in hoc loco diversitas. Laudanda interim Dei provi-
dentia est, quæ obstitit ne ulterius ea corruptio grassaretur.

XXXVII.

An & alii
Christum
λόγον
vocaverint?

XXXVII. Ultimum quæsitum, quod expediendum restat, hoc
est; an & alii, præter Johannem, Novi Testamenti scriptores Chri-
stum τῷ λόγῳ nomine insigniverint. Sunt qui Lucam id fecisse autu-
mant Evang. 1: 2. & Act. xx: 32. nonnulli & Paulum addunt Heb.
iv: 12. Non abutemur, opinor, operam, si singula isthæc loca ali-
quanto diligentius excutiamus.

XXXVIII.

Videtur id
fecisse Lu-
cas Evang.
1: 2.

XXXVIII. Ita Evangelium suum orditur Lucas, ut multos ag-
gressos esse memoret componere narrationem earum rerum, *quarum*,
inquit, *plena fides nobis facta est: prout tradiderunt nobis ei ἀπ' ἀρχῆς αὐ-*
τοῦτοι καὶ ὑποτάται γινόμενοι τῷ λόγῳ, qui a principio spectatores ipsi &
ministri fuerunt sermonis. Quod ut omnium convenientissime de Chri-
sto exponi credam, his inducor rationibus. I. Quia locutio ista ge-
mina prorsus est alteri qua Johannes utitur, de Apostolis & Christo
extra controversiam loquens. 1. Joh. 1: 1. *Quod erat a principio, quod*
audivimus, quod vidimus oculis nostris, quod spectavimus, & manus no-
stra contrectarunt de sermone vitæ. Nulla autem caussa dici potest, qua
jubeamur similes aut easdem locutiones aliter exponere apud Johan-
nem, aliter apud Lucam. II. Accedit explicationis hujus concinnita-
tas. Nam ex quo Christus se pro Messia gessit, Apostoli & oculis
eum suis spectarunt, & ministri ejus fuerunt, & familiariter cum ipso
conversati sunt; quibus etiam sese, postquam passus fuit, exhibuit
vivum cum multis certissimis signis, per dies quadraginta conspectus
ab eis; quique testes ipsius fuerunt, & Hierosolymis, & in tota Ju-
dæa, & Samaria, & usque ad ultimas terras: Act. 1: 3-8. III. Ad-
de inconcinnitatem aliarum quarumcunque explicationum. Etenim
si ab hac significatione discesseris, aut *sermonem Evangelii* notabit, ut
Act. viii: 4. xi: 19. xiv: 25. aut *rem ipsam Evangelio narratam*,
Hebræorum more, quibus כִּדְרָא sæpe idem notat quod παράγωμα, uti
hic vers. 4. *ἵνα ἐπιγνῶς περὶ ἐν καταχθόνις λόγον τὴν ἀσφάλειαν, ut agnoscas*
earum rerum veritatem quas auditione accepisti. At neutra explicatio
hic videtur commoda. Si sermonem Evangelii intelligas, illius non
αὐτόπῃαι fuere, quod rerum natura vetat; sed auditores primum, mox
præcones. Sin res Evangelio narratas designari putes, plurimæ sunt
quas

quas exposuerunt Apostoli, quarum tamen neque αὐτόπλαι neque ὑπερέται fuerunt. Uti sunt, Christi conceptio, nativitas, apparitio Angelorum, præsentatio pueruli in templo; multaque id genus alia. IV. Accedit interpretationi huic consensus veterum, *Origenis, Ambrosii, Athanasii*: & recentiorum maximi nominis interpretum, *Valla, Budæi, Gomari, Cameronis, Ludovici Cappelli*, aliorum.

XXXIX. Eadem significatio commodissima esse videtur Actor. XXXIX. xx: 32. Et *ἡμεῖς quoque, fratres, commendo vobis Deo, καὶ τῷ λόγῳ τῆς* Et Act. xx: 32.
χάριτος αὐτῆς, τῇ δυνάμει, & SERMONI GRATIÆ ipsius, potenti super-
 struere & dare vobis quod hæreditatem jure possideatis cum sanctificatis
 omnibus. Nam I. Christus uti alibi λόγος, sic hic merito λόγος χάριτος
 dici potest: quia gratiæ conciliator & auctor est: uti 1. Joh. 1: 1.
 λόγος ζωῆς. Conf. Heb. v: 9. Consimili prorsus locutione Deum omnis
 gratiæ dixit Petrus. 1. Pet. v: 10. II. Longe concinnius est, fideles
 commendari Christo, quam Evangelio. Nam Evangelium commen-
 datur fidelibus. 1. Tim. 1: 18. col. c. 2. Tim. 1: 2. III. Sequentia
 huc ducunt; quæ ad Deum referri vix possunt sine fictione hyperbati
 non necessariâ, neque Evangelio conveniunt; quod neque superstruit
 nos fundamento, neque dat hæreditatem; sed est instrumentum quo
 superstruit nos Christus sibi, & quo declaratur hæreditas & modus
 eam adeundi. Christo autem optime convenit: is enim Ecclesiam
 sibi ipsi superstruit, ac conservat. Mat. xvi: 18. Heb. 1: 3. & dat
 nobis hæreditatem. Col. 1: 12.

XL. Anxia magis disquisitio est circa HEB. 1v: 12. *ὧν γὰρ ὁ* XL. An & Paulus Heb. 1v: 12. Ratio- nes asser- mantium.
 λόγος τῆς θεῆς, *Vivus enim est sermo Dei, & efficax, & penetrantior quo-*
vis gladio ancipiti: & pertingit usque ad divisionem animæ ac spiritus com-
pugumque & medullarum, & judicat cogitationes & conceptus cordis.
 Ex veteribus multi per τὸν λόγον hic quoque intelligunt Filium. Ex
 Pontificiis eodem inclinant *Lyra, Cajetanus, Carthusianus, Ribera, &*
Lap. de, alii. Ex nostris pauciores, sed magni viri, *Gomarus, L. Cap-*
pellus, Ouyvenus, J. Altingius, aliique. Quorum hæc potissimum
 sunt argumenta. I. Certum est eo nomine alibi designari Filium.
 Quidni & hic, si nihil veter? Quamvis Paulus alias ea nomenclatio-
 ne non utatur; rationem tamen habuit, cur nunc uteretur Nam He-
 bræis scribit, quibus hoc nomen familiare, tam Syro-Chaldæa quam
 Græca lingua loquentibus. Facitque hic maxime ad propositum.
 Agit enim Apostolus de Christo ut legato & oratore Patris, cujus di-
 ctis præstantia sit audientia; quod non potuit efficacius quam nomi-
 ne τῷ λόγῳ significari. II. Nexus verborum hanc interpretationem sua-
 det. Vers. 11. *judicium ἀποθέτας* metuendum dixerat: hic vero ratio-

nem addit, ductam ab eo qui iudicii exercendi habet potestatem, imprimis contra eos qui Evangelio sunt immorigeri: id autem singulari ratione Christo competit. 2. Thef. 1. 8. idque sub ista appellatione τὸ λόγος τῷ Θεῷ. Apoc. XIX: 13. III. Sequentia huc ducunt. Nam versus 13. verba, *nec est ulla res creata non manifesta in conspectu ipsius*, &c. non nisi de persona explicari possunt. Mutationem autem subiecti esse, & a re ad personam transiri, nullo argumento evincitur. Certe Christus ille est, πρὸς ὃν ἡμῖν ὁ λόγος, cui reddenda est nobis ratio. Rom. XIV. 12. 1. Pet. IV. 5. Is constitutus est iudex. Rom. XIV: 9, 10. Estque ἀντανάκλασις elegantissima, ὁ λόγος πρὸς ὃν ἡμῖν ὁ λόγος. IV. Attributa omnia Filio Dei optime conveniunt, quod ex singulorum expositione patebit. A. Dicitur hic sermo Dei V I V U S; quod in Emphasi Christo competit. Apoc. 1: 18. quippe qui vitam habet in seipso. Joh. V: 26. est ἡ ἡνία Redemptor vivens: Job. XIX: 25. & sub isto Viventis nomine designatus ab Adamo Gen. III: 20. Hujus vitæ ratio hic habetur; quum necessaria sit ad iudicium. Heb. X: 31. B. Ἐνεργής, EFFICAX. Vita consistit in actuositate intrinseca; ἐνέργεια est efficacia illa quæ extrinsecus se exferit, in productione vitæ consimilis, 1. Joh. V: 11. Joh. XIV: 19. C. PENE-TRANTIOR QUOVIS GLADIO ANCIPITI. Id competit Christo respectu verbi sui. Jes. XLIX: 2. Os enim ipsius veluti gladius acutus, & ipse veluti sagitta mundata. Ex ore ipsius egreditur gladius, &c. Apoc. 1: 16. quo belligerat. II: 12, 16. percutietque gentes. XIX: 15, 21. D. PERTINGIT USQUE AD DIVISIONEM ANIMÆ, &c. Notatur, Christo intime patere secretissima corporis & animæ Joh. II. ult. Apoc. II: 23. E. Κριτικός, &c. DIJUDICAT COGITATIONES ET CONCEPTUS CORDIS. Κριτής est nomen muneris. Κριτικός actum & exercitium muneris notat. Utrumque designatur nomine ΠΝΩ, quod participiale est. Non indicatur hic καρδιανυσία, quam præcedens descriptio docet; sed de cognitis iudicium. Quod est Christi, circa secretissima cordium. Jes. XI: 3. Rom. II: 16.

XLI. Ra-
tiones ne-
gantium.

XLI. Qui per τὸν λόγον Evangelium intelligunt, primo pugnant Christo hæc attributa haur bene; dein Evangelio eadem optime convenire. Prioris generis argumenta hæc sunt. I. Non solet Paulus Christum ita appellare in ullis suis epistolis. Ex cujusque autem scriptoris suetâ dictione de mente ejus judicandum est. II. Præter omnem Scripturæ morem est, Christum comparare gladio ancipiti. Gladius autem ipsi ita attribuitur ut aperte ab eo distinguatur. Ps. XLV: 4. Jes. XI: 4. Apoc. I: 16. II: 12, 16. XIX: 15, 21. Posterioris ordinis argumenta hæc sunt. I. Λόγος τῷ Θεῷ constanter Paulo Evan-

Evangelium notat; neque ulla hic ratio est quæ suadeat a sueta significatione recedere. II. Nexus huc ducit. Nam in eo est Apostolus ut doceat, quantopere attendendum sit voci illi, sive prædicationi Dei, qua invitamur ad introitum in requiem Dei. Hac intentione commendat efficaciam istius prædicationis; eamque geminam, alteram, ut qui credunt, vi istius sermonis consequantur vitam; alteram, ut rebelles perimantur. Εγὼ λόγος significat invitationem illam Dei, cujus summa est vers. 11: III. Omnia attributa Evangelio optime conveniunt. Quod & VIVUM est. Conf. Joh. vi: 63. Phil. 11: 16. 1 Pet. 1: 23. & EFFICAX. Conf. Rom. 1: 16. 2 Cor. x: 4. 1 Thes. 1: 5. Et præcipue 1 Thes. 11: 13. λόγος Θεοῦ, ὃς καὶ ἐνεργεῖται. Et PENETRANTIUS QUOVIS GLADIO, &c. Conf. Eph. vi: 17. Hinc dicitur exire ex ore Christi, passim in Apocalypsi. Est autem gladius ὁ σῶμα. ANCEPS, quia in utramque patrem secatur; tam ad sanationem & vitam, aperiendo ulcera, & amputando noxia, quam ad destructionem & mortem. 2. Cor. 11: 15, 16. ET PERTINGIT USQUE AD DIVISIONEM ANIMÆ, &c. Levitarum culter perveniebat ad minima, quales sunt nervi, & ad intima, quales sunt medullæ. Sic sermo Evangelii minima & intima animæ penetrat, inque ea efficaciter agit; omniaque bellissime discernit, quo perituros perdat, & servandos salute donet. Denique DIJUDICAT COGITATIONES, &c. Conf. Jac. 11: 12. Rom. 11: 16. IV. Nec valide obijcitur connexio vers. 13. Nam quæ ibi dicuntur non pertinent ad τὸν λόγον, sed ad τὸν Θεόν, cujus est λόγος.

XLII. Si mea mihi hic quoque dicenda est sententia, equidem XLII. fateor tam speciosa in utramque partem argumenta videri, ut utraque eligenda foret animo hæsitaverim. Omnibus tamen expensis, eam interpretationem simpliciorē arbitror, quæ hanc Pauli pericopam ad sermonem Evangelii refert. Ob eam potissimum rationem, quod non solum omnia attributa Evangelio optime conveniant, sed & quod non nisi durissimā καταχρησὶς persona Christi ancipiti gladio comparetur: Evangelium autem ipsi sub similitudine gladii eleganter & frequenter adscribatur.

EXERCITATIO IV.

DE

MICHAELE.

B R E V I A R I U M.

- I. Michaelis & Archangeli nomen sexies in sacris exstat. II. Tres sunt de Michaelae sententia. III. Michael notat, quis, vel qui est sicut ille Deus. IV. Archangelus non nisi unus est, & ceterorum omnium Angelorum princeps. V. Idcirco boni Angeli, Angeli Michaelis dicuntur. VI. Idem magnus Princeps populi Dei est. VII. Judas ei eadem attribuit verba qua Zacharias Angelo qui est Jehova. VIII. Veterum Hebraeorum Catechesis de Angelo Principe populi Israëliti. IX. Acuta Masi observatio. X. Insignis Mosi Nabmanida locus. XI. Mira de Metatron. XII. Alii Michaelen unum ex creatis Angelis esse volunt. XIII. Quia Archangelus a Christo distinguitur. XIV. Et Michael, unus principum primariorum dicitur. XV. Eique limitata adscribitur potentia. XVI. Et persona aliqua Divina quae missa est, se a Michaelae distinguit. XVII. Indignum majestate Filii Dei videtur, quod non amsit maledictum ingerere Diabolo. XVIII. Michaëlia nomen pie imponi potest persona creata. XIX. Eaue Princeps bonorum Angelorum esse; aeque ac Beëlsebul malorum. XX. Cui etiam sui Angeli attribuantur, non minus quam Draconi. XXI. Quae denique tam Princeps populi Israëliti esse potest, quam Diabolus Princeps hujus mundi. XXII. Zacharias de Angelo Domino non prorsus eadem dicit, quae Judas de Michaelae. XXIII. Hebraeorum commentationes de Metatron Cabbalisticae sunt. XXIV. Tuba Archangeli notare potest tubam Christi, qua se Angelorum demonstret Dominum. XXV. Unus aut primus principum primariorum non est redigendus in eorum ordinem. XXVI. Gabriel uno Michaelae adjutore contentus fuit. XXVII. Michael non distinguitur a Christo, sed a Gabriele. XXVIII. Οὐκ ἐτόλμας notare potest, non duxit consultum. XXIX. Sunt qui putant per Michaelen, aliquando Christum, aliquando creatum Angelum designari. XXX. Ἐπίκρισις.*

MICHAEL-



MICHAELIS & ARCHANGELI nomen, ubi de An-I. *Michaelis & Archangeli nomen se- xies in sa-* gelo fermo est, sexies omnino, quantum memini, in *facris literis invenitur. Ter quidem in solo Daniele. Nimirum Cap. x: 13. Sed Princeps regni Persiae stetit coram me uno & viginti diebus, quum, ecce MICHAEL, unus, vel primus, e principibus primariis, venit ad juvandum me.* Iterum vers. 21. *Ne unus quidem est qui se confirmet meum ad ista, nisi Michael Princeps vester.* Rursus Cap. xii: 1. *Tempore illo adstabit Michael, Princeps ille maximus qui stat pro popularibus tuis.* In Novo Testamento pariter ter: sed apud scriptores diversos. Quorum primus Paulus est, 1. Thess. iv: 16. *Nam ipse Dominus cum hortationis clamore, cum voce ARCHANGELI, & cum Dei tuba, descendet e caelo.* Alter, Judas, Epistolæ comm. 9. *At MICHAEL ARCHANGELUS ille, quum, adversus Diabolum altercans, disceptaret de corpore Moysi, non ausus est illi impingere notam maledicti, sed dixit: Increpet te Dominus.* Tertius, Johannes, Apoc. xii: 7. *Et factum est praelium in caelo: MICHAEL & Angeli ejus praeliati sunt cum Dracone, & Draco pugnavit & Angeli ejus.* Operæ pretium esse existimavi ipso disputationis hujus initio omnia hæc loca unico veluti obtutui objicere: quia in progressu singula examinanda atque explicanda erunt.

II. Hoc enim illud est quod quaeritur, quisnam ille sit qui MICHAELIS ARCHANGELI nomine designatur; an semper Filius Dei, *Tres sunt de Michaelis sententia.* Jesus Christus, Angelus Fœderis; an semper creatus aliquis Angelus, Princeps reliquorum; an denique in quibusdam locis Christus, in aliis creatus Angelus. Nam in hæc tria sententiarum divergia secedere præstantissimos arcanorum librorum nostrorum Interpretes animadverti. Quorum argumenta suis singula ponderibus librare, tum *intelligere* meam subjungere, animus est.

III. Qui Michaellem Archangelum, ipsum Dei Filium, Dominum nostrum Jesum Christum esse autumant, his potissimum nituntur rationibus. Primo, quod ipsa vox *Michael* eo ducere videatur. *III. Michael notat, quis vel qui est sicut ille Deus.* Credibile est nomen istud ab ipso profectum esse Deo, ideoque in omni vi significationis suæ interpretandum. Exponi autem potest bifariam; vel interrogative, *quis est sicut Deus ille?* vel affirmative, *qui est sicut Deus ille.* Si priorem interpretationem eligas, supponitur, illum, cui hoc nomen datur, esse *אלהים* Deum fortem; immo *אלהים* illum Deum fortem, *ἀρτονομῆς* ita dictum *אל גבור* Jes. ix: 5. Et interrogatione ista, *quis est sicut ille Deus*, indicatur, ex omnibus Angelis, omnibusque adeo creaturis, neminem ei esse parem. Prorsus sicuti Moses canit Exod. xv: 11: *יחזק מי כמוך באליהם* *Quis est*

est sicut tu inter fortes, ô Jehova, quis est sicut tu? Et Ethan Ezrachita Ps. LXXXIX: 7. Quis in superiore nube par aestimetur Jehova? adsimiletur Jehova inter filios fortium? Et versu 9. O Jehova Deus exercituum, quis est par tibi? robustus Jah, vel ut fortasse commodius vertitur, praeclatus Divina decentia? Quae nisi Deo, vel de Deo dici non posse videntur. Sin quis posteriorem expositionem malit, qui est sicut Deus ille; evidentissime docebitur, eum, qui hoc nomine insignitur, esse ἰσὺν τῷ Θεῷ. Joh. v: 18. eamque ἰσότητά sibi sine ἀπαρχῆς, sine sacrilegio, posse attribuere. In qua re magna diversitas est inter nomen Michael & Gabriel. Nam uti illud facile & quasi sua sponte istam animo audientis cogitationem ingerit, Deum qui sic appellatur parem esse Deo, & neminem sibi parem habere; ita hoc, significans Fortitudo mea est Deus, clare satis ostendit, eum qui sic nominatur fortitudinem in se non habere, sed in Deo; & consequenter non esse Deum, sed esse creatum aliquem Angelum.

IV. Archangelus non nisi unus est, & ceterorum omnium Angelorum Princeps.

IV. Verum & alterum, Archangeli nomen, eandem Deitatis magnificentiam innuere videtur: de quo id primo observandum, quod non nisi singulari numero in Scriptura extet. Unde palam est, nugas agere Romanenses, quando freti nescio cujus Dionysii, certe Pseudareopagita, auctoritate, quem commenta sua ex Pauli revelatione habere fabulantur, integrum Archangelorum ordinem finxerunt; eique, quod ridiculum, penultimum in choris Angelicis locum assignant. Novem enim fingunt Angelorum choros, tribus hierarchiis distinctos. In prima hierarchia locant Seraphim, Cherubim & Thronos. In secunda, Dominationes, Virtutes & Potestates. In tertia denique, Principatus, Archangelos & Angelos. Qui ordines quomodo distinguantur, & quid quaque voce notetur, si quis scire aveat, ei auctor sum ut consulat elaboratissimas Theses celeberrimi Voërii nostri, quibus quidquid de hac re cognitu dignum est exhaustum videbit. Tom. 1. p. 882. Non lubet nunc mihi eorum vesaniam hominum, uti meretur, explodere, qui de rebus sibi prorsus incognitis adeo secure atque audacter fabulantur, quasi nefas sit alio illos loco habere, quam qui cum cælicolis ætatem triverint, & Angelorum quotidiani fuerint congerrones. Sufficit nunc notasse, & imperite eos facere quod myriadas Archangelorum comminiscuntur, & inique quod in penultimum eos detrudunt locum. Quandoquidem Scriptura unum duntaxat Archangelum docet, eumque Angelorum omnium Principem & Dominum. Qui ita est Angelus, ut simul sit Dominus. Mal. III: 1. κεφαλὴ πάσης ἀρχῆς καὶ ἰσχυρίας. Col. 1: 10. per quem & Angeli creati sunt. Col. 1: 16, & de quo dictum est, adorent eum omnes Angeli Dei. Heb.

Heb. 1 : 6. *Qui est ad dextram Dei, profectus in cœlum, subjectis ipsi Angelis, & potestatibus ac virtutibus.* 1. Pet. 111 : 22.

V. Atque hinc est, quod Angeli boni *Angeli Michaelis* dicantur. V. Idcirco boni Angeli, Angeli Michaelis dicuntur. Apoc. xii : 7. Angeli autem, alium Dominum, alium Principem, cuius Angeli sint & dicantur, nullum habent præter Jehovam. Hinc passim in sacris *Angelos Dei* vocari audias, cuius thronum cingunt, cuius faciem intuentur, cuius majestatem venerantur, cuius iussis obsequuntur. *Benedicite Jehovæ Angeli ejus, valentissimi robore efficientes verbum ejus, auscultantes voci verbi ejus; Benedicite Jehovæ omnes exercitus ejus, ministri ejus, facientes placitum ejus.* Pl. ciii : 20, 21. Nominatim Filium Dei, qui & ipse cæteroquin ob missionem suam in mundum ad executionem muneris mediatorii *Angelus Jehovæ* nuncupatur, Dominum suum esse agnoscunt, cuius mandatis parent, & ad quem redeunt demandati sibi officii reddituri rationem. Sic enim apud Zachariam legimus, Cap. 11 : 7, 8. Angelo illi, qui alloquebatur Prophetam, & qui se pro Domino gerebat, obviam processisse Angelum alterum; *cui edixit, curre, alloquere puerum istum.* Legimus item, ad eundem Angelum Dominum, stantem inter myrtos, accessisse cæteros Angelos missos ad perambulandum terram, eique rationem reddentes respondisse, *perambulavimus terram, & ecce tota terra desidet, & tranquilla est.* Zach. 1 : 10, 11. Angeli ergo boni, Dei Christique Angeli sunt: non sunt Angeli cujuscunque creaturæ. Unde consequitur, quum *Angeli Michaelis* dicantur, Michaellem ipsum esse Christum.

VI. Quod & valide ex eo probari videtur, quod idem Michael vocetur *Princeps ille magnus qui pro populo Dei stat*, Dan. xii : 1. Quis autem ille, nisi Christus? Idem nimirum qui apparebat Josuæ, cum districto gladio, qui se *Principem militiæ Jehovæ* vocabat, jubebatque calceamenti exultione eundem sibi honorem tribui, qui a Mose olim tributus erat Angelo Jehovæ, qui & ipse Jehova erat, apparenti sibi in rubo. Jos. v : 14. Idem quem promiserat olim Deus populo Israelitico in viæ ducem. Exod. xxiii : 20. Quem Jesajas *Angelum faciei Jehovæ* nuncupat, qui servavit Israëlitas, qui dilectione & clementia sua vindicavit eos, & imponens eos sibi bajulavit omnibus diebus seculi. Jes. lxiii : 9.

VII. Novum argumentum suppeditat Judæ comm. 9. *At Michael Archangelus ille, quum, adversus Diabolum altercans, disceptaret de corpore Moïsis, non ausus est illi impingere notam maledicti, sed dixit, Increpet te Dominus.* Partes altercantes sunt, hinc Michael Archangelus, quem Zacharias Dominus, Doctor, & Ductor ab initio; inde Diabolus, Deus & Princeps hujus mundi, Michaelis per omnia adversarius; Altercatio.

tionis subjectum & causa, fuit corpus Mosis; quod Michael volebat abscondere, consulens quieti servi sui, & impediturus superstitionem atque idololatriam: Diabolus autem in apertum proferre, ut illudens Prophetæ reliquiis, populum ad idololatriam alliceret. Ubi notandum, id, quod hic Michaeli adscribitur, Jehovah attribui Deut. xxxiv: 5, 6. *Mortuus itaque est ibi Moses, servus Jehovæ, in terra Moabitatum, על פי ירחו ad os Jehovæ, qui sepelivit eum in eadem valle.* Porro in illa altercatione credibile est, Diabolum plurimas contra Jehovah & Michaellem evomuisse blasphemias. Michael autem *ἐκ τῶν λόγων αὐτοῦ οὐκ ἐκίνησεν* non induxit animum, impingere ipsi notam maledicti, id est, ultionem maledicendo sumere. Non quod timuerit Diabolum, sed quod ex decore omnia agere voluerit, personam Angeli quam susceperat rite tueri, Diabolo se dissimillimum demonstrare, & hominibus, quibus hæc erant patefacienda, patientiæ exemplar relinquere. Ante omnia autem conferendum hoc Judæ dictum est cum Zach. iii: 1, 2. Ubi repræsentatur Josua sacerdos maximus stans coram Angelo Jehovah, & Satan stans ad dextram ejus ut adversaretur ei: *dicebat autem Jehova Satana, Increpet Jehova te, ô Satan, increpet te Jehova, qui eligit Hierosolyma.* En Angelum Jehovah, qui & ipse Jehova, cum Satana altercantem, & dicentem, Increpet te Jehova, ô Satan. Non sustinet ipse sententiam convitii proferre aliter quam postulando judicium Patris. Nimirum, quia Filius nihil potest dicere & facere, nisi quod audiverit Patrem dicere & facere. Joh. v: 19, 20. Ratio est, non minoritas, sed unitas. Creatura potest, aliud volendo quam quod Creator vult, & aliud dicendo præter id quod vidit & audivit, deficere & abire a Creatore: qui id nullo modo potest facere, ejus & voluntas, & bonitas, & *φύσις*, est eadem cum Deo, ut *γεννῶν* gignente, aut spirante. Adeo in tota hac re nihil est quod infra præstantiam Filii Dei sit. Quemadmodum igitur Angelus Jehovah, qui & ipse Jehova est, alia occasione judicium Jehovah postulare quam suum proferre maluit: ita Judas colligit, quia idem semper est *ὁ ὁμοῦς* ipsius, in illo quoque certamine eum similiter locutum esse, neque aliter sententiam pronuntiasse, quam postulando judicium Patris. Ex hac itaque collatione infertur, primo indignum non esse Filio Dei ita agere ut eum agentem repræsentat Judas; deinde, Michaellem iisdem verbis utentem, quibus utitur Angelus Jehova, Angelum quoque Jehovah esse. Vide sis Coccej. ad Zach. iii: 3. & ad Jud. comm. 9.

VIII. *Veterum Hebræorum catechesis*

VIII. Nec abludit catechesis veterum Hebræorum, cujus adhuc reliquiæ apud recentiores Interpretes exstant. Ubi sæpius inculcatur, Principem populi Israëliti, Angelum quidem esse, sed & Angelis om-

omnibus majorem, ipsumque adeo Deum, a Deo tamen, cujus est *de angelo* Angelus, distinctum. Notabile est quod ex *Tanchuma*, vetusto com-^{Principe}mentario Hebraico, adduxit *Masius* ad *Jos.* v: 14. Dicebat, sic He-^{populi}braeus ille, *Deus Mosi*, Ecce ego mitto ante faciem tuam Angelum. At *Moses* respondebat, At ego Angelum nolo, sed Te ipsum volo. Porro *Josua filius Nun* quum primum videret Angelum, dicebat, Nosterne es, an adversariorum nostrorum? Tum ad eum Angelus, Ego, inquit, sum Princeps exercitus Domini. Jam veni. Ac si diceret, Ego jam secundo adsum, ut *Israëlitas* in possessionem suæ hereditatis ducam. Veneram enim etiam, quum imperator esset *Moses*, Magister tuus: sed ille quum me videret, nolebat me secum ire, sed a se repulit. Hæc autem simul atque audisset *Josua*, procumbebat in faciem, adoransque dicebat, Quid Dominus meus loquitur ad servum suum? In qua commentatione aliquid veri invenio, quod ex prisca catechesi est; sed & aliquid quod a vero ablu- dit. Verum est, eum qui apparebat *Josua*, eundem esse quem promiserat Deus *Mosi*. *Exod.* xxi: 20. Non est verum, eum quem tum promittebat Deus, a *Mose* repulsum fuisse. Male consulti *Israëlitæ* eum repulerunt, dum ejus loco vitulum sibi in viæ ducem petie- runt. Quod & posterius ipsorum fatentur. *Sanbed. Cap.* iv. Perperam enim intellectis verbis illis *לֹא יִשָּׂא לַפְּשָׁעֶיכֶם*, non feret defectionem vestram, sic argumentati sunt: si non possit condonare peccata, quid ergo præstat? Credimus ipsum non posse tollere peccata nostra, & ideo etiam re- spicimus eum, & nolumus eum accipere, ne in legatum quidem, qui nobis præsit, & sit dux noster. Vid. *Joseph. Voisin. Observ. ad Raimun.* p. 496. edit. German. Quem vero repulisse legitur *Moses*, *Exod.* xxxiii: 12. diversus ab eo est. Is quem pollicebatur Deus *Exod.* xxi: 20. erat Angelus faciei, in cujus medio Dei nomen est, qui facultatem habet delicta puniendi aut condonandi; denique ipsa Dei facies, quam sibi comitem ac ducem poscebat *Moses*. *Exod.* xxxiii: 12, 15. Hic autem quem se post *μωϋσῆως* missurum esse dicit Deus, non erat nisi creatorum Angelorum aliquis; quo eunte cum ipsis, facies sua non itura erat. *vers.* 2, 3. Quod & ipse R. *Menahem* monuit ad *Exod.* xxxii: 34. Angelus, inquit, quem hic promittit Deus, non est An- gelus fæderis, de quo locutus est tempore gratiæ, dicens *שְׁכֵנִתִּי* *Scbecina mea*, gloriosa inhabitatio mea, vobiscum ibit. Nam Deus O. M. Divina præsentia sua ab iis recesserat, volebatque eos ducere alterius Angeli ope. Utut sit, Princeps ille magnus, qui pro populo *Israëlitico* stabat, Fi- lius Dei est, & *Josua* agnitus, & religioso ac Divino honore cultus.

IX. Doctissimus *Masius* grandius sibi mysterium in ista Hebræi *x.* *Acta* auctoris observatione deprehendisse visus est. Putat enim alludere ad *Masi* ob-^{servatio.}

Judaici populi Ecclesiam, quæ de Mose magistro se jactabat, & ad eam, quæ nunc a Josua, id est Jesu Christo, regitur. Illa enim allegatum ad se Angelum Christum, ut ipsi ad cœlestem hæreditatem patefaceret aditum, repudiavit; atque urbe etiam ejectum cruci adfixit. Hæc vero simulatque quum ex doctrina tum ex miraculis intellexisset, eum a se, non ab adversario Beelzebub stare, adoravit, ejusque jussa submisit & obedienter amplexata est. Quæ quidem doctissimi *Masii* annotatio, si rem ipsam spectes, certissimæ veritatis est: at vereor ne ab Hebræi interpretis mente plane aliena sit.

X. Insignis
Mosis Nah-
manide lo-
cus.

X. Sed cedro digna sunt, quæ ex Rabbi *Moje Nahmanide Gerundensi* idem nobis *Masius* exhibet. Is enim R. *Moses* expositurus verficulum Exod. xxxiii: 14. *Facies mea præibit, & efficiam ut quiescas*, sic scriptum reliquit: *Animadvertite attente quid sibi ista velint. Moses enim & Israëlita semper optaverunt Angelum primum, ceterum quis ille esset vere intelligere non potuerunt. Neque enim ab aliis percipiebant, neque prophetica norione satis adsequebantur. Atqui facies Dei ipsam significat Deum, quod apud Interpretes in confesso est. Verum ne per somnium quidem intelligere ea quisquam possit, nisi sit in mysteriis Legis eruditus. Et post pauca: Facies mea præcedet: h. e. Angelus fœderis quem vos cupitis: in quo videbitur facies mea: de quo dictum est, Tempore accepto exaudiam te. Nomen meum in eo est, faciamque ut quiescas, sive efficiam at ipse tibi sit lenis ac benignus, neque te ducat per jus rigidum, sed placide ac clementer. Hæc Gerundensis. Atque hunc ipsum Michaellem esse dicit, quem & PONTIFICEM COELORUM vocat, qui preces justorum offert Deo. Idem est מלאך הומואל, Angelus Redemptor: quem Rabbini ipsissimum Deum esse fatentur: certe Menabem, scribens in Gen. xlviii: 16. Innuat השכינה Divinam Majestatem, quam dicit, Angelus qui redemit me. Non possum hic prætermittere quod cum summa animi voluptate legisse me recordor in cl. viri *Jacobi Altingii* commentariis in septimum Caput Divinæ ad Hebræos epistolæ p. 198. col. 1. Ubi ex *Talkut fol. 82.* ista nobis exhibet. *Luctatus est vir cum eo. Dicunt quidam, fuit Michael. Et mox: Vidit quod ei non prævaleret, & tetigit acetabulum femoris ejus. Dixit itaque Sanctus Benedictus Michaeli: Recte ne fecisti quod sacerdotem meum feceris vitiosum, i. e. aliquo corporis vitio laborantem? Respondit ille, Domine mundi, NONNE EGO SUM SACERDOS TUUS? Deus vicissim. TU SACERDOS MEUS ES IN EXPANSO, sive cælo; ipse vero sacerdos meus est in terra. Alluco itaque Michael petiit a Raphaele, ut eum sanaret; quod hic præstitit. Sanctus Benedictus dixit Michaeli, Quare sic fecisti filio meo primogenito? Respondit ille, Ad gloriam tuam feci. Et Deus, Abbinc, inquit, eris super**

super ipsum constitutus, & super semen ejus, usque ad finem omnium generationum: hoc est quod dicitur, præterquam Michael Princeps vester. Dan. x: 21. Illo tempore stabit Michael, Princeps MAGNUS. Dan. xii: 1. Et ipsi sunt populus MAGNUS. Deut. iv: 7, Veniat ergo MAGNUS, & consistat super MAGNUM.

XI. In libro Zorobabelis, quem Buxtorfius allegat in *Lexico* ^{XI. Mira} *Talmudico* ad vocem מטטרון, docetur Michaellem alias METATRON ^{de Mesat} vocari, eumque esse Principem facierum, & Cancellarium cæli. De quo ^{tron.} Metatron operæ pretium est audire quomodo Hebræi philosophentur. R. Salomo ad Exod. xxi: 21. sic scribit: Rabbini nostri inquirunt, Ille est Metatron, cujus nomen est sicuti nomen Doctoris sui, nempe Dei שדי omnipotentis. Nam שדי Geometrice facit 314. Tantundem faciunt litera vocis מטטרון. Luculenta sunt, quæ de eodem nomine ad eundem locum commentatur R. Bechai, quamvis nugacibus quibusdam observatiunculis turpata. Metatron vocatur, inquit, quoniam eo nomine comprehenduntur duo significata, nempe מטרון Dominus, & שליח Legatus. Domini significatum ex sermone Rabbiorum, qui Heram vocant מטרונה Matronam. Legati ex sermone Græcorum, qui vocant Legatum מנטור. (fortasse respicit ad vocem Græcam Μεντωρ) Imo & tertia potest in eo esse significatio, custodia sive custodis. Nam Targum pro Hebræo משמרת habet מטרת custodia. Et quia custodis mundum, appellatur custos Israël. Ex his etymologiis patet, ipsum esse & Dominum & Legatum Domini, idemque habere cum Domino suo nomen. Ipse est Dominus omnium quæ sub ipso sunt: nam omnes exercitus superiorum & inferiorum sunt sub ejus arbitrio, & sub manu ejus: & ipse Legatus est ejus qui est supra ipsum, quique eum dominari fecit supra omnia, & constituit eum Dominum domus suæ, & dominatorem omnis possessionis suæ. Est autem tibi observandum, quod ratione significati domini, ש in eo duplicatum est, & duo ש faciunt 18. Totidem facit חי Virens, epithetum Dei. His sublati manet מטרון, idem quod מרת, id est מטרון Dominus. HIC EST ANGELUS ILLE PER QUEM SOLUM DATUR ACCESSUS AD DEUM. Hactenus Bechai. In quibus, si pretiosum a vili, ut par est, secernamus, habemus præclara priscae & piæ κατὰ πρόσωπον rudera. Nimirum exstare Angelum aliquem, qui & Deus sit & Legatus Dei, custos & redemptor hominum, Pontifex cæli: per quem solum accessus ad Deum detur, quem sacrae literæ Michaellem, Magistri Metatron vocent; fortasse nomine corrupto ex Latino Mediatoris. Atque ita ea nunc argumenta vidimus, quibus viri eruditissimi conficere se posse putant, sub Michaelis nomine designari Filium Dei, Dominum nostrum Jesum Christum.

XII. Longe tamen aliter instituunt alii præclari viri, quorum ^{XII. Alii} non Michaellem

unum ex
creatis An-
gelis esse
volunt.

non minus celebre in Ecclesia nomen est, quibus magis adlubescit Michaellem unum ex creatis Angelis esse, sed cui a Creatore præfectura aliqua in cæteros concessa sit. Existimantque & valida sibi pro isthac sententia argumenta esse; nec deesse quæ ad laudata modo argumenta respondeant. Enimvero & hi digni sunt, qui causam suam agentes æquo a nobis animo audiantur. Sic ergo instituunt.

XIII. Quia
Archange-
lus a Chri-
sto distin-
guitur.

XIII. Michaellem eundem esse qui & Archangelus dicitur, consentiunt omnes: & Judas Apostolus totidem id verbis adstruit comm. 9. Archangelum autem a Christo palam discriminat Paulus 1. Thes. IV: 16. *Nam ipse Dominus cum hortationis clamore, cum voce Archangeli, & cum Dei tuba descendet e cælo.* Incredibilis illa Domini Jesu magnificentia, quâ illustri adventus sui die in nubibus conspicuus apparebit, locutionibus a regum hujus seculi pompa desumptis, uti alibi, ita & hic exponitur. Solent autem illi, præsertim in solemnioribus regni actibus, magna comitum, militum, populi stipante caterva, cum tubarum, tympanorum, plaudentiumque turbarum strepitu, comparere. Ita & Jesus, Rex regum & Dominus dominantium, e cælo ad universale hominum ac dæmonum judicium, quo nullus unquam regni sui actus solemnior exstitit, descensurus, veniet cum Angelis potentibus suis, eaque Divinæ majestatis ac gloriæ demonstratione, cui par ab orbe condito conspecta non est. Et quemadmodum Legem promulgaturus in monte Sinai, venit cum myriadibus sanctorum suorum, & igne ardenti, & turbine, & caligine, & procella, tubæque sonitu, & voce verborum, quam qui audierant cum excusatione petierunt, ne amplius sibi fieret sermo: ita secundum Legem istam judicaturus, adveniet cum sanctis millibus suis, hortantiumque se mutuo ad tanti Regis obsequia clamore, (hoc enim *κλυσμα* Græcis notat) & voce Archangeli, qui millibus istis præest, tubaque Divina instructus veluti classicum canit. Nam, uti a Grotio aliisque bene observatum est, vox Archangeli & tuba Dei ita jungenda sunt, ut significetur vox tubæ Divinæ ab Archangelo inflatæ. Omnino videtur hic Christus, qui venit, ab Archangelo, quocum venit, distingui: & vox Christi, sententiam dicturi, a voce Archangeli, solemnitatis istius veluti pompam instruentis. In sacra Johannis Apocalypsi, ad singulos Divinorum judiciorum actus, Angeli tubis canentes audiuntur. Idem usu veniet in peremptorio mundi totius judicio. *Tunc enim mittet Dominus Angelos suos cum tuba voce magna, ut cogant electos suos a quatuor ventis, & a cælorum extremo ad eorum extremum.* Mat. XXIV: 31. Cujus tubæ vox Angelis generatim attribuitur a Domino: eam Archangelo, cæterorum Principi, & exer-

exercituum cœlestium sub Christo Rege Imperatori, attribuit Paulus. Enimvero decore magis tuba est in manu & ad os principis ministri, quam ipsius Domini, & Regis. Et in hac explicatione plerique conveniunt Interpretes.

XIV. Alterum argumentum petitur ex Dan. x : 13. Ubi Michael dicitur **מִיכָאֵל הָרִאשׁוֹן**, *unus principum primorum*. XIV. Et Michael unus principum primorum dicitur. Per Principes, Angelos notari perspicuum est; primi Principes, sunt præcipui Angelorum, gloria, auctoritate ac potestate præ cæteris eminentes. Eorum autem unus si Michael sit, oportet ut ejusdem cum ipsis sit ordinis; licet fortassis gradu aliquo auctoritatis superior. Sunt qui ad argumenti hujus vim infringendam contendunt, voce **אֶחָד** tam *primum* notari, quam *unum*, ut Gen. i : 5. ideoque convenientius hæc verba verti, *Primus principum primariorum*. At respondent alii, ab ordinaria & communi vocum significatione recedendum non esse, nisi jubeat necessitas. Vocem vero **אֶחָד** communiter significare *unum*, non *primum*: præsertim in istiusmodi constructione qualis hic occurrit. Similem prorsus phrasin invenimus Ps. lxxxii : 7. *Tanquam homo moriemini, וכֵּן אֶחָד הָרִאשׁוֹן & tanquam unus aliquis principum cadetis*. Sic & Gen. xxi : 2. **עַל אֶחָד הָהָרִים** *super uno aliquo montium*. Rursus 2. Sam. vi : 20. *Nudatus est sicut unus aliquis levium*. At pone, si præfracte velis, pro uno *primum*; quid inde lucri feceris? Eodem redibit. Nam primus principum primorum, e numero & ordine eorum est. Rem acu tetigisse videtur Josephus Jacchiades, dum ita **מִכָּאֵל שְׂמוֹת אֶחָד וְהַמִּיּוֹחַד** *מיכאל שמו אחד והמיוחד*. Quod Constantinus l'Empereur sic vertit: *Michael, qui est primus & dotibus separatus, e primariis illis principibus intuentibus faciem Regis, sive Dei*.

XV. Tertium argumentum sic instruit præstantissimus Theologus, Gomarus : ad Luc. i : 26. Præterea Angelus Gabriël, loco Danielis citato, facti sui difficultatem describens, ait : vers. 21. *Ne unus quidem est qui confirmet se mecum, nisi Michael, Princeps vester*. XV. Eique limisata adscribitur potentia. Atqui si ea voce Filius Dei intelligeretur, inepta & illo indigna esset oratio : quoniam nullum majus auxilium quam Filii Dei, cujus infinita est potentia, excogitari potest.

XVI. Addi potest & quartum argumentum ex eodem Cap. x. XVI. Et persona aliqua Divina qua missa est, se a Michaelo distinguit. Danielis : at hypothesi aliquantulum mutatâ. Is quem comm. 5. conspexisse se narrat Daniel, vir indutus vestibus lineis, cujus lumbi accincti erant insigni auro Uphazi, & corpus simile beryllo thalassio, vultus autem similis speciei fulguris, oculi similes tædis ardentibus, &c. Filius Dei est, qui eadem fere forma videndum sese obtulit Jo-

hanni

hanni Apoc. 1. Ejus manus tangit Danielelem tantæ majestatis fulgore stupentem. comm. 10. Idem compellat Danielelem blandaque oratione consolatur. comm. 11, 12. Versu autem 12. sic pergit loqui : *Sed Princeps regni Persici stetit coram me uno & viginti diebus , quum ecce Michael primus ex principibus primariis venit ad adjuvandum me.* Unde, si hanc analysin sequamur, perspicuum est, Filium Dei qui loquitur, & Michaellem de quo loquitur, *uti* ad auxilium sibi veniente, personas esse distinctissimas. Tanti ea difficultas Celeberrimo Coccejo visa est, ut maluerit, ad eam evitandam, personam Danieli apparentem pro Spiritu Sancto sumere. Sic enim Michael, quem Christum esse vult, ab eo distingui posset. At nescio an probari queat, Spiritum Sanctum distinctum tali similive specie unquam se hominibus conspiciendum præbuisse. Nec puto virum doctissimum aliam ob causam interpretationem istam esse amplexum, nisi quod persuasus esset, personam hanc, quam merito Divinam esse credidit, se ipsam a Michaelle distinguere.

XVII. Indignum est majestate Filii Dei, quod non ausus maledictum ingerere Diabolo.

XVII. Denique Jud. comm. 9. de Michaelle dicitur, quod *ut* ἐτόλμας ausus non fuerit Diabolo maledicti impingere notam, id quod ad Filium Dei omnipotentem, omnium Judicem ac Dominum, referri indignum est. Nam licet talis increpatio qualis Jehovah adscribitur Zach. 111: 3. Filio Dei adscribi possit; non tamen satis consuli videtur honori Filii Dei, si quis dixerit, *non ausum fuisse* Diabolo maledictum ingerere: quum & Christus Joh. viii: 44. ipsi perspicue maledixerit, & judex sit dæmonum, quos ultimo die ad æternam damnabit supplicia. His potissimum pugnant rationibus, qui per Michaellem non Christum, sed ex creatis Angelis aliquem, & cæterorum principem, intelligunt.

XVIII. Michaelis nomen pie imponi potest personæ creatæ.

XVIII. Ad objectas autem sibi difficultates, hoc fere modo respondent. Ad *primum* argumentum reponunt: Michael non commode verti, *qui est sicut Deus*, ut personæ isthuc nomine insignitæ paritas cum Deo notetur, sed vertendum esse interrogative, *quis est sicut Deus?* Nam vox Hebræa מִיכָאֵל non est pronomen relativum, sed interrogativum: sicut usus demonstrat. Neque majestas Dei læditur, quum nomen hoc nudæ attribuitur creaturæ. Est enim integra enuntiatio, continens confessionem infinitæ perfectionis, quæ soli Deo competit: cujus veritatis meditatio & Angelis & hominibus frequentanda est. Idcirco non aliquis solum Angelorum eo nomine venit, sed idem a piis parentibus liberis suis crebro impositum est. Num. xiii: 13. 1. Chr. v: 13, 14. & vi: 40. & vii: 3. & viii: 16. & xxvii: 18. 2. Chr. xxi: 2. Ezr. viii: 8. Præterea synonymum & subli-

sublimius nomen מִיכָאֵל *quis est sicut Jehova*, homini attribuitur. 1. Reg. xx 1: 13. *Cloppenburgius*, quamvis in adversa sententia sit, pro ingenuitate tamen sua, rationem hanc invalidam esse fateretur *Anti-Smalc. Cap. xvi. Disput. l. 111: §. 18. Non pugnamus*, inquit, *hic argumento illo quod urget Franciscus Junius*, ex notatione nominis מִיכָאֵל: *quasi posset significari eum qui tanquam Deus fortis est & aequalis Deo. Concedimus* in hoc nomine non esse *Qui*, sed *Quis*: ut nomen habeat *יוֹמָאֵר* *istam*, *Quis est sicut Deus?* Atque hac analogiâ pie etiam hominibus est impositum, qui illo insigniti leguntur.

XIX. Ad secundum argumentum responderetur. Non minus crea- XIX. *Eaque* tum aliquem Angelum Archangelum dici posse, quam Beelzebul di- princeps bonorum Angelorum esse; ac Beelzebul malorum. citur ἀρχὸν τῶν δαιμονίων. Mat. xii: 24. Et sane qui nunc malorum princeps est, eundem eorum principem fuisse quando adhuc boni erant, vero valde est consentaneum. Cur enim credamus malitia eum sua maiorem in focios auctoritatem potestatemque esse nactum?

XX. Ad tertium. Revera boni Angeli Christi Angeli sunt; eique XX. *Cui etiam sui Angeli attribuantur, non minus quam Draconi.* subjecti, uti summo Domino. Michaeli autem subjecti esse possent uti Principi, quem Filius Dei iis præfecit. Nam & Draconi sui adnumerantur Angeli. Atque eo ipso Apocalypsios Cap. xii. Christum a Michael e distinguere videas. Repræsentatur enim Christus sub emblemate filii masculi, recens ex muliere nati, quem dum devorare conatur Draco, opponit se ei Michael pro Christo pugnaturus.

XXI. Ad quartum hæc dicuntur. Licet Christus sit jure summus XXI. *Qua denique iam princeps populi Israël sit, testis, quam Diabolus princeps hujus mundi.* & absolutus populi Judaici princeps, id non impedit, quominus & alius sub Christo princeps sit, qui ad ipsius nutum omnia dirigat. Nam & principatus nomina Angelis generatim attribuuntur Eph. i: 21. Col. i: 16. Et Michaeli alii principes primarii junguntur. Dan. x: 13. Denique quid obstat, cur non bonorum Angelorum princeps, princeps unius populi, Israëliti nimirum, censeatur; quum Diabolus dicatur Princeps hujus mundi? Joh. xiv: 30. & κοσμοκράτωρ. Eph. vi: 12. imo Deus hujus seculi. 2. Cor. iv: 4. Illi certe hoc argumento niti aut uti non posse videntur, qui prolixè cæteroqui disputant Ecclesiam Veteris Testamenti Angelis fuisse subjectam.

XXII. Ad quintum. Apud Zachariam Cap. i 11: 2. neque Michaelis, neque Archangeli nomen exstare; nihil itaque inde inferri posse, nisi exstare Angelum Jehovæ, qui & ipse Jehova sit. Hoc autem Orthodoxis extra controversiam est: quæritur duntaxat, an Michael sit iste Angelus Jehova. Id vero neque ex Zacharia probari potest, ob rationem modo dictam: neque ex collatione Judæ cum Zacharia. Non enim adeo certum, Judam ad eum Zachariæ locum respexisse: *le.*

quandoquidem de re agitur diversissima. Nec locutio prorsus est eadem. In eo conveniunt, quod & Angelus Jehova, & Michael dixisse narrantur, *Incipet te Dominus*. Et sane utrumque illud dignum utroque est. Filium Dei decet sententiam ferre in nomine Patris: & Michaellem in nomine Dei judicis. At de Michaelle scribit Judas, *non ausum fuisse* maledictum ingerere Diabolo. Quod de Angelo Jehova nequaquam scribit Zacharias. Et sane, quomodocunque explices, durum dictum est, Filium Dei non audere maledicere Diabolo. Quum enim toties maledixerit, & vix denunciaverit atque intentaverit hominibus nequam, qui Diaboli semen sunt: quidni ipsi Diabolo, cunctorum hostium suorum principi? Quamvis etiam æconomice Christum consideres, eam quoque *χρῆσις* constitutus a Deo diaboli iudex est: quænam itaque in eo est *τόλμα*, si pro officii sui ratione agat?

XXIII.

Hebræorum
commenta-
tiones de
Metatron
Cabbalisti-
ca sunt.

XXIII. Ad *sextum* reponi potest. Neminem esse mortalium qui antiqua ista Hebræorum dictata pro sufficienti argumento venditare velit. Quæ de Michaelle & Metatron Rabbini nonnulli garriunt, pluribus invitis, ea Cabbalisticas ut plurimum nugas esse: quibus id unum insit fani, quod Angelus aliquis prædicetur, qui supernus Pontifex sit, & per quem accessus nobis paretur ad Patrem. Cujus momentosæ ac fundamentalis veritatis reliquias læti in Hebræorum libris legimus. Et sic sese vim intortarum sibi rationum satis elisisse viri docti arbitrantur.

XXIV.

Tuba Ar-
changelī
notare po-
test tubam
Christi,
qua se An-
gelorum
demonstret
Dominum.

XXIV. Cæterum nec adversæ sententiæ patroni, qui Michaellem & Christum pro eodem habent, ad primum conflictum victas facile manus dant: se quoque instructos umbone rati, quo immissa retudant spicula. Non enim deesse sibi quod contra argutantibus reponant. Postulat itaque æquitas, ut quæ dicunt ordine singula expediantur. Ad *primum* argumentum observat Cloppenburgius, loco citato, §. 23. minime liquidum esse, quod 1. Thess. IV: 16. Archangelus a Christo Domino & Judice distinguatur: possumus enim dicere, simile hic esse schema dictionis, 1. Sam. I: 1: 21. *quoniam manifestaverat se Jehova Samueli in Siloh, in verbo Jehova*. Ut, quemadmodum illic exponendum est, *in verbo Jehova, in verbo suo*: similiter & hic celeusma, & vox Archangeli, nec non Dei tuba, intelligatur celeusma, & vox ac tuba ipsius Christi Domini, qua in glorioso illo adventu suo se demonstrabit Archangelum & Deum. Eleganter, ut solet, *Vogelsangius: Exerc. Theol. p. 623. Tantum singulari numero Archangelum legimus. Qui Christus est, Salvator. Qui & venturus aliquando dicitur cum celeusmate atque voce Archangeli, hoc est tali cum voce, qua sese demonstrabit principem Angelorum, quaque pro auctoritate omnes*

omnes illos adesse jubebit; tanquam satellites. Ne quis creatum Angelum, quasi aneatores Christi, & anteambulonem forte imaginetur. In eundem sensum Coccejus, aliique.

XXV. Ad secundum. Idem qui dicitur *Angelus Interpres*, unus ^{XXV.} ex mille, Job. xxxi 11: 23. non est utique in millenorum istorum or- ^{Unus aut} dinem cogendus, sed omnibus immensum quantum potior. Unus ^{primus} principum primorum Dan. x: 13. est primus principum, maximus in- ^{principum} ter principes, ἡ κεφαλὴ πάσης ἀρχῆς. Col. 11: 10. Idem qui Dan. ^{primario-} Cap. ^{rum non est} vii 1: 25. vocatur *princeps principum*. Non ejusdem cum cæteris or- ^{redigendus} dinis, sed in πᾶσι πρωτεύων. Col. 1: 18. ^{in eorum}

XXVI. Ad tertium. Dan. x: 21. non queritur Gabriel de diffi- ^{XXVI.} cultate operis postquam adiutorem nactus est Michael; sed eo uno ^{Gabriel} adjutore contentus, certam sibi pollicetur victoriam. Neque ullus ^{uno Mi-} creatus Angelus habet vim & jus ad eripiendum Diabolo principatum ^{chaele ad-} mundi, atque ita rescindendum sententiam legis addicentis peccato ^{jussore con-} & seductori regnum in omnes homines. Sic Coccejus. ^{sentius fuit.}

XXVII. Ad quartum. Dan. x: 13. Michael non distinguitur a ^{XXVII.} Christo, sed a Gabriele. Non est diffidendum, Christum esse qui de- ^{Michael} scribitur vers. 5, 6. Cæterum is qui Daniele tetigit, compellavit, ^{non distin-} informavit, distinctus est ab eo qui in antecedentibus laudatur; & ^{guisur a} probabile est, fuisse Gabrielem. Cui eadem ista tribuuntur Dan. ^{Christo, sed} vii 1: 18. & ix: 21. Et sane forma tangens Daniele, fuit ^{a Gabriele.} *instar filiorum hominis*, vers. 16. distincta ab augustiori forma illius qui ex adverso Danielis stabat. Denique verba ipsa vers. 13. non conveniunt Filio Dei. Non est Christi dicere, *Michael venit ad juvandum me*; ego relictus sum apud Reges Persia.

XXVIII. Ad quintum. Pridem a viris Græcæ linguæ peritissimis ^{XXVIII.} observatum est, quod *τολμᾶν* non solum sit *audere*, sed & *κατερεῖν* οὐκ ἐτόλμα *sustinere*: ut in Euripide: *τολμᾷ μὴθίναί*, *sustineo dimittere*. Et Plato: *μὴσ ποιεῖν* ^{re potest,} *de Republ.* *τολμᾷσι ἀπέχεσθαι*, *sustineat abstinere*. Sic & Rom. v: 7. ^{non duxit} *τολμᾷ ἀποθανεῖν*, *sustineat mori*. & xv: 18. *ὃ γὰρ τολμᾷσιν λαλεῖν*, non enim ^{consultum.} *sustinuerim loqui*. Ita & Christus hoc loco, a Diabolo ἀντιλεγόμενος, imo λειδορούμενος, ipse ἀντιλειδορεῖν, & ἀντιβλασφημεῖν οὐκ ἐτόλμασεν, id est, non *sustinuit*, non *animum induxit*. Non quod ulla vel Diaboli reverentia abstergeretur, vel compesceretur metu legum; sed quod ipse se comprimeret, nobis mansuetudinis ac patientiæ exemplum præbiturus. Latini quoque dicunt *audeo pro valo*, ut in illo, *fac sodes*, id est si audes.

XXIX. Denique multi exstant eruditi Interpretes, qui aliquan- ^{XXIX.} do per Michaelem Christum, aliquando creatum aliquem Angelum ^{Sunt qui} prin- ^{putant per}

108 EXERCITATIO IV.

Michaelem, principem designari arbitrantur : uti nomen Messias & Sauli & Cyro
aliquando & Domino nostro ; nomen Josuæ & filio Nuni , & filio Jozedeci,
Christum, & filio Dei ac Mariæ , diversissimo significato attribuitur. Diversi-
aliquando tatem autem hanc dignoscendam existimant ex diversis prædicatis.
creatum Hoc nixi fundamento , nomen Michaelis Christo adscribunt Apoc. xii.
Angelum Creato Angelo Dan. x : 13, 21. Jud. vers. 9. 1. Thess. iv : 16. Vide
designari. Belgas ad loca allegata.

XXX. Meam si quis sententiam cognoscere desiderat ; is sic ha-
Επίλογος. beto. Haftenus existimavi & docui , loca omnia quæ de Michaele
 agunt , de Filio Dei , Angelo fœderis , Christo Domino , intelligen-
 da esse. Neque est quod illius me interpretationis pœniteat pigeatve.
 Nam præterquam quod præstantissimos secutus sum auctores ; ratio-
 nes pro ista parte , non quidem singulæ , at cunctæ tamen & in cu-
 mulo sumtæ , potiores mihi visæ sunt. Non tamen ita , ut putem
 eam sententiam nimis asseveranter & dictatorie esse urgendam ; quum
 & aliquid reponi rationibus illis queat : & adversæ sua non destituan-
 tur probabilitate. In talibus quæstionibus magis mihi placet hæsi-
 tantis ingenii modestia , quam considerata determinandi pervicacia.

EXERCITATIO V.

AD

GALAT. IV. 21-26.

DE

MONTE AGAR.

BREVIARIUM.

*I. Exercitationis occasio , & institutum. II. Thema quod explicandum
 est. III. Suis , tam in verbis , quam in re ipsa , laborans difficultati-
 bus. IV. Octo difficultates in verbis. V. Discussio difficultatis PRIMÆ.
 VI. SECUNDÆ. VII. TERTIÆ. VIII. QUARTÆ. An Sina , vel
 alius aliquis Arabia mons , Agar dictus sit. IX. Non est solide a viris
 erudi-*

eruditissimis probatum. X. Sunt qui expungant illud, τὸ γὰρ Ἀγὰρ. XI. Bentleji conjectura. XII. Confutata. XIII. Agar Sina dici potest, ob significationis convenientiam. XIV. Nova viri docti observatio. XV. Altera nova. XVI. QUINTÆ difficultatis solutio. XVII. SEXTÆ. XIX. SEPTIMÆ. XX. OCTAVÆ. XXI. Difficultates in rebus ipsis. XXII. Perperam allegoriæ huic negatur vis argumenti. XXIII. Quæ non tam ab Apostolica auctoritate arcessenda est. XXIV. Quam ex rei evidentia. XXV. Duo fœdera non sunt hic fœdus Operum & Gratia. XXVI. Sed fœdus Sinaiticum Legale, & fœdus pure Evangelicum. XXVII. XXVIII. XXIX. XXX. Concinna typorum cum antitypis convenientia. XXXI. Conclusio.



Inter δυνόντα, quæ in Paulinis Epistolis Petrus laudavit, haud postremum sane locum ista tenet pericopa quam explanandam mihi sumsi. Quippe quæ ab ipsis propemodum Ecclesiæ Christianæ incunabulis, uti præstantissimorum Interpretum solertiam vexavit, ita & varie ab iis vexata est. Novis autem curis occasionem dedit recens observatio doctissimi viri, RICHARDI BENTLEJI, qui in Epistola ad Joannem Millium, excusa ad calcem *Historiæ Chronicæ Joannis Malalæ*, animum induxit suum, non quidem Pauli Scripturam, sed eam quæ nunc exstat, imperitorum hominum audacia, uti caussatur, insigniter corruptam, obeliscis aliquot configere, & variarum vocum ac constructionum mutatione non temnenda, pristinae, uti autumat, integritati restituere. Ego vero ita commentationem hanc comparabo, ut servatis quæ nunc exstant verbis, eorumque ordine, difficultates omnes, pro mea copia, si non expedire, de quo despero, saltem aliquanto minores reddere annuntiar.

II. Ante omnia igitur necessarium erit ut ipsam Pauli ῥῆσιν legentium oculis subjiciam, addita, in juvenum nostrorum gratiam, Latina Theodori Bezae versione. Sic ergo Paulus GAL. IV: 21-26.

21. Λέγετέ μοι οἱ ὑπὸ νόμον ὄντες εἶναι, τὸν νόμον ἐκ ἀκούετε;

21. Dicite mihi qui sub lege vultis esse, legem non audistis?

22. Γέγραπται γὰρ, ὅτι Ἀβραάμ δύο υἱὲς ἔχεν, ἓνα ἐκ τῆς παιδίσκης, καὶ ἓνα ἐκ τῆς ἐλευθέρου.

22. Scriptum est enim Abrahamum duos filios habuisse; unum ex ancilla, & unum ex libera.

I IO E X E R C I T A T I O III.

23. Ἄλλ' ὁ μὲν ἐκ τῆς παιδ-
σκυς, κατὰ σάρκα γεγέννηται ὁ δὲ
ἐκ τῆς ἐλευθέρης, διὰ τῆς ἐπαγ-
γελίας.

24. Ἀτινά ἐσιν ἀλληγορούμενα. αὖ-
ται γάρ εἰσιν αἱ δύο διαθήκαι.
μία μὲν ἀπὸ ὄρους Σινᾶ, εἰς
δουλείαν γεννώσα, ἥτις ἐσὶν
Ἀγαρ.

25. Τὸ γὰρ Ἀγαρ, Σινᾶ ὄρος ἐσὶν
ἐν τῇ Ἀραβίᾳ· συστοιχεῖ δὲ τῇ
νῦν Ἱερουσαλὴμ, δουλεύει δὲ μετὰ
τῶν τέκνων αὐτῆς.

26. Ἡ δὲ ἀνω Ἱερουσαλὴμ, ἐλευ-
θέρη ἐσὶν, ἥτις ἐστὶ μήτηρ πάν-
των ἡμῶν.

23. Sed is qui ex ancilla natus
est, secundum carnem natus est; qui
vero ex libera, per promissionem.

24. Per quæ aliud figuratur.
Nam hæ sunt duo illa fœdera:
unum quidem quæ est Agar ex
monte Sina, generans prolem
ad servitutem.

25. Illud enim Agar, est Sina
mons in Arabia: eadem au-
tem serie respondet ei Hieroso-
lymæ quæ nunc est: servitque
cum filiis suis.

26. Illa vero quæ sursum est Hie-
rusalem, libera est, quæ est
mater omnium nostrum.

III. *Sim-
tam in ver-
bis, quam
in re ipsa,
laborans
difficultati-
bus.*

III. Fieri vix potest, quin attento, vel certe scrupuloso, lecto-
ri variæ subnascantur difficultates, quarum aliæ fortassis exiguæ,
nec multo labore superabiles, aliæ gravioris momenti, videri possint:
aliæ in verbis latent, aliæ in mente divini scriptoris indaganda. Mihi
nullas, quæ quidem animo occurrunt, dissimulare certum est: quo
uberior diligentiae meæ, & si qua est, industriæ, materia suppetat.

IV. *Offo
difficultates
in verbis.*

IV. In verbis occurrunt ista. I. Quod commate 21. in posteriore
coli parte Apostolus LEGIS vocabulo abuti videatur, eo nomine intel-
ligens historiam cum allegorica sua interpretatione: quam anquiri me-
retur, an valide opponat iis qui Legis, proprie & stricte sic dictæ, τὸ
ῥητὸν, pro sua allegabant sententia. II. Si commate 24. versionem Be-
za sequamur, quomodo Agar est EX MONTE SINA, quum constet
eam fuisse Ægyptiam? Commodene ex monte Sina esse dicitur, quia
ipsa cum Ismaele & nepotibus suis in Arabia habitavit? quod obtendit Be-
za. Vel si legamus, ut Græca suadere videntur, prius fœdus esse
ex monte Sina, an concinne de isthoc fœdere dicitur, ἥτις ἐσὶν Ἀγαρ;
QUOD EST AGAR? Hoc mihi, inquit Beza, videtur violentum. Sic
enim cogimur exponere EST, non pro significat, sed pro significatur. Dein-
de commodius dicitur Agar gignere filios, quam ipsum fœdus, quod adum-
bratur per Agar: ut fœdus potius seminis, quam matris rationem in hac
anagoge sustineat. III. Quum hactenus de Agare feminino genere lo-
cutus sit, cur repente filium vertit comm. 25. dicitque τὰ Ἀγαρ? IV.

Qua

Qua subita μεταμορφώσει ancillam Abrahami, matremque Ismaelis, transformat in MONTEM, & nominatim in MONTEM SINA? AN SINA, vel alius aliquis in Arabia mons ei vicinus, dictus fuit AGAR, nomine tam noto, ut supponi id, tanquam indubitatae veritatis, ab Apostolo debuerit? V. Quomodo mons Sina συτοιχεί, EADEM SERIE RESPONDET, Hierosolyma terrestri, a qua longo terrarum tractu sejunctus est? VI. Quid notant ἡ νῦν Ἱερουσαλήμ, QUÆ NUNC EST JERUSALEM, & ἡ ἀνω Ἱερουσαλήμ, JERUSALEM QUÆ SURSUM EST? VII. An justa ista oppositio est? quum hoc sit adverbium loci, illud temporis; locus autem loco, aut tempus temporis opponi debuisset videatur. VIII. An tota Pauli ratiocinatio satis methodice procedit? An non versus 26. accurate deberet complecti ea omnia quæ sunt ἀντίστοιχα, ex adverso respondentia iis quatuor quæ versu 24. & 25. memorata sunt? Memoraverat ibi unum sive primum fœdus, montem Sina, Agarem, Hierosolymam quæ nunc est: annon hic quoque distincte memorari oportuit, alterum fœdus, mons Sion, Sara, & Hierosolyma quæ sursum est? Hac ferme, aut simili ratione: Alterum vero, quod est a monte Sion, ad libertatem generans, quod est Sara, & respondet Hierosolyma quæ sursum est, quæ est mater omnium nostrum. Atque hæc sunt difficultates quas in verbis observavi: quibus expeditis in re ipsa pauciores esse deprehenduntur. An autem, & quo potissimum modo, expediri queant, ordine experiamur.

V. Initium faciamus a PRIMA. Adeo necesse non est in oratione eodem semper vocabulo eadem significatione uti, ut pars oratoriae elegantiae sit significationem acute variare. Eam locutionis figuram Antanaclasin dicunt Rhetores: quæ & ipsi Apostolo nostro in deliciis fuisse videtur; eâ quippe frequenter uso. Pro exemplis sint hæc paucula. 2. Cor. v: 21. Fecit ut qui non novit peccatum, peccatum pro nobis esset; ubi peccatum prima coli parte delictum & crimen notat, altera sacrificium pro peccato. Gal. iii: 13. Christus redemit nos ab execratione Legis, factus pro nobis execratio. Ubi execratio priori loco significat statum illum miserrimum in quo sunt peccatores virtute comminationum legalium, posteriori personam quæ velut sponsor, vel veluti victima succidanea, execrationem aliis debitam sponte in se suscepit. Chrysostomus & aliam antanaclasin in eodem hoc Pauli dicto observat. Distinguit enim inter eam execrationem quam transgressoribus intentat Lex, & eam de qua scriptum est, Execrabilis qui pendet in ligno: hanc sustinuisse Christum, ut ab illa nos liberaret. Ἐπεὶ ἂν καὶ ὁ κριμώμενος ἐπὶ ξύλῳ ἐπικατάρατος, καὶ ὁ τὸν νόμον παρακαλῶν ἐπικατάρατος, μέλλοντα δὲ ἐκείνην λύειν κατάραν ὑπεύθυνον ἐκ ἰδὲς γενέσθαι αὐτῆς, οὗ δὲ ἀφεῖσθαι κατάραν αὐτῆς ἐκείνης, τοιαύτην ὡς ἔατο καὶ δι' αὐτῆς ἐκείνην ἔλυσε. Mitto id genus alia. Hoc

V. Discussio difficultatis PRIMAE.

Hoc unum præterire non possum, quod in ipsa voce *Legis* alibi quoque eadem variatæ significationis elegantia utatur. Rom. 111 : 21. *Nunc vero absque LEGE justitia Dei manifestata est, comprobata testimonio LEGIS ac Prophetarum.* Sine *Lege*, id est non ex tali dicto Dei quod præscribit homini officii alicujus præstationem, uti conditionem vitæ æternæ. *Testimonio Legis*, id est, doctrinæ in libris Moïsis, qui *Lex* dicuntur, comprehensæ. Similiter in hac ipsa ad Galatas epistola Cap. 11 : 19. *Ego enim per LEGEM LEGI mortuus sum.* Hoc est, per promissiones illas quæ de Messia agunt, & spem faciunt meliorum temporum, quas ipse Legislator Moïses suis tradit voluminibus, edoctus sum, & convictus, non teneri me amplius obligatione Legis ceremonialis, aut alterius ullius, ut in ejus observantia justitiam & vitam quæram. Iterum hic loquatur *Chrysostomus*. Τετίστιν, αὐτός με ὁ νόμος ἐνήγαγεν εἰς τὸ μὲν πρὸς εἶναι αὐτῷ. εἰ τοίνυν μέλλοιμι αὐτῷ πρὸς εἶναι, καὶ αὐτὸν παρακαλῶ. Πῶς καὶ τίνι τρόπῳ; Μωϋσῆος φησι, προφήτην ὑμῶν ἀναστήσει Κύριος ὁ Θεός ἐκ τῶν ἀδελφῶν ὑμῶν, ὡς ἐγώ, αὐτῷ ἀκούσειτε, περὶ τοῦ Χριστοῦ λέγων· ὅστις οὐ μὴ τούτῳ πειθόμενοι παρακαλῶσι τὸν νόμον. Suetonio itaque sibi more agit Paulus nihil istâ quidem dictionis figura ab oratoria recedens elegantia, quando hoc quoque loco *Legis* vocabulum diversa notione adhibet. *Qui sub Lege esse vultis*, qui tam sponte Legis jugum subitis, ut in ea partem saltem justitiæ vestræ quæretis, Legem non auditis? non attenditis ad ea quæ alibi in Legis volumine existant, quæque ad Legislatoris mentem rite percipiendam valde conducunt? Fallebantur sane, & fallebant illi, qui in hac controversia τὸ ῥητόν Legis obtendebant. Paulus τὴν διάνοιαν Legislatoris, ex collatione Scripturarum, sapientissime enucleavit. Legem autem vocat, non suam allegoricam expositionem, sed historiam Mosaicam, quæ allegoriæ dedit occasionem. Porro quam conveniens, sapiens, firma, allegorica historiæ Mosaicæ tractatio sit, in difficultatum realium enodatione examinabimus.

VI. SE-
CUNDA.

VI. ALTERAM nunc difficultatem discutiamus. Non impetrat assensum meum *Beza*, ita Pauli verba transponens comm. 24. quasi diceret, *Agarem esse ex monte Sina, & generare prolem ad servitutem*: quum palam id dicatur de priori fœdere, sive testamento, quod in monte Sina publicatum est. Neque quas objicit *Beza* rationes ullius videntur esse valoris. Nam ut a priorie ordiar, velim doceri quidni concinne dicatur *Vetus Testamentum est Agar*? Quid obstat quo minus verbum *Est* pro rei exigentia diversa significatione veniat? & nunc notet *significat*, nunc *significatur*? Bene ὁ κριτικός Grotius: *hic contra rei significatæ nomen dat rei significantis. Sensus enim est, per Agar significari fœdus in Sina factum.* Nec sine exemplo est, ut verbum *Est* tan-

tandem valeat ac significatur. Sic enim Christus Joh. vi : 41. *Ego sum panis ille qui e cælo descendit.* Quod perinde est ac si dixisset, *Ego sum Manna*, id est, ego præsignificatus sum per manna in deserto, de quo scriptum est, *Panem e cælo dedit eis quem ederent.* Confer. comm. 31. Porro quid frequentius est, quam ut res significata nomine rei significantis veniat? Quoties Christus dicitur *David*; *Johannes*, *Elias*; *Cælum*, *Paradisus*; *Ecclesia* Novi Testamenti, *Jerusalem*, vel *Templum*; *Gratia Christi*, *Arbor vitæ*, & *Manna absconditum*; & quæ id genus sunt innumera. Cur itaque violentum censebitur, si prius testamentum dicatur Agar? Hæc enim alternantur: si Agar est testamentum prius, testamentum prius quoque est Agar. Alteram *Bezæ* rationem quod attinet; nihil in eo duri deprehendo, quod *foedus* dicatur *gignere*. Cum enim *foedus matri* compareretur; qua in re simile matri erit, demtâ *generatione*? *Calvinus* quidem observavit, durum esse ut in neutro genere *testamentum* vocetur mater: ideoque maluit transferre per *passionem*, ne perderetur gratia similitudinis. Sed hoc propemodum nihil est. Certe non nisi Romanas aures offenderet. Paulus vero Græce scribens, foeminino genere dixit, *διαθήκη γεννώσα*. Porro quæ sequuntur apud *Calvinum* optima sunt. *Jam*, inquit, *Apostolus rem ipsam proponit, quod sicut in domo Abrahamæ duæ matres; ita etiam in Ecclesia Dei. Doctrina enim mater est, ex qua nos Deus generat: ea est duplex, Legalis & Evangelica. Legalis in servitutem generat: est similis Agar, &c.*

VII. TERTIA difficultas pertenuis, prorsusque, si in se sola VII. spectetur, Grammatica est; eamque, nisi majora subessent, unicâ & TERTIA. brevicula observatione tollere possemus, cum *Heinsio*, haud obesæ profecto naris Critico, dicentes: τὸ τεχνικῶς sumitur, quomodo, qui glossas, hoc est, peregrinas interpretantur voces, uti eo solent. Tò enim Agar sic interpretatur, quod est mons Arabia, ac peregrinus. Hæc *Heinsius*; qui quum Agar ʿגר peregrinam interpretatur, supponit esse nomen Hebraicum, derivandum a radice ʿגן, quæ peregrinari notat. At vera hujus qualiscunque difficultatis solutio dependet a sequentibus.

VIII. Id enim porro inquirendum, quomodo AGAR tam subito VIII. in MONTEM mutetur, & montem quidem SINA. Hic sudat quidquid QUARTA. est Interpretum. Nonnulli magna sibi sumunt fiducia montem Sina A- An Sina, rabibus dictum fuisse Agar. In ea opinione fuit *Chrysostomus*: Ἀγὰρ vel alius ἐλέγετο ἡ δόλη. Τὸ δὲ Σινᾶ ὅρθ' ἔτω μεθερμηνεύεται τῇ περὶ τοῦ αὐτῶν γλώττῃ ὡς ἡ Arabia τὸς ἐκ τῆς παλαιᾶς τικτομένους πάσαις ἀνάγκη δόλους εἶναι. *Grotius* annotat: mons, Agar Mons Sina, ubi factum est illud foedus, vocatur Agar κατὰ συνειδόχην nempe, dictus sit. quia ibi & opidum Agra *Plinio*, Agara *Dioni* in rebus *Trajani*; gens ipsa Ἀγαρῶναι, & *Chaldaei* ʿגר. Aliquanto propius accedere videtur Lu-

dovicus Cappellus : qui , forte , inquit , in his verbis Apostolus allusit ad ipsum vocis Agar sonum , quasi Agar idem esset quod Arabice חַגָר sive חַגְרַת , quod illis significat petram , sive lapidem . Unde etiam Petra , Arabia Petraea metropolis , dicitur Arabice חַגְרַת . Post pauca sic pergit : Quandoquidem ergo Arabice חַגָר petram significat , jam vero petra & mons idem ferme sunt , quasi Ἀγὰρ esset quod Arabicum חַגָר , videtur Paulus , alludendo ad duarum illarum vocum soni affinitatem , dixisse , Τὸ Ἀγὰρ ὅτι ἰσὶν ἐν Ἀγαθῇ . Non multum a Cappello abludit Bochartus Phalegi Lib. IV. Cap. XXVII. Arabia Petraea non dicitur a Pathros , sed a metropoli Petra , cuius Hebraeum nomen סֶלָה Sela . 2. Reg. XIV : 7. & Jer. XVI : 1. & Arabicum חַגָר Hagar Geographo Nubiensi Clim. III. parte V. Hebraeis סֶלָה , & Arabibus חַגָר , id ipsum sunt quod Graecis πέτρα . Atque hoc nomen urbi inditum , quia illi imminent saxosi montes , de quibus ita Geographus Arabs : Agar distat a torrente Kora (Cory fluvio Herodoti) statione una , estque arx pulcre sita inter montes , in quibus commorabatur filia Tamud , suntque ibi domus excisa in Petra . Hæc quum scripsisset vir , ipsa fatente invidia , gentis ac seculi sui decus , subiungit : Hos montes Arabica voce Ἀγὰρ , id est Petram , appellat Paulus , Galat. IV : 25. tanquam urbi cognomines . Golius etiam , in voce חַגָר , monet , nomen hoc esse primariæ urbis in Babrein , provincia Arabia .

IX. Non est
solide a vi-
ris erudi-
tissimis
probatum.

IX. Equidem inficias neutiquam ivero , eruditissime hæc a maximis viris esse observata ; attamen an ad hanc rem valde faciant , vehementer dubito . Quæcunque enim tanta diligentia collegerunt viri doctissimi , non conficiunt tamen , nisi oppidum aliquod extitisse in Arabia , cui nomen Agar . Nullo modo conficiunt , montem aliquem eo nomine fuisse : neque enim oppidum Agar in monte structum fuit , sed situm inter montes , ad torrentem , & sic dictum , quod saxosi montes illi imminerent , uti modo ex Geographo Nubiensi & Bocharto didicimus . Quod autem addunt viri magni , ab oppido , κατὰ οὐρανὸν δεικνύειν , denominatos esse omnes in vicinia montes , id de suo addunt ; nullo , quod vidi , veterum adducto testimonio . At liberales sumus , plenaque largiamur manu , fuisse non unum aliquem , sed plures in Arabia montes , qui dicebantur Agar ; quid hoc ad montem Sina ? Num idcirco Paulo licuit dicere , Ἀγὰρ esse Sina ? quod neque Divini fœderis tabulæ , neque veterum quorumcunque testantur monumenta . Hæc sine dubio Coccejum moverunt , ut memoratis iis quæ modo ex Grotio , Golio , Bocharto laudavimus , sic concluderet : De quibus rebus quum nobis parum constet , sufficit , Apostolum hic innuere , Israëlitas stantes ad montem Sina , ut ibi acciperent Legem , in deserto , & non prius in terram introductos , habitos esse ut incolas illius loci , in quo acceperint

vint Legem : qui Arabes sunt , Ismaëlis posterī , adhuc matrem suam profi-
rentes. Verum esto , voluerit id Apostolus : an idcirco dicendum ei
fuit , Agar est Sina ?

X. Tanti difficultas ea quibusdam æstimata est , ut textum Græ-^{X. Sum-}
cum sollicitaverint. Zegerus non dubitat scribere : præstaret , ne di-^{qui expun-}
cam deberet , illud Agar abesse. Cornelius a Lapide hinc argumentum ^{gant illud,}
pro Vulgata sua Versione supra editionem Græcam conficit. Caussa-^{τὸ γὰρ}
tus orationem , uti se ibi habet , hiulcam & distortam esse , subdit : ^{Ἀγάρ.} vi-
dentur ergo Græca hic , uti & alibi , esse corrupta , legendumque , ut no-
ster legit , (Sina enim mons est in Arabia , omīssa voce Agar) uti &
Beza fatetur : hæc enim lectio plana est , vera , & certa. Ita a Lapide.
Beza autem mens ex posterioribus ejus curis optime cognoscetur. Ve-
tus , inquit , Interpres , expuncto Agaris nomine , legit , Sina enim mons
est , &c. ut citat etiam hunc locum Augustinus , Libro de utilitate creden-
di , Cap. 11. & Origenes in Cantic. Cantic. Homil. 11. & certe non videtur
necessaria repetitio nominis Agaris , quæ etiam superiore versu non dicitur
esse Sina , sed vetus illa pæctio , quæ ex Sina monte , ubi sancita fuit , ser-
vos liberos gignat. Nolui tamen receptam Græcam lectionem immutare :
quod , in priore editione a me factum , video quibusdam , etiam ex iis qui
alioqui veterem Latinam editionem ipsi Græco contextui anteponunt , displi-
cuisse.

XI. Aliam ingressus viam haud paullo ulterius sibi procedendum XI. Bene-
ratus est RICHARDUS BENTLEJUS , vir Græcanicæ eruditionis calli-^{leji conje-}
dissimus , laudata initio hujus diatribes Epistola ad Joannem Millium , ^{ctura.}
circa finem , p. 97. Labet illi retinere vocem Ἀγάρ , sed ea lege , ut
integram istam pericopam Σινᾶ ὅρῳ ἔστιν ἐν Ἀραβίᾳ , expungat. Scili-
cet conjectat , e regione verbi Σινᾶ adnotasse olim quempiam enarra-
tionis caussa , Σινᾶ ὅρῳ ἔστιν ἐν τῇ Ἀραβίᾳ , Sina iste , quem memorat Apo-
stolus , mons Arabiæ est ; ea vero verba , non multo post , ut sæpe usu
venit , de libri margine in orationem ipsam irrepsisse : nam Apostoli
quidem ea non esse , sed παρεμβλημένα , ex ipso statim vultu & colore ,
totiusque adeo corporis filo , cognosci posse. Idcirco paratum se esse
pronunciat ἐκεῖθεν hunc locum ; nisi secus amico suo videatur. At ,
qua est ingenuitate , ipse fatetur , ut vera sit ista , sive opinio , sive
suspicio sua , necesse esse illud ὅ , quod vocem συστοχῆ proxime sub-
sequitur , pro supervacaneo auferri. Atque hic admodum sibi gratu-
latur , quod quatuor ad minimum MSS. libros compererit conjunctio-
nem istam non agnoscere. Ex hoc , quamvis pertenui , indicio assur-
git animus ad magnificam istam plenamque fiduciæ orationem : Quis
dubitet , quin melior multo & apertior fiat sententia , si auctoritate manu-

scriptorum expungatur ὅ, tum autem Σινᾶ ὅρϑ' ἐστὶν ἐν τῇ Ἀραβίᾳ de medio discedant; & totus deinde locus sic legatur, Ἀλινά ἐστιν ἀλληγορούμενα. αἱται γὰρ εἰσιν αἱ δύο Διαθήκαι, μία μὲν ἀπὸ ὅρας Σινᾶ, εἰς δουλείαν γεννῶσα, ἡ ἑτέρα ἐστὶν Ἁγὰρ. Τὸ δὲ Ἁγὰρ συστοιχεῖ τῇ νῦν Ἱερουσαλὴμ. δουλεύει γὰρ μετὰ τῶν τέκνων αὐτῆς. Ita γὰρ & ὅ. locum inter se permutare jubet, fide, ut ait, MS. Alexandrini, & aliorum. Postquam vero prospere hæc ipsi conjectura processit, & mons iste Arabiæ omnibus istis machinis loco motus est, majorem sibi sumit conjectandi fiduciam: & quia verba textus post eam correctionem necdum satis leniter fluere videntur, facile animum induxit suum, ut crederet hoc modo scripsisse S. Paulum: Τῇ δὲ Ἁγὰρ συστοιχεῖ ἡ νῦν Ἱερουσαλὴμ, δουλεύει γὰρ μετὰ τῶν τέκνων αὐτῆς. Ἡ δὲ ἁγία, &c. Agari autem responderet Jerusalem quæ nunc est: servit enim cum liberis suis. Quæ vero supra est Jerusalem libera est, &c. postea vero adulterina ista sese insinuassee hoc exemplo, τῇ δὲ Ἁγὰρ Σινᾶ ὅρϑ' ἐστὶν ἐν τῇ Ἀραβίᾳ συστοιχεῖ ἡ νῦν Ἱερουσαλὴμ. Quum autem hæc oratio inmanifestum solæcismum cadat, simile vero esse putat, ne dicam necessarium, verba ista τῇ & ἡ ita brevi immutata esse, quemadmodum hodie vulgo feruntur. Hæc Benilejus.

XII. Confutata.

XII. Ceterum nihil horum est, quod animo satisfaciat meo. Non enim a me impetro ut expungi sinam τὰ Ἁγὰρ, contra plerorumque & optimorum codicum Græcorum, contra Patrum ejusdem linguæ Paulinas epistolas interpretantium, contra versionum antiquissimarum, Syriacæ etiam atque Arabicæ, consensum. Dignam autem laude Bezae ingenuitatem cenfeo, qui, quamvis non contemnendam in hujus vocis retentione difficultatem animadverteret, posterioribus tamen curis receptam Græcis lectionem non immutare satius duxit. Quam vero viam insistere clarissimo Bentlejo libuit, ea mihi mirabilis oppido, & ab hominis modesti ingenio perquam aliena visa est. Nimirum nihil est ad tollendas difficultates facilius, quam ipsa illa ex orationis contextu, pro arbitrio & auctoritate, verba effurcellare in quibus difficultas hæret. Nihil mihi unquam in quocunque auctore tam abstrusum erit, quod non promptissime expediam; si liceat eam sermonis partem quæ molestiam faceffit, una cum importuna ista sua molestia, ultra Thulem in Cimmerias tenebras relegare; & quæ in orationis serie exilio isti reclamant, Dictatoria potestate in ordinem redigere. Conjecto, inquit vir longe doctissimus, ista verba, Sina mons est in Arabia, ex margine in textum irrepsisse. Quid porro? Conjecto, istud ὅ, quod verbum συστοιχεῖ sequitur, tollendum esse e medio. Etiamne? Conjecto, Apostolum pro eo quod nunc legitur, τὸ γὰρ Ἁγὰρ συστοιχεῖ τῇ νῦν Ἱερουσαλὴμ, scripsisse τῇ δὲ Ἁγὰρ
συστοι-

εὐσεβοῦς ἢ νῦν Ἱερουσαλήμ. Jamne conjectandi finis est? At pace tua, virorum optime, velim scire, quis tibi tot, talia, tanta, conjectandi fecerit facultatem? Quo auctore, cujus antiquæ versionis, cujus MS. fide, exulare jubes agnitam hætenus ab omnibus, Apostolici sermonis pericopam? A quo, quomodo, quando, margini primum adscripta, mox textui inscripta est? Qui factum, ut in omnibus quotquot hodie nota sunt exemplaribus, in omnibus veterum commentariis, in versionibus omnibus, nullo ante te fraudem subolfaciente, ineptum illud, uti tu credis, assumentum pro purpura Apostolica agnitum sit? Adeone universalem scioli unius imperitia, uniusve librarii incuria, corruptionem, tantillo, quod factum oportuit, tempore, in Divina potuit inducere volumina? Cui hæc persuadebuntur, nisi supra communem Theologorum sortem impense credulo? Mea certe mens de isthoc genere conjecturis non pascitur. De conjunctione ὃ non moveo controversiam. Ad textus enim integritatem nihil pertinet, sive ὃ legatur, quod plerique habent codices, sive γὰρ, quod habent pauciores, sive prorsus desit, ut est in paucissimis. At tuæ illud nostrum ὃ crux conjecturæ est; ideoque ex pauculorum manuscriptorum fide tam magnifice de illius expulsionem triumphas. Cæterum qua tandem auctoritate, qua probabili ratione, reliqua Apostolici sermonis membra, sic uti tibi commodissimum videtur, reconcinnas? eadem propemodum fiducia, ac si Apostolo hæc distanti a manu fuisses. In profanorum tractatione auctorum has Correctoribus leges sanxit Senatus Populusque Criticorum: *Si quis e libris bonis fidesque correxerit, laudi semper esse. Si quis e conjecturis, Lipsii sanctorum* *noxæ. Nisi ea clara, liquida, certa sint. Qui aliter cunque divinatio- tyra Me-* *nibus usus, in eo leges veteres, & edicta de Mathematicis valere: Porcias, nippæ.* *Fabias, Sempronias leges non valere.* Enimvero si tam ridicule a viris cordatis ac seriis audaces illi *Plauti* alicujus, *Ciceronis*, vel *Ovidii* correctores excipiantur, qua non reprehensione digni sunt, qui tantum sibi juris in sacratissima sumunt religionis nostræ oracula? Equidem centies ignorantiam & stuporem meum confiteri mallet, quam ex nescio qua conjectandi audacia receptam ac constantem Divinarum litterarum lectionem temerare.

XIII. Huccine igitur deveniendum denique erit, ut fateamur, XIII. Agar-
verba, prout nunc habent, nulla a viris doctis commoda interpreta-
tione exponi posse? Non putem. Si non vera, at vero proxima, *Sina dici*
eorum mihi sententia videtur, qui hic, ut in antecedenti commate, *potest, ob*
est sumunt pro *significat*. *Agar est Sina mons. h. e. significat Sina mon-* *significatio-*
tem, sive significat idem quod Sina significat, in significatione cum *nis conve-*
nientiam.

Sina convenit. Sic *Heinsius*: *Ac si dicat, vox enim Agar Sinae responderet, qui mons est Arabiae, ac peregrinus. Quæ ut alia extra promissionis terram, ita Judæorum Hierosolymæ responderet, quæ & ipsa legi nunc adhaeret, multum dissimilis celesti illi, cujus filii nos sumus. Tantum abest, ut aut montem Arabiae, aut eandem cum Sina fuisse Agar dicat. Adeo perspicuam interpretationem eam esse Calvinus credidit, ut miratus fuerit non cuivis extemplo in mentem venisse. Nam futilis est, inquit, conjectura Hieronymi, montem Sina binominem fuisse, nec minus puerile Chrysostomi commentum, philosophantis in nominum congruentia. Agar enim Sina esse dicitur, quia typus sit vel figura, quemadmodum Pascha erat Christus. Situm etiam montis per contentum exprimit. In Arabia, inquit, hoc est extra limites terræ sanctæ, quæ symbolum est æternæ hereditatis. Mirum in tam familiari applicatione adeo fuisse erratum. Sed bona magni Interpretis venia, mirum est quod vir sagacissimus non animadverterit ingens esse discrimen inter hanc phrasin, Pascha est Christus; & istam, Agar est Sina: non enim, uti Christus est res significata per Pascha, illi respondens ut corpus umbræ, ad eundem modum mons Sina significatus est per Agar. Sed Sina se ita habet ad Agar, ut Hierosolyma terrestris se habet ad Sina: quæ singula typi & figuræ unius rei sunt, nempe fœderis legalis. Sic ergo Agar est Sina, sicut aquæ diluvii quibus servatus est Noach, & transitus Israëlitarum in nube, & per mare Idumæum, sunt Baptismus. Omnia sunt ἀντίτυπα, in ejusdem rei spiritualis significationem consentientia. 1. Cor. x: 2, 1. Pet. 111: 20, 21. Neque alienum est, quod *persona*, qualis est Agar, & *res*, qualis est mons Sinai, ita inter se comparentur, ut in eandem perhibeantur conspirare mysticam sententiam.*

XIV. Nova viri docti observatio.

XIV. Quod si ne hæc quidem satisfaciunt, quæ pridem observata esse fateor, novi hominem eruditissimum, eundemque candidissimum, addo, & in eo glbrior, mihi amicissimum, qui diverso prorsus tramite ad veram Pauli mentem investigandam procedit. Is illud τὸ γὰρ Ἀγὰρ ita explicat, ut ex commate antegresso repetatur ἀπὸ τοῦ κοινῆ vox ὁρῶ, perinde ac si scriptum esset, τὸ γὰρ ὁρῶ τῆς Ἀγὰρ, mons enim *Agaris*. Prorsus ut Heb. x11: 24. καὶ αἵματι βάπτισμῶν προτίτονα λαλῶντι παρὰ τὸν Ἀβὲλ, ubi saniores Interpretes ultima verba explicant παρὰ τὸν βάπτισμὸν τοῦ Ἀβὲλ, repetendo prius vocabulum ἀπὸ τοῦ κοινῆ, & accipiendo Ἀβὲλ pro genitivo. Porro per montem *Agaris* intelligit montem *Pharan*, ubi Agar, ejecta penitus ex Abrahami tabernaculis, resedit, cum filio suo Ismaële. Gen. xx1: 21. Mons vero iste ab Agare potius quam Ismaële denominatur, quia illa filii sui non matrem modo, sed & dominam egit: quippe quæ filio suo uxorem sumit

sumsit ex Ægypto : unde & factum est , ut Ismaëlis posterī *Agareni* dicti fuerint , ab avia potius quam a patre. Idem ille mons Agaris , Pharan , *est mons Sina* , h. e. eadem significatione typica monti Sina respondet. Nimirum postquam Ismaël ferum se ostendit ab Agaris monte , & ab eodem omnium hominum oppugnatorem , mons ille terrificus evasit omnibus subjectarum vallium incolis ; veraque proinde imago , sive figura montis Sina , qui tantum Judæis incussit terrorem , & cujus contactu sub præsentī capitis pœna interdictum iis fuit. Hæc , & plura in hanc rem alia , prolixè ac judiciose vir doctissimus exsequitur , & ab objectis difficultatibus liberat , in Dissertatione ἀνεκδότης ; cujus mihi , pro summa sua humanitate , fecit copiam : & quam ne publico invidet , majorem ipsum in modum rogo.

XV. Si post tot clarissimorum hominum labores mihi quoque ^{XV. Alce-} meam liceat conferre symbolam , non invitus communicabo quid ^{ra nova.} curate super hisce cogitanti inciderit. Nonne verba , τὸ γὰρ Ἀγὰρ , hunc patiuntur , si non exigunt , sensum ? *Illud enim Agaris est.* Quasi scriptum foret , τὸτο γὰρ τῆς Ἀγὰρ. Quid autem est Agaris ? prolem gignere ad servitutem. Meditemur hic aliquantulum ; & singula primum verba expendamus , tum eorum nexum. Τὸ frequenter usurpari pro τὸτο aut ἐκεῖνο , idemque valere quod hoc vel illud , norunt omnes qui Græce norunt. Juniores discere possunt ex Lexicis , & exempla petere ex *Thesaurō Stephani*. Ἀγὰρ Apostolo nomen indeclinabile est , & consequenter cujusvis , pro rei exigentia , casus. Nihil igitur impedit , quo minus æque pro genitivo ac pro nominativo sumatur. Copula ἔστι in enunciatione sæpe non exprimitur , sed intelligitur. Uti in illo , Καὶ τὰ ὅ ὁμολογῶ. & , Καὶ τὸ ὅ ὁμολογῶ. Porro aliquid alicujus esse dicitur , quod illi proprium est , quod illi competit , aut ad illum quoquo modo pertinet. Quum itaque Agari competat prolem gignere ad servitutem ; quidni dixerit Apostolus , τὸ γὰρ Ἀγὰρ , *hoc enim Agaris est* ? Sic , nisi fallor , liquido ostendī , nihil in verbis ipsis esse , quod istum sensum respuat. Nunc nexum videamus , quem indicat conjunctio causalis γὰρ. Illa docet , aliquid hoc dicto comprobari quod modo erat assertum. Assertum autem erat , Testamentum prius , quod ad servitutem generat , figuratum fuisse per Agarem. Quod qua ratione validius probatur , quam hac , quia Agaris illud est , ad servitutem generare ? Antecedentia ergo ad hanc expositionem non ducere solum , sed & trahere videntur. Sequentia quid ? Ea quoque optime respondent. Postquam comm. 24. prius testamentum a monte Sina esse declarasset , pergit hanc quoque assertionis suæ partem illustrare , jubens solum montis Sina attendere,

dere, qui in Arabia est, extra limites terræ sanctæ. Quod tantum abest, ut suo sit movendum loco, ut contra insignem ista observatio lucem Apostolicæ argumentationi affulgeat. Cæterum de his omnibus eruditi arbitrentur.

XVI.
QUINTA
difficultatis
solutio.

XVI. Facilius explicatu est, qua ratione mons Sina dicatur quoad situs vicinitatem & contiguitatem, sed quoad anagogen, aut allegoriam, & mysticæ significationis paritatem. Nam, ut *Grotius* annotavit, *ὄρος σινά λέγεται ἀλλήλοις, τὰ ὁμοίως ἔχοντα πρὸς τινα*. Errorem errant Tartessia muræna grandiolem, qui, in tanta eruditionis Orientalis luce, credunt, montem Sina, continuo montium tractu, ex Arabia ad ipsam Hierosolymam pertinere. Quod *Chrysostomo* fortassis & veterum aliis condonandum fuit. *Genebrardo* autem, tam exquisitam Hebraicarum rerum peritiam præ se ferenti, condonari non debet. Cui in Psalmum cxxxiii. ita commentari lubitum est: *Judea montosa erat tota. Qua ratione Sinai conjunctus esse dicitur ei quæ nunc est Jerusalem: perpetuo enim dorso sese versus Sionis montes exporrigit. At prima tabularum Geographicarum inspectio refutandæ opinioni isti sufficit. Optime Erasmus: Paulus non metitur spatium intervalli, sed confert similitudinem allegoriæ. Nam quæ inter se similitudine quadam respondent, vicina & confinia dicuntur; quod Paulus Græce dixit ὄρος σινά. q. d. in eadem esse serie. Satis ergo est, quod Sina, & terrestris, quæ olim erat, Jerusalem, ejusdem spiritualis rei significatione respondeant: utraque enim legale Testamentum cum sua servitute notant.*

XVII.
SEXTA.

XVII. Porro, quænam est illa ἡ νῦν Ἱερουσαλήμ. QUÆ NUNC EST JERUSALEM? & quamobrem sic dicitur? Non puto dubitandum esse, quin intelligatur Hierosolyma, qualis erat tempore Pauli, stante templo, & vigente cultu Levitico, Scribis & Phariseis sedentibus in Cathedra Moïsis, & populum ad scrupulosam ceremoniarum observantiam severe obligantibus, ignorata interim aut rejecta justitia & libertate Evangelii. Aliam enim rem agere existimo, qui quoniam eadem urbs antiquissimis temporibus dicta fuit *Jebus*, deinceps vero, & Pauli quoque ætate, *Jerusalem*, eo ipsum respexisse pugnant; quasi dixisset, quæ olim dicta fuit *Jebus*, nunc autem *Jerusalem*. Majora subsunt, de quibus homini Theologo cogitandum est. Nullus dissimulo, adeo mihi celeberrimi *Cocceji* super hac temporis designatione cogitata placuisse, ut alacriter animum induxerim integrum ejus commentarium heic exhibere. Sic ergo ille: *Apostolus dicit: Hierosolyma quæ nunc est. In omni sermone Apostoli animadvertere est, quod*

quod suum tempus primæ prædicationis Evangelii adjungat tempori Veteris Testamenti, tanquam appendicem, quamdiu scilicet prius tabernaculum habebat stationem. Heb. ix: 8. Nempe illorum respectu qui non crediderant in Christum, sed enim adhuc expectabant, quos Divina longanimitas expectabat, adhuc prius tempus & seculum erat: & eorum respectu qui crediderant in Christum, & vel ipsi infirmi fide erant, vel propter infirmos fide cogebantur accedere ad templum, nondum erat plene revelata Novi Testamenti libertas. Sed eorum respectu qui ex gentibus crediderant in Christum, quique libertate jam uti poterant, in populo Dei abolita jam erant sacrificia, & omnia erant nova. Sed amoto templo & politia Israël, tanquam velo, futurum erat, ut regnum Christi, quod est regnum justitiæ & libertatis, in apertum veniret, & sic fieret seculum novum, & οἰκὸς νέος nova. Hæc quidem, fateor, prorsus sunt Theologica: at nec hic omitti posse videbantur, si exponenda esset vis particulæ ὅτι.

XVIII. Non multa collectionum ambage opus est, ut ex oppositione cognoscatur, quid notet ἡ ἄνω Ἱερουσαλήμ, quæ sursum est Jerusalem; nimirum Ecclesiam Testamenti Novi, quæ spiritualis est, & cœlestis originis atque indolis. Solent sacræ literæ ea quæ spiritualia sunt, & in æternam terminantur gloriam, τὰ ἄνω, & τὰ ὑπεράνω vocare, eaque opponere partim caducis hujus seculi rebus, partim umbraticis Veteris Testamenti ceremoniis, quas infirma & egena elementa dixerat comm. 9. & egena mundi elementa vocat Col. ii: 20. quarumque intuitu ipsum tabernaculum ἁγίον κοσμητὸν, sanctuarium mundatum nuncupatur, Heb. ix: 1. totum denique systema institutorum eo pertinentium, νόμος ὑποτάξεως σαρκικῆς, lex cujus præceptum sit carnale. Heb. vii: 16. Ea mente dicit Paulus Col. iii: 1, 2. τὰ ἄνω ζητεῖτε, τὰ ἄνω φρονεῖτε, superna quærite, superna curate, non terrestria. h. e. desiderate statum gloriæ, operam date ut crescatis in cognitione Dei & Christi, fide, spe, sanctimonia, consolatione Spiritus S. πληροφορίᾳ ac prælibatione salutis, ut salutem denique ipsam in plenitudine sua consequamini. Præ his omnibus nihil vobis sint terrestria: per quæ si quis heic loci intelligere velit vana & inania præsentis vitæ bona, non admodum repugnabo, modo non excludantur ceremoniæ. Calvinus ait: Hic Paulus Colossenses hortatur ad meditationem cœlestis vitæ. Quid autem adversarii? Detinere eos volebant in puerilibus rudimentis. Ista igitur doctrina facit, ut ceremoniæ magis vilescant. Post aliqua sic pergit: Adhuc persequitur Apostolus suam disputationem de ceremoniis, quas similes tricus facit, quæ nos huani repere cogant. Christus, inquit, nos sursum ad se vocat, isti deorsum vos reducunt. Est enim conclusio, & expositio eorum quæ nuper attigerat, de interitu ceremoniarum per Christi mor-

tem. &c. τὰ δὲ igitur *spiritualia* sunt *cœlestibus* annexa. τὰ ἐν τῇ γῆ, *ritualia* ac *ceremonialia*. Priora alibi *ἱεράνια* vocat Paulus in eadem oppositione. Heb. ix: 23. Itaque necesse fuit *exemplaria quidem eorum quæ sunt in cœlis* hisce rebus purificari, αὐτὰ δὲ τὰ *ἱεράνια*, IPSA VERO COELESTIA *potioribus quam hæ sunt victimis*. Iterum hic *Calvinum* audiamus. Cœlestia vocat regnum Christi quod spirituale est, solidamque habet veritatis revelationem. Enimvero multo commodius rebus indole quidem sua cœlestibus, at quæ in terris non sine labe sunt, purificatio attribuitur, quam ipsi supremo cœlo, sanctissimæ majestatis solio, nulla unquam peccati labe inquinato. Expendi etiam meretur, an non & Eph. vi: 12. τὰ *ἱεράνια* melius explicantur de rebus spiritualibus ad regnum Dei pertinentibus, quam de regionibus aëris, in quibus scilicet versentur spiritus nequam. Neque enim ista hujus vocis significatio alibi, quod sciam, apud Paulum exstat: & quid jubet credere dæmonibus habitationis suæ locum in sublimi aëris regione specialiter assignatum esse? Nonne commodius est, ut per illa *ἱεράνια* intelligatur status noster cœlestis quem habemus in N. T. benedictiones quibus benedixit nobis Deus in supercœlestibus; justitia, pax, lætitia, spes, communio cum spiritibus justorum consummatis? Hisce enim se miscet Satanas, & per *πονηρίας* suas, nequitias, fraudes, sophismata, obscurare ea & corrumpere nititur; controversiam etiam sanctis movet super spirituali ipsorum statu. At quæ prolixius nunc disputata sunt, instituto demum nostro applicemus: ex iis inferentes quod τὰ δὲ *ἱεράνια* non necessario, nec præcise, notet animas Patrum cœlo jam receptas, sed Ecclesiam Christi spirituales in terris, quæ *cœlestis Jerusalem* dicitur, sicut *regnum cœlorum*. I. Ratione *originis*: nam descendit e cœlo. Apoc. xii: 12. II. Ratione *indolis* ac *naturæ*: nam a servitute elementorum mundi libera, æque ac illi qui cœlo afferti sunt, in spiritu ac veritate Deum colit, & *πολίτευμα* suum in cœlis habet. Phil. iii: 20. III. Ratione *finis*: nam uti ad cœlum adspirat, ita & cœlo potietur, & per omnium in Christo recollectionem, unam cum iis qui in cœlo sunt constituit civitatem, pomeriis cœlestis civitatis in terram usque protensis. Eph. i: 10. Heb. xii: 22.

XIX. Verum, inquiet aliquis, an legitima oppositione continentur Hierosolyma quæ *nunc* est, & Hierosolyma quæ *supra* est? Nonne satius fuisset, utrobique vel loci vel temporis collationem fecisse? ut diceretur Hierosolyma quæ *nunc* est, & Hierosolyma quæ *futura* est: vel Hierosolyma quæ *infra* est, & Hierosolyma quæ *supra* est? At profecto non decet hominem Christianum in exigendo Pauli sermone

ad omnes Logicorum minutias nimis esse scrupulosum. Non pertimescit miniatulas ceras nostras Divina sacrorum vatum oratio ; non minus idcirco sapiens , quod jejuna scholarum præcepta , uti infra majestatem suam posita , negligat atque despiciat. Sapientia ejus in abdito est : quam , nisi fodiendo & scrutando , non assequaris. Id vel hujus , quam nunc præ manibus habemus , pericopæ accuratior evincet discussio. Dum brevitati studet Apostolus , multa paucis est complexus. Binæ , quas inter se confert , Hierosolymæ , non temporis modo , sed & loci , sive indolis , notabili discrimine sejunguntur. Temporis discrimen , prioris ; loci , posterioris oppositionis parte indicat. Quum enim dicit , Hierosolyma quæ *nunc* est , fieri non potest , quin attentus Lector perspiciat , eam quæ huic opponitur *futuram* esse. Rursus , quum dicit , Hierosolyma quæ *supra* est , res ipsa loquitur *terrestrem* esse alteram illam priorem. Et sic idem concisus docuit , quod nos pluribus fortasse exsequeremur.

XX. Superest novissima in verbis difficultas , quam & Coccejus ^{XX.} animadvertit & hac ratione diluit. §. 109. *In sermone Apostoli est ἀναλόθεν. Non enim secundi Testamenti mentionem facit. Attamen rem ipsam dicit ; & commode dicit. Brevitatis studium , & fuga repetiti nis (nam de secundo Testamento locutus erat cap. 111 : 8) jam facit hoc ἀναλόθεν. Ita est. Ad Scripturarum intellectionem requiritur εὐχαρισίᾳ τῶν πνευματικῶν* , ac diligens locorum , quibus de eadem agitur materia , collatio. Dum prius Testamentum exponit typis tribus , nimirum *montis Sina , Agari , & Hierosolymæ quæ nunc est* : quamvis non expresse dicat , attento tamen Lectori satis innuit , *priori Testamento* respondere *posterius* ; monti *Sina* montem *Sion* , quod omnes propemodum Prophetæ clamant , & ipse disertissime testatur Heb. xii : 18 , 22. *Agari Saram* ; Hierosolymæ *terrestri æ'eternæ*. Ex iis , quæ partim antecedentibus , partim alibi ab Apostolo explicata sunt , facile est supplere quæ comm. 26. in oratione omissa esse videntur. Voluit Spiritus Sanctus in Scripturarum scrutinio aliquid nobis relinqui ad exercitium diligentiae.

XXI. Atque hætenus Criticum egisse videor , circa *verborum* ^{XXI.} constructionem atque expositionem hærens. Nunc Theologi mihi partes sumam , quæ in *rer-um* ipsarum perceptione sitæ sunt difficultates ^{Difficultates in rebus ipsis.} consideraturus. Ubi primo occurrit ingens illud quæsitum : an & quævis in allegoricâ ejusmodi Scripturarum expositione , ad dogmatis alicujus Theologici probationem , & animorum convictionem , sit ? Itemque , si quævis est in allegoriis scripturariis , an illa unice fundetur in auctoritate Apostolica , an in re ipsa , & concinna typi cum antitypo ,

ex instituto Divino, convenientia, quæ ostendi queat ad conscientiam. Secundo anquisitu dignum est, quænam sint *αι δύο διαθήκαι*, duo illa si-
ve Fœdera siue Testamenta, (utraque enim voce indiscriminatim nunc
utimur) quæ duobus montibus, matribus, Hierosolymis significan-
tur. Tertio, quo pacto demonstrari possit exacta typorum cum suis
antitypis convenientia.

XXII.

*Perperam
allegoria
huic nega-
tur vis ar-
gumentii.*

XXII. Non desunt gravissimi, atque acerrimo judicio præditi,
rerum divinarum Interpretes, qui tantillum allegoriis tribuunt, ut vix
ullam iis probandi vim inesse arbitrentur. Calvinus hujus ipsius loci
exegetin his verbis inchoat: *Interpositis exhortationibus ad affectus mouen-
dos, pulchram exhortationem addit superiori doctrinæ.* NON ESSET QUI-
DEM SATIS VALIDA PER SE PROBATIO: *sed postquam argumentis sa-
tis pugnavit, confirmatio hæc non est spernenda.* Neque abludit Beza:
*Ceterum (ut hoc quoque dicam παρέρως) Apostolus JAM NON ARGU-
MENTATUR, (ESSET ENIM ARGUMENTUM ISTUD AB ALLEGORIA
SUMTUM VALDE INFIRMUM, & totam disputationem summissimis argu-
mentis propositis absolvit) sed offendiculo medetur, quod erat maximi mo-
menti.* Hæc ego a viris maximis dicta esse nollem. Nam sane Apo-
stolus argumentatur, & quidem adversus homines hypothesibus suis
pertinaciter addictos, sibi que infensissimos. Et si argumentetur, du-
bium non est, quin omni sua sapientia in argumentando utatur, ideo-
que valide argumentetur. Profecto non est pietatis nostræ demonstra-
tionum Apostolicarum valentiam ulla specie elevare. Quod autem ar-
gumenta argumentis cumulans, argumentando pergat Apostolus, pro-
bat exprobratio illa adversus Judaizantes: *Dicite mihi qui sub Lege ven-
tis esse, Legem non auditis?* Ea quæ profert *Legem* vocat, id est, ipso-
simum Dei verbum, cujus arcanam quidem *ὑπόκειται*, at veram tamen,
& ex ipsius Dei mente, exponit. Exigit ab iis Legis istius *audientiam*,
id est, fidem atque obsequium, quæ non nisi Divinis debentur oracu-
lis. Exprobrat, quod ad historiam, & quæ ea innuuntur mysteria,
haut satis perite attenderint. *An non auditis?* Imo tam evidentem con-
tendit esse hanc observationem suam, ut prætextum ignorantiae suæ vix
habeant adversarii. *Dicite mihi.* Si non nisi elegantem ingenii in Scrip-
turis quomocunque applicandis, & ad propositum suum flectendis,
lusum hic exhiberet Paulus: nihil ne tam procaces habuissent adversa-
rii quod contra dicerent? Adde quod Paulus non se, vel pro arbitrio,
vel pro Apostolica auctoritate, ἀλληγορίζεν profiteatur: sed in ipsis re-
bus reconditiorem esse sensum doceat. Ἀτινά ἐστιν ἀλληγορούμενα. Ni-
hil fere horum est, quod non observaverit Theophylactus; qui ad com-
m. 21. sic commentatur. Ἐπειδὴ ἰκανῶς αὐτὸς ἠμάλας καὶ πιστάσατο,
πρό-

τάλιν εἰς ἀράνας ἰμβαίνει, δεικνύς ὅτι αὐτὸς ὁ νόμος εἰ βέλεται ἑαυτὸν φυλάττειται. Κάι φησιν, ἀποκριθῆντί μοι. *Postquam abunde eos emolliit & attraxit, rursus ad certamina descendit, ostendens quod ipsa Lex non vult se ipsam custodiri: Respondete, inquit, mihi.* Ad initium vero comm. 24. hæc habet: τὴν ἱστορίαν. ἡ μὲν ἱστορία αὐτῇ, εἰ μόνον τὸτο δηλοῖ, ἀλλὰ καὶ ἄλλα τινὰ ἀγορεύει. διὸ καὶ ἀλληγορία κέλεται· τύπος γὰρ ἦσαν ἑκείνα τῶν παρόντων. *Hoc est, hæc quidem historia non hoc solum indicat, verum & alia quædam nunciat: unde & allegoria vocata est: figura enim fuerunt illa presentium.* Fixum igitur esto, Apostolum non ingeniosa aliqua allusione Lectorum animos pascere, & materiam suam quomocunque amplificare, vel illustrare; sed novo argumento causam suam addicere atque probare.

XXIII. Verum unde sua huic argumento vis est? Sunt qui ad XXIII. auctoritatem confugiunt Apostolicam: eas solum se allegorias agnoscere profitentes, quas vel ipse Christus Dominus, vel Apostoli, Divini Spiritus instinctu, exposuerunt; eo ipso se hominis Christiani animo approbantes quod a Christo & ipsius Spiritu sint. Cæterum, utut hæc prudenter & pie dici videantur, non tamen omni ex parte sunt probanda. Nemo Christianus est qui dubitet, quin Christo & Apostolis quidlibet affirmantibus simpliciter sit credendum, propter auctoritatem Divini, quod proferunt, testimonii. Sed, ut de Apostolis nunc solis loquar, non semper illi dictis suis Apostolicam obtendunt auctoritatem; quæ non satis agnoscebatur ab omnibus quibuscum illis sæpe res erat. Tunc causam suam rationibus agebant, & argumentis, ad probandum & convincendum idoneis. Quæ argumenta, non dicam, ab adversariis Apostolorum, sed ne ab ipsis quidem eorum discipulis, pro firmis admitti par erat, eam solum ob causam, quod ab Apostolis proficiscerentur, sed quod iis inesset manifestatio veritatis ad omnem conscientiam. Aliud est fidem adhibere alicujus testimonio; ad quod sola dicentis sufficit auctoritas: aliud est rei veritatem agnoscere ex argumentis; ad quam rem requiritur perspecta recte subduktionum rationum probabilitas. Quæ duo, etiamsi in Scripturarum pia lectione jungenda sint, ex rei tamen natura toto genere sunt distinctissima. Profecto res gestæ Veteris Testamenti non sunt factæ allegoricæ per prædicationem Apostolorum; sed allegoria, quæ ex mente Dei ab initio in iis latuit, ab Apostolis, illuminante Spiritu Sancto, cognita, agnita & declarata est. Et sic argumenti robor non tam ab Apostolorum arcessendum est auctoritate, quam ex rei evidentia, & legitima rationum subduktione.

XXIV. Tantæ rei momentum ἐπιμένειν aliquam, curatiosemque XXIV.

Q 3

me. Quædam

rei eviden-
tia.

meretur meditationem. Nimirum receptissima apud Judæos, non recentiores solum, sed & antiquissimos, quorum aliqua exstant monumenta, sententia est, plerasque omnes V. T. historias, eas saltem quæ præ cæteris valde sunt notabiles, præter historicum sensum habere quoque mysticum. Huc pertinet effatum illud vulgatissimum

אין בתורה מפילו אות אמת שאין הרים גדולים תימים בה *Ne unica quidem in Lege litera exstat, a qua non pendeant montes magni.*

Atque hinc est, quod in allegorico Legis & Prophetarum sensu eruendo, ante Christi & Apostolorum ætatem, plerorumque Judæorum desudaverit industria: uti prolixâ exemplorum inductione comprobatur dedit illustris *Huetius, Demonstr. Ev. ng. Propos. IX. cap. CLXXI. Parag. VIII.* Non fuisse autem illam Judæorum de scriptis Mosais sententiam vanam quandam cassamque ratione opinionem, ipse Dominus Jesus, omnesque propemodum Novi Testamenti Scriptores, frequenti veterum historiarum in allegoricum sensum allegatione, arguunt. Quandoquidem Deus, unico voluntatis suæ actu constituendo quidquid unquam in toto futurum esset universo, varias Ecclesiæ suæ œconomias, euntibus ordine fatis, disposuit; sapientiæ suæ credidit esse consentaneum, ea ratione res digerere, ut, quæ priscae Ecclesiæ ætate facturus ac dicturus esset, veluti concinna imagine atque emblemate, recentioris œconomiae statum repræsentarent. Ita enim ex utrorumque collatione mirabilem in modum elucescit multiformis illa Dei sapientia secundum præstitutum æternum. Atque hanc suam esse mentem, antiquitus per Prophetas innuit, quando res, sub Novi Testamenti œconomia eventuras, iis prænuntiavit loquendi formulis, quæ ab antiquissimis non institutis modo suis, sed & rebus a se præclare gestis, desumptæ sunt. Sed omnium apertissime id declaravit per Filium suum, illiusque Apostolos, incredibili arte mysticos significatus ex vetustis legibus & historiis eruderantes. Imprimis Paulus isthac excelluit sapientiâ: quod pleræque ejus clamant Epistolæ. Substratâ igitur argumentationibus suis hypothesi, uti in se verâ, ita & ab adversariis concessa, de arcano & mystico Scripturarum sensu, mysticum illum sensum sic exposuit, ut nihil sapientius, nihil sublimius, nihil rebus quas inter se contendit congruentius, nihil toti Scripturarum tenori convenientius, dici potuerit. Atque in hac concinnitate allegoricæ explicationis illius consistit demonstratio.

XXV. Duo
fœdera non
sunt hic fa-
dus Operum
& Gratia.

XXV. Anquiramus nunc, quænam duo ista FOEDERA, sive Testamenta sint, quæ cum typis suis ab Apostolo hic contenduntur. Qui existimant sibi invicem opponi FOEDUS OPERUM, & FOEDUS GRA-

GRATIA : si per Fœdus Operum intelligant, tale quale Deus cum Adamo integro pepigit, quo pollicitus vitam est sub conditione obedientiæ omnibus numeris consummatæ, mortem interim intentans ad minimam Legis suæ transgressionem: per Fœdus autem Gratia, id quod Deus pangit cum electis peccatoribus, quo addicit iis salutem, cum omnibus ad salutem necessariis, per & propter Christum, vivâ atque operosa fide apprehendendum. Certe Fœdus Sinaiticum Fœdus Operum esse non potest. I. Quia id cum homine peccatore renovari nequit, sic ut ei dicat Deus: Tu, si dehinc obedientiam omnem perfectè mihi præstes, per eam, secundum formulam fœderis operum, iustificaberis. Ita enim supponeretur ante commissorum peccatorum venia: *quam fœdus operum*, peccatum omne excludendo, pariter excludit. II. Quia Deus non est pro conditione fœderis huius ab Israëlitis stipulatus obedientiam omnibus partibus gradibusque perfectam, ut causam juris petendi mercedem: sed obedientiam sinceram, ad demonstrationem fidei, reverentiæ & gratitudinis. III. Quia non conclusit Israëllem sub maledictione, eo sensu qui fœderi operum proprius est, omni spe veniæ ablata, si vel minimum peccaret. IV. Accedit denique, quod, si Israëlitiæ iussi fuissent salutem suam in operibus quærere, tunc Lex contraria fuisset promissioni ante multa sæcula Patribus factæ. Id autem fieri potuisse negat Apostolus. Galat. III: 17. Qua observatione non modo probatur, fœdus Sinaiticum non fuisse fœdus operum; sed &, alterum illud quod ei, ut successurum, opponitur, non esse fœdus gratiæ in se & absolute spectatum. Hoc enim, in prima fundatum promissione, per omnia secula idem est; illiusque virtute ab ævo servati sunt quotquot sunt servati: ideoque fœdere Sinaitico est antèrius.

XXVI. Satiùs itaque est, ut *prioris fœderis nomine* intelligamus *fœdus Israëliticum*, secundum *xiiv* suam & œconomiam *Typicam* ac *Legalem*. Pro typo enim hæreditatis cœlestis data hoc fœdere Israëlitis terra Canaan est, cum servitute elementorum mundi inibi subeunda. Multus etiam legislationi terror adfuit. Nam horrenda illa tonitruum ac fulgetròrum, terræ motus, ac spissi fumi, atræque caliginis signa, ad incutiendum Israëlilingentem terrorem comparata erant. Et determinatio ac circumscriptio montis, qua Israëlitiæ a præsentiâ Dei arcebantur, exprobrabat ipsis separationem illam, quam peccata inter ipsos Deumque effecerant. Repetita quoque ipsis axiomata fœderis operum sunt. Lev. XVIIII: 5. & XXVI: 2. & seq. Exstatque formula, quæ, si literam spectes, proxime eo accedere videtur, Deut. VI: 25. *Eritque vobis iustitia, si observantes feceritis omnia hæc præcepta.* Unde factum

XXVI. Sed
fœdus Sinai-
ticum Lega-
le; & fœdus
pure Evan-
gelicum.

etum, ut carnales Israëlitaë, qui longe maximam populi partem faciebant, ad consilium Dei non, uti oportebat, attendentes, a vero hujus fœderis sensu aberraverint, illudque amplexi sint, quasi esset fœdus operum, atque ex eo suam quæsierint salutem. Rom. ix: 31, 32. Altero igitur fœdere designatur *purum putum fœdus gratiæ*, mere Evangelicum, cum Testamento Novo, sine ulla æconomia Typica aut Legali: uti est post factam peccatorum veram expiationem, scisso, & e medio sublato, omni chirographo.

XXVII.
Concinna
typorum
cum anti-
typis con-
venientia.

XXVII. Omnibus hisce ita constitutis, restat ut elegantem ac concinnam typorum ab Apostolo laudatorum cum suis antitypis convenientiam, velut in tabella, exhibeamus: aliquanto quidem ulterius quam a Paulo factum est procedentes; sic tamen, ut nihil dicamus, ad quod dicendum ipse nobis occasionem non præmonstravit. Typi hic sunt, DUÆ MATRES, DUO MONTES, DUO FILII.

XXVIII.

XXVIII. MATRES erant, hinc AGAR. I. Serva. II. Prius Abrahamo pariens. III. Aliquando ejicienda. Inde SARA. I. Libera. II. Serius pariens. III. Mansura. AGAR præfigurabat TESTAMENTUM SINAÏTICUM LEGALE. Quod fuit I. partim quia subiciebat Israëllem elementis mundi, partim quia, per stuporem, male intellectum, credebatur ipsos obligare ad quærendam ex eo justitiam. II. Pariens sua informatione Deo populum externe fœderatum, professione & cultu. III. Aliquando exturbandum. SARA notabat TESTAMENTUM PURE EVANGELICUM. Quod est I. Liberum, tam ab elementis mundi, quam a lege ut conditione. II. Mater serior, sed populi spiritualis. III. Perennaturum.

XXIX.

XXIX. MONTES erant, hinc SINA. I. Horrens rubetis, unde nomen habet. II. Terribilis tonitrubus ac fulgetris. III. Situs in deserto. Inde SION. I. Amœnus. II. A Domino gratiose habitatus. III. In mediotallo terræ promissæ. Montes hi pariter ut Matres significabant duo Testamenta. SINA, TESTAMENTUM LEGALE. I. Pungens conscientiam exprobratione peccati. II. Terrens intentatione maledictionis. III. Non valens introducere in cœlum. SION, TESTAMENTUM EVANGELICUM. I. Jucundum. II. Blandis signis initiatum. III. In cœlum ducens.

XXX.

XXX. Duo FILII erant, hinc ISMAEL. I. Primogenitus. II. Ex serva natus. III. Ad servitutem. IV. Persequens fratrem. V. Ejiciendus. Inde ISAAC. I. Postnatus. II. Ex promissione. III. Liber. IV. Persecutionem patiens. V. Manens hæres. Duobus his Filiis designabantur DUO POPULI. ISMAELE, HIEROSOLYMA PRÆSENS, id est populus carnalis. I. Prius pro populo habitus. II.

Pro-

Propter λατρίαν σαρκινὴν. III. Serviens Legi, ceremoniis se subjiciens, ac ex Lege justitiam quærens. IV. Persequens pios. V. Exterminandus. ISAACO, HIEROSOLYMA SUPERNA, hoc est Ecclesia Christiana spiritualis. I. Tempore posterior. II. Ex spiritu genita. III. Libera. IV. Persecutionem patiens. V. Mansura hæres.

XXXI. Tanta quum sit, tamque accurata, figurarum cum re-XXXI. bus figuratis analogia, dubitare nefas est, quin singulari Dei destinatione ita comparata sint omnia. Gratiasque post Deum O. M. ingentes debemus Paulo, cui hanc reconditissimæ sapientiæ patefactionem acceptam ferimus.

EXERCITATIO VI.

AD

ECCLES. XII: 1-7.

DE

OFFICIO JUVENTUTIS.

ET

Incommodis Senectutis.

BREVIARIUM.

- I. Tota Ecclesiastis oratio ad virtutem & felicitatem est composita. II. Insignite vero hæc pericopa. III. Illius argumentum, & partitio. IV. Cur Deus Creator dicatur. V. Et quidem numero plurali. VI. Quid sit illius meminisse. VII. Gentiles etiam memoriam Dei Creatoris commendarunt. VIII. Cum monela, ne tanto nos unquam opifice indignos præstemus. IX. Sed sacramento ei ad perpetuum devoteamus obsequium. X. Notabile Simplicitatis votum. XI. Omni quidem ætati, at singulatim juventuti, officium hoc commendatur. XII. Ingruunt enim senectutis incommoda. XIII. Quorum meditatio utilissima juventuti est. XIV. Quæque idcirco Ecclesiastes elegantissimo sermone exponit.

Tom. II.

R

XP.

*XV. Orsus ab imbecillitate mentis. XVI. Inde pergens ad imbecillitatem corporis: per catharros. XVII. Tremorem brachiorum ac pedum. XVIII. Infirmi-
tatem dentium & oculorum. XIX. Loquela difficultatem. XX. Somni defectum, & surditatem. XXI. Pavorem, & canitiem. XXII. Membrorum olim agilium gravitatem, & privationem voluptatis. XXIII. Quae tandem morte terminantur. XXIV. Sic tamen, ut partes interna ac vitales primum deficiant. XXV. Contractis aut laxatis nervis. XXVI. Corrupto cerebro. XXVII. Jecore, & venis. XXVIII. Denique corde, & arteriis. XXIX. Hinc mors. XXX. At non omnibus aequae gravis senectus est. XXXI. Pius etiam optata & felix. XXXII. Desitura in placidam mortem. XXXIII. Cujus memorabile exemplum in Jacobo Fabro Strapolensi est.*

I. Tota Ecclesiastica oratio ad virtutem & felicitatem est composita.



Uidquid male consultis quibusdam hujus ævi Criticis videatur, liber ille, qui in arcanis voluminibus nostris titulo ECCLESIASTIS exstat, oratio est Salomonis, maximi regum Israelis, tanti viri sapientia, pietate & facundia dignissima: quam credibile est, jam senem & anteaetæ vitæ pœnitentia ductum, instinctu Divini Spiritus dictavisse. Enimvero totius scripti summa est vera & mera hominis humiliatio coram Deo: ex consideratione vanitatis istius quæ in omnibus mortalium actionibus, omnibus vitæ humanæ casibus, omnibus denique in universum rebus, etiam bonis cæteroquin, extra Deum illiusque communionem, tam prolixè invenitur. Unde plurimum eos falli necesse est, qui fundamenta Sadducæismi, aut Epicurismi, Divino isto sermone inculcari pugnant. Toto libro nil nisi virtus docetur, non fucata illa, austera, tetrica; quæ ex sordibus & illuvie, ac ἀφωδία τῷ σώματι, laudem captat: sed ingenua, liberalis, hilaris; quæ, deprehensa rerum cæterarum inanitate, felicitatem suam quærit & invenit in conscientia tranquilla ac læta, & usu bonorum ex favore Divino profluentium. Ita tamen, ut memor fluxæ hujus ac lubricæ vitæ, & imminentis judicii, omnia cum reverentia summi Numinis peragat. Omnibus enim quæ disputaverat recollectis, cuncta in hanc summam contrahit: DEUM IPSUM REVERERE, ET PRÆCEPTA EJUS OBSERVA, QUIA HOC EST TOTUM HOMINIS. NAM OMNE OPUS DEUS IPSE ADDUCET IN JUDICIUM CUM OMNI RE OCCULTA; SIVE BONUM, SIVE MALUM. Quæ secus sonare videntur, ea, in suo nexu considerata, huc quoque ducere comperies. Incivile autem est, inquirunt Juris consulti, particulam aliquam legis sumere, non perspecta tota lege.

II. Ma-

II. Maxime autem ad virtutem, pietatem, ipsamque adeo felicitatem facit, insignis ista pericopa quam Exercitatione hac explanandam mihi sumsi; quod in ea cum rerum præstantia, dictorumque sapientia, elegantia sermonis quasi de palma certet: & Salomon hic non solum summum se Theologum esse monstret, sed & summum Philosophum, summumque Oratorem. Exstat autem Cap. XII: 1-7. ex versione clarissimi Cocceji his concepta verbis. I. *Itaque memento Creatoris tui in diebus juventutis tuae; dum non veniunt dies mali, & accedunt anni, de quibus dicas, Non est mihi in istis voluptas.* II. *Dum non obtenebratur sol & lux, & luna & stella, & redeunt nubes post pluviam.* III. *Quo die tremunt custodes domus, & incurvati sunt robusti, & ociosa sunt molitrices, quod rara sunt; & tenebris laborant videntes per fenestras.* IV. *Et clausæ sunt fores ad forum, quod submissa est vox molitionis, & surgit ad vocem avicula, & deprimuntur omnes filia cantillationis.* V. *Etiam ab alto metuunt, & formidines sunt in via; & floret amygdalus, & bajulatur locusta, & impeditur acquiescentia: (nam abit homo ad domum suam secularem, & circumcunt in foro plangentes.)* VI. *Dum non procul amoveatur funis argenteus, & quassetur lenticula aurea, & frangatur urceus ad fontem, & quassetur rota ad puteum.* VII. *Et redeat pulvis, ut fuerat, & spiritus redeat ad Deum, qui dedit eum.*

III. Argumentum istius pericopæ est pathetica excitatio ad continuam Dei Creatoris memoriam, etiam juvenibus pie recolendam; ante ingruentis senii incommoda, non nisi morte terminanda. Partes duæ sunt. I. Officii commendatio. II. Designatio temporis, quo officium illud præstari oporteat. Tempus hoc describitur bifariam; I. Uti est in se. II. Collatione instantis senectutis. Senectus autem exponitur, I. Verbis propriis. II. Figuratis & ænigmaticis. Nihil est quod non suam, eamque attentissimam, mereatur considerationem.

IV. Officium paucis, at multo significatu gravidis, exprimitur verbis: *וְזָכַר אֶת בּוֹרְאָיו*. ITAQUE MEMENTO CREATORIS TUI. Qui Creator universi, idem & hominis Creator est; non primi duntaxat, sed & singulorum: quorum generatio, quamvis naturalis, non nisi ipsius potentia & ordinatione peragitur. Quippe qui non solum spiritum hominis in homine format, Zach. XI: 1. sed & corpus, (infcis, nihilque conferentibus, patre qui genuit, & matre quæ concepit) mirabili artificio, & quasi phrygionico opere fingit & concinnat, in imis partibus terræ, in utero foeminæ prægnantis. Ps. cxxxix: 14, 15, 16. Quod præter Davidem Jobus quoque pie celebravit Cap. x: 10, 11. *Nonne sicut lac fudisti me, & sicut caseum*

conglasti me? Cute & carne induisti me? Ossibusque & nervis texisti me? Et sane amplius dixit Ecclesiastes Creatorem vocando, quam si Deum dixisset. Clarius enim ita innuitur jus quod in hominem habet Deus, & beneficia quæ in hominem contulit, & omnimoda hominis a Deo dependentia. Atque hæc est ratio, cur ipse se Deus ita Israël repræsentet: *Ego Jehova sum sanctus vester, Creator Israël, rex vester.* JES. XLIII: 15. Qui Creatorem dicit, is dicit æternum, omnipotentem, summe sapientem, summe bonum; easque virtutes suas ipso actu exferentem; atque insimul supremum atque absolutissimum Dominum eorum quos creavit: qui quum se ipsos in solidum ei debeant, omnia debent.

V. *Et quidem numero plurali.*

V. At neque illud prætereundum, quod vox Hebræa pluralis numeri proprie *Creatores* sonet. Eadem locutio invenitur PS. CXLIX: 2. *יִשְׁמַח יִשְׂרָאֵל בַּעֲשֵׂיו* Latetur Israël in iis qui fecerunt ipsum. Itemque JES. LIV: 5. *כִּי בַעֲלֵיךָ עֲשִׂיךָ* quia mariti tui factores tui, *Jehova exercituum est nomen ejus.* Quæ phrasæ non immerito referuntur ad pluralitatem Divinarum personarum. Nam quamvis unius Dei una virtute unaque actione creati simus, & hætenus unum habeamus Creatorem: plures tamen sunt Divinæ personæ, quibus ea creandi virtus & actio attribuitur. Ipsa Mosis creationem narrantis dissertatio cogitationem istam legentis animo ingenerat. Quo enim melius referas illud *נַעֲשֶׂה אֱלֹהִים*, & *נַעֲשֶׂה אֱדָם* faciamus hominem, & *factus est homo* sicut unus ex nobis? Et sane hæc princeps salutaris sapientiæ pars est, Deum nosse: non ita generatim & confuse, ut scias existere aliquod summum Numen, a quo sint omnia. Ea enim cognitio Dei remansit in Gentilibus; quos cæcos & imagine Dei destitutos esse, quantumvis sibi sapientes viderentur, sacræ nos literæ docent. Sed ad veram Theosophiam pertinet, ut distincte noris, quis sit ille Deus; unus quidem revera, at distinctus tribus personis. Sic se ab initio Patribus manifestavit; quantum temporum istorum ruditas, & Ecclesiæ pueritia ferebat. Mansitque doctrina ista in familiis piorum, perpetua *καταχρησας* tradita. Cujus memoriam & attentionem in quibusdam sui ævi hominibus exolevisse, serio indignatur Elihu. JOB. XXXV: 10. *Non dicunt אֵיךָ אֱלֹהִים עָשִׂי* Ubi est Deus qui fecerunt me.

VI. *Quid sit illius meminisse.*

VI. Ab hac Dei Creatoris oblivione auditores suos dehortatur Ecclesiastes, perpetuam ejus memoriam commendans. *Memento Creatoris tui.* Nemo cujuscunque rei meminit, nisi quam prius cognoverit. Itaque omnis recordatio supponit antecedaneam scientiam, & involvit repetitam mentis attentionem ad ea quæ pridem didicerat. Ecclesiastes igitur, quum jubet meminisse Creatoris, ante omnia exigit, ut mens

mens bene informata sit de infinita perfectione & eximiis virtutibus Dei, prout in conditu & gubernatione mundi, ac præcipue generis humani elucet; deque ea obligatione qua Deo conditori, conservatori, ac benefactori suo obstricta est: sed & simul postulat, ut eam Creatoris sui cognitionem crebro sibi in memoriam revocet, neque patiatur eam, veluti in obscuro repositam, otiosam delitescere, ac situm quasi & rubiginem contrahere: denique ut, sicut veritatibus istis dignum est, vitam, mores, actionesque componat. Omnia hæc una reminiscendi voce complectitur Ecclesiastes. Perinde ergo est ac si dixisset: Quisquis es mortalium, cognosce & agnosce Deum, uti Creatorem, & consequenter Dominum ac Judicem tuum; cujus arbitrio sis aut non sis, cui te ipsum prorsus debeas, cui denique omnium actionum tuarum redditurus sis aliquando rationem. Meditare virtutes Dei, Bonitatem, Sapientiam, Potentiam, in omnibus operibus ejus tam gloriose resplendescentes. Iterum ea iterumque tibi in animum revocato; neque unquam sinas excidere. Expende diligentissime, quæ tua erga Creatorem sint officia. Eum amato: timeo: imitator: cum gratiarum actione laudato: ejus quum sis, voluntati quoque illius, tam decernenti quam jubenti, te subdito: ei te purum castumque servato: ejus ministerio te totum impendito: in ejus providentiam curas tuas omnes rejicito: ei denique ut fideli Creatori animam tuam committito. 1. Pet. IV: 19.

VII. Cuncta hæc tam evidentis sunt æquitatis, ut pleraque Gen-^{VII. Gen-}
tilium etiam sapientes inculcaverint. Assuefaciendum esse animum,^{iles etiam}
ut præcepta quælibet virtutis promte, ubi opus est, suggerat, Mar-^{memoriam}
cus Antonius Imperator, Romanorum Salomo, monet. Lib. III. §. 13. ^{Dei Crea-}
^{toris com-}
Ὡςπερ οἱ ἰατροὶ αἰετὰ ὄργανα καὶ σιδήρεια πρόχειρα ἔχουσιν πρὸς τὰ αἰφνίδια τῶν mandarunt.
θεραπευμάτων, ἔτω τὰ δόγματα σὺ ἑτοίμα ἔχῃ πρὸς τὰ θεῖα καὶ ἀνθρώπινα εἶ-
δναί. Quemadmodum Chirurgi instrumenta & ferra-
mentis suas ad curatio-
nes subitaneas semper habent ad manum; ita tu dogmata in promptu apud
te habeas, ad res tam divinas, quam humanas. Nominatim Deum in
memoria haberi vult. Lib. VI. §. 7. πάντα σὺν μνήμῃ Θεοῦ. OMNIA
CUM RECORDATIONE DEI. Nihil committam quod Regum Impe-
ratorumque sapientissimis indignum sit, si servum iis junxero, cor-
pore claudum, Irum pauperie, at φίλον ἀθανάτοις, delicias superum.
Epictetus ille est, cui & se aliquammulta debere profitetur Imperator.
Is ergo eodem ferme modo, referente Maximo Coll. Ekan. Cap. LII.
discipulis suis hanc monelam reliquit: συνεχέστερον νόει τὸν Θεὸν ἢ ἀναπνεῖ.
FREQUENTIVS DE DEO COGITA QUAM RESPIRA. Rursus Dissert.
Lib. II. Cap. XVIII. Μέγας ὁ ἀγὼν ἐστίν, θεῖον τὸ ἔργον, τὸ Θεὸ μέμνησο.

Magnum est certamen, Divinum opus. MEMENTO DEI. Idem Deum ut Creatorem ab hominibus considerari, eoque adspectu ab ipsis laudari & celebrari voluit, eo hymno quem ipse maximum ac Divinissimum vocat; quemque aliis ita præit, ut ad præclari hujus operis societatem, publice privatimque, etiam inter arandum, fodiendum, & edendum, invitet. Dissert. Lib. I. Cap. XVI. Verba me alibi exhibuisse memini.

VIII. Cum
monela, ne
tanto nos
unquam
opifice in-
dignos præ-
stemus.

VIII. Quia etiam Dei opus homines sumus, ad ipsius similitudinem conditum, hinc sapienter & sancte insert, eam Dei imaginem intemeratam nobis servari debere, ne opificem operis sui pudeat. *Lib.*

II. Cap. VIII. Ἀλλ' εἰ μὲν τὸ ἀγαλμα ἥς τὸ φεῖδ' ἡ Ἀθηνᾶ, ἢ ὁ Ζεὺς, ἐμὲ μνησὸ ἂν καὶ σαυτῷ, καὶ τὴν τεχνίτην, καὶ εἰ τινὰ ἀπὸ θεῶν εἶχες, ἐπεὶ οὐκ ἂν μὴδὲν ἀνάξιον ποιεῖν τῷ κατασκευάσαντι, μὴδὲ σαυτῷ, μὴδ' ἐν ἀπρεπείᾳ χάματι φαίνεσθαι τοῖς ὀφθαλμοῖς. Νῦν δὲ σὺ εἶ ὅτι ὁ Ζεὺς πεποίηκε, διὰ τὸτο ἀμειλὺς εἶναι τινὰ δεῖξαι σαυτὸν; *At si Phidias statua esses, sive Minerva, sive Jupiter, quum tui & opificis meminisses, tum (si quem haberes sensum) operam dares ne quid indignum vel eo qui te fabricasset, vel temetipso, admitteres, neve indecoro habitu ab iis conspicereris qui te spectarent. Nunc quia te Jupiter fecit, eone qualem te demonstras non curas?* Post pauca sic pergit: neque enim piget verba auro scribenda in charta depingere, dignissima sane quæ ubivis legantur. Τότε τὴν δημιουργοῦ κατασκευάσμα ὦν, κατασχύνεις αὐτὸν; τί δ', ὅτι ἔμὸν σε κατασκεύασεν, ἀλλὰ καὶ σοὶ μόνῳ ἐπίστυσε, καὶ παρκατέθετο; εἰδὲ τὸτο ἔμὴ μνήσῃ, ἀλλὰ καὶ κατασχύνεις τὴν ἱεροπρίην; εἰ δὲ σοὶ ὄφρα τινὰ ὁ Θεὸς παρέθετο, ἔτις ἂν αὐτῷ ἡμέλει; παραδιδόναι σοὶ σαυτὸν, καὶ λέγει, ἔκ εἶχον ἄλλον πιστότερόν σε. τῶτόν μοι φύλασσε τοῦτόν οἱ πέφυκεν, αἰδήμονα, πιστόν, ὑψηλόν, ἀκατάπληκτον, ἀπαθῆν, ἀτάραχον. Εἴτα σὺ ἔφυλάσσεις; *Cujus opificis quum fabrica sis, pudore illum adficias? Quid porro, quod te non modo fecit, sed & sua dona tibi soli credidit, penes te deposuit? Ne hoc quidem recordabere; sed & in fideicommisso ignominiam suscipies? At vero si quem tibi pupillum tradidisset, itane eum negligeres? Tradidit tibi temetipsam; aliumque se habuisse te fidiorem negat. Hunc, inquit, mihi conserva talem, qualis sua natura est; verecundum, fidelem, sublimem, imperterritum, perturbatione tumultuque vacuum. Tu vero non conservas? O pulcra! ὁ nobis Christianis incutientia pudorem?*

IX. Sed sa-
cramento ei
ad perpe-
tuum de-
voveamus
obsequium.

IX. Sed majora audite. Ita Dei Creatoris meminisse vult, ut ne tantæ unquam ac tam momentosæ rei nos capiat oblivio, sacramento nos ei ad perpetuum devoveamus obsequium. *Lib. I. Cap. XIV. in fine.* Τότε καὶ Θεῷ εἰδὲ καὶ ὑμᾶς ὁμνύειν ὅρκον δῖον οἱ στρατῶται τῷ καίσαρι. *Huic Deo & vos dare tale iusjurandum oportet, quale milites Cesari. Verum illi quidem ducti stipendiis jurant, salutem Cesaris sibi rebus omni-*
bms

bus fore antiquiorem : vos autem tot & tantis adfecti a Deo beneficiis, non jurabitis? aut quum juraveritis, fidem non servabitis? Μὴ ἀπειθήσειν μηδέποτε, μηδ' ἰγκαλέσειν, μηδὲ μέμψασθαι τι τῶν ὑπὸ ἱκεῖναι διδομένων, μηδ' ἀκοῆας ποιῆσαι τι, ἢ πείσασθαι τῶν ἀναγκαίων. Vos nunquam non dicto illi fore audientes, nunquam eum incusatu- ros, nunquam reprehensuros quidquam ab illo datum, nunquam invitos quidquam vel facturos, vel toleratu- ros quod sit necesse. Enimvero hoc tandem est meminisse Dei, uti Creatoris ac Domini.

X. Haut spero dividiæ fore Lectoribus, saltem non juvenibus X. Notabile nostris, quorum arctior bibliotheca priscos scriptores fere non capit, Simplicii si hoc quoque loco iis exhibeam votum illud, quo *Simplicius* suos in votum. *Epistæri Enchiridion* commentarios conclusit: quippe in quo & celebra- tio Dei ut Creatoris, & agnitio sui erga eum officii, & petitio Divini ad id præstandum auxilii, & denique expressio quædam plu- ralitatis in unica Deitate est, verbis ad Christianam fidem proxime accedentibus. Sic ergo ille: Ἰκετεύω σε, Δέσποτα, ὁ Πατήρ καὶ ἡγεμὼν τῷ ἐν ἡμῖν λόγῳ, ὑπομνησθῆναι μὲν ἡμᾶς τῆς ἑαυτῶν εὐγενείας ἥς ἡξιώθημεν πα- ρὰ σε, συμπαράξαι ᾧ ὡς αὐτοκινήτοις ἡμῖν, πρὸς τε καθαρίσιν τὴν ἀπὸ τοῦ σώ- ματος τῶν ἀλόγων παθῶν, καὶ πρὸς τὸ ὑπερέχον καὶ ἀρχὴν αὐτῶν, καὶ ὡς ὀρ- γάνοις κεχρηῆσθαι κατὰ τὸν προσήκοντα τρόπον. καὶ πρὸς διόρθωσιν ἀκριβῆ τῷ ἐν ἡμῖν λόγῳ, καὶ ἐνώσιν αὐτῷ πρὸς τὰ ὅλως ὄντα, διὰ τοῦ τῆς ἀληθείας φωτός. καὶ τὸ τρίτον, τὸν σωτῆρα ἱκετεύω, ἀφελεῖν τελῶς τὸν ὅχλόν τῶν ψυχικῶν ἡ- μῶν ὁμμάτων, ὅσῳα γινώσκωμεν εὖ (κατὰ τὸν Ὀμηρον) ἢ μὲν θεὸν ἡδὲ καὶ ἄνδρα. *Supplico tibi, Domine, Pater & Dux rationis nostræ; ut nostræ nobili- tatis recordemur, qua tu nos ornaſti; & ut nobis præsto sis, ut iis qui per sese moventur, ut & a corporis contagio, brutorumque adfectuum, re- purgemur, eosque superemus & regamus, & sicut decet, pro instrumen- tis iis utamur. Deinde ut nobis adjumento sis ad accuratam rationis nostræ correctionem, & conjunctionem cum iis quæ vere sunt, per lucem veritatis. Et tertium, Servatorem supplex oro, ab oculis animorum nostrorum caliginem prorsus abstergat, ut, quod apud Homerum est,*

Norimus bene, qui Deus, aut mortalis habendus.

XI. Dubium non est, quin officium hoc omnibus omnino ho- XI. Omni minibus, omni ætate, omni tempore incumbat. Universum vitæ quidem a- nostræ tempus, non nostrum sed Dei est. *Dei est dies; Dei nox;* tati, asſin- *lumen & solem ipse fecit.* Pf. LXXIV: 16. Ne ullum quidem est in gularim ju- tota vita momentum, quod intervertere liceat, & subducere Deo. veniusi, *officium hoc* Prov. XXIII: 17. Heb. III: 13. *Juvenes* tamen hic potissimum com- commenda- pellat Ecclesiastes, & juvenili ætati officium commendat, quod & tut. decorum senectuti est. Prudentissime. Ut enim viti pedamentis qui- busdam & ridicis opus est, ne jaceat: sic juventuti monitis, ne cadat.

Solent

Solent equidem juvenes eam virtutis ἀκρίβειαν, uti ætati suæ minus convenientem, in seriores rejicere annos. At ingenti errore: quem detexit ac reprehendit ipse otii Magister, *Epicurus*. Μᾶτα τίς ἂν φιλοσοφεῖν μελλέτω, μήτε γέρον ὑπάρχον κοπιᾷτω. Οὔτι γὰρ αὐτῷ ὑδάς ἐστὶν ὅτι πάρος, πρὸς τὸ κατὰ ψυχὴν ὑγιαίνειν. *Neque juvenis aliquis differat philosophari, neque senex defatigetur. Non enim immaturus quicquam, aut vietus & effætus est, ad animæ sanitatem.* Optime. A corpore si æger sis, Medicum non differas: mentis sanitas neglectui aut procrastinationi erit? Ut in cœlo tranquillo, & mari placido, nautæ, quæ contra tempestatem sunt, expediunt: sic in ista ætate, nondum tot curis & fluctibus exposita, jure præpares, quæ sint illis mitigandis, aut tollendis. *Lips. Manuduct. ad Stoic. Philosoph. Lib. 1. Dissert. 1.* Et sane primitiæ rerum omnium Deo debentur. *Prov. 111: 9.* Tempus autem inter pretiosissima possessionum nostrarum numerandum, sollicitèque redimendum est. *Eph. v: 16.* Cætera pleraque aliena sunt; tempus nostrum est, inæstimabile æterni Numinis munus. In hujus rei unius fugacis ac lubricæ possessionem natura nos misit, ex qua nulla nostra inertia, nulla aliorum, felicitati nostræ insidiantium, odiosa interpellatio, expellere deberet. Æternitati impendatur, cui promovendæ ac procurandæ nobis datum est. Eximium etiam juventutis ornamentum, pulcherrima laus, virtus est. Αἰδῶ Θεὸν, εὐσεβὴν ἀνθρώπους. βραχύς ὁ βίος. εἰς καρπὸς τῆς ἐπιτηδεύουσας διαδοῦναι ὁσία, καὶ πρὸς κοινωνικαί. *Deum verere, homines tuere. Fructus unus hic terrenus istius, dispositio pia, ætiorque benefica. Anton. Lib. vi, §. 30.*

Ætas honestat opera quævis junior.

Eadem senectutis decus & solatium erit.

Æta cui bene est juvenis, & senectam aget bene.

Si modo eam attigerit: quo nihil est incertius. Omni tempore juxta Deo est citare quem vult ad judicium: ubi actionum omnium, earum etiam quas juvenes patravimus, reddenda erit ratio, *Eccl. xi: 9.* Quis Mathematicus longæ nobis sponfor est vitæ? Sed esto. Veritas ipsa spondeat. Quanta tamen amentia est, quod justis spatiis, & ex commodo fieri potest, inter angustias differre? Non tempero mihi quin auream Romani sapientis ad Lucilium suum exhortationem adpingam; ita eam juvenibus meis placituram sperans, uti mihi placuit. *Quid ergo cessamus, inquit, nos ipsi concitare, ut velocitatem rapidissimæ rei æquare possimus? Meliora prætervolant, deteriora succedunt. Quemadmodum ex amphora primum quod est sincerissimum effluit, gravissimum quodque turbidumque subsidit, sic in ætate nostra, quod optimum, in primo est. Inhæreat istud animo, & tanquam missum oraculo placeat:*

Opi-

DE OFFICIO JUVENTUTIS. 137

Optima quæque dies miseris mortalibus ævi
Prima fugit.

Quare optima? quia restat quod incertum est. Quare optima? quia juvenes possumus discere, possumus facilem animum, & adhuc tractabilem, ad meliora convertere: quia hoc tempus idoneum est laboribus, idoneum agitandis per studia ingeniis. Quod superest, segnius & languidius est, & propius a fine. Itaque toto hoc agamus animo, ne hanc temporis perniciissimi celeritatem, quam retinere non possumus, relictæ demum intelligamus. Primus quisque tanquam optimus dies placeat, & redigatur in nostrum. Quod fugit occupandum est. Seneca Epist. CVIII.

XII. At nemo senectutis incommoda pulcrius auctore nostro descripserit: qui eam ad rem proprio primum sermone utitur, mox figuratis & ænigmaticis, ut dixi, verbis argumentum suum exornat, atque amplificat. DUM NON VENIUNT, inquit, DIES MALI, ET ACCEDUNT ANNI, DE QUIBUS DICAS, NON EST MIHI VOLUPTAS IN ILLIS. Quum dies dicit, videtur innuere quotidianum incommodorum recursum: quum annos, continuantem eorundem durationem. Dies autem malos vocat, non ad spectu turpitudinis alicujus, & mali inhonesti; sed propter incommoda, & mala tristitia, quibus exposita senectus est. Annis etiam senilibus voluptatem inesse negat: quippe quibus omnis fere cesset jucunditas & delectatio, quæ vitam faciunt vitalem. Cessat autem delectatio, partim quia corpus ei percipiendæ amplius idoneum non est;

XII.
Ingruunt enim senectutis incommoda.

*Non eadem vini atque cibi, torpente palato,
Gaudia.*

Partim quia animus morosus evadit: quod commune senibus vitium.

Difficilis, querulus, laudator temporis acti.

Memorabilis est optimi senis Barfillai oratio, qua apud Davidem utitur. Invitatus Hierosolymam ad contubernium regis, regisæque participationem mensæ, in hæc verba respondit: *Natus sum octoginta annos hodie; an dignoscere possum inter bonum & malum? num gustare poterit servus tuus quid comedam & bibam? num audire potero amplius vocem cantorum & cantatricum? & quare esset servus tuus oneri domini meo regi?* 2. Sam. XIX: 36. Innuit, senectutem suam & sibi odiosa fecisse quæ aliis sunt jucundissima, & se odiosum facturam aliis. Nimirum.

Σκληρὸς ἀνὴρ ἐστὶν ἐν νεότητι γέρον.

Molestus vir est inter juvenes senex.

XIII. Huic autem argumento immorandum sibi duxit sapientissimus Ecclesiastes. At ne tædiosa juventuti mora sit, elegantibus illud

XIII. *Quoniam medicatio morbis.*

Tom. II.

S

verbis

liffima juvenis est. verbis exornat. Operæ enim pretium est sedulo inculcari, & accurate perpendi, quomodo se mundus paullatim sensibus & fruitioni hominis subducatur, quomodo facultates tam mentis quam corporis defetiscant, quomodo omnis vitæ delectatio sensim cesser, donec tandem vita ipsa cum morte commutetur. Unde, uti a celeberrimo Interprete judiciose observatum est, hæc tria consequuntur. I. Non esse juveni gloriandum, aut superbiendum viribus suis, & alacritate juventutis. II. Iis, dum adsunt, ad Creatoris glorificationem utendum. III. Mature renunciandum esse mundo, antequam nobis ipse nuncium mittat.

XIV. Quæque idcirco Ecclesiastes elegantiissimo sermone exponit. XIV. Nil sane præter veritatem dixit noster, quum dixit; *Quæque idcirco Ecclesiastes elegantiissimo sermone exponit.* sivit Ecclesiastes adsequi verba delectabilia, & singula scripta recte, verba fidelia, verba sapientum similia aculeis, & similia clavis infixis, lectissima, tradita a pastore eodem. Cap. XII: 10, 11. Exemplo sint ea quæ sequuntur, in quibus nec Rhetor elegantiam, nec Philosophus physices peritiam, & præsertim humani corporis exactissimam scientiam desideret. Virium itaque voluptatumque imminutionem hoc ordine proponit, ut ab imbecillitate mentis orsus sermo, inde ad imbecillitatem corporis pergat. Mens certe præcipua hominis pars est: ea vero quamdiu in corpore hospitur, de corporis incommodis participat; & ab eo male adfecto male etiam adficitur.

XV. Orsus ab imbecillitate mentis. XV. De mentis imbecillitate, quam senium importat, sic describit: DUM NON OBTENEBRATUR SOL, ET LUX, ET LUNA, ET STELLÆ. Quod, ad evitandam tautologiam, de internis microcosmi luminibus intelligo: de corporis enim oculis mox audiemus. Hic itaque significatur imminutio intellectus, memoriæ ac judicii: quæ omnia in senibus debilitari solent, ut quasi repuerascere videantur. Unde proverbium, *Bis pueri senes.* Non putem vero philosophice hic nimis distinguenda esse solem, lucem, lunam, stellas: ut per solem intelligatur superior animæ pars, primarium lumen intellectus: per lucem, inferiores partes animæ rationalis, intellectus quem vocant passivus: per lunam, illa animæ pars quæ rationalis non est, aliquo tamen modo rationis particeps: per stellas, πάντα μνημονεύοντα, omnes species, quæ, ceu stellæ in orbibus suis, memoriæ infixæ hærent. Hæc enim subtiliora, quam solidiora sunt; neque in verbis Oratoris nostri, neque in re ipsa idoneum fundamentum habentia. (Sufficit indicari magnam mentis obscurationem; eamque gradatim procedentem, ut quæ lux primum fuerat instar solis, dein sit instar lunæ, mox instar stellarum, donec & hæc obtenebretur.

XVI. Corporis imbecillitatem per partes exsequitur. REDEUNT XVI. *Inde*
NUBES POST PLUVIAM. Intellige copiam catharrorum, & iterata-^{pergens ad}
rum defluxionum, unde incommoda multa, & morbi graves atque ^{imbecillita-}
frequentes. Languente in senibus nativo calore, qui humorum ni-^{tem corpo-}
miam adfluentiam absumere aut moderari possit, ex omnibus partibus, ^{ris: per}
tam externis quam internis, defluere humor solet, ex oculis lacru-
mæ, ex naribus & ore pituita,

— *Madidique infantia nasci,*

ex cerebro catharri. Id notant densæ nubes, iterandorum imbrium
plenæ, & post pluviam redeuntes: uti, pluvia tempestate, exhausta
& dissipata una nube, mox succedit altera.

XVII. TREMUNT CUSTODES DOMUS. Corpus confertur do-^{XVII. Tre-}
mui, in qua mens habitat. Job. IV: 19. 2. Cor. V: 1. Custodes sunt ^{morem bra-}
brachia cum manibus; quæ a provido Numine homini data sunt ad ^{chiorum ac}
totius corporis custodiam, ad averruncationem malorum quæ illa-^{pedum.}
tura sint noxam, & ad procurationem omnium eorum, quæ futura
sint usui. Et sane plus nobis utilitatis istæ corporis nostri partes, a
ratione gubernandæ, adferunt, quam si cornibus, unguibus, aliisve
quæ natura brutis ad sui defensionem indulgit, instructi fuissēmus.
Hinc Jacobus, Josephum descripturus adversus fratrum injurias egre-
gie munitum, earumque omnium victorem, narrat, *roborata esse*
brachia manuum ejus a manibus robusti Dei Jacobi. Gen. XLIX: 24. At
has primum partes in senibus occupare solet tremor. Sed non has
solum. Nam & simul *התעותו אנשי חיל* INCURVANTUR VIRI RO-
BUSTI. Sic vocat crura & pedes, qui sunt Atlantes corporis. In
pedibus robur corporis collocatur Ps. CXLVII: 10. *Non crura præstan-*
tis viri accipit. Hoc robur senes deficit, quibus crura *התעותו*, di-
storquentur, pervertuntur, incurvantur, ut inter gradiendum vacil-
lent, nutent, cæspitent, scipionem in subsidium deposcentes.

Hinc est quod baculo incumbens ruitura senectus,

Adsiduo pigram verbere pulsat humum.

Fitque tripes, prorsus quadrupes, ut parvulus infans,

Et per sordentem flebile serpit humum.

XVIII. Sed & os senum suis premitur incommodis, quæ gustus ^{XVIII.}
deliciis obsunt *בטלו הטחנות כי מעט*. OCIOSÆ SUNT MOLITRI-^{Infirmi-}
CES, QUOD RARÆ SUNT. Obscurum non est quid molitrices no-^{sem den-}
tent, dentes nimirum, quibus mandendus, comminuendus, & qua-^{sium &}
si molendus est cibus. Illi *בטלו* cessant, primo quoad officium & u-
sum, dein sic ut ne existant quidem amplius. Facile enim eos in
senibus nigredo, putredo, disruptio, & gingivæ laxitas occupat,

140 E X E R C I T A T I O VI.

donec & ipsi minuantur numero, &, postquam rari facti sunt, omnes excidant. Et sic

Frangendus misero gingivæ panis inermi est.

Nec minus debilitantur oculi. Nam TENEBRIS LABORANT VIDENTES PER FENESTRAS. Fenestræ sunt intervalla palpebrarum, quæ in visione, velut fenestræ, aperiendæ sunt; vel foramina, quibus inclusi sunt oculi, de quibus Zach. XIV: 12. Hæ sunt oculorum orbitæ, quæ, sex ossibus constantes, fornicem constituunt, per quem oculi prospiciant. Alii vitra conspiciendorum intelligunt: sed, præterquam quod incertum sit an Hebræis tunc in usu fuerint, ista interpretatione exceduntur limites allegoriæ, qua corpus humanum domui comparatur: cujus pars utique perspicilla non sunt.

XIX. Lo-
quela diffi-
cultatem.

XIX. Accedit loquelæ difficultas, hoc ænigmate indicata: CLAUSÆ FORES AD FORUM, ET SUBMISSA EST VOX MOLITIONIS. Fores sunt labia, per quæ mens hominis in publicum prodit, suo se sermone monstrans, & loquens ut videatur. Per vocem molitionis intelligo vel strepitum respirationis, qui submissior est, ob pulmonum & cordis imbecillitatem; vel stridorem dentium, ad canoræ vocis modulationem plurimum facientium; qui stridor uti in manducandis cibis durioribus cessat, ita & in formanda voce articulata & canora. Nec inest huic explicationi ταυταλογία: quum depressior molitionis, quæ dentibus fit, sonus, non ut voxum σύμμιγμα ætatis fenilis repetatur; sed memoretur, ut alterius συμμιγματος causa.

XX. Somni
defectum,
& surditatem.

XX. Verum & hoc senectutis incommodum est, quod surgat AD VOCEM AVICULÆ. Qua locutione somni defectum designari arbitror. Non dico cum Coccejo, ut stridore passerculi facillime excitetur, hoc enim non convenit cum surditate ea, de qua mox audiemus. Sed malo ad diei tempus referre, ut sensus sit: summo mane, quum avicularum cantillationes incipiunt, irrequietus senex, somni expers, membra levabit thoro, cæteræ etiam familiæ quietem turbans. Nam uti intempestivus somnus, ita & intempestiva vigilia, comites aut sequelæ senectutis sunt. A qua vix est ut separaretur surditas. DEPRIMUNTUR OMNES FILIÆ CANTILLATIONIS. Nullo pretio illi sunt Musæ. Virginum cantus, alioqui satis sonorus & tinniens, submissus illi accidet, ad voluptatem ex Musica capiendam non amplius idoneo. Confer ea, quæ Barfillajum nuper dicentem audivimus 2. Sam. XIX: 36.

XXI. Pavorem,
& cæcitatem.

XXI. Porro pavida solet esse senectus. ETIAM AB ALTO METUUNT, ET FORMIDINES SUNT IN VIA. Quum visu amplius non valeant, & spiritus ipsorum obnubilati sunt, depressa gyrari, alta ruinam

ruinam minitari videntur. Hinc ab excelsis conscendendis, scalis, turribus, collibus, ob lassitudinem, spirandi difficultatem, vel vertiginem, sibi metuunt: & si omnino in viam se dent, ubique pavor, necubi offendant in exstantia aut depressa.

*Stat dubius, tremulusque senex; semperque malorum
Credulus, & stultus quæ facit ipse timet.*

Præterea, FLOREBIT AMYGDALUS. Caput conspergetur canitie, albescetque sicut flores amygdali, quæ citius aliis arboribus, ipso mense Januario, florere incipit. Sic & non opinantibus cum senectute canities obrepit.

*Inde senilis hiems tremulo venit horrida passu,
Aut spoliata suos, aut quos habet alba capillos.
Intempestivi funduntur vertice cani.
Et tremit effæto corpore laxa cutis.*

XXII. ET BAJULATUR, vel oneri erit, LOCUSTA. Dicitur vix^{XXII.} potest, quantopere in hoc ænigmate explicando variant Interpretes. ^{Membrorum olim levium gravitatem, & privationem voluptatis.} Vide Bochart. Hieroz. Part. II. Lib. IV. Cap. VIII. p. 494. Ego, omittis operosis aliorum commentationibus, quæsitisque subtilitatibus, cum Coccejo arbitror, per locustam commode significari posse membra quæ in statu suo naturali præ cæteris levia sunt, ac sua sponte se erigunt, sicut locusta incitatissime salt; in senio autem flaccescunt, deprimuntur, & sustentatione egent, sic ut sibi ipsi, totique homini oneri sint. Verbi gratia (nisi quis de ea parte cogitare velit quæ inservit generationi) caput nunquam levius est, quam quum sublime geritur. Id vero tunc sustineri amplius non potest; & ut corpus scipione portatur, ita caput, pendulum nunc ac ceruum, corpori pro sarcina est. Senectus, ait Scipio apud Ciceronem, plerisque senibus sic odiosa est, ut onus se Ethna gravius sustinere dicant. Jamque parum firmo me mihi ferre grave est.

Sic denique IMPEDITUR ACQUIESCENTIA. Senectus enim plerumque morosa, nulla fere re delectatur: sed injucunda, tædiosa, odiosa accidunt ei pleraque omnia:

---- etiam inventis misera abstinet, & timet uti.

XXIII. Horum omnium finis, mors est, qua. ABIT HOMO^{XXIII.} ^{Quæ tandem mortem terminatur.} DOMUM SUAM SECULAREM. Unde nunquam naturalis ad hanc vitam reditus. Vita via est ad æternum domicilium, sive beatitudinis & lætitiæ, sive miseriæ & mœroris. Ergo dum in via est, meminerit Creatoris sui: nam non licet, ut in Hippodromo, ἀμύσαι τὴν νύκταν, & a carceribus ad metam iterum procurrere: uti eleganter Coccejus. Eo autem quum pervenerit homo, CIRCVI-

142 EXERCITATIO VI.

BUNT IN FORO PLANGENTES. Omnis lætitia planctu obſignatur. At qui Creatoris in tempore meminerit, neque habebit quod lugeat in morte, neque plangendus erit ab aliis, quaſi amiſſis magnis bonis in malam conditionem devenerit.

XXIV. Sic
samen, ut
partes in-
terne ac
vitales pri-
mum defi-
ciant.

XXIV. Ab incommodis membrorum externorum ad defectum partium internarum & vitalium tranſit verſ. 6. Cujus ænigmata cæteris difficiliora eſſe videntur. Nonnulli generali explicatione contenti ſunt: ut ſenex comparetur fonti areſcenti, fractiſque inſtrumentis miſere deformato, & paullatim ad nullam rem utili. Nam ſicut hydriâ, rqtâ, fune & urceo confractis, aquam haurire non licet; ita deficientibus & exhaustis facultatibus naturalibus, & vitalibus, vita retineri non poteſt. Sed convenientius ſapientiæ Salomonis, & elegantix ſermonis eſt, ut ſingula eo referantur, cui ſignificando verba idonea ſunt.

XXV. Con-
tractis aut
laxatis
nervis.

XXV. Sic ergo pergit Eccleſiaſtes. ער אשר לא ירחק חבל חכסר. DUM NON PROCUL AMOVEATUR FUNIS ARGENTEUS. Per funem argenteum intelligo nervos, qui funis vocantur, quia ab uno omnes orti principio, veluti unius funis infinita fila, per totum corpus extenduntur, fibrillis ſuis extremas partes permeantes, ut motus ac ſenſuum inſtrumenta. Argenteo autem funi comparantur propter colorem: qui albus, pulcher & ſplendidus eſt, etiam in corpore recens mortuo; nedum in vivente, quando ſpiritus diſtenti ſunt. De hoc fune dicitur: ער אשר לא ירחק. Sic habet textus. *Donec non elongetur*, id eſt, contrahatur. Solent autem ſenes contractionem nervorum pati, unde ipſorum incurvatio. In margine notatur legendum eſſe ירתק, quod notaret *decatenari*, diſſolvi, laxari, ſenſu contrario. Ex laxatione medullæ dorsi & nervorum, eſt paralyſis, & denique mors. Vox Hebræa, tam textualis, quam marginalis, eſt ἀπαξ λυγόμεν: ideoque variis, imo & contrariis expolitionibus obnoxia: ex quibus difficile eſt potiore eligere: maxime quum utrumque contrariorum in ſenes cadat.

XXVI.
Corrupto
cerebro.

XXVI. Addit: ET QUASSETUR LENTICULA AUREA. Intelligo cerebrum, quod & formam lenticulæ habet, in preſſa rotunditate, & uſum, (nam ſicut ex lenticula oleum, ita ex cerebro ſpiritus animales in corpus deſluunt) & in membrana exteriore colorem auri. Eſt enim illa ruſa & ſubflava, auro propior, quam ulla corporis pars. Quæſſatio imbecillitatem cerebri notat: ſive eo ſenſu ut ſenex delirus non amplius utatur integra mente; ſive ut diſtillantibus copioſe humoribus cerebrum veluti rimofum perpluat.

XXVII.

DE INCOMMODIS SENECTUTIS. 143

XXVII. Pergit: ET FRANGATUR URCEUS AD FONTEM. Fons XXVII. potest dici jecur: urceus, venæ, quæ a jecore, ut fonte, hauriunt ^{Jecore, &} sanguinem: fractio urcei cessantem usum venarum mesaraicarum, ^{venis.} quæ, juxta hepar sitæ, succum sanguineum hauriunt, paullatim commutandum in sanguinem.

XXVIII. Ultimum est, QUASSATIO ROTÆ AD PUTEUM. Per XXVIII. puteum intelligere licet cor; per rotam, venam cavam, quæ in dex- ^{Denique} trum cordis ventriculum sanguinem leniter immittit, & arteriam ma- ^{corde, &} gnâ, quæ ex sinistro cordis ventriculo emittit. Unde continua or- ^{arteriis.} tur circulatio; cui significandæ idoneum admodum rotæ emblema est. Ejus confractio est cessatio συστολῆς καὶ διαστολῆς.

XXIX. Hanc sequitur mors, descripta vers. 7. REDIT PUL-XXIX. VIS UT FUERAT, ET SPIRITUS REDIT AD DEUM, QUI DEDIT ^{Hinc mors.} EUM. Quam pericopam non indiligenter explicui in *Oeconomia Fæderum Dei. Lib. III. Cap. XIV. §. 15.* quo nunc se patiatur Lector amandari. Suffecerit hic observasse, nihil in tota hac Ecclesiastis oratione esse, quod non eo tendat, ut juvenes ad memoriam Creatoris sui excitentur. Eo facit consideratio incommodorum senectutis, ne res tam ardua, tam ad salutem necessaria, in eam rejiciatur ætatem, quæ & incerta, &, si contigerit, rebus gerendis omnium minime idonea est. Eodem pertinet hæc mortis descriptio: qua clarissime docetur, aliam corporis, aliam spiritus, sive mentis humanæ, conditionem esse. Nimirum corpore in pulverem redeunte, anima non interit, non in nihilum, sive statum non existentiae revertitur, in quo fuit antequam jussu Creatoris inciperet existere; sed redit ad Deum, uti ad Judicem, reportatura secundum ea quæ in corpore fecit, sive bona, sive mala. Si hic sensus non esset, futilissima foret ratiocinatio: Memento Creatoris tui, quia post mortem nihil est, ipsaque mors nihil. Pulcre *Sophocles* apud *Clement. Strom. Lib. II.*

Πρὸς οἷον ἤξεις δαίμον' ; ὡς ἀπρόταξ;
Ὅς ἔτι τέπεικός, ἔτι τὴν χάριν
Ἡδὲ, μόνην δὲ ἔσπεργε τὴν ἀπλῶς δίκην;
Hec quam severi pectoris vises Deum,
Qui gratia largitur aut æquo nihil,
Sed jure summo semper & ubique utitur?

Nimirum, nisi quis fide, ac resipiscentia tempestiva, iram severi Judicis prævertat. Conf. Ecclesiastem nostrum infra *Vers. 16.*

XXX. Tenendum interim est, neque omnium senectutem om-XXX. At-
nibus hisce incommodis premi, neque senectuti sua bona deesse, quæ ^{non omni-}
bonis juventutis opponi queant; quod sub *Catonis* persona, aureo li- ^{bis æque}
bello, ^{gravis se-} nectus est.

bello, demonstravit Cicero. Ideoque, si quis juventutem, non ita uti fas est, in recordatione Creatoris sui exegerit, non idcirco ei in senectute desperandum, & quod superest ætatis sola anteaetæ vitæ accusatone, nihilque profuturo mœrore transigendum est. Nulla resipiscencia, nulla sui emendatio, nulla virtus sera est; modo vera & seria sit. Et quo plus temporis inconsideratis impensum voluptatibus, aut inutilibus, vel noxiis etiam, sollicitudinibus est, eo majori diligentia, quod seni restat ætatis, pietati sacrandum & saluti.

XXXI.
Pis etiam
optata &
felix.

XXXI. Sin vero a pueritia, vel adolescentia ei operam dederit, tum priscae virtutis, ac recte factorum recordatio, senectutis incommodis ita medebitur, ut non solum non molesta admodum, sed & grata ac jucunda pio seni accadat. Tunc licebit, cum *Francisco Petrarcha, Epistol. Senil. Lib. VIII. Epist. II.* præsentem senectutem sancta hac ἀποστροφῇ excipere: *O veneranda ante alias senectus! ô diu optata! ô nequidquam formidata mortalibus! ô felix ætas! Indignus est ad te pervenire, qui te metuit. Indignus pervenisse, qui te accusat. Ego te semper optavi: nunquam timui. Ego tibi obviant, quando licuit, obviam processi. Ego te votis expetitam, & præoccupatam animo aliquando, & præsentem teneo, & amplector. O bona malorum victrix affectuum, expultrixque optima libidinum pessimarum! Tibi uni, post Deum, tribuo, quod, præduris compedibus & tristi carcere relaxatis, liber tandem meique juris esse incipio.*

XXXII.
Defutura in
placidam
mortem.

XXXII. Cæterum hoc quoque commodi pia sanctaque senectus habet, quod in mortem placidam beatamque, sine vehementi corporis animæ concussione, sua quasi sponte quandoque desinat: eamque ultimam ac certissimam infirmitatum suarum medicinam inveniat: ut est apud *Stobæum tit. 120.*

Ἀλλ' ἰδὲ ὁ θάνατος λοιπὸς ἰατρὸς νόσων.

Medicus mors morborum omnium est novissimus.

Quod sapienter animadversum, & eleganter explicatum, ab eo quem modo laudavi Catone est. *Quid, inquit, tam secundum naturam est, quam senibus emori? quod idem contigit adolescentibus, adversante & repugnante natura. Itaque adolescentes sic mihi mori videntur, ut quum aqua multitudine flamma vis opprimitur: senes autem sic, ut quum sponte, nulla adhibita vi, consumtus ignis exstinguitur. Et quasi poma ex arboribus, si cruda sunt, avelluntur, si matura & cocta, decidunt: sic vitam adolescentibus vis aufert, senibus maturitas: quæ mihi quidem tam jucunda est, ut, quo propius ad mortem accedam, quasi terram videre videar, aliquandoque in portum longa navigatione esse venturus.*

XXXIII.

XXXIII. Pro exemplo tam placidæ mortis, beatæque *εὐθανασίας*, XXXIII. laudari meruit, JACOBUS FABER STAPULENSIS, inter veritatis *Cujus me-* Evangelicæ & bonarum literarum instauratores haut ignobile in Gal- *morabile* liis nomen. Is senecta admodum ætate, persecutionis vehementiam, *exemplum* qua veritatis professores premebantur, effugiturus, ad Navarræ Re- *in Jacobo* ginam, piæ causæ animosam prudentemque tutricem, Albretum *Fabro Sta-* in Vasconibus se contulit. Quadam autem die misit ad ipsum Regi- *pulens.* na, & condixit ad prandium: convocatis doctis quibusdam & piis hominibus, quorum confabulationibus mirum in modum delectabatur. Inter prandendum dum cæteri convivæ hilari sermone cibos condiebant, multa mœroris indicia edidit Faber. Causam a Regina rogatus, in hæc verba respondit: Et qui possem, Regina, lætus esse, aut alios exhilarare, omnium quos terra sustinet scelestissimus. At quod tantum potuisti admisisse scelus, inquiebat illa, mi Jacobe, qui ab ineunte ætate sanctissime semper vixisse visus es? Ego, inquit, primum supra centesimum nunc annum attingi, purus ob omni contagione muliebri; & nihil me admisisse memini, quo gravi conscientia ex hac vita discedere formidarem: nisi unum, quod tamen expiari posse confido. Præ lacrumis vero vix fandi potens, sic tandem perrexit. Quo animo ad summum Dei tribunal compariturus sum, qui sanctum Dei Evangelium sincere multos docui, adeo me in illius professione fortiores & constantiores, ut non pauci eorum mille tormenta, ipsamque adeo mortem animose subierint? Ego vero male constans Doctor, vitæ, sua sponte decrepitum senem oc- cius deserturæ, turpi fuga, contra Domini præceptum, consului: cui nihil gloriosius contingere potuisset, quam ut cœlestes veritates, quarum crebro expertus virtutem sum, pauxillo quod restat senilis sanguinis alacriter obsignarem. Ad quæ Regina, ut erat eloquentissima, & in sacris nostris literis exercitatissima, quum multa dis- seruisset, quæ leniendo dolori perquam idonea erant, eaque assiden- tium suffragiis firmata auctaque essent, ille resumto animo sic inquit: Ergo nihil restat, nisi ut hinc ad Deum migrem, condito, si libet prius testamento: neque ultra differendum censeo, quum a Deo me vocari intelligam. Mox contentis in Reginam oculis, Ego te, inquit, hæredem instituo. Concionatori M. Gerardo libros meos omnes lego. Vestes, & quidquid insuper habeo, pauperibus relinquo. Cætera Deo committo. Ad quæ subridens regina, Jacobe, inquit, quid itaque ad me ex hæreditate deveniet? Negotium, respondet ille, distribuendi in pauperes. Accipio, inquit, juroque gratiorem mihi hanc esse hæreditatem, quam si frater mihi Galliarum regnum

legasset. Lætior inde factus, aliqua sibi quiete opus esse monet, convivas autem jubebat esse hilares, & vale dicto concessit in proximum lectulum. Illis vero dormire ipsum existimantibus, obdormierat in Domino, nullis signis malæ valetudinis editis. Hunc sancti viri exitum sæpe memorabat Regina. Vide *Rivet. Oper. Tom. II. p. 1266.* Et *Drelincourt. Visit. Charit. Tom. III. p. 148.*

E X E R C I T A T I O VII.

D E

UXORE LOTI.

A D

L U C. XVII. 32.

B R E V I A R I U M.

- I. Miranda prorsus memoriæ nostræ facultas est. II. Cui idcirco non nisi præstantia quæque committenda sunt. III. In quibus Jesus laudas historiam uxoris Loti. IV. Lotus imprudenter ab Abrabamo ad Sodomitas concessit. V. At non sine insigni Divinæ Providentiæ ductu. VI. Rabbiorum de uxore Loti fabula. VII. Mandatum Dei de non respiciendo retrorsum, inconsiderate ab ea spretum. VIII. Nonnulla ad facti illius excusationem aliquam allegari possunt. IX. At multa in eo concurrunt, quibus valde criminofum esse probetur. X. Facta est statua salis, per veram metamorphosin. XI. Alibi quoque solida salis massa memorantur. XII. Unde necesse non est salem perpetuitatis sensu hic exponere. XIII. Veteres veræ historiæ multa incerta addiderunt. XIV. Non est credibile statuam istam adhuc exstare. XV. Incertis accesserunt palam fabulosa. XVI. In quibus Irenæus frustra quaesivit mysterium. XVII. Clerici paradoxa hujus historiæ explicatio. XVIII. Illius firmamenta. XIX. Uti nimia facilitas, ita & nimia difficultas in admittendis miraculis improbanda est. XX. Periculosum est rationi*
nimium

nimum tribuere. XXI. Quæ tamen hic nihil invenit quod merito boreat. XXII. Quum & aliæ mutationes, huic quodammodo similes, in natura inveniuntur. XXIII. Etiam homines in salarias aut lapideas quasi statuas mutati. XXIV. Paradoxa interpretatio vim facit verbis historiae. XXV. Illiusque firmamenta prorsus sunt invalida. XXVI. Observationes practicæ.



Locus animæ humanæ admirandis, si non principem, exitum certe locum meretur ea facultas quam memoriam nuncupamus. Quæ veluti sanctius mentis nostræ ærarium est, in quo thesauri infatigabili diligentia collecti reconduntur, ubi usus erit depromendi. Huius autem rei modus tam est inextricabilis, ut acutissimi Philosophorum inter eâ retulerint, quæ mirari nos Deus, non scire, voluit. Quis enim concipiat, quo pacto infinitæ rerum species facultati huic, cujus operatio omnis parvo cerebri spatio circumscripta est, imprimantur, nec tamen confundantur: & quanquam in humida & flaccida capitis substantia resideat, ubi continuus spirituum, quos vocant, animalium per infinitos meatulos cursus ac recursus est, receptas tamen species tam fideliter sæpe conservet; eoque locet ordine ac nexu, ut ad imperium voluntatis nunc hæc se sistant, nunc illæ; & vel omnes adsint, vel plurimæ, vel singulæ? At eo discrimine, ut quamvis imagines in eodem cerebro stabulentur, quædam tamen præsto sint veluti ultro & in iussæ, non aliter ac si in labris narent; quædam non nisi longiore meditatione subeant, quasi precario & invitæ adessent; quædam vocatæ & iussæ adesse recusent, tantquam altius repostæ, ut non nisi per attentam reminiscenciam excitari & in apertum produci queant. Ingentes sane Divino Numini præ tam admirabili facultate debemus gratias. Quid enim omnis studiorum molestia, quid meditationum longa intentio, quid inventionum industriosa felicitas nobis prodesset, nisi repositorium aliquod haberemus, cui tot annorum labor tuto credi ac committi posset?

II. Verum quo admirabilior, quo utilior magisque necessaria nobis ista facultas est, eo sollicitius operam dare oportet, ne nulliusque pretii rebus, nugis atque crepundiis, quas servare nihil attinet, magnam partem oppleatur; multo magis, ne pravis & noxiis speciebus, quas meminisse nocet, profanetur. Non nisi pulcherrima quæque, pretiosissima ac sanctissima, sancto ærario isto digna sunt; quorum recordatio & sapientiores, & meliores, & ad laudum Divinarum præconium instructiores reddat. Talia autem præ

I. Miranda propterea memoria nostra facta est.

II. Cui idcirco non nisi præstantia quæque committenda sunt.

148 E X E R C I T A T I O VII.

cæteris omnia ista sunt, quæ Deo placuit nobis de se, de consiliis, de operibus suis, imprimis de procuratione salutis nostræ, itemque de officiis nostris, illisque rebus omnibus quibus parva nobis per Christum salus obtingit, revelare. Multum etiam ad virtutem conducit, ut cognoscamus quæ olim a majoribus natu vel bene vel male gesta sint, & quem eventum utraque habuerint; ut in iis veluti in speculis cernamus, quid faciendum sit, quid fugiendum.

III. De
quibus Ja-
sus laudat
historiam
uxoris Loti.

III. Hoc sine memorabilia quædam victuris chartis optimi Numinis providentia commisit, ut posterius aliorum exemplo saperent. 1. Cor. x: 6, 11. Quibus profecto adnumerari meretur impuroꝝ Sodomitarum tremendum exitium, & quæ in eo Loto ac conjugii ipsius mirabilia prorsus acciderunt: quorum memoriam suis ipse discipulis commendavit Jesus. Luc. xvi: 32. Μνημονεύετε τῆς γυναικὸς Λοῦτ, MEMENTOTE UXORIS LOTI.

IV. Lotus
impruden-
ter ab A-
brahama
ad Sodomi-
am concessit.

IV. LOTUS filius fuit *Haranis*, nepos *Thara*, qui cum ave, & patruo Abrahamo, avitas sedes, simulque prisca superstitiones, lubens reliquit, vocantem secutus Deum. Et quamvis non pari cum Abrahamo, cui potior semper in Divino favore pars erat, gratiæ mensuræ æqualibusque promissis bearetur; constanter tamen & Deo & patruo adhæsit. Donec ob familiæ utriusque opulentiam, & domesticorum jurgia discessionem ipsa juberet necessitas. Abrahamo itaque optionem dante, Lotus loci amœnitate allectus, in rerum suarum sedem eligit planitiem Jordanis: quippe quæ tota irrigua erat, & cum ipso vere Paradiso certare videbatur. Non ausim profecto omni hic culpa Lotum absolvere: nescio tamen an eo nomine objurandus sit, quod patrui modestiæ non satis responderit. Quis enim dixerit, quid gestum sit inter utrumque mutui humanitatis reciprocatione? Potuit enim recusasse optionem, quam non nisi urgente patruo accepit. Non omnia Moses tam brevi narratione edidit. At nec Judæorum facile magistris assenserim, affirmantibus, Abrahamum mansionis in suo loco certum, eam solum optionem Loto dedisse, ut in quam vellet partem cum pecude & possessionibus suis secederet, se nolle relinquere locum prophetiæ. Hæc nos a simplicitate Mosaiæ narrationis abducunt. Tantundem enim Abraham Loto permisum vult quantum sibi: nedum ut manendi facultatem sibi poscat, retineatve. *Si tu*, inquit, *sinistram petas, ego dextram*: & contra. Cæterum in eo procul dubio peccavit Lotus, quod se tam opima habitatione, ad quam temere non minus quam cupide festinaverat, beatum fore putaret. Deinceps sensit, quam infeliciter sibi ea cessavit electio: quia negotium cum superbis perversisque hospitibus ha-

buit

buit, quorum mores ferre longe durius erat, quam cum terræ sterilitate luctari. Ita dum sola prospectus amœnitate ducitur, inconsideratæ cupiditatis poenas dat.

V. Cæterum in cæcis hominum molitionibus partes suas Dei *As non* consilium agit. Quum uterque, tam Abrahamus, quam Lotus, in-*sine insigni* signes pietate viri essent, quorum in regionibus istis mira erat raritas; *Divina* separare eos. Deo visum est, ut apud diversos populos partibus quis- *Providen-* que suis defungeretur, monendo verbis, & præeundo exemplis. *tia ductu.* Quod uti de Abrahamo certum est, ita de Loto dubitare non finit Petrus. *Epist. 11. Cap. 11:8.* Præterea, Abrahamum, non Lotum, Deus ad possessionem terræ Canaan evocaverat. Offert Loto Abraham id cuius jure cedere non poterat, quodque Deus Loto ejusque soboli nolebat dare. Renuit igitur Lotus, sic gubernante Numine, ut juste excidisse videatur, qui speraverat. Voluit itaque hac separatione præfigurare Deus separatam fore utriusque familiæ habitationem, neque futurum unquam ut in unum coalescant populum. Quo facit quod mox a Loti discessu repetit Abrahamo promissiones terræ Canaan. Sic vidimus quis Lotus sit, & qua occasione in tractum illum Sodomiticum habitatum concesserit.

VI. Nunc de UXORE Loti videamus. Hebræorum Magistri, *VI. Rabbi-* qui nihil sibi ignoratum esse patiuntur, ejus & nomen, & genus, & *norum de* familiam, & mores narrant, haut secus ac si familiares Loto & ne- *uxore Loti* cessarii fuissent. *fabula.* Nomine ajunt fuisse עדית Adith, a testando, quod humanæ fragilitatis & Divinæ severitatis apud omnem posteritatem testimonium exstiterit. Genere fuisse Sodomæam: neque enim ex Chaldæa cum conjuge venisse Lotum, neque eo rediisse ut uxorem sibi e cognatis fumeret, neque Cananæam sibi despondisse; sed tum demum de matrimonio cogitasse quum apud Sodomæos moraretur. Unde Targum Hierosolymitanum: על דחוח אתתיה דלוט מן בני בניחון עמא דסדום אסתכלת מן בתה למחמי סה חף בסוף ביתנה דאבתי. Quia uxor Loti fuit ex filia filiorum populi Sodomai, respexit post se, ut videret quid tandem futurum esset domui paterna. Filias ei quatuor attribuunt, quarum binæ pridem nuptæ cum maritis & sobole perierint, binæ adhuc virgines incendio ereptæ sint. Quod colligunt ex sermone Angelorum ad Lotum: Habes hic quempiam tuorum, generum, aut filios, aut filias? Rogant Lotum de filiis, quum filium nullum habuerit. Rabbinus id exponunt de nepotibus ex filiabus quæ enupserant. Jarchius: בני בנותך הנשואות. In eadem sententia Mercerus est: cui verisimile non videtur, quod Lot desponsatas oblatus fuisset in stuprum. Quo etiam facere videtur, quod Gen. xix:15.

150 EXERCITATIO VII.

dicatur in exeuntium recensione, *Tolle uxorem tuam, & duas filias* חַנְמָצוֹת, *quæ præsto sunt*, quas domi habes: omitte immorigeras, quia festinandum est. Ego cum *Schotano* existimo id datum Lotum, quod ipse & familia servati sint: Deum etiam prævenisse, ne viri sanctissimi filiae impiis jungerentur, quamvis se & patrem gravissimo postea facinore involverint. Quod dicitur חַנְמָצוֹת, accipio opposite ad sponfos. Porro *mores* fœminæ ita describunt, ut morosam admodum & marito obstreperam fuisse narrent. Atque hos ipsos hospites, qui ad familiæ suæ salutem advenerant, tristi ac tetrico vultu acceperit, & hospitalitatem violaverit; cibum parare, sal adferre, jubenti marito renuerit: unde Lotum ipsum cibis parandis occupari oportuerit: dicitur enim in genere masculino וּמַצוֹת אֵפֶה, & ipse panes infermentatos coxit. Gen. xix: 3. Scriptor Pentateuchi *Ibn Sinai*, ex mente Orientalium quorundam Interpretum, asserit, postquam advenæ ad Lotum diverterunt, tunc uxorem notum illud fecisse civibus, signo utrique parti posito: pulsato videlicet pariete dixisse מַלְחָה אֶעֱטוּנִי *Date mihi sal*. Cæterum omnia ista male feriatorum hominum commenta esse, quis tam cæcus est ut non videat?

VII. Mandatum Dei de non respiciendo retrosum, inconsiderate ab ea spectum.

VII. Nos seria sectemur, & consideremus in hac fœmina, primo *culpam*, tum *pœnam*. Culpa in eo est, quod הכֵּס מֵאַחֲרָיו RE-SPEXERIT POST IPSUM, scilicet Lotum. Gen. xix: 26. Vocem Hebræam alii aliter interpretantur. Græci οὐκ ἔτι ὀπίσω. In eundem sensum Syrus. Chaldæus מֵאַחֲרָיו *post se*. Sic & Vulgatus. Sed non convenit affixum, quod masculini generis est. In re ipsa tamen differentia aut nulla est, aut exigua. Lotum præeuntem & festinantem non æquis passibus secuta conjux, respexit ad ea quæ pone Lotum, & pone se erant. Ut numero dicam, reflexit oculos versus Sodomam. Quod in se non fuisset malum, si ex bono ortum fuisset principio; & nisi deserto Dei repugnasset interdicto. Nimirum Loto dixerat Deus comm. 17. NE RESPICIAS POST TE. Quod quidem exigui montenti mandatum videri posset, solo corporis situ vel præstandum, vel violandum; sed sine dubio plura complexum est. Sunt qui volunt, Deum in re tam facili Loti obedientiam explorare voluisse. Verum non ea tunc res agebatur. Sunt qui ad festinationem referunt, ut moneretur præcipiti se fuga subducere, quia festinabat Divina vindicta. Jubentque similes conferri formulas, quibus diligentia ac celeritas commendatur. Uti 2. Reg. iv: 29. *Si quem inveneris, ne salutato cum, & si quis te salutaverit, ne respondeto ei*. Adde Luc. x: 4. *Neminem in via salutetis*. Id est, sine mora ac intermissione iter vestrum celeriter conficite. Nec abnuo, modo ne id solum esse

esse credatur. Genuinam prohibitionis rationem hanc fuisse arbitror: Voluit Deus Loti & suorum animum abducere ab omni pristini domicilii cogitatione, & monere salutis ac vitæ curam potiorē esse omnibus quæ reliquerant Sodomæ; ne talium amore ac cupiditate titillati beneficium Divinum negligerent, aut amitterent: quasi eo redire volentes, unde tanto erepti erant prodigio. Amœnitas ac fertilitas tractus istius effecerat, ut, nequicquam obstantibus incolarum sceleribus, diuturnas ibi moras Lotus nexuerit. Tamen autem Sodomæ habitans cor suum quotidie excruciauerit, fieri tamen vix potuit, quin ex profunda scelerum colluvie sordium aliquid contraxerit: hoc saltem, ut ista bonorum & commodorum hujus sæculi ubertate ultra quam par est delectaretur. Nunc itaque a Domino purgandus, deliciis privatur, in quibus sibi nimium placuerat, jubeturque adeo non invitus iis carere, ut ne oculos quidem retroflectat. Ipso igitur corporis motu significare eos Deos voluit, se affectus suos omnes ita subegisse, vel saltem velle subigere, ut de domo, supellectile, armentis, cæterisque possessionibus relictis, solliciti amplius non essent.

VIII. Spreta tam diserti interdicti religione uxor Loti, dum ma-^{VIII. Non-}ritus strenue pergebat, oculos retroflexit. Multa equidem in patro-^{nulla ad}cinium hujus facti excogitari possent, quibus, si non prorsus excul-^{facti illius}petur, magna tamen criminis dritate excusetur. Nam & fœmina^{excusatio-}erat, cujus sexus imbecillitati ab ipsis etiam hominibus multum con-^{nem ali-}donari solet; & tot cara in urbe reliquerat; urbe si non patriâ, at ^{quam alle-}gari pos-^{sunt.}saltem quæ patriæ vicem sibi totique familiæ a multis retro annis præ-^{sunt.}stiterat. Nonne a natura ita facti fumus omnes, ut rerum pulcra-
rum ac jucundarum, quibus suæ bonitatis imaginem quandam im-
pressit Deus, quarumque usum humano generi immensa Numinis be-
nignitas gratificata est, amore ac desiderio teneamur? Quis ab ani-
mo impetrare suo potest, ut antiquæ consuetudinis memoriam omnem
uno veluti istu a se removeat? Quis vicinorum & notorum commi-
serationem, quis curiositatem cognoscendi res eas mirabiles, ac in-
credibiles propemodum, quæ tunc agebantur, truci sententia dam-
net? Quis denique, nisi supra humanæ imbecillitatis sortem positus,
ita affectus cunctos in manu sua habeat, ut non tantillum saltem quan-
tum Loti uxor, sibi quoque indulgeret?

IX. Hæc sane, & quæ multa dici possent his similia, non im-^{IX. At mul-}probe dicerentur, si de excusanda quomodocunque persona ageretur.^{ta eo con-}
Non enim laudanda eorum severitas est, qui præfracta impetuosus sermo-^{currunt,}
nis duritie in obvios quosque detonant, quos peccato alicui cernunt ^{quibus val-}
impli-^{de crimino-}

sum esse
probetur.

implicitos ; suæ interim fragilitatis immemores , & obliti similibus , vel majorum forte criminum , quibus & ipsi sese obstrinxerunt. At quamvis venia quærenda sit peccanti ; improbum tamen est , patrocinium commodare peccato : maxime si peccati excusatio vergat ad accusationem summi Judicis , quasi non servata æquitatis proportione culpæ mensuram pœna exsuperet. Et profecto , si recte attendamus , multa in fœminæ hujus delicto concurrunt , quibus valde aggravetur. Fuit in eo I. *Inobedientia* , contra expressum Dei mandatum , cujus nullam prætexere poterat ignorantiam. Talem vero inobedientiam , vel in minima re , aut rei circumstantia , ægerrime sæpe tulit Deus. Nec immerito : quippe in qua est adversatio Deo , & contemptus majestatis ejus , nostræque voluntatis superba supra Divinam elatio. Quod *Saul* inculcavit *Samuel*. 1. Sam. xv : 22. *An deletatur Jehova holocaustis & sacrificiis , ut quum auscultatur voci Jehova ? Ecce auscultare melius est sacrificio , attendere adipe arietum. Quin sicut peccatum divinationis est rebelie ; & sicut superstitio & idola est repugnantia : quis spreverit verbum Jehova , sprevit similiter te , ne sis rex.* II. *Incredulitas* , contra apertam rei futuræ revelationem : dubitans de fide Angeli , videre voluit quid fieret. *Qui vero non credit , Deum ipsum mendacem efficit.* 1. Joh. v : 10. III. *Ingratitudo* : quod tanto affecta beneficio , in tantilla re detrectaverit obedientiam. Hocce rependi debuit tam prolixo Numinis amori , tam prodigiosæ e præsentis exitio ereptioni ? IV. *Κομπωλία* , animus rebus terrenis nimium additus. Quæ omnia non nostro , sed supremi Judicis arbitrio , æstimanda sunt.

X. Facta
est statua
salis per
veram me-
tamorpho-
sin.

X. Quanti autem ea fecerit Deus , ex pœna liquet : his expressis verbis , וַתֵּיזַן נָאִיב סָלִת , ET FACTA EST STATUA SALIS. Quæ ut rite intelligantur , certa ab incertis , & palam fabulosis distinguenda sunt. *Certum* , me judice , est , factam hic esse veram *μεταμορφωσιν* , ut corpus muliebri Divina virtute mutatum sit in *statuam* , sive *accervum* salis , id est materiæ solidæ & stabilis ; quale est sal minerale , quod marmoris instar excinditur ex rupibus , & nullo imbri liquefcit , & pro saxis ad ædificandas domos idoneum est.

XI. Alibi
quoque so-
lida salis
massa me-
morantur.

XI. Salinarum metalla esse quæ *Cantium* ministerio funguntur , ex quibus nimirum ut ex lapidinis sal cæditur , quo simulacra hominum deorumque formantur , tanquam aliquo *marmore prophytico*. *Solinus* tradit. In eo solum castigatus a *Salmasio* , quod montes istiusmodi salis ex *India* in *Siciliam* transfulerit. *Plinian. Exerc. p. 82.* Addit *Salmasius* : Arabes fossilis salis massis domos extruere. De salis etiam qui *Utica* effodiebatur hoc scriptum reliquit *Aristoteles* in *Admiras-*

mirandis, p. mihi 711. & acceptum refert Punicis Annalibus: Τῆς ὁ Λιβύης ἐν Ἰθύνῃ τῇ καλυμένῃ γίνεσθαι φασιν ἄλας ὀρεγνύς, ἐπὶ τρεῖς ὀργυῖες τὸ βάθος, τῇ ὀφεί λεικός καὶ ὕστερος, ἀλλ' ὁμοίως τῷ γλιχρὸτάτῳ γλοιῷ· καὶ ὅταν ἀνεγερχθῶσιν εἰς τὸν ἥλιον ἀποστερεῖσθαι, καὶ γίνεσθαι ὁμοίως τῷ παρὶθ λίθῳ· γλυφεσθαι ὃ ἐξ αὐτῶν λέγῃσι ζώδια καὶ ἄλλα τέτυκν. *In Utica Libya nasci salem fossilem ajunt, trium passuum profunditate, adfectu albium, & minime firmum, sed similem viscosissimo glutini, qui in solem prolatus adeo indurescit, ut nihil a Pario lapide differat; quocum animalia mascula poliuntur. Sic inepte incerti Interpretis versio habet: pro eo quod dicendum fuerat: ex quibus ajunt animalia & alia vascula sculpti.*

XII. Quæ eo a me allata sunt, ne incredibile videatur massam XII. *Undo aliquam salis, longo tempore aëri & imbris expositam, liquefa-* ^{necesse non} *ctam tamen non esse. Neve cogamur vocem salis metaphorica notio-* ^{est salem} *ne accipere, ut perpetuitatis symbolum.* ^{perpetuitatis} *Uti videtur accepisse Tar-* ^{is sensu hic} *gium Hierosolymitanum: וְהָיָה קַיִמָּה עִמּוֹר דְּמַלְחָה עַד וְכֵן תַּחֲיִיחַ* ^{exponere.} *Et ipsa facta est columna salis, duratura usque ad tem-* *pus resurrectionis, quando vivificabuntur mortui. Ita Num. xviii: 19.* *וְהָיָה מַלְחָה בְּרִית פָּאֵתוֹם* *factum salis, est pactum perpetuum, nunquam desitutum. Sed perplacet mihi Riveti observatio: Locutionem illic esse figuratam liquet, quia pactum, quum sit actio relativa inter duos, non potest in salem converti: potest tamen sale adhibito sanciri, quemadmodum olim sacrificia fuerunt sale condita. Intelligimus igitur corpus illius mulieris in salis statum, eamque durissimam, concrevisse intus & foris, in perpetuam rei memoriam.*

XIII. Hæc certa arbitror. Pro incertis habeo I. *Modum quo me-* ^{XIII. Ve-} *tamorphosis hæc facta sit: an quod Judæi volunt vi ignis & sulphu-* ^{res vera} *ris cœlestis, quo misera foemina quasi fulgure tacta obriguor,* ^{historia} *ac* ^{multa in-} *quasi in calcem versa sit, an alia quacunque ratione nobis incognita.* ^{certa addi-} *II. Figuram, quam retinuerit, an ea foeminea fuerit; an vestita; an* ^{derunt.} *eadem in specie quam viva gesserat: sic ut & mutata cognosci pro uxore Loti potuerit. III. Durationem in eodem statu; quamdiu remanserit, & an Josephi adhuc ætate superstes fuerit. Quamvis eam sibi visam expresse narret, non tamen idcirco pro exploratissimo habendum est. Multa enim celebri isti Hebræorum Historico excidisse, in quibus diligentiam, judicium, imo & fidem desideres, pridem ab hominibus eruditissimis, & nuperrime a clarissimo viro Campegio Vitringa, evidentibus exemplis demonstratum est. Si quidquam viderit Josephus, vidit fortassis aliquid sibi ab accolis demonstratum: quod illi hanc statuam esse fabulabantur, ipse imprudenter credidit.*

sum esse
probatum.

implicitos; suae interim fragilitatis immer-
vel majorum forte criminum, quibus & satis habuerunt, majorive li-
quamvis venia quaerenda sit peccan-
cium commodare peccato: &

accusationem summi Judicis.

culpae mensuram poenis et

multa in fœmine sunt.

Fuit in eo L. Jost

nullam preter

vel in mœnibus

Nec in mœnibus

jestatis.

Quod

Voluit

subii labores itinerum, nec tamen ex-

quidem incolae retulerunt mihi, locum il-

lore sine mortis periculo adiri non posse propter

precipue autem propter Beduinos loci habit-

inhumanos, pessimorumque morum. Nicolam

Princeps Polonus, curiosus istorum loco-

ex Arabe suo, cæterisque qui loca illa explorati

quaesivisse testatur; verum eos constanter affirmasse,

incertis hisce fabulosa accesserunt multa. In quorum cen-

quod viri cætera graves tradiderunt, eandem semper

formam, sive ab hominibus, sive a feris, sive a

statuae huic redire formam, sive ab hominibus, sive a feris, sive a

lambentibus corrupta sit gregibus. Id Tudelensis narrat Benjamin li-

Ex monte, inquit, olivarum despiciunt mare Sodomiticam:

quo mari ad salis statnam, qua Loti uxor fuerat, due sunt parasangæ.

והצאן ליהכות ממנה ואחר כך חזרת צומחת ככרשונה. Statua quidem

gregibus lambendo diminuitur; sed denuo excrescit ad pristinam quanti-

tatem. Eadem ante Benjamin noto carmine cecinit sive Tertullianus,

sive Cyprianus.

Durat adhuc etenim nuda statione sub æthram,

Nec pluviis dilapsa, situ, nec diruta ventis:

Quin etiam si quis mutilaverit advena formam;

Protinus ex sese suggestu vulnera complet.

Non minus fabulosum est, quod & salvo vix dici potest honore,
quodque idcirco ejusdem Poëtæ quam meis verbis hic exstare malo:

Dicitur & vivens alio jam corpore sexus,

Munificos solito dispungere sanguine menses.

XVI. In
quibus Ire-
mans fru-
stra quæsi-
vit myste-
rium.

XVI. Irenæus in futilibus næniis istis, non quod pueri in faba,

sed mysterium aliquod quæsit, & invenisse se putat; dum ita com-

mentatur: Lib. IV. Cap. LI. Et quum hæc fierent, uxor remansit in So-

domis, jam non caro corruptibilis, sed statua salis, semper manens, & per

naturalia ea qua sunt consuetudinis hominis ostenders: quoniam & Ecclesia,

que est sal terræ, sublevis est in confinio terræ, patiens que sunt humana.

Et dum sæpe auferuntur ab ea membra, integra perseverat statua salis;

quod est firmamentum fidei, firmans & præmittens fides ad Patrem ipse-

rum. Vah; quanti est sapere! Unde tandem non extendentur my-

steria?

steria? Non possum quin adscribam prudens *Riveti* monitum, qui, postquam hæc *Irenæi* verba recitasset, sic pergit: *Hoc scilicet est rem tibi tangere! Non tamen inutile est meminisse, ut quum periculosum sit in talibus ludere, etiam magnorum alioqui virorum lapsu præmoniti discamus parere ad sobrietatem.*

XVII. Sed uti nimium credulitati suæ indulgentes viri optimi, XVII. *Clerici* quidem parte in excessu peccaverunt; ita, ut mollissime loquar, *rici paradoxæ hujus historiae explicatio.* unge cis obsequiosæ fidei terminos consistit *Johannes Clericus*, nimium indulgens lascivientis ingenii ratiocinationibus: cujus exstat *Dissertatio de Statua salis*, quam suis in *Genesin* Commentariis subnexuit. Hujus viri ratio ipsi dictat, multa concurrere absurda, si cum Interpretum vulgo statuamus, veram metamorphosi uxorem *Loti* in statuam salis esse conversam; quum satis sit, eam cunctationis suæ poenam morte dedisse, & portenta naturæ viribus superiora rara sint, & denique in toto hoc negotio nihil tanto miraculo dignum reperiatur. Quid itaque verbis *Mosis* fiet, diserte dicentis, וְתָהִי נָצִיב מֶלֶח, ET FACTA EST STATUA SALIS? Gen. XIX: 26. Nihil hic admodum vir expeditissimus moratur. Quum metamorphosis ejusmodi rationi dissona sit, præstare dictat ut ad alium sensum quam verba præferunt confugiamus. Additque, quod notatu dignum: Imo vero, licet nonnihil torquerentur *Scriptoris Divini verba*; (quod tamen a se fieri negat) satius esset DURAM ADHIBERE INTERPRETATIONEM, quam absurda dicentem inducere. Multo credibilius, inquit, phrasi minus propria usum esse *Mosē*, quam absorta planis verbis esse elocutum; CONTORTAQUE proinde ENARRATIO tolerabilior esset, quam portentosi eventus, ad duas voculas ambiguas exponendas, fictio. At operæ pretium est cognoscere, quo modo ambiguas istas, quas vocat, voculas tractet. Observat vocem נָצִיב tralatitio sensu significare immotum aliquid, & durum, columnæ & statuæ instar, unde & apud Chaldaeos נִצְבָתָא est durities Dan. 11: 41. Itaque *Moses* hoc velle posset, uxorem *Loti* diriguisset, & instar columnæ aut statuæ immotam illic remansisse. Sic *Philo*, *Libro de Profugis*, ubi hanc historiam allegorice interpretatur, ait, eos qui anterioribus relictis εἰς τὸ πῖον cervicem flectunt ἀψύχῃ καὶ κωφῇ λίθου τρόπον συνιστάμεναι, inanimati ac muti lapidis instar columnas fieri. Similiter notat, vocem מֶלֶח proprie quidem salem notare, sed & solum salsum ac sterile, quale est circa lacum Asphaltidem. Deut. XXI: 23. quod alibi dicitur מֶלֶח Pſ. CVII: 34. & a LXX. Interpretibus vertitur ἀλμυρὴς aut ἄλμη. Quo sensu, inquit, si hic intelligatur, deerit præpositio כ, ut וְתָהִי נָצִיב מֶלֶח, si pro כַּמֶּלֶח & תָּהִי נָצִיב & fuit statua in salso solo, seu in subverso solo.

interiit. Pergit ; interdum מלח diuturnum tempus significat. Num. xviii: 19. Quæ significatio si hic admittatur , uxor Loti in perpetuum mansisse in Sodomitico agro , seu illic diriguisset , neque unquam reversa intelligetur. Rem ipsam fusiore commentario illustrat p. 333. *Verisimilius , mulierem in tu diriguisset , aut vapore sulphuris & bituminis suffocatam. Quum enim patria cæli & terræ ignibus arderet , — quid mirum si præ metu & dolore animam efflaverit , aut saltem exanimata conciderit , & , quum nemo suppetias ferret , obierit. Si cui tamen hoc mortis genus minus arrideat , non absurde forte coniciat , mulierem non tantum oculos ad patrium solum retorsisse , sed etiam , postquam Angeli abierant , rediisse , ut propius incendium spectaret ; atque ita suffocatam fuisse.*

XVIII.
Illi fir-
mamenta.

XVIII. Firmamenta paradoxæ interpretationis hæc sunt. I. Quod res ipsa cum ratione optime conveniat , & plurimum habeat verisimilitudinis. Nam & alias observatum est motu terræ insanos plurimos homines esse factos , atque impotes sui errasse. Nusquam est , neque fuit , qui securus adspiceret ruptis compagibus dehiscens solum. Mirumne ergo videbitur , si dixerimus tam horrendo spectaculo oppressam uxorem Loti subito diriguisset , aut semianimem collapsam , dum licuit , vitæ suæ non consuluisse ? II. Quod similes locutiones , tam in sacris quam profanis , existent , metaphorico sumendæ sensu. In sacris de re minori similis occurrit phrasîs. 1. Sam. xxv : 37. ubi de Nabale : *& mortuum est cor ejus in illo , & ille היה לאבן fuit in lapidem.* Quemadmodum igitur ex eo quod dicitur Nabal lapis factus , nemo dixerit hominem in lapidem μεταμορφωθῆναι : nec uxor Loti censenda est statua salis evasisse , quod dicatur fuisse statua salis. Sic etiam locuti sunt in summi stuporis expressione Latini Poëtæ. Ovidius *Ariadnem* ita loquentem inducit :

*Aut mare prospiciens in saxo frigida sedi,
Quamque lapis sedes , tam lapis ipsa fui.*

Alibi :

— *Mater ad auditas stupet cœu saxea voces.*

Rursus :

— *duroque simillima saxo
Torpet.*

Hinc fabula de *Niobe* in saxum mutata : cujus verum sensum indicavit Cicero , *Tuscul.* 111. *Niobe* , inquit , *figitur lapidea propter æternum , credo , in lætu silentium.* Addit novus Interpres ex *Palephato de Incred. Hist.* Cap. 1X. quod valde ad ipsius mentem dictum arbitror : *ὅτις πείθεται ἐν λίθῳ γενέσθαι ἀνθρώπων , ἢ ἔξ ἀνθρώπων λίθον , οὕτως ἐστὶ.*

Quis-

Quisquis credit ex lapide fieri hominem, aut ex hominibus lapidem, stultus est. Neque dissimulat, multa a se observari posse, quibus appareat *Niobes casum morti uxoris Loti similem esse*; quemadmodum utramque ob simile exitium conjungit *Clemens Alexandrinus Protrept. p. 65.*

XIX. Non indignabitur, spero, vir doctus, si quo soleo candore, & quem rei momentum exigit zelo, animi mei sententiam super paradoxa hac interpretatione exponam. Atque ita quidem, ut primo ejus *originem*; tum *ipsam*, denique illius *firmamenta* examinem. Principium & origo hujus interpretationis, quod ignorare nos vir doctus noluit, est fuga portentorum, ne scilicet miraculosi aliquid in hac historia agnoscere cogeretur. Id vero ego homine pio, Deum amante, & gloriæ ipsius studio, indignum esse arbitror. Uti non sunt temere fingenda miracula, & Scripturæ verba anili credulitate eo trahenda, quod Hebræis Interpretibus perquam familiare est: ita nec justo difficiliore esse licet in admittendis miraculis, quando narrantur: nec Scripturæ verba quæ sita durave expositione ita torquenda ne portentosi aliquid innuere videantur. Quid tandem hoc malæ rei est? In extollendis prodigiosis Dei operibus toti fuerunt prisci vates, & hoc suæ existimarunt esse pietatis: & nos nostræ putabimus esse sapientiæ, ut miracula elevemus, omnique ingenii nostri ex tabulis Christianæ fidei exturbemus?

XX. Vel hoc exemplo discere liceat, quid sit superbam istam Rationem Scripturæ interpretem facere: quæ eam, modo cum acumine aliquo, torqueri mavult, quam ut id dicere censeatur, quod ex principiis suis deducere Ratio potis non est. Hoc sane est, in gratiam Rationis, Scripturæ primum bellum indicere, tum & Rationi ipsi, in Scriptura ita interpretanda. Quis enim regulas interpretationis sequens quas præscribit Ratio, animum inducere potest, ut credat, hominem sanum & sobrium, dum, in historia portentorum plena, narrat scæminam aliquam factam esse statuam salis, hoc solum dicere voluisse, eam ingenti metu perterrefactam repentina morte obiisse, suave imprudentia propius flammis admotam arsisse? Quis ejusmodi verborum portenta in *Polybio* aliquo aut *Livio* ferat? Aut quis tantam interpretum in simplicibus verbis eorum pervertendis audaciam sine indignatione legat? Adeone omnia nobis in Divina volumina licere arbitramur, quæ si quis in *Plutum* aut *Lucianum* auderet, ut execrandi in Republica Literaria flagitii reus, sacer & instabilis esse juberetur a Senatu Populoque Criticorum?

XXI. Cæterum quidnam illud est, quod tantopere refugit Ratio? Deum facere portenta? Ubi terrarum sumus? Hæcne in medio

XIX. Uti nimia facilitas, ita & nimia difficultas in admittendis miraculis improbanda est.

XX. Periculosum est rationi nimium tribuere.

XXI. Quæ tamen hic nihil in-

158 / EXERCITATIO VII.

nis quod
merito
horreat.

dio audiuntur Christianismo, quæ vel Gentilismus horreat ? Repugnatne Rationi omnipotentem infinitumque Deum ea facere , quorum rationem proximamque causas nos miseri mortales assequi non possumus , neque in opulentissimo (sic saltem jactatur) idearum nostrarum thesauro invenimus ? Repugnatne Rationi, eum qui ordinem omnem naturæ pro sapienti, sed & liberrimo, arbitrio constituit, ejusdem ordinis dominum manere, illudque, ubi visum est, ipso facto ostendere, per sapientem rursus liberamque ordinis istius, ad exiguum tempus, & singulari aliqua occasione, mutationem ? Meo quidem animo Davidicum illud immotum semper sedebit : *Ps. cxxii: 18. BENEDICTUS SIT JEHOVA DEUS, DEUS ISRAELIS, QUI FACIT MIRABILIA SOLUS.* Et quid tandem hic adeo absonum ? Credimusne Sacris Literis ? Credimusne Mosis baculum mutatum esse in serpentem ? Quidni & Loti uxorem mutatam esse in statuam salis ? Illi nihil simile in natura. Huic similia, sed cum aliqua dissimilitudine, multa.

XXII.

Quum &
alia muta-
tiones, huic
quodam-
modo simi-
les, in na-
tura inve-
niantur.

XXII. An non videmus eorum qui fulmine tacti sunt corpora mirum in modum obrigescere ? Spiritum etiam lapidificum Physici observarunt, qui corpora apprehensa in lapidum duritiem convertit. Eum aquis alicubi inesse *Plinius* adnotavit *L. II. C. ciii.* In Ciconum flumine, & in Piceno lacu Velino, lignum defectum lapideo cortice obducitur, & in Surio Colchidis flumine, adeo ut lapidem plerumque durans adhuc integat cortex. Similiter in flumine Sylaro, ultra Surrentum, non virgulta solum immersa, sed & folia lapidescunt, alias salubri potus ejus aquæ. Consentit *Seneca Natural. Quæst. Lib. III. Cap. xx.*

Flumen habent Cicones, quod potum saxea reddit
Viscera, quod tactis inducit marmora rebus.

Medicamentum est, & ejus habet natura limum, ut corpora adglutinet & induret. Quemadmodum *Puteolanus* pulvis, si aquam attingit, saxum est : sic e contrario hæc aqua, si solidum tetigit, hæret & affigitur. Inde est, quod res abjectæ in eundem lacum, lapideæ subinde extrahuntur. Quod in Italia quibusdam locis evenit, sive virgam, sive frondem demerseris, lapidem post paucos dies extrahis. Cæterum & illud valde memorabile est, quod *Scaliger* refert *Exerc. LIX. 12.* Singularis nunc miraculi, inquit, subtexenda historia est, ubi de aquis agimus. Allata est *Francisco* regi optimo maximo concha non admodum magna, cum avicula intus bene perfecta, alarum fastigiis, rostro, pedibus hærente extremis oris ostraci. Viri docti, quorum ille pater parens fuit, simul & munificentissimus observator, atque etiam conservator, mutatum in aviculam ipsum ostracum existimaverunt. Verum potior mihi videtur, clarissimi viri, *Christiani Schotani*, mei

mei quondam in Academia Franequerana antecessoris, observatio, eos qui spiritum lapidificum norunt, potius diſſuros, aviculam mutata esse in lapidem. Vide sis ejus *Histor. Sacr. ab Abrah. ad ingress. in Egypt.* p. 195.

XXIII. At propius ad institutum nostrum accedit, quod in Ba-XXIII. varia anno 1348. plures quam quinquaginta rusticos, cum vaccis, quas ^{Esiam ho-} mulgebant, terræ motu & pestilenti aura correptos, in statuas quasi sala-^{mines in} rias diriguisset, narrat *Aventinus in Annalibus Bojorum*. Alia ejus ge-^{salaras aut} neris vide apud *Marcellum Donatum Hist. Med. Mirab.* p. 264. quem ci-^{lapi-deas} tat clarissimus *Heideggerus Exerc. VIII.* quæ est de excidio Sodoma-^{quasi sta-} tus ^{tus mu-} Adde quæ collegit *Johannes Henricus Ursinus in Analect. Lib. III. Cap. IV. p. 168.* *Cordæus Medicus in Hippocr. de Mulier.* & Gallicus Scrip- tor *Thesauri Supernat. & Mirabil. Hist.* referunt in Burgundia vixisse *Columbam Chatri*, *Ludovicæ Chatriæ*, sartoris uxorem, quæ repigrato foetu, & obsepto utero, sarcinam prægnationis totis xxviii annis gestaverit. Mortuæ & reſectæ *infans lapideus*, durissimo quasi e mar- more, exemptus est. Nec mirandum minus est, quod idem Gallicus auctor habet: in civitate Aquisensi anno 1583. excisum esse e rupe in- tegri hominis lapidei ſkeleton, cujus ossa quidem e saxo friatæ, at medulla & cerebrum adeo dura fuerint, ut nec malleo cesserint, & admoto chalybe ignem ex iis elicere licuerit. Imprimis autem hic adferri meretur, quod *Bisselius* narrat: *Argonaut. Americ. Lib. XIV. Cap. II.* *Didacus Almagrus*, per gelidissima montium juga primus e Peruvia in Chilam cum copiis suis penetravit, inque ea expeditione, frigoris immanitate & pestifera aura multos suorum amisit: dein non magnis rebus gestis reliquias exercitus sui in eundem reduxit locum ubi tantam stragem frigus ventusque ediderant. Atque ibi comperit rem prope incredibilem: *Stabant adhuc equites peditesque, qui quinto ante mense obriguerant, immoti, inconsumti, ſitu, forma, habitu, quo repentina pestis quemque alligaverat. Alius pronus, humi stratus; alius reſectus; nonnemo videbatur inserta manibus frena quassare. Ad summam, invenit eos tales, quales reliquerat: odore nullo tetro, colore non solito funeribus; ac, nisi quod anima dudum intercidisset, cætera spirantibus quam exſtinctis ſimilior.* Quæ, quum ita sint, nihil nobis in sacra hac historia tam incredibile videri debet, ut idcirco paradoxa interpreta- tione vim inferamus verbis.

XXIV. Id profecto facit *Clericus*, nulla voce omiſſa quam non ^{XXIV.} injuste vexet. Nusquam נצי in Sacris Literis hominem attonitum, ^{Paradoxa} stupentem, & statuæ instar immobilem notat: sed vel *statuam*, vel ^{interpretati-} *presidium militum*. Quod ex *Philone* laudat, nulli rei est. *Philo* hi- ^{ci verba} ^{historiam}

babile videtur rem aliquam tali modo facilius fieri potuisse, idcirco ^{propterea} colligere licet, eo illam modo revera esse factam. Et profecto gran- ^{sunt inco-}
 de nefas est, contra claram ac perspicuam sacrae historiae narrationem ^{lida.}
 nescio quam probabilitatem obtendere. Quidquid ea dicat, quan-
 tumvis improbabile, verum tamen ac certum est. Quidquid ei con-
 trariatur, licet seposita sacra historia probabilissimum censeretur;
 ommissa tamen ejus historiae fide, non jam probabile amplius, sed
 quidam falsum est. Non expectant Divina volumina a Christianis
 lectoribus oppositas fictarum probabilitatum ratiocinationes; sed hu-
 mile fidei obsequium. Quae vero allegantur uti similes locutiones,
 eae valde dissimiles sunt. Nabalis historia 1. Sam. xxv. tam perspi-
 cuo conscripta sermone est, ut super illius sensu nulla unquam inter
 interpretes fuerit controversia. Nemo tam insanus est, qui ullam il-
 lius hominis in lapidem metamorphosim somniaverit: qualem omnes,
 quantum constat, interpretes in hunc usque diem, de Loti uxore
 concepere. Unde palam est, diversitatem locutionis legentium om-
 nium oculis & mentibus sua quasi sponte se ingerere. Quae ex pro-
 fanis auctoribus adduntur, nihil obscuritatis, nihil ambiguitatis ha-
 bent; neque ulli mortalium occasionem metamorphosim illiusmodi
 cogitandi dederunt; & sic vel nihil omnino probant, vel eo tendunt,
 ut casum Niobes & uxoris Loti eodem censu habeamus. Illa vero
 quum Poetica fabula sit; de hoc nobis quid statuendum restat?

XXVI. Imo vero hoc restat, ut, certissima fide persuasi de ad-XXVI. Ob-
 mirabilitate historiae, eo referamus omnia, quo referre nos Domi-
 nus Jesus voluit dicens, MEMENTOTE UXORIS LOTI. Sic autem ^{servationes}
 optime meminerimus, si discamus, I. Ad omnia Divinae jussionis ^{praecepta.}
 mandata, ea etiam quae minimi caeteroqui momenti videri possent,
 attendendum esse quam accuratissime; nihil ut nostris circa ea ratio-
 cinationibus indulgeamus. II. Ab omni nobis Divinarum legum vio-
 latione, quanta maxima possumus sollicitudine, cavendum. III.
 Quippe quam longe pluris saepe aestimat universi Judex, quam ho-
 minum peccantium parum judiciofa temeritas. IV. Horrendis ali-
 quando poenis Deum in ea hominum facta animadvertisse, in quibus
 nos vix peccati, nedum criminis, rationem, nisi ex ea Dei vindicta,
 deprehenderemus. Saltem quae multa se excusatione tueri possent.
 Confer Lev. x: 1, 2. 1. Sam. vi: 19. xii: 12, 13. 2. Sam. vi: 6, 7.
 1. Reg. xii: 18, 20. &c. V. Exuendum esse animum infano isto
 rerum mundanarum, carumque blandientium, amore: easque, Deo
 jubente, alacriter relinquendas esse, ut ipsius favore contenti, sine
 seculi deliciis, coelestis gratiae ubertate pascamur. VI. Festinandum

esse egredientibus ex Sodoma peccati atque exitii, ne elapsa, dum moramur, evadendi opportunitate, implicemur malo. VII. Semel egressis, neque animo neque affectu esse redeundum ad pristina vitia, & inquinamenta mundi, & curas hujus seculi. Luc. ix : 62. 2. Pet. 11: 20, 21, 22. Concludo verbis Sedulii:

— dum respicit uxor

*In statuam mutata salis, stupefacta remansit,
Ad pœnam conversa sum : quia nemo retrorsum,
Noxia contemti vitans contagia mundi,
Respiciens, salvandus erit : nec debet arator,
Dignum opus exercens, vultum in sua terga referre.*

EXERCITATIO VIII.

Qua anquiritur, quinam

ASSYRIORUM

Nomine in Sacris Literis veniant.

BREVIARIUM.

I. Assyriorum nomine multe gentes designantur. II. Assyriaca dominationis initium non est ab Assur, sed a Nimrod. III. Qui egressus in Assyriam edificavit Ninivem. IV. Regnumque habuit angustis limitibus circumscriptum. V. Quod variantibus fatis inmensum crevit. VI. Destructa Ninive Babylonici nominis gloria increbuit, evanuit Assyriaci. VII. Attamen Babylonii Reges Assyrii quandoque dicuntur, quippe qui in Assyriorum jus successerant. VIII. Ob eandem causam, debellatis Babyloniis Persæ dicti sunt Assyrii. IX. Dein Alexandri successores, Seleucidae. X. His successerunt Parthi, Arsacidae. XI. Distinguenti a Persis. XII. Arsacidarum familiae successit familia Chosroorum, restituto Persarum nomine. XIII. Adversus Chosroem Saracenis militibus usus est Mauritius. XIV. Qui male ab ipso habiti, sedem regni sui constituerunt Babylonem. XV. Hos excusserunt Turcae accepta

accepta religione Muhammedica. XVI. Ejectoque Calyptha Babylonico. XVII. Et praestituto sibi Solymanno. XVIII. Concluditur, Assyrios dici posse omnes qui terra olim ab Assyriis possessa imperant. XIX. Et consequenter, Persas etiam, Saracenos ac Turcas. XX. Micha v: 4, 5. agitur de pace Ecclesiae T. N. XXI. At quam turbabunt Turca. XXII. Sed non ferent inultum: oppositis sibi VII. aut VIII. Principibus. XXIII. Regnum in terra Nimrod erecturis. XXIV. Quod factum in regno Christianorum Hierosolymitano. XXV. Jes xix: 23-25. designantur tres populi, proprie sic dicti. XXVI. Et describitur eorum status tempore N. T. XXVII. Ea enim quae Aegyptiis contigit sanatio, non nisi ex Christo est. XXVIII. Assyrius Aegyptiis & Israëlitis jungendi in unitate fidei & charitatis, sunt Turcae Muhammedani.



D multorum oraculorum intelligentiam plurimum ex-I. Assyrio-
pedit rite exploratum habere, quænam gentes Assy-
riorum nomine in arcanis literis nostris designentur. rum nomina multa gentes designantur.
Quicumque enim non prorsus segniter & perfunctorie
in tractandis vatum voluminibus versatur, facile de-
prehendet, pro temporum & imperiorum diversitate,
diversos quoque populos Assyrios dictos fuisse. Unde obscurum re-
manet, quæ gens intelligenda sit, nisi aliunde claretur. Lux au-
tem inferri potest ex consideratione eorum quæ quoque loco de Assy-
riis prædicantur, & ex collatione historiae istius temporis. Cujus
rei specimen aliquod exhibere hac Diatribe visum est.

II. Certum utique est Assyrios primo & secundum literam dictos II. Assyria-
esse illos qui rerum suarum sedem & imperium in urbe Nino, quam ce domina-
tionis ini-
tium non
est ab As-
Sacrae Literæ Niniven vocant, habuere. Initium hujus imperii non
est ab Assur, Semi filio, sed a Nimrod, Chusi filio, Chami nepote, est ab As-
Noæ pronepote. Ita enim Moses Gen. x: 8, 10, 11. Cusch genuit Sur, sed a
Nimrodem: ipse cepit potens esse in terra. Erat enim principium regni Nimrod.
illius Babel, & Erec, & Accad, & Calne, in terra Sinear. Est aliud
in Nimrod's nomine ominosum: nisi fortasse, ex eo quod fecit, dein-
ceps eo nomine dictus fuerit. Significat enim Hebræorum sermone
rebellem. Et sane neglecta auctoritate Noæ, cui imperii partes omni
jure hætenus competierant, principatum erigere molitus est: allectis,
ut rebellantes solent, a paterno Noæ præsidio, ad sua castra complu-
rimis. Cujus regni custodiendi ac proferendi gratia, in campo Si-
near, has quas Moses memorat civitates extruxit. Erec autem est
Arecca in confinio Susiana & Babylonia, de qua Ptolemæus & Ammia-
nus Marcellinus. Invenias etiam Arectæos campos apud Tibullum Lib. IV.

& Ἀρακτινὴν χάραν, quæ mendose Ἀρακτινὴ scribitur *Straboni Lib. xvi.* ut observat *Scaliger*. Quidam credunt *Erec* esse *Edeffam*, celebre ad Euphratem oppidum. *Accad* vestigium nominis sui reliquisse creditur in *Argade* fluvio *Sittacenes*. Græci enim pro eo scribunt Ἀρχαδ. Postea dicta est *Nisibis*: unde *Acadene*, Mesopotamiæ pars, quæ apud *Ptolemaum* *Acabene*. *Calne* Chaldæi Interpretes, *Eusebius* & *Hieronymus* faciunt *Cresiphontem*, oppidum prope *Tigrim* celeberrimum, quod est caput *Chaloniidis*, *Parthorum* regia. Maxime autem ædificationem illius urbis urfisse videtur *Nimrod*, cui, a confusione ibi orta, *Babelis* inditum nomen est. Quumque, dispersis cæteris, ædificationis continuandæ auctor & ædificantibus dux esset, factus est compos alicujus potestatis inter homines; atque ita *Babele* primum regnare cœpit.

III. Qui
egressus in
Assyriam
ædificavit
Ninivem.

III. Pergit Sacer Textus: וְיָצָא נִינְוֶה מִן הָאָרֶץ. Id est, uti vertendum esse magnis argumentis contendunt *Bochartus* & *Johannes Vorstius*, *Miscel. Academic. Cap. x.* e terra illa egressus est in *Assyriam*, non ut alii volunt, ex terra illa egressus est *Assur* (Semi filius) & ædificavit *Niniven*. Nam aliena hoc loco esset mentio *Assuri*, filii *Semi*, ubi textitur genealogia filiorum *Chami*. Nec patitur ordo historię ut *Assuri* gesta referat *Moses* versu 11. & nativitatem versu 22. utque ex abrupto memoret urbes ab eo conditas quem hæcenus ne nominaverat quidem. E contra, si qua diximus mente exponatur, optime cohærent, & nexu pene necessario: principium regni *Nimrod* fuit *Babel*, &c. in *Sinear*, & is inde egressus est in *Assyriam*. Nam ideo principium regni vocatur *Babel*, quia priori illi regno aliud adjunxit *Nimrod*, nempe *Assyriam*. Adde quod *Assyria* vocetur terra *Nimrod*. *Mich. v: 5.* ubi diversis verbis idem bis dicitur. Et depascent terram *Assyriæ* gladio, & terram *Nimrod* lanceis ejus. Egressus autem esse videtur, vel propter inundationes, quibus tractum illum frequenter obnoxium fuisse testantur Veteres; vel, quod verisimilius esse crediderim, ad bellum inferendum. Confer phrasin 2. *Sam. xi: 1.* *Zach. xiv: 3.* *Jes. xlii: 13.* Quum enim *Assyria* *Semi* filiis obtigisset, nihil in eam *Chami* posteritas, ex qua *Nimrod*, juris habebat. Quod ergo jure sibi arrogare non poterat, id per vim usurpavit: atque ut sibi suisque retineret, ædificavit ibi *Niniven*, & *Rechabothas urbem*, & *Calachum*. *Assur* itaque in ista *Mosis* pericopa, non hominis, sed regionis nomen est; ita dictæ vel a conditore, vel a felicitate & ubertate. Nam *Assur* וְיָצָא beatum sonat. Et, si *Josepho* credimus, *Antiquit. Lib. 1. Cap. vii.* *Assyrii* omnium hominum μάχιμα εὐδαιμόνια, maxime beati fuerunt. Quam ob rem multi quoque hortum *Edenis* in *Assyria*

Assyria quælivere. Et sane fuit illa *terra frumenti & musti, terrapannis & vinearum, terra olei & mellis.* 2. Reg. xviii: 32.

IV. Porro regnum illud *Nimrodi* in *Assyria* licet omnium fuerit IV. *Re-*
antiquissimum, angustis tamen inclusum fuit limitibus, si cum infe-
cutis *Aegyptiorum, Babyloniorum*, aliarumque gentium imperiis con-
feratur. Nam quæ de antiqui illius imperii *Assyriaci* amplitudine, de
nominibus, numero, & annis primorum regum, *Africanus* apud
Eusebium, & ex eo alii tradunt: quæ de rebus a *Nino & Semirami-*
de gestis *Diodorus & Justinus* commemorant, ea omnia, ut a viris
doctissimis observatum est, fabulis & commentis accenserī debent:
quippe quæ solius *Ctesiae* auctoritate nixa, Sacrae historiae, aliisque
melioris fidei ac iudicii scriptoribus adversantur. Numero dicam:
ingenti mendacio orbi erudito imposuit *Ctesias*, dum vastissimam jam
inde a *Nini* temporibus *Assyriorum* Monarchiam fingit. Fabulans *Ni-*
num universae inter *Indos & Nilum* terrae imperasse, tantumque im-
perium posteris usque ad *Sardanapalum* reliquisse. *Syriam* etiam inter
provincias ejus imperii nominatim referens. Quod ex Sacra historia,
ne de exoticis nunc dicam, tam clare refutari potest, quam sol est
ipso meridie. Divina historia ab *Abrahami* vocatione, id est ab an-
no bis millesimo vigesimo tertio, quo tempore *Semiramis* in vivis esse
desierat, res *Cananae & Syriae* ostendit. Multa illic mentio regum,
qui vicinis infesti aut dominati fuerunt; altum ubique silentium *Assy-*
riorum. Gen. xiv. mutua multorum regum bella memorantur: præ
cæteris *Cedorlaomer* laudatur: cui multi tunc reges parebant. To-
tius *Syriae* commotio narratur, inde a *Tigri* usque ad fines *Aegypti*:
nec quidquam sese movet *Assyrius* noster. Orta deinde sunt regna
Ammonitarum, Moabitarum, Idumæorum, Amorrhæorum, Amalecita-
rum, quorum reges, sui juris, ad *Euphratem* usque dominati sunt:
de *Assyrii* jugo ne fando quidem audiverunt. In omnibus bellis *Jo-*
sua, in bellis *Judicum*, nullus *Assyrius*. Cur oppressi apud commu-
nem Dominum de injuria non conquesti sunt? Regnum in *Israëli* ca-
pessit *Saul*: mox *David & Salomo* longe lateque dominantur. Quid
ita altum stertit *Assyrius*? Post *Salomonem* ortum est regnum *Dama-*
sci in *Syria*, amplum & potens: quod crevit *Israëlitis* divisus. Illa
tria regna, *Israëlis, Judæ & Syriae*, frequentibus collisa bellis, nul-
lum *Assyrium* dominum agnovere. Vide sis *Schotan. Biblioth. Sac.*
T. 2. p. 1030. Confer *Marsham Canon. Chron. p. 509. Horn. Arc. Noë.*
p. 89. & accurate de hac re differentem *Clericum ad Gen. x: 10.*

V. Postea anno Templi ccxxxiii. primus in *Cis-euphratensibus* V. *Quod*
regionibus inclauit *Phul Assyriorum* Rex, qui *Israëlitidem* invadens,
mex-
bus satis

immensum
crevit.

mercede conductus, *Menabem* in regno Israël confirmavit. 2. Reg. xv: 19. Hic primus omnium *Affyrionum* regum est, cujus post *Ninrodam* in sacris factam deprehendimus mentionem. Per eum & successores ejus *Affyrionum* potestas crevit. At non sine quadam fatorum diversitate. Hic enim creditur esse ille, cujus sub regno *Ninivem* profectus est *Jonas*: cujus filius *Sardanapalus*, sive *Sardan-Phul*, eversionem *Ninives* & regni, effœminata mollitie meruit. Ex hujus regni eversione tria alia orta esse videntur. I. *MEDORUM*, ante subiectorum *Affyriis*, cui præfuit *Arbaces*, sive *Pharnaces*; qui *Sardanapalum* vicit. II. *BABYLONIORUM*, cui præfuit *Nabonassar*, in Scriptura dictus *Baladan*. Jes. xxxix: 1. III. *ASSYRIORUM*, restauratum in *Ninive*, per *Tiglatpilearem*; cujus magna satis fuit potestas & gloria. Jes. viii: 7. Is *Pecacho* in Israël regnante, anno Templi cclx. *Galileam* in provinciam redegit, incolis in *Affyriam* deportatis. 2. Reg. xv: 29. Idem *Damascenum* regnum excidit. 2. Reg. xvi: 9. Postea sub *Salmanassare*, ejusque filio *Sennacheribo*, *Affyrionum* res multis accessionibus auctæ sunt. *Asarhaddon*, *Sennacheribi* filius, *Babylonicum* regnum *Affyriaco* junxit. Ab initio *Nabonassaris* reges *Affyrii* duplices erant: quorum alii *Nini*, alii *Babylone* regnabant, usque ad annum *Nabonassaris* lxxviii. Templi cccxxviii. quo facta est hæc quam diximus regnorum conjunctio.

VI. Destru-
cta Ninive
Babylonici
nominis
gloria in-
crebuit,
evanuit
Affyriaci.

VI. Ab eo tempore evanuit *Affyriaci*, increbuit *Babylonici* nominis gloria. Maxime post destructam *Ninum*, ubi præcipua *Affyriaci* imperii sedes fuerat. Hujus *πρωλεθγίαν* tanquam suo tempore jam peractam elegantissime describit Ezech. Cap. xxxi. Ea autem in hunc modum se habuit. Post *Asarhaddonem* imperium *Affyriacum* simul & *Babylonicum* administravit *Saosduchinus*, annis xx. Hic idem esse creditur, qui in libro *Judithæ* communi regum *Babylonicorum* nomine *Nabuchodonosor* appellatur: qui tamen & rex *Affyriorum* dicitur, & in civitate *Ninives* imperasse traditur. Judith. i: 1. *Saosduchino* successit *Chynaladan*: annis imperans xxi. *Alexander Polybistor* *Saracum* eum appellat. Hoc imperante *Phraortes Medorum* rex, *Ninivem* obsidens, cum magna exercitus parte periit. Sed *Cyaxares*, ejus filius, obsidionem repetivit. Cui se per scelus adjunxit *Nabopolassar*, a *Chynaladano* exercitui suo præfectus: sic ut junctis viribus *Niniven* cum rege expugnaverint. *Nabopolassar* autem regnum *Babylonia* suscepit. Estque hic pater *Nebucadnetzaris Magni*, ipse quoque *Nebucadnetzar* dictus. Ita fere hæc omnia *Ufferius*. Sic autem destructa *Ninive* est, ut nullum ejus vestigium superesse ex vero *Lucianus* dixerit; imò ut de loco ubi sita fuerit multum inter erudi-

tos homines controvertatur. Qua de re videri *Bochartus* potest *Phal. Lib. iv. Cap. xx.* Cum *Ninive* autem *Assyriorum* imperium subversum esse creditur. *Diodorus* ex *Ctesia Lib. 11.* τῆς Νίῃς κατεσκαμμένης ὑπὸ Μήδων, ὅτι κατέλυσαν τὴν Ἀσσυρίαν βασιλείαν. *Nino a Medis diruta, quum Assyriorum imperium subvertierunt.* Non male *Ctesias* subversionem illam *Medis* attribuit: sed debuisset *Babylonios* adungere: per utrosque enim, sociatis operis, *Assyriorum* imperium eversum est; ut *Josephus* tradidit *Antiq. Lib. x. Cap. vi.* Consentit *Tobie* historia *Cap. xiv: 17.* everisionem illam *Nabuchodonosoro*, primo nimirum, & *Assuero* imputans. *Assuerus* ille est *Cyaxares*, *Cyri* avus. Nam *שורר* videtur Græcis in *Ἀσσοῦρος*, *Κυαξάρης*, *Ξέρξης* mutatum.

VII. Porro quum *Assyriis* in imperio & illarum terrarum possessione successerit *Babyloni* *Nebucadnetzar*, ipse quoque ex *Assyriis* ^{men Babylonici reges} *Principibus* oriundus; hinc & ille, eumque secuti *Babylonii* reges, ^{ges Assyrii} *Assyrii* quandoque dicuntur. Docet id, ut alia taceam, inscriptio ^{quandoque} *Canonis* quo *Babylonii* reges enumerantur. Ea ita habet: *Καὶ τῶν βασιλέων Ἀσσυρίων καὶ Μήδων.* Ante *Cyrum* reges *xx.* recensentur: *xviii.* ^{quippe qui in Assyriorum successerant,} priores sunt *Assyrii*: posteriores duo *Medi*. Vide *Marsham. p. 509.* Imo & ipsa *Babylon* pars *Assyriæ*, non *Poëtis* solum, sed & *Straboni*. Vide *Grot. ad Mich. v: 5.* Nec immerito huc refertur *Jes. lxi: 4.* *In Ægyptum descenderat populus meus primum ut hospitaretur ibi; & Assur eum pro nihilo injuste rapuit.* Qui sermo quum ad totum *Israheliticum* populum referatur, & singularie ad *Hierosolymæ* a *Nebucadnetzare* devastatæ consolationem directus sit; judiciose a celeberrimo Interprete annotatum est, non esse hic distinguendos *Assyrios* *Ninivitas* & *Babylonios*. Nam hic, quod toti *Israheli* evenit, spectatur. Decem tribus *Pulem*, *Tiglatpilesarem*, *Salmanassarem* nulla injuria affecerant. Ita *Judæi* nec *Sanheribo*, nec *Nebucadnetzari* obligantur. Ergo gratis ipsis venditi sunt.

VIII. Deinceps quum *Persæ* *Babylonios* superavissent, & ipsi ^{VIII. Ob} *Assyrii* dicti sunt. Notabile hujus rei argumentum habemus *Ezræ vi: eandem* *22.* ubi de reducibus ex captivitate *Babylonica*: denique ^{causam,} *celebrarunt* ^{debellatio} *festum azymorum septem diebus cum latitia*; quoniam exhilaraverat eos *Babylonis*, *Jehova*, & converterat animum *REGIS ASSYRIÆ* erga eos, ad confir- ^{Persæ dicti} *mandum manus eorum in opere domus Dei, Dei Israhelis.* Ubi clarum ^{sunt Assyrii.} est per *Assyriæ Regem* *Darium* intelligi, *Persam* quidem illum, sed cui *Assyria* tunc parebat.

IX. Exacto tempore quum *Persæ* *Græcis* cessissent, illi ex *Ale-* ^{IX. Deis Alexandri} *xandri Magni* successoribus *Assyriorum* nomine veniunt, qui in *Assyria* ^{successores,} rerum potiebantur, *SELEUCIDÆ* nimirum. Huc spectat *Bileam* va- ^{Seleucida.} *ticinium*

tionem Num. xxiv: 25. *Naves venient a parte Chittim, & habitabunt Assur.* Quod conferendum est cum Dan. xi: 30. *Et venient in insulam naves Chittim, & habitabitur, & reabit.* Vix dubitandum est quin de *Antiocho* utroque loco agatur. *Naves Chittim*, inquit *Bochartus*, *Phaleg. Lib. III. Cap. I.* hanc dubie sunt *naves Romanorum*, *Cajo Popilio duce*, quorum metu *Antiochus* re infecta discessit. Nota historia est ex *Livio Lib. xlv. Cap. xii.* *Antiochus* ergo *Assyrius* ille est, cujus debilitationem prædixit *Bileam*.

X. Hic successerunt
Parthi,
Arsacida.

X. Ostendimus hætenus evidentibus Sacrarum Literarum testimoniis, *Assyrius* eos dictos esse, qui regionem atque imperium ab *Assyria* olim possessum obtinuerunt. Superest, ut brevi, at continuo filo, pertexamus historiam, donec ad *Siracenos* ac *Turcas* perventum sit, quibus eodem successionis jure idem *Assyriorum* nomen competit. *Babylonem* igitur *S. leuci* a post *Alexandri* tempora aliquamdiu retinuerunt. Ulterioribus tamen non ita multo post potiti sunt *Parthi*, duce *Arsace*: a quo qui secuti sunt reges longo ordine, usque ad annum quartum *Alexandri Mamea*, qui fuit annus Christi ccxxviii. *Arsacida* sunt nominati.

XI. Distin-
guendi a
Persis.

XI. *Parthos* multi cum *Persis* eosdem faciunt. At perperam: nam discrepare origine, situ, lingua, moribus, ostendit *Hornius*. *Arca Noë p. 155.* Hodicque inter *Hispahan* & *Schiraz*, quorum illa *Parthia*, hæc *Persidis* metropolis, ea differentia observatur. *Parthi* ergo *Scythæ* septentrionales & montani, a *Meis* & *Sarmatis* originem trahentes, cœpta a *Seleucidis* defectione sub *Antiochio Theo*, eademque continuata & confirmata sub *Seluco Callinico*, & *Antiocho Hieace*, regnum suum multarum provinciarum accessione ab *Ido* ad *Euphratem* produxerunt: & quanquam *Antiochus Magnus*, & postea *Demetrius Nicanor*, *Babyloniam*, *Persiam*, *Eymaidem*, *Bactrianam* receperint, brevi tamen *Parthi* amissa recuperarunt, Syrorum prædiis una die interentis sub *Phraate secundo*. Et quod nunc nobis notandum, regiam suam, uti *Athenæus* auctor est, Lib. xii. sub brunam *Babylone* habuerunt. Ita enim ille: οἱ δὲ Πάρθων βασιλεῖς ἐκρίβου μὲν ἐν Παρθίᾳ, χαυμάζεον δὲ ἐν Βαβυλῶνι. *Parthorum* autem reges ver traducunt *Regio*, *Babylone* vero *hyemem*.

XII. Arsacidarum
familia
succes-
soribus
Chosro-

XII. Familiae *Arsacidarum* successit familia *Chosroorum*, sive *Sacchurum* *Sanidarum*; quam, ultimo *Parthorum Artabano* occiso, *ARTAXERXES* *Persa* condidit. *Chosro* autem commune nomen est, significatque, late regnans. Hujus *Artaxerxis* posteritas, qui *Persiam* a *Parthorum* dominio liberatam sui juris fecit, restituto etiam *Persarum* nomine, guber-

gubernavit regnum *Persicum* ab anno Christi CCXXXVIII, usque ad ^{anno Persarum nomine} *Heraclium* Imperatorem, & initium *Saracenica* potentiae, id est annum Christi DCXXII. cumque Imperatoribus Græcis continenter bella gessit. *Persæ* isti post *Parthos* rerum in Oriente potiti, urbem *Ninum* instaurarunt, quæ floruit *Ammini* ævo, anno Christi CCCLXX. De *Heraclio* etiam traditur, quod in Orientem proficiscens castrametatus sit circa *Niniven*. *Marsh*. p. 616.

XIII. *Heraclio* gravis admodum *Chosroës* fuit, qui *Mauritii* Cæ-^{XIII. Ad-} *saris* filiam, nomine *Mariam*, uxorem duxerat, & in ejus gratiam ^{versus Chos-} *Heraclius* *Saraceno-* ^{roem Sara-} *rum* militum opera usus est. *SARACENI* autem sunt *Arabes* ^{roem Sara-} *nomades* & ^{cenis mili-} *λυστικοί*: nam *Sarac* Arabibus *furari* notat. Eos tunc commentis suis ^{est Mar-} *dementaverat* *Muhammedes*: qui & prælio quo *Chosroës* res concide-^{risius.} runt interfuisse creditur. Rebus ergo feliciter gestis, *Syria*que & *Hierosolyma* aliisque provinciis quas *Chosroës* occupaverat Romano imperio restitutis, ab hoc bello redeuntem *Heraclium* *Muhammedes* regio comitatu & pompa stipatus convenit, & regionem ad habitandum petiit, atque obtinuit.

XIV. Quum autem militibus stipendium daretur, quererentur-^{XIV. Quo-} *que* *Saraceni* se merito stipendio fraudari: Quæstor imprudenter nimis ^{male ab} & arroganter, *vix esse* respondit, *quod Græco & Romano militi dare-* ^{ipso habiti,} *tur, nedum huic canum turbæ.* Quæ verba alte in pectus demissa, & ^{sedem re-} sæpius inter sectæ principes gregariosque milites iterata, brevi toti ^{gni sui com-} *fere Christianæ reipublicæ exitio* fuere. *Hac* enim contumelia ad iram ^{stituerunt} *accensi*, duce *Muhammede* ac successoribus ejus fortiter belligerantes, *Babylonem.* intra annos triginta potiti sunt *Arabia*, *Palæstina*, *Phœnicia*, *Syria*, *Ægypto* & *Persia*; *Africa* denique propemodum universa. Et paulatim etiam in *Asiam* processerunt: & totum adeo *Persicum* regnum obruerunt. In eo regno abolitis legibus & institutis prioribus novam prorsus politiæ formam condiderunt. Sedem regni constituerunt *Babylonem*: *Nino*, ut *Eustathius* in *Dionys.* p. 125. tradidit, *excisa*. *SARACENI* itaque illorum temporum *Assyrii* sunt.

XV. *SARACENOS* excusserunt *TURCÆ*: qui ex ea parte *Sarma-* ^{XV. Hos} *tia Asiatica* orti, quæ est inter montem *Caucasum*, fluvium *Tanain*, ^{excusserunt} *paludem Maotidem*, & mare *Caspium*, crebris excursionibus longe se ^{Turcæ, ac-} lateque diffuderunt. Horum pars aliqua, sive ex *Sepentrione*, ut ^{cepta reli-} *nonnulli*, sive ex *Carmania*, ut alii volunt, evocati, *Persis* contra ^{gione Mu-} *Saracenos* subsidio venerunt. Quumque *Orimisda*, ultimo *Persarum* ^{hamme-} *rege*, cæso, regnum in potestatem *Saracenorum* concessisse comperissent, soli fertilitate atque amœnitate capti, in terra *Chorafenorum*.

Tam. II.

Y

quæ

quæ antiquitus *Sogdiana* vel *Hircania* dicta fuit, confederunt: tandemque cum *Calipha Babylonio*, qui *Saracenus* erat, iis conditionibus transegerunt, ut terram in qua confederant possiderent colerentque, vicissimque, accepta religione *Muhammedica*, quam sua Gentili commutabant, *Calipha* parerent.

XVI. Eje-
ctoque Ca-
lipha Ba-
bylonico

XVI. At labente tempore exortis inter *Calipham* cæterosque *Saracenorum Sultanos* vehementibus ac diuturnis dissidiis, insculta est *Saracenicæ* potentiæ inclinatio atque ruina. *Persidis*, *Sogdiana* & *Mediæ Sultanus*, viribus *Calipha*, a quo defecerat, impar, *Turca* armavit: quorum opera quum vicisset, quod pacta stipendia solvere recusaret, mox ab illis, hac injuria irritatis, iterum victus atque regno ejectus est.

XVII. Es-
t præstis-
simo
sibi Soly-
manno.

XVII. Hinc *Turcarum* & animus crevit & potentia: qui immensum multiplicati sub uno se Principe omnes junxerunt. Eum ipsis familia *Salguci* dedit, cujus singularis tunc apud Barbaros veneratio. Tandem quum *Saracenos* tribus præliis cecidissent, *Persiam* occuparunt; mox *Palæstinam* & *Syriam*: donec maximis rebus in utraque *Asia* gestis, *Solymanno* duce ad *Hellepontum* usque penetrarunt, qui *Nicæam*, vi expugnatam, tam rerum suarum quam belli adversus Græcos sedem fecit, circa annum Domini *MLXXXI*. Hic est ille *Solymanus*, quicum *Argonautæ* nostri in *Asia* dimicarunt, & duce *Godofredo Bulionio* terram sanctam recuperarunt, regno *Hierosolymorum* complexi *Mesopotamiam*, *Syriam*, & *Ciliciam*. Ita pro *Saracenis*, vel etiam cum iis, illis in locis *TURCÆ* imperarunt, ubi olim regnabant *Assyrii*.

XVIII.
Concludi-
tur, Assy-
rios dici
posse omnes,
qui terræ
olim ab
Assyriis
possesse im-
perant.

XVIII. Quando igitur in vaticiniis, quibus Novi Testamenti tempora describuntur, *Assyriorum* fieri videmus mentionem; quid proclivius est, quam ut per *Assyrios* eas gentes intelligamus, quæ possessæ olim ab *Assyriis* terræ imperant? Ob eam enim rationem & *Babylonios*, & *Persas*, & *Seleucidas Græcos*, *Assyrios* dictos esse ostendimus. Quidni etiam qui iis successerunt *Saraceni* & *Turcæ*? Justo latius significationem hujus nominis extendit *Eusebius*, *Demonst. Evang. Lib. VII.* dum arbitratur, eo τὴν κατ' ἑκαστον χρόνον ἐπιγεγενησάντων τῶν ἰδιῶν βασιλείαν σημαίνουσαι, id quodcumque per singula tempora impositum gentibus regnum est significari: διὰ τὸ κατεβύοντα ἀπὸ τῆς ἑβραίων φωνῆς ἱμνηνύουσαι τὰς Ἀσσυρίους. Propterea quod ex *Hebraica* lingua interpretantibus *Assyrii* gubernantes significant.

XIX. Es-
t consequen-
ter, Persas
etiam, Sara-

XIX. Existare ejusmodi de *Assyriis* vaticinia, quorum complementum in posterioribus quærendum temporibus est, nunc quidem supponitur: & mox ex prophetiarum serie manifeste probabitur.

Quum

Quum ergo veteres *Assyrii* cum suo imperio dudum perierint, aliud ^{cenos, ad} imperium, *Assyriaci* æmulum, quodque per tot temporum rerum-^{Turcas.} vicissitudines prisco illi successit, intelligi debere videtur. Quod autem illud est, nisi imperium *Persicum* primum, mox *Saracenicum* ac *Turcicum*? Aut quodnam denique aliud est, cui meliori jure *Assyriaci* nomen vindices?

XX. Quantum lucis hæc obscurioribus quibusdam oraculis adferant, uno nunc lubet alteroque exemplo demonstrare. Michas Cap. ^{Mich. v: 4.} v: 4, 5. in hæc verba vaticinatur: *Et erit hæc pax: Assyrius quum* ^{s. agitur de pace Ecclesie I. N.} *veniet in terram nostram, & quum calcabit palatia nostra, tum constituemus contra ipsum septem pastores, & octo* נִסִּיכִי אֲדָמָה *unctus hominis. Et pascent terram Assyrii gladio, & terram Nimrod in ostiis ejus. Et eripiet ab Assyrio quum venerit in terram nostram, & quum calcabit terminum nostrum.* Facile ostendit prophetiæ series de quibus hic agatur temporibus. Comm. 1. describuntur egressiones Messiae, illiusque persona & officium. Quem quum *Dominatorem* dixisset Propheta, & Cap. 1v: 14. *Juicem Israël*, pergit comm. 2. judicium ejus exponere. Id vel severitatis est erga rebelles Judæos, quos *traditurus* esse dicitur, nimirum hostibus, *usque ad tempus parientis, quum pepererit*, usque dum Ecclesia Christiana plenitudinem Gentium stiterit Domino. Conf. Jes. 11v: 1. Gal. 1v: 27. Rom. xi: 25. Vel gratiæ, tam erga Judæos, quorum, rejectis cæteris, reliquiæ servabuntur, *reliquum fratrum redibunt ad filios Israël*; quam erga Gentes, sine nationum discrimine, dilatatis regni sui pomeriis *usque ad terminos terræ*. Comm. 3. Tum *stabit*, qui jacuerat mortuus: *& pascet*, colliget, alet, conservabit oves suas: *in robore Domini*, Divina, victrice, & irresistibili potentia; *& in elatione Domini Dei nostri*: gloriosas omnes Dei virtutes, in prædicatione Evangelii, & gubernatione Ecclesiæ, patefaciendo. *Et considebunt*, in tranquillo erunt statu, cessantibus jactationibus persecutionum. Cœpit id fieri, quando *Constantius Chlorus* Christianis in sævissima persecutione *Diocletiani* suffugium in terris suis præbuit. Sed hæc initia duntaxat sunt. Nam *nunc magnificabitur usque ad fines terræ*. Factum id potissimum sub *Constantini* imperio: quando data Ecclesiæ a suis persecutoribus *pax* est, cum maxima rerum omnium ubertate.

XXI. Non ea tamen pax præcipienda animo fuit quam nulla ^{XXI. Ac} comitaretur angustia. Nam præter illas vexas quas ab Hæreticis ex-^{quidam im-}spectandas habebat Ecclesia, & ab exoriente paullatim Antichristi regno, (de quibus aliæ prophetiæ agunt) hic insignis aliquis Ecclesiæ Christianæ hostis nominatur *Assyrius*. Cujus potestas, post ea quæ ^{Turca.}

modo descripta sunt tempora, invalidura, graviterque Ecclesiæ incubitura erat. Adeo quidem ut *venturus* sit ille *Assyrius in terram* Ecclesiæ, id est eas regiones ubi habitant qui Christi nomen profitentur: & *calcaturus palatium ipsorum*, partim destructurus, partim profanaturus, atque impiis usibus destinaturus Christianorum basilicas. Lucem huic prophetiæ sœneratur historia. Postquam enim per Christianos Imperatores conciliata Ecclesiæ pax est a persecutionibus, invalescere cœpit *Saracenorum* Imperium: quod ab anno Christi DCXXIII. usque ad initium *Leonis Isauri*, incredibiles progressus fecit. Non enim *Arabia*, *Palaestina*, *Syria*, *Persia*, *Aegypto*, *Africa* solum potius sunt, ubi frequentes florentesque fuerunt Ecclesiæ: sed & ex *Africa* in *Hispaniam* trajecerunt, quam quum decennium tenuissent, in *Galiliam* usque ad *Turonum* trecenta & septuaginta millia *Saracenorum* infusa sunt. Alibi vero in minorem *Asiam* irruptione facta, obsederunt regnante *Constantino Barbato Byzantium*, circa annum DCLXXV. unde repulsi redeunt cum majore classe, post annos XL. Sic *Assyrius* invalit terram Ecclesiæ.

XXII. Sed non fore id ipsi inultum, porro prædicit Vates. Sic enim pergit: *Tunc constituemus contra ipsum septem pastores, & octo unctos hominis.* Per pastores intellige ποιμένας λαόν, Reges & Principes. Confer 2. Sam. v: 2. vii: 7. Jer. vi: 3. xii: 10. Idem dicuntur נסיכי ארם uncti hominis, quemadmodum Petrus ἀρχιεπισκοπὴν αἰχλόν dixit. 1. Pet. ii: 13. Targum habet רכרבי אנשא magnates hominum. Coccejus emphasin statuit in numero singulari, ut designetur unus ille homo, Papa, rex emporii spiritualis; qui auctoritatem sibi in reges terræ arrogat, cujusque hortatu multi *Europæ* principes adversus *Assyrium* moverunt. Septenarius numerus multitudinem notat: quæ additione octonarii augetur. Non insolens scriptoribus, tam sacris quam profanis, est, minori numero quo multitudo aliqua notatur majorem superaddere, ad ingentem multitudinem significandam. Sic apud Amosum Cap. i. aliquoties, *super tribus defectionibus & super quatuor.* Homerus: Τῶν μάλιστα δάναοι καὶ τέτρανις. Ad eundem modum hic, septem, immo octo. Prorsus uti Eccl. xi: 2. *Da paries septem, aut etiam octo.* Tarnovius existimat alludi ad septem principes quos reges *Assyriorum* & *Persarum* penes se habebant, & conferri jubet Esth. i: 14. Jer. xxxix: 3. Significatur ergo, fore inter Christianos plures reges potentes, qui se *Assyrii* conatibus opponant.

XXIII. Penum in terra Nimrod restitutus.

XXIII. Et quidem eo successu, ut non solum imperium ejus repellant, sed & terram *Nimrodi*, *Assyriam* videlicet, *Babyloniam*, vicinasque regiones, depascant gladio, armis subigant, bellum ad ostia ejus,

ejus, unde egredi *Saraceni* ac *Turcae*, ad vim terris Ecclesiæ inferendam, solebant, retroagantes. Sed & majora præstabunt. Exorietur enim ultor; qui eripiet ab *Assyrio* dudum sibi possessa, & Christiano nomini in *Saracenorum* terris vindicabit imperium.

XXIV. Dissimulare non possum, quin ingeniosa mihi commen-^{XXIV.} tatio ista videatur, in qua & prophetiæ series, & sermonis emphasis ^{Quod fa-} tam accurate servatur. Docent enim historiæ, quomodo per fortes ^{tum in} magnanimosque Christianorum principes *Saracenorum* ac *Turcarum* ^{regno Chri-} furor, tam in *Oriente* quam *Occidente*, feliciter repressus sit: quomo- ^{stianorum} do iidem post incredibiles clades & centena aliquot suorum millia tru- ^{Hierosoly-} cidata, suis se limitibus continere coacti sint: quomodo denique ^{micano.} *Franci Principes*, a *Papa* auctorati, terram *Assyrii* & terram *Nimrodi* depopulati sint. In quibus præcipui erant *Hugo Magnus*, *Philippi Francorum* Regis frater; *Robertus*, *Flandriæ Comes*; alter *Robertus*, *Comes Normannorum*, *Wilhelmi Anglorum* Regis frater; *Stephanus*, *Carnolensium* & *Biscensium Comes*; *Ademarus*, *Podiensis Episcopus*; *Willelmus*, *Aurasiensis Episcopus*; *Raimundus*, *Comes Tolosanus*; *Gothefridus*, *Lotharingæ Dux*; & fratres ejus *Balduinus*, atque *Eustachius*; alii- que complures, quos laudare superfedeo, quum in iis quos nomina- vi facile sit septem aut octo Principes invenire. Hi itaque cum cru- cigeris suis, capto victoriarum suarum initio a *Nicaa* urbe, quam magnæ illius Oecumenicæ Synodi memoria nobilitavit, & represso exercitu *Solymani*, fugatoque ab urbe cui incubuerat, quadriennii spatio multas *Asiæ* provincias, & *Lycaoniam*, *Ciliciam*, *Syriam*, *Mesopotamiam*, *Comaginam* perdomuerunt: *Turcis* passim fugatis aut cæ- sis. Tandem ipsa *Hierosolyma* capta est; ejectis *Saracenis*, qui eam, *Turcis* paullo ante pulsus, in ditionem suam redegerant. Factum id Idibus Quintilibus anni 1099. *Hierosolymis* itaque regni Christiani se- de constituta, consentientibus suffragiis Regem *Hierosolymorum* crea- runt *Gothefridum Bulionum*, qui solenni initiatus ritu, spinea ad exem- plum Christi Servatoris, non aurea corona, ornari voluit. Taceo reliqua, quæ ævi scriptoribus prolixè narrata, uno comprehensa ex- stant volumine, cui titulum fecere, *Gesta Dei p. r. Francos*. Enimve- ro nescio an planior & plenior vaticinii hujus explicatio a quoquam data sit; & cui exactius responderit eventus.

XXV. Sed & altero exemplo tentemus, ubi multo faustiora ^{XXV. Jes.} promittuntur *Assyriis*. Nimirum *Jes. xix: 23, 24, 25.* Spiritus Je- ^{xix:23-25.} hovæ sic fatur: *Tempore illo erit agger ex Ægypto in Assyriam, qua* ^{designantur} *commacent Assyrii in Ægyptum, & Ægyptii in Assyriam: ut colant Ægyptii proprie se* ^{tres populi,} *cum Assyriis. Tempore illo erit Israëlitarum gens tertia Ægyptiæ & Assyriæ:* ^{diæti}

benedictio in medio terræ. Cui benedicturus est Jehova exercituum, dicendo, Benedictus populus meus Ægyptius, & opus manuum mearum Assyrius, & possessio mea Israëliticus. Tres hic notissimos famā populos memorari audimus, neque ullam deprehendo rationem quæ jubeat aut suadeat a simplicitate literæ recedere. Sicut per *Israëlem* intelligo populum Jacobo oriundum, ita per *Ægyptios*, terræ Chami incolas, & per *Assyrios*, qui terram *Assur* incolunt.

XXVI.

*Et describi-
tur eorum
status tem-
pore N. T.*

XXVI. Notum omnibus est Scripturarum nostrarum & prisce historiæ gnaris, tres hæc nationes infensissimis fuisse animis, & crudelissimis bellis invicem collisas. Hic autem mutua & jucundissima ac sanctissima populorum istorum consensus & amicitia promittitur; quæ non alia ratione præterquam per Evangelium & Spiritum Christi procurata est. Unde palam, de tempore Novi Testamenti agi. Nam usque ad Evangelium prædicatum *Ægyptus* hostis fuit populi Dei, & lerna idolorum: intercesseruntque, ut dixi, perpetua & asperrima inter istas gentes odia & bella. *Assyriacis* certe, *Babylonicis*, & *Persicis* temporibus nulla fuit hujusmodi amicitia. Constat item ex Daniele, constat ex historia Maccabæorum, & profana, quæ fuerint insidiæ, & digladiationes inter reges *Græcos*, *Ægypti* & *Asiæ*, quibus paruit *Assyria*, & quam duriter utrique afflixerint *Judeos*. Nusquam igitur ista conjunctio invenietur, nisi in regno Christi.

XXVII.

*Ea enim
quæ Ægy-
ptiis conti-
gis sanatio,
non nisi ex
Christo est.*

XXVII. Ea etiam quæ *Ægyptiis* a comm. 18. promissa est gratia & cognitio Dei, & sanatio, non aliunde nisi a Christo est. Enimvero servatio hæc est spiritualis, qua educti ex voragine errorum & crassissimæ idololatriæ, verum veri Dei cultum & salutiferam communionem amplexi sunt. Talis autem servatio *Ægyptiis*, nec per externos dominos, *Chaldaeos* aut *Persicos*, *Græcos* aut *Romanos*, unquam aut præstita est, aut præstari potuit per alium quenquam præter Christum. Non *Sesostris*, non *Ptolemæus Philadelphus* aut *Euergetes*, sed Christus servator *Ægyptiis* promittitur: haut aliter ipsis patefaciendus, nisi per Evangelium. Nam quod de multorum *Ægyptiorum* ad verum Deum conversione tempore *Psammetichi*, occasione miraculi in castris *Sennacheribi*, commentatur illustris *Grotius*, merum commentum est; quo amplissima oracula enervantur, mentesque Lectorum ab Evangelio Christi. Certum ergo sit, quod, si forte a *Grotio* discesseris, omnis agnoscit Christianismus, prophetia hac ea delineari quæ Novi Testamenti tempore implenda erant.

XXVIII.

*Assyrii Æ-
gyptiis &
Israëlitis*

XXVIII. At quum tempus illud variis constet periodis, inquirendum restat, an ad initium, an ad seriora secula pertineat. Ubi illud primo perspicuum est, initium prædicationis Evangelii factum esse

esse in *Judaea*, ubi multa *Israëli*tarum millia suscepta fide Jesu fre-jungendi in-
quentem constituerunt Ecclesiam. Sed & hoc notum; per Apostolos ^{unitate fi-}
eorumve comites aut cooperarios Evangelium magno successu in *E-* ^{dei & cha-}
gypto esse prædicatum; ubi multæ antiquitus & florentissimæ fuerunt ^{ritatis, sunt}
Ecclesiæ. *Assyriorum* etiam ingens multitudo ad Christum est con- ^{Turca Ma-}
versa: & Petrus ipse *Babylone* sedit. 1. Pet. v: 13. Dubium tamen ^{hamme-}
mihi est, an quæ hic prædicuntur omnia tunc impleta censi possint.
Nam quamvis ex *Ju.æis* multi in Christum crediderint, maxima ta-
men pars, & quasi universitas populi *Israëlitici*, sub severissimo, at
justissimo, occæcationis & obdurationis judicio misera, sibi que ipsi
inimica, missum ad se sospitatorem procaciter rejecit. Neque ad
Egyptios & *Assyrios* cum Evangelio itum est, nisi postquam illud a
Judeis esset spreum. Et quum Deus initio prædicati Evangelii di-
ceret, *Benedictus populus meus Ægyptius, & opus manuum mearum As-*
syrius, tunc *Israël* non erat *benedictio in medio terra*, sed cum terra
sua anathemate devotus: & in eo statu quo vocatur *Lo Ammi* & *Lo*
Ruchama. Suspicio itaque ad seriora respici tempora, & quæ adhuc
expectanda sint. Nimirum sicuti *Israël* a multis seculis in terra olim
sua non habitat, neque populus Dei est: ita & *Assyria* & *Ægyptus*
Mubammedicam nunc magis impietatem, quam castissimam Christi re-
ligionem sectantur. Ita ut vix ullus ex tribus hisce populis populus
Christianus dici possit: neque aliter nunc juncti sint, nisi in igno-
rantia veritatis ac pervicacia erroris. Quum itaque prophetiæ huic
sua debeat constare veritas, & ea quidem quæ verborum magnificen-
tiæ respondeat; expectandum est, ut quum Deus reassumet popu-
lum suum *Israëliticum*, tunc & *Ægyptum* sibi vindicet & *Assyriam*,
populosque *Alcorani* deliriis dementatos, ac *Turcico* jugo pressos, lu-
ce Evangelii circumfundat, & asserat in libertatem filiorum Dei.
Oportet enim, ut prophetiæ huic fiat satis, non singulos hosce po-
pulos seorsim, ac distinctis temporibus, sed omnes junctim, in uni-
tatem veræ religionis, & sanctissimæ charitatis reciprocationem con-
spirare. Scio celeberrimum *Coccejum* in alia omnia ire: at hæc ex-
plicatio multo mihi potior videtur. Non dissimulo tamen, quum
Ægyptus emblemata Antichristianismi sit, pie hac occasione de eo quo-
que populo cogitari posse, qui Antichristi dogmata sectatur: ut is
etiam durissimæ servitutis compedibus solutus, in pleno Evangelicæ
libertatis usu Deo ac Christo serviat. Quod si hac fortassis prophe-
tis prædictum non sit, vovere tamen & sperare nobis liceat.

EXERCITATIO IX.

DE

RECHABITIS.

BREVARIUM.

I. Singularis vivendi ratio ex triplici causa est. II. Capita Dissertationis. III. Rechabita ex gente Kenaeorum sunt. IV. Qui se Israëlitis associaverunt in deserto. V. Quo nomine laudantur a Bileamo. VI. Deinceps partim tribui Juda adhaeserunt. VII. Partim habitant prope Kades. VIII. Ex utra domo Rechabita, disquiritur IX. Horum apud Israëlitas aestimatio. X. Rechabi aetas. XI. Institutum Rechabitarum. XII. Quae in eo observanda. XIII. Auctor instituti Jonadab, an is qui occurrit Jehu? Negat Scaliger. XIV. At parum firmis rationibus. XV. Enquiry. XVI. Regula instituti. XVII. Jonadabum hoc instituto posteris suis de parabili victu prospicere voluisse, Hebraei putant. XVIII. XIX. XX. XXI. Sed majora subsue-runt. XXII. Recte fecerit Jonadab, posteros suos his regulis obligando? XXIII. Mirum non foret, si humanum ejusmodi institutum hanc prorsus vacaret culpa. XXIV. XXV. XXVI. XXVII. Atamen non difficulter excusatur. XXVIII. In posteris Jonadabi est varissimum filialis obedientiae exemplum. XXIX. Gemina difficultas. XXX. Sublata. XXXI. Cur in conclavi templi Rechabitarum constantiam explorari voluerit Deus? XXXII. Promissio Rechabitis facta. XXXIII. Explicata ab Altingio. XXXIV. Et Scaligero. XXXV. Benjaminis de regno Rechabitarum fabula.

*I. Singu-
laris viven-
di ratio ex
triplici
causa est.*



AB omni ævo, & in quavis propemodum gente, reperti fuerunt mortales, qui non contenti communibus virtutis pietatisque officiis, singularem quandam vivendi rationem sectati sunt; quæ non a vulgo solum, sed & cæteris infucatae honestatis cultoribus, secerne- rentur. Horum alii singularitatem aliquam affectarunt, ex ambitione, errore, superstitione; quæ neque in ratione recta, neque in aliqua Numinis revelatione fundata est. Alii ex Divino præ-

præscripto se ad extraordinariam vivendi rationem composuerunt. Alii denique prudentibus majorum suorum institutis morem gerentes, gentem suam a reliquis omnibus secretam isthuc modo conservare an-nisi sunt. Ad illos *Essæi*, *Pharisæi*, *Monachi* sive *Muhammedarum*, si-ve *Gentilium*, sive *Christianorum*, referri possunt. Ad istos *Naziræi* pertinent. In his nomen sibi vindicant RECHABITÆ. Quorum hi-storiam brevi dissertatione illustrare animus nunc est.

II. Duo autem potissimum de iis enucleanda sunt. I. GENS. II. ^{Copia} ^{Disserta-} ^{sionis.} ^{III. Rech-} ^{bita ex} ^{gentis Ke-} ^{naorum} ^{sunt.} VIVENDI INSTITUTUM.

III. GENTEM quod attinet, non fuerunt *Rechabite* ex populo Dei, neque pertinuerunt ad aliquam tribuum *Israëlis*; sed KENÆI origine. Id docemur 1. Chr. 11: 55. *Hi sunt KENÆI advenæ, orti Chamatho, Patre familia RECHABI.* Kenai autem nomen habent ab aliquo *Kain*, gentis illius Principe. Num. xxiv: 21, 22. Ex ista gente erat *Ho-bab*, sive *Jethro*, *socer Moysi*: qui idcirco *Kenaus* vocatur. Jud. 1: 16. Is autem quum fuerit כהן *Sacerdos* aut *Præses Midianitarum* Exod. 11: 16. & *Midianita* dicatur Num. x: 29. hinc credibile est, *Kenaus* ho-sce gentem *Midianiticam* fuisse. *Midian* ipse erat filius *Abrahami* ex *Ketura*. Gen. xxv: 2. Unde palam est, *Kenaus*, ex quibus *Rechabi-tæ* oriundi, distinguendos esse ab iis quorum *Moses* meminit Gen. xv: 19. Quique *Kenizzæis* & *Kadmonæis* aliisque populis *Cananæis* annumerantur, quorum terram *Abrahamo* & posteritati ejus in hæ-reditariam possessionem pollicetur *Deus*.

IV. Porro *Jethro Kenaus* cum familia sua, ad invitationem Mo-sis, adjunxit se populo Dei, in desertis adhuc *Arabum* palanti. Pri-mo quidem ad *Mosen* accessit, ut uxorem ejus liberosque adduceret; ubi reverenter pariter comiterque a genero acceptus, & edoctus de prodigiis illis incredibilibus, quibus populum *Israëliticum* ex *Ægy-ptiaca* servitute asseruerat sibi *Deus*, *Jehovam* præ omnibus diis ma-gnum esse agnovit, eique holocaustum & victimas obtulit, *Aarone* omnibusque senioribus *Israëlis* cibum cum ipso in conspectu Dei ca-pientibus. Et postquam præclari consilii auctor *Mosi* exstitisset, ab ipso deductus, in regionem suam rediit. Exod. xvi 11. Rediit: at reversurus cum familia. Nam uti Num. x: 29. narratur, dixerat *Mose* *socero suo, profecturi sumus ad locum, quem pollicitus nobis Je-hova est; veni nobiscum, & bene faciemus tibi, quia Jehova promisit bo-na Israëli.* Et sermonibus ultro citroque habitis, eo tandem consen-sisse *Jethro* videtur, ut, terra sua & cognatione salutata, revertere-tur cum suis. Ita enim distinctæ hæ narrationes, ex libris *Exodi* & *Numerorum*, conjungendæ esse videntur, unicam ut absolvant histo-

riam rei eodem tempore gestæ. Vel certe si ipse Jethro reversus non sit, posterius ipsius, paternis monitis excitati, Israëlitis se adjunxerunt. Ab eo enim tempore *Kenita* associati fuerunt populo *Israëlitico*: beneficiis quidem ejus fruentes, sic tamen ut distincta semper ab Israël gens fuerint.

V. Quo nomine laudantur a Bileamo.

V. Atque hanc eorum tam prudentiam quam felicitatem laudavit *Bileamus*. Cujus hoc de iis exstat oraculum: Num. **xxiv**: 21. *Quum vero adspiceret Kenaum, proferens sententiam suam dixit: Forte est habitaculum tuum, & posuisti in petra nidum tuum.* In eo nimirum fortitudo habitaculi ipsorum constabat, quod fœderati, focii atque amici essent populi Dei, & communia iis cum fata habituri. Et quandoquidem Jehovam pro vero Deo agnoscebant, illiusque cultum suscipiendo confugerant ad petram salutis; hinc merito dicuntur nidum suum in petra posuisse. Sed & calamitates iis prædicit, quas in communione Israël subituri erant. Sic enim pergit: *Attamen erit quum depascetur Kain, tantisper dum Assyrius captivum tenebit te.*

VI. Deinceps parvisim tribui Judæ adhaerunt.

VI. Postquam Israëlita promissam terram occupaverant, *Kenai* tribui *Judæ* maxime adhæserunt, fortasse præeminencia & felicitate tribus illius allekti, & adscenderunt e civitate *p̄lmarum*, quæ est Jericho, cum filiis *Judæ* in desertum *Judæ*, quod est ad australem plagam *Haradi*, atque habitant ibi cum populo Jud. **i**: 16. *Hirad* autem idem fuisse creditur cum *Thamar* aut *Engedi*, civitas in extremis *Judæ* limitibus sita, in tractu qui nulli alteri fertilitate cederet. Hic *Kenai* nostri habitabant, extendentes se ad confinia *Ama ehitaim*. Quibus innexi erant tempore Saulis: qui, priscae societatis memor, edixit ut celeri profectioe e medio *Amalechitarum*, internecioni devotorum, se eriperent, ne eorum involverentur exitio. **i**. Sam. **xv**: 6

VII. Parvisim habitant prope Kades.

VII. Alii *Kenaorum* profecti *Kedeschum*, in tribu *Naphtali*, in extremo septentrione. Jud. **iv**: 11. *Cheber autem, Kenus, separavit se a Kena gente, de filiis Chob: ibi socii Mosis: tetenderuntque tentorium suum ad quercetum in Tzabanaïmis, quod est prope Kedeschum.* Ex iis erat *Jaël*, animosa illa, ac *Deboræ* laudata foemina. **ib.** **vers.** 17.

VIII. Extra domo Rechabita, disquisitur

VIII. Atque ex hac ipsa domo oriundos *Rechabitas* nostros esse, asserit clarissimus *Burmannus* ad Jud. **i**: 16. Nescio tamen, quo argumento. Illi enim quorum mentio est **i**. Chr. **ii**: 55. non in *Kades*, sed in *Jabes* habitasse narrantur, neque *Chebero* orti, sed *Chamatbo*: atque a *Kedeschitis* illis, qui *Cheberita*, ea ratione videntur distingui. Unde ipse sese corrigit *Burmannus* ad **i**. Chr. **ii**: 55. ubi *Rechabitarum* genealogiam arcessit ab iis qui tribui *Judæ* associati erant. Quod & probabilius est.

IX. Hi autem loco mox laudato סופרים sive *Scribae* dicuntur, IX. Eorum propter literarum peritiam: erantque doctores sive Politici, sive Ec-^{apud Israē-}clesiastici. Quia enim carebant possessione terræ, ab ingenio quæsi-^{litas esti-}verunt ea quæ ad vitam honeste tolerandam faciunt. Rabbiorum nonnulli eo usque ipsorum ingenium, eruditionem atque existimationem apud Israëlitæ celebrant; ut ferant eos assessores fuisse Synedrîi Magni. Cujus tamen rei penes ipsos fides sit. Mihi enim non est verisimile, alienigenas, profelytos, cumprimis tales qui discretam ab Israëlitæ gentem semper constituerunt, ad maximam illam Reipublicæ Israëliticæ dignitatem fuisse promotos. Ne dicam, quod demonstrandum erit alibi, fortassis ante captivitatem Babylonicam nullum tale Synedrîum Magnum in Israëlitarum Republica fuisse.

X. Inter *Kenæos* celebre fuit *Rechabi* nomen: qui quo tempore vixerit, non ita liquidum est. Id constat, *Jonadabum* filium *Rechabi*, virum magnæ existimationis fuisse tempore *Jehu*, trecentis fere annis ante captivitatem Babylonicam. 2. Reg. x: 15, 23. Cæterum an *Jonadab* proximus *Rechabi* filius fuerit, an Hebræorum more ita dicatur, quia pronepos progenitus *Rechabi* erat, disputat adversus *Serarium Scaliger Elench. Tribares. Cap. xxiv.*

XI. Hactenus de GENTE *Rechabita*: nunc de INSTITUTO istius gentis agamus. Id ipsi his verbis exponunt. Jer. xxxv: 6, 7. *Jonadab filius Rechabi, Pater noster, interdixit nobis, dicendo: NE BIBITOTE VINUM, VOS AUT FILII VESTRI UNQUAM. ET DOMUM NE ADIFICATOTE, ET SEMEN NE SERITOTE, VINEAMQUE NE CONSERITOTE, NEQUE ESTO VOBIS: SED IN TENTORIIS HABITETIS OMNIBUS DIEBUS VESTRIS, UT VIVATIS DIEBUS MULTIS IN SUPERFICIE TERRÆ, UBI INQUILINI ESTIS.*

XII. Observa hic I. INSTITUTI AUCTOREM. II. REGULAS. III. QUA-^{in eo obser-}RATIONES. IV. OBLIGATIONEM.

XIII. AUCTOR est JONADAB, filius *Rechabi*, qui a plerisque Interpretibus idem fuisse creditur, qui occurrit Regi *Jehu*, quando domum & idololatriam *Achabi* eversum ibat. Contra tamen contendit *Scaliger*, atque his potissimum pugnat argumentis. Ille enim *Jonadab*, inquit, qui 2. Reg. x: 15. occurrit Regi, neque in tentoriis habitabat, quam obviam venerit Regi; neque homo quieti instituti fuisse videtur, quum Rex ab eo quærat, an ejus cor sit rectum ac pacificum erga *Rehabelem*; ut homo militaris sine dubio fuerit, & ideo propter ejus dignitatem collocaverit eum in curru suo. Sane hæc non conveniunt *Jonadab* *Scaliger*. Sed ita est: ille *Jonadab* filius *Rechab* dicitur, tanquam pronepos, & ille cujus mentio est apud *Jeremiam*, auctor castimonie victus, est ab eodem pro-

Progenitore Rechab. Sed in eadem gente quis dubitat multos ejusdem nominis fuisse apud Hebræos, ut apud Græcos & Romanos? Igitur ille Jonadab Rechabita apud Jeremiam verus pater erat illorum quos vocavit ad se Jeremias. Temporibus ergo Jeremiæ illa severa regula instituta.

XIV. Sed
non satis
firmis ra-
tionibus.

XIV. Sic Scaliger; nescio an tam solide, quam dictatorie. Nihil enim obstat, quo minus homo quieti instituti, & in tentoriis plerumque vitam transigens, obviam venire Regi potuerit: neque ingenio Jehu alienum est, quod homini Ascetæ, pietatis & zeli nomine inclyto, suum pro Jehova zelum approbare annisus fuerit, & ut zeli illius testis esset, currum suum conscendere jufferit. Quod profecto eum venerabiliorem faciebat piis veri Dei cultoribus, quorum tunc maxime captabat gratiam, quam si hominem aliquem militarem lateri suo admovisset. In cætera disputatione nihil est quod vel speciem argumenti tueri valeat. Non enim quia in eadem gens multi ejusdem nominis sunt, idcirco *Jonadab* memoratus 2. Reg. x. diversus est ab eo qui laudatur Jer. xxxv. Neque quia *Rechab* apud Jeremiam eum *patrem* suum vocant, ideo verus, id est proximus, ipsorum pater fuit. Quis *Scaligero* eam potestatem fecit, ut quum *Jonadabum Rechabi filium* dici audit, id de *pronepote* interpretetur? & quum eundem *Jonadabum patrem Rechabitarum* vocari legit, id de *proximo parente* intelligendum esse postulet? Quæ demum ratio suadet temporibus Jeremiæ severam illam regulam esse institutam, sic ut *Rechabita* eodem fere tempore cæperint, & desierint? Qui tam confidenter loquitur, eum oportet ab argumentis melius instructum esse.

XV.
Insignis.

XV. Mea sic est ratio: quandoquidem *Jonadabum* aliquem *Rechabi* filium tempore *Jehu* zelo pro religione insignem existisse constat, plures ejusdem nominis existisse non constat: proclivis est in eam sententiam animus, ut, quando *Jonadabum Rechabi filium* laudari cernimus, de eo cogitemus quem fuisse certum est; non alium fingamus, quem in rerum natura fuisse probari non potest. Nisi fortassis aliquid narretur, quod cum persona, quam prior ille *gesu* conciliari nequeat. Quale hic nihil est. Illis itaque Theologis lubens accedo, qui existimant institutum hoc circa initium regni *Jehu* cæptum, & ad *Jochimi* regnum continuatum Jeremiæ ætate patriæ fere secula substitisse.

XVI.
Regula
infirmi.

XVI. In REGULIS instituti occurrit. I. *Interdictum*. II. *Mandatum*. III. *Instituti Ratio*. *Interdictum* complectitur. I. *Enumeratio* nem eorum quæ vetantur. A. NON BIBERE VINUM. B. NON AEDIFICARE DOMUM. C. NON CONSERVARE SEMEN ET VINEAM. D. Imo

IMO NE HABERE QUIDEM. II. *Personas obligatas.* VOS ET FILII VESTRI. III. *Tempus obligationis.* IN SÆCULUM. Quamdiu nimium gens *Rechabita* a cæteris distincta erit, & Oeconomia temporum id patietur. *Mandatum* est de CONSTANTI HABITATIONE IN TENTORIIS, Nomadum instar; & uti Israëlita per quadraginta annos fecerunt in deserto. *Ratio instituti* additur, UT VIVATIS DIEBUS MULTIS IN SUPERFICIE TERRÆ. Quod referri potest partim ad commodum & facilem victum, qui tam frugaliter viventibus vix deesse poterat, partim ad Divinam promissionem, quam lubuit Numini annectere præcepto de obedientia parentibus præstanda.

XVII. Non indigna hæc sunt, quibus aliquantulum immoremur. XVII. *Jonadabum* vir non minus pius quam prudens fuerit, *hoc institutio posteris* cur posteritatem suam universam asceticis hisce regulis adstrictum ire voluit? Hebræi existimant, *Jonadabum* posteris suis consultum voluisse de commodo & parabili victu: quorum mentem *Petrus Martyr*, *rabili victu* in commentariis suis in libros Regum, ex *Kimchio* sic exponit: qui possident vineas aut agros, & domos habent affixas certis locis, oportet ut subeant varias calamitates. Proventus enim annui, quum frugum tum vini, quandoque maligne proveniunt, aut interdum prorsus auferuntur. Unde coloni fraudati sua spe, conficiuntur fame, & acriter egent. Vitiatur item quandoque aer, aut coloni rapinis vicinorum male afficiuntur. Hæc mala Nomades facile possunt evitare, discurrendo rhedis suis, quocunque libuerit. Nam sic fugiunt mala imminencia, & bona prosequuntur, ubi fuerint. Fuit adhuc pastoritia ea ars *Rechabitis* patria, imo & avita. Nam Jethro, socer Moïsi, greges habuit, & ad eos pascendos & custodiendos filias mittebat. Noluerunt itaque a suis majoribus degenerare. Nec præterea ignoramus, eos qui urbes incolunt fere deliciosos & molles evadere, qui vero ruri degunt plerumque robustos esse. Voluit igitur *Jonadabus* inter suos vires & robur corporis integra conservari. Vetuit item ne biberent vinum; cujus nimius usus multis modis corpori & animo officit. Hactenus ex Hebræorum mente *Martyr*. *prospicere voluisse, Hebræi putant.*

XVIII. At credibile est, subfuisse majora. XVIII. Quandoquidem *Rechabita* inquilini erant apud Israëlitas, prudentia politica suadebat iis moribus vivere quibus nemini essent graves, nihil expetentes eorum quæ alii possidebant, totoque vitæ suæ instituto edentes humilem professionem peregrinitatis. Unde judiciose observatum est a clarissimo viro *Jacobo Alvingio*, Israëlitis illicitum fuisse institutum illud vel præscribere, vel imitari. Quia terra illis in possessionem hæreditariam data, eoque colenda fuit, & domus ibidem ædificandæ, quas

ad posteros transmitterent. Sic ergo se *Rechabita* ab Israëlitis prudenter distinxerunt, ad vitandam invidiam; ne viderentur invadere possessiones non suas.

XIX. XIX. Faciebant etiam hæc omnia ad fovendam pietatem. In enim *Jonadabus* corruptis illis temporibus suos a vitæ hujus commodis & deliciis avocare & avertere voluit. Vino interdixit, quod multorum criminum occasio & incentivum esse solet. Interdixit quoque structura ædium, & cultura prædiorum, earumque rerum possessione: quia animus illis solet esse affixus, & multi cælum non affectare, saltem non impetrare, quoniam arctius quam par est gloriæ suæ adhærent.

XX. XX. Hac ratione fides adstruebatur Prophetarum oraculis, quæ imminentes Judæis calamitates repetitis carminibus canebant. Ideo in tempore suos ad exilii incommoda ferenda assuefaciebat. Nam Bileamus *Kenitis* etiam deportationem denunciaverat. Num. *xxi v: 22*.

XXI. XXI. Denique hoc vitæ suæ instituto ostendebant, terram istam quam Judæi tam efflictim deperibant propter se tanti faciendam non esse. Ideo ne Hierosolymis quidem, quando eo vi bellica pellebantur, aliter quam in tentoriis habitare voluerunt. Et fortasse rectius fecissent, si non venissent Hierosolyma, neque tam prope accessissent ad communionem populi refractarii. Modo alia ipsis via patuerit hostiles incursationes & deprædationes evadendi. Forsan & alia subfuerunt, nobis incognita.

XXII. Re-
Etene fece-
ris *Jonadab*, post-
ros suos his
regulis
obligando.

XXII. Nunc de OBLIGATIONE ad hoc institutum videamus. Quæ considerari potest, vel respectu *Jonadabi*, qui obligationem imposuit; vel respectu *filiorum*, qui eam susceperunt. Ac *Jonadabum* quidem quod attinet, merito quæritur, rectene fecerit, posteritatem suam ad tam difficile institutum in perpetuum obligando? Nos enim desunt rationes dubitandi. I. Vinum, agri, vineta, domus, civitates, sunt res bonæ, a Deo ad usum generis humani conditæ, hominibusque a Dei bonitate clementer concessæ: cur interdicitur quæ concessit Deus? II. Præceptum tale aliquando pro laqueo est, quo se conscientia misere constrictam deprehendit. Potest enim incidere tenuis valetudo, atque ea corporis infirmitas, ut vino sit utendum. III. Videretur his omnibus quædam inesse superstitio, & *ἱεροπερισσοπνευσία*, qua sanctitas & religio collocatur in iis rebus, in quibus eam non collocavit Deus.

XXIII.
Mirum non
foret, si
humanum

XXIII. Equidem, ut verum fatear, si ex rigore examinentur omnia, forsân in humano ejusmodi instituto deprehendi posset aliquid quod non omnem culpam effugiat. Et sane nusquam legimus illud:

Deo

Deo prorsus approbatum, laudatumve esse. Laudatur quidem obedientia posterorum, utpote respondens voluntati Dei, expressæ præcepto quinto. Sed exinde non sequitur, quia obedientia laudabilis, ^{ejusmodi institutum} laudabile idcirco fuisse mandatum. Rex Saul imprudenter interdixit ^{hanc prorsus vacaret culpa.} populo cum execratione, ne quis gustaret quicquam donec plenam de hostibus victoriam reportasset: cui tamen interdicto pie a populo obtemperatum est.

XXIV. Attamen committendum non esse videtur, ut probum ^{XXIV. At-} pii hominis institutum, nusquam etiam a Deo culpatum, atro car- ^{tamen non} bone noceatur. Nam, uti ostensum est, haut contemnendas facti sui ^{difficiliter} rationes habuit. Et quæ modo in contrarium sunt allatæ, eæ nequa- ^{exculpatur.} quam tales sunt, ut non commoda ad ipsas suppetat responsio.

XXV. Nam I. Illicitum non est a rebus concessis licitisque cer- ^{XXV.} to quodam consilio abstinere. Imo est, ubi prudentia & pietas exi-
gunt, ut ab iis abstineamus. Apud Hebræos *Nazirai* voto sibi ab-
stinentiam a similibus rebus indicebant, sive ad tempus, sive in per-
petuum. In quo aliquid *Rechabitarum* instituto simile, aliquid etiam
dissimile est. Similitudo consistit in abstinencia a rebus cæteroquin
concessis. Dissimilitudo in eo est, quod *Nazirai* id facerent ex lege
voti Divina, eoque ad cultum; *Jonadab* suo consilio, ex prudentia,
citra opinionem cultus. Nimirum afflictionis imminens cogitatio
merito quem moveat, ut quæ hujus mundi commoda sunt, sibi tem-
pestive neget, animumque ab iis avertat, inque ea aversione per con-
suetudinem confirmet.

XXVI. II. Non est existimandum observantiam hanc tanta se- ^{XXVI.} veritate præceptam esse, nulla ut intercedere potuerit exceptio. Ete-
nim præcepta non tantum hominum, sed & ipsius Dei, lege charita-
tis condienda sunt, & temperanda, juxta regulam, *Misericordia de-*
lector, & non sacrificio. Interpretanda igitur erant præcepta *Jonada-*
bi, ut non adstringerent liberos, si qua forte urfisset necessitas, quæ
contra legem est. Proinde si per valetudinem quispiam *Rechabitarum*
opus habuisset vino, per *Jonadab* uti licebat. Quemadmodum,
quia compellebantur necessitate, Jeremiæ tempore ingressi sunt urbem
Jerusalem, nec tamen accusantur violatæ obedientiæ. Imo ve-
ro Deus testimonium iis perhibet exactæ observantiæ. Jer. xxxv: 18.
Vide sodes erudite de his differentem *Petrum Martyrem*.

XXVII. III. *Jonadabi* institutum non fuit religiosum, neque ^{XXVII.} animus ei fuit, aut certe non debuit esse, religionis vinculo constrin-
gere posterorum suorum conscientias, quasi instituti illius observatio-
nem magis placituri essent Deo, aut aliquid apud ipsum meritori.
Nulla

Nulla Dei in mandato mentio, nihil ejus profitentur *Rechabite*, nihil tale de eo testatur aut Deus, aut Jeremias. Idcirco non videtur accensendum esse statutis sequentium Phariseorum, qui Deum se colere postularunt, ex mandatis hominum.

XXVIII.

*In posteris
Jonadabi
est rarissi-
mum filia-
lis obedien-
tiae exem-
plum.*

XXVIII. *Posteris Jonadabi* obligatio ad instituti hujus observantiam incubuit, non ex aliquo religionis vinculo, sed propter reverentiam paterni mandati; quod quum suapte natura malum non esse, imo prudens, ac temporis apprime conveniens, bonum factum est, quod ei constanter paruerint. Eoque nomine ab ipso Deo laudati, Israëlitis in exemplum proponuntur; quo præfractæ genti sua exprimitur rebellio. Jer. xxxv: 13, 14, 15. Habemus sane hic rarissimum filialis obedientiæ exemplum: obedientiæ, inquam, per tria secula continuatæ, a viris & foeminis, filiis & filiabus, succedentibus sibi generationibus: idque in iis rebus quæ carni ingratae, & a communi hominum consuetudine valde remotæ sunt.

XXIX.

*Gemina
difficultas.*

XXIX. Difficultas aliqua nascitur ex Jeremiæ historia: & quidem gemina. I. Annon positum iis ex præscripto Numinis per Jeremiam offendiculum sit; quando contra mandatum parentis vinum bibere jubebantur? quod tam acriter infestatur Deus, quando in cum *Naziræis* agebant Israëlitaë, Amos. 11: 9. II. An bene fecerint paterna jussa sermoni Prophetico antepponentes?

XXX.

Sublata.

XXX. Utramque hac ratione non incommode tolli arbitror: Non poterat male agere Jeremias, ea agendo quæ a Deo jussus erat. Deus non posuit eis offendiculum, sed sanctissima sua providentia occasionem iis objecit explorandæ constantiæ; quam præsciebat non aliter quam in ipsorum laudem evasuram esse. Neque per hanc explorationem insolubilibus vinculis constricta fuit ipsorum conscientia, ut vel Deo, vel parenti obsequium detrectare coacti fuerint. Si enim ita ipsis res fuisset proposita, ut Dei nomine vinum bibere juberetur, palam est, ipsos faciendo non fuisse peccaturos. Quum omni instituta humana Divinis mandatis cedere oporteat: & parentibus ne debeantur obsequia, nisi usque ad aras. Non sane eo animo postea obligavit *Jonadabus*, ut mandatis ipsius insisterent, etiam contrariam jubente Deo. At non jussit Deus: licet Jeremias jussus, ad vinum bibendum eos invitaret. Qui non dixit, *sic ait Jehova*, sed simpliciter, *bibite vinum*. Et credibile est eos ex vultu Jeremiæ, sermonis sono, aliisque circumstantiis, potuisse cognoscere, non esse hæc præcisam Dei voluntatem, ut recederent ab instituto majorum. Facile saltem judicarunt, non posse se peccare, si, allegando patris sui jussum, Divinæ voluntatis ampliorem clarioremque explicationem poscerent.

XXXI.

XXXI. Certe accepta admodum Deo hæc *Rechabitarum* constantia fuit; quam quum huc evasuram prænosset, voluit explorationem illam eo loci fieri, qui convincendis Israëlitis apprimè esset idoneus. Adduxit enim eos Jeremias ad domum *Jehova*, in cubiculum filiorum *Chananis*, filii *Jigdalia viri Dei*, quod est prope cubiculum Principum, quod est supra cubiculum *Mabaseja*, observantis limen. Nimirum ad eum modum constructa vasta Templi moles erat, multa ut ei annexa essent ædificia, conclavia, thalami, aut quocunque demum appellentur nomine, ubi Sacerdotes & Levitæ, functionis suæ vices obeuntes, diverterent; nonnulli etiam ex principibus ædis sacrae ministris ordinariam commorationis suæ sedem haberent. Non nisi consulto consilio factum est, ut in ejusmodi aliquod conclave *Rechabitas* convocaverit Vates. Forfan ne cōitio illa in suspensionem seditionis aut tumultus veniret; quum custodes conclavium templi, principesque, eorum quæ gerebantur testes essent, & fortassis petenti Jeremiæ, tam locum quam instrumenta quibus uteretur, suppeditarent. Sed maxime ut constantia *Rechabitarum* appareret illustrior, utque convictio hæc in loco sanctissimo, tam solemniter facta, præsentibus primoribus populi, eo esset efficacior.

XXXII. At non potuit Deus luculentiori testimonio comprobare *Rechabitarum* obedientiam, quam insigni illa promissione: Idcirco sic ait *Jehova exercituum, Deus Israël*, NON EXSCINDETUR VIR JONADABO FILIO RECHABI QUI STET CORAM ME OMNIBUS TEMPORIBUS.

XXXIII. In quæ verba lubet appingere amplissimum *Jacobi Altingii* commentarium. Sic ergo ille: Non tantum longævitatē obedientibus promittit, ut in præcepto quinto, quam profelyti juxta cum *Israëlitis* habebant promissam; sed singulatim, non perituram posteritatem *Jonadabi*, & habituram locum in Ecclesia Dei; atque admissionem ad gratiosam fruitionem Dei, non ut Sacerdotes & Levitæ; sed ut alii *Israëta* & peregrini. *Jes. lvi: 4. 7.* Adeoque debet adhuc superesse posteritas *Jonadabi*, & illi spes restitutionis cum *Israëlitis* manet. Ut *Jer. xxxi: 36, 37.* Sed eodem modo: ut pariter exilii consortes sint; post longam interruptionem restituendi. Equidem non agnoscitur hodie illa familia. Sed ab ignorantia hominum ad negationem rei non valet consequentia. Familiæ confundi nequeunt; quum per patres descendant, matres ad eam non pertineant: & qualis pater, quoad tribum, talis quoque sit filius & nepos, ac sic deinceps. Potest series genealogica perire ex notitia hominum: sed non ex rerum natura, & notitia Dei. Confiandantur licet semina tritici, siliginis, hordei, & quæcumque sunt alia, ut homines

nequeant discernere ; non tamen perit illis distinctio , & Deus eam non novit solum , sed prodit quoque , quando unumquodque semen suo corpore facit surgere. 1. Cor. xv : 37 , 38. Sic de familiis statuendum est. Hæc Altingius

XXXIV.

Et Scaliger.
ro.

XXXIV. Aliter instituit Josephus Scaliger , Elencho Tribaresii Cap. xxiv. Cujus commentatio huc redit : Dicit Deus in ea stirpe semper aliquem fore , qui coram se ministrabit. Nam illud עומד לפני stans coram me , interpretatus est Chaldaicus Paraphrastes משמש ministrans. Hoc non potest dici nisi περί τῶν ἐν τῷ ναῷ λειτουργούντων. Rabbi Juda apud Kimchium exponit , sedebunt in Synedrio : alii , filia ipsorum nubent Sacerdotibus , & erunt ex nepotibus eorum offerentes super altari. Utraque expositio ridicula. Prior , quia stare coram Deo , quod de templo dictum esse manifestissimum est , non est sedere in Synedrio , & legem docere. Altera , quod tamen posteritas ex filiabus Rechabitarum , & filiis Sacerdotum , sint Sacerdotes , tamen hoc non pertinet ad Rechabitas : quia , ut testatur Abraham Zachuth , מִשְׁפַּחַת אֵינָה קְרוּיָה מִשְׁפַּחַת אֵם familia matris non vocatur familia. Quid ergo ? Cessabit verbum Dei ? Absit ut putemus. Locus est insignis. Significat ab eo tempore instituta fuisse primordia corporis Hasideorum , qui quotidie offerebant in templo , & ab eo nunquam recedebant. Per se autem non offerebant , (non enim erant Sacerdotes) sed Sacerdotes eorum nomine , & quotidie victimam immolabant , quæ vocabatur חֲסִידֵי אֵם victima Hasideorum pro peccato. Igitur filii Jonadab sunt ii qui Hasidæi postea vocati , neque a templo recedebant : ut merito dictum sit : Non deficiet vir de stirpe Jonadab stans coram me. Hæc Scaliger. Utra vero expositio præferenda sit , & an tertia excogitanda quæ utraque sit melior , per me quidem peritus , ac nullo aliunde præjudicio occupatus Lector judicet.

XXXV.

Benjaminis
de Regno
Rechabitarum
fabula. Isin. p.
82.

XXXV. Ego manum de tabula tollam , ubi adscripsero narrationem Benjaminis Tudelenfis de Regno Rechabitarum , ad septentrionem Babylonie , in tractu Thema , unde & ipsi alias homines Thema dicuntur. Thema autem est initium regni ipsorum , in qua magna civitate (Benjaminis tempore , si credere fas est) imperabat Annas Princeps. Districtus vero ditionis illorum inter montes septentrionales sedecim dierum itinere terminatur , & magnas munitasque habet civitates : nulliusque gentis inperio premuntur incolæ , sed insuper ut spolia prædamque auferant remotas regiones adoriuntur. Omnes Judæorum vicini admodum sibi ab iis metuent : ipsorum vero multi agriculturam & pecuariam exercent , regionemque habent amplissimam. Porro institutum ipsorum ita descri-

describit: *Hi Judæi, inquit, (quasi Rechabita Judæi essent) omnium bonorum decimas largiuntur sapientia studiosis, qui jugiter in Scholis resident, & Israëlitis pauperibus & devotis, qui Zionem lugent & Hierosolyma: qui nec carnem edunt, nec vinum bibunt, quique atrati in speluncis vivunt aut casulis: & per totam vitam mœrent Sabbathis & festis diebus, assidue divinam misericordiam pro Israëlitarum exulibus implorantes, ut eorum propter nomen suum maximum misereatur. Cæterum hæc Rabbinica suaviludia sunt, & putida miseri nugatoris mendacia; merito castigata a Constantino l'Empereur. Atque hæc nobis de Rechabitis dicta sunt.*

EXERCITATIO X.
 HISTORIA
 HIEROSOLYMÆ
Ab urbe condita
 Usque ad
 EXCIDIIUM BABYLONICUM.
 B R E V I A R I U M.

I. Hierosolyma olim dicta Jebus. II. Et Salem. III. Denique Jerusalem. Quam vocem absurde nonnulli interpretantur. IV. Alii probabilis. V. Conditor urbis an Melchisedec, id est Sem? VI. Non videtur probabile. VII. Incolæ fuerunt Jebusæi: primo soli, dein Israëlitis mixti, donec David urbis potius est. VIII. Exponitur 2. Sam. v. Quinam cæci & claudi fuerint, Davidem remoturi. IX. Et quo tendat natum inde editum aut proverbium. X. Arauna, rex olim Jebusæorum, vel saltem ex regia stirpe, ad ultimum Davidis Hierosolyma mansit. XI. Ejus area Davidi vendita sacratissimus locus fuit.

fuit. XII. Situs Hierosolymæ, respectu tribuum. XIII. Respectu-
bis partium. XIV. Mons Sion an ad Aquilonem. XV. An ad Me-
ridiem. XVI. David urbem splendidis edificiis auxit. XVII. Atque
incredibiles in ea opes collegit. XVIII. Quorum fontes indicantur.
XIX. De quibus, post inestimabiles impensas, plurimum superfuit
tumulo condendum, auctor Josephus est. XX. Priscæ opes ex nostri
paupertate æstimandæ non sunt. XXI. Nil unquam augustius Hieroso-
lymitano Templo fuit. XXII. Cujus locum ipse designavit Deus.
XXIII. Partim in portione, Judæ, partim in portione Benjaminis fu-
tum. XXIV. Magnificentiæ Templi stupenda. XXV. Regia Salom-
onis. XXVI. Annona diurna regiæ familiæ. XXVII. Minusque splen-
dor. XXVIII. Jerusalem civitas Dei. XXIX. Typus Ecclesiæ, tam
in gratia, quam in gloria. XXX. Multum decessit Hierosolyma sub
regno Rehabeam; quando solius Judæ metropolis facta est. XXXI.
Et subacta ac spoliata a Sisaco, Egypti rege. XXXII. Varia ab his
Hierosolyma fata, usque ad excidium Babylonicum. XXXIII. Quod
quatuor gradibus absolutum est. XXXIV. Annus excidii difficilis pu-
tatu est. XXXV. Rerum humanarum inconstantiæ constanti Dei pro-
videntiæ regitur.

I. Hieroso-
lyma olim
dicta Je-
bus.



Historiam Hierosolymæ, & alternantia urbis celebratissimæ
fata, a prima sui origine, ad nostra usque tempora,
brevis, at perpetua, commentatione expositorum, ini-
tium mihi a nominibus faciendum arbitror, quibus
olim insignita fuit. Ea vero in reconditissimæ antiqui-
tatis monumentis tria fuisse comperio: nimirum JEBUS,
SALEM, & JERUSALEM. Hieronymus sub nomine *Paulæ & Eusebii*
ad Marcellam. In tribus nominibus, trinitatis demonstrat fidem. *Jebus*,
Salem, & Hierusalem appellatur. Primum nomen calcata, secundum per,
tertium visio pacis. Paulatim quippe pervenimus ad finem: & post con-
culationem ad pacis visionem erigimur. Verum hæc, uti jucundum for-
tassis elegantis ingenii lusum exhibent, ita omni destituuntur solidi-
tate. Nos certiora sectemur. Primum, minus celebre, existat Jos.
xv: 8. Inde ascendit idem terminus per vallem filiorum Hinnom, ad
latas JEBUS, a meridie: ipsa est Hierosolyma. Rursus Cap. xvi: 11: 28.
Jebus, ipsa est Hierosolyma. Item Jud. xix: 10. Pervenit ex adverso
Jebus, id est, Hierosolymæ. Denique 1. Chr. xi: 4. Profecit autem
 Davide cum toto Israël Hierosolymam, ea erat *Jebus*. Ita autem di-
cta fuit a *Jebus*, Canaanis filio, Chami nepote Gen. x: 16. cujus po-
steritas, uti mox videbimus, civitatem istam diu tenuit.

II. Alte-

II. Alterum nomen, SALEM, invenitur Gen. XIV: 18. *Melchizedec autem rex Salem protulit panem & vinum: quod conferendum esse videtur cum Pl. LXXVI: 3. Cujus tugurium est Salemi, & habitaculum Zion.* Falluntur enim quotquot antiquissimam Melchizedeci historiam alio flectentes, *Salem* propriam urbis alicujus in Cananæa nomen esse negant; eo quod Paulus Hebr. VII: 2. regem *Salem* interpretetur regem *pacis*. Ea enim Apostoli observatione non evertitur sensus historici simplicitas: sed indicatur latens in ea mysterium. Uti nomen regis arcanam habebat significationem, notabatque, eum qui Melchizedec audiebat, insigni præditum fore justitia: ita & in nomine ejus cui imperitabat urbis simile exstabat arcanum; nempe eundem qui justitiæ, simul & pacis regem fore. Optime *Cyrillus Alexandrinus Lib. II. in Gentes.* Ἀμαρτίαι ἐστὶ ταῖς ὀνομάτων ἱμνησίαις προσχευίας ἀναρτῶν ἀποτολμᾶν τὰ σαφῆτα καὶ ὁμολογημένα. *Indoctum est nomen interpretationibus adherentes, audere tollere clara, & de quibus inter omnes convenit.* Cæterum & eos falli arbitror, qui cum *Hieronymo* opinantur *Salem* oppidum fuisse prope Scythopolim, eodem nomine dictum, ubi *Hieronymi* adhuc ætate ostendebantur ruinæ Melchizedeciani palatii, ex quibus de prisca illius amplitudine fieri poterat judicium. Urbis autem hujus mentionem fieri putant Gen. XXXIII: 18. Ubi verba Hebræa habent: *וְהָיָה יַעֲקֹב שָׁלִם עִיר שְׁכֵם אֲשֶׁר בְּנֶחֱלָה*. Quæ non uno ab Interpretibus modo redduntur. Nonnulli in hunc sensum exponunt: *& venit Jacob ad Salem, urbem Sichimorum, quæ est in terra Canaan.* Sic LXX, Vulgata, Syrus. At Tremellius & Junius vocem *Salem* appellative sumserunt; verteruntque, *deinde venit Jacob incolumis ad civitatem Schecemum, quæ est in regione Canaanis.* Ita & Pagninus vertit, præeunte Paraphraste Chaldaeo, & Arabe. Sic ut nihil admodum certi ex hac pericopa pro eorum sententia haberi queat, qui in eo *Si himorum* tractu urbem struunt nomine *Salem*. At Joh. III: 23. laudatur *Salim*, a quo non procul distabat *Enon*, ubi baptizabat Johannes, prope *Jordan* in versus lacum *Genezareth*. Hic *Hieronymus* Melchizedecum regnasse existimavit. Sed levibus admodum inductus argumentis. Quod enim a vestigiis monstrati sibi ab incolis palatii desumitur, prorsus nulli rei est. Indigenarum, ex tam augusti nominis præscriptione celebritatem sibi captantium, fabulis decipi se passus est vir nimium quandoque credulus. Et qua tandem ratione *Hieronymi* ætate tam antiqui existissent rudera ædificii, quàm Abimelech olim, ipso *Hieronymo* teste, urbem solo æquaverit, & sale conseverit? Quomodo etiam *Sesepbo*, diligentissimo antiquitatum suæ gentis indagatori, tales reliquias

liquiæ latuissent, & indistæ mansissent? Porro quod contendit *Heronymus*, *Hierosolymam* Abrahamo revertenti a cæde regum deviam, & valde distantem fuisse; in eo sane toto, quod ajunt, cælo errat. Nam Abrahamo redeunti ex partibus *Damasci*, & *Hebronem* versus contendenti, obvia fuit *Hierosolyma*; altera vero *Salem*, ad Septentrionem declinans, valde devia. Credibilius itaque est, *Salem* Melchizedeci esse ipsissimam nostram *Hierosolymam*; cujus reges nomen habuerunt Melchizedeco valde affine, *Adonizedec* dicti *Jos. x: 1, 3*. Denique mysterii ratio huc ducit, ut ejusdem civitatis rex fuerit Melchizedec, in qua deinceps apparuit, regnumque suum habuit Christus. Non dissimulo injectum mihi fuisse scrupulum a judiciosissimo Theologo *Jacobo Altingio*, qui in suis ad *Heb. vii.* commentariis p. 197. sic de hac re loquitur. *SALEM urbem Abrahami tempore ibi fuisse nusquam liquet. Judicium ætate dicebatur JEBUS, post appellata HIRUSALEM, & brevius SALEM. Si jam tunc fuisset ista urbs in rerum natura, Deus quum imperaret oblationem Isaac, simpliciter dicendum habuisset, ut iret Saleman: atqui ait, proficiscendum esse in terram Moria, & in uno montium, deinceps monstrando, offerendum. Gen. xxi 1: 2. Unde liquet, fuisse solitudinem hic loci, ubi nulla urbs, nullum tugurium; hominum enim præsentiam vitare debuit, qui servos suos testes esse noluit. Mons Moria tamen vel vicinissimus fuit Hierosolyma, vel ejus ambus comprehensus. 2. Chr. iii 1: 1. Hæc Altingius: nec proflus sine verifimilitudine. At tamen tanti non esse existimo, ut ob eam rem ab asserta hætenus sententia recedendum esse videatur. Neque enim necesse est ut credamus, imo nec probabile est, urbem *Salem* in illa sui primordiis tam amplam, tamque frequentem incolis fuisse, uti labentibus seculis, & præsertim Davidis ætate, evasit. Deinde *terra Moria* non definite illum locum designat, quem urbs occupavit, vel qui in proxima fuit urbis vicinia: sed integrum illum tractum montosum, haud paulo majoris, quam urbs ipsa, extensionis. Denique nihil impedit, quo minus, in longe minore hominum frequentia, qualis isthoc tempore fuit, mons aliquis in isto tractu inventus fuerit, satis solitarius, ut sine interpellantium hominum turba, tempus Abrahamo ad illam filii sui oblationem suppetierit.*

III. Denique *Ferusalem*, Quam vocem absurdum nonnulli interpretantur.

III. At tertium nomen, *JERUSALEM*, cæteris longe frequentius ac constantius fuit. Illius autem variæ adsignantur etymologiæ: quarum nonnullæ palam falsæ, atque absurdæ; aliæ aliquanto probabiliiores sunt. Calumniosa proflus est illa *Lysimachi* cujusdam apud *Josephum. Lib. i. contra Appionem*; quod hæc urbs, a Judæis *Ægypto* profugis condita, ab ipsis *ισόσυλα* vocata sit, eo quod τὰ ἰσὰ συλάτις

λῶντες καὶ ἐμπέσαντες, a fanis compilatis atque incensis eam insigniter dixerint: quamvis deinceps, invidiæ declinandæ causâ, paululum inflexo nomine vocitaverint *Hierosolymam*. Quasi Græce tunc locuti fuissent Israëlita, & in nomine urbis, unice sibi dilectæ, sacrilegii sui exstare voluerint monumenta. Bene *Josephus*: *Hic generosus vir, præ nimia despectu indigentia, non intellexit, Hierosolyma non idem voce Judaica quod Græca significare*. Eodem argumento *Hegesippus* & *Eusebius* refelluntur: qui *Hierosolymam* existimantes nomen esse ex Græco & Hebraico compositum, ita dictam volunt, ille quasi esset *ἱερὸν Σολύμων*, iste vero quasi *ἱερὸν Σολομῶντος*; quod & *Isidorus* sequitur: *Orig. Lib. xv. Cap. i.* Enimvero talis peregrinæ linguæ mixtura Hebræis prorsus est insolita: & urbs longe ante Salomonis ætatem, atque exstructum templum, eo nomine ab ipsis nuncupata Cananæis est. Mirum est *Josephum* ipsum in eundem propemodum lapsum esse errorem: qui urbem olim *Solyma* dictam, ob constructum in ea Melchizedeco templum, *Hierosolyma* vocatam tradit. Sic enim loquitur: *De Bello Jud. Lib. vii. Cap. xviii.* *ἱεράσατο τῷ Θεῷ πρῶτον, καὶ τὸ ἱερὸν δευτέρως, ἱεροσόλυμα τὴν πόλιν προσηγόρευσε, Σόλυμα καλεμένην πρότερον. Sacerdotium Deo primus exhibuit Melchizedecus, & fano primum ædificato, Hierosolymam civitatem vocavit, quum ante Solyma vocaretur.* In quo *Josephi* loco exagitando nimius fortassis est præstantissimus *Bochartus Can. Lib. ii. Cap. iv.* tot in eo σφάλματα carpens quot verba. Suffecerit hic observasse absurdam alienissimarum a se invicem linguarum commixtionem, ab *Hieronymo* quoque notatam, *Epistola cxxvi. ad Evagrium.*

IV. Prudentiores itaque in eo consentiunt, **יְרוּשָׁלַיִם** esse nomen ex duabus vocibus Hebraicis compositum. At quibus? Plerique ex voce **יָרַח**, a **יָרַח**, vivendi significatione, & **שָׁלֵם**, ut notet *videbunt pacem*: quod nimirum populus Dei hic habiturus esset sedem quietam & stabilem, æternæ quietis ac pacis cœlestis figuram: quodque in eadem urbe Messias, veræ pacis nuncius ac conciliator, appariturus, regnumque suum inchoaturus esset. Sed *obstare* videtur, quod non a populo Dei, nedum a Propheta, multo minus ab ipso Deo hoc nomen nata sit: sed a Cananæis, idololatrarum nequissimis, populi Dei hostibus, eorumque quæ Israël olim eventura erant ignarissimis. *Jos. x: 1.* Non enim profecto moramur Judæorum traditionem, in *Beresh. Rabba. Sect. ix.* Nomen loci istius esse *Jehova Jireh*. Nam, inquiunt, *Abrahamus vocavit locum Jireh, Semus vocavit Shalem. Dixit Deus; si ego eum vocavero Jireh, displicebit Semo justo: si vocavero Shalem, displicebit Abrahamo justo. Ego ergo*


IV. Alii probabilius.

ergo nomen ei imponam , quod compositum ex utròque est : & vocavi **יְרוּשָׁלַם יְרֵמָה**. Nugæ. Alii itaque malunt , compositum esse nomen ex **יְרֵמָה**, timendi notione , & *Shalem* : quasi dixeris , *timete Salem* ; nimirum ob munitionem & validissima propugnacula , quibus vel animosissimis hostium incurere posset terrorem. At , si verum dicere liceat , incertissima plerumque antiquarum ejusmodi originationum ratio est , parumque ex iis solidi disci potest.

V. Condi-
tor urbis
an Melchi-
zedec , id
est Sem?

V. Satius erit ut in primam urbis originem , illiusque CONDITOREM inquiremus. Hunc *Josephus*, ex gentis suæ sententia , MELCHIZEDECUM fuisse tradit. *De Bello Jud. Lib. VII. Cap. XVIII. Primus ejus conditor fuit Cananaeorum Dynasta, qui patria lingua justus appellatus est rex. Erat quippe talis. Et quum Melchizedecum muli Semum , Noæ filium , esse crederent ; hinc illi urbis antiquissimæ creationem adsignaverunt. Quam constantem Hebræorum traditionem esse Isidorus adserit. Eandem sententiam amplexus doctissimus Lightfootus est. At quum mirum videri posset , unde Semo , in media Chami posteritate , regia esset , difficultatem istam erudite , ut solet , occupare , & e medio submovere adnifus est. Sic ergo ille Observat. novis ad Gen. XIV. Oper. T. I. p. 156. Noach in benedictione filii Semi , singulari modo eum terra Canaanis dominum constituit. Gen. IX. itaque Sem huc se confert , & civitatem condit , & ex indole sua pacifica nomen imponit Salemi. Hic regnat potestate regia : sed placide adeo & tranquille , ut simul sacerdos fuerit. Dum pater Sem vitam agit a curis negotiisque mundanis vacuam , Elamo maximo natu filio , & heredi proximo (quamvis in Oriente , sede valde longinqua , degeret) incumberebat ad terram Canaanis subinde respicere , atque attendere , quo pacto regni status se haberet. Terra enim ex legatione Noachi ad ipsum jure communi devolvebatur. Hic titulus Kedorlaomerum , & heredem Elami evocat e Persia in terram Canaanis , quando quinque civitates in planitie rebellant. In hoc bellum adsciscit tres socios , minores natu filios e domo Semi , Amraphelem , ex Arphaxado , regem Chaldaæ : Ariochum , e Lude , regem Ellasaris , Babylonis confinis : & Tidealem , ex Ashur , regem gentium , & nuper quoque Ninives conditorem. Hi quatuor omnes filii Semi , & justi vindices terræ illius adversus usurpationem Cananaeorum , constituunt , societate facta , eo expeditionem suscipere , omnemque illam regionem citra & ultra Jordanem percurrere ; quod & brevi exsequuntur. At quum pervenissent usque ad Danem , extremam terræ terminum Septentrionalem , Abraham eos est assecutus , & vincit victores. Et sic duplex jus in terram adeptus est , promissionis nempe , & victoriæ. Id Sem , sive Melchizedec , observat , Abramo cum triumpho redeunte , atque intelligit , eum esse , atque illius*

illius posteros, quibus Dominus terram illam per spiritum Noachi propheticum assignaverat, &c.

VI. Cæterum in erudito hoc discursu multa ingentia postulata, VI. Non ut concessa sibi, fumit vir doctus, ab ingeniis paullo difficilioribus *videtur* vix impetrabilia. Eorum primum est, *Melchizedecum* eundem fuisse *probabile.* cum *Semo*: cui sententiæ ut subscribam, multis causis impediō; quas breviter atque eleganter exsecutus *Calvinus* est. Neque enim Dominus virum, æterna memoria dignum, novo tantum & obscuro nomine indicasset, ut maneret ignotus. Deinde probabile non est ex *Oriente* migrasse in *Judeam*: & ex *Mose* nihil tale colligitur. Tercio, si habitasset *Sem* in terra *Canaan*, non ita flexuosis ambagibus vagatus esset *Abraam*, ut antehac retulit *Moses*, donec suum atavum salutasset. Plurimum vero ponderis habet, quod admonet *Apostolus*, hunc *Melchizedec*, quisquis fuerit, nobis sine ulla origine, quasi e nubibus delapsus esset, in medium proferri, & sine mentione ulla mortis sepeliri ejus nomen. In homine autem ignoto clarius refulget mirifica Dei gratia, quod inter mundi corruptelas solus in terra illa integer ac sincerus fuerit pietatis cultor & custos. Quibus omnibus adde, quod *Sem* fuerit ex *Abrami* majoribus, ideoque inter *Levitarum* progenitores. Unde non posset concludi, majoris ordinis in eo sacerdotium fuisse, ex eo quod *Abram* ei decimas dederit: quia decimas dedisset illi, qui ideo major, quod progenitor: & ex quo *Levitæ* habent originem, & successionem. Nam sacerdotium *Patriarcharum* in *Levitas* derivatum est, quia *Patriarchis* successerunt: *Melchizedec* itaque non est *Sem*. Tum & hoc frustra sumere videtur vir eruditissimus, quod *Semus* a *Noacho* singulari ratione dominus terræ *Canaan* in sua persona constitutus sit. Divina providentia diribitrice aliam prorsus terrarum distributionem inter *Noachi* filios factam esse, docet *Moses* Gen. x. *Semi* enim soboles trans *Euphratem* sedes suas habuit, in *Elymaide*, *Assyria*, *Arrapachitide*, *Lydia*, *Syria*, & vicinis remotioribusque regionibus. Quia *Sem* *Syriam* potissimum inhabitavit, ea *Arabibus* dicitur  NW. Vide *de Dieu* ad Gen. x: 22. Ex *Canaane* autem ortis gentibus, ea pars orbis contigit in qua tunc divertebat *Abramus*. Ipsaque *Salem* in portione *Jebusæorum* erat, a *Jebusæis* etiam habitata. Quid ibi negotii *Semo* fuisset, ut, relicta sua hæreditate, posthabitisque filiis ac nepotibus, in mediis *Cananæis* degeret; oppidi, si vis, unius rex: quando multo majore cum auctoritate ac splendore apud suos vivere potuisset? Mandatum etiam *Abramo* factum migrandi ex cognatione sua in terram peregrinam, satis ostendit nullam ipsum cognationem habuisse,

nedum tantam, tamque desiderabilem, & quæ cæteris omnibus atreponi merebatur, in terra Canaan. Noachi autem oraculo satisfactum est, quando Israëlita, Semo oriundi, pulsus Cananæis, terræ ipsorum, Deo iubente, potiti sunt. Quantum etiam a probabilitate abhorret, *Kedorlaomerum* cum fœderatis regibus arma in Cananæos regulos movisse, ut Semi, id est Melchizedeci, jus tuerentur, ipse interim Melchizedeco adeo securo ac deside, ut nullas iis auxiliares copias miserit, eamve rem ad se pertinere ullo indicio declaraverit? Fasne etiam Abramo fuit, fœdere cum Cananæorum regulis inito, eos cognatorum suorum oppugnatum ire, qui atavi sui causam contra iniquos usurpatores tam strenue agerent? Ex quibus colligitur, incertum admodum, imo ne probabile quidem esse, quod Semo sit Melchizedec, aut in Cananæa habitaverit, nedum ut urbis *Hierosolymæ* conditor fuerit. Imo nec de Melchizedeco id constat; quisquis ille tandem sit. Non enim quæ urbis alicujus rex, idcirco illius conditor est. Est ergo hæc res ex earum rerum genere in quibus laudabilis est ignorantia professio.

VII. Incola fuerunt Jebusæi; primo soli, dein Israëlitis mixti, donec David urbis possessor esset.

VII. Certiora de INCOLIS dici possunt: quos in duplici fuisse scimus differentia; veteres. nimirum & recentiores. Veteres *Jebusæi* fuerunt; unde & urbi nomen: quæ & eandem habitarunt, sive soli, sive Israëlitis mixti, usque ad Davidis ætatem. Josua, clarissimus Israëlitarum imperator, urbem occupavit, profligato ejus rege Adonizedec; quod factum mirabili illo die, cui parem ab orbe condito nulla viderunt secula: quando nimirum sol constitit in Gibeon, & luna in valle Ajalon, neque festinaverunt ad occasum quasi diem integrum, donec vindicata esset gens Israëlita ab hostibus suis. Jos. x. Necato rege, trucidati sunt & incolæ, civitati autem ipsi immixtus ignis. Jud. i: 8. Ita tamen, ut nec tota civitas combusta, neque omnes incolæ deleti sint. Paulo enim post Adonibezecum Bezeci regem a se captum *Hierosolymam* tanquam in suæ ditionis urbem adduxerunt Israëlita, ut ibi, justissima talionis lege, meritas scelerum poenas lueret. Jud. i: 7. Et Jebusæi eodem tempore urbis partem incolebant. Sic enim narratur Jos. xv: 63. *Jebusæos autem inhabitantes Hierosolymam non potuerunt filii Juda expellere, sed habitabat Jebusæus cum filiis Juda Hierosolyma usque in diem hunc.* Quod dicitur filios Judæ non potuisse expellere Jebusæos, id quum fortissimæ & regię tribus gloriam plurimum obscurare videretur, Doctores Hebræi, quorum sententiam multis hic verbis explicavit *Kimchi*, non tam ad vires tribus Judæ, quam ad jus & fas referunt. Neque enim licuisse Israëlitis vexare armis Jebusæos, propter fœdus quod Abimelech

Iech cum Abrahamo fecerat. Gen. xxi. Jebusæos enim fuisse Abimelechi nepotes; neque eo nomine a Canaanis filio, sed ab urbe quàm incolebant, vocatos esse. Porro Davidem eo fœdere non fuisse obstrictum, quando jam tum sanguinis illa propinquitas, cui pacem securitatemque depectus ab Abrahamo fuerat Abimelechus, longiori nascendi serie esset præterita atque exstincta. At quis det Doctoribus Hebræis, quod ipsi sumunt, hos Jebusæos fuisse Abimelechi, non alios Canaanis, posteros? Omissis igitur commentis anilibus, dicamus quod res est, Judæos, sicut & plerasque alias tribus, post Josuæ excessum, sua sibi fœcordia obtituisse, atque etiam suis sceleribus promeritos, ne omnes ipsorum hostes pellerentur. Fortunam prosperam pollicitus fuerat Deus, si pietatem adversus se colerent; minatus etiam erat adversa omnia, si sua jussa violarent. Hæc vera hujus rei causa est: quæ & deserte assignatur Jud. 11: 20. Manserunt ergo Jebusæi, invitis Judæis, & Benjaminitis, quibus mixti longo tempore fuerunt. Jud. 1: 21. & xix: 11, 12. Donec tandem a Davide pellerentur. Totum autem hoc tempus, ex quo Josua, Hebræorum adversus Cananæos imperator, devictæ regionis agros suis divisit, post quem Israëlita nunquam barbaros *Hierosolymis* ejicere potuerunt, usque ad Davidis expugnationem, anni fuere quingenti & quindecim; secundum calculum *Josephi Antiq. Lib. vii. Cap. 111.*

VIII. Poscit illa victoria Davidis, quæ memoratur 2. Sam. v. ^{VIII. Ex-} aliquam ^{ponitur} *ἐπιμονήν*. Urbis *Hierosolymæ* duæ erant partes: altera in montis descensu, ubi cum Benjaminitis habitabant Judæi; in summitate ^{2. Sam. v.} altera, ubi arx munitissima, Sion, quam summo cum Israëlitarum ^{quinam} dedecore hætenus obtinebant Jebusitæ. Indignum id Davidi visum, qui totius Israël regno solemniter initiatus, cum omnibus copiis suis, ^{caci &} *Hierosolyman* movet. Obsidionem moliens ridetur a Jebusæis, muni- ^{claudi sue-} tionum suarum fiducia securis, & temere dicentibus, ^{rim, Da-} *לֹא תבוא תנח*, quod vulgo vertunt, ^{videm re-} *אם תסיר תעורים והמסחים*, non ^{moturi.} *intra-* *bis huc nisi removeris cacos & claudos*. Mirum quas ex interpretatione ista fabulas congefferint Hebræorum Magistri. Somniant hos cacos & claudos fuisse duas imagines; quarum una cæca retulerit Isaacum, cujus oculi in senectute caligabant; altera clauda Jacobum, qui uno femore claudicabat. Has imagines ore gestasse fœdus quod cum Abimelecho ejusque posteris iniverit Abrahamus, de noxa non inferenda. Prohibitum igitur vi juramenti fuisse Davidem arcem Sionis, quæ ad posteros, ut ajunt, Abimelechi pertinebat, invadere, donec captis imaginibus, iisque remotis, fœdus primum aboleretur.

Sed anilia hæc, ut modo diximus, commenta, quamvis nostrorum etiam aliquibus non displicuerint, seria refutatione indigna sunt. *Aben Ezra* itaque, contemtis istis fabulis, sensum esse vult, quem & *Belgæ* exprefferunt, si moveris te ad bellum, ipsi etiam claudi & cæci impediunt quo minus huc intres. Obstare quidem videtur numerus: nam *הסירך* singulare est, cui non respondet numerus *פסחים*, & *פסחים*. Verum difficultatem hanc removet *de Dieu*, observans, usitatum esse Hebræis verbum singulare construere cum nomine plurali, quod distributive exponendum: ut mens sit, *removebit te quique cæcorum, & claudorum*. At quinam tandem illi cæci ac claudi sunt? *Josephus* sic commentatur: *Jebusai, clausis ad Davidis adventum portis, & in manibus, quotquot erat cæci vel claudi, aut alioqui mutili, in contentum regis collocatis, distabant, hos ad arcendum hostem sufficere*. Alii aliter. Confer *Dougtrai Analect. Sac. Excur. 87. p. 151*. Qua contumelia irritatus David obsidionem acrius urfit: proposito præmio præfecturæ totius exercitus ei qui primo eniteretur in arcem & pervenerit *בצנור*, id est ad canalem; illum fortassis, quo aqua servabatur ad potum. Conjiciunt enim arcem superatam esse, occupatis primum, aut corruptis etiam aquis; quod & in aliis obsidionibus usu venit. *Bochartus Canaan. Lib. IV. Cap. xxxvi.* in hunc sensum vertit: quisquis percusserit Jebusæos, is deiciat in alveum muro proximum, tam cæcos quam claudos Davidi maxime exosos. Porro quum omnes certatim niterentur, cupiditate summæ præfecturæ accensi, Joab, Serujæ filius, alios prævenit, & conscensa arce, a rege promissum copiarum imperium impetravit. 1. Chr. xi: 6. Hic iterum solita delirant Rabbini. Fingunt Joabum adduxisse abietem viridem, quam fixerit ad murum Sionis. Davidem vero incurvatum cacumen ejus tenerum apprehendisse: mox Joabum exsiliisse super caput Davidis, suspendisse se in arbore, indeque saltu se conjecisse in murum. Atque hoc esse quod dicit David Ps. cxli: 5. *Percutia me justus, benignitas erit, oleum capitis: non franget caput meum*. Deum porro demisse aliquid de celsitudine muri; atque ita Davidem adscendisse post Joabum. Huc tendere illam sacri carminis particulam: *in Deo meo transilio murum*. Ps. xviii: 30. Apinæ, tricæque, aut si quid vilius istis. Quis non miretur stultorum hominum *עגפגיא*? Hanc tamen sua commemoratione dignam censuit *Kimchius*; non ineptus cætera Interpres. Atque hoc sermonum genere famelici populi aures pascunt miserrimi magistrorum.

IX. Et quosendat nomen inde

IX. Nos ad sacram historiam revertamur, ubi invenimus occasione claudorum & cæcorum istorum dictum esse; *cæcus ac claudus non*

est

est introiturus in hanc domum. Quod valde torfit Interpretes. Sunt ^{editum} qui hinc excudunt constitutionem aliquam, qua cautum sit, ne ^{aut pro-} quis cæcus aut claudus in arcem Sionis unquam intrmitteretur. ^{verbium.} Apud multas gentes boni ominis causa obtinuit, ne qui pullati, aut deformes, in conspectum regum prodirent. Idem in Davidis regia observatum esse credunt; non superstitiosi ominis causa, sed in perpetuam rei tam memorabilis recordationem. Exceptus tamen ab hac lege est Mephiboset, quamquam valde claudus, virtute legis universalis atque æternæ, quæ pietatem, fidem ac gratitudinem jubet; & cui nulla speciali lege derogari quidquam potest. Alii putant, contineri iis verbis editum de Jebusitis nunquam admittendis in Sionem, ubi arca Domini & templum fuit. Sed & hujus edicti exceptio in Arauna Jebusæo est; de quo mox plura. Alii conjectant, esse proverbium, vel in eum qui se jactaret in re vana; quasi dixeris, ne jacta te temere, ne idem tibi eveniat quod Jebusæis, qui in cæcis claudisque jactarunt, at frustra: vel quod usurpatum fuerit, quando accidisset quippiam quod fieri non posse credebatur: cæci & claudi jactabant Davidem non ingressurum Sionem; & tamen ingressus est. Enimvero non multum elegantiae dictorio inesse videtur, si utrolibet exponas modo. At quis nobis veterum omnium proverbiorum, præsertim Orientalium, acumen præstet; quippe quæ non sapientibus semper, sed & vulgo suam quandoque debent originem? Fortasse tamen omnia hæc justo subtiliora sunt. Et fieri potest, ut neque editum aliquod, neque proverbium in ea sacri sermonis pericopa sit; sed nuda ante dictorum repetitio, ut reddatur ratio qua motus David tantum victori præmium proposuerit. Quia nimirum militarem illam sarcasmi licentiam æquo animo concoquere non poterat.

X. Notatu dignum est, & quod post superatam a Davide Sio-^{X. Arauna,} nis arcem Hierosolymis remanserit Jebusæus quidam, ^{rex olim} Arauna, vel A-^{Jebusæo-} rania, vel Orana dictus, cui & regis nomen datur, qui ad extrema-^{rum, vel} usque Davidis arcem habuit in monte Moria. 2. Sam. xxiv: 23. De ^{saltem ex} quo Josephus: *Nec prætermittendus per silentium est Orphanas, vir inter-regia stir-* ^{pe, ad ult-} *Jebusæos opulentus, cui in expugnatione Hierosolymorum parcitym est a-* ^{tima Davi-} *rege, tum propter perpetuam ejus erga Hebræos benevolentiam; tum quia* ^{diu Hiero-} *privato quodam officio demeritus est eum.* Sed dubito an sola viri opul-^{solyma} entia absolvere queat magnificum regis elogium, quo facer eum scrip-^{mansit.} tor exornat. Credibile est, vel regem fuisse Jebusæorum, quem David urbe potiretur, at Davidi faventiorum quam procerum vel civium alii; aut devicta deditaque arce supplicem regi factum gratiam ejus meruisse: vel certe ex regia Jebusæorum familia aliquem, cui

parsum sit ob causas nobis incognitas. Qui nunc Davidi subditus & tributarius, Israëliticæque religionis profelytus, privatam cum familia vitam degebat, non sine quibusdam pristinae dignitatis opumque reliquiis.

*XI. Ejus
area Davi-
di vendita
sacratissi-
mus locus
fuit.*

XI. Porro officium illud, quo Davidem insigniter demeritum esse modo intelleximus, ita se habet: Peste ob temere numeratum a Davide populum vehementer in Israëlitude grassante, accuratis precibus obtinuit rex, ut tantæ læbis diritas sedaretur. Deus igitur, admissa supplicatione, per Gadum prophetam mandavit regi, ut festim adscenderet in aream Araunæ Jebusæi, & exstructo altari inibi sacrificaret. Paret rex; & mox se cum omni familia ad destinatum locum contulit. Arauna vero circa trituram frugum occupatus, ut regem cum famulatio accedentem vidit, occurrens adoravit eum. Et percontanti cur herus ad servum accederet, ait David, se velle aream ejus emere, ut in ea Domino altare construeret, ac sacra faceret. At ille aream, & aratra, & boves in holocaustoma gratis largiri se dixit, precarique ut Deus libens ac propitius sacrificium hoc admittat. Rex vero gratam sibi ejus munificentiam professus, voluit ut pretium acciperet: iniquum enim esse de gratuitis offerre sacrificium. Non abs re fore arbitror, si paucis verbis e medio removero difficultatem, quæ morari cæteroquin sacrarum posset Lectorem literarum. In posteriori libro Samuelis Cap. xxiv: 24. proditur, Davidem *aream Araunæ, cum bobus* ad sacrificium requisitis, emisse ARGENTI SICLIS QUINQUAGINTA. At 1. Chron. xxi: 25. legitur: Davidem Ormani (qui est idem Arauna) *pro loco illo appendisse* SICLOS AUREOS PONDERE SEXCENTOS. Commodissima conciliandi ratio hæc esse videtur; ut prior loco sermo sit de sola area cum bobus, uti ipsa sacri textus verba habent; posteriori loco, de toto prædio & ambitu illius loci, quod templo & circumjacentibus atriis ac ædificiis deinceps dedicatum est; quod, quum amplum valde fuerit, sexcentis aureis siclis merito æstimatum est. Postquam igitur de pretio convenissent, aream Araunæ sibi vindicavit David, oblatisque hostiis placatus est Deus. De area hac recepta Hebræis traditio est: locum, ubi David condidit altare, fuisse eundem ubi suum condidit Abrahamus, in quo ligavit Isaacum; ubi suum condidit Noachus, egressus ex arca; ibidem fuisse altare super quod obtulerunt Cain & Abel; ibidem denique obtulisse Adamum, qui & circa illum locum creatus sit. Unde dixerunt sapientes, idem est locus expiationis, qui & creationis. *Maimonides in Beth Habbechira Cap. 11. & Midras Tillim fol. 41. 2.* Quorum omnium certam veritatem equidem præstare non aulam.

Id

Id constat, eundem locum deinceps consecratum fuisse ad ædificationem templi 2. Chron. III: 1. Sic ut sacerrimus totius orbis terrarum tractus hætenus fuerit in potestate hominis Jebusæi.

XII. De situ *Hierosolymæ* generatim tenendum, non fuisse urbem inter tribus divisam, sed communem omnium Israëlitarum habitationem censitam. Hinc negant Talmudici mercede elocatas esse domos ad festa accedentibus, sed concessas gratis. Quod illustrat historiam Evangelicam Mat. xxvi: 17. Tantummodo moris fuit, ut advenæ hospiti suo relinquerent cantharum testaceum, & coria sacrificiorum, *Talm. Babyl. in Joma fol. 12. 2.* Attamen sita fuit urbs partim in hæreditate Judæ, partim in illa Benjaminis: processitque linea determinans per ipsum atrium templi. Unde factum est ut urbs jam videatur attribui filiis Judæ: Jos. xv: 63. Jud. 1: 8. rursus eadem iisdem fere verbis attribuitur filiis Benjamin: Jos. xviii: 28. Jud. 1: 21. utrisque vero simul. Neh. xi: 4. Modus autem unius urbis in duas distribuendæ tribus non eadem ratione ab eruditis exponitur. Cui lubitum est variantes eorum sententias cognoscere, adeat *Pinedam, de rebus Salomonis Lib. v. Cap. v.* Judæi tradunt in portione Judæ fuisse montem templi, pastophoria, & atria. In portione Benjaminis, pronao, & templum, & Sanctum Sanctorum: prodixisseque lineam e portione Judæ in portionem Benjaminis, atque in ea conditum esse altare.

XIII. Specialius sciendum, talem fuisse situm *Hierosolymæ*, ut distincta fuerit in civitatem superiorem, ædificatam in monte Sion, & inferiorem in monte Acra. At operæ erit hæc quoque ex *Josepho* accuratius cognoscere. *De Bello Jud. Lib. v. Cap. xiii. vel Lib. vi. Cap. vi.* Civitas, inquit, trino muro circumdata erat, nisi qua vallibus inuis cingebatur: ex ea namque parte unius muri habebat ambitum. Et ipsa quidem supra duos colles erat condita, contrariis frontibus semet inspicientes, interveniente valle discretos, in quam domus creberrima desinebant. Collum vero alter, quo superior civitas sedet, multo est excelsior, & in prolixitate directior: adeo ut, quoniam tutus erat, castellum a David quondam rege vocaretur: a posteris autem forum superius. Alter autem, qui appellatur Acra, inferiorem sustinet civitatem, & undique declivis est.

XIV. Denique specialissime inquirendum, an Sion, an altera urbis pars ad Aquilonem situm suum habuerit. Quod uti antiquitus, ita & hodie disputatur. Doctissimus *Lightfootus*, cum plerisque Hebræorum, & multis Christianis, Sionem ad Aquilonem locat. His potissimum inductus argumentis. I. Ps. xlviii: 3. *הר ציון ירכתי* *הר ציון* Gaudium totius terra est mons Sion a latere boreali. Ubi *Aben Ezra*,

Ezra, מֶלֶךְ יְרוּשָׁלַם בְּצֶדֶק מֶלֶךְ מֶלֶךְ *Mons Sion est a latere Hierosolyma septentrionali.* Et *Lyrans* : *Mons Sion est in aquilonari parte Jerusalem.* LXI. ὅτι τὸν τὰ πλεῖστα τῷ βορρᾷ. *Apollinar.*

ὅτι τοι Σιών ἀπὸ πλεῖστος βορρᾷ.

II. Quum propheta Ezechiel novam *Hierosolyman* in visione prospici, dicit se stesisse in monte alto valde, juxta quem erat quasi structura civitatis ab Austro. Ezech. xl : 2. In quem locum *Kimchius* : *Locum me super montem excelsum valde.* Iste erat mons templi. Nam templum condendum erat in monte, sicut ante. Et civitas *Hierusalem* propinqua est ab Austro. *Lyrans*, post recitatam nonnullorum istius communis explicationem, & rejectam, ideo, inquit, *Hebraei dicunt*, & melius, ut videtur, quod Propheta duo viderit, civitatem & templum : & quod templum erat in parte aquilonari : civitas autem in parte australi. III. Ex *Joseph* etiam se neque pauca, neque obscura habere putat, eodem ducentia. Is enim regiam, domum *Asmonæorum*, & xystum in urbe superiori collocat, & alibi monet, ea fuisse ad Aquilonem. Vide *Sodes Lightfootum Centur. Geograph. Matthæo præmissa Cap. xxi.* xxi. Et *Descript. Templ. Hieros. Cap. iv.* Eandem sententiam tuetur *P. de Veil.* Vide *Fascicul. Tom. vi. p. 48.*

XV. An ad Meridie.

XV. At contra disputat *Coccejus* in Pl. XLVIII. argumentis partim ex Psalmo ipso, partim ex *Joseph* petit. Verba Psalmi ita interpretatur, ut tres urbis partes distincte laudari existimet : quæ sunt I. Mons Sion. II. Latera Aquilonis. III. Civitas Regis magni. Mons Sion, est urbs superior, urbs Davidis. Latera Aquilonis, urbs inferior, ex valle *Turopolæon*, sive *Casariorum*, in duas altitudines collium *Acræ* & *Bezethæ* adfurgens, olim minori capacitate, posterioribus temporibus amplificata. Eam κλίμα βορρῶν, & τὰ ὑψηλότερα τῆς πόλεως *Josephus* sæpe appellat. Civitas Regis magni, est mons domus Domini, *Moria*. *Josephum* porro prolixè allegat : & ad mentem suam erudite παραφράζει. Post *Coccejum* eandem sententiam quasi ex fundo eruit, & ampliter exposuit ac tutatus est vir clarissimus, *Campegius Vitringa*, in *Libris de Templo Ezechielis Tom. i. Cap. iv.* Neque diffiteor eorum argumenta potiora videri. At ferre non potui temerariam juvenum quorundam confidentiam, qui, quamvis nihil de hac materia explorati haberent, nisi quod dictantem forte audiverant magistrum, ita tamen hanc causam agebant, etiam pro suggestu Ecclesiastico, quasi secus sentientes, inque iis *Belga* Interpretes cum sua versione & notis, pudendæ in Chorographia Judaica in-scitiæ damnati, vix ullum puerili propemodum errori prætextum invenirent : quamvis eandem ante ipsos sententiam amplexi sint *Abulensis*,

lenfis, Forsterus, Avenarius, Mercerus, Marinus, Calvinus, Piscator, alique, citra controversiam eruditissimi, sine numero. Nimirum sic solent, qui uno contenti magistro ab illius ore pendent; ad ejus unius admirationem, & aliorum *ἐκ διανοίας* male edocti. Qui verò aliorum quoque doctorum virorum considerationes audire, rerum momenta librare, & rationes cum rationibus conferre assuefacti sunt, ii lentiore procedunt gradu: omnium eruditioni suum statuunt pretium; ac si quid determinandum est, cum verecundia id faciunt, procul omni dissentientium contemtu. At hæc *ὡς ἐν πλεονείῃ*. Qui plura ac distinctiora de veteris *Hierosolymæ* situ desiderat, consulat, si vult, *Ariam Montanum*: nobis enim minutiora nunc prosequi non licet.

XVI. Urbem a se occupatam splendidissimis ædificiis auxit *Da-* *vid urbem splendide ædificavit.* *Da-* *vid*, & ex oppidulo civitatem toto orbe celeberrimam effecit. Ex quo enim *Hierosolymæ* sedem sibi regiam optavit, indies magis ac magis res ei ex voto succedere; Deo providente, ut ea urbs, quam saeculorum sibi destinaverat domicilium, egregiis accessionibus incluta redderetur. Per idem tempus Hiramus, Tyri rex, legatione in hoc missa, in amicitiam ac societatem Davidis est receptus: misitque ei dono materiam cedrinam, & fabros atque architectos, qui regiam ei *Hierosolymis* exædificarent. David autem superiorem urbis partem, & arcem in ea conditam, in unum corpus redegit, cingendumque eisdem munitionibus Joabo demandavit, civitatisque novæ a se ipso nomen dedit. Amplitudo regiæ, & substruccionum eo pertinentium, colligi quodammodo potest ex numero prætorianorum, quos excubias ibi egisse credibile est. Illi vero fuere VICIES ET QUATER MILLENI, cum præfecto & tribunis suis. 1. Chron. XXVII: 1. & XXVIII: 1. De his *Josephus Antiq VII: XI. Totas copias suas in dodecim partes digessit, eisque tribunos, centuriones ac præfectos assignavit. Continebat quæque pars millia viginti quatuor: voluitque ut singulis mensibus stationem agerent circa regiam, una cum tribunis suis & centurionibus: & cuique suum ducem præficeret, virum justum ac spectatæ pietatis.* Unde claret, regnante Davide *Hierosolymam* urbem amplissimam, munitissimam atque opulentissimam fuisse. *Hierosolyma est optime constructa civitas, qua plane coagmentata est inter se pariter.* Ps. CXXI: 3. *Circumte Sionem, & cingite eam: numerate turrets ejus. Apponite animum vestrum ad præmunitionem: attollite oculos ad palatia ejus; ut enarretis generationi postera.* Ps. XLVIII: 13, 14.

XVII. Non injuria dixi, urbem opulentissimam quoque fuisse. *XVII. Ad-* *que incred-* *biles in ea* *opes collo-* *millia gi* *gi* de qua commentantem juvat audire *Budaum. De Asse Lib. IV. p. mibi* 366. *Vidimus, inquit, supra, summam Persarum opes centum & octoginta* Tom. II. Cc

millia talentum fuisse post Darium victum, quibus oportet septem millia addere, quæ Darius Ecbatanis fugiens secum in tumultu rapuit, ut auctor est Arrianus, & iis rursus conjectura addere sumptum ejus belli. Historis autem Regum dicit, David habuisse argenti mille millia talentum, id est decies centena millia, & auri centum millia, quæ minima computatione mille millia talentum auri valent. Ita fit UT DECIES MAJORES FUERINT DAVIDIS OPES. QUAM DARIU. Existimo autem & Persicum talentum & Hebraicum idem cum Babylonio fuisse talento: quæ ratione, summa sexta parte augetur. Quare fidem res illa habitura non videtur hominum sensu, etiamsi auctoritati sacrosanctæ id creditur. Hactenus Budæus. Nos singula propius lustremus. Opulentiam urbis haut aliunde melius æstimaveris, quam ex immensa illa opum vi quam David & proceres coacervarunt ad structuram templi. David se in afflictione sua collegisse narrat. AURI TALENTA CENTIES MILLE, & ARGENTI DECIES CENTIES MILLE TALENTA: præter LAPIDES PRETIOSOS, æs & ferrum quibus non erat pondus. 1. Chron. XXII: 17. & XXIX: 2. Quibus addi debent alia TER MILLE TALENTA AURI ex auro Ophiris: & SEPTIES MILLE TALENTA ARGENTI purgatissimi. ib. comm. 4. His accessere ex spontaneis procerum oblationibus AURI TALENTA QUINQUES MILLE, & DRACHMARUM MYRIAS, & ARGENTI TALENTA DECIES MILLE: ut de lapidibus pretiosis, ære & ferro nunc nihil dicam. comm. 7. & 8. Quæ si nostris numerentur calculis, mirum auditu erit, quantam conficiant summam. Eam autem non uno modo putant viri harum rerum periti. Nonnulli talenta Hebræorum in triplici fuisse differentia tradunt, vel *Vulgaria*, vel *Sanctuarii* in duplo pondere, vel *Regia* proportionis inter talentum *Sanctuarii* & *Vulgare* mediæ. Quo talentorum discrimine observato, ex *Josepho*, quid summa superior efficiat, sic colligunt. Talentum aureum pendebat c. minas. *Joseph. Antiq. Lib. III. Cap. VII.* Mina constabat duabus libris cum dimidia. *Lib. XIV. Cap. XII.* Libra communis est xii unciarum. Singulæ ergo minæ æquiparantur triginta uncis: quarum unaquæque viii aureis nummis æstimatur. Ideoque talentum Sanctuarii aureum valebit xxiv mille aureis. Quos si ducas in viii millia talenta auri & x mille aureos, quod Davidem cum proceribus sponte obtulisse intelleximus ex 2. Chron. I: 4, 7. prodibunt 19201000 aurei, sive 192 MILLIONES CUM X MILLE AUREIS. Adde xvii mille talenta argenti; quorum singula quum æquiparantur ccc siclis; siclus vero tetradrachmo seu dimidio auri Rhenani, ut *Budæus* de re nummaria annotat; illa xvii mille talenta argenti pendebunt 2550000 aureis, seu xxv MILLIONIBUS. Verum hæc

hæc summa, quamvis maxima, parva tamen est præ immensis thesauris quos antea coacervavisse legitur David 1. Chron. xxii: 17. Centena videlicet millia talentorum auri, & millena millia talentorum argenti, quæ efficiunt 390000000 aureos, seu TER MILLE ET NONGENTOS MILLIONES. Hos adde ad superiores 192 & 25 milliones, & prodibunt 4117 MILLIONES; seu XLI MILLE ET CLXX TONNÆ AURI. Computatio hæc istis nititur hypothesibus, quod talentum sanctuarii duplo majus sit talento vulgari, & quod, quum de rebus ad sanctuarium pertinentibus agatur, talentum sanctuarii, si uspiam, hic intelligi debeat. Cæterum quum hypothesis illa de talento sanctuarii duplo admodum incerta, & probabiliter falsa sit, uti alibi ostendimus: age, dimidiam sumito summæ superioris partem, & habebis XX MILLE ET DLXXXV TONNAS AURI. Alios supputandi modos vide apud *Casparum Waserum de antiquis numis Hebræorum Lib. II. Cap. xviii. Edvardum Brerewoodum de numis Hebr. Cap. iv. Bail- lium Oper. Hist. & Chronol. Lib. I. p. 57. & Goeree Antiquitatum Judaicarum T. II. p. 1570.*

XVIII. Mirum autem merito videri posset, unde tam repente XVIII. Davidi, qui ex opulione rex factus fuerat, tam incredibilis opum ^{Quarum fontes in-} affluentia. Eam ipsi multiplex conciliavit felicitas & rarus Numinis ^{dicantur;} favor. Veras ac naturales divitias esse quæ ex PASTORITIA & AGRI- CULTURA petuntur, *Aristoteles* docuit *Polit. Lib. I. Cap. v.* Fuit autem tractus ille orientalis, in quo sita Cananæa est, ob solis solique virtutem, agris & pecoribus feracissimus. Hinc amplissima atque uberrimæ orientalibus Principibus agrorum pecorumque possessiones. Nam uti magna regalis Ægyptiaci patrimonii pars agricultura constabat; ita & patrimonium Hebræorum regum jam inde a Saule in eadem re constituitur. 1. Sam. viii: 12, 14. Agriculturam vero ampli- ter admodum exercuit David: ita ut præfectos habuerit exercentibus opus rusticum; ac vinitoribus & proventui vinearum, thesaurisque vini; item cultoribus olearum & sycomororum, ac thesauris olei; item armentis pascentibus in Saron & per convalles; item camelis & pecudibus: omnibus denique thesauris inde provenientiibus, qui erant in agro, in reliquis civitatibus, & in pagis ac turribus. 1. Chr. xxvii: 25-31. Multum præterea collegit ex TRIBUTIS exterarum gentium, quas armis subjugaverat: & earum quidem ditissimarum. Quales erant Moabitæ, Syri Sobæ, Damasceni, Idumæi, Amalecitæ, 2. Sam. viii. & Ammonitæ, atque universi reges Syrorum trans Jorda- nem, & Philistæi. 2. Sam. x: 19. Illi omnes fuere servi Davidis, *adferentes munus.* 1. Chr. xviii: 6. Quod a tot regibus regisque col-

latum, amplissimum esse oportuit. Porro magnum Davidicarum opum caput in pulcherrimis pretiosissimisque HOSTIUM EXUVIIS fuit. Propitio enim Marte pugnavit semper, idque non conductio militum, sed suis & voluntariis copiis, quæ ne teruncio quidem constabant. Pugnavit autem vicies, totidem clarissimis partis victoriis a regibus regnisque conterminis; & jugulatis multis barbarorum opulentissimorum millibus. Considera hic spolia opima aurea, (nam argentea vi in pretio) inanes, periscelides, enses, scuta, arcus, pharetras, reliquamque auream armaturam, qua ex more seculi ornati fuere: præsertim seni illi reges, de quibus triumphavit. Adde prædas captarum urbium, auri, argenti, æris refertissimarum. In quibus præter magnam auri & argenti copiam æris genus repertum fuisse quod auro pretiosius haberetur, auctor *Josephus* est *Antiq. Lib. VII. Cap. VII. Conf. 1. Chr. XVII: 7, 8, 10. & XX: 2.* Quibus accesserunt manubiæ aliarum urbium Asiaticarum, in provinciis venarum auri & argenti, atque fluminum etiam auriferorum feracissimis. Hæc & alia fortassis his similia, at nobis minus explorata, insigni Numinis favore, in unum coeuntia, incredibilem opum copiam conciliare Davidi potuerunt.

XIX. De

quibus, post
maximabi-
les imponi-
bus, pluri-
mum super-
fuisse sum-
mo conden-
dum, au-
cto *Jose-
phus* est.

XIX. Quibus de suo *Josephus* addit, cui tamen prudens Lector pro arbitrio habeat vel demat fidem, præter ea quæ ornandæ urbi, tuendæque auctoritati regis, atque aliis regni usibus impensa sunt, ingentem auri molem a Salomone tumulo Davidis esse conditam. Sic enim narrat *Antiq. Lib. VII. Cap. XII. ad finem.* *Tantas præter divitias heredi reliquit, quantas nullus alius rex vel Hebræorum vel aliarum gentium. Sepelivit autem eum filius Solomon Hierosolymis magnifice, præter solennia illa in regum funeribus, illatis etiam in monumentum ejus maximis divitiis, quarum magnitudinem facile sit conjectare ex hoc quod dicemus. Nam post annos MCCC. Hyrcanus pontifex oppugnatus ab Antiocho cognomine Pio, Demetrii filio, volens pecuniam ei dare, ut abducto exercitu obsidionem solveret, nec valens aliunde sumere, aperta cella monumenti Davidis, & prolatis inde tribus talentorum millibus, eorumque parte Antiocho numerata, oppugnationis periculo se exemit, sicut & alibi indicavimus. Ac rursus post multos annos elapsos Herodes rex alia cella aperta magnam pecuniam sustulit; ad loculos tamen, qui regum cineres continent, neuter eorum pervenit: singulari enim arte ita erant sub terram conditi, ut ab ingredientibus monumentum inveniri nequirent. Sol de his battenus dixisse sufficit. Conf. *Lib. XVI. Cap. XI.**

XX. Præter

oper ex no-
stra pen-

XX. Hæc quidem neque probare nunc neque refellere habeo. Non tamen, quia maxima sunt, idcirco incredibilia nobis videri debent.

bent. Pusilli animi est ex nostra paupertate priscas opes aestimare. ^{perate esti-} Quod qui faciunt, (imperite sane!) illi in omni historia Assyriaca, ^{manda non} Persica, Romana, continuo invenient a quo veluti monstro refugiant. ^{sunt.} Pulcre illud in *Admirandis* ostendit *Lipsius*: ex quo unum nunc excerpere libet, quod moderando stupori nostro sit. *Lib. II. Cap VII. Basilus Imp.* (vixit sub annum Christianum DCCC, imperio jam tenui, diviso, valdeque minuto) a *Zonara* scribitur implese totum ararium, & ipsos aditus viasque, pecuniis confertim stipatis. Habuit, inquit, in thesauris DUCENTA MILLIA talentum auri. Nam alterius pecunia NEC NUMERUS iniri poterat: adeo ut TERRÆ EAM INFODERET, arariis aut repositoriis ubique repletis. Quin & SACULAS habuit lapillis gemmisque pretiosis plenas, quam aliis, tum illis quæ cadent. & quas margaritas proprie appellamus. Ad quæ *Lipsius*: In quibus verbis DUCENTA IL- LA MILLIA TALENTUM AURI, quid reddunt? ipsos MILLE ET DUCENTOS MILLIONES. Ubi nunc argentum illud infinitum & innumerum? Ego non arbitror infra, imo supra, aurum fuisse. Ubi gemma & lapilli in arulis; iridem equasse. At valeat cum suis opibus *Byzantium*: nos *Hierosolymam* revertamur.

XXI. Cui nullum unquam majus ornamentum accidere potuit ^{XXI. 110} quam illo immensæ opulentiae TEMPLO, quod a Davide meditatum, ^{unquam} a Salomone magno animo cœptum & consummatum est: quodque ^{angustius} iis quæ septem mundi miracula dicuntur non adnumerari solum, sed ^{Hierosoly-} & cunctis præferri meretur. Quippe in quo cum incredibili materia ^{misano} copia ac pretio Divina quædam constructionis ars certavit: ut pro ^{Templo} absolutissimo Architectonicis exemplo a viris harum rerum peritis laudatum sit. Meliori jure quam quo *Sebastianus Serlius* Pantheon *Agrippæ*, cujus adhuc corpus (etsi ornamentis omnibus spoliatum) Romæ existat, pro unico exemplari consummatæ Architecturæ habendum censuit. Nec mirum: auctorem enim ipsum habet Deum, qui totius ædificii formam, cum omnibus partibus, cunctoque apparatu, sua manu accuratissime delineatam, scriptoque comprehensam, *Davidi* tradidit. Quam sapientissimus quotquot unquam exstiterunt mortalium, *Salomo*, summa cura atque diligentia ita exsecutus est, ut nulla in re ab eo quod sibi Divinitus præmonstratum erat disces- serit.

XXII. Quandoquidem autem in re sacratissima nihil humani ^{XXII. Co-} præter solam operam intervenire par erat, locum etiam designavit De- ^{jus locum} us ubi tantæ molis ædificium struendum foret. Eum *Davidi*, mul- ^{ipse designa-} ta nequicquam animo volventi, ostendit. Nimirum elegit *Jehova* ^{vis Domo.} *Sionem*, & expetivit pro habitatione suâ, dicens: *Hæc est requies mea usque*

usque in sempiternum : hic habitaturus sum , quia hoc expetiveram. Pl. cxxxii : 13 , 14. SIONEM autem quum dicit Deus , quod dixit frequentissime , non eum nominatim montem intelligit qui strictiori vocis usu ita nuncupatus est , in quo Jebusæorum arx fuerat , & ubi suam David regiam struxerat : sed vel totam urbem *Hierosolyman* , vel universum illum tractum montanum variis collibus constantem. Is enim collis , quem sanctissimo usui destinaverat Deus , MORIA dicebatur , in quo aream Araunæ Jebusæi fuisse , ubi altare Deo ædificaverat David , ad propitiandum Numen , & sistendum grassantis pestilentiae furorem , supra vidimus. 2. Chr. iii : 1. *Deinde incepit Salomo adificare domum Jehovæ Hierosolymis in monte Moria , ubi apparuerat Davidi patri ipsius ; in loco quem paraverat David in area Omnis Jebusæi.*

XXIII.
Partim in
portione
Judæ , par-
tim in por-
tione Ben-
jaminis
situm.

XXIII. Is vero montis hujus situs erat , ut pars ad tribum Judæ , pars ad tribum Benjaminis pertineret. Unde templum utrique tribui ex æquo adscribitur. De tribu Judæ canitur Pl. lxxviii : 68 , 69. *Eligens vero tribum Judæ , montem Sionis , quem diligit , ædificavit simile excelsis palatiis sanctuarium suum.* De tribu Benjaminis prædixit Moses Deut. xxxiii : 12. *Dilectus Jehovæ habitet secure cum eo , protegat eum quotidie , & inter humeros ejus habitet.* Nimirum maxima pars atriorum erat in tribu Judæ ; sed altare , porticus , & sanctissima templi pars , ubi arca reposita fuit cum Cherubinibus , in portione Benjaminis.

XXIV.
Magnifi-
centia
Templi
suspenda.

XXIV. Non est mihi animus de incomparabili hoc ædificio partitim disserere ; quod a viris eruditissimis summa cum diligentia & ac curatione factum est. Volumen integrum ea res exigeret ; cui hic non nisi exigua mediocris exercitationis pars concedi potest. Hoc solum dicere liceat : vix quidquam tam grande , tamque augustum , animo concipi posse , quod Divinæ hujus regiae magnificentiam atque opulentiam æquet. Quæ quodammodo colligi possunt , ex OPUS QUAS David contulit , & quibus suas addidit Salomon ; ex MULTITUDINE OPERARIORUM : & ex TEMPORE quod ædificationi impensum est. OPES illæ quam immensæ fuerint ; ac propemodum incredibiles , modo supputavimus. Nunc addo *Edovardi Brerewodi* observationem ex *Libro de ponderibus & pretiis veterum numorum Cap. vi.* Si ex solido argento , inquit , fuissent integri templi parietes & pavimenta ; si ex auro solido tectum integrum , & præter interiorem parietum calaturam , omne quodcumque interius ejus supellectile fuisset conflatum ; illi tamen acervi pro opere & operariis non suffecissent tantum , verum longe superassent. Consideravi enim quam potui diligentissime dimensiones , &

cum ea auri atque argenti mole in solidam massam conflata comparavi, & calculis subductis, hanc supra illam multum excrevisse reperi. Unde in eam cogitationem prolapsus est vir doctissimus, talentum longe alia notione in libris Chronicorum quam in libris Moysi usurpari: quod quum ab omni ratione abhorreat, (habemus enim 1. Chron. xxix: 7. talenti fractionem in decem millia drachmarum: qua observatione omnis ansa tali supertugio præscinditur.) nihil restat quam ut tam incredibilem opulentiam stupeamus. OPERARIORUM quibus Salomo usus est numerum putat *Vilalpandus* excessisse QUADRINGENTIES MILLENOS. At fortassis more suo immensum auget. 2. Chr. ii: 17. numerantur peregrini CENTIES QUINQUAGIES TER. MILLE SEXCENTI. Accesserunt Tyrii, quorum ingentem quoque numerum fuisse colligitur ex commeatu quem pollicitus iis est Salomon. ibid. vers. 10. His omnibus PRÆFECTI fuerunt TRICIES MILLE ISRAELITÆ 1. Reg. v: 13. Atque hæc tam ingens operariorum multitudo ordine exactissimo, diligentia summa, sub oculis & ductu regis sapientissimi, operi jam diu a Davide præparato integrum impendit SEPTENNIVM. Non potuit igitur non omni ratione augustissimum fuisse id in quo amplificando concurrerunt quæcunque maxima sunt in orbe terrarum.

XXV. Absoluto ac dedicato templo, egregiis urbem ædificiis XXV.
Salomon exornavit, tam privatis, quam publicis. Sibi quidem privatim struxit domum, quæ patris regiam nimium quantum superaret. Regia Salomonis.
1. Reg. vii: 1. An tres distinctæ domus fuerint, quarum prima *domus regis*, altera *domus saltus Libani*, tertia *domus regine* diceretur; an una continua domus, a diversis sui partibus & usibus diversimode appellata, disputant Interpretes. Item unde *domus saltus Libani* ita dicta, & ubi sita fuerit. Scriptura legenti vix suggerit: claram ac distinctam horum ædificiorum ideam; minus hic accurata quam in delineatione templi. Neque mihi lubet singula minute exsequi: quod factum est a *Pineda: de rebus Salom. Lib. v. Cap. vi.* At non erit, opinor, injucundum Lectori speciem aliquam oculis suis objici, qualem exhibuit *Josephus Antiq. Lib. viii. Cap. ii.* Ea sic habet: regia vero tamen multum magnificentiae templi cederet, quod neque materiae ejus tanto ante præparata fuisset, & regi, non Deo strueretur domicilium, eo tardius ad finem est perducta. Et hæc tamen pro dignitate fortunarum regis ac gentis est exædificata. Operæ pretium autem fuerit totum ejus ordinem ac dispositionem indicasse, ut ex ejus descriptione totam amplitudinem Lector colligere ac considerare possit. Basilica erat magna & pulchra, multis columnis suffulta, quam ad causas forenses agitandas & lites decernendas condidit, *capacem multitudinis*, quæ
co

eo jus peteret, longam cubitos centum, latam quinquaginta, altam triginta: hanc sexdecim columnarum quadrangulæ sustinebant, rectam opere *Corinthiaco*, additis parilibus postibus cum valvis cælatis ad ornamentum loci simul & munimentum. In ejus medio fuit ædes alia, quadrata, lata triginta cubitos, columnis validis suffulta: & in ea tribunal magnificum, ubi rex jura solebat reddere. Huic ædificio conjuncta erat domus in usum reginæ facta, & aliæ aulae, quo se negotiis peractis animi causa conferebant: omnes cedrinis tabulis constratae, partim saxo quadrato decemcubitali constructæ, partim ita, ut solent regiarum vel templorum, incrustatae pretioso marmore, quod e locis eo nomine celebribus apportatum fuit. Et tribus quidem ordinibus aulae *Babylonice* prætexebantur: quartus vero sculptorum admirabile artificium ostentabat, in quo effictæ erant variae arborum ac plantarum species, frondibus & foliis tanta subtilitate expressis, ut agitari quodammodo viderentur. Reliquum vero quod superat usque ad lacunas, opere albario rectum, & discoloribus picturis erat variegatum. Præter hæc erant & alia cubacula ad voluptatem facta; & porticus ad ornatum regiarum longissimæ, in quibus splendidissima triclinia referta auro, ut quæ aurea suppellectili ad omne regii convivii ministerium erant instructissima. Difficile est enumerare amplitudinem ac varietatem aularum, tam majorum quam mediocrium, tum quæ sub terra latebant, quæve in aerem elegantissime attollebantur. In summa totum ædificium e marmore candido & cedro, & auro atque argento constabat, dispositis per parietes & laquearia variis lapillis auro inclusis, quemadmodum & in ornatu templi factum fuerat.

XXVI.
Annona
diurna
regie fa-
milia.

XXVI. Amplitudini domus amplitudo regiarum familiae respondit; quæ colligi quodammodo potest ex quotidiana annona, ab ipso Dei Spiritu memorata. Quantam enim eam hominum multitudinem esse oportuit, cui in dies singulos præparabantur *triginta cori similia, & sexaginta cori farina, deni boves pingues, & viceni boves pascuales, & centena pecudes, præter cervos, & capras, & damas, & lectissimæ quoque altilia*. 1. Reg. IV: 22. Mirum autem est quantum in subducendo hominum quibus hæc suffecerint numero varient Interpretes. *Sethus Calvinus* putat QUINQUAGINTA QUATUOR MILLIA, quæ *Salinus* per errorem ad septuaginta millia auxit, ut probabilior sibi ridendi materiam objiceret: existimat enim, panem, qui quotidie dabatur ad annonam Salomonis, duobus millibus & septingentis alimodum cibandis suffecisse: carnem etiam pani proportionem respondisse. *Vitalpandus* inter duo hæc extrema medium tenet: pugnatque ea sustentari potuisse QUADRAGINTA OCTO MILLIA CUM SEXCENTIS.

Verum

Verum hanc ego litem meam ~~non~~ facio; id genus supputationum parum peritus.

XXVII. Certum est maximum fuisse Salomonis in omni apparatu splendorem. Fecit enim sibi ducenta scuta fusilia singula sexcentos siclos pendencia, & trecentos clypeos, quorum singuli trecentas minas penderent: atque hæc omnia in aula *Saltus Libani* vocata reposita. Sed & pocula ex auro solido paravit, & e lapide pretioso, in usum convivii singulari arte fabrefacta, reliquamque omnem suppellectilem regiam ex auro fieri curavit. Nullum enim tum argento in commerciis erat pretium. Multa enim navigia rex in mari, quod vocatur *Tharsicum*, habuit, quæ ad remotas gentes merces varias deferre iussit, pro quibus exportatis & argentum regi referebant, multumque eboris, & mancipia Æthiopica, & simias. Ea navigatio in itu ac reditu triennium integrum absumebat. Fama etiam celeberrima per omnes circumquaque regiones de Salomonis virtutibus ac sapientia divulgabatur: qua excitati plerique reges, quo certiores de jam dictis fierent, visendi ejus cupidine ~~in~~grabant, & exquisita munificentia studiosos ejus se declarabant. Mittebantur vasa tam aurea quam argentea, & vestes purpureæ, & omne genus aromata: equi præterea curusque, & muli subvehendis sarcinis, qui vel robore vel pulchritudine regi placituri videbantur: ut ad eum equorum & curruum numerum, quem jam ante habuerat, ex donatitiis quadringenti currus accederent. Habuit enim prius currus mille, equorum viginti millia; hi cum pulcherrimi fuere, tum ad cursum excitatissimi, ut, collati ad cæteros, omnes post se relinquerent. His decus addebant equites, flos juventutis, procera statura, promissoque capillitio conspicui, & tunicas e Sarrana purpura induti. Ad hæc ramentis auri capillum quotidie aspergebant, ut ad solarium radiorum contactum fulgor e capitibus eorum reflecteretur. Hi armati & pharetris succincti regium currum stipabant, quo sublimis investus, amictus veste candida, mane solebat urbem egredi. Aberat ab *Hierosolymis* duorum schœnorum spacio prædium nomine *Hettan*, hortis & industriis fontibus amœnum simul ac opulentum. In eum locum vestari delectabatur.

XXVIII. Cæterum in tanta urbis amplitudine ac opulentia nihil ei augustius accidit, quam quod CIVITAS MAGNI REGIS, id est summi Numinis, fuerit; qui *ignem suum Sione & furnum Hierosolymæ habuit*. Jes. xxxi: 9. Atque hæc ea res est in qua serio exultaverunt sancti. *Solum gloriæ, excelsum inde a principio, est locus Sanctuarii nostri*. Jer. xvii: 12. *Deus est in palatiis ejus, agnoscitur*

pro loco edito. *Quemadmodum audiveramus, ita vidimus in civitate Dei nostri, Deus stabilis eam in seculum usque maxime. Ps. XLVIII: 4; 9. Diligit Jehova portas Sionis, supra quam ulla tabernacula Jacobi. Honorificentissima sunt quaecunque de te predicantur, civitas Dei summe honorifica. Ps. LXXXVII: 2, 3.*

XXIX.
Typus Ec-
clesiae, tam
in gratia,
quam in
gloria.

XXIX. Enimvero omnis illa pulcritudo atque opulentia tam urbis quam templi, & umbratica illa Dei in utroque habitatio, majorum rerum typi fuere. Significabatur enim status Ecclesiae Testamenti Novi, cujus Divina quaedam pulcritudo & opulentia in iis sita thesauris est, quorum cunctae Davidis ac Salomonis plus quam regiae gazae non nisi opacae fuerunt umbrae; quaeque gaudet inhabitatione Dei, non typica, sed vera ac reali, per Christum & Spiritum S. cum communicatione inestimabilis gratiae & gloriae. Haec est illa spiritalis ac coelestis Hierosolyma, de qua dixit Deus: *Ecce ego collocaturus sum cum ornamento lapides tuos, & fundaturus te saphiris. Et disponam pyropo specularia tua, & portas tuas lapidibus carbuneoli; denique totum terminum tuum lapidibus speciosissimis. Jes. LIV: 11. Iterumque: Gloria Libani ad te perveniet; abies, tæda, arboreaeque opacae pariter; ad ornandum locum Sanctuarii mei, ut locum pedum meorum cohonestem. Pro aere adducam aurum, & pro lignis es, & pro lapidibus ferrum: & praeporam tibi praefectos pacis, exactoresque justitiae tibi. Jes. LX: 13, 17.* Haec est illa civitas sancta, Hierusalem nova, quam vidit Johannes descendentem a Deo e caelo, paratam ut sponsam ornatam viro suo. Habentem gloriam Dei: & cujus lumen simile lapidi pretiosissimo, tanquam lapidi jaspidi, instar crysalli splendenti. Habentem murum magnum & sublimem ex jaspide, & fundamenta muri ornata omni lapide pretioso, & portas duodecim ex totidem margaritis, & plateas ex auro puro tanquam vitro pellucido; ubi ipse Dominus Deus omnipotens & Agnus pro templo est. Neque civitas ista eget sole vel luna, ut luceant in ea: nam gloria Dei illustrat eam, & lucerna est Agnus. Apoc. XXI. Quae omnia, in mystica sua significatione, partim exhibuit, & partim ita exhibiturus est Deus, in Ecclesia sua melioribus temporibus reservata, ut tamen plenum sui complementum summumque tantae felicitatis apicem sortiantur in caelis: qui & ipsi *mons Sion, civitas Dei vivi, & Hierusalem coelestis*, nuncupantur. Hebr. XI: 22.

XXX. Mul-
tum deces-
sit Hiero-
solyma sub
regno Re-

XXX. Ita natura comparatum est, nullius ut magnae civitatis diu eodem loco stet fortuna. Pervenerat sub Salomonis regno ad summum felicitatis Hierosolyma. Neque jam ultra fuit quo exurgeret ejus magnitudo. Quare incrementis consumtis, restabat uti sati lege

lege decreveret, iretque in pejus. Id quod profecto longe est in ^{habeamus;} conditione rerum humanarum miserrimum. Florentissima itaque ur- ^{quando so-} bium, cui David Salomoque, summa virtute atque prudentia reges, ^{lius Juda} pacem altam & securam consecrerant, haut diu quiescere potuit. Ete- ^{metropolis} nim, defuncto Salomone, etsi hostem foris non habebat, tamen do- ^{facta est} mi reperit. Jeroboamus vir sagax, inquietus, & dominandi avidus, ingentisque spei plenus, res novas moliri cœpit. Fultus igitur optimatum favore, ac studio vulgi, qui, sua sponte contumax adversus imperantes, levi momento ad rebellionem impellitur, specioso prætextu, onera pridem populo imposita minui petiit. Rehabeamus, Salomonis filius atque successor, spreto seniorum consilio, quos longa ætas, & negotiorum usus idoneos dandis consiliis fecerat, (qui uno suadebant ore, ut unius diei obsequio firmum ac diuturnum mercaretur imperium) ab æqualibus, rerumque imperitis instigatus, ferociter respondit; minimum suum digitum crassior fore lumbis patris: intensurum se gravitatem jugi: patrem flagellis, se scorpionibus in eos animadversurum; atque ~~in~~ domitulum istam querendi petendique contumaciam. Non potuit Jeroboamo optatior subnasci occasio. Denæ enim ex duodenis tribubus, tam trucibus exasperatæ responsis, secessione a domo Davidis facta, lubentes se Jeroboamo, egregio nimirum libertatis vindici, submisere. Is regni potitus, Sicimam condidit in montanis Ephraim, quam regiam esse voluit. Atque ita *Hierosolyma*, quæ nuper totius Israëliti regni metropolis fuerat, non nisi duarum tribuum metropolis mansit. Quod grande fuit dignitatis decrementum.

XXXI. At nec intra hos terminos nobilissimæ urbis calamitas stetit. Rehabeamo enim legem Dei relincente, quinto regni ^{subacta ac} anno, Sisac Ægypti rex cum ingentibus copiis adversus *Hierosolymam* ^{spoliata a} Sisaco, Ægypti rege, movit, munitissimis Judæ civitatibus, ipsam imperii arcem obsessum venit. In tanta rerum trepidatione rex procuresque *Hierosolyma* consultum duxerunt, potius quam extrema experirentur, Ægyptio se submittere, urbisque deprædationem magna auri vi redimere. Cui quum ea quæ in promptu erant ex ærario publico non sufficerent, thesauri domus regię, imo, quod miserrimum, thesauri domus Dei, præsentī necessitati impendi debuerunt. Et quæ Salomonis majestatem tam splendide decorayerant scuta aurea, ea Sisaco cessere: pro quibus ærea substituere coactus est Rehabeam. Adeo fluxa & incerta res opum possessio est. Quam civitatem Salomon omnibus fortasse, quæ tunc erant totius orbis urbibus, argento, auro, gemmis effecerat ditio-rem; eam vix uno elapso lustro ex auro æream effe-

cit improba *Ægyptiorum* rapacitas. Quibus omnibus ne contumelia deesset, columnas passim *Sisacus* disposuit, in queis, *foedum* dictu, incisa mulierum verenda erant: si modo huc referre liceat, quæ de *Sesostre* narrat *Herodotus*.

XXXII.
Varia ab-
hinc *Hiero-*
solyma fa-
ta, usque
ad excidium
Babyloni-
cum.

XXXII. Nunquam abhinc ad pristinae opulentiae culmen ascendere *Hierosolyma* potuit: sed variis agitata fatis, nunc maximis pressa angustiis, alias tolerabiliori neque spernenda conditione fuit. *Abia* *Rehabeami* filius, eductis in aciem cccc millibus, *Jeroboamum* duplo majoribus copiis instructum, ingenti prælio fudit; ut uno die (quod mireris, nec facile in profana invenias historia) **QUINGENTIES MILLIA** selectorum virorum cæderentur. 2. Chron. xiii: 17. *Asa*, disciplina militari instaurata, & oppidis passim munitis, **MILLENA MILLIA** *Æthiopum* uno prælio delevit, ingentique reportata præda *Hierosolymam* locupletavit. 2. Chron. xiv. *Josaphati* etiam res satis amplæ fuerunt, victis hostibus, quos eo solum fine ex opulentissimis regnis, cum divitiis suis, in *Judæam* excivisse Divina videtur providentia, ut dilecto sibi regi populoque cederent: qui onusti hostilibus spoliis læti cantantesque *Hierosolymam* rediere. 2. Chron. xx: 25. At longe alia rerum facies sub *Amassia* fuit, qui ex bono pessimus factus, a *Joaso* *Israhëitarum* rege, quem imprudenter ac temere provocarat, victus, fusus, captus, omnique thesauro, tam suo, quam quod dicatur *Jehovæ* erat, exspoliatus, templum ornamentis suis destitutum, urbem *Hierosolyma* expugnatam, direptam, & magna mœniorum suorum parte nudatam vidit. 2. Chron. xxv: 22 - 25. Melioribus fatis regni sui initio usus *Ussia* est, qui multarum urbium expugnator, multarumque gentium victor, damna *Hierosolyma* refarcivit. 2. Chron. xxvi: 5. -- Uti & filius ipsius *Jotham*. 2. Chron. xxviii. Sub *Achazo* magna fuit angustia: adeo quidem ut, contra quam jussus erat, *Jef. vii: 4.* *Tiglatpilassarem* *Assyriorum* regem in auxilium sollicitaverit. Sed ab ipsis illius copiis pressus, obsidione cinctus, & ad omnes sacros regiosque thesauros prodendos coactus est. 2. Chron. xxviii: 20, 21. At *Ezechia* pietatem magna domi forisque felicitas excepit. Nam & victos *Palæstinos* ad *Gazam* usque fugavit: deinde vim, minas & blasphemias *Sennacheribi*, regis *Assyriorum*, solis precibus fregit. Unde tanta ei conciliata est auctoritas, ut multi adferrent munus *Jehovæ* *Hierosolymam*, & res quasque pretiosissimas ipsi donarent regi; donec Divinorum oblitus beneficiorum, ob fastuosam thesaurorum ostentationem, pœnas suis olim nepotibus immittendas denunciari audivit. 2. Chr. xxxii. *Manasses*, foedata omnibus sceleribus & innocen-

innocentium sanguine repleta *Hierosolyma*, a rege Assyriorum captus, & Babylonem deportatus est. Sed seriam in vinculis agens poenitentiam, dimissus, templū & cultu Dei repurgato, collapsa quoque urbis mœnia reparavit, excitatis turribus altissimis. 2. Chron. xxxiii: 14. Josias, nulli regum pietate secundus, quidquid antecessorum impietas corruperat, in cultu Dei ipsoque templo, accuratissime restauravit, inventos forte legis libros in publicum protulit, novoque inter Deum & populum fœdere sancito, sibi quidem diuturnam incolumitatem, at non populo, aut urbi salutem impetravit: Hulda prophetide monente, sententiam, quam pridem Deus adversus contumaces pronuntiaverat, nullis supplicationibus posse rescindi. Filius Josiæ Joasus, nescio ob quam causam fratribus reliquis prælatus, vix tribus mensibus rerum summæ præfuit: quem Ægyptiorum rex Pharaon Necho a bello revertens amovit, victumque in Ægyptum abduxit, imposita regioni multa centum talentorum argenti, & unius talenti auri. Surrogatus ei a Pharaone Eliacim, alter Josiæ filius, qui mutato nomine Jojakim dictus est, malitioso fuit ingenio, erga Deum impius, & immitis erga homines: maxime in prophetas sæviens instantia urbi mala prænunciantes.

XXXIII. Adversus hunc expeditionem suscepit Nebucadnetzar, XXXIII. Nabopolassari filius, & paterni imperii confors. Qui profligatis *Ægyptiis*, commoditate inductus loci, *Hierosolymam* invadit, ante ^{Quod quatuor gradibus absolutum est.} quadriennium ab Ægyptiis subjugatam. Hoc tempore Daniel, cum fociis, & parte vasorum templi, deportatus est. Jojakim tamen se fidei Babyloniorum committens in regno mansit. At post tres servitutis annos deficere a Nebucadnetzare ausus, in vinculis abductus fuit Babylonem. 2. Chr. xxxvi: 6. quo tamen non videtur pervenisse; sed in itinere mortuus, vel projectus est in via, vel leviter terra obrectus, nec deplanctus, atque ita sepultura asini sepultus. Jer. xxi: 18, 19. Tunc cum Jojakimo deportavit Nebucadnetzar Judæos ter mille viginti tres. Jer. Lii: 28. Jojakimo parri suffectus Jechonias, trium duntaxat mensium & totidem dierum rex, obsessa *Hierosolyma* sponte exivit, seque & matrem & principes & aulicos in potestatem regis Babylonie tradidit. Qui eo tempore præstantissimos quosque Judæorum deportavit, sola populi sæce relicta. 2. Chr. xxxvi: 10. Novissima clades, ipsumque adeo urbis excidium, in Zedekie regnum incidit. Zedekie, inquam, qui Jechonie patruus erat, eique a Nebucadnetzare in successorem datus. Nam vilissimi illi Judæorum, qui in terra sua remanserant, illius possessione superbi, se solos ut verum Abrahami semen jactabant, exules autem ut profanos atque

impuros adspernabantur. Ezech. xxxiii: 24. Et usque adeo quidem hac sibi cogitatione placebant, ut rebellaverit Zedekias contra Nebucadnezarem, missis in Ægyptum legatis, rogatum ut equos sibi & milites darent. Ezech. xvii: 15. utque cum regibus vicinis, Edom, Moabi, Ammonis, Tyri & Sidonis, per legatos ipsorum venientibus *Hierosolymam*, contra Nebucadnezarem fœdera iniret. Jer. xxvii: 1. Nebucadnezar itaque, ubi novis motibus ardere *Palæstinam* videret, nihil cunctandum ratus, priusquam gentium inter se robora coirent, venit cum exercitu valido in Judæam, arcem belli *Hierosolymam* obsidet, impugnat, diruit, templum incendit, populum partim occidit, partim abducit. Regis filii ante oculos ipsius trucidantur, ipsi oculi eruuntur; victusque duabus numellis chalybeis in Babylonian deportatur. 2. Reg. xxv. Jer. l.ii.

XXXIV.
Annus ex-
cidii diffi-
cilis puta-
re est.

XXXIV. Hunc exitum habuit *Hierosolyma*, & respublica Judæorum. Cujus casus in quem annum inciderit, variant Chronologorum calculi. *Josephus* sic tradit *Antiq. Lib. ix. Cap. xi.* Incensum est templum annis postquam exstructum fuerat elapsis CCCCLXX, mensibus sex & diebus decem additis. Exactis a transmigratione ex Ægypto MLXXII, mensibus sex, diebus decem. A diluvio usque ad templi devastationem intercesserunt anni MDCCCL, menses sex, dies decem. Ab Adamo condito usque ad hunc templi casum tria millia annorum elapsa sunt, & insuper DXIII, menses sex, dies decem. At hos *Josephus* numeros mire turbatos esse, pridem viri doctissimi observarunt: qui tamen non uno omnes modo correxere. *Sethus Calvisius* casum *Hierosolymæ* refert ad annum mundi MMMCCCLX, incensionem templi ad annum a conditu CCCCLXXVII. Cui consentit *Christianus Schoranus*. *Petavius* vult urbem expugnatam esse anno Periodi Julianæ 4125. anno mundi 3395. ante Christum 589. *Jacobus Capellus* numerat annum mundi 3410. ante Christum 590. *Usserius*, annum mundi 3417. ante Christum 587. Templum destructum vult, postquam a Salomone conditum est, An. 424. mens. 3. die 8. *Robertus Bailius* destructionem templi refert ad annum mundi 9360. at inter constructum & destructum templum numerat annos 492. pag. 58. col. 2. sed pag. 75. cum *Scaligero* & *Calvisio* annos 427. Alii aliter. Mihi non lubet ad calculos sedere, & in re perplexa nihil profutura molestia animum fatigare: quum tanta diligentissimorum virorum discrepantia exactum annorum numerum inveniendi difficultatem propemodum insuperabilem arguat.

XXXV.
Rerum humanarum

XXXV. Suffecerit hæc cognovisse in latitudine quadam: & exinde animadvertere, quam brevis fuerit dilecti Deo populi felicitas, quam

um exigua electæ urbis exoptatæque ædis duratio, denique quam *inconstantia* abilia sint mundana omnia, quorum æterna cæteroquin fundamēta populi iniquitate quatuntur. Ut hominibus singulis adolescentia sua, robur, senectæ, mors; sic & oppidis, rebus publicis, *constanti Dei providentia regitur.* s. Incipiunt, crescunt, stant, florent: & omnia ideo, ut cadant. mira, & nunquam satis comprehensa mortalibus, Divini Numi-constitutio; Abeunt omnia in hunc nascendi perēundique fatalem um: & longævum aliquid in hac machina est, nihil æternum. hic rerum in se remeantium orbis, quam diu erit ipse orbis. Ne s vero putet, temerario fortunæ lusu, aut Stoica nescio cuius necessitate, hæc contigisse *Hierosolymæ*, provida Dei sapientia mie cavit: dum quidquid eventurum fuit, non unius vatis ore lto ante prædixit. Habuitque sine dubio sanctissimi istius consilii justas rationes. Indignum suis se criminibus præstiterat populus laicus, qui pulcherrimam ac feracissimam terrarum, qui amœnissim urbium & Dei ipsius in habitatione sacram, sibi in cœlestis riæ pignus clementissime concessam, diutius incolet. Ut indo- am lascivientis animi ferociam moderari disceret, alio transferri ratam gentem oportuit; ubi, quantum inter benignum Optimi minis regimen sævorumque dominorum tyrannidem interstet, exiundo cognosceret. Sic interim ut procul patria per remotos dis- sa populos non iustitiæ solum, sed & cæterarum virtutum Divi- um lucidissimum exstaret speculum: eaque occasione Deus Israël- is omni portentosorum operum suorum gloriosa maiestate potentis Monarchis & mundi dominis innotesceret ac celebraretur. At ue inultum iis transmitti debuit, qui ignari quidem Divinæ in re- tarium populum vindictæ flagella fuerunt; at suis tamen obsecun- ant affectibus, insanæ ambitionis mancipia, non quid Israël de- meruissent, sed quid suæ inferviret gloriæ, unice pensi habentes. illa Babylon, quæ conculcata *Hierosolyma* nunc triumphat, ex- at, superbit, mox præda hostibus fiet: & quæretur denique in suo, non inveniēda. Verum de his sequenti Exercitatione com- dior erit dicendi locus.

EXERCITATIO XI.

HISTORIA

HIEROSOLYMÆ,

Ab urbe restituta

Usque ad

EXCIDIIUM PER ROMANOS.

BREVIARIUM.

I. Pauci Judæi qui stragem Hierosolymitanam effugerunt, in tres distributi sunt classes. **II.** Aliqui refugium apud vicinas gentes quasiverunt. **III.** Alii in Judæa relictii, abierunt in Ægyptum, ibi perituri. **IV.** Præcipui deportati sunt Babylonem: at numero valde exiguo. **V.** Ubi multa exsilii levamina Divina iis providentia concessit. **VI.** Non sic tamen, quin Sionis recordatio infandum renovaret dolorem. **VII.** In exsilio Babylonico, sub trium regum dominatione, annos exegerunt LXX. **VIII.** Qui varie a variis putantur. **IX.** Lightfooti sententia admodum probabilis. **X.** Jacobi Altingii computatio. **XI.** Ejus examen. **XII.** Redeundi in patriam, & templum reedificandi facultatem Israëlitis fecit Cyrus. **XIII.** Suppeditatis in eam rem rebus necessariis, redditisque templi instrumentis. **XIV.** Numerus cum Zerubbabele redeuntium: sublata computationis difficultate. **XV.** Plurimi varias ob causas Babylone restiterunt. **XVI.** Reduces templi ædificationem orsi anno Cyri secundo. **XVII.** At sæpius impediti, consummarunt tandem anno sexto Darii. **XVIII.** Ezras mores reformatum venit. **XIX.** Nehemias urbem ædificat; eique de incolis prospicit. **XX.** Politia reductum quatuor periodis variata. **XXI.** Initio tributarii fuerunt regibus Persarum. **XXII.** Suis tamen institutis vivere licuit, sub Præfidiis ex sua gente. **XXIII.** Quibus suberant minorum ordinum varii Magistratus. **XXIV.** Magna semper auctoritas Pontificis fuit. **XXV.**

XXV. Ejus rei memorabile in Jaddo exemplum est; cui plurima indul-
sit Alexander. XXVI. Hierosolyma sub Ptolomæis, XXVII. Sub
Antiocho Magno, & Seleuco Philopatore. XXVIII. Sub Antiocho
Epiphane. XXIX. Cujus tyrannidi fortiter ac feliciter se opposuit Ju-
das Maccabæus. XXX. Celebrata ejus auspiciis encania: quæ cur fe-
stivitas luminum dicta fuerint. XXXI. Antiochi Epiphanis mors, ty-
ranno digna. XXXII. Bella Judæ Maccabæi cum Antiocho Eupatore:
eiusdemque Judæ gloriosa mors. XXXIII. Cui in ducatu successit fra-
ter Jonathas. XXXIV. Huic alter fratrum, Simeon: qui populum
Macedonum jugo prorsus liberavit: impie in convivio casus. XXXV.
At Johannes Hyrcanus patris necem ulciscitur. XXXVI. Multaque
prospere agit, Divino etiam dignatus colloquio. XXXVII. Aristobulus
primus ex gente Asmonæa rex; sed unius duntaxat anni: impius
& infelix. XXXVIII. Alexander Jannæus regnum relinquit floren-
tissimum. XXXIX. Sed quod filiorum ejus Hyrcani & Aristobuli con-
tentionibus stipendiarium Romanis sit, Pompejo urbem in potestatem
suam redigente. XL. Quæ variis acta satis Herodem tandem regem
a Romanis accipere coacta est. XLI. Cui, quum propinqua interitui
videretur, salutem suam debuit. XLII. Exitus familiæ Asmonæorum.
XLIII. Herodes, quamvis Judæorum rex, mancipium tamen Romana
magnitudinis fuit. XLIV. Regiam Hierosolymis extruxit opulentissi-
mam. XLV. Arcem templo aditam renovavit, & Antoniam vocavit.
XLVI. Muros etiam urbis, quum aliis modis, tum tribus insignibus tur-
ribus munivit. XLVII. Porro theatrum Hierosolymis extruxit.
XLVIII. Denique immensæ opulentia templum. XLIX. Cui structu-
ram 46. annis continuatam adscribunt Judæi Joh. 11: 20. L. Non est
Herodis templum pro tertio & prorsus novo habendum. LI. Eximiis
ornatum fuit donariis. LII. In quibus excelluit vitis aurea. LIII.
Templo adjacebat curia Synedrîi magni. LIV. Mirabilis piscina Bethes-
da, cur sic dicta. LV. Ubi sita, & an fuerit piscina Siloam. LVI.
Ejus vis curandi miraculosa fuit. LVII. Non naturalis. LVIII. A
quo tempore vis illa aquæ huic adfuerit, incertum. LIX. Gomarus
laudatus. LX. Iniquum foret ob Josephi aliorumque silentium fidem
Johannis in dubium vocare. LXI. Regimen Hierosolymæ sub Arche-
lao: quo remoto Judæa in provinciam redacta, & Syriæ attributa est.
LXII. In qua mutatione viri docti observant characterem Chronicum
nati Messie. LXIII. At minus solide. LXIV. Pulso Archelao Ju-
dæa sub Procuratoribus Romanis fuit, numero septem. LXV. Donec
Cajus Herodem Agrippam regno avito donaret. LXVI. Quod confir-
mavit auxitque Claudius, vulgato etiam notabili edicto in favorem Ju-
dæicæ

daica nationis. LXVII. Agrippa aëta, indoles, & mors memorabilis. LXVIII. Praterito Agrippa Juniore, defuncti filio, Cuspium Fadum Judææ Procuratorem VIII facit Claudius. LXIX. Fado successit Tiberius Alexander, Pbilonis Judæi frater. LXX. Huic Cumanus Ventidius: sub quo 20000 Judæi uno tumultu Hierosolymis perierunt. LXXI. Eum secutus Claudius Felix: cujus tempore invaluit Juani Agrippæ in Judæa auctoritas. LXXII. XII Procurator Portius Festus fuit: quo Præside Agrippa rex domum, unde prospectus in templum esset, struxit Hierosolymæ. LXXIII. Albinus XIII Procurator Annum Pontificem, Jacobi Apostoli interfectorem, vehementer increpat. LXXIV. Gessius Florus, ultimus Procurator, incendiarius belli Judaici. LXXV. Ejus belli summa, & exitus. LXXVI. Finis Hierosolymæ, sexies capta, bis diruta. LXXVII. De qua subacta Titus cum patre Vespasiano triumphavit. LXXVIII. Numismata Vespasiani, Titi, & Agrippæ. LXXIX. Cujus sorori Berenice Titus nuptiarum spem Romæ fecisse fertur. LXXX. Hierosolyma excidium iræ Dei adversus Judæorum scelera Titus & Josephus impant. LXXXI. Maximum autem scelorum fuit crucifixio Jesu. LXXXII. Hinc sapienter Deus ita penas ordinavit, ut in eis evidentissima hujus criminis exprobratio esset. LXXXIII. Oratio ad Jesum pro reconciliatione gentis Judaicæ.

I. Pauci
Judæi, qui
stragem
Hierosoly-
misanam
effugerunt,
in tres di-
stributi
sunt classes.



Quia cladem Hierosolymæ, totiusque adeo Reipublicæ, effugere Judæi, pauci oppido fuerunt; reliquis fame, peste, feris, gladio, miserabilem in modum absumtis. Eleganti emblemate eam rem Ezechieli præsignificaverat Deus, jubens ut demessos novacula tonsoria capitis & barbæ pilos, & justis ponderis trutinæ impositos, in tres æquales partes divideret: tertiamque partem igne combureret in civitate, alteram tertiam partem percuteret gladio, reliquam vero tertiam partem dispergeret in ventum, ibi quoque exserto gladio Divinæ vindictæ persequendam. Sic tamen ut inde paucos numero exciperet, in alis suis ligandos; ex istis vero paucis aliquos in ignem comburendos projiceret, unde ignis exiturus esset in totam domum Israël. Ezech. v: 1. & seq. Et sane, nisi Jehova exercituum reliquos quosdam superstites fecisset, utcunque paucos, tota Judæorum natio Sodoma ac Gomorra facta fuisset quam simillima. Jes. 1: 9. Pauci vero illi in tres quasi classes distributi sunt. Alii gentis suæ calamitatem præsentiscentes, matura sibi ad vicinas nationes fuga consuluerunt. Aliqui in terra sua relictæ fuerunt, ut tugurium in vinea & tegillum

tegillum in cucumerario. Alii denique captivi abducti in Babylo-
niam.

II. Quibus Nebucadnetzaris, Judæam occupantis, arma evade-
re datum est, ii refugium sibi apud *Edomitas*, *Moabitas*, *Ammonitas*, ^{refugium}
& fortasse apud *Tyrios* ac *Sidonios*, & circumjacentes populos, quæ-^{apud vici-}
sivere. Sed exsilii istius sui incommodas plerumque sedes nacti sunt. ^{nas gentes}
Invisi quippe hospites sannis potius ac ludibriis, quam commiseratio-^{quæsiere-}
ne & humanitatis officiis, excepti fuerunt. Misericordiam malis barba-
ræ gentes præpostere insultabant; ea, quantum in ipsis, adaugentes.
Quam feri pectoris immanitatem, toties a Prophetis severo sermone
exprobratam, sua tandem servitute luendam habuerunt: ab eodem
Nebucadnetzare exspoliandæ, vincendæ, destruendæ, ac terra sua
evellendæ; ut quos super Judæorum excidio improbe petulanterque
fuderant cachinnos, eos nunc pari involutæ calamitati tempestivis
planctibus threnisque mutarent.

III. Sed & tenuissimos aliquot de populo, vilem plebeculam, ^{III. Alii in}
cui nihil erat, quibus tamen mistæ fuerunt regis filix, reliquit *Ne-*^{Judæa re-}
busaradan, præfectus satellitum Nebucadnetzaris, in vastata funditus-^{lictæ abie-}
que excisa Judæa, ad colendum qui supererant agros & vineas: præ-^{runt in Æ-}
fecto iis *Gedalia* filio *Ahicami*, qui Babylonici Monarchæ nomine res-^{gyptum, ibi}
administraret. Quod quum audivissent, duces quidam Judæi, qui
in agris erant, cum suis militibus, (profugerant enim ex oppidis,
quæ servare se posse desperabant) *Ismaël* nimirum, *Johanane*, & *Jo-*
nathan, cum aliis nonnullis ad *Gedalia* se recipiunt; ac fide jure ju-
rando data admittuntur. *Jeremias* etiam, regis Babylonix jussu be-
nignissime habitus, *Gedalia* se applicat. Quidquid præterea Judæo-
rum ad *Moabitas*, *Ammonitas*, vicinasque gentes confugerat, ad eun-
dem se contulerunt. In iis fuit *Ismaël* *Nethanie* filius, regix profa-
piæ princeps, a *Baaliso* *Ammonitarum* rege missus ad obtruncandum
Gedalia; sive ex invidia, sive quod miserrimi populi reliquias ma-
joribus cuperet implicitas ærumnis. Trucidatur itaque *Gedalias*, ni-
hil mali suspicans, & cum ipso, præter Judæos aliquot, Chaldæi.
Ismaël post alia scelera, cum reliquiis populi, & filiabus regiis, pro-
perat in *Ammonitidem*. Sed interceptus a *Johanane*, vix cum octo
viris evasit. *Johanane* cæterique duces, metu Chaldæorum, fugam
moliuntur in *Aegyptum*: nequidquam dissuadente *Jeremia*; Deique
nomine prænunciante, futurum esse ut reliquix in *Agypto* exfulantes
gladio, fame, peste perimantur; pauculis exceptis, qui in optatam
Judæam evasuri sint. Quod & eventu comprobatum est. Nebucad-
netzar enim rebus in Palæstina compositis *Aegyptum* occupavit; totam-

que cædibus, rapinis, deportationibus exhaustæ & vastavit; & Judæos ibi inventos, una cum Aegyptiis, abduxit *Babylonem*. Atque ita terra Judæ, cultissima nuper terrarum, incolis omnibus destituta, sentibus vepribusque horrens, receptaculum facta ferarum est: nisi quod ex vicinis gentibus quidam particulas sibi quasdam comminas vindicaverint. Jerem. xli: 14. Ezech. xxxvi: 4, 5.

IV. Præcipui deportati sunt *Babylonem*: at numero valde exiguo.

IV. At *Babylonem* deportata, mox post urbis cladem; præcipua Judaici populi pars fuerat. Numero tamen tam exiguo, ut propemodum incredibile dictu sit. Summam confecit Jeremias. Cap. lli: 28, 29, 30. Deportavit Nebucadnetzar anno septimo Judæos *ter mille viginti tres*: anno decimo octavo, *octingentos triginta duos*: anno vicesimo tertio, *septingentos quadraginta quinque*: omnes in universum, *quater mille sexcentos*. Prima harum deportationum facta videtur quando *Jechonias* se suæque omnia, post trimestre regnum, ex consilio Jeremiæ, tradidit Babylonio. 2. Reg. xxiv: 12, 14. Ibi quidem sacra historia tradit, deportatos tunc fuisse *decies mille captivos*: qui numerus ita frangitur, ut fuerint viri robusti & strenui *septies mille*, fabri lignarii & ferrarii *mille*; reliqui *bis mille* videntur fuisse magnates & aulici regis, de quibus vers. 14. Ratio autem hæc cum Jeremiæ calculo conciliandi ista est: ut septem millia ex his statuantur fuisse ex tribu *Benjaminis* & aliis urbibus Judæ; at tria millia *Hierosolymitanorum*: quorum indicem solum scribere creditur Jeremias. Secunda deportatio facta est quum regnante *Zedekia* caperetur urbs. Tertia quinquennio post, in illud tempus incidere videtur, quum Nebucadnetzar *Tyrum* occupasset, & vicinos *Ammonitas*, *Moabitas*, *Idumæos*, *Syros* subegisset: inter quos Judæi fugitivi deprehensi, & *Babylonem* abducti sunt. Antecesserat & alia deportatio, quarto anno *Jakimi*, qui primus Nebucadnetzaris. Dan. i: 1. Sed quum tunc selecti tantum juvenes, regii generis, in Chaldæam abducti sint, ut regi a ministeriis aulicis essent, secundum comminationem, Jer. xxxix: 7. ea deportatio in censum hic non venit. Sic tandem quidquid de populo Judaico residuum erat in Chaldæam variis itineribus migrare coactum est. Et mirari hic subit Divinæ justitiæ severitatem; qua florentissima olim natio, quæ sub Asæ imperio in aciem eduxerat **QUINGENTIES ET OCTUAGIES MILLE VALENTES ROBORE**, 2. Chron. xiv: 8. ad tantam nunc redacta paucitatem est, ut **VIGTUODECIES MILLE** superstites numerare queat.

V. Ubi multa exili levamina Divina

V. Attamen deploratum hunc Judæorum statum, ne prorsus interiret, clementi oculo Divina adspexit rexitque providentia: reliquias quasdam, quæ ad semen sufficerent, adservando: sicut per Eze-

Ezechielem & Jeremiam repetitis aliquoties vaticiniis promiserat. *Ezech. iis provi-*
v: 4. xii: 16. xiv: 22, 23. Jer. xxiv: 5, 6. xxx: 11. xlvi: 28. *denis con-*
Neque permisit, quod eorum desperabundi quidam animo præcepe-
rant, ut vetitis profanarum nationum connubiis, ejusdemque cum
ipsis abominandi cultus participatione, Israël nomen in peregrinis
gentibus absorberetur. Effecit autem missis ad exules Prophetis, ut,
quanquam in medio nationum dominantium, extra terram Canaan,
habiterent, manerent tamen populus peculiaris, & instituta legis,
quantum in exilii loco licebat, observarent. Ezech. xx: 32, 33.
Principes quoque suæ nationis viros iis concessit; qui magna prædici
auctoritate, intimæque apud Nebucadnetzarem admissionis, res ipso-
rum summa fide ac pietate curarunt. Quod ingens sane levamen ca-
lamitatum erat. Sed & clemens plerique habuerunt exilium: ut
quæstioni sobolis, ædificandis domibus, plantandis hortis ac vineis,
Deo jubente, incumbere licuerit ac libuerit. Jer. xxix: 5, 6. Et
quamvis multi, tam severe castigati, a pristina morum pravitate non
recefferint; alii tamen impleto prophetiarum illuminati, deque
veritate earum convicti, sincera criminum pœnitentia ducti, ad Deum
se converterunt, cum precibus & lacrimis. Exspectantes atque an-
helantes ad audiendum verbum Dei de annis & exitu captivitatis: eo-
que sine Scripturas scrutantes, si quam inde consolationem, speive
fulturam, reportarent.

VI. Fieri interim non potuit, quin recordatio Sionis, nun-
quam piorum mentibus elapsa, infandum sæpenumero renovaret do-
lorem; lætis templi canticis in lugubres lessos miserabiliter conversis;
citharisque suspensis ad salices apud flumina Babylonis. Hinc illa
Divinæ vindictæ imprecatio in *Idumæos*, qui voverant, & *Babylonios*, *novares do-*
qui patraverant, tam diram dilectissimæ patriæ cladem. Ps. cxxxvi i. *lorem.*

VII. In isthoc rerum statu, sub *trium regum* dominatione, *sep- VII. In ex-*
maginta annos exegerunt. Jer. xxvii: 7. Tres illi reges in Scriptura *filio Baby-*
memorantur, *Nebucadnetzar*, ejus filius *Evilmerodach*, & nepos *Belt-*
zazar. Profanæ historiæ fragmenta plures numerant, & in iis ali-
quem etiam *Nabonidochum*, nulla, ut *Abydenus* ex *Megasthene* apud *natione, an-*
Eusebium habet *Prepar. Lib. ix. Cap. xli.* consanguinitate aut affini-
tate cum Nebucadnetzare junctum. *Josephus Antiq. Lib. x. Cap. xii.* *runt lxx.*
reges Babylonis sic disponit: *Nebucadnetzar*, *Evilmerodach*, cui post
octavum decimum regni annum successerit *Niglifar* filius, regnatu-
rus annos quadraginta: continuata deinde successione ad *Lobosorda-*
chum filium regnum pervenerit: apud quem quum novem tantum
mensibus hæssset, post mortem transierit ad *Balsazarem*, qui Babylo-

niis *Nabonadel* dictus sit. Atque hunc esse cui bellum intulerit *Cyrus* Persarum rex, & *Darius* Medorum. Sic non tribus, sed quinque Babyloniae regibus, servierint Judaei. Verum difficile est, si non *ἐκ τῶν ἀπλῶς ἀδυνάτων*, exoticam regum & rerum Babyloniarum historiam cum sacra conciliare: & quidquid aliis videatur, ego facile in eam inducor sententiam, improbo id labore molientibus vix ullum constitutum operæ suæ pretium. Mihi quidem hac in parte animo lubet esse securo: quippe qui plenissime persuasus sum, sacra nostra volumina, seposita etiam Divinae *αὐθεντίας* fide, quum omnium antiquissima sint, optima ac certissima rerum isthoc tempore gestarum esse monumenta; ideoque cæteris omnibus *Berosi*, *Megasthenis*, aliorumque fragmentis immensum quantum anteponenda. Quibus quantum quisque volet pretium statuatur, modo id sine depretiatione sacrarum fiat literarum.

VIII. Qui
varie a va-
riis putan-
tur.

VIII. At nec LXX anni captivitatis & vastitatis *Hierosolymæ*, quoad sui initium & finem, eodem modo a Chronologis putantur. Versatur nunc in eruditorum manibus doctissimi viri *Johannis Vossii* Exercitatio Academica, qua prolixè in hanc rem inquiritur; & sex præcipuæ sententiæ de initiis ac finibus hujus periodi examinantur. Ipse vir doctus eam eligit, quæ statuit LXX annos cœpisse *tertio* vel *quarto* anno *Jojakimi*. Jer. xxv: 17, 18. collat. cum vers. 1. defuisse autem *vigesimo* aut *vigesimo primo* Cyri, qui illius *primus*, respectu Monarchiæ Babylonicae, in Scriptura dicitur. Inter quos terminos quomodo LXX anni inveniantur, magna accurate ostendit S. xx. & seq. *Spanhemius* noster Canonem Babylonicum cum Canone Scripturæ S. convenire sic ostendit. Ab anno 1. *Nebucadnetzaris*, seu 1. iv. *Jojakimi*, ad excidium Urbis sub *Zedekia* colliguntur anni 19
Hinc ad mortem *Nebucadnetzaris*, secundum Canonem 24
Tunc anni *Evilmerodachi*, filii *Nebucadnetzaris* 2
Hinc *Neriglissari*, affinis prioris, incluso aliquot mensium regno
Labor-Assarchadi, anni 5

Dein *Nabonadii*, qui & *Labynethus*, nepotis *Nebucadnetzaris*, *Nitocri* matre, qui plerisque ille *Belthasar*, anni 17
Tum, sive ad captam a Cyro *Babylonem*, post occisum *Belshazaram*, seu verius a capta Babylone ad mortem *Darii Medi*, qui videtur fuisse focer & avunculus Cyri, nempe *Cyaxares Medus*, anni 2

Exsurgunt ad primum Cyri exclusive anni 69

IX. Light-
foosi sen-
sencia ad-
modum
probabilis.

IX. At omnes hæ supputationes hoc habent, quod reges aliquot Babyloniae numerent ex historia exotica, quos historia sacra non agnoscit, imo quos Jeremiæ vaticinia videntur excludere, Quippe quibus

quibus *Hierosolyma* cæterisque vicinis gentibus septuaginta annorum servitus denunciata est, non nisi sub trium regum dominatione exigenda, Nebucadnetzaris, & filii ipsius, & nepotis ex filio. Quos quum in Scriptura suis expressos nominibus inveniamus, quumque eorum imperia tam fuerint, vel saltem esse potuerint, diuturna, ut eum conficiant numerum annorum, cur, nimia exoticorum, ne sibi quidem ipsis consentientium, veneratione ducti, operam abutimur? Meo quidem animo magis allubescit *Lightfooti* calculus, *Chron. Temp. T. V.* qui Nebucadnetzari tribuit annos *quadraginta quinque currentes*, *Evilmerodacho viginti tres*, & *Belthasari tres*.

X. Eodem modo numerat *Jacobus Altingius in Jer. LII : 30. X. Jacobi*
Verum is existimat, distinguendam esse *geminam periodum LXX anno-*
rum : quarum altera sit *dominationis Nebucadnetzaris*, quæ ipsi, filio, *Altingii compu-*
& nepoti a Deo fuit data, eripienda per alia regna, Medorum nempe & Persarum ; quæque ita se, uti modo dixi, habeat : altera vero *tatio.*
vastationis Hierosolymæ ; quæ cæperit occupata ultimum *Hierosolyma*,
extendaturque usque ad initium *regum Persiæ*. 2. Chron. xxxvi : 22.
Regum autem Persiæ putat non immediate excepisse mortem *Belthasari*, sed *regnum Medicum*. Dan. vi : 1, 19. ix : 1. Nam quod unum
annum *Dario Medo* adsignant, id refelli putat iis quæ Dan. vi. nar-
rantur : quippe quæ tam brevi spatio fieri non potuerint. Talem
itaque facit computationem. Ab anno Nebucadnetzaris 18. comple-
to usque ad ejus mortem, anni 26
Evilmerodachi anni 23
Belthasaris anni 3
Darii Medi, post dominatum Nebucadnetzaris eversum, anni 18
Qui omnes conficiunt vastationis annos 70.
Hos excipit regnum Cyri, ejusque edictum de libero Judæorum in
patriam reditu.

XI. Cæterum geminæ hujus periodi distinctio non videtur esse *XP. Ejus*
necessaria, neque in sacris literis fundata. Nam quo tempore cæpit *examen.*
servitus Judææ, cæterarumque gentium, eodem cæpit *vastitas Hiero-*
solymæ. Cæpit autem illa anno iv regis Jojakimi. Sic enim exstat
Jer. xxv : 11. *Eritque tota illa terra vastationi & desolationi : ac servient*
gentes istæ regi Babylonie septuaginta annis. Viden' vastitatem terræ, &
servitutem gentium eadem temporis periodo includi ? Ne dubites fa-
ciunt disertissima verba commatum 17. & 18. *Itaque sumsi illud po-*
sulum e manu Jehovæ, ut bibendum darem omnibus istis gentibus ad quas
mittebat me Jehova. Hierosolyma, & civitatibus Judææ, regibus ejus.
et

& principibus ejus, tradendo eos vastitati, desolationi, sibilo & maledictioni, כיוון חוץ Sicut est dies hic. Quo autem tempore hæc a Jeremia dicta sunt? Id docet comma 1. Verbum quod fuit ad Jeremiam contra totum populum Judæ anno quarto Jofakimi. Apparet igitur eo anno jam exstitisse חרבה ושמה vastitatem & desolationem. Nimirum quoad sui initium. Nam Jofakimo in vincula coniecto, vasa aurea ex templo Hierosolymitano deportata, & in Beli fanum translata fuere. 2. Chron. xxxvi: 6, 7. Deportati etiam tunc temporis sunt nobilissimi juvenes, regibus & proceribus nati. Dan. 1: 3. Solet autem Scriptura calamitatis initia & progressum in eodem temporis intervallo collocare. Præterea non video, qua auctoritate, quave probabili ratione, post everfam Monarchiam Babylonicam, tot annos Dario Medo vir doctissimus tribuat. Cyrus Persa junctus fuit Dario Medo in expeditione adversus Babylonem: pariterque in regimine Monarchiæ, postquam eam obtinuerunt. Unde Jesaias describens hostes Babylonis repræsentat curruum cum pari equitum. Jes. xxi: 7, 9. exclamatque, Ascende Elam, obside Madai. comm. 2. Et Daniel prodigiosam illam in pariete scripturam ita interpretatur, ut partitum Babyloniæ imperium Medi simul & Persis tradendum fuerit. Medus autem primum memoratur, quia Cyrus Dario, ut avunculo ac focero suo, eum tribuerat honorem, ut ipsius nomine initio res regerentur, dum ipse aliis negotiis intentus victorias suas persequeretur. Ea certe quæ Dan. vi. narrantur intra biennii spatium confieri facile potuerunt. Nescio igitur cur tot annorum intervallum inter Darii Medi & Cyri regnum vir doctissimus statuatur. Hoc scio, ea quæ nobis, ob veteris historiæ ignorantiam, & profanorum scriptorum dissensum, tam obscuræ sunt, Danieli & coætaneis fuisse liquidissima: eosque exactam prophetiarum cum eventu consonantiam grato animo agnovisse ac celebrasse.

XII. Reddendi in patriam, & templum reedificandi facultatem Israëlitis facis Cyrus.

XII. Finitis itaque annis LXX, CYRUS rerum potitus facultatem Judæis fecit redeundi in patriam, & reedificandi templum. Hic est ille Cyrus, quem, ducentis admodum antequam nasceretur annis, suo nomine designaverat Jesaias, ut a Deo ad tanti operis executionem destinatum. Jes. xlv. comm. ult. & xlv: 1, 4. Credibile est Danieli vaticinium istud Cyro ostendisse, eoque pertinere editi verba prout narrantur 2. Chron. xxxvi: 23. & Ezr. 1: 2. Sic ait Cyrus, rex Persidis: omnia regna terræ tradidit mihi Jehova Deus celi, & ipse commisit mihi ut ædificem sibi domum Hierosolymis, quæ sunt in Juda. Quis inter vos de toto populo ejus est? Jehova Deus ejus sit cum eo, & adscendito. Josephus Antiq. xi. 1. edictum illud ita παραγγέλλει. Εἶπεν μὲν ὁ Θεὸς ὁ

μὲν γὰρ

μέγιστος ὁ τῆς οἰκουμένης ἀπέναντι βασιλεὺς, πείθομαι τῷτον εἶναι ὃν τὸ πᾶν Ἰσραη-
λῶν ἐθνὸς προσκυνεῖ. καὶ γὰρ τοῦτον προεῖπε ὄνομα διὰ τῶν προφητῶν, καὶ
ὅτι τὸν ναὸν αὐτῷ οἰκοδομήσω ἐν Ἱεροσολύμοις ἐν Ἰουδαίᾳ χώρᾳ. Quoniam me
Deus maximus orbis regem constituit, hunc illum esse credo, quem Israë-
litarum adorat populus. Is enim meum nomen per suos prophetas prædixit:
ὅτι quod templum ejus ædificaturus sim Hierosolymis, in terra Judææ.

XIII. Præterea jussit Cyrus revertentibus Judæis aurum, argen-
tum, jumenta suppeditari, & cum aliis ad molestum & longin-
quum iter necessariis, oblationes spontaneas in domum Dei. De-
promptis etiam Schesbazari, principi Judæorum, de quo mox plura,
vasa omnia templi quæ Nebucadnetzar abstulerat. In quorum nume-
ro ineundo Ezr. 1: 9, 10, 11. aliqua invenitur obscuritas. Nam
quæ istuc speciatim nominatur tantum conficiunt *bis mille quadringenta
& nonaginta novem*. Textus vero colligit *quinq̄ies mille & quadrin-
genta*. Conciliationis hæc potest esse ratio: ut ea solum nominentur
quæ majora erant, molis ac pretii amplioris: collectio vero magna &
parva comprehendat. Quæ distinctio suggeritur 2. Chr. xxxvi: 18.
Nisi malis Hebræa אֶלֶף אַתְּרֵים כִּלִּים apud Ezram, cum *Junio*
vertere, *instrumenta alia per millia*. Ut sensus sit, non secundum for-
mam, sed promiscue per numerum millenarium tradita esse minora
utensilia.

XIV. Virtute hujus ediſci, duce *Zerubbabele*, in Judæam rever-
tuntur, quorum animum eo flexerat Deus, homines Judæi, pauci
quidem numero, ſi cum immani populi, uti olim fuerat, multitu-
dine conferantur: attamen plus quam duplo plures quam abducti a
Nebucadnetzare fuerant. Nimirum *quadragies bis mille, trecenti & ſe-*
xaginta: præter ſervas & ancillas ſepties mille trecentas triginta ſeptem.
Ezr. 11: 64, 65. Ubi ſimilis iterum in computatione difficultas eſt.
Nam ſi ſingulatim numeros familiarum computes, ſunt tantum 29818.
Addendi ergo ſunt ad integram ſummam conſciendam 12542. Qui
vel ex decem tribubus ſupplendi ſunt, una cum Judæis adſcendentibus,
vel ex Levitis aliisque Iſraëlitis, qui ſua natalia demonſtrare
non potuerunt.

XV. Plurimi alii restiterunt Babylone; partim necessitate, quia initio necdum domos, agros, urbes, victum omnes habere potuissent; partim metu, quod securius Babylone, quam in terra Canaan, se habitare posse existimarent; idque propter vicinarum gentium terrorem. Iidem incredibili deinceps auctu creverunt, numero, opibus, & celebritate Synagogarum, Scholarum ac Doctorum. At de his nunc non est dicendi tempus.

XVI. Revertimur ad reduces in patriam: qui ex facultate sibi facta templi ædificationem orsi sunt: constructo primum altari, oblati sacrificiis, celebratoque festo Tabernaculorum. Fundamenta templi jacta sunt, anno Cyri imperantis, ac soluta captivitatis, secundo, secundo mense anni: operi præfctis Zerubbabele Principe, & Josui Pontifice: Sacerdotibus interim ac Levitis, cum tubis ac cymbalis, summi Numinis benignitatem celebrantibus. Jucundissima enim plerisque ea res accidebat, præsertim junioribus. At seniores, qui præcæ ædis amplitudinem conspexerant, non temperabant sibi ab ejulatu: sic ut vix internoscereut sonus vociferationis ex lætitia a voce fletus populi: utrimque enim vociferabantur vociferatione magna, ut vox audiretur inde a longinquo.

XVII. At Verum opus, alacriter cœptum, lentos habuit progressus, & plus uno temporum intervallo omisum est. Cujus rei multæ fuerunt causæ. Et primo quidem ædificantium paucitas: dein inopia; nam Satrapæ Præsidesque corrupti subtrahebant manum, neque suppeditabant necessaria. Accessit negligentia ac socordia populi; quam frequentibus oraculis objurgarunt Haggæus & Zacharias. Plerique enim ab opere absteriti, & contenti jejunia instituisse, quisque ad res privatas curandas, & agriculturam exercendam dilabebantur: tempus nondum adesse rati ædificandæ domus. At præcipue obstitit vicinarum gentium invidia, maxime Samaritarum, (Cuthæos appellant) qui Syriæ præfectos odiosa interpellatione & largitionibus corrumpebant, (uti in aulis deesse non solent qui venalem habent operam) & criminationibus suis ipsorum regum animos a reducibus Judæis, tanquam res novas molientibus, avertebant. Quæ improba molimina, Cyro imperante cœpta, & apud Assuerum atque Artaxerxem tantum valentia, ut edicto regio ædificationi intercessum sit, duraverunt usque ad regnum Darii, regis Persiæ. Ezr. IV: 5. At cujus Darii? An Hystaspis, an Nothi? Multum hic altercantur Chronologi: neque nostrum est tantas componere lites. Utriusque partis argumenta excussimus in *Miscellaneis nostris Lib. 1. Cap. xx.* quæ qui vult ibi videat. Interea temporis istum populi languorem atque desidiæ multum sibi displicere, sterilitate proventuum terræ, & subtractione favoris sui in rebus privatis, identidem Deus demonstravit. Anno autem secundo Darii (quicumque demum ille fuerit) per Haggæum & Zachariam excitati populus proceresque, rege permittente, & quæ requirebantur ex suis facultatibus suppeditante, lætis auspiciis opus instaurant, & post quadriennii diligentiam feliciter absolvunt. Mox dedicationem ædis sacratissimæ festo gaudio celebrant, oblati

oblatis præter alia sacrificia hircis lætentibus duodecim, pro numero tribuum Israël. Ut constaret æquam omnibus partem in Sanctuario Domini esse.

XVIII. Templo ita consummato, quamvis urbis etiam reficien-
dæ facultatem concessisset *Cyrus*, *Jes. xliv. vers. ult.* quia tamen opus
illud magnæ molis erat, diffusi viribus Judæi, sine mœnibus ac por-
tis, circa templum habitabant. Per idem tempus *Ezras*, Scriba le-
gis, *septimo anno Darii, sive Longimani*, ut quidam, sive *Mnemonis*,
ut alii volunt, Babylonia profectus, multisque eum secutis, *Hiero-*
solymam pervenit. Vasa etiam diversi operis, & dona, quæ rex tem-
plo Dei miserat. Is quum deprehendisset Judæos Gentilium connu-
biis permixtos, multis increpitos, renunciare ejusmodi matrimoniis,
ac filios ex his susceptos extrudi jubet, omnesque dicto paruere.
Cæterum *Ezram* nihil super reficienda urbe egisse comperio: potio-
rem curam ratus plebem corruptis moribus reformare.

XIX. Erat ea tempestate apud Susas *Nehemias*, pincerna regis, *XIX. Ne-*
gente Judæus, *Artaxerxi* merito obsequiorum charissimus. Is ex
cognato suo *Hanani* aliisque Judæis percontatus, quis paternæ urbis
status esset; ubi comperit muros disruptos, portasque igne succensas,
in iisdem jacere ruinis, totus sensibus conturbatus, cum gemitu mul-
tisque lacrimis Deum oravit, delicta gentis suæ reputans, misericor-
diamque Divinam efflagitans. Igitur quum rex, inter epulas, mœ-
stum extra solitum animadvertisset, poposcit ab eo causam dolorum
ut exponeret. Tum ille adversa gentis & ruinam civitatis deslere,
quæ multos jam annos solo strata spectaculum inimicis præberet: da-
ret sibi eundi & restituendæ ejus potestatem. Paxit rex piis preci-
bus: statimque eum cum præsidio equitum, quo tutius iter ageret,
dimisit: datis ad prætores epistolis, ut necessaria præberent. Is
quum *Hierosolymam* pervenisset, viritim populo opus urbis distribuit,
& certatim iussa omnes curabant. Jamque ad medium machinæ pro-
cesserant, quum flagrante invidia, gentium vicinæ urbes conspirant,
opera interrompere, Judæos ab ædificando detertere. Sed *Neh-*
mias dispositis adversus incurstantes præsidiis, nihil territus, cœpta
explicuit: consummatoque muro, & valvis portarum perfectis, con-
struendis interius domibus operam dedit. Spatiosa enim civitas, ra-
ri incolæ, domus dirutæ. Prospiciendum ita urbi de incolis erat.
Principes populi jam degebant *Hierosolymis*. Reliquus populus sor-
tes jecit ut decimus quisque in urbe habitaret, novem partes in op-
pidis. Quidam & ultro se obtulere: quibus populus lætis accla-
mationibus benedixit.

XX. Politia
reducum
quatuor pe-
riodis va-
riata.

XXI. Inisio
tributarii
fuerunt re-
gibus Per-
sorum,

XX. Dispicendum nunc est, qua Politia usi, quoque regiminis modo gubernati reduces sint. Politiam istam quatuor variatam periodis comperio. I. Sub PERSIS. II. Sub ALEXANDRO, illiusque successoribus. III. Sub ASMONÆIS. IV. Denique sub ROMANIS.

XXI. Atque illud quidem constat, initio mansisse omnes subiectos ac tributarios regibus *Persarum*, quorum arbitrio cuncta *Hierosolymis* gerebantur. Pendebant enim *מנה בלו ויהלך Censum, tributum, & vectigal*. Ezr. IV: 13. Quæ verba sic exponi possunt, ut *מנה*, quasi *מדה*, *dimensum*, notet tributum quod quisque e facultatibus suis æstimatis, ac veluti *dimensum*, Regi pendebat. *בלו* sit *census* qui dabatur pro singulis *capitibus*, aut *tributum Provinciale*, sic dictum quod sit *afflictio* & onus populi. Nam *בלו* Arabibus est *probare, affligere*. *ויהלך* sit *vectigal*, quod in *viis* exigitur, & penditur ab itinerantibus, quando merces invehunt, vel evehunt. A triplici hoc tributo exempti fuere sacrorum ministri, ex constitutione *Artaxerxis*. Ezr. VII: 24. Attamen impotenti ira sua *Johannes* Pontifex Maximus effecit, ut *Bagoses Artaxerxis* copiarum Imperator graviora ac nova Judæis tributa imposuerit: ut priusquam quotidianas hostias offerrent, in singulos annos ex publico quinquaginta drachmas penderent. Idque ita ob hanc causam accidit. Erat *Johanni* frater *Jesus*, huic quod amicus esset *Bagoses*, Pontificatum se darum est pollicitus: hac fiducia *Jesus*, quum liberius cum fratre in templo altercaretur, re usque ad rixam progressa, tantam bilem movit fratri, ut ab eo per iram interficeretur: quæ quidem impietas fuit longe maxima, præsertim in homine sacerdote: & quod gravius est, nullum tale impietatis exemplum exstat vel apud Græcos vel apud Barbaros. Deus certe hanc injuriam non dissimulavit, sed & populus hac de causa libertatem amisit, & templum pollutum est a Persis. Nam *Bagoses* dux cognito quod Pontifex proprium fratrem in templo interemisset, superveniens Judæis iratus clamitabat, *Ansi estis scelesti in vestro templo eadem perpetrare?* & cum conatus templum ingredi arceretur: *Quid, inquit, an me putatis impuriorem quam cadaver quod jacet in templo?* & his dictis ingressus est: atque hac occasione per septennium ejus cædis poenas a Judæis exegit. Vide *Joseph. Antiq. XI: VII*.

XXII. Suis
tamen in-
stis vi-
vere licuit,
sub Præ-
dibus ex
sua gente.

XXII. Licuit tamen suis legibus ritibusque vivere: præsertim in religionis negotio; nulla vi conscientis illata. Dati porro ipsis Præfecti sive Duces sunt, quasi Præsides Provinciales; quorum primus fuit *SCHESBAZAR*, PRINCEPS JUDÆORUM dictus Ezr. I: 8. Hunc nonnulli non Judæum, sed Chaldæum fuisse volunt, Legatum Regium, Judæos in possessionem terræ intromissurum: alii *Zerubbabelem*.

Idque

Jus dices domui meae. Addunt, eundem Pontificem *Præsidentem* fuisse *Synedrii Magni*: verum *Synedrium* tale, quale *Talmudici* doctores repræsentant, *Zerubbabelis*, *Ezræ* & *Nehemiæ* tempore existisse, probari non potest. Nulla certe ejus in sacra historia mentio est: ne tum quidem ubi non videtur potuisse prætermitti, si quidem revera existisset. Sed ea de re alibi a nobis est disputatum.

XXV. Ejus
rei memo-
rabile in
Jaddo ex-
emplum est;
cui plurima
indulget
Alexander.

XXV. Mortuo *Nehemia* non comperio alium eadem auctoritate *Præsidentem* esse constitutum: sed videntur *Persæ* acquievisse in spectata fide ac probitate *Jaddi* Pontificis, cujus virtutibus, prudentiæ, insigni erga Deum pietati suam incolumitatem *Hierosolyma* debuit. Enimvero memorabilior ejus viri historia est, quam ut silentio transmitti oporteat: præsertim quum eadem doceamur, quomodo ex *Persarum* ditione sub *Alexandri Magni* ac successorum ejus potestatem *Hierosolyma* devenerit. Rem hoc fere modo narrat *Josephus Antiq. xi: viii.* *Alexander* dum *Tyrum* oppugnabat, scriptis ad *Jaddum Judæorum* Pontificem literis petebat auxilium, & com meatum, & quidquid prius *Dario* conferre solitus fuerat. Pontifex, vir integerrimus, & intemeratæ fidei, renunciat, sacramento se *Dario* obstrictum esse, idque ratum fore quamdiu vixerit. Coxit iram *Alexander*, donec expugnata *Tyro*, propere *Hierosolymam* cum victricibus copiis movit. Ibi *Jaddus*, irato Regi impar, & consilii inops, in varias animum partes in cassum rapit. At *Deus*, in somniis apparens, bono animo esse jubet, & coronata urbe portas aperire: utque populus albis vestibus prodiret obviam, ipse vero cum reliquis sacerdotibus solemnî ordinis sui cultu sequeretur, securi de Dei providentia. Læti mandatis parent. Ecce vero rem prorsus admirabilem. Dum *Phœnices* & *Chaldæi* omnia sibi in *Judæos* pollicentur quæcunque ab irato rege sperare poterant, plane contrarium evenit. *Alexander* enim, ut vidit e longinquo candidatum populum, & sacerdotes in amictu byssino, Pontificemque in stola hyacinthina auro distincta, tiaram in capite gestantem cum præfixa lamina aurea insculpta nomine *Jehovæ*, solus ad eum accedens, nomen illud adoravit, ac salutavit Pontificem. *Judæis* uno ore *Alexandrum* consalutantibus, & in orbem cingentibus, *Syriæ* reges & reliqui obstupuerunt, vix credentes regem mentis esse compotem. Solus *Parmenio* propius accedens rogavit familiariter: Quid ita, quum ipse adoraretur ab omnibus, nunc adoraret *Judæorum* Pontificem. At ille, non hunc se adorasse, respondit, sed *Deo*, cujus Pontifex esset, eum honorem exhibuisse: Hunc enim, inquit, eadem specie habituque vidi quum in *Dio Macedonia* essem, qui me, de *Asia* subjuganda deliberantem, forti animo esse jussit, & sine mora exercitum

citum trajicere : suo quippe ductu Persarum imperio potiturum. Hæc Parmenioni locutus, & comiter complexus Pontificem, deducen-
tibus sacerdotibus in urbem ascendit, sacra Deo facturum. Ostensoque si-
bi Danielis libro, qui Græcum quendam Persas debellaturum vati-
cinatus fuerat, id de se interpretatus, Judæos non pœna solum ab-
solvit, sed & omnibus eorum postulatis abunde satisfecit. Pontifi-
ce enim petente ut patriis legibus vivere sibi liceret, utque septimo
quoque anno concederetur iis tributorum immunitas, concessit om-
nia. Rogantibus deinde ut eos quoque Judæos, qui Babyloniam ac
Mediam colerent, sineret uti institutis propriis, his etiam postulatis
eorum se satisfacturum esse pollicitus est. Atque ita se *Hierosolymita-*
ne res sub ALEXANDRI imperio habuerunt.

XXVI. Eo apud Babylonem fati functo, longa inter SELEU-
CIDAS *Syriæ*, & LAGIDAS *Ægypti* reges de Judæa concertatio fuit. *Hierosoly-*
Et primus quidem PTOLOMÆUS LAGI *ma sub* *Protonais.* *Hierosolymam* occupavit, do-
lo tamen circumventam. Ingressus enim urbem Sabbato, velut sa-
crorum gratia, Judæis nec arcentibus, quod nihil hostile suspicaren-
tur, & alioquin eum diem in otio & quiete agentibus, sine difficul-
tate potitus dominio, acerbè eam & inclementer tractavit: multos-
que captivos, ex montano Judææ tractu, & *Hierosolymorum* vicinia,
in Ægyptum traductos, sedes ibi figere jussit. Clementius eos ha-
buit PTOLOMÆUS PHILADELPHUS, qui fertur & legem Hebræorum
in Græcam linguam transferri curavisse, & *Hierosolymitas* in Ægypto
servientes liberos dimisisse, numero centum viginti millia, & multa
denique donaria Deo in Templo dedicasse: quæ ambitiosa oratione
laudat *Josephus Antiq. XII: II.* Deinceps *Hierosolyma* PTOLOMÆO
EVERGETI paruit: ad extremum PTOLOMÆO EUPATORI, filio ejus.

XXVII. *Antiocho Magno* in Asia regnante in continua vexatione *XXVII. Sub*
tam Judæa fuit quam Cœlesyria: quod eo bellum gerente cum *Philopa-* *Antiocho*
Antiocho *Magno, &* *Seleuco Philo-*
patore. *Antiocho* *Magno*, hujusque filio qui *Epiphanes* cognominatus est, sive vince-
ret, sive vinceretur, male multarentur, non aliter quam navis fluctibus
utrimque oppugnata, inter prosperam & adversam *Antiochi* fortunam
jactatæ. Tandem victor Antiochus Judæam suæ ditioni adjecit. De-
functo vero *Philopatore* filius ejus magnum exercitum duce *Scopa* mi-
sit in Cœlesyriam: qui & multas ejus urbes & Judæorum gentem vi
in potestatem ejus retraxit. Aliquanto autem post *Antiochus* ad fontes
Jordanis cum *Scopa* prælio congressus sit superior: cumque recepisset
occupatas a *Scopa* urbes, Cœlesyriæ simul & Samariæ, Judæi quo-
que ultro deditionem fecerunt: receptumque intra mœnia ejus exer-
citus & elephantes liberaliter aluerunt: & oppugnantibus præsidium,

in arce a *Scopa* relictum, impigræ auxilium tulerunt. Quamobrem *Antiochus*, æquum ducens aliquam Judæis pro studio partium suarum referre gratiam, multis atque insignibus urbem immunitatibus ac privilegiis donavit: edictumque in honorem Templi per totum regnum suum promulgavit, ne cui alienigenæ liceret intra septa templi ingredi, contra voluntatem Judæorum; sed solis hoc facere fas sit, qui juxta præscriptum legis patriæ purificati prius fuerint. Post hæc amicitia & fœdere *Protophane* conjunctus est *Antiochus*, data in matrimonium *Cleopatra* filia, & concessa dotis nomine præter alias regiones etiam Judæa. Paullo vero post videtur ea iterum in potestatem Syrorum venisse. Nam quum *Antiocho Magno* defuncto filius ejus *Seleucus Philopator* successisset, misit is *Heliodorum* ut exspoliaret thesauros templi. Quod quum ille ingressus esset, ab equite auratis armis conspicuo prostratus, & a duobus genis ad necem usque flagellatus, sed intercessionibus *Onia* Pontificis conservatus est. Nisi vera non sint, quæ narrantur 2. Macc. III.

XXVIII.

Sub Antiocho Epiphane.

XXVIII. Quemadmodum interjecto tempore *ANTIOCHUS EPIPHANES* Judæam vastaverit, *Hierosolymam* occupaverit, templum ingressus spoliaverit, multos occiderit, plurimos venum dederit, Judæos patriis legibus uti vetuerit, jussis non parentes exquisitissimis cruciatibus enecaverit, ex libris *Maccabæorum* cuiusvis constat. Constat indidem quam præclara invicti animi exempla, omnis sexus, omnisque ætatis edita sint; quum non viri solum, sed & fœminæ, & pueri, dirissima quæque subire maluerint, quam ut a Divinæ legis præscripto patriisque institutis desciscerent.

XXIX. Cuius

tyrannus tyrannus
tyranni forsi-
ser ac felici-
citer se op-
posuit Ju-
das Macca-
baeus.

XXIX. Constat denique quomodo se *MATTHIAS*, sive *Matthias*, *HASMONÆUS*, Sacerdos, ex vice Joaribi, *Hierosolymita* genere, gliscenti impietati opposuerit, cum quinque filiis suis: in quibus præcipue eminuit *JUDAS*, *MACCABÆUS* dictus; sive quod in vexillis illius scriptum conspiceretur מַכְבֵּי, quæ sunt literæ initiales harum vocum יְהוָה כִּמּוֹךְ כְּאֵלִים *quis est sicut tu inter Deos o Jehova*: sive quod dixerit, מַכָּה קִי *per me est plaga*, hostium nimirum & apostatarum: sive ob aliam quamcunque causam hodie incognitam: neque enim omnia scire fas est. Hujus Judæ ductu adversus regiones frequentibus præliis prospere pugnatum est. Donec pulsus hostibus, *Hierosolymam* regressus, purgare templum, & restituere animum induxit: quod eversum ab *Antiocho*, profanatumque a gentibus, fœdam sui speciem integrum jam triennium præbebat.

XXX. Cele-

brata ejus
auspiciis

XXX. Celebravit autem *Judas* recepti templi festivitatem per dies octo sacrificans, in quibus nullum honestæ voluptatis genus omis-

sum

sum est; sed populo quidem sumtuosum ac splendidum epulum est ^{encania: quæ cur festivitas luminum dicitur fuerit.} exhibitum, in Dei vero laudem hymnis & canticis personabant omnia. Tanta autem lætitia ob reductos ritus patrios & priscam religionem occupavit gentis animos, maxime quod ea felicitas ex insperato obtigerat, ut lex lata sit ad posteros, quæ juberet quotannis hoc festum reparati cum ceremoniis templi per octo dies celebrari. Vocataque fuit ea *festivitas LUMINUM*; opinor, ait Josephus, ideo quod ex insperato tanta illuxerit *festivitas*. Cæterum & alia denominationis istius causa est; quam ex Talmudicis scriptis viri doctissimi eruerunt. Nimirum tradunt Rabbini in Tractatu *Sabbath*, Græcos, templum profanantes, quidquid de oleo sacro invenerunt, id polluisse: *Judam vero Maccabaum*, templo diligenter pervestigato, unam duntaxat urnulam invenisse, summi Sacerdotis sigillo obsignatam, necdum ab hostibus contaminatam; in qua tantum erat olei, quantum ad unius noctis lucem sufficiebat. Sed quum propterea & ille & totus populus tristes admodum essent, ut qui viderent, sibi sacri olei intra octiduum copiam esse non posse; si quidem urbs *Thecoa*, e qua petendum erat, quatuor dierum itinere *Hierosolymis* distabat; miraculum a Deo factum esse ajunt, & urnulæ istius oleum ita conservatum & multiplicatum, ut per integrum octiduum arserit. Idcirco ejus ætatis sapientes instituerunt, ut octo dies a xxv mensis *Chisleu*, quo lustratum est templum, sint dies lætitiæ, utque iis, non in urbe solum, sed & in Judæa universa, accendant singulis vespers lucernas, in tanti beneficii, tantique prodigii memoriam. Et quia præceptum hoc de lucernis encaniorum adeo est amabile, hinc universalem ipsius strictamque volunt fuisse obligationem: adeo quidem ut si non suppetat alicui quod comedat nisi ex eleemosyna, ei vel emendicandum aliquid sit, vel vendendæ vestes, unde oleum & lucernas comparet. Hæc sunt illa *Encania*, quæ Christum ipsum sua præsentia condecorasse legimus. Joh. x: 22. quæque Judæi hodiernum celebrant: sed helluando, pergræcando, ludendo, & quidvis magis faciendo quam ut ferias Deo grateis habeant agantque ob beneficia in majores collata.

XXXI. Sed ad *Judam Maccabaum* redeamus: qui, circumdatis XXXI. ^{Antiochi Epiphanis mors, Tyranno digna.} An-
 urbi mœnibus, exstructisque firmis turribus, custodias ad arcendum
 hostem imposuit: & cum *Idumæis*, *Ammonitis* vicinisque gentibus pro-
 spera bella gessit. Interim *Antiochus* in Perside pœnas Tyranno di-
 gnas dat. Rebus enim ubique male succedentibus, accedenteque
 alia super aliam cura, ex impatienti animi dolore corporis quoque
 morbum contraxit, ipsa viscera vermibus corrodentem. Quo magis
 ac magis invalescente intelligens adesse fatale tempus, amicos convo-

cat, eisque vim & causam morbi indicat: nimirum quod pœnas ob afflictam Judæorum gentem lueret, atque ob spoliatum sacrilegio templum, & contentum cœlestis numinis. Atque his dictis exhalavit animam.

XXXII. *Bella Juda Maccabæi cum Antiocho Eupatore: ejusdemque Judæ glorioſa mors.* XXXII. Successit ei filius ANTIOCHUS EUPATOR: cujus copiis Judas *Hierosolymam*, & in templum, uti locum munitissimum, compulſus, ob victus penuriam ad incitas prope redactus est. Interim quum & *Antiochum* commeatus deficerent, & multa eum regni negotia alio avocarent; rex miſſo caduceatore pacem Judæ ac cæteris obſeſſis denunciat, libertatemque ſuis vivendi legibus. Illi vero libenter hæc audientes, accepta in hoc fide & jurejurando interpoſito, templo exiverunt. At *Antiochus* quum ingreſſus vidiffet locum egregie munitum, violato ſacramento, murum, quo templum ſeptum fuerat, ſolo æquari juſſit: atque *Menelao* Pontifice ſecum abducto, *Alcimum*, ſeu *Jacimum*; alienum a Pontificia familia, ſubſtituit. Tandem Judas poſt res præclare geſtas adverſus *Nicanorum* & *Bacchidem*, regii exercitus Imperatores, liberata e Macedonium ſervitute patria, glorioſa morte occubuit.

XXXIII. *Cui in du- casu ſucceſſit frater Jonathan.* XXXIII. Juda deſuncto, maximis rurfus calamitatibus impliciti, Syrorumque petulantia expoſiti fuere. Tum JONATHAS Judæ frater paratum ſe vel ad mortem obtulit pro tutela populi, & dignus viſus qui Judæ fratri ſuo ſuccederet, communibus Judæorum ſuffragiis adminiſtrandæ militiæ præſectus eſt, futurus abhinc Dux & PONTIFEX. Is paucis copiis vim a *Bacchide* intentatam caute declinans, feſſum bello *Bacchidem* compellit inito cum Judæis ſœdere exercitum abducere. Et poſt multa in populares merita, ſuis charus, hoſtibus etiam in honore habitus, ex inſidiis a *Tryphone Apameno*, Tyranno Syriæ regnum adſectante, captus, & ſclerate cum duobus filiis peremptus, SIMONEM fratrem in Ducatu & Pontificatu ſucceſſorem habuit.

XXXIV. *Huic alter fratrum, Simeon: qui populum Macedonium jugo prorſus liberavit; impie in convivio caſus.* XXXIV. Qui primo principatus anno immunitatem tributorum ſuis peperit, quæ haſtenus Macedonibus pendere ſoliti erant: & res Judæorum magnis acceſſionibus auxit, multasque de finitimis gentibus reportavit victorias. Expugnatam etiam Sionis arcem, quam haſtenus Syri tenuerant, ſolo æquavit, ne poſthac eſſe poſſet hoſtibus receptaculum, neve inde urbi aliquod inferretur incommodum. Quo factiſ visum ei eſt operæ pretium, ſi mons quoque, in quo ſita erat, complanaretur, ut ſolum templum emineret. Tantumque ſuaſionibus ſuis apud populum effecit, ut non intermiſſo per triennium, neque die neque noctu, opere, tandem ad planiciem eum locum, indefeſſo labore, per vices ſibi ſuccedentes, redegerint; atque

que ita nihil reliquerint, quod obstaret quo minus templum omnibus in urbe locis celsius esset. Simeonis hujus ducatus multum splendoris accessit, solemnem Judæorum plebiscito, quod tabulis æneis incisum, & in ambitu sanctuarii, loco celebri, Hierosolymis expositum, his fuit conceptum verbis: *Placuit Judæis Sacerdotibusque, ut Simeon sit ipsorum Dux & Sacerdos summus in seculum; donec exsurgat Propheeta certus. Sitque super eos Dux, tum ut cura sit ipsi pro loco sancto, constituendi per ipsum præfectos operibus ipsorum, & regioni, armisque & munitionibus. Tum ut cura sit ipsi Sanctuarii: utque pareatur ipsi ab omnibus: & ut scribantur de nomine ipsius omnes Sygraphæ in regione, & ut induatur purpura, aurumque gestet. Nulli ex populo aut Sacerdotibus licebit irritum facere quidquam istorum, & rebus quæ ab ipso dicuntur contradicere, aut conventum in regione cogere sine ipso, aut indui purpura, & ornari fibula aurea. Qui contra fecerit, aut irritum fecerit quidquam horum, reus esto. Nam placuit toti populo statuere, ut faciat Simeon secundum res istas.* I. Maccab. XIV: 41. Postquam octo annos Judæis præfuisse, felicissimo usus Principatu, tutusque amicitia præcipue Romanorum, qui jam tum populis jura dabant; postremo uxore ac duobus filiis comprehensus, ac in vincula coniectis, in convivio cæsus est, insidiis generi sui *Ptolomæi*, ad Pontificalem insulam improbe adspirantis.

XXXV. At frustratis impiis *Ptolomæi* conatibus, JOHANNES, XXXV. cognomento HYRCANUS, tertius Simeonis filius, principatu potitus est. Hujus prima cura fuit patris necem ulcisci. Itaque arcem super Hierichunta sitam, quo se receperat *Ptolomæus*, obsidione cingit, & oppugnando locum cætera quidem erat superior, vincebatur autem sola pietate erga matrem, & erga germanos misericordia; hos enim *Ptolomæus* productos in mœnia flagris cædebat in loco omnibus conspicuo: at ille putans quantum de oppugnatione remitteret, tantum se gratificari suis carissimis, statim in primo conatu elanguescebat. Mater tamen ad eum manus tendens supplicabat, ne molliretur affectibus, sed potius indignitate rei motus daret operam, ut redactum in potestatem inimicum afficeret pœna, & ulcisceretur homines sibi natura conjunctissimos: gratum enim sibi fore inter tormenta mori, modo nefarius homo scelerum suorum supplicium lueret. Hyrcanus vero talibus verbis accendebatur ad assultum majore impetu faciendum: sed quam primum verberari & lacerari matrem videbat, refrigerabat statim oppugnationis fervor, & vincebatur filius matris affectibus. Quumque hoc pacto traheretur diutius obsidio, supervenit annus ille quo solenne est Judæis cessare ab operibus, re-

currente anno septimo. Atque ita liberatus a bello Ptolomæus, occisus Hyrcani matre ac fratribus, fugit ad Zenonem cognomine *Corylam*, qui tum apud *Philadelphenses* invaserat tyrannidem.

XXXVI.
Multaque
prospere
agit, Divi-
no etiam
dignatus
colloquio.

XXXVI. Sub Hyrcani hujus principatu *Antiochus*, cognomen-
to *Pius*, invadit Judæam, & *Hierosolymam* septenis castris cingit: at
rogatus a Judæis, quum festum scenopegias advenisset, ut festi gra-
tia inducias ipsis septem dierum concederet, religione motus impetra-
ri eas passus est; præterea & ipse victimas misit magnifice, tauros
auratis cornibus, & pocula tam aurea quam argentea, referta omne
genus aromatibus. Qua regis pietate oblectatus Hyrcanus, legatos
misit pacem oraturos; quam, datis obsidibus, & talentis quingen-
tis, impetravit. Hic est ille Hyrcanus, qui aperto Davidis monu-
mento, tria millia talentorum inde protulisse fertur; quibus pecuniis
fretus, primus omnium externum militem alere cœpit, melioribus
quam initio usus successibus. Nam defuncto Antiocho, Syriam ad-
flixit, *Idumæos ad circumcisionem suscipiendam adegit, templum Samari-
tanorum in monte Garizim* evertit, missisque ad Senatum legatis, ami-
citiâ cum populo Romano, optandis conditionibus fecit. Eundem
Divino dignatum esse colloquio *Josephus* memorat *Antiq. XIII. XVIII.*
Fertur enim quod illa ipsa die qua filii ejus manum cum *Antiocho Cy-
ziceno* conseruerunt, Pontifex ipse solus in templo adoramenta ado-
lens, vocem audiverit, nunciantem filiorum recentem de Antiocho
victoriam: idque mox progressus renunciaverit multitudini: & paul-
lo post ipso eventu comprobatum ejus oraculum sit. Præterea tan-
tam nactus fuisse dicitur futurorum præscientiam, ut prædixerit duos
maiores natu e suis liberis non diu fore paterni principatus compotes.

XXXVII.
Aristobulus
primus ex
gentis Asmo-
næa Rex,
sed unius
duntaxat
anni impius
& infelix.

XXXVII. Eorum maximus natu *ARISTOBULUS* fuit, qui, An-
no post *Hierosolymæ* excidium CCCCLXXXVI. ante Christi natalem Dio-
nylianum CIV. principatum in regni formam vertens, diadema sibi
primus imposuit. Fratrem secundum *Antigonum*, quem amabat, in
societatem dominationis assumsit, mox falsis suspicionibus dementa-
tus interfecit, cæteros vero in vinculis habuit, matrem principatus
æmulam, in carcerem conjectam, fame necavit. At continuo eum
fraternæ imprimis necis pœnitentia cepit. Quæ res morbum ei con-
ciliavit gravissimum: dum factum suum indefinenter detestaretur: ita
ut postremo sanguinem vomeret. Eum quidam e ministris efferens,
(o providentia justissimi numinis, & occulti miranda potentia fati!)
prolapsus in eo ipso loco effudit, qui *Antigoni* cædis cruenta habe-
bat vestigia. Hinc ingens eorum qui viderant clamor exortus *Ari-
stobuli* aures percussit: qui causam clamoris sciscitatus, re cognita,
con-

conscientia graviter ictus plurimas effudit lacrimas , & gemitum ex imo pectore ducens : *Ergo non latet Deum* , inquit , *meum impium ac sceleratum facinus* , quando tam cito reposcor ad pœnas cognati sanguinis . *O corpus impudens quousque retinebis animam* , quam materni simul ac fraterni manes flagitant ? Cur non semel eam reddis , ne sic per partes opus sit libare meum sanguinem , atque ita parentare oppressis per nefas & parri- cidium ? Vix ea fatus erat , quum exhalavit animam , uno tantum anno in regno exacto , cognominatus *Philellen* , id est , Græcorum amator : post auctam multis beneficiis patriam , illato bello Iturææ , magnaue ejus parte attributa ad Judææ limites , cujus habitatores comminatione exilii coegit circumcisionem cæterosque Judaicos ritus admittere .

XXXVIII. Post *Aristobuli* obitum , *Salome* ejus uxor , quam XXXVIII. *Alexandram* Græci dixerunt , ALEXANDRUM JANNÆUM , fratrem *Alexander Aristobuli* natu maximum , regem constituit . Qui variis exercitus *Jannæus* fatis , quartana febris , ex temulentia contracta , triennio integro ad- *regnum* flictus , florentissimum regnum , quod annis quasi XXIV tenuerat , *relinquit* uxori ALEXANDRÆ reliquit . *munum.*

XXXIX. Fœminæ supra sexum egregiæ ; quæ *Phariseos* regiæ XXXIX. administrationis consortes fecit , & HYRCANUM filium , justo remissio- *Sed quod si-* rem ad Pontificatum evexit ; sed quem , defuncta matre , frater ARI- *litorum ejus* STOBULUS , agiliori ingenio præditus , dejecit , sibi diademate & in- *Hyrcani &* fula impositis . Mox ictum inter fratres fœdus est , in ipso templo , *Aristobuli* & data acceptaque fide ac junctis dextris sancitum ; quo obtinuit *contentioni-* *bue stipen-* *darium* *Romanis* *Antipater Idumæus* , vir pecu- *fit, Pompe-* niosus ac factiosus , Aristobulo inensus , Hyrcanum multis persuasio- *jo urbem* nibus impulit ut ad *Aretam* , Arabiæ regem , fugeret , & ab eo sui in *in posse-* *tem suam* *redigente.* regnum reductionem flagitaret . Assensit Aretas , & Aristobulum , præ- lio victum , in urbe *Hierosolyma* , ad quam confugerat , obsedit . In- terea *Scaurus* , *Pompeji* in Armenia contra Tigranem bellum gerentis legatus , continuato itinere in Judæam properavit . Hujus societatem & auxilium uterque petiit . Et quum Aristobulus polliceretur cccc talenta , nec pauciora Hyrcanus , Scaurus Aristobulum prætulit , Aretam obsidionem solvere jussit ; denunciato , ni pareat pro hoste populi Romani habendum . Paullo post tota controversia ad *Pompejum* devolvitur , fratribus per legatos Damasci causam apud eum dicentibus . Pompejus Aristobulum in vincula conjicit , Romam cum filiis abdu- cendum , servandumque triumpho : *Hierosolyma* ab iis qui Hyrcano favebant receptus , Templum , quod a parte Aristobuli occupatum erat ,

erat, post trium mensum obsidionem, vi capit, Judæorum XII millia occidit: Templique religionem, humanis antehac nec vestigiis nec oculis penetrati, non mediocriter lædit. Ingressus enim illud, & cum eo non pauci alii, inspexerunt ea quæ videre nefas est, nisi solis sacerdotibus. Nihil tamen ex sacris thesauris, qui plurimi erant, libavit. Sequenti vero die iussis purgare templum ædituis, & instauratis legitimis sacrificiis, precarium sacerdotium *Hyrcano* restituit. Judæis civitates eas adimit, quas supra finitimos occupaverant, *Hierosolyman* denique populo Romano *stipendiariam* facit. Atque ita libertatem Reipublicæ, tam fortiter ac feliciter a majoribus recuperatam, adsertam, vindicatam, ultimi *Asmonæorum* contentiosa ambitione sua turpiter *Romanis* prodiderunt. Quorum imperii duritiem, magno suo malo, mox experti sunt. Iussi regionem de Syris bello captam iis restituere: & insuper plus quam decem millia talentorum brevi tempore Romanis pendere subacti.

XL. *Quæ variis actis factis Herodem tantum regem a Romanis accipere coacta est.*

XL. Hyrcanus autem, quum ab Aristobulo Romanorum vinculis elapso, & filio ejus *Alexandro*, vix se tueretur, *Gabinus*, Syriæ præfes, cujus ope adversus fratrem indigebat, res Judæorum pæne pro arbitrio constituit: & *Synedrium Magnum* in quinque conventus juridicos tota provincia divisit. *Crassus* deinde, expeditionem contra Parthos parans, in Judæam pervenit, & pecuniam sacram quam Pompejus non attigerat, ad duo millia talentorum abstulit, totoque reliquo auro; cujus summa accedebat ad octo talentorum millia, templum spoliavit. Tulit etiam trabem ex auro solidam, trecentas minas pendentem. Mina autem apud Judæos constat duabus libris cum dimidia. Hyrcanus interim *Cæsaris* partes contra *Pompejum* defendendas sumsit; & utilem ei operam per *Antipatrum* in Ægypto navavit. Ideoque *Cæsar* ei potestatem confirmavit, urbisque mœnia, a Pompejo diruta, ut restitueret permisit: *Antipatrum* autem civitate Romana & immunitate donavit, & Procuratorem (*ἐπίτροπον καὶ πρὸς ἄνθρωπον* dicit *Josephus*) Judææ constituit. Antipater vero quum Hyrcanum stupidum ac segnem animadverteret, *Phasaëli* filio natu maximo urbem *Hierosolymitanam*, cum circumvicina regione, commisit; *Herodi*, secundo filio, Galilæam curandam dedit, quamvis admodum adolescenti, nec excedenti annum quintumdecimum. Rebusque ita in familiæ suæ commodum ac decus, ex animi sententia, ordinatis, paullo post veneno, a *Malcho* Arabe, qui Hyrcano a poculis fuerat, sublatus est. Eam captans occasione *Antigonus*, Aristobuli filius, Galilæam manu tumultuaria invasit; facile ab *Herode* repressus. Herodes ipse rerum gestarum gloria inclarescens,
Hyrcani

Hyr cani ex filia Alexandra neptem, *Mariannem*, uxorem sibi despondet. *Antonio* deinde in Syriam profecto, ipse & frater ejus *Phasælus*, *Tetrarchæ* constituti sunt. Interea Parthi omnem pæne Syriam occuparunt; & ut *Antigonum*, mille talenta & quingentas mulieres ipsis pollicitum, reducerent, *Hierosolymitanam* urbem, specie amicitiae, ingressi, *Hyr canum* cum *Phasælo* in vincula conjecerunt. Et hic quidem, ubi se neci destinatum cognovisset, alliso ad saxum capite vitam abruptit: illi vero, infortunato seni, ut ad sacerdotium redderetur inhabilis, crudeli Antigoni consilio, amputatae auriculæ sunt. *HERODES* fuga elapsus, præter omnem spem, Romæ a Senatu, Judææ Rex declaratur: mediussque inter *Antonium* ac *Cæsarem*, consulibus cæterisque magistratibus deducantibus, in Capitolium ascendit, & novus Rex, primo regni sui die, convivio exceptus est ab *Antonio*. Quod factum est, *Cn. Domitio Calvino* II. & *C. Asinio Pollione* *Coss.* quadriennio post cædem *C. Cæsaris* ante natalem Christi Dionysianum anno quasi XL.

XLI. Interim *Antigonus* Aristobuli filius, a Parthis rex constitutus, Judæa potiebatur. Quem Herodes, a Romanis, duce Sosio, ^{quum propinqua interitus vi-} adjutus, magnis copiis oppugnatum venit. Prope tunc ab interitu suo *Hierosolyma* absuit. Dum enim pertinaciter ab Antigono stat, ^{deretur,} non cum hostibus solum, sed & cum fame & inopia luctandum ei ^{salutem suam do-} fuit: nam in Sabbaticum annum inciderat oppugnatio. Tandem vi expugnata, obstinationis pœnas dedit. Mox omnia repleta sunt cædibus: Romanis longa resistentia exacerbatis, Herodianis Judæis conantibus adversam factionem extirpare funditus, ne templi quidem religio supplices tuebatur. Non ulli parcebatur ætati, non sexui; ne imbelli quidem. Et quamvis obstante rege Herode, ac precibus intercedente, nemo tamen a manibus temperabat. Præcipuum autem ei negotium fuit in compefcendis alienigenatum auxiliis. Ruebat enim multitudo conductitiorum, ad visendum non fanum solum, sed & intum adytum. Rex vero alios precibus, alios minis, nonnullos & armis reprimebat, molestiorem clade victoriâ existimans, si quid eorum quæ videri fas non est, in profanæ multitudinis conspectum veniret. Prohibebat etiam rapinas per urbem fieri, identidem Sosium rogitans, an solitudinis se regem Romani facturi essent, exhausta urbe rapinis ac cædibus: exiguum sibi dicens tantæ civium cædis pretium videri, etiamsi totius orbis dominium contingeret. Illo vero referente pro expugnatione urbis direptionem merito per-mitti militibus, promisit se de suo mercedem numeraturum singulis. Atque ita redempta civitate promissa persolvit. Liberaliter enim mili-tibus,

tibus, & proportione ducibus, Sosio vero etiam regia dedit munera. Ea clades *Hierosolymorum* incidit in consulatum *M. Agrippæ & Canidii Galli*, CLXXXV Olympiade, mense tertio, feriis quibus solemne fit jejunium: tanquam recurren- te in idem temporis momentum illata Judæis a Pompejo calamitate. Vide *Joseph. Antiq.* XIV. XXVIII.

XLII.
Exitus fa-
milie As-
monæorum.

XLII. Nunc quem exitum *Asmonæorum* familia habuerit brevi commemoratione persequamur. ARISTOBULUS, quem Romanorum vinculis elapsus nuper diximus, a copiis *Gabinii* victus, iterum Ro- mam missus, & ibi benigne habitus est, donec honorifice a Cæsare in Syriam dimitteretur. Cæterum a Pompejanis veneno sublatus, a Cæsarianis funeratus est. Corpus ejus diu melle curatum jacuit; do- nec *Antonius*, in Judæam remissum, regum conditoriis reponi man- davit. ALEXANDER, Aristobuli filius, quod contra Romanos rebel- laverat, Scipionis jussu apud Antiochiam securi percussus est. Alter filiorum ANTIGONUS, quem a Parthis Judæorum throno impositum modo vidimus, quum tueri se *Hierosolymæ* non potuisset, descendit e turri, *Sosioque* victori ad genua supplex procidit. At ille, nihil miseratus mutatam hominis fortunam, insultavit misero, *Antigonam*, per ludibrium, appellans, victumque ad Antonium deduxit. Qui primum quidem triumpho adservandum destinaverat; sed ubi audi- vit Judæorum gentem ad res novas spectare, & odio *Herodis* favere *Antigono*, magis placuit, accedente etiam Herodis sollicitatione, a- pud Antiochiam, flagellatum prius, & palo alligatum, securi subji- ci. Novo & ignoto hætenus Romanis in Regem exemplo. Quod & *Dio- ni* observatum est. Restat adhuc HYRCANUS Rex & Pontifex: quem ad se perductum *Phraates* Parthorum rex, propter generis claritatem, comiter habuit: & vinculis solutum permisit Babylone degere; ubi magna erat Judæorum frequentia. Hi non aliter quam Pontifici ac Regi, quamvis auribus truncato, Hyrcano honorem habebant: ita ut non admodum præsentis fortunæ pœniteret hominem. Sed suo- rum amore, & fallacibus Herodis blanditiis plectus, permissu *Phra- atis*, *Hierosolymam* rediit. Ubi ambitione *Alexandræ*, filię suæ, to- ta familia in præsentissimum discrimen venit. Hæc enim indignata Pontificatum, quem filio suo ARISTOBULO, *Mariannes*, regię con- jugis, fratri, juveni decimum sextum annum agenti, deberi existi- mabat, ab Herode in *Ananellum* quendam, Babylone accitum, colla- tum esse; ad *Cleopatram*, Ægypti reginam scripsit, ut Pontificatum filio suo ab *Antonio* peteret. Facile intellexit Herodes, quo hæc ten- derent: sed prudenter dissimulavit: abrogatumque *Ananelo* Pontifi- catum *Aristobulo* reddit. Quem ubi generis dignitate, & formæ
morum-

morumque gratia , multitudinis studia in se convertisse deprehendit,
 cum juvenibus nobilissimis , æstuoso die , animi gratia , natantem,
 per amicos, quibus id datum erat negotii, quasi juveniliter cum ado-
 leſcente ludentes , mergi & aquis præfocari curavit. Fiſto interim
 luſtu , & lacrumis , & mœſtitia , veræ ſimillima : ne tam infandi
 ſcleris auctor haberetur. Interjeſto tempore *Hyrcanum*, ſive inſidia-
 rum regno, quod credi volebat Herodes, ſive inſontem , quod mi-
 tiſſimi ſenis indoles ſuadet, oſtuagenario majorem, occidi imperavit.
 Mox *MARIAMNEM*, perditæ amatam , at moroſam ſuperbamque fœ-
 minam , & diu ſuſpectam, neci dedit. Denique *ALEXANDRAM*, ne
 tunc quidem quictis patientem, e medio ſuſtulit. Hæc ſinis fuit il-
 luſtris domus *Aſmonæorum*, cujus principatus deſuit poſt annum
 CXXVI.

XLIII. Atque ita in *HERODEM*, hominem *ἀλλόφυλον*, Idumæum, XLIII.
 non Jacobo , ſed Eſavo oriundum , cujus tamen majores a *Johanne Herodes*,
Hyrcano coacti circumſiſionem ſuſceperunt, & ab eo tempore Judæis *quamvis*
 accenſiti ſunt , tota regni Judaici dignitas atque auctoritas devoluta *Judæorum*
 eſt. Verum ea precaria, anguſta admodum, atque reſtriſta. Nam *pium ta-*
 quamvis Judæorum Rex, Romanæ tamen magnitudinis *mancipium* *men Roma-*
 fuit. A Romanis Senatusconſulto datum ei regnum : ab Auguſto dein
 confirmatum : neque aliter collatum niſi *ἐπὶ φόροις τεταγμένοις*, quod *ſuis*.
 notat *Appianus* *Ῥωμαίων ἱμνυλίων* *Lib. v.* æque ac *Ponti* imperium *Da-*
rio, *Piſidurum* *Amyntæ*, *Ciliciæ* *Polemoni*, quos in eundem cum *He-*
rode cenſum refert ibidem *Appianus*. Hinc non ad cultum modo Ro-
 mani Principis ſe dimiſit; ſed & ad obſequia ſubditi; Cæſarem pren-
 ſando, adulando, demerendo omni ſtudio, iis etiam obſequiis quæ
 infra dignitatem Principis ſunt. Auguſtus etiam Herodi pro imperio
 ſcripſit, *ſe illo uſum hætenus ut amico, uſurum poſt ut ſubdito*. Mirum
 itaque non eſt, ſub tali rege, qui in clientela Cæſaris erat, *ἀπογραφήν*
 œcumenicam actam quoque fuiſſe in Judæa. Vide *Spanhem. Dub.*
Evang. Part. II. Dub. VII.

XLIV. At notior eſt Herodis hiſtoria, quam ut proluxa a nobis XLIV. *Re-*
 commentatione enarrari debeat. Illud imprimis ad inſtitutum noſtrum *giæ* *Hie-*
 facit, quod dives opum, & magni animi Princeps, urbem *hieroso-*
lymam multis præclaris ædificiis auxerit atque ornaverit. Nam & ſi *exſtruxit*
 bi regiam in ſuperiore parte civitatis exſtruxit, inque ea duas ædes *mam.*
 maximas atque pulcherrimas, quibus ne templum quidem uſquam
 conferri poſſit; eaſque amicorum vocabulis unam CÆSAREAM, A-
 GRIPPIUM alteram nominavit. Regiam hanc, omni narratione præ-
 ſtantiorem, ſic delineat *Joſeph. de Bello Jud. Lib. vi. Cap. vi.* Non

poterat, inquit, magnificentia vel structura operis aliqua ex parte superari. Sed tota quidem muro per 30. cubitos edito cincta erat. *Aequalis autem distantia turribus ornatissimis ambiebatur, ornata virorum receptaculis, & cœnaculis rectorum centum capacibus. Inenarrabilis autem fuit marmorum varietas in ea, collectis ibi plurimis, quæ ubique rara videbantur, & fastigia simul proceritate trabium & ornamentorum claritudine mirabilia. Membrorum etiam multitudo, & innumera species ædificii, plenaque omnia suppellectilis, cum pleraque in singulis ex auro essent atque argento. Adhuc multa porticus, alia per aliam in circulum flexa, columnæque in singulis, & quæ inter eas sub dio patebant spacia, cum essent utique viridariis sylvisque variata, tum prolixas ambulationes habebant, altis euripis cinctas, cisternas ubique signorum æneorum plenas, quibus aqua effundebatur, multasque turres mansuetarum circum latices columbarum.*

XLV. Ar-
cem templo
aditam re-
novavit,
& Anto-
niam vo-
cavit.

XLV. Castellum etiam, templo a septentrione junctum, olim ab Hyrcano Macchabæo, in rupe quinquaginta cubitis alta, & undique abrupta, exstructum, & *Baris* dictum, Pontificum Asmonæorum sedem, ubi in cella, ei usui destinata, Pontificis stola adservabatur, largis opibus Herodes renovavit, & ANTONIAM vocavit, in honorem Antonii. Cujus arcis præstantiam usumque his verbis describit Josephus, eodem capite ad finem. *Ceterum Antonia in angulo quidem duarum porticum sita erat prioris templi, quæ ad occidentem septentrionemque spectarent, in saxo autem fuerat exstructa, quinquaginta cubitis alto, & undique prærupto: quod opus Herodis regis fuit, ubi maxime ingenii sui magnificentiam demonstravit. Primum enim a radicibus saxum ipsum levibus crustis obtegebatur, quo & decus adderet operi; & facile dilaberentur, qui vel ascendere vel descendere tentavissent. Deinde ante turris ædificium murus erat cubitorum trium. Intra hunc omne spacium Antonia in quadraginta cubitos erigebatur. Intus autem regie latitudinem ac descriptionem habebat, divisam in omnem usum habitationum & speciem, id est, atria, & balnea, & aulas castris aptissimas: ut quantum ad usum necessarium pertinet, civitas videretur, magnificentia vero palatium: instar vero turris toto habitu formata, quatuor aliis per angulos turribus cingebatur: quarum ceteræ quinquaginta cubitis erant altæ: quæ vero ad meridianum orientalemque angulum sita erat, septuaginta cubitis eminebat, ut ex ea totum templum videri posset. Quæ vero porticibus jungebatur, utrinque descensus habebat, unde custodes commeabant, semper namque in ea Romani milites residebant: & cum armis apppositi custodes, ne quid populus festis diebus novi committeret, observabant. castrum enim erat impositum oppido quidem templum, templo vero Antonia.*

Muros
etiam ur-
bis, quum
aliis modis,
cum tribus
insignibus
turribus
munivit.

**Porro
Theatrum
Hierosoly-
mis ex-
struxit. —**

naturæ miraculo, hæ modo inter se, modo cum damnatis hominibus committebantur: quæ peregrinis quidem spectatoribus plurimum admirationis simul atque delectationis adferebant, indigenis vero prorsus ad dissolutionem patriæ disciplinæ tendere videbantur: nihil enim magis impium existimabant, quam ex spectandis hominibus cum bestis comparatis voluptatem crudelem captare homines: absurdum æque, peregrinis artibus mutare instituta domestica. Parum sane absuit quin tanta innovatio exitium Herodi arcessiverit. Vide sis *Joseph. Antiq. xv: xi.*

XLVIII.

*Denique
immense
opulentiæ
templum.*

XLVIII. Taceo cætera opera, quæ per universam Judæam, magnifica sane, prorsusque admiranda, exstruxit; at tacere non possum augustum illud **TEMPLUM** quo ornavit *Hierosolymam*, octavo decimo regni sui anno: ratus, id quod res erat, fore illud ad sempiternam posteritatis memoriam celeberrimum. Convocata igitur populi concione monuit, Templo, quod majores e captivitate Babylonica postliminio reversi instauraverant, deesse ad priscam altitudinem LX cubitos: tanto enim celsius verus illud Salomonis ædificium: neque culpa majorum hoc accidisse, per quos non steterit quin par pristinæ illi structura surrexerit: sed mensuram hanc a Cyro & Dario præscriptam fuisse. Nunc quoniam Deo volente rerum ipse potiat, cui otium, pecunia prompta, magni reditus suppetant, &, quod maximum est, Romanorum, orbis dominorum, amicitia; operam se daturum, ut, quod majores, sub alieno nutu viventes, non satis accuraverunt, ipse suppleat, & quidquid superest, ad honorem Dei, memor acceptorum beneficiorum, grate ac pie persolvat. Hac tam inopina oratione attoniti sunt omnium animi, quod supra spem polliceri videbatur: verebanturque ne forte demolitus verus ædificium novum non posset absolvere. Quod ubi animadvertit Rex, bono eos animo esse iussit: mansurum enim verus templum integrum, tantisper dum omnis materia comparetur, quæ ad futuram fabricam necessaria sit. Neque fefellit fidem: omnibus enim rebus incredibili diligentia præparatis, admirandum exstruxit opus, quod ad priscam illam Salomonis amplitudinem & magnificentiam proxime accederet. *Εξ ὧν, inquit Josephus, De Bel. Jud. Lib. vii. Cap. x. πάντων ὧν ὁ ἱεὺς καὶ αὐτοὶ παραλάβανεν θαυμασιώτατον, κατασκευῆς τε ἵνα καὶ μνηθεὶς, ἔτι τῆς αὐτοῦ ἀκασῶ πολυτελείας. Opus omnium quæ audivimus aut vidimus maxime admirabile tam exstructionis genere quam magnitudinis, itemque munificentia in singulis rebus.* Eadem fere *Josephus Hebræus* habet: **לא נראה בנין כמותו בכל העולם כי כל נפלאות מאר ותשלים כל המלאכה ויבאו מכל ארץ רחוקה וקרובה לראות את הבית ואת המלך כי לא האמינו**
עד

: **לְהַבְנִיתָ לָנוּ תֵּיבָה** *Nunquam par huic adificium toto inventum terrarum orbe est. Omnia enim prorsus admiranda fuere; opusque omnibus numeris absolutum. Factus etiam confluxus advenarum ex propioribus & remotioribus regionibus est, ad videndum eadem, ac Regem adis structorem. Fidem enim narratio superabat. Qui autem viderant, obstupuerunt, & ne dimidiam quidem veritatis partem narratam sibi fassi sunt. Singula qui cognoscere avet, adeat Josephum Antiq. xv. xiv. & de Bello Jud. vi. vi. Adde Philonem Monarch. 11. & de Legatione ad Cajum. Tacitus Histor. v. Immense opulencia Templum dixit. Fertur autem toto illo tempore quo Templum struebatur nunquam interdiu pluuisse, noctu tantum imbris cadentibus, ne interromperetur ædificatio.*

XLIX. De hoc ego templo, quidquid alii de opere Zorobabe-
 lis se torqueant, intelligendum esse arbitror, quod Judæi Christo
 objecisse feruntur: Joh. 11: 20. *XLIX. Cui*
structuram
46 annis
continua-
ram adscri-
bunt Ju-
dæi Joh.
11: 20.
est templum hoc. Facile enim illum annorum numerum inveniri, ab
 eruditissimis interpretibus ostensum est. Cœpit Herodes Templi stru-
 cturam anno regni xviii. ac proinde annis ante mortem xvi. Nam
 a depulso Antigono regnavit annis xxxiv. Christus natus est sub fi-
 nem regni Herodis. Quum autem Christo ista dicerent Judæi, na-
 tus erat annos xxx. Contigit enim paullo post Christi baptismum,
 Paschate nimirum proxime illum infecuto. Itaque a primis ab He-
 rode jactis Templi fundamentis, usque ad tempus quo istud Christo
 objecerunt Judæi, fluxerunt anni xlvi. Scribit equidem Josephus,
 Herodem octo annis templi structuram absolvisse: planum tamen est,
 semper illi aliquid novi ornatus fuisse superadditum. Nam Agrippa
 demum Junioris tempore, lx circiter post Christum natum annis,
 absolutum fuisse Templi adificium, & tunc in otio fuisse octodecim fere op-
 ficum millia, solitorum hætenus in templo ex operarum mercede victum
 quærere, idem testatur Josephus Antiq. xx. viii. Hoc ergo dicunt
 Judæi: Jam ab annis quadraginta sex cœpta est Templi structura,
 necdum prorsus absoluta. Vide interpretes, & nominatim Ludovi-
 cum Capellum atque Lightfootum.

L. Sed & illud observandum, non esse hoc templum Herodis
 habendum pro templo prorsus novo, five tertio, quod a templo Zo-
 robabelis distinctum sit. Quamvis enim pro vero admittamus, quod
 Josephus adserit, Herodem, ut templum augeret, a fundamentis
 illud novavisse; tamen quum & materia usus sit veteri, & non to-
 tum simul diruerit, sed per partes quantum quoque tempore inno-
 vandum erat; recte templum hoc idem fuisse censetur quod structum

est a Zorobabele. Atque ita *Josephus* dicit, bis templum esse dirutum, semel a Chaldæis, iterum a Tito. Judæorum autem Magistri Titi excidium, templi secundi excidium vocant: & tempora quæ id excidium antecedunt, tempora secundi templi. Quod a nobis Christianis negligi non debet: quippe qui prædictum meminimus, quod ad Templum a Zorobabele exstructum venire debuerit Messias: atque isthac sua παρουσία καὶ ἐπιφάνεια efficere ut ædis istius gloria omnem gloriam ædis Salomonice multum exsuperet.

LI. Eximius ornatum fuit donariis.

LI. Interim non lapides solum & structuram Templi, sed & illius ἀναθήματα, sive donaria, mirabantur & prædicabant Christi discipuli. Luc. xxi: 5. Erat enim quasi commune ταμιεῖον depositis recipiendis. Rabbini structuram aliquam templi laudant, quam vocant גזוזן החרוזים *Gazophylacium propylæi*, quo aurum, argentum, cæteraque vasa pretiosa templi adservabantur. Præter hoc Gazophylacium triginta octo circa templum cubicula fuisse memorant, iisdem usibus destinata. De quibus *Constantinus l'Empereur ad Codic. Middoth. p. 47.* Confer notas *Carpzovii ad Schickardum de Jur. Reg. Cap. III. Theorem. xi. p. 212.* Præterea circa templum adfixa erant spolia Barbarica, quæ Herodes denuo dedicavit, additis etiam recentibus Arabicis. Inter donaria eminebat mensa aurea a Ptolomæo Philadelpho Ægypti Rege donata, quam cum apparatu suo prolixè describit *Josephus Antiq. xii: 11.*

LII. In quibus excelluit vitis aurea.

LII. At cætera omnia longe antecelluit vitis illa AUREA, quæ super templi portam fuit. De qua idem *Josephus Antiq. xv. xiv. Janua vero, pene ipsi templo par, & superliminare aulis variegatis ornabatur, floribus purpureis distinctis, & habentibus columnas intertextas, sub quarum capitibus vitis expandebatur aurea, dependentibus botryonibus, θαῦμα καὶ τὸ μέγεθος καὶ τῆς τέχνης τοῖς ἰδοῖσι, mirandum sane opus, tam magnitudinis quam artis pretio.* Alibi, de Bello Jud. Lib. vi. Cap. vi. vel xiv. Interior porta tota inaurata erat, & circum eam auratus paries; desuper autem habebat χρυσὰς ἀμπέλους ἀφ' ὧν βότρυες ἀνδρομήκεις κατεκρέμασσαν, aureas vites unde racemi homini longitudine non dispares pendebant. Atque uti vitis naturalis continua accretione grandescit, ita & hic factum. Nam שיתום מתנרב עלה או גרנר או אשכול מביא ותולה בו, Quicumque volebat sive folium, sive uvam, sive botrum, adducebat ea, suspendebatque ex hac vite. *Middoth. Cap. III. §. viii.* Vide quæ erudite congeffit *Seldenus, de Jur. Nat. & Gent. &c. Lib. II. Cap. vii.*

LIII. Templo adiacebat en-

LIII. Templo adiacebat, in atrio Israël, ad partem templi australem, CURIA SYNEDRII MAGNI, quæ לשכת הגזית conclave casti lapidis

lapidis dicebatur, eo quod lapidibus pretiosis, magnaue arte edo-
latis, stratum esset. Forma sua speciem Basilicæ Magnæ referebat, ria Synedrii Magni.
de qua R. Salomon Ben Virga in *Schebet Jehuda* sic loquitur : וש
בית נקרא לשכת חנויות ומי שלא ראה בניניה אמרו שלא ראה
: מקול בנין מבואר Quæ Gentius, in historia Judaica p. 362. lu-
xuriante stilo sic reddidit: *Hic famosissima, & toto terrarum orbe cele-*
bratissima fuit illa senatorum curia, quam Hebræi sua lingua LISCAT
HAGGAZITH appellare consueverunt: cujus ædificii tantus splendor, tan-
taque magnificentia fuit, ut totus terrarum orbis nihil ei simile aut secun-
dum habere videatur. Nimis hyperbolice. Conditor hujus conclavis
dicitur fuisse Simeon Ben Setach, qui fuit Vice-Præses Synedrii, quum
Juda Ben Thabbai Præses esset, sexta generatione post Ezram, re-
gnante Jannæo Hasmonæo. Pars hujus curiæ in fundo sacro, altera in
profano fuit. Hinc & duo ostia. Alterum a sacro latere, per quod
intrabat Princeps cum Assessores suis; alterum a latere profano, per
quod introducebatur reus. In parte profana erat confessus Judicum:
quia nemini licebat sedere in Atrio nisi Regibus ex familia Davidis.
Pars sacra, pavimenti altitudine distinguebatur a profana. Verum
hac de re alibi quoque diximus.

LIV. Quoniam de ædificiis & locis quibusdam insignibus quæ LIV. Mira-
Hierosolyma erant nunc agimus, omitti non debet mirabilis illa bilis pisci-
piscina, quam Johannes Evangelii sui Capite v: 2. his verbis laudat. na Bethes-
da, cur sic
dicta.
Ἔστι ἡ ἐν τοῖς Ἱεροσολύμοις ἐπὶ τῇ ἀροβατικῇ κολυμβήθρα, ἡ ἐπιλεγομένη Ἑβραϊ-
στὶ Βηθesda, πέντε ὁρὰς ἔχουσα. Est autem Hierosolymis ad pecuariam pisci-
na, quæ nominatur Hebraice Bethesda, quinque porticus habens, & quæ
sequuntur. Ad cujus pericopæ elucidationem operæ pretium erit
breviter expendere I. Nomen hujus loci. II. Situm. III. Usum. No-
men hic occurrit geminum, alterum Græcum, quod communius est,
κολυμβήθρα, alterum Hebraicum, quod speciale, & huic loco pro-
prium est, *Bethesda*. Vox Græca, respondens Hebraicæ *בֵּתְשַׁדָּה*, non
præcise piscinam notat, piscibus alendis gignendisque, sed quemvis
lacum sive stagnum, quodvis aquarum receptaculum; *conceptelam* in-
terpretatur *Frontinus*. Lacuna erat, locus in quo aqua colligebatur.
Bethesda (sic enim legendum, non *Betsaida*, ut in quibusdam codi-
cibus existat) quomodo Hebraicis characteribus scribendum sit, &
quid significet, variant interpretes. *Angelus Caninius*, cum aliis viris
erudit, nec abludente *Calvino* nostro, existimat scribendum *בֵּית אֲשֵׁרָה*,
domus effusionis: atque ita dictum esse hunc locum, vel a sanguine vi-
ctimarum ibi fuso; vel, quod probabilius, quia in piscinam eam ef-
fundebantur, & confluebant aquæ, sive pluviales, sive ductiles; vel
deni-

denique ob aquæductum illum cujus mentio est 2. Reg. xx: 20. & Neh. 111: 15. Verius tamen arbitror: Syrum interpretem genuinam vocis lectionem expressisse בית הדת, *domum gratiæ*, sive misericordiæ. *Domus* dicta fuit piscina, non solum quia Hebræi locum quemcumque eo nomine designare solent, quod *Gomarus* observavit; sed & quia ad piscinam hanc revera structum fuit ædificium aliquod, quinque porticibus constans, excipiendis ægris. *Domus* autem *gratiæ* & misericordiæ; non ob humanam solum beneficentiam, qua benigne fiebat miseris; sed præcipue ob Divinam illam gratiam, qua miraculose curabantur.

IV. Ubi

fita, & an supple vel *חורגן* regionem, vel *אגוראן* forum, vel, quod plerique maffueris pisci-
lunt, *פולחן* portam. De hac enim diserte legimus Neh. 111: 1. &
na *Siloam*. x11: 39.

LV. Situs piscinæ hujus erat ἐπὶ τῇ ἀροβανῇ, ad *pecnariam*, *fita, & an* supple vel *חורגן* regionem, vel *אגוראן* forum, vel, quod plerique maffueris pisci-
lunt, *פולחן* portam. De hac enim diserte legimus Neh. 111: 1. &
na *Siloam*. x11: 39. Crediturque sic dicta, quod per eam pecudes victimis dicatæ in urbem ducerentur. Portam hanc sitam fuisse versus meridiem rationibus aliquot contendit *Ligbifortus Herm. Evan. p. 532.* & in *disquisitione Chorographica præmissa Jobanni. C. p. v.* Putarque piscinam hanc eandem fuisse quam *Joseph. de Bel. Jud. Lib. v. Cap. x111.* vocat *Piscinam Salomonis*, cujus aquas deductas credit per canalem aliquem ad fontem *Siloam*, qui alias *Gihon* dicitur, & geminis rursus canalibus influebat in geminas piscinas; quarum altera dicebatur *superior*, altera *inferior* Jel. vi11: 3. 2. Reg. xv111: 17. Inferiorem piscinam *Siloam* dici existimat Joh. 1x: 7. Neh. 111: 15. quæ, ad occidentalem urbis plagam sita, huc deducta fuerit ab Ezechia. 2. Chron. xxx11: 30. Superiorem, esse piscinam *veterem*: Jel. xx11: 11. ab antiquo conditore, *Salomonis* nuncupatam. Huic autem aquæ indulgisse Deum mirificam sanandi virtutem, quod typus esset regni Davidis & Christi. Jel. vi11: 6. Unde David voluerit Salomonem ad *Siloam* imungi, aut ad *Gihon*, in signum continuandi ipsius regni; uti scaturigo hujus fontis perennis erat. Ob eandem causam ex hac aquarum conceptela aquas hauriebant & effundebant Judæi in festo Tabernaculorum, cantantes, *haurietis aquam cum gaudio ex fontibus salutis.* Jel. x11: 3. Quin etiam dicere audebant: רוח הקודש שומאני מן הים, *educere se inde Spiritum Sanctum.* Hinc concludit vir doctissimus, sapienti consilio placuisse Deo aquas has, quæ hætenus regnum Christi repræsentaverant, medica virtute donare: ut existimaret populus gloriam regni Davidici, per apparitionem Messiae, in propinquo esse, quum tam insolita miraue virtus Messiae ad omne genus morbos curandos, in aquis eam significantibus, conspiceretur. Quibus conjecturis quisque quantum vult tribuat; ego me solidiorem demonstrationem desiderare fateor.

LVI.

LVI. De usu piscinæ hujus aliquid jam delibavimus, nimirum **LVI. Ejsus**
 valuisse aquas illius ad curandos morbos. At pressius inquirendum. *vis curandi*
 I. Fueritne vis illa naturalis, an miraculosa. II. Quando cœperit. *miraculosa*
 III. Quî factum ut res tam memorabilis neque Josepho, neque alteri *fuit.*
 cuicunque, quantum constat, historico, si a Johanne Apostolo dis-
 cesseris, memorata sit. Primum quod attinet, multa sane concur-
 runt ne naturalis per aquam medicatio credatur. Primum, quod sta-
 to tempore fiebat: dein quod omnia morborum genera sanabantur:
 idque commota prius aqua, quum alioqui ad remedia quæri soleat
 ea quæ tranquilla est: & quidem commota per descendentem Ange-
 lum: denique quod in nemine vim istam aqua exfereret, nisi in eo
 qui primus post turbationem descenderat, reliquis frustra expectan-
 tibus.

LVII. Quæ quamvis evidentissima miraculosæ curationis argu- **LVII. Non**
 menta sint, non defuere in antiquis, neque defunt in recentioribus, *naturalis.*
 qui universam hujus medelæ rationem naturalibus causis imputant.
 De antiquis Theophylactus: ἔχον ὃ οἱ πολλοὶ ὑπόληψιν, ὅτι καὶ ἀπὸ μόνης
 τῆς πλύνεσθαι τὰ ἑννόδια τῶν ἱερῶν, δύναμιν τινὰ λαμβάνει θειοτέραν τὸ ὕδωρ.
Multi opinabantur, quod sola ablutione intestinorum sacrificium, virtu-
tem quandam Diviniorem acciperet aqua. Ex recentioribus prolixè at-
 que ex professo disputat Thomas Bartholinus, adversus illos, qui *Pis-*
cinae Probaticæ naturalē curandi morbos virtutem invident, & miracu-
lum urgent: in Tractatu cui titulum fecit, *Paralytici N. T. &c.* quem
 vide Fascic. v. p. 390. A Bartholino non abludit Hammondus, suis in
 hunc Johannis locum commentariis. Qui observat mirum non esse,
 si aquæ vim sanandi ex causa a Theophylacto allata habuerint, *quum*
aliquando ægri curentur immissi bestię recens eviscerata, vel involuti cute
ovis adhuc calente; vel applicatione membri vivi cuspisiam animalis. Præ-
 fertim autem tantam piscina hæc curandi vim eo tempore habere po-
 tuit, quando multa victimarum millia uno die interficiebantur, a-
 quamque suo sanguine ac visceribus tingebant, ut in festis, præci-
 pue Pachate. Quo referri potest illud κατὰ καιρὸν *stato tempore.* Tur-
 bationem aquæ eo pertinuisse credit, ut crassiores sanguinis concreti
 partes, quæ subsederant, e fundo educerentur, & aquæ melius misceren-
 tur. Unde contigit, ut nullam sanandi vim habuerit aqua, postquam
 desinente turbatione, sanguinis particula vel in vapores abierant, vel in
 fundo subsederant. Porro quod de Angelo turbante narratur, parum
 verisimiliter de Angelo Dei exponi arbitratur. Haut ægre credit fuisse
 officialem, vel servum, qui mittebatur a Sacerdotibus tempore opportuno,
 ad turbandam aquam: qui quum esset nuncius præmissus, veluti ad agros

monendos, ut se sequerentur, dici potuit ἄγγελος, non angelus, sed nuncius. Quod vero primus duntaxat in aquam ingrediens æger sanaretur, fingit potuisse procedere ex nescio quo situ & dispositione loci, qui forsan propter angustiam unum duntaxat hominem caperet. Verum paradoxa illa, &c, si quod res est dicere liceat, profana ratiocinatio, neque cum *historia* Antiquitatum Judaicarum convenit, neque cum *rationibus Physicis ac Medicis*, neque cum *Evangelio*. Si aliis olim ignorare licuit, Hammondo certe in tanta literarum luce non licuit, plane ab Hebræorum institutis abhorreere ut extra victimarum extra templum lavarentur. Quod *Lightfooti* nunc quam meis verbis ostendere malo: qui, facile, inquit, ex *Scriptura* probare quis poterit, intestina fuisse in Templo lota, neque unquam inde educta. Et ipsi *Talmudista* locum ad hunc ipsum usum deputatum ostendunt, dictum כַּסְתִּי חֲמִידִי Cubiculum lavatorium, ubi prima deterfio: mensæque erant marmorea in area, ubi secunda deterfio instituebatur. Quod & *Antonius Nabrisensis* ex 2. Chron. IV: 6. jam olim observaverat *quingagenorum* Cap. v. Atque hac sola ratione totus iste prodigiosus Hammondi discursus destruitur. Sed *Physici & Medici* præterea viderint, an ex mactatarum pecudum extis tam medicata vis aquæ conciliari queat. Nam quæ ut similia ab Hammondo laudantur prorsus dissimilia sunt; neque omnibus morbis curandis idonea, quantumvis in suo genere, ad certam quandam ægritudinis speciem pellendam, valida censeantur. Tum si aquæ ea vis ex victimis inest, quid obstat cur non perpetua fuerit? Tantumne etiam turbatio aquæ medicatæ valet, ut turbata efficiat facile, quod tranquilla nullo pacto potest? Tum si turbari ad eum modum potuit a nescio quo officiali; quæ dementia, quæ impietas exagitavit templi præfectos, ut non, quotiescunque lauta fuerunt victimarum intestina, mox officialem istum suum miserint, ad salubrem istam aquæ turbationem, in miserorum solatium, procurandam? Denique quæ naturalis causa fingi potest, cur is solum qui primus post turbationem ingressus fuerat curaretur? Si enim mox subsideret aqua, quid impedivit bonum istum officialem ne iterum eam moveret: Si tanta fuerit loci illius angustia, ut non nisi unum simul caperet hominem, qui fieri potuit, ut tot millenarum pecudum viscera, eodem tempore, eodemque loco lavarentur? Apage ergo istas insanientis sapientiæ ineptias, viro prudente atque homine Christiano prorsus indignas: & quæ non nisi ad Evangeliorum ludibrium confictæ esse videntur.

LVIII.

A quo tempore vis illa

LVIII. A quo tempore tam portentifica vis aquæ huic adfuerit, sacris paginis silentibus, audacia mera esset determinare. An ab ex-
structione

structione Portæ Probaticæ per *Eliaſchibum* ; an ab extinctione familiæ *Asmonææ* ; an a reedificatione Templi per Herodem ; an a nati-^{aqua huic} vitate Christi : quis dixerit ? *Lightfootus* aliquid conjectat de terræ^{adſueris,} motu, quo concidit fortassis turris in Siloamo Luc. xiiii: 4. Et quid, inquit, si tum primus descensus Angeli in hanc piscinam Siloami ? ut Mat. xxviii: 2. Erat terra motus magnus : nam Angelus Domini descendit. Incerta omnia. Credibile tamen est, ob veterum omnium silentium, non diu ante Christi ~~ἐπιφάνειαν~~ virtute ista piscinam hanc donatam fuisse.

LIX. De qua re non inutile erit probabiliter & pie differentem audire *Gomarus*. *Occasio*, inquit, miraculi fuit miserrimus populi ^{LIX.} *Judaici* status, quo, post variam sub exteris regibus servitutem, tandem Ro-^{Gomarus} manorum dominio subiecti sunt : unde periculum erat, ne animi eorum, ^{laudamus,} calamitatum nebulis obscurati, de promisso Messia adventu diffiderent, & a Deo se omnino desertos existimarent. Quare quum opus haberent in his malis Dei consolatione, ut ea confirmati redemptionem spiritualem per Mes- sian patienter expectarent ; in eam finem Deus duplex extraordinarium remedium & beneficium Judæis consulit. Quorum primum fuit, Prophe- tia jam longo tempore desiderata restitutio : alterum miraculum sanationis agrorum quorumvis in aqua piscina Bethesda : quo Deus reipsa peculiarem suam erga Judæorum populum misericordiam demonstravit ; ut eorum in Christum fidem & spem confirmaret, & adversus præsentis miseriæ calami- tates consolaretur. Disquirat deinceps, an miraculosa hæc sanatio ex Dei voluntate atque ordinatione typus quidam propheticus fuerit spi- ritualem a peccatis sanationem adumbrans. Quod quidem probabile esse fatetur, tum quia Christus in re non absimili id videtur innuere. Joh. ix: 7. tum quia sanatio morborum corporis proponitur ut argumentum & typus medelæ spiritualis : Mat. viii: 17. tum denique, quia Zach. xiiii: 1. promittitur simili emblemate fons apertus domui Davidis & habitatoribus *Hierosolymæ* pro peccato, &c. Verumtamen quia iste finis de hac sanatione in Bethesda speciatim ex scriptura probari non potest ; tutius putat in sola historia acquiescere ; & a typis Di- vinis temere fingendis abstinere. In quo & ego acquiesco.

LX. Mirum enimvero est, neque a Talmudicis scriptoribus, qui LX. ^{quum fides} in prodigiis suæ gentis prædicandis pene nimii sunt, nullam hujus ^{ob Josephi} miraculosæ curationis factam esse mentionem. Sed non est hæc una ^{aliorumque} res ex earum genere quas Evangelistis narratas auctores cæteri silentio ^{silentium} præterierunt. Similia exempla a doctis observata sunt in ^{ἀπορρηγνύειν} illa Augusti sub qua natus est Dominus ; in stella quæ Magis appa- ^{hannis in} ruit, nativitatibus istius indice, in infanticidio Bethlemitico, aliisque ^{dubium ve-} care, quorum aut nulla plane, aut obscura admodum vestigia, in aliis qui-

buscunque scriptoribus exstant. Non tamen exinde præjudicium aliquod sacræ creari debet historiæ : quam nos Christiani novimus esse *θεσπιμωσον*, & eo ipso *αὐτοπισον*; adeoque talem, quam nec exotica testimonia juvent, si adsint, nec lædant, si absint. Sufficit ad fidem, sacris scriptoribus aliquid dictum, etsi indictum cæteris omnibus. Innumera alia scriptoribus aliis præterita sunt, de quorum tamen fide non dubitatur, modo ab uno ex illis relata fuerint. Nec solent committi scriptores vel Græci vel Romani in iis quæ quisque peculiariter habet; quin potius illa aliis vel incognita, vel per incuriam prætermissa, censentur. Cur non eadem æquitatem utemur erga scriptorem sacrum; cujus fides & *αὐθεντία* tot indiciis comperta? An credibile est adeo stupidum fuisse Johannem, vel adeo famæ suæ prodigum, ut in re sui temporis, omnibusque popularibus suis nota atque comperta, citra rationem ullam probabilem, tam impudenter mentiri animum induxerit? Atque hæc quidem nobis de ædificiis ac locis, quæ maxime notabilia *Hierosolymis* fuere, dicta sunt.

LXI. *Regimen Hierosolymæ sub Archelao: quo remoto Judæa in provinciam redacta, & Syria adtributa est.* LXI. Persequamur nunc historiam: attendentes quis mortuo Herode rerum status, & quale regimen *Hierosolymæ* fuerit. Herodes moriturus regnum inter filios & *Salome* sororem testamento dividit. *Antipam*, quem prioribus tabulis regni successorem destinaverat, *Galilææ* ac *Perææ* Tetrarcham constituit: Regnum vero *Archelao* largitur. *Trachoniticam*, *Gauloniticam*, *Bataneam*, & *Paneada* regiones, Tetrarchiæ nomine adsignavit *Philippo*. *Jammiam*, *Azotum* & *Phasaelida* *Salome* sorori suæ adtribuit. Ipse autem caverat, non aliter ratum fore testamentum suum quam accedente consensu Cæsaris. *Archelaus* interim mortuo patre, quamvis initio a regio titulo abstineret, diadema ab exercitu oblatum detrectans, & votorum modestiam professus: mox tamen supremam potestatem invadit; *Judæos* tumultuantes immisso milite compefcit, & Romam navigat cum amicis, occupandæ Cæsaris gratiæ, & firmandæ potestati. *Antipas*, prioribus tabulis regni hæres scriptus, idem molitur cum suis. Lite contestata coram Augusto, *Archelaus* genua Cæsaris advolvi, & dignitatem gestu potius quam verbis petere. Cæsar *Archelao* erecto eum regno dignissimum esse pronunciat, addit, tabulas paternas & commoda *Archelai* sibi curæ fore, sed sententiam differt. *Judæi* interim oratores suos Romam mittunt, *Herodis* tyrannidem, *Archelai* sævitiam ingerunt, Regem deprecantur. Cæsar tandem re secum deliberata *Archelaum* non Regem constituit, sed *Εθνάρχην*, tributa ei dimidia parte ditionis quæ *Herodis* olim fuerat, nimirum *Idumæa*, *Judæa*, & regione *Samaritica*, regiam pollicitus dignitatem *ἑταρ τῶν* *αὐτῶν*

εἰς αὐτὴν ἀγερτὴν προσέγορτο. Verum quum ob tyrannidem suam, & quod, *Mariamne* uxore repudiata, cum *Alexandri* fratris uxore *Gla-phyra*, neglecta lege, connubium contraxerat, omnibus se exosum reddidisset, accusatus a Proceribus Judæorum, decimo principatus sui anno, omni dignitate omnique pecunia multatus, & a Cæsare *Vien-nam* in Galliis relegatus est. Atque ab eo tempore Judæa in provin-ciam redacta, & Syriæ attributa fuit, facta *προσθήκη τῆς Συρίας*, *προσ-μεμεινέντα τῇ Σύρων χώρα*. concessa tamen genti *αὐτονομία* in religione & jurisdictione inferiore: quæ erat penes Synedrium.

LXII. In hac rerum mutatione existimarunt Viri eruditissimi se LXII. In certissimum characterem deprehendere temporis quo natum oportuit esse Messiam. Primus, quod sciam, id observavit *Cloppenburgius*, qua muta-tione Viri sæpe a nobis, nec sine laude dictus: qui in *Disput. de Prom. ventur. docti obser-Mess. S. xiiii.* in hæc verba loquitur: *Prophetavit Esaias Cap. vii: 8.* vant cha-racterem *non fore Syriæ nec Samariæ contributam Judæam, ne quidem Achazi nepo-tum tempore; nec ante domui Davidis hoc eventurum ut regio ipsorum esset Chronicum* *προσθήκη τῆς Συρίας*, donec Immanuel conciperet & pareret Virgo. *nati Messia.* Quem characterem Chronologicum signatum fuisse illo oraculo, fidem facit concertatio historiarum *Josephi Antiq. Lib. xvii. Cap. xii. & xv. & Lib. xviii. Cap. i.* cum notatione illa *Lucæ Evangelistæ ad historiam nativitatis Christi. Luc. ii: 2.* Eadem & alibi inculcat vir doctissimus. Ex Cloppenburgio id sumit *Coccejus*, & frequenter in scriptis suis repe-tit. Ad *Jes. vii: 8.* hæc habet: *Exclusive loquitur. Damascus erit tantum caput & metropolis Syriæ, & non etiam Judææ.* HÆC VERI-TAS SE PORRIGIT USQUE AD ILLUD TEMPUS, QUO JUDÆA SY-RIÆ CONTRIBUTA EST, redacta in formulam provincie a Cæsare Au-gusto, annuente desideriis Judæorum fastidientium regnum Herodiadarum. Nam ante hoc tempus Damascus non fuit caput Judææ. Nam vel sui re-ges tenuerunt Judæam, vel Babylonii, vel Persæ, vel Seleucidæ, qui An-tiochia habitabant, vel denique liberi fuerunt Judæi. Tum autem ESSE COEPERUNT SUB PRÆSIDIBUS ROMANORUM, QUI DAMASCI HABITABANT. Non igitur simpliciter hæc prophetia accipienda est, sed in præsens ac futurum tempus, usque dum impleretur signum, quod ponitur *vers. 14.* hoc est, dum nasceretur Christus. Adde *Mommam*, qui clarissimis verbis sententiam hanc exponit. *Oecon. T. ii. Cap. iv. S. 118.* Nec sine causa notavit *Lucas* factam descriptionem hanc antequam *Cyrenius* Syriæ Præses esset: (sic verba *Lucæ* interpretantur) ita enim approbatur veritas vaticinii *Es. Cap. vii. de Immanuele nascituro; us-que quo Damascus debebat caput Syriæ esse tantum, non Judææ.* *Cyrenio autem præside facto, Judæa Syriæ προσθήκη facta est.* Et Damascus ab illo existit

existit tempore CAPUT ET METROPOLIS, ET SYRIÆ TOTIUS, QUOD SEMPER FUERAT; ET JUDÆÆ TOTIUS; QUOD NON FUERAT; *nec esse debuerat, antequam natus apparuisset Immanuel: certissimo argumento, jam datum esse promissum illud signum, Virgo concipiet &c.* Postquam hæc interpretatio semel Celeberrimo Coccejo allubuit; mox ingentem nacta est sequacium turbam, *ἀπαρτίως*, ut fieri solet, magistri sententiam arripientium. Neque diffiteor me quoque eandem, bona fide acceptam, aliis olim tradidisse. Donec ex familiari colloquio solidissimi Theologi, & amicissimi mihi capitis, JOHANNIS A MARCK, occasio data est totam hanc rem accuratius examinandi. Ab eo tempore edita est Doctissimi istius viri Exercitatio, qua prolixè de ea materia differitur.

LXIII.
At minus
solide.

LXIII. Et profecto rem exaëte perpendenti facile patebit, neque Jesaiam dicere quod sibi sumunt viri docti; neque quæ ipsi dicunt veritati historiæ esse consona. Non dicit propheta, Damascus caput Syriæ fore usque ad natum Immanuelem, non magis quam, Retzin ad illud usque tempus fore caput Damasci: hæ enim duæ enunciationes ita junguntur, ut una ab altera divelli non debeat; multo minus dicit propheta, post natum Immanuelem Damascus fore caput Judææ. Sed solummodo dicit, non esse futurum, ut Damascus cum suo rege Retzin, potiatur Judæa, uti metuebat Achazus: sed futurum, ut Damascus Syriæ metropolis aliquamdiu maneat, Judææ autem metropolis non fiat; & Retzin Damasci regnet, non *Hierosolyma*. Ad cujus promissionis confirmationem deinceps adjicitur signum de partu Virginis. Porro non convenit cum historia, neque cum prophetiis, quod Damascus caput Syriæ fuerit, usque ad datum Immanuelem. Nam *Tiglatpileser* eam urbem occupavit, occisoque Retzin incolas abduxit in Kir. 2. Reg. xvi: 9. secundum vaticinia JES. viii: 4. xvii: 1, 3. Am. i: 3, 4, 5. Deinceps quidem restituta fuit, sed iterum occupata ab *Alexandro Magno*. Sub *Seleuco Nicaore* & infecutis regibus Syriæ, omnis Damasci gloria transiit fere in *Antiochiam*. Si quid adhuc dominii superfuisset Damasco in Syriam, id, *Tigrane* devicto, atque urbe armis victricibus *Pompeji* per *Lollium* & *Metellum* capta, *Romanis* cessit. Quorum præsidēs *Antiochia*, non *Damasci*, sedem suam plerumque habuerunt. Porro nec hoc verum est, Judæam non fuisse sub dominio Syriæ ante natum Messiam. Si enim Damascus totius Syriæ caput fuisset, oportet eandem caput fuisse Judææ, quo tempore Seleucidæ Syrorum reges Judæorum domini erant, eosque durissime premebant. Denique nec illud certum est, *Damascum* caput *Judææ* factum esse post natum Christum, quando Judæa Syriæ fuit adtributa. Nam eo tempore *Rome* potius

potius quam *Damascus* imperium in Judæam habuit. Præsides Syriæ, a Romanis missi, non *Damasci*, sed *Antiochia* degebant, quam SYRIÆ CAPUT *Tacitus* vocat. *Histor.* II. LXXIX. Damascus autem sub Rege *Arabia Aræta* fuit, 2. Cor. XI: 32. Accedit quod Judæa post relegatum Archelaum, suos habuerit præsides, non a Præsilibus Syriæ, sed & ab ipsis Imperatoribus plerumque missos; quorum mox texemus catalogum. Quæ omnia efficiunt, ut istam interpretationem *Jesæ*, observationemque Characteris Chronici, magno hodie consensu receptam, pro minus solida habeamus. Monitosque juniores velim, ne rei non satis exploratæ, tanquam eximiæ & singulariter eruditæ, traditione plebis Christianæ aures obtundere pergant.

LXIV. Relegato itaque Archelao Judæa sub Procuratoribus vel LXIV. Præsilibus Romanis fuit: qui hoc ordine numerantur. I. COPONIUS, *Pulso Archelao Judæa sub* a *Quirino* Syriæ Prætor, Procurator Judææ, Archelao relegato, constitutus. Sub quo Samaritani templum noctu clanculum ingressi sparsis ossibus illud profanarunt. II. MARCUS AMBIVIVS. III. ANNIUS RUFUS, quo præsidente Augustus fato functus est. IV. VALERIUS GRABATUS, a Tiberio missus, qui præsivit annis XI. V. PONTIUS PILATUS, *ὁ δὲ ἑνὶ διατελευτῇ τῆς Ἰουδαίας, qui decennium in Judæa egit, & cujus notissima est historia.* VI. MARCELLUS a VITELLIO Syriæ præfecto missus; qui quum esset in itinere Tiberius vita excessit. VII. MARULLUS missus anno Caligulæ primo, quum Petronius, Vitellio in Syria successurus, Prætor Roma abiret.

LXV. Sub *Cajo Caligula* Imperatore ingens rerum mutatio in Judæa facta est. Is enim HERODI AGRIPPÆ eximie favens, protinus eum regno avito donavit. Erat iste Agrippa *Herodis Magni* ex Aristobulo nepos; distinguendus ab *Herode Antipa*, patruo suo, qui Johannem decollavit & Christo illudit. Patre orbatus, juvenis oppido, ab Herode avo Romam missus fuit. Ubi convictum nactus est Drusi, qui filius erat Tiberii Imperatoris, & amicitiam Antoniae, Drusi majoris conjugis, apud quam *Bernice*, Herodis Agrippæ mater in pretio erat. Antoniae multis beneficiis devinctus Herodes, nepotem ejus *Cajum Caligulam* colere cœpit. In cujus intimam receptus amicitiam, dum una cum ipso curru vehebatur, Deum precatus est, ut *Tiberio* brevi e vivis sublato, orbis principatus ad Cajum, eo digniorem, devolveretur. Hæc verba quum Eutychius auriga, libertus Herodis, Tiberio renunciasset, Agrippa in carcerem conjectus, sex mensium custodia, ad Tiberii mortem, detentus fuit. Cajus autem, Tiberii successor non modo carcere eum liberavit, sed & catena aurea donavit, quæ pondere par erat ferreæ isti qua ligari ipsum Tiberius jussit;

jusserat: immo & imposito capiti ejus diademate, Tetrarchiæ, quæ Philippi fuerat, Regem constituit, adjuncta Lyfaniæ quoque Tetrarchia. *Joseph. Antiq. Lib. xviii. viii.* Sudes hæc in oculis fuerunt forori ipsius *Herodidi*, quæ, invidiæ oestro percita, *Herodem Tetrarcham*, maritum suum, ad similem dignitatem ambiendam quotidianis hortatibus animabat: & cum ipso, spe Regii nominis potiundi, Romam profecta est. Id ubi rescivit Agrippa, scriptis ad Cajum literis accusat Herodem quod Artabano Partho faveret, tantumque sibi collegisset armorum quantum instruendis virorum septuaginta milibus sufficeret. Qua accusatione commotus Cajus, Herodem quidem perpetuo in Gallias apud Lugdunum exilio multavit, ademtamque ei Tetrarchiam Agrippæ regno adjecit. Cæterum non diu fuit quin Cajus, fortunam insolenter ferens, Divinis se honoribus coli postulaverit, statuatque suam in templo *Hierosolymitano* jusserit collocari. Attamen Agrippæ Regis precibus flexus, & officiosa ejus *deprecatio* delinitus, tantum veteri amico dedit, ne statuæ fieret dedicatio. *Joseph. Antiq. xviii. xi.*

LXVI.
Quod confirmavit
auxisque
Claudius:
vulgato
etiam notabili
in favorem
Judæicæ nationis
edicto.

LXVI. Interim Cajo trucidato a Cassio Chærea, cohortis prætoriæ tribuno, in Imperio succedit *Claudius*, qui Agrippam in regno confirmat, addita ipsi Judæa & Samaria; quod olim ad Herodis, avi ipsius, regnum pertinuissent. Agrippa filiam suam *Bernicem Herodi* fratri collocavit, impetrato ipsi regno *Chalcidis* a Claudio. Idem *Claudius* Judæorum genti, sub Cajo Caligula vehementer oppressæ, suis rursus moribus vivere permisit; edicto per orbem Romanum vulgato, quod his conceptum verbis exhibet *Joseph. Antiq. xix. iv.* *Tiberius Claudius Cæsar Augustus, Germanicus, Pont. Max. trib. pot. Coss. designatus II. edicit. Petentibus a me Agrippa & Herode Regibus mihi amicissimis, ut permitterem Judæis in imperio nostro degentibus uti suo jure quemadmodum antea, sicut & Alexandriam habitantibus concessimus: libenter precibus eorum annuimus, non deprecatorum tantum causa, sed quia ipsos dignos judicamus hoc nostro beneficio, propter servatam populo Romano fidem & amicitiam. Equissimum igitur censeo, nullam ne Græcam quidem urbem negare illis jus suum, quandoquidem & sub D. Augusti principatu conservatum eis fuit integrum: licebitque in posterum Judæis per totum nostrum imperium sparsim habitantibus uti majorum suorum moribus, quos jam nunc moneo, ut hac nostra gratia contenti modestius se gerant, neque conspuant religiones externarum gentium: suis autem suo arbitratu vivant legibus. Atque hoc meum edictum civitatibus, coloniis, & municipiis Italicis ac provincialibus per magistratus publicari volo, ad Reges quoque atque Dynastas transmitti, non minus triginta continuis diebus ita proponendum, ut ab omnibus humi stantibus possit perlegi.* **LXVII.**

LXVII. Herodes igitur Agrippa, tanta dignitate auctus, ut LXVII. primum *Hierosolymam* venit, votiva sacrificia persolvit, & catenam *Agrippa* auream, a Cajo donatam, pondere parem illi ferreæ, quâ, jubente *Acta, indolens, & mors memorabilis.* Tiberio, victus olim fuerat, monumentum adversæ fortunæ mutatae in prosperam, supra gazophylacium in sacrario suspendit. Porro conversus ad *Hierosolymæ* curam inter prima regni negotia habuit, muros novæ quæ vocatur civitatis permunire, & latiores altioresque reddere. Et fecisset adversus omnem vim humanam inexpugnabilem, ni Marfus, Syriæ Præses, Claudio Cæsari significasset eam rem per litteras: qui suspicatus Judæos molituros aliquid novi, Agrippam a munienda urbe desistere iussit. Laudat hunc Agrippam *Josephus* uti mitissimo præditum ingenio, in externos omnes ex æquo beneficum, in suæ gentis homines benignum, institutorum ac rituum patriæ observatorem religiosissimum, cui nulla dies absque sacrificio præteriret. Et hac superstitione & Judæis placendi studio factum est ut Jacobum fratrem Johannis gladio interemerit, idem in Petrum ausurus. At non diuturna ipsi regni *Hierosolymitani* usura contigit: tertio enim quo totius Judææ regnum tenuerat, septimo a quo cœperat regnare, anno memorabilem in modum exanimatus est: uti omnes novimus ex *Act. xii. Josephus* sic narrat *Antiq. xix. vii.* Jamque tertium Judææ totius regni annum exegerat, cum pervenit in urbem Cæsaream, quæ prius Stratonis turris dicta est: ubi solennes ludos celebravit pro salute Cæsaris: ad quam festivitatem magna multitudo nobilium ac procerum convenerat ex tota provincia. Ejus celebritatis die secunda processit mane in theatrum, amictus veste tota ex argento mirabili opere contexta, quæ radiis exorientis solis perculsa, & divinum quendam fulgorem emittens, venerationem cum horrore excutiebat spectantibus. Moxque adulatores perniciosi alius aliunde atclamantes Deum consalutabant, rogantes ut faveret propitius. Hactenus enim ut hominem reveritos, nunc agnoscere & fateri in eo quiddam mortali natura excellentius. Hanc impius adulationem ille nec castigavit, nec repulit: paulloque post suspiciens, vidit supra caput suum bubonem funi extento insidentem: moxque ut sensit hunc esse calamitatis nuncium, qui olim felicitatis fuerat, ex intimis præcordiis indoluit. Secuta sunt ventris tormina, statim a principio vehementia. Conversis igitur in amicos oculis: *En, inquit, ego ille vestra appellatione Deus vitam relinquere jubeor, fatali necessitate coarguente vestrum mendacium: & quem immortalem salutastis, ad mortem rapior. Sed ferenda est voluntas celestis numinis. Neque enim male viximus, imo tanta felicitate, ut omnes me beatum prædicent.* Hæc locutus crescente dolore

dolore discruciabatur; propere igitur relato in regiam rumor sparsus est brevi esse moriturum; quamobrem confestim totus populus una cum uxoribus atque liberis saccum indutus more patrio, supplicabat Deo pro salute regis, omnia miscens lamentis & ejulatibus. Rex autem in celliorem decumbens cubiculo, & in faciem stratos humi prospiciens, non temperabat sibi a lacrymis. Cruciatu deinde per continuos quinque dies nihil se remittente confectus vitam finiit, annum natus quartum supra quinquagesimum. Postquam autem cognitum est excessisse Agrippam, Cæsarienses & Sebasteni beneficiorum ejus obliti, pessimam ei retulerunt gratiam, convicia non dicenda jactantes in defunctum. Militum quoque vulgus qui tum forte aderant, protractas e palatio filiarum statuas unanimiter detulerunt in lupanaria, eisque ut poterant illudebant, modis quos turpe sit eloqui: instructisque per loca publica epulis convivia celebrabant coronis redimitti & delibuti unguentis, libantes interim Charonti, & sibi invicem propinantes præ gaudio, quod ex obitu Regis conceperant.

LXVIII.
Præterito
Agrippæ
junioris,
defuncti
filio, Cuspi-
um Fadum
Judææ Pro-
curatorem
VIII faci-
Claudius.

LXVIII. Filius porro defuncti, qui & ipse Agrippa dicebatur, Romæ erat eo tempore, educabaturque apud Claudium Cæsarem. Qui audito Agrippæ obitu, & contumeliis quibus eum Cæsarienses ac Sebasteni post mortem affecerant, illius quidem causa indoluit, ingratis autem populis vehementer iratus est. Confestim igitur voluit successorem paterni regni Agrippam juniorem mittere, simul ut iurijurando satisfaceret. Sed liberti & amici qui multum apud eum poterant dissuasere, negantes tutum, admodum adolescenti, & vix dum egresso pueritiam, tantum regnum committere; cui administrando sit impar, quodque etiam viriles gravare possit humeros. Cumque visi essent æquum dicere, Cæsar præsidem Judææ totiusque regni misit *Cuspium Fadum*: defuncto hoc honoris tribuens, ne Marsum inimicum in regnum ejus induceret. Hic *VIII* Procurator, Judæam a latrociniiis purgavit, *Tibendam* præstigiatores, qui se verbo Jordanem scissurum pollicitus fuerat, immixtis in multitudinem, cui imposuerat, turmis, compescuit. *Joseph. Antiq. xx. 11.* Ejus tempore *Helena Adiabænarum* regina, & *Izates* ejus filius religionem Judæorum amplexi sunt, quorum pulcherrimam historiam apud *Josephum* vide. *Herodes* etiam *Chalcidis* rex, Agrippæ majoris frater, eodem tempore impetravit a Claudio potestatem in templum & sacrum ærarium, jusque eligendorum summorum Pontificum.

LXIX. Fa-
do successit
Tiberius A-
lexander,

LXIX. Fado successit *IX* Procurator, *TIBERIUS ALEXANDER*, ejus Alexandri filius, qui Alabarchæ magistratum gessit Alexandriæ, frater celeberrimi illius Philonis; natione Judæus, sed religionis pa-
triæ

triæ defertor. Hujus tempore magna illa fames Judæam tenuit, quam *Rhiloni Ju-*
Agabus prædixerat. Act. xi: 28. *dai frater.*

LXX. Tiberio Alexandro suffectus est Procurator X, CUMA-LXX. Huic
NUS VENTIDIUS. Sub quo unius militis impudentia magnam intu-
lit Judæis cladem: nam quarta die Paschatis nudata populo genita-
lia ostendens, ingenti seditioni materiem præbuit: quam sedaturus *Cumanus*
Cumanus jubet totum exercitum cum armis convenire in Antoniam, *dai uno su-*
arcem templo imminentem. Unde territa multitudo coepit magno *multis Hier-*
impetu fugere: & quum angusti essent viarum exitus, ita se invicem *rosolymis*
inter fugiendum conculcabant, ut viginti Judæorum millia eo tumultu *perierunt.*
desiderata sint. Tandem quum Samaritani Galilæos, per dies fe-
stos *Hierosolymam* contendentes, latrociniis vexassent, & Judæi ad
arma pro Galilæis concurrissent, caussaque Romæ cognosceretur, Cu-
manus, qui Samaritanorum partes defenderat, a Claudio damnatus,
& exilio multatus est.

LXXI. Substitutus vero ei CLAUDIUS FELIX, quem *Antoniam* LXXI.
Felicem vocat Tacitus, Pallantis liberti, qui apud Claudium omnia *Eum secu-*
poterat, frater, xi Judææ Procurator. Huic nupsit *Drusilla*, nep-
tis Antonii & Cleopatæ, filia, uti credibile est, Jubæ Regis & Cleo-
patæ junioris: mox & altera Drusilla, filia Agrippæ majoris, Agrip-
pæ minoris soror, scemina pulcherrima, sed libidinossima, quæ *luis Junio-*
reliquerat maritum *Azizum* regem *Emesenorum*, conculcata religione *ris Agrippa*
patria. Drusillas enim duas habuisse Felicem necesse est: nam quæ *in Judæa*
neptis Antonii & Cleopatæ fuit, soror Agrippæ minoris esse non *antiorisq.*
potuit. *Suetonius in Claud. cap. xxviii. trium reginarum maritum vo-*
cat. Hic est ille Felix, hæc illa Drusilla, qui Pauli causam audie-
runt. Act. xxiv: 24. Ejus tempore Claudius *Agrippam Juniorem* do-
navit Tetrarchia *Philippi*, cum *Batanaea*, *Trachonitide* & *Abylene*, quæ
fuerat *Lysania*. *Chalcidem* vero, cujus ab Herodis, patru sui, obitu,
jam quadriennium Dynasta fuerat, ei abstulit. Nero præterea adjecit
partem *Galilææ* cum *Tiberiade*, *Tarichea* & *Juliade* trans Jordanem,
relicta ei eadem potestate in templum summosque pontifices, quam
Herodes patruus olim habuerat. Felix autem quum a Judæis in ju-
dicium vocaretur coram Nerone, Pallantis fratris precibus servatus,
successorem nactus est PORTIUM FESTUM, XII. Procuratorem.

LXXII. Sub ejus præsidio Agrippa rex exstruxit insigni ampli-LXXII.
tudine domum prope porticum, in regia *Hierosolymitana* quæ Af-
monæorum fuerat, sitam in edito loco, unde amœnissimus prospectus *ator Por-*
patebat contemplari urbem volentibus: cujus voluptatis rex cupidus *sius Festus*
e cubiculo spectabat quicquid circa templum fieret. Id ubi viderunt *præfide A-*

domum,
unde pro-
spectus in
Templum
esset, stru-
xit Hiero-
solymæ.

Hierosolymitani procures, tulerunt indignissime. Neque enim leges Judæorum concedunt spectari quid agatur in templo, præsertim sacrificia. Quamobrem altum parietem excitaverunt supra exedram, quæ erat in interiore templo versa ad solem occidentum. Hæc non solum regii triclinii prospectum arcebat: verum etiam occidentalis extra templum sitæ porticus, ubi festis diebus Romani stationes habebant ad templi custodiam; quo facto tam rex offensus est, quam Festus, præfes provinciae. Qui etiam iussit parietem dirui. Cives autem rogaverunt, ut liceret sibi legatos ea de re ad Neronem mittere, negantes se posse vivere, si quid demoliretur de templi ædificiis. Quo impetrato miserunt ad Imperatorem decem cives eximios, & Ismaëlem summum pontificem, & Chelciam custodem sacri ærarii. Nero audita legatione non solum ignovit, sed permisit etiam sic manere parietem, gratificatus in hoc uxori suæ Poppææ, quam *pia femina* elogio commendat Josephus, Tacitus *Principale scortum* dixit, cui cuncta alia fuere, præter honestum animum. Hæc pro Judæis deprecatrix fuerat & decem illos viros redire permisit, Chelciam vero & Ismaëlem apud se detinuit tanquam obsides. Id postquam Agrippa rescivit, pontificatum detulit Josepho cognomine Cabi, Simonis, quondam summi Pont. filio. Hic est ille Agrippa, qui cum sorore Berenice Paulum causam suam perorantem audivit, ita animo commotus, ut temperare sibi non potuerit, quin Paulo diceret, *prope modum persuades ut fiam Christianus*. Actor. xxvi: 28.

LXXIII.
Albinus
XIII Procurator
Ananum
pontificem,
Jacobi Apo-
stoli inter-
fectorem
vehementer
increpat.

LXXIII. Festo mortuo NERO ALBINUM in Judæam misit, XIII Procuratorem. Qui antequam in Provinciam devenisset, *Ananum* Pontifex, filius Annæ illius de quo in Evangelio legimus; Joh. xviii: 13. audax & ferox ingenio, secta Sadducæus, truculentiam suam in Apostolum Jacobum, fratrem Domini, cujus Catholicam epistolam habemus, exseruit. Quod facinus his a Josepho verbis narratur: *Antiq. xx. viii. Talis igitur quem esset Ananus, tempus opportunum se nactum ratus mortuo Festo, Albino adhuc agente in itinere, concilium judicum advocat: statutumque coram eo fratrem Jesu Christi Jacobum nomine, & una quosdam alios, reos impietatis peractos lapidandos tradidit: quod factum omnibus in ea civitate bonis & legum studiosis vehementer displicuit: missisque ad regem clam nunciis rogaverunt mandaret Anano, ne quid tale posthac ageret. Nam ne nunc quidem recte egisse. Quidam etiam Albino occurrentes venienti ab Alexandria, docuerunt eum, non licuisse Anano sine ipsius consensu advocare concilium. Horum verbi ille persuasus iracunde scripsit pontifici, daturum sibi penas minitans. Et Agrippa rex eam ob causam post tertium mensem ablatum ab eo pontificatum*

catum Jesu Damnei filio concessit. Sub Albino initium habuit bellum Judaicum, quo tota Hierosolyma, Templumque ipsum tandem ever-
sa sunt. Eodemque Præsidente *Jesus*, Anani filius, homo plebejus &
rusticus, multiplex illud *Væ* in Hierosolymam detronuit, & usque ad
obsidionis Hierosolymitanæ tempora per annos VII. & V. menses conti-
nuavit. *Joseph. De Bell. Jud. VII. XII.*

LXXIV. GESSIUS FLORUS Albino successor a Nerone missus, LXXIV.
xiv & ultimus Procuratorum fuit. Quem vivis coloribus ita depin- *Gessius Flo-*
xit Josephus: *Antiq. xx. ix. Florus quasi ad ostentandam missus ma-* *rus, uli-*
litiæ, publice traducebat nostræ gentis injurias, nihil sibi ad summam in- *mus procu-*
rapinis & suppliciis iniquitatem reliquum faciens. Erat enim inflexibilis *rator, in-*
ad misericordiam: nullis unquam lucris satiabilis; undecunque parva aque *cendiarius*
captans ac magna, ut etiam latronum esset particeps. Multi enim illum *belli Ju-*
questum exercebant securi de incolumitate; quam ab eo redimebant decisis *daici.*
prædarum partibus: adeoque nullus erat injuriarum vel modus, vel finis:
ut miseri Judæi, non ferentes rapacem latronum insolentiam, cogerentur,
laribus relictis & patriis ceremoniis, ad externos fugere, judicantes ubivis,
etiam apud barbaros, se vivere posse commodius. Et quid multis verbis
opus est? Bellum contra Romanos suscipere solus Florus nos compulit, ma-
lens semel universos quam paullatim perdere.

LXXV. Vergebant jam res Judæorum ad interitum, dum bel- LXXV.
lo cum Romanis implicabantur, non finiendo nisi cum reipublicæ suæ *Ejus belli*
excidio. Eam rem diligenter atque accurate VII libris exsecutus *summa, &*
exiit.
Josephus est. Summa historiæ huc redit: *Florus* Procurator, quum
Judæos Cæsarienses & Hierosolymitanos, miris divexatos modis, ad
bellum provocasset, illi non solum *Agrippam* Regem, pacis suaforem,
saxis petitem, urbe pepulerunt; sed & omnes alios qui pacem ma-
lebant, in superiori urbe oppugnarunt, arcu regis & archivo ignem
intulerunt, Pontificem *Ananiam* sustulerunt, milites Romanos, ar-
mis traditis, de abitu pactos, contra datam fidem peremerunt. In-
terim omnis Syria adversus Judæos armatur. Præses Syriæ *Cestius*
Hierosolymam militari manu cingit: sed turpiter in fugam conjectus
est, sex millibus suorum desideratis. Post illius discessum, multi
nobilium Judæorum, tanquam ex navi pessum itura enataverunt.
In eorum numero & Christiani fuere, Pellam, Perææ civitatem,
commigrantes, securam ibi habituri sedem. *Vespasianus* igitur a Ne-
rone missus Galilæam igne & cædibus vastavit. Sic qui primi omnium
atque frequentissime J. C. miracula viderant, justissimo Dei judicio
incredulitatis suæ ac perviciæ primi dederunt pœnas. Interim la-
tronum globi & cunei per universam Judæam excitantur, prædas ex

Atque experimento compertum est : nam quum antea vastaretur Templum erat extremum Sabbati : & rursus extremum septimi anni erat. Præterea erat septimana stationis Jojarib , & nonus dies mensis abierat. Et ita fuere hæc omnia quoque in secundo excidio. In utroque autem Levitæ stabant in Cathedra recitabantque oden hanc : RETRIBUET ILLIS INIQUITATEM SUAM. Vide *Clna. de Rep. Heb. Lib. II. Cap. xv.*

LXXVII. Titus rebus in Oriente compositis , Romam navigavit : ubi omnium votis exceptus una cum patre de subacta Judæa triumphavit. In eo triumpho portata fuit Lex Judæorum, novissima spoliolum : quæ una cum penetralium velis purpureis in Palatio est reposita. *Joseph. de Bell. Jud. VII. XXIV.* Exstat adhuc Romæ ad radices montis Palatini arcus triumphalis marmoreus in honorem Titi erectus : ex quo instrumentorum Templi, in eo triumpho traductorum ectypon habetur a *Vilalpando* expressum. *Tom. II. Explanat. in Ezech. Lib. v. Cap. VII.* Fornix istius arcus Triumphalis in frontispicio hæc inscriptione consignatus est : SENATUS. POPULUSQUE ROMANUS. DIVO. TITO. DIVI. VESPASIANI. F. VESPASIANO. AUGUSTO. Et in lapide seorsim posito hæc leguntur : IMP. TITO. CAESARI. DIVI. VESPASIANI. F. VESPASIANO. AUGUSTO. PONTIFICI. MAXIMO. TRIBUN. POT. X. IMP. XVII. COS. VIII. PP. PRINCIPI. SUO. S. P. Q. R. QUI. PRÆCEPTIS. PATRIS. CONSILIIS. QUE. ET AUSPICIIIS. GENTEM. JUDÆORUM. DOMUIT. ET. URBEM. HIEROSOLYMAM. OMNIBUS. ANTE. SE. DUCIBUS. REGIBUS. GENTIBUS. QUE. AUT. FRUSTRA. PETITAM. AUT. OMNINO. INTENTATAM. DELEVIT. Quas inscriptiones suppeditavit nobis *Baronius ad Annum Christi LXXIII. Annal. T. I. p. 695.*

LXXVIII. Exstant etiam Titi numismata , trophæo & quadri-
ga triumphali insignita : ut & Vespasiani , cum effigie mulieris moe-
stæ sedentis sub Palma , & inscriptione , JUDÆA CAPTA. Ex-
stat & nummus anno XXI Agrippæ Regis cufus ; cum Græca hac in-
scriptione. ΑΤΤΟΚΡΑΤΟΡ. ΟΥΕΣΠΑΣΙΑΝΟΣ. ΚΑΙΣΑΡ. ΙΟΥΔΑΙΑΣ. ΕΛ-
ΛΟΥΤΑΣ. ΕΤΕΙ. ΚΑ. ΑΓΡΙΠΠΗ. Alium nummum exhibet *Patinus* quo
signatur annus Agrippæ XXI. Ab una parte repræsentatur Victo-
ria cum Palma & Corona. Altera pars hanc inscriptionem habet :
ΕΤΕΙ. ΚΓ. ΑΓΡΙΠΠΗ.

LXXIX. Agrippa iste , Regum Herodiadarum ultimus , Ro-
mam concessit , ubi Prætorii honoribus auctum scribit *Dio*. Certe
cum *Berenice* sorore habitavit in Palatio. Cujus , ob insignem fœmi-
næ pulcritudinem , amore ita flagravat Titus , ut nuptiarum ei spem
fecerit : eaque jam omnia , ac si uxor esset , gesserit. Sed quum
intelli-

intelligeret Titus populum Romanum id moleste ferre, eam dimisit: incestæ cum fratre consuetudinis suspectam. Quo nomine etiam a *Juvenale* notata est, *Sat. vi.* Vide *Suetoni. in Tito Cap. vii.* cum notis viri eruditissimi, *Samuelis Pitisci.*

LXXX.

*Hierosoly-
ma exci-
dium iræ
Dei adver-
sus Judæo-
rum scelera
Titus &
Josephus
imputant.*

LXXX. Memorabile admodum est quod *Philostratus* narrat in vita *Apollonii Thyanei. Lib. v. Cap. xiv.* Quum vicinæ gentes Tito, ob victoriam Judaicam, coronas, ex more oblatum veniebant, quibus eum redimere vellent: ἐκ ἡδὺς ἑαυτὸν τέτυ· μὴ γὰρ αὐτὸν ταῦτα εἰργάσθαι, Θεὸς ὃ ὄργην φέροντι ἐπιδοδούει τὰς ἑαυτοῦ χεῖρας. eo se honore indignum dicebat: neque enim se hæc patravisse, sed Deo iram demonstranti suas commodasse manus. Enimvero luculentissimum iræ Divinæ exemplum in *Hierosolymorum* excidione est: quam suis sceleribus perditissima Judæorum natio in se concitaverat. Quod gravi oratione prohetur *Josephus de Bell. Jud. vi. xvi.* Non equidem recusabo dicere, quæ dolor jubet. Puto, si Romani contra nostros venire tardassent, aut biatu terræ devorandam fuisse civitatem, aut diluvio perituram, aut flumina ac Sodoma incendia passuram: multo enim magis impiam progeniem tulit quam quæ illa pertulerat.

LXXXI.

*Maximum
autem sce-
lerum fuit
crucifixio
Jesu.*

LXXXI. Tremendo quidem, at justissimo Dei judicio, gens superstitioni obnoxia, veræ religioni adversa, in mentem reprobam tradita fuit, postquam missum ad se Dei Filium, mundi Sospitorem, Jesum Christum, promissum expectatumque patribus Messiam, non modo proterve sprevisset, sed & sceleratis manibus cruci adfixum interemisset; prædicatumque per Apostolos Evangelium pervaciter rejecisset, nec ipsa oblatam sibi salutem accipiens, neque permittens ut offerretur gentilibus. Ideoque visum numini est ita poenæ rationem omnem ordinare, ut in ea manifestissima criminum exprobratio esset: qua & ipsi & alii dignoscere possent, modo adverterent animum, quam ob culpam tam dira paterentur.

LXXXII.

*Hinc sa-
pienter
Deus ita
panas ordi-
navit, ut
in eis evi-
dentissima
hujus cri-
minis ex-
probratio
esset.*

LXXXII. Pro exemplis pauculæ hæ observationes sunt. I. Je-
sus olim quum ad descensum montis olivarum appropinquaret, visâ
urbe piis lacrumis futurum ejus casum miserabatur, saniores mentem
ac meliora fata ardentibus votis adprecatus. *Luc. xix: 37, 41.* Eo-
dem autem loco Romani in prima obsidione castra ponere coeperunt.
Sic enim *Josephus de Bell. Jud. vi. iii.* His autem præceptum erat
sexto ab Hierosolymis stadio castra ponere, qua in parte mons qui appellatur
Ἐλαιὼν, contra civitatem ab oriente situs est, altaque interjacente valle
discernitur, cui nomen est Cedron. II. Inter crimina Jesu calumniolos
objecta & hoc erat, quod non satis honorifice de templo locutus esset;
Mat. xxvi: 61. eundemque prætextum arripuerunt sæviendi in Ste-
pha-

phanum Protomartyrem; Act. vi: 14. Paulum etiam locum sanctum gentilium hominum introductione profanasse mentiebantur. Act. xxi: 28. quamvis ipsi jam tum domum orationis, in *speluncam latronum* vertere cœpissent. Cæterum omni modo *spelunca latronum* facta est, quando Zelotarum principes, mutuis cædibus furentes, totam replebant cadaveribus ædem: sic ut & sacerdotes sacra celebrantes caderent, & multi qui ab ultimis finibus terræ ad sanctissimum locum venissent, ante ipsas hostias sternerentur; aramque, Græcis & Barbaris adorandam, suo sanguine imbuerent; perque altaria Divina stagnum fecerit cæsorum sanguis. Cujus furoris meditatio has Josepho lamentationes expressit. *De Bell. Jud. Lib. vi. Cap. 1. Quid tantum passa es, O miserrima civitas, a Romanis, qui tua inestina scelera flammis purgaturi introiere? Jam enim Dei locus non eras, neque manere poteras, domesticorum funerum facta sepulcrum, & quæ sanum civili bello tumultum constitueras.* III. Primores populi, principesque sacerdotum ἀγίσαιαν τὸν ὄχλον, *moto tumultu concitarant plebem*, ut Pilato, quantumvis invito, traditionem Jesu ad necem extorquerent. Marc. xv: 11. Sed ab eo tempore perpetuis discordiis ac tumultibus agitata natio in sua viscera sævit: ut civilibus contentionibus, variis in urbibus, *Hierosolymis, Cæsarea, Scythopoli, Damasci*, supra centena *Judæorum* millia perierint. IV. Verum salutis auctorem, tot se prodigiosis operibus, Divinæque missionis certissimis argumentis comprobantem, adsperserunt. At aliis seductoribus, qui se populi liberatores servatoresque fore temere pollicebantur, credulas aureis præbentes, stultitiæ suæ justissimas dederunt pœnas. De quibus iterum conquerentem audiamus *Josephum. de Bell. Jud. 11. XII. Seducitores namque homines & circumventores, sub specie religionis novis rebus studentes, vulgus insanire fecerunt. Nam in solitudines egrediebantur, promittentes Deum signa eis ostensurum libertatis. Contra quos Felix (videbantur quippe semina defectionis esse) mittens equites atque pedites armatos, magnam multitudinem interfecit. Majore autem plaga Judæos afflixit Ægyptius quidam pseudopropheta. Adveniens quippe in provinciam, Magus cum esset, Prophetæ opinionem sibi arrogans, triginta ferme millia hominum congregavit, quos vana seductione deceperat. Et circumducens eos de solitudine in montem qui vocatur Olivarum, inde ad Hierosolymam nitebatur ascendere: depulsoque Romanorum præsidio, in populares exercere dominationem. Utebatur autem stipatoribus, qui ad id facinus convenerant. Prævidit sane ejus impetum Felix, & occurrens cum ipsis Romanis armatis, quos etiam Judæorum reliqua multitudo juvabat, inivit conflictum. Et Ægyptius quidem cum paucis fugit. Plurimi autem*

Tom. II. L I qui

qui cum ipso fuerant , comprehensi atque vinculis traditi sunt. Reliqua vero multitudo in regiones proprias dispersa est. Ita completa est Domini prædictio: Joh. v: 43. *Ego veni in nomine Patris mei , nec recipitis me : si venerit alius nomine suo , illum recipietis.* V. Ipso Paschatis festo, celeberrima totius populi panegyri, Jesum damnarunt, crucique suffixum publicæ omnium ignominiae exposuerunt. Eadem post aliquot annos festivitate tota populi multitudo Hierosolymis fatali bello circumventa est. Rursus *Josephus, de Bell. Jud. VII. XVII. Ab omnibus regionibus ad Azymorum diem festum congregati , bello subito circumfusi sunt.* Paullo post : *Tunc velut in carcerem tota gens fato conclusa est , & facta hominibus civitas bello obsidebatur.* VI. Furens populus a primoribus incitatus , horrenda imprecatione sibi suæque posteritati imputari petiit sanguinem Jesu, maluitque, si vindicandus esset, in se ac nepotibus suis vindicari, quam ut non funderetur. Adeo desiderabile ipsis spectaculum videbatur, Jesus suffixus cruci. At quam severe fustum Filii sui sanguinem a maledicta gente poposcit Deus? ut ardente templo cum porticibus suis, omnibusque quæ circa erant ædificiis, *interfectorum sanguis igne largior esse videretur.* Et notabile admodum est, quod Titus profugos ad castra sua, ante mortem verberatos, & modis omnibus excruciatos, contra murum cruci suffigi iusserit, aliquando quingentos in dies singulos; sic ut *propter multitudinem jam spatium crucibus deesset, & corporibus cruces.* *Joseph. de Bello Jud. VI. XII.* Nonne tantundem est ac si cœlitus inclamasset Deus: nunc tandem animadvertite, miseri, quid feceritis, sospitatore vestrum ad crucem postulando, petendoque ut sanguis ipsius super vobis sit & filiis vestris.

LXXXIII.
Oratio ad
Jesum pro
reconcilia-
tione gentis
Judaica.

LXXXIII. Domine Jesu, quem nos verum & unicum servatorem nostrum agnoscimus, veniat sanguis tuus super electa olim, nunc repudiata, sed ob patres adhuc dilecta, ac stato tempore in gratiam recipienda gente Judaica: sed veniat ad gratiam, non ad vindictam: sitque iis sanguis adspersionis potiora loquens quam loquatur Abel.

EXER-

EXERCITATIO XII.

HISTORIA

HIEROSOLYMÆ,

Ab Excidio Titi

AD

NOSTRA USQUE TEMPORA.

BREVIARIUM.

*I. Viſa Hieroſolyma, Maſſada omnium arcium Judea munitiſſima, mu-
tua cade necatis civibus, vacua Romanis cedit. II. Terra Judea ven-
dita, Cæſarea Palaſtina metropolis manet. III. Judæi ſe paulatim in
terra ſua recolligunt, & celebres Academiæ, ac Scholas reſtaurant.
IV. Suum etiam habent Patriarcham, cui aurum coronarium penditur:
& hic ſuos Apoſtolos. V. Chriſtiani quoque Pella rediſſe videntur, ſi
verum ſit quod de Chriſti conſanguineis ad Domitianum delatis narrat
Hegeſippus. VI. Catalogus Episcoporum Eccleſiæ Hieroſolymitana.
VII. Quos in parte urbis a Tito non vaſtata ſediſſe, veterum plerique
tradidere. VIII. At perperam: quum tota urbs ſolo æquata ſit. IX.
Verum ubicunque diſperſi Hieroſolymitani cum ſuo Episcopo, ibi Hie-
roſolymitana fuit Eccleſia. X. Judæorum ſub Trajano rebellantium fu-
ror. XI. Hadrianus in ſolo Hieroſolymæ Eliam Capitolinam condidit,
& ſuam portæ inſculpiſit. XII. Quod Judæis pertinaciſſima occaſio fuit
rebellionis. XIII. Quæ ſuppreſſa quadantenus, validius per Barcoz-
ba in urbe Bitter redintegrata eſt. XIV. At magno Judæorum malo.
XV. Elia non niſi abuſive Hieroſolyma vocatur. XVI. In quam pe-
dem inferre Judæi ſevera lege prohibiti ſunt; niſi una duntaxat quo-
tannis die, ad miſeros planctus. XVII. Exoſi ſemper Romanis, &
contempti. XVIII. De profanata ab Hadriano, ex odio Chriſtiana
religionis, Hieroſolyma, Paulini & Hieronymi querelæ. XIX. Interim
Palaſtina Eccleſiæ, mediocri pace fruentes, concilia celebrant. XX.
Mira Narcissi, Episcopi Hieroſolymitani, hiſtoria. XXI. Conſtanti-
nus Hieroſolymæ ad ſepulcrum Domini ſplendidiſſimum ſtruxit Templum.*

XXII. Solemni ritu dedicandum. XXIII. Cujus fulgore perstritus Eusebius, novam se in eo Prophetarum Hierosolymam cernere, falso autumavit. XXIV. Helena etiam duas ades sacras condidit: alteram Betlemi: alteram in monte Oliveti. XXV. Veterum de impressis hinc loco vestigiis Christi, aliisque miraculis, incertæ narrationes. XXVI. Historia crucis per Helenam reperta. XXVII. Quam fabula propiorum esse multis argumentis evincitur. XXVIII. Frequentes olim, & superstitiosa, ad Hierosolymam peregrinationes. XXIX. Quibus gradibus Episcopus Hierosolymitanus Patriarcha nomen ac dignitatem nactus sit. XXX. Judeos iterum rebellantes pœnis ac legibus Constantinus compescuit. XXXI. Postmodum Constantius nova molientes profligavit. XXXII. Julianus Templum & sacra instaurare jussit; at cœlitus impedito molimine. XXXIII. Quod & Judæis & Gentilibus Scriptoribus observatum est. XXXIV. Feliciori successu Justinianus Hierosolyma superbam adem Mariæ Deiparæ struxit. XXXV. Aliarumque ibi Ecclesias antiqui Judæorum Templi spoliis locupletavit. XXXVI. Chosroës Persa Hierosolymam capit. XXXVII. Quam Siroës filius Heraclio restituit. XXXVIII. Qui crucem Domini solemniter, nec sine prodigio, suis humeris in Calvariam tulisse fertur. XXXIX. Dein Saraceni Hierosolyma potiuntur: & Homar Mahumetica religioni Templum adificat, eo loci ubi Salomonis steterat. XL. Dum Mahumetanus mancipata fuit Hierosolyma, frequenter mutavit dominos, variis acta fatis: donec recuperata Christianis est. XLI. Quos Petrus quidam Eremita ita ad sacram expeditionem excitat, ut auctore Urbano Pontifice, cum magni nominis principibus, incredibilis hominum multitudo, suscepto crucis signo, in Orientem contendat. XLII. Attamen consilium hoc Deo non placuit, nam Pontifices sue solum avaritiæ & ambitioni litabant. XLIII. Principes & milites fascinabat superstitio. XLIV. Plebs cruciatorum omnibus flagitiis cooperti, dedecus ubique Christianismi erant: & plerique in via fœde perierunt. XLV. Qui tamen ex tam immensa multitudine reliqui in Palestinam venerunt, Hierosolyma tandem potiti sunt. XLVI. Et Gothesfridum Bulionæum, egregium principem, Regem Hierosolymæ creaverunt. XLVII. Regni Hierosolymitani Christianorum brevis historia. XLVIII. Everso hoc regno, Mahumetanus servit Hierosolyma in hunc usque diem. XLIX. Urbis, uti nunc est, accurata delineatio.



icta, incensa, diruta a Tito *Hierosolyma*, quæ in Judæa ^{*Victa*} supererant, Romanæ fortitudini cedentia, in eorum ^{*Hierosolyma*} brevi redacta sunt ditionem. Lucilius Bassus legatus ^{*Mas-*} in Judæam missus *Herodion* deditione cepit: mox & ^{*sada omni-*} *Macharuntem*, natura & arte munitissimam. Restabat ^{*um arcium*} *Massada*, quam Herodes Magnus sibi in refugium pa- ^{*Judæa mu-*} ^{*nitissima,*} ^{*mutuâ cæde*} ^{*necatis ci-*} ^{*vibus, va-*} ^{*nia cedit.*} raville fertur; duplex periculum suspicans: alterum a populo Judæico, ne, se deposito, ex antiquorum regum stemmate aliquem throno imponeret: alterum a Cleopatra Ægypti regina, quæ sæpius Antonium obsecravit, ut interfecto Herode sibi regnum Judæorum donaret. Hæc extremum belli opus Romanis fuit. Præerat tunc ei *Eleazarus*, vir præpotens, & excelsi animi: qui desperans se tutaturum arcem adversus Flavii Silvæ copias, truci oratione obsessis persuasit, ut mutuis se potius vulneribus conficere, quam vivos Romanis tradere mallent. Simul enim vale extremum cum amplexu uxoribus dicebant, & liberos gremiis captos lacrumantes osculabantur: & simul volentes eos letalibus ictibus configebant: malorum, quæ victi & vivi passuri fuerant, cogitationem pro solatio necessitatis ad cædem habentes. Charissimis ita pignoribus suis, ex mera, ut rebantur, pietate trucidatis, universis bonis ignem injiciunt: & sorte lectis decem superstitum omnium percussoribus, universi propter liberos & conjuges prostratos compositi, eosque tenerrime complexi, parato se animo mactandos præbent. Cunctis ita occisis, decem illi, eandem fortis legem in sua quoque morte statuerunt, ut cui obtigisset, novem peremtis semet super eos occideret. Ita omnes se neci supposuerunt: excepta una anu, cum quinque pueris, quæ ex latebris, quibus se abdiderat, postera die prodiens, vacuam Romanis, ad tantam desperationem stupentibus, arcem ostendit. Simile, quamvis non par, Capuanorum civium exemplum vide apud *Livium Lib. xxvi. Cap. xlii. xlii. xv.*

II. Eodem tempore Vespasianus ad Liberium Maximum, tunc ^{*II. Terra*} Procuratorem, scripsit, ut omnem terram Judæorum venderet: ne- ^{*Judæa*} que enim ullam in ea condi civitatem voluit, proprium sibi servans ^{*vendita,*} eorum agrum. Solis octingentis militibus illic relictis, locum dedit ^{*Cæsarea*} quem incolerent, qui vocabatur *Emmaus*, & distabat *Hierosolyma* ^{*Palæstina*} ^{*metropolis*} ^{*manes.*} xxx stadiis: mutato autem antiquo nomine, & novo ex parta victoria indito, *Nicopolis* appellatus fuit. Interim *Cæsarea* maritima, olim *Turris Stratonis* dicta, ubi necatis antea Judæis, gentiles qui eam incolebant rerum potiebantur, totius Palæstinæ metropolis remansit: & ob egregiam a civibus navatam contra Judæos ope-

ram, a Vespasiano Imperatore facta est Colonia Romanorum, immunita a censu capitis & possessionum. Judæis autem, ubicunque terrarum degerent, imperatum tributum est; ut quas in Templum olim solebant inferre binas drachmas, illas ipsas ab hinc penderent Jovi Capitolino.

III. *Judæi se paulatim serra sua recolligunt, & celebres Academias, ac Scholas restaurant.*

III. Porro ita per orbem totum dispersi fuere Judæi, ut velut ex amputato trunco mira fertilitate pullulantes, paulatim se in terra sua magno numero recolligerent, & indultu Domitiani, Nervæ, Trajani, civitates non plane destructas incolerent. Si Talmudicis fides, non obstante novissimo reipublicæ excidio, & vastitate Palæstinæ, remanserunt docti quidam magnæque auctoritatis viri; qui in urbibus commodioribus Scholas & Ecclesias instaurarunt. Inter eas quæ sapientum nominibus celebriores redditæ sunt, laudantur in Hebræorum scriptis *Jafne*, *Zephoria*, *Cæsarea*, *Tiberias*. Et *Jafne* quidem per quinque annos Academiæ Rector, Synedrii Præses, & Caput exulum fuisse dicitur, *Jochanan* filius *Zacchai*, qui ex ruinis *Hierosolymorum* evaserat: cui successerit *Rabban Gamaliël* secundus, *Rabban Gamaliëlis* senis, *Pauli* Apostoli præceptoris, non filius, quod *Bartorsius* putat, *Tiberiad. Cap. v.* sed ex *Simeone* filio nepos, quod ostendit *Lightfootus Descript. Temp. Cap. xxii. circa finem.* Deinceps dictus רבן גמליאל ריבנה *Rabban Gamaliël Jafnensis*. *Cæsarea* habitasse fertur Rabbi אשח *Ashu*. *Tiberiadem* dein translatum fuit Synedrium, mansitque ibi aliquamdiu Academia celeberrima.

IV. *Suum etiam habent Patriarcham, cui aurum coronarium perditur: & hic, suos Apostolos.*

IV. Post excidium *Hierosolymorum* habuerunt Judæi suos PATRIARCHAS, cujus dignitatis ac nominis nulla ante istam ætatem apud Judæos est mentio: nisi fortassis Patriarcha Epiphanio, & juris Romani scriptoribus, idem ille dicatur, qui Hebræis נשיב, vel רבן חושב, *Princeps*, aut *Caput Academiae*. Præerant autem Patriarchæ suis singuli ἀποδυσμοίς. At duo erant præcipui: quorum alter *Babylone* sedem suam habebat, in gratiam Judæorum trans *Euphratem*, sub Parthorum imperio, degentium; alter *Tiberiade Galilææ*, pro Judæis per imperium Romanum dispersis. Magna erat horum Patriarcharum auctoritas dignitasque. Et quum ipsi per se omnia gubernare non possent, ditioni suæ subiectis Judæis alios pro arbitrio præponebant; qui *Primates*, *Archisynagogi*, *Hieræi*, *Presbyteri*, dicebantur: quos etiam, ubi deliquissent, magistratu abdicandi potestatem habebant. Principem vero post Patriarchas dignitatis locum obtinebant illi quos APOSTOLOS vocabant, nisi nos fallit *Epiphanius. Lib. i. Tom. ii. Hæres. xxx. §. iv.* Προσεδύουσι γὰρ τῷ πατριάρχῃ, καὶ εἰς αὐτὸν πολλάκις, καὶ ἐν νυκτὶ καὶ ἐν ἡμέρᾳ, συνεχῶς διάγουσι, διὰ τὸ συμ-βουλῆν

κελεύει καὶ ἀναφέρειν αὐτῷ κατὰ νόμον. *Affident enim hi Patriarchæ, & cum eo sapius diu nocturne continuo versantur: quod eidem a consiliis sint, ac de iis referant quæ ad legem pertinere videbantur.* Horum opera uti solebant Patriarchæ, quum in aliis rebus, tum in colligendo auro coronario. Quod quid fuerit, operæ pretium est brevibus exponere. Stante republica Judæorum singuli Israëlitarum annos nati viginti ex lege tenebantur solvere τὸ δίδραχμον, quod cedebat usibus templi. Id, victa urbe, in Capitolium deferri Romanorum Imperatores voluerunt: uti modo dixi. At Patriarchæ aliquid sibi, huic tributo homogeneum, conferri quotannis voluerunt. Id initio ipsis, non ex debito legitimo, sed voluntaria Judæorum liberalitate, concessum est: ideoque ab Imperatoribus *aurum coronarium*, Romano more, vocatum. Est enim aurum coronarium, *quæ diversarum ordines curiarum, vel amore proprio, vel indulgentiarum latitia, vel rebus prospere gestis, admoniti, in coronis aureis signisque diversis obtulerint.* Lege IV. Cod. Theod. de Aur. Coron. Vid. Lipsium. Admir. Lib. II. Cap. IX. At quod initio liberum, tractu temporis factum est necessarium. Et Patriarchæ, suo quodam veluti jure, ex decimis & primitiis adæratæ aurum atque argentum quotannis petierunt. Id in singulis Synagogis cogeant Archisynagogi & Presbyteri: at qui Apostoli dicebantur, a Patriarcha quaquaversum missi, exactam a Synagogis summam, atque susceptam, ad eundem reportabant. Quod duravit usque ad tempus Theodosii & Valentiniæ, qui suis largitionibus inferri jusserunt, quidquid Patriarchæ antea auri coronarii nomine postulaverant. Atque ita Patriarcharum Judaicorum dignitas, quæ ipsis Imperatoribus, venerabilis fuerat, unde *Illustres, Spectabiles, Clarissimi, Αἰδιομότατοι*, passim in jure dicuntur, prorsus sublata est, circa annum Christi ccccxx. Theodoretus, qui scripsit circa annum ccccl, Dialogo 1. hæc de iis habet: Ἄλλως τε καὶ αὐτοὶ παντελῶς ἠφανίσθησαν, καὶ χρόνῳ διεκλύθεν ἐξ ἧ καὶ ἡ τέτων ἡγεμονία τὸ πέραν ἰδέετο. *Quantum & hi quoque prorsus aboliti sunt: & dudum est ex quo horum etiam principatus finem accepit.* Vide sodes quæ operose de Judæorum Patriarchis congescit Petitus, Vari. Lect. Cap. xxiv. Confer Vitring. de Synag. Vet. L. II. Cap. v. p. 522.

V. Nos de Christianis videamus, quorum, ante excidium, fre-
quens Hierosolymis Ecclesia fuerat. Hi quoque Pellâ, quo Divino
instinctu confugerant, in patrium solum rediisse, & suos quisque
agros possedisse videntur: si modo vera sint, quæ ex Hegesippo me-
morat Eusebius. Hist. Eccl. Lib. III. Cap. xx. de propinquis Servatoris
nostri, ex illius fratre Juda. Quos delatos quod ex regia stirpe essent,
Domi-
Christi con-

*Sanguineus
ad Domi-
tianum de-
latis narrat
Hegesippus.*

Domitianus interrogavit, quantas possessiones, quantumve pecuniæ haberent. Illi vero novem tantummodo denariorum millia sibi ambobus suppetere dixerunt: easque facultates nequaquam se in argento habere, sed in æstimatione agrorum, novem scilicet & triginta soli jugerum: ex quorum fructibus & tributa persolverent, & sibi ipsis non sine proprio labore victum compararent; quod impresso alte manibus callo verum esse arguebatur. Eosdem nobis ut eximios *Hierosolymitanæ* Ecclesiæ, quæ profunda pace gavisa sit, præstites, & ad Trajanum usque superstites, idem repræsentat *Hegesippus Cap. xxxii*. Cæterum eam *Hegesippi* narrationem non admodum explorata fidei esse, censet *Josephus Scaliger*: quum numerosa admodum fuerit etiam isthoc tempore Davidis posteritas, ex qua alii *Aechmalotarchæ*, alii *Principes* fuerint. *Aechmalotarchæ*, qui a masculino sexu; *Principes*, qui a foeminino posterorum David prognati erant. Veri etiam posterii David, non a Juda fratre Domini, qui nullus fuit, & quem somniavit *Hegesippus*; sed a *Salathiel* genus deduxerint: unde concludit, *Hegesippum* istum in istis posteris David nihilo veraciorem fuisse, quam in passione Jacobi, fratris Domini. Vid. *Scalig. Animadvers. ad Chron. Euseb. p. 201*. *Hegesippum* tamen & *Eusebium* tuetur in *Annotationibus* suis *Henricus Valesius*, putatque *Scaligerum* nimio reprehendendi studio abreptum merito in reprehensionem incurrisse: quum neque *Hegesippus* posteritatem David ad duos tantum homines tunc esse redactam dicat; & Judæ fratris Domini non *Epiphanius* solum meminerit, *Hæres. lxxviii*. sed & *Matthæus Cap. xiii*: 55. & *Marcus Cap. vi*: 3.

*VI. Cata-
logus Epi-
scoporum
Ecclesiæ
Hierosoly-
mitanæ.*

VI. Verum ulterius progreditur *Eusebius*, catalogum exhibens *Hierosolymitanorum Episcoporum*, qui jam inde ab Apostolorum ætate ad illam usque obsidionem permanserint, qua Judæi iterum a Romanis deficientes, maximis præliis domiti atque expugnati sunt; id est usque ad tempora *Hadriani*. Eos hoc ordine recenset. Primus fuit *Jacobus* qui Domini frater vocabatur: secundus *Simeon*, *Cleopæ* filius, qui annos centum & viginti natus, martyrium subierit, sub principatu Trajani, Tum *Justus*, *Zacchæus*, *Tobias*, *Benjamin*, *Johannes*, *Matthias*, *Philippus*, *Seneca*, *Justus*, *Levi*, *Ephres*, *Joseph*, omnium postremus, *Judas*, ordine quintus decimus. *Lib. iv. Cap. v*. His animadversis, merito quæri possit, quum *Episcoporum Ecclesiæ Hierosolymitanæ* nomina certa, & continua successio hætenus memoriæ prodita sint, ubi fuerit Ecclesia ista *Hierosolymitana*.

*VII. Quas
in parte
urbis a Tito*

VII. Veterum plerique, ut difficultati isti occurrerent, non totam dirutam aut solo æquatam esse urbem, sed dimidiam partem super-

superfuisse dicunt. Prius dimidium a Vespasiano expugnatum, alterum ab Hadriano: idque ex XIV. 2. Zachariæ colligi: cujus hæc verba sunt: καὶ ἀλώσεται ἡ πόλις, καὶ ἀρπαγήσονται αἱ οἰκίαι, καὶ αἱ γυναῖκες ^{οικετῶν} μόλυνθήσονται, καὶ ἐξελεύσεται τὸ ἥμισυ τῆς πόλεως ἐν αἰχμαλωσίᾳ. Hæc ^{plerique} tradidit. *Eusebius, Demonstr. Evang. Lib. VI. Cap. XVIII.* exponit de excidio urbis sub Vespasiano: τότε μὲν ἔν εἰκὸς τὸ ἥμισυ τῆς πόλεως ἀπολωλέναι τῇ πολιορκίᾳ, ὥς φησὶν ἡ προφητεία· μετ' ἃ πολὺν ὃ χρόνον κατὰ Ἀδριανὸν αὐτοκράτωρα κινήσας αὐθις Ἰουδαϊκῆς γενομένης τὸ λοιπὸν τῆς πόλεως μέρ^{ος} ἥμισυ πολιορκηθὲν αὐθις ἐξελάννεται, ὥς ἐξ ἑκείνης καὶ εἰς διῦρο πάμπαν ἄετον γενέσθαι τὸν τόπον. Tunc sane credibile est dimidium civitatis periisse in obsidione, ut ait prophetia, haut vero ita multo post, quum Hadrianus imperaret, Judaico rursus exorto tumultu, quæ reliqua fuerat pars dimidia civitatis, rursus obsessa expellitur, ut, ab illo tempore usque in hodiernum diem, penitus inaccessus (Judæis scilicet) factus sit locus. Hieronymus paullo aliter, loquens de expugnatione sub Tito: Quomodo autem media pars capta sit civitatis, & reliquus populus in urbe permanserit, & illo tempore & aliis approbatur, Septentrionalem urbem & inferiorem partem esse captam: montem autem templi, & Sion, in quo arx erat, integra remansisse. Quum igitur ex illo loco Zachariæ colligant, non totam Hierosolytam deletam fuisse, Ecclesiam ibi fuisse semper volunt, donec Hadrianus illa parte urbis, quam intactam Titus reliquerat, penitus eversa, aliam urbem novam superstruxit. Aliquanto modestius Epiphanius, de Mensur. & Ponder. Cap. XIV. Hadrianum narrat urbem invenisse solo æquatam, templum destructum & proculcatum, παρεκτὸς ὀλίγων οἰκημάτων, καὶ τῆς τῷ Θεῷ ἐκκλησίας μικρᾶς ὕψους. Ἐνθα ὑποτρέφαντες οἱ μαθηταὶ ὅτι ὁ Σωτὴρ ἀνελήφθαι ὑπὸ Ἑλαιῶν^{ος}, ἀνέστησαν ὡς τὸ ὑπερῶν. ἑκεῖ γὰρ ἀκοδόμητο, τοῦτέστιν ἐν τῷ μέρ^{ει} Σιών, ἥτις ἀπὸ τῆς ἱερουσάλης παρελήφθαι, καὶ μέρ^η οἰκήσεων περὶ αὐτὴν τὴν Σιών, καὶ ἐπὶ τὰ Συναγωγαί, αἱ ἐν τῇ Σιών μόναι ἐστίκεισαν, ὥς καλεῖσθαι, ἐξ ἧς μία περιελήφθαι ὡς χρόν^{ος} Μαξιμῶν^{ος} τῷ Ἐπισκόπῳ, καὶ Κωνσταντίνῳ τῷ Βασιλεῖ, ὡς σκηνὴ ἐν ἀμπέλῳ, κατὰ τὸ γεγραμμένον. Paucis edibus exceptis, ac parva quadam Christianorum Ecclesia, quæ in eo loco constituta fuerat, in quem discipuli, posteaquam Salvator in cælum ex Oliveti monte subvectus est, sese recipientes, cenaculum conscenderunt. Erat illa quadam in Sionis parte constructa, quæ civitati superfuerat, cum Sioni propinquis aliquot edificiis, ac septem Synagogis, quæ in eodem monte solæ, vel ut iuguria, superstitebant. Ex quibus una duntaxat ad Maximonæ Præsulis, & Constantini Imperatoris tempora, velut umbraculum in vinea, ut scriptura virbis utar, relicta videbatur.

VIII. Scaliger in *Animadversionibus ad Euseb. Chron.* p. 211. & 212. VIII. A: falsitatis hæc omnia arguit; ob Jesu Christi, prædicentis nullum la-^{perperam}pidem ^{quum tota}

urbs solo
aequata sit.

pidem super alium relictum iri, vaticinium: ob Iosephi, qui rebus praesens interfuit, iterata de totali *Hierosolyma* destructione testimonia: ob Titi de devicta urbe triumphum: denique quia & postea aratrum illi impressum est a Musonio Tyrrheno praefecto munitio- num, ut non solum urbs esse desierit, sed & imposterum nemini li- cuerit illi solo aliquid immolari, aedificare, superstruere. Nam Ju- risconsultus *Lege* XXI. D. *Quib. mod. usus.* ait *civitatem esse desivisse eam, cui aratrum inductum sit*: & capitale est in illo solo vel casam, vel humile superficium struere. *Servius*: Nam ideo ad exaugurandas vel diruendas civitates aratrum adhibitum, ut eodem ritu, quo condita, subvertantur. Hinc Valens Constantinopolitanis minatus est: ἡρημόντε καταστροφήν τὴν πόλιν, καὶ ἄρατρον βαλεῖν κατ' αὐτὴν. Urbem eversum se, & aratrum solo ejus impacturum. *Socr. Hist. Lib. IV. Cap. XXXVIII.* Quæ Scaligeri rationes clarissime probant, perperam a Veteribus esse traditum, quod media urbis pars post cladem a Tito illa- tam superstes manserit. Et multa sane credulitate praeditum esse oportet, qui Epiphanio adfentiat de Ecclesia Christiana in monte Sion. Ad Zachariæ oraculum respondet Scaliger, quum non dirutæ urbis, sed captæ duntaxat & expilatæ mentionem faciat, ut pars populi deportata sit, pars remanserit: illud ad *Ptolomæi Lagi* tempora referen- dum esse: de quo dubitare non possit, qui verba *Agatharchidæ* apud Iosephum legerit: alii ad *Antiochi Epiphanis* vastationem referunt; alii aliter. At non satis certum, prophetam de urbe *Hierosolyma* lite- raliter loqui: quum fieri possit, quod doctis allubescit interpretibus, ut symbolice intelligatur Ecclesia Christiana. Verum prolixior ora- culi istius discussio hujus loci non est.

IX. Verum
ubicunque
dispersi Hiero-
solymitani
cum suo
Episcopo,
ibi Hieroso-
lymitana
fuit Eccle-
sia.

IX. Sed, inquires, si nulla tunc fuerit *Hierosolyma*, nulla etiam fuit Ecclesia *Hierosolymitana*; quinam ergo tandem, & ubi terrarum isti *Hierosolymitanae* Ecclesiae Episcopi fuerunt? Nihil restare videtur, si de historiae veritate dubitare nefas est, nisi ut cum Scaligero dica- mus, ubicunque Episcopi illi fuerint, ibi fuisse Ecclesiam *Hierosoly- mitanam*, tamen *Hierosolyma* non esset. Quemadmodum, ab aliquot seculis, *Antiochena* sedes Patriarchalis non est in ea urbe unde nomen habet: sed in *Meredin* ad ripam Chobar, in finibus Mesopotamiae, quam urbem ab Antiochia

Longa procul longis via dividit invia terris.

Et tamen non desinit esse Antiochena Ecclesia, & Antiochena Cathe- dra. *Alexandrinus* thronus diu est quum in maximam urbem *Cairum* est translatus: & tamen non *Cairensis* Patriarcha, sed *Alexandrinus* dicitur, sicut a primis Patriarchiae istius incunabulis vocari coepit.

Sic

Sic Episcopi *Hierosolymitani* dici potuerunt, qui Ecclesiæ fidelium ex Judæa Pellam profugorum, ibique ad tempus commorantium, præerant. Ibi vero tamdiu commoratum fuisse Ecclesiam *Hierosolymitanam*, donec ei Æliam se conferre, ibique per hostes Christianismi tuto manere licuerit, Scaliger non dubitat. Ego eorum aliquot in Palæstinam remeasse, haut prorsus negaverim; quamvis *Hierosolyma* inculta ac desolata manserit.

X. A Christianis ad Judæos redeamus. Quorum ingens mox *Judæa* renata multitudo est, tam in Palæstina quam extra eam, & myriarum ^{sub} des per totum terrarum orbem dispersæ. Adeo vero gravissimis illis ^{Trajano re-} afflictionibus ad mansuetudinem domiti non sunt; ut nescio quo fu- ^{bellantium} rore perciti, quove malo genio agitati, in perniciem eorum apud quos hospitia nacti erant, in *Palæstina*, *Ægypto*, *Lybia*, *Cyrenaica*, *Cypro* & vicinis oris, conspiraverint: ubique & in omnibus proterve ac ferociter se gerentes. Unde hæ *Rutilii Numatiani* in *Itinerario* querelæ:

Atque utinam nunquam Judæa subacta fuisset

Pompeji bellis, imperioque Titi!

Latius excisa pestis contagia serpunt:

Victoresque suos natio victa premit.

Anno Domini .cxvi. Coss. *Ninnio Hasta*, & *Manilio Vopisco*, *TRAJANO* in Imperio annum xvii agente, Judæos ab Imperio Romano rebellasse *Eusebius* in *Chronico* tradit. Qua vero audacia ac feritate, ex *Dione* discere licet; nisi fortassis rei indignitatem truculenta oratione auxerit. *Per idem sane tempus*, inquit, *Judæi* qui circa *Cyrenem* incolebant, *Andrea* duce constituto, *Romanos* & *Græcos* sine discrimine obtruncant. Nec cade contenti, humanis carnibus vesci cæperunt: horum intestinis, stillante adhuc sanguine, cincti, tum pellibus obvoluti, multos per medium, usque ad verticem, secure, plures bestiis dilaniandos obicere, alios inter se digladiari cœgere: ut DUCENTA ET AMPLIUS HOMINUM MILLIA eo furore & armis *Judæorum* interierint. Nec minore clade *Cyprii* adfecti fuere: si quidem in ea insula, duce *Artemione*, conspirantes *Judæi* circiter DUCENTA ET QUADRAGINTA CAPITUM MILLIA trucidarunt. Qua facti atrocitate *Judæus* de cætero legibus & pænis *Cyprum* attingere prohibetur. Si vel vi tempestatis, vel per errorem illuc delatus fuerit, cen capite damnatus, statim morte multatur. Sed inulta clades non mansit: nam *Trajanus* misso cum exercitu *Lusio Quieto*, cum antecedentibus aliis ducibus, *Judæos*, qui per universum terrarum orbem tantum cadu ediderant, profligavit. Hæc *Dio*.

XI. *Hadrianus in solo Hierosolyma Æliam Capitolinam condidit, & suam portæ inscripsit.*

XI. Major motus ac periculosior sub HADRIANO fuit, qui anno imperii sui secundo, ut Chronicon Alexandrinum habet, in illo solo ubi olim fuerat *Hierosolyma*, urbem condidit, sacram Jovi Capitolino, quam ÆLIAM CAPITOLINAM nuncupavit, coloniam populi Romani. Quum vero priscae *Hierosolymæ* memoriam novæ urbis exstruktionem abolitam cuperet, aliam quoque formam suæ urbi esse voluit. Nam & universum montem Sionis, qui pars urbis & pulcherrima & munitissima fuerat, & totam urbis superioris regionem, magnamque inferioris partem mœnibus exclusit. Montem Moriaë in planiciem redegit, & quod restabat de urbis antiquæ solo cum monte Calvariaë complexus est: qui non nisi colliculus erat Gihonis, & olim extra urbem situs ad Occidentem. Sic ut Ælia non solum altero tanto minor antiqua *Hierosolyma* fuerit; sed & figuræ ab ea diversissimæ. Ad hoc in fronte portæ qua Bethlemum iter erat, suam marmori insculptam posuit: sive ut male ureret Judæos, quibus infandum & visu etiam execrandum id animalium genus erat; sive quod eadem via structum ab Hadriano fuerit Adonidi templum, quem aper occidit; sive quod porcus ob infractum in bello robur Romanorum insigne esset: nam & Festus tradit, quintum signum militare fuisse Porci imagine effigiatum; sive denique ad Æneam respexerit Hadrianus, cui ejusmodi animal primum condendæ civitatis Lavinii signum fuisse auctor Virgilius est: quo refertur numisma Hadriani, representans porcum cum porcellis sugentibus ubera, quale signum Æneæ demonstratum fuit. Utcunque sit, falluntur sane, qui *Hierosolymam* ab Hadriano restauratam volunt. Nam Judæi tunc hostes erant populi Romani. Æliam condidit, coloniam, ut dixi, Romanam; a cujus introitu, ut mox pluribus dicemus, arceß postmodum Judæos voluit.

XII. *Quod Judæis perzinacissima occasio fuit rebellionis.*

XII. Atque hæc Ælia, causa fuit motuum. De quibus iterum audire lubet Dionem in Hadriano. Interea *Hierosolyma eversa rursus habitari jussit, atque urbem ÆLIAM CAPITOLINAM appellavit. Jovi item ex adverso templi ædem excitavit. Bellum hinc & grave & diuturnum natum est. Magno enim dolore adsciebantur Judæi atque indignabantur, peregrinos secum in civitate habitare: & illud quoque etiam gravius ferebant, externa sacra fieri, & externorum Deorum imagines in ipsa constitui. Quievere tamen ab armis & cadibus, Hadrianum veriti, qui eo tempore vicinis in locis constiterat. Nihilo tamen fecius inter se ea studiose fabricare non cessabant, quibus, quoties belli necessitas posceret, uti possent. Postquam vero longius Hadrianus absuit, palam in arma vertuntur: quanquam aperta acie cum Romanis congredi non ausi sint. Auxilia autem*

autem sumebant muro & cavernis subterraneis, specus fodientes, atque cuniculis omnia munientes, ut, quoties violarentur, liberos haberent ad fugam exitus: invicem quoque subter terram clanculum commearent. Has autem specus & subterraneas vias, superne quibusdam in locis hiantes fecerunt, ad ventos & lucem excipiendum. Impetus eorum Romani primum contemserunt: verum postquam universa provincia tumultuata est, & qui ubique gentium erant cum iis conspiraverunt, tunc cognovere & intellexerunt, quam grave & periculosum bellum exortum foret: multa enim mala in Romanos, partim clam, partim aperte, edebant. Adscivere multos etiam externorum prada & lucri cupiditate: & fere, ut isa dixerim, UNIVERSUS TERRARUM ORBIS EX MOTU JUDÆORUM CONCUSSUS EST. Cæterum motum hunc suppressum duce Marcio Turbone scribit Spartianus.

XIII. At vero hæc non nisi initia dolorum fuerunt. Nam an-^{XIII. Qua}no Hadriani XVI. Christi cxxxii. vel cxxxiii. Legato Cæsaris in ^{suppressa} Palæstina Tinio Rufo, redintegrata seditio est. Caput factionis fuit ^{quadantenus, val-}quidam BAR COCHAB, ^{dine per}filius stellæ dictus. Hic ^{Barcochab}ἀντιστάτης Ἰουδαίου ἀγ-
χρητής, ut a Justino vocatur, memor vaticinii Num. xxiv: 14. de ^{in urbe}stella ex Jacobo oritura, sibi illud applicuit, indeque filius stellæ ^{Bitter red-}nominari voluit. Qua re commoti non illi solum, quos ex plebe ^{integrata}misera captivitatis & jugi Romanorum pœnitere cœpit; sed & maxi-
mi nominis Rabbini, castra ejus secuti sunt. Celeberrimus fama eo tempore erat Rabbi *Aquiba*, viginti quatuor millium discipulorum Magister, quem *Setumtaab*, *Authenticum*, sive *Canonicum* κατ' ἐξου-
appellarunt. Is artibus hujus seductoris ita fuit fasciatus, ut non tantum exclamaverit: *היינו מלכה משיחא* *En ipsum Regem Messiam*, Judæosque, plurimum sibi tribuentes, maximo numero ipsi adjunxerit; sed & ipse armiger ejus exstiterit. Sedes hujus belli Palæstina erat, & præcipue BITTER, urbs *Hierosolyma* vicina, sita in tribu Benjamin, quam Judæi *Hierosolyma* expulsi, studiorum & reipublicæ metropolim esse voluerant. In qua quadringenta fabulantur fuisse collegia: in singulis quadringentos præceptores, quorum unusquisque rursus quadringentos habuerit discipulos de domo Rabban. Hanc Barcochab Judæorum Rex electus, unctus, & coronatus Regiam sibi fecerat.

XIV. Tunc Hadrianus, minime cunctandum ratus, optimos ^{XIV. An}quosque duces adversus eos misit, urbem Bitter per annos tres & ^{magna In-}dimidium obsidione cinxit, occupatamque non modo inclementer ^{dorum}tractavit, sed & Judæos per Judæam & Babyloniam promiscue ad ^{malo.}internecionem rapuit. Rex ipse captus mortis supplicio adfectus est.

R. Aquiba pectinibus ferreis dilaniatus. *Pauci admodum evaserunt, ait Dio, atque a cade superfuerunt. Arces eorum quinquaginta celeberrime diruta sunt: vici ad nongentos & octoginta quinque, qui sane frequentes & nominatissimi erant, direpti & mox igne consumentur sunt: viri in excensionibus & praeliis ipsis ad quinquaginta millia cæsi fuere: fame & morbis & igne ingens multitudo absumpta; & sic fere tota Judæa desolata est.* Hæc Dio. At dici non potest, quam tragice Judæi hanc suam cladem exaggerent: qua duplo plures periisse conqueruntur quam *Agypto exierunt.* QUADRINGENTAS INTERFECTORUM MYRIADAS quidam numerant: alii OCTOGINTA MILLE MYRIADAS. Sanguinem tradunt rapuisse secum petras magnitudine quadraginta modiorum, donec ad quadraginta miliaria in Oceanum usque flueret. Addunt, sed *immensa cavi spirant mendacia folles*, Hadrianum vineam habuisse amplissimam, octodecim miliarium, tam in longitudine, quam in latitudine: quam sepe Judaicorum cadaverum, ad altitudinem justæ staturæ virilis, integram cinxerit, non passus se vivo sepe illam amoveri, interfectosque humari. Vid. *Buxtorf. Lex. Tabm. ad vocem* בית.

XV. *Ælia non nisi ab hisve Hierosolyma vocatur.*

XV. Sunt qui existiment, post hanc demum cladem, inque illius memoriam, structam Æliam Capitolinam esse: sed eos erroris coarguit Dio: cui ob gravissimas rationes Scaliger, Petavius, Valesius, Spanhemius, assentiuntur. Mansitque urbs isthoc nomine usque ad Constantinum Magnum. Ab eo tempore *Hierosolyma* nomen quasi postliminio repetiit, tum ob splendorem illius nominis, tum ob primitivæ sedis prærogativam. Revera tamen Ælia erat: non Jerusalem. Adeoque in Canone VII Concilii Nicæni *Episcopus Ælia* vocatur. *Chrysostomus* etiam *Orat. III. adversus Judæos* ita dictam sua ætate testatur. Ἐπειδὴ γὰρ Ἀίλια Ἀδριανὸς ἐρημάτισεν, ἵνα τὴν πόλιν καλεῖσθαι ἰνομοτίθῃσιν. ἰσθὶν γὰρ Ἀίλια μέχρι τῆς νῦν ἰνομαζέται, ἀπὸ τῆς ἐπωνυμίας τῆς κρατάσαντος καὶ κατελόντος αὐτὴν. Christiani tamen frequenter *Hierosolyman* appellarunt; uti & nos impostertum facimus: sed κατὰ χροῖον. Quod semel monuisse sufficiat.

XVI. *In quam partem inferre Judæi se non lege prohibiti sunt; nisi una dumtaxat quotannis die, ad sep. Hist. Lib. IV. Cap. VI.*

XVI. Bellum Judaicum quod in Palæstina gerebatur finem accepit anno XVIII Hadriani. Τὸ πᾶν ἔθνος ἐξ ἐκείνου καὶ τῆς περὶ τὰ ἱεροσόλυμα γῆς πάμπαν ἐπιβαίνειν ἰγγεται, νόμος δόγματι καὶ διατάξει Ἀδριανῆς, ὥστε ἐν μηδ' ἐξ ἀπόπτου θεωρεῖν τὸ πατρίον ἱερὸν ἐγκατασμένον. Ex eo deinceps tempore universa Judæorum gens in regionem circa Hierosolymam sita pedem inferre prohibita est, lege & constitutione Imperatoris Hadriani: adeo ut ne prospicere quidem e longinquo patrium solum ipsis licuerit. Eod. die, ad *sep. Hist. Lib. IV. Cap. VI.* Ejusdem interdicti meminit *Tertullianus* cont. Judæos.

Jud. Cap. xv. Et exinde quod interdictum est, ne in confinio ipsius regionis demoretur quisquam Judæorum. Et paullo post: Quod vobis pro meritis vestris post expugnationem Hierusalem, prohibitis ingredi in terram vestram, de longinquo tandem eam oculis vestris videre permissum est. Permissio autem aliqua propius accedendi una duntaxat die quotannis data est, x nimirum Augusti, idque eo solum fine, ut vastatæ urbis ædisque rudera deslerent. Gregor. Nazianz. in Orat. XII. p. 202. Μία ἡμέρα τέτοις τῆς συμφορᾶς ἡ οὐκ ἐκείνη πᾶσα καθ' ἣς ἐσπάρησαν, καὶ ἡ λατρεία πεπαισμένη, καὶ αὐτῆς τῆς Ἱερουσαλὴμ τὸ ἰδιόφρον μόνιμον γινώσκόμενον ἥς τοσούτῳ ἐπίβατον αὐτοῖς ἐστὶ μόνον, καὶ τοσούτον ἀπολαύσει τῆς πότῃ αὐτῶν δόξης, ὅσον ἐν ἡμέρᾳ φανέντες θρηνησαι τὴν ἱερμίαν. Quem locum, Billium corrigens, ita reddit Valesius: *Unum illis monumentum calamitatis est, totius terrarum orbis per quem dispersi sunt: & sublati Dei cultus: & ipsius Hierosolymæ solum, vix facile cognitu: quam hactenus ipsis introire licet, & vetere sua gloria hactenus fruuntur, ut uno die conspecti vastitatem & excidium ejus lugeant. Atque illud ipsum pretio illis constitit. De qua re eleganter Hieronymus in Sophoniæ Cap. I. Usque in præsentem diem perfidi coloni, post interfectionem servorum, & ad extremum filii Dei, excepto plañctu, prohibentur ingredi Jerusalem: & ut ruinam sua iis flere liceat civitatis, pretio redimunt: ut qui quondam emerant sanguinem Christi emant lacrimas suas. Videas in die quo capta est a Romanis & diruta Jerusalem, venire populum lugubrem, confluere decrepitas mulierculas, & in habitu suo iram Domini demonstrantes, congregatur turba miserorum, & patibulo Domini coruscante, ac radiante avasæra ejus, de Oliveti monte quoque crucis fulgente vexillo, plangere ruinas suas populum miserum, & tamen non esse miserabilem. Adhuc fletus in genis, & livida brachia, & sparsi crines, & miles mercedem postulat, ut illis flere liceat.*

XVII. Enimvero contemti, exosique Romanis Judæi fuerunt: ^{XVII. Exosi sem-} a militia, magistratibus, aliisque publicis officiis, & iis quæ aliis ^{per Roma-} compluribus nationibus, licet barbaris, concessa fuerunt privilegiis, ^{nis, &} remoti. ^{consecrati.} Marcus Antoninus Imperator, uti auctor est Ammianus Marcellinus Lib. II. quum Palæstinam transfret, Ægyptum petens, fætentium Judæorum, & tumultuantium sæpe, tedio percitus, dolenter dicitur exclamasse: O Marcomanni! O Quadi! O Sarmata! tandem alios vobis deteriores inveni. Sub Severo quoque pessima fuit Judæorum in Palæstina conditio: quippe qui imprimis a Pescennio Nigro, Orientale Imperium invadente, gravissimis pressi sunt tributis: quorum quum levationem peterent, respondit Pescennius: *Vos terras vestras levare censitione vultis; ego vero etiam aërem vestram censere vellem.* Spartian. in Pescen. XVIII.

XVIII. De
profanata
ab Hadria-
no ex odio
Christiane
religionis,
Hierosoly-
ma, Pauli-
ni & Hiero-
nyimi
querela.

XVIII. Cæterum non in Judæorum solum, sed & Christiano-
 rum odium, multa ab Hadriano facta videntur, tam in solo *Hiero-*
solymitano, quam Bethlemitico: quorum monumenta usque ad Con-
 stantini ætatem manserunt. Tragicæ descriptiones hujus indignitatis
 exstant; tam in Paulini, quam Hieronymi Epistolis. *Paulinus* Epi-
 stola XI. quæ est ad Severum, sic queritur: *Hadrianus, existimans*
se fidem Christianam loci injuria peremturum, in loco passionis simulacrum
Jovis consecravit; & Bethlehem Adonis fano profanata est: ut quasi ra-
dix & fundamentum Ecclesiæ tolleretur, si in iis locis idola colerentur, in
quibus Christus natus est, ut pateretur; passus, ut resurgeret; surrexit,
ut regnaret; judicatus est, ut judicaret. Me miserum! etiam ista pro
me Dominus omnipotens perpeti non recusavit, ut ubi pro salute generis
humani crucifixus pependerat, ibi hominum sacrilegio sperneretur. Super
crucem, ad quam orbe concusso, & sole refugo, & dissilientibus mortuo-
rum excitatione monumentis, rerum natura nutaverat, stabat simulacrum
demonis; & in ara simulacri pecudum busta fumabant; & Dei nomen
deferebatur statuis mortuorum; quum ipse vivorum Deus, qui & resur-
rectio mortuorum est, non solum mortui, sed & crucifixi hominis blasphem-
aretur opprobrio. In Bethlehem quoque, ubi agnoverat bos possessorem
suum, & asinus præsepe domini sui, ibi principes hominum, inficiati sal-
vatorem Deum, infames hominum amores mortisque coluerunt. Proditæ
novo sidere Regis æterni ubi cumabula supplices cum suis opibus adorave-
runt Chaldæi; ibi barbaras libidines sacraverunt Romani. Ubi natum Sal-
vatorem cum exercitu angelorum concinentes cælesti gaudio salutaverunt
illustrata nocte pastores; ibi Veneris Amasium mixtæ semiviris plangere
meretrices. Proh dolor! quæ pietas hominum hanc impietatem compen-
sare poterit? Ubi sacra nati Salvatoris infantia vagiebat, illic Veneris la-
menta fingentium lascivis lusibus infamis ritus ululabat: & ubi Virgo pe-
perit, adulteri colebantur. Mansit hoc seculi prioris nefas, in tempora
nostris proxima, Constantini. Hæc Paulinus. Hieronymus brevius, sed
non minus eleganter, Epist. XIII. Ab Hadriani temporibus usque ad
imperium Constantini, per annos circiter centum octoginta, in loco resur-
rectionis, simulacrum Jovis; in crucis rupe statua ex marmore Veneris a
gentibus posita colebatur; existimantibus persecutionis auctoribus, quod tol-
lerent nobis fidem resurrectionis & crucis, si loca sancta per idola polluis-
sent. Bethlehem nunc nostram; & augustissimum orbis locum, de quo
Psalmista canit, Veritas de terra orta est; lucus inumbrabat Thamuz,
id est Adonidis: & in specu, ubi quondam Christus parvulus vagiit, A-
masius Veneris plangebatur.

XIX. Interim Ecclesiæ in Palæstina mediocri pace & tranquillitate utebantur, hætenus ut concilia indicare & habere potuerint. Cui rei occasionem dedit celebris controversia de Paschate: an quartadecima luna celebrandum foret; quod Ecclesiæ Asiaticæ ex vetusta traditione urgebant: an resurrectionis Dominicæ die; quod totius fere orbis consensu observabatur. Controversiæ isti dirimendæ, conventus Episcoporum, uti alibi, ita & in Palæstina, indicti sunt. Palæstinorum Synodo præerant Theophilus Cæsareæ Palæstinæ, & Narcissus Hierosolymorum Episcopus: quorum Epistolam Synodalem suo adhuc tempore exstitisse narrat Eusebius. In eo autem cum cæteris senserunt, ne ullo alio quam Dominico die mysterium resurrectionis Dominicæ celebretur: utque eo duntaxat die Paschaliū jejuniū observetur terminus. *Euseb. Hist. v. xxiii.*

XX. Fuerunt autem isti in Palæstina *μάλα δόκιμοι καὶ διαπρόκτατοι ἐπίσκοποι*, probatissimi & maxime insignes Antistites. *Hist. vi. viii.* De Narcisso Hierosolymitano multa quidem alia stupenda commemorant civitatis illius incolæ, a fidelibus continua successione, velut per manus sibi tradita. Inter quæ hoc etiam miraculum ab illo editum esse narrant. Forte in magna Paschæ vigilia oleum ministris deerat. Qua de causa cum universus populus gravissimo mœrore perculsus esset, Narcissum ferunt mandasse iis, quibus curæ erat lucernas accendere, ut aquam ex quodam propinquo haustam puteo ad se deferrent. Quod ubi dicto citius impletum est, oratione super aquam facta, iussisse dicitur sincera in Christum fide, ut eam lucernis infunderent. Quo itidem peracto, ajunt, aquam contra morem naturæ suæ, mirabili quadam ac divina virtute, in olei pinguedinem esse conversam: ex eoque oleo apud plurimos fratres exiguum quoddam specimen ad memoriam tanti miraculi diutissime ad nostra usque tempora servatum fuisse. Plurima quoque alia de vita & conversatione ejus viri perhibent, memoria imprimis digna: inter quæ & illud est. Mali quidam homunciones, qui vigorem & constantiam vitæ illius ferre non poterant, veriti, ne tandem deprehenso pœnas darent, utpote sexcentorum sibi scelerum conscii, prævenire eum decreverunt: structisque insidiis gravissimam ei calumniam asperferunt: Atque ut audientibus persuaderent, sacramenti religione accusationem firmabant. Unus inter jurandum imprecabatur sibi, ut incendio periret, si sciens falleret. Alter, ut scævo ac pestilenti morbo corpus absumeretur. Tertius, ut luminibus orbaretur. Sed quantumvis jurantibus nemo ex fidelium numero fidem adhibebat: quippe cum Narcissi continentia & sanctitas vitæ, omnibus virtutum numeris absolutæ,

cunctis semper spectata compertaque esset. At ille quum dictorum infamiam sustinere non posset, & alioqui Philosophicæ vitæ jamdudum amore teneretur: relicta Ecclesiæ plebe, in solitudine ac deviis agris plurimos annos delituit. Verum magnus ille Justitiæ oculus, his peractis, minime quiescendum putavit. Sed confestim impios illos iis ipsis ultus est diris, quibus in semet ipsos pejerantes sese devoverant. Primus igitur, cum modica quædam scintilla in domo, in qua manebat, citra ullam caussam subito exsiliisset, noctu incensus ædibus cum universa familia conflagravit. Alteri corpus ab imis pedibus ad summum usque capitis verticem, eo morbi genere, quo se ipse multaverat, correptum est. Tertius priorum casus contuitus, omniumque inspectoris Dei veritus inevitabilem vindictam, concinnatæ ab ipsis ex compacto calumniæ ordinem est confessus. Tantis porro lamentis ob pœnitentiam facti sese confecit, & in tantum lacrymas effundere perseveravit, ut ex eo oculorum lumen amitteret. Et hi quidem calumniæ suæ ejusmodi pœnas dederunt. Cæterum post Narcissi fugam, ignaris omnibus, ubinam gentium ageret, visum est finitimarum Ecclesiarum Episcopis, alium ejus loco Episcopum ordinare, Dium nomine. Qui cum modico tempore præfuiisset, successor ei datus est Germanio: quem deinde Gordius excepit. Hujus temporibus Narcissus, cum subito quasi redivivus emerisset, a fratribus, ut Ecclesiæ administrationem denuo susciperet, rogatus est. Quippe universi multo magis tunc eum mirabantur: tum ob secessum, tum ob philosophicam vivendi rationem: maxime vero ob præsentem vindictam, qua Deus calumniatores illius afficere dignatus fuerat. *Euseb. Hist. Lib. vi. Cap. x:xi.* Horum quidem ego omnium fidem præstare non aûsum: at silentio transmittenda non videbantur *Hierosolymæ* historiam texenti. Baronius refert ad Annum Severi V, Christi cxcix.

XXI. Constantinus
Hierosolymæ ad sepulcrum
Domini
splendissimum struxit Templum.

XXI. At dudum gestit animus *Hierosolymam* videre, uti instaurata, & Christiano prorsus cultui dicata, a CONSTANTINO M. est. Atque hic omnem suam eloquentiam Eusebius exhaustit, ut Constantini in hac urbe exornanda pietatem, liberalitatem, tantoque Imperatore dignam magnificentiam quæsitis elogiis prædicaret. Ego summa tantum sequar fastigia rerum. Asserta in Concilio Nicæno Orthodoxa de Christo fide, Dominicæ resurrectionis locum, qui *Hierosolymis* est, illustrem ac venerabilem cunctis mortalibus efficere, officii esse sui pius Imperator duxit. Ante omnia itaque removeri curavit, quæ gentilium impietas profanando Domini sepulcro struxerat altaria ac simulacra: ratus eam maxime soli partem, quam adversarii contamina-

taminassent, sua opera ac ministerio, Divina frui magnificentia oportere. Idcirco circa salutarem speluncam Deo dignum templum regali liberalitate exstrui jubet. Ac rectoribus provinciarum per Orientem præcepit, ut impensis copiose subministratis, ingens amplumque ac magnificum opus illud efficerent. Præterea Macario Episcopo *Hierosolymorum* scripsit, operam daret, ut Basilica strueretur pulcherrima, quæ omnes, quantumvis eximias, cæterarum urbium fabricas facile superaret. His ita constitutis primum sacram speluncam, utpote totius operis caput, Imperatoris magnificentia eximiis columnis, maximo cultu & cujusque modi ornamentis decoravit, atque illustravit. Transgressus inde est ad vastissimum locum libero patientem cælo, cujus solum splendido lapide constravit, longissimis undique porticibus ad tria latera additis. Quippe lateri illi, quod e regione speluncæ positum, solis ortum spectabat, conjuncta erat Basilica: opus plane admirabile, in immensam altitudinem elatum, & longitudine ac latitudine maxima expansum. Cujus interiora quidem versicoloribus marmoris crustis oblecta sunt: exterior vero parietum superficies, politis lapidibus probe inter se vinctis decorata, eximiam quandam pulchritudinem nihilo inferiorem marmoris specie, præferbat. Ad culmen vero & cameras quod attinet, exteriora quidem tecta plumbo tanquam firmissimo quodam munimento ad hybernos imbres arcendos obvallavit. Interius autem tectum sculptis lacunaribus confertum, & instar vasti cujusdam maris compactis inter se tabulis per totam basilicam dilatatum, totumque auro purissimo coopertum, universam basilicam velut quibusdam radiis splendere faciebat. Porro ad utrumque latus, geminæ porticus tam subterraneæ, quam supra terram eminentes, totius basilicæ longitudinem æquabant; quarum concamerationes auro perinde variatæ sunt. Ex his, quæ in fronte basilicæ erant, ingentibus columnis fulciebantur: quæ vero interiores, pennis magno cultu extrinsecus ornatis sustinebantur. Portæ tres ad Orientem Solem apte dispositæ, introeuntium turbam exceperunt. E regione harum portarum erat hemisphærium, quod totius operis caput est, usque ad culmen ipsius basilicæ protentum. Cingebatur id duodecim columnis, pro numero sanctorum Servatoris nostri Apostolorum; quarum capita maximis crateribus argenteis erant ornata, quos Imperator tanquam pulcherrimum donarium Deo suo dicaverat. Hinc ad eos aditus, qui ante templum sunt progredientibus, aream interposuit. Erant autem in eo loco primum atrium, deinde porticus ad utrumque latus, ac postremo portæ atrii. Post has totius operis vestibula in ipsa media platea, in qua forum est re-

284 E X E R C I T A T I O XII.

rum venalium, ambizioso cultu exornata, iter forinsecus agentibus aspectum earum rerum, quæ intus cernebantur, non sine quodam stupore exhibebant. Hoc igitur templum tanquam salutiferæ resurrectionis testimonium Imperator exstruxit & magnifico planeque regio apparatu decoravit. Nec dici potest, quot quantisque ornamentis ac donariis, partim ex auro & argento, partim ex gemmis, illud diversimode venustaverit. Quorum apparatus summo artificio elaboratum, & magnitudine & numero & varietate insignem, hic singulatim exponere haut vacat.

XXII. So-
lemni ritu
dedican-
dum.

XXII. Absolutum ex voto Templum solemniter dedicari Imperator voluit: convocatos igitur ex universa Ægypto, & Lybia, Asia item & Europa, Episcopos, primo Tyrum, ubi supra fidem impia, & indigna Christi nomen proflentibus Episcopis, adversus Athanasium moliti sunt; dein *Hierosolymam* (quam Socrates *Æliam* aliquoties vocat *Hist. Lib. 1. Cap. xxxi.*) venire iussit, ut præsentia sua festivitatem illam condecorarent. Qua vero ratione dedicatio ista facta sit; nemo nobis melius quam Eusebius dixerit; qui his eam verbis refert. *De Vita Constantini Lib. IV. Cap. XLV. At sacerdotes Dei partim precationibus, partim sermonibus festivitatem ornabant. Alii siquidem comitatem religiosi Imperatoris erga omnium Servatorem laudibus celebrabant, & Martyrii magnificentiam oratione persequiebantur. Alii sacris Theologiæ dogmatibus ad præsentem celebritatem accommodatis, spirituale quoddam epulum audientibus præbebant. Quidam sacrorum voluminum lectiones interpretabantur, arcanos & mysticos sensus in lucem proferentes. Qui vero ad hæc aspirare non poterant, incruentis sacrificiis & mysticis immolationibus Deum placabant; pro pace communi; pro Ecclesia Dei; pro Imperatore tot bonorum auctore, ejusque piissimis liberis, preces Deo suppliciter offerentes. Ibi nos quoque, quibus majora, quam pro meritis nostris, bona contigerant, variis sermonibus publice habitis solemnitatem decoravimus nunc regalis fabrica decorem ac magnificentiam scriptis enarrantes; nunc prophetarum oraculorum sensus apte & accommodare ad præsentem figuram atque imagines interpretantes. Hoc modo dedicationis solemnitas ipsi Imperatoris tricennialibus summa cum hilaritate celebrata est.*

XXIII. Cu-
jus fulgore
perstricitur
Eusebius,
notam se
in eo Pro-
phetarum
Hierosoly-
mam cer-

XXIII. Adeo præter modum Templi hujus magnificentia veluti extra sese raptus fuit Eusebius, ut exclamaverit, *de Vit. Const. Lib. III. Cap. xxxiii.* Τόχα πῶ ταύτην ἔσαν τὴν διὰ θεοφάνειαν διακοσμημένην καὶ τὴν καὶ τὰς Ἱερουσαλὴμ. Ἦς περὶ μεγάροι λόγος, μὴ δὲ τοῦ πνεύματος & διορίστος ἀνυμνῶσι. Atque hæc forsitan fuerit recens illa ac nova Hierusalem, Prophetarum vaticiniis predicata, de qua in sacris voluminibus tot præconia ab ipso Divino Spiritu pronunciata leguntur. Sed falli-

fallitur vir bonus : dum nimio externi operis fulgore perstrictus , ad *nere, falso* spiritualia ac cœlestia mysteria , novæ Hierusalem emblemata signifi- *autumatis.* cata , caligat.

XXIV. HELENA , mater Constantini , suæ etiam pietatis in ea- *XXIV. He-* dem hac regione eximia existare. voluit monumenta. Quamvis enim *lena etiam* jam affecta ætate esset , juvenili tamen animo in Orientem prope- *duas ades* ravit , terram , quam singulari veneratione dignam rebatur , lustra- *sacras con-* tura. Postquam igitur Servatoris vestigia religiose venerata esset , *didit : alie-* Deo quem adoraverat duo statim templa dedicavit : alterum Bethle- *ram Beth-* mi , ad speluncam in qua natus credebatur Dominus : alterum in eo *lemi : alio-* monte ex quo in cœlum adscenderat. Hæc quidem simplici narratio- *ram in* ne ita exponuntur ab Eusebio , qui rebus omnibus præsens interfuit. *monte Osi-* At veterum nonnulli prodigiosa multa addiderunt : quæ , alibi a me *vesi.* memorata & examinata , hic quoque subjicere lubuit ; ne vel alio amandaretur lector , vel historiæ aliquid deesset.

XXV. Narrant igitur , locum illum in quo postremum instite- *XXV. Ve-* rant Divina vestigia , quum in cœlum Dominus nube sublatu- *rum de* sse , continuari pavimento cum reliqua stratorum parte non potuisse , quan- *impressis* do Basilicam ibi struebat Imperatrix Helena. Si quidem quæcunque *huic loco* applicabantur , insolens humana suscipere terra respueret , excussis in *vestigiis* ora apponentium sæpe marmoribus. Quin etiam calcati Deo pulve- *Christi,* ris adeo perenne documentum esse perhibetur , ut vestigia impressa *aliisque* cernantur. Et quum quotidie confluentium fides certatim Domino *miraculis* calcata diripiat , damnum tamen arena non sentiat , & eandem adhuc *incerta* sui speciem , impressis signata vestigiis , terra custodiat. Ita *narratio-* *nes.* Sulpitius Severus. Addit Hieronymus , de locis Hebraicis : Denique , quum Ec- clesia , in cujus medio sunt , rotundo schemate & pulcherrimo opere con- deretur ; summum tantum cacumen , ut perhibent , propter Dominici cor- poris meatum , nullo modo contegi & concamerari potuit : sed transitus ille a terra ad cælum usque patet apertus. Meminerunt ejus rei & Optatus Milevitanus , Paulinus , & Beda , quorum verba Baronius exhibet , ad Ann. xxxiv. §. ccxxxvii. & seq. Nec his contenti Geographi , & peregrini terræ sanctæ , asserunt , vestigia illa etiamnum inter medios Turcas visa , & quidem conversa ad occidentem , ne scilicet Catho- lica Romana Ecclesia nihil hinc pro se haberet : quippe ad quam , ut dilectam præ cæteris sponsam , ultimum se in terris Christus conver- terit. A Lapide ad Act. 1. 12. Casaubonus miraculum illud de impres- sis Christi vestigiis , ob tot scriptorum consensum , & in his magni Hieronymi , fide dignissimum esse existimat. Mihi , ut verum fatear , secus videtur. Neque dubito , quin hæc una sit ex fabulis illis quas

posterior ætas, contra superiorum seculorum fidem, vel confinxit, vel arripuit. Et enim, uti judiciose notavit *Hornius*, *Eusebius* quum exactissime structuram templi in monte Oliveti describat, nullo verbo hujus miraculi meminit, hautquaquam prætermisurus rem, si fuisset vera, memorabilem, & confutandis Ethnicis magnum usum præbituram. Prætermittunt etiam silentio *Socrates*, *Theodoretus*, *Sozomenus*, & fabularum Pater *Nicephorus*: qui tamen de crucis inventionem tam splendide nugantur. De qua quid credendum sit mox inquiremus. Quæ vero etiamnum monstrantur peregrinantibus vestigia, ea meras maleferiatorum hominum officinas esse, res ipsa loquitur. Nec recens fabella antiquæ consonat. Hæc, vestigia arenæ impressa dictat. Illa, saxo. Nec vestigia nunc cernuntur, sed vestigium unius modo pedis, in parte aliqua rupis. Altero, una cum saxo cui instituisse dicitur, a Turcis in fanum aliquod suum translato. *Della Valle Itin. Lib. I. Cap. xxxvii.* Adeone nunc vestigiorum suorum securum factum esse Dominum, ut quum olim Augustissimæ Basilicæ, a pia Imperatrice in honorem ejus structæ, concameratione regi ea noluerit, nunc earum partem alteram in fanum Pseudo-Prophetæ dicatum transferri patiat? Originem erroris invenisse se credit *Hornius*, in iis *Eusebii* verbis quæ exstant *Lib. III. de Vit. Const. Cap. xlii.* ubi de Helenæ in Judæam adventu agens, dicit, *ὡς δὲ βήμασι τοῖς σωτηρίου τοῦ πρίντος ἀπὸ τοῦ προσκύβειν.* Post quam autem Servatoris nostri vestigia debito cultu venerata est. Quæ in genere de Judæa dicta, ubi Christus versatus est, inscite fortassis Oliveti monti applicata sunt, unde Christus ascendit. Et certe paululum aliquid ad natales fabulæ sufficit, quæ, ut ut improbabilis, insanum quantum temporis tractu crescit. Mihi tamen magis allubet opinari, ex Zachariæ vaticinio figmenti quæsitam occasionem. Apud illum enim invenimus *Cap. xiv: 4. stabunt pedes ejus illo die in monte Olivarum.* Quod profecto nimis literaliter ad rem traxit *Baronius*. vel ex *Pf. cxxxii. com. 7. adoravimus ubi steterunt pedes ejus.* Ita enim citat, & huc refert *Paulinus*. Superfluum esset ostendere, quam hæc aliena sint.

XXVI.
Historia
crucis per
Helenam
reperita.

XXVI. Eiusdem ponderis est quod de crucis Dominicæ inventionem prodiderunt. Dum *Hierosolyma* Helena morabatur infudit ei Spiritus, ut lignum Crucis requireret. Accessit ad *Golgotham*: Et ait, Ecce locus pugna, ubi est victoria? Quæro signum salutis, & non invenio. Ego, inquit, in Regnis, & Crux Domini in pulvere? Quomodo me redemptam arbitror, si redemptio ipsa non cernitur? Ita eam loquentem in scenam producit *Ambrosius*, *Orati. in Fun. Theodosii*. Peritissimos ergo, tam Christianorum, quam Judæorum, *Paulino* teste *Epist. xi. Hierosolymam*

solymam accitos congregavit. Tum omnium una de loco testificatione confirmata, jussit ilico, urgente sine dubio concepta revelationis instinctu, in ipsam locum operam fossionis accingi. Neque diu fuit, quin abdita crucis arcana paterent: sed quum tres pariter cruces, ut quondam fixa Domino & latronibus steterant, repertæ fuissent, gratulatio repertarum cepit anxia dubitatione confundi piorum metu, ne forsitan pro cruce Christi patibulum latronis eligerent. Unde colligas, formam omnibus eandem fuisse. Cæterum quæ tandem nota discriminis? Sæ Ambrosio credimus, Deum ἀνὸ μαχαρίας intervenire necesse non fuit. Invenit enim Helena in medio patibulo prælatus titulum, JESUS NAZARENUS REX JUDÆORUM. Hinc collecta est series veritatis, titulo Crux patuit. Et fortasse sic ea tempestate credebatur. At aliter Rufino visum, qui rem tantam non absque miraculo confici potuisse credidit. Adducta est semiviva mulier, quæ primæ secundæque crucis actu nihil adjuta, simul ac tertiam admoventi sensit, repente adaperitis oculis resurrexit, & stabilitate virium recepta, alacrior multo, quam quum sana fuerat, tota domo discurrere, & magnificare Dei potentiam cepit. *Ruffi. Hist. Lib. I. Cap. XVII.* Non multum abludit Theodoretus *Hist. Lib. I. Cap. XVIII.* Id si ad faciendam fidem non sufficiat, aliud, & majus, ex Paulino audi, cui Sulpitius adstipulatur Severus. Cadaver illatum est; deponitur; jacenti una de crucibus admoventur, dein altera; sed earum ligna mors sprevit. Postremo Dominicam crucem producit resurrectio: & ad salutaris ligni tactum, morte profuga, funus excussum, & corpus erectum est. Nicephorus utrumque conjungit. *Lib. VIII. Cap. XXIX.* Regina ergo voti compos effecta, tantisque confirmata miraculis, templum mirificum, eo in loco in quo crucem repperat, regia ambitione construxit. Crucis autem inventæ partem alteram Hierosolymis esse relictam, alteram ad Constantinum allatam, & Sozomenus & Theodoretus affirmant. Quam ubi Constantinus (ita Socrates ἰσοπέι) accepisset, in suam inclusit statuam quæ Constantinopoli in foro collocata est: ratus civitatem, in qua illa servaretur, omnino salvam & incolumem fore. Hæc est rei gestæ historia: quæ tot, tantæque fidei & auctoritatis, firmata testibus, tam constanter in Oriente pariter atque Occidente credita, extra omnem dubitationis aleam posita esse videtur. Idque eo magis, quia S. Cyrillus, Hierosolymitanus Antistes, qui his temporibus vixit, & interfuisse potuit ejusdem crucis inventioni, ad Constantium, Constantini filium, de salutare crucis ligno reperto scripsit. Vide Baron. *Tom. III. ad An. CCCXXVI. Num. XLII. & seq.*

XXVII.
*Quam fabula pro-
 piorem esse
 multis ar-
 gumentis
 evincitur.*

XXVIII. Non desunt tamen Viris Doctis quæ contra differunt. Ac primo quidem vetant oculos nobis præstringi narrationis alicujus late didita, multisque, etiam non omnino imprudentibus, credita fama. Homo natura ad fingendum pronus est: & facile ab aliis ea commenta recipiuntur, quæ rei alicui cui impense student commendandæ idonea sunt. Quod exemplis confirmare in mundo est. Quid per multa secula celebrius fuit Constantini lepra, & Baptismo apud Romam a Sylvestro, Urbis Episcopo, suscepto? Quid Catharinæ, Regiæ apud Alexandriam Virginis, diris passionibus vulgatus? aut Giganthea Christophori statura? Quid Sancta Urfula cum undecim millium Virginum choro, illarumque martyrio decantatus? Quid famosius Rhemenfi ampulla, ad Chlodovæum inungendum Divinitus delata? Quam nobilis & antiqua fabula de Carolo Martello ad gehennam damnato? Horum tamen omnium cordatiores Romanensium hodie pudet. Ita quoque fieri potuit, ut hæc de reperta cruce, annis aliquot post Helenæ mortem, a nescio quo primum conficta, patulas aures invenerint, quia admodum favere videbantur illi circa reliquias religioni, quæ affecto seculo quarto gliscere occæpit. Sane Chronicum Colonienſe, conscriptum Anno M. cccc. xcix. ante exortam Reformationis lucem, hanc inventæ crucis historiam, non minus incertis & dubiis accenset, quam illam de undecim mille Virginibus. Nam & illud observandum, non esse hanc rem traditam nisi ab iis qui Constantino & Helena aliquanto tempore posteriores fuerunt. Quod rem mature quidem, nec multis post Helenæ obitum annis, traditam receptamque demonstrat: veram esse, non vincit. Primus qui illiusce meminuit *Cyrillus Hierosolymitanus* est, si modo Cyrillus. Hunc potuisse interesse inventioni crucis, Baronius dixit; interfuisse, erubuit dicere. Sed non sine causa a Viris Magnis dubitatur, an veri Cyrilli hæc genuina epistola sit: tum quia *Hieronymus*, acer licet reliquiarum patronus, de ea epistola nihil dicit, quo loco, Cyrillum inter illustres memoriæ scriptores referens, de ejus rebus & libris docet: *Lib. de Script. Eccl. in Cyrillo*: tum quia ipsa epistola ea continet quæ vero Cyrillo indigna sunt. Nam postquam præfatus esset, literas se dare non verborum adulatione refertas, mox tamen Constantium vocat πανσεβιστατον βασιλῆα, προγονικὴν ὑπὸς τῶν μὲν τῷ πρὸς τὸν Θεὸν ὑπακοήν νικῶντα. omnium pientissimum Imperatorem, qui sua erga Deum pietate majores suos superaverit. Et deinceps: *Has ab Hierosolymis primas annuncio voces, Tibi, τῷ γνησιωτάτῳ καὶ παρσεβῆ μεθ' ἡμῶν Ἰησοῦ προσκυντῷ. maxime germano & omnis pietatis studioso, Christi Unigeniti Filii Dei & Salvatoris nostri una nobiscum adoratori.*

Quo

Quo modo Episcopum orthodoxum Imperatori Ariano, multisque sædo criminibus, scripsisse, probabile non est. Vide *Baronium ad Annum CCCLIII. Num. xxvi. & seq.* ubi epistolam eam exhibet: & quum tanta Constantii encomia displicerent, ipse in margine annotavit, *Profusa laudatio*. Non dissimulo tamen Sardicensem Synodum Orthodoxam, Constantium una cum Constante fratre *θεοφιλέστατος & ιουβεστάτος βασιλέας* vocare. *Theodoret. Hist. Lib. II. Cap. VIII. Ambrosii* testimonium annis plus minus octoginta, re gesta, si modo gesta, posterius est. Theodosius enim, in cujus oratione funebri id differit Ambrosius, obiit Anno Christi cccxciv. Crucis autem inventio refertur ad annum cccxxvi. Adde Ambrosium, virum cætera gravissimum, magnum fuisse reliquiarum promotorem: quem mirum non est sparso de crucis inventione rumori facile credidisse. Hoc enim natura cuivis insitum est, ut iis quæ valde cupimus, licet non satis explorata sint, statim ac facile adhibeamus fidem, iisque, ut hypothesi inservituris, utamur alacriter. Et profecto si tanti crucis inventio est, ut, juxta Ambrosium, dicendum fuerit Helenæ; *quomodo me redemptam arbitror, si redemptio ipsa non cernitur?* quo pacto excusari possunt Apostoli, primique Christiani, quot potiundæ cruci non majorem adhibuerint diligentiam? Non enim Judæi, non Pilatus, qui Christi cadaver Arimathæensi Josepho concessit, discipulis infelix magistri patibulum, uti opinor, invidissent. Fac invidisse. Cur non saltem Apostolorum discipuli, diruta Judæorum politia, Urbe ferro & flammis excisa, ex vicino, quo confugerant, oppido statim advolant, in ruderibus illis crucem scrutaturi, tantam religionis suæ partem, inexhaustum benedictionum ac miraculorum thesaurum, Ecclesiæ peculium, spem, præsidium? Præsertim quum nullum ibi persecutionum ludibrium metuendum, sed solitudo, ac muta omnia, essent. Nimirum existimabant id quod res est, nihil ad Ecclesiam commodi ex materiali illa cruce redundare nunc amplius posse. Sufficiebat iis fides, dilectio, cultus Crucifixi: & pia Evāgeliorum meditatio, in quibus de Domini perpeſſionibus sufficienter erudimur. Cæteri auctores fidem historiæ destruunt magis quam ut aſtruant. Adeo sibi dissona commentantur. Vide sis a quam tenuibus initiis, uti in fabulis fieri assolet, fama vires eundo acquisiverit. *Cyrillus*, ut ajunt, simplicissime primum dixit, Constantini temporibus salutare crucis lignum repertum. Hic substitit. *Ambrosius* rudem fabellam exornavit, vel ab aliis exornatam excepit, & Helenam crucis quærendæ atque inveniendæ ducem edidit: addito, ex titulo crucem Domini deprehensam: non contem-

nendum etiam commentarium de clavis adjunxit. Aliis placuit exiliorem hanc Ambrosii narrationem miraculi gloria animare. *Ruffus* ergo, Ambrosio paulo junior, ægram producit, *Dominicæ* crucis contactu repente sanata. Sed quum nec id pro tantæ rei majestatis satis esset, *Paulino*, Poetæ & Oratori haud vulgari, illustrius miraculum fore visum est, si mortuo vita quam si ægræ valentia restitueretur. Hinc cadaver cruci admotum, quod vita recepta mox in pedes surrexit. Sollicitudinem fortasse tam discors *Ruffini* & *Paulini* narratio scrupulosis incutiat animis: sed *Nicephorum* nunc vide, qui ingeniose, & plane ex Græcanica solertia, difficultatem omnem eximit, utrumque admittendo miraculum. Ita paullatim instructa fâbella est, quam alii magno nisu tradiderunt, identidem factam auctionem: donec *Gelasio* Papæ oportunitate visum est fingendi libidini fibulam imponere. Sed nullum validius argumentum eo est, quod ab *Eusebio* desumitur silentio. Is *Cæsareæ*, urbis in vicino *Hierosolymorum* positæ, Episcopus, eopse tempore vivens, Constantino ipsi & *Helene* perquam familiaris, rem tantam, si gesta est, ignorare non potuit. Si scivisset, si vel tenuis illius aura ad aures ejus dilapsa fuisset, indictam præterire non debuit; non potuit etiam, quum tam accuratè in literas digereret, quæcunque a Constantino & Helena in terra sancta, in locis Nativitatis, Passionis, & Sepulturæ Christi, gesta fuere, nusquam in laudibus Augustæ parcas. Si ulla res, hæc certe quantivis erat pretii, nec ullo modo prætermittenda accurato scriptori, ut fuit *Eusebius*. Unicum hoc ab *Eusebii* silentio argumentum, in re tam nobili, tam notabili, ubi tam commoda narrandi oportunitas, tam urgens necessitas, ad displodendam universam illam de crucis inventionem narrationem abunde sufficit. Nec invenit quod opponeret *Bellarminus*, nisi unum aliquid: quod tamen aliquid nihil est. Nimirum mentionem hujus rei inveniri, non quidem in *Historiis*, attamen in *Chronico Eusebii*. Ex quo ad *Annum Constantini* xvi. hæc verba profert. *Helena Constantini Mater, divinis monita visionibus, beatissimum crucis lignum, in quo mundi salus pependit, apud Hierosolymam reperit.* Sed hæc vel fraus est *Bellarmini*, vel mera supinitas. Nam neque in Græco *Eusebiani* *Chronici* textu horum verborum quicquam invenitur, neque, *Scaligero* teste, & *Spondano* non abnuente, in ullo scriptorum codicum Latinorum. Ipseque *Baronius* *Eusebii* *Chronicum* a librariis admodum depravatum esse fatetur. Et res ipsa hic clamat. Non enim crucis inventio, si inventa est, ad *Annum Constantini* xvi. sed *xxi.* qui incidit in *Annum Christi* cccxxvi. referenda est. Hoc ergo additamentum a mala est & fera manu
 Faciunt

Faciunt hæ rationes, ut cum *Chamiero, Panstrat. Lib. xxii. Cap. iv. Salmasio, in Epist. de Cruc. p. 368. & seq. Dalleo, de object. cult. relig. Lib. v. Cap. i.* aliisque, illam de crucis inventionem historiam pro inventionem & fabula habeamus.

XXVIII. Eximius Templorum splendor, Helenæ Imperatricis ^{xxviii.} exemplum, tot encomiis celebratum, & opinio sanctitatis illorum ^{Frequentes} locorum quæ pedibus suis presserat Dominus, quamvis spiritualis ^{olim, &} Christianismi genio minus consentanea, effecerunt ut religiosæ a mul- ^{supersticio-} tis peregrinationes *Hierosolymam* versus instituerentur. *Sozomenus Lib. i. Cap. xxvi*, ubi dedicationem templi, simulque ornamenta & do- ^{sa, ad Hie-} naria ab Imperatore transmissa descripsisset, sic pergit: *quæ quidem in eadem basilica hætenus manent, & a cunctis, non sine ingenti stupore, spectantur. Ex eo vero tempore solennem quotannis festivitatem admodum splendide Hierosolymitana celebrat Ecclesia; adeo ut Baptismi quoque sacramenta eo die tradantur, & per continuos septem dies collecta fiant: multique ex omni fere terrarum orbe conveniant, qui hujus festivitatis tempore ad loca sacra perlustranda undique accurrunt.* Hæc quidem *Sozomenus*. Sed *Hieronymus* de frequentia eorum qui suo tempore religionis gratia *Hierosolymam* confluebant, longe, ut solet, magnificentius, *Epistola xvii.* quæ scripta est nomine Paulæ & Eustochii, quodnam genus hominum, & ex quibus locis illuc properaret, sic describit: *Qui in toto orbe sunt primi, hic pariter congregati: ad quæ nos loca non ut prima, sed ut extrema venimus, ut primos in eis omnium gentium cerneremus. Certe flos quidam, & pretiosissimus lapis inter Ecclesiastica ornamenta, monachorum & virginum chorus est. Quicumque in Gallia fuerit primus, huc properat. Divisus ab orbe nostro Britannus, si in religione processerit, occiduo sole dimisso quarit locum fama sibi tantum & scripturarum relatione cognitum. Quid referamus Armenios? quid Persas? quid Indias, quid Æthiopum populos, ipsamque juxta Egyptum, fertilem Monachorum, Pontum & Cappadociam Syriam caelem & Mesopotamiam, cunctaque Orientis examina? quæ juxta Salvatoris eloquium, dicens, Ubicumque fuerit corpus, congregabuntur illuc aquila, concurrunt ad hæc loca, & diversarum nobis virtutum specimen ostendunt: vox quidem dissona, sed una religio. At quæ tanta caussa fuit hominibus videndi Palestinam? Si *Hieronymum* audiamus, spes proficiendi in religione, scientia, & virtutibus. In hunc enim modum eadem Epistola rhetoricatur. Longum est nunc ab adscensu Domini, usque ad præsentem diem per singulas ætates currere; qui episcoporum, qui martyrum, qui eloquentium in doctrina Ecclesiastica virorum venerint *Hierosolymam*: putantes minus se religionis, minus habere scientia, nec summam, ut dicitur,*

manum accepisse virtutum, nisi in illis Christum adorassent locis, de quibus primum Evangelium de patibulo coruscaverat. Certe etiam si praclarus orator reprehendendum nescio quem putat, quod literas Gracas non Athenis, sed Lilybæi, Latinas non Romæ sed in Sicilia didicerat: quod videlicet unaquæque provincia habeat aliquid proprium, quod alia eque habere non possit, cur nos putamus absque Athenis nostris quemquam ad Auditorum fastigia pervenisse. At si verum dicere volumus, mera superstitio fuit, & spiritualis Christianismi ignorantia. Existimabant enim singulari sanctitate prædita esse ea loca, ubi Christus natus & passus est, unde in cælum adscendit. Quum ex adverso totam Judæorum terram, & Hierosolymam, olim sanctam, dein adulteram & prostitutam, ob incolarum scelera, anathemate Divina ferierit justitia; introducta vero novi testamenti gratia, sublato locorum discrimine, tota terra Jehovah facta sit cum omni plenitudine sua: neque Hierosolymæ magis, quam in quacunque alia orbis regione, adorari malit Dominus. Unde prudenter Epistola ea de causa scripta fratribus consuluit Gregorius Nyssenus, ut e corpore peregrinentur ad Dominum, non ut e Cappadocia in Palæstinam.

XXIX.
Quibus
gradibus
Episcopus
Hierosoly-
mitanus
Patriarchæ
nomen ac
dignitatem
hæc fuit.

XXIX. In qua æstimatione, quove honoris gradu Ecclesia Hierosolymitana Constantini ætate fuerit, colligi potest ex Canone VII. Concilii Nicæni, qui ita habet: *Quoniam mos antiquus obtinuit & vetusta traditio, ut Alia Episcopo honor deferatur, habeat consequenter honorem, manente tamen Metropolitana civitatis propria dignitate.* Aliam verum urbis nomen esse quæ abusive Hierosolyma vocatur, ex iis, quæ antea monuimus, notum est. Honor, qui ejus urbis Episcopo ex more & vetusta traditione deferabatur, in eo consistebat, ut inter Apostolicarum Ecclesiarum Antistites federet, & in literis quoque ita nominaretur, ac subscriberet: utque honorarius esset Metropolitanus, quasi talis τῇ ἀκολουθίᾳ τῆς τιμῆς. Hunc ei honorem factum rectum manere magna Synodus voluit: addita tamen hac cautione, τῇ μετροπόλει σωζομένῃ τῷ ὀνόματι ἀξιώματι, salva Metropolitana civitatis propria dignitate. Metropolitana Syriæ Palæstinæ civitas, Cæsarea erat: cujus Episcopo itaque suberat Hierosolymitanus, & a quo ordinabatur. Atque hanc etiam Cæsariensi Episcopo dignitatem potestatemque illibatam manere, sciscit Synodus. Balsamon in Canonem VI. ita commentatur: ὁ παρὼν κανὼν καὶ ὁ ἑβδόμος διορίζονται τὰς τέσσαρας πατριάρχας, δηλαδὴ τὸν Ῥώμης, τὸν Ἀλεξανδρείας, τὸν Ἀντιοχείας, καὶ τὸν Ἱεροσολύμων κατὰ τὰ παλαιὰ ἔθνη τιμᾶσθαι. Sextus & septimus Canon statunt, quatuor Patriarchas, videlicet, Romanum, Alexandrinum, Antiochenum, & Hierosolymitanum, ex antiquis moribus honorari. At fallitur: nam neque

neque Patriarchæ nomen ea notione Nicænis Patribus' uspiam usurpatum est : & *Hierosolymitanus* Episcopus Cæsariensi postponitur. Sed non diu fuit , quin gnaviter eam dignitatem arripuerit , sibi que vindicaverit *Hierosolymitanus* ; assumpto Patriarchæ titulo , & subiecto sibi suo Metropolitano , & Palæstinis Ecclesiis. Canon Arabicus , qui Canoni VII. Nicæno respondet , quamvis in Arabico sit x , ex versione Turriani ita habet : *quia est consuetudo honorandi Episcopum Helia nomine Patriarchæ , quum est dignus honore propter sanctitatem loci , & propter probitatem ejus : præsit illi provincia & locis ei vicinis , red- datque Archiepiscopo ejus loci debitum honorem : & vocetur ille Exarchus , id est major quam Archiepiscopus.* In concilio Constantinopolitano , sub Imperatore Justiniano , circa annum Christi DLI. communi cæterorum Patriarcharum consensu Patriarchæ titulus & dignitas *Hierosolymitano* Episcopo solemniter data est. Et Antiocheno atque Alexandrino Metropolitani & Episcopi aliquot subtrahiti sunt , quibus *Hierosolymitanus* augeretur. Vide Baron. *Annal. Tom. VII. p. 473.* Cæterum non expectato , ut dixi , aliorum Patriarcharum suffragio , ipse sibi *Hierosolymitanus* longe ante illud tempus istam honoris prærogativam arrogaverat. Crescente ambitione Polychronius , sedis hujus Episcopus , contendit *Hierosolymorum* Ecclesiam locum principem obtinere : & dignitate reliquas sedes Apostolicas antecellere. Semper tamen videas ultimo inter Patriarchas loco *Hierosolymitanum* cense- ri : etiam postquam iis adnumerari Constantinopolitanus , omnium recentissimus , cœpit. Petrus Patriarcha Antiochenus , in epistola ad Episcopum Gradensem Aquilejensem. Πέντε ἐν ὅλῳ τῷ κόσμῳ ὑπὸ τῆς Θείας φρονιμῆς χάριτος εἶναι πατριαρχὰς , τὸν Ῥώμης , τὸν Κωνσταντινουπόλεως , τὸν Ἀλεξανδρείας , τὸν Ἀντιοχείας , τὸν Ἱεροσολύμων. In toto terrarum orbe quin- que in uniuersum ordinati sunt Patriarchæ : Romanus , Constantinopolita- nus , Alexandrinus , Antiochenus , Hierosolymitanus. Qui tamen ex Græcis contra Romani Papæ primatum disputarunt , ii , si ex loci prærogativis decidenda controversia sit , eum *Hierosolymitano* potius , quam cuicunque alteri ,tribuendum esse pugnaverunt. Certe sic Barlaamus Monachus apud nostrum τὸν πᾶν Spanhemium , *Dissert. ad Can. VI. Concil. Nicæni I. §. XXVI.* Οὐκ ἔν ἐπεὶ ὁ ἀσπότης ἡμῶν Ἰησοῦς Χριστὸς ἐν Ἱεροσολύμοις τὸν ὑπὲρ ἡμῶν ὑπέστη θάνατον , εἴη δὲ ὁ Ἱεροσολύμων ἐπίσκοπος πάντων προεὶσὶς , ὡς τὸν τόπον ἐπέχων τῷ πρώτῳ ἡμῶν ἀρχιερεὶς. καὶ τοσούτον μέζων τῷ Ῥώμης ὅσον καὶ ὁ Χριστὸς τῷ Πέτρῳ. Quando igitur Dominus noster Jesus Christus Hierosolymis mortem nostri caussa sustinuit : præsit omnibus Hierosolymorum Episcopus ; utpote Primarii nostri Pontificis locum tenens : & tanto quidem major Romano Episcopo , quanto Christus major Petro.

XXX. *Ju-
daeos iterum
rebellantes
panis ac le-
gibus Con-
stantinus
compefcuit.*

XXX. A Christianis nunc ad Judæos tranſeamus , qui poſt Hadriani cladem in varia ſparſi loca , quieti vixere uſque ad Conſtantinum M. cujus tempore quædam tumultuantium factio auſu temerario Templum *Hierofolymitanum* inſtaurare cœpit. Verum Imperator, re cognita, opera eorum curavit diſjici , & perduellionis reos ſevere caſtigavit. *Chryſoſtomus adverſus Jud. Homil. III. Tom. v.* narrat Conſtantinum , amputatis illorum auriculis, ac rebellionis ſigno corpori impreſſo , per omnia eos loca circumtuliffe , ceu fugitiva mancipia, & verberones, corporibus mutilatis conſpicuos, ut popularibus ſuis exemplo eſſent, ne ſimilia impoſterum molirentur. Nunquam a ſe impetrare Judæi potuerunt , ut Chriſtianam religionem Vatiniano non proſequerentur odio. Quod & proſperis ſub Conſtantino Chriſtianorum rebus demonſtrarunt. Quicunque enim ex popularibus ſuis ad Chriſtianorum fidem capeſſendam animum adplicarent, eos hoſtiliter ad necem uſque perſecuti ſunt. Conſtantinus autem, his proſpiciens qua decebat ſeveritate, furentes eorum animos hac lege compeſcuit. *Leg. I. De Jud. Cod. Theodoſ. Conſtantinus Imperator ad Euaſgrium. Judæis & Majoribus eorum & Patriarchis volumus intimari: quod ſi quis, poſt hanc legem, aliquem qui ſeralem eorum fugerit ſectam, & ad Dei cultum reſpexerit, ſaxis, aut alio furoris genere, quod nunc fieri cognovimus, auſus fuerit adtentare; mox flammis dedendus eſt, & cum omnibus ſuis participibus concremandus. Si quis vero ex populo ad eorum nefariam ſectam acceſſerit, & conciliabulis eorum ſe adplicaverit, cum iſtis penas meritas ſuſtinebit. Data xv. Kal. Nov. Murgillo. Conſtantino A. iv. & Licinio A. iv. Coſſ.* Retuſa hunc in modum Judæorum audacia, compreſſoque faſtu, ſponte ei paruerunt. Ideoque nulla eos Imperator ſeveritate perſecutus, clementer, uti reliquos ſubditos, habuit. Quod data pro iſtis reſcripta arguunt: quibus plurimum iis indulſit.

XXXI. *Poſtmodum
Conſtantinus
nova mo-
lentes pro-
ſtigavit.*

XXXI. Sub CONSTANTIO, Conſtantini filio, denuo Romanorum jugum excutere adniſi ſunt: ſed irritò conatu. De quo *Socrates. Hiſt. II: XXXIII. Judæi qui Diocaſaream, Paleſtina urbem incolabant, contra Romanos arma ſumentes, vicina loca excuſſionibus vaſtare cœperunt. Verum Conſtantiſ Gallus, quem Imperator autem Caſaris dignitate in Orientem deſtinaverat, miſſo exercitu eos proſtigavit; urbemque eorum Diocaſaream ſolo æquari præcepit.*

XXXII. *Julianus
Templum
& ſacra
inſtaurare*

XXXII. Ultimo conatu ſub Juliano criſtas erigere cœperunt. Hic enim Imperator ſacrificiis deditus, & Chriſtianis cupiens *legre* facere, vaticinia Chriſti de nunquam inſtaurando Templo *Hierofolymitano* mendacii convicturus, Judæis *Hierofolymam* redeundi, templum ædifi-

ædificandi, sacra obeundi, copiam fecit. Ipse sumtus operi ex pu-^{jussit; æ-}
 blico præberi jussit. Judæi nunc oportunum sibi vindictæ tempus obti-^{calius im-}
 gisse rati, multaque Christianis minantes, magna alacritate omnia ^{pediso me-}
 structuræ necessaria præparare: mulieres quoque antiqui ædificii ru-^{limine.}
 dera gremiis exportare, & monilia ac reliquum omnem mundum
 muliebrem ad sumtus ultro conferre. Interea temporis *Cyrillus Hie-*
rosolymorum Episcopus, memor vaticinii Danielis, quod & Christus
 in Evangeliiis confirmavit, palam multis adstantibus prædixit, futu-
 rum brevi, ut in eo templo lapis super lapidem non maneret. Quum-
 que hæc dixisset Episcopus, noctu ingens terræ motus exortus, lapi-
 des ex veteribus templi fundamentis avulsos sursum excussit, & cun-
 ctos una cum contiguis ædificiis dispersit. Terror ex eo non medio-
 cris invasit Judæos; fama quoque ejus miraculi plures exciti, ex longin-
 quis regionibus in eum locum convenere. Quum igitur quam plu-
 rimi adessent, aliud denuo prodigium accidisse fertur. Ignis enim cœ-
 litus missus cuncta opificum instrumenta consumpsit. Itaque cernere
 erat malleos, scalpia, ferras, secures, ascias, cuncta denique ad
 opus faciendum necessaria, flammis absumi. Et ignis quidem toto
 die hæc omnia depascebatur. Judæi vero ingenti timore perculsi,
 etiam inviti Christum Deum esse confessi sunt. At quum ne sic qui-
 dem mandato ejus parerent, en tertium miraculum: quippe sequenti
 nocte *σφαρίδες σωρὸς ἀλινωδείς*, *signa crucis radiantia*, in illorum ve-
 stibus impressa apparuerunt: quæ orto die conspicati, frustra abster-
 gere aut eluere conabantur. Sic templum, quod moliebantur refi-
 cere, funditus eversum est. Ita quidem *Socrates Hist.* 111. xx. Nec
 abludit *S. Zomenus Lib.* v. xxi. *Crisostomus Orat.* 111. *contr. Jud.*
 quum eadem fere narrasset, subjungit: καὶ νῦν ἰδὲν ἔλθης εἰς Ἱερουσόλυμα,
 γομνὰ ὁρᾷ τὰ θεμέλια τῆς γῆς ἱερίνης. καὶ τέτυ μάρτυρες ἡμεῖς πάντες. ἰδὲ ἡ-
 μῶν γὰρ, ἔπερ πολλὰ ταῦτα γέγονε χρόνῳ. Et nunc si redeas Hierosoly-
 mami, conspicies nuda fundamen.a. Hujus rei nos omnes testes sumus.
 Nostra enim ætate hac non ita pridem accid.runt, *Gregorius Nazianze-*
nus, Imperatori εὐχχγοῦ, pluribus eadem exsequitur, secunda ora-
 tione investiva. Ubi inter alia signa, quibus absterritæ fuerunt ope-
 ræ; lucem in cælo stetisse adfirmat, quæ crucem in orbem describeret:
 ἔσῃ φῶς ἐν τῷ ὕρανῳ τὸν σωρὸν περιγάρων. Provocat etiam ad eos qui
 prodigii hujus fuerunt spectatores, vestesque suas proferre jubet τὰς
 τότε κατασημανθείσας τοῖς τῷ σωρὸν σίγμασιν, crucis n. tis t. nc inusitas &
 consignatas. Denique addit, multos hoc miraculo ad Christum fuisse
 converfos.

XXXIII.
Quod &
Judæis &
Gentilibus
Scriptoribus
obser-
vatum est.

XXXIII. Bonum factum, quod impia illa, sed frustranea, tam Juliani quam Judæorum, adversus Christi prophetias, ad templum reædificandum molimina, non Christianis modo, sed & Judæis, & Gentilibus Scriptoribus memorata sint. Judæos quod attinet, in Libro cui titulus est, צאח דוד, *Germen Davidis*, Part. II. fol. 36. Num. 368. hæc exstant: וְקִיסָר חָזַח צוֹחַ לַחֲדָשׁ הַבְּנִין בֵּית הַמִּקְדָּשׁ לִכְבוֹד מִן הַשָּׁמַיִם נִתְעַקֵּב שְׁלֹא נִבְנָה וְלִתְחַלּוּת וְנָתַן לָזֶה עוֹז מִמּוֹנוֹ אֲךָ מִן הַשָּׁמַיִם נִתְעַקֵּב שְׁלֹא נִבְנָה : בְּנִינוּ כִי הַקִּיסָר נִחְרַג בְּמִלְחֶמֶת פָּרָס : *Imperator hic* (de Juliano loquitur) *jussit renovari structuram adis sacrae, ad gloriam & decus : & sumtus de publico præbuit. At cælitus impeditum est opus, quo minus consummaretur : Imperatore, dum cum Persis pugnaret, trucidato.* Eandem tangit historiam Rabbi Gedalia; p. 109. at mala admodum fide. Concedit quidem operas primum igne fuisse impeditas : postea vero, recuperato animo, ac restauratis viribus, templum extruxisse, quod multis post annis terræ motu concussum fuerit ac dirutum. Cæterum commentum istud omnium annalium fide, ipsaque rerum luce refellitur. Ex Gentilibus *Amnianus Marcellinus*, aliquanto planius & candidius, initio *Lib. xxiiii.* sic tradit : *Et licet accidentium varietatem sollicita mente præcipiens, multiplicatos expeditionis apparatus flagranti studio perurgeret, diligentia tamen ubique diffidens, imperiique sui memoriam magnitudine operum gestiens propagare, ambitiosum quondam apud Hierosolymam templum, quod post multa & interneciva certamina obsidente Vespasiano, posteaque Tito, agre est expugnatum, instaurare sumptibus cogitabat immodicis : negotiumque maturandum Alypio dederat Antiocheni, qui olim Britannias curaverat pro præfectis. Quum itaque rei idem fortiter instaret Alypius, juvenesque provincia rector, METUENDI GLOHI FLAMMARUM PROPE FUNDAMENTA CREBRIS ASSULTIBUS BRUM-PENTES, FECERE LOCUM EXUSTIS ALIQUOTIES OPERIBUS INAC-CESSUM : hocque modo, elemento destinatus repellente, cessavit incepsum.*

XXXIV.
Feliciori
successu Ju-
stinianus
Hierosoly-
ma super-
bam ædem
Maria Dei-
paræ stru-
xit.

XXXIV. Feliciori successu usus est *Justinianus* Imperator, in extruendo *Hierosolymis* Virgini Deiparæ templo : circa annum Christi dxxx. De quo prolixè *Procopius : de Edific. Justin. Orat. v.* quamvis in ejus descriptione omnes accurati Historici numeros, *Baronio* observante, non impleverit ; omisissis rerum omnium numero & mensura, quæ in Architectura primum locum obtinere videntur. At non aliunde tamen ædificii hujus rationem melius cognoscamus. Quantum igitur ex intricato sive *Procopii* ipsius, sive Interpretis sermone, colligere potui, hoc fere modo comparata magnificentissimæ ædis structura fuit. Colli eam inædificari Imperator jussit, præscripta forma, & accurata longitudinis latitudinisque dimensione. At minor erat

erat ædi destinatus collis, quam ut tantam molem sustineret: nam ad meridiem & solem orientem, ubi sacra sacerdotibus obeunda forent, quarta templi pars defectura videbatur. Arte igitur opus fuit, ut superata loci iniquitate, nova repente exurgeret rupes, collem altitudine æquans, cui, quæ deerant templo, superstruerentur. In quem finem vāgrandia saxa, ex montibus qui urbi imminet defecta, & scite expolita eo devexerunt: singula singulis imposita curribus, quos boves quadraginta trahebant. Sed quum viæ quæ in urbem ducunt, ob interjectos montes, curribus tam gravi pondere pressis inviæ essent, montes plerosque incredibili labore effossos vel exfectos pervios fecerunt. Sic strui Templum ex voto Imperatoris potuit. At ligna testō faciendo deerant. Quærentibus ac circumspicientibus silva inventa est, cedris abundans in altitudinem tantum non infinitam tendentibus. Eas testō aptarunt. Adhæc Templo undique columnis opus erat: quarum & forma templi elegantiae responderet, & ea magnitudo foret quæ molem impositam sibi sustineret. Regio autem longe a mari aberat, præruptis montibus vallata: ea res sollicitos faciebat artifices, qua aliunde columnæ inferri possent. Quod quum Imperator propter operis difficultatem moleste ferret, (ipsa abhinc Procopiani interpretis verba exhibebo) Deus in proximis montibus lapidis naturam indicavit, huic operi satis congruam: qui plane lapis, aut prius existens hic delituit, aut nunc primum conditus est. Utiq̃ue probabilis ratio adest, quæ causam in Deum referat. Nos humana potestate omnia metientes, multa arbitramur impossibilia. Deo nihil omnium neque anceps, neque impossibile. Hinc igitur ingentium columnarum, & ignis flammam quandam colore imitantium, magna copia undique suffulciunt templum: partim superne, partim inferne, ad porticus quoque totum ferme templum obeuntes, præterquam ad latus auroræ obversum. Imprimis tamen excellentes duæ columnæ stant ante fores templi, nullis fortasse columnis totius orbis secundæ. Deinde altera quædam porticus excurrit, a ferula (ut opinor) nomen habens, quod scilicet in latum non protendatur. Post hanc atrium similibus columnis in quadrangulo exsurgens. Atrii fores adeo magnificæ sunt & decentes, ut iis, qui extra vagantur & deambulant, palam significant, quale spectaculum sint adituri. Vestibula inde admirationis plena. Nempe veluti fornix quidam, duabus columnis evectus, immensam atque inexplicabilem altitudinem procul accedenti ostentans, & duo hemicycla adversas inter se facies habentia. In via, qua ad templum itur stant hospites utrimlibet duo, uno hospites peregrini excipiuntur, altero

requiescunt ac refocillantur pauperes ægroti. Hoc templum Dei genitrici consecratum, Justinianus rex magnarum pecuniarum accessione honoravit. Quæ igitur *Hierosolymis* a Justiniano rege acta sunt, sic habent.

XXXV.

*Aliusque
ibi Eccle-
sias antiqui
Judæorum
Templi spo-
lia locuple-
tavit.*

XXXV. Eodem Justiniano Imperatore, circa annum Domini dccciv. accidit & aliud notatu dignum. Victis *Vandalis* *Belisarius* honores tulit, quos veteres Romanorum duces qui maxime illustres laureas domum deportarant. Transierant anni prope sexcenti, quod nemo ad id decus pervenerat præter Titum, Trajanum, aliosque in summa potentia Barbarorum victores. Spolia enim captivosque ostentans media in urbe triumphum egit: hoc uno antiquis disparem, quod pedibus ivit sua e domo in circum, atque inde eum in locum ubi solium est Imperatoris. In spoliis erant ea quibus solitum ministrari regi Vandalo: sedes aureæ, & pileta quæ regiam matronam vestaverant; gemmarum præterea incredibilis splendor, ex auro pocula, quæque alia regie mensæ ostentamenta. Tum vero argenti centena aliquot millia pondo, pretiique ingentis alia, quæ Romano quondam Palatio direpta, Giserichus abstulerat. In his & illa quæ captis olim *Hierosolymis* Romam pertulerat Titus Vespasianus. Quæ ipsa Judæus quidam conspicatus, ut Imperatori familiarium cuidam adstiterat: hæc, inquit, in *Palatium Byzantium inferri non ex usu judicem. Neque enim fas ea alibi cerni, quam ubi ea Salomon, Judæorum rex, rite collocavit: neque aliam ob causam datum Gisericho spectare Romæ Palatium, & Romanis res Vandalorum evertere. Tetigit ea res nunciata animum Imperatoris: ita ut res illas sine mora defæci *Hierosolyma* juberet, in ædem quæ ibi est Christianorum. Vide *Procop. de Bello Vandal. Lib. II.**

XXXVI.

*Chosroës
Persæ Hierosolymam
cepit.*

XXXVI. Sic *Hierosolyma*, dum sub Christianis Imperatoribus fuit, multis ac præclaris aucta ornamentis est. At post *Mauritii* Imperatoris mortem, sub Persarum redacta est potestatem: mox tamen reddenda Christianis. Nimirum *Chosroës* Persarum rex, qui *Mauritii* filiam Mariam uxorem duxerat, ulturus amici ac foceri mortem, duobus magnis præliis victor, universam Mesopotamiam, Syriam, Ægyptum, Phœniciam & Armeniam occupavit: ipsam etiam *Hierosolymam* Romanis eripuit, peremtisque, ut ajunt, triginta sex civium millibus, crucem, uti credebatur, Dominicam, & Zachariam Patriarcham, cum residuo populi, tam urbis, quam regionis universæ, secum deportavit in Persidem. Multi etiam Christianorum civium, vili pretio Judæis venundati, non more gentium in servitute ab iis retenti, sed innumeris afflictis suppliciis dire ab iis trucidati esse perhiben-

hibentur. Refertur ea *Hierosolymæ* clades ad annum *Heraclii* v. *Christi* DCXIV.

XXXVII. At *Heraclius*, quum hinc ab Hunnis Thraciam, il-^{XXXVII.} linc a Persis universum Orientem diripi cerneret, Deo confusus (in *Quam Si-* quem *Perfarum* rex *Chosroës* diras eructaverat blasphemias, non pri-^{roës filius} us se arma depositurum gloriatus, quam Sol, Deus Persicus, abolita *Heraclio* ^{restituit.} crucifixi Dei religione, passim coleretur,) facta cum Hunnorum rege pace, conscriptis, quantas potuit, copiis, in ipsa Persiæ viscera expeditionem suscepit, tribusque maximis præliis victor, hostis thesauros occupavit. *Chosroës* undique se premi videns, Romanis jam Tigridem transgressis; in morbum prolapsus, filium natu minorem, *Medarscm*, regno destinavit. Sed *Siroës*, natu grandior, parente capto, in carcerem coniecto, & tandem cum omnibus reliquis filiis interfecto, sibi illud rapuit: impetrataque ab *Heraclio* pace, præter crucem Dominicam, Ægyptum, Africam, Syriam, *Hierosolymam*, omnemque terram a Mesopotamia ad Erythræum mare illi restituit.

XXXVIII. Addit ex *Ritualibus Ecclesiasticis Baronius*, Tom. VII. I. XXXVIII. p. 293. *Heraclium Hierosolymam* profectum, solemni celebritate crucem Dominicam suis humeris retulisse in eum montem, quo eam Sal-^{Qui crucem} vator tulerat: illudque factum illustri commendatum esse miraculo. ^{Domini so-} ^{lemniser,} Nam *Heraclius*, ut erat auro gemmisque ornatus, gradum sistere ^{nec sine pro-} coactus est in porta, quæ ad Calvariæ montem ducebat: quo enim ^{digio, suis} magis progredi nitebatur, eo magis videbatur retineri. Stupenti ve- ^{Calvariam} ro *Heraclio*, *Zacharias*, *Hierosolymorum* Antistes, vide, inquit, ^{culisse ser-} *Imper-* ^{ator,} ne isto triumphali ornatu parum *Jesu Christi* humilitatem & paupertatem imitere. Tunc *Heraclius* abjectis regiæ magnificentiæ vestibus, & plebejo indutus amictu, exutisque calceis, reliquum viæ facile confecit. Et in eodem Calvariæ loco crucem statuit, unde fuerat a Persis transportata. Verum hæc infinitis id genus prodigiis, quæ crucis ligno adscribuntur, id est vanissimorum hominum commentis, quibus seculi sui credulitati illuserunt, accensenda arbitror.

XXXIX. At non diu Christiani *Hierosolymam* tenuerunt. Anno XXXIX. enim Redemptoris DCXXXVI. post biennii obsidionem a *Saracenis*, in-^{Dem Sara-} ^{cenii Hiero-} ^{solyma po-} ^{siti sunt:} *Homar*, filius *Catab*, a *Mahumete* ^{Homar Ma-} ^{humetica} ^{religionis} ^{Templum} tertius, erroris & regni successor, cum immensis Arabum copiis *Pa-* ^{adificat, eo} ^{loco ubi Sa-} ^{lomonis} ^{fuera.} *læstinam* invadit: *Gazam*, urbem munitissimam, occupat; *Hieroso-* ^{lymam} obsidione cingit, & post biennii moram deditione capit; ea lege, ut Christianis suis legibus vivere, dejectas Ecclesias restaurare, *Episcopum* sui ritus habere liceret. Ipse vero ab incolis, & maxime a

Sophronio Episcopo, diligenter percunctatus, ubinam ille locus esset, in quo Templum Domini, a Tito dirutum, fuerat; mox sumptibus qui sufficere ad impensam possent designatis, convocatisque artificibus, & præparata ex lignis & marmoribus materia, eodem loci, suæ, id est Mahumeticæ religionis templum ædificari iussit. Quod feliciter ex animi sententia consummatum, opulentis possessionibus ditavit, ut ad facta tecta conservanda, ad luminaria cæterumque cultum abunde semper esset. Exstant vero in eodem Templi ædificio, intus & foris, ex opere Musaico Arabici idiomatis literarum vetustissima monumenta, quæ illius temporis esse creduntur, quibus & auctor, & impensæ, & cœpti absolutique operis tempus declaratur.

XL. Dum Mahumetanis mancipata sunt Hierosolyma, frequenter mutavit dominos: variis afflictis: donec recuperata Christianiani est.

XL. Sic mancipata *Hierosolyma* Mahumeticæ superstitioni est: grave servitutis jugum continuis passa laboribus; conditionibus tamen alternis. Nam & frequenter mutavit dominos, primum Persis, mox Aegyptiis, exin Turcis subiecta: & nunc adstrictius, nunc clementius habita, lucida aliquando, alias nubila intervalla habuit, ægrotantis more vel gravata, vel respirans. Nunc diruta dominantium iussu Ecclesia Dominicæ Resurrectionis est; nunc aliorum permissu exstructa rursus. At nunquam pejus *Hierosolyma* fuit, quam sub dominatione Turcarum; qui fractis Imperii Orientalis viribus, *Hierosolymam* gravissimæ servitutis iugo presserunt. Quarum mutationum historiam magna diligentia contexuit *Wilhelmus Tyri Archiepiscopus*; a tempore Mahumetis, ad annum Christi MCLXXXII, quingentorum & septuaginta annorum seriem complexus. At ne prolixioris repetitionis tedio lectorem meum enecem, ad ea tempora propero, quibus per Francos, sive ex Occidente Christianos, incredibilis rerum mutatio in Oriente facta, *Hierosolyma* recuperata, & novum regnum Christianorum in Palæstina repente fundatum est. Cujus rei tenuia fuerunt initia, progressus mirabiles, exitus vero toti Europæ infelix ac luctuosus. Historiam hoc fere modo temporis istius scriptores prodiderunt.

XLI. Quos Petrus quidam Eremita ita ad facram expeditionem excitat, ut auctore Urbem Pontificem, cum magni no-

XLI. Quum *Saraecni*, in Oriente propemodum toto, uti dicere occupavimus, rerum potirentur, & urbis quoque *Hierosolymæ* domini essent; multi ex tota Christianitate religionis gratia per mille mortis genera ad eam proficiscebantur urbem, quam Domini præsentia, miraculis, morte atque sepulcro rebantur esse sanctificatam. In eis erat PETRUS quidam EREMITA, e regno *Francorum*, ex Episcopatu *Ambianensi*, statura pusillus & contemptibilis. Sed

Majior in exiguo regnabat corpore virtus.

Vivacis enim ingenii erat; oculum habens perspicacem, gratumque: nec

nec sponte fluens deerat eloquium. Is de misera Christianorum in illis oris conditione, tam aliorum narrationibus, quam suis nunc oculis edoctus, excitatusque sermonibus *Simeonis* Patriarchæ, *Romam* profectus, *Papam Urbanum* circa illas partes reperit; cui Patriarchæ & fidelium qui *Hierosolymis* habitabant, literas porrigit: expositisque eorum miseriis Papæ opem implorat. A quo benigne susceptus, omni permeata *Italia*, superatis *Alpibus*, Occidentales Principes omnes singulatim circuit, instat sollicitus, increpat, arguit, & quibusdam persuadet, ut fratribus in afflictione positis subvenire non differant; & loca sancta, quæ Dominus sua dignatus est illustrare præsentia, infidelium spurcitiis diutius profanari non permittant. Plebem etiam ad id ipsum suis exhortationibus animabat. Rebus ita præparatis Anno Domini *MXCV* *Urbanus* apud *Clarum Montem Alverniæ* civitatem, ex universis *Trans-Alpinarum* partibus Provinciarum Concilium convocat; ubi quum prolixa & ad adfectus movendos perquam idonea oratione miseras Christianorum in Oriente exposuisset, hortatus auditores suos est, ut sacra adversus Christiani nominis hostes expeditione suscepta, Ecclesiam eorum tyrannidi eriperent, commissas noxas isthoc pietatis officio expiaturi. Quibus peroratis, ingens tantæ multitudinis excitatus fuit strepitus, auditaque una omnium vox est certatim acclamantium, **DEUS VULT, DEUS VULT**. Convenerat autem inter omnes, & injunctum a Papa fuerat, ut quotquot prædictæ viæ voto se obligarent *crucis* insigne vestibus ad humerum insuerent. Præter innumerabilem hominum ex Gallia & Germania multitudinem, viri quidam Principes primæque nobilitatis, omni rerum familiarium cura seposita, in arham futuræ peregrinationis signo se crucis communiverunt. In quibus præcipui erant, *Hugo Magnus*, *Philippi* Francorum Regis Frater; *Robertus*, *Flandriæ* Comes; alter *Robertus*, Comes *Normannorum*, *Willelmi Anglorum* Regis frater; *Stephanus*, *Carnotensium* Comes & *Blesensium*; *Ademarus*, *Podiensis* Episcopus; *Willelmus*, *Aurasiensis* Episcopus; *Raimundus*, Comes *Tolosanus*; *Gothefridus*, *Lotharingie* Dux, & fratres ejus *Baldwinus* atque *Eustachius*, aliique multi, quos enumerare nihil est necesse. Hi omnes alacriter suscepto voto, eodemque accensi fervore, necessaria omnia comportabant; condito etiam itineris inchoandi tempore. Caservatim concurrebant populi, principibus se sociaturi, obsequia promittentes ac fidem. Et quum vulgato carmine publice diceretur:

Occupet extremum scabies: mihi turpe relinqui;
laborabant certatim se necessariis communire, alter alterum antevertere cupientes.

XLII. *At-*
tamen con-
silium hoc
Deo non
placuit ;
nam Ponti-
fices sua
solum ava-
ritia &
ambitioni
lisabant.

XLII. Sed quamvis hæc ex insigni pietatis studio proficisci crederentur , ab Ecclesiasticis hominibus , quibus quaesiverant mentes superstitione captæ , supra modum laudata ; Deo tamen consilium istud minime placuit : partim ratione *principii* sui ; partim ratione *eorum*, qui consilium illud exsecuturi in longinquas eas regiones proficiscebantur. *Principium* geminum considerari potest ; partim respectu *Pontificum*, ad sacrum illud bellum instigantium ; partim respectu *militum*. Quid in ea re consilii *Pontifici* federit, facile ex eo colligitur, quod Occidente quasi omni, in Principibus certe rerum, in Orientem navigante, & vacuum se ambitioni avaritiæque Pontificum Occidens aperiret, & exhaustis per ejusmodi expeditiones Principum subjectorumque opibus, impares post hæc essent ad frænandam domandamque eandem & avaritiam & ambitionem. In ea enim tempora hæc inciderunt, quibus Pontifices immani superbia ad absolutæ dominationis culmen grassabantur.

XLIII.
Principes
& milites
fascinabat
superstitio.

XLIII. Principes & milites fascinavit superstitio. Existimabant enim *Sanctam* præ cæteris *Judeorum* terram esse, quam suis vestigiis, oraculis, miraculis decoraverat Dominus : non intelligentes eam quætemcumque sanctitatem, tunc prorsus periisse, quando, Christo in cælos evehto, tota terra cum plenitudine sua Domini facta est, & sine ullo tractus discrimine, æque gratæ preces ac laudum pura sacrificia ubivis offerri possunt Deo. Imo vero terram illam Divino judicio *devotam*, anathemate percussam, ac maledictioni subjectam esse, & *calcandam a gentibus donec impleantur tempora gentium* : cui Divino consilio per Evangelium patefacto obnitendum non fuit. Atque omnis illa circa *Domini sepulcrum* religio quid, nisi insana superstitio est? quum non in sepulcro, sed in cælo, ad dexteram Patris sui, adorari se atque coli postulet. Sed & illud accessit, quod cæci stultique mortales scelerum suorum expiationem, animæque ab inferni ac purgatorii cruciatibus liberationem, Pontificum sibi *indulgentiis*, ex bellis illis temere sibi promiserint : quamvis de sincera morum emendatione & ad Christi præscriptum conformatione nihil omnino fuerint solliciti. Quæ persuasio certa Christianismi pestis est.

XLIV.
Plebs cru-
ciatorum
omnibus
flagitiis co-
operii, dede-
cne ubique
Christianis-
mi erant ; &

XLIV. Ii vero qui *cruce se signarunt*, magnam partem ex implebis facie homines, rapinis, stupris, adulteriis, execrationibus, omnibusque flagitiis cooperti, sceleratam prorsus vitam egere, ut horrore & detestationi fuerint, non Deo solum, sed & iis per quorum terras transibant populis, & profanaverint nomen Dei inter hostes ; indignissimi quorum opera ad rem communem populi Christiani uteretur Deus. Quod omnes eorum temporum Historici uno ore tradunt. Hinc pessimis

mis multatim modis plerique eorum *in via* fœde perierunt. *Gothefridi* plerique *in*
duas Bulionens, quum incredibilem cruciatorum multitudinem esse de-
 prehenderet, consultum duxit, ut, in tres distincti exercitus, diver-
 sis itineribus in Orientem contenderent. Et primum quidem exerci-
 tum *Petro Eremitæ* ducendum dedit. Is ad *Gothefridi* Ducis exem-
 plum, quo evitaretur confusio, suas iterum copias in duas partes
 dispescuit. Alteri præfecit *Gualterum* quendam, militem egregium,
 cognomento *Senzavehor*, (nunc dicunt Galli *Sans avoir*) qui in ma-
 gna societate *Francigenarum* peditum, octo solum equites habens, iter
 per *Ungariam* versus *Constantinopolim* aggressus est. Initio quidem
 satis prospere; viam ipsi & comitatum *Calomanno Ungarorum* rege
 munifice præbente: nisi quod *Ungari* quidam sedecim ex militibus e-
 jus armis, vestibus, auro atque argento spoliaverint. Quod vix di-
 gnum memoratu videretur, nisi magnis cladibus, uti mox audiemus,
 dedisset occasionem. At ubi in *Bulgarorum* fines pervenerat, nihil ibi
 venale inveniens, permisa suis oves, boves, pabula, cæteraque quæ
 usui erant, suo sibi arbitrato rapere. Hinc *Bulgari* ad arma concur-
 rerunt; coactaque subito centum & quadraginta millium manu, *Gual-*
terum cum suis in fugam conjecere: qui non paucis sociorum relictis,
 cum miseris reliquiis, per vastas solitudines octo dierum itinere emen-
 sas, vix eluctatus est; donec tandem omnium indigus prope *Constan-*
tinopolim appulit. Pejor multo eorum fortuna fuit, qui *Petrum Ere-*
mitam ducem habuerunt. Illius exercitus, ait historia, copiosus erat,
 & ut arena maris innumerabilis. Quumque eandem insistens viam ab-
 que omni turbine ad *Malevillam*, oppidum ad fines *Ungariae* & *Bul-*
gariae, appulsus, intelligeret quæ ab *Ungaris* adversus *Gualteri* socios
 hostiliter patrata erant, stulta ambitione injuriam suis illatam vindicare
 instituit. Itaque, contra fidem *Calomanno* datam, *Malevillam* vi ca-
 pit, multisque *Ungarorum* trucidatis, quam invenit rerum omnium
 abundantiam absumendam suis dat. Qui prædæ dulcedine semel gu-
 stata, procul omni ducis obsequio, *Ungarorum* ac *Bulgarorum* terras
 depopulantur: nihil sceleris reliquum facientes. *Ungari* ac *Bulgari*,
 ea perfidia vehementer, ut par est, commoti, variis eos præliis, in-
 vadunt, fugant, dissipant, spoliant, trucidant; sic ut ex innume-
 rabili illa multitudine vix triginta hominum millia, omnes lassitudi-
 ne, fame, vulneribus, confectos, *Constantinopolim* ad *Gualterum* suum,
 æque miserum, rudis militiæ *Eremita* adduxerit. Hanc multo post
 gravius fatum, at suo merito, aliis incubuit, qui sub ductu *Gode-*
schalki, ex *Lotharinga*, *Orientali Francia*, *Alemaniam*, ultra quindecim
 millia, iisdem insistentes vestigiis, in *Ungariam* ad arcem *Meseburg*
 iter

Alb. Aqu.
 Hist. Hier.
 Lib. 1.
 Cap. VII.

Idem Cap.
 VIII.

iter suum promoverant. Ubi quantumvis comiter excepti, *Boari* præcipue & *Suevi* qui in *Godeschalci* exercitu erant, pacta conventa violant, populationibus omnia infestant, quæ in usum suum convertere non poterant armenta interimunt, resistentes obtruncant; atque eo tandem Barbaræ crudelitatis deveniunt, ut juvenem quendam *Ungarum*, ob contentionem vilissimam, palo per secreta naturæ adacto, vivum in foro transfixerint. Immanem id facinus iis confluxit invidiam: totque contumeliis incitatus *Calomannus*, coactis omnibus copiis suis impetum in eos facit, certus nemini peregrinorum parcere in tanti sceleris ultionem. Acie igitur & dolis circumventos eo adigit, ut depositis armis, traditaque omni pecunia sua, ad consilium *Godeschalci*, se dederent. Imprudenter, ut omnia. Tunc enim in inermes adeo sævitum est, ut pauci oppido tantæ cladis nuntii ad suos reverterint. Qui tamen alienis periculis non sunt facti cautiore. Nam sub æstatem ejusdem anni *MXCVI*, alia multitudo a Regno *Francia*, *Anglia*, *Flandria*; *Lotharingia*, gens copiosa & innumerabilis, consimili correpta ardore, suscepto crucis signo, *Hien-solymam* tetendit. At pudendum impudicarum scemellarum gregem secum vehentes, commestrationibus ac stupris se nullum præter Ventrem Deum colere palam fecerunt. Trajecto circa *Coloniam Rbm*, *Emichoni* Comiti, qui ipsos cum ingenti *Teutonicorum*, haut multo meliorum, manu expectabat, impia se confluges ista hominum junxit. Ibi incessit illos lubido zelum suum adversus Judæos periclitandi; quos *Moguntia* & in aliis *Germania* oppidis, nullo ætatis, nullo sexus discrimine, exuta omni humanitate, crudeliter interfecerunt. Neque profecto impune. En vindices eosdem *Ungaros*, eodem in loco. Dum enim *Meseburgum* impii illi oppugnant (erat autem DUCENTA MILLIA equitum & peditum) dum (ipsa præter historię verba dabo) fere omnia prospere successissent, & muros gravis foramine penetrassent, nescio quo casu & infortunio tantus timor universum exercitum invasit, ut in fugam pariter redderentur, & quasi oves a lupis irruentibus dispersi & concussi, hac & illac diffugium querentes, faciorum obliviscerentur. Ungari vero videntes tam subito athletas suos deficere, & fugam maturare, in virtute magna e portis cum Rege exiliunt, sine tardatione fugientes persequuntur, plurimam cadem exercentes, & plurimos captivantes, ac plerumque noctis in persecutione consumentes. Pedestris vulgi utriusque sexus tanta facta est occisio, ut aqua *Danubii* & *Lintax* in sanguineas mutarentur undas. Plurimi vero & numero incomparabiles, per aquas liberari sperantes, præ timore imminenti occisioni, *Danubii* undis ceco ausu inferuntur, & aquis vehementibus suffocantur.

Mirabile

Albert.
Aquisf.
Lib. 1.
Cap. XXV.

Mirabile dictū : tanta fugitivorum submersio facta est , ut tam spatiosi fluminis aqua prae tot millium corporibus per aliquantum tempus videri non possent. Interjectis pauculis ita pergit : Sic manus Domini contra peregrinos esse creditur , qui nimis immundiciis & fornicario concubitu in conspectu ejus peccaverant ; & exsules Judaeos , licet Christo contrarios , pecunia avaritia magis , quam pro justitia Domini , gravi cade mactaverant. Quum justus judex sit Dominus , & neminem invitum aut coactum ad jugum fidei Catholicae jubeat venire. Fuit & aliud scelus detestabile in hac congregatione pedestris populi stulti & vesanae levitatis , quod Domino odibile , & omnibus fidelibus incredibile non dubitatur. Anserem quendam Divino spiritu efferebant afflatum , & capellam non minus eodem repletam , & has sibi duces hujus secundae viae fecerant in Jerusalem , quas & nimium venerabantur , ac bestiali more his intendebant ex tota animi intentione. Tanta passi sunt Cruciatu antequam Constantinopolim pervenire potuerint. Nec felicius iis cessit , quum inde versus Turcas moverent. Praeter suorum quas adducebat reliquias inveniebat circa Constantinopolim Petrus Eremita multos Lombardos & Longobardos & Alemannos , adventum ipsius expectantes. At dici vix potest quam proterve se ac nequiter gesserint , praedantes vastantesque hortos , domos , palatia , aedes quoque sacras , ut vix ipsi Saraceni infestius cum Graecis agere potuerint. Quibus cognitis coegit eos Imperator Alexius Comnenus trajicere fretum illud quod Brachium Sancti Georgii dicebatur. Ubi pari , aut majori cuncta populantes insolentia , brevi etiam discordiis litibusque sejuncti , praeda hostibus facti sunt. Temere ultra Nicæam progressi , reperto in vicinia oppido incolis vacuo , sed omni rerum abundantia affatim instructo , genio indulgentes , hostium securi , hilares aliquot dies transegerunt. Quo comperto magna in eos militum manu irruerunt Turcae : Raginaldum , quem sibi peregrini ducem praefecerant , intra arcem fugarunt , multis interemtis ; reliquos in arce obsessos aquae penuria ad extrema redegerunt , sic ut jumentorum suorum sanguinem , suumque aut sociorum lotium , foedum dictu ! bibere cogerentur. Non tulit hoc Raginaldus , homo iners ac nulli rei , sed transfuga ad Turcas factus , abjurata religione , socios prodidit : quorum alii in desperationem versi Christianismo renuntiaverunt , alii sagittis transfixi , aliove mortis genere necati , periere , alii sub hastam missi durorum dominorum vilia facti sunt mancipia. Hac victoria ferocientes Turcae in alteram exercitus partem , cui Gualterus praerat , moverunt ; eumque cum multis aliis fortiter dimicantem trucidarunt ; dissipatis cæteris. Luber hanc narrationem concludere observatione Baldrici Archiepiscopi. Ecce , inquit , modico temporum

intervallo, parvo terrarum interstitio, Christianitas bis profligata est, bis multata, bis castigata: quod pro expiatione facinorum illorum ipsis obtigisse non ambigimus; & pro reprimenda minus cautorum stoliditate, & pro subsequenti exercitus necessaria castigatione. Piget cætera persequi: nam quis esset finis? Facile ex iis quæ observavimus collectu est, qualis fuerit illa pietas, qua ad Hierosolymam occupandam & vindicandam instigata tanta hominum multitudo fuit.

XLV. Qui
samen ex
tam im-
mensa mul-
titudine
reliqui in
Palæstinam
venerunt,
Hierosoly-
ma tandem
positi sunt.

XLV. Interim post varios casus magnaue rerum discrimina in Palæstinam pervenerunt: Anno MXCIX. belli caput, Hierosolymorum urbem obsessuri: quam Turcis Sultanus Ægypti paullo ante eripuerat. Incredibile dictu est, quam pauci tunc ex innumeris superfuerint. Qui enim urbem cinxerunt, cujuscunque sexus, ætatis, conditionis, feruntur quasi ad quadraginta millia fuisse: in quibus expeditorum vix poterant esse viginti millia peditum; equites autem mille quingenti: cæteri vulgus iners, & inutilia terræ pondera. In urbe autem dicebantur esse virorum fortium, beneque armatorum, quadraginta millia. Plurimi enim eo se receperant: nonnulli ut suæ consulerent saluti, alii ut urbem regiam fortiter tuerentur. Prævalere tamen Christiani, & duce imprimis Gothefrido, urbe tandem potiti sunt: atque omnem Saracenorum multitudinem, nulla vel ætatis vel sexus habita ratione, peremerunt. Mox compositis quantum pote rebus, nudis pedibus, lotis manibus, vestibusque sumtis mundioribus, loca sacra, & præcipue ædem resurrectioni Dominicæ consecratam, principes cum plebe circuibant, Christo redemptori agentes gratias. Patriarcha vero, una cum populo Hierosolymitano, Petro Eremita, tantarum rerum post Deum auctori, summum deferebant honorem. Sic a jugo Saraceno liberata, & a Christianis vindicata Hierosolyma est, anno Domini MXCIX. quintadecima die Julii, feria sexta, circa horam diei nonam.

XLVI. Et
Gothefri-
dum Bulio-
naum, egre-
gium prin-
cipem, Re-
gem Hiero-
solyma cre-
averunt.
Lib. VIII.
Cap. v.

XLVI. Octavo ab urbe capta die conveniunt Principes, ut de Rege Hierosolymorum ex se eligendo deliberarent; & communibus tandem votis ad GOTHEFRIDUM BULIONAUM itum est: cui virtus & merita, quibus cæteros omnes facile superabat, & quod primus muros conscendisset, tantum conciliaverunt honorem. Erat enim, teste Willelmo Tyrio, vir religiosus, clemens, pius, ac timens Deum, iustus, ac recedens ab omni malo, serius & promissorum tenax, seculi vanitates contemnens; quod in illa ætate, ac militari præsertim, rarum est: in orationibus jugis, in pietatis operibus assiduus; liberalitate insignis, affabilitate graciosus, mansuetus & misericors; in omni vita sua commendabilis & Deo placeus. Fuit autem & corpore procerus, ut maximè mi-
nor,

nor, & mediocribus major haberetur: robustus sine exemplo; membris solidis, thorace virili, facie venusta, capillis & barba mediocriter flavis, in usu armorum, & exercitiis militaribus, omnium iudicio, eximius. Insigne exstat Divinæ circa eum Providentiæ & singularis curæ documentum; quod, quum magnam cum iis quæ Davidi olim contigerunt adfinitatem habeat, hic quoque memorandum censui. Dum in *Pisidia* anno *MXCVII.* se reficit Christianorum acies, *Gothefridus*, ut in solitudine secum & cum Deo loqueretur, equo obambulans, tristi ejulatu aures feriri sensit. Accedit propius viditque peregrinum inopem qui sarmenta congestum egressus, vix sibi ab imminente urso, circum arbores cursitans, cavebat. Erat autem immaniissima bellua, multarum non pecudum modo, sed & pastorum strage, ut accolæ memorabant, formidabilis. *Gothefridus*, qua erat pietate, educto raptim gladio, incitatoque calcaribus equo, misello homini auxiliatum advolat: & clamore ingenti per media fruticeta accelerans crudeli se hosti objicit. Is relicta priori præda, & horrifono fremitu totam late silvam replens, in equum & ducem fertur: fauces, ut jugulet, aperit; totum se ad resistendum, imo ad invadendum, erigit; ungues suos acutissimos ad laniandum exserit; caput, & anteriora crura, ab ictu gladii diligenter cavens, subtrahit; atque insigni peritia omnes Ducis ictus frustratur: denique vægrandi corporis sui mole & equum & sessorem sternit. Jamque curvos ungues tunicæ Ducis infixerat; ac complexum cruribus, equo devolutum, in eo erat ut jugularet. In hoc repentino ab equo lapsu, & cum insana bellua luctamine, *Gothefridi* gladius cruribus ejus implicitus explicari inde non potuit, nisi furis & nervis crurum gravi incisione sauciatis. Nec tamen, licet largus inde cruor profluens bellatoris vires admodum imminueret, iniquæ belluæ cessit, fortiter dimicans, donec ex sociis quidam, *Husichinus* nomine, & urfi fremitu & liberati peregrini clamore accitus, in auxilium adfuit, qui stricto mucrone horribilem feram impetiit, & una, cum Duce, jecur & costas illius transfixit. Sic tandem ferocissima fera extincta, Dux primum vulneris dolore, deinde nimia sanguinis effusione, cœpit animo linqui, & vultu pallescere. Unde ingens universo exercitui incussus terror, in tanto Imperatore suam trahi animam haut immerito existimantibus. Tantum absuit, quin sævus ursus capite suo peregrinorum phalanges orbaverit. Verum servari oportuit quem regno fata destinaverant. Hic ergo Rex declaratus, corona spinea, quod volebat, ad exemplum Christi, insignitus est, anno Christi *MXCIX*, die *IX* Kal. Aug.

XLVII.
Regni Hierosolymitani Christianorum brevis historia.

XLVII. Atque hæc est origo *Hierosolymitani* Christianorum regni in Oriente : quod non Judæam modo & Palæstinam , sed & optimam & maximam reliquæ Syriæ partem comprehendit. Sed quod octo tantum regibus mansit : quorum res gestas brevi narratione complectar. Primus ergo fuit *GOTHEFRIDUS BULIONAUS* , *Lotbaringia* Dux ; qui , Amira seu Soldano *Ægypti* , cum validissimo exercitu ccc millium , amissam *Hierosolymam* repetente , ad *Ascalonem* profligato , & ingenti præda capta , post unius anni imperium peste correptus exspiravit. Successit ei *BALDUINUS* frater , comes *Edeffanus* in *Mesopotamia* ; qui vario eventu cum *Saracenis* pugnavit : regnoque præfuit annis xviii. Balduino I. defuncto alter ejusdem nominis surrogatus fuit anno Christiano mxcvii. Prid. Kal. April. qui *Persarum* regem devicit atque occidit , *Damasci* regem fugavit : sed mox captus a *Turcis* in prælio , & post xviii. menses , datis obsidibus , libertati redditus , magnis cladibus hostes affecit , quadringentis millibus hostium tribus Christianorum millibus feliciter occurrit , septem millibus cæsis , & quinque millibus aqua suffocatis : *Saracenos* etiam in *Syria* duabus stragibus fudit , & regnum feliciter ampliavit : mortuusque anno mcccci. successorem accepit *FULCONEM ANDEGAVENSEM* generum suum ex filia *Meliscenda*. Hic ordinem equestrem a *Sancto Johanne* dictum , quem & *Hospitaliorum* vocant , instituit : & variis exercitus bellis , dum leporem venando insequitur ex equo decedens , rebus humanis exemtus , quum regnasset annos xi. & bimestre ac dies aliquot , locum filio dedit *BALDUINO* III. anno Christiano mcxlii , medio mense *Novembri*. Et is dum cum matre de regno disceptat , *Turcis* *Antiochenos* vexandos , imo opprimendos prostituit. At deinceps *Gaza* & *Ascalone* *Saracenos* eiecit : & apud *Hierichunta* *Nuredinum* *Damascenæ* militiæ principem , quinque millibus hostium interfectis , vicit ac fugavit : *Ægyptios* etiam & *Babylonios* fudit : denique post viginti annorum & trimestre regnum , veneno , quod *Judæus* medicus propinaverat , extinctus , hæredem & successorem reliquit fratrem suum *ALMERICUM* : qui bello *Ægyptum* invasit , & *Saracenis* *Damiatam* ac *Pelusium* ademit , defunctus anno regni xi , Christi mclxxiii , die v. Eid. Julii. In cujus locum venit *BALDUINUS* IV , ejusdem filius natus tum annos xiiii. Hic lepra infectus cum liberos non gigneret : ex voluntate ordinum hæredem regni instituit moriturus *BALDUINUM* V. adhuc puerum , e sorore sua natum , curæ *Comitis Tripolitani* commendarum. Sed eo quoque statim post avunculum defuncto , vitricus ipsius *GUIDO LUSIGNANUS* regnum invasit anno Christiano mclxxxv , indignissi-

indignissime id ferente Comite Tripolitano. Unde discordia inter regni proceres orta *Saladinum* Saracenum, *Ægypti* regem potentissimum, qui aliquot ante annos Dominum suum Caliphum in *Ægypto* interemerat, ac regnum invaserat, in Palæstinam attraxit. Ille vero occasione rapiens, non regionem solum depopulatus est; sed ipsam Metropolim, regni caput, *Hierosolymam* expugnatam Christianis ademit. In qua calamitate nihilominus placuit reliquiis Christianorum de regni jure inter se contendere, & scindi in partes: actumque tum sine dubio de omni fortuna eorum fuisset: nisi ex Germania, Gallia, Anglia, Italia, Pannonia, quo fama calamitatis pervolarat, auxilia opportuna & frequentia alia post alia advenissent, quæ cursum victoriarum Saladini inhibuere, & Ptolemaida, aliasque regni partes Christianis restituerunt. Eadem tempestate, anno MCCXII, pueri diversæ ætatis, quasi furore quodam correpti, in Saxonia, ad recuperandam, uti loquebantur, crucem Domini, congregantur: at plerique in Alpibus, in Italia, in Silvis, frigore, fame, siti misere perierunt. In Galliis eadem fuit puerorum expeditio. Excivit eos adolescens quidam, vicos urbesque obambulans, canensque cantilenam, cujus summa erat, *Jesu Christe crucem tuam nobis restitue*: qua omnes pueri ita excitati fuere, ut qui canentem audiverant, eos nec feræ, nec repagula, nec custodiæ retinere potuerint. Hi Massiliam abiire, & plerique ponto meri sunt. Interim & factiones durarunt in Palæstina, & *Saladinus*, terror Christianorum, e vita decessit, & regni fastigium, anno Christi MCCXVII, ad JOHANNEM BRENNENSEM Gallum, virum imprimis fortem delatum est, ac Tyri corona ei imposita, & ab eodem, anno sequenti, Damiatæ *Ægypti* obfessa captaque: *Hierosolyma* tamen in potestate Saracenorum manente, culpa præcipue ambitiosissimi legati Papalis, per quam Damiatæ etiam rursus amissa. Postremo FRIDERICUS II. Imperator ducta in uxorem *Jole*, filia Johannis Brennenfis, (qui auxilii rogandi causa in Italiam venerant) ac jure regni *Hierosolymitani* in dotem accepto, in Palæstinam profectus terrore exercitus sui eo compulit Soldanum Saracenorum, ut *Hierosolyma* decederet. Ita ipse cum suis urbem ingressus anno Domini MCCXXX, die xv. Kal. April. solemni ritu, gaudentibus Christianis omnibus qui in Asia erant, solum fremente Romani Pontificis factione, corona regia est ornatus. Horrendum perfidiæ exemplum est, quod in Imperatorem hunc *Templarii* ediderunt, atque hinc cætera hominum scelera æstimes. Pace inter Imperatorem & Soldanum facta, constituerat ille in Jordanem, ubi sacro baptismo tinctus est Christus, locurus exspatiari. Id Soldano significarunt *Templarii*,

310 EXERCITATIO XII.

quo Imperatorem interciperet. Soldanus purpuratis suis proditorias literas monstrans : *en*, ait, *fidem Christianorum*. Hi, inspectis literis, post diligentem deliberationem, auctores Soldano fuerunt, ne sanctæ pacis jura violaret, sed *ad omnium*, sic ajebant, *Christianorum confusionem*, ipsi Imperatori sceleratas literas mitteret. Quod & factum. Tragœdiam hanc prolixè narrat *Matth. Paris. p. 246.* Sed urbs *Hierosolyma* post annos xvi, cum haberetur annus æræ Christianæ mcccxliv. a *Soldano Babylonio* rursus Christianis extorta : eodemque illo anno mense Octobri, Christiani ingenti prælio in *Palæstina* victi, propeque deleti fuere, vivente tum adhuc & imperante *Friderico II*, verum intra vertentem annum post hanc cladem extincto. Nec tamen propterea iidem sese deseruerunt, freti oppidis compluribus, quæ adhuc tum illic, tum in reliqua Syria, & vicinis regionibus tenebant. In quo numero *Antiochia*, *Tyrus*, *Sidon*, *Berytus*, *Joppe*, *Cæsarea*, imprimisque *Ptolemais*, in ipso littore cum percommodo portu sita : in qua *Veneti* & *Genuenses* ac *Pisani* præcipuum emporium mercium Orientalium constituerant, multo tempore concordēs inter se. Sed anno Christi mccclx, quum rupta concordia iidem in bellum exarsissent, grave detrimentum rebus Christianis intulere. Nostrorum quippe discordia res ipsorum debiles, res hostium concordia validæ factæ, & *Aegypti Soldanus Bondegar* audacia sumpta anno Christi mccclxviii. Syriam cum exercitu percurrit, loca plurima cepit, Christianos ubique afflixit, in Armeniam quoque impetum dedit, multaque ibidem vastavit : inde reversus, Antiochiam urbium Syriæ quondam maximam, tum fuga prope desertam, invasit, diruit, pene excidit. Anno autem sequente ad reparandam fortunam exercitus in Palæstinam profecti, in quibus *Eduardus* Angliæ regis frater, & *Ludovicus IX.* Galliæ rex, cum fratribus in Africa Saracenos aggressus, labores & impendia perdidere. Nam & Gallum cum fratribus duobus magnamque exercitus ejus partem pestis ad *Carthaginem* absumpsit, & Anglum frustraneæ expectatio Galli, qui se in Syriam secuturum cum exercitu promiserat, & discrepantia peregrinorum consilia, nulla confecta re domum redire compulerunt. Factum quadriennio ante quam *Rudolphus Habsburgensis* Imperator in Germania designaretur, & interregnum exitiale finem caperet. Inde, novis armorum tumultibus inter reges & principes Europæ ortis, non potuere nova auxilia laborantibus in Syria, atque adeo inter se quoque dissidentibus, submitti. Qua occasione *Soldanus Aegypti* anno Christi mcccxc. cum maximo exercitu *Tripolim* Palæstinæ invasit, cepit, excidit, infinitam multitudinem Christianorum trucidavit; Ty-

rum, Sidonem, Berytum simili modo oppressit & evastavit. Eodemque anno ad obtinendos penitus Christianos Europæos in Syria, totaque Asia summovendos, *Soldanus Babylonius* in Palæstinam cum exercitu c. millia armatorum vertit in *Ptolemaida*, quæ sola operibus & præsidio bene munita Europæis erat reliqua: atque eam bimestri obfidione cinctam, desertam tandem a præsidariis diffugientibus, occupavit & funditus evertit; ut ne reliquæ urbis ullæ superessent. Hic finis regni fuit *Hierosolymitani* ab Europæis conditi: quod ab urbe a Gothefrido Bulionæo capta ad hanc cladem Ptolemaidis duravit annos cxc. Qui cladi huic superfuere Christiani, in Cyprum, in quatum *Guido Lusignan* Gallus regnabat, & partes maritimas Ciliciæ, a nostris adhuc habitatas, & Armeniam Christo adhuc parentem, confugerant. Vide *Boxhornii Historiam Universalem* p. 642.

XLVIII. Sic *Hierosolyma* Mahumetæo cultu polluta sub *Soldanis* XLVIII. *Egypti* fuit: donec anno MDXVII. a *Selimo* Turcarum Imperatore ^{Everfo hoc regno, Mahumetanis} ejus nominis secundo, post debellatos *Mammelucos* occupata, & a ^{servis Hierosolyma in} Solimanno filio ac successore, novis mœnibus ornata, in eam, qua ^{hunc usque diem.} nunc visitur, formam redacta est.

XLIX. Quam si quis cognoscere aveat, non melius eam repræ-^{XLIX. Ur-} sentavero, quam delineatione JOHANNIS COTOVICI, Jurisconsulti ^{bis, ut} Ultrajectini; qui initio hujus sæculi curiosis *Hierosolymam* oculis lu-^{nunc est,} stravit, & Itinerarium suum edidit anno MDCCXIX. Ubi Cap. xx. ^{accurata delineatio.} sic eam depingit. Figura *Hierosolymæ* quadrata oblonga, tota montosa est: Montem quippe Moriah, Salomonis Templo, quod nunc exstat, Turcis *Cubisabara* dicto, insignem, itemque Sion, Gihon, Acræ Montium partem occupat. Inter quos quasi medius assurgit Calvariæ mons, seu rupes Golgothana, non multum ampla, nec emi-nens, altitudine monti Testaceo, qui Romæ est, non absimilis, tot in eo collocatis ædificiis, ut superficiem intueri, vel cognoscere vix possis. Hic olim extra urbem infamis habitus, Christi passione, ejusque sanguine pretiosissimo, usque adeo nobilitatus & sanctificatus est, ut nunc urbis fere medium obtinens, Angelis pariter & hominibus venerabilis sit. Porro tria milliaria aut circiter ambitu suo urbs ipsa complectitur: cui ab Ortu adjacent Olivarum Mons, & Vallis Josaphat; ab Austro Mons Offensionis, & Vallis Gehennon; itemque pars Montis Sion; ab Occidente Montis Gihon pars, & Vallis seu Piscina Bersabæ, quæ alias etiam Vallis Ennon appellatur; a Septentrione vero Montis Acræ pars. Extendebatur autem antiquitus longitudo urbis, quantum ex veterum scriptis colligere licet, ab Austro in Septentrionem, sacrum Montem Sion, maximamque Acræ Mon-

Montis partem mœnibus comprehendens : Latitudo vero quicquid est intra Portam Judicialem, ad Vallem usque Josaphat, complectebatur. Hodie pomœriis ejus plurimum contractis, longitudine in latitudinem versa, major Sion & Acræ Montium pars, totusque Borealis angulus ad Portam usque Ephraim olim sese extendens, mœnibus excluduntur. Gihon vero Montis pars, & Calvariae, olim extra muros, nunc includuntur. Ita ut ab angulo occiduo juxta Sancti Salvatoris Monasterium, seu a Jassæ Porta ad Gregis usque Portam, Orientem spectantem longitudo urbis hodie protendatur : latitudo vero a Porta Sterquilini Meridiem respiciente, ad Damasci usque Portam, Aquilonem versus terminetur, urbem a ternis lateribus valles cingunt, ut diximus, latæ, & profundæ, a Meridie scilicet, ab Ortu, & Occasu, a latere autem Septentrionali, usque ad mœnia patet aditus, non præceps, nec angustus, fossis tantum, non multum profundis, & aqua vacuis, interjacentibus. Portæ urbis sex hodie numerantur; novæ omnes, Aurea excepta, quæ vetustatem præ se fert : veterum, præter hanc, nulla vestigia. Valvæ ferreis obductæ sunt laminis, ne flammis facile obnoxiae fiant, aut ab Arabibus incenduntur : quod facile alioquin fieret, cum nulli pontes pensiles, aut fossæ aditum ad valvas impediunt. Portarum aliquæ antiqua etiamnum obtinent nomina, quod eodem positæ sint loco, quo olim veteres : quas singulas velut ob oculos ordine collocare operæ pretium duximus, ut situs inde urbis liquidius constare possit. Incipiemus autem ab angulo urbis Orientali, Septentrionem respiciente, atque ad Meridiem progrediendo, Meridionale latus, dein Occidentale, postremo Septentrionale complectemur : universamque urbem hoc modo circumibimus. Prima itaque Porta, olim Gregis, vel secundum alios Ephraim, & Vallis nominata, hodie a loco lapidationis Divi Stephani, qui proximus est, Sancti Stephani nomen obtinet, utrimque Leonis simulachro rudi modo insculpto ; quod quidem (cum Mahometæorum Lege depictas aut sculptas habere hominum aut animalium imagines vetitum sit) multis admirationi causam tribuit. Quis auctor horum fuerit, nos latet. Putant aliqui, dum muri portæque urbis restaurarentur, Christianæ Legis apostatam urbi imperasse, ejusque permissu id factum : quod vix crediderim. Huic proxima est ab eodem Orientali latere Aurea vulgo dicta, ad amplissimam Salomonis Templi aream ingressum quondam præbens, nunc obstructa penitus. Eandem esse, quam ovans Christus intravit, putant Minoritæ ; cui opinioni non facile adhæserim : nam quum Templum Salomonis a Romanis dirutum penitus, & solo æqua-

tum

tum esse constet, muris proximis, atque Portæ Aureæ (quæ fere medium obtinet) nequaquam pepercisse credendum est: vel eo magis, quod muros omnes urbis dirutos esse scribat Josephus; quodque totus ille muri tractus, Portam Auream in medio continens, nullam antiquitatem referat, nec ex ejusmodi, adeoque magnis constet saxi, quemadmodum illa antiquissimi muri pars, supra quam nova mœnia structa sunt, quæ juxta Portam Sterquilinii etiamnum superest, ædificata cernitur. Eo vero positam loco quo vetusta fortassis exstiterit, concedendum potius existimo, quam inficias ierim. Hanc a Meridie sequitur tertia, Sterquilinii vulgo dicta, cæteris angustior, antiquum usque in hodiernum diem nomen retinens, licet recens constructa. Huic proxima ab eodem hæret latere Davidis Porta, alias Sion nuncupata; quod in Montem Sion ducat; quæ & ipsa nova, & in ordine quarta est. Ab Occiduo latere unica & quinta occurrit, cognomento Jassæ, quæ & Piscium Porta, & Hebron dicitur, Castro Pisano contigua. A Septentrione demum sexta & ultima sequitur, Nephtalim nomine, nunc Damasci Porta appellata. Omnes hæ portæ, & muri civitatis (Castro Pisano muris incluso, atque ea partē, quæ Orientem respiciens Portam Auream continet, & Salomonis Templi Aream munit, exceptis) jussu Soleimanis Turcarum Imperatoris instaurati sunt: constantque ex quadratis & dolatis lapidibus, turribus quadratæ formæ certis intervallis interpositis: quorum crassities, quantum visu percipere licuit, ad tres circiter pedes extenditur, nullo tamen vallo aut aggere muniti, quos interius Menianum in summitate ambit, per quod circumire urbem commode possis, foraminibus passim certo ordine in ipso muro relictis, quo tutius commodiusque ejaculari bombardas, sagittasque in hostes emittere defensores queant. Cæterum locus in quo civitas sita est, arduus totus & inaquosus, flumina vel rivos nullos habet: incolæ aquis tantum utuntur pluvialibus: mensibus enim hibernis in cisternis (quas in urbe habent plurimas) imbres sibi solent colligere, & per totum annum ad usus necessarios conservare. Urbis plateæ fere omnes angustæ, sordidæ, ruinisquæ passim impletæ: imo nonnullis in locis adeo immunditiis & lapidum acervis exaggeratæ sunt, ut occurrentes arcus transversarios, nisi ad uterum caput inclinaveris, transire vix possis. Ruinarum acervi, collapsæ domus, neglectæ etiam & vacuæ plurimæ, ubique fere sese offerunt. Nulla pallatia, ædese magnificas, nil quod delectet, aut spectatorem detineat, usquam conspicias. Deformata, fœda, squalore obsita omnia, Infrequens itaque & quasi neglecta jacet miseranda urbs; olim licet fre-

frequentissima, & opulentissima; ut vere hic locum habeat Dominica de desertione urbis prædictio. Quæ vero hodie integræ visuntur ædes, lapideæ quidem omnes, sed humiles pleræque, & uniustantum contignationis sunt, pavimento subdiali testæ: paucæ ad secundam contignationem adscendunt; paucissimæ ad tertiam. *Bazara* (id est Fora) etsi satis magnifica, arcuato quippe opere, atque e quadrato lapide æqua mensura conciso, multis in locis etiamnum integra sunt; ut plurimum tamen tabernæ vel ruinis deformes, & sordidæ, vel neglectæ, & vacuæ spectantur. Rari enim hic sunt artifices, nulli fere mercatores, præter eos qui annonam, & pannos ex camelorum vel caprarum pilis contextos, telasque gossypinas vendunt. Incolæ plerique artem textoriam exercent, ac texendis pannis, telisque gossypinis operam navant. Cæteræ artes ut plurimum silent. Inter privatas publicasque ædes structuræ magnificentia eminent Herodis Palatium, Pilati Prætorium, Saniacorum hodie domicilium, Xenodochium publicum, & Divitis epulonis (ut vocant) ædes. Omnium vero Messitarum & Templorum præstantissimum est Salomonis, tum Præsentationis Mariæ, utrumque a Mahometæis possessum, & plumbeis laminis tectum. His non immerito addi potest Sepulchri Dominici, seu Resurrectionis, & Golgothanæ rupis ad Christianos pertinens Basilica. Sunt præterea & alia Tempia haudquaquam contemnenda, partim a Christianis, partim a Mahometæis, vel Mauris possessa; quorum pleraque supra memoravimus. Incolæ Mauri fere omnes, Christiani pauci, pauciores Hebræi, quam quis credat; Turcæ vero paucissimi. Christiani montem Gihon, proximæque monti Calvariæ ædes inhabitant. Hebræi partem montis Sion incolunt: Turcæ, Maurique per universam sparfi urbem. Hebræi ut plurimum egenti, imo pauperrimi sunt, ditiorum alibi commorantium eleemosynis vivere assueti. Viget namque apud illos opinio, suum quem expectant Messiam, priusquam *Hicrosolyma* posituri sint, ignem ex improviso e cælo demissurum, & flammis universam urbem consumiturum, mox imbre effuso eas extincturum, ut ab immunditiis, & profanarum gentium, Christianorum nimirum, & Mahumetæorum (ut ipsi interpretantur) abominationibus, longa habitatione commissis, urbs ipsa tot jam seculis profanata, tota purgetur, & emundetur: eaque de causâ (uti accepimus) adeo pauci, ique egentissimi, & a cæteris mercede conducti, urbem tam horrendæ conflagrationi (ut putant) obnoxiam, incolunt. Præsent urbi populoque tres supremi Magistratus, penes quos omnium & vita & mors consistit: primus *Saniacus* appellatus, summum dignitatis apicem

cem obtinet, præstatque cæteris auctoritate & gradu: nam præterquam quod in omnes urbis incolas, militesque imperium exerceat, etiam universæ *Hierosolymitana* ditionis administrationem & curam habet. Dum nos *Hierosolymis* ageremus, *Saniaccatus* munereungebatur *Saniacci Gazera* filius major, sed quum per ætatem magistratum obire non posset, per vicarium (quem *Chiecgiam* vocant) patris intercedente auctoritate, rempublicam administrabat. Alter *Cadius* dictus (quod nobis Judicem significat, Veneti Potestatem appellant) de causis litigantium cognoscit: estque in civilibus atque etiam criminalibus supremus iudex. Hos sequitur *Subassius*, id est, Justitiæ præfectus, qui nocte præest, in fontes inquit, carceribus mancipat, *Cadii* sententias executioni mandat, & ultimum supplicium lititoris opera de reis sumit. Hic a *Saniacco* constituitur, ejusque arbitrio suo munere fungitur. Hæc de Urbis *Hierosolymæ* situ, conditione, & facie, ejusque incolis & magistratibus dicta sufficiant.

EXERCITATIO XIII.

Qua disputatur.

Evangelium per Apostolos
AMERICANIS
Olim prædicatum fuisse.

BREVIARIUM.

- I. Controversiæ status, & tractandi ratio. II. Prisca vaticinia universalem omnium populorum vocationem pollicentur. III. Eamque per Apostolos initio prædicationis Evangelicæ peragenda. IV. Quibus a Christo ea demandata provincia est. V. Adsignato etiam tempore quo cursum istum suum absolvendum haberent. VI. Nimirum ante excidium Hierosolymitanum. VII. Quibus Domini jussis Apostoli paruerunt. VIII. Sic ut Evangelii lux non minus omnes terræ partes illustraverit, quam solares radii. IX. Quod præci Ecclesiæ Doctores egregie exornarunt.*

narunt. X. Quæ omnibus gentibus notificata perhibentur, ea & Americanis prædicata esse oportet. XI. Nam neque inculta tunc prorsus America fuit. XII. Neque Americana gentes ulla ferali Dei sententia salutis communione exclusæ. XIII. Apostoli terrarum orbem inter se partiti. XIV. Quidam etiam in Indiam Orientalem pervenerunt. XV. Alii in Occidentalem quoque penetrasse narrantur. XVI. Rara Hornii observatio de Thoma Brasiliensibus prædicante, vel saltem nota. XVII. Reliquiæ Veterrimi Christianismi in America. XVIII. Difficultates sententiæ huic oppositæ. XIX. America fortassis est Atlantis Platonis. XX. Phœnicibus olim navigata. XXI. Solomonis Ophir creditur esse Monomotapa Casrorum. XXII. America Græcis quoque & Romanis olim cognita. XXIII. Inque ea Romani commercii indicia. XXIV. Magnetis vim gubernatricem non ignorasse Phœnices, contendit Fullerus. XXV. Et quamvis ignoraverint, tamen navigabilis & navigatus fuit Oceanus. XXVI. Terra etiam adiri posse, aut posuisse Americam credibile est. XXVII. Quidquid sit, Deus suis viam, si non invenit, facit. XXVIII. Epilogus.

I. Controversia status, & tractandi ratio.



Diversis occasionibus diversasque ob causas, & olim & nuperius inquisitum est, an per Apostolos Apostolicosque viros, primo nascentis Christianismi seculo, Evangelii præconium, vel saltem illius fama, ita per universas totius orbis habitabilis nationes, publicata fuerint, ut ad extremos Garamantas & Indos, ne exceptis quidam Americanis gentibus, & terræ Australis adhuc nobis incognita incolis, penetraverint. In qua quæstione terminanda video Theologorum aliquos suas primum consulere aliunde formatas hypothesen; ut quod iis convenientissimum etiam hic dici videtur, quodque novi argumenti vicem præstare posse censent, id demum maxima contentione dicant: quasi controversiæ de Divina prædestinatione, & mortis Christi gratiæque ac vocationis minus restricta aut restrictiori universalitate, tractari non possent, sine problemate hoc historico: aut quasi historicum hoc problema decidi deberet, secundum istas hypothesen. Verum ea disputandi ratio, quum animum jam præiudiciis imbutum & anticipatis opinionibus fervientem arguat, minus mihi candida & generosa esse videtur; minus etiam ad veritatem investigandam idonea. Ego sane seposita nunc controversarum istorum dogmatum consideratione, quæ utraque contendentium pars ex animi sui religione tueri potest, sive Americanis olim prædicatum esse Evangelium credat, sive non credat; huius duntaxat causæ momenta librabo, expendamque quæ Scriptu-

Scripturas eorumque temporum historiam legenti, ejusce rei cogitatio oriri animo debeat. Ista autem procedam via, ut ea primum quæ parti agenti, tum quæ neganti favere videntur exponam. Atque hac quidem Exercitatione omnes artis meæ forulos excutiam, ut quidquid ab aliis collectum inveni, quidquid ex propriæ industriæ penu ulla specie addi posse deprehendi, id concinno locatum ordine affirmantibus nunc gratificer. Altera quæ hanc excipiet Exercitatione omnia isthæc argumenta pari diligentia, fide, candore ad examen vocaturus: & quod vero maxime consentaneum esse arbitror calculo meo approbaturus.

II. Illud itaque ante omnia dignissimum notatu est, multa ex-
 stare Veteris Instrumenti vaticinia, quibus amplificatio regni Messiae, præconio Evangelii, quod verbum regni est, peragenda, non aliis circumscribitur limitibus, quam qui ipsius orbis habitabilis limites sunt. Pollicitus Filio Pater est, daturum se ei gentes, imo & fines terræ, in possessionem suam. Ps. 11: 8. dominaturum eum esse a mari uno ad alterum, & a fluminibus usque ad terminos orbis terrarum. Ps. LXXII: 8. Zach. 1x: 10. ad montem domus Jehovæ confluxuras esse omnes gentes: doctrina prodeunte ex Zione, & verbo Jehovæ Hierosolymis. Jes. 11: 2, 3. ut insula maris legem Messiae, neque frustra, expectent; & Jehovam novis canticis celebrent, ac laudem ejus ab extremitate terræ. Jes. XLII: 4, 10, 11. ipsaque adeo terra plena sit scientia Jehovæ, veluti aquæ alveum maris operientibus. Jes. XI: 9. Futurum etiam esse ut Jehova unus sit, & nomen ejus unum super totam terram. Zach. XIV: 9. Porro conversurum esse Jehovam ad populos labium purum, quo invocent omnes nomen Jehovæ, colendo eum humero uno; atque e transfluvialibus partibus Æthiopiæ supplices Jehovæ cum filia disperforum ejus adferant ipsi munus Zeph. III: 9, 10. Quibus consonum est alterius Prophetæ oraculum: Ab ortu solis usque ad occasum ejus magnum futurum nomen Dei, in gentibus, & in omni loco suffimentum adferendum nomini ipsius & munus purum: quia magnum nomen meum erit in gentibus, ait Jehova exercituum. Mal. 1: 11. Iterum aliud: Ut revereantur inde ab occasu nomen Jehovæ, & inde ab ortu solis gloriam ejus. Jes. LIX: 19. Denique; Congregabo omnes gentes & linguas, quæ venientes visuræ sunt gloriam meam. Ponam in his signum, & mittam ex his qui evaserint ad gentes, in Oceanum, Pulem, & Ludum, jaculantes arcu, Thubalem & Javanem; regiones denique longinquissimas quæ non audierant famam meam, neque viderant gloriam, ut indicent gloriam meam in gentibus, &c. Jes. LXVI: 18, 19. Ad hæc, & quæ hisce gemina multa exstant vaticinia

cinia, observari velim: I. Describi illis stilo prophetico genium atque indolem regni Messiae, id est, religionem & cultum spiritualis Christianismi, prout exercendus erat glorificato in caelis Jesu: cujus promotioni Evangelii praedicatio unice inservit. II. Doceri spiritualis illius cultus amplitudinem, diffusam per omnes gentes, omnes terrae cardines, terram universam, ab ortu solis ad Hesperium cubile: iis locutionibus, quibus neque grandiores neque efficaciores vel mente conceperis. III. Quum amplitudo regni Christi gloria & gaudium Christianorum sit, nequaquam nostrae esse pietatis, ut quae magnificentissimis carminibus cecinere vatum antiquissimi, ea nos quaesitis subtilitatibus intra arctiores iusto limites coerceamus.

III. *Eamque per Apostolos initio praedicationis Evangelicae peragendam.*

III. Quum vis praedicationis Evangelicae maxime se exferere debuerit circa illius initium, quando potissimum opem ei suam commodaturus erat Dominus, multis stupendisque signis ac prodigiis, variisque virtutibus, & Spiritus Sancti distributionibus pro sua voluntate; plus quam probabile esse videtur, ut Apostolorum ministerio oracula ista de caelestis regni amplitudine, saltem quoad maximam sui partem, impleta sint. Praesertim quum & id ipsum praedixerint Prophetæ, quod ex Zione prodituri essent qui regnum Dei diffunderent per gentes. *Sceptrum roboris tui mittet Deus ex Zione. Ps. cx: 2. Super celsum montem adscende bonorum nuncia Zion; vocem tuam vehementer effer bonorum nuncia Jerusalem. Jes. xl: 9.* Quo & multis refertur illud quod apud Suetonium est, vulgatam scilicet eo tempore famam ex Judæa proditurum qui orbi imperaret. Stante itaque urbe & Republica Judæorum eam Regni Messiae amplificationem fieri oportuit.

IV. *Quibus a Christo ea demanda provincia est.*

IV. Quæ observatio fortius stringet, si attenderimus, Apostolos a Domino suo, jam jam terris excessuro, in expressissimis mandatis accepisse, ut Evangelium ubivis terrarum praedicatum irent. *Et quum accessisset ad eos Jesus, locutus est eis, dicens; data est mihi omnis potestas in caelo & in terra; profecti ergo docete OMNES GENTES.* Matt. xxviii: 18, 19. Sub omni ea potestate quam in terris sibi datam protestatur Dominus, indubium est comprehendi jus congregandi sibi populum ex omnibus terrae finibus, ut clare praedixerant David, Jesaias, Daniel aliique. Cum jure isthoc suo connectit officium Apostolorum, quos ejus juris administratos atque legatos constituit; cum mandato, ut omnibus sine exceptione gentibus id edicant publicentque. Ne quis vero ullam hic sibi restrictionem fingat, prudenter cavisse videtur Dominus eo sermone qui restrictionem omnem procul esse jubet. PROFECTI IN MUNDUM UNIVERSUM PRÆDICA-TE EVANGELIUM OMNI CREATURA. Marc xvi: 15. Potuitne quidquam

quam disertius ? Habet iste Domini sermo *ὑπερβολὴν ἰμφοτικὴν*, qua ad omnes Evangelii præconium ita pertinere significatur, ut, si bestiae quoque & saxa audire possent, non excluderentur. Quod observatum est a *Johanne Gerhardi in Harmon. Hist. Evang. de Resur. Chr. Cap. XII. p. mibi 349.* Adde Act. 1: 8. *Eritisque mihi testes & Hierosolymis, & in tota Judæa, & in Samaria, & USQUE AD ULTIMAS TERRAS.* His enim, ut Erasmus annotavit, gradibus propagatum est Evangelium: ab Hierosolyma velut a fonte dimanavit ad omnes Judææ partes, dein ad Samaritanos semipaganos & semijudæos, mox in Syriam, hinc in totam Asiam minorem, hinc in Græciam, postremo in Italiam, denique in universum terrarum orbem. Enimvero nefas est dubitare quin Apostoli, Domini jussis obsequentiissimi, ea quæ mandata sibi erant accuratissime exsecuti sint, singulique assignatum sibi cursum absolverint. 1. Tim. iv: 7. Adeo ut nullum locum cœlestis doctrinæ exsortem esse sinerent, *μὴ νῆσους, μὴ ἥπειρον, μηδ' ὅτινα τριτην ἀνθρώποις κατοικίαν ἢ φύσιν ἰδίαν*, non insulas, non continentem, non si quam tertiam habitationem hominibus natura concessit? ut *Gregorius Nyssenus* loquitur *Orat. in Petr. & Paul.*

V. In quam rem suo se iis adfuturum esse Spiritu promisit Jesus. *v. Assigna-* Mat. xxviii: 20. Ipsumque adeo tempus, atque id non multorum *eo etiam* oppido annorum, finivit, intra cujus decursum ista Evangelii *tempore quo* per totum orbem prædicatio peragi deberet: nimirum ante Hierosolymitanæ urbis & templi excidium. Ita enim prædixit: *Et prædicabitur* *cursum* *istud Evangelium regni in toto terrarum orbe; ut sit testimonio omnibus dum ha-* *absolven-* *berent.* *gentibus, & tunc veniet finis.* Mat. xxiv: 14. Omnia hic insignite emphatica sunt. PRÆDICABITUR Evangelium, publica ac sonora eorum voce qui ministerio isti a Christo destinati sunt: *Ἐν ὅλῃ τῇ οἰκουμένῃ*, IN TOTA TERRA HABITABILI in omnibus mundi partibus, ubique locorum & regionum homines degunt: IN TESTIMONIUM OMNIBUS sine exclusione GENTIBUS, tam manifeste, tam efficaciter, ut testimonium Dei de vita quæ in Filio suo est ubivis proster, agnoscatur, recipiatur, & apud omnes gentes fructum ferat. ET TUNC demum VENIET FINIS, non seculi, quod quidam opinantur, sed Hierosolymorum.

VI. De ea enim re nunc agit Christus. Quod probari potest, I. *vi. Nimi-* Ex antecedentibus. Ordine respondet Dominus ad quæsitum *rum ante* Apostolorum. Quæditorum primum est, quando essent eventura quæ de *excidium* *Hierosoly-* *morum.* Templi excidio prædixerat. Ejus rei signa antedecanea enarravit haec tenus: quæ ex historiis demonstrari possunt stante adhuc templo accidisse. Eodem quoque hæc *ἴσως* pertinet, uti evidentissime patet.

II. Ex

320 E X E R C I T A T I O XIII.

II. Ex consequentibus. Statim enim subjicit : *quum autem videritis abominationem desolationis , quæ dicta est per Danielem Prophetam , positam in loco Sancto &c.* quibus verbis de vastatione Hierosolymorum, & quæ eam proxime antecessura erant, sermonem esse res ipsa loquitur : ita orationem prosequente Domino : comm. 16. *tunc qui in Judæa sunt fugiant ad montes.* III. Ex ipsis hisce verbis. Marcus enim habet cap. xiiii : 10. *Et apud omnes gentes oportet primum prædicari Evangelium.* Ubi dictio *primum* non potest commode referri nisi ad consummationem Hierosolymorum : siquidem Marcus non commemorat Apostolos quæsisisse de fine seculi, sed tantum de tempore & signis excidii Hierosolymitani. Hac mente & veterum aliquot pericopam istam explicuere. Ex multis nunc occurrit Hilarius : *Per omnes orbis partes viris Apostolicis dispersis , Evangelii veritas prædicabitur, & quum universis fuerit cognitio Sacramenti celestis inuenta , tum Hierusalem occasus & finis incumbet : ut prædicationis fidem & infidelium pena & metus civitatis eruta consequatur.* Et quid multis ? Tam plana tamque perspicua hæc prædictionis Dominicæ explicatio est , ut ab omnibus non aliunde occupatis facilem assensum impetret.

VII. Quibus Domini
jussis Apo-
stoli parave-
runt.

VII. Quum vero Dominus noster ipsa veritas sit, quæcunque ab ipso futura prædicuntur pro non minus certis habenda sunt, quam quæ jam facta ipsoque actu præstita esse narrantur. Commodum autem accidit, ne & hic quoque rerum desiderentur testimonia. Certe Apostoli *professi prædicarunt ubique.* Marc. xvi : 20. Ipsorumque ministerio *sermo veritatis Evangelicæ pervenit in totum mundum.* Col. 1 : 6. Imo, quo quid dici potest illustrius ? PRÆDICATUM EST EVANGELIUM OMNI CREATURÆ QUÆ EST SUB COELO. ibid. vers. 23. Taceo de fama Christianæ fidei latissime diffusa ; solius *Romanæ Ecclesiæ fides in universo annunciata fuit mundo.* Rom. 1 : 8.

VIII. Sic
ut Evange-
lii lux non
minus om-
nes terræ
partes illu-
straveris
quam sola-
res radii.

VIII. Denique tota hæc controversia uno unius Pauli dicto dirimi aut decidi posse videtur, quando Evangelio applicat, quod de sole dixerat David Ps. xix. in sua ad Romanos Epistola Cap. x : 17, 18. sic scribens: *Ergo fides est ex auditu, auditus autem per verbum Dei. Sed, inquam, an non audierunt ? Imo vero IN OMNEM TERRAM EXIIT SONUS EORUM, ET AD ULTIMA ORBIS TERRARUM VERBA EORUM.* In eo est Apostolus, ut doceat neque Judæis neque Græcis esse quod incredulitati suæ prætexant, quum omnibus nunc ex æquo prædicatum sit Evangelium ; adeo quidem ut non magis solares radii luce sua omnes terræ angulos seriant, quam Evangelii fama ad eosdem dimanaverit. Augustior hæc oratio est, quam ut illiberali interpretatione ad eas angustetur regiones in quibus Judæi degebant : quasi id so-
lum

lum dicere voluerit Apostolus, quod dicentem eum facit Illustris Grotius. Cælum astringerem uno in loco est, & tamen ejus vox & verba ubique locorum audiuntur, id est, vis ejus intelligitur. Pari modo, quum Apostoli in illustrioribus urbibus fuerint, ibique & prædicaverint & miracula fecerint, ut Hierosolymis, Casarea, Joppa, Antiochia, Ephesi, Corinthi, Thessalonica, inde fama rerum tantarum pervenit ad omnes terras in quibus habitabant Judæi, idque sufficit. At profecto non videtur sufficere. Nam quæ institutio iis est circumscripta limitibus, quos Evangelii prædicationi hic figit Grotius, ea tam magnificæ contentionis vim sustinere non potest, qua institutioni quæ cælo magistro fit æquiparetur. Omnes enim ubi ubi degant homines ista schola erudiuntur. Quamvis inter se populi linguis differant, & Græcus Barbaros non intelligat, tamen ad cunctos pariter erudiendos communis cæli sermo est: nec quicquam præter socordiam obstat, quo minus alienissimi quique ex unius illius doctoris ore proficiant. Omnes homines sive in habitabili, sive in desertissima terra sint, pariter cælorum ductus cernunt; nullusque est orbis angulus, ubi figuræ istæ, ceu totidem Divinarum perfectionum argumenta, legendæ non possint. Unde consequitur, eadem prorsus latitudine quam David animo concepit, quando de naturali per cælum institutione canebat, intelligenda esse quæ Paulus de amplissima Evangelii prædicatione scribit.

IX. Sibi quidem Dei verba ad ἀξιοπιστίαν abunde sufficiunt: si quis tamen eadem ex hominibus audire desiderat, vix ullus ex antiquissimi Ecclesiæ Doctoribus est, qui in prædicanda incredibili ista Evangelii propagatione suam non exercuerit eloquentiam. Ex multis hæc habeto. Justinus in Dialogo cum Tryphone: ἡ δὲ ἐν γὰρ ὅλως ἔστι τὸ γένος ἀνθρώπων, ἢτε βαρβάρων, ἢτε ἑλλήνων, ἢτε ἀπλῶς ὅτινις ὀνόματι προσεγορευομένων &c. atqui ne unum quidem est genus mortalium, sive Barbarorum, sive Græcorum, sive etiam aliorum omnium, quocunque appellantur nomine, vel Amaxobiorum, vel Nomadum domo carentium, vel in tentoriis viventium (Scenitarum) & cum pecoribus vitam tolerantium, inter quos per nomen crucifixi Jesu, supplicationes & gratiarum actiones Patri, fabricatori rerum omnium, non fiant. Irenæus, lib. I. cap. III. Et si in mundo loquela dissimiles sunt, sed tamen virtus traditionis una & eadem est. Et neque hæc quæ in Germania sunt fundatæ Ecclesiæ aliter credunt, aut aliter tradunt, neque hæc quæ in Hiberis sunt, neque hæc quæ in Celtis, neque hæc quæ in Oriente, neque hæc quæ in medio mundi sunt constituta: sed sicut Sol creatura Dei in universo mundo unus & idem est, sic & lumen & prædicationis veritatis ubique lucet, & illuminat omnes homines,

qui volunt ad veritatis cognitionem venire. Tertullianus, lib. advers. Judæos: In quem enim alium universæ Gentes crediderunt, nisi in Christum qui jam venit? Cui enim alii Gentes crediderunt, Parthi, Medi, Elamitæ, & qui habitant Mesopotamiam, Armeniam, Phrygiam, immigrantes Egyptum, & regionem Africa, quæ est trans Cyrenem, Romani, & incolæ, tunc & in Hierusalem Judæi, & Gentes ceteræ, ut jam Getulorum varietates, & Maurorum multi fines, & Hispaniarum omnes termini, & Galliarum diversæ nationes, & Britannorum inaccessa loca Romanis, Christo vero subdita, & Sarmatarum, & Dacorum, & Germanorum, & Scytharum, & abditarum multarum Gentium, & provinciarum & insularum multarum vobis ignotarum, & quæ enumerare minus possumus? In quibus omnibus locis Christi nomen, qui jam venit, regnat. Hinc eodem libro dicit: Adspice universas nationes, de voragine erroris humani exinde emergentes ad Dominum Deum Creatorem, & Christum ejus. Quæ eadem quoque verba habet, contra Marcionem lib. III. Arnobius, conversus Gentilis, in libris adversus Gentes, quos scripsit adhuc Catechumenus, lib. II. Enumerari possunt atque in usum computationis venire ea quæ in India gesta sunt apud Seras, Persas, & Medos: in Arabia, in Asia, Syria, apud Galatas, Parthos, Phrygas: in Achaja, Macedonia, Epiro: in insulis & provinciis omnibus quas sol oriens atque occidens lustrat: ipsam denique apud Dominam Romam. Hieronymus, Tom. I. epist. in Epitaphio Nepotiani, ad Heliodor. Ab India usque ad Britanniam, a rigida Septentrionis plaga usque ad fervores Atlantici Oceani, jam innumerabiles populi, & tantarum gentium multitudines, quam varia linguis & habitu, tam vestibibus & armis, piscium ritu ac locustarum, & velut muscæ & culices conterebantur (absque notitia enim sui Creatoris omnis homo pecus est) nunc vero passionem Christi & resurrectionem ejus cunctarum gentium & voces & literæ sonant. Taceo de Hebræis, Græcis, & Latinis, quas nationes fidei suæ in Crucis titulo Dominus dedicavit. Immortalem animam, & post dissolutionem corporis subsistentem, quod Pythagoras somniavit, Democritus non credidit, in consolationem damnationis suæ Socrates disputavit in carcere, Indus, Persa, Gothus, Ægyptius philosophantur. Bessorum feritas, & pellitorum turba populorum, qui mortuorum quondam inferiis homines immolabant, stridorem suum in dulce Crucis frugerunt melos; & totius mundi una vox, Christus est. Et epist. ad Lætiam: Deposuit pharetras Armenius: Hunni discunt Psalterium: Scythiæ frigora fervent calore fidei: Getarum rutilus & flavus exercitus Ecclesiarum circumfert tentoria. Ad Sun. & Fretel. Quis hoc crederet, ut Barbara Getarum lingua Hebraicam quæreretur veritatem, & dormitantibus, imo contendentibus Græcis, ipsa Ger-

Germania Spiritus Sancti eloquia scrutaretur? Chrysostomus, in libro quod Christus sit Deus. Tom. vi. p. 631. Εξ ἐκείνης πᾶσαι χώραι, καὶ πᾶσαι πόλεις, καὶ οἰκουμένη καὶ αἰκνη, τὸν ἐσαυρωμένον ἀνακηρύττομεν. καὶ βασιλεῖς, καὶ στρατηγοὶ, καὶ ἄρχοντες, καὶ ὑπάτοι, καὶ δούλοι καὶ ἐλεύθεροι, καὶ ἰδιῶται καὶ σοφοί, καὶ βάρβαροι, καὶ τὰ ποικίλα τῶν ἀνθρώπων γένη, καὶ λοιπὸν ὅσιν ἡλιθιοὶ φορὰ γῆν, ταύτην δὲ τὴν τσαύτην ἐπέδραμε τὸ ὄνομα καὶ ἡ προσκύνησις. *Ab illo tempore omnes regiones, & omnis urbes, & desertum, & terra tam habitabilis quam non habitata Crucifixum predicamus. Et reges & imperatores & principes & consules, & servi & liberi, & privati, & docti atque indocti, & barbari, & multifaria hominum genera, & quancunque demum terram sol lustrat, eam quanta quanta est Crucifixi nomen & adoratio pervasit.* Rursus p. 635. in fin. Ἐννόησον ἡλίον ἐπὶ τὴν ὑφ' ἡλίῳ κειμένην ἅπασαν ἐκκλησίαν ἐν χρόνῳ βραχεὶ τοσούτων ἐμπλήσαι — καὶ πανταχῶς θυσιαστήρια ἀναστήσαι, ἐν τῇ Ῥωμαίων χώρᾳ, καὶ ἐν τῇ Μαύρῳ, ἐν τῇ Ἰνδῷ. τί λέγω; ὑπὲρ τὴν οἰκουμένην τὴν καθ' ἡμᾶς. καὶ γὰρ αἱ Βριττανικαὶ νῆσοι, αἱ τῆς θαλάττης ἐκτὸς κείμεναι ταύτης, καὶ ἐν αὐτῇ ἔσται τῇ ὡκεανῷ, τῆς δυνάμεως τῆ ῥήματι ἡδυνάτο. καὶ γὰρ κακεῖ ἐκκλησίαι. *Attende quanta res sit terram quæ sub sole jacet universam tam exiguo temporis spatio tot implere Ecclesiam, — & ubique gentium aras excitare, in regione Romanorum, Persarum, Scytharum, Miororum, & Indorum, & ultra orbem nostrum. Nam & Britannica insula, extra hoc mare sita, & quæ in ipso Oceano sunt, virtutem verbi senserunt. Sunt enim etiam illæ Ecclesiæ.* Et ut tandem finem faciam horum testimoniorum, quorum adeo recordatio nos delectat, ut temporis fere laborisque capiat oblivio, Theodoretus, de Græcar. Affecli. Curat. Scrm. ix. Οἱ ὃ ἡμέτεροι ἀλιεῖς, καὶ οἱ τελῶναι, καὶ ὁ σκυτοτόμος, ἅπασιν ἀνθρώποις τὰς ἐναγγελικὰς πρεσβυτεροχασί νόμους. καὶ ὃ μόνον Ῥωμαῖους, καὶ τὰς ἐπὶ τέτοις τελῶντας, ἀλλὰ καὶ τὰ Σκυθικὰ, καὶ τὰ Σαυροματικὰ ἔθνη, καὶ Ἰνδοὺς, καὶ Αἰθιοπὰς, καὶ Πέρσας, καὶ Σῆρας, καὶ Ὑκανοὺς, καὶ Βακτριανοὺς, καὶ Βρεττανοὺς, καὶ Κίμβριους, καὶ Γερμανοὺς, καὶ ἅμαξαιπῶς πᾶν ἔθνος καὶ γένος ἀνθρώπων, διέλασαι τῷ σαυρωθέντι τὰς νόμους ἀπέπεισαν. ὃς ὅσοις χρησάμενοι, καὶ πολλὰς μυριάσι λογάρων, ὑδὲ τῆς περσικῆς ὀμότητι χρώμενοι βία, ἀλλὰ πειθόντες, καὶ δεικνύντες ὀνησιφόρους τὰς νόμους, *At nostri illi piscatores ac publicani, sutorque ille noster, cunctis nationibus legem Evangelicam detulerunt. Neque solum Romanos, quique sub Romano vivunt imperio, sed Scythas quoque ac Sauromatas, Indos præterea, Æthiopes, Persas, Seras, Hyrcanos, Britannos, Cimmericos & Germanos, utque semel dicatur, omne hominum genus, nationesque omnes induxerunt Crucifixi leges accipere; non armis usi, non infinita vi militum delectatorium, non immanitatis Parthica violentia; sed verborum suavis, ostensa legum quas prædicabant utilitate.*

X. *Quæ
omnibus
gentibus
notificata
perhiben-
tur, ea &
Americanis
prædicata
esse oportet.*

X. Fateor omnia hæc generalibus duntaxat comprehensa locutionibus nihil hætenus speciatim de Americanis adserere. Attamen quotiescunque de omnibus in universum gentibus aliquid adfirmatur, tanta universalissimi sermonis amplitudine, quanta in ejus generis negotio adhiberi potest; totius id de Americanis quoque non minus intelligi debet, quam si & ipsi nominatim expressi forent. Præsertim quum ob quam causam cæteris nationibus Evangelium prædicari curavit Dominus, ob eandem causam Americanis itidem prædicari debuerit. Causa prædicati in gentibus Evangelii, est immensus Dei erga genus humanum amor, ut notefacta iis salutis consequendæ via ac ratione ad communionem Dei in Christo comiter invitarentur. Eam in rem illuxit salutifera illa Dei gratia omnibus hominibus: Tit. 11: 11. quippe qui omnes homines servari, & ad agnitionem veritatis pervenire vult. 1. Tim. 11: 4. Et cur hic Americanos magis quam quosvis excipias alios? Ad personam enim Deus non respicit. Act. x: 34. In Christo Jesu non est Græcus & Judæus, circumcisio & præputium, Barbarus & Scythæ. Col. 111: 11. Neque ullum omnino gentium discrimen. Eas etiam quæ immanissimis sædatæ erant sceleribus, Evangelii sui vocatione dignatus est Dominus. Nam eramus & nos quondam amantes: rebelles, errantes, servientes cupiditatibus ac voluptatibus variis, in malitia & invidia degentes, odiosi, alii alios odio prosequentes, & nobis tamen apparuit benignitas & erga homines amor Servatoris nostri Dei. Tit. 111: 3. Ne quis propter inolita genti alicui vitia, Evangelii aditum illi interclusum esse temere opinetur. Neque sane gens ulla est quam præ cæteris vocet Deus vocatione sua sancta, intuitu eorum quæ ipsi patraverint operum, sed ex suo proposito & gratia, quæ data est in Christo Jesu ante tempora seculorum: sed facta nunc est manifesta per illustrem illum adventum Servatoris nostri Jesu Christi, qui & mortem abolevit, & vitam ac incorruptibilitatem in lucem produxit per Evangelium. 2. Tim. 1: 9, 10. Ex quibus omnibus conficitur, vel gentes Americanas in rerum natura non fuisse, tum quando gentibus omnibus Evangelium prædicari curavit Deus; vel ipsas singulari Dei maledictione beneficio fuisse exclusas; vel denique ejusdem cum cæteris gratiæ consortes. Atqui neque illud dici potest, neque istud: ergo hoc solum superest.

XI. *Nam
neque in-
culsa tunc
prorsus A-
merica fuit.*

XI. Doctissimus Vir, Johannes Henricus Ursinus, Superintendens Ratisbonensis, in *Analektis suis Sacris* lib. vi. cap. xxiv. p. 378. ubi de hac ipsa causa disputat, profitetur induci se non posse ut credat, in temporibus Americam hominibus fuisse frequentatam. Conjectare mavult colonias gentium, non ante, sed post Servatoris tempora in remotiores a consi-

continente insulas, inque hunc novum orbem, sive mari adeundus fuerit, divulsus a nostro, sive pedestri itinere, aut freto aliquo non lato, fuisse traductas. Ita moderante Divina providentia, ut quæ, non ante turrim Babelicam & confusioem linguarum, in orbem habitabilem vicinioreque insulas essent dispersæ, ea nec ante prædicatum labio electo Jesum, nec ante perfide spretum, in tam longinqua mitterentur exilia: ubi qui dii quasi mortales esse nolissent, homines quoque exuerent. Cæterum eam hario-landi audaciam, debilibus admodum nixam rationibus, castigandam sibi sumsit Georgius Mæbins, Primarius in Lipsiensium Academia Theologiae Professor, eique ut multo fundatiorem opponit Latii sententiam, qui apud Hornium de Orig. Gent. Americ. lib. 1. cap. XI. in hæc verba fatur: Ego ita judico; quum America tam late pateat quam noster orbis, & non minus habitata fuerit quam aut Europa aut Asia aut Africa, omnino credendum esse non ab annis quingentis aut mille primum habitari cæpisse; sed statim post confusioem linguarum & dispersionem illam familiarum etiam in Americam migratum fuisse: nam alias non video quomodo idonea ratio reddi possit tantæ ubique per Americam incolarum multitudinis, & infinitarum ferme linguarum, & a se invicem & Europæis toto cælo discrepantium. Multa enim vero sunt quæ sententiam hanc altera illa longe faciunt probabiliorem; de quibus non est differendi locus.

XII. Non putem etiam idonea satis ratione firmari posse eorum, XII. Neque si qui sint, opinionem, qui Americanos a Divinæ participatione benedictionis singulari sententia exclusos arbitrantur. Ea enim iræ su-^{Americana} gentes ulla per ipsos mansuræ funesta denunciatio, si uspiam, in Noachi oraculo ^{ferali Dei} inveniri deberet; quo Semo illiusque posteritati primo addicitur sa-^{sententia} a salutis lus, mox Japheto, sive alliciendo, sive dilatando ipsi locum, ut ^{communio-} habitet in tentoriis Semi: in Chamum autem, illiusque filium Ca-^{ne exclusæ} naanem, dira pronuntiatur sententia, *Maledictus erit Canaan, servus servorum erit fratribus suis.* Gen. IX: 25. Porro Chami progeniem Americanos, si non omnes, maximam certe partem esse, non desunt qui opinentur. At præterquam quod hypothesis ista valde dubia, & fortassis falsa sit; quantocunque rigore sanctissimi senis execrationem interpreteris, non eo usque valuisse ut omnis iChami posteritas Evangelicæ gratiæ communione orbetur, & aliorum vatum oracula, & eventus ipse docuerunt. Adeo ad Chami progeniem Egyptii pertinent, ut Egyptus terra Cham signate aliquoties in nostris sacris dicatur, & in sacris Isidos *χαμια*. De Egypto tamen vaticinatus Jesaias est: *Futuras ibi esse civitates quinq; loquentes sermone Canaanis & juratas Jehovæ exercituum: structum iri Jehovæ altare in medio Egypti, ut colatur sacrificio & munere, & voventes votum Jehovæ pen-*

dant : convertendos *Aegyptios* esse ad *Jehovam*, qui exoratus sanaturus sit ipsos : denique futurum esse uti dicat *Deus*, *Benedictus sit populus meus Aegyptius*. *Jes. xix : 18.* & seq^q. Et quid multis ? Nihil factius & certius est, quam in *Aegypto* cæteraque *Africa* universa, in ditionibus *Tyriorum*, *Sidoniorum*, & infinitò terrarum ad *Chami* portionem pertinentium tractu, florentissimas fuisse Ecclesias. Adde, tales in ipsa cum maxime *America* inveniri : Deo *Anglorum* potissimum in promovendo Evangelio diligentiae, *Spiritus* sui efficacia insigniter favente. Non itaque isto *Noachi* oraculo durius quidquam in *Americanos*, *Chami* nepotes, quam cæteras mundi nationes, statutum est; unde eos per Evangelium ad *Christi* gratiam invitari non debuisse merito colligas.

XIII. *Apostoli terrarum orbem inter se parisi.*

XIII. At necesse non est ita generalibus hisce immorari, ut non ad specialiora quoque descendere liceat. Constans quippe veterum traditio est, *Apostolos* mandato *Domini* defuncturos partitos esse inter sese orbem terrarum, singulisque suas assignatas provincias : quas nonnulli hoc modo dividunt, ut *Thomæ* quidem & *Bartholomæo* obtigerit *Oriens*, *Simoni* & *Thaddæo* *Septentrio*, *Matthæo* & *Jacobo Majori* *Regiones Mediterranea*, *Johanni* & *Andrea* *Provincia Maritima*, *Petro* vero & *Jacobo Minori* *Occidens*. Alii aliter.

XIV. *Quidam etiam in Indiam Orientalem pervenerunt.*

XIV. In *INDIAM* quum *Pantænus*, Divina quadam æmulatione succensus, prædicandæ salutaris doctrinæ causâ penetrasset, apud quosdam cognitione *Christi* jam pridem imbutos, Evangelium *Matthæi*, quod adventum ipsius prævenerat, reperisse narratur. Quippe quod *Bartholomæus* ibi prædicaverat, & *Hebraicis* conscriptum litteris reliquerat. *Euseb. lib. v. cap. x.* De *Johanne* sic habet *Baronius Annal. T. 1. p. 320.* *Johannem non semper in Asia mansisse, sed & alias Orientis regiones Evangelium prædicando peragrasse, multa sunt testimonia. Ad Parthos enim adscendisse, titulus suæ ipsius primæ Epistolæ, quæ olim ad PARTHOS inscripta legebantur, facile monstrat. Sed adhuc ultiores Orientis partes penetrasse, & BASSORAS Christiana fide imbuisse, accepimus certa ac fide digna relatione religiosissimorum Patrum Societatis Jesu, qui nostris temporibus ad Indos Evangelicæ prædicationis causâ profecti hæc ex ejusdem populi a majoribus accepta traditione didicerunt. De Thomæ hæc collegit : p. 321. Thomas Apostolus imprimis ad PARTHOS profectus est, ut auctor est Origenes atque Eusebius. Eundem INDOS penetrasse tradit Gregorius Nazianzenus. In ÆTHIOPIAM quoque perrexisse testatur Johannes Chrysostomus, quum ait, Thomas dealbat Æthiopes. Thomæ adscribitur quod ait Theodoretus, PARTHOS, PERSAS, MEDOS, BRACHMANNAS, INDOS, aliasque nationes finitimas Christi Evangelium suscep.*

suscepisse. Ad TAPOBRANAM quoque insulam venisse Nicephorus tradit. Qui apud Indos reperti sunt Christiani in regione NARSINGENSII firma certaue traditione adfirmant, Thomam Apostolum in illis regionibus Evangelium prædicasse, Ecclesias erexisse, ac cætera quæ ad Christianorum institutionem pertinent, consummasse. Id ipsum etiam profiteri qui in India regione CHRANGANORE & aliis adjacentibus locis agunt, Osorius Silvensis Episcopus, qui res Indicas luculentissime scripsit, testatur. Hæc Baronius. Quibus & aliorum addi possunt narrationes, tradentium non solum a Thoma Apostolo invecam apud Indos fuisse religionem Christianam, sed & per crucis signum patrata istic fuisse miracula, cultumque ab eodem lapideum quoddam crucis signum, in tumulo haut procul ab urbe adfurgente constitutum; quo Apostolus secedere, Dei propitiandi & sui recolligendi causa, consuevisset: idque signum Thomæ postea sanguine, quum a Barbaris mactaretur, respersum fuisse. Sed & ipsam illam crucem, sanguineis guttis adhuc tinctam, anno superioris seculi XLVIII, MELIAPORE apud Malabares, in India cis Gangem, a Lusitanis repertam esse, characteribus vulgo ignotis inscriptam, qui adhibitis de Brachmanum genere duobus doctissimis interpretibus intellecti sunt continere totum Thomæ martyrium. Qua de re qui plura, & supra fidem portentosa, legere gestit, adeat Osorium Indic. lib. III. circa finem. & Xaverium epist. lib. I. Epist. I. & lib. II. epist. X. Atque ita quidem Evangelii ad INDOS ORIENTALES per Apostolos Christi propagationem ostendimus: & quæ dici potest causa cur Occidentales Indos neglectiores Deus habuerit?

XV. At neque de his perpetuum atque universale in prisca historia silentium esse, a Doctis quibusdam hominibus creditur. Scribit enim disertis verbis Nicephorus lib. II. cap. XLI. Evangelistam Mattheum apud CANNIBALOS ἀνθρωποφάγους, BRASILIENSIBUS conterminos, prædicasse. Cannibali autem sunt in India Occidentali, de quibus videntur ipse Christophorus Navigationis suæ cap. IV. & V. Quæ quum retulisset Clarissimus Mæbius, lubet ipsi rogare: QUODNAM Igitur CLARIUS POSSEMUS HUIUS REI HABERE ARGUMENTUM?

XVI. Addenda autem magno suo merito est rara, ut ipse vocat, Georgii Hornii observatio. De Orig. Gent. Amer. lib. III. cap. XIX. Nimirum S. Thomam his iisdem gentibus vel prædicasse Evangelium, quod multi volunt, vel saltem innotuisse. Nam BRASILIANI meminere cuiusdam Sancti Viri, & ut ex narratione ipsorum patet, Christiani, quem Meyre Humane vocant, GUARAI, qui Provinciam Sanctæ Crucis in montibus tenent, Paicum dicitur: unde & primos Monachos Hispanos Paicunas appellarunt. Hunc S. Thomam esse

esse colligit Hornius, ex nomine & ex historia. Nomen quod attinet, *Meyr* ipſius in genere peregrinus dicitur, barbatus, veſtitus. *Human* ex voce *Thomas* expreſſum ſolo T abjeſto. Terminatio in diverſis linguis plerumque variat: ſicut *Ὀδυσσεύς* & Uliſſes, Ajas & Ajax. Historia magnam lucem huic narrationi adfert. Quæ enim *Braſiliani* de *Meyre Humane*, eadem *Orientalis Indi Malabares* de S. *Thoma* narrant. *Lerius*: ante innumerabiles lunas veniſſe ad majores ſuos virum barbatur & veſtitum, qui fidem in Deum tradiderit, more *Chriſtianorum*. Addit *Stadius*: edita ab eo multa miracula, moremque tonſura quo utuntur primum oſtendiſſe. Quare quum & nomen, & quod narrant Barbari, ſi tonſuram excipias, Thomæ convenient, non ignotus ipſis videtur fuiſſe. De hoc quæritur: veneritne *Thomas* in AMERICAM, & ibi prædicarit; an ex *Tataria* ejus notiſſimum intulerint illæ gentes: quorum prius *Lerius* probatur, quia in omnem terram exiit ſonus *Apoſtolorum*: altera tamen ſententia *Hornio* certior eſt. Nam multa indicio ſunt, *Braſilianos* a *Tataris* ortos. Deinde conſtat, Thomam in *Tataria*, *Sinis*, *India*, Evangelium prædiſſe, & ibi occiſum. Nulla vero ejus in *Americam* profeſſionis & reditus argumenta. Unde ejus ex *Tataria* memoriam illatam putat, vel ab ipſis *Braſilianis*, vel iis unde hoc acceperunt populis. Utra vero ſententia firmiori talo ſtet, an hæc *Hornii*, an illa *Lerii*, ad cauſſam noſtram parum attinet; modo id habeatur; per S. Thomam, ſive proxime, ſive interventu aliorum, prædicatum *Americanis* eſſe Evangelium.

XVII. Reliquiæ
terræ
Chriſti-
aniſmi in
America.

XVII. At multum ea traditio firmatur prolixa ejuſmodi tantum, quam opinionum enarratione; quæ, evidentes ſatis veteris ibi Chriſtianismi reliquiæ, a recentioribus novi, ut vocant, orbis deſcriptoribus repertæ ſunt. Teſtantur illi, qui res Indiæ ſumma cura ac fide conſignarunt, partim etiam ipſi oculis ſuis luſtrarunt, non obſcura adhuc veri cultus indicia apud Barbaros exſtiſſe, tum quum *Columbus*, aliiſque *Luſitani* aut *Hiſpani*, eo appellerent. Refert *Petrus Martyr*, hiſtoricus, in *Tractatu de Inſulis nuper repertis*, ſacerdotes quosdam *Americanos*, in regno *Mexicano* ſupra *Darienem*, anniculos pueros puellasque in templis aqua in crucem cum urceolo ſuper injecta baptizare viſos fuiſſe. Sacroſanctæ etiam Cœnæ adumbrationes, alii ſibi deprehendere viſi ſunt; imo & adorandæ Trinitatis quædam rudimenta: quæſitos autem, unde hæc ſimiliaque haberent, reſpondiſſe, tranſmiſſe aliquando virum formoſiſſimum per eos tractum, qui ea ipſis reliquerit. *Johannes Lerius* de *Braſiliensibus* teſtatur, quod animarum immortalitati adſtipulentur. Refert etiam, ſe aliquando ipſiſcum

ipsorum de vero Dei cultu, de creatione rerum, de labe & ruina generis humani, & similibus religionis Christianæ capitibus differuisse, quibus, postquam duas amplius horas magna cum admiratione & attentione auscultassent, demum quendam ex senioribus respondisse, habere se ex aliorum relatu, jam inde a priscis temporibus, & ante plurimos annos, hominem nostro more vestitum, & barbaturum, in illorum devenisse terras, qui simili oratione ipsos sub Dei obsequium adducere conatus sit: quum autem majores ipsorum illi fidem non adhiberent, mox successisse alium, qui ensim, symbolum maledictionis, illis traderet: ab eo tempore bella & dissensiones perpetuas inter ipsos viguisse. Similia multa congescit *Hornius de Gent. Americ. Orig. lib. IV. cap. XV.* Apud Mexicanos ritus Christiani plurimi & evidentissimi, Trinitatis, Sacramentorum, Baptismi & Cæna Domini, Confessionis expressa memoria. Apud Yucatanos xxxv dierum jejunium. Summum Sacerdotem suum Mexicani PAPAM vocant. Cultus & ornatus sacerdotum Peruviae, ut apud Christianos Episcoporum. Nec quidquam illustrius Yucatanensium Baptismo: de quo *Herrera*, datum ei nomen REGENERATIONIS: administratum infantibus anno ætatis tertio. Parentes ad id sese parasse jejunio & seculatione; accessisse consuetudinem, & unctionem in fronte. Cruces in *Gozumal* & *Yucatan* repertæ: & cognitus ipsis vir sole lucidior, qui in cruce passus sit. Mortuos resurrecturos Peruviani credebant: unde Hispanos, sepulcra violantes, deprecati, ne ossa turbarent, impedimento id resurgentibus fore rati. Hæc & id genus compluria, quæ Lusitani atque Hispani in America invenerunt, non introduxerunt secumque attulerunt, evidenti indicio sunt, Christianam religionem antiquitus ibi cognitam fuisse, sed, ut fieri adsolet, paulatim superstitione fœdatam ita degeneravisse, ut alicubi non nisi quædam veluti fugientis tenuia superint vestigia. Si vero ab antiquissimis temporibus prædicata ibi Christiana religio sit, a quibus eam prædicatam malumus, quam ab ipsis Apostolis, virisve Apostolicis?

XVIII. Dissimulandum tamen non est, omnibus hisce, quan-^{xviii.} tavis probabilitate disputentur, duas, atque eas quidem maximi ^{Difficulta-} momenti, difficultates obstare: primo, quod totus ille Americæ tra-^{tes sensen-} ctus ejus ævi hominibus, quo Apostoli vixerunt, prorsus fuerit inco-^{tia huic} gnitus, tum si vel cognitus fuisset, tanta tamen locorum intercape-^{opposita.} dine a cæteris terræ partibus fuerit semotus, nullo ut itinere adiri ab Apostolis potuerit. Quo enim pacto iter illud suum confecerint? An terra & pedibus? Atqui novus iste orbis, quantum hætenus constat, a reliqua terra habitabili prorsus separatus est. Maritimum itaque & nauticum iter esse oportuit.

Tom. II.

T t

inter-

intermedium omnis antiquitas innavigabilem, & a mortalibus (quia sacrum, divumque sedem existimavit) navigatione minime violandum credidit. Accedit, quod ante repertum magnetis lapidis usum, quem nuperum habemus, vix ante trecentos annos exploratum, Oceanus ille intermedius nunquam tentari potuerit; quod omnibus, qui navigant, indubium esse adfirmat *Ortelius*.

XIX. *America fortassis est Atlantis Platonis.*

XIX. At non desunt quæ tollendis hisce difficultatibus magna cum veri specie adferri possunt; & si vel nulla nobis inveniretur via, nihil certe invium est Numini. Atque id primo secure nimis sumitur, ignotam plane priscis mortalibus eam orbis terrarum partem fuisse quam nunc Americam vocitamus. Hanc enim eandem esse quam divinus *Plato ATLANTIDEM* dixit, insulam *Africa* & *Asia* majorem, quamque ad fauces *Gaditani* freti locat, multi viri docti crediderunt. Memorabilia imprimis sunt, quæ *Lipsius* in hanc rem observavit. *Physiol. Stoic. Lib. II. Dissert. XIX.* Est, inquit, & in Platone profecto vetus & vera memoria magnæ ATLANTIDIS insulæ, quam *Asia* & *Africa* ampliorem scribit: atque ita describit, ut mihi videatur locus dubitationi non esse, quin Novus orbis pars sit Platonicae illius terræ. Nam primum facit locatque grandem illam insulam ad fauces *Gaditani* maris: quæ longe lateque introrsum scilicet pateret: & ex qua esset ἐπίβατον ἐπὶ τὰς ἄλλας νήσους, ἐκ ᾧ τῶν νήσων ἐπὶ τὴν καταγλιγὺ πᾶσαν ἵππερον, τὴν περὶ τὸν ἀλκιβιὸν ἐκείνον πόντον: *gradus transitusque ad alias insulas: iterumque ex istis ad oppositam continentem, adjacentem mari quod vero nomine sic appellamus.* Si hæc consideras & scrutaris, quid nisi dicit magnam illam fuisse insulam statim ab Hispania, ubi nunc reliquiæ (nam illuvione periit) & velut fragmenta tot insularum sunt? *Canariarum, Fortunatarum*, & quas alias tota ora *Africa*, & interior habet. *Ex illa autem, ait, transitus in insulas.* Quas? eas quæ nunc etiam præjacent continenti, *Cubam, Hispaniolam, Jamaicam*, & plures. *Et ex insulis in ipsam continentem.* Verissime. Statim ex illis vel in *Peruanam* vastum tractum, vel in vastiorem *Mexicanam* transitur. Et *continentem* appellat, etsi insula est, sed ita, quomodo nostra hæc pars a nobis habitata. Atque hæc quidem *Lipsii* de *Atlantide* sententia est. Non abludit Collega noster D. *LUTSIUS. Introd. ad Geograph. Sect. v. Cap. I. Americ.* Ubi refutat *Kircherum*, Atlantidem insulam a veteri & novo orbe distinguentem, eamque collocantem in medio Oceano Atlantico: ubi immani terræ motu maximoque Oceani illuvio brevissime absumpta, parva sui vestigia in Flandricis & Canariis insulis reliquerit. Refutat etiam *Barlæum*, cui autumare visum, totam istam *Platonis* narrationem μυθικὴν magis esse, quam ἱστορικὴν: quod

quod & Platoni ipsi, & Straboni, & Soloni repugnet, qui integrum de Atlantide librum scripsisse memorantur. Confer Hornium *lib. II. cap. VI.*

XX. Si quis tamen quæ de *Atlantide* narrantur fabulis propiora existimet; pro certioribus habenda videntur, quæ *Diodorus Siculus* ^{XX. Phœni-} *cibus olim* hisce propemodum verbis commentatus est: *Phœnices vêtustissimis tem-* ^{navigata.} *poribus extra columnas Herculis navigantes, ingentibus ventorum procellis ad longinquos Oceani tractus fuisse abreptos, ac multis diebus vi tempestatis jactatos, tandem ad ingentem insulam in Oceano Atlantico, complurimum dierum navigatione a Libya in occasum remotam, venisse. Cujus solum frugiferum, amnes navigabiles, sumtuosa ædificia fuerint. Inde Carthaginenses & Tyrrenos harum terrarum notitiam accepisse. Quibus verbis nihil clarius esse posse, dictat Hornius lib. II. cap. VII. Quippe quæ & notam fuisse priscis Americam, & Phœnices in eam navigasse ostendant.*

XXI. Cæterum neque *Salomonem*, cujus immensa fuit sapientia, ^{XXI. Sa-} *magnæ illius terrarum partis, quæ tot miraculorum ferax est, cre-* ^{lomonis} *dibile est omnino fuisse ignarum. Multaque argumenta homines eru-* ^{Ophir cre-} *ditissimi congesserunt, quæ faciunt, ut Salomonis, Hirami, & Josa-* ^{ditur esse} *phati naves per Mediterraneum mare in OPHIR & TARSIS navigare* ^{Monomo-} *potuerint, & hinc in ipsam, quod triennium suadet, Americam* ^{tapa Ca-} *foram.* Sin cum multis aliis classes ex *Erythræo mari* solvissent malis, etiam hinc triennii navigatione *Americam* petere potuerunt. Non defunt qui opinantur quod enavigato sinu Arabico, flexa in Occidentem Classe, juxta litus Africæ *MONOMOTAPAM* advecti sint. Quem locum esse terram *Ophir, Barros, Lopes, Santos*, non absque firmis rationibus, si *Hornio* credimus, statuunt. *Johannis dos Santos* in *Æthiopia Orientali* verba hæc sunt: *In Monomotapa apud Massapam mons est nomine Fura sive AFURA, apud quem dites aurifodinae sunt. In cacumine ejus rudera antiqui ex lapide ædificii, quale non alibi in tota Castraria conspicitur. Incola tradunt, eas ædes fuisse Regina Saba, & hanc terram sive Afuram esse Salomonis Ophir. Ibidem sunt præstantia ligna & pavonos. Navigatio potuit triennis esse ob rudatatem ejus ævi, & pigritiam Castrorum.*

XXII. Ne ipsis quidem *Græcis* ac *Romanis* circa Christi tempo- ^{XXII. Ame-} *ra ignota videtur fuisse America. Plinius* ^{rica Græcis} *enim suo tempore totum* ^{& Roma-} *occidentem navigatum fuisse memorat lib. II. cap. LXVII. Huc etiam* ^{nus olim} *spectare nonnullis nota Virgilii carmina creduntur VI. Æneid.* ^{cognita.}

— — *jacet extra sidera tellus,
Extra anni solisque vias, ubi cælifer Atlās,
Axem humeris torquet, stellis ardentibus aptum.*

332 EXERCITATIO XIII.

Extra sidera? quī potest? cœlo certe tegitur: sed majora sidera accipe, aut Planetas, qui intra Tropicos decurrunt. Ideo addit, velut interpretans, *extra anni & solis vias*. Ergo ultra Torridam locat: nempe ἀντάρctica illam nobis, & temperatam. Nam de *Atlante* quod scribitur, non de illo Africæ intelliges, sed de isto, quem Plato celebravit, & regnasse in iis locis scribit, Eo, inquit, Augustus proferet imperium. Memorabile est quod *Ælianus* III. *Histor.* refert, *Silenum* narrasse *Mida*: *Europam, Asiam, Lydiam, insulas Oceano circumfusas esse, extra eas continentem quandam infinita magnitudinis, quæ nutriet grandia animalia, & homines duplo majores & longæviores quam nostri sunt. Ibidem esse magnas civitates, diversa vitæ instituta & leges nostris contrarias.* Adjecit: hanc terram possidere grandem vim auri atque argenti; ita, ut inter populos minoris pretii sint quam apud nos ferrum. Hæ sunt magnæ illæ insulæ, de quibus ex *Aristotelis* & *Theophrasti* mente *Apulejus* Libro de *Mundo*. In *Senecæ* *Suaforis* Avitus testatur, communem opinionem jactari: *Fertiles in Oceano jacere insulas, ULTRAQUE eum rursus alia littora, ALIUM jacere ORBEM.* Denique quum *Marcellinus* inquit, *In Atlantico mari Europæo orbe potior insula*, nonne Americam digito quasi ostendit?

XXIII.
Inque ea
Romani
indicia
commercii.

XXIII. Enimvero indicia quoque Romani commercii in terris istis exstare narrantur. Si Hispanis auctoribus fides, in India Occidentali, in valle quæ *Cauten* dicitur, in Provincia *Chili*, oppidum exstat, quod Imperiale ob hanc causam nominant, quoniam in plerisque domibus ac portis repperunt aquilas bicipites, formatas ut hodie videmus in Romani Imperii signis: teste *Lansio* *Orat. contra Hisp.* p. 515. Unde vero istæ bicipites aquilæ, nisi ab Europæis? Roborat conjecturam, quod nulla in isthoc tractu biceps avis inveniatur, unde Symbolum petere potuerint. Adde quod *Marinaus Siculus* tradit *Hist. Hispan. lib. xv.* aureum nummum inventum ibi fuisse cum effigie *Cæsaris Augusti*. Quem nummum ob admirabilitatem suam ad summum Pontificem transmissum fuisse, *Ortelius* testatur. Unde nummus iste, nisi ex Europa, ubi cusus?

XXIV. Ma-
gnetis vim
gubernatri-
cem non
ignorasse
Phœnices
consensit
Fullerus.

XXIV. Neque omnibus indiciis istis opponi par est unicum illud de Pyxidis nauticæ defectu, absque qua tam vastus Oceanus navigabilis non sit. Nor enim certo constat, Veteres ea plane fuisse destitutos. *Nicolaus Fullerus* profundæ eruditionis, limatissimique Vir judicii, *Miscellan. lib. iv. cap. xix.* multus in eo est, ut probet Phœnices hoc navigationum suarum adminiculo instructos fuisse. Probabiliter conjectari posse existimat, *Salomonis* id esse inventum, ab eo didicisse *Tyrios*. Si quidem novimus *Salomonem* tam incomparabilem

bilem naturæ rerum scientiam a Deo consecutum esse, ut ætatibus omnibus semper miraculo fuerit, sitque futurus. Credibile igitur esse, non ignorasse eum vim magnetis ἡγεμονικὴν, *gubernatricem* : præsertim quum ea proposito ipsius de auro & aromatibus e longinquis regionibus in Israelitidem devehendis tam esset conducibilis, ac propemodum necessaria. Si autem ipse cognoverit, dubium non esse, quin rem totam cum Tyriis benignissime communicarit, utpote navis suis ac gubernatoribus præstantissimis, Indicæque navigationis præcipuis administris. Unde factum sit, ut magnes olim ἡράκλεα λίθος vocaretur, non ab *Heraclea* civitate, quod quidam volunt, sed a vetustissimo nomine ἡρακλῆς, quod *Hercules* Latine appellatur. Porro Hercules ἡγεμὼν, id est *via dux* antiquitus habitus & dictus est. Hinc auguratur, admirandum illum lapidem initio nuncupatum *Herculeum* a Tyriis ipsis, veterrimis Herculis cultoribus, maximisque orbis terrarum lustratoribus, quod ejus tanquam Herculis, aut solis cujusdam siderisque terrestres, ductu in longissimis itineribus suis, terra marique conficiendis, dirigerentur. Addit Vir præstantissimus, non usque adeo mirum esse, quod tantæ rei memoria seculorum lapsu interciderit. Tyrios enim eum magnetis usum cautissime celasse, & continuasse ἐν ἀπορρήτοις, ne semel pervulgato tam insigni navigationis adjumento ipsi dominio maris exciderent. Præterquam quod sola vetustas tot seculorum spatio artem istam ex hominum memoria prorsus delere potuerit : uti tinctus germanæ purpuræ nunc ignoratur, quo solos omnium gentium Tyrios egregie & ditatos olim & celebratos fuisse legimus. Hæc Fullerus.

XXV. Utcunque se res habeat, constat vastissima marium spatia navibus suis Phœnices percurrisse. Ubi autem de re ipsa constat, ^{quamvis} quid de rei modo anxie hæsitamus? Si casu & tempestatibus ejecti ^{ignoraverint, tamen} hujus nostræ terræ homines primum eo appulsi sunt, omnem defectum ipsa necessitas & vis supplevit. Si consilio eo navigarunt, ^{sufficientibus} ad tantam navigationem mediis instructos fuisse oportuit. ^{navigabiles & navigatus} Eos sane primum falli manifestum est, qui veteres litora tantum & ^{fuit Oceanus.} maritimam oram legisse fingunt, nunquam se patenti Oceano committere ausos : amisso terræ conspectu vagatos per incerta. Quod commentum vel solæ ad *Fortunatas*, *Cassiteridas*, & alias *Atlantici Oceani* longè distitas insulas, *Carthaginensium* navigationes ordinariæ & certo consilio susceptæ confutant. Unde credibile est, alia veteres habuisse subsidia, præsertim *Tyrios*, nobis hodie fortassis, ut multa, incognita, quibus magnetis defectum utcunque pensabant. Certe propterea Oceano non abstinuerunt. Qua ergo via alii, eadem Apo-

stoli aut Apostolici viri, quibus nulli diligentiores, nulli discriminum molestiarumve tolerantiores, in Americam pervenire potuerunt: pelago nimirum; Deo sua providentia occasionem ipsis suppeditante. *Non enim separat mare eum qui fecerat mare. Quo naves possunt accedere, verba Dei non possunt?* Ut eleganter Augustinus in *Pf.* xcvi.

XXVI. Terra quoque adiri posse aut potuisse Americam, incredibile est.

XXVI. At neque terra id fieri potuisse, negandum est. Multi enim ex accuratioribus hodie Geographis orbem nostrum cum India Occidentali sive America alicubi terrarum esse continentem, vel saltem exiguo freto directum, non contemnendis rationibus adstruunt.

Ad Septentrionem Americam & Asiam propius coire credunt plerique. Ad Austrum incertum quo pacto se terra habeat: probabile autem veterem orbem conjungi cum nova *Guinea*: sic ut ii, qui circa *Fretum le Maire & Magellanicum* agunt, facile eo possint pervenire. Vide sodes diligenter hac de re differentem in *Annalibus Tornielum*, ad annum 1431. p. 141. Denique ea via in Americam penetrare potuerunt Apostoli, qua via eo venerunt belluæ & fera animalia; quæ neque condita ibi esse, neque ingentia maria transisse, neque ab hominibus transvecta fuisse, verisimile est.

XXVII. Quidquid sit, Deum suis viam, si non inveniant, facit.

XXVII. Et quid in cassum nostros fatigamus animos? Si nullam omnino viam nostra invenire queat diligentia; at fata invenerunt, vel fecerunt. Si Dominus noster Jesus mari ambulavit ut suis se præsentem sisteret discipulis; si Petrum etiam, experiundi causa, mari ad se accedere jusserit: si Eliam quadraginta dierum iter per Judææ & Arabiæ deserta mirabili prorsus ratione conficere voluerit; si Jonam balænae visceribus per ima maris incredibili prodigio vectum ubi visum est exposuerit; si Philippum Spiritus Domini rapuerit, ut in sueto hominibus more ex vicinis Hierosolymæ locis repente transferetur Azothum, ibi & in finitimis urbibus prædicaturus Evangelium; cur incredibile nobis videatur, Deum simili prodigio Apostolos Apostolicosve viros in Americam transvexisse, ut ipsa quoque, in universali ista mundi per Evangelium illuminatione, tanti boni confors redderetur? Non frustra sane Jesaiæ cecinerunt oracula *cap. xi: 15. Etiam devovebit Anathemati Jehova sinum maris Egyptii, & agitatibit manum suam contra ipsum flumen, ea instante vento ipsius: percutiensque ipsum flumen per septem fluentia, efficiet ut iter ea habeat calcem populus suus.*

XXVIII. Epilogus.

XXVIII. Quum itaque Evangelium Christi ubivis terrarum prædicatum iri priscis proditum sit oraculis; quum Christus Apostolos jusserit omnibus illud sub cælo mortalibus annunciare; quum Apostoli Domini mandatis obsequentissimi cursum illum suum ante Hierosolymo-

solymorum destructionem absolverint; quum Veteris Ecclesiæ Doctores incredibilem illam Evangelii per omnes orbis terrarum partes, quas sol oriens vel occidens lustrat, propagationem pia verborum pompa mirifice celebraverint; quum Historiæ monumenta eos nominatim laudent quibus auctoribus in utraque India salutaris doctrinæ sermo auditus est, quum Apostolicæ prædicationis reliquiæ post multorum spiramenta sæculorum a Lusitanis atque Hispanis in America repertæ sint; quum denique omnes, quæ in contrarium moventur difficultates, commode e medio removeri posse demonstratum sit; quid restat nisi ut causam hanc peroratam esse dicamus?

EXERCITATIO XIV.

Qua ostenditur probari non posse, quod

Evangelium per Apostolos

AMERICANIS
prædicatum sit.

B R E V I A R I U M.

I. Continet Exercitatio hæc examen antegressæ. II. Quid Deo gloriosum sit, non ex nostro sensu, sed ipsius consilio arbitrandum est. III. Consultum autem duxit, gratiam suam non omnibus simul, sed nunc his, nunc illis nationibus offerre IV. Universalissimæ locutiones restrictionem tamen aliquam admittunt. V. Oracula de amplitudine regni Christi, ad Apostolorum ætatem arctare nefas est. VI. Nonnulla de seriioribus agunt temporibus, ut Jes. XI: 9. VII. Et Jes. LIX: 21, 22. ac Zach. XIV: 9. VIII. Ergo ex iis inferri non potest absoluta Apostolica prædicationis universalitas. IX. Quam nec mandata Christi ad Apostolos arguunt. X. Quippe quæ ad eorum etiam successores referenda sunt. XI. Et Apostoli scriptis suis docturi sunt ad novissimum diem. XII. Ipsi Hierosolymis & in vicinia subsisterunt, usque ad Colloquium illud, de quo Act. xv. XIII. Quod multis annis post Christi resurrectionem

tionem habitum fuit. XIV. Interim in longinquas terras profectos Apostolos inde Hierosolymam rediisse, ex sacris non liquet. XV. Ecclesiastica de istis temporibus monumenta scatent fabulis. XVI. Ante excidium Hierosolymorum nondum Evangelium omnibus & singulis gentibus prædicatum erat. XVII. Quum Marcus Apostolos ubique prædicasse dicit, multa aut quævis loca intelligit sine exceptione. XVIII. Eodem sensu Paulus toto orbe Evangelium annunciatum scribit. XIX. Nec aliter exponi potest quod de celebrata in toto mundo Romanorum fide narrat. XX. Explicatur Rom. x: 17. XXI. Respondetur ad Patrum dicta. XXII. Ex communi Dei φιλαργετία non licet inferre, quod omnibus simul gentibus prædicari debuerit Evangelium: XXIII. aut Americanis nominatim prædicatum sit per Apostolos. XXIV. Quæ de Apostolis orbem inter se terrarum partientibus anno Claudii 2. Christi 44. narrantur, palam fabulosa sunt. XXV. Uti & ea quæ a singulis patrata dicuntur. XXVI. Nominatim Thomæ apud Indos prædicatio. XXVII. Cui originem dedit alterius Thomæ multo recentioris historia. XXVIII. Ineptissime Thomas a Malabaribus ad Brasilienses transportatur. XXIX. Nusquam dicit Nicephorus, Matthæum apud Cannibales prædicasse; & quæ dicit, ridicula sunt. XXX. Quæ de Veteris Christianismi reliquiis in America narrantur, fortasse ficta sunt. XXXI. Aut si vera, non sunt argumenta Christianismi. XXXII. Quædam eorum, aut vera aut ficta indicia prave superstitionis. XXXIII. Incognita veteribus America fuit. XXXIV. De Atlantide. XXXV. De Phœnicum navigationibus ex Bocharto & Salmasio. XXXVI. De Ophir, in Orientali potius India quærenda, XXXVII. quam in Occidentali. XXXVIII. Dicta quædam veterum amplius probare non possunt, quam ipsos de novo orbe aliquid audivisse vel suspicatos esse; quem tamen nemo Europæorum viderit. XXXIX. Bicipitem Aquilæ signa, & nummus Augusti, commentis recensenda sunt. XL. Cur vetus cum Americanis commercium tot seculis interruptum fuerit, causa dici non potest. XLI. Pyxidis nauticæ usus priscis incognitus. XLII. Salomonis sapientiam eo pertinuisse, non liquet. XLIII. Ηρόκλεια λίσσας non ab Hercule Tyrio, sed ab urbe Heraclea dictus. XLIV. Bocharti ad Fullerum observationes. XLV. Non constat Americam orbi nostro vel coherere, vel proximare. XLVI. De miraculosis Apostolorum itineribus sacra litera nihil docent. XLVII. Epilogus. XLVIII. Solida & pia Koetii observatio.



Superrima Exercitatione eorum exhibui sententiam atque I. *Continuo*
 argumenta, qui pugnant Evangelium Jesu Christi, ab *Exercitatio*
 Apostolis, virisve Apostolicis, ita in toto prædica- *hæc examen*
 tum esse terrarum orbe, nullæ ut gentes remanserint, *antegresse.*
 ad quas non illius saltem fama penetraverit: ne Americ-
 anis quidem nationibus exceptis, & ignotis adhuc
 nobis, si qui sint, terræ australis incolis. Eam vero causam sic egi,
 ut non modo nihil consilio omiserim eorum, quæ ab aliis ei confir-
 mandæ adducta esse deprehendi; sed & omnia quanta potui arte ex-
 ornaverim, & de meo addiderim non pauca, ut eo redderetur pro-
 babilior. Haut tamen dissimulo, tanti mihi rationes istas non videri,
 ut animo paullo difficiliori adfensum extorquere queant: multa-
 que in contrarium obtendi posse, quibus earum vis plurimum infring-
 gatur. Idcirco operæ pretium existimavi, totam eam disputationem
 ad calculos revocare; ac singulorum argumentorum examen accura-
 tiori judicio instituire.

II. In eo sane omnes rei Christianæ studiosi facile consentiunt, II. *Quid*
 nihil tam præclare de Divino erga genus humanum amore, de vir- *Deo gloriam*
 tute satisfactionis ac meritorum Christi, de amplitudine gratiæ ac re- *sum sit,*
 gni ipsius dici posse, quod non ab ipsa rei veritate plurimum supere- *non ex no-*
 tur. Modo illud observemus, cuncta ea quæ memoravimus, non *stro sensu,*
 earum quas nobis formavimus cogitationum modulo, sed Divino con- *sed ipsius*
 silio dimetienda esse. Consilium autem illud suo ipse revelavit ver- *consilio ara-*
 bo: ex quo solo disci potest, quibus, quo modo, quo tempore, *bitandum*
 hominibus, gratiam suam offerre constituerit. Non, si nobis for-
 tasse gloriosius Deo & Christo videatur, ut omnibus, qui in Adamo
 perierunt hominibus, non modo impetretur per Christum salus, sed
 & inpetrata applicetur per Christi Spiritum; vel saltem, ut omnes si-
 ne discrimine gentes omni tempore per claram Evangelii prædicationem
 vocentur atque invitentur ad tantæ participationem felicitatis,
 mox profecto licebit ex eo inferre, quod ista prorsus ratione sese res
 habeat. Aliter enim Divinam judicasse ac disposuisse sapientiam, &
 sacræ literæ docent, & eventu comprobatur. Atque hinc solum, non
 ex nostris ratiocinationibus, de amplitudine & gloria regni Christi
 arbitrari fas est. Illud quippe gloriosissimum Deo & Christo ejus est,
 non quod nobis ita videtur; sed quod ipse constituit & facit.

III. Constituit autem gratiæ suæ communicationem non omnibus III. *Con-*
 semper hominibus, neque simul offerre; sed pro liberrimo suo dele- *sultum an-*
 ctu, certis quibusdam gradibus & definitis temporum spiramentis. *tem duxit,*
 Idque non iis solum seculis, quæ Christi nativitatem, mortem & in *gratiam non*

*omnibus si-
mul, sed
nunc his,
nunc illis
nationibus
offerre.*

cœlum evectionem, atque descensum Sancti Spiritus in Apostolos, antecesserunt; sed & ea ætate quæ isthæc omnia consecuta est. Sua cuique populo designata est a Numine tempestas. Nunc hic, nunc illic circumfertur, & videndam se exhibet Arca sacratissimi fœderis. Evangelii fama crescit occulto velut arbor ævo: donec euntibus ordine fati ad extremos orbis habitabilis terminos diffundatur. Non intercedo equidem, quo minus locutionem istam in omni sua inter- preteris latitudine; dummodo id mihi des, comprehendi quoque ea omnem temporis istius longitudinem, qua duraturum in terris Chri- sti regnum est. Ea mente, ut non veniat consummatio seculorum & rerum omnium finis; donec Christus Evangelii sui radiis omnibus adfulserit nationibus.

*IV. Uni-
versalissi-
ma locutio-
nes restri-
ctionem ta-
men ali-
quam ad-
mittunt.*

IV. Hæc observatio clavis vicem præstabit, ad eruendum verum sensum eorum oraculorum Prophetarum, quibus de hac re agitur. Nimirum haut semper urgenda nimis locutionis universalitas est, quam subiecta sæpe numero materia suis circumscribit limitibus. *Totius ter- ræ reges* Salomonis sapientiam quæsisse: 1. Reg. x: 24. *cum omni- bus terræ regnis quæ in superficie telluris sunt* scortaturam esse Tyrum: Jes. xxi: 17. Nebucadnezari dominatum a Deo datum *in quoscun- que locos ubi habitant filii hominum*: Dan. 11: 38. surrecturumque post ipsum regnum alterum, quod dominaturum sit *in tota terra*: ibid. vers. 39. Nebucadnezarem & Darium edicta sua inscripsisse *omnibus populis, nationibus ac linguis, quæ habitant in tota terra*: Dan. 11: 1. & vi: 26. Itemque ejusdem Nebucadnezaris altitudinem ita cre- visse, ut pervenerit *ad cælum, & dominium ipsius ad finem terræ*: Dan. 11: 22. Rursus venturum esse Jehovam cum instrumentis indigna- tionis suæ *e terra longinqua ab extremitate cælorum*, ad destruendum Nebucadnezaris regnum: Jes. xlii: 5. eundem denique Jehovam dispersisse populum Israëliticum *in omnes populos ab extremitate terræ una usque ad alteram*: Deut. xxviii: 64. omnia hæc, & quæ de hoc genere propemodum infinita sunt, frequenter in Scripturis invenias. Quæ nemo, quantumvis liberalis interpres, sine restrictione aliqua ex- ponat. Nemo certe ad Americanos & terræ Australis incolas teme- re extendat. Quid ni de simili restrictione cogitare fas est, circa ea præcipue oracula, quibus regni Christi amplitudo describitur, qua- lis ea initio prædicationis Evangelicæ futura erat? Non enim una ali- qua unius seculi parte omnem suam amplitudinem consecuturum erat Christi regnum: & perperam admodum cuncta, quæ de ea prædi- cantur, ad Apostolorum ætatem arctes.

V. Processus ille, labentibus seculis consummandus. eleganter ^{V. Oracula} delineatur Ps. LXXII: 8 & seq. *Dominabitur a mari ad mare, & a de ampli-*
fluvio usque ad terminos terræ. Id est, per totam terram Israël. Lo- ^{indine re-}
cutione desumta ex Exod. XXII: 31. ubi limites Israëlitis assignan- ^{gni Christi,}
tur. A mari rubro usque ad mare Philistæum, & a deserto usque ad ^{ad Aposto-}
Euphratem. Ex Deut. XI: 24. *A deserto & Libano, a fluvio Euphrate* ^{tem arctare}
usque ad mare postremum; h. e. mare salis. Significatur itaque ex ^{nefas est.}
 magnorum Interpretum sententia, quod Christus per Apostolos suos,
 per omnes tribus, terram sorte patribus datam & eorum imperio as-
 signatam, habitantes & implentes, regnum suum extensurus esset.
 Et sane *Regi, Fio Regis*, primum subjici debuit τὸ δωδεκάφυλον, duo-
 decim tribus latissime terram patribus datam inhabitantes. Hinc ex-
 tendi ad gentes, easque non cultas solum, sed & Barbaras, etiam
 deserticolas, de quibus vers. 9. Tandem a gentibus ad Reges gentium
 transitur, pariter Christo subjiciendos. vers. 10, 11. *Reges Tarsis &*
insularum munus referent; Reges Scheba & Seba donum offerent. Et
adorabunt eum omnes Reges, omnes gentes servient ipsi. Quod, quo-
 modo Apostolorum ætate impletum sit, fateor me nondum intelli-
 gere. Quorum enim tunc terrarum & insularum Reges adoraverunt
 Christum?

VI. Verum & alia aliquamulta exstant vaticinia, quæ non de VI. Non-
 Apostolorum ætate, sed de senioribus longe loquuntur seculis. Tale ^{nulle de se-}
 est illud Jes. XI: 9. Attendenda nimirum prophetiæ series est; quæ ^{rioribus æ-}
 hoc se modo habet. Initio capitis prædicitur salutifera Christi Do- ^{gunt tempo-}
 mini nativitas ex familia Davidis multis cladibus attrita, & ubertas ^{ribus, ut} Jes. XI: 9.
 quiescentis in ipsum Spiritus, & judicium ad piorum vindictam, im-
 piorum deletionem: quo pertinet novissima Israëlitiæ politiæ per
 Romanos eversio. Consequitur vocatio gentium, & incredibilis illa
 rerum immutatio, quæ Constantino M. imperante contigit. Tunc
 enim cum agno lupus, pardus cum hædo cohabitavit, unumque
 pascuum vaccam & ursum habuit. Mundus nuper horrens, & fu-
 rens contra Christianos, sub Diocletiano, Maximiano, Galerio, Ma-
 xentio, Licinio, usque adeo se in omnia alia conversum miratus est,
 ut, qui modo ferre non poterant Ecclesiam apud se peregrinantem,
 ii nunc Ecclesiæ cohabitare gauderent, desertaque superstitione pa-
 tria ipsi quoque Christiani vocari vellent. Innuitur etiam ex quo-
 rundam interpretatione, quam ego nunc neque probare, neque re-
 fellere habeo, exortus Antichristi sub emblemate Aspidis & Basilisci,
 illiusque detectio ac pudefactio, quum puer lactens ludet apud for-
 amen Aspidis, & ablaetatus manum suam projiciet in cavernam Basilisci;

id est, doctores mundo contemtibiles Antichristianæ doctrinæ nugas exhibebant atque impugnabant. Tunc demum sequentur ea tempora, quibus Ecclesia Christiana *santi montis* instar habebit; ac *terra cognitionis Jehovæ plena* erit: quibus *Radix Isrl stabit in signum popu- lorum*, hoc est, Messias evidentissimis demonstratus argumentis, qui- buscunque populis pro pharo ac turri receptus erit: quibus denique *quies ipsius futura est gloriosa*, dum in amplissimo Ecclesiæ territorio pacate regnabit. Hac serie multum ab Apostolorum ævo abducimur.

VII. Et
Jes. LIX:
21, 22. ac
Zach. XIV:
9.

VII. Eiusdem generis & alterum illud *Jesaiæ* est cap. LIX: 21, 22. Cujus pericopæ non meliorem certe Paulo nacturi sumus interpretem: is vero ad eam Judæorum conversionem diferte refert, quæ obdu- rationem istam, cui nunc tot secula obnoxii sunt, consecutura est; & quam introitus plenitudinis gentium antecedit, aut comitabitur. Rom. XI: 25, 26. Neque alio referendum arbitror *Zachariæ* oracu- lum cap. XIV: 9. ubi promittitur regnum Dei non ubique solum prædicandum, sed & agnoscendum ac recipiendum esse; sic ut, abo- lito falforum numinum cultu, unus Jehova totius terræ rex, unus Jehova verus Deus hominumque salus esse credatur. Nomen quo- que ejus unum sit: una fidei professio, una religionis forma, sine amaris & acerbis disputationibus, sine sectis & schismatibus. Qua- lem Christianismi speciem omnes pii ardentibus quidem votis exop- tant: at nullius mortalis oculi in hunc usque diem conspexerunt.

VIII. Ergo
ex iis in-
ferri non
potest abso-
luta Apo-
stolica præ-
dicationis
universa-
litas.

VIII. Quandoquidem ergo ea, quæ priscis oraculis promittitur prædicationis Evangelicæ amplitudo, universalissimis etiam loquendi formulis omnem restrictionem non excludit; neque ad Apostolorum ætatem arctari potest, sed per omnia Ecclesiæ in terris secula diffun- ditur: quandoquidem etiam nonnulla istorum oraculorum ad novissi- ma tempora pertinent: concludo, debili admodum, vel nullo po- tius argumento, ex iis inferri, tam universalem per Apostolos Evan- gelii prædicationem, ut ne novus quidem & ignotus mortalibus or- bis excipiat.

IX. Quam
nec man-
data Chri-
sti ad Apo-
stolos ar-
guunt.

IX. Nunc ea Domini mandata excutiamus, quibus Apostolos per *universum mundum* proficisci jussit, ut in *omnibus gentibus* forma- rent sibi discipulos, & Evangelium prædicarent *omni creaturæ*, usque ad *ultimas terras*. Quorum verborum mens ut recte intelligatur, at- tendendum est, arctis olim cancellis inclusum fuisse Apostolorum mi- nisterium: *In viam gentium*, inquebat Dominus, *ne abieritis*, & *in urbem Samaritanorum ne ingrediamini: sed profisciscimini potius ad oves perditas domus Israhël*. Mat. x: 5, 6. Neque profecto mirum id ipsis videri poterat, quum ipse de se testaretur Dominus, non esse se *missum*

missum nisi ad oves perditas domus Israël, neque bonum esse ut *invertatur panis liberorum, objiciaturque catellis*. Mat. xv: 24, 26. Verum nunc parva gentium omnium salute, suscitatoque ex mortuis Jesu, aliis instruendi mandatis Apostoli erant. Itaque sublato discrimine, gentes Christus Judæis æquat, & utrosque promiscue in societatem foederis admittit: diruta maceria Evangelii ministros procul exire jubet, ad spargendam per omnes mundi plagas salutis doctrinam. Ea amplitudo, si cum antegressa restrictione compareretur, tanta profecto est, ut vix satis magnifica oratione prædicari posse videatur; etiam si fortassis necdum omnes sine ulla exceptione mundi regiones animo complectaris. Talibus enim locutionibus *ὑπερβολαὶ* frequentissime subesse in liquida modo ponemus luce. Et quis est qui hyperbolem non agnoscat Marc. xvi: 15. *Prædicate Evangelium omni creaturæ*? quam ni morose nimis urgeat *Johannes Gerhards*, consequetur Apostolos obligatos fuisse, omnibus non solum nationibus, sed & singulatim omnibus hominibus, annunciare verbum gratiæ.

X. Cæterum & illud observandum, ita hæc Apostolis esse dicta, ut ad eorum quoque in Evangelii prædicatione successores referenda sint: quorum intuitu pollicitus est Jesus, *se ipsum fore omnibus diebus usque ad consummationem seculi*. Apostolis ergo tanti operis fundamenta jacienda erant, quibus alii inædificarent. Quamobrem morem Domino exactissime gessisse censendi sunt, si quanta fieri potuit alacritate ingens illud stadium ingressi, quousque fata sivere, perrexerint: quæ restabant aliis percurrenda committentes.

XI. Denique notandum est, Apostolos non viva solum voce, sed & scriptis docuisse; atque ita etiamnum docere, & porro docturos ad novissimum diem. Quæcunque itaque gentes per quoscunque Evangelii ministros ad Christum adductæ sunt, eæ in discipulatum Apostolorum concessere, eosque ut principes post Christum magistros venerantur. Ex quibus perspicuum esse arbitror, ea Domini ad Apostolos mandata non inferre universalissimam istam Evangelii per omnes omnino gentes prædicationem ab ipsis Apostolis peractam.

XII. Quod manifestius evadet, si attenderimus, quo modo Apostoli mentem Domini intellexerint, & quo ordine eam executi sint. Post acceptum Spiritum Sanctum aliquammultis annis manserunt Hierosolymis, ibi atque in vicinia colligentes Christo numerosam Ecclesiam: adeo de invitandis gentibus nihil cogitantes, ut ne per cætera quidem Judææ oppida se diffunderent; donec sævientem per Saulum persecutione, Hierosolymitanorum aliqui avitas sedes re-

linquere cogerentur. Hac demum occasione factum est, ut dispersi isti peragrarent *Ju'deam*, Evangelizantes sermonem Dei. Inter hos *Philippus Samaritanis* primus Christum annunciat, plurimos ad fidem conversos baptizat, ipsumque adeo *Simonem Magum*. Hæc quum intellexissent qui hætenus Hierosolymis manserant Apostoli, *Petrum* & *Johannem* eo ablegant, qui conversos in fide confirmarent, & manuum impositione dona Spiritus Sancti in eos conferrent. Ministerio isto peracto, dum Hierosolymam repetunt Apostoli, in multis *Samaritanorum* pagis & oppidulis propter viam Christum prædicant. Act. viii. Postea restituta Ecclesiis pace, fideles confirmandi gratia lustraturus, Joppen advenit: illic dum hæret, a *Cornelio* Centurione Divino jussu *Cæsaream* evocatus, primus eorum est qui gentili alicui Evangelium prædicaverit. Quod nec ipse facere sustinuit, nisi ex diserto Dei mandato: & quum fecisset, Apostoli, qui Hierosolymis hætenus substiterant, mirati sunt; alii vero religionis patriæ fervidi Zelotæ, vehementer improbarunt; lite ob eam rem Petro intentata. Adeo hætenus non attenderant, Evangelium omnibus gentibus prædicandum esse. Unico autem hoc exemplo contenti acquieverunt. Nam qui dispersi erant ex afflictione orta ob Stephanum, transierunt quidem usque in *Pheniciam*, & *Cyprum* & *Antiochiam*, at nemini sermonem Dei locuti sunt, nisi SOLIS JUDÆIS. Act. xi: 19. Primi qui Græcis Evangelium publice prædicasse narrantur, *Cyprii* quidam & *Cyrenenses* erant, quibuscum manus Domini fuit, sic ut multus numerus apud *Antiochiam* fide ipsis habita ad Dominum conversus sit. Ib. vers. 20, 21. Tanti ergo operis duces atque auctores, non Apostoli, qui Hierosolymis hætenus commorabantur, sed aliqui, ut videtur, e plebe fideles fuerunt: quibus deinceps ab Hierosolymitana Ecclesia, ad operis feliciter inchoati prosecutionem, adjunctus est *Barnabas*: cui & *Paulus* accessit. Is, quantum ex sacra historia colligere licet, Apostolorum omnium primus fuit, qui publice gentibus annuntiavit Jesum, tum maxime postquam *Antiocheni* in *Pisidia* Judæi præfracto animo Evangelium sprevisent. Act. xiii: 46. Interim occasione gentilium, in Christum, at sine circumcisionis susceptione, credentium, lis Paulo ac Barnabæ moveretur; ab Hierosolymitana Ecclesia, & qui illi præerant Apostolis ac Presbyteris, decidenda. Ad hoc ergo tempus usque Apostoli Hierosolymis substiterunt, (nisi quod ad vicinas provincias, rebus ita exigentibus, quandoque excurrerent) si non omnes, at certe præcipui eorum, Petrus, Jacobus & Johannes, quos celebri isti Colloquio interfuisse, constat Act. xv: 4. &c.

XIII. Quod Colloquium quando habitum fuerit, varie ab Inter-^{XIII. Quod}pretibus disputatur. Et quandoquidem temporis illius cognitio, sal-^{multis an-}tem ἐν πλάτει, ad institutum nostrum valde facit, non abs re erit^{nis post} paucis de eo agere. Plerique Theologorum & Chronologorum fa-^{Christi re-}cile consentiunt, iter Pauli Hierosolymitanum ad Colloquium cum^{surrectio-}Apostolis, quod Lucas describit, Act. xv. idem esse cum eo quod^{nem habi-}Paulus laudat Gal. 11:1. Id autem institutum esse testatur xiv an-^{tum fuit.}nis a certo temporis termino. Ubi vero figendus sit iste terminus, in incerto est. *Ludovicus Cappellus*, vir præclare de his literis meritus, contendit, xiv istos annos inchoandos esse a Christi passione & initio Ecclesiæ Christianæ. Quod si cui durum videatur, malitque eos annos numerare a fine triennii illius, cuius facta est mentio Gal. 1:18. (quod vocabulum ἔπειτα id videatur omnino suadere, ac veluti exigere) conjectat *Cappellus* forte legendum esse τεσσαρὶν ἐτῶν, pro δεκατεσσαρῶν, omisso, δέκα: & tunc putat rem expeditam fore ac planam: quatuor enim revera annos esse ab exacto illo triennio usque ad Concilium Hierosolymitanum. Sic ille in *Append. ad Historiam Apostol.* Verum in ista exputatione paucos sibi consentientes habet: minime omnium in illa lectionis mutatione, nulla codicum, nulla versionum fide; quod profecto sobriæ Critices modum excedit. Diligentissime totam hanc rem excussit ὁ πᾶν *Spanhemius* in *Disquisitione Chronologica de tempore conversionis Pauli*. Res huc redit: Stephani martyrium contigisse quinto fere a cruce Christi anno. Rursus, anni minimum unius decursus, si non verius biennii, (quale & *Ludovicus Cappellus* post *Danaum* aliosque statuit) a cæde Stephani ad Sauli professionem Damascenam, illiusque conversionem, supponendum esse. Exacto a conversione triennio factum esse iter illud de quo Gal. 1:18. Ab eadem conversione (neque enim alia illustrior Paulo epocha est) inchoandos esse xiv illos annos, de quibus Gal. 11:1. Ex quibus omnibus, judiciose adstructis, subductis calculis hæc conficitur. A cruce Christi usque ad Stephani martyrium anni v. A martyrio Stephani usque ad conversionem Pauli anni 11. A conversione Pauli ad Concilium Hierosolymitanum anni xiv. Habes annos xxi. At non desunt Theologi præstantissimi, in quibus est *Usserius Chron. T. 2. p. 659* qui xiv istos annos inchoant non a conversione Pauli, sed priori itinere Hierosolymitano, quod triennio conversionem consecutum est; & sic Concilium Hierosolymitanum incideret in annum a conversione Pauli septimum decimum, a passione Domini vicessimum quartum. Desino hæc pressius urgere: liber per me suus cuique maneat calculus. Paucorum annorum discrepantia parum ad hanc rem facit.

344 E X E R C I T A T I O XIV.

facit. Hoc solum nunc attendi velim, credibilene sit, Apostolos, si hoc sibi negotii datum esse existimassent, ut intra quadraginta plus minus annos, omnes noti ignotique orbis plagas, continentem & insulas, Evangelii prædicatione percurrerent, tam lente tantam rem inchoaturos, tantamque tantilli temporis partem circa Hierosolymam vicinasque regiones hæsurus fuisse?

*XIV. In-
serim in
longinquis
 terras pro-
fectos Apo-
stolos inde
Hierosoly-
mam redi-
isse, ex
sacris non
liquet.*

XIV. Enimvero non tam hebetata oculorum acie sum, ut non prævideam observationi huic opponi posse, Apostolos eo quidem temporis articulo Hierosolymis, forte, aut ob causas nobis incognitas, fuisse; at non ex eo consequi, quod ordinariam statamque rerum suarum sedem ibi habuerint: longe probabilius esse, quod mandato Domini obsecuturi quaquaversum se diffuderint: non quidem in sacra Apostolorum historia a Luca id narrari; sed in Ecclesiasticis monumentis plurima illius rei exstare argumenta. Verum nec mihi deest quod respondeam. Ex iis quæ modo sunt memorata liquido constat, passim Hierosolymis Apostolos fuisse: ibi concilia in commune habita, ibi causas Ecclesiarum disceptatas: inde missos qui fideles aut facerent aut firmarent, eo rediisse actionum & successuum reddituros rationem. Hæc legimus. At tam longinquis ac diuturnis itineribus alio profectos Apostolos, ex disitis oris Hierosolyma identidem repetiisse, non legimus; neque adeo veri simile est. Quorsum enim illa frequens in Judæam reditio, hominibus occupatissimis, & alibi semper invenientibus quod agerent?

*XV. Eccle-
siastica de
istis tempo-
ribus mo-
numenta
scasens
fabulis.*

XV. De Ecclesiasticis monumentis mox pluribus dicendum erit: suffecerit nunc id monuisse quod res est, adeo ea esse varia, dissona, & consequenter incerta, ut tuto fidem iis adhibere non liceat: addo, adeo quandoque absurda, ut fidem sibi ipsa abrogent. Uno exemplo rem clarabo, ex quo de cæteris iudicium cordatus Lector ferat. Jacobum Zebedæi filium, fratrem Johannis, cum cæteris Apostolis, Hierosolymis ordinatio commoratum esse, donec ab Herode interimeretur gladio, evidenter satis sacra Lucæ historia docet. Quid Ecclesiastici scriptores? Eundem Jacobum *Hispania & Occidentalium locorum populis Evangelium prædicasse, & in occasum mundi lucem prædicationis infudisse*, tradit Isidorus in *libr. de Patrib. utrius. Test. cap. LXXII.* Flavius Lucius Dexter, aut qui ejus larvam induit, in *Chron. ad annum Christi XLI.* sic commentatur, an comminiscitur? *Rediens Jacobus Gallias invisit, ac Britannias, ac Venetiarum oppida, ubi prædicat: ac Hierosolymam revertitur, de rebus gravissimis consulturus Beatam Virginem.* O jecur hominis! Vincentius Bellovacensis in *Speculo Historiali lib. VIII. cap. VII.* hæc tradit: *Apostolis diversa Cosmi climata adven-*

adeuntibus, nutu Dei Jacobus Hiberniæ oris appulsus, verbum Dei prædicavit intrepidus: ubi septem discipulos elegisse fertur... Quumque dies immineret supremus, Hierosolymam cum iis perrexit, ibique martyrium subiit. Est qui addat, Zebedæum quoque, Jacobi hujus patrem, sub Aristobuli nomine, Anglorum Episcopum fuisse, ibique martyrem occubuisse, secundo anno Imperatoris Neronis sævissimi. Vide sis Usser. *De Britan. Eccles. Antiq.* p. 5. & 9. Imo non vivum solum, sed & mortuum Jacobum, Hierosolymis in Hispaniam exturbant, incredibili portento isthuc devehendum. Quippe, navi post mortem impositus a Cresiphone sociisque Episcopis, sex dierum spatium, sine Navarcho, sine acu magnetica, sola cadaveris directione eo navigasse dicitur, & corpus quasi sua sponte in terram demissum, mox in aëre sublatus, aëctumque in locum duobus milliaribus distitum, ubi sepultum fuerit; Cresiphone cum sociis ab Angelo ad illud deductis. Quæ qui vult apud Surium videre potest ad xxv. *Jul.* I nunc, Lector, & fidem, si lubet, tuam Ecclesiasticarum rerum scriptoribus mancipa. Mihi, ne quid diffitear, tantum credulitatis domi non est. Sed de his postea latius. Nunc ad Scripturam revertamur.

XVI. Quod cursum istum Apostolorum absolvendum fuisse ante XVI. *Ante* rerum Judaicarum finem, prædixit Dominus, novam iterum obser-^{excidium} vationem nobis suggerit. In eo sane facile Viris Doctissimis assentior, ^{Hierosolymorum} per finem Mat. xxiv: 14. non consummationem seculorum, sed Po-^{nondum} liticiæ Judaicæ, intelligendum esse; hoc enim adducta argumenta pro-^{Evange-} bant. Verum ea brevis temporis, si cum iis, quæ modo a nobis ^{lium omni-} annotata sunt, conferatur, satis evincit, cum restrictione aliqua su-^{bis & sin-} mendum esse, quod de Evangelio in toto terrarum orbe, ut sit te-^{gulis genti-} stimonium omnibus gentibus, prædicando testatur Dominus. Ob-^{bis prædi-} catum erat. tendi quidem Pauli zelus solet, qui aliquammultis ante mortem annis ab Hierosolyma & circumjacentibus regionibus usque ad Illyricum implevisse se prædicandi Evangelii Christi munus testatur. Rom. xv: 19. Verum id causæ isti adversatur potius, quam ut eam juvet. Nam quantula eâ portio est respectu universi? Et quum ipse *plus cæteris laboravit*, 1. Cor. xv: 10. si singulis tantundem terrarum assignetur, multum adhuc supererit. Quis ergo horum est sensus verborum? Hoc vult Dominus, non ante excindendam rebellem nationem Judaicam, quam Evangelii fama, late per orbem sparsa, & Judæos ubivis fere terrarum habitanteis, & genteis ipsas maximo numero (in hos enim duos populos totus terrarum orbis dispesci solet) convicerit de intaminata Dei justitia in tam tremendo dilecti olim populi exitio. Nullum autem tunc temporis terræ angulum super-

346 EXERCITATIO XIV.

fuisse quem non perreptaverint Apostoli, quis ulla veri specie asseveraverit? Historiis omnibus multarum gentium vocationem ad longe seriora tempora referentibus.

XVIII.

Quum Marcum Apostolos ubique predicasse dicis, multis aut quævis loca intelligis sine discrimine, non omnia sine exceptione.

XVII. Verum, inquit aliquis, quid tu nunc historias nobis memoras, quum ipsa Apostolorum dicta habeas, historiis omnibus longe potiora? Marcum audi, *Apostoli profecti predicarunt UBIQUE.* Marc. XVI: 20. Paulum audi, *sermonem Evangelicum pervenisse in TOTUM MUNDUM: Evangelium prædicatum esse OMNI CREATURÆ quæ sub celo est.* Col. I: 6, 23. *Fidem Romanorum annunciatum fuisse TOTO MUNDO.* Rom. I: 8. Audio sane: sed & tu sanam interpretationem audi, ex re ipsa petitam. Ubique, tam in communi hominum sermone, quam in sacris literis, quævis sæpe loca notat sine discrimine; non omnia & singula sine exceptione: quandoque etiam ad limitatum aliquem terrarum tractum refertur, non ad orbis totius amplitudinem extenditur. Quando Asiatici illi Judæi turbam adversus Paulum concitantes clamabant: *Viri Israëlita, succurrite: hic est ille homo qui adversus populum & legem & locum hunc OMNES UBIQUE docet:* Act. XXI: 28. non, opinor, volebant unum Paulum omnes orbis plagas jam tum peragrassæ. Quando Lucas narrat, Apostolos, a Christo missos, ut prædicarent regnum Dei, *obivisse singulos vicos, Evangelizantes & sanantes morbos UBIQUE:* Luc. IX: 6. certum est eos pedem Judææ non extulisse: neque peccaturum puto, qui existimet non obligatum se esse ut credat nullum omnino vicum ab Apostolis esse præteritum. Paulus quum Corinthiis scribit, *Timotheum ipsis in memoriam revocaturum quæ sint viæ ipsius in Christo, sicut UBIQUE in omnibus Ecclesiis docet* I. Cor. IV: 17. non alias Ecclesias intelligit, nisi quas suæ cûræ commiserat Divina Providentia. Idem Paulus Athenis prædicans, *Deum dissimulatis connivendo ignorantia temporibus omnibus nunc UBIQUE hominibus mandare ut resipiscant;* Act. XVII: 30. non ignorabat utique, nondum tam suum quam reliquorum Apostolorum cursum consummatum esse; sed multas adhuc exstare regiones in quas inferendum ipsis esset Evangelium. Quid itaque proclivius est, quam ut ad eundem modum Marci *πᾶσι* interpretemur, *Apostolos ubique profectos esse*, id est, non ut olim arctis unius terræ limitibus circumscriptos per quasvis sese sine discrimine nationes diffudisse? Nam nullas orbis plagas, nullas insulas fuisse, quas non ipsi adiverint Apostoli, quis a se impetrare potest ut credat? Præsertim quum certum sit, suos Apostolis *εὐαγγελίστας* fuisse, ea suppleturos quæ a tam paucis absolvi non poterant.

XVIII.

XVIII. Neque urgenda premendave nimis Pauli verba sunt. XVIII. Non enim quotiescunque *totum orbem* legimus, toties de cunctis ejus *Eodem sensu* partibus singulatim cogitare fas est. Quod adeo ex scripturis est manifestum, ut probatione non indigeat. Expende duntaxat paucula *Paulus toto orbe* aliquot loca. Act. xi: 28. Agabus significavit per Spiritum *Evangelium* *an-* *nunciatum* *mem magnam futuram in toto terrarum orbe.* Et cap. xvii: *nunciatum* 6. *Isti qui orbis terrarum statum subverterunt, etiam hic sunt.* Rursus cap. xxiv: 5. movet seditionem *omnibus Judæis per orbem* *terrarum.* Denique cap. ii: 5. *Erant Hierosolymis habitantes Judæi, viri religiosi ex omni natione eorum qui sub coelo sunt.* supersedeo exscribere plura. Quis enim finis? Satis hinc liquet, hisce ac similibus locutionibus denotari duntaxat multitudinem aliquam regionum ac populorum, notabilem noti orbis partem. Unde conficitur, eadem significatione exponi posse, quod de Evangelio *per totum mundum, & omni quæ sub cælo est creatura*, prædicato, Colossensibus scribit Apostolus. Addo, non posse exponi aliter. Quod ut omnibus pateat, attendendum est quo tempore hanc Colossensibus Epistolam Apostolus inscripserit. Roma ex vinculis datam esse constat ex cap. iv: 3. & 18. Vincula Pauli Romana fuere gemina; priora, ex quibus liberatus est; & posteriora, quæ non nisi morte finierunt. Ad priora pertinet hujus Epistolæ scriptio: quam *Ludovicus Cappellus* ad annum Christi lvi. *Neronis* iii. *Ligtfootus* ad annum Christi lx. *Neronis* vi refert. Uter rectius, non vacat nunc inquirere; modo id habeamus, quod probat uterque, Paulum, post Epistolæ hujus scriptionem vinculis solutum, præstitutum sibi curriculum alacriter, ut solebat, prosecutum esse. Ad quod ipsi sex admodum annos restitisse sic conficit *Cappellus*. Si verum est quod vulgo traditur, Paulum martyrio affectum fuisse, quum Nero post incensam Romam, ut eam a se amoliretur infamiam, Christianos incendii istius insimulatos exquisitissimis subjecit cruciatibus; certum est ex Tacito incensam fuisse Romam *Lecanio Basso & Licinio Crasso Coss.* hoc est, ut ex fastis liquere potest, anno *Neronis* x. Porro vinculis prioribus Romæ solutus est Paulus sub finem anni iv *Neronis*. Itaque postrema Pauli peragratio fuerit annorum circiter sex: nempe a fine anni *xv* *Neronis* usque ad finem *x*, vel initium *xi*: annum autem æræ Christi receptæ *lxiv*, vel *lxv*. Jam vero si tot anni, & sume, si lubet, duplo pauciores, Paulo adhuc restiterint, credibilene est nullas ipsum adiisse regiones quibus inferenda Evangelii lux erat? Occidentem tunc prædicando Evangelio peragrasse, Veterum plerique tradidere. Quod quidem suo ego loco relinquo; modo id obtineam,

quod res ipsa loquitur, si post scriptam ad Colossenses Epistolam novas regiones Evangelii luce Paulus illustraverit, non posse ea, de quibus agimus dicta, tanta latitudine exponi, nulla ut pars orbis excipiat.

XIX. Nec aliter exponi potest quod de celebrata in toto mundo Romanorum fide narrat.

XIX. Eodem procul dubio sensu intelligendum est quod de Romanorum fide *annunciata in toto mundo* scribitur Rom. 1: 8. Cui addi potest simile testimonium de fide *Thessalonicensium*, quæ *in omnem locum dimanaverit*. 1. Thes. 1: 8. Neque enim *Romanorum* nomen, multo minus *Thessalonicensium*, omnibus mundi nationibus cognitum erat, nedum ut de fide eorum quidquam haberent perspectum. Neque ipsi Apostoli, si qui, ut volunt, ad *Tataros & Indos* penetraverint, neque *Thomas*, si apud *Malabaras* aut *Mexicanos* prædicaverit, simul iis narravit ut *Romani* fideles, ut *Thessalonicenses* valerent, & quis Ecclesiæ ipsorum status esset. Perspicuum est, *totum mundum* Paulo hic notare eas orbis partes quæ Imperio Romano suberant, uti & Luc. 11: 1. Quum enim Roma tot gentium caput esset, quæ undique eo confluebant, latere non poterat quod illic gerebatur. Et, ut judiciosè annotavit *Grotius*, magno cum gaudio Provincialium acceptus fuit ille nuncius, etiam Romæ, in capite Imperii, esse qui eandem fidem profiterentur. Idem de Thessalonicensibus tenendum. Multi ex Thessalonica mercatores per omnem Græciam negotiabantur: dehinc fama latius se spargebat, ut passim & ubique, in illis nimirum Provinciis, celebris istius Ecclesiæ fides esset. Similes locutiones eadem mente apud omnes inveniuntur auctores. *Grotius* Philonem laudat de Mose dicentem: τῶν νόμων τὸ κλέος ὡς ἀπολέλοιπον διὰ πάσης τῆς οἰκουμένης ἄχρι καὶ τῶν τῆς γῆς τεματίων ἔφθακιν. *Legum quas reliquit gloria per totum orbem habitabilem, usque ad terræ terminos dimanavit.* Et Clementem de Paulo, δικαιοσύνην διδάξαι ὅλον τὸν κόσμον. Basilium etiam Veteres celebrarunt, ut τὸν τῆς οἰκουμένης διδάσκαλον καὶ φωστῆρα. At quid manifestis immoror?

XX. Explicatur Rom. x: 17.

XX. Eo properemus, ubi causæ suæ arcem viri eruditi collocant: nimirum Rom. x: 17. *In omnem terram exivit sonus eorum &c.* At ne hic quidem tam firmum, quam sperant, præsidium inveniunt. Non dicam nunc præstantissimos Scripturarum Interpretes inveniri, qui probabili ratione contendunt, ea Pauli verba non de Evangelii prædicatione, sed de naturæ institutione, intelligenda esse. Non dicam esse, qui de Evangelii quidem prædicatione exponunt, sed quæ Judæis facta sit, per omnem terram dispersis. Dabo de Evangelio gentibus prædicato agi, & prædicationis istius amplitudinem iis describi verbis, quæ, a Davide de universali cæli institutione dicta,

dicta, suo instituto accommodavit Apostolus. Nego tamen eandem utriusque latitudinem animo suo concepisse, vel verbis istis exprimere voluisse. Non enim ea allegavit ut argumentum quo aliquid probare intendit; sed animi sui sententiam eleganti sermone exposuit. Enimvero Davidis verbis utitur, non citandi animo, sed tanquam suis, ideoque non nisi suo sensu intelligendis. Idcirco non debet hic urgeri quod David de cœlo dixit, ut idem de Evangelio eadem mente dicatur. Sed considerandum unice est, quid res ferat, & quem sensum ea verba Evangelio applicata mentibus Romanorum ingenerare potuerint. Certe, quando hæc ipsis scribebatur Epistola, neque Paulus neque alii Apostoli propositum sibi stadium currendo absolverant: non pauca restabant antequam ad metam pervenissent. Atque hæc sola consideratio sufficit ad probandum, quod quæ de Evangelio ad terminos terræ jam tum prædicato narrantur, non ita citra modum ac mensuram ullam protrahenda sint. Non enim ultra terminos terrarum, extra anni solisque vias, sunt eæ regiones, quas post scriptam hanc Epistolam Apostoli adierunt.

XXI. Atque ita nunc iis defuncti sumus testimoniis quæ ex sa-
XXI. Re-
cris allegari solent voluminibus. Ad Patrum dicta tria hæc observa-
ri velim. I. Plerorumpue ex iis stilum, pro genio seculi, decla-
matorium, grandiloquum, ampullatum, & hyperbolis turgidum esse,
quibus in hoc quoque negotio non pepercerunt; & quas iniquum
esset sine indulgentia aliqua ad rei veritatem exigere. II. Non præ-
cise iis Patrum rhetoricationibus exponi, quid ab ipsis Apostolis primo
nascentis Christianismi seculo, ante casum Hierosolymæ, præstitum sit;
sed quæ labentibus temporibus sua ætate Ecclesiæ Christianæ facies
fuerit. Quam Apostolis merito imputant: quippe quorum doctrinâ,
scriptis comprehensa, & a successoribus prædicata, tanta rerum mu-
tatio inducta sit. III. Quantamcunque regno Christi amplitudinem
tribuant, manere tamen semper intra noti tunc orbis terminos: nihil-
que omnino dicere quod vel suspensionem earum, de quibus nunc di-
sputamus, regionum ingerat: idcirco ex omnibus hisce testimoniis
pro isthac causâ inferri nihil posse.

XXII. Fateor equidem prædicati tot gentibus Evangelii unicam
esse causam incredibilem illum Dei erga humanum genus amorem;
sed nego fas nobis esse ex isthoc Dei amore suffragii nostri præroga-
tiva determinare quid singulis gentibus omni tempore præstare debeat.
Suo id relictum arbitrio sibi reservavit Deus, eventu manifestandum:
μαρτύριον καὶ τοῖς ἰδοῖς. 1. Tim. 11: 6. Nimirum totus mundus con-
demnationi obnoxium suis se criminibus fecit. Ex omnibus criminosis,
Ex com-
muni Dei
φιλάν-
θρωπια
non licet
inferre,
quod omni-
bus simul
per

*gentibus
predicari
debuerit
Evange-
lium :*

per Christum , & fidem Evangelio habitam , servare Deo placuit , quos ex cunctis nationibus & linguis libro vitæ inscripsit , futuros Christi peculium. Hos quum ubivis habeat sine personarum & gentium discrimine , Evangelium quoque suum prædicari curat ubi & quando eos habet , ut ad destinatam sibi partamque per Christum salutem , comiter , sed & efficaciter , vocentur. Vocationem enim istam dirigi *ex proposito Dei & gratia , quæ data est in Christo Jesu ante tempora seculorum* , Paulus auctor est. 2. Tim. 1:9. Non tam universalis conspiciendus est amor ille Dei erga omnes singulosque homines (quippe quem inefficacem & effectum cassum concipere nefas est) ut omnium salutem ex æquo desideret , & consequenter omnibus semper nationibus , nedum hominibus , ea media concedat sine quibus non est salus. Uti non repugnabit Divinæ philanthropiæ , quod adferro sibi olim populo Israëlítico gentes in viis suis ambulare siverit , sine suæ voluntatis per oracula revelatione : uti nunc eidem philanthropiæ non repugnat , quod tot orbis terrarum populos in tenebris & umbra mortis relinquere ei lubeat , sine vel minima lucis Evangelicæ scintilla : ita causâ dici non potest , cur , salva ista *φιλανθρωπία* , primo Christianismi seculo Americanis tacitum manere non potuerit Evangelium. Miseretur Deus quorum vult. Quibus eam impertit gratiam , est quod gratias agant. Quibus negat , non est quod conquærantur : quum non ea solum gratia , sed & ipsis naturæ beneficiis , ingratitude & abusu , indignos se reddiderint.

*XXIII. Ans
Americanis
nominatim
predicatum
sit per Apo-
stolos.*

XXIII. Non est itaque cur curiose inquiramus in causas ob quas non prædicatum olim Americanis Evangelium sit : suprema & liberissima Dei voluntas , indebitam omnibus gratiam , pro lubitu dispensantis , unica causa est ; in qua omnes eos acquiescere par est , quotquot Divini Numinis majestatem rite venerantur. Haud equidem cum *Ursino* dixerim , nullos Apostolorum tempore Americæ incolas fuisse : uti nec eos ob maledictionem , qua Chami posteros objurgavit Noachus , Evangelii gratia exclusos arbitror. Sed supplex adoro eam Dei providentiam , quæ tam vasta terrarum spatia frequentati tunc orbis commercio exclusit ; donec navigationis beneficio nostri mundi hominibus jungerentur , atque ita transfretandi quoque Evangelii occasio nasceretur. *Unamquamque rem pulchram facit Deus suo tempore.* Eccl.

III : II.

*XXIV.
Quæ de A-
postolis or-
bem inser
se terrarum*

XXIV. Verum & cætera excutiamus quæ de Apostolis orbem inter se terrarum partitis , veterum , si modo veterum , tradunt historiæ monumenta. Nimis sane erudito & delicato seculo vivimus , quam ut tam inanum fabularum commentis , quales de Apostolo-

stolorum dispersione confictæ sunt, uti deliciis quibusdam, animi ^{pariensibus} cordatorum hominum pascantur. Vulgo creditum est, factam eam ^{anno Clau-} esse paullo post quam Herodes Agrippa Jacobum Zebedei gladio su- ^{dii 2. Chri-} stulit, Petrumque coniecit in vincula, scilicet anno Christi XLIV. ^{sti 44. nar-} Claudii II. Hinc nata traditio, Apostolos, habita Synodo, ut per- ^{vanitur, pa-} secutionem fugerent, provincias orbis peragrandi inter se divisisse: ^{lam fabu-} cuso prius Symbolo quod Apostolorum dicitur, ad quod singuli suum ^{losa sunt.} contulerint articulum. Sic ut *Petrus* dixerit: *Credo in Deum Patrem omnipotentem. Johannes: Creatorem cæli & terræ. Jacobus: Credo in Jesum Christum, Filium ejus unicum:* & sic porro, donec singulorum collatione absolutum est universum. Cæterum traditio hæc non solum incertæ, & ob Lucæ silentium, suspectæ fidei est, sed & sacris literis & sanioribus verustatis monumentis contraria. Ex iis enim, quæ modo a nobis allata sunt, evidenter constat, Apostolos aliquot post annis egisse adhuc in Palæstina, & Hierosolymis; ubi coiere in Concilium: a quo demum tempore separatos narrat *Chronicum Alexandrinum*. Quæ de Symboli factione adduntur, vanitatis manifestæ sunt: ut post *Vossium* & *Usserium* magnis argumentis alibi adstruximus: ad stipulante *Pineo Bibliot. Tom. I. & in Append. Tom. VI. cap. IV.*

XXV. Si ipsa parititi inter Apostolos orbis traditio tam est in- ^{XXV. Uti} certa, vel potius liquido falsa, quid de cæteris dicemus, quæ par- ^{& ea, quæ} titionem istam secuta feruntur? *Josephus Scaliger*, emundæ, si quis, ^{a singulis} naris Criticus, ^{parrata} a sine Actorum Apostolicorum ad tempora *Plinii Junioris* ^{dicuntur.} nihil certi haberi in *Historia Ecclesiastica* adserit. *Dionysius Petavius* in *Rationario*, de eodem intervallo: *Pleraque fabulis & incertis narrationibus adpersa.* At ipsum audiamus credulum illum *Baronium. Tom. I. p. 323. E. Quod pertinet ad res ab Apostolis gestas postquam ab invicem semel separati sunt, res quidem æque perobscura est. Quum enim Apostolorum nomine tam facta quam scripta reperiantur esse supposita, nec, si quid de illis a veris sincerisque scriptoribus narratum sit, integrum & incorruptum omnino remanserit: in desperationem quandam animum dejiciunt, posse unquam assequi quod verum certumque subsistat.* Vide sis *Spanhemii Introduct. ad Hist. T. N. Sec. I. cap. v.* Quæ de Jacobi utriusque itineribus memorant, falsitatis dudum sunt convicta. Alter enim ante ullam Apostolorum dispersionem gladio sublatu; alter etiam, successor datus, Hierosolymis substitit. De quo *Baronius: Jacobus Alphaï, Frater Domini idemque Justus dictus, non legitur in externas profectus esse provincias: sed qui Hierosolymorum creatus esset Episcopus, ne Judæi, quorum causa munus illud susceperat, omnino derelicti haberentur, loco constitit; nec sicut cæteri ad gentes in diversas orbis partes abire per-* ^{missus.}

missus est. Quæ de ipso Nicephorus narrat, ea nullius prorsus auctoris certo testimonio nixa, sed ex animi arbitrio conficta, pronunciat Baronius. Idem de aliis Apostolorum professionibus iudicat Magnus *Spanhemius*, verbi gratia, quæ ex *Pseudo-Prochoro* de Johanne; ex *Pseudo-Alexis* variis de Thoma, Bartholomæo, Barnaba; ex nugaci *Metaphrasta* cum primis, de Petro; ex *Flavii Dextri Chronico* supposititio, de eodem Petro, Paulo & Jacobo; sic ex *Nicephoro* aliisque id genus, nimium vel credulis, vel ad fingendum audacibus, passim commentati sunt.

XXVI.
Nomina-
sim Thomæ
apud Indos
predicatio.

XXVI. Singula excutere supervacaneæ foret operæ. Quam incerta sint quæ de prima apud Indos Evangelii prædicatione narrantur, ex narrantium variationibus perspicuum est. Ac primo quidem *Ruffinum* audire lubet, ex quo sua hauserunt *Socrates lib. I. cap. XIX. Sozomenus lib. II. cap. XXIV. Theodoretus lib. I. cap. XXIII.* Ruffinus sic habet: *In ea divisione orbis terræ, quæ ad prædicandum verbum Dei sorte per Apostolos celebrata est, quum aliæ aliis provinciæ obvenissent, Thoma Parthia, & Matthæo Æthiopia, eique adhærens citerior India Bartholomæo dicitur sorte decreta. Inter quam Parthiamque media, sed longo interior tractu, India ulterior jacet, multis variisque linguis & gentibus habitata, quam, VELUT LONGE REMOTAM, NULLUS APOSTOLICÆ PRÆDICATIONIS VOMERE IMPRESSERAT: quæ tamen TEMPORIBUS CONSTANTINI tali quadam ex causa semina fidei prima suscepit.* Tum prolixè exponit, quibus quantisque rerum ambagibus, *Fruventius* quidam ab *Athanasio* in Episcopum ordinatus, primus in Indiam perrexerit, infinitumque numerum Barbarorum ad fidem converterit: *Ex quo, sic pergit Ruffinus, in Indiæ partibus, & populi Christianorum, & Ecclesiæ factæ sunt, & Sacerdotium cepit.* In quibus observo. I. Quam hæsitanter Ruffinus loquatur de provinciis, quæ in partitione orbis terrarum singulis obvenierunt Apostolis. II. Quod *Bartholomæo*, non *Thomæ*, Indiam decretam tradat. III. Quod ad provincias longe remotas, nominatim ad ulteriorem Indiam, sonum prædicationis Evangelicæ pervenisse neget. IV. Quod primus Evangelii præco Constantini demum ætate eo accesserit. Quæ tamen de *Abyssinia* intelligenda esse, quam Indiam Ruffinus appellat, quamque immuni errore inter citeriorem Indiam & Parthiam sitam esse dicit, post *Jobannem Ludolphum* ostenderunt novissimi editores operum *Athanasii*, in *vita Athanasii* p. 16. 17. Similiter quæ de Thoma disputata vidimus *Exercitationis* præcedentis *Memorie* XIV, ea quam incerta, & falso proxima sint, copiose, ut solet, ostendit *Dallæus, de Relig. cultus objecto. lib. V. cap. VI.* Qui asseverate pronunciare non dubitat, id quod

nerra-

narratur, *Thomam Apostolum* in *Indias* venisse, atque illic annos complures versatum esse, quin & inde ad *Sinas* usque processisse, & ex Sinis Indos suos denuo invisisse, & apud eos postremo mortuum sepultumque fuisse, id, inquam totum, non modo dubium & incertum, sed & clare liquidoque falsum esse. Neque sane temere hoc asseverasse videtur. Repugnat enim prima vetustissimorum Christianorum traditio, altera de *Indis*, altera de *Thoma* ipso. Secundi seculi Christiani Indis quidem prædicatum Evangelium agnoverunt, verum *Bartholomæi*, non *Thomæ* ore. Cujus indicium fuerit isto seculo dignum, Evangelium Hebræis literis a Matthæo conscriptum, Indisque a Bartholomæo relictum, & ad *Pantani* ætatem adservatum. De Thoma autem antiqua apud *Origenem* traditio perhibet, eum prædicationis suæ provinciam Parthiam obtinuisse, apud *Euseb. lib. III. cap. 1.* Quod & *Clementis Recognitionibus* confirmatur *lib. IX. cap. XXIX.* ubi Petrus Thomam literas non ex *India*, sed ex *Parthia*, ad se scripsisse memorat. Denique, inquit, apud Parthos, sicut nobis Thomas, qui apud illos Evangelium prædicat, scripsit, &c. Vide *Cotelerii* notas: quibus abunde doceberis, quantopere hic veterum traditiones varient: Thomæ vero apud Indos prædicantis nullam ante Manichæos exortos in Christianorum libris mentionem esse asserit *Dallæus*, cui si credimus, primus vani rumoris auctor, Thomas quidam, Manetis discipulus, foret: quem & *Cyrillus Hierosolymitanus* Evangelii Apocryphi secundum Thomam auctorem esse scribit. Quæ vero de sepulcro Thomæ *Maliapore* apud *Malabares* narrantur, a Jesuitis avide arrepta, ea non minus antiquæ dissona traditioni sunt. Hæc enim vult, Thomæ corpus *Edeffam*, ex loco quo primum erat conditum, jam pridem fuisse translatum. *Ruffin. Hist. lib. II. cap. v.* Recentiores autem Indica nobis fide narrant, idem Thomæ corpus *Maliapore* sepultum, ad ultima hæc tempora eodem loco mansisse, superiori vero seculo *Johannis* Lusitanæ Regis jussu repositum, inde postea *Goam* a Fratre quodam *Franciscano* fuisse translatum. Quæ quum sibi invicem aperte sint contraria, nullam conciliationis viam invenit *Baronius* præter hanc miseram; unius corporis partes in diversa loca fuisse distributas, quamvis de corpore integro gloriata fuerint singula.

XXVII. Sed & illud apprimè notatu dignum est, quod soler-
ter observavit idem *Dallæus* noster, fortasse totam illam de Thomæ ^{Cui origi-}
Apostoli apud Indos prædicatione, martyrio, sepultura, fabulam, ^{nem dedit}
ex alterius cujusdam multoque recentioris Thomæ historia ortam esse. ^{Thomæ}
Tradunt omnes magno consensu Latini rerum Indicarum scriptores, ^{alterius}
Indos Malabares, quum totum Episcoporum & Sacerdotum genus, ^{multo re-}
^{centioria}

ria a persecutoribus peste consumptum, penitus apud eos defecisset, *Babylonem* ad urbis illius Patriarcham misisse, poscentes Episcopum. Hinc missum ipsis quendam Syriacæ nomenclaturæ *Mar Thomam*, id est Dominum Thomam, virum admodum divitem, excellentem, gratiosumque vicinis regibus, qui collapsam apud Indos Ecclesiam restauraverit. At Nestorianis erroribus, & aliis nonnullis malis, quæ Babylone secum attulerat, eandem infecerit. Quod *Semedus* Jesuita *Sinic. Part. I. cap. xxxi.* circa annum Domini 800. factum fuisse conjectat: quando in *Patana* civitate Christiana religio renovata, & Ecclesiæ instauratæ sunt. Quin & sagax Jesuita conjectat, eo factum esse, ut, errore ob Thomæ commune utriusque nomen facillimo, Apostoli esse credantur monumenta, quæ hujus *Mar Thomæ* sunt. Et sane quæ de crucis signo & miraculis per illud patratæ narrantur, sicut a *Thomæ Apostoli* ætate alienissima sunt, ita nono isti *Mar Thomæ* seculo optime conveniunt.

XXVIII.
Ineptissime
Thomas a
Malabari-
bus ad
Brasilien-
ses transpor-
tatur.

XXVIII. At si demus *Thomam Apostolum* apud *Malabares*, & *Sinas* etiam, si velis, Evangelium prædicasse; quid hoc ad *Americanos*, de quibus nunc controvertitur: nisi immensi itineris prodigio eundem ad *Brasilienfes* quoque transportes. Quod *Lerium* fecisse video, at levibus admodum argumentis. Neque *Hornii* conjecturam cassâ nuce emerim. Qui enim ex *Meyre Human* Sanctum Thomam tam facile facit, næ is eadem facilitate ex quolibet ligno facit *Mercurium*. Si verum sit *Brasilienfes* ea narrare quæ ipsis adscribit *Lerius*, & si veri aliquid sit in iis quæ narrare dicuntur, longe proclivius est de isto *Mar Thomæ* cogitare, quem modo laudavimus, quam de *Thomæ Apostolo*: quippe & nomen propius accedit ad *Meyre Humanam*, & quæ de tonsura similibusque tradit *Stradius* (nisi forte scita sint omnia, vel male intellecta, & alioversum tracta) ab homine qualis *Mar Thomas* fuit derivare fortassis quiveris, ab Apostolo nulla ratione quiveris. At longe probabilissimum est, tantundem de *Mar Thomæ* ac de *Thomæ Apostolo* scivisse *Brasilienfes*, omnemque istam narratiunculam febricitantium accensendam esse ineptiis.

XXIX.
Nusquam
dicitur Nic-
phorus Ma-
thæum apud
Mattheum
apud Canni-
balos prædi-
casse; & quæ
dicitur ridicu-
la sunt.

XXIX. Et vero mirari animum meum subiit, quam supine *Viri Docti Nicephorum*, ingentem illum fabularum hamaxarium, citent. *lib. II. cap. xli. p. 137.* quasi disertis verbis scripsisset, *Evangelistam* *Mattheum* apud *Cannibales* *αὐτοφρονόους*, *Brasilienfes* conterm. nos. prædicasse: *Cannibali* autem, sic porro inferunt, *sunt in India Occidentali*. Quis hæc legens non crediderit, se, si non *Brasilienfium*, ac certe *Cannibalorum* nomen, totidem literis apud *Nicephorum* inventurum esse? At nihil ibi minus exstat. Ipsa *Nicephori* verba dabo, ex ver-
- bone

stone Latina *Langi*. (Græca enim ad manum non sunt.) Ea sic habent: *Is quoque Sanctus Apostolus (Matthæus) profectioibus multis ex alia regione atque gente in aliam subinde migrans, Evangelio prædicando præfectus, ad postremum Spiritus Sancti ductu ad Anthropophagorum terram, in civitatem cui nomen est Myrmene, pervenit. In qua Platone, sectatore suo, Episcopo declarato, ipse in quendam civitati proximum collem conscendens, ut sibi gentis ejus sensus revelaretur, orat. Hoc ita agenti Apostolo, Dominus Jesus formosi pueri specie assistens, quum pacem illi precatur, tum virgam in manus dat. Eam, quum descendisset, in urbe ad Ecclesiam, quam ipse & Andreas construxisset, portam plantare jubet, in arborem magnam & excelsam ilico evasuram, fructumque plurimum magnitudine simul & sapore aliis longe superiorem laturam: fontem præterea copiosum & pellucidum, cum leni susurro ex radice ejus erupturum esse pollicitus. In quo quicumque Anthropophagi lavissent, eorum simul & vultus ad formam decentiorem compositum, & corda agresti feritate posita, ad placabilitatem & lenitatem conversum prorsusque in melius mutatum iri. Descendenti igitur civitatis ejus Princeps, una cum conjuge & filio (Fulvianorum Patri & Filio, Fulvianæ autem matri nomina erant) obvius fit. Plura describere desino. Dudum piguit ineptiarum. Ubi hic Brasiliensibus contermini Cannibali? Nulline præter ipsos Anthropophagi? An Cannibalis Fulvianorum nomen? Denique quæ veri species in tam putida fabula est? I nunc, Clarissime Mœbi, iterumque, si placet, roga: Quodnam clarius hujus rei possemus habere argumentum?*

XXX. Ad ea, quæ de Veteris Christianismi in America reli-
quiis a *Lusitanis, Hispanis*, & cujusvis nationis missionariis referuntur, XXX. Quæ de veteris Christianismi reliquiis in America
observari multa possunt. Ac primo quidem haut arbitror peccaturum esse in prudentiæ regulas, cui non lubet omnibus id genus narrationum fidem suam *ἀπαραιτίως* substringere. Et hic valet; *μέμνησο ἀπιστίων*. Americæ narratur, forsasse ficta sunt.
Nulla mundi pars est, ubi non obtineant artes Gibeonitæ: quæ Romanæ Ecclesiæ sectatoribus valde sunt in deliciis. Nihil apud eos vulgatius, quam recenter introductis verustatis speciem obtendere.

XXXI. At demus (neque enim semper mentiuntur Cretes) aliquid ab iis in America repertum Christianis ritibus haut dissimile, XXXI. Aut si vera, non sunt argumenta Christianismi.
nil tamen inde lucri sententia ista reportat. In omni enim religione, quantumvis Idololatrica, ac Diabolica plane, aliquid animadverti potest quod ad Divina instituta accedere quodammodo videatur. Ludit mirabiliter ingenii humani varietas, & in tam immensa cultuum diversitate vix est, ut non aliqua etiam deprehendatur convenientia. Quæ si vel minima sit, ab iis quorum interest ut major habeatur,

augeri solet & exornari, eo quandoque tractis, quæ aliovorum spectant. An quia *Indorum Brachmanes* triplicem funiculum de collo suspensum gerunt, quem trini alicujus numinis fingunt esse symbolum; aut quia *Sinæ & Japoni* Deum exhibent effigie monstrosa, in quæ ex uno corpore prodeunt tria capita mutuo sese adspicientia; vel quia *Solonis* lege *Athenienses* jubeantur jurare per tres Deos, *Ἰερέσιον, Κατάσιον, Εὐαγγελίον*, *Supplicem, Expiantem, Avertendum*, idcirco hæc mihi ad adorandæ Trinitatis nostræ mysterium trahenda sunt? In Græcorum, aliorumque populorum lustrationibus, in *Mithra* sacris, quot occurrunt ritus quos cum Baptismo conferre Christiano possis? inde tamen nequaquam derivandi. Quia *Guebri, Persarum* soboles, ex *Zoroastris* sui mandato, infantes Baptismo lustrant, & labes animi deleri existimant vaccæ urina, & medicata quadam aqua: ideo ne mihi in anili superstitione, vel junicis rusæ Israëlitarum, vel nostri Baptismi imago agnoscenda est? Ritum quendam Eucharistiæ nostræ similem in *Mithriacis* sacris *Persas* obivisse, testes sunt *Justinus & Tertullianus*; oblato quodam pane, atque aquæ poculo, solennibus verbis ex formula adjectis. Apud *Pervanos* celebrabantur quotannis Paschales quædam ceremoniæ. Certis diebus immolabant Agnum candidum, farinam ejus imbuebant sanguine, populoque comedendam distribuebant, ac Dei sui sanguinem esse, Divinitus ad se missum, affirmabant; ut ita cum *Sole & Unca*, sive Rege, novi fœderis societatem contraherent. Et *Mexicani* solennem quotannis diem celebrasse dicuntur, quo simulacrum a puellis Deo sacris, ex farina & melle pistum, & magnis ceremoniis consecratum, populo comedendum distribuebant; ita Dei sui corpus comedere se asseverantes. Vid. *Huetii Alnetan. Quest. lib. II. cap. xx. §. VII.* Falluntur qui ex Eucharistiæ Christianæ sacris similia arcessunt nugamenta; quæ nil nisi superstitione captarum mentium ludibria sunt.

XXXII.
Quædam
eorum, aut
vera aut
ficta, indi-
cia præva-
superstitionis.

XXXII. Sed & quæ apud *Yucatanos* inventa narrantur, eorum aliquammulta, verbi gratia, xxxv dierum jejunium, summus sacerdos qui *Papa* dicatur; item cultus & ornatus sacerdotum *Pervanorum* ad illum Christianorum Episcoporum accedens; alibi confessio, unctio, cruces, undecunque sunt, certe ab Apostolis non sunt. Talia autem sunt, ut cæterorum fidem valde labefactent: & a justo ac prudenti rerum æstimatore pro Apostolici Christianismi reliquiis haberi non debeant. In eo sane sibi placent Romanæ Ecclesiæ Doctores, quod & superstitionum suarum, Veteri Christianismo ignotarum, speciem quandam apud Barbaras istas gentes deprehendisse videantur. Hinc impense jactant, *Brachmanes* aquæ *Gangetica* eam vim adtri-

adtribuere, ut si quis eam nec opinus subeat, nec de criminibus abstergendis cogitans, noxis tamen omnibus purgetur ex opere operato: *Gauros*, sive *Guebros*, si culpæ alicujus sint affines, vel ex lethali aliquo morbo decumbant, accersere sacerdotem, quem *Cassum* appellant, hoc est *Presbyterum*: cui labes conscientiæ aperiant, ab eoque absolvantur de peccatis, hac lege, ut pia aliqua præstent opera, quibus Deo satisfiat: *Peruanos* die quodam procedere supplicantes, eo prope ordine, quo apud Romanenses festo corporis Christi: sua *Ceilanensibus* monasteria & sacras domos; suos Macassarensibus Patriarchas, suos Presbyteros, suos & inferiorum ordinum Clericos esse; & hos & illos initiari a Patriarchis, Patriarchas autem ab uno supremo legis suæ Antistite. Et quæ id genus sine numero sunt. Dicamus itaque quod res est: non hæc ex Christianismo ad eas gentes derivata esse, multo minus ex Apostolica prædicatione: sed, si quæ narrantur vera sunt, fructus esse ex fertili solo superstitionis mentium, quas nulla non terra alit, copiose progerminantes, in infinita cæterorum rituum diversitate, hic forte sibi similes: ex quibus proinde vigentis olim in istis gentibus Christianismi nullum formari possit argumentum.

XXXIII. Hætenus eas excussimus rationes, quibus Viri Doctissimi probare adnisi sunt, per Apostolos Americanis quoque prædicatum esse Evangelium: de quarum valore post observationes nostras æquo Lectori judicium esto. Nunc id videamus, nunquid objectæ difficultates commoda satis solutione e medio sublatae sint. Qui professione Apostolorum in Americam obloquuntur, iis id potissimum nominibus faciunt; I. Quia nulla ejus convincentia argumenta inveniunt, quæ ab adfirmantibus adferri oportuit. II. Quia ad illam professionem multa supponuntur, quæ cum sacra Apostolorum historia non admodum conveniunt, qualia a nobis non pauca adnotata sunt. III. Quia Americanæ istæ regiones tempore Apostolorum præsci orbis hominibus fuerunt incognitæ, & viæ ad eas, sive mari sive terra, inviæ. Atque hac difficultate valde se premi videntes ii, quibus stat τὸ διαφυλάττειν, multa excogitarunt quæ reponerent.

XXXIV. Et id quidem primo negandum sibi putant, incognitam veteribus Americam fuisse: quum eam Plato sub *Atlantica insula* nomine in *Timæo* describeret. Mihi quidem non lubet ea, quæ tam simpliciter a Platone narrantur, cum *Jamblichō*, & *Proclo*, aliisque *Platonis* interpretibus, in frigidas allegorias vertere. Sed ea quæ *Critias* memorat ex avo suo, avus ex *Solone*, *Solon* ex sacerdote quodam *Saitico*, an veram contineant historiam, an fabulam meram, an

rem quæ aliquid ex vero trahat, sed cui fabulosa, ut fieri solet, alia adjecta sint, prudentiores anquirant. Mihi profecto postremum illud præ cæteris arridet. Enimvero fabulosa sunt, quæ de Atheniensis civitatis forma, qualis multis retro annorum millibus exstitit, Solonem docet Ægyptius. Fabulosum est, quod tempus hujus facti ultra octo vel novem millium annorum seriem extendat. Quemadmodum illa quoque nugatoria esse ipse credit *Hornius*, lib. 11. cap. vi. quæ de Atheniensium contra Atlanticos bello, de terræ motu, & diluvio quo Atlantis absorpta, & de ejus proxime ad fretum Herculeum situ, traduntur. Omnia autem ista si fabulosa sint, quid tandem certi manet; ubi pedem queas figere? At vera sint, quantum libet, nimis sane generalia esse videntur, quam ut certo argumento Americam monstrent. Potuisset insula olim aliqua vægrandis in Atlantico mari fuisse, cujus reges Asiam & Europam conjunctis viribus occupare instituerint, quibus se Athenienses communi Græcorum nomine opposuerint, ipsosque devicerint: quæque insula subita quadam diluvione & terræ motu absorpta fuerit: ut tamen non fuerit America. Nam quæ de incredibili ipsius magnitudine, qua Libya atque Asia amplior fuerit, addidit Saiticus, ea Ægyptiacæ fortasse, id est, sublestæ admodum fidei sunt. At fuerit Atlantis America: nil aliud ex toto illo Platonis sermone inferri posset, quam vetustissimis temporibus Americanos Asiæ & Africæ fuisse propiores; quod nec ego abnuere velim, ut eo facilius intelligatur, quemadmodum & homines & feræ post Noachicum diluvium eo devenerint. Sed & simul inferendum est, rei tam antiquæ memoriam Platonis ætate fuisse oblitteratam, omneque cum gentibus ultra Atlanticum mare commercium prorsus tunc defuisse. Quod & illa verba arguunt: *Τότε γὰρ πορεύσιμον ἦν τὸ ἐκεί πέραν*. PERVIUM ENIM TUNC ERAT ATLANTICUM MARE. Ergo Platonis ætate, non. Uti disertius deinceps Critias: *διὸ καὶ νῦν ἀπορον καὶ ἀδιερεύνητον γέγονε τὸ ἐκεί πέραν*.

XXXV.

De Phœnicum navigationibus ex Bocharto & Salmasio.

XXXV. Phœnicum navigationes nemo, quod sciam, diligentius Bocharto prosecutus est. Tanta autem istius viri, propter diffusam eruditionem & acre in his rebus iudicium, apud me auctoritas est, ut plus ei tribuam, quam centum minorum gentium scriptoribus. Is vero negat constare, quod Phœnices orbem terrarum circumnavigaverint. Neque concedit *Plinio*, *Hammonem*, qui, Carthaginienſis Senatus decreto jussus navigare extra Columbras Herculis, a Gadibus in Austrum longissime provectus est, ad Arabiæ finem esse circumvectum: quum contrarium aperte clamet historia navigationis, quam ipse scripto prodidit. Nec multo verius credit, quod ex Heraclide

clide Pontico refert *Strabo lib. 11*. Eudoxum e mari Rubro in Indiam navigantem, & ventis ingruentibus supra Æthiopiam delatum, in piscatoriæ navis fragmenta incidisse, quam ex proræ insignibus Gaditanam esse comperit. Neque enim verisimile esse, in mari tam aspero & concitato potuisse naviculam tantum iter emetiri. Observat, Phœnices ultra Cernem nullam deduxisse Coloniam: nonnullos etiam credidisse, ultra Cernem mare non posse navigari *Rufus Festus*:

— *Æthiopum populos alit ultima Cerne*:

Eodem faciunt hæc *Prisciani*:

— *Libyes ubi finit litora Cerne*

Oceanum.

Ac si ad illam insulam finis esset naturæ rerum, & nautarum meta ultima. Quod & ipsum nomen innuit. Nam *Cherne* Phœnicibus est *נחל נחל*, postrema habitationis, vel ultima habitatio. Consentit *Salmasius Exerc. Plin. ad Solin. p. 877*. Hæc constans, inquit, inter veteres opinio fuit, mare Occidentale, & Meridianum & Indicum misceri, & conjungi; & tria illa maria accollere populos qui Æthiopes dicerentur: sed navigatio ab Indico ad Occidentale per Meridianum prorsus erat incognita. Quod enim de Eudoxo narratur, qui Ptolomæum fugiens ab Arabico sinu Gades delatus est, una hirundo non facit ver. Nec enim alii eum sequuti. Auctor Periplus, qui vixit ætate Plinii, Oceaniam, qui ab India in Occasum continuus est, ἀνεπύρνον esse prodit. Qui autem Gadibus exibant Hispani & Phœnices mercatores, ut in Æthiopiam commearent commercii gratia, non ultra eam Æthiopiam velificabant, quæ mari Atlantico adjacet, quæ Hesperia est. Maris illius Occidui *παραπλευ* a Gadibus usque ad Cernem insulam Hesperia dierum duodecim navigatione taxat Scylax. Ultra Cernem non amplius navigabile illud esse crediderunt prisca: neque ultra navigabant Phœnices insitatores & Hispani. Hæc *Salmasius*. Ad *Bochartum* redeo, ex *Hannone* notantem, Cernem ex adverso Carthagini sitam esse, id est, tantum esse a freto Herculis, quantum Carthago. Quæ autem *Diodorus Siculus* & veterum alii, de Phœnicum insula ultra Gades ad extremum Occidentem narrant, ea vir sagacissimus suspecta sibi esse testatur; quod nullum norit locum in quem ea descriptio cadat. Concludit tandem: *Itaque vel nusquam est hæc insula, vel una est ex insulis novi orbis, aut pars aliqua Brasiiliæ: quam litoribus nondum satis peragratis Phœnices acceperunt pro insula. Sed nautica pyxide nondum reperta, parum est verisimile eo navigasse Phœnices, quum hæc terra, Libya, inquam, & Brasilia, tanta locorum intercapedine sint ab invicem dissita, ut de Americanis insulis taceam, Hispaniola scilicet, Cuba, Jamaica, & aliis quæ multo sunt remotiores. Vid. Can. lib. 1. cap. xxxvii, xxxviii,*

XXXVI.

De Ophir,
in Orien-
tali posita
India qua-
renda.

XXXVI. De *Ophir*, quo profecta Salomonis classis est, variae sunt doctissimorum hominum sententiae: nec nostrum est tantas componere lites. Interim, donec certiora dentur, praeter ceteris mihi aridet *Bocharti* opinio; geminam in Sacris *Ophir* laudari, quarum altera in *Arabia* prope *Sabaeos*, altera in *India* est. David obtulisse legitur mille talenta auri *Ophir* 1. Chr. xxix: 4. Quin imo *Jobi* aetate nota *Ophir* fuit. Job. xxi: 24. Pones aurum super pulverem, aurum *Ophir* super rupes torrentium. Et cap. xxviii: 16. non confertur cum auro *Ophir*. Ubi Indicam *Ophir* intelligi, non est verisimile. Quia aetate *Davidis*, nedum *Jobi*, qui *Jacobo* Patriarchae pene aequalis fuisse creditur, ad terras illas tanta terrarum & marium intercapedine a *Judaea* diffitas, nondum patuerat accessus. *Salomon* & *Hiram* primi esse videntur, saltem ex *Israëlitis* primus *Salomon*, qui in remotiorem illam *Ophir* navigationem instituerunt. *Ophir* itaque, *Jobi* & *Davidis* aetate cognita, est *Cassanitis* *Ptolomæi* & *Stephani*. Nam & nomina significatione conveniunt: ab opulentia enim locus dicitur פִּזְוִן, & incolae *Cassanite* vocati sunt, a פִּזְוִן sive פִּזְוִן, id est *Gaza*, ob thesauros quos possidebant. Et tanta ibi auri copia est, ut incredibilis de eo tradiderint Veteres, apud *Bochartum* legenda. *Phaleg* lib. 11. cap. xxvii. Et contigua *Cassanitidi* est *Sabaorum* beatissima terra, de quorum auro vide *Ps.* lxxii: 15. *Jes.* lx: 6. *Ezech.* xxvii: 22. 1. Reg. x: 2. Denique *Ophir*, id est, incolae terrae *Ophir*, sunt ex stirpe *Jochan*; ideoque commodior iis sedes adsignari non potest, quam in ea *Arabiae* parte, ubi & fratres eorum condescenderunt. Indica vero *Ophir* non in *Occidentali*, sed in *Orientali* *India* quaerenda est: sive ea sit aurea *Chersonesus*, quae hodie *Malacca* dicitur, ut *Josephus* & plerique veterum voluere: sive *Tapobrana* veterum, hodie *Zeilan*, ut *Salmasius* contendit in *Exerc. Plin. ad Solin. cap.* liii. p. 781. & *Bochartus* xxi. parallelismis probat. *Canaan. lib.* 1. cap. xlv. Sane insulae *Zeilan* omnia ad amussim quadrant, quae de *Ophir* legere est in libris Regum & Paralipomenon. Ibi enim aurum & ebur, gemmasque & margaritas magna copia nasci, nemo est qui nesciat. Scatere etiam pavonibus, scribit *Struckius* in *Arrianum*. Et in *Chersoneso* proxima magni pretii *Cercopithecos* memorat *Ludovicus Vartomannus*. Id *Tapobrana* secundum *Ptolomæum*, est *Pasi* sinus, & *Phasi* amnis, unde aurum *Paz* vel *Uphaz*, Cant. v: 11. Dan. x: 5. Jer. x: 9. Quod quum alio nomine vocetur aurum *Parauim* 2. Paral. iii: 6. verisimile est *Phœnices* *Syra* terminatione hanc insulam vocasse פִּזְוִן *Paruan*, & oram ad quam appellebant פִּזְוִן *Tapparuan*, unde *Graeci* & *Romani* fecerunt *Tapobrane*. *Ophir*ae no-

mca

men non ab insulæ incolis, sed a Phœnicibus etiam est: quibus solenne fuit, ut loca nuper a se detecta suæ linguæ vetustis nominibus nuncuparent. Itaque verisimile est, illos auriferæ terræ, quam in India detexerant, *Arabica* nomen indidisse.

XXXVII. Multo sane probabilius est Ophir in *Orientali India* XXXVII. quærere, quam in *Occidentali*, sive *America*: vel ob hanc rationem, *Quam in Occidentali.* quia Salomonis & Hiramī classis solvebat ex *Asiongaber*, sita ad mare Rubrum, sive ad Sinum Arabicum. 1. Reg. ix: 16. Ex hoc autem facilis, directa, & vicina est navigatio in *Tapobranam*, utpote directe ei objacentem, & Phœnicibus frequentatam. Longissima vero, & plane anfractuosa ac periculosa fuisset navigatio ex mari Rubro in Americam. Oportuisset enim vel per Orientem gyrare totam Indiam Orientalem, Malaccam, Japones & Sinas, ibique reflectere iter in Americam; vel per Occidentem circumnavigare Promontorium Bonæ spei, totamque Africam & Oceanum vastissimum, Quæ omnia efficiunt, ut longe probabilius eos instituere existimem, qui, cum veteribus prope omnibus, Ophir in India Orientali, quam in America collocant. Qui plura desiderat, auctoresque cognoscere avert de Ophir hinc inde disputantes, adeat Venerandum VOËTIUM nostrum (cujus incredibilem diligentiam nihil propemodum rei Theologicæ fugit) in eruditissimis *Disputationibus de Creatione. T. 1. p. 647.* Conf. *Torniel ad An. 3043. p. 26. &c.*

XXXVIII. Cætera quæ Thesi xxii & xxiii. coacervantur mi- XXXVIII. noris sunt momenti. Pleraque meris consistunt narratiunculis, qui- *Diffa qua- dam veterum amplius pro- bare non possunt,* bus quisque quantum vult tribuat. Atque ipsæ istæ narratiunculæ satis ostendunt, terras istas longinquas ab aliorum hominum com- *quam ipsos de novo or- be aliquid audivisse vel suspica- tos esse; quem ta- men nemo* mercio prorsus fuisse semotas. *Plinii* de navigationibus sui temporis hyperbolas a *Salmasio* & *Bocharto* erudite castigatas modo vidimus. *Virgilii* Poëticus cothurnus inter seria argumenta vix meretur locum. *At Pindari* verba adpingi merentur ex *Nemecor. Ode. iv. p. m. 538.*

Γαδέρων τὸ πρὸς Ἰόφον, ὃ
Περατὸν ἀπὸ τρεῖς
ἄντις Εὐρώπης ποτὶ
Χέρσον ἔντα ναός.

Gadium pars vergens ad occasum transiri nequit. *Converte armamenta* *Europæo-* *navis* ad *Europæ* terram. Senecæ Rhetori Senecam Tragicum oppono, *rum vide-* *de futura* tam longinquarum terrarum repertione quasi vaticinantem: *rit.*

Venient annis

*Secula seris, quibus Oceanus
Vincula rerum laxet. & ingens*

Tom. II.

Z z

Pateat

*Pateat tellus ; Typhisque novos
Detegat orbes ; nec sit terris*

Ultima Thule.

Quod tamen ille non de nostro hoc novo orbe, sed de Britannicis proprie insulis intellexit, & in Claudii gratiam scripsit. *Clemens Romanus* in priori sua ad Corinthios epistola §. 20. p. 158. editionis nuperimæ, ἀνέκτων ἀνθρώποις ἀπέραντον esse pronunciat, καὶ τὰς μετ' αὐτὸν κόσμους. In quem locum operæ pretium erit legisse eruditissimas *Patritii Junii* annotationes. Utut sit, ex ejus generis testimoniis nihil aliud ad summum conficias, nisi illam mundi partem a paucis quibusdam veterum auditione acceptam, vel ratiocinatione stabilitam, at inspectione non usurpatam : non certe ab Europæis : etsi de Afris dubitari fortasse potest.

XXXIX.
*Bicipitum
Aquilarum
signa, &
nummus
Augusti,
commensis
accensenda
sunt.*

XXXIX. Quæ de *bicipitum Aquilarum* signis in Provincia *Chili* repertis memorantur, an vera sint nescio. Hoc scio, plerumque accidere, ut ex tam dissitis regionibus immensa cavi spirent mendacia folles. Et fuerit repertum aliquid Romanis insignibus quodammodo simile, an non quo modo Romanis in mentem venit, eodem modo Chiliensibus in mentem venire potuit, ut eadem sibi insignia facerent? *Ægyptii* quam monstrosas in Hieroglyphicis suis formas ex variarum animantium conjunctione excogitarunt ; quibus similes nec ipforum, nec ulla terra gignit ? Illud de *nummo aureo* cum effigie *Augusti* in novo orbe reperto, valde mihi suspectum est. Quam facile fuit Hispano alicui nummum secum advectum, ut ibi repertum venditare, vel lucri caussa, vel ut aliorum credulitati illuderet ? Artes illiusmodi in re nummaria veteri, ab seculi nostri usu non admodum repulsas esse, quis nescit ? *Lipsius* ipse : *Physiol. Stoic. lib. 11. dissert. XIX. O bellum impostorem & ludionem, quisquis nummum ibi abjecit ! nam aliter repertum non esse, mihi quidem liquet, nisi si Genius hoc fecit.* Nec abludit *Torniellus ad Annum 3043. p. 26.*

XL. Cur
*veterum
cum Ame-
ricanis com-
mercium
tot seculis
interruptum
fuerit,
caussa dici
non potest.*

XL. Denique si post *Augusti* ætatem Europæi homines cum Americanis habuerint commercium, ut suos eo nummos devexerint, qui factum est, ut non commercium solum illud, sed & omnis illius memoria, per tot secula interciderit ? Nam quod regnum civitatumque interdicta prætexant aliqui, ea fortassis e tergo illius chartæ inveniuntur, cui *Constantini* est inscripta donatio. Bella, vastationes, direptiones nostri hujus orbis, per *Gothos*, *Vandalos*, *Hunnos*, *Longobardos*, aliasque ex ultimo *Borea* gentes, quæ alii ut causam oblitæ *Americæ* allegant, incitassent potius, vel coegissent homines tot malorum effugium in aliis terris quærere, si eas exstare vel ipsi comperissent, vel a majoribus natu accepissent.

XLL

XLI. Porro maximum causæ huic ex eo nascitur præjudicium, quod tam ingentia vastissimi maris spatia sine magnetis ductu trajici non potuerint, fatentibus propemodum omnibus rei nauticæ peritis: & ex professo probante Fullero *Misc. lib. IV. cap. XIX.* Sed & illud a plerisque agnoscitur vix ante quadringentos annos cognitam Magnetis vim ἡγεμονικὴν fuisse. Gilbertus *libr. I. de Magnete. cap. II.* refert scientiam nauticæ pyxidulæ traductam videri in Italiam per Paulum Venerum, qui circa annum MCLX apud Chinas artem pyxididis didicit. Qui unde habuerint, equidem non habeo dicere. Quod enim ad antiquos Tyrios hæc refert *Fullerus*, qui remotissimos Indos potius, quam propinquiores nationes artem docere maluerint, ab omni verisimilitudine alienum est. Ipso *Hornio*, qui cæteroquin Phœnicum res valde amplificat, ingenue fatente, magnetis nullum tunc iis fuisse usum. *lib. II. cap. II.*

XLII. Quæ enim in contrarium a Fullero producuntur ratio-
nes, eæ quam debiles sint, nemo non videt. Non enim, quia Salomon incomparabilem rerum naturæ peritiam a Deo consecutus fuit, idcirco ipsum hoc quoque singulatim magnetis arcanum exploratum habuisse necesse est. Quis dubitat, quin multa ferioribus sint reperta seculis, societati humanæ utilissima & commodissima, quæ Salomonis ætate prorsus fuere incognita? Nisi quis ex sapientia Salomonis inferre velit, eum artis quoque typographicæ, uti nunc obtinet, peritia valuisse.

XLIII. Multum enimvero fallitur Doctissimus *Fullerus* in explicando nomine ἡρακλείας λίθου. Nam neque ab *Hercule* is lapis dicitur, neque virtus ejus ἡγεμονικὴ cognita priscis fuit. Prius Illustris docuit *Salmasius*, quem operæ pretium erit audire. *Exerc. Plin. p. 775.* ἡράκλειαν λίθον magnetem vocat *Ptolomæus*, more antiquissimorum Græcorum qui nunquam sic appellant eum lapidem qui ferrum trahit, eumque a magnete separant. Igitur ἡράκλεια λίθος vetustissimis Græcis quæstus posterioribus μαγνήτις λίθος, & magnes. Nostri hodie passim vocant *Herculeum* lapidem. Imperitissime. Nec enim ab *Hercule* nomen habet, sed ab *Heraclea*, urbe *Lydiæ*, ubi plurimus lapis ille. *Heraclius* itaque Latine dicendus, non *Herculeus*. *Hesychius*: κέκληται δὲ ὅτι ἀπὸ τῆς ἡρακλείας, τῆς ἐν Λυδίᾳ πόλεως. Unde & ἡρακλεῶτις λίθος aliis dicta. Idem de eodem lapide: διὸ καὶ Σοφοκλῆς Λυδίαν αὐτὴν καλεῖ, οἱ δὲ Σιδερίτιν, οἱ δὲ ἡρακλεῶτιν.

XLIV. Cætera doceat *Bochartus*: neque enim Doctissimo *Ful-*
Iero alios nunc opponere lubet, nisi quos ipse, si viveret, doctio-
res se lubens fateretur, ultro porrecturus herbam. Sic ergo ille:

Canaan lib. I. cap. xxxviii. Non ideo sequitur, quod contendit Vir doctus, hunc lapidem traxisse nomen a Phœnicio Hercule, cujus numen nauta invocaverint, propter vim ἡγεμονικὴν qua pollet. Neque enim ignota virtus potuit lapidi nomen facere. Ignotam autem fuisse ex eo patet, quod illius in scriptis Veterum nec vola nec vestigium est. Ait Fullerus Tyrios hoc studiose celasse, & modis omnibus ἐν ἀποπρήτοις quam cautissime habuisse. Ac si celari potuerit res, quæ semel inventa, fuisset in omnium usu promiscuo: aut navicularius clavo assidens, & ex pyxide cursum dirigens, latere potuerit epibatas, qui sæpe Græci aut Romani erant. Certe hæc viri docti sententia ne umbram quidem habet veritatis. Præterea, quis credat, rem tam necessariam semel repertam potuisse sic aboleri, ut ne vestigium quidem illius superesset? Periiit ars plumaria, ut a Fullero notatum, & ars purpuram conficiendi, quæ Tyrios olim non parum nobilitavit: sed hæc artes ad luxum potius quam ad usum pertinent. His certe carere possumus sine ullo insigni damno. At magnetica non item, cujus adminiculo nobis patuere maria clausa hætenus & in remotissima terrarum libera fuit navigatio. Quod videtur beneficium Deus in hac mundi senectâ generi humano concessisse, ut Evangelii doctrina citius & facilius per totum orbem promulgaretur. Quum itaque vastum illud mare, quod inter veterem & novum orbem interjacet, sine acus magneticæ ductu transiri non potuerit; quumque ea magnetis vis incognita fuerit tempore Apostolorum, uti utrumque jam probatum dedimus, consequitur, Apostolos maritimo itinere in Americam non devenisse.

XLV. Non constat Americam orbi nostro vel cohære, vel proximare.

XLV. Neque constat an terrestri itinere eo devenire potuerint. Magna diligentia Argonautæ Europæi & Doctissimi Geographi inquisivere, an locum aliquem invenire queant ubi America Asiæ vel Europæ connexa sit: sed quidquid periculosis etiam ausis investigaverint, hætenus desideratus ille locus repertus non est. Post celeberrimorum hominum de origine gentium Americanarum disputationes, suam edidit *Georgius Hornius*. Is expensis omnibus pronunciat, evidentibus argumentis deprehendi, Americam undique ab orbe nostro abscissam, ac magnam insulam esse: unde omnes, qui ibi sunt, mari venisse constat, nullos terrestri itinere, nisi forte per concreta glacie freta, ad fin. lib. I. Fusius eandem rem prosequitur lib. II. cap. I. asserens, si alicubi America nostro orbi vel proximat vel cohæret, necesse esse, ut id circa Cathajam & extra Arcticum circulum sit. Ibi Isthmo quodam Asiam & Americam connecti *Athanasius Kircherus* in Copto suo his verbis tradit: *Cathajam majorem per immensa spatia in extremo septentrionis angulo America Isthmo quodam conjungi ego Mathematicis*

maticis rationibus pene convictus existimo. At reponit Hornius, rationem certe istam neque Mathematicam, neque Historicam esse posse, rebus nondum plene exploratis. Plures cum Strabone Scythiam Septentrionali Oceano terminari statuunt, & consequenter abscindi ab America. Grotius: perpetuum intercedere fretum magis credo. Latius: Omnino verisimile est ad promontorium Tabin aut Catajam angusto freto continentes dividi. Conspirant Geographi, qui ei etiam nomen Anian imponunt: quæ fide & auctoritate incertum. At qui regiones illas cum cura lustrarunt, maris & Oceani, nullius vero freti meminerunt. Ludovicus Hennepin, Franciscanus Missionarius, in Nova Detektionem Americæ Septentrionalis: cap. LVII. narrat, in Septentrionalem Americam ad Istios, sitos prope illum tractum ubi collocatur fretum Anian, ex Occidente venisse legatos, qui quatuor mensium terrestre iter emensi erant, nullius freti conscii: asseverantes in immensum se extendere vasti continentis terras. At non ego credulus illi, toties vanitatis comperto. Et sic necdum Apostolis via in Americam inventa est. At, inquis, unde, & qua, post diluvium & arcam illam Noachi, ipsi homines & tot animalia eo venerunt? Fateor me nescire. Nam quod mari dicas? quam vasta ea navigatio, nauticæ rei imperitis? quis etiam tam ingentia animalia, ac quidem noxia multa, transvexerit? ea observatio inclinatur, ut finitimam olim Europæ atque Asiæ fuisse suspicer, & facilem in eam transgressum: postea divulsam, & ex partemersam: & tamen homines ibi atque animalia reliqua, quæ olim ab ea conjunctione illata.

XLVI. At de Apostolis, inepta, inquis, cura: si neque mari, neque terra; at cælo datum iter est. Fidissimi Jehovahæ interpretes salutaria jussa per auras ferre potuerunt. Facile Divino spiritui est, vel crinibus arreptos, quacunq; & quocunq; vult deferre. Vnde autem constare de ea re potest, nisi vel ex verbo Dei, vel eventu? Sed neutrum horum quidquam hujusce docet. Apostolos autem, ita prorsus, uti cæteri viatores, itinera sua tam terra quam mari instituisse, omnesque cum aliis molestias, discrimina omnia communia habuisse, naufragos etiam fuisse, & a prædonibus male habitos, sacræ nos literæ certiores faciunt. Miracula ibi prodita, humili fidei obsequio lubentes suscipimus. At alia, neque memorata, neque promissa, pro arbitrio fingere, nec pietatis nostræ, nec prudentiæ est. Eximia sane promissio illa est, quæ exstat Jes. xi: 15. Sed nec ad Apostolos ea speciatim pertinet, nec de Atlantico mari agit, nec secundum verborum proprietatem intelligenda est. Verum locutione prophetis sueta significatur, Deum omnipotenti sua

XLVI. De
miraculosa
Apostolorum
iis
sacra
literæ
nihil
docent.

366 E X E R C I T A T I O XIV.

providentia effecturum, ut omnia obstacula, ea etiam quæ insuperabilia videri possent, tollantur e medio, & populo suo via plana sit ad liberationem ibi promissam.

XLVII.
Epilogus.

XLVII. Quum itaque oracula Prophetica de regno Christi & prædicatione Evangelii, per omnes mundi nationes diffundenda, illimitatam universalitatem nec exigant, nec ferant, neque intra Apostolorum ætatem coarctanda sint: Quum Apostoli, qui sine dubio mentem Dominici mandati probe assecuti sunt, non id egisse comperiantur ut omnes sine exceptione terras peragrarent: & tamen ante absolutum ministerii sui curriculum Evangelium omni quæ sub cœlo est creaturæ prædicatum esse asseverent: Quum ex Dei erga genus humanum favore non sequatur, Evangelium omnibus, simul gentibus prædicari debere, neque id in hunc usque diem factum esse pateat: Quum ea quæ de Apostolis orbem inter se terrarum partitis Ecclesiastica tradunt monumenta, partim incerta, nonnulla parum probabilia, aliqua etiam aperte falsa sint: Quum Apostolos in Americam profectos, nullus unquam veterum dixerit: Quum nulla certa vestigia Apostolicæ prædicationis in America inventa esse non constet; & quæ ut talia laudantur, vel talia non sint, vel suspectæ fidei, vel evidenter ficta; Quum America ejus ætatis hominibus cognita non fuerit, nisi forte obscura aliqua auditione paucissimis: Quum mari adiri non potuerit ob Atlantici Oceani immensa spatia, & defectum pyxidis nauticæ: Quum terrestre iter omnibus hodie nunc nostri orbis hominibus incognitum sit: Quum Apostolos per aërem raptos, aut alio quovis portentoso modo vectos, nemo nisi sine avibus auguretur: consequitur, longe verisimilius eos disputare, qui Apostolorum in Americam profectionem improbabilem existimant, quam qui confidenter asserunt.

XLVIII.
*Solida &
pia Voëtii
observatio.*

XLVIII. Concludo magni VOËTII nostri verbis, quæ quam solida tam pia sunt. *Disput. T. I. p. 646. Nusquam in Scriptura tam V. quam N. T. Americanarum gentium mentio fit: (quamvis indefinite nomine insularum Gen. x: 5. cum aliis insularis intelligi possint) ne tum quidem quum prædictiones & historia de vocatione gentium recensentur. Nulla antiqua Geographia, nulla historia Politica aut Ecclesiastica, earum meminit. Nullius traditionis, nullius famæ παρρησιασίου, nullorum monumentorum vestigia in alterutro mundo hætenus reperta sunt, quibus de mutua cognitione & commercio, saltem olim habito, edocermur. Quod sane inter admiranda, Divina, naturalia, humana, mihi semper admodum mirabile visum est: ad quod merito exclamare liceat, ὁ ἑὸς πλέτος &c. Rom. xi: 33. Quis satis miretur, jam inde post diluvium*

lucium Noachicum , primos incolas (nam ante diluvium fuisse ibi homines non est negandum) istius mundi cum posteris suis a nostro hoc mundo ita fuisse divisos , ut nulla via tunc reperta & aperta memoria , nedum per eam itio & reditio frequentata & retenta fuerit ? Tam exigua propria salutis curam in incolis novi mundi , tam nullam in incolis veteris mundi , a quibus discesserant , superfuisse ? Nullos Prophetas & viros Dei , divulsione & discessione jam recenter facta , eo se contulisse : ne Apostolos quidem , aut eorum successores , quum jam messis illa vocationis gentium advenisset ? Gentes illas ultra tria annorum millia in viis suis ambulasse , nullo quidem vel tenuissimo lumine , saltem per reflexionem , illis apparente , quod aliis in hoc orbe evenire poterat ?

EXERCITATIO XV.

DE VITA

JOHANNIS BAPTISTÆ,

*Observationibus Historicis & Criticis
Illustrata.*

B R E V I A R I U M.

I. Ad finem vergente Herodis Ascalonitæ regno conceptus natusque Johannes Baptista est. II. Patre Zacharia ; nomine , quo Dei memoria commendatur. III. Non illo , quem Dominus trucidatum memorat inter templum & altare. IV. Neque summo , sed gregario Sacerdote. V. Quales ob multitudinem in xxiv. sunt tributi Classcs. VI. Sive ἱερευς. VII. Fuit autem Zacharias ex Classe Abiæ. VIII. Uxorem habuit Elisabet , quod incertæ originationis nomen est. IX. Eadem qui ex filiabus Aaronis & simul cognata Messia esse potuerit ? X. Uterque laudatur ut justus : atque hac occasione examinatur Cameronis sententia , statuentis צדיק illustriorem esse titulum quam חסיד. XI. ἔργα & δικαιώματα quid differant. XII. Non sine mysterio est , quod Johannes aliique eximii viri ex sterilibus & effatis parentibus nati sint. XIII. Non annuum , sed quotidianum suffitum Zacharias fecit ; non in sancto

sancto sanctorum, sed in sancto. XIV. Ut gregarius Sacerdos; forte, uti jus erat, ad id delectus. XV. Contra quam credidit Erasmus. XVI. Ipso intus agente, tota populi multitudo precabatur foris. Quod claratur ex antiquis Hebræorum ritibus. XVII. Hora suffitus, incertum matutina an vespertina, apparet Zacharia Angelus ad dextram altaris. XVIII. Cui nomen Gabriel, plurima significatione factum, non appellativum, sed proprium. XIX. Qui quum dicitur adstare coram Deo indicatur functionis eminentia: estque aliquoties adhibitus, ad ea nuncianda, in quibus potentia gratiæ Dei elucet. XX. Nunc Zacharia annunciat, exauditas esse preces ipsius, non tam privatas, quam publicas. XXI. Habiturumque filium, cujus nomen Divinitus, quod paucis accidit, prædictum, futurum sit Johannes. XXII. Quamvis admodum similia Zacharia & Abrahami verba sint, hujus tamen laudatur fides, illius increpatur incredulitas. XXIII. Puniturque sic, ut repente mutus & surdus fiat. XXIV. Quo in signo multa concurrunt notabilia. XXV. Patria Johanni fuit in montanis Juda, probabiliter Chebron, urbs antiquissima laudatissimaque: circa quam & Abrahamo promissus Isaacus est. XXVI. Prægnans Elisabeta idoneas ob causas quinque se menses occultavit. XXVII. Sexto mense invisit eam Beata Virgo; & ipsa e Spiritu S. prægnans. In quo congressu acciderunt aliqua perquam mirabilia. XXVIII. Uti apud alios multos populos, ita & apud Hebræos, moris fuit, ut qui dies infanti lustricus idem & nominalis esset. Incertum tamen ex quo tempore circumcissioni jungi cæperit impositio nominis. XXIX. Quæ conjunctio non ex mandato aliquo Dei, sed congruentia rei, orta esse videtur. XXX. In Johannis circumcissione & nominis impositione, ex impedito in Zacharia lingua usu, multa insolita. XXXI. Cui ad celebrandas Dei laudes repente reddita loquela est. Isidori observatio. XXXII. Pueritia ac juvenus Johannis in desertis exacta. XXXIII. Et quæ ad eam ætatem pertinent silentio transmissa, usque dum se ostendit Israël. XXXIV. Quod, quoto ætatis suæ anno fecerit, non liquido constat. XXXV. Idcirco abstinere tutius est ab ingeniosis quibusdam, sed parum solidis, parallelismis & synchronismis. XXXVI. In publicam prodire Johannes neque injussus sustinuit, neque jussus tardavit. XXXVII. Prædicavit in deserto, tam literaliter, quam mystice. XXXVIII. Amictus Johannis ex pilis Cameli, nec splendidus fuit, nec plane sordidus, sed vilis ac rudis. XXXIX. An illum, & quatenus, in exemplum trahi oporteat. XL. Anglicæ, quæ Johanni pro cibo erant, non arborum summitates, aut siliquas, sed locustas notant. XLI. Quibus addidit mel sylvestre; circa quod inepte se curiosos aliqui ostendunt.

runt. XLII. Credibile non est, tam superstitiose Johannem hoc cibi genus affectavisse, ut nullo unquam alio usus sit. XLIII. At vino omnique potu inebriante, ex mandato Dei, totam vitam abstinuit. XLIV. Ex quibus generatim discendum est, ut imperemus gula, nec corpus curemus ad cupiditates. XLV. Docuit Johannes, non ut Sacerdos, sed ut Propheta. XLVI. Nominatim, ut Elias. XLVII. Nam & cor Patrum ad filios, & filiorum ad Patres convertit. XLVIII. Et rebelles adduxit ad prudentiam justorum. XLIX. Mirum videri queat, quî Johannes in spiritu & virtute Elia veniens, miracula tamen patrandi facultate fuerit destitutus. L. In ejusce rei rationes inquiritur. LI. Quo sensu se Eliam, & Prophetam esse negaverit. LII. Jesaia vaticinium de voce clamantis in deserto, an Johanni recte; & si recte, an typice applicandum sit; LIII. an directe & proprie. Hoc præfertur. LIV. Summa doctrina Johannis, multum a tunc recepta discrepantis. LV. Baptismus Profelytismi ante Johannem non videtur Divinæ institutionis fuisse. LVI. At Johannis Baptismus e celo est, ad similitudinem illius qui tunc erat in usu. LVII. Quum dixit Johannes, Deum ex lapidibus posse Abrahamo excitare liberos, credibile est, eum respexisse ad veterem Historiam vel Prophetiam. LVIII. Et enigmastice innuisse vocationem gentium. LIX. Quî Johannes indignus Christi soleas portare; & an Christus soleis usus. LX. Quo sensu Christus & pone Johannem venerit, & eodem validior sit. LXI. Christus baptizavit Spiritu Sancto & igne, quando igneam spiritum abunde in suos fecit descendere. LXII. Etiam igne baptizavit; quando immorigeros cremavit igne inextincto. LXIII. Cur placuerit Christo ad Johannem venire, & baptismum ab eo petere. LXIV. Graves rationes Johanni fuere cur baptismum illum deprecaretur. LXV. Optime tamen fecit, quod tandem Christo cesserit. Sic enim utrumque decebat. LXVI. Quî hac fieri potuerint antequam Johannes Christum cognosceret: quod innui videtur Job. 1: 33. LXVII. Vera totius illius Historie series. LXVIII. Rixa discipulorum Johannis super baptismo Jesu, hominumque ad illum confluxu. LXIX. Præclarum hac occasione Johannis de Jesu testimonium. LXX. Herodes Antipas initio quidem Johannem veneratur: LXXI. attamen in incestuoso Herodiadis, qua Philippi fratris sui conjux erat, amore & connubio, sædam vitam transigit. LXXII. Ob eamque rem liberrima Johannis oratione increpitus, LXXIII. in carcerem eum conjicit. LXXIV. Non tam arctum tamen, quin discipulis ad Jesum ablegandis, indeque redeuntibus, liber itus & reditus esset. LXXV. Ut Johannes Jesum, sic & Jesus Johannem, etiam vincium, honestissimis elogiis ornat. LXXVI. Neci Johannis

occasionem dederunt natalitia Herodis (ubi disputatur, an natalitia quotannis celebrare hominem pium deceat). LXXVII. Et saltatio filia Herodiadis: incertum an gentium more, an ex sua gentis instituto. LXXVIII. Tam impense Herodi placens, ut temeraria pollicitatione ac juramento, maximis se implicuerit difficultatibus. LXXIX. Cujus juramenti obtentu Johannem in carcere decollari jussit. LXXXI. Hebraeorum de Johanne, ejusque nece, narrationes. LXXXI. Veterum Christianorum, de Herodiade, & filia ipsius exitu, apocrypha historia.

I. Ad finem
vergente
Herodis
Ascelonisæ
regno con-
ceptus na-
tusque Jo-
hannes Bap-
tista est.



Natales Herois nostri, qui post natos homines neminem mortalium ante se majorem vidit, inciderunt in tempora HERODIS, *Regis Judææ*. Luc. I: 5. HERODIS, quæquam, cognomento ASCELONITÆ, & MAGNI: distinguendi ab altero HERODE ANTIPA, filio suo, Tetrarcha Galilææ, interfessore Johannis, & illusore Domini nostri Luc. III: 1-19. XXIII: 7-11. & tertio HERODE AGRIPPA, nepote suo ex Aristobulo filio, qui Jacobum Apostolum in Judæorum gratiam trucidavit, Petrumque jam captivum pariter neci destinaverat, ipse vero ob superbiam ab Angelo percussus, mirabili & miserabili fato periit. Act. XII. Primus ille Magnusque *Herodes* gente alienigena, patre *Antipatro Idumæo*, matre *Cypro Arabe* professione *Judæus* fuit. Idumæis non ita pridem ab Hyrcano coactis cum circumcissione cunctas Judæorum leges ritusque admittente. Ad regnum autem pervenit, non, ut primi illi verique nominis *Reges*, Divini Numinis ordinatione, non, quod minimum fieri oportuit, populi electione, vel saltem approbatione atque consensu: sed *Senatus Romani* Consulto; raro prorsus, & inusitato in eum usque diem exemplo. Postquam enim honoribus omnibus exutus, & ad extremam desperationem adactus, itinere periculosissimo Romam venisset; Antonii commendatione, & Octavii assensu, commemoratis Antipatri patris, & filiorum, fratrum Herodis, in rem Romanam studius, & officiis, regno Judaico *Senatus Consulto*; præter omnem omnium expectationem, donatur: & inter Octavium atque Antonium medius in Capitolium adscendit, novusque Rex convivio ab Antonio exceptus fuit, Olympiade CLXXXIV. Cn. Domitio Calvino iterum, & C. Asinio Pollione Coss. Roma redux, post varia prælia, a *Sosio* Romanorum Præfecto adjutus, urbem Hierosolymam, post acrem septem mensium oppugnationem, tandem expugnat; devictisque hostibus, & e medio sublati regni æmulis, nullo Assamonæorum, præter miserum senem Hyrcanum, auribus truncatum, apud Parthos tunc

tunc agentem, superflite, regno denique potitus est. Invitis adeo Judæis, ut neque minis, neque tormentis, subigi potuerint, ut Regio Herodem titulo dignarentur: partim propter humilem & plebejam ejus originem, *οικίας ὄντες δημοτικῆς, καὶ γένος ἰδιωτικῆ, καὶ ὑπακούοντες τοῖς βασιλεῦσι*, quod frequenter ei exprobratum; partim propter crudelem indolem, cujus perquam multa nefandaque inde ab initio præbuit specimina, toto regni sui tempore continuanda. Erat enim, Josepho teste, quavis ex causa ad sæviendum propensissimus; quam ob rem ne ab intimis quidem amicis sanguinarias manus abstinent. Quos ex propinquis bellua ista non interemit? Socrus Alexandra; Socr Hyrcanus, suus, ut ipse in epistola ad Persarum Regem fassus est, altor atque fervator; Aristobulus affinis, Pontifex Maximus, septendecim annorum juvenis, amor ac deliciæ populi Judaici; ipsaque adeo, ut de aliis nunc taceam, dilectissima conjux Mariamne, formosissima & generosissimi animi Regina, immanis illius truculentiae miserabiles victimæ fuerunt. Sub hoc tyranno, qui rempublicam, non nisi ab indigenis Principibus hastenus gubernatam, pessum dedit, & ereptum Assamonæorum familiæ Pontificatum, in alios, quos non oportuit, scelerate contulit, vergente ad finem regno, anno fortassis penultimo, conceptus natusque Johannes noster est, veri æternique Regis ac Sacerdotis, secundum Melchisedechi ordinem, proximus futurus anteambulo, In eo enim tunc rerum statu Judæa erat, quem prisca vatum oracula delineaverant, ut Messiae adventui opportunum: recedente a Juda sceptro, pollutoque nefandis modis Pontificatu.

II. *Parentes* Johanni fuerunt ZACHARIAS & ELISABETA, insi-II. *Patre*gni sanctitatis elogio a Divo Luca honestati. Ut emphatica filiis no- *Zacharia;*mina imponantur, talia præsertim quibus ad virtutis studium, Nu- *nomine, quo*minisque excitarentur cultum, moris antiqui est. De eo genere est *Dei memo-* *ria com-*nomen *Zacharias*, זכריה, quod Hebraice notat, *Memento Domini, mendum.* Nimirum nullum est officium hoc ipso commendatu inculcatuque dignius, quodque plura in se complectitur. Si quis enim Domini, uti par est, meminerit, is tanquam Deo teste ac judice omnia sua peraget, eaque consideratione non reverenter solum Divinas res tractabit, sed & sollicitè sibi cavebit ab omni eo quod inhonestum atque illicitum est; & optimis quibusque rebus summa cum sinceritate dabit operam, habebitque quem vel ut mali vindicem revereatur, vel ut boni remuneratorem colat. Nec cassum omine nomen in nostro Zacharia fuit: qui illius meditatione excitatus, pios parentes suos voti damnates fecit, ac sublime illud sanctitatis fastigium assecutus est, de quo mox plura audiemus.

III. Non
illo, quem
Dominus
trucidatum
memorat
inter tem-
plum &
altare.

III. Cæterum, quum nomen istud cum aliis præclaris viris com-
mune habuerit, quæsitum ab Interpretibus est, an eum fortassis de-
signaverit Dominus Mat. *xxi* 11: 35. *Ut veniat super vos omnis sanguis*
justus, effusus super terram, a sanguine Abel justus usque ad sanguinem
Zachariae, filii Barachiae, quem occidistis inter templum & altare. Non
defunt qui ita opinentur. Vetus exstat traditio, quam habet *Prot-*
evangelium Jacobi, & *Petrus Alexandrinus* in *Canone*, Zachariam hunc
nostrum a servis Herodis interfectum, quod filium cum matre latitan-
tem, dum ab Herode ad necem quærebatur, prodere recusaverit.
Cui & altera superstruitur, ne miraculo ea res careat, qua dicitur,
sanguinem ipsius instar lapidis concretum in limine remansisse. Acce-
dit & tertia, quæ invenitur apud *Origenem Tractat. in Mat. xxvi. Ba-*
siliium Homilia-xxv. Gregorium Nyssenum, Cyrillum Alexandrinum, Theo-
phylactum, aliosque, narrantes, locum in Templo fuisse, medium
inter Altare & Templum, quo virgines oraturæ secederent: in quem
quum pedem quoque penetrare, post salutiferum Filii Dei partum,
Maria niteretur, repulsam ab iis tulisse qui peperisse sciebant: Za-
chariam vero, qui illæsam illius virginitatem tuebatur, ut manife-
stum legis violatorem, fuisse trucidatum. Alii denique viri docti
sunt, qui, quamvis Zachariam hunc nostrum significari putent, neu-
tram ex allatis veram mortis causam fuisse contendunt; sed prædi-
ctionem de instante Urbis & Templi vastatione. Cæterum, si quod
res est dicere licet, omnia ista otiosorum hominum commenta sunt,
idonea auctoritate, ipsaque adeo verisimilitudine, destituta. Nam &
mors violenta Zachariæ nostri ficta est, nulla teste historia: & causæ
mortis vanæ sunt: nam edicto Herodis de trucidandis infantibus non
includebatur Johannes, qui non in Bethlehem & confinio ejus, sed
in montanis Judæ, in domo paterna, educabatur: & in Templo
Hierosolymitano singularem locum virginibus oraturis destinatum
fuisse, nec sacri Scriptores, nec Josephus, nec Hebræorum Magistri
testantur, quidquid Veterum Christianorum aliqui scriptitaverint.
Confer *Isaaci Casanboni Exercis. i. ad Apparatum Baronii. cap. xxi. ad*
ann. xlix. Nuspiam quoque Zachariæ nostri de Templi destructio-
ne vaticinium memoratur. Optime *Hieronymus ad Mat. xxi* 11. Alii
Zachariam patrem Johannis intelligi volunt: ex quibusdam Apocryphorum
sonnis approbantes, quod propterea occisus sit, quia Salvatoris prædicave-
rit adventum. Hoc, quia de Scripturis non habet auctoritatem, eadem
facilitate contemnitur, qua probatur. Longe itaque probabilius est,
dictum Domini ad Zachariam *Josada* filium referre, nisi quis de *Za-*
charia Baruchi filio, cujus historiam *Josephus* habet, de *Bello Jud.*
lib.

lib. v. cap. 1. cogitare malit. Qua de re alibi a nobis fusius & accuratius disputatum est. Vide *Miscellanea nostra lib. 1. cap. xx. §. XIV--*. Confer *Hammondum in Mat. xxiii: 35. & Baron. Annal. T. 1. ad An. 1. num. LII. & seq.*

IV. Zachariam hunc officii ratione ^{ipsa} Sacerdotem vocat Lucas. ^{IV. Neque} Veterum aliqui, elogio isto non contenti, ^{Summum fuisse Sacerdotem summum, sed} tradunt. In his sunt *Ambrosius, Augustinus, Euthymius, Beda*, alii. ^{gregario} Præcipua, qua nituntur, ratio est; quod arbitrentur, Zachariam ^{Sacerdos.} cum suo suffitu introivisse in ipsa Adyta, quo pedem inferre, præter Pontificem, nemini licuisse constat. Hebræis quoque in *Chronico Regum Templi secundi*, & in *Zemach Part. 1. An. 3730*. Johannes, ejus filius, dicitur *R Jocaban כהן גדול* SACERDOS MAGNUS: quam dignitatem, si habuit, hæreditariam habuisse plus quam probabile est. Cæterum grandior est ista hallucinatio, quam ut patronos hodie inveniat. *Josepho Scaligero Canonum Isagogicorum lib. III. p. 307.* ita de hac re scribere lubuit: *Jam Zachariam Summum Pontificem fuisse, qui de plebe Sacerdotum, & de statione Abiæ fuerit, hoc velle consutare, quo genere scribendi multum vexantur hodie aretalogi, id vero fuerit non de suo otio tantum, sed etiam de aliorum judicio ludere, quum hodie ne levi quidem aura historia sacra afflati hoc credant: non magis quam Joannem ipsum Baptistam Summum Pontificem fuisse.* At non ita mortalium omnium comparata sunt ingenia, ut dictatoriæ istiusmodi auctoritati cedant. Nos sedato animo quid rei sit videamus. Errasse circa Zachariæ Pontificatum Veteres, hinc demonstratur: non solum, quod in laterculo Pontificum, quem ex Josepho summa accuracione confecit *Seldenus, de Success. in Pontif. cap. xi.* nullus circa hæc tempora Zacharias exstet; Joazarus vero Simonis Boethi filius, & Herodis uxoris frater, Pontificatu tunc functus sit, qua de re consuli potest *Petavius, de Doctrina Temporum lib. x. cap. lv.* sed vel maxime, quod hypothesis ista Lucæ narrationi manifestè repugnet. Solet Lucas, quoties de Summo Sacerdote loquitur, eum ^{ἀρχιερα} vocare. *Luc. III: 2. Act. IV: 6. xxiii: 2.* Hic autem simpliciter ait, *igitur*; neque simpliciter, sed & addito pronomine *τῆς*; qua locutione apud Lucam nusquam, fortasse nec alibi apud probatum aliquem Scriptorem, Summus Sacerdos, cujus tanta fuit præ reliquis eminentia, designatur. Accedit, quod Zacharias referatur ad *Classam Sacerdotalem Abiæ*: Summus autem Sacerdos Classibus omnibus erat superior, & sacris operabatur, quibus & quotiescunque vellet. Porro nullius efficacæ allegata pro hac hypothesis ratio est. Neque enim agit Lucas de *suffitu annuo*, die expiationis inferendo in Sanctum Sanctorum, per solum Sacerdotem Summum; sed de *suffitu quotidiano*,

adolendo ad aram inauratam, in Sancto, per gregarium Sacerdotem, cui functio ista sortito obtigerat, uti fufius suo loco demonstrabitur. Quæ observatio de sorte, Summi Pontificis figmentum valide refutat. Ei enim, & quidem soli, ex Divina jussione, introitus cum suffitu in locum sanctissimum erat mandatus: & nequaquam super ea recum aliis Sacerdotibus sortiendum. Hanc inextricabilis argumentationis, uti merito eam nuncupat Baronius, vim eludere conatus Beda, fingit, sortem, cujus meminit Lucas, non referendam esse ad incensum, sed ad ipsam Summi Sacerdotii institutionem, quasi sorte ad istam dignitatem destinatus Zacharias fuerit. Verum invito Luca, cujus verba interpretationem illam minime patiuntur: invita etiam omni historia. Nam neque ex Divino instituto, neque ex moribus Judæorum, neque ex corruptione temporum, in eum usque diem usu venerat, ut Summus Sacerdos sorte unquam designatus fuerit. Josephus, qui omnium istius ætatis Pontificum successionem, cum nefandis quibus aliquoties acquisita est sceleribus, accurate tradit, semel duntaxat tantum nefas contra legem admissum fuisse, paullo ante internecionem Hierosolymæ, testatur. *de Bello Jud. lib. iv. cap. v.* Nimirum Vespasiano Judæam exercitu suo afflicte, sceleratorum latronum factio, quæ Zelotarum sibi nomen sumserat, vi publica deposito redactoque in ordinem Anania Sacerdote Summo, successorem sorte delegit: fors autem exiit, Phani cuidam, propter rusticitatem, quid Pontificatus esset, penitus nescienti. Quod Sacerdotes procul spectantes, legem tam nefario ausu ludibrio haberi, calidis lacrumis deplorabant. Denique cur Hebræi quidam Scriptores Johannem Zachariæ filium, Sacerdotem Magnum dicant, ipsi viderint. *Jacobus Altingius*, post *Drusium*, sic interpretatur, ut fortassis Zacharias caput fuerit τῆς ἱερουσαλὴμ Abiæ, eoque nomine ἀρχιερεὺς vocatus, a quo eadem appellationis dignitas ad unicum filium transiverit. Vide *Schilo. lib. iv. cap. xxiv.* Cæterum, quum id quoque prorsus incertum, & quia indictum Lucæ, non admodum probabile sit; ego Hebræis, quos pessimos historiæ magistros esse scio, sua relinquere, quam quæsitæ ac parum solida interpretatione juvare eos malo. Suffecerit nobis, Zachariam ordinarium Sacerdotem fuisse.

V. *Quales
ob multitu-
dinem in
xxiv sunt
tribus
Classis.*

V. At cujus ordinis? Non sinit nos hoc ignorare Lucas: τῆς ἱερουσαλὴμ Abiæ, *Ex classe Abiæ.* Quod ut recte intelligatur, res ab initio quidem, at breviter, repetenda venit. Postquam in *Aaronis* familiam omne Israëlitiçi sacerdotii jus illatum est, fatali calamitate extinctis *Nadab & Abihū*, remanserunt duo filii, *Eleazar & Ithamar*, in quorum posteritate continuari Sacerdotium oportuit. Filiis autem ipso-

ipſorum in immenſum multiplicatis, uſu compertum eſt, ſingulis in ſacrorum munerum functione inveniri non potuiſſe locum. Res ipſa itaque ſuaſit, ut in certas diſpeſcerentur Claſſes, ſuis ſingulas vicibus ſacris operaturas. Moſen ipſum binas hæſce familias in Claſſes tribuiſſe, ſive VIII, quod quidam volunt, ſive XVI, quod alii, Rab- bini tradunt, & ex iis *Seldenus, de Succ. in Pontif. cap. 1.* Succedente tempore XXIV Sacerdotum Claſſes conſtituit David, ut ex Eleaſari poſteris eſſent XVI, ex Ithamari VIII. 1. Chron. XXIV. Eamque par- titionem confirmavit Salomo 2. Chron. VIII: 14. Claſſes iſtæ, per vices ſingulæ ſuas, veniebant Hieroſolymam, ſacrisque per integram dierum hebdomadam operabantur: functione incipiente a Sabbati ma- tutino, & deſinente in ſequens Sabbatum. Multiplicato numero ſep- tenario per XXIV, conſcitur ut elapſis 168 diebus uniuſcujuſque Claſ- ſis ordo rediret. Attamen per tria celeberrima feſta, Paſchatis, Pen- tecoſtis, & Scenopegias, omnibus Claſſibus fas fuit ſimul ſacra in Templo obire: illa præſcriptione, ut votivas ſpontaneasque hoſtias, & jugia ſacrificia illi duntaxat curarent, quorum tunc functio recur- rebat in orbem. Præcipua hujus inſtituti ratio, quod & initio monui, incredibilis propemodum Aaronicæ familiæ multitudo fuit, quæ in tantam excrevit frequentiam, ut omnes ſimul officio fungi non poſ- ſent. Si Talmudicis, ſupra fidem res ſuas amplificantiſ, ſtare li- beat liceatve, minima Claſſium, annotante ex *Taanit Lightfooto*, pro- duxit OCTUAGIES QUINQUES MILLIA SACERDOTUM. Eam ob rem neceſſe fuit ſingulis ſuas assignare vices: cum ad evitandam conſuſio- nem, tum ne pauci totum munus cum honoribus ad ſe traherent, cæ- teris neglectis & deſidia torpentibus.

VI. Stata iſta functionum Sacerdotalium tempore Hebræis dicun- tur שמרות, 1. Chr. XXVI: 12. 2. Chr. XXXI: 16. Nehem. XII: 30. ἱερωμασίας. Ubi Græci habent ἱερωμασίαν, uti & in aliis locis compluribus. Joſe- phus utitur voce ἱερωμασίας. Cujus appellationis rationem atque ori- ginem erudite expoſuit *Ludovicus Cappellus*. Summa eorum, quæ pro- lixiſ ab eo diſputata ſunt, huc redit. Attica omnis in decem φυλάς tribus diſtributa fuit. Ex unaquaque tribu ſorte delecti ſunt quin- quaginta viri, qui Senatum conſtituentes πρυτάνεις dicebantur, & per vices diem ſinguli unum imperabant. Et quia ipſorum ἀρχὴ erat ἱερωμασίας unius duntaxat diei; hinc tam dies quo unaquæque tribus imperabat, quam quinquaginta illi πρυτάνεις per dies ſingulos alii aliis ſucceden- tes, ἱερωμασίας vocabantur. Quoniam itaque magna fuit ſimilitudo in- ter illas tribuum Atticarum ἱερωμασίας, & Sacerdotum Hebræorum διατάξεις, hinc Græci has quoque ἱερωμασίας dixerunt. Quamvis nota- bile

bile hoc intercederet discrimen, quod *πρυτάνεις* Attici die tantum uno imperarent (cui rei significandæ aptissimum *ἱερμερίας* nomen est,) Sacerdotes autem Hebræi integram, ut dixi, hebdomadam ministrarent; quod minus commode *ἱερμερίας* vocabulo exprimi videtur. Est enim *ἱερμερία* proprie ἡ τῆς ἡμέρας λειτουργία, *diurnum ministerium*. Usu tamen obtinuit, ut *ἱερμερία* tam functionem certo & exiguo tempore circumscriptam, atque ordine redeuntem, quam ipsam Familiam sive Classē Sacerdotum, denotaret.

VII. *Fuit autem Zacharias ex Classē Abie.*

VII. Erat autem Zacharias ex Classē ABIÆ; quæ ex Davidis sortitione octava ordine fuit. 1. Chron. xxiv: 10. An ordo iste sine ulla successionis perturbatione, a Davidis ætate ad novissimam Templi per Romanos destructionem, constanter observatus, an sæpius turbatus sit, disputant Viri longe doctissimi. Cum *Josepho Scaligero in fine Appendicis ad Libros de Emendatione Temporum, & Can. Isagog. libr. III. p. 303.* inturbatam successionem vehementer propugnat *Grotius, splendidissima orbis literati sidera.* Negant alii, nec suis destituti argumentis. Quam controversiam decidere nec opis nostræ, nec instituti nunc est. Videat qui vult *Selden. de success. in Pontif. cap. 1. Ligbfootum de ministerio Templi. cap. vi. Cartwrighti Mellisc. lib. II. cap. VII. Sculteti Exercitationes Evangelicas, lib. I. cap. VII. Spanhemii Dubia, Par. II. p. 221. Voetii Disputationes, Tom. II. p. 42.*

VIII. *Uxorem habuit Elisabet, quod incertæ originationis nomen est.*

VIII. Zacharias iste uxorem ELISABETAM habuit, unam ex filiabus Aaronis. Quod Græce scribitur *Ελισάβετ*, id Hebraice scribi *עֲלִישֶׁבֶת*, post magnos Auctores, secure a plerisque creditum est. Nomen, quod & Aaronis uxori fuit: notatque *Dei juramentum*. Et ne hic quidem nomini deesse omen, æque ac in Zacharia, Viri præstantissimi observarunt. Nam profecto, dum ex Elisabeta filium, Messiae præcursores, suscitavit Deus; ostendit se *memorem fuisse juramenti Abrahamo facti. com. 72. 73.* Cæterum dubitare nefas non est, satin hæc sint solida. Non enim temnenda videtur doctissimi Clerici *ἡγλη*. Si exprimere Græci voluissent vocem *עֲלִישֶׁבֶת*, dixissent potius *Ελισαβή*, vel *Ελισαβή*. Quid ni itaque existimemus, Hebraice sonuisse *עֲלִישֶׁבֶת* *Deus meus Sceptrum*, vel *עֲלִישֶׁבֶת* *Deus meus requies*. At si verum dicere volumus, pleræque id genus originationes, earumque rationes, oppido incertæ sunt.

IX. *Quod ex filiabus Aaronis & simul cognata Messia esse putaverit*

IX. Omisso itaque nomine ipsam attendamus: atque id primum, quod fuisse dicatur *ex filiabus Aaronis*, familia Sacerdotali. Quod additum, ad nobilitatem Johannis ex utroque sanguine commendatam. Cæterum non parvam creat difficultatem. Si enim *ex filiabus Aaronis* fuerit, qui fieri potuit, ut eadem *cognata Maria foret*: quod asseritur *com.*

com. 36. quum constet Mariam ex tribu Judæ , & Davidis familia, fuisse prognatam ? si quidem verum sit, quod multi credunt, interdictum Israëlitis Divina lege fuisse Num. xxxvi: 6. ne extra suam quisque tribum uxorem ducat. Ad quam difficultatem tollendam observant multi, exemptos ea lege fuisse Sacerdotes. Certe Levit. xxi: 7. muliere quidem *meretricia*, *profanata*, & *repudiata* iis interdicatur; casta Israëlitis ex alia tribu non interdicatur. Adde, quod talium connubiorum in laudatissimis etiam Sacerdotibus exempla existant. Aaronem ipsum taceo, qui *Amminadabi filiam*, *sororem Nabessoni* Exod. vi: 22. *principis filiorum Judæ* 1. Chron. ii: 10. uxorem duxit. Hoc enim matrimonium lege lata antè est. At supra exceptionem omnem est, quod *Jojada*, vir sanctissimus, idemque *Sacerdos Maximus*, non existimaverit sibi nefas esse, *filiam Regis Joram*, ex *Judæ* tribu, & *Davidis* domo, in matrimonio habere. 2. Chron. xxii: 11. Quod enim de Pontifice dicitur Levit. xxi: 14. *Virginem e populis suis ducito uxorem*; id *Philo* quidem lib. ii. de *Monarchia*, adstringit ad eandem tribum, ut sit *ἡ ἑστὴ ἐξ ἑπτῶν*, *ἡ δὲ ἐν μιᾷ ὀνείας*, *καὶ τὸ πρῶτον τὴν αὐτὴν ἀματὸν ὧσιν ὁ νόμος τε καὶ νόμον* puella sacerdos ex sacerdotibus, adeo ut sponsus sponsaque sint ex una domo, & eodem quodammodo sanguine. At neque Lex Divina id habet, neque Josephus, aut Talmudistæ. Non fuit Pontifex ulli tribui alligatus, modo virginem Israëlitem duceret: sive, ut apud Ezechielem est xliv: 22. *virginem e semine domus Israëlitis*. Hoc est *יבנד*, *e populis suis*. Ex hac hypothesi fieri potuit, ut aliquis majorum Elisabetæ, Aaronides, uxorem sibi ex tribu Judæ sumserit, Mariæ parentibus cognatam. Et sic difficultas evanescit. At pergo ulterius. Legem universalem de matrimoniis extra tribum non contrahendis nusquam locorum invenio: sed bene contraria sanctissimorum virorum exempla. Certe *David Judeus*, filiam habuit *Saulis Benjaminitæ*. Neque de tribuum distinctione cogitavit Caleb, quum *civis percutienti & capienti urbem Sephir* filiam suam *Acsam* in uxorem pollicebatur. Jud. i: 12. Quod autem Num. xxxvi: 6. præcipitur, est determinatio specialis casus in virginibus *ἐπικληροῖς*, ad quas, omni virili stemmate defuncto, tota paterna hæreditas devoluta est, quarum matrimonia non solum suæ tribus, sed & suæ familiæ hominibus adstricta erant. Nihil itaque obstat, quo minus aliquis ex Mariæ majoribus, Davidis domo oriundus, scæminam sibi, ex tribu Levi, & Aaronis familia desponsaverit, quæ Elisabetam propinqua cognatione attingeret. Adeo pugnantia non sunt, esse ex *filiabus Aaronis*, & esse *cognatam Beata Virginia*.

X. Uterque
laudatur
ut iustus:
atque hac
occasione
examinatur
Cameronis
sententia,
statuens
צדיק
illustriorem
esse titu-
lum quam
חסיד.

X. Illustri encomio tam Zachariam quam Elisabetam ornat Lucas com. 6. *Erant autem iusti ambo in conspectu Dei, incedentes in omnibus ταῖς ἐντολαῖς καὶ δικαιώμασι mandatis & constitutionibus Domini inculpate.* Animadversionem suam meretur doctissimi Cameronis observatio. Ex cuius mente Hebraice צדיק *sanctum & religiosum* significat; estque illustrior titulus quam חסיד, quod simpliciter *pium & probum* notat. Et חסיד etiam *plebejus*, modo probi sint, tribuitur; at צדיק non nisi *eminentioribus*. At pace Viri eximii dicere liceat, in hac observatione eum tam a Scriptura, quam a Rabbinis destitui. Scriptura an multum distinguat inter צדיק & חסיד vix dixerō. Vi vocis צדיק δίκαιος eum notare videtur qui est innocens, habens jus standi in iudicio, immunis a condemnatione, & qui operam dat virtuti, sincere & serio recta faciens. Sic Noachus fuit אִישׁ צָדִיק תָּמִיד *vir iustus integer*. Gen. vi: 9. חסיד est ὁσῖος, ἀγαθός, studiosus boni ex boni amore, religiosus, zelans pro lege. Et profecto præstantissimis hominibus, ad designandam eorum præstantiam, tribuitur Psal. lxxxvi: 2. *Custodi animam meam, כי חסיד אני quia pius sum.* Ps. iv: 4. *Scitote quod separaverit sibi Jehova חסיד τὸν ὁσῖον.* Sic & Moses de Levi Deut. xxxi: 11: 8. *Tummim tui & Urim tui לאיש חסידך viro studioso tui.* Denique hoc titulo ipse se honestari Christus credidit Ps. xvi: 10. Nec ullo, quod sciam, ex sacris exemplo probari potest, vocem צדיק δίκαιος illustrioris significationis esse. Ad Rabbinos ubi deventum erit, patebit clarissime τὸν חסיד τῷ צדיק præferri. צדיק ipsis est העושק בתורה *qui studet legi*. חסיד autem כרבית חסיד *qui studet auctario legis*. Vide sis prolixè hæc deducentem Scaligerum in *Elencho* cap. xxii. Adde Drusium de *Trib. Sect. lib. i. cap. xi*. Ubi hæc ex Hebræis habet: *Non vocatur חסיד nisi qui non peccavit cunctis diebus suis מעקרו a radice sua.* Et, *dignitas חסיד sancti est supra timentem Dei.* Eodem recidit Cocceji observatio ad Deut. xxxi: 11. §. 1613. *Dicunt Hebræi per חסיד significari תוספת משרות חסיד accessionem vel cumulum boni intralinearum iudicii.* *Omne enim quod fas, quod purum, quod decorum conscientia proponit, hoc amare, hoc conari, & alteri velle, & enixe procurare est Chesed: & qui hoc agit Chasid dicitur: & ad Deum Chasid Jehova, qui quod est rectum in oculis Dei id enixe vult, & facit: non qui propter iram hoc & illud malum omittit, & a lege præceptum facit.* Notissima etiam hominum in tres classes tributio est. I. רשעים *Impiorum*, qui dicunt proximo, *Tua mea sunt, mea autem sunt mei solius.* II. צדיקים *Iustorum*, quorum hæc est oratio, *Tua tua sunt, & mea mea sunt.* III. חסידים, ὁσῖον, ἀγαθόν, *Sanctorum*, qui sic loquun-

loquuntur, *Mea tua quoque sunt, at tua tui solius* Et sunt majorum gentium Interpretes, qui eo respexisse Paulum credunt Rom. v: 6, 7. ubi distinguere videtur ἀσεβείς, δίκαιός & ἀγαθός. Cæterum ita hæc a me annotata funto, ut nihil derogeretur laudibus Cameronis, nihil deteratur virtutibus Zachariæ & Elisabetæ.

XI. De quibus vix quidquam præstantius testari Divus Lucas XI. potuit, quam quod justi fuerint *in conspectu Dei*, hoc est, sine ulla ἔντολαι simulatione ac fūco. Quum enim Deus corda & scrutetur & libret, & δίκαι-
placere ipsi nil potest quod non sincerum sit ac solidum. Quod ad-
ditur, fuisse ἀμείψτους *inculpatos*, facile largior Grotio ad homines
commode referri; ut indicetur, non conscientiam tantum puram
illis fuisse, sed & famam integram. Prorsus sicut Paulus, προνοή-
μοι καλὰ ἔμμενον ἐνώπιον κυρίου, ἀλλὰ ἐνώπιον ἀνθρώπων. 2. Cor. viii: 21.
Confer Phil. iii: 6. Sed non æque expeditum est, an & qua ratio-
ne distinguantur αἱ ἐντολαί, & τὰ δικάϊωματα τῷ κυρίῳ, in quibus in-
cessisse narrantur. Grotius, quem modo laudavi, attendi jubet ad
Deut. iv: 40. Ubi in Hebræo est מִצְוֹת וְחֻקֵּי וְדִבְרֵי מִשְׁפָּט.
Lxx habent, καὶ φυλάξῃ τὰς ἐντολάς αὐτῆ καὶ τὰ δικάϊωματα αὐτῆ. Af-
sentitur autem Hebræis, existimantibus voce מִצְוֹת quam δικάϊωματα
vertunt Hellenistæ, indicari ea, quæ generaliter Lex præscribit,
qualia sunt quæ æquitatem in se naturalem continent. Nam & ita
Paulus loquitur, ἵνα ἐν ἡ ἀκροβυστία τὰ δικάϊωματα τῷ νόμῳ φυλάσῃ.
Rom. ii: 26. Proinde ὁρίκη ἐντολάς, aut, ut alibi vertunt Lxx,
νόμιμα, cum eisdem Hebræis interpretatur speciales illas determinatio-
nes quæ *jus positivum* vocari solent, quippe quum & Paulus idem jus
vocet νόμον ἐντολῶν. Eph. ii: 15. Fatetur interim non observari per-
petuo hoc discrimen. Nam & ἐντολάς vocari præcepta morum, uti
Mat. xix: 17, 18. xxii: 36, 37, 38. & δικάϊωματα quædam quæ
ad ritus pertinent, uti Hebr. ix: 1. Hanc tamen, quam dicit, ma-
xime receptam & propriam putat esse vocum interpretationem. At
longe aliter instituit Venerabilis Beza: notans, vocibus Hebraicis
מִשְׁפָּט וְחֻקֵּי, מִצְוֹת respondere hæc Græcas, ἔντολάς, δικάϊ-
ωματα, κρίματα. Unde colligit, probabilem sibi videri eorum opinio-
nem, qui, quoties ista conjunguntur, τὰς ἐντολάς exponunt eam le-
gis partem, quam *Moralem* vocant: δικάϊωματα vero sacros ritus, to-
tamque adeo *Ceremonialem* Legem: κρίματα denique eam partem,
quæ ad civilem politiam & forenses controversias pertinet, quam
Judicialem appellant. Atque hac distinctione posita, subjungit, ma-
nifestam esse causam, cur Lucas non solum mentionem fecerit τῶν
ἐντολῶν, sed & τῶν δικάϊωμάτων; quia nimirum Zacharias unus erat ex

Sacerdotum principibus : item cur tertiam Legis speciem præterierit ; quia videlicet judicia , maxima ex parte , penes Romanos erant. Ab utroque dissentit *Ligtfootus* , in *Horis ad hunc locum* , qui , quamvis observet **דקיק** & **דקיק** frequentissime a Græcis reddi *δικαιώματα* , quod , vice plurium exemplorum , satis patet ex Psalmo cxix. ubi plus vices id usu venit : attamen æquo forsan curiosius esse credit , *ἐντολὰς* ad Decalogum referre , *δικαιώματα* ad præcepta Cerimonialia. Quod mihi non improbatur. Vix enim ex sacris literis trium istarum , tam Hebræarum quam Græcarum vocum , determinata distinctio demonstrari potest ; quum promiscue sæpe usurpentur. Fortassis omnia Dei mandata & **מצוות** *ἐντολὰς* dici possunt propter *præcipientis auctoritatem* , & **דקיק** propter *definitionem* & *determinationem* , quippe quibus nihil addere aut demere liceat , & **דברים** *κρίματα* , quod sint *regula judicii* ; & *δικαιώματα* quod sint certa omnis *justitiæ norma*. Omissa itaque scrupulosiori vocabulorum distinctione , ad Zachariæ & Elisabetæ laudem sufficiat , quod in quibuscunque legis Divinæ mandatis , sine ulla ullorum exceptione , constanter ambulaverint. In *omnibus* , dico : qui enim in aliquibus tantum morem Deo gerere instituit , aliqua vero eximit , quæ suo sibi arbitrato agat , is non Deo paret , sed sibi placet. Veræ obedientiæ fundamentum est præcipientis auctoritas : quæ quum in omnibus præceptis eadem sit , cuncta etiam ex æquo obligare censendum est. Quibus tamen ex verbis ab omni illos peccato immunes fuisse concludere non licet. Nam & ipse Evangelista incredulitatis *ἀμαρτήματα* in Zacharia notat. Certe magni Ecclesiæ soles , eclipses suas , & vel fidei , vel sanctitatis , vel patientiæ deliquia quandoque passi sunt : ut omnes in perpetuo lucentem justitiæ solem Christum intenti , inde luminis sui constantiam quotidie petant.

XII. Non
sine myste-
rio est ,
quod Jo-
hannes alii-
que eximii
viri ex ste-
rilibus &
effatis pa-
rentibus
nati sunt.

XII. Tales quum essent Zacharias & Elisabet , prole tamen diu caruerunt : nam & *Elisabeta sterilis erat* , & *ambo jam provecti ætate*. com. 7. Pollicitus quidem cultoribus suis in lege per Mosen lata Deus est , quum aliarum rerum felicitatem , tum & lætam florentemque sobolem. Exod. xxi 11 : 26. Deut. vii 14. & alibi. Neque tamen , ut eleganter commentatur *Grotius* , id impediit , quo minus Deus , legis suæ dispensator & arbiter , interdum piorum patientiam , ut aliis adversitatibus , ita & infæcunditate experiretur ; majora interim illis bona præstans intra animum , quam externa erant quæ negabantur. Nota sunt steriliū foeminarum exempla , Sara , Manœ uxor , Anna uxor Elcanæ , aliaque. Quod probro ipsis verti solebat. Populus enim ex rebus externis cuncta dijudicans , quamvis in vita ipsarum

ipsarum nihil haberet quod reprehenderet, facile in eam suspicionem ex negata sobole incidit, latentem aliquam culpam hærere. Cæterum id præcipue nostra nunc observatione dignum esse videtur, quod aliquoties Deus ex parentibus natura atque ætate sterilibus eos nasci voluerit, quos in eximios Messiae, ex virgine prodituri, typos destinaverat. Hujus enim rei, quum non nisi unicum in Christo deberet esse exemplum, vix melior cogitari potest præfiguratio, quam nativitas ex parentibus sterilibus & effœtis. Notetur illud in Isaaco, Simsone, Samuele, nostroque Johanne.

XIII. At quantum humanis Divina sæpe distant consilia! Om-^{XIII.} ^{Non} nem suscipiendæ prolis spem dudum animo exuerat Zacharias. Ve-^{annum, sed} rum vice sua sacris operanti, inopinato apparet Angelus Gabriel, pio^{quotidia-} seni, præter expectationem, & supra vota, mirabilis filii nativita-^{num suffi-} tem promissurus. Accidit id, ^{sum Zacha-} quo tempore secundum ritum functionis^{rias fecit,} sacerdotalis sortitus fuerat suffitum faciendi munus, & ingressus erat in^{non in san-} templum Domini. Jusserat Deus ex variis aromatibus fragrantissimis^{cto sancto-} suffitum confici Exod. xxx: 34. rite sibi adolendum: ^{rum, sed} semel quotannis^{in sancto.} in sacrario intimo, per Sacerdotem Summum, illiusve, si pollui ipsum contingeret, vicarium; *bisque quotidie*, in sacrario exteriori, semel mane, vesperique semel, per Sacerdotem sorte delectum. Ad quotidianam suffitionem, si qua sit Judæis fides, tres adhibiti fuere Sacerdotes. Primo id negotii datum ferunt, ut cineres aræ inauratæ, in sanctuario positæ, in aureum quoddam vas congereret. Alteri ut candentes prunas, ex ara victimaria petitas, & batillo cuidam inditas, aræ auratæ admoveret. Quibus duobus sancto egressis, tertius, jam aræ adstans, a Præsede foris stante monitus, suffitum e thuribulo manu sumtum in aræ focum porriciebat. Quo facto & ipse exibat templo. Ita tamen, ut prius corpore versus intimum adytum summa cum reverentia inclinato, Dei nomen adoraret. Vide *Or-
tratum de Sacrific. lib. I. cap. VIII.*

XIV. Ea nunc provincia Zachariæ obtigisse videtur: & qui-^{XIV.} ^{U-} dem sorte. Quæ ita intelligenda sunt, non ut fors respiceret familiam^{gregarium} five Classẽ alteri successuram, (de eo enim jam erat constitutum) ^{Sacerdos,} sed Sacerdotes cujusque familiæ, ut singuli scirent, quænam sibi par-^{sorte, nisi jus} tes forent demandatæ. Omnia enim in ministerio quotidiano sorte^{erat, ad id} delectus. distributa sunt, tum Sacerdotibus, tum Levitis: quis holocaustum offerret, quis pacifica, quis mane, quis vesperi, quis sacrificium jugularet, quis sanguinem effunderet, quis altare excineraret, quis suffitum faceret. Quod illi præ cæteris sorte experiebantur, qui nunquam thymiama obtulerant; ut excluderetur nemo. De quibus rebus

prolixè & doctè agit *Ligtfootus de Minist. Templ. cap. ix.* Valde autem expetebant Sacerdotes, ut suffitum sibi facere liceret, quod com-
pertum esse crederent omnia iis bene & ex animi sententia succedere
quibus id contigerat. Itaque ut plures! ejus felicitatis fierent parti-
cipes, sorte delecti sunt. Quæ quum ita sese habeant, palam est in
manifesto eos errore cubare, qui de annuo suffitu, in die Expiationis
faciendo cogitant; indeque colligunt Zachariam vel Pontificem
fuisse vel saltem illius vicarium.

XV. Con-
tra quam
credidit
Erasmus.

XV. In iis est, quod nollem, magnus *Erasmus* noster; cui in
Paraphrasi sua ita commentari lubuit. *Quum Zacharias sacerdotii mu-
nere fungeretur, jamque, ex more, sorte deligendus esset, qui introiret in
secretissimum Templi secessum (quo nemini fas erat ingredi præter Ponti-
ficem, aut hujus loco designatum) ex præscriptis odoribus, stacte, onyche,
galbano ac thure pellucido, sacrum suffitum poneret in altari quod erat in
secreto Templi recessu.* Profecto si nostra ætate vixisset Erasmus, non in
eum commentatus esset modum. Plurimi enim hic occurrunt & concur-
runt errores. Error est, vel Pontificem, vel illius vicarium, sorte ad ob-
eunda sibi munera esse electum. Error est, altare suffituum in secre-
tissimo fuisse templi recessu. Error est, Pontificem expiationis die sa-
crum suffitum, isti diei proprium, posuisse in altari. Nam sinistra
thuribulum suffitus pugillo, dextra batillum prunis candentibus re-
fertum tenens, in adytum intimum penetrabat, batilloque de manu
posito, suffitum in prunas porriciebat, adyto densa nube replendo.
Denique nullo prorsus argumento vel constat, vel probabile saltem
fit, diem, quo hæc acciderunt, magnum illum expiationis diem fuisse:
quod credibile est, Lucam aliquo saltem indicio fuisse moniturum.
Contrarium vero sic conficit *Ligtfootus*, in *Harmonia iv Evangelista-
rum*: Sacerdotum Classes, vel a tempore quo primum cultus in
Templo celebrari occæpit, vel ab initio anni Ecclesiastici, vel Civi-
lis, vel ab aliquo trium festorum maxime solennium, vices suas obi-
re inceperunt. At vero a quocunque horum exorsæ fuerint, plane
impossibile est ut octava Classis circa diem Expiationis ministraret.
Confidera sis Kalendarium Ephemeriarum quod Vir doctissimus exhibet.

XVI. Ipso
insus agen-
te, tota po-
puli multi-
tudo preca-
batur foris.
Quod cla-
ratur ex
antiquis

XVI. Dum sacris in Templo operabatur Zacharias, *tota populi
multitudo foris precabatur tempore suffitus.* com. 10. Hora precationis
semper in Templo erant Sacerdotes Classis tunc ministrantis, & *Levi-
tarum* iis servientium Classis integra, cum *viris Stationariis* totum
Israëlem repræsentantibus, & denique cujuscunque generis *Israelita*,
quos spontanea eo trahebat devotio. Ea multitudo, suis singuli lo-
cis, sed omnes foris, sub dio, precabantur. Incipiente oblatione
Holo-

Holocausti, tubicines tubis clangere, & cantores voce modulari cœ-^{Hebraeorum} perunt, populo interea se incurvante, & preces fundente, usque^{ritibus.} dum holocaustum esset absolutum. 2. Chron. xxix: 27, 28. Tunc fiebat suffitus: cujus tempus indicabatur pulsatione nescio cujus vasis aut instrumenti, quod Talmudici מִגְרֵפָה *Migrepha* appellant: quod pulsatum tantum edidisse sonitum hyperbolice, ex more suo, jactant, ut eo durante neminem quis loquentem Hierosolymis audire poruerit. Eo signo dato, quotquot in atrio erant, apud aram holocaustorum, illi recesserunt ex eo loco qui est inter templum & altare, & subdixerunt se exterius. Qui in aliis atriis erant, non mutabant locum, sed contulerunt se ad orationes silenter habendas. Prudenti sane instituto. Quum enim suffimenta sacra ita populi preces adumbrarent, ut Sacerdos altera Deo adolens alteras etiam ritu symbolico illi commendare censeretur; par erat ut eodem tempore utraque illa sacra fierent. Orationum autem quatuor habebant formulas, quarum ultimam adscribere lubet. Ea concepta in hæc verba fuit: *Da pacem, & benignitatem, & benedictionem, gratiam, misericordiam & commiserationem nobis & universo populo tuo Israelis. Benedicito nobis, o Pater noster, immo nobis omnibus instar unius viri, luce vultus tui. Nam in luce vultus tui, Tu, o Domine Deus noster, dedisti nobis Legem vitæ, & misericordiam amoris, & justitiam, & benedictionem, & commiserationem, & vitam, & pacem. Placeat tibi benedicere populo tuo Israeli omni tempore. In libro vitæ cum benedictione & pace, & sustentatione, fac ut memoremur ac scribamur coram te, nos & omnis populus tuus, domus Israelis.* Vide sis *Ligt. Minist. Temp. cap. ix. sect. vi.* Non est improbabile ad hos ritus alludi Apoc. viii: 1, 2, 3.

XVII. Hoc ipso tempore, hora suffitus, visus est Zacharia Ange-^{XVII. Ho-} lus Domini, stans ad dextram altaris suffitus. com. 11. Quoniam duæ^{ra suffitus,} horæ suffitus erant, altera *matutina*, quando purgabantur & paraban-^{incertum} tur lucernæ, altera *vespertina*, quando accendebantur Exod. xxx: 8. ^{masutina} quæritur utra heic loci intelligenda veniat. Illustris *Grotius* verbo re-^{ina, appa-} spondet, *Mane*: nullo addito argumento. *Sculterus* credit, *Vespera*.^{ret Zacha-} Quia & Danieli Angelus apparuisse scribitur *circa tempus vespertinæ obla-*^{ria Angelus} *tionis.* Dan. ix: 21. hoc est, inquit, inter mediam tertiam & mediam^{ad dextram} quartam pomeridianam. Mihi equidem *Non Liqueat*. Deus enim tempora sive oportunitates in sua ipsius auctoritate statuit. De quibus nihil nobis judicare fas est, nisi quatenus ipse revelavit. A longo tempore rara tunc fuisse videtur Angelorum apparitio. Verum instante Messiae nativitate, qui cælum terræ juncturus, & utriusque commercia renovaturus erat, eadem incipiunt esse crebriores. Sta-
bat

bat Angelus Zachariæ apparens *ad dextram altaris*. Quod boni omnis signum ab omnibus fere gentibus habitum fuit. Hinc notissima illa: *Dexter ades, & Dexter adi pede sacra secundo*. Ibi locorum Angelum cuiquam cum nuncio apparuisse, nunquam, quantum memini, visum auditumve est. In defuetudinem nunc abierat usus *Urim & Tum-mim*; qui prisca erant Divinæ voluntatis Interpretes. Silebat nunc Arcæ, quæ nulla erat, oraculum. Quoniam tamen magni res momenti indicanda homini sacris operanti erat, in sancto ipso, novo more, Angelus apparet, illum prænunciaturus Angelum, qui mox venturo Angelo fœderis viam sterneret.

XVIII. Cui nomen Gabriel, plurima significatione factum: non appellatum, sed proprium.

XVIII. Denique GABRIELI sibi nomen esse testatur *com. 19.* Non lubet nunc in prolixam de Angelorum nominibus disputationem excurrere. Duo duntaxat in iis quæ indubitata auctoritatis sunt voluminibus inveniuntur, *Michael* nimirum & *Gabriel*. De illo integra Exercitatione non indiligenter nuper disputavimus. De hoc paucula nunc sunt monenda. *גבריאל* varie reddi solet. Verti potest *Vir Dei*, sic ut Jod sit litera paragogica, ut in *מלכיצדק Melchizedek*, quo significatur *Rex justitiæ*. Vel etiam, *Herus meus est Deus*; denique, *virtus mea est Deus*. Quocumque interpreteris sensu, notatur semper aliquid quod Angelo dignum est. *Vir* enim *Dei* dici potest, quia sub *viri* specie apparens *Dei* res apud homines agebat. Et quamvis dignitate potestateque esset præstantissimus, lubens tamen se non nisi servum, *Deum* autem *Herum* suum esse fatetur: *eique soli* omnem quam habet *virtutem* ac potentiam *acceptam fert*. Improbum superbumque tam priscae quam recentioris Babelis molimen est, ex suo sibi robore *Deum* suum facere. *ון כחו לאלהו Hab. 1: 11.* At digna res valentissimi est Angeli modestia, in solius Dei, non ulla sua potentia, gloriari. Haut equidem assensum impetrat Celeberrimus Interpres, qui nomen hoc *non unius Angeli proprium* esse disputat, sed *omnibus myriadibus sanctis commune*, ex quibus unus loquitur nomine Dei ad homines, quod ad glorificandum *Deum* facit. Nam sane apud Danielem *vir ille Gabriel*, uti persona singularis, nomine isthoc suo ab aliis distinguitur. Uti hic quoque: *Ego sum Gabriel*.

XIX. Qui quum dictus sit adflare coram Deo indicatur functionis eminentia: estque aliquoties ad-

XIX. Præsertim quum addat, *ὁ παρρησιῶς ἐνώπιον τοῦ Θεοῦ*, qui *adflato coram Deo*. Quam locutionem ex Orientalium aulis desumptam esse, norunt nunc omnes, ut significetur præcipuorum & principum aliquis, *אחר השרים ארשני*, uti apud Danielem est *cap. x: 13.* Hic est ille Angelus, qui bis ad Danielem missus, primo ipsi *Antichristi*, sub persona Antiochi, mysterium, dein de Messiae adventu, morte, beneficiisque inde in electos redundaturis, revelavit. *cap.*

XX. At quantumvis læti nuncii lator Angelus iste foret, ad con-
spectum tamen rei tam augustæ, tamque inopinæ, terrore ac timore,
ut fieri in talibus assolet, turbatus est Zacharias. Qua importuna
nimiaque consternatione valere iussa, mox quas quantasque res ad-
ferret blanda oratione Angelus exponit. Harum summa erat: *exau-*
dita deprecatione ipsius, futurum esse ut uxor Elisabet gigneret ipsi fi-
lium cuius nomen vocandum sit Johannes. Quamvis dubitandum
non sit, quin frequentibus a Deo precibus filium petierit Za-
charias, non tamen de isthac nunc oratione agi existimo. Ea
res grandævis conjugibus pro desperata & conclamata habebatur.
Tantumque abest, ut ob eam nunc supplicaverit Zacharias, ut vix
Angelo, sponte eam promittenti, habuerit fidem. Neque id nunc
sibi operæ datum esse credebatur sanctus Sacerdos, ut, communi popu-
li nomine in Sanctuarium ingressus, suam privatim causam ageret:
sed publicas Israëlitis preces, quarum formulam nuper exhibui, una
cum suffitu offerebat, & commendabat Deo. Vel igitur ad veteres
Zachariæ pro filio preces respexerit Angelus, ut, quamvis sero ad-
modum, tandem tamen exauditas esse moneat: vel, quod malim,
ad præsentis publicasque. Has dicit esse exauditas: instare enim
tempus illud pacis, benignitatis, gratiæ, & lucis ex facie Dei splen-
dientis, & in Messia conspiciendæ, cuius anteambulo destinatus sit is,
qui Zachariæ nasciturus esse prænunciatur filius. Qui non ipsi so-
lum, sed & permultis aliis, ingens gaudii atque exultationis futu-
rus erat materies.

Tom. II.

cujus nomen Divinitus, quod paucis accidit, prædictum, futurum sit Johannes. nia valde notabilia, plurimaque significatione grava, ab ipso prædicta sunt Deo. Primus eorum, quantum memini, ISMAEL est, Abrahami ex Agare filius Gen. xvi: 11. ab *exauditione Dei* sic dictus, quod audiverit Deus afflictionem Agar; sicut & audivit pro ipso deprecationem Abrahami; hætenus ut promiserit ipsi benedictionem, & insigne incrementum, ut duodecim ex eo prodituri sint principes, ipseque pater futurus gentis magnæ. Gen. xvi: 20. Alter est frater ejus, ætate quidem minor, sed cæteris rebus omnibus major, ISAACUS, Gen. xvii: 19. a *ridendo* denominandus; partim propter matris Saræ risum, cujus nomine ab Angelo objurgata est; xvi: 12, 13. partim propter gaudium quod allaturus matri suæ erat. *Dixit Sara: risum fecit mihi Deus, quinquis audiet, arridebit mihi.* cap. xxi: 6. Tertius est JOSIAS יְהוֹשִׁיָּא 1. Reg. xiii: 2. quod vertunt *ignem Domini*, vel *ardentem Domini*, qualem se revera monstravit incomparabili isto in reformanda religione zelo, & exustione ossium super altari idololatriæ, ipsiusque denique excelsi & luci combustionem & in pulverem reductionem. 2. Reg. xxiii: 15, 16. Quartus est CORES, pro quo CYRUM dicunt. Jes. xliv: 23. xlv: 1, 3. quo nomine, si *Ctesia* & *Plutarcho* fides, *Solem* designabant Persæ. Quod & vere fuit, non suæ solum gentis splendidissimum jubar; sed qui, ex Dei destinatione, libertatem & in patriam reditum populo Israëlítico promulgans, lætiores iis serenioresque dies affulgere fecit. Quintus noster JOHANNES est, quem sequitur JESUS. Johannes autem, יוֹחָנָן, nomen habet a *gratia Jehovæ*, quæ se in illius nativitate, vita ac ministerio exsertura erat luculentissime: secundum Jesaïæ illud cap. xxx: 19. יוֹחָנָן וְעַד לְקוֹל יוֹחָנָן, *omnino præstabit tibi gratiam, ad vocem clamoris tui.* Ratio nominis in sequentibus est: *erit tibi gaudium & exultationi, multique super ejus nativitate gaudebunt.* Merito ergo, suo loco & ordine, *Charilaus* dici posset. Hinc pergit Angelus narrare, quantus qualisque sit futurus, & quo functurus officio; de quibus commodior dicendi locus erit, ubi eorum omnium complementum in vitæ ipsius cursu expendemus. Id solum hic observasse suffecerit: quibus verbis *Angelus Jehovæ* (hoc enim notat *Malachias*) prophetias Veteris Testamenti claudit; iisdem Angelus Gabriel instantis Testamenti Novi præconium inchoat. Mal. iv: 5, 6. coll. cum Luc. i: 17. Idem lapis, *Jaspis*, qui *ultimus* erat in *Pectorali veteris Pontificis* Exod. xxviii: 20. *primus* est in *fundamentis Novæ Hierosolymæ*. Apoc. xxi: 9.

XXII.
Quamvis
admodum
similis Za-

XXII. Ad Zachariam nostrum redeamus: cui tam grandia, tamque insperata eveniebant hæc omnia, ut fidem superare viderentur: κατὰ τὴν, inquit, γνώσεως τῆς τοῦ; *Quo argumento cognoscant illud? ego enim*

C c c 2

XXIII. Pu-
niturque
sic, ut re-
pente mu-
tus & sur-
dus fiat.

XXIII. Quod ita redarguit Angelus, ut simul signum petenti in-
dulgeat. Ecce, ait, ἴσθι σιωπῶν *silebis, nec loqui poteris, ad eum usque*
diem, quo hæc fiant; eo quod non credidisti sermonibus meis, qui imple-
buntur suo tempore, 20. Facile assentior Viris eruditissimis, qui non
oris solum sed & aurium usum Zachariæ ademtum esse opinantur.
Non ob eam modo causam, quod utramque partium mira inter se
ἀρσιν arctusque nexus sit: sed magis, quia com. 22. dicitur, καὶ δι-
μηνε κωφός. Quæ vox ambigua tam *mutum* quam *surdum* Græce, attam-
men & apud Lxx. & in Evangeliiis sæpius hunc quam illum notat.
At maxime, quia amici non sermone aliquo, sed nutibus cum Za-
charia locuti esse narrantur com. 62. quod surdo quidem fieri necesse
fuit, muto autem aurium usum habenti nequaquam. Apposite in hanc
rem laudavit *Lightfootus* Talmudicorum illud ex codice Gittim,
חַרְשׁ רוֹמֵן וְנִרְמֵן, quod Græce diceretur, κωφὸς διαγέυεται αὐτοῖς, καὶ δια-
γέυεται αὐτῷ, *Surdomutus nutat, & nutatur ei.* Porro mutum eum esse
factum, mox ab egressu ex Sancto, ubi diuturniorem solito moram
fecerat, sive prolixiori Angeli sermone, sive suo stupore, aut utra-
que simul causa detentus, toti populo deprehensum est. Sacerdotis
enim erat, finito in Templo cultu, populo, antequam dimitteretur,
solenni carmine benedicere. Quod ex more facturus Zacharias hæret,
non faciente officium lingua. *Agnovit autem populus eum visionem in*
Templo vidisse: non ex mera conjectura, quæ perquam exigua, aut
nulla potius, probabilitatis suæ habuisset argumenta; sed ex ipsius
Zachariæ nutibus, quibus, quid sibi evenisset, quo poterat modo in-
dicabat.

XXIV.
Quo in si-
gno multa
concurrunt
notabilia.

XXIV. Multa in hoc signo concurrunt observatu dignissima. At-
que illud quidem primo, quod insignem & admirabilem prorsus Di-
vinæ *severitatis & lenitatis* mixturam præ se ferebat. *Severitatis* erat,
ad plures menses linguæ atque aurium usu esse privatum. *Lenitatis*,
quod eadem illa res & pro signo dabatur ad firmandam promissionem,
& nec amplius duratura, quam ad eum usque diem, quo promissionum
visurus erat complementum. Sed & prædicanda hic *Sapientia* Dei ve-
nit; tum quod in ipso Sacerdote signum exstare voluerit, quippe qui
ex nimia sui ipsius consideratione de Angelici sermonis certitudine du-
bitaverat; tum quod in pœna exacte appareat criminis ratio, quum
surdus factus sit, quod voci Angelicæ non auscultaverit, mutus, quod
ei contradixerit. Denique conticescere paullatim oportuit omne Le-
vitici apparatus Choragium, quod ominoso hoc Sacerdotis silentio
præfiguratum est, ut sola Messiae docentis ac benedicientis vox in Ec-
clesia audiretur. Lubet hic Lectori exhibere *Isidori Pelusiotæ Epistolam*

257. lib. i. cujus hæc est Inscriptio : περί τῆς τῷ Ζαχαρίῳ κωφεύουσας. Ea vero sic habet. Ανατέλλοντες ὧτες, ὁ ὄρθρος ὑποχωρεῖ. ἡλίος ἀνίσκον-
 τος λαμπρῶς, τὰ τῶν ἀστέρων ἀμανρῆται χορεύματα. ὅτε αἰθρὶς ἡμέρα ἐπιφα-
 νῇ, τὰ τῆς ὡς ἀπολήγει σιιάσματα. ὅτε ἡ τῷ Εὐαγγελίῳ σοφία ἐξέλαμψεν, ἡ
 τῷ νόμῳ παιδαγωγία ἐχόλασεν. ἔτως κωφεύει Ζαχαρίας, τὰ τῷ νέῳ καὶ παρα-
 δόξῃ ἀσπασμῷ ἀκηκῶς ὑναγγέλια. *Ex oriente luce matutina diluculum abse-*
dit. Claro sole oriente siderum chorus obscuratur. Quum purus ac liqui-
dus dies illuxit, aurora umbræ finem accipiunt. Quum Evangelii sapien-
tia effulsit, legis puerilis institutio munus suum exercere desit. Sic nempe
vocis usum amittit Zacharias, posteaquam novæ atque admirandæ salutatio-
nis lætum nuncium audivit. An mutus furdusque Sacerdos in munere
 sibi destinato ad ephemerix suæ finem perrexerit, pro certo non affir-
 maverō. Dubitandi caussam suggerit com. 23. quo, non mox ab hac
 Angeli allocutione, sed impletis demum ταῖς ἡμέραις τῆς λειτουργίας αὐτοῦ,
 domum ad uxorem abiisse dicitur. Saltem neutra harum imperfectio-
 num inter eas numeratur, quæ ex Lege Sacerdotem muneris sui fun-
 ctione excludunt. Quandoquidem in plerisque illius partibus manuum
 præcipue usus erat; ut tolerabilior linguæ defectus esset. Cæterum
 Evangelii ministerium, quum potissimum in verbi prædicatione con-
 sistat, per mutos peragi non potest: quamobrem principes illius præ-
 cones, patriam solum linguam primitus edocti, & aliarum gentium
 respectu muti, extraordinario multarum linguarum dono munifice &
 mirifice locupletati sunt, nullis ut gentibus muti essent. Quam ob-
 servationem Lightfoot me debere, candide, ut par est, fateor.

XXV. Non defuit Angeli promissis fides. Exacto enim ministe-
 rii tempore abiit Zacharias domum, quam habuit in montana regione
 in urbe Judæ. com. 39, 40. Ibi imprægnata Elisabeta est. Oppido
 credibile est, fuisse Chebron, urbem sitam in montanis, Jos. XIV: *Judæ, pro-*
 12, 13, 14. & olim a Josua filiis Aaronis datam. Jos. XXI: 11. Mira
 sunt quæ de urbis hujus antiquitate & celebritate Josephus narrat de Chebron,
 Bel. Jud. lib. v. cap. VII. Chebron, inquit, indigenæ ferunt non ejus mo-
 do terræ civitatibus, verum etiam Egypti Memphi antiquiorem: denique
 bis mille & trecenti ejus connumerantur anni: hoc autem narrant Abra-
 ham quoque, parenti Judæorum, fuisse domicilium, posteaquam Mesopota-
 mia sedes reliquit: ejusque p. steros hinc ad Egyptum esse profectos. Quo-
 rum etiam nunc monumenta exstant in eadem civitate peroptimo marmore
 liberaliter adificata. Cernitur autem sexto ab oppido stadio maxima tere-
 bintus, eamque memorant ab initio mundi creati nunc usque durare.
 Ejusdem terebinthi Hieronymus de locis Hebraicis sic meminit: Est quer-
 cus Mambre juxta Chebron, in qua, usque ad ætatem infantia mea, &
 Con-

Constantii Regis Imperium, terebinthus monstratur pervetus, & annos magnitudine indicans, sub qua habitavit Abraham: miro enim cultu ab Ethnicis habita est, & velut quodam insigni nomine consecrata. Plura de eadem hac urbe collegit Eusebius, in libro περὶ τῶν τοπικῶν ὀνομάτων ἐν τῇ Διᾷ γραφῇ, quæ hic adscribere non pigebit. Ἀρβὼ αὐτὴ ἐστὶ Χεβρώμ, καίμα νῦν μεγίστη, μητρόπολις ἔσται τὸ παλαιὸν τῶν ἀλλοφύλων, καὶ γιγαντῶν δικητήριον. καὶ βασίλεια μετὰ ταῦτα Δαβίδ. κεκλήρωτο ᾧ φυλὴ Ἰούδα, καὶ πόλις ἦν ἱερατικὴ, μία τῶν φυραδευτηρίων, Αἰλίας ἐκ νότου διεσπῶσα σημείοις β' πρὸς εἰκωσιν. ἡ δ' οὖν Ἀβραὰμ καὶ τὸ μνημα αὐτοῦ θωρεῖται, καὶ θρησκύεται ἐπιφανῶς πρὸς τῶν ἐχθρῶν ἡ τερέβινθος, καὶ οἱ τῷ Ἀβραὰμ ἐπιξενωθέντες ἄγγελοι. πρότερον ᾧ Ἀρβὼ καλυμένη, ὕστερον ἐκλήθη Χεβρώμ, ἀπὸ Χεβρώμ ἑνὸς τῶν νιῶν Χαλὶβ, ὡς ἐν Παραλειπομένοις. Arbo, hæc est Chebron, vicus nunc maximus, metropolis olim populorum diversi generis, & Gigantium habitaculum, postea regia Sedes Davidis. Sorte autem obigit tribui Juda, & fuit urbs Sacerdotalis, una ex civitatibus refugii. Alia (sive Hierosolyma) distat versus austrum milliariibus viginti duobus. Quercus Abrahæ & monumentum ibi cernitur; & colitur illustrem in modum ab inimicis terebinthus, item ab Abrahamo hospitio excepti Angeli. Quam autem prius vocaretur Arbo, postea vocata est Chebron, a Chebrone, qui fuit unus ex filiis Chaleb, ut legitur in Paralipomenis. Unum hoc solummodo addamus, quod ex Talmudistis adduxit Ligtfootus in Centuria Geographica præmissa Matthæo cap. XLIX. Non est terra aliqua excellentior quam Ægyptus, quam ob rem dicitur, sicut hortus Domini, sicut Ægyptus: nec est in Ægypto locus aliquis excellentior Zoane, sicut dicitur, Principes ejus erant in Zoan; & tamen septem vicibus nobilior erat Hebron, utcumque saxosa, quam Zoan. Quorum ego quædam suis relinquens auctoribus, observare malo, hoc ipso olim loco promissum Abrahamo Isaacum esse, Gen. XVII:1. Divina sic dispensante Providentia, ut hætenus saltem utrique promissionis filio communis esset patria, dum alter eodem loci promittitur, ubi alter conceptus & natus est.

XXVI.
Prægnans
Elisabetta
idoneas ob
causas
quinque
se menses
occultavit.

XXVI. Prægnans Elisabetta felicitatisque sibi suæ conscia, ex verecundia, pietate, prudentiaque, occultavit se menses quinque. Verecundia fuit, quod declinaverit rumores; pietatis, quod secessum quæreret, quo in sacra ista solitudine Deum ardentius veneraretur, & pro tanto beneficio gratias ageret; prudentia, quod ab humano semota consortio omnes inquinamenti occasiones evitaret; ne forsan, quem utero gerebat, filius pollutionis aliquid contraheret, severissimus olim futurus Nasiræus. Accessit arcana Dei dispensatio, qua factum est, ne quid de Johanne dispalesceret, antequam certis testimoniis constaret de ejus conceptione, propter quem Johannes nascatur.

XXVII.

XXVII. Sexto a mirabili hac Johannis conceptione mense acci-^{XXVII.}
dit res multo mirabilior. Missus a Deo idem Angelus Gabriel ad Ma-^{Sexto men-}
riam virginem est, annunciaturus futurum esse, ut extraordinaria^{se invise}
quadam Spiritus Sancti virtute, illæsa virginitate, utero conciperet,^{ad eam}
pareretque filium, qui evasurus esset magnus, & vocandus Filius^{Beata Vir-}
go; & Altissimi, & sessurus in throno patris sui Davidis, & impleturus om-^{go; &}
nem vim nominis Jesu. Ad cujus incredibilis nuncii confirmationem^{ipse e Spi-}
exemplum Elisabetæ ab Angelo allegatum est. Quibus rebus auditis^{ritu S. præ-}
creditisque, Beata Virgo, jam & ipsa prægnans, profecta est Che-^{gnans. In}
bronem, salutatura cognatam sibi Elisabetam, visura signum augendæ^{quo com-}
fiduciæ a Deo sibi concessum, gavisura cognatæ suæ felicitate, ipsi-^{gressu acci-}
que majoris impartitura lætitiæ materiam, ipsam excitatura, & ab^{derunt ali-}
ipsa excitanda, ad concentum Divinarum laudum. Accidit autem,^{qua per-}
o rem omni prædicatione dignissimam! ut ad primam accedentis Ma-^{quam mi-}
riæ salutationem, *subsiliit in utero Elisabetæ exsultans fœtus; ipsaque*
Spiritu Sancto impleta, agnoverit ac celebraverit advenientem ad se sui
filiique sui Domini matrem. Hic initium ejus rei videmus quam de
Johanne prænunciaverat Angelus, *impletum ipsum iri Spiritu Sancto*
etiam a ventre matris suæ com. 15. Fœtus enim dum in utero est, non
Philosophis solum, sed & Jurisconsultis, pro parte matris censetur.
Dum itaque Elisabet Spiritu Sancto impletur, & latentem in Mariæ
visceribus Dominum agnoscit, ad fœtus sui subsultationem, & ipsi
fœtus communicatum sibi Dei Spiritum esse prodit. An tamen idcirco
dicendum sit, vaticinatum fuisse Johannem antequam natus sit, ipsum
non modo tunc agnovisse Jesum, sed & eum matrem suam do-
cuisse, non abs ratione dubitatur. Neque enim illud in sacris uspiam
literis exstat. Habuit certe illa subsultatio infantis in utero Elisabetæ
singulare aliquid: quod ipsa, non a suo embryone, sed a Spiritu
Sancto edocta, scivit quo pertineret. Nec sane proprium infanti sen-
sum tribuit Lucas, sed magis significat, subsultationem illius Divinæ
in matre ipsa operationis fuisse partem. Acute *Augustinus Epist. LVII.*
Ideo hæc exsultatio, & tanquam matri Domini reddita resalutatio, sicut
solent miraculosa fieri, facta est Divinitus in infante, non humanitus ab
infante.

XXVIII. Prisci apud Græcos, Romanos, aliasque gentes moris^{XXVIII.}
fuit, ut infantes recens natos, convocatis amicorum proximis, certis^{Usi apud}
quibusdam cerimoniis lustrarent, eodémque die inter cognatorum^{alios mul-}
vota nomen iis imponerent. Quod apud Athenienses decimo^{tos populos,}
post partum die fieri solebat: & apud Romanos, qui dies in-^{ita & apud}
fantium *lustricus*, octavus nimirum puellarum, nonus puerorum,^{Hebraeos,}
idem^{moris fuit,}

ut qui dies idem & nominalis, ab eodem more, dicebatur: de quibus infanti lu- solennitatibus erudite multa observaverunt *Isaacus Casaubonus ad Satyr. sircus idem* II. *Persii. Stuckius Antiq. Conviv. lib. I. cap. XVI. & Douglans in Ana-* lectis Sacris Part. II. *Excurs. xxx.* Similia a Judæis factitata post Eli- & nomina- fabetæ partum Lucas memorat. Mox enim ei gratulatum venere ac- lis esset. In- colæ & cognati: octavo autem die redierunt ad circumcidendum cersum: sa- ex lege puerulum. Eodemque tempore de imponendo ipsi nomine men ex quo actum est. Nullo quidem Divino jussu circumcisio nominisq; datio tempore cir- juncta fuerunt; attamen more id obtinuit. Quam antiquo, & unde cumcisio- petito, disputant eruditi. *Grotius*, post alios, arcessit ab exemplo jungi cepe- petito, disputant eruditi. *Grotius*, post alios, arcessit ab exemplo rit imposio- Abrahami Gen. XXI: 3, 4. *Spencerus de Leg. Hebr. Rit. lib. I. cap. IV. nominis.* sect. v. suo more, a veteri gentium usu derivat, conjectantque sub Abrahami Gen. XXI: 3, 4. *Spencerus de Leg. Hebr. Rit. lib. I. cap. IV. sect. v.* suo more, a veteri gentium usu derivat, conjectantque sub Maccabæorum demum tempora apud Judæos inolevisse: nulla tamen conjecturæ istius addita ratione. *Ligtfootus in Harm. IV. Evang. distin-* ctionibus quibusdam rem expedit. Nomen, inquit, aliquando a matre fuit inditum; illud vero semper in ipso pariendi instanti, causâ aliqua extraordinaria impellente; ut Gen. XXIX: 32, 33, 34, 35, & xxx: 6, 7. I. Sam. IV: 21. I. Chr. IV: 9. nonnunquam ab iis qua puerperio intererant. Gen. XXV: 25. xxxviii: 29. Ruth. IV: 17. Semper autem Patris judicio erat reservatum, ut vel prius comprobare, vel novum constituere pro lubitu posset, die circumcisionis: quod exem- plum Jacobi, Ben-oni in Benjamin mutantis, luculenter ostendit. Gen. xxxv: 18. Hæc *Ligtfootus*. Ego nihil me certi videre profiteor. Nam ex Abrahami historia inviste colligi non potest, utrum circumcisio- nis die, an mox a partu, Isaaco nomen dederit. Multo minus illud de Benamine constat, de cujus circumcissione ne verbum quidem in- venit.

XXIX. Non abnuerim interim, morem istum antiquum fuisse. *XXIX. Non abnuerim interim, morem istum antiquum fuisse.* Nam ipsa rei convenientia sua veluti sponte animos huc duxit. Nec aliud, inquit, *Grotius*, ea in re spectatum arbitror, quam quod cum mul- ti ad circumcisionem aut lustrationem advocarentur, iidem meminisse possent impositi nominis, si qua olim controversia oriretur. Non male, si hanc unam ex causis dixisset. Nam unicam fuisse non puto. Solebant enim in isto amicorum conventu preces & vota concipi, omnia ut prospere infanti evenirent; tum etiam circumcisionis ritu solenniter initiabatur infans sanctissimo fœderi. Ejus rei memoriam in ipso volebant exstare nomine, ut adultior factus nomine suo pronunciato, au- dito, scripto, rediret in recordationem & precum pro ipso concepta- rum, & fœderis, in cujus constantia omnis ipsius sita est felicitas. At- que eandem hanc existimo esse rationem, cur Christiani deinceps bap- tismo invocantur junxerint.

XXX. In hac filii sui circumcissione commodissimus Zachariæ ⁱⁿ lingua usus fuisset : ut, circumcisore dicente, *Benedictus sit Dominus Johannes Deus noster, qui sanctificavit nos præceptis suis, & mandavit nobis circumcissionem*; ipse pater ex more responderet: *Qui sanctificavit nos præceptis suis, mandavitque nobis ut introducamus puerum hunc in sædus Abrahami Patris nostri.* Verum mutus quum esset, defungi hoc officio nequivit. Indidem & aliæ ortæ difficultates sunt. Rixæ enim super infantis nomine fuerunt. Plerisque Zachariam dici volentibus, ex nomine Patriæ. Multarum gentium moribus usurpatum est, parentum & avorum nomina posteris imponere, ut ipsa nominis recordatione ad imitandas ipsorum virtutes accenderentur. Docent id, ut multa omittam alia, *Lucianus*, in Χαρίων. *Ἐκείνῳ μὲν ὁ χαίρων ὅτι ἀρρενα παῖδα ἔτεκεν αὐτῷ ἡ γυνή, καὶ φίλος διὰ τὸ τοῦ ἱσίου, καὶ τὸ νομα πατρὸς τιθέμεν.* Ille vero gavisus valde quod uxor sibi filium peperisset, convivio amicos excipit, & puero nomen a patre desumptum imponit. Et *Ovidius*, *Metamor. lib. IX. Fab. XII.*

*Vota Pater solvit, nomenque imponit avitum,
Iphis avus fuerat.*

At apud Judæos rarum esse exemplum, & cui in S. Scripturis vix par invenias, ut puer ex patre nomen accipiat, notavit *Ligfootus*. Nescio an in mentem tunc venerit Viro Doctissimo, aliquem ex Herodis Magni filiis Herodem dictum esse. *Luc. III: 1.* Certe hoc dari voluerunt amici insignibus Zachariæ virtutibus & meritis, ut parentis nomen in filium transfret. Verum intercessit mater, & JOHANNEM vocari jussit. Unde hanc voluntatem Dei edocta? An a Spiritu, quo ob filium plena erat, qui & Messiae conceptionem docuerat? An a marito, qui quæ sibi acciderant, ea omnia scripto indicare dilectissimæ conjugii potuit? Non est hoc improbabile. Nam eodem modo nunc quoque Zacharias mentem suam explicuit. Postulata tabella scripsit, JOHANNES EST NOMEN EJUS. Breviter & emphatice. Grotius observat, quod ἱσὶ scribit, non ἱσαί. Quasi dicat, nullam superesse consultationem in re quam Deus jam definiisset. Acute: si Evangelista Græce scripsisset Hebraice יהושע הנביא (uti & Syrus habet, יהושע הנביא) sine ullo verbo præsentis futureve temporis.

XXXI. His peractis mox redditus Sacerdoti linguæ usus est: XXXI. Cui quæ, Spiritu Sancto mota, Divino prorsus carmine immensam Numeri bonitatem laudavit. De silentio Zachariæ mysticum nuper aliquid ex *Isidoro Pelusiota* audivimus: nunc vocis post ruptum silentium prodeuntis mysterium ex eodem audiamus. *lib. 1. Epist. 131.* *τῷ τύπῳ τῆς ἐκείνου σιγῆς, ἡ τῷ νόμῳ ἐδηλώτο σιωπῆς. τὸ δὲ ἀπὸ τῆς σιγῆς. καὶ ἐστὶν ἡ σιγή.* *Isidori* est. *Isidori* est. *Isidori* est.

σειρώσεως, καὶ γήρας τεχθῆναι τὴν φωνήν, τὸτο οἶμαι δηλῆν, τὸ ἐκ τῆ παλαι-
 δέντῃ, καὶ κατακηράσαντῃ, σειρωθέντῃ τῇ ἀνηκούῃ τῶν δεξαμένων νόμῳ τῇ
 γραπτῇ, τὰς περὶ Χριστοῦ προφῆσεις προελθεῖν, καὶ τὴν αὐτῇ μητέρα ἐκ τέτυ
 συνελθεῖν. *Silentii ipsius typo legis silentium indicabatur. Quid autem*
quod ex silentio, & sterilitate, & senectute vox procreata sit; Hinc vi-
delicet illud significari arbitror, ex scripta lege, ob eorum qui eam acce-
perant inobedientiam & contumaciam, senio ac vetustate confecta, vaticini-
nia de Christo prodixisse, hincque etiam ipsius matrem una venisse. Sic Isi-
dorus. At vereor, ne nimis arguta sint.

XXXII.
 Pueritia
 ac juvenus
 Johannis
 in desertis
 exacta.

XXXII. Natus cum tot prodigiis faustisque ominibus infans, ad-
 mirationi fuit omnibus; cum stupore non exiguo, quo tandem eva-
 surus esset, inter se quærentibus. Deprehensumque fuit jam inde a
 cunabulis, *manum Dei cum ipso fuisse.* com. 66. Quod de singulari
 Dei favore & potenti auxilio interpretari malim, quam de Spiritu
 Prophetico. Quamvis enim illius afflatus, & in homines illapsus,
manus Domini quandoque in Sacris vocetur, non tamen *cum*, sed
super hominibus esse constanter dicitur. Ezech. I: 3. xxxvii: I. xl: I.
 In eo autem Divini se favoris opulentia luculentissime demonstravit,
 quod *puerulus crescebat & corroborebatur spiritu.* com. 80. qui in ipso
 quoque spiritus sapientiæ, prudentiæ ac timoris Domini erat: virtu-
 tibus illis illustri splendore, pro ætatis ratione, micantibus, &, pro
 annorum incremento, novi jubaris accessione auctis. Cui rei, sub
 Divina benedictione, inserviebat, exacta ac sollicita pueri educatio,
 prudensque semotio ab immundi mundi contagione, & corruptorum
 ac corruptentium hominum commercio. Fuit enim in *desertis*, hoc
 est ruri, procul publicis Scholis, procul aula, procul Hierosolyma,
 procul seducendum in frequentibus urbibus voluptatum lenociniis. Si-
 ra quidem in *montanis Judææ*, atque hætenus in *deserto*, patria Jo-
 hanni urbs erat: non tamen ibi juventutem suam omnem exegisse ar-
 bitror, idve indicatum istis verbis voluisse Evangelistam; *fuitque in*
desertis usque ad eum diem, quo se ostenderet apud Israël. Sed quem-
 admodum in Spiritu Eliæ venit, ita credibile est hac quoque in parte
 similem Eliæ fuisse, quod ab ineunte ætate severiorem vitam secta-
 tus, locum habitationis elegerit severitati isti convenientem. Non
 tamen ita eum ruri semper hæsisse, & ab hominibus separatim vixisse
 arbitror, ut ea religionis exercitia omiserit, ad quæ vel communi le-
 ge obligabantur Israëlita, vel speciali lege Sacerdotum filii. Ob
 quam enim probabilem rationem abstinuisset quotidiano in Synagogis
 cultu, iisque Hierosolymam ad Templum profectionibus, quæ ternis
 festivitibus annuatim suscipiendæ cunctis Israëlitis erant? Sed in *ere-*

mis vixisse dicitur, quod hominum in urbibus frequentiam, & superba civium potentiorum limina vitaret, & solitudine delectaretur, quantum per pietatis atque humanitatis officia licebat. Nugæ enim sunt quæ *Nicephorus*, *Cedrenus*, alique fabularum hamaxarii de spelunca tradunt, in quam se cum infante suo, ad effugiendas sanguinarias Herodis manus, abdiderit Elisabeta: qua post quadraginta dies fato functa, Angelus venerit infantis suscepturus curam. Unde factum sit, ut Johannes in locis solitariis versari amaverit, Angeloque duce in remotiores silvarum recessus abiverit: quasi exuta humanitate cum feris quam cum hominibus degere maluisset.

XXXIII. Hoc omne est quod de Johannis pueritia & juventute ^{XXXIII.} in Sacris traditur; neque aliunde quidquam hauseris, quod ulla se ^{Et quæ ad eam ætatem pertinent sententia} veri specie commendet. Non visum Spiritui Sancto est, curiositatem nostram pascere, narrationibus, ad eum quem sibi proposuerat scopum, qui est Evangelii patefactio, minus necessariis. Ipsi Christi ^{transmissa, usque dum se ostendit Israël.} Domini pueritiam atque adolescentiam silentio transmisit. Et quis miretur idem ejus contigisse Præcursori? Uterque totidem fere annos latuit. Eam ob rem conveniens fuit, ut lateret quoque annorum illorum historia. Satis fuit, illa memorari tempora, quæ publico impensa, quæ in munere transmissa, quæ ad fidei nostræ firmamen sufficere visa. Eo igitur Sacra festinat Historia, ut describat τὴν ἀνάδειξιν Ἰωάννου πρὸς τὸν Ἰσραὴλ; quando nimirum incipiebat in publicum prodire, capeffendo & exercendo munus, ad quod Divinitus erat vocatus. Quum Sacerdotis filius esset, Sacerdotalis dignitatis jus, ex more, & lege, ei competeat. Solebant autem Sacerdotum filii, rite præparati, circa vicessimum, alii trigesimum statuunt, ætatis annum, in conclavi *Gazith*, magno Synedrio sese explorandos sistere: unde is qui labis inveniebatur expers, albis indutus vestibus, lætusque discedebat, ad publicam Sacerdotii functionem dehinc admittendus. At Johannes noster eo destinatus erat, ut non tam *Sacerdotem*, quam *Prophetam Altissimi* ageret. Ideoque de Sacerdotio ipsius nusquam legitur. Quam ob rem hic quoque intelligenda publica Prophetici muneris functio est.

XXXIV. Eam, Deo jubente, auspicatus est anno xv. imperii ^{XXXIV.} Tiberii Caesaris, Pontio Pilato procurante Judæam, Tetrarcha Galilææ ^{Quod, quæto ætatis sua anno fecerit, non liquido constat.} Herode, Philippo autem ejus fratre Tetrarcha Ituræ & Trachonitidis regionis, & Lysania Abylenes Tetrarcha, sub Pontificibus Maximis Anna & Cajapha, Luc. 111: 1, 2. Quæ profecto accurata satis temporis est descriptio. Post Israëliti regni divisionem, Prophetarum tempora notari solent annis Regum, tum Judæ, tum Israël, qui tunc terram

promissam inter se partiebantur. Ad eundem modum Lucas in designatione temporis quo prædicare Johannes cœpit, omnes illos nominat, qui tunc ullam promissæ terræ partem, vel suo, vel alieno nomine, obtinebant. Non lubet nunc de singulis agere, quod longum, & ab instituto nostro alienum foret. Solummodo animus est anquirere, an ex omnium horum temporum notatione determinari certo queat, quo ætatis anno in publicum Johannes prodierit, & in quem præcise annum incidat, Johannis & Christi natalis. Sunt qui putant vix quidquam esse factu facilius. Hoc modo. Erat Christus *ὡς εἰ ἐν τριάκοντα ἀρχόμενος*, incipiebat esse quasi annorum triginta, quando baptizabatur. Luc. 111: 23. Baptizatus est eo ipse quo Johannes ministerium suum inchoavit anno, quod omnis propemodum credidit antiquitas. Major Christo erat Johannes sex mensibus. Ponamus, quod pro certo fere habet *Ligtfootus*, baptizatum esse Christum sexto ministerii Johannis mense; tum Johannes ministerium suum trigesimo ætatis anno inchoaverit. Trigessimus iste annus incidit in decimum quintum Tiberii; inde si triginta annos retrogrediaris, facile collectum est quoto Augusti anno natus sit Johannes, & consequenter Christus. Hæc primò quidem confusoque intuitu pulcre procedere videntur; at, si curatius attendas, incertis omnia ac precariis niti hypothesis deprehendas. Primo verum non est, quod supponunt multi Chronologi, non probant, designationem ætatis Christi connecti cum anno xv Tiberii. Quocum connectitur initium prædicationis Johannis, at non vel baptismus, vel ætas Christi. Intervallum ingens interjectum est a vers. 1. ad 23. inter commemorationem anni xv Tiberii, & designationem ætatis Christi. Deinde quum Viri docti duplex initium Principatui Tiberii adsignent; alterum, quo *Collega Imperii & consors Tribunitiæ potestatis adsumtus est* ab Augusto, ut *Tacitus* loquitur *Ann. lib. 1. cap. 1.* alterum, quum mortuo Augusto rerum habenas solus moderatus est: non admodum in liquido est, cujus principii intuitu xv annum Lucas memoret. Porro incertum est, quo præcise ætatis suæ anno baptizatus sit Christus. Lucas enim non nisi *ἐν πλάτει*, non *ἀκριβῶς*, & *ἀποτόμως* illud notat, *ὡς εἰ*, quasi. Unde nonnulli infra trigessimum annum descendunt, alii ultra adscendunt. Quidam arbitrantur annum undetrigessimum designari, quidam trigessimum sive inchoatum sive impletum, quidam trigessimum primum, quidam contendunt Lucam numero rotundo in latitudine usum, illiusque verba etiam xxvii, vel xxviii convenire posse, vel etiam ad xxxiii aut xxxiiii extendi. Neque quidquam pro hac re determinati est in *ῥογῇ ἀρχόμενος*. De qua merito dubitatur an ad ætatem referri

referri debeat, præsertim quum vix Græce dici soleat, ἀρχεται τρεῖς καὶ ἑξήκοντα ἔτη, incipit annos triginta, sed potius ἀρχεται τῷ τριακῷ ἔτι, incipit annum trigesimum. Unde præferenda eorum videtur esse interpretatio, qui τὸ ἀρχόμενον ad ministerium Christi referunt. Confer. Luc. XXI 11: 5. Act. I: 22. & x: 37. Vide sis *Friderici Spanhemii Dubia Evangelica. Part. II. Dub. XI.* Magis adhuc incertum est, an primo ministerii Johannis anno baptizatus sit Christus. Hoc enim Scriptura nusquam determinat. Neque desunt rationes, quæ suadent contrarium. Quas confertim, more suo, exposuit ὁ πᾶν Spanhemius noster, magno Patri par Filius, *Disquisit. de anno Convers. Pauli. Sect. xiv.* Prædicaverat Prodromus ille, donec Christum digito commonstraret, universo populo; diffuderat sese fama Johannitici nominis in Judæam omnem; præparaverat jam Christo populum instructum, conversione plurimorum; impleverat tum δρόμον ministerii sui Act. XXI 1: 25. seu prope erat ut implet: induxerat jam adeo, opinione sanctitatis, Phariseorum principes, ut per legatos exquirerent, num is Christus esset. Quæ præcesserant omnia publicum Christi munus: certe antequam illo viso exclamaret Johannes, *hic est agnus ille Dei.* Joh. I: 24, 29. Unde nec diu post, certe anno secundo Christi manifestati, compactus est in carcerem. Hæc Spanhemius. Quandoquidem ergo incertum & ἀδελον nobis tempus Christi baptizati est, & propter allegatas rationes probabile, haut intervallum minus, si non majus, unius anni decursu, inter initium prædicationis Johannis & Baptismi Christi, debere concipi: incertum quoque manet, quot annos habuerint tam Johannes quam Christus, anno xv Tiberii.

XXXV. Quæ eo a me lubentius annotata, in usum creditæ mihi juventutis, sunt, ne temere caperentur ingeniosis quibusdam, sed *circum abstinere tutius est ab ingeniosis quibusdam,* parum solidis, observationibus, quibus Veteris Novæque Oeconomiae primordia inter se contenduntur. Qualis, exempli gratia, illa Doctissimi Ligtfooti, in *Harmonia Evangelistarum*, est. *Tantus erat, sed parum priusquam absolutum & solenniter erectum esset. Pari temporis solidis, par intervallo perfectum est Evangelii opus: sex etenim menses prius natus est & synchronus Johannes quam Christus, totidemque, prædicando baptizando, Christo nismus. prævit, Evangelica structura quasi prima ponens fundamenta, totumque opus ut feliciter deinde procederet, sedulo prospiciens. Quemadmodum enim Servator muneri suo, trigesimo ætatis anno inauguratus est, idque Legi præscripto; haut aliter Baptista, quum trigesimum attigisset annum, prædicare incepit, sexto nempe qui excurrerat mense citius quam ipse Christus.* Miuum profecto non est, si hæc, aliaque his similia, ingeniose

inventæ, faventibus auribus excipiantur: quoniam tamen precariis tantum, nunquam demonstratis, nunquam demonstrandis, nituntur hypothefibus, nemini auctor fim ut populi Christiani animos talibus cupediis pascat.

XXXVI.

In publi-
cum prodire
Johannes
neque
injustus fu-
it, neque
jussus
sardavit.

XXXVI. Credibile interim est, non procul a trigesimo anno ab-
fuisse Johannem, quando *ἐγένετο πῦμα Θεῷ ἐπ' αὐτόν, factum est verbum
Dei ad ipsum.* Eadem locutione utuntur Lxx *Jer. i: 1. τὸ πῦμα τοῦ
Θεοῦ ὃ ἐγένετο ἐπὶ Ἰερεμίαν*, quamvis Hebræa aliter ibi sonent. Nota-
tur mandatum Dei de capeffendo munere Prophetico. Non incom-
mode conferemus *Jes. xl: 6. Vox dixit, Clama*; nam vaticinium illud
ad Johannem nostrum pertinet, eique applicatur *Luc. iiii: 4.* Scili-
cet, non fuopte instinctu, proprioque consilio, pravaque ambitione,
in tantæ se dignitatis munus intrusit: sed in sua solitudine, sancto-
que otio, & placida cum Deo familiaritate, tranquillam vitam de-
gens, jussu Dei expectavit, antequam in publicum prodire susti-
nuit. Non cucurrit, nisi vocatus. Non venit, nisi missus. *Exstiterit
homo, missus a Deo. Joh. i: 6. Ecce ego mitto Angelum meum. Mal.
iii: 3.* At nec subduxit se Divinæ missioni ac vocationi. Quam
secure, Deo sic permittente, latuerat; tam cordate ac animose, Deo
mandante, prodit ex latebris: quamvis non ignarus molestiarum at-
que discriminum quibus exponendus esset. Sic decet fidum Dei ser-
vum: neque ultro se ingerere, sed expectare vocantem Deum; ne-
que laborum fuga, fictave modestia, eludere vocantem. Qua in re
nimii mihi fuisse videntur veterum Episcoporum aliquot, artibus qui-
busdam & effugiis non probandis usi.

XXXVII.

Prædicavit
in deserto,
tam litera-
liter, quam
mystice.

XXXVII. At nos Johannem nostrum propius contemplemur;
& primo quidem in VIVENDI RATIONE, tum in MINISTERII FUN-
CTIONE. In *vivendi ratione* considerari merentur. I. LOCUS com-
morationis. II. AMICTUS. III. VICTUS. Fuit in DESERTO, quan-
do verbum Domini ad ipsum factum est; & *prædicavit in DESERTO
JUDÆÆ. Mat. iii: 1.* venitque *in omnem regionem circumjacentem Jor-
dani.* Inepti sunt, qui per deserta intelligi jubent vastas solitudines,
hominibus inaccessas. Non enim certe, quod de Francisco suo nu-
gantur Legendarii, arboribus prædicavit Johannes, & fratribus asi-
nis, & fororibus aviculis; sed ingenti concurrentium ad se hominum
multitudini. Habebant deserta Judæ suas urbes, vicos, & pagos,
& incolarum frequentiam. Vero prorsus consentaneum est, Johan-
nem prædicationem suam exorsum esse in natali solo, nimirum in ci-
vitatibus deserti, non procul Hebrone dissitis: exindeque, prout oc-
casio obtulit, vel Spiritus impulit, in alias demigrasse regiones; do-
nec

nec ad circumjacentia Jordani loca venit: ubi, fluminis ad baptismum opportunitate invitatus, longiores moras traxit. Prædictum utique erat, futurum esse Johannem *vocem clamantis in deserto*. Jes. xl: 3. Quod impleri debuit, tam quoad *literam*, quam quoad *mysterium*. De litera nunc vidimus. Mysterium autem multiplex subest. In eremo vixit, habitavit, didicit, docuit Johannes: ut jam tum palam fieret, gratiam Dei non esse alligatam Hierosolymæ, aut Zioni, aut manufacto Sanctuario. In deserto prædicavit; ut doceretur, desertum aliquando a Deo esse habitandum, illosque homines, qui hæcenus deserti instar fuerant, inculti, horridi, atque omnis bonæ frugis expertes, quales erant gentiles, fore locum & habitationem Dei. Jes. xxxv: 1. Dei, inquam, *הָרוּכָב בְּעֵרְכֹת*, *qui equitat in campestribus*. Pf. lxxviii: 5. Docebatur item, Judæos ipsos deserti nunc speciem habere, quippe in quibus, pro veræ pietatis, & sinceræ virtutis, ac vivæ fidei in Messiam, cum propriæ justitiæ abnegatione, & non fucatae devotionis fructibus, infelix hypocrisis lolium, & steriles humanorum institutorum avenæ dominabantur: nulla admodum semente doctrinæ Evangelicæ, nulla Deo placentis religionis fruge. Enimvero multo utilius hæc, & quæ his sunt similia, a Theologis nostris observantur, quam quæ de antro in quo Johannes habitaverit, quodque post multa tempora fidelibus innotuerit, ex sincera, ut ait, attestatione *Sophronii*, quam ego anilem fabulam esse non dubito, retulit *Baronius Annal. T. I. ad An. xxxi. Sect. xi*. Febriculosi hominis somnium apud ipsum qui vult Auctorem quærat. Mihi quidem describere non lubet.

XXXVIII. AMICTUS Johannis, si gentis suæ secutus fuisset XXXVIII. morem, debuisset esse lineus, purus nitidusque; qualis Sacerdotem ^{Amictus} decet. Verum, ut in plerisque, ita & in hac re, aliquid sibi singularare habuisse, Evangelistæ notant. Mat. iii: 4. *ἔρχε τὸ ἐνδύμα αὐτοῦ ἐκ πέλινος καμήλου*. Marc. i: 6. *Ἦν ὁ Ἰωάννης ἐνδεδυμένος τρίχας καμήλου*. ^{Johannis ex pilis Camelus, nec meli, nec splendidus} De Camelorum pilis hæc habet *Ælianus in Historia Animalium lib. xvii. cap. xxxiv*. *Cameli (apud Caspios) plures numerantur, quorum maximis equis sunt magnitudine pares, ὑπερχεῖς ἄλλαν ἀπαλαὶ γὰρ εἰσι σφόδρα αἱ τῶν τρίχων, ὡς καὶ τοῖς Μιλησίοις ἱρίοις ἀντικρίνεσθαι τὴν μαλακότητα. ἔκον ἐκ τούτων οἱ ἱερεῖς ἐσθῆτα ἀμφένονται*. ^{plane sordidus, sed vilis ac rudis} Pilis magni pretii: ii enim ita molles sunt, ut cum Milesiis lanis molliæ comparari possint. Ex illis porro Sacerdotes induuntur. Illudne igitur egerit Johannes, ut Caspiis potius, quam Leviticis, in amictu similis esset Sacerdotibus? Nihil minus. Vestis ejusmodi nec deserto Johannis, nec instituto convenit; quippe culta magis & polita, quam ut tribui debeat incolæ

τῆς ἱρήμυ, cui Christus opponit homines ἐν μαλακοῖς ἱματίοις ἡμφιεσμένους. Quid ergo? an per ἱνδύμα ἀπὸ τριχῶν καμήλυε intelligenda unius camelii pilosa pellis est, qua Fauni cuiusdam & Satyri instar, cutem suam corpusque texerit? Hoc nostrum quoque quosdam voluisse video: eo adductos argumento, quod uterque Evangelista pilos non camelorum, sed *Cameli* laudet: unde concludunt, vestimentum Johannis non constituisse e pilis multorum camelorum, in unum quasi pannum contextis, sed unius cameli fuisse vellus. Ut quemadmodum multi Sanctorum circumivisse dicuntur ἐν μιλωταῖς καὶ αἰγείοις δερμασι in *pellibus ovinis atque caprinis*, Heb. xi: 37. in signum innocentiae, poenitentiae, & austeræ vitæ; ita & Johannes corpori suo circumjecisse putandus sit δέρμα καμήλυε, *pellem cameli*, incultam horridamque. Cæterum nec hoc animo meo satisfacit: non enim περὶ τὸ δέρμα de *pelle*, sed περὶ τῶν τριχῶν de *pilis* cameli, qui utique a pelle distinguendi sunt, Evangelistæ loquuntur. Malo itaque intelligere χιτῶνα τρίχινον *pallium ex hirtis camelinis pilis contextis*, asperum & vile. Quod an corpori immediate applicuerit, an alteri cuidam vesti interiori superinduerit, Scriptura tacente, determinandum nobis non est. Idem sensisse videtur *Clemens Alexandrinus lib. 11. Pædag. c. x.* in hæc verba scribens: ὁ ἡ μακάριος Ἰωάννης καὶ τῶν προβάτων ὑπεριδὼν τὰς τρίχας, ὀξέσας τρυφῆς, τὰς τῶν καμήλων εἴλετο τρίχας, καὶ ταύτας ἡμπέχετο, τὸ ἰυτελὲς καὶ ἄδολον τῷ βίῳ ὑποτυπόμενος. *Beatus Johannes despectis quoque ovium pilis, qui delicias redolent, pilos camelorum elegit, & iis se vestit, simplicem vitam, & a dolo alienam representans.* Quum ovium pilos delicias redolere dicit, non sane id intelligit de vellere ovino cum sua lana; talis enim velleris usum, ut austeritatis symbolum, a Paulo laudatum esse, modo audivimus: sed intelligit Clemens pannum ex ovilla lana contextum. Unde consequitur, ex lege oppositorum, quod per pilos camelorum pariter intelligat confectum inde cilicium. Clarius eandem rem enunciavit alter *Clemens Romanus*: qui in epistola ad Corinthios de Prophetis, quos inter Johannem Baptistam numerat, sic loquitur: ἐν δερμασιν αἰγείοις, καὶ μιλωταῖς, καὶ ΤΡΙΧΩΝ ΚΑΜΗΛΕΙΩΝ ΠΛΕΤΜΑΣΙ περιπάτησαν. Qualem Prophetarum quoque vestem aliquando fuisse, ex κακοζήλῃ Pseudo-prophetarum liquet: qui verorum simiæ, vestire solebant *עשׂ רתנן* ἑρῆν τριχίνον *pallium hirtum aut pilosum*. Zach. xii: 4. Hinc illi *עשׂ כעל* dicti, *hirti*, quasi *heri setæ*, si verbum verbo reddas. 2. Reg. i: 8. Sufficiet ergo hic agnoscere vestitum Johannis fuisse, non splendidum certe, at nec fordidum prorsus, sed vilem, rudem, accommodatum tam loco, ubi, quam argumento, quod docebat: amictum ἑυπορον ἐν τῷ ὄρετι, ubi,

lib. iv. cap. vii. Porro certum est, Judæis etiam locustarum esum incognitum non fuisse. Testatur id Lex Mosaica *Levit. xi: 21, 22.* ubi mundæ & edules declarantur quatuor locustarum species. Et Talmudici Doctores, qui tractatus *Cholin cap. iiii.* multis disputant, quibus notis locustæ mundæ ab immundis distinguantur. Accedunt recentiorum, qui in Palæstina peregrinati sunt, relationes, uno ore narrantium, notissimas ibi locustas, earumque manducationem esse: quamvis in deliciis, ut alibi, non sint; sed gravis odoris, malique gustus; ideoque non nisi pro tenuium pauperumque cibo habeantur. Non mirum itaque & insolitum plane, Johannem locustis usum, obvio & parabili cibo, domestico, non exotico, inemptis dapibus, quas natura dabat, & tractus montanus, non ars, aut structa ad palatum culina. Vel si quid hic mirum ac singulare fuit, hoc fuit, quod in deserto solum locustis & agresti melle vesceretur, iisque forte oblati, nec aliunde comparatis: ut virum illum Judæi scirent extraordinario fungi munere, essentque ad conciones ejus frequentiores, atque attentiores. Causa itaque non fuit, cur *Isidorus* imperitiæ accusaret eos, qui locustas hic intelligunt: quum in illorum numero multi fuerint ipso longe celebriores. At nec ipsum ideo imperitiæ condemnare velim. Nam nec illi qui foliorum, arborum, vel plantarum summitates significari contendunt, suis prorsus destituuntur probabilitatibus. Quas cum judicio nuper congeffit *Nortonus Knatchbul*, in suis ad hunt *Matthæi* locum *Animadversionibus*. Supponit ex *Isidoro*, quod *ἀγρία* aliquando significant arborum summitates, quales erant τὰ *νεγάρια*, *filiquæ*, quibus implere ventrem suum cupiebat filius prodigus. *Luc. xv: 16.* qui cibus erat & tenuissimus, multoque magis parabilis, quam locustæ. Non enim usquam se legisse, locustas omnino crudas escam fuisse alicujus populi; paratas autem fuisse semper arte aliqua coquinaria. Nam vel ad ignem fuisse coctas, assasve, vel ad solem arefactas, vel fumo duratas, vel sale conditas; quarum artium ulla vix credere est usum fuisse Baptistam in deserto: uti vix probabile videtur, quod laboris tedium in venando aut aucupando subire voluerit. Quum contra, τὰ *νεγάρια*, *filiquæ*, sive *summitates frondium*, sine ullo laboris tædio ad manum essent. Accedit, quod hæc *νεγάρια* etiamnum apud Germanos vocentur *sancti Johannis panis*: quasi constans foret inter ipsos opinio, Baptistam iis vesci solitum. Adde etiam *ὁ ὀφθαλμολόγος*, quod oculatus testis *Sandys*, fidus & nobilis Historicus, in relatione peregrinationis suæ per Judæam circa annum *MDCXI.* hanc ipsissimam montanam regionem, in qua Baptista vesci solitus, depinxit in *Tabula* sparsim arboribus refertam, inscripto nomine, *Deser-*

tum *Johannis Baptista*, paullo inferius ~~ad~~ ^{ad} ~~locum~~ ^{locum} ~~solis~~ ^{solis} ~~hæc~~ ^{hæc} ~~locusta~~ ^{locusta} ~~devinctum~~ ^{devinctum} ~~arbori~~. Unde infert Vir nobilissimus, *eam ipsissimam fuisse arborem, de qua Johannes ederit; quam etiam hodie locustam vocant.* Equidem patior suo quemque uti frui arbitrio. Verum in universo hoc Viri eruditissimi discursu uerum mihi potissimum deesse videtur, quod probandum erat ante omnia; nimirum, *ἀκρίδας* Græcis aliquando idem notare quod τὰ κρέττα. Id si verum sit, dandum aliquid argumentis illis putem. Si non sit, frustra disputantur reliqua.

XLI. Præter *ἀκρίδας* edit Johannes *μέλι ἄγριον* MEL SILVESTRE; XLI. Qui quod nescio cur quidam in *μελαγρία* mutare voluerint, *herba*, si ^{bus additis} credimus, *genus*, in deserto crescentis: aut cur alii, a recepta vo- ^{mel silve-} ~~bra~~; circa cum significatione temere recedentes, *arbores* hic fingant *latis* & *ro-* ^{quod inop-} ~~tundis foliis~~, *lactei coloris*, & *mellei saporis*, quæ natura fragilia mani- ^{se se curior} ~~te~~ bus confricentur atque edantur: aut quid illi in mentem venerit, ^{for aliqui} ~~ostende-~~ cui mel silvestre est *ipsum illud manna*, quo pasti sunt Israëlites in de- ^{runo.} ~~serto~~ integros quadraginta annos. Res enim manifesta est; duplex Israëlitis *mel* fuisse, *domesticum* unum, ex apibus quæ domi aluntur, arte præparatum; alterum *silvestre*, quod in agris passim reperiebatur: quod apes vel in nudo solo, vel in cavis arborum, vel in fissuris rupium, confecerant. Qualis rupes Hebraice vocatur רכש רכש *rupes mellis*. Ps. LXXXI: 17. & mel inde manans, רכש רכש *mel ex petra*. Deut. xxxii: 13. Conf. Jud. xiv: 14. & I. Sam. xiv: 29. Unde etiam dicta Palæstina est *terra lacte & melle fluens*. Nihil hoc melle communius est in vastissimis Sarmatiæ regionibus, Polonia, Lithuania, Moscovia, & conterminis aliis. Tali itaque melle, quod sine cura ipsum suppeditabat desertum, cum locustis usus Johannes est: cibus forte oblati contentus, fretus Dei providentia, certusque non defutura sibi quæ ad vitam sustentandam essent idonea. Frustra sunt, quibus mel vulgare lautior esse cibus videtur, quam ut Johanni in tam severa abstinentia convenerit, ideoque finxerunt *mel* quod *amarissimum* & *gustui* plane *ingratum* sit. Sic *Isidorus Pelsiota Epist. 132. lib. I.* Μέλι ἄγριον, ὑπὸ μελισσῶν ἄγριον γενόμενον, πικρότατον, καὶ πάση γεύσει πολέμιον. Nugæ. Agreste mel non secus ac domesticum, dulcedinis nomine laudatur, iis Scripturæ dictis quæ supra allegata sunt. Magnæ satis abstinentiæ in Baptista fuit, quod locustis, & melle vixerit; quia, ut in locustis, sic & in melle, parum est nutrimenti, quum seorsim sumitur. Hinc *Pythagora* laudibus accensetur, quod *ὠτελεῖσθαι διαβίῃς, πολλάκις μέλιτι μόνῃ ἡγεῖται*, tam frugaliter viveret, ut solo sape melle contentus esset. Quod ex *Eustabio* observavit *Bochartus Hieroz. Part. II. lib. IV. cap. XII.*

Adde *Clementem Alexandrinum* *Padag. lib. II. cap. I. pag. 148.* Μαθηταὶ τοῦ μὲν ὅς ὁ Ἀπόστολος σπέρματων καὶ ἀκροδύων καὶ λαχάνων ἀνευ κρεῶν μετελάμβανεν. Ἰωάννης δὲ ὑπερτείνας τὴν ὑγκράτησιν, ἀκρίδας καὶ μέλι ἤδεν ἄγριον. *Matthæus itaque Apostolus seminibus, baccis & oleribus sine carnisbus volvebatur. Johannes autem continentiam ulterius extendens, locustas & mel agreste comedeat.*

XLII. Credibile non est, tam superstitiose Johannem hoc cibi genus affectavisse, ut nullo unquam alio usum sit.

XLII. Interim credibile non est hoc cibi genus tam superstitiose se Johannem affectavisse, ut ab omni alio semper abstinendum sibi esse censuerit. Opinor enim quum apud cives, aut regem ageret, aut Hierosolymis festa celebraret, non anxie locustas requisivisse, aut maluisse eas secum portare, quam obviis cibus vesci: aut quum in carcerem ab Herode compactus fuit, famem ac tabem ex locustarum defectu pati maluisse, quam apposito pane latrantem placare stomachum. Non temnendam censeo Magni Theologi observationem, quamvis ἀκρίδες & μέλι ἄγριον proprio & stricto significatu exponenda sint, nihil tamen ob stare quo minus illi interpretationi addatur & alia, dicaturque in horum ciborum designatione speciem pro genere poni, non quod locustis & melle vescens omni alia dape religiose abstineret, sed quod cibus usus sit tenuissimis quos dabat desertum & tractus asper, sine cura, sine pretio. Nihil enim aliud a pueris ad mortem Johanni comestum esse, affirmari potest: probari non potest. Daniele a præfeto pro cibus regiis poposcisse legimus וְיָרִי vel וְיָרִי, σπέρματα, legumina, iisque cum sociis vicitasse. Ideone statuendum, nihil ipsis præterea esse comestum? ne panem quidem? Plura id genus in Sacris nostris exempla sunt. Quæ ergo de locustis & melle silvestri narrantur, non ita anxie sumenda esse videntur, quasi his duntaxat cibus tota se vita obstrinxerit Vir Sanctus: sed quod his ordinarie uti consueverit, vel aliis id genus, tenuibus, non lautis, domesticis, non exoticis. Neque pressius quam par est urgeri debet Christi dictum Luc. vii: 33. *Venit Johannes Baptista neque edens panem, neque bibens vinum.* Notum enim, panem pro cibo Hebræis consueto sumi. Dum itaque Johannem panem comedisse negat, negat eum consueto vixisse modo, uti solent qui hominum frequentant commercia, & se patiuntur invitari. Si enim litera vexanda foret, eo quod Mat. xi: 18. *nec edisse, nec bibisse* datur, inferendum esset, Johannem omni cibo & potu prorsus abstinuisse. Sensus ergo sit, non ea vivendi ratione usum esse, qua honestiores solebant Judæi, & qualem sibi Sacerdotis filius in domo paterna, nec abjecta, nec sordida, vindicare poterat: sed cibo & potu usque adeo tenui usum, ut nullo uti videretur,

XLIII. Nam quam in cibo parsimoniam, eandem & in potu XLIII. *As ostendit: idque ex diserto Angeli præscripto. Luc. 1: 15. Vinum* ^{vino omni-} *ficeramque non bibet.* *Sicera* sine dubio est ab Hebræo שֵׂכֶר, notatque ^{que potu} *omnem potum inebriantem;* ^{inebriante,} *ut zythum Egyptiorum, nostræ non ab-* ^{ex manda-} *simile cerevisiæ, unde Æschylus Grotio citatus, ἐκ κριθῶν μέθω; & Ba-* ^{ro Dei, to-} *byloniorum potus e palma. Optime Hieronymus ad Nepotianum: Si-* ^{tam vitam} *cera Hebræo sermone appellatur omnis potio quæ inebriare potest; sive illa* ^{abstinuit.} *quæ frumento conficitur, sive pomorum succo, aut quum favi decoquuntur in dulcem & Barbaram potionem, aut palmarum fructus exprimuntur in liquorem, coctisque frugibus aqua colatur. Ejus, ut & vini usu, & quidquid vite venit, interdictum antiquitus Nasiræis erat. Num. vi: 3, 4. Et nominatim Simsoni Jud. xiii: 14. qui similiter parentibus non sine miraculo & Angeli annunciatione concessus est. Cur autem abstemios eos esse Deus voluit? Ratio in mundo est. Vino, si paullo liberalius sumatur, turbari cerebrum, & gravari mentem, omnium temporum experientia constat. Ejus rei ne ullum esset periculum, jubebat Deus Sacerdotes omnes λειτουργίας tempore prorsus a vino abstinere. Lev. x: 9. Quod mandatum quum infelici filiorum Aaronis temeritati proxime subjungatur, colligunt Hebræorum magistri; inde natum esse crimen, quod incauti juvenes plusculum se paullo ante invitavissent. Sicut autem hi qui ad tempus Deo consecrabantur, durante isthoc tempore ab omni ea re abstinere se habebant, quæ perturbationem inducit: ita hi qui in perpetuum Deo sepolti, & in hoc nati erant, totam vitam abstemiam agere jubentur. Eadem abstinencia indicabatur domatio affectuum, in lubenti ac spontanea rerum, cæteroquin dulcissimarum ac jucundissimarum, carentia, & assuefactio sui ipsius, ad ea sustinendum incommoda, quæ severioris religionis professio secum trahit.*

XLIV. Enimvero singularis ista abstinencia Johannis in cibo XLIV. *Ex* ^{quibus ge-} *potuque, non quidem hætenus in exemplum trahenda est, ut vel* ^{nerasim} *omnes obliget Christianos, vel in ea magna collocetur sanctitatis* ^{discendum} *perfectio. Non enim est regnum Dei esca & potus, sed justitia, & pax,* ^{est, ut im-} *& gaudium per Spiritum Sanctum. Rom. xiv: 17. Nec esca nos* ^{peremus} *commendat Deo. 1. Cor. viii: 8. Ipse Dominus Jesus, qui per-* ^{corpus cure-} *fectissimum nobis reliquit sanctitatis exemplar, non existimavit pre-* ^{mus ad cu-} *menda sibi in hac austeritate anteambulonis sui esse vestigia. Venit* ^{pidiasates.} *enim filius hominis edens & bibens, Luc. vii: 34. Sed omnibus hi-* *discendum est, ut imperemus gulæ, nec sub ullius nos cibi potusve* *potestatem redigi patiamur, neve corpus curemus ad cupiditates.*

Præclare Clemens Alexandrinus *Pædagog. lib. 11. cap. 1. pag. 144. Οὐ*

χρὴ ἔν , καθάπερ αὐτουμενόμενος ἡμᾶς , κατὰ τὴν ἐν τῇ εὐαγγελίῳ τῷ πλουτῷ
 παιδὸς εἰκόνα , παρὰχρῆσθαι τοῖς τῷ πατρὸς δωρήμασι· χρῆσθαι ὃ αὐτοῖς , ὡς
 ἀρχοντας , ἀπροσκλινῶς . Καὶ γὰρ βασιλεύον ἐπ' ἀρχῶν καὶ κατακυριεύον ,
 ἐνὶ δαλείῳ τοῖς βρώμασι . ἀγασθὲν μὲν ἔν ἑκαστὸς τὸ ἀληθὲς ἀνδρῶσαντας , τῆς
 αὐτοῦ τροφῆς ἐξέχουσιν , τῆς δεῖας , καὶ τῆς τοῦ ὄντως ὄντος ἀπληρώσεως ἐμπύ-
 πλασθαι δεῖας , τῆς βεβαίης , καὶ μονίμης , καὶ καθαρᾶς γενομένης ἡδονῆς .
*Non oportet nos , veluti prodige & profuse viventes , quemadmodum est
 in Evangelio similitudo filii divitis , abuti donis patris ; sed eis uti , ut qui
 ipsis constanter imperemus . Ut in cibos enim regnum & domitium obti-
 neamus , non ut eis serviamus , ordinati fuimus . Res est ergo præclara &
 maxime expetenda , sublati ad veritatem oculis , divino illi & qui in alto
 est adherere cibo , & illius qui revera est contemplatione , quæ nunquam
 satietatem affert , sese implere : atque ita gustare firmam ac permanentem
 puramque voluptatem .*

XLV. Do-
 enis Johan-
 nes non
 ut Sacer-
 dos , sed ut
 Prophetas .

XLV. Talem ergo se Johannes in vitæ instituto gessit : nunc
 muneris sibi a Deo demandati functionem expendamus . Ubi distin-
 cte considerata veniunt . I. DOCTRINA ipsius . II. BAPTISMUS , ad
 doctrinæ confirmationem , penitentioremque in auditorum animis impres-
 sionem , adhibitus . Omnibus quidem *Sacerdotibus* id officii datum
 fuit , ut populum salutaris doctrinæ elementis imbuerent . Sic enim
 apud Malachiam exstat cap. 11: 7. *Labia Sacerdotis observabunt scien-
 tiam , & ex ore ipsius requiretur Lex : nam Angelus Jehovæ exercituum
 est . Et de iisdem Moses dixit Deut. xxxiii: 10. Docent judicia tua
 Jacobum , & Legem tuam Israël .* Vel eo itaque nomine quod *Sa-
 cerdotis filius* & *Sacerdos* esset Johannes , docendi officium ei incubuisse
 credendum est . Cæterum augustiori titulo ad docendum est vocatus .
 Non enim Sacerdos modo , sed & *Propheta* fuit : immediata verita-
 tis patefactione a Deo rebus arcanissimis eruditus ; & singulari jussio-
 ne ad ea populo prædicanda missus . Sic enim Zacharias pater , re-
 pletus & ipse Spiritu Sancto , de eo recens nato prophetavit Luc. 11:
 76. *Tu vero puerule PROPHETA ALTISSIMI vocaberis .* Neque auspi-
 catus ministerium est , nisi *facto* prius *ad ipsum* , adhuc in deserto com-
 morantem , & solitariis vacantem meditationibus , *verbo Domini* . Luc.
 11: 1. Quia formula præscos olim vates missos esse liquet ex Jer. 1: 2.
 Ezech. vi: 1.

XLVI. Ne-
 minatum,
 ut Elias .

XLVI. At neque ex plebe Prophetarum aliquis , si ita loqui fas
 sit , Johannes noster fuit ; sed præstantissimis & celebratissimis accen-
 sari meretur . Talis enim indubie *Elias* fuit , cui datum est cum Mo-
 se in sacro monte glorificationi Domini nostri interesse , eidemque
 perhibere testimonium , Mat. xvii: 3. Johannes autem *in spiritu &
 virtute*

virtute Elia venit. Luc. 1: 17. Eliæ in dotibus, officio, vitæ ratione, simillimus: ideoque & ELIAS nuncupatus. Mal. IV: 5, 6. *Eccè ego missurus sum vobis Eliam Prophetam, antequam veniat dies Jehovæ maximus ac reverendus.* Quod de die adventus Messiae intelligendum esse, vix ipsi negaverint Judæi. Mat. XVII: 10. Ut autem de *Elia* Thübite illo, qui turbine in cælum raptus est, interpretemur, nulla jubet ratio. Nam uti in omni sermone, ita & in Sacro, sæpe usu venit, ut qui alteri alicui multis in rebus similis est, ejus cui similis est nomine designetur. Notum est *Virgilii* istud,

Atque iterum ad Trojam magnus mittetur Achilles.

Eam ob causam, ut alia nunc exempla prætermittam, *Jehu* a Jezabele *Zimri* vocatur. 2. Reg. IX: 31. Neque est quod dubitemus ob eandem prorsus rationem *Elia* nomine designatum a Malachia *Johannem* nostrum esse. Nam & certissimæ interpretationis istius auctorem habemus Dominum Mat. XI: 14. XVII: 12. & omnia consentiunt exactissime. Elias corruptissimis temporibus nullo periculo absterritus est, quo minus regi totique populo peccata ipsorum ob oculos poneret. Idem spiritus, eadem vis animi, sanctaque *πάσχα*, luculentissime in Johanne emicuit.

XLVII. De Elia Malachias vaticinatus est, *conversurum esse cor* XLVII. *Patrum ad filios, & cor filiorum ad Patres.* De Johanne eadem prædi- ^{Nam &} xit Gabriel. Luc. 1: 17. Et respondit eventus. Ita enim Johannis ^{cor Patrum} temporibus comparatæ res erant in populo Israhelico, ut dissidiis di- ^{ad filios,} straherentur omnia. Judæi in tres præcipuas, pluresque minores se- ^{& filiorum} ctas, opinionibus ritibusque discrepantes, divisi erant. Sadducæi ^{ad Patres} & Pharisei acribus inter se odiis agitabantur. Legis quoque Inter- ^{conversis.} pretibus inter ipsos non conveniebat. Dissidia ista ex scholis & Synagogis, ut fieri amat, transibant in familias. Hinc rixæ, inter parentes quoque & liberos, dum hi hunc, alii alium Doctorem præferunt. Confer Mat. X: 35. Cujus rei, utinam & nostris temporibus nullæ exstarent exempla! Eo autem inserviebat Johannis ministerium, ut animos auditorum suorum a tot sectarum auctoribus, humani duntaxat nominis auctoritate, sub ementita Veterum ipsiusque Mosis traditione, plerumque munitis, abstraheret, & allegaret ad unum supremum cælestis veritatis Doctorem, Jesum, atque ita dissidentes recomponeret, ipsosque *ἀπειθεῖς*, Hebræis מוריי rebelles, nisi malis immorigeros, Deo nec audientes, quod *Sculctus* urget, ad unitatem redigeret, *in ὁμονοίᾳ συναλυ.*

XLVIII. Quæsitissima locutio. Etenim *ὁμόνοια* tam *sententiam* XLVIII. ^{Es rebelles} aliquam *mentis*, cum *animi adfectu* conjunctam, quam *prudentiam*, si- ^{additio} ve

ad prudentiam justorum. ve rerum sapienter agendarum peritiam, & profutura a nocituris distinguendi calliditatem, notat. Illius significationis multa exempla in sacris, saltem quoad voces conjugatas, exstant. Phil. 11: 2. τὸ ἐν φρονήντις. & com. 5. Τὴν γὰρ φρονείδω ἐν ὑμῖν ὁ καὶ ἐν Χριστῷ Ἰησοῦ. rursus cap. 111. com. 19. οἱ τὰ ἐπίγεια φρονούντες. Adde Col. 111: 2. τὰ ἀνω φρονεῖτε. Rom. viii: 5. τὰ τῆς σαρκὸς φρονεῖσι. & com. 6. τὸ φρόνημα τῆς σαρκὸς, & τὸ φρόνημα τῷ πνεύματι. & sic alibi passim. Altera autem, prudentiæ notatio, ubique receptissima est. Eph. 1: 8. ἐν πάσῃ σοφίᾳ καὶ φρονήσει. In quem locum appingere lubet solidam, me judice, Doctissimi Interpretis explanationem: *In Exerc. de Princip. Epist. ad Ephes. S. 14. Respondent duo ista vocabula duobus Hebræis חכמה ותבונה. Sapientia (ὡς τότε καὶ παχυλῶς λέγειν) est rerum optimarum maximarumque exacta cognitio. In sacris literis autem non nudam cognitionem notat, sed una certum sive confirmatum affectum erga id quod optimum est, & per quod illud ipsum conciliatur. Nam qui bonum videt & non concupiscit vere, ac serio prosequitur, is profecto non sapiens, sed stultus dicendus est. φρόνησις autem versatur ἐν τῷ δοκιμάζειν τὰ διαφέροντα in exploratione meliorum. Quapropter prudentiam recte verti putamus. Unde frequentissime in Evangelio φρόνιμοι illi dicuntur, qui rerum gerendarum & eligendi id quod optimum est, callidi sunt. Mat. vii: 24. x: 16. xxiv: 45. xxv: 2. 1. Cor. iv: 10. Luc. xvi: 8. Porro altera vox δικαίων, vel uti neutrius generis sumi potest, ut res notet, vel uti masculini generis, ut designentur personæ. Si prius eligas, φρόνιμοι δικαίων, significabit peritiam in dignoscendis & prosequendis ea quæ iusta sunt, sive cogitationes & studia circa iustitiam & sanctitatem. Sin posterius, quo ego me magis inclinare profiteor; tum notabit eam mentis sententiam, eum animi adfectum, eam prudentiam, quæ iustorum est, in quam conspirant homines sancti, quæque a sententia & affectu hominum carnalium, & versutia huius seculi plurimum est remota. Denique ἐν φρονήσει tantundem valet, ac si scriptum esset εἰς φρόνησιν. Nam & alibi duæ istæ præpositiones sine sensus variatione alternantur. Quod & a Syro observatum est, qui transtulit לידעתא דכאנא, eodem quo Latinus, & nos, sensu. Eo igitur directum fuit Johannis ministerium, ut homines a discrepantibus litigantium doctorum sententiis avocatos, ad sanctam in fide ac iustitiæ veræ prosecutione conjunctionem adduceret: quod, quamvis in notabili, etiam pessimorum cæteroquin hominum, numero, non tamen in plerisque, nedum in populi universitate, optatum successum habuit. Ut hac quoque parte similis Eliæ fuerit.*

XLIX. Cæterum dissimulanda non est difficultas insignis, quæ XLIX. Mi-
 partim ex rei ipsius consideratione oritur, partim ex sermone Gabrie-^{rum videri}
 lis, prænuntiantis adventum Johannis *ἐν πνεύματι καὶ δυνάμει* Eliæ. ^{queat, qui}
 Res ipsa loquitur, disparem Eliæ, imo & minorem, fuisse Johan-^{Johannes}
 nem; quod non modo miraculorum multitudine & magnitudine in-^{in spiritu}
 signis fuerit Elias; sed & virtutem miracula patrandi communicaverit ^{Elie ve-}
 cum discipulo suo Elisæo: Johannes autem nullum unquam ipse si-^{niens, mi-}
 gnum ediderit; tantum abest ut virtutem prodigia faciendi ullis disci-^{racula sa-}
 pulorum suorum impetraverit, vel impertierit. Hi enim a Paulo ro-^{men pa-}
 gati, num post fidei suæ professionem, & susceptum Johannis baptis-^{trandi fa-}
 mum, Spiritum Sanctum, cum extraordinariis istis prodigiosisque ^{cultate sue-}
 donis acceperant, respondere coacti sunt, se ne quidem *sine Spiritus*
Sanctus audivisse. Act. XIX: 2. Porro non videtur debuisse Johannem
 in hac quoque re disparem Eliæ esse, siquidem in *spiritu & virtute*
Eliæ venit. Nam & *spiritus Eliæ* facultatem miracula patrandi com-
 plectitur: ut colligere est invicto isthoc argumento, quod Elisæus du-
 pla portione *spiritus* istius locupletatus, uti filius Eliæ primogenitus,
 extemplo facultatem istam exseruisse legatur. 2. Reg. II: 14, 20. Et
δύναμις πνεύματος, prorsus *mirificam istam vim* notare videtur: præser-
 tim quum prodigia nullo frequentius quam *δυνάμει* nomine in Novi
 Instrumenti Libris veniant. Accedit, quod indignum videatur, eum
 qui functionis dignitate & Eliam & cæteros Prophetas omnes longis
 spatiis superasse creditur, ea destitutus comperiatur facultate, quæ
 maximam semper Prophetis auctoritatem conciliavit. Quo muneris
 a Deo demandati præstantia communem ordinem magis egreditur, &
 quo momentosior est Propheticæ prædicationis materies, eo missio-
 nem & prædicationem hominis usque adeo extraordinarii, confirma-
 tiorem esse oportet. Nihil vero confirmat validius, quam miracula.
 Præcipue apud gentem præ cæteris omnibus miraculorum avidam.
 Vidit difficultatem istam Erasmus, sed levi admodum brachio eandem
 expedire se posse putavit. Sic enim commentatur: *δυνάμει*, ut intel-
 ligas vim miraculorum, non solum probitatem; ut crebro jam admonuimus.
Licet non exstet in S. literis, Johannem edidisse miracula, aderat tamen
fidei robur usque ad vitæ contemptum. Enimvero admodum facilem esse
 oportet, qui tam exigua sibi observatiuncula satisfieri finit. Nos
 paullo ulterius enitamur.

L. Ultro largimur, non modo non exstare in S. literis, quod L. In ejus
 Johannes ulla ediderit miracula, uti Erasmus loquitur; sed & ex-^{rei rationes}
 pressis verbis exstare, quod nulla ediderit. Sic enim Johannes Apo-^{inquirunt.}
 stolus loquitur Evangelii cap. X: 41. *Johannes quidem signum nullum*
edidit.

edidit. Atque adeo fatemur disparem hac quidem in re Eliæ fuisse Johannem. Quæ tamen disparitas aliis dotibus, multo majoribus, abunde fuit compensata. Neque certe vel personæ, vel muneris dignitas, a solis æstimanda miraculis est: Christo ipso declarante, *eum qui credit in ipsum non solum opera facturum esse quæ Christus fecit, sed & majora iis facturum.* Joh. XIV: 12. Nec consequitur, eo quod Elias miracula patraverit, idcirco ei qui in spiritu & virtute Eliæ venit pariter præstanda esse miracula. Quia similitudo ista consistere potest, consistitque revera, in paritate sapientiæ, sanctitudinis, zeli, & efficacitate præconii, vehementique spiritus ad generositatem atque invictam fortitudinem impulsu. Hoc sensu *spiritus*, *virtus*, sive *כח*, & *potentia*, sive *גבורה*, junguntur Mich. III: 8. *Verumtamen ego repletus sum virtute a Spiritu Jehovæ judicioque & potentia, ad indicandum Jacobo defectionem ipsius, & Israël peccatum ipsius.* Ubi non tam de prodigiorum edendorum potestate, quam de sapientiæ ubertate, invictaque generosi animi firmitudine, ac *παρρησία* cogitandum est. In quibus rebus Johannem Eliæ non cessasse ex Evangelio liquet. Non etiam, quia per *δυνάμεις* frequentissime miracula intelliguntur, eam miraculorum significationem ubique urgere convenit. Nam & alibi vehementem spiritus ad rem aliquam agendam impulsu significat. Luc. IV: 14. Alibi eam, de qua aliquoties nunc, Prophetici spiritus generositatem notat. Quo refero illud Luc. XXIV: 49. *Εὐς ἐνδύσασθε δυνάμιν ἐξ ὑψους.* Alibi denique sermonis Sacri efficacitatem ad animorum convictionem designat. I. Cor. II: 4. I. Thess. I: 5. Quarum notationum nulla est, quæ non commodum hic locum inveniat. Neque enim vel debilior sacri Spiritus impulsus, vel minor animi firmitas, vel imbecillior prædicationis valentia, in Johanne quam Elia argui potest. Denique, nec indignum Johanne censeretur debet nullum portentificæ virtutis exercitium; quippe quo ad functioni suæ fidem faciendam non indiguit. Cœlestem ipsius missionem satis comprobant miracula, quæ conceptionem & nativitatem ipsius antegressa & consecuta sunt; non in obscuro angulo, sed partim in ipso Templo, partim in hominum fide dignissimorum præsentia, cum spectantium stupore animadversa. Doctrina ipsius nihil habebat novi, quod extraordinariam confirmationem requireret; sed erat testificatio rei, vel instantis, vel præsentis, quam unanimi voce omnes Prophetæ prænunciaverant. Adde, quod miraculorum a Johannis ministerio absentia necessaria propemodum fuerit, ne forte, si similia præstitisset iis quæ Messiam præstare oportebat, præcipiti judiciorum temeritate a multis pro Messia haberetur, qui non nisi Messiae prodromus erat. Nam ne hac quidem

dem ratione prorsus præveniri & impediri error iste potuit. Non enim defuere qui ipsum Messiam esse vel crederent, vel suspicarentur. Luc. 111: 15. Patet id ex decreta ad eum ipsius Synedrii Magni Legatione, qua serio sciscitatum veniebant, quis tandem esset. Joh. 1: 19.

LI. Valde notabilis est historia ista, suggeritque novas difficultates, pari diligentia solvendas. Videtur enim responsionibus suis Jo-^{sensu se} hannes negare id quod modo adstruximus; nimirum, ipsum *Propheta-^{Eliam, &} tam*, & *Eliam* esse. Rogantibus Sacerdotibus ac Levitis, *Elias es tu?*^{Prophetam} *Dixit, Non sum.* *Rursus rogantibus, Propheta es tu?* *Respondit, Non.*^{esse nega-} *verit.* com. 21. Magni nominis, magnæque auctoritatis erant hi interrogantes: missi a *Synedrio Hierosolymitano*, totum populi Israëlitiçi corpus repræsentante; cui soli de Propheta judicare fas esse credebatur. Erant autem ex isto corpore missi *Sacerdotes* aliquot ac *Levita*; qui legis peritissimi, ideoque ad disquisitionem ac disceptionem hanc aptissimi, habebantur. Quæstio vero ipsa maximi erat ad universam Israëlitarum rempublicam momenti. Quum enim Johannis ministerium multa haberet prorsus singularia, atque insueta, frequentissimusque ad eum populi, summa cum veneratione, concursus esset; plurimum Magni istius Concilii intererat, ut accurate cognoscerent, quid statui de eo oporteret: an relinquendus esset sibi, an approbandus ac sectandus, an tantæ innovationi in tempore eundum obviam. Quandoquidem etiam Dei ac Messiae gloria, populique salus in hoc cardine vertebatur, dubium non est, quin magno serio totum hoc negotium Johannes tractaverit. Rogatus itaque a tantis viris, tantaque auctoritate præditis, quis esset, ante omnia profitendum sibi esse existimavit, *non esse se Christum*. Hoc sine ulla dissimulatione aperte professus est, ne debitum Domino honorem minister interverteret. De cæteris autem respondit ad interrogantium mentem: qui plurima laborantes cæcitæ, neque de Messiae prodromo, neque de Messia ipso, recte sentiebant; sed scripturæ dicta, de utroque agentia, pravis interpretationibus trahebant aliorsum. Credebant præcursum Messiae *Eliam* esse, ipsum illum *Thiabiten*, qui sive in cælum, sive in Paradisum raptus, ibidemque in vivis conservatus, inde reversurus sit; sive, ut alii malunt, ex mortuis suscitandus, & redonandus Israël. Hac mente rogabant Johannem, an *Elias* esset. Respondit, quod verum erat, non esse se eum quem ipsi sibi figurabant *Eliam*. Porro credebant, *Prophetam* Mosis promissum Deut. xviii: 15. non ipsum Messiam esse, quod tamen est, sed alium aliquem a Messia diversum. Hoc sensu quærunt, ὁ προφήτης ἐστὶν οὐ; sive emphasis sit in articulo, quod mihi verisimilius videtur, sive non sit, quod cum aliis *Ligefootus* ma-

vult. Tune es ille Propheta de quo Moses? Vel, Tune es antiquorum Prophetarum aliquis ex mortuis suscitatus, Jeremias fortassis, eive similis? Vel, ecquid in Te prophetarum, diu jam desitorum, ordo instauratur? Ad hæc omnia respondit, uti debuit, *Non*. Non enim erat, vel *Propheta* ille Mosi promissus, vel *Jeremias* aut *veterum* aliquis, vel novus Propheta veteribus in ministerio suo similis; sed *plus quam Propheta*. Neque tamen, dum, ad mentem interrogantium, Eliam, vel Prophetam, se esse negavit; utrumque absolute negasse censendus est. Erat enim & Elias, & Propheta; eo, quem nuper explanavimus, sensu.

LII. Jesaia

*vaticinium
de voce cla-
mantis in
deserto, an
Johanni
veste, an ty-
pice appli-
candum sit;*

LII. Tandem rogatus, quis denique esset, dixit, *Ego, vox clamantis in deserto, Dirigite vias Domini; quemadmodum dixit Jesaia* *Propheta*. Bene est, quod existimaverint legati, non satis esse quod negaret se esse *Christum*, aut *Eliam*, aut *Prophetam* illum: oportere autem, ut ostendat, quid de ipso dictum sit, ut possit agnoscere & reverte; & scipi, tanquam missus a Deo. Ideoque non aliter respondet nisi ex Scripturis: at *βραχυλογία* ista quæ Hebræis familiaris est. Perinde enim est ac si dixisset, Ego ille sum, de quo Jesaia his verbis prophetavit, *Vox Clamantis in deserto*—. Verum hinc quoque nova exurgit difficultas. Et mirum videri potest, qui huic responso acquieverint Pharisei; quoniam Jesaia vaticinium alio spectare non sine ratione credi potest. Quid illius ætatis homines de eo arbitrari sint, pro certo non dixerim. Non recentiores modo Judæi, sed & Christianorum Interpretum aliquammulti, docent, Prophetam loqui de revelatione gloriæ Dei in liberatione populi ex servitute Babylonica. Id enim probari ex nexu capitis *XL* cum *XXXIX*. Nam horrendæ illi ruinæ Hierosolymæ, & thesaurorum omnium transportationi denunciata capite antecedenti, subjici hoc capite consolationem, facta spe miraculosæ liberationis: Deum enim acquiescere in pœna quam pro iniquitate sua Hierosolyma pependit. Itaque *קול קורא* esse *vocem omnium Prophetarum*, liberationem illam prædicentium, Jeremiæ nimirum, Ezechielis, & Danielis, nisi quis malit intelligere *vocem Sacerdotum*, populum ad exitum e Babylone hortantium: aut *vocem præconum* a Cyro quaquaversum missorum. Porro, illam vocem auditam esse in *deserto*, sive in *Judea*, tunc revera deserta: sive in *Babylone*, quam pro deserto sibi habebant Judæi: sive in *via deserta*, qua eundem revertentibus erat. *Parandam* ergo fuisse *viam Jehovæ*, omniaque impedimenta amovenda, quibus prohibeatur Dei populus, quo minus faustis ominibus in patriam remearet. Omnia hæc fieri *Jehovæ, Deo Israël*; qui veluti Rex cum populo suo prodit, *Ps. LXVI 11: 8.*

Hab,

Hab. III: 13. Denique ita *gloriam Dei* insigni ista liberatione esse *revelatam*, ut omnibus circumquaque nationibus incusserit stuporem. Ps. cxxvi: 1, 3. Tam probabiliter ista dicuntur, ut non desint summates Theologi, qui tutissimum esse existiment, ita oraculum hoc exponere, ut ex eorum genere esse statuatur, quæ *typica* vocantur & composita, adeoque tum de *liberatione* populi per *Cyrum ex captivitate Babylonica*, tum de *liberatione* Ecclesiæ per *Christum e captivitate Diaboli*, intelligendum esse. Addita hac observatione, absurdum fore, Prophetam prædictioni captivitatis imminentis tantum subicere consolationem multis post seculis demum exstituram. Fatentur interim, imo & probant sollicitè, augustiora Prophetæ verba esse, quam ut ad unius populi temporale beneficium restringi debeant; & transitu a typo ad antitypum facto, consummationem vaticinii in Johanne & Christo ostendunt. Quod admirabili dexteritate præstitum est a Principe Theologorum *Friderico Spanhemio, Patre. Dubiorum Part. III. Dubio xxii.*

LIII. Equidem intercedere nolim ingenuo huic Doctissimorum LIII. an Interpretum candori; sique explicatio ista animo alicujus satisfaciat, directe & per me certe licebit in ea acquiescere. Modo & mihi liceat simpli- proprie.cius verba interpretari; uti directè, & sine typi ambagibus, ad Chri- Hoc præ-stum, & Johannem, ejus præcursores, pertinentia. Pro qua sen- ferunt.tentia hæc militantes rationes. Primo, a Viris eruditissimis notatum est, nullo evidenti nexu caput hoc xl. Jesaiæ cum antecedente xxxix jungi. Neque enim præfationem ullam habet, qua doceatur designatio temporis, aut occasionis, qua revelatio hæc Prophetæ facta sit. Sed post narrationem historicam subjungitur concio prophetica; cujus argumentum ex ipsa re, verborumque *ἑμφάσει*, non ex ea, quæ gratis supponitur, cum antecedentibus connexionem, colligi debet. Qua observatione cadit speciosum illud pro typo argumentum, quasi scilicet vaticinium hoc continere necesse sit consolationem adversus mala præcedenti capite prænuntiata. Concesso tamen nexu qui postulatur, certe ea quam nos daturi sumus explicatio, validissimam suppeditat adversus prædictas calamitates consolationem. Nam si ingentem ex prænuntiatione captivitatis Babylonice terrorem in Hezechiæ regis totiusque populi animis oriri oportuit: pariter oportuit magnam ipsis lætitiæ materiem esse, quod intelligant, in ipsa illa terra a Babyloniis nunc vastanda, labentibus seculis prædicatum iri regnum Dei, cum *pace & veritate* longe luculentiori quam suis diebus optare Hezechias potuit: ibidem conspectum atque auditum iri primo clarissimum Mes-
siæ Regis præcursores, tum & Regem ipsum cum regni sui gloria, &

inæstimabilibus bonis. Hæc enim omnia Dei acceptationem gratiosam, reditum populi in suam terram, Reipublicæ restitutionem, populi præ majoribus suis multiplicationem, collationemque beneficiorum multo quam unquam ampliorum, involvunt; jucundissimamque lugentibus Zionis consolationem præbent. Nihil ergo hætenus est quod a prima Johannis & Christi cogitatione nos abducatur. Adducit autem character temporis vaticinio hoc descripti. Nimirum illud hic tempus designatur, quo dicetur Ecclesiæ *בְּיָמֶיהָ צֶדֶק* quod *impletum sit tempus ei prædefinitum*. Hoc est, quod alibi vocatur, ἡ ἐργασμία Gal. IV: 2. & πλῆρωμα τοῦ χρόνου vers. 4. & מוֹעֵד Hab. II: 3. Quando נִרְצָה עֲוֹנָה *absoluta erit iniquitas ipsorum ad gratiosam acceptationem*: hanc enim vim Hebræa verba habent. Consequenter agitur hic de שְׁנַת רִצּוֹן לַיהוָה anno *acceptationis Jehovæ*. Jes. LXI: 2. eaque *peccati expiatione*, & *justitiæ æternæ adductione*, quæ per Christum facta est. Conf. Dan. IX: 24. Zach. III: 9. Porro, omnia fere totius Prophetiæ verba ad Christum ducunt, & augustiora sunt, quam ut alteri cuicunque applicari possunt. Quis enim est *Jehova*, cui præparari viam oportuit, nisi Dominus ille qui ad Templum se suum venturum pollicitus erat, quem quærebant pii Israëlitiæ, Angelus ille fœderis quo delectabantur, & cui per mittendum a Deo Angelum expedienda erat via? Mal. III: 1. Quando omnium maxime *revelata est gloria Jehovæ*, nisi quo tempore manifestatus est Messias, & conspecta *gloria ipsius veluti unigeniti a Patre*? Conf. Joh. XI: 28, 29. Quando *omnis caro vidit, os Jehovæ esse locutum*, nisi quum Filium Dei, æternæ vitæ præconem, & oculis conspexerunt, & auribus audiverunt, & reipsa experti sunt, omnes quotquot sunt Dei promissiones in ipso esse Etiam & Amen? Quando civitatibus Judæ in emphasi dictum est, *Ecce Deus vester: Ecce Dominus Jehova cum fortitudine venit; ecce merces ipsius penes ipsum est, & opera pretium ejus coram ipso. Ut pastor gregem suum pascet, &c.* Cæterum esse oportet, qui Messiam hic cum Evangelio suo non deprehendit, Denique, uti antecedentia & sequentia ad Christum ducunt, ita verba versus 3. nulli melius ac plenius quam Johanni conveniunt. Ipse est Vox, præco, non nisi sermones Dei referens, *totus vox*; sermone, vita, victu, amictu, omnibusque actionibus suis docens. CLAMANTIS, Dei, qui contentius nunc quam per ullos olim Prophetas loquebatur, & validissime quovis hortabatur ad pœnitentiam ac fidem, & jam jam per Evangelium audiendus erat ad terminos orbis habitabilis. Non dicitur Johannes *vox clamans*, quamvis Hebræa verba קוֹל קוֹרֵא cum sensum patiantur; sed קוֹל בֹּעֵר, *vox clamantis*; ut clamor primo Dei sit;

fit; Johannes autem non nisi Echo, repercussio illius clamoris. Conf. vers. 6. IN DESERTO: tam *literali*, quam *mystico*, uti nuper fufius est expositum. *Parate viam Domino, & rectificate in solitudine aggerem Deo nostro.* Ut populi sæpe jubentur præconis voce, Regibus & Principibus urbem aliquam cum pompa ingressuris, præparare vias, complanare semitas, aspera, sordida, indecora remove: ita præconis vice functus est Johannes, Israëlitas quanta potuit contentione officii sui commonefaciens, ut adventanti Messiae vias complanarent, quibus in ædes ipsorum animosque posset illabi, immo & corda per pœnitentiam omni illuvie expurgarent, quæ introitum illius vel arcerere vel morari posset. Merito itaque sibi applicuit Johannes id quod revera præstitit.

LIV. Prolixum esset, & ab instituto nostro alienum ire per singula doctrinæ Johannis capita; observasse suffecerit, præcipuam officii ipsius partem in eo constitisse, ut prædicaret *resipiscentiam ad remissionem peccatorum*, & auditores suos hortaretur ad *receptionem regni* LIV. Summa doctrinae Johannis: nunc a tunc recepta discrepantia. *calorum*, quod jam præ foribus erat, & denique *monstraret præsentem Messiam*, omniumque ad eum animos converteret. Omnes fere qui tunc erant religionis Doctores, de cibo, potu, lotionibus, primitiis, decimis, sacrificiis, & id genus externis ritibus disceptabant; haut aliter ac si totius religionis prora, quod ajunt, & puppis in minutiis istis sitæ forent: immo clarissima Numinis præcepta suis sæpenumero pravis interpretationibus enervabant, aut humanis ac hypocritiis institutis corrumpebant: interimque superbiebant, arroganti propriæ justitiæ opinione temere inflati. Johannes autem longe aliter instituens ab externis ad animum, a ceremonialibus ad moralia, ab humanis institutis ad Divina mandata, a superba perfectionis gloriatione ad humilem peccatorum confessionem, & resipiscentiæ studium auditores suos advocavit. Hebræorum magistri Templo suo, illiusque superbis substructionibus, & externo apparatu, insanum in modum se efferebant. Johannes procul Hierosolymis, in eremo, *regnum calorum* prædicavit, hoc est, feliciorum Ecclesiæ statum, sub Messiae imperio; per Evangelium patefaciendo, & per quascunque gentes, a Solis ortu ad Hesperium cubile, longe lateque propagando. Quod regnum origine, forma, fine, *calorum regnum* est: diversissimum a *quatuor magnis illis Imperiis* Nebucadnetzari & Danieli memoratis, magna plerumque crudelitate & injustitia dominantibus, & ad oppressionem populi Dei. Diversum item a *regno Dei* quod olim sub *Oeconomia Testamenti Veteris* in populo Israëlítico habuit. Quippe quod tunc *Civile* erat, unius populi genio, & terræ in qua populus iste habitabat condi-

conditioni accommodatum; & *Cerimoniale*, figuris constans; ac *Spirituale* quidem, sed sub involucri elementorum mundi: nunc autem nihil habet humanum, nullos Principes ac Seniores qui Ecclesiæ, quæ tali, cum imperio præsent, nihil mundanum, nullum ἀγίων κοσµικόν, sed omni modo regnum Dei, & regnum cælorum est, cujus insignia privilegia sunt *justitia*, *pax* & *gaudium per Spiritum Sanctum*. Eum statum, quem toties cecinerunt prisca vatum oracula Psal. xxii: 29. xciii: 1. xcvi: 1. Jes. lxi: 7. Dan. ii: 44. vii: 18, 22. Zach. xiv: 9. jam instare proclamat, futurumque ut brevi reveletur. Venit etiam ut *testaretur de luce*; jubet *ut crederent in eum qui post se venturus erat*: & quum præsentem conspicaretur digito commonstravit, dicens: *Ecce Agnus Dei qui tollit peccata mundi*. Hunc supra se imensum extulit: indignum se fassus *qui ipsi portaret calceos, aut solveret corrigias*. Totum denique ministerium suum eo comparatum esse professus est, *ut ipse imminueretur crescente Christo*; sicuti stellas omnes præstringit æthereus Sol.

LV. Baptismus Profelytismi ante Johannem non videtur Divina institutionis fuisse. LV. Omnibus hisce confirmandis inserviebat ejus BAPTISMUS; tam præclara atque eximia officii ipsius pars, ut inde BAPTISTÆ nomen reportaverit. Frequens fane in prisco Israël Baptismi usus fuit, ejusque potissimum gemini: quorum alter טבילת נדה, *baptismus immunditiei*, impuritati legali abluendæ destinatus, alter טבילת גירות, *baptismus Profelytismi*, Magistris dicitur, quo qui gentilem religionem Mosaica commutabant, Israëliticæ Ecclesiæ magno cum apparatu initiabantur: qua de re alibi fufe me egisse memini. Hujus Baptismi initium ab antiquissimis arcessunt temporibus. Sunt qui Patriarchæ Jacobo adscribant, Sichemitidas puellas, aliosque quos in familia habebat Ethnicos, in Ecclesiam suam domesticam ista, ut volunt, cerimonia, cooptanti. Gen. xxxv: 2. Alii elicere conantur ex Exod. xix: 10, 14. Sed fortasse congruentius fuissent locuti, si cum Paulo nostro observassent, Israëlitas *nube & mari baptizatos esse in Mosen*. 1. Cor. x: 1, 2. In quem locum non illustriorem unquam commendationem vidi, quam est illa *Gatakeri Advers. Miscel. Posthumæ cap. v.* Descensum illum in intima infimæque *maris*, indidemque adscensum in aridam, magnam docet habuisse convenientiam cum antiquo Baptismi ritu. De *nube* hæc suspicatur: transivisse Israëlitas sub *nube*, quum nubes, quæ præire consueverat, supra capita eorundem transitu facto, a tergo illis constitit, quo Ægyptiorum copias ab exercitu Israëlítico arceret. Porro existimat, nubem illam, dum per populi capita ferebatur, quum is viæ tædio ac fatigatione & hostis metu langueret, Deo in populi refocillationem id procurante, *pluviam copiosam* in turmas

mas subjectas demisisse. Idque doceri Pl. LXVIII: 7, 8, 9. Ubi Ly-
rodus sacer strictim tangit, tam quæ ad mare Erythræum, quam quæ
ad montem Sinæum gesta sunt. Nimis enim longe eos abire credit,
qui ad terram Cananiticam, pluviis tempestivis rigatam, referunt.
Tam erudite ista mihi observata esse videntur, ut cum voluptate hic
adscripserim. Cæterum, quamvis in hisce species quædam Baptis-
mi fuerit, Baptismo Christiano respondens: non tamen memini in
Sacris monumentis Divinum aliquod mandatum exstare de Profelytis
per Baptismum Ecclesiæ Israëlitiæ initiandis. Sed more obtinuit,
nescio quam antiquo, aut unde primum orto; certe Johannis ætate
receptissimo.

LVI. Sufficit nobis Johannis Baptismum *e celo*, hoc est, Divi-
na auctoritate institutum esse; ipsum *missum esse ad baptizandum*. Joh. ^{Johannis}
1: 33. *facto ad eum verbo Domini*. Luc. 111: 2. Et sane prædicanda ^{Baptismus}
nobis Summi Numinis quum Sapiencia tum Bonitas est, quod recep-
tos ritus, in quibus nihil superstitionis & criminis erat, retinens, au-
toritate eos sua firmatum ire, & augustissima rerum mysticarum si-
gnificatione, quæ unice ab institutione sua dependet, illustriores red-
dere voluerit, ne innovatione haut necessaria infirmos suorum animos
turbaret. Videbant quotidie Israëlitiæ, eos qui ex gentibus Mosis
religionem amplectebantur, Baptismo sibi uniri, participesque fieri
Divinorum foederum. Et videbant illud summa cum animi voluptate.
Placuit igitur Deo per Johannem ostendere, magnam Israëlitarum
partem ipsos quoque salutari foederis communione excidisse; interim-
que instare novi foederis, melioribus promissionibus fanciendi, tem-
pus. Cujus spei ut per fidem ac poenitentiam, & Baptismi susceptio-
nem, uti profelyti regni cælorum, initiari vellent, magna eos cle-
mentia invitabat. Atque hinc deducendum esse arbitror, quod Scri-
bæ ac Pharisei non legantur Johanni litem de Baptismo suo intendisse;
tantummodo quærentes, qua, & cujus auctoritate baptizaret. Indi-
dem factum est, quod tantus hominum ad illius Baptismum fuerit
confluxus. Nam & sanctimonie & doctrinæ fama celebris erat, ne-
que novum ritum usurpabat, & regnum cælorum, quod omnium eo
tempore votis avide expectabatur, instare docebat; cui, jam præ fo-
ribus stanti, ut se Baptismi sui susceptione, initiari paterentur, quos-
vis accedentes hortabatur. Quæ grata multis accidere, pronisque ani-
mis excipi debuerunt.

LVII. Non lubet nunc in Theologorum super Johannis Baptismo
controversias digredi. Magis juvat partem sermonis istius exponere
quo Phariseos & Sadducæos ad Baptismum suum accedentes compel-

Tom. II,

G g g

lavit,

Quum dixit
Johannes,
Deum ex

418 E X E R C I T A T I O X V .

lapidibus lavit. Mat. III: 9. *Ne putate dicendum apud vos ipsos, Patrem habemus Abrahamum: dico enim vobis, Deum posse etiam ex lapidibus istis excitare liberos Abrahamo.* Admodum superbiebant Judæi sua ex Abrahamo origine. Joh. VIII: 33. Quam sibi non modo in hoc seculo gloriosam, sed & in futuro, & ad æternam salutem, profuturam arbitrabantur. Existimabant, Israëlitas rejici non posse; jactabant cuivis Israëlitaë partem futuram esse in futuro seculo. Idque tribuebant non solum promissioni Dei Abrahamo factæ, sed & ipsius Abrahami merito. Vanam istam cordis ipsorum cogitationem serio redarguit Johannes, uti nullo idoneo nixam fundamento. Addita notabili admodum ratione, quod ipsis rejectis, neque Deo tamen neque Abrahamo defuturi forent filii: quippe cui facile esset *vel ex lapidibus istis filios excitare Abrahamo.* Non est improbable, Johannem hisce verbis ad *Historiam*, vel *Prophetiam* aliquam veterem respexisse. Is qui olim *Loti uxorem, Abrahami neptem*, in *statuam salis* convertit, quid nō, verso rerum ordine, lapides in *Abrahami nepotes* transformare posset? Lapidēs in *Jordane* erectos fuisse, in memoriam transitus Israëlitarum, constat ex Jos. IV: 9. Baptizavit autem Johannes in *Jordane*, quum hæc verba faceret. Mat. III: 6. Et quidem in *Bethabara* Joh. I: 28. id est, *domo transitus*: quo nomine credibile est eum locum innui, ubi primum Israëlitaë cum *Arca* transiverunt. Porro suo adhuc tempore priscos illos lapides in *Jordane* superstitēs fuisse, scribit *Hieronymus*. Potuit ergo fieri ut eos ante oculos habuerit, & auditoribus suis monstraverit Johannes. Quasi diceret, sicuti olim lapides hi, in memoriam miraculi a Deo in gentis vestræ gloriam facti, hic erecti sunt: ita eidem Deo in promptu foret, ingrata posteritate repudiata, ad eorum confusionem, ex ipsis istis lapidibus, novos Abrahamo filios creare. Sed imprimis probabile est, Johannem allusisse ad Jes. LI: I. Ubi corpus Abrahami effectum *rupi* comparatur, ex qua tamen prodijt cum posteritate sua Isaacus. Quid obstat quo minus simile nunc facere possit Deus, & ad eundem modum, carnalibus rejectis, spirituales Abrahamo filios miraculose suscitare? Non incommode hæc hactenus observata esse, quis negaverit?

LVIII. Et
anigmatische
innuisse
vocationem
Gensium.

LVIII. Sed & ænigma aliud verbis istis fuisse videtur: ut non de eo duntaxat loquatur Johannes, quod Deus possit, etiam si nolit; sed de eo quod revera effectum daturus erat. *Lapides* anigmatische *Gentiles* notare possunt. I. Propter *cor lapideum* ac cedere nescium. Ezech. XI: 17. II. Quia *lapides dum colunt, lapidibus similes* esse existimabantur. Psal. CXV: 8. III. Quia non magis ad pietatem & veri Numinis cultum idonei censebantur, quam lapides. Hæc tamen ipsæ
Gentes

Gentes Abrahamo in semen spirituale promissæ erant. Gen. xxi: 18. Rom. iv: 16, 17. Et valide veritas ista ad Baptistæ mentem facit. Si enim tempus illud instaret quo Deus Gentes quoque filios Abrahami facturum erat, frustraneam ac ratione cassam esse apparet illam de naturali ex Adamo genitura gloriationem. Neque nova est hæc observatio: sed Clementi Alexandrino olim annotata, in *Admonitione ad Gentes* p. 3. λίθοι ὧ καὶ ξύλα οἱ ἄφρονες. πρὸς ὧ καὶ λίθων ἀναισθητότερος ἄνθρωπος, ἀγνοία βεβαπτισμένος. Μάρτυς ἡμῖν προφητικὴ παρίτω φωνή, συνάδου ἀληθείας τῆς ἐν ἀγνοίᾳ καὶ ἀνοίᾳ κατατετριμμένως οἰκτερούσα. δυνατὸς γὰρ ὁ Θεὸς ἐκ τῶν λίθων τέτων ἐγείρει τέκνα τῷ Ἀβραάμ. ὃς κατελέσας τὴν ἀμαρτίαν τὴν πολλὴν, καὶ τὴν σκληροκαρδίαν τῶν εἰς τὴν ἀλήθειαν λελιθωμένων, ἤγειρε θεοσεβείας σπέρμα, ἀρεθὺς αἰδομένον, ἐκ λίθων ἐκείνων, τῶν λίθοις πεπισευκότων ἰδυνῶν. *Lapides autem & ligna sunt insipientes. Præterea lapidibus quoque est insensibilior homo, qui est tinctus ignorantia. Testis nobis accedat vox prophetica, veritati concinens, quæ miseretur eorum qui sunt contriti in ignorantia & amentia. Potens enim est Deus ex his lapidibus suscitare filios Abrahæ. Qui miseratus multam inscitiam, & cordis duritiam eorum qui lapidaverunt adversus veritatem, excitavit semen pietatis in Deum, quod virtutem sentiret, ex lapidibus istis, nempe gentibus, quæ crediderunt lapidibus.*

LIX. Non minore attentione digna est & altera ejusdem oratio-LIX. *Quæ* nis pericopa Mat. iii: 11. *Ego quidem baptizo vos aqua ad resipiscen-* Johannes *tiam; is vtro qui pone me venit validior me est, cujus non sum dignus qui* indignus *soleas portem: ipse vos baptizabit Spiritu Sancto & igne.* Torum, quod Christi so- *leas porta-* & antea monui, Johannis ministerium ad Christi gloriam unice com- *re; & an* paratum fuit. Hinc est quod eam, sui depretiatione, illustratum Christus *Christus* iverit. De ministerio suo faretur, *se non nisi aqua baptizare posse,* soleas usus. non nisi symbolum externum dare: rem autem ipsam, symbolo significatam, conferre non posse. De persona vero sua sic loquitur, ut dignum se Christi soleas portare, aut, ut cæteris Evangeliiis exprimitur, *solearum ejus corrigiam solvere*, neget. Quæ proverbialis vilissimi ministerii designatio est. Ita enim apud omnes fere gentes censebatur: Conf. Ps. lx: 10. Hinc pueruli in comœdia *Sandaliogeruli*, puellæ *sandaliogerula* dicebantur. Et apud Terentium in *Heautontimorumen*o: *Accurrunt servi, foccos detrahunt.* Vult ergo dicere, dignum se non esse qui calceorum Christi curam gerat, eos mundet, reponat, mutet, reddat, tollat, pro Domini, modo induentis, modo exuentis, lubitu, eoque foras prodeunte porter, si illos ponere aliquando, loci sacri, aliave de causa, velit. At quid, inquit aliquis, Johannes de calceamentis Christi loquitur, quum colligi posse

videatur, Christum calceis usum non esse, ex eo quod discipulis suis eorum usu interdixerit. Mat. x: 10. Parum enim verisimile est, Christum aliis præcepisse quod ipse non observaret. Sed notandum est, tam hic quam illic *ῥῆσιν* esse *παροιμιώδη* in qua putidum sit urgere literam. Non absolute Christus suis *ὑποδημάτων* usu interdixit; sed monere duntaxat voluit, ut abstinerent a nimio apparatu quasi prolixioris itineris, qualem illi facere solent, qui in sarcinis alias soleas ponunt, deficientibus prioribus sufficiendas. Nam & brevi revocandi tunc erant Apostoli, & singularis Dei cura prospectura iis erat de necessariis. Ita & in Johannis dicto, certum vilissimi ministerii genus proverbialiter ponitur pro quovis.

LX. Quo sensu Christus & pone Johannem venerit, & eodem validior sis.

LX. Cæterum, quam humiliter de semetipso, tam magnifice de Christo loquitur; tam persona quam officii intuitu. De persona ait, *at qui pone me venit, validior me est*. Post Johannem venit Christus, tam temporis quam loci ratione: nam & post Johannem publice prædicare cœpit; & Johannes præcurrens venienti Regi præparavit viam. Quomocunque interpreteris, indicatur Christi præcellentia. *Johannes testatus est de eo, & clamavit, dicens, Hic est de quo dicebam, Is qui pone me venit* *ἔμπροσθεν μὲ ἔρχομαι* antepositus est mihi: quia prior me erat. Joh. 1: 15. Quasi diceret, non debetis in me figere oculos, quasi ego essem ille in quo sit expletio promissionum, & saturatio desiderii Israël. Omnis officii mei dignitas in eo sita est, quod prodromus sim Domini majoris. Qui post me, non veniet, sed venit, jam in via est, *ὁ ἰσχυρὸς* derepente appariturus, immensum mihi est anteponendus, *καλεῖσθαι δόξης παρ' ἐμὲ ἡξιώται*, & *ἐπάνω πάντων ἐστίν*, quia *πρωτός* μὲ ἦν, hoc est, *πολύ* πρότερον, quippe *ἐν ἀρχῇ*. Idem me validior est, qui infinities plura præstare potest quam ego: adeoque rem ipsam conferre, cujus ego non nisi symbola exhibeo: quippe *אל נבחר דעם* ille fortis, cui dictum a Patre est, *וְעַתָּה בְּיָדְךָ כֹּחַ*, Certe in Jehova sunt justitia & robur. Jes. xlv: 24.

LXI. Christus baptizans Spiritu Sancto & igne, quando ignem spirituum abunde in suos fecit descendere.

LXI. De officio autem & opere Christi sic testatur: *Is baptizabit vos SPIRITU SANCTO ET IGNE*. Quod plerique Interpretes sic exponunt, ut per Spiritum Sanctum & per ignem unam eandemque rem intelligi jubeant; quasi posterius illud sit *ἐκζητικὸν* prioris, eo-que symbolice declarentur Spiritus Sancti in operationibus suis qualitates. Neque defunt interpretationi isti idonea argumenta. I. Quia Marc. 1: 8. & Joh. 1: 33. ubi eadem hæc oratio Johannis memoratur, solius Spiritus, nulla ignis mentio est. Quod non videtur fuisse faciendum, si ignis a Spiritu res diversa sit. II. Quia & alibi Spiritus Sanctus in operationibus suis igni comparatur Jes. vi: 6, & imprimis Jes.

Jes. iv: 4. Ad quæ loca credibile est hac locutione alludi. III. Quia revera Spiritus Sanctus *vim igneam* in cordibus fidelium exserit, illuminando, penetrando, accendendo, purgando, emolliendo, exurendo sordes, & objectum suo igne in se transformando. IV. Denique, quia respondit eventus. Tunc enim maxime vaticinio huic sua constitit veritas, quando Jesus ad dexteram Patris sui cœlestis exaltatus, & promissionem Spiritus nactus, eum in Apostolos suos tam copiose, die Pentecostes, sub specie *ignitarum linguarum*, effudit. Act. 11: 3. Huc manifesto nos ducit ipse Dominus Act. 1: 5. *Nam Johannes quidem baptizavit aqua: vos autem baptizabimini Spiritu Sancto istis non multo post diebus.* Intelligitur ergo *spiritus igneus*, aut *ignis spiritualis*, tam quoad dona extraordinaria, quam ordinaria ac salutaria. Communicatio larga Spiritus istius ignei *Baptismus* vocatur, propter ubertatem: quo pertinet Joëlis illud, allegatum Act. 11: 17. *Effundam de Spiritu meo super omnem carnem.* Nisi malis respici ad victimas legales quas ignis cœlitus illapsus sanctificabat & consumebat: ut innuatur, eos quidem homines viva esse sacrificia, Deoque accepta, qui Spiritu Sancto desuper irruente ardent & accenduntur. Quæ acuta *Ligefooti* observatio est in *Harm.* iv. *Evang.* Quis neget expositionem hanc eruditam ac piam esse, & verbis & rei consentaneam, ideoque nullo modo repudiandam?

LXII. Sed & alia datur consideratu dignissima. Sunt qui Baptismum *Spiritus*, & Baptismum *ignis* sic distinguunt, ut per illum intelligatur collatio donorum præstantissimorum, tam ordinariorum quam extraordinariorum, quibus, ex abundantia bonitatis Christi, potissimum locupletentur amici ipsius, electi ac fideles: per hunc vero, *demonstratio iræ Divinæ* in Judæos rebelles & Evangelio refractarios. Nimirum duum generum auditores habebat Johannes; alios dicto obediētes ac morigeros; alios perveraces & incredulos. Utriusque Baptismum prædicat, singulis convenientem: illis *Baptismum Gratiae & Spiritus*, his *Baptismum iræ & ignis*. Quæ explicatio istis firmatur rationibus. I. Quia *ignis* alibi quoque *iram Dei*, & excidium nationis Judaicæ ob spretum Evangelium significat. Deut. xxxi 1: 22. Mal. iv: 1. II. *Afflictiones* etiam *Baptismi* nomine veniunt. Luc. xii 1: 5. Mat. xx: 22. III. Dubitari posset an hic locum habeat *in qua duo in*: quia in id genus locutionibus præponenda esse videtur vox figurata, propria vero postponenda ad figuratæ explicationem. Quod & fit Joh. 111: 5. *ex aqua & Spiritu.* IV. Ipse Johannes explicationi isti videtur favere, dum orationem suam sic prosequitur: com. 12. *Cujus ventrilabrum est in manu sua, & perpurgabit arcem suam; & coget triticum suum in horreum, paleam autem exuret igni inextincto.* V. Denique,

respondit eventus : uti enim fideles Spiritus sui donis liberalissime ditavit Christus , ita rebelles æstu iræ suæ , & urbis templique flammis implicitos , iusta severitate delevit. Et hanc quoque expositionem tam concinnam esse arbitror , ut solo novitatis præjudicio exhibilanda non sit. Liberum per me cuique atque integrum eligendi jus esto.

LXIII. Cor
placuerit
Christo ad
Johannem
venire, &
Baptismum
ab eo petere.

LXIII. In omni ministerio Johannis nihil ei videtur contigisse gloriosius , quam quod baptizari ab ipso Dominus voluerit. Eam enim rem , tanquam oppido memorabilem tres Evangelistæ unanimi consensu tradidere , quartus factam non quidem narrat , sed tamen innuit. *Venit Jesus e Galilea , ex oppido Nazarethæ , ad Jordanem , ad Johannem , ut baptizaretur ab eo.* Mira enimvero res , & quod *venerit* ad Johannem , & quod *baptizari* ab eo voluerit. Videri sane potest , Johannis potius fuisse , ad Christum venire , quam Christi , ad Johannem ; servi , ad Dominum , quam Domini , ad servum. Et quid Christo , qui ipsa puritas & sanctitas est , cum Baptismo , quod est Sacramentum pœnitentiæ & remissionis peccatorum ? Cæterum prædicanda hic nobis est Jesu Christi comitas & συγκατάβασις , quod libere , non coacte ; sponte , non ex officio ; ex dispensatione voluntaria , non ex obligatione ; nostri causa , non sui ; venire ad Johannem voluerit : ut ministerio Johannis honorem conciliaret , illudque Judæis commendaret , ipsoque facto comprobaret , ad illos se venire ac se præsentem sistere qui strenue officio suo defunguntur , & pœnitentiæ ac fidei promovendæ operam dant. Baptizari autem voluit , ut auctoritatem conciliaret Baptismo Johannis : ut ostenderet , se caput baptizatorum esse , æque ac circumcisorum , & communionem habere cum utrisque , qui venit ut ex utrisque faceret unum : ut exemplo suo & commendaret & sanctificaret Baptismum nostrum , æque ac Sacramenta alia , quibus se subjecit , ne homines gravarentur venire ad Baptismum Domini , quum Dominus gravatus non fuerit venire ad Baptismum servi : ut Baptismo suo adumbraret , qualis esset futura & suorum conditio , humilis primo , mox gloriosa ; antecedente exinanitione , succedente glorificatione , illa adumbranda per immersionem , hac per emersionem : ut Sacramenti hujus usu ipsi confirmarentur promissiones pacti , quod inter Patrem & ipsum erat , de abolitione peccatorum quæ in se susceperat , & justificatione ac sanctificatione eorum quorum personam gerebat , & de resurrectione gloriosa , qua emerurus erat ex aquis tribulationum. Ps. cx : 7. denique , ut ipse quoque spontanea hac Baptismi subitione profiteretur , in se moram non fore , quo minus mergendum se torrentibus inferni traderet , cum certa tamen fide ac spe emergendi.

LXIV.

LXIV. Quæ quum in inexpectato isto adventu ac petitione Christi non mox in mentem venire potuerint Johanni, mirum non est, quod obnixè eum prohibuerit; professus sibi potius opus esse a Christo baptizari. Cujus rei graves oppido rationes habere sibi visus est, sive Christum spectaret, sive *populum*, sive *semetipsum*. Christo per Baptismum detrahi videbatur, referendo per eum in ordinem pœnitentium, & abluendorum. *Populo* occasio dari, sinistras de eo formandi ac fovendi cogitationes, quasi merus homo esset, & peccator, & indigus lustrationis; & minor Johanne, denique nihil minus quam Messias. *Johanni* nota inconstantia pariter ac superbia inuri, quod quum hæcenus Christum infinites se majorem dignioremque esse professus fuerit, suumque Baptismum Baptismo Christi longe postponendum esse monuerit, nunc eundem Christum, veluti se minorem, baptizatum eat. Quæ cognitiones, quoniam ex ταπεινοφροσύνη Johannis, & mera qua Christum prosequabatur veneratione processerunt; nihil fuit in ista Johannis prohibitione quo Christum offenderet: nihil quod imperium aut inobedientiam argueret. Fuit enim prohibitio non imperantis, sed orantis; non ex fastu, sed ex indignitatis suæ conscientia; non ex contumelia, sed ex reverentia; non detrectantis obedientiam, sed deprecantis nimium honorem. Nec sine Numine blanda ista contentio fuit. Nam per hanc ipsam σύμπερι inclaruit Christus, qui alioquin in turba accedentium latere poterat: Johanne vero intercedente, & verbis quidem summam illius dignitatem testantibus, gloria Domini adstantibus & nota facta est & commendata.

LXV. Sed ut alibi, ita hic quoque vincere oportuit Dominum. Qui idcirco Johanni respondet: *Omitte me nunc: ita enim decet nos implere omnem justitiam.* Fatetur quidem sibi opus non esse Johannis Baptismo, Johannem potius indigere suo: sed non permittit Johannem isti nunc considerationi nimis insistere: monet habere se potiores alias facti sui rationes, quas singulatim enarrare istius nec temporis nec loci sit; quidquid Johanni ἀνάξιον καὶ ἀπερίεστον videatur, Dominum baptizari a servo, sibi tamen, cui omnis decori ratio perspectissima est, ἀπερίεστον ceneri, & se & Johannem iis omnibus defungi, quæ muneris ab utroque suscepti conditio exigeret. Non temnenda mihi videtur *Ligtfooti* observatio emphasim aliquam latere in adverbio NUNC. Omitte me NUNC. q. d. Verum quidem est, me, qui te sequor ordine temporis, Spiritu Sancto baptizare, & tibi magis opus esse meo Baptismo, quam mihi tuo: attamen nondum venit hora Baptismi mei; prius implenda est omnis quæ a me exigitur justitia: & tum demum Spiritum Sanctum meo illo Baptismo liberaliter aliis impertiar, NUNC igitur

LXIV. Graves rationes Johanni fuisse cur Baptismum illum deprecarentur.

LXV. Optime tamen fecis, quod tandem Christo cessasset. Sic enim utrumque decebat.

424 E X E R C I T A T I O XV.

igitur omitte me , sine a te baptizer , quia nondum tempus est ut spiritualis Baptismus meus exhibeatur. Addit Dominus rationem : *ita enim decet nos omnem justitiam implere.* Ubi *justitiæ* nomine intelligo quidquid æquum , honestum , in laude positum , muneri suo conveniens , Deoque acceptum est. In quarum rerum censu erat , Jesum baptizari , Johannem baptizare , illud ob formam servi , qui legi subiectus esset , a se susceptam , istud ob munus baptizandi Johanni demandatum. Uti Christus circumciscus fuit , quamvis labis omnis , quæ præputium cordis vocatur , expers , ut cerimonia defungeretur quæ Deum auctorem habuit , quæque omnes eos institutionis suæ majestate obstrinxit qui Oeconomia Legali censebantur : sic & baptizari ipsum a Johanne oportuit , quamvis nullius ablutionis indigus , ne quidquam eorum omitteret quæ in dispensatione , quæ Evangelium proxime antecessit , Deum auctorem habuere. Christi itaque officium erat , Johanni se baptizandum sistere ; Johannis partes , Christum a Baptismo suo non repellere. Id *πρότερον* utrique. Quibus auditis acquievit Johannes , nil sibi præter parendi gloriam relictum esse credens. Cætera quæ in hoc Baptismo contigerunt , quum ad Jesu magis quam Johannis historiam pertineant , non desiderant hic nostram *ἐπιμνην.*

LXVI. Qui
hæc fieri
potuerint
antequam
Johannes
Christum
cognosceret :
quod innui
videtur
Joh. 1: 33.

LXVI. Patet ex omnibus hisce , jam probe Johanni cognitum fuisse Jesum , dum hos invicem sermones reciprocabant. Id tamen negare videtur Baptista , Joh. 1: 33. *Ego non noveram ipsum : sed qui misit me ut baptizarem aqua , ille mihi dixerat , super quem videris Spiritum descendentem ac manentem super eum , hic est qui baptizat Spiritu Sancto.* Cui difficultati tollendæ multam operam tam Veteres quam Recentiores impenderunt. Ex omnium quos legi cogitatis hæc mihi facillima ac planissima visa sunt. Si non antea , certe initio muneris sui , docente Deo , clarissime scivit Johannes , præ foribus esse , & cis exigui temporis spatium appariturum Messiam , de cujus ut jam instantis revelatione certiores auditores suos facere muneris sui lege tenebatur. At persona Messiae quænam esset , atque ubi lateret , nondum habebat exploratum. Cum Jesu nulla ipsi hætenus intercesserat familiaritas ; quem neque de facie , neque de officii dignitate noverat. Sic dispensante admirabili Divinæ Providentiæ sapientia , ut uterque proprio lare , in locis dissitis , privatam & obscuram vitam , sine ulla famæ celebritate , degeret ; ne desineps quum alter alterum commendaturus esset , ex compacto agere , ulla cum veri specie fingeret calumnia. Tandem Deo placuit signum aliquod Johanni indicare ex quo personam Messiae quiret dignoscere : nimirum , ut super quem visurus

visurus esset descendere & manere Spiritum, hunc sciret esse Christum. Id dum nondum factum esset, in vago fluctuabat. At quum accessit Jesus Baptismum petens, tunc repente instinctu Spiritus cognoscere ipsum cœpit: & ex ista infusa tunc sibi notitia, ita cum Jesu egit uti egit, & mox plenissime de tota re persuasus palamque convictus fuit, quum, adscendente ex aqua Jesu, cœlum aperiri, & Spiritum S. veluti columbam super eum descendere, conspiciatus est. Sic observata distinctione temporum, & graduum cognitionis, apparens contradictio tollitur.

LXVII. Hæc ergo vera rerum series est: Jesus a Johanne baptizatus, Spiritu Sancto locupletatus, & illustre Patris testimonium nactus, continuo Spiritus adflatu a Jordane in solitudinem profectus est, ut tentaretur a Cacodæmone, superatisque illius insidiis, omnibus suis exemplo ac consolationi esset. Illic dum quadraginta dies absque ullo cibo mansit, quot diebus Moses olim, Legem a Deo accepturus, in monte Sinai jejunos commoratus est; Johannes Baptista, magnarum de Jesu cogitationum plenus, prolixo sermone ea auditoribus suis exposuit quæ initio Evangelii sui Johannes Apostolus usque ad vers. 19. memorat. Interea temporis ad Johannem legati isti a Synedrio veniunt; de quorum negotiatione nuper diximus. Paulo post Jesus ex monte, in quo postremum a Cacodæmone tentatus fuerat, sed frustra, tanquam triumphator Satanæ, ad Jordanem & Johannem rediit. A quo conspectus postridie ejus diei, quo testimonium ei apud Hierosolymitarum legatos perhibuerat, novis ab eo laudibus ilico ornatus est, ut significaret eundem illum esse de quo pridie cum legatis egerat. Hic est, inquit, Agnus ille Dei, labis omnis expers, qui se Deo, ad expianda hominum peccata victimam offeret. Hic est quem dicebam, quamvis pone me veniret, multo tamen me esse potiore. Hunc quidem antea non noram, quamvis ablueri cœpisssem pœnitentes, & prædicare regnum cœlorum mox adfuturum: sed initio missionis meæ a Deo monitus sum, in quem viderem Spiritum descendantem & manentem, eum esse qui Spiritu Sancto discipulos suos baptizaturus sit. Quum igitur ad me accessit, Baptismum meum petens, Divino aliquo instinctu agnoscere ipsum cœpi. At mox quum vidi cœlos findi, & in eum a me baptizatum Spiritum Sanctum sub columbæ specie descendere, & ei aliquamdiu insidere, plenissime persuasus sum, quod dehinc aperte testor, hunc esse Filium Dei, & promissum mundo Sospitorem. Postero die Johannes iterum conspiciatus Jesum non procul ambulantem, duobus qui forte ipsi aderant discipulis, idem repetiit testimonium; ecce, inquit

LXVII.
*Vera series
illius histo-
ria series.*

Agnum Dei, de quo hesterno die dicebam. Quod eam in ipsorum animis vim habuit, ut ilico Jesum sint secuti, & bihorium cum ipso ad Solis occasum manserint: sermonibus ipsius tam præclare instructi, ut nullum ipsis dubium restiterit, quin in Jesu invenissent Messiam. Alter autem ex illis erat Andreas, Simonis, cui postea Petri nomen datum est, frater. Hic & fratri, ut ad Christum accederet, in eumque crederet, auctor fuit. Primusque adeo omnium discipulorum Jesu est, quem suo Sacra Historia nomine designat, qui ex Johannis disciplina in illam Jesu, felici permutatione transivit.

LXVIII.
*Rixa disci-
 pulorum
 Johannis
 super bap-
 tismo Jesu,
 hominum-
 que ad
 illum con-
 fluxu.*

LXVIII. Inter hæc a Johanne dicta gesta, & incarcerationem ipsius, exigui temporis mora intercessit. Paulus enim auctor est. Act. XIII: 25. *Johannem explevisse*, hoc est, propemodum explevisse, sive in eo fuisse ut expleret, *cursum suum*, quando ea quæ explicuimus testimonia Jesu perhibuit. Atque unica solummodo actio intermedio tempore gesta legitur, quam posteritatis memoria dignam Spiritus Sanctus censuit. Nimirum Jesus confectis itineribus aliquot cum discipulis suis in Judææ territorium rediit, ubi ad Baptismum, ipsius jussu a discipulis administratum, frequentissimus hominum confluxus fuit. Johannes interea, relicto Jordane, baptizabat in *Ænon* prope *Salim*; quæ obscura & fere ignota nunc Interpretibus loca sunt. Non improbabilis *Ligtfooti* conjectura est; sita fuisse in Galilæa, cis Jordanem, in ditione Herodis Tetrarchæ: & *Ænon* non tam oppidi alicujus nomen esse, quam amplissimi & spatiosissimi campi, scaruriginibus vivarum aquarum abundantis. Ibi ergo more suo accedentes ad se abluibat Johannes: at pauciores nunc quam olim, pauciores multo quam Jesus. Ejus rei fama quum ad discipulos Johannis dimanasset, excitavit inter illos ac Judæos rixas de purificatione. Discipuli Johannis indignabantur, alium a Magistro suo esse qui baptizandi provinciam sibi arrogaret: neque ægritudinem animi sui dissimulabant, ex eo ortam, quod novus iste Doctor plures inveniret sectatores. Judæi vero magis adhuc indignabantur, alienos ritus, tam a Christo, quam Johanne, invehi, & utrumque criminabantur, uti novarum rerum auctores: contententes, satius esse, ut solitis, & a Mose institutis, purificationibus contenti, recentes has, ut noxiarum litium materiem, missas facerent. Quum vero dirimi inter ipsos controversia nequiret, Johannis discipuli rem ad Magistrum detulere, gloriæ ejus, uti fieri solet, ultra modi modestiæque terminos, studiosi. *Rabbi*, inquit, *is qui tecum erat ad trajectum Jordanis*, quem tu baptizasti, cui tu testimonium perhibuisti, honori ejus tam sollicitè consulens, *is ipse*, nulla tui, nulla Baptismi tui habita ratione, per discipulos suos nunc

bapti-

baptizat, & ecce, quod animum nostrum urit, quippe cum famæ tuæ dispendio junctum, omnes veniunt ad eum. Eundem hic mihi animum in ferventis sanguinis juvenibus videre videor, qui olim in Josua eluxit, quum Eldadum & Medadum in castris injussu Moſis prophetantes cerneret, illudque tanquam rem non ferendam Moſi renunciaret. Num. xi: 27, 28.

LXIX. At qua æquitate Moſes Joſuæ, eadem Johannes discipulis respondit ſuis. Negavit virum religioſum decere, ut plus ſibi ar-
 roget, quam cœlitus datum eſt. In omnibus acquieſcendum eſſe Di-
 vine Providentiæ, & procul invidia obſequendum Deo. Vos ipſi,
 inquit, teſtes mihi eſtis, ingenue me profeſſum eſſe, quod Meſſias
 non ſim, ſed omnem officii mei rationem in eo conſiſtere, ut viam
 ipſi complanarem, & Judæorum animos ad eum excipiendum para-
 rem. Ipſe ſponſus eſt: ſponſam igitur ſibi collocatam ſolus habeat.
 Ego non niſi amicus ſponſi: quem vehementer lætari oportet, ſi ſpon-
 ſum in ſponſæ amore ac blanditiis oppido ſibi placere animadvertat.
 Tantum abeſt, ut ulla tangi liceat invidia. Tali ego nunc commo-
 veor adfectu, quum intelligo eum, cui teſtimonium perhibui, tan-
 to cum confluxu alacriter munere ſuo deſungi. Ita res comparata eſt,
 ut ipſum crescere, me minui oporteat; uti procedente Sole Phospho-
 ri hebeſcit jubar. Ipſe immenſum quantum in omnibus me major eſt:
 cœleſtis quippe originis; ideoque ſupra omnium mortalium ſortem
 poſitus; ego qui e terra ſum, merus homo, eodemque quo cæteri
 homines modo natus, ea tantum proferre poſſum, quæ terræ hujus
 incolis dicere fas eſt. Ille quæ vidit atque audivit apud Patrem cœle-
 ſtem commemorandi facultatem habet: quæ non ideo minus vera ac
 certa ſunt, quod a paucioribus quam par eſt admittantur. Quisquis
 autem doctrinam ejus amplectitur, is adſtipulatur Deo, & proficitur
 ſe verum exiſtimare, quidquid a Deo, qui ſuprema veritas eſt, pro-
 ficſcitur. Vir enim ille, quem Deus ſingulari inſtructum poteſtate,
 qualis nulli unquam conceſſa mortali eſt, aut concedi etiam poteſt,
 ad homines miſit, quotieſcunque de rebus Divinis loquitur, non tam
 humani animi ſui ſenſa, quam Divina fundit oracula; quippe qui,
 non ut alii homines, vel Prophetæ etiam, ſecundum menſuram gra-
 tiæ ſingulis deſtinatæ, ſed ſupra menſuram omnem, Spiritu Dei lo-
 cupletatus eſt. Pater enim inuſitato prorfus amore eum proſequitur,
 omniaque poteſtati ipſius ſubdidit. Quisquis igitur huic uti Filio Dei
 credit, is vitam conſequetur æternam, cujus, ab initio fidei ſuæ, gau-
 debit primitiis. Quicumque vero eum repudiaverit, is vitæ æternæ
 poſſeſſione excluſus, meritis atque æternas incredulitatis ſuæ pœnas
 Deo

Deo dabit. Hæc est pulcherrima ista, & novissima quam legimus, Johannis de Christo oratio, Joh. 111: 23. & seq. brevi potius ac perspicua paraphrasi, pro ratione instituti nostri, quam prolixo commentario, illustranda.

LXX. *Herodes Antipas in iisio quidem Joannem veneratur:*

LXX. Dum in ditione *Herodis Tetrarchæ*, qui *Antipas* dictus est, versatus est, fama doctrinæ & baptismi ejus permanavit in aulam, & innotuit Principi; qui eum, uti videtur frequenter ad se accersitum, in pretio habuit, sciens virum justum ac sanctum esse, & libenter audivit, & monitionibus ac consiliis ejus multis in rebus morera gessit. Marc. VI: 20. Habet hoc candida minimeque fucata virtus, ut insita sibi pulchritudine atque amabilitate, admirationem atque æstimationem sui ac reverentiam, invitis etiam improborum pectoribus extorqueat. Habent hoc eloquia Dei, ex viri gravis & sancti ore prodeuntia, ut sapientia, æquitate ac sanctimonia sua facile se conscientis approbent; & efferatorum sæpe hominum animos ad venerationem & obsequium aliquod subigant. Si modo obsequium dicendum est, quod aliquibus duntaxat, non omnibus ex æquo, Dei mandatis præstatur. Certe in Herode quasi in speculo ostendit nobis Spiritus Sanctus, contingere aliquando, ut qui Deum sincere non colunt, aliqua tamen parte mandatis ejus morem gerere parati sint, modo eis per indulgentiam alia relaxat. Sed ubi rigidius urgentur, excusso jugo, non modo in contumaciam, sed & rabiem profiliunt. Non est igitur quod quisquam sibi placeat, eo quod multis sanis consiliis obtemperet, donec se in solidum Deo addicere, & subicere didicerit.

LXXI. *Antipater in incestuoso Herodiadæ, qua Philippus fratris sui conjux erat, amore & concubio, factam viam transgessit.*

LXXI. Neque enim impediēbat hæc qualiscunque sancti & divini viri veneratio quo minus Herodes vitam ageret omni criminum genere foedissimam. Nam & cæteris sceleribus suis hoc addiderat, quod *Herodiadem*, *Philippi fratris sui uxorem*, vivo marito, viva etiam legitima conjuge sua, Aretæ Regis Arabiæ filia, sibi rapuerit. Erat ista *Herodias* filia fratris sui *Aristobuli*, soror *Herodis Agrippæ*, de quo legimus Act. XI 1. Ea nupserat non *Herodi* alteri, fratri *Tetrarchæ*, sed nato alia genitrice, *Simonis Pontificis* filia, quod *Josephus* male tradidit, hic ex Evangelio corrigendus; sed *Philippo*, *Tetrarchæ Ituræ & Trachonitidis regionis*, alii fratri *Herodis nostri*, de quo Luc. 111:1. Quidquid *Josephus* scripserit, bene monuit *Illustris Grotius*, non esse hic sollicitandam sacrorum codicum lectionem. Neque errare hic potuisse eos Auctores, facile vel a non Christiano evinci posse. Primum enim consentiunt tres Scriptores, *Matthæus*, *Marcus*, *Lucas*, qui illis ipsis temporibus, vel certe propius ea tempora quam quisquam alius, rem istam non obscuram, neque ignobilem, sed, ut res sunt

Regum,

Regum, omnibus notissimam, memoriæ mandarunt. Adde, quod Judæorum non unus hujus feminae maritum Philippum nominet, quorum testimonia mox exhibebimus §. LXXX. Ab altera tamen parte, summa fides & diligentia Josephi, & quæ passim in ipso apparet intima cognitio rerum familiæ istius, tanti Grotio momenti est, ne quid temere contra Josephum pronunciandum esse censeat. Quare verissimum credit, inter Herodis Magni filios, qui novem fuere, duos appellatos fuisse *Philippos*, sed horum alterum, qui natus erat ex Simonis Pontificis filia, dictum fuisse *Philippum Herodem*, istoque additamento *Philippum* hunc *minorem*, distinctum ab altero *majore*, qui Trachonitidis fuit Tetrarcha. Ingeniose profecto. Vellem & ipse sic credere, ut in concordiam cum Evangelistis reduceretur Josephus; modo ullum ita credendi haberem fundamentum. Cæterum quum neque Josephus ullibi tradat, *Herodem* istum suum *Philippum* quoque dictum esse, neque Evangelistæ moneant, *Philippum* suum dictum etiam fuisse *Herodem*, neque ullus, quod sciam, Veterum Scriptorum eam nominis geminationem agnoscat; neque prudens neque tutum factum mihi esse videtur, meræ cassæque fundamento conjecturæ tantum tribuere, ut verissimum esse credamus, quod a nullo proditum est Historico. Salva igitur in aliis Josephi auctoritate, vicerint hic Evangelistæ. Herodes itaque Tetrarcha, captus amore Herodiadis, quæ fratri suo Philippo nupserat, ausus est de impetrando ejus conjugio mentionem facere. Qua assentiente, inter eos convenit, ut mulier migraret in ejus domicilium: utque ipse Aretæ filiam, legitimam conjugem suam, ejiciat. Quæ res magnum Herodi tam apud Aretam focerum, quam apud populares suos, conflavit odium.

LXXII. Neque indistincta manere potuit Johanni. Quippe qui LXXII. Ob nulla circuitione usus, intrepide Tyranno dixit, *non licet tibi habere uxorem fratris tui*. In abducenda Herodiade duplex ab Herode commissum est crimen. Nam viventi marito, non dimissam ab ipso uxorem, malis artibus, &, uti hic factum Josephus memorat, violata hospitii religione, abducere, *raptus* atque *adulterium* erat: hoc infamius, ^{eamque rem liber- rima Jo- hannis ora- sione incre- pitus.} quod in fratrem committeretur. Accedebat adulterio & raptui, crimen *incesti* ex lege Mosis Lev. xviii: 16. *Nuditatem fratris tuæ ne retegito: nuditas fratris tui est*. Nam ea lex unicam solum habebat exceptionem, si frater mortuus esset illiberis. Herodiadis autem maritus, & vivebat eo tempore, & filiam ex ipsa habebat, cujus meminerunt Evangelistæ. Ut taceam nunc de indigna in legitimam conjugem injuria, in incestuosæ adulteræ gratiam, turpiter mariti thoro ac domo ejiciendam, nisi ipsa immeritum dedecus callide

prævenisset. Vid. *Joseph. Antiq.* xviii: vii. Neque ferenda hæc, neque dissimulanda Johanni erant, si illibatam Deo & hominibus præstare vellet fidem. Non nesciebat sane, quid ob istam sibi dicendi libertatem expectandum foret: at nihil tam grave perpeffu evenire poterat, quod non officii bene præstiti conscientiæ ac religioni postponeret. Expertus quidem erat, multis modis utile publico fuisse, quod gratia apud Tetrarcham polleret; non tamen animum ejus alienare veritus est, quum aliter favorem illum tueri non posset, quam perfide ad notum & infame scelus connivendo. Non defuisset quidem tacenti prætextus, privatis se commodis minime consulere; nec alium quam publicæ utilitatis habere respectum. Prudentiæ esse, ferre quæ corrigere nequeas; nec irritandam esse potentiam, quæ irata non minus nocere, quam æqua prodesse queat. Verum quia hoc compensationis genus sibi licitum esse non videt, ut veritatem prodendo quædam officia eliciat, hostem ex amico sibi facere mavult, quam adulatione vel silentio fovere malum, in cujus severam reprehensionem aditum ipsi ad Tetrarcham Divina Providentia conciliaverat.

LXXIII.

in carcerem
eum conjici;

LXXIII. Indigné istam sancti viri libertatem Tyrannus tulit, adeo ut carceri mancipandum crediderit, donec certi aliquid de ipsius pœna statueretur. Vetus verbum est, *veritas odium parit*. Id uti passim apud homines obtinet, ita præcipue apud magnates & principes; tum maxime ubi veritas ista charis, neque omittendis, libidinibus adversatur, & stertentem conscientiam excitat, pravamque animi securitatem turbat. Tempestive hic Grotio laudatum est Josephi veriverbium: *Βαρὺ τοῖς ἀδικεῖν ἐθέλous τὸ συνεχῶς νεθετεῖν*. Minime quidem dubium est, quin flagitium tam immane vulgo fuerit traductum; sed alii suis maledictis absentem, nec audientem Herodem procul incessabant; solus Johannes in ejus conspectum prodit, & libere coram objurgat, voluptatesque principis in ipsa aula, & quasi thalamo, interpellat. Peccatum corrigere non sinebat Herodi libido: victo autem Dei Propheta, tranquillam sibi licentiam promittit. Fortassis etiam metus aliquis seditionis anxium reddidit Tyranni animum. Nam per se jam satis odiosa erat facti atrocitas, quod non modo alienam uxorem, a legitimo thoro abductam, domi suæ aleret, sed quod hanc injuriam germano fratri intulerat. Quod facinus omnes cogitationibus suis prædamnabant, vel clam mustitabant, id Johannes quantopere legi Divinæ adversum esset prædicabat palam. Atque hinc oriri novarum rerum studium in pervicaci populo facile potuisset. Vel certe id metuendi causam Herodes habebat. Oderunt enim & meruunt mali principes quidquid est vitii inimicum. *Boni*, inquit ille,

ille, *quam mali suspectiores sunt; semperque aliena virtus formidolosa est.* Accessit quotidiana impuræ ac libidinose Herodiadis importunitas, continuis principem querelis vexans, donec victum cerneret, cujus non molesta modo, sed & intolerabilis, ipsi visa fuerat libertas.

LXXIV. In qua parte ditionis suæ victum Johannem tenuerit LXXIV. Herodes, ex Sacris nostris non liquet. Idcirco nihil vetat quo minus *non tam credamus Josepho, sanctissimi viri carcerem, in Macharunte collo-* ^{arctum tam} *canti.* Erat autem *Macharus*, extremus *Perææ*, sive regionis trans ^{men, quin} *Jordanem sitæ, limes: terminus regni Herodis, & Aretæ Arabis.* ^{discipulis} *Nam, quamvis de Galilæa duntaxat loquantur Evangelia, Peræam* ^{ad Jesum} *etiam ad ditionem Herodis pertinuisse, auctor Josephus est.* ^{ablegandis,} *At ubi-* ^{indeque} *cunque fuerit, initio quidem non admodum arctam fuisse victi Pro-* ^{redeuntis-} *phetæ custodiam, hinc patet, quod discipulis ipsius liber concessus* ^{bus, liber} *videatur fuisse itus & exitus.* ^{ius & re-} *Qui magistro renunciabant grandia at-* ^{ditus esset.} *que admiranda prorsus, quibus inclarescebat Jesus, opera.* Unde occasionem sumsit duos ex iis ad Jesum mittendi, sciscitatu- *ecquid ipse esset venturus ille, an expectandum haberent alium.* Quod utique non sua, sed unice discipulorum suorum causa ab ipso factum esse credo. Quia enim videbat non procul se a stadii sui meta abesse, & discipulos suos, quamvis multum laboris in iis bene de Christo informandis sumisset, tamen adhuc ancipites hærere, extremum hoc sanandæ ipsorum infirmitati quæsiuit remedium. Nulla enim meliori ratione convictum eos iri autumavit, quam si Jesum præsentem audirent viderentque. Commodum vero accidit, ut tum ad Jesum accederent quando variis morbis solo verbo ac nutu suo curandis operam dabat Luc. VII: 21. Eam ob rem nihil aliud iis respondit Jesus, nisi hoc unicum: *Profecti annunciate Johanni, quæ vidistis & audistis; cæcos visum recipere, claudos ambulare, leprosos purificari, surdos audire, mortuos suscitari, pauperibus Evangelizari.* Ut in omnibus, ita & hic profecto, admiranda Domini nostri sapientia est. Nihil directe de se ipso respondet, partim quia satius arbitrabatur, rem ipsam loqui, - partim ut Johanni copiosius super suis miraculis, & quid ex iis confici deberet, differendi argumentum suppeditaret. Et plus ista agendi ratio ad ipsorum convictionem valuit, quam si clarum prorsus & nullis ambagibus implicitum responsum retulissent. Opera enim quæ faciebat, testimonium de cœlesti missione ipsius erant, omni testimonio Johannis majus atque augustius. Joh. v: 36. x: 25, 37, 38.

LXXV. Cæterum, uti Johannes ad vitæ suæ finem Christi glo- LXXV. *riaæ promovendæ omnem impendebat operam; ita vicissim Christus* ^{Ut Johan-} *captivum Dei servum eo honestavit elogio quo nihil dici potuit excel-* ^{nes Jesum,} *lentius.* ^{sic & Jo-}

*ſus Johan-
nem, etiam
vinctum,
honeſtiſſi-
mis elogiis
ornas.*

lentius. Exſpectavit autem donec abiſſent diſcipuli ejus, ne ex com-
pacto agere viderentur, & ut procul eſſet ſpecies adulationis. *Mat. xi:*
8. Iis igitur digreſſis, ſic aſſatus eſt turbas: Quid exiſtis in deſer-
tum ſpectaturi? Neque enim fruſtra, & ſpinor, tanto numero tantoque
eo cucurriſtis ſtudio. Nec credibile eſt, vos coiviſſe ut arundines vi-
deretis vento quaſſatas, quales deſerta facile tellus alit. Quæſiviſtis
hominem, auditu viſuque dignum. At qualem hominem? An opu-
lentum aliquem, ſaſtuoſum, mollibus ac ſericis amiſtum veſtibus?
Non ſane. Is enim non in incultis illis locis, ſed in regum potius
principumque aulis quærendus fuerat. Nec eſt quod amplius rogem:
exiſtis certe Prophetam viſuri. Optime. Talis eſt Johannes: at vi-
dere non ſufficit, & ſtupere ad inſolitum amiſtum. Audire opor-
tuit, & attendere, & proficere ex ipſius institutione, & pœnitentiam
agere, & agnoſcere regnum cœlorum cum rege ſuo, & relictis rebus
omnibus admittere in animis venientem, & præſentem, quem mon-
ſtrabat, Meſſiam. Eo enim comparatum erat totum ipſius miniſte-
rium: quod ne hilum quidem vobis proderit, niſi eò quò oportet
referatis. Hæc enimvero rara veſtræ ætatis felicitas eſt, quod in Jo-
hanne non Prophetam ſolum, ſed & plus quam Prophetam habueri-
tis. Quotquot enim ante ipſum agitante Spiritu docuerunt, illi emi-
nus, ſub umbris, obſcure, de Meſſia vaticinati ſunt: hic vero pro-
ximus fuit Meſſiæ anteambulo, ipſe ille Angelus quem per Malachiam
promiſit Deus, præceſſurum ante faciem ſuam, & præparaturum viam
Domino, ad templum ſuum venturo. Denique, iſte eſt qui præſen-
tis, & in medio populi ſui ambulantis, Meſſiæ, index fuit. Atque
hoc intuitu magna cum aſſeveratione dico: *Non eſt ſuſcitatus quiſquam
inter genitos ex mulieribus major Johanne Baptiſta.* Poſt natos homines
nemo tam præclaro hætenus munere in Eccleſia functus eſt. Poruitne
quidquam dici magnificentius. Quod vero ſubjungit Dominus: *Sed
qui eſt minimus in regno cœlorum, major eſt eo*, id quo ſenſu intelligi
queat, alibi non indiligenter a me eſt explicatum. Vide *Oeconom.*
Fœd. Dei. lib. iv. cap. xiii. ſect. xxv. & ſeq.

LXXVI.

*Nec Johanneſis occaſio-
nem dede-
runt nata-
litia Hero-
dis (ubi di-
ſputatur, an
natalitium
quorundam)* LXXVI. Dubium non eſt, quin Johannes reduces a Jeſu diſci-
pulos ſuos, & quoscuque compellare dabatur, ex vinculis erudie-
rit, & officii ſui diligentiam non niſi cum vita poſuerit. Appropin-
quabat interim nefandæ necis tempus. Et magni viri letho, toti
Eccleſiæ triſtiſſimo, hilaris feſtivuſque dies occaſionem dedit. *Nata-
litia* agebat Herodes, ſive *vita*, ſive *regni* intuitu, ex more regum
Orientis, & cœnam faciebat proceribus ſuis ac chiliarchis, & prima-
riis Galilææ. Non ea proſecto aſtèritate & tetricitate præditus ſum,
damnare

damnare ut velim verustissimum morem quotannis natalem suum diem ^{celebrare} solenni gaudio, & amico epulo prosequendi. Potest enim illud ^{hominem} pie & sancte fieri, ad summi Numinis gloriam, eorumque qui præsto ^{pium de-} sunt ædificationem. Admonet enim ille dies, quoties recurrit, ut Domino gratias agamus, a quo in hanc vitam producti, complures jam annos ejusdem beneficio transegimus. Admonet etiam ut præteriti temporis recolentes memoriam, cum sancto quodam pudore ad animum revocemus, quam inutiliter, vel aliud, vel nihil, vel male agendo, concessos nobis divinitus dies, menses, annos elabi fiverimus. Admonet denique, ut non modo in reliquum vitæ tempus Deo nos commendemus, sed & quod superest majore diligentia redimamus, quo beatam nobis lucrificiamus æternitatem. Et quid ni læti isthac occasione domesticis, cognatis, familiaribus & amicis nostris commemoremus, quam ingentibus nos sibi beneficiis Divina obstrinxerit benignitas, eosque ad agendas nobiscum Deo gratias invitemus? Quid ni & epulum instituamus, dapfile etiam, si facultates nostræ ferant, at intra modestiæ terminos, ad fovendam familiæ totius concordiam, animosque jucundo amicitiae vinculo fociandos? Facile equidem *Struckio* adfentior, erudite & prolixè de hac re disputanti *Antiquit. Conviv. lib. 1. cap. xvi.* Unde hæc solum verba describere nunc lubet: *Quum ingens sit Dei donum hominem nasci, vita lucisque hujus jucunda atque salutaris participem fieri, non alienum, meo judicio, est a pii honestique viri officio, de eo Deo gratias agere, & animi hilaritatem in gratiis agendis, modesti alicujus convivii quasi externo symbolo testificari.* At nihil tam purum est quod non vitiis suis homines mundani corrumpant. Diem enim natalem, quem sacrum esse oportebat, nulla plerumque servata temperie, ebrietate, gula, libidine & inverecundis sermonibus profanant, pessimeque dilapidant. Unde plurima sæpe oriuntur mala. Quod & in luxurioso hoc Herodis epuloprehendimus.

LXXVII. *Saltatum* enim eo venit Herodiadis filia; an ex sua ^{LXXVII.} gentis instituto, an Gentilium more, discrepant Interpretes. *Grotius* ^{Es saltatio} sic commentatur: *ὑπὸ τῷ ὀρχήστῳ, motibus Ionicis, ut inquit Horatius: non* ^{filia Herodiadis: incertum an} *rudi illo atque incompósito saltandi genere, quod in publicis gaudiis matronis virginibusque Judæis antiquitus usurpatum fuit. A finitimis regnis mos* ^{Gentium} *iste in aulam Judaicam pervaserat. Sic in Egyptii Regis convivium intro-* ^{more, an} *ductam ὀρχήστῳ ἡ ἑρμηνεύειν saltatricem decoram, narrat Josephus Originum* ^{ex sua gentis instituto.} *xii. Dion de Rege Edessæ Trajani temporibus; καὶ εἰς τὴν αὐτὴν ἐν τῷ δεῖπνῳ παῖδα ἑαυτῇ ὀρχησάμενον βαρβαρικῶς πῦς παρήγαγεν.* Sic *Grotius.* At longe aliter *Ligsteerus*: *ὑπὸ τῷ ὀρχήστῳ ἢ θυράτῳ.* Non tam ex levitate, quam ex more gentis; in demonstrationem scilicet lætitiæ, atque ob celebri-

tatem diei. Soliti sunt Judæi in gaudiis exuberantioribus publicis, atque etiam in solennitatibus quibusdam sacris, hilaritatem suam saltatione & tripudiis exprimere. Omissis quæ in pagina sacra occurrunt exemplis, refertur a Patribus traditionum, præcipuam partem festivitatis in festo Sænopegia fuisse ejusmodi saltationes: viris primariis, grandævis, & maxime religiosis in atrio mulierum tripudiantibus; idque quo vehementius, eo laudabilius, Sotah. cap. v. Non ergo Herodem tam captavit gestus, aut motus puella saltantis, quam animus & affectus: quod scilicet ea honorem istum erga diem ejus natalem, amoremque ac venerationem erga ipsam ita demonstraret. latitiamque de ejus vita & salute: a qua talia quidem minime meruerat Herodes, quum patrem puella Philippum conjuge sua orbasset, matremque illegitimo thoro, incestuque continuo pollueret. Ego, ut in re ancipiti, nihil determino.

LXXVIII.

Tam im-
pense He-
rodi pla-
cens, ut
temeraria
pollicitatio-
ne ac jura-
mento, ma-
ximis se
implicuerit
difficultati-
bus.

Certum est, infanum in modum saltatricem puellam Herodi placuisse; adeo ut cujuscunque vellet rei optionem ei concederet, ad dimidium usque regni sui; ac temerariam promissionem juramento psumquam temerario sanciret. Quod mox, præter animi sui sententiam insperatum habens exitum, multarum ei causa fuit curarum. Puella enim, matris consilio & auctoritate impulsæ, præ cæteris rebus omnibus amputatum Baptistæ caput in disco sibi dari petiit; gratissimum futurum offensæ matri spectaculum. Multa sine dubio concurrerunt, quibus ad immanem sævitiam concitatus Herodiadis animus esset. Primum vindictæ cupiditas: quod malum ipsa vitæ jucundius est multis. Deinde credibile est, excruciatam quoque fuisse repudii metu: sicut aliquando, ubi fastidium obrepit scortatoribus, suæ eos libidinis pudet. Præterea speravit, hoc scelere magis sibi devinctum fore Herodem, si fœdus adulterini conjugii sanguine Prophetæ sancitum fuisset. Ut ergo secure in posterum dominaretur, eum extinctum cupivit, quem unum maxime adversarium sibi senserat. Videre hinc est, quam misera anxietas malam semper conscientiam torqueat: nihilque tam esse scelertatum, quod adultera, semelque oblita pudoris femina, non ausit. Quid Herodes nunc, cum stulta sua promissione, & nefario jurejurando? Undique se constrictum deprehendit, ac serio dolet. Inhærebat animo castissimi Vatis, cui non parum nuper tribuerat, sanctitudo: & quantumvis invito, attestabatur tamen conscientia, justam fuisse divini istius hominis reprehensionem. Verebatur etiam infamiam apud subditos, si non seditionem, si virum, toti populo reverendum, absque ulla probabili causa, in gratiam saltatricis puellæ, neci daret. Hinc factum est, ut suæ eum levitatis pœniteret. Ab altera parte memoria liberæ castigationis instigabat iram. Accedebat amor,

amor, hoc fervidior, quod vetitus. Illa inimicum ulcisci, hic uxori morem gerere imperabat.

LXXIX. Rei inhonestæ honesti speciem aliquam conciliabat in-LXXIX. definiti jurisjurandi religio. Ita animus, dudum adfuetus sequi pe-^{Cujus ju-}jora, ejecto rationis freno, permisit se raptandum concitatis affectibus.^{ramenti} Nescio an vere tactus fuerit juramenti religione, an eam solummodo^{obscuro Jo-} obtentui habuerit. Nam alioquin, uti optime argumentatur Gro-^{hannem in}-^{carcere de-}tius, quid facilius dictu, quam juramenti verba, generaliter enun-^{collari}-^{jussit.}ciata, ita esse interpretanda ut illiciti nihil comprehendant. Deinde vero, quid si totidem verbis pollicitus esset infantis cædem; nonne cogitare debuit, id quod per se illicitum est, interposito jurejurando licitum fieri non posse? Vide sodes quæ præclare de hac re disputavit Vir illustris de *Jure Belli ac Pacis lib. II. cap. XIII. §. VI.* Sed & convivæ, qui mos aularum est, captantes Herodiadis gratiam, labantem principis animum ad sceleris patratiorem impulerunt. Nisi cum *Prætor* malimus illud *Quæ res ovavæqueque* sic exponere, quod indignum se duxerit Herodes, si post tam liberam ac spontaneam pollicitationem levitatis & inconstantiae suæ arbitros tot tamque honorabiles convivas haberet. Utcunque se res habeat, magnum corruptissimæ aulæ indicium est, quod in tot convivis nemo unus repertus sit, qui vel verbulo Regem a tam detestando facinore abstereretur. Cui tamen rei, si quidquam in ullo ipsorum honesti superfuisset, commodam occasionem Regis tristitia suppeditabat. Missa igitur ulteriore deliberatione, confestim Johannem in carcere decollari jubet. Qui si *Machærunte* fuit, ut supra ex *Josepho* jecimus; multo probabilius videtur, convivium hoc eodem fuisse celebratum castello, quam *Tiberiade*: ubi cæteroquin Herodis erat regia. Hinc enim carnifici, ad Machæruntem usque, bidui conficiendum fuisset iter: & vix quarto demum a natalitiis die, horrendum puellæ offerri potuisset ferculum. Venerandum nimirum sanctissimi Prophetæ caput; quod ipsa, supra ætatem & sexum sæva, in lance ad matrem derulit, gratissimum furiosæ Herodiadi munus. O scelestum profani hominis facinus; O nequissimam omnis Divini humanique juris violationem! Sontes populo omni inspectante plecti leges jubent; ut poena in exemplum sit. Flaminium olim Romani imminuti magistratus crimine accusarunt, quod hominem haud dubie nocentem, non more majorum, sed in convivio, jussisset interfici. Quod uti semper inhonestum censebatur, ita imprimis indignissimum erat, si natalitio fieret convivio. Nam, *Varrone* teste, *id moris institutique majores tenuerunt, ut quam die natali munus amale genio solverent, manum a cæde & sanguine*

guine abstinerent : ne die qua ipsi lucem accepissent , aliis demeretur. At hic Tyrannus , sanctissimum hominem , ipsa judicis conscientia innocentissimum ; non pro tribunali , sed in convivio , indicta causa , condemnatum ; non palam , populum veritus , sed in carcere ; non ut publicæ tranquillitati consulere , sed ut procaci feminae obsequeretur , necari jussit. Hunc exitum habuit vir omnium quotquot ante ipsum exstiterunt mortalium maximus : vix biennio in præstantissimi muneris functione absoluto : certe si tempus demas quod in carcere exegit.

LXXX.

Hebræorum
de Johanne,
ejusque
necis, narra-
tiones.

LXXX. Iis , quæ ex Evangelica deduximus historia , Hebræorum narrationes plus minus consentaneæ sunt : quas , licet alibi a nobis exhibitas , ne quid historiæ desit , hic quoque reponendas esse censui. Josephus Antiq. lib. xviii. cap. vii. hæc habet : *Johannem , qui Baptista cognominatus est , Tetrarcha necavit , virum optimum , Judeos excitantem ad virtutum studia , & imprimis pietatis ac justitiæ , simulque ad Baptismi lavacrum : quod ita demum Deo gratum fore agebat , si non ab uno tantum alterove peccato abstineant , sed animis per justitiam prius mundatis addant & puritatem corporis. Quamque magni concursus ad eum ferent , plebe talis doctrinæ avida , Herodes veritus ne tanta hominis auctoritas defectionem aliquam pareret , quod viderentur nihil non facturi ex ejus consilio , judicavit satius esse , priusquam novi quid exoriretur , illum tollere , quam rebus turbatis seram penitentiam agere : itaque vinetum missum in Macharuntum illic occidi imperat : quod factum secuta est Judeorum existimatio ab irato Deo perditum esse Herodis exercitum. In Chronico Regum Templi secundi fol. 54. col. 4. hæc exstant : אנטיפוס הורשע וחתעיו מכל אשר היו לפניו ויקח אשת פוליפוס אחיו מתחתיו וחיה כבר תולידה והוכיחחו על התועבה הזאת רבי יוחנן כהן גדול וימיתחו : Antipas etiam impie egit & abominanda patrevit præ omnibus qui ante ipsum fuerant , & accepit uxorem Philippi fratris sui a sub potestate ejus , quæ jam ante pepererat : redarguit autem ipsum ob hanc abominationem R. Jochanan Sacerdos magnus , & percussit eum Antipas , ac morte affecit eum. Zemach parte I. anno 1770 similia habet : חורדוס אנטיפסר וש קורין לו טיטרכי הוא בנו של חורדוס הראשון ואחיו של ארקילוס והיה חסלך חשלישי לבית חורדוס גס הוא היה רשע רע ואיש משחית רבים מחכמי ישראל חרג בחרב ולקח את אשת אחיו פוליפוס כעודנו חי לו לאשה ויוחנן כהן גדול בעבור חוכיתו Herodes Antipater על זה הרגו בחרב עם רבים מחכמי ישראל : quem nonnulli Tetrarcham appellant , fuit filius Herodis primi , & frater Archelai , fuitque rex tertius de familia Herodis. Etiam iste fuit impius pessimus , & vir perditior , plurimos Sapientum Israël occidit gladio ; & accepit uxorem fratris sui Philippi , hoc adhuc vivente , sibi in uxorem Jocha-*

Jochanan vero Sacerdotem magnum, propterea quod ipsum redarguisset ob hoc facinus, interemit gladio, cum plurimis ex Sapientibus Israël.

LXXXI. De cadavere Johannis, Evangelistæ simpliciter, ut so-
lent, hæc tantum tradiderunt. *Et quum accessissent discipuli ejus, su-*
stulerunt corpus illius, illudque sepelierunt. At nimio fabularum studio ^{*Veserum Christianorum, de Herodiade, & filie ipsius exitu, apocryphæ historia.*}
ducta posteritas, nec contenta Evangelii simplicitate, multa de suo
confinxit, vel, ab aliis facta, nimia credulitate arripuit. In hunc
censum refero, quod *Hieronymus*, contra *Ruffinum* scribens, de He-
rodiade narrat, illam, ubi caput Johannis ad ipsam apportabatur, lin-
guam, qua se læsam credebatur, acu discriminale perforasse. *Nec ma-*
gnopere glorieris, verba Hieronymi sunt, si facias quod faciunt scorpiones
atque cantharides. Fecerunt hoc & Fulvia in Ciceronem, & Herodias
in Johannem: quia veritatem non poterant audire, linguam veriloquam
discriminale acu confoderunt. Eiusdem ponderis esse credo, quod *Ni-*
cephorus de eadem Herodiade tradidit. *Ipsa, inquit, Johannis repre-*
hensionem verita, caput conjungere rursus reliquo corpori timens, apud se,
remotis arbitris, in abstrusiore Regiæ loco sepeliendum dedit. Miror tan-
tum credulitatis domi habuisse *Montacutium*, ut rationes se videre dixe-
rit, cur *Nicephoro* hæc narranti adhibeatur fides, cur detrahatur,
nullas. Uti & exitum Herodiadis, & filie ipsius, eundem *Nicepho-*
rum ex antiquioribus Historicis fide dignis, in hæc verba descripsisse opi-
natur lib. 1. cap. xx. Furibunda sed enim, & adultera, incestaque adeo
illa, quæ quidem Herodis habebatur, revera autem erat Philippi conjux,
vita longius acta, quum prius filiam saltatricem acerbo fato sublatam vi-
disset, deinde ipsa quoque discessit, futuri seculi judicio & supplicio refer-
vata, meras ibi quam citissime divina iræ facies, intolerabilisque indignatio-
nis Domini calicem haustura. Filia autem ejus, dignus qui memoriæ man-
detur, talis erat obitus. Eundem ei quodam brumali tempore erat, &
fluvius trajiciendus, qui quum glacie constrictus esset, pedes eum transire
voluit. Glacie autem rupta, idque non sine Dei numine, demergitur illa
statim capite tenuis, & inferioribus corporis partibus lasciviens, molliusque
se movens, saltat, non jam in terra, sed in undis. Caput vero scelestum,
frigore & glacie concretum, deinde etiam convulneratum, & a reliquo
corpore, non ferro, sed glaciei crustis resectum, in glacie ipsa saltationem
lethalem exhibet, spectaculoque ejus omnibus præbito, in memoriam ea quæ
fecerat spectantibus revocat. Hæc Nicephorus. Credat qui vult. Mihi
cum Baronio hic facere libet, ad Nicephorianam narrationem hæc
adnotante: At quoniam ejusmodi Historiæ haud constans habetur veritas,
esto fides apud Auctorem. Ad Annam Chr. xxxiii. Num. vi.

TIMOTHEI.
BREVARIUM.

I. Timothei patria, & parentes. II. Nomen. III. Pueritia. IV. Pauli germanus filius fuit. V. Patri suo spiritali simillimus: tam doctrina; VI. quam agendi ratione. VII. Plurimum enim magni viri valet contubernium. VIII. Quo fructus Timotheus a prima juventute est. IX. Mox in Evangelistam a Paulo consecratus. X. Dignitas ejus muneris. XI. Ad quod electus est Timotheus secundum Prophetias. XII. Ordinatusque impositione manuum. XIII. Ritus illius Ecclesiastici mysterium. XIV. Manus Timotheo impositae sunt a Paulo & a Collegio Presbyterorum. XV. Simulque nactus est magnum gratiae incrementum. XVI. Qua ipsi valde juveni contigerunt. XVII. Aetas eorum qui olim admoti fuerunt sacris; In Ecclesia Israelitica. XVIII. In prisca Christiana. XIX. Juventutis apud antiquos termini. XX. In Timothei aetatem inquiritur. XXI. Ingenia non annis, sed virtute censenda sunt. XXII. Timotheus cur circumcissus. XXIII. Timotheus Paulo multorum itinerum comes: & in Evangelio συνεργός. XXIV. A Paulo Thessalonicam missus. XXV. Deinde in Macedoniam: atque iterum. XXVI. Denique relictus Ephesi. An ut Episcopus, aut Archiepiscopus? XXVII. Nihil de eo tale Sacra Litera. XXVIII. Ex quibus colligitur, non perpetuo ipsum Ephesi habitasse. XXIX. Ecclesiastica monumenta parum certi hic suppediant. XXX. Timotheum illum Ecclesia Ephesine Angelum esse, de quo Apoc. 11: 1. non est simile veri. XXXI. Alius a nostro Timotheus. XXXII. Timothei ex Metaphrasie martyrium. XXXIII. Icon corporis & animi.

PROLOGUS.

Accipite nunc, LECTISSIMI JUVENES, oculis subjectam fidelibus, quam avidis nuper auribus hausistis, Dissertationem de VITA TIMOTHEI. Non piguit eam calami delineare penicillo, ut accuratius in-
tuentes tantarum exardescatis amore virtutum; easque, quantum pote, imi-
tando

tando exprimere omni ope nitamini. Ipse vos generis humani Sospitator Jesus vere Timotheos faxit: ut viridi floridaque juvenia maturioris ætatis uberrimas fruges, ne cana quidem senectute defecturas, certis ominibus promittatis. Valete, Mei Juvenes, complete gaudium meum, & crescite in Viros Dei.



PATRIA Timotheo LYSTRA fuisse videtur; Lycaoniæ op-^{I. Timotheus} pidum, nulla, quod comperi, laude incultum: sed ^{patria, &} tanto nobilitatum cive, quo majorem melioremve nun-^{parentes.} quam tulit. Ibi certe cum cum parentibus suis primum invenit Paulus. Act. xvi: 1. PATRE genitus est natione Græco, religione Gentili: aut, si profelyto; non nisi גר תושב inquilino, qui circumcisionem reliquosque legis Mosai- cæ ritus nequaquam susceperat. MATRE Judæa, cui EUNICE no- men; fœmina pia, sancta, religiosa. Quæ quum patriorum rituum observantissima fuerit, mirum videri potest, qui nupserit Gentili. Inexpectati consilii veram rimari causam difficile foret. Sunt qui ar- canum Divinæ Providentiæ ductum laudant, qua dirigente ejusmodi contractum sit matrimonium, ut diruendæ modo maceriei, tollen- dæque Judæorum a Græcis discretionis, in hac quoque re præludium quoddam foret. Chrysostomus in 2. Tim. Homil. 1. Οὐδὲν πῶς ἤρξατο ὁ νό- μος καταλύεσθαι, τῶν ἐπιμιζῶν τέτων γινομένων. *Vides quomodo solvi in- cipiat Lex, dum ejusmodi fiunt connubia.* Consentaneum sane fuit, ut ex Græco & Judæa nasceretur, qui utrique nationi in unam Christi fidem jungendæ tam eximius Christo futurus erat minister. Utut sit, si incaute egerit Eunice gentili se socians thoro; laudem certe con- stantissimæ meretur pietatis, quod ab omni superstitione, nedum idololatria gentili, tam sollicitè sibi caverit, Divinæ legis religiosissi- ma observatrix. Videmusque in filio ejus re ipsa completum Pauli observationem 1. Cor. xii: 14.

II. NOMINIS impositio quamvis ad patriam præcipue potestatem ^{II. Nomen.} pertineret; Luc. 11: 62, 63. a matribus tamen sæpe usurpata est. Gen. iv: 1. Quod & Jacobi uxores sibi sumserunt. Gen. xxix. & xxx. Credibile etiam potissimas in TIMOTHEI nomenclatura matris fuisse partes: sive hanc ei potestatem ultro ex adfectu indulserit con- jux, sive ipsa sua pietate morumque sanctitudine maritum impulerit, ut ista ei in re gratificaretur. Voluit certe in filii nomine suæ erga Deum observantiæ exstare monumentum. Quo & ipse filius ætatis progressu officii sui commonesceret. Hac quoque parte priscam imi- tata pietatem.

III. Pueritia.

III. PUERITIAM exegit Timotheus sub aviæ & matris sanctissima institutione & exemplis. 2. Tim. I: 5. III: 15. Profectu tam insigni, ut ipsius Pauli meruerit encomia. Adeo utile est, generosa femina in ortus surrectura suos, eosdemve superatura, teneris puerorum mentibus inferi. Eandem sibi felicitatem prolixè gratulatus est Salomon. Prov. IV: 3, 4, 5. Et parentibus omnibus tantæ pietatis officium accurate commendavit. Prov. XXI: 6. At hæc Judaicæ spectabant elementa religionis: Christiana nondum publicata. Saltem non iis in oris, ubi Timothei debebant parentes. Paulus enim cum Barnaba primus Lystræ prædicavit Evangelium, parato ei introitu per prodigiosam claudi nati curationem. Act. XIV: 7—. Ex primis qui insigni fidei alacritate Evangelium susceperunt, Timothei nostri parentes fuisse videntur. Qui, si Metaphrasti credere fas est, suis Paulum ædibus exceptum comiter habuerunt, demandata ei charissimi pignoris cura. Quem sane Paulus Christianæ mysteriis fidei tam diligenter imbuat, ut, ex æterni Evangelii semine Deo Christoque a se genitum, FILII deinceps loco habuerit. Quamvis enim ἀπὸ βρεφὸς ἀ prima pueritia vitæ spiritualis principio donatum fuisse Timotheum constet: Christi tamen disciplinæ quum, Paulo ministro, initiaretur, novæ cujusdam genituræ participationem nactus fuit.

IV. Pauli germanus filius fuit.

IV. Atque hæc est ratio cur Paulus eum appellet γυνίον τέκνον ἢ πῖς, GERMANUM IN FIDE FILIUM. 1. Tim. I: 2. Γυνίς vocabulum Latino sermone explicari posse negat Hieronymus. Γυνίς enim, inquit, hoc potius sonat, quum quis fidelis & proprius, & (ut ita dicam) legitimus, sive germanus, absque comparatione alterius, appellatur. Ex quo intelligimus fuisse & in filiis Pauli plurimam differentiam, quod alios haberet γυνίς, id est germanissimos, sibi que conjunctos, & de vero matrimonio ac de libera procreatos, alios vero quasi ex ancilla & ex Agar, qui non possent hereditatem accipere cum libero filio Isaac. Quam Hieronymi sententiam absurditatis arguit Scultetus. Neque enim Apostolus alios, quos γυνίς non appellavit, pro spuris habuit. Sic enim Ephesios, sic Corinthios omnes, sic alios quos filios vocat, inter illegitimos ac nothos numeraret. Vult igitur γυνίον nihil aliud esse quam ἀγαπῶν, quemadmodum, inquit, Apostolus semetipsum explicat 2. Tim. I: 2. scribens Τιμοθεῖ ἀγαπῶν τέκνον. Nimirum dum γυνίς appellavit Timotheum ac Titum, verissimi sui erga liberos amoris gradus quosdam facit: quemadmodum Jacobi Patriarchæ effusior fuit in Benjaminum & Josephum quam in reliquos filios ardor. Cæterum nec hæc Sculteti observatio omnibus modis satisfacit. Quamvis enim qui γυνίς filius est, idem sic ἀγαπῶν, non tamen idcirco eadem vocis γυνίς quæ ἀγαπῶν significatio est.

Γυνίς

Γνήσιος notat germanum, sincerum, minime degenerem, æmulum paternæ indolis, patri quam simillimum. Quod *Martialis* dixit: *Soboles sincera parentis*. Ita Platonis & Aristotelis γνήσιοι χορευταὶ apud Julianum Imperatorem; quæ huc referuntur a *Prææo*. At magis conferri meretur ipsius Pauli ῥῆσις Phil. 11: 20. Οὐδὲνα γὰρ ἔχω ἰσόψυχον, ὅστις γνησίως τὰ περὶ ὑμῶν μεριμνήσει. Sensus est: neminem habeo **PALITER UT EGO ANIMATUM**; qui parili sinceritate atque alacritate res vestras accuraturus sit. Γνήσιος ergo filius erat, quia ἰσόψυχος, prorsus ita ut Paulus animatus, sive in quo animi sui imaginem Paulus cerneret.

V. Et sane quam-SIMILLIMUS Pauli fuit Timotheus, sive **DOCTRINAM** spectes & animi sensa, sive **MORES & agendi rationem**. Tradiderat ei Paulus ὑποτύπωσιν τῶν ὑγιαίνοντων λόγων. 2. Tim. 1: 13. *Camérarius*, multique alii, per ὑποτύπωσιν intelligunt brevem ac rudem designationem, sive formulam quandam ac σκιαγραφίαν, quam in conspectu habeat; & cujus ductum in docendo sequatur: quomodo dicuntur ὑποτυπώσεις doctrinæ Astronomiçæ Procli. Voluntque metaphoram esse a pictoribus desumptam; qui imaginem picturi primo ruditer eam delineant; dein vivos inducturi colores, lineamentorum istorum ductum sequuntur. Sed nescio an non aliquanto commodius *Coccejus* ita interpretetur, ut Paulus ipsos sermones suos Timotheo pro ὑποτύπώσει sive exemplari commendaverit: quasi scriptum esset, λόγους ἔχει ὑποτύπωσιν. Sanos sermones, quos a me audivisti, habe exemplar in fide & charitate. Ut sensus sit, sermones meos habe ut exemplar loquendi & cogitandi & faciendi. Quod eleganti *παράφρασι* ex *Chrysostomo* illustravit *Theophylactus*. Ὡς περ ζωγράφος ἔγραψα σοι, καὶ ὑποτυπώσαμην εἰκόνα καὶ ἀρχέτυπον, ἵνα πρὸς τὸτο ἀφορῶν καὶ αὐτὸς ζωγραφῇς ταύτην τὴν ὑποτύπωσιν τῶν λόγων· τοτέστι τὸ ἀρχέτυπον ἔχει, καὶ ντε δὲν ζωγραφῆσαι, ἀπ' αὐτῆς λάμβανε καὶ ζωγράφει πάντα γὰρ ἐκεῖ ἵνα πόνειται. *Pictoris instar depinxi atque expressi imaginem & archetypum*, ad quem ipse respiciens, hanc sermonum meorum formam depingere possis: hoc est, archetypum habe, ac si quid pingendum fuerit, ab illa imagine sume ac pinge: illic enim omnia reposita sunt. Dubium vero non est, quin, ut iussus erat, sic fecerit Timotheus; omniaque animi sui sensa ad Pauli doctrinam & informationem composuerit; sic ut in Paulo fuerit exemplar, in Timotheo imago exemplari simillima, illudque exacte referens. Hoc enim suo illo elogio Paulus vult quo Timotheum condecorat Epist. 1: cap. 14: 6. *Innutritus sermonibus fidei & præclara doctrina*, ἡ παρηκολούθηκας, quam affectatus es.

Tom. II.

Kkk

VI. At

VI. quam
agendi ra-
tione.

VI. At non doctrinam solum Pauli affectatus erat ; sed & mo-
RES ac vivendi rationem. Nam & hoc additur II. Epist. III : 10.
Σὺ ὃ παρῃκολούθηκας μὲ τῇ διδασκαλίᾳ, τῇ ἀγωγῇ. Tu vero affectatus es
doctrinam meam, VITÆ MEÆ RATIONEM, propositum, fidem, iræ co-
hibitionem, charitatem, tolerantiam &c. Multæ significationis est vox
παρῃκολούθειν, qua utroque hoc loco utitur Apostolus : notatque ad
minimum, eorum quæ dicuntur agunturve intelligentiam ex diligenti
observatione consequi. Quod multorum inductione exemplorum probat
Gatakerus, suis in Marcum Antoninum Annotationibus pag. 61. &
188. edit Lond. Et sane sic exponendum est Luc. 1 : 3. Ἐδξ̃ κἀμὸι πα-
ρῃκολούθηκότες ἀνωθεν ἀκριβῶς, visum est & mihi omnia ab initio usque ac-
curate intelligentia affectato. Sed & aliquanto amplius notare videtur :
accuratam nimirum rerum intelligentiam, quam quis experiundo asse-
cutus est, quippe quibus præsens interfuerit. Huc pertinent loca a
Grotio ex Demosthene allegata. Παρῃκολούθηκὼς ἀπασι κατηγορῶ. Ideo
accuso quia omnibus istis præsens adsui. Rursus : ὅσα τυγχάνω δι' ἐμπειρίαν
καὶ τῇ παρῃκολούθησιν τοῖς πράγμασιν εἰδώς. Quæ novi experiendo, &
ideo quod rebus adsui. Atque ita vocem heic loci accipiunt Chrysosto-
mus, Oecumenius, Theophylactus. Denique & ea quandoque vis voci
isti inest, ut significet talem sive dictorum sive factorum intelligentiam,
ut ea probes, ac secteris, atque imitando exprimas. Nihil istorum
est quod non huic conveniat loco. Vult enim Timotheum non so-
lum diligenti observatione intellexisse doctrinam suam, sed & coram
vidisse, experiundoque cognovisse, totam vitæ Paulinæ rationem ;
quippe cujus rebus præsens interfuerit. Omnium ergo optime scie-
bat, quid ageret Paulus, quis victus ipsius, quis amictus esset, qui-
bus se rebus oblectaret, quibus esset deditus, quid moliretur publice
privatimve, quid spectaret, quid intenderet, quid quæreretur deni-
que. Ita autem hæc cognoscebat Timotheus, ut & probaret ac se-
ctaretur, avidus assequendi.

VII. Plu-
rimum
enim ma-
gni viri
valet con-
suetudinem.

VII. Tantum in animo bene morato magni viri convictus valet :
cujus & sermo & incessus & habitus doctrina virtutum est ; uti Hiero-
nymus olim de Eustochio ad Latam scribebat. Hæc me in memoriam
revocarunt eorum quæ ad Lucilium suum scripsit Seneca Epistola VI.
neque tempero mihi quin & hic adscribam. Plus tibi & viva vox &
convictus, quam oratio, proderit. In rem præsentem venias oportet.
Primum quia homines amplius oculis quam auribus credunt : deinde quia
longum iter est per præcepta, breve & efficax per exempla. Zenonem Cle-
anthes non expressisset, si eum tantummodo audisset. Vitæ ejus interfuit,
secreta perspexit, observavit illum an ex formula sua viveret. Plato &
Aristo-

Aristoteles, & omnis in diversum itura sapientium turba, plus ex moribus, quam ex verbis Socratis traxit. Metrodorum, & Hermachum, & Polyænum, magnos viros non schola Epicuri, sed contubernium fecit. Hactenus Seneca. Quæ si ad nostrum transferantur Timotheum, mirum utique non est, tantum eum virum sanctissimo maximi Pauli convictu & contubernio factum esse.

VIII. Præsertim quum a prima ipsi lanugine adfuerit. Quod VIII. Quo optime hic a Grotio observatum. *Timotheus a matre, credo, & avia fructus commendatus, a puero sectatus erat Paulum, ut vitam ejus spectaret, & motheus a ad eam se componeret. Lucas quidem primam Timothei mentionem facit, prima ju- ubi Paulus Lystra venit. Act. xvi: 1. quia tunc in Evangelistam ordinatus vensute est. fuit Timotheus. At ante id tempus Paulo adfuisse Timotheum, etiam inde apparet, quod 2. Tim. iiii: 11. interfuisse dicatur iis perpeffionibus quæ Paulo acciderant Antiochiæ, Iconii, Lystris. Antiochiæ autem fuerat Paulus antea quam Iconii; & Iconii, antea quam Lystris. Lystris etiam perpeffiones illas sustinuerat, quorum testem laudat Timotheum; anteaquam Paulus secundo Lystram veniret, Timotheum consecraturus in Evangelistam. Act. xiiii: 51. xiv: 6, 19. Unde concluditur, ea quæ de contubernio Pauli hic narrantur, ad prima Timothei tempora referenda esse.*

IX. Biennio circiter exacto Lystram Paulus revertitur; ac Timotheum non civium modo suorum, sed & Iconiensium elogiis commendatum, comitem sibi sumit, ut EVANGELISTÆ munere fungere- IX. Mo- in Evange- listam a Paulo con- retur. Act. xvi: 2. Notissimus jam ex longo contubernio Paulo eratsecratus. Timotheus. Voluit tamen Paulus, præire bonæ vitæ testimonium, ab aliis etiam, & publice satis ei exhibitum, priusquam in Evangelistam adscisceret. Exemplum dans Episcopis, ne quid in Presbyterorum electione faciant, suis ducti affectibus; sed sequantur normam.

X. PORRO EVANGELISTARUM munus extraordinarium erat, di- X. Digni- stinctum a munere Apostolorum, Prophetarum, Doctorum & Pastorum, in ejus Eph. iv: 11. in eo consistens, ut Apostolorum in prædicando, vel memoria. scribendo etiam Evangelio, & constituendis regendisque Ecclesiis, socii atque adjutores essent. Eam in rem donis etiam extraordinariis instructos fuisse, credere par est. Ac primo quidem tanta vi & copia Spiritus, ut eos ab omni errore prohiberet, & ut quocunque mentem suam in rerum Theologicarum meditatione appellerent, veritatem perspicerent absque ullo errandi periculo. Qua in re Pastorum & Doctorum conditionem superabant. Dein & prudentia singulari in rebus gerendis, quæ ad prudentiam Apostolorum quam proxime accederet. Utramque illam facultatem Spiritui Dei acceptam tulerunt; attamen & ipsos studium, industriam, lectionis assiduitatem, animi-

que contentionem conferre ad utriusque acquisitionem oportuit; quem laborem Dei gratia mirifice prosperavit. 1. Tim. IV: 14. Atque hac parte distinguebantur a *Prophetis*, que ex ἰσχυρισμῷ quodam sapiebant.

XI. Ad
quod ele-
ctus est Ti-
motheus
secundum
Prophetias.

XI. Digna consideratu est Timothei ad Evangelistæ munus ELECTIO primum, tum & ORDINATIO. ELECTIO facta est. 1. Tim. I: 18. secundum prægressas de ipso Prophetias. Nimirum eximia illa dona tam Naturæ quam Gratiae, ab ineunte ætate tam diligenter excolta, spem non fallacem suggerebant, unde prudens quisque facile ominabatur in quantum virum cresceret, & quam præclara sibi de ipso polliceri possent Ecclesiæ. Neque id tantum; sed & ipse Deus Prophetis illius seculi revelaverat, quantarum rerum executioni, quanto cum successu, juvenem hunc destinavisset. Taliumque prophetiarum crebrum tunc in Ecclesia fuisse usum, vero perquam consentaneum est. Quum enim Apostoli orbem terrarum circumeuntes in singulis raro locis longas moras necterent, fieri vix potuit ut humanis mediis cognoscerent, quinam ex Neophytis idonei essent, quibus Ecclesiæ cura committeretur. Huic difficultati succurrebat *donum discretionis spirituum* 1. Cor. XII: 10. quæ erat facultas miraculosa, Præsidibus Ecclesiarum potissimum concessa, qua dignoscebant & detegebant, quo quis ageretur spiritu, an humano solum, an & fanatico ac diabolico; an vere Divino. Accedebant quandoque Prophetarum admonitiones, de certis quibusdam hominibus testantium, fideles eos esse futuros, Sic per Spiritum in Prophetis loquentem Timotheus Evangelista creatus est. 1. Tim. V: 14.

XII. Ordina-
tio, quæ
impositione
manuum.

XII. Electionem proxime secuta est ORDINATIO, facta μετὰ ἐπιθέσεως τῶν χειρῶν τῷ πρεσβυτέρῳ. MANUUM IMPOSITIO, uti N. T. pleraque, ex veteri Israëlitarum ritu est. Fuitque potissimum adhibita in Ordinationibus & Consecrationibus ad munus aliquod, sive Politicum, sive Ecclesiasticum. Sic a Mose consecratus Josua. Num. XXVII: 18. Deut. XXXIV: 1. Itemque Levitæ, Num. VIII: 10. Eodem deinceps ritu auctorati Judæorum Magistri & Judices. Hinc receptissimum nomen ἡγούμενος de quo nos de Syned. §. XLVI. Inde ritus ille in Ecclesiam Apostolicam profluxit. Sic consecrati sunt Diaconi. Act. VI: 6. aliique postea qualescunque Ecclesiæ ministri. Impositioni autem manuum conjuncta erat oratio & benedictio, qua conceptis precibus invocabatur Spiritus Sancti gratia super ordinando. Act. VI: 6. XIII: 3. eamque comitabatur aut sequebatur larga plerumque spiritualis gratiæ mensura. Act. VIII: 17. XIX: 6. Quod si in privatis obtinuit fidelibus, quanto magis in futuris Ecclesiæ præsidibus?

XIII. Im-

XIII. Impositio ista manuum, quamvis non fuerit Sacramentum, XIII. R-
 stricte dictum, significans & obsignans ex institutione Divina; ut gra-
 tis contendunt Romanenses: habuit tamen in sese multarum magna-
 rumque rerum mysteria. I. Eo ritu ordinandus præsentabatur Deo
 juxta & Ecclesiæ, ut sisteretur, & quasi desponsaretur utrique. Quo-
 modo & Levitæ sisti coram Domino dicebantur, quando imponeban-
 tur iis manus. Num. viii: 10. II. Erat signum Benedictionis, ab ho-
 minibus optatæ, a Deo conferendæ. Gen. xlviii: 14. Marc. x: 16.
 III. Ac Symbolum illabentis Spiritus Sancti cum donis suis. Deut.
 xxxiv: 9. IV. Pertinere etiam potuit ad instructionem ordinandi,
 fore deinceps super illum peccata populi. Qua ratione victimis im-
 poni manus, & simul in eas iniquitates transferri suetæ. Lev. i. iv.
 xvi. Ut ordinatus ita moneretur, sibi incubitura Ecclesiæ peccata,
 nisi precibus, cura, vigilantia, exemplo, ea, quantum pote, impe-
 diret. Hinc Angelis Ecclesiarum Asiaticarum adscribuntur earundem
 vitia. Ap. ii. & iii. Vide plura apud *Spanhem. Dissert. de Impos. Man.*
Part. ii. §. xiv.

XIV. Quibus de Manuum Impositione generatim disputatis, ad XIV. Ma-
 Timotheum nostrum revertamur. Cui manus ab ipso Paulo impositæ. ^{nus Timo-}
 2. Tim. i: 6. Hoc enim dari solebat Apostolis, ut omnium honora-
 tissimis, quotiescunque aderant. At non soli id faciebant Apostoli. ^{theo im-}
 Etiam reliqui Ecclesiarum præstites. Act. xlii: 1, 3. Qui ^{Presby-}
 vocabantur, eorumque cœtus ^{terorum.} *πρεσβύτεριον*. Et sic eam vocem inter-
 pretor, 1. Tim. iv: 14. cum impositione manuum Presbyterii; hoc
 est, a Collegio Presbyterorum facta. Nunquam Presbyterium enim
 in Sacris Literis munus: semper collegium seniorum notat. Confer.
 Luc. xxi: 66. Act. xxi: 5. Sic & *Ignatius* in *Epistola ad Trallianos*.
τὸ ὅ πρεσβυτέριον ἐστὶ; ἀλλ' ἡ σύστημα ἱερὸν, σύμβουλοι καὶ συνεδρευταὶ τῷ
ἐπισκόπῳ. Et *Theodoretus* ad hunc locum: *πρεσβυτέριον ἐπαύδα τὰς τῆς*
ἀποστολικῆς χάριτος ἐξουμένους ἐκάλει. Unde apparet Apostolorum ætate
 non fuisse notam eam Episcopi a Presbytero discretionem, ut illi,
 non huic jus ordinandi competierit. Nimium sibi sumit *Chrysostomus*,
 dictans non loqui hic Paulum de Presbyteris, sed de Episcopis:
ὁ γὰρ πρεσβύτεροι τὸν ἐπίσκοπον χειροτόνουν. Scilicet ex suæ ætatis con-
 suetudine de Apostolica simplicitate perperam judicat; nec sine vi A-
 postoli verbis illata; qui sane de Presbyteris heic agit, nulla Episco-
 pi mentione. Erudite, ut solet, observavit *Grotius*, moris fuisse an-
 tiquissimi, ut qui adessent Presbyteri una cum cœtus sui principe ma-
 nus imponerent. Quod postquam ex Clementis Constitutionibus prob-
 bavisset, notat diu istum in Africa servatum fuisse morem. In Synodi

446 E X E R C I T A T I O XVI.

enim Carthaginensis actis legimus : *Presbyter, quum ordinatur, Episcopo eum benedicente, & manum super caput ejus tenente; etiam omnes Presbyteri qui praesentes sunt, manus suas juxta manum Episcopi super caput ejus teneant.* Ordinatio itaque Timothei facta a Paulo est, adstantibus, & manus post Paulum imponentibus caeteris Presbyteris.

XV. *Simul-
que nactus
est magnum
graciae in-
crementum.*

XV. Neque fuit ista inanis & cassa rerum caerimonia. Cum ea enim manuum impositione nactus est Timotheus insigne Divinae gratiae incrementum. Huc faciunt Pauli admonitiones 1. Tim. IV: 14. *Ne negligito donum quod in te est, quod datum est tibi per prophetiam cum impositione manuum.* Et 2. Tim. I: 6. *Quam ob causam in memoriam revoco tibi ut exsuscites donum quod in te est per impositionem manuum mearum.* Grotius putat agi de dono linguarum; quod vicinum vero est. At non video cur adeo arctemus. Quidni cogitemus de notabili augmento sapientiae, prudentiae, sanctitudois, fortitudinis ac generositatis? eo enim ipse nos ducit Apostolus com. 6. *Quippe non dedit nobis Deus Spiritum formidinis, sed roboris, & charitatis, & sanitatis animi.* Donum autem hoc datum esse dicitur *ὅτι προφητείας*: quia per aliorum prophetias praesignificatum erat, id ipsi datum iri. Prophetiae enim facere dicuntur, quod praedicunt. Jer. I: 20.

XVI. *Quae
ipsi valde
juveni con-
sueverunt.*

XVI. Id etiam notatu apprime dignum est; tam honestum in Ecclesia locum, tantaeque gravitatis munus, Timotheo valde adhuc juveni contigisse; unde factum est ut praeterlapsis ab initio sacrae functionis annis aliquot, commonefecerit eum Paulus, *ne quis juventutem ipsius despiciatui haberet.* 1. Tim. IV: 12. utque *juveniles cupiditates fugeret.* 2. Tim. II: 22.

XVII. *Æ-
tas eorum
qui olim
admoti fue-
runt sacris;
In Ecclesia
Israëlitica.*

XVII. Non abs re erit, ut de ætate eorum qui sacris olim admoti fuerunt, paucula differamus. LEVITARUM ætatem definivit Deus, ut ad custodiam Tabernaculi vocarentur ab anno vigesimo quinto exacto: sed ad onera bajulanda, vel plaustris imponenda, adhiberentur ab anno trigesimo usque ad quinquagesimum. Sic enim optime in consensum redigi existimo leges in speciem pugnantem Num. IV: 3. & VIII: 24. Davidi, confcio, indubie, & approbante Numine, placuit ut ad ministerium vocarentur qui annos nati erant viginti. 1. Paralip. XXIII: 27. SACERDOTIBUS nulla lex annaria constituta est. Quamvis enim Sacerdotum filii satra facere non solerent ante vicesimum ætatis annum, nulla tamen Dei lex obstabat qua id facere prohiberentur. Quænam ergo ætas per Dei legem ad sacerdotium fungendum legitima? Eadem, inquit Abarbanel, cui *Divinarum incumbit observatio legum.* Sic enim commentatur ad Num. VIII. *הכין שחיה חייב במצות כשר לעכררה אבל אחיו תכהנים לא היו פניחין*

: מניחין אותו לעבוד עד חיותו בן עשרים שנה *Sacerdos simul ac ea ætate est qua legis jussa observare tenetur revera aptus est ad ministerium. At fratres ejus Sacerdotes sacris operari non permittunt, donec annos viginti habeat.* Constans est Hebræorum traditio, Sacerdotem functioni idoneum esse anno ætatis decimo tertio, post prima pubertatis indicia; licet obligatione ad vices cum cæteris præstandas non teneretur ante annum vicesimum. Citius tamen quandoque Sacerdotio functum esse, patet exemplo Aristobuli, regnante Herode. De quo *Josephus Antiq. xv. 111.* in hunc modum scribit: *Postquam adolescens annum tunc egressus decimum septimum, sacris juxta legem operaturus, ad altare ascendit, ornatu pontificali, cerimoniasque decenter tractabat, ipse eximia forma, & statura quam pro ætate procerior, tota facie generis dignitatem præ se ferens, convertit in se multitudinis oculos simul & studia.* Plura qui vult *Seldenum* videat *De Succes. in Pontif. lib. 11. cap. 1v. & Outram. de Sacrif. lib. 1. cap. vii.* Multo minus *PROPHETÆ* ulla annali lege constrikti fuere: quippe quorum functio ab immediato Divini Numinis impulsu penderet: quem pro liberrimo & absoluto suo dominio dispensabat quibuscunque & quandocunque lubitum fuit. Etiam, ubi ita visum, oppido juvenibus. Quod *Samuelis* & *Jeremiæ* notissima probant exempla. Confer *Amos. 11: 11. Excitavi ex filiis vestris prophetas, & ex JUVENIBUS VESTRIS Naziræos.*

XVIII. In prisca Ecclesia Christiana nulla ætas Ministris definita XVIII. In est. Christus Dominus tricesimo fere anno publice se pro Propheta prisca Christi-
gessit. Apostolorum ætas admodum fuit inæqualis. Johannes Chri-
sto non videtur major fuisse. Plerumque tamen presbyteri erant id
quod dicebantur, id est, multum provectæ ætatis. Labentibus se-
culis determinatus est annorum numerus. *Synodus Neocæsarensis* ha-
bita Anno cccxiv. Canone xi. Προσβύτερος πρὸ τῶν τριάκοντα ἐτῶν μὴ
χειροτονεῖσθαι, ἐὰν καὶ πάντῃ ἢ ἀνδρῶν ἢ ὁμοιωμάτων. ἀλλὰ ἀποτονεῖσθαι. ὁ γὰρ κύ-
ριος Ἰησοῦς Χριστός ἐν τῷ τριακῷ ἔτει ἐφωτίσθη (alias ἐβαπτίσθη) καὶ ἤρξατο
διδάσκειν. Presbyter ante triginta annos non ordinetur; etiamsi valde di-
gnus fuerit: sed in hoc tempus reservetur. Dominus enim Jesus Christus
tricesimo anno baptizatus est, & docere cepit. Hæc perfecti viri ætas
dicitur a Concilio Agathensi Can. xvii. Presbyterum vero vel Episcopum
ante triginta annos, id est, antequam ad viri perfecti ætatem venerit, nul-
lus Metropolitanorum ordinare præsumat: ne, quod aliquoties evenit, ali-
quo errore culpentur. Justinianus Imperator Novella cxxiii. cap. xiii.
quinquennium adjecit. Presbyterum autem minorem triginta quinque
annis fieri non permittimus. Quod forsan frustra jussit. Nam non mul-
to post Synodus in Trullo Canonem Neocæsarensensem, veluti τῶν ὁρίων
καὶ

καὶ θεοφόρων πατέρων legem, totidem verbis instauravit. Confer Isaaci Haberti *Observationes ad librum Pontificalem Ecclesiae Graecae* pag. 416. Adde *Const. Apost. lib. II. cap. I. cum notis Cotelierii*. Quibus locis ex professo & prolixè de hac materie agitur, multaue congesta sunt, doctissimorum hominum eruditione digna.

XIX. *Jo-*
venius
apud anti-
quos ter-
mini.

XIX. Ante talem ætatem dignissimum Evangelistæ munus in Timotheum collatum erat: quippe quem eximia dona, & Prophetarum prædictiones singulari commendabant. Prævertebat ætatem incredibili prudentia, spectatissimaque morum gravitate:

Ante annos animumque gerens curasque viriles.

Observatum tamen a Viris Doctissimis, non exinde consequi, plane juvenem fuisse Timotheum, quum hæc ei Paulus scriberet. Nam כחור Hebræis, νεότης Græcis Interpretibus, est ætas militaris, & civilem ætatem comprehendit, ac soli senectuti opponitur, notante Grotio. Veteres non tam arctis limitibus Adolescentiam ac Juventutem circumscripserunt, uti hodie apud nos solet. *Adolescentulum* se fuisse narrat Cicero quum pro Roscio diceret; quod septimo eum & vicesimo ætatis anno fecisse probat *A. Gellius lib. XV. cap. XXVI II*. Alexandrum Aristobuli filium, quum supplicio afficeretur, νεανίσκον vocat Josephus, quamvis vicesimum superasset annum. *Antiq. lib. XIV. cap. XIII*. Polybius Hieronem κομιδῇ νέον ADMODUM JUVENEM fuisse testatur *lib. I. pag. II*. qui annum xxx excesserat: uti demonstrat in *notis Casaubonus*. Plane ut Romani, qui juventutem desiniebant ab anno tricesimo ad quadragesimum. Idem Polybius *lib. XVII*. de Flaminio: Καὶ τοὶ νέοι ἦν κομιδῇ· πλείω γὰρ τῶν τριάκοντα ἐτῶν ἔν εἶχε. OPPIDO JUVENIS ERAT: PLURES ENIM TRIGINTA ANNIS NON HABEBAT. Vide sis Casaubonum, ad *Appar. Baronii Num. 99*. At præ omnibus hisce memorabile est quod de se in Oratione de sui consecratione Chrysostomus habet. Καὶ τίς ἂν ταῦτα πιστεύσῃεν, ὅτι ἡμέρας ἕσας, ὑπὸντων ἀνδρῶπων καὶ ἐρηγορώτων, μερακίσκῳ ἐυτελὲς καὶ ἀπερρίμμένῳ, πρὸς ἡμῶν ἀρχῆς ἀννέχῃ τούτων; Quis hoc autem credat, ut dum dies est, hominibus sobriis ac vigilantibus, adolescentulus vilis atque abjectus, ad tantum culmen dignitatis evectus sit? Μερακίσκον adolescentulum se fuisse dicit, quum in Presbyterum ordinaretur: atqui tricesimum secundum ætatis annum expleverat. Saltem si Palladii Helepolitani Episcopi, qui Chrysostomi discipulus fuit, cum Theodoro, Romano Diacono, Dialogum audiamus. Octavo enim decimo ætatis anno Chrysostomum arti Oratoriæ operam dedisse testatur, Antiochiæ primum sub Libanio, mox Athenis; dein Meletio Episcopo Antiocheno familiarem factum, sacris nostris imbutum, exactoque triennio Lectorem ordinatum

tum esse. Quod quidem munus quum præ modestia detrectaret, montes & solitudinem petiisse, ac Syro cuidam seni per annos *quatuor* se commisisse: tum in speluncam sese *biennium* ferme inclusisse: a qua, ob morbum ex austeritate Ascetica contractum, exire compulsus in Urbem rediit; ubi a Meletio Diaconus ordinatus, sacris altaribus per annos *quinque* ministravit; tandemque inter Presbyteros, invitus licet ac plurimum reluctans, a Flaviano cooptatus est: quum, uti ex numerorum istorum collectione conficitur, alterum supra tricesimum secundum annum ageret. Confer *Isaaci Haberti Observationes ad Archiepiscopatum Ecclesiæ Græcæ pag. 416.*

XX. Quæ quamvis erudite a Maximis Viris observata, dubito an huic negotio commode applicentur. Utut enim de Timothei annis nihil temere definire velim; non tamen veri mihi simile fit, ad triginta eum numerasse, quum sacro Evangelistarum ordini initiaretur. Ejus ætatis, ut modo dixi, Christus fuit, quum pro Propheta se palam gerere inciperet: nec multo majoris, si modo majoris, Johannes, quum in Apostolorum cooptaretur collegium: quibus tamen ætatis defectum objectum unquam esse, eove nomine visos esse despicabiliores, nullæ, quod sciam, tradunt historiæ. In ætate itaque Timothei singulare aliquid fuit; & juvenile adeo, ut contemptum effugere difficulter potuerit, nisi quod annis deerat sapientia & gravitate abunde pensasset. Facile accedo *Danao*, juventutem constituenti ab anno xvii. usque ad xxv. unde incipit ætas virilis: intra quos annos Timotheum fuisse puto.

XXI. Ingenia hominum non ab annis, sed a prudentia & virtute censenda sunt. Juvenes muneribus quum Ecclesiasticis, tum Politicis cum fructu, & bono publico, admoveri posse, adductis exemplis demonstravit *Lorinus*, in *Commentariis ad Sap. iv: 8.* Vide sis venerandum *Voetium* nostrum *Pol. Ecc. Tom. III. pag. 720. & seq.* Ubi ex quamplurimis ANTONIUM SADEELEM laudat, qui haut multum viginti annos egressus, doctrina tamen & virtute veteranus, in Pastorem Ecclesiæ Parisiensis electus, docendo, consulendo, rebusque Ecclesiasticis quammaxime arduis agendis, juventutem suam sic ornat, ut in prima Synodo Ecclesiarum Gallicarum clam Parisiis celebrata (a qua Confessio conscripta, & per Illustrissimum Colignium Regi oblata) præses constitueretur. Adde notabile exemplum *Thomæ Buirette* ex *Drelincurtii* Dedicatoria ad novem Dialogos contra Missionarios. Nisi vivorum parcendum esset modestiæ, possem & ego memorare aliquem, qui eadem non modo qua Sadeel ætate, sed & minori, anno ætatis xix, Philosophiæ ac Theologiæ Doctor multa

cum laude renunciatus, mox anno xx Theologicæ Cathedræ in Celebri Academia admotus, dignitatem Professoriam omnibus suis numeris ita tuitus est, ut juvenes prudentia & gravitate anteiret, senibus & qui artis nostræ veteres erant, ingenii promptitudine ac solertia, judicii soliditate atque acrimonia, multarumque tam linguarum quam rerum diffusa eruditione, par esset; omnibus denique admirationi. Quæ eo a me referuntur, ut & Dei in sublimibus ejusmodi ingeniis liberam liberalitatem grati prædicemus, & nostri temporis juventutem excitemus ad æmulationem. Ita, mei juvenes, talibus stimulati exemplis ad gradia quæque enitimini. Diligentia ac studio annos prævertite. Si in primis consistere non liceat, quod paucis darum; ad secunda vel tertia contendite. Quis scit, quousque? Favente Deo, nil volentibus arduum.

XXII. T.

*Timotheus cur
circumcisus.*

XXII. Sed ad Timotheum nostrum revertamur: quem Evangelistam creatum, secum proficisci Paulus voluit, & assumptum CIRCUMCIDIT, propter Judæos, qui in illis locis erant: sciebant enim omnes patrem ipsius Græcum esse. Act. xvi: 3. Hactenus in præputio manserat Timotheus, ita jubente patre, religioni Judaicæ non addicto. Constans enim Hebræorum traditio est, jus non esse matri filium circumcidere patre invito: cujus potestas, ut alibi, ita & hic prævalebat. Nunc autem in sua eum potestate habebat Paulus; cui ex usu Evangelii fore videbatur, si circumcidi curaret. Sperabat ipsius opera multos ex Judæis, nondum conversos, ad Christum conversum iri: quorum nonnulli, rigidioribus illis de cerimoniarum necessitate sententiis occupati, consuetudinem sermonemque ejus declinaturi fuissent, si scivissent incircumcisum. Judiciose notavit *Grotius*, Paulum circumcisionis & usum & omissionem ex temporum locorumque utilitate metiri novisse: & in hisce rebus dijudicandis, lumine perfusum fuisse majori, quam alii Apostoli. Sapientiam prudentiamque Pauli in hoc negotio meritis deprædicat elogiis *Chrysostomus*. Περιέτεμεν, ἵνα περιτομὴν κατέλῃ. Circumcidit, inquit, ut circumcisionem tolleret. Nimirum ut Timotheus ea ratione acceptior Judæis factus, præjudicium illud de durante adhuc, nedum perpetua, circumcisionis necessitate animis ipsorum evelleret. Quod & a *Clemente Alexandrino* observatum. *Strom. lib. vii. pag. 730* Ἀντίνα Τιμόθεον ὁ γενναῖος περιέτεμεν Ἀπόστολος, & κρατὸς καὶ γράσων, περιτομὴν τὴν χειροποίητον μηδὲν ὀφειλῆν· ἀλλ' ἵνα μὴ ἀδρόως αποσπῶν τὸ νόμον πρὸς τὴν ἐν πίστει τῆς καρδίας περιτομὴν, ἀσυνιάζοντας ἔτι τὸς ἀκρωμένους τῶν Ἑβραίων ἀπορρήξαι τῆς συναγωγῆς ἀναγκάσῃ, συμπεριφερόμενος Ἰουδαίοις Ἰουδαῖος ἐγένετο, ἵνα πάντας κερδήσῃ. Ecce enim *Timotheum præclarus circumcidit Apostolus; quum vociferaretur & scriberet.*

beret, circumcisionem manu factam nihil prodesse: sed ne repente a lege avellens ad eam qua est ex fide cordis circumcisionem adhuc reluctantes eos qui audiebant Hebraeos, a Synagoga se cogeret distrahere, se Judæis accom- modans factus est Judæus, ut omnes lucrifaceret.

XXIII. Fuit autem Timotheus Paulo iterum suorum comes. XXIII. T.
De quibus itineribus non est ut prolixè nunc & ex professo agamus. motheus
Magis enim id ad Pauli quam Timothei historiam pertinet. Ea so- Paulo mul-
lum attingemus, in quibus partem aliquam Timotheus facit. Id enim torum iti-
semel statutum esse oportet, non modo comitem eum Pauli fuisse, nerum co-
& auditorem, & ministrum honorarium; sed & mes: & in Evangelio
cum ipso Evangelium prædicaverit, qui opus Dei pariter ac ipse fo- - Evangelio
cerit, suo tamen singuli gradu atque ordine: quocum etiam Paulus
in rebus gravissimis consilia sua miscuerit: quem ut filium quidem,
sed & ut fratrem, habuerit: cujus denique nomen Divinis aliquan-
do Epistolis suis præfixerit, ut hominis eodem secum Spiritu agitati.
Hac itaque semel præmissa observatione, ea nunc itinera mente pro-
sequamur, quæ cum Paulo emensus Timotheus est. *Lystris egressi,*
Phrygiam & Galatiam petierunt, ubi percupide exceptus a Galatis
Paulus, quasi Angelus de cælo fuisset, magno cum fructu Evange-
lium prædicavit. Inde quum venissent in Mysiam, frustra tentato per
Bithyniam itinere, quum non sineret Spiritus, præterita Mysia de-
scenderunt Troada. Illinc solverunt in Macedoniam, & Samothra-
cem primum, inde Neapolim, postea Philippos (quæ Macedoniæ
urbs ex Asia venientibus prima occurrit) delati sunt. Ibi conversa
ad fidem Lydia, ejecto spiritu Pythonis, a Dominis ancillulæ Py-
thonissæ, & Magistratibus, Paulus & Silas male habiti, atque in
carcerem coniecti, nocturnis hymnis suis admirationi captivis cæte-
ris fuere, baptizato cum tota familia sua commentariensi. Carcere
soluti Philippis, per Amphipolim & Apolloniam, Thessalonicam
venerunt. Isthic complures tum ex Judæis, tum ex Græcis piis ac
religiosis, item ex primariis nobilioribusque scæminas nonnullas ad
fidem convertit Paulus. Ringentibus incredulis Judæis, qui tumultu
excitato, criminationibus suis apud magistratum effecere, ut Paulo
cum comitibus urbe excedendum fuerit. Inde Beroeam venere, at-
que isthic prædicato feliciter Evangelio, Judæi rebelles Thessalonica
venientes, novas adversus Paulum turbas excitant: qui inde Athenas
abire cogitur, Sila & Timotheo, qui semper hactenus Paulo adfue-
rant, relictis Beroæ: quibus in mandatis dedit, ut quantocyus ad
se Athenas excurrerent.

492 E X E R C I T A T I O XVI.

XXIV.
*A Paulo
Thessalo-
nicam mis-
sus.*

XXIV. Quo postquam appulissent, Paulus magno Thessalonicenses invisendi desiderio tenebatur, at voto satisfacere non poterat, præpeditus a Satana. Quamobrem, quum amplius se continere non posset, libuit ipsi ut solus Athenis relinqueretur, Timotheo ad ipsos amandato, ut in fidem ac constantiam ipsorum inquireret, suisque porro exhortationibus eos stabiliret. Inde cum bono nuncio, de constanti Ecclesiæ Thessalonicensis fide ac charitate, ad Paulum rediit Timotheus. 1. Thess. 11: 18. 111: 1. & seq.

XXV. De-
*inde in
Macedo-
niam. Se-
mel, atque
iterum.*

XXV. Qui ea re vehementer exhilaratus; priusquam Athenis excederet & Corinthum peteret, rursus in Macedoniam Silam & Timotheum misit Act. xvi 11: 5. eorumque reditum Corinthi præstolatus est. Ubi exactis octodecim mensibus, enavigavit in Syriam, ac devenit Ephesum. Inde adscendit Hierosolymam, ac salutata ibi Ecclesia, Antiochiam venit. Visitatisque aliis urbibus Ephesum rediit: ubi qualia quantaque ab ipso gesta sint exponitur Act. xix. Adeo autem se negotiis in urbe ista implicitum animadvertit, ut, quum Macedoniam peragrarè animum induxisset, Timotheum atque Erastum committere coactus fuerit, ipse ad tempus in Asia subsistens. ibid. 21, 22. Exacto ibi circiter triennio, tandem abiit profecturus in Macedoniam. Act. xx: 1.

XXVI.
*Denique
velicinus
Ephesi. An
ut Episco-
pus, aut
Archiepi-
scopus?*

XXVI, Eo tempore creditur rogasse Timotheum ut PERMANERET EPHESI. 1. Tim. 1: 3. Hinc collegerunt, post Veteres, Recentiorum non pauci, Timotheum a Paulo tunc constitutum esse primum EPHESINÆ ECCLESIAE EPISCOPUM; imo ARCHIEPISCOPUM, ait Jesuita a Lapide. Jube enim illi Apostolus, ut per alias urbes Episcopos constituat, & ordinet; quod est Archiepiscopi. At nec intra hos terminos Hierarchica Timothei dignitas consistit. Quum Ephesus omnium Asiæ minoris Ecclesiarum Metropolis fuerit, concluditur, earundem PRIMATEM fuisse Timotheum. Atque hunc esse volunt ANGELUM illum ECCLESIAE EPHESINÆ, cui Epistolarum Apocalypticarum prima inscripta sit. Quod ex eo patere dicunt, quia Timotheus Ephesi federit post scriptam Apocalypsin: uti passim docent Veteres, & satis convincit Dionysius Areopagita, qui post Johannem scripsit, & plerosque suos libros huic Timotheo inscripsit. Quæ narrationes quonitantur fundamento operæ pretium erit paullo diligentius anquirere.

XXVII.
*Nihil de eo
tale Sacra
Litera.*

XXVII. Et Sacras quidem Literas quod attinet, si eas, uti par est, primo consulamus loco, nihil profecto inveniemus quod ad hanc rem pertineat; imo nonnulla quæ eam apertè arguant falsitatis. Pauli verba simplicia sunt. 1. Tim. 1: 3. Παρεκάλειά σε προσμέναι ἐν Ἐφέῳ πορεύομεν® εἰς Μακεδονίαν. Quisquamne ex iis extundat ordinationem
Timo-

Timothei in Ephesinæ Ecclesiæ ordinarium Episcopum, imo Archiepiscopum, imo Primatem? Palam est, hætenus Paulo fuisse Timotheum itinerum comitem, operisque in propagando Evangelio socium, qui, nisi iussus, & ad exiguum temporis spatium, a Pauli latere nunquam secesserat. Nunc abeundum Paulo in Macedoniam erat, relicta Epheso, ubi tuto amplius esse vix licebat. Interim eximia messis erat Ephesi. Oportebat itaque insignem virum relinqui, qui absentis Pauli vicem aliquamdiu subiret. Ei rei destinatus Timotheus est: rogatus a Paulo, non ut Episcopalem admitteret dignitatem, & cum nescio quo Hierarchico splendore inthronizatus in Metropolitana Ecclesia sederet; sed simpliciter ut aliquantulum Ephesi permaneret. Sane aliud erat Apostolorum tempore Episcopum esse, aliud serioribus sæculis, aliud denique nunc. Pessime de Apostolica simplicitate iudicatur ex recentioris ævi consuetudine. Ephesinos quidem Episcopos, quos ab ejusdem Ecclesiæ Presbyteris non distinguit sacra historia; tales, inquam, Ephesiorum Episcopos legimus Act. xx: 17, 28. Timotheum in Episcopali throno Ephesi sedentem nullibi legimus. Archiepiscoporum & Primatum ignota isthoc sæculo nomina; æque ac res superbis istis nominibus designata.

XXVIII. Imo ne hoc quidem certum est, Timotheum Ephesi, XXVIII. quocunque nomine, quacunque dignitate, ab eo tempore rerum suarum sedem perpetuam habuisse. Postquam enim aliquantulum ibi esset commoratus, interim dum Macedoniam Paulus peragraret, & fortassis in Illyricum excurreret, peractis mensibus tribus ad Paulum rediit, quem cum Sopatro, Aristarcho, Secundo & Gajo comitatus est in Asiam. Act. xx: 4. An inde Ephesum reverterit, quod quidam opinantur, an perpetuus Paulo συνέδημ^{ος} fuerit, donec Paulus victus Romam duceretur, quod *Cappellus* mavult, pro certo non dixerim. Hoc certum, quod Romæ cum Aristarcho & Tychico Paulo adfuerit. Testantur id Epistolæ, a Paulo in vinculis Romæ scriptæ, Timothei nomen præferentes: nimirum ad Philipenses, Colossenses & Philemonem. Neque συνέδημ^{ος} solum Pauli, sed & συναρχμάλωτ^{ος} in prima captivitate Romana fuit. Hoc enim innuitur Heb. xii: 23. *Sciote fratrem nostrum Timotheum solutum esse: cum quo, si mox venerit, videbo vos.* Ubi vero locorum, postquam a Paulo discesserat, commoratus sit, sacra historia non docet. Ephesi fuisse, quum secunda ad ipsum mitteretur, multi ex subscriptione colligunt. At neque id habet subscriptio, & constat, eam, ut cæteras omnes, authenticam non esse. Ex ipsa Epistola quædam in hanc rem argumenta profert *Ligtfootus in Chronico temporum & ordine tentium T. N. ad Annum*

Christi LIX. I. Ex eo quod Paulus salutem dicat domui Onesiphori, cap. iv: 19. quæ Ephesi erat cap. i: 16. II. Ex eo quod jubeat, eum ad se venientem Troadem petere, cap. iv: 13. Troadem petebat Paulus Epheso digressus, 2. Cor. 11: 12. & denuo Ephesum rediens. Act. xx: 5. III. Ex eo quod eum de Alexandro præmoneat, cap. iv: 14. Epheso scilicet. 1. Tim. 1: 20. Act. xix: 33. *Ludovicus Cappellus in historia Apostolica* contra disputat, non fuisse tunc Ephesi Timotheum. Etenim cap. iv: 12. scribit Apostolus: *Porro Tychicum misi Ephesum*. Quod non necesse habuisset monere, si ipse tunc ibi Timotheus fuisset. Et quorsum eo Tychicum misisset? An ut Epistolæ hujus lator esset? At tunc alio fuisset usus sermone. Dixisset: misi ad te Tychicum, aut simili formula. An ut commodo Ecclesiæ Ephesinæ consuleret? At qua necessitate, si præsens fuerit Timotheus, quo nemo vigilantior? Quibus utrinque perpensis, nihil mihi dictu tutius videtur, quam NON LIQUET. Quando autem Ephesum redierit Timotheus; quamdiu remanserit; an cum Johanne Ephesinam Ecclesiam vicinasque rexerit, si verum fateri volumus, pariter in obscuro est.

XXIX.
Ecclesiasti-
ca monu-
menta pa-
rum certi
hic suppe-
ditant.

XXIX. Quæ ex Ecclesiasticis allegantur Scriptoris parum certitudinis habere, res ipsa loquitur. Laudatur imprimis IGNATII ad Ephesios Epistola: ubi hoc ipsius votum exstat: *ἵνα ἐν κλήρῳ Ἐφρωῖν ἱερεῶν τῶν χριστιανῶν, οἱ καὶ τοῖς Ἀποστόλοις πάντοτε συνῆσαν, ἐν δυνάμει Ἰησοῦ Χριστοῦ, Παύλου, Ἰωάννη, Τιμοθέου τῷ πιστοτάτῳ*. Ut in sorte Ephesiorum Christianorum inveniatur, qui & cum Apostolis semper conversati sunt, in virtute Jesu Christi, Paulo, Johanne & Timotheo fidelissimo. At hinc, si genuinam demus esse Ignatii Epistolam, confici nil potest, nisi Timotheum unum ex fidelibus Ephesinæ Ecclesiæ Doctoribus fuisse. De quo Apostolica historia non sinit ut dubitemus. Porro provocatur ad EUSEBIUM, *Hist. Eccl. lib. III. cap. IV*. Sed & ipse non admodum asseveranter loquitur. *Τιμόθεός γε μὴν τῆς ἐν Ἐφέσῳ παροιμίας ἐστράφηαι πρῶτος τὴν ἐπισκοπὴν ἱδρυμέναι*. Ex his Timotheus quidem Ephesinæ Ecclesiæ Episcopatum primus ACCEPISSE DICITUR. In Concilio CHALCEDONENSI, XXVII Episcopi eam sedem occupasse narrantur, quorum primus fuerit Timotheus. At quæritur, qua historiæ certitudine. PHOTIUS *Bibliotheca Codice CCLIV*. ex scripto aliquo de martyrio Timothei hæc habet: *ὅτι ὁ Ἀπόστολος Τιμόθεος ὑπὸ τοῦ μεγάλου Παύλου καὶ χειροτονεῖται τῆς Ἐφρωῖν μητροπόλεως ἐπίσκοπος, καὶ ἱερανοῖζεται*. Timotheum Apostolum a magno Paulo ordinatum esse Ecclesiæ Ephesiorum Metropolitanæ Episcopum, & throno impositum. Cæterum scriptorem eum, quicumque tandem fuerit, de rebus antiquissimis, ita loqui quasi

quasi suo gestæ essent seculo, verborum ampullæ docent, quas Apostolicæ Ecclesiæ non intellexisset simplicitas. *Metaphrastes* apud *Su-
rium* ad xxiv. Jan. p. 412. narrat, Timotheum, loco Johannis Apo-
stoli in Pathmum relegati, Episcopatum Ephesiorum suscepisse: Jo-
hannem vero in reditu, Timotheo e vivis sublato, Ecclesiam præfule
defectam invenisse, eamque rursus suscepisse. Sic ut idem & sedem
Timotheo præbuerit, & ei successerit. Adeo incerta omnia. Interim
negare nolum, post Paulum, principem in Ephesinæ Ecclesiæ Docto-
ribus locum Timotheo assignari posse: qui postquam Pauli ἀνέστη
esse desuit, CREDITUR RELIQUUM VITÆ TEMPUS EPHESI EGISSE,
ait *Grotius* ad 1. Tim. 1: 3.

XXX. At permanisse in fūctione Episcopali usque ad scriptam XXX. Ti-
Apocalypsin, atque ipsum illum Angelum esse, cui prima Apocalyp-
ticarum Epistolarum inscribitur, non incertum modo, sed ab omni
veri similitudine repulsum est. Si indignum Baronio & Lapideo Je-
suita non sit Dyonyssii Areopagitæ scripta huc allegare: indignum
sane hominibus eruditis & candidis est, postquam Erasmus, Valla,
Magdeburgenses, Perkinsius, Scultetus, Robertus Cocus, Willetus,
Johannes Gerhardi, alique sine numero, & novissime Dallæus, ra-
tionibus ἀναντιρρήτοις ea tam apertæ convicerunt *νότιας*; adstipulanti-
bus nunc in Romanæ communionē Ecclesiæ, quotquot ingenuitatis
affectant laudem. Videatur nuperrimus Bibliothecæ Ecclesiasticæ con-
ditor LUDOVICUS ELLIES DU PIN, Parisiensis Theologus. At ne
ex ipso quidem Pseudo-Dionysio id evinci posse quod a Lapide pugnat,
contendit *Baronius* ad Annum cix. Num. lvi. *Quis nos compellit*, in-
quit, ut affirmemus auctorem ea scripsisse ad Timotheum Pauli discipulum?
Quum auctor ipse in exordio commentarii de Ecclesiastica Hierarchia dicat:
SACERDOTII QUIDEM NOSTRI FUNCTIONEM, SANCTISSIME FILI
TIMOTHEE: *alium quempiam juniorem Timotheum significare visus est.*
Nam quod Episcopus Coepiscopum nominare consueverit Fratrem, non Fi-
lium, mille exemplis esset facile demonstrare. Quam ob rem quum Dio-
nyssius appellet Timotheum, Filium, evidens est alium quempiam quam Ti-
motheum Ephesinum Episcopum intellexisse. Hæc *Baronius*.

XXXI. Nam & alium fuisse eo seculo Timotheum, Pauli æque XXXI.
ac noster iste discipulum, Pudentis ac Priscillæ filium, qui ad Anto-
nini Imperatoris, & Pii Episcopi Romani ævum, vitam produxit, *Alius a
nostro Ti-
motheo.*
multi ex Veteribus tradiderunt. At incerta fama, ut ejus ævi ple-
raque.

XXXII. Vitam finiisse creditur martyrio, quod brevius perstrin-
git *Photius* loco *max laudato*, fusius exsequitur *Metaphrastes*; hoc ferme
modo, *XXII. Timotheus
ex Ma-*

phrasæ
marty-
rium.

modo. Erat apud Ephesios festus quidam dies, *καταγύριον* dictus. In eo clavos tollentes, & simulacra manibus gestantes, & inusitatas quasdam sibi imponentes personas, insigniores civitatis partes circumibant. Atque inter ineptarum cantiuncularum, atque insanarum vociferationum strepitus, furentium more in obvios irruebant; ingenti quandoque, tam virorum quam sceminarum, edita strage. Ea enim ratione putabant execrandi, sua a se numina optime coli. Isti se rabiei cordate opposuit divinus Timotheus, iis usus argumentis, quæ confundendæ insanix, etiam apud pervicacissimos, erat idonea. Cæterum ea est superstitionis indoles, ut non dimoveatur ab instituto, quantumvis stulto, & adverso lumini rationis, qua homines sumus. Nihil admonitionibus suis profecit Timotheus. Idcirco zelo Dei excandescens, ipso festo tumultuantibus per compita animose procedit obviam; rursus admonens, increpans, docens, nihil non agens, quo istius tandem eos insanix puderet, pigeretque. Adeo vero hanc ejus dicendi libertatem ægre tulerunt, ut veluti intemperiiis agitati impetum in eum fecerint, & quidquid suggesserat ira pro armis utentes, quanta maxima dici potest inhumanitate atque crudelitate, ferierint, straverint, traxerint, & plus quam seminecem humi jacerint, & cum extremo luctantem spiritu reliquerint. Unde Christiani quidam sublatum extra civitatis portam deposuerunt. Ubi postquam religiosum Deo commendasset spiritum, pretiosas defuncti exuvias, pie sancteque eo condiderunt loco qui apud ipsos ΠΙΟΝ, id est Pinguis, dicebatur. Longo autem post tempore, Constantii in eum amores, ejus, inquam, Constantii, qui filius Constantini Magni fuit, illinc exportarunt reliquias: ministro usi Artemio, qui quum egregiæ illius Timothei in dicendo libertatis fuisset imitator, ei quoque postea mortis similitudine conformis fuit, martyrii corona propter Christum decoratus. Atque ita repositus fuit, in Æde quæ Apostolorum dicitur, apud Constantinopolim, sub ipsa mensa mystica, suppeditator miraculorum, dispensator gratiarum, thesaurus qui non potest exinaniri, divitiæ quæ non consumuntur, Lucæ & Andreæ junctus. Deo fortassis admirabili sua providentia ita gubernante, ut sicut eis omnia fuere communia, mores, disciplina, prædicatio; commune quoque esset sepulcrum. Incidisse autem Timothei martyrium in extremum Domitiani, pugnat *Metaphrastes*; repugnante *Baronio*, qui ad *Trajan* imperium refert, & Annum CVIII. Sed profecto obesæ admodum naris esse oportet, qui fabulam hic non olfaciat, ex recentioribus, & supposititiis descriptam actis, quæ Græcanica solertia & fabulandi lubido, pro more istorum seculorum, cudis.

XXXIII. Satius erit, ut, haut illubentes de reliqua Timothei XXXIII.
vita, & mortis genere, tempore, loco, ignorantes, quæ non docere ^{Icon cor-}
nos Divinæ visum fuit Providentiæ; ICONEM corporis & animi ipsius ^{poris & animi.}
ex iis nobis libris formemus quos communis Christianorum omnium
fides asseruit cælo. Corpore quidem debilis fuit, stomachi frequen-
ter vitio laborans, & cæbris expositus infirmitatibus; quod non tam
naturæ imputat Chrysostomus, quam asceticæ vitæ austeritati. Homil.
I. ad populum Antiochenum. Τι ὁ τῆς ἀρετῆς ἴσως τῷ Τιμοθεῷ, ὅπως ὑπερέβη
τρυφῆς, καὶ κατηύλετο πολυτελείας καὶ γαστρίδος, ὡς καὶ εἰς ἀδύνατον ἐμπέσειν ἐκ τῆς ἀγασ-
τελευργίας, καὶ ἐπιτεταμένης νοσήσιας. Quid autem virtuti Timothei par-
censeri potest? Adeo contemnebat delicias, ac pretiosam ridebat mensam,
ut ex nimia vivendi austeritate, contentioneque jejuniorum, in varias inci-
derit infirmitates. At quamvis continua corpus imbecillitate languer-
ret, generoso tamen animo nil difficile aut arduum videbatur. Præ-
petibus veluti alis in omnem pervolabat partem, non Judææ solum
urbes aliquas, sed & Corinthum, Ephesum, Asiam pleramque, ipsam
etiam Italiam, cum magistro Paulo, Evangelii prædicatione comple-
xus. Ingenio præditus erat solerti, judicio solido, prudentia exqui-
sita, animo candido & generoso, zelo fervente, affectu erga Eccle-
sias tenerrimo; quod ex gravissimis illis negotiis patet, quæ a Paulo
sibi commissa felicissime expedit. Cui etiam ob egregias animi do-
tes, & ingenii morumque similitudinem, eousque charum fuisse de-
prehendimus, ut nunquam illius sine elogio meminerit. Unde non
dubitamus in omnibus Evangelii ministris principem Timotheo post
Apostolos locum assignare.

EXERCITATIO XVII.
DE
USU ET ABUSU
RATIONIS
circa Myſteria Fidei.
BREVARIUM.

I. Circa rationis usum in rebus fidei aliqui in excessu peccant, alii in de-
fectu. II. Quam media via tutissima sit. III. Præcognita, ad rite
Tom. II. M m m formas-

formandum statum controversia. IV. Verus controversia status. V. Ratio humana, si pro facultate sumatur, in nemine mortalium prorsus recta est. VI. Nec, quantumvis nitatur, eo pervenire potest ut ab omni sibi errore caveat. VII. Maxime errare solet circa res Divinas, quamvis aliqui solertissima. VIII. Nulla externa veritatum Divinarum propositio corruptioni illi tollendae sufficit. IX. Unde consuevit, rationem, ita comparatam, non esse idoneam rerum Divinarum arbitram. X. Nulla tamen alia facultas, praeter rationem, est, qua res Divinas cognoscat. XI. Ex residua tibi luce ratio format axiomata quaedam incontestata veritatis. XII. Atque ex iis deducit conclusiones quasdam liquidissimas: quae recta ratio dici possunt. XIII. Imo & Dei, per rationem docentis, diffamina. XIV. Non sic tamen, ut par veritatis certitudo iis competat ac Divinis Scripturis. XV. Haftenus vero valent, ut credatur Deum supernaturali revelatione nihil docere, quod principiis naturae notis contrarium sit. XVI. Cavendum ne pro aperta veritate habeamus id in quo latet error. XVII. Contra quam fecit Socinus. XVIII. Cavendum item, ne existimemus clara veritati repugnare, quod cum ea amice consentit: in quo peccavit Smalcus. XIX. Nefas est rationi vim facere in exponendis Dei eloquiis, ut ei gratificemur in tuendis ipsius axiomatibus. XX. Mystera Religionis transcendunt Axiomata Rationis. XXI. In inquirendo Divinorum verborum sensu, non est consulenda primum ratio, quid ex se de iis rebus norit; sed unice attendendum, quid ipsa verba significant. XXII. Quod exemplo claratur. XXIII. Pulchra Verulamii observatio. XXIV. Et Heidani. XXV. Denique Cocceji. XXVI. Fides Christiana non est stupentis animi casa obstinatio, sed convictio rationalis: XXVII. per lucem Divinae revelationis, qua animus undique illustratur. XXVIII. Habet & fides suos λογισμους; in quibus singulari utitur sagacitate. XXIX. Pro exemplo sit Nathanael Joh. 1: 45—. XXX. Ex tenui indicio multa solertia maximas res colligens. XXXI. In qua collectione attendendum rationi est, ut omnes artis suae regulas observet. XXXII. Alioqui facile incidit in errorem. XXXIII. Non tam ratiocinationum subtilitate, quam Divinae illustrationis valentia, plerumque gignitur fides. XXXIV. Epilogus.

I. Circa rationis usum in rebus fidei aliqui in excessu peccant, alii in defectu.



terminanda.

Uem usum humana sibi Ratio in exponendis Fidei Mysteriis merito deponat, anceps & difficilis quaestio est: olim, & Augustini potissimum aetate, acriter disputata, nunc vero, in tanta superbientium ingeniorum prurigine, vel aliorum etiam socordi credulitate, accuratius Magnus hodie est eorum hominum proventus, qui rectam semper

semper rationem crepantes, ejus scita omnia pro cœlestibus ac Divinis habent oraculis; ad quorum normam cuncta exigenda sint, ne iis quidem exceptis quæ de arcana sua voluntate, cæterisque tremendis Christianæ religionis mysteriis, in humani generis gratiam, sacris voluminibus, miranda potius quam rimanda, exponere summo Numini visum est. Atque hæc quidem Rationis, omnia suo subji-
 centis examini, imperiositas magnam creat credendi difficultatem: unde videas hoc hominum genus passim tanquam in salebris quibusdam hæ-
 rere; & haut multo pauciora in sacris literis carpere, arrodere, & quæsitis interpretationibus alioversum flectere, quam humili fidei obsequio, ita uti dicuntur, admittere. Tantos sibi animos fumentes, five ex subtilioris ac sublimioris Philosophiæ, five ex eruditioris atque reconditoris Critices, temeraria fiducia. At nec desunt alii tam ab-
 jecto præditi ingenio, ut tum demum certam sibi ad securitatem viam sapere arbitrentur, si abdicatione eorum quæ ad religionem pertinent mo-
 lesto nimis examine, credulitatem suam vel majorum placitis, vel nescio quorum demagogorum auctoritati, serviliter mancipient. Utri-
 que errore periculosissimo; quibus merito Hesiodicum illud applices:

Πίστις δ' ἄρα ὅμως καὶ ἀπιστία ἀλλοίαν ἀνδρᾶς.

Credulitas pariter atque incredulitas perdiderunt homines.

II. Nobis, uti in plerisque omnibus, ita & hic, media via tu-
 tissima esse videtur; ut neque nihil rationi in explicandis fidei myste-
 riis deferatur, neque omnia. Justum autem illud medium tenere,
 hoc arduum opus, hic difficilis labor est. Enitatur tamen. Diser-
 tissimus Vir, PETRUS DANIEL HUETIUS, Abrincensis in Gallia Epi-
 scopus, incultum hoc ævo in republica literaria nomen, in nupero
 opere de *Concordia Rationis & Fidei*, viam hic nobis quodammodo
 prævit: verum iis copiosi sermonis anfractibus, qui Lectoris animum
 valde lassaturi essent, nisi mellitis verborum globulis mirifice interim
 deliniretur, Ego scholastica brevitate summa tantum sequar fastigia
 rerum: sermone neque anxie comto, neque neglecto prorsus & bar-
 baro, sed proprio atque perspicuo. Eo autem incedam tramite, ut
 primo quædam PRÆCOGNOSCENDA exponam, tum STATUM CON-
 TROVERSIAE rite figam, denique THESIS quibusdam, naturali or-
 dine altera alteri superstructis, quid de toto hoc negotio statuendum
 sit modo atque ordine definiam.

III. Præcognita hæc sunt. I. RATIO significat vel *Facultatem*
 hominis qua percipit & judicat, verumque a falso dignoscit, vel *pla-*
 cita, scita, axiomata; quæ vel per se evidentia sunt; vel ex eviden-
 tiis certa consecutione deducta creduntur. II. RECTA ratio, si de

Facultate agatur, illa est, quæ sufficienti lumine instructa non aliter res concipit aut de iis judicat quam revera sunt, & opponitur *Corrupta*, *Vitiosa*, *Caca*, quæ frequenter conceptus & judicia format rebus dissona. Si de *Axiomatibus* sermo sit, Recta ratio notat certissima & evidentissima principia, aut conclusiones evidenti & nusquam hiante consecutione inde deductas. Et opponitur *assertionibus temerariis*, sine justo rerum examine distatis. III. RECTE SE JUDICARE RATIO FIRMITER CREDIT, quando conceptus sive ideæ rerum clare sibi ac distincte obversantur. Attamen in eo se deceptam esse sæpenumero deprehendit, quod putaverit se aliquid clare ac distincte percipere, quum secus esset. IV. Quatenus Ratio *Facultatem* notat, est CAUSA efficiens proxima perceptionis & judicii: non norma. At quatenus evidentiæ certaque *axiomata* significat, hætenus NORMÆ rationem habere potest, ut pro falso rejiciatur quidquid manifestæ veritatis axiomati palam repugnat, aut quod non legitima consecutione deducitur. V. FIDES hic notat assensum veritati alicui præbitum, non propter rei evidentiæ, sed propter testimonium Dei; qui quum suprema veritas sit, eo ipso est *αὐτόν* Joh. 11:23. 1. Joh. 5:9, 10. VI. MYSTERIA FIDEI illa dicuntur, quæ nemo mortalium suis ratiociniis invenire potuisset; sed quæ per solam Dei revelationem cognoscuntur. Et opponuntur τῇ γνώσει τῶ θεοῦ. Conf. Rom. 1:19. 1. Cor. 11:7. Eph. 1:11:3. VII. Ea Revelatio sacris VETERIS ET N. T. LIBRIS continetur, qui suis se indiciis & insitis Divinitatis argumentis conscientia attendenti approbant: quibusque ullo unquam prætextu obloqui piaculum est, quotiescunque liquido constat aliquid ibi doceri.

IV. Verus
controversia
status.

IV. His suppositis; non est Quæstio, *An Scriptura doceat aliquam se Scripturæ doctrinam opponere, sub prætextu sua Rectitudinis?* Neque, *An Rationi liceat nequam se Scripturæ doctrinam opponere, sub prætextu sua Rectitudinis?* Neque, *An Rationis in investigando Scriptura sensu magnus usus sit?* Hæc enim utrimque sunt ἀναμφισβήτητα. Sed, *Quando in Divinorum verborum sensum inquiritur, an tunc primum consulenda sint Rationis quæ se pro recta gerit dictamina ut ea primum de rebus arbitretur, an eam revelationem Deo digna sit; an vero simpliciter attendendum, quid verba in omnibus circumstantiis suis significare apta sint, ut quod significare compariuntur mox pro vero recipiatur, sine ulteriori verum examine ad prætextum rationis axiomata?* Sive, *Utrum satius sit Scripturæ verba flectere ut cum Rationis axiomatibus conveniant, an Rationis axiomata ad eam sensum corrigere quem Scripturæ verba fundunt?* Prius contendunt, suæque praxi probant Sociniani, atque utinam hi soli! Posterius adfirmant Orthodoxi.

V. Qui

V. Qui sententiæ suæ veritatem hoc modo exponunt atque adstruunt. *Ratio humana*, si pro *facultate* sumatur, uti nunc sunt homines, in nemine mortalium *Recta*, sed multum *cæca*, vitiosa, & ad errorem proclivis est, sic ut facilius plerumque male quam bene arbitretur. Eaque corruptio non oritur solum ex infantiae præjudiciis, aut affectibus, aut consuetudine male judicandi, sed ipsi *facultate sumatur* fa-
cultati mentis a primo sui ortu intime inhæret; vitio Adami, qui *in nemine mortalium* mente, quam rectam a Deo acceperat, turpiter abusus, rectitudinem eam sibi & posteris perdidit: qui omnes in eo peccaverunt. Rom. v: 12. *Ut pullus onagri homo nascitur.* Job. xi: 12.

VI. Ea rationis corruptio, uti male judicandi consuetudine plurimum augetur, ita attentione studioque quadantenus corrigi potest; præsertim si se assuefaciat homo non judicare nisi de rebus clare perceptis. Attamen ea clara perceptio rerum, itemque ea judicii præcipitantis suspensio, tam est difficilis, ut impossibile homini sit difficultates illas omnes superare, atque ita sibi ab omni errore cavere. *quantumvis nitatur, eo pervenire potest ut ab omni sibi errore caveat.* In multis impingimus omnes. Jac. iiii: 2.

VII. Maxime ea rationis nostræ corruptio se ostendit circa res Divinas. Circa quas est *cæca*. 2. Cor. iv: 4. *obscurata*. Eph. iv: 18. *tenebrae*. Eph. v: 8. & *divinæ veritates*. 1. Cor. ii: 14. Im- & *divinæ* est. Tit. iii: 3. & *divinæ*. Rom. i: 21. Multa sibi formare solet circa res Divinas axiomata quæ a veritate longissime sunt repulsa. Idque non illi solum faciunt qui præ cæteris stupidi censentur; sed hi maxime qui longa studiorum assuetudine sapientiæ laudem consecuti sunt. Rom. i: 22. 1. Cor. i: 19, 20. & ii: 8.

VIII. Verum quidem est, eos qui Evangelii institutione utuntur, non parum de ista ingenii rubigine deponere, ac sanioribus cogitationibus imbui. Attamen nulla externa Divinarum veritatum propositio, quantumvis clara, distincta, efficax, cæcitati huic & corruptioni prorsus tollendæ sufficit. Petro, qui jam aliquamdiu in Schola Christi versatus erat, dicebatur, *Ou opevêis τὰ τῷ Θεῷ.* Mat. xvi: 23. Atque aliis discipulis, *o amentes & tardi corde ad credendum.* Luc. xxiv: 25. Remanent semper præjudicia adversus ea quæ Dei sunt, nulla unquam vi rationis prorsus exuenda.

IX. Ex quibus omnibus patet, Rationem hominis, uti est in statu suo naturali, adeo proclivis ad errorem, adeo obtenebrata, cæca, stulta circa res Divinas, non esse idoneam earundem arbitram, ut secundum sua de iis scita atque axiomata arbitretur: verum fidei esse, rationem ita constitutam (neque alia nunc naturaliter datur) *captivare ad suum obsequium.* 2. Cor. x: 5.

M m m 3

IX. Unde conficitur, rationem ita comparatam, non esse idoneam rerum Divinarum arbitram.

X.

X. Nulla
tamen alia
facultas,
præter ra-
tionem, est,
quæ res Di-
vinas co-
gnoscat.

X. Cæterum Ratio, quantumvis corrupta, Ratio tamen manet, id est, ea facultas qua homo cognoscit & judicat. Adeo quidem ut homo nihil omnino, quale illud cunque sit, cognoscere & judicare valeat, nisi per rationem suam, tanquam proximum cognitionis & judicii principium & causam. Idcirco si Divinæ res, si mysteria Religionis cognoscenda sint, non aliter id fieri potest nisi per Rationem. Ipsa fides, quum cognitio, & *νόσις* sit, & assensus, rationis sive mentis est operatio. Idque tam est liquidum, ut pro rationali non sit habendus qui in dubium id revocat.

XI. Ex re-
fidua sibi
luce Ratio
format
axiomata
quædam in-
consectata
veritatis.

XI. Porro, non obstante ea quam adstruximus Rationis corruptione, Dei clementia ac tolerantia multas adhuc luminis sui scintillas residuas in mente fecit; quarum ope Ratio sibi format scita quædam sive axiomata, tam evidentis veritatis, ut sua luce quemvis attendentem cogant ad assensum, neque possit homo a se impetrare ut assentiatur contrario. Adeo quidem ut non tam a ratione formata, quam rationi innata esse videantur: quandoquidem homo quotiescunque de iis cogitat, semper in ea eodem modo relabitur. Atque hæc sunt quas *νοσας* *ὑπολάς* vocant.

XII. Atque
ex iis dedu-
cit conclu-
siones quas-
dam liqui-
dissimas:
quæ recta
ratio dici
possunt.

XII. Sed & ea adhuc Rationi vis inest, ut ex principiis illis per se claris conclusiones quasdam ratiocinando colligat, collectione tam liquida, tam sibi semper simili, tam nusquam hiant, ut per evidentiam deductionis necessario eliciatur assensus. Atque hæc, tam principia, quam conclusiones rite ex iis deductæ, *Recta Ratio* merito dici possunt, sive Rationis, modo atque ordine agentis, vera ac certa dictamina.

XIII. Imo
& Dei,
per ratio-
nem docen-
tis, dicta-
mina.

XIII. Porro, quum Deus Rationis nostræ; omnisque, quod in ea splendet luminis, auctor sit, ipsamque Rationem ad lumine isto utendum excitet, & in recto luminis usu dirigat, quod Ratio, ita a Deo recta ac directa, secundum illud lumen docet, id ipse Deus docere censendus est. *Anima hominis lucerna, Jehova est.* Prov. xx: 27. Qui etiam *gentes erudit.* Psal. xciv: 10. & *agricolam docet.* Jes. xxviii: 26. Sic ut ea Rationis dictamina hæctenus quoque Dei dictamina quodammodo dici possint.

XIV. Non
sic tamen,
ut par veri-
tatis certi-
tudo iis
competat
ac Divinis
Scripturis.

XIV. Non tamen, quia Deus per communem suam providentiam Rationem hominis in veri cognitione dirigit, idcirco Rationis dictamina *sacra* dici debent *oracula*, quibus *par veritatis certitudo* competat atque *articulis fidei prout in Divinis exstant Scripturis.* Ratio disparitatis est evidens. Nam in hisce nihil intercedit humani: tota ea revelatio soli transcribenda Deo est, id est supremæ veritati, falli ac fallere nefciæ. In illis autem intervenit hominis ratiocinatio, quæ a Deo quidem regitur, at non ita, quin & sibi in aliquibus relinqui
&

& permitti possit. Quod a Deo est, quatenus est a Deo, non potest non esse verum. Sed in actionibus mixtis non accurate semper distinguitur, id quod proxime a Deo est, ab eo quod de nostro admiscetur. Agricola docet Deus, ut modo ex Jesaja audivimus, modum arandi, fulcandi, occandi, trituri; non tamen idcirco illa agriculturæ præcepta oracula sunt paris certitudinis cum articulis fidei.

XV. At supposito, ista de quibus disseruimus Rationis axioma-
ta pro veris ac certis comperta esse, & ab ipso Deo, nobis per Ra-
tionem præformata; quum verum vero non possit esse contrarium,
uti nec Deus sibi ipsi, consequens est, nunquam Deum supernatura-
li revelatione aliquid homini patefacere, quod repugnet veritatibus
per se notis, sive rectæ rationis dictamini. Atque hætenus illa axio-
mata valere quodammodo pro norma possunt, ut nihil recipiatur tan-
quam a Deo revelatum, quod principiis natura cognitis revera con-
trarium sit.

XVI. Cæterum duo hic apprime notanda veniunt. I. Fieri sæ-
penumero ut homo per mentis suæ imbecillitatem aliquid pro clara
& aperta veritate habeat, in quo tamen error latet & falsitas. II.
Ut putet aliquid cum perspicua aliqua veritate adversa fronte pugna-
re, quod tamen ei amice conspirat. Observationes hæc duobus cla-
remus exemplis.

XVII. Pro clara atque indubia veritate Socinus habet, inimicum
Divinæ veritati, sanctitati atque justitiæ esse, ut ulla unquam occa-
sione innocens pœnam nocentis ferat, & ferendo pro nocente Divinæ
justitiæ satisfaciatur. Ideoque quidquid universus Christianismus de
Christi pro nobis satisfactione credit, pro absurdo commento habet.
Adeo quidem ut scribere non erubescat: *De Servat. Part. III. cap.*
VI. Ego quidem, etiamsi non SEMEL sed SÆPE id in sacris monumentis
scriptum exstaret, non idcirco tamen rem ita prorsus se habere crederem,
ut vos opinamini. Quum ea quæ fieri non posse aperte constat, Divinis
etiam oraculis ea fuisse in speciem attestantibus, nequaquam admittantur;
& idcirco SACRA VERBA IN ALIUM SENSUM QUAM IPSA SONANT
PER INUSITATOS ETIAM TROPOS quandoque explicantur. Tantum va-
luit apud miserum mortalem præsumtus clarus ac distinctus conceptus
de Divina justitia, quem tamen nos falsum esse scimus, ut maluerit
arte quadam eludere Divinorum oraculorum vim, quam aliquid ad-
mittere isti suo conceptui contrarium.

XVIII. Porro certum apud omnes omnino Christianos est, Je-
sum Christum verum hominem esse, in tempore ex Maria Virgine
natum.

XV. Hæte-
nus vero
valens, ut
credatur
Deum su-
pernaturali
revelatione
nihil doce-
re, quod
Principiis
natura no-
tis contra-
rium sit.

XVI. Ca-
vendum ne
pro aperta
veritate ha-
beamus id
in quo late-
t error.

XVII. Con-
tra quam
fecit Soci-
nus.

XVIII. Ca-
vendum
item, ne exi-
na-

464 EXERCITATIO XVII.

stimemus clara veri- natum. Cum hac veritate existimat Smalcus adversa fronte pugnare
tati repu- assertum de vera atque æterna ejusdem Christi Deitate; atque hanc
gnare, quod pugnam tam liquido se cum omnibus suis partiaris cernere jactat,
cum ea ami- ut in hæc verba erumpere non dubitaverit: *Homilia VIII, ad cap. I.*
ce consensit: *Joh. Credimus, etiamsi non SEMEL atque ITERUM, sed SATIS CRE-*
in quo pec- BRO & DISERTISSIME SCRIPTUM exstaret, *Deum esse hominem factum,*
cavit Smal- *multo satius esse, quia hac res sit ABSURDA, ET SANÆ RATIONI PLA-*
cium. *NE CONTRARIA, & in Deum blasphema, MODUM ALIQUEM DICEN-*

DI COMMINISCI, quo ista de Deo dici possint, quam ista simpliciter ita
ut verba sonant intelligere.

XIX. Ne-
fac est ra-
tioni vim
facere in ex-
ponendis
Dei elo-
quiis, ut ei
gratifice-
mur intuen-
dis ipsius
axiomati-
bus.

XIX. Duo ergo hi scopuli cause atque sollicite fugiendi sunt,
ut neque festinanter aliquid pro certo vel liquido habeamus, quod
tale non est; neque pugnam temere statuamus ubi non invenitur.
Quibus recte observatis pro certo manet, non posse aliquid Rationi
obtrudi uti a Deo revelatum, quod cum manifestæ veritatis axioma-
tibus revera pugnet. Sed & illud non minus sollicite cavendum, ne
dum videri volumus Rationi gratificari in tuendis illius axiomatis;
eidem rationi revera vim faciamus in verbis Dei contra Logices, Gram-
matics & Rhetorices canones explicandis.

XX. Myste-
ria Religio-
nis trans-
cendunt
Axiomata
Rationis.

XX. At quem porro usum hæc Rationis axiomata circa res reve-
latas & sublimia Religionis mysteria habent? Id primo tenendum,
Axiomata Rationis certis quibusdam circumscripta esse limitibus, ul-
tra quos eniti non valeant; Mysteria autem fidei eos limites pluri-
mum transcendere. Sic ut nequaquam Rationi liceat mysteria ist-
hæc eo nomine rejicere, quod nihil unquam iis simile in suis ideis
ac notionibus invenerit. I. Cor. II: 9. Certe & id Ratio docet, mul-
ta in Dei infinitate & consilio ejus latere, quæ ipsa per se assequi non
possit: Deoque dignum esse ea de se revelare quæ caprum nostrum
superant.

XXI. In
inquirendo
Divinorum
verborum
sensu, non
est consu-
lenda pri-
mo ratio,
quid ex se
de iis rebus
notis; sed
unice at-
tenden-

XXI. Supposito igitur, exstare Revelationem de mysteriis, at
inquiri in sensum verborum quibus ista Revelatio mihi exponitur:
non est in ista inquisitione ita procedendum, ut primo Rationem me-
am consulam quid ea in idearum ac notionum suarum scriniis rei de
qua agitur simile aut adversum habeat, ut secundum eas quas ibi in-
venio notiones verba revelationis exponam, id unice operam dans,
ut sensum tandem aliquem quanta maxima possum commoditate iis-
dem, qui istis meis prænotionibus optime conveniat. Sed attenden-
dum est ad ipsa verba, quid in omnibus suis circumstantiis significa-
re apta nata sint, quidque secundum Scripturæ stilum significare so-
leant: acque hæc via reperto sensu quem verba sine torsione per se
fundunt,

fundunt, secure in eo acquiescendum est, omniaque rationis scita ^{dum, quid} subji- ^{ipsa verba} cienda sunt isti sensui quem iis me verbis docet Deos. ^{significans.}

XXII. Sumamus exemplum. Fatemur Christiani omnes, my- ^{XXII. Quod} sterium aliquod Divinum revelari Joh. 1: 14. ὁ λόγος σὰρξ ἐγένετο. ^{exemplo} Quæritur de verborum sensu investigando. Socinus ita procedit: ni- ^{claratur.} hil invenit in toto rationis suæ penu quod ipsi repræsentet ætænum Deum ita humanæ unitum naturæ ut ea unam cum ipso constituat per- sonam, sic ut iste homo Deus sit, & iste Deus homo: ideoque ta- lem conceptum absurdum Deoque injuriosum esse sciscit. Id suppo- nit ad horum verborum explicationem se accingens: idcirco omnes ingenii sui nervos intendit, ut sensum aliquem iis applicet, qui ab isthac assertionem remotissimus sit. Sollicitat verba singula, sollicitat nexum eorum, flectit, torquet, omnia agit, ne id dicere videantur quod dicunt. Nos longe aliter procedendum existimamus. Accedi- mus ad hanc pericopam simplici atque humili mente, audituri atque accepturi quidquid Deo nos placeat docere. Consideramus verba in nativo suo significato, & prout passim in sacris literis usurpantur, ex- pendimus quid λόγος notet secundum phrasim Johannis, quid γένεταί, quid σὰρξ: consideramus quomodo alibi de hac re sacræ literæ lo- quantur. Ex his omnibus formamus sensum, quem recipimus humili fidei obsequio, firmiterque apud animum nostrum statuimus, Filium Dei humanam naturam tam arte sibi junxisse, ut idem & Deus & ho- mo sit: & quamvis nostra ratio nihil unquam huic rei simile inven- rit, tamen eam verissimam esse, quia verba Dei hoc docent. Qui ita, uti Socinus, instituunt, eos ex suo penu multa in verbum Dei in- ferre necesse est: qua re ei insignis fit injuria. Qui uti nos, illi cogi- tationes suas ex verbo Dei hauriunt, quibus rationis suæ penum lo- cuplerent, quod Deo gloriosum est.

XXIII. Labet hic appingere aurea verba BACONIS DE VERULA- ^{XXIII.} MIO, Viri Illustrissimi, uti exstant de *Augmento scientiarum. lib. IX. in Pulchra Vo-* ^{rulamii ob-} *initio. Prærogativa Dei, inquit, totum hominem complectitur: nec mi-* ^{servatio.} *nus ad Rationem quam ad Voluntatem humanam extenditur. Quare,* *sicut Legi Divina obedire tenemur, licet reluctetur Voluntas; ita &* *Verbo Dei fidem habere, licet reluctetur Ratio. Etenim si ea duntaxat* *credamus quæ sunt Rationi nostræ consentanea, rebus adsentimur, non Au-* *ctori: quod etiam suspectæ fidei testibus præstare solemus. Quanto igitur* *mysterium aliquod Divinum fuerit magis absconum & incredibile; tanto* *plus in credendo exhibetur honoris Deo, & fit VICTORIA FIDEI nobi-* *lior. Post pauca. Quin etiam, si attente rem perpendamus, dignius quid-* *dam est credere quam scire, qualiter scimus. In scientia enim mens hu-*

manz patitur a sensu, qui a rebus materiatis resilit: in fide autem anima patitur ab anima, inquit ille, (ego malim dicere, a Dei Spiritu) quæ est agens nobilius.

XXIV. Es
Heidani.

XXIV. Addo & alterum non minus elegans ex Venerandi HEIDANI Diatriba de Socinianismo, cap. II. §. I. Quum Fidei sit Rationi præscribere, & id facere ut ne sit opus Ratione; in contrarium evenit ut Ratio præscribat Fidei: & Fidem de loco moveat. Quum Rationis sit, etiam nulla ratione reddita, Deo credere. Cui si credas, cur ergo rationem requiris, quæ efficere possit, ut non credas? Sin Rationem requiris, & querendum putas, ergo non credis: ideo enim quaris, ut sequaris quum inveneris.

XXV. De-
nique Coc-
ceji.

XXV. Nec abludunt quæ Cl. COCCÆJUS habet in Pf. CXXXI. §. v. Sunt quædam ita revelata ut credi debeant, intelligi vero æque ac negari non possint. Quæ scrutari, & ex sui ingenii modulo desinare, est audacissima præsumptio, & pæne Deum redigere in similitudinem & finitudinem rerum creatarum. Talia sunt ἡ τριὰς, ἡ ὑπόστασις τῆς ὑπὸς, ἡ ἀναγέννησις, ἡ πατρότης, ἡ ἐκλογὴ καὶ κτίσις &c. In hisce omnibus Ecclesia modestiam & sobrietatem servat, acquiescens Divino testimonio, qualitatem rerum imperceptibilem non scrutans, non ambulans in eis quæ non vidit. Col. II: 18. Contra quidam αὐθάδεις & inflati carnali sapientia in illa ingrediantur, quæ scrutari est nefas, turbantque Ecclesiam, & propter ἀκαταλαβίστην suam divinorum mysteriorum fidem labefaciunt: non cogitantes se homines esse, & in terra positos esse, nec Deum comprehendere, & ne, ipsi quidem quomodo sint, aut quid sint, & quomodo vivant, intelligere. Hæc eo adscripsi lubentius, ut tantorum Academiæ nostræ Lugdunensis Doctorum modestia junioribus pro exemplo esset.

XXVI.
Fides Chri-
stiana non
est stupen-
tis animi
cæca obsti-
natio, sed
convictio
rationalis.

XXVI. Nec habet sane Ratio quod conqueratur, quasi hac methodo non satis sibi sit relictum negotii. Omni enim sua ἀρχαίῃ, omni sagacitate, in recta Divinæ mentis affecutione, & eruendo vero verborum sensu, indiget. Quantamcunque illa mentis nostræ facultas solertiam possidet, eam a se adhiberi par est, dum Deum loquentem audit, aut Divina oracula oculis usurpat; ne negligentia aliqua aut socordia sua inducatur in errorem. Fides enim Christiana non est superstitiosi aut stupentis animi cæca obstinatio; qua quis non ob aliam rationem credit, nisi quia ita vult credere. Nam profecto non est in ipsius hominis arbitrio imperare sibi fidem. Sola rei evidentia, vel probabilitas saltem, mentis assensum ad se trahit. Nemo, quantumvis nitatur, credere potest verum esse id quod liquido falsum esse cernit. Ea ad quam contendere jubemur fidei πληροφορία, est corum quæ non videntur ἐλεγχ. Heb. XI: 1. hoc est rationalis convictio animi
per

per evidentiam demonstrationis : sive , ut alibi ait Apostolus , *φανέρω-
σις τῆς ἀληθείας πρὸς πᾶσαν συνείδησιν ἀνθρώπων.* 2. Cor. IV : 2.

XXVII. Ea vero manifestatio veritatis ad conscientiam aliquando **XXVII.**
quidem est in rerum revelatarum decentia, pulchritudine, nexu cum *Per lucem*
aliis certissimis veritatibus, & magnifica *θεοπρεπεία*, ad quam rite di- *Divina re-*
scernendam magna requiritur mentis attentio : sed & aliquando sita *velationis,*
est in sola revelationis Divinæ luce, qua mens insolito prorsus fulgo- *qua ani-*
re perstringitur. Fieri enim potest ut homo aliquid sibi a Deo reve- *mus undi-*
lari persuasissimus sit ; licet rei revelatæ decentiam exploratam non *que illu-*
habeat, imo Dei rationem ignorans eam Deo indignam esse arbitretur.
Vide Ezech. III : 12, 14. Act. x : 13, 14. In eo casu convictio cre-
dentis animi tandem resolvitur in testimonium supremæ Veritatis, Di-
vinitatem suam insigni luce animo attendenti comprobans. Cujus
certitudo nullis demonstrationibus Mathematicis cedit. Unde cla-
ret, in ipsa Fide excellentissimum esse Rationis exercitium.

XXVIII. At præterea habet quoque Fides suos *λογισμὺς*, **ratio- XXVIII.**
cinationes, quibus ex verbis Dei elicit ea quæ in eorum virtute conti- *Habet &*
nentur. Rom. III : 28. Atque in istis suis ratiocinationibus summa *fides suos*
sæpe solertia ac sagacitate utitur : quod Pauli in omnibus suis Episto- *λογισμὺς*
lis, præsertim ad Romanos & Hebræos, disputationes arguunt, in *in quibus*
quibus non minus judicii elucet acumen & argumentationis subtilitas, *singulari*
quam in Scholasticis Philosophorum conflictibus. Imo est ubi a te- *nitur sa-*
nui orsa argumento, multâ ratiocinationum concatenatione ad summa *gacitate.*
quæque Fides enitur.

XXIX. Pro exemplo Nathanaël sit ; qui paucula a Philippo de **XXIX. Pro**
Jesu edoctus, quæ tamen suis quibusdam difficultatibus premebat, *exemplo sit*
sed mox ad Jesum deductus, audito ex Jesu ore hoc de se elogio : *Nathanaël*
Ecce vere Israëlita in quo non est dolus, rogavit Jesum, *unde me nosti?* *Joh. I : 45.*
Respondente autem Jesu : *Priusquam vocaret te Philippus, quum esses*
subter ficum, vidi te; mox exclamavit : *Rabbi, tu es ille Filius Dei,*
tu es Rex ille Israël. Levi, ut primo intuitu videtur, argumento.
Ideone enim Filius Dei & Rex Israël erat Jesus, quod subter ficum
vidisse se diceret Nathanaëlem ? Argumento tamen bono : quianam
Jesus ipse probavit, atque istam fidei *ἀρχή* majoribus suæ Deitatis
indiciis se remuneraturum promisit. Joh. I : 45—51.

XXX. Videamus itaque candidi istius pectoris in argumentando **XXX. En**
solertiam, brevioris historię nebulis evolutam. I. Prorsus credibile *tenui indi-*
est, ficum illam, sub qua Nathanaëlem invenit Philippus, eo loci fuisse *cio multa*
positam, ubi a Christo ab isthoc quo commorabatur loco conspici per *solertia ma-*
naturam non posset. Hoc primum admirationem peperit, quam valde *ximas res*
colligens.

auctam fuisse oportuit, si, quod probabile, simul ei indicaverit Christus, quid sub ficu egerit, cogitaverit, desideraverit. II. Indicavit certe se arcana cordis ipsius scire: nosse sermonem quem cum Philippo clam habuisset: nosse etiam originem istius sermonis, qui non prodierit ex animo se opponente veritati, sed ex mero candore, dum id diceret, quod sacris literis putaret convenientissimum. III. Quum conscientia Nathanaëlis omnibus illis dictis Domini assentiretur, manifesta satis sequela inde intulit, Christum esse Prophetam. Conf. 2. Reg. 17: 12. Jer. 21: 18. Joh. 14: 19. IV. Porro quum eo tempore totus populus in magna exspectatione maximi illius Prophetæ a Mose promissi versaretur, ulterius argumentando conclusit, hunc, quem Prophetam esse cernebat, magnum illum Prophetam esse; præsertim si cum iis quæ ipse nunc experiebatur ea conferret quæ modo ex Philippo audiverat. V. Valde confirmari potuit argumentatio ista ex eo quod de Messia, uti illius *משיח*, prædictum est Jes. 41: 3. *ויראו כבוד יי* & *odoraturus est timorem Domini*. Ex ista vero mentis in unam cuncta summam colligentis ratiocinatione solido satis argumento conficitur, ex eo quod Jesus Nathanaëlem, sub ficu morantem conspexerit, atque ita allocutus fuerit, consequi primum quidem, quod Jesus Propheta sit; dein etiam, quod, Prophetis omnibus major, sit Filius ille Dei, Rex Israël. Conf. Joh. 11: 24, 25. Quæ eo lubentius a nobis sunt observata, ut non solum pateret quantus sit rationis usus in collectionibus id genus faciendis; sed & illud constaret, non tam levia fuisse argumenta, quibus ad fidem Christi adducti sunt primi ipsius discipuli, quam externa specie videntur.

XXXI. In qua collectione attendendum Rationi est, ut omnes artis sue regulas observet.

XXXI. Ceterum id imprimis notatu dignum est, quod in ejusmodi collectionibus omnes partes absolvat Ratio. Quæ quatenus mentis facultas est collectiones ipsa facit; easque tum demum bene facit, & bene se facere novit, quando cum suis regulis scitisque exacte consentire deprehendit: sic ut ipsa & collectionum *auctrix*, & colligendi norma sit. Ubi enim ita instituitur collectio ut Logicæ artis canones negligantur, evitari non potest error; & ex præmissis verissimis falsa elicitur conclusio.

XXXII. Alioqui facile incidit in errorem.

XXXII. Cujus rei exemplum præbent discipuli illi, qui quum Dominum Petro de Johanne dixisse intellexissent, *si velim cum manere donec veniam, quid ad te?* exinde colligebant Johannem non moriturum. At perperam. Non enim in ista sua collectione attendebant Canonem Logicum, enunciationis hypotheticæ veritatem non consistere nisi in nexu antecedentis cum consequente; sic ut licet antecedens falsum sit, & consequens falsum sit, tota tamen enuntiatio vera esse possit

possit propter firmitatem sequelæ. Quod quum Johannes melius ceteris observasset, fontem erroris detexit: *Non dixerat, inquit, Jesus, non morietur, sed, si velim cum manere donec veniam, quid ad te?* Joh. XXI: 22, 23.

XXXIII. Interim dissimulandum non est, non semper fidem Evangelii accurata ejusmodi ratiocinationum subtilitate in electorum cordibus gigni. Fuere qui subito, ac veluti Enthusiasmo quodam rapti, institutionis diligentioris exsortes, repente Christum professi sunt, tanta fidei firmitate, ut mox gravissimos pro ea cruciatus, atque ipsam denique mortem, læti alacresque subierint. Multa etiam quotidie occurrunt exempla fidelium, quorum fides affectuosissima, & consolationis ac sanctificationis feracissima est; quæ tamen nec originis suæ modum, nec firmitatis suæ rationes, argumentando probare, nedum adversus cavillantium calumnias tueri valeat. Verum in istis hominibus agnoscendus est extraordinarius Divinæ lucis fulgor, qui, veritates illas quibus assentiuntur undique circumspiciens, mentem in earum meditatione insigniter figit: licet facultatem eas ex principiis suis educendi, & cum sequelis suis deducendi, non ita largiatur. In iis itaque ipsis fides hætenus rationalis est, quod non assentiatur nisi veritati liquido cognitæ; quamvis non cognitæ ordinaria ratiocinationis via.

XXXIV. Unde patet, Rationis humanæ multos, eosque prænobiles, usus esse, in cognoscenda, dignoscenda, probanda ac tuenda mysteriorum a Deo revelatorum veritate ac firmitudine, non modo quatenus facultatem mentis nostræ, sed & quatenus scita quædam & axiomata notat: neque tamen agnoscendam esse pro norma & amussi ad quam examinanda sint omnia Religionis mysteria priusquam recipiantur fide.

A N N E X U M.

PULCHRE JAMBLICHUS *De Mysteriis. sect. 1. cap. XXI.* Ἀδύνατοι ὄντες αὐτῶν οἱ ἄνθρωποι λογισμῶν τὴν γῶσιν ἐπιλαβὼν, νομίζοντες δὲ δυνατόν, φέρονται ὅλον πρὸς τὰ οἰκῆα ἑαυτὰ τῶν ἀνθρωπίνων πάθη, καὶ ἀπὸ τῶν παρ' ἑαυτοῖς τὰ θεῖα τεκμαίρονται. διαμαρτάνουσι τοίνυν αὐτὰν διχῇ, καὶ διότι τῶν θεῶν ἀπορίπτουσι, καὶ διότι τῶν ἀποτυγχάνοντες ἐπὶ τὰ ἀνθρώπινα αὐτὰ πάθη καθίσκουσι. Quum homines, quod revera non possunt, posse se credant, cognitionem assequi rationum quibus sacra nituntur, abripiuntur toti ad suas ipsorum passiones, & ex istis quæ humana sunt de Divinis conjecturas fabricantur. Ab iis igitur aberrant dupliciter; & quod a Divinis excidant, & quod his omissis, ad passiones humanas Divinitatem deducant.

CONSCIENTIA

nunquam, an aliquando, errante.

B R E V I A R I U M.

I. Problema de Conscientia nunquam aut aliquando errante nimis agitata est præjudiciis. II. Conscientia cur sic dicta. III. Est facultas hominis. IV. Ipse intellectus, in ordine ad certas actiones. V. Quamvis prior est notitia veri & recti. VI. Pro objecto suo habens πᾶν τὸ γινώσκον τὸ ὀρθόν. VII. Præcipue vero τὸ πρακτικόν quod dicitur Dei nomine. VIII. Id quum recte facit, bona dicitur. IX. At fictum est hac significatione corruptum & vocabulum. X. Altera conscientie actio est, ut judicet de factis hominis. XI. Et ex iis de statu. XII. Et Dei quidem vice. XIII. Citans hominem ad tribunal Dei. XIV. Quam tamen mens & cor hominis corrupti sit, errori quoque est obnoxia. XV. Qualis est Conscientia idoli, infirma, & inquinata. XVI. Et male adificata. XVII. Cujus judicium ab ignorantia non est excusandum. XVIII. Conscientia alterius alicujus, secus ac Pauli conscientia judicans, male judicavit. XIX. Distinctio inter judicium Animi & Conscientie. XX. Non videtur solida. XXI. Conscientia non semper officio suo recte fungitur; non certe ea qua est ἀναρτησιασµὸν. XXII. Nec idcirco non est conscientia, quia destituitur scientia. XXIII. Quod illustratur exemplo. XXIV. Scripturae locutiones nostris consentaneæ. XXV. Conscientia non bene informata, an norma sententiae sit, aut non sit. XXVI. Simile a Viro Docto allatum. XXVII. Quid sit Conscientia inquinata. XXVIII. Quae ex præscripto Dei de rebus judicat uti sunt, non videtur ob eam rem inquinata dici posse. XXIX. Neque res Dei puras impuras homini efficere. XXX. Non magis contradictorium est dicere Conscientiam errantem, quam sapientiam pervertentem. XXXI. Non quia conscientia aliquando errat, idcirco nulla certa alicujus rei cognitio est. XXXII. Neque propterea nulli errori obnoxia est, quia Dei est vicaria, cui nemo sine crimine possit esse immorigerus. XXXIII. An recte dicatur, conscientiam non magis errare quam Arithmeticam aut Geometricam.

XXXIV.

DE CONSCIENTIA AN UNQUAM ERRANTE. 471

XXXIV: *Conscientia non est lex inscripta cordi; sed cor, cui inscripta est lex.*



EX iis quæ crebra disputationum reprocatione hoc secu- I. *Proble-*
lo ventilantur, nonnulla profecto talia sunt, ut ad *ma de Con-*
accuratiorem veritatis elucidationem plurimum condu- *scientia*
cant: modo eâ, quam semper adhiberi oportebat, *nunquam*
placidi animi æquitate tractentur. Quæ tamen eadem *aut ali-*
si in contentiosos inciderint disputatores, & solito li- *quando er-*
tigantibus æstu agitentur, in inutiles abeunt *rans ni-*
mis agita-
xium utrinque subesset virus, gravibus aliquando hæresios, imo & *sum est*
Atheismi, premuntur sequelis. Hoc, ut alibi, ita & isto quod nunc *præjudiciis.*
tractandum suscepi Problemate, AN CONSCIENTIA NUNQUAM, AN
ALIQUANDO ERRET, usu venisse comperi. Fucrunt enim, qui omnem
Conscientiæ errorem negantibus PELAGIANISMI impeerunt crimen.
Nec defuerunt, qui conscientiæ aliquando errores agnoscentibus, ex-
probrarunt, quod ISTHOC FACTO CERTISSIME ATHEISMO ET SCEP-
TICISMO PATERET JANUA. Quæ disputandi ratio quum a meis
moribus per quam aliena sit, res tamen ipsa consideratione sua sit di-
gnissima, facile a me impetrari passus sum, ut animi quoque mei
sententiam candide exponerem; sed placide, ac modeste, & si pos-
sim, ordine atque perspicue: rem ipsam paullo altius exorsurus; ut
omnis, quantum fieri potest, vitiligandi præscindatur materia.

II. CONSCIENTIA tria dicit. I. *Cognitionem veri & falsi, honesti* II. *Con-*
& *turpis.* II. *Actum mentis reflexum*, quo scimus nos eam cognitio- *scientia cur-*
nem habere. III. *Respectum ad aliam, cum quo cognitionem eam com-* *fic dicta.*
munem habemus. Est enim Conscientia *communis scientia.* Nempe
partim cum *aliis hominibus*, quoad *jus*; omnibus enim creaturis ratio-
nalibus easdem generales recti bonique rationes dicitur Conscientia.
Partim *secum* tanquam cum *alio*: sæpe enim contra hominem illius-
que cupiditates testatur. Sed potissimum *cum Deo*: *συνοιδὸς Θεοῦ.* I. Pet.
II: 19. Job. XVI: 19. *Et nunc ecce in calis testem meum, & conscium*
meum in excelsis.

III. Conscientia solet in sacris proponi ut *facultas* hominis. VO- III. *Est fa-*
catur COR. I. Joh. III: 20, 21. I. Cor. IV: 5. Rom. II: 15. Jer. *cultas ho-*
XVII: 1. Ecclef. VII: 22. & MENS. Rom. XIV: 5. Est & ubi adjungi- *minis.*
tur menti, ut ejusdem cum ea naturæ: Tit. I: 15: denique ipsa ho-
minis ANIMA dicitur Prov. XX: 17.

IV. Non est tamen facultas ab *intellectu & voluntate* realiter di-
stincta, sed ipse *intellectus in ordine ad certas actiones,*

IV. *Ipsa in-*
tellectus, in
ordine ad
certas actio-

V. *Actio- nes.*

V. Quorum
prior est
notitia veri
& recti.

V. Actiones conscientiae potissimum duae sunt. I. Notitia veri & falsi, recti & pravi, quam homo cum Deo, ut cum auctore & exemplari, communem habet: ita quidem ut de vero, quando id debite videt & cognoscit, dubitare non possit. III. Notitia suorum actuum, ut conscius sit sibi homo, & quid egerit, & quo modo; & status sui ex actibus, ut cognoscat, num amoris & gratiae, num odii & irae Divinae objectum sit.

VI. Pro
objecto suo
habens
πᾶν τὸ
γνωστὸν τῷ
Θεῷ.

VI. Respectu prioris conscientia pro objecto suo habet πᾶν τὸ γνωστὸν τῷ Θεῷ, quod quomodocunque Deus in homine manifestavit, sive per revelationem supernaturalem. Nam & revelata habent φανέρωσιν πρὸς πᾶσαν συνείδησιν. I. Cor. IV: 2. Quia comperiuntur arte cohaerere cum iis veritatibus quae per se homini notae sunt, & sapientiam sublimem Deoque dignam continere. Est enim haec Conscientiae vis, ut non possit homo non assentiri iis, quae vera esse ei demonstrantur.

VII. Prae-
cipue vero
τὸ πρᾶκ-
τὸν, quod
dictat Dei
nomine.

VII. Sed maxime conscientia dictat homini τὸ πρᾶκτὸν Rom. II: 14, 15. Gentes legem non habentes sibi ipsis sunt lex. Ut qui ostendant opus legis scriptum in cordibus suis. Una testimonio reddente ipsorum conscientia. Idque Dei nomine. Ps. XXVII: 8. לִבִּי דִּמְרָא לְךָ tuam vicem dicit mihi cor meum. Hinc deus dicitur דַּמְרָא לְךָ, qui erudit gentes, & qui docet homines scientiam. Psal. XCIV: 10. intus nimirum, per dictamen conscientiae. Adeo quidem ut non possit homo quicquam bene agere nisi de bonitate rei agendae ἐν ἰδίῳ τοῖς πληροφορηθεῖς, firmiter persuasus id Deo esse gratum. Rom. XIV: 5.

VIII. Id
quum recte
facit, bona
dicitur.

VIII. Huc pertinet I. Tim. I: 5. Charitas ex bona conscientia: id est, qualem & quantam dictat conscientia, sive animus considerans regulas iustitiae, natura notas, & verbo Dei notificatas. Et vers. 19. qui repellunt bonam conscientiam, dum non δοκιμάζουσιν τὰ διαφέροντα καὶ τὸ θέλημα τοῦ Θεοῦ. Rom. II: 18. XII: 2. ad fidem pervenire non possunt. Itemque I. Pet. II: 19. Si quis patiatur propter conscientiam Dei: quia quicquid obnitatur mundus, non audet aliter agere atque conscientia Dei nomine dictat.

IX. At fi-
ctum est hac
significatio-
ne συντη-
ρησις vo-
cabulum.

IX. Hujus officii ratione conscientia a Recentioribus quibusdam fictum est hac συντήρησις dicitur. Sed observante Coccejo ad 2. Tim. I. §. xv. fictum id vocabulum est, quo nec Scriptura utitur, neque alius bonus auctor, nec vulgus, in illa significatione, ut notet notitiam recti & contrarii: cujus notionis exemplum non invenitur in Lexicis.

X. Altera
conscientia
actio est,
ut indices
de factis
hominis.

X. Alterum conscientiae officium est, ut observet, indicet, judicet, facta hominis, & ex iis statum coram Deo. De factis judicatum gesta sint. Rom. IX: 1. Joh. VIII: 7. & num bene gesta, I. Cor. IV: 4. 2. Cor. I: 12. Huc refero Act. XXIV: 16. Interea vero ipse me exerceo,

DE CONSCIENTIA AN UNQUAM ERRANTE. 473

exerceo, ad conscientiam habendam sine offensa, apud Deum & apud homines semper: Id est, animum qui nihil mihi scelerati, hypocritici, pravi exprobet; sed contra sinceritatis, virtutis, sanctimoniae testimonium præbeat. Similiter 2. Tim. 1: 3. *munda conscientia* dicitur quæ testatur de munditia animi & operum. Nam prout ea comperit, vel accusat, vel excusat. Rom. 11: 15.

XI. Ex factis, non tam singulis, quam eorum tenore, arbitratur XI. *Es ex de suo statu* coram Deo. Secundum Deut. vi: 25. *Et Justitia erit no- bis*, id est signum boni status, & juris ad vitam æternam, si observantes fecerimus omnia hæc præcepta, coram Jehova Deo nostro. Et 1. Joh. 111: 7, 8. *Qui exercet justitiam, justus est, qui dat operam peccato, ex diabolo est.*

XII. Quicquid dicat & arbitratur id facit nomine Dei, illiusque vicem: vel saltem id præ se fert. Ideoque omni conscientia dictamine hæcenus obligatur homo ut nihil contrarium sine peccato queat facere. Involvit enim talis actio manifestum Numinis contemptum, cujus vocem dehortatoriam peccator in corde vel audit revera, vel saltem se audire putat.

XIII. In omni suo judicio de factis vel statu, citat hominem ad Dei Tribunal, ibi ulterius judicandum, & quidem secundum judicium conscientia. 1. Joh. 111: 20, 21. *Nam si nos condemnet cor nostrum, nempe Deus potentior est corde, & novit omnia. Si cor nostrum nos non Dei, condemnet, libertatem loquendi habemus apud Deum.*

XIV. Non tamen ex his inferre cogimur, quod conscientia errare non possit. Quum enim animæ nostræ facultas sit, ipsaque hominis mens & cor: omnes autem facultates nostræ post lapsum errori obnoxia sint, & homines in sacris describantur תועי רוח errantes spiritu rapiti sūt, & נמחרי לב precipites corde, qui nimis cito decernunt ac definiunt. Jof. xxix: 24. xxxii: 4. quo privilegio excipitur conscientia?

XV. Paulus ipse satis docet conscientiam posse errare. 1. Cor. viii: 7. *Sed non in omnibus est ea cognitio: nonnulli enim cum conscientia idoli usque ad hoc tempus, ut idolis immolatum edunt, & conscientia eorum infirma, quum sit, inquinatur.* Quid ibi Conscientia Idoli? Audiamus Cocceji expositionem: Conscientiam idoli habere, est judicare per Idolorum nomen contaminari res ab Idololatriis, ut non liceat Dei cultori ea re uti frui; idque propter præceptum datum Israël. Nota, judicium hoc conscientia attribui: & tamen esse erroneum. Rursum, quid conscientia infirma? Quæ non permittit homini, quod permittit ipsi Deus, destituta cognitione libertatis Christianæ. Num ea errat an rectum dicat? Denique quid Conscientia inquinata? Quæ

474 E X E R C I T A T I O XVIII.

hominem condemnat, ut peccato, & communione idoli, & idololatriæ participatione inquinatum. Quod tamen non esset homo, si non ederet cum conscientia idoli. Quot verba, tot argumenta ad evincendum conscientia errorum: quem initio indicat Paulus, dicens, *non in omnibus esse cognitionem*, hoc est, non omnium conscientiam bene esse informatam.

XVI. Et male edificata.

XVI. Novum argumentum suppeditat versus 10. *Conscientia illius qui infirmus est, edificatur*, (ironice) e statu non optimo ad peiorem deturbatur, ad *Idolothytum comedendum*: nempe ut conscientia ipsius quod bonum esse testari non potest, testetur bonum esse, *Idolothyta comedere*. Iterum sunt Cocceji verba ad 2. Tim. 1: §. XVI. An intali testimonio conscientia male ædificata non est error?

XVII. Cuius iudicium ab ignorantia non est exorsandum.

XVII. Equidem observavi quod notat Celeberrimus Interpres; concurrere hic iudicium conscientia, & ignorantiam. *Ignorantiam*, quod præceptum de *Idolothytis vitandis tam accurate*, ut qui comederit *Idolothytum*; quum non prius diligenter inquisiverit, per ea polluat, sit certi temporis. *Conscientia dictamen*, præceptum Dei servandum esse. At hæc mihi subtilia magis videntur quam solida. Si enim nihil aliud ad conscientia dictamen pertineat quam hoc unum, servandum esse præceptum Dei, quomodo ea conscientia dicitur *conscientia idoli*, & quomodo *conscientia infirma*? Nisi error ille, ignorantia illa, in conscientia ut in subiecto sit, quæ ratio dici potest cur ab illis *ἰσχυρισμοί* conscientia denominetur? Accurate itaque loquendo, in dictamine talis conscientia est aliquid veri, nimirum parendum esse mandato Dei; est & aliquid erronei, videlicet mandatum Dei adhuc obligare ad tam sollicitam *Idolothyti* fugam.

XVIII.

Conscientia alterius alienius cuius, secus ac Pauli conscientia iudicans, male iudicavit.

XVIII. Et quid manifestius, efficaciusque in hanc rem eo quod existat 1. Cor. x. vers. 28: 29. *Conscientiam autem dico, non tuam, sed alterius illius. Cur enim libertas mea damnatur ac alia conscientia?* Paulus opponit ibi duas conscientias? quarum altera pro libertate iudicat, altera contra eam. Altera iudicat, idolum non habere vim polluendi cibos a Deo homini Christiano ad manducandum concessos, ideoque non esse sollicite inquirendum an Deo aut Deæ alicui consecrati fuerint: & recte iudicat. Altera ex adverso iudicat, abstinendum omnino tali cibo esse; ideoque edentem monet ne edat. Hic suadet Paulus, ut Christianus pius ac prudens, dictamine conscientia suæ bene informatæ contentus, usu libertatis suæ tantisper superseadeat, ne sine causa iudicetur, id est condemnatur, ab alterius conscientia, utique erronea, & condemnante quod bonum, vel certe licitum est.

XIX.

XIX. Audio Viros doctos monentes, *diligenter distinguendum* XIX. Di-
esse inter opinionem hominis & JUDICIUM ANIMI, & JUDICIUM ^{functio in-}
CONSCIENTIÆ. Non enim omne quod sentit homo, vel opinatur, vel ^{ser judi-}
judicat, est ^{cium Animi} ^{& Con-} ^{potest} ^{versari} ignorantia & ἀνοησία, & sic error. Vid. Rom. 1: 21. Non scientia.
quidquid judicat homo, id ex conscientia judicat. Sed quod omnibus probe
consideratis cum scientia judicat. Non potest esse conscientia, ubi non est
scientia. Cocc. Sum. Th. cap. xxii. §. xv.

XX. Sed licet nobis opponere considerationes nostras. Secun-XX. Nec
dum phrasin Scripturæ conscientia nihil aliud est quam hominis ^{videtur} ^{solida.} animus
in quantum judicat de faciendis & fugiendis; & velim mihi vel unum
e sacra pagina monstrari textum ubi *judicium animi circa tā partē*
a judicio conscientiae distinguatur.

XXI. Officium quidem conscientiae est, ut non judicet nisi cum XXI. Con-
scientia, probe consideratis omnibus: sed non semper omnes officii ^{scientia}
sui regulas conscientia observat. Sane tunc non, quando est ^{non semper}
^{officio suo} ^{recte fun-} ^{giuntur;} ^{non} ^{certe ea} ^{quæ est} ^{κακότη-} ^{ἀσπύην.} ^{1. Tim. iv: 2.} Tum enim *rationationibus fallacibus a remor-*
su ad stuporem traducta, uti bene V. C. ad Jes. xiv. §. lxxxiv. omittit
hominem officii sui rite commonefacere. Tales, sic pergit Magnus
Auctor, *sunt Libertini post Valentinianos, omnem metum peccati* (*quasi*
per mortem Christi omne peccatum indifferens factum esset) ^{κακότη-} ^{ἀσπύην.} ^{excludentes,} &
solum opinionem peccati, & quod fit cum opinione peccati, peccatum ju-
dicantes.

XXII. Nec idcirco desinit esse conscientia, quia destituta est so-XXII. Nec
lida scientia. Datur enim conscientia, uti modo vidimus, ^{idcirco non} ^{est consci-} ^{entia, quia} ^{destituitur} ^{scientia.} infirma,
id est hæsitans, cespitans, circa ea quæ cognoscenda erant: quam
eodem hoc capite. §. x. ita describit Theologus Celeberrimus. *Est*
conscientia Præcepti Divini & timoris ac honoris Deo debiti, DESTITU-
TA COGNITIONE DONATA LIBERTATIS. Nota, ipsi conscientiae
attribui ignorantiam, (hanc enim eandem esse puto cum destitutione
cognitionis) & sic ἀνοησίαν atque errorem. Adde quæ habentur *ad*
Eph iv. §. 103. Disce, conscientiam, lucem Dei, posse in homine obscu-
rari, ne eum redarguat, ut brutus fiat.

XXII. Illustremus rem exemplo; & fingamus hominem pium XXII. Nec
viventem durante æconomia legali. Illius animus dictabit ipsi obser- ^{Quod illu-}
vandas esse ceremonias, & dictabit recte, & vocabitur conscientia. ^{stratur} ^{exemplo.}
Sed pone interim promulgari libertatem Christianam, de qua ille non
satis informatus est, pergit sibi idem animus dictare quod olim; &
male nunc dictat; quæ causa dici potest cur idem ejusdem animi di-

476 E X E R C I T A T I O XVIII.

Etamen modo conscientiae tribuatur, nunc nescio cui rei a conscientia diversae?

XXIV.

*Scripturae
locutiones
nostris con-
sentanea.*

XXIV. Utut sit, tota disputatio tam calide agitata, in frigidam λογισμῶν recidit: id enim solum quaeritur, utrum animus iudicans circa τα ὁρατά, si fortean male iudicet, conscientia dici mereatur. At quantillum hoc est? Et sic tamen puto nos Scripturam pro nobis habere. Nam Paulus conscientiam vocat eam quae alterius libertatem injuste damnat.

XXV.

*Con-
scientia non
bene infor-
mata, an
norma sen-
sientia sit,
aut non sit.*

XXV. Novi aliquem qui dicit, conscientiam illam quae nondum in-
formata est de libertate, non debere esse normam sententiae suae, ut secun-
dum eam de aliorum factis iudicet. Sic enim loquitur vernacule: quam
elegantem & concinne, nunc non examinabo. At nullam, quantum-
vis mediter, rationem excogitare possum, cur conscientia, quae nulli
errori obnoxiam se esse postulat, minus norma sit iudicii de aliorum
factis, quam de suis. Imo, inquit, conscientia clare dicitur, non esse
iudicandum temere, omnium minime de fratribus, hominibus spiritualibus,
idque in iis rebus quae a solo Dei beneplacito pendent. Verum, inquam
ego, si conscientia, ad quam nulla adhuc cognitio libertatis Christianae
pervenit, homini dicitur observanda adhuc esse illa dogmata, quae
olim praecepit Deus (quod conscientiam dictare in tali casu, Vir ille
doctissimus adseverat) non potest temerarium iudicium ei conscientiae
videri, quo arbitratur fratres suos, quantumvis spirituales, eadem
secum lege teneri. Quandoquidem non dicitur conscientia, eos qui
sub eadem aëconomia vivunt, diverso jure uti.

XXVI.

*Si
mille a Viro
Docto alla-
tum.*

XXVI. Instat Vir Eximius, rem eam declarari posse exemplo.
Ponamus, ait, exercitui alicui, ab Imperatore in mandatis datum esse ut
confligat cum hoste. Quod dum facit receptui canitur. Qui id audiunt
a pugnando desistunt; remotiores, qui non audire, persequuntur hostem.
Utique mandato Imperatoris haftenus parent. Nolo vexare singula.
Hoc unum notari velim; eos omnes qui putant sibi ex mandato Im-
peratoris persequendum esse hostem, non posse non ignaviae apud ani-
mum suum accusare eos, qui gladium vagina condentes passis mani-
bus conquiescunt.

XXVII.

*Quid sit
Conscientia
inquinata.*

XXVII. Præterea scire aveo, qua arte eludi possit illa Pauli pe-
ricopa. Tit. 1: 15. *Inquinatis autem & infidelibus nihil est purum, sed
inquinata sunt ipsorum & mens & conscientia.* Vidi equidem Celeber-
rimi Interpretis verba allegari, quasi ea sufficientem totius difficultatis
solutionem exhiberent: sed quid futurum est, si quis seposita aucto-
ritate rem ipsam urgeat? Nimirum, ut præclare Magnus Interpres,
significat Apostolus, peccatum hominem facere impurum: &, quem homo
per

per peccatum impurus est, tum etiam res Dei ei per peccatum impuras esse, l. e. tum hominem usu rerum Dei purarum, tanquam impurarum, inquinari & pollui. Quia peccatum facit hominem injustum, siue adimit ei jus utendi rebus Dei. Videmus ergo, quid sit inquinatio hominis, scilicet peccatum. Pergamus: quid est inquinatio mentis? Iterum id dicat idem Interpres: MENS IMPURA EST, quia non amant veritatem, neque eam cognoscunt; sed tenebras amant. Mens enim significat hic quod nomine ANIMÆ, SPIRITUS, CORDIS, notari solet, nempe διάνοιαν & θέλημα. Optime. Unum nunc restat exponendum; quid est INQUINATIO CONSCIENTIÆ? Hic sudat cum Magistro suo Vir quidam doctissimus, & comminiscuntur multa; sed doceri exopto, si inquinatio hominis infidelis, peccatum sit; si inquinatio mentis, etiam peccatum sit; quæ caussa dici possit, cur inquinatio conscientiae non pariter sit peccatum? Quum enim de homine, de mente, de conscientia idem prædicatur; singularem aliquam & vægrandem rationem esse oportet, ob quam idem prædicatum alio sensu intelligendum sit, quando conscientia, quam quando homini aut menti attribuitur. Quod quum nulla discriminis nota monuerit Apostolus, velim discrimen illud non dictari, sed, quod fieri oportet, certo argumento demonstrari.

XXVIII. Sed audiamus quid per conscientiam inquinatam intelli-
gant. I. Eam quæ non est bona, siue quæ hominem excusat, neque ex-
bilarat. II. Quæ non potest non judicare ipsos impuros esse, & non ha-
bere per quod purificentur. III. Quæ non potest non terrere & incutere
pavorem. Perpendamus hæc recte. Conscientia hæc omnia faciens
contra hominem peccatorem, officio suo probe fungitur, agit id quod
justum, pium, sanctum est, quodque a Deo iussa est agere. An quia
sancte, & ex Dei præscripto agit, inquinata dici meretur? Idque
dem anhelitu quo homo improbe agens, quo mens impie judicans, in-
quinati esse dicuntur? Cogor fateri, hæc caprum meum superare.

XXIX. Non minus id quod dicam observatu dignum esse vide-
tur. Res Dei homini impuræ sunt, quia ipse per peccatum impurus
est, & quia mens ipsius per peccatum impura est. Tantum enim est
peccati venenum, ut inficiat ea omnia quæ peccator contingit. Hæc
solida, plana, & facilia intellectu sunt. Sed non æque planum est,
quomodo conscientia pie sancte judicans, res Dei puras, impuras homi-
ni efficiat. Bene quidem iudicat, eas impuras esse peccatori, si id
iudicat: sed non ideo impuræ sunt quia id iudicat. Tales eas esse
vere iudicat, quia tales sunt.

XXX. Atque ita nunc meam de hac re, quæ communis est pas-
simque recepta, sententiam firmavi. Ne grave cuiquam sit, si præ-
cipua

478 E X E R C I T A T I O XVIII.

vium est dicere conscientiam errantem, quam sapientiam pervertentem. cipua secus sentientium argumenta examinem. Opponunt ergo, in vocabulo ipso esse manifestam contrarietatem : *Nam conscientiam errantem non magis dicere convenit, quam scientiam errantem; quum scientia non sit nisi veritatis.* Respondeo, vitreum id acumen esse, quod dum pellucet frangitur. Facultas hæc a scientia nomen habet, quia percipit, arbitratur, judicat, quomodocunque, sive bene, sive male. Etiam cum fallit, scientiam præterdit, illiusque specie agit. Confer. *Jes. XLVII: 10. SAPIENTIA TUA, ET SCIENIA TUA IPSA PERVERTIT TE.* *Matth. VI: 23. SI LUMEN QUOD IN TE EST TENEBRÆ SUNT.*

XXX. Non *quia conscientia ali-* **XXX.** *Inst. Si erraret conscientia, nulla esset in homine certa ullius rei cognitio.* Resp. Quidni eadem sequelæ necessitate dixerim, si errat intellectus aliquando, non erit ulla intellectui certa ullius rei cognitio? Imo, inquit, *Ratio non magis errare potest quam Conscien-* *tia, quoties clare aliquid, ac distincte percipit.* At quid illud est, *Clare* *alicujus rei ac distincte percipere?* Est, inquit, rei alicui nihil adtribuere, nisi quod ei liquido adtribuendum est, & nihil de re aliqua negare, nisi quod liquido negandum est. Cæterum quum omnis error in eo situs sit, quod neganda adfirmentur, aut adfirmanda negentur; si dicam non errare me quando aliquid clare ac distincte percipio, perinde est ac si dicerem, secundum hanc explicationem, non errare me quando non erro. At vero in eo sæpenumero errat Ratio, quod existimant se aliquid clare ac distincte percipere, quum tamen contra sit. Sane Apostolus quum *Rom. XIV: 5.* monet *εἰς τὸ ἰδίῳ τοῖς πληροφορεῖσθαι;* per *mentem*, uti constat, *conscientiam* intelligens, innuit, & errorem posse esse in conscientia, qui admonitioni huic occasionem det, & certitudinem, ad quam jubet eniti.

XXXII. *Neque pro-* **XXXII.** Porro urgent, non posse non ab errore immunem esse *pro-* *conscientiam, quam quis communem cum Deo habet, quæ sua dictat: no-* *mine Dei proponit, & cui nemo sine crimine potest esse immorigerus.* At *errori obno-* *explicemus singula.* Homo sua facultate cognoscente circa eadem ver- *xia est, quia* *satur quæ Divinæ quoque cognitionis objecta sunt.* Sed *Deus*, modo *Dei est vi-* *qui se dignus est, id est, perfectissimo, ac sine modo: homo, modo* *caria, cui* *humano, id est, imperfecto; homo peccator, valde defectuose, prop-* *nemo sine* *ter eas tenebras quibus obfuscata ejus mens est.* Idcirco nihil impe- *crimine* *dit, quo minus ea scientia, quam homo peccator communem cum* *possit esse* *Deo habet, suo defectu, suo vitio laboret.* Porro, *Dei nomine* *immori-* *gerus.* *proponit sua, quia eam Deus tanquam sui vicariam in hominis mente* *gerus.* *constituit.* At postquam per peccatum omnia in homine corrupta sunt, non consequitur, eam quæ Dei vicaria est, partibus semper suis

DE CONSCIENTIA AN UNQUAM ERRANTE. 479

suis rite defungi, nihilque dictare nisi quod iussa est. Quia tamen Dei prætendit nomen, donec constat falso id prætendi, palam est violati Divini Numinis reum esse, qui conscientia suæ dictamini re-fragatur.

XXXIII. Denique id quoque alicubi invenio : *Error circa ipsa* XXXIII.
principia veri & boni non magis conscientia adtribui debet, quam perversa approbatio infandorum criminum in gentilibus dici debet opus legis in- An recte dicatur,
scriptum cordibus ipsorum. Uti in artibus certissimis, puta Geometricen, conscien-
vel Arithmeticen, facile est ut quis per errorem existimet se bene mensurasse, tiam non
non tamen idcirco errat Geometrice vel Arithmetice. Cæterum si ea ra- magis erra-
tio quidquam valeat, conscientia non est consideranda ut aliqua ho- re quam
minis facultas, sed notabit axiomata a Deo menti humanæ indita, erit- Arithmeti-
que ipsa Dei lex cordibus hominum inscripta. Sane sic definit toties cam aut
laudatus Interpres : Conscientia est ea insita homini lux, an lex, per quam Geometri-
cognoscit Deum, ac quæ secundum imaginem Dei, & contra eam sunt.
 Ad 2. Cor. 11. §. LXXII. Hucine ergo redibit tota disputatio, an Lex Dei conscientia inculpta unquam inducat hominem in errorem? At quis de eo dubitavit mortalium? Tantine idcirco movendi fuere fluctus, ut nihil diceretur, nisi quod creditum dictumque est ab omnibus? & quod dici ex iis quæ dicuntur vix intelligi potest?

XXXIV. Cæterum an cum Scriptura & Ratione Recta illi Con- XXXIV.
 scientiam vocant, quod aliis est Lex naturæ & Notiones æqui ac bo- Conscientia
 ni? Non putem. Nam uti probatum in antecedentibus, Scriptura non est lex
 conscientiam vocat, *cor, mentem, animam*, quæ ab insita sibi luce & lege inscripta
 distinguenda sunt. Lex est inscripta cordi, sive conscientia, non cordi; sed
 conscientia ipsa. Adde, quod attributa conscientia, *infirmitas, impu-* cor, cui
ritas, mundatio, letitia, τὸ ἀπρόσκοπον, τὸ κεκαυτηριασμένον, atque id ge- est lex.
 nus plura, *facultati* alicui bene convenient, *notioni* aut *legi* non convenient. Qua sermonis concinnitate, qua mente, de luce aut lege nobis insita dici potest, *purificari eam ab operibus mortuis*? Ex his, nisi fallor, palam est, nos quando de Conscientia, uti de Facultate, eaque aliquando errante loquimur, Scripturam, ac Rationem ducem habere.

DE
EFFICACIA ET UTILITATE
BAPTISMI,
IN*Electis fœderatorum parentum infantibus.*

B R E V I A R I U M.

- I. *Quæstio de Baptismi efficacia modeste tractanda est.* II. *Fœderatorum infantes insigni gaudent prærogativâ.* III. *Omnèsque ut electos intueri licet, donec contrariis se indicis produunt.* IV. *Quod Apostolus docuit 1. Cor. VII: 14.* V. *Sanctitas fœderalis infantum, sufficiens fundamentum pædobaptismi est.* VI. *Qui tamen nullam obsignat gratiam, nisi electis.* VII. *Quamvis contrarium sentientibus, & omnibus rite baptizatis gratiam quandam Baptismalem attribuentibus, Parco, Roberto Baronio, Augustino & Prospero.* VIII. *Nec abludente Forbesio.* IX. *Et valde urgentibus Davenantio & Wardo.* X. *Non videtur agnosceda communis gratia, quæ infantibus ad salutem sufficiat, sed ad salutem non certo ducat.* XI. *Nec remissio peccati originalis, a qua sejuncta sit aliorum peccatorum remissio.* XII. *Neque veri nominis regeneratio, quæ terminari queat morte aterna.* XIII. *Promissiones fœderis gratia proprie ad electos pertinent, neque omnes conditionata sunt.* XIV. *Idcirco de Baptismi efficacia in infantibus electis, præcipue quæstio est.* XV. *Quæ indubie in valida significatione & obsignatione bonorum fœderis consistit.* XVI. *Circa quam rem tria enucleanda restant.* XVII. *Bona Fœderis Baptismo obsignata, sunt 1. Communio cum Christo.* XVIII. *2. Peccati ablutio.* XIX. *3. Regeneratio.* XX. *4. Emergio ex omnibus hujus vitæ calamitatibus, & resurrectio ex morte.* XXI. *Horum ad Baptismum hic videtur esse ordo, ut communio cum Christo Baptismum antecedit.* XXII. *Ut & remissio peccati originalis.* XXIII. *De ordine regenerationis, quadruplex est Theologorum sententia.* XXIV. *Modestia litare videntur, qui nullum certum ei determinant temporis articulum.* XXV. *Attamen regeneratio locum habere potest in infantibus.* XXVI. *Et habet revera.* XXVII. *Imo absolute*

absolute iis ad salutem necessaria est. XXVIII. Liberum Deo manet regenerationis gratia donare non baptizatos. XXIX. Nec improbable est, quod ordinarie eam gratiam faciat fœderatis, qui in infantia moriuntur. XXX. Gisbertus Voetius omnes infantes fœderatorum electos in infantia regenerari putat, sive adulescant, sive non, idque ante ipsorum Baptismum. XXXII. Liturgia Belgica regenerationem Baptismo præstruit. XXVIII. Amyraldus infantes, ut regenerationis incapaces, in futuram sanctificationem baptizari contendit. XXXIV. Toleratur verborum ambiguitas. XXXV. Proœmia futuræ sanctificationis, quæ in quibusdam infantibus sunt, ad Spiritum sanctificantem referenda esse, negat Amyraldus. XXXVI. Quod refellitur. XXXVII. Observationes Amyraldi ad Johannis Baptistæ exemplum. XXXVIII. Calvinii argumenta in contrarium. XXXIX. Qui tamen sibi non ubique constat. XL. Quamvis rationem non habuerit a sententia recedendi. XLI. Heroica Johannis indoles, non ab aliqua virtute Spiritus Sancti, sed ab illius plenitudine erat. XLII. Argumenta eorum qui regenerationem, ipso Baptismi momento, ordinarie infantibus conferri pugnant. XLIII. Quod tamen Scripturæ testimonia, ab ipsis laudata, non asserunt. XLIV. Eorum vera mens. XLV. Patrum dicta adultorum Baptismum præcipue respiciunt; ad quem regeneratio prærequiritur. XLVI. XLVII. Regeneratio quæ Baptismo acquiritur, Sacramentalis est, distincta a Reali, quæ præsupponitur. XLVIII. Nam & Patrum nonnulli Baptismum regenerationis typum ac symbolum dixerunt. XLIX. Liturgiæ Gallicæ mens ex sententia Molinæ. L. Et Calvinii. LI. Ipsoque illius contextu. LII. Denique & collatione cum Liturgia Belgica. LIII. De Theologorum consentientium numero. LIV. Cum Augustanæ confessionis Theologis controversia super hac re Reformatis est. LV. Disputationis istius conclusio. LVI. Baptismi efficacia tota moralis est, & in valida ob signatione consistit. LVII. Pædobaptismi utilitas respectu parentum. LVIII. Respectu infantium, quum adulescant. LIX. Imo & in ipsa infantia. LX. Lutheranorum de Baptismi efficacia opinio. LXI. Reformatis passim improbata. LXII. A qua tamen non abborret Ludovicus le Blanc. LXIII. Juriei elogium. LXIV. Ejus de Baptismo sententia. LXV. Cum suis firmamentis. LXVI. Scriptura non docet vim effectivam Baptismi, quæ ab efficaci ob signatione distincta sit. LXVII. Non Paulus. LXVIII. Nec Ananias. LXIX. Nec Petrus. LXX. Patres in re sacramentaria hyperbolicis locutionibus luxuriant. LXXI. Neque juvvari possunt, nisi be-

nigna interpretatione. LXXII. Theologorum numero infelicitè pugnatur. LXXIII. Jurico opponitur Burmannus. LXXIV. Illiusque sententiam prisca & recentioris Ecclesiæ praxis refellit. LXXV. LXXVI. LXXVII. LXXVIII. LXXIX. Sicut & multis premitur incommodis. LXXX. Orthodoxi omnes in re ipsa consentiunt; dissensus de modo & tempore est. LXXXI. Qui tanti momenti non est, ut hæresin introducat, vel Ecclesiæ pacem turbare debeat. LXXXII. Male nobis hanc discrepantiam objicerent Pontificii plus ipsi discrepantes.

I. Questio de Baptismi efficacia modeste tractanda est.



DE BAPTISMI CHRISTIANI EFFICACIA ET UTILITATE IN ELECTIS FOEDERATORUM PARENTUM INFANTIBUS, ardua imprimis & abstrusa quæsitio est; multaue curiosarum disputationum subtilitate, uti olim, ita & nuperrime, vexata. Cui elucidandæ, ad distinctiorem veritatis cognitionem, & fraternæ concordiæ pacisque Ecclesiasticæ arctiorem conglutinationem; an opella hæc nostra inservire idonea sit, periti & æqui Lectoris arbitrium esto. Neminem hic certe offendent, vel partium studium; vel odiosa alicujus sententiæ, nedum personæ, exagitatio; vel æstuantis animi impetus; vel verborum acrimonia; vel quæcunque tandem *πρὸς ὁποῖαν* ψία: quarum ego rerum causas omnes procul habeo. Indignum esse existimo hominibus sapientiæ studium professis, indignissimum vero Theologis, si in rebus quæ controversæ mentis sunt dissensum suum, non nisi aculeato sermone, aut atramento quod multo felle tinctum est, testari queant. Mihi veritati sacræ, & eruditioni solidæ, nihil amicus esse videtur, quam spiritus lenitatis ac mansuetudinis. Et si quæ unquam habenda scribendave erit disputatio, alta repositum mente sedet, æternumque sedebit, divina illa Pauli Apostoli monela ΑΛΗΘΕΥΕΙΝ ΕΝ ΑΓΑΠΗ.

II. Fœderatorum infantibus insipientibus prærogativa,

II. Ita autem commentationem istam instituam, ut ab iis quæ simpliciora ac clariora sunt exorsa oratio, in abstrusiorum atque intricatiorum elucidationem, & pro mea copia, solutionem, desinat. Atque hoc quidem primo loco mihi sumo, tanquam rem Orthodoxis omnibus confessam; quamvis tutum non sit Divinorum consiliorum arcana curiosius rimari, deque æterna infantium, infantili ætate morientium, sorte multa definire; insignem tamen eorum infantium prærogativam esse, quibus, Divina dispensatione, iis parentibus nasci contigit, quos saluari fœderis sui communione dignata summi Numinis bonitas est.

Quæ

Quæ enim Abrahamo facta est promissio, ero Deus tuus, & Deus seminis tui post te; eam melioris fœderis introductione revocatam, arctioribusve limitibus circumscriptam fuisse, cogitatu nefas est. Præsertim, quum Petrus, lætissima illa Pentecoste, auditoribus suis inculcaverit, non ipsis solum, sed & liberis ipsorum factam esse gratiosi Spiritus promissionem. Et Dominus Jesus allatos ad se fœderatorum infantes ulnis exceperit, imposita manu benedixerit, preces pro iis fuderit, prædicaverit denique talium esse regnum cœlorum. Quæ testimonia, alibi fusius exposita, nunc vindicare nihil attinet.

III. Non tamen eo usque hæc extendenda esse videntur, ut omnes priorum parentum liberi Divina destinatione ad salutem ordinati esse censeantur. Constat enim, tam indubitatis sacrorum voluminum monumentis, exemplisque extra controversiam positis, quam experientia quotidiana, contingere sæpiuscule, ut optimis etiam prognata soboles in pessimam adolescat indolem, in exitium suum prave pertinax. Verum tamen eam piis parentibus fiduciam fecit Deus, ut infantes suos, tanquam Dei per gratiosam adoptionem filios, intueri iis liceat; donec provectiores facti contrariis se indiciis prodant: utque de eorum in infantia morientium salute securi esse queant, non minus quam olim Abrahamus & Isaacus.

IV. Atque hoc puto Paulum voluisse, quum scripsit 1 Cor. VII: *14. maritum infidelem sanctificatum esse in uxore, & uxorem infidelem sanctificatam esse in viro: alioqui, sic pergit, certe liberi vestri impuri essent; nunc autem sancti sunt.* Credibile est Apostolum eo respexisse, quod Judæi vulgo existimabant eos qui alterutro parente gentili nati essent pro immundis habendos esse; unde factum legimus, Ezræ ac Nehemiæ ævo, ut, quos e matre gentili susceperant, eos una cum matre a se abigere juberentur. Isto scrupulo conjuges Christianos teneri Paulus vetat, monens eam partem quæ Christianam fidem necdum suscepit, hætenus quodammodo sanctificari per alteram partem credentem, ut illius incredulitas impedire non possit, quin liberis eo matrimonio ortis attribuat competentia promissionis fœderalis. Atque ista mente sanctos eos dicit: non tam sanctitate absoluta & inhærente, quæ in morali perfectione sita est; quam sanctitate relativa & fœderali, cujus toties in Veteris Instrumenti libris mentio est. Nimirum veluti sanctitas personarum in populo Israëlítico duplex fuit. Una communis, secundum quam populus ille universus secretus erat a reliquis omnibus populis, ut esset Dei fœderatus & consecratus. Atque ea de causa appellabatur gens sancta, quum reliqui populi profani essent. Altera magis specialis, & eorum propria qui ex munere aliquo cultui

III. Omnesque ut electos intueri licet, donec contrariis se indiciis prodant.

IV. Quod Apostolus docuit 1 Cor. VII. 14.

Divino in Tabernaculo vacabant: quamobrem sancti peculiari quadam ratione nominabantur, quemadmodum & sancta erant omnia vasa quæ sacris usibus inserviebant. Omnino autem ad alterutram specierum istarum sanctitatis respexit Apostolus, ut significaret, vel sepositos esse liberos fidelium a Deo in eum finem ut sint olim veluti vasa quadam ipsius cultui destinata: vel secretos a communi conditione reliquorum infantium, ut faciant partem populi Dei fœderati. AMYRALDUS de Pædobaptism. Thes. XIV. Sed & amplius aliquid huic rei subesse videtur, quod brevi & perspicuo sermone exposuit COCCEJUS ad Quæst. LXXIV. Catechesios Palatinæ. *Significatur, inquit, non solum externa sanctitas, quod non sint concepti & nati ut filii gentilium, de quibus certa præsumptio est, eos cum lacte materno impietatem ad exitium esse bibituros; sed etiam quod jure sperare possimus, eos a teneris sanctificatum iri, ita ut, quum caperint judicare, sint judicaturi verum, & id amaturi, Spiritu Dei benedicente parentum institutioni. Quod si autem in infantia moriantur, ut sancti & membra Christi, Julvi futuri sint. Quod ut credamus facit promissio, quæ ut Abrahamo, ita omnibus credentibus, est data, Jehovaham non tantum ipsi, sed & semini ipsius, velle esse Deum, hoc est sanctificatorem, & justificatorem.* Confer Summ. Doct. de Fæd. cap. XIII. §. 454.

V. Sanctitas fœderalis injustitium, justificans summentum Pædobaptismi est.

V. Porro ista fœderalis sanctitas sufficit parentibus, ut infantes suos ad sacrum Baptismi lavacrum offerant; sufficit Ecclesiæ Ephoris, ut eosdem oblatos mystici fontis aqua tingant. Charitas enim jubet infantes ejusmodi singulos, ut dilectos Deo liberos considerare, ipsiusque Dei familiæ adnumerare, donec contrarium pessima indole pravique facinoribus demonstrent. Prædestinationis autem æternæ altitudo & profunditas vetant, ne in illius abdita justo curiosius inquiramus. Sane nihil impedit, quo minus fœderis signum ac sigillum in eos conferamus, quos pro fœderatis Dei agnoscere par est; reservata interim Deo occultæ prædestinationis suæ libertate. Nobilissimus Vir, ROBERTUS BODIUS A TRUCHAREGIA, Theologus gravissimus, postquam hoc Pauli dictum accurato commentario illustrasset, ita porro infit:

Ad Eph. p. 762.

Nec tamen interea Dei gratiam & misericordiam erga infantes fidelium sic parentum fidei alligamus, ut ullum libera & arcana ejus electioni præjudicium faciamus; qui tam ex infantibus quam ex adultis fidem actu profitentibus, novit qui sint sui, eosque sigillo sibi soli cognito habet obsignatos. Sed hoc tantum asserimus, ex Dei voluntate, in fœdere suo gratiosè patefacta, nobis constare, infantibus, ad hoc ut ad Baptismum admittantur, & Ecclesiæ Christi membra censeantur, donec in annos maturiores adoleverint, idem prorsus esse ac valere (ad nostrum judicium quod attinet) e piis parentibus nasci, vel natos esse, quod adultis fideique capacibus fidem
hanc

banc profiteri. Cæterum de ipso Pædobaptismo illiusque fundamentis, alibi a nobis copiosius disputatum est.

VI. Notandum interim, si strictissimum Baptismi jus consideretur, non nisi electis id competere in rei veritate, & judicio Dei; quod veritati semper consentaneum est. Etenim quum Baptismus signum & sigillum illius fœderis sit, quo bona salutiferæ gratiæ, & quæ certum cum æterna vita nexum habent, fœderatis suis addixit; consequitur, eos qui nullum ad bona fœderis jus habent, aut habituri unquam sunt, nullum etiam coram tribunali Dei jus habere ad sigillum fœderis. Administri quidem sacrorum, quibus ex solo charitatis judicio circa singulos agendum est; electos a non electis distinguere ignorant; atque hæcenus nihil peccant, si & eos fortasse sacris adspargant limphis quibus ex stricto jure non debentur. Talibus tamen nihil confert Baptismus, quod vere bonum sit: nullam gratiam, nullam salutem significat aut obsignat; non magis quam ceræ fructum, eleganti quidem charactere insignitum, at appensum chartæ puræ, cui nihil inscriptum & inscribendum est; aut, si mavis, appensum chartæ tam vagrandibus ubique maculis fœdata, ut nihil boni inscribi queat. Omnis itaque efficacia, omnis utilitas salutaris Pædobaptismi in electis quærenda infantibus est. Optime ROBERTUS EPISCOPUS SARISBURIENSIS, adversus Thomson cap. VII. *Sacramenta, prout sigilla sunt gratiæ, & promissionis divinæ; ita in illis tantum vim suam spiritualiter exerunt, qui sunt filii promissionis, & hæredes gratiæ.*

VI. *Qui tamen nullam obsignat gratiam, nisi electis.*

VII. Non desunt, fateor, & ii quidem maximi nominis Theologi, qui hæc paullo aliter digerunt: regenerationem, & justificationem aliquam statuentes, quæ in legitimo Baptismi usu, omnibus omnino fœderatorum infantibus, significetur, imo & conferatur; at quæ cum salute nullum certum nexum habeat: quippe qua excidere possunt suo vitio ubi adoleverint. PAREUS, contra Bellarminum lib. I. I. de Justif. cap. XIV. ad rationem secundam, docet, *omnes Ecclesiæ infantes per Baptismum justificari, & regenerari per Spiritum Sanctum, pro modulo ætatis suæ: salvo tamen Dei consilio, quod adulta ætate se patefacere solet.* Quem sequitur ROBERTUS BARONIUS, Philosophus & Theologus acutissimus. Disput. de Origin. Peccat. Sect. XIV. Nec abludit FORBESIUS. Instruct. Hist. Theol. lib. X. cap. XVI. Ubi AUGUSTINI quoque & PROSPERI sententiam laudat, statuentium omnes infantes baptizatos justificari, adeoque eis remitti peccatum originale in Baptismo: eo tamen discrimine, quod *Augustinus* remissionem tantum revocabilem, & infallibiliter revocandam concedebat infantibus reprobis; *Prospero*

VII. *Quamvis contrarium sentientibus, & omnibus rite baptizatis gratiam quandam Baptismalem attribuentibus, Pareo, Roberto Baronio, Augustino & Prospero.*

vero aiebat, esse irrevocabilem. Si autem post Baptismum recedat a Christo, & alienus a gratia finiat hanc vitam, in perditionem cadere: non tamen in originali peccato damnari, sed propter postrema crimina ea morte affici, qua illi, propter ea qua remissa sunt, debebatur.

VIII. Nec
abludente
Forbesio.

VIII. FORBESIUS ipse mentem suam exponit sect. CII. satis accurate & subtiliter: ad propositam quæstionem de effectu Baptismi in parvulis, ita respondens: *Vocatio & justificatio bifariam considerantur; vel secundum propositum & præscientiam Dei; vel secundum tenorem fœderis Dei. Non pugnant ista inter se sed varie distinguuntur. Nam propositum Dei occultum est: fœdus prædicatione Evangelii patefactum est. Propositum absolutum est: fœdus condit onatum est. Propositum est infallibiliter efficax, & effectum reddit quicquid proposuit; at fœdus per hominis illud respuentis ingrati tudinem saepe violatur, & res fœdere promissa non evenit. Sacramenta sunt instituta, non ut sint sigilla propositi, vel præscientiæ Dei, sed ut mediante fœdere nos etiam ducant ad propositum. Neque plus signant sacramenta, quam verbo fœderis promissum est.* Haëtenus Forbesius.

IX. Et val-
de urgenti-
bus Dave-
nantio &
Wardo.

IX. At subtilissime omnium ista exsecutus est JOHANNES DAVENANTIUS, olim Anglicanæ Ecclesiæ nomine ad Synodum Dordracenam legatus, dein Episcopus Sarisburiensis; Theologus solido judicio, multa que eruditione præditus. Is in Epistola ad SAMUELEM WARDUM, suum quondam in ista legatione Collegam, postmodum in Academia Cantabrigiensi Professorem celeberrimum, contendit, infantibus omnibus rite baptizatis sanguinem Christi applicari ad remissionem peccati originalis: unde consequenter docet, omnes tales infantes non solum quodam modo adoptari & justificari, sed & regenerari atque sanctificari. Eam tamen justificationem, regenerationem, adoptionem, quam concedit competere infantibus baptizatis, non esse univoce eandem cum illa justificatione, regeneratione, adoptione, quam, in quæstione de perseverantia sanctorum, nunquam amitti defendimus: attamen ad id esse validam, ut conferat ipsis statum salutis, PRO RATIONE PARVULORUM; adeo ut parvuli ante usum rationis morientes, per istam suam justificationem, regenerationem & sanctificationem, revera æternum serventur. Sed quod parvulis ad salutem sufficit, non credit sufficere adultis. Adeoque illos qui in adultiore ætate pereunt, non impleto Baptismi voto, non amittere statum salutiferum, quem habuerunt pro conditione infantulorum, sed amittere statum infantilem, quo mutato cessat esse sufficiens ad salutem adulti, quod ex ordinatione Divina sufficiens erat ad salutem parvuli. Vide LE BLANC, Disp. de Uſu & Efficacia Sacramentorum T. N. Sect. XXXVII. & seq.

Confer

Confer VOETIUM. Disput. Select. part. II. pag. 409. Eodem fere recidit sententia D. DU BRAIS, Professoris Salmurienſis, quam oppugnata a DU BOSCO, vindicatam a ſe, videre eſt in Epiſtolis DU BOSCO, Epiſtolis duabus poſtremis.

X. Quis neget, hæc ſubtiliter & docte a Viris eruditiffimis ita X. *Non* disputari? Mihi tamen, ſi quod res eſt dicere liceat, non videntur ſatis ſolida: & dum in eo toti ſunt Viri æquiſſimi, ut difficultates quas *videtur agnoſcenda communis gratias* dam e medio tollant, in alias ſe induunt quæ prioribus non multo ſunt *que infan- tibus ad ſalutem ſufficiat: ſed ad ſalutem non certo ducat.* leviores. Primo enim, quo Scripturæ dicto probabunt, ſanguinem Chriſti homini alicui ad remiſſionem peccati originalis, imo ad juſtificationem quandam, regenerationem & adoptionem, applicari, tali applicatione quæ pro certo ſtatu ad ſalutem ſufficiat; qui tamen homo non Chriſto a Patre æterna deſtinatione datus, ut Chriſtus perſonam illius in munere mediatorio ſuſtineret, pro eo ſatisfaceret, & ſalutem mereretur? Applicatio ſanguinis Chriſti, imo & ejusdem fuſio, omniaque beneficia inde redundantia, non niſi ſecundum Divinam voluntatem ordinantur. Hæc autem eſt voluntas Patris, ut quos dedit Chriſto eorum Chriſtus ſuſtineat perſonam, non aliorum; pro iis ſanguinem ſuum fundat, non pro aliis; iis ſanguinem ſuum applicet, non aliis; eos denique non in eo ſolum ſtatu colloceſt, quo ſervari poſſint, ſed & reape ſervet, ac *det iis vitam æternam.* Joh. VI: 38, 39. Atque hac voluntate Dei & Chriſti ſanctificantur, quotquot ad ſalutem ſanctificantur. Hebr. x: 9, 10.

XI. Porro exponi mihi velim, quænam illa ſit peccati originalis remiſſio, quæ ſejuncta eſſe poteſt a remiſſione peccatorum actualium. *XI. Non remiſſio peccati originalis, a qua ſejuncta ſit aliorum peccatorum remiſſio.* Omnis vera peccati remiſſio in ſatisfactione Chriſti, pro iſto peccato, fundatur. Non ſatisfecit Chriſtus pro aliquo peccato quod non in ſe receperit. Non recepit in ſe peccata niſi electorum. Eorum enim perſonam duntaxat geſſit. Et quorum unum debitum in ſe recipiendo ſuum fecit, eorum debita recepit omnia. Non enim aliquorum perſonam ex parte geſſit, ex parte non geſſit: pro aliquo uno debito ſponſor aut expromiſſor factus, pro aliis non factus. Unde hæc duo conſequuntur; primo peccati originalis remiſſionem ſanguine Chriſti nemini niſi electo impetratam eſſe: deinde cui impetrata eſt remiſſio peccati originalis, eidem & cæterorum peccatorum remiſſionem impetratam eſſe. Utrumque autem doctiſſimorum Virorum hypotheſi adverſatur. Et qualis tandem eſt hæc peccati originalis in Baptiſmo remiſſio? An conditionata, ut *Auguſtinus*; an abſoluta, ut *Proſper* volebat? Si illud, qui ſit, ut ſatisfactio Chriſti pro iſto peccato, quæ utique abſoluta, omni-

omnibusque suis numeris perfecta est, non nisi conditionatam, id est, valde imperfectam, remissionem meruerit? Si istud: itane Christus, aliquorum hominum debita partitur; ut unum eorum ipse suo sanguine expungat, cætera omnia iis luenda relinquat? Hæc ex Scripturis non didicimus.

XII. *Neque veri nominis regenerationis ratio, quæ terminari queat morte æterna.*

XII. Sed & hoc attendendum est: quod omnis veri nominis regeneratio sita sit in infusione vitæ spiritualis, saltem quoad ejus initium, & actum, ut vocant, primum. Vita spiritualis nemini in peccatis mortuo infunditur, nisi ex merito mortis Christi. Vita quam Christus morte sua meruit immortalis est: respondet enim isti vitæ, quam consecutus fuisset Adamus, si integritati suæ addidisset constantiam. Et fuit ex Spiritu vitæ Christi suscitatus ex mortuis: qui uti ipse semel mortuus iterum mori non potest; ita nec secunda mors in eum dominabitur, qui per Spiritum vitæ Christi suscitatus est ex prima. Idcirco non agnoscimus regenerationem aliquam per sanguinem Christi, quæ sufficere alicui queat ad vitam æternam, sed & eadem queat æterna morte terminari. Quicumque renascitur ex Spiritu, eo ipso intrat in regnum cælorum; & statum gratiæ primum, tum & gloriæ. Aliam regenerationem sacræ literæ nesciunt.

XIII. *Promissiones fœderis gratiæ proprie ad electos pertinent, neque omnes conditionata sunt.*

XIII. Fatendum equidem est quod *Forbesius* monet, Baptismum, ut & cætera sacramenta, sigilla esse non tam arcani Divini propositi, quam revelati fœderis gratiæ. Sed & illud observandum, fœdus gratiæ non esse nisi executionem æterni consilii Dei; & justitiam fidei, cuius sigilla sacramenta sunt, & quæ fœdere promittitur, non esse nisi electorum. Neque hoc prætereundum, quod cum maxime ad hanc rem facit; promissiones fœderis gratiæ, si in suo complexu omnes simul sumantur, non conditionatas, sed absolutas esse. Nam quod, uti conditio ad ultimi finis summique boni fruitionem prærequisita considerari potest, id ipsum se hoc fœdere daturum pollicetur Deus. Jer. xxxi: 31, 32, 33. & xxxii: 39, 40. Ratio est, quia promissa istius fœderis fundantur in satisfactione & meritis Christi; qui non vitam modo æternam suis meritis est, sed & omnia ista sine quibus ea vita obtineri nequit.

XIV. *Idcirco de Baptismi efficacia in infantibus electis præcipue quaestio est.*

XIV. Ex quibus omnibus conficitur, Baptismo non significari atque obliuari, multo minus conferri, omnibus fœderatorum infantibus communem aliquam justificationem, regenerationem & sanctificationem; quæ ipsos ante rationis usum in statu salutis colloquet, non sufficiat ad salutem postquam adoleverint: aut remissionem peccati originalis, sive revocabilem, sive irrevocabilem. Sed omnem efficaciam Baptismi, quæ statum salutis, etiam pro ratione istius ætatis, importet, solis electis

electis infantibus esse propriam. Unde Orthodoxis, de efficacia Baptismi disputantibus, si non unice, certe præcipue, inquirendum est, quid ille electis infantibus conferat, quibus, secundum judicii Divini exactitudinem, solis ad eum jusest.

XV. At qua tandem in re efficacia illa consistit? Ab eo incipiamus quod simplicissimum est. Quum Baptismus, fatentibus Orthodoxis omnibus, signum & sigillum gratiosi fœderis sit, signi autem & sigilli usus sit significare & obsignare, consequens est ut per Baptismum bona fœderis significantur & obsignentur infantibus electis tanquam ad ipsos pertinentia. Atque hoc quidem generatim sic dictum adeo est perspicuum, nulla ut ampliore declaratione & confirmatione indigere videatur.

XV. *Quo indubie in significatione & obsignatione bonorum fœderis consistit.*

XVI. Tria tamen huic insunt assertioni, specialius enucleanda. XVI. *Circa quam rem tria enucleanda restant.*
I. Quænam illa gratiosi fœderis BONA sint, quibus obsignandis Baptismus singulariter inserviat. II. Quænam ea ad Baptismum ORDINEM habeant. III. Quæ denique illius OBSIGNATIONIS RATIO, & quanta EFFICACIA sit.

XVII. BONA quæ Baptismo obsignantur præcipue hæc sunt. Primo. Generatim, COMMUNIO CUM CHRISTO, & corpore ipsius mystico, & consequenter jus ad participationem omnium bonorum ejus. Hoc intuitu dicimur *in Christum baptizati*, Rom. VI: 3. Gal. III: 27. & *per unum Spiritum in unum corpus baptizati*, I. Cor. XII: 13. & *per Baptismum servati*. Tit. III: 5. Communio ista cum Christo ad minimum importat, ut baptizatus infans credatur Christo a Patre datus, a Christo redemptus, per Christum hætenus saltem Deo reconciliatus, ut peccatum ei suum nunquam ad pœnam imputandum sit. Quamvis enim natura sit filius iræ, destinatione tamen est filius gratiæ. Sed & amplius aliquid subesse puto. Ea quæ memoravimus omnia electis omnibus conveniunt: iis etiam qui extra communionem fœderis nascuntur. Cogitandum itaque est de actuali unionem infantium cum Christo per Spiritum gratiæ, operantem quidem modo occulto, nobisque inexplicabili, efficientem tamen ut revera membra sint corporis ipsius mystici, & jus habeant ad omnia beneficia capitis, ordine & statuto tempore in ipsos conferenda.

XVII. *Bona fœderis Baptismo obsignata, sunt.*
1. *Communio cum Christo.*

XVIII. Alterum bonum est PECCATI ABLUTIO. Act. XXI: 16. Sordes autem peccatorum considerari possunt, vel respectu reatus, qui maculæ est annexus; atque ita auferuntur per remissionem, quæ justificatio dicitur: vel respectu ipsius maculæ, sive deformitatis spiritualis, & disformitatis imagini Dei; atque ita tolluntur.

XVIII. 2. *Peccati ablutio.*

luntur per gratiam Spiritus sanctificantis. Utrumque obfignatur Baptismo. De Priori Petrus concionatur Act. 11: 38. De posteriori Paulus scribit Eph. v: 26, 27. Utrumque junctim proponitur 1. Cor. vi: 11. *Sed ABLUTI estis, sed SANCTIFICATI estis, sed JUSTIFICATI estis in nomine Domini Jesu, & per Spiritum Dei nostri.*

XIX. *Re-
generatio.*

XIX. Ablutio itaque peccati etiam peccati mortificationem complectitur, ne vivat amplius & regnet. Rom. vi: 6. Mortificatio peccati est vivificatio & REGENERATIO animæ peccatricis, quæ non nisi notione aliqua & respectu a mortificatione peccati distinguitur. Atque istam quoque Baptismo obfignari, ex eo constat, quod Baptismus vocetur *lavacrum regenerationis, & renovationis Spiritus Sancti*. Tit. 111: 5. Regenerationis nomine intelligitur, infusio vitæ spiritualis, quæ nascitur ex supra a nobis laudata communione Christi mortui, & ex morte suscitati. Ea autem vita considerari potest, vel quoad primum sui initium, quando adhuc in mera consistit facultate, sive intrinseca animæ constitutione, qua apta nata est, positis ponendis, actiones exferere quæ Deo in Christo gratæ sunt; vel quoad sui progressum, quum vitalibus actionibus Deo se & hominibus probat. Qua de re alibi a nobis prolixè actum est.

XX. *4. E-
mersio ex
omnibus
huius vitæ
calamita-
tibus, & re-
surrectio
ex morte.*

XX. Porro significatur & obfignatur Baptismo felix emersio ex omnibus hujus vitæ calamitatibus, beataque omnium hujus seculi difficultatum superatio; atque adeo ipsa RESURRECTIO gloriosa ad vitam æternam, ad exemplum Christi Domini. Conf. 1. Pet. 111: 20, 21. Rom. vi: 3-9. Omnia hæc, & si quæ iis sunt annexa, significantur & obfignantur baptizatis infantibus, & quidem cum ea bonorum & graduum excellentia quæ Novo Testamento propria est. Et hæc Orthodoxi consentiunt.

XXI. *Ho-
rum ad
Baptis-
mum hic
videtur esse
ordo, ut
communio
cum Chri-
sto Baptis-
mum an-
tecedat.*

XXI. At quem ORDINEM omnia ad Baptismum habent? Palam est ea quæ de superandis hujus vitæ calamitatibus beataque resurrectione dicta sunt, significari & obfignari in futurum. Communio cum Christo & corpore ipsius mystico in electis infantibus Baptismum antecedere videtur; saltem iudicio charitatis. Pædobaptismo enim uti fundamentum substruitur. Hoc quippe argumento passim pugnatur ab Orthodoxis: ad quos pertinet fœdus gratiæ, & communio Christi, atque Ecclesiæ, & quorum est regnum cœlorum, eos oportet baptizari. Atqui hæc omnia infantibus electis, & fœderatis competunt. Operæ pretium est iterum BODIUM audire, graviter de hac re disertantem. Ad Eph. pag. 756. 757. Is Romanæ Ecclesiæ Doctores in gravissimo errore versari autumat, quum statuunt baptizandos, priusquam hoc signa-

culo obſignentur, Chriſti membra non eſſe, ad ejus corpus & communionem non pertinere, ſed tum demum e poteſtate Diaboli liberari, inque Chriſti familiam tranſire; quod & ipſi ſuo exorcismo ſatis teſtantur, dum infantes fidelium baptizandos, tanquam arreptitios & a diabolo obſeſſos, & infeſſos exorcizant. *Qua ſententia*, inquit, *ſi vera eſſet*, ſequeretur primo, Chriſtianorum liberos, haut minus ac Turcarum, Judaeorum & Ethnicorum, a Baptismo arcendos eſſe, donec ſuam ipſi fidem poſſent per aetatem proſiteri: nulla enim ratio eſt cur iis ſigillum ſæderis imprimatur, quibus cum ſædere ipſo nihil eſt negotii. Deinde vanam & irritam eſſe ſæderis ipſius formulam, qua Deus ſe non noſtrum tantum, ſed & ſemini noſtri Deum fore proſitetur. Atqui hi ſemen fidelium ſic a ſædere Dei excludunt, ut illud idem tamen ad ſæderis ſignaculum admittant, atque ita perverſiſſime ſibi contradicunt. Haecenus Bodius. Sane ſi fidelium liberi ante ſuum Baptiſmum non debeant conſiderari uti communionem cum Chriſto & Eccleſia habentes, neceſſum eſt eos conſiderari uti qui tantisper ſub ira Dei, ſub poteſtate diaboli, & in ſtatu condemnationis ſunt; certe quoad præſentem ſuum ſtatum, non differant ab aliorum quorumcunque liberis, qui a Dei ſædere ſunt alieniſſimi. Quum enim nullus ſtatus detur intermedius; qui Chriſti nondum eſt; eum tantisper Satanæ eſſe oportet. Neque ullum hæcenus diſcrimen facit infantium electio. Quæ quamdiu in ſola arcana Dei deſtinatione conſiſtit, nullam introducit realem ſtatus differentiam. Epheſii quos Divina ſua Epistoſta Paulus decoravit, electi quidem erant in Chriſto Jeſu ante jacta mundi fundamenta; antequam tamen per Evangelii præconium efficaciter vocabantur, haut ſecus ac cæteri cives ſui, quorum nomina libro vitæ inſcripta nunquam fuerunt, illo tempore abſque Chriſto erant, abalienati a civili ſtatu Iſraelis, extranei quod ad pactorum promiſſiones attingit, ſpem non habentes, & abſque Deo in mundo. In quam conditionem ut electos fidelium infantes ante ſuum Baptiſmum redigam, ab animo ſane meo impetrare non poſſum.

XXII. Si autem ante Baptiſmum ſuum communionem cum Chriſto habeant, uti habere probatum eſt; idem ſtatuendum videtur de remiſſione peccati originalis: quippe quæ ex participatione ſæderis gratiæ, & communionem Chriſti proxime fluat. Quod pulcherrima ratiocinatione exſecutus eſt MOSES AMYRALDUS, Diſp. de Pædobaptiſm. §. XVIII. *Quandoquidem*, inquit, *demonſtravimus Dei ſædus ad liberos fidelium pertinere; cujus rei participes eſſe poterunt, qua ex eo manat, ſi omnino non ſunt idonei quibus peccatum originale remittatur? Deinde, dono oblato non privatur, niſi qui illud reſpuit. Reſpondere autem infans*

XXII. Ut
& remiſſio
peccati
originalis.

donum remissionis dici nequit. Repudiatio enim fit per aliquem mentis actum, qui in infantibus nullus est. Atque id ipsum hic usu venit, quod in reliquis actionibus. Nam si quod agens appellatur ad id quod pati aptum natum est, nihilque sit in patiente quod agentis efficacitatem resistentia sua repellat, omnino consequens est ut in patiente recipiatur. Sed & illud mihi se- qui videtur: si infans secundum gratiosam declarationem Divinæ bene- volentiae fœderatus Christoque unitus sit, virtute nativitatis suæ ex pa- rentibus fœderatis, etiam antequam Baptismi aqua tingatur; nihilque impediatur quo minus Deus remissionem peccati originalis, proxime ex isto fœdere fluentem, offerat; vero consentaneum est, non expectare Deum in ea oblatione Baptismi cerimoniam. Præsertim quum ritus iste oblationi jam factæ obsignandæ perquam idoneus sit. *Non est ergo Baptismus aqua absolute necessarius infanti ad reconciliationem & receptionem in gratiam; QUUM RECONCILIATIO BAPTISMUM ANTECESSERIT.* MO- LINÆUS Disput. de Nec. Baptif. part. I. §. xxxiv.

XXIII. De ordine re- generationis, qua- druplex est Theologo- rum sen- tentia,

XXIII. At de ordine regenerationis major est difficultas. Quadru- plicem hic invenio Theologorum sententiam. Nonnulli regeneratio- nem diversis temporum articulis dispensari putant, aliquando ante, ali- quando in, aliquando post Baptismum. Alii Baptismo præstruunt. Alii in futuram regenerationem infantes baptizari docent, quod in præsen- ti illius non sint capaces. Multi denique in ipso Baptismi actu & mo- mento infantibus regenerationem ordinarie a Deo conferri pugnant. Singulorum rationes videamus, atque æqua lance trutinemus.

XXIV. Modestia litare vi- dentur, qui nullum certum ei determi- nant tem- poris arti- culum,

XXIV. Non alligari Deum in salutaris gratiæ suæ dispensatione ullis temporum articulis, omnes fatebuntur, quotquot supremum ejus in omnes & omnia dominium, qua par est reverentia, venerantur. Id solum quæritur, quid ipse de hac re pro summa libertate sua se sta- tuisse, vel verbo suo revelaverit, vel experientia manifestum faciat. Non una semper Deum semita procedere, tam infantium, quam adul- torum respectu, HIERONYMUS ZANCHIUS opinatur. In Com. ad Eph. v. Digress. de Baptismo. cap. III. §. xxxi. *Tam infantium quam adulte- rum, alii ante Baptismum donantur spiritu fidei, eoque & Christo inserun- tur, ac remissionem peccatorum consequuntur, & regenerantur: alii non ita, sed in Baptismo iis bonis donantur.* Consentit AMESIUS, in Bellarmi- no enervato. Tom. III. Disput. xiv. Quæst. III. *Deum tamen quibus- dam, dum baptizantur, habitum vel principium gratiæ infundere, non negamus. Verum potest Deus, vel ante, vel post Baptismum, ean- dem gratiam communicare.* Eodemque fere modo FRIDERICUS SPANHEMIUS Pater, Dub. Evang. Part. III. Dub. xxvii.

S. VI. *Servit Baptismus regenerationi, vel antecedenti in adultis, vel subsequenti in infantibus; & vim suam exserit, quandoque in presenti, quandoque in futuro, pro diversa Dei dispensatione.* Profecto modestiæ litare videntur, qui nullis actionum Divinarum libertatem limitibus circumscribunt, quos clarum non est ipsum sibi fixisse.

XXV. Quibus regeneratio infantum, Baptismum antecedere videtur, ii hoc fere modo instituunt. Per regenerationem eam Dei gratiam intelligunt, qua primo-primum vitæ spiritualis principium homini cæteroquin spirititaliter mortuo infunditur. Principium illud vitæ concipiunt ad modum facultatis alicujus, quam non necesse est semper actuosam esse, nisi subjectum constituatur in terminis habilibus. Sicuti in homine recens nato principium vitæ rationalis est, sine quo ne homo quidem esset; & sicuti, post protoplastorum lapsum, in homine qui ex corruptis parentibus nascitur, principium moralis corruptionis, & vitæ vitiosæ est; licet neutra facultas actibus se suis exserat, vel exferere possit, antequam ad eam ætatem pervenerit homo quæ rationis est capax: eodem ferme modo concipiunt principium vitæ spiritualis in infante, per quod in eo statu collocatur, ut, quum ratione sua utetur, accedente excitatione & induxu Divini Spiritus, aptus natus inveniatur eas edere actiones quæ Deo gratæ sunt. At non melius illud dixero quam verbis Celeberrimi SPANHEMII, modo a nobis laudati. U. S. §. XI I. *Principii vero & radicis fidei capaces esse infantes, liquet, tum ex principio ratiocinationis, cujus capaces pariter sunt, etsi non ratiocinationis; tum ex conditione infantum, qui ex Adamo prognati fuissent, siquidem is persistisset in integritate primæ: quibus quippe puritas originaria, & principium ac radix assentiendi omni Dei verbo, ab utero inhæisset, quæ se cum atate exseruisset; tum ex opposita radice peccati, quæ in infantibus latet.* Rursus §. XI I I. quum objecisset sibi ἀκατάλητον esse, qui gratia sanctificans reperiri possit in infante; respondet: *non magis hoc ἀκατάλητον, quam qui vel puritas originaria esse potuisset in infantibus ex Adamo integro prognatis, si ille persistisset in sua integritate; vel qui peccatum, non tantum quoad reatum, sed & quoad corruptionem inhaerentem, esse possit in infantibus ex Adamo corrupto prognatis; vel qui principium rationis aut risibilitatis lateat in infante, &c.* At maxime illustrari hæc res potest exemplo Christi, qui, quum in rebus omnibus fratribus suis similis factus sit, excepto peccato, ætate sua infantili actualis ratiocinationis non magis capax fuit, quam quivis alius infans. Præpeditio enim facultatis ratiocinatricis, quo minus actiones sibi consentaneas edat, in infante non ex vitio morali est, sed proficiscitur ex naturali constitutione organorum corporis.

poris, & lege unionis qua anima corpori jungitur; quæ tota est ex Deo. Cui naturæ legi, ut & cæteris id genus omnibus, Christum quoque hominem subesse oportuit. Anima tamen Christi, ipsaque corporis temperatura & conformatio, quatenus animæ inserviunt, a primo ortu sanctificata fuerunt: ut, quemadmodum facultatem ratiocinandi habebat, qua homo; ita etiam facultatem sancte ratiocinandi haberet, qua sanctus homo.

XXVI. Estque in hac observatione non illustratio solum rei de qua agitur; sed & argumentum quo illius adstruitur veritas. Quod egregie urfit CALVINUS Inst. lib. IV. cap. XVI. §. XVII. *Et sane ideo a prima infantia sanctificatus fuit Christus, ut ex ætate qualibet sine discrimine electos suos in se sanctificaret. Nam quemadmodum ad delendam inobedientiæ culpam, quæ in carne nostra perpetrata fuerat, eam ipsam carnem sibi induit, in qua perfectam causam viceque nostra obedientiam præstaret: ita ex Spiritu Sancto conceptus fuit, ut ejus sanctitate in assumpta carne ad plenum perfusus, ipsam ad nos perfunderet. Si absolutissimum in Christo habemus gratiarum omnium exemplar quibus filios suos Deus persequitur, hac quoque parte scilicet documento nobis erit, infantie ætatem non usque adeo a sanctificatione abhorrere. Utcunque, hoc tamen extra controversiam ponimus, neminem electorum ex præsentī vita evocari, qui non prius sanctificetur ac regeneretur Dei Spiritu.* Hæc Calvinus.

XXVII. Unde infantibus quoque regenerationem absolute necessariam idem Calvinus hac ratione arguit. §. XVII. *Porro infantes qui servandi sint (ut certe ex ea ætate omnino aliqui servantur) ante a Domino regenerari minime obscurum est. Nam si ingenitam sibi corruptionem ex matris utero secum afferunt; ea repurgatos esse oportet, antequam in regnum Dei admittantur: quo nihil ingreditur pollutum aut inquinatum. Si peccatores nascuntur, quomodo & David & Paulus affirmant; aut Deo ingrati in visique manent, aut justificentur necesse est. Et quid ultra quarimus? Quum palam ipse iudex affirmet, nullis patere in vitam celestem ingressum nisi renatis.* Tria itaque ista probata sunt: & infantes regenerationis primæ esse capaces; & electis infantibus eam a Deo concedi; & denique eam iidem, si servandi sint, omnino esse necessariam. Tamque perspicuæ hæc omnia veritatis sunt, ut a nemine Orthodoxo in controversiam vocanda esse existimem. Hoc unum nunc restat, an regeneratio ista electis infantibus contingat ante Baptismum.

XXVIII. Deum, qui in dispensanda salutis nostræ ratione pro summa sua libertate agit ut supremo ipsius in omnia dominio consentaneum est, eam sibi ipsi fixisse legem, ut regenerationis gratiam

tiam nemini præstaret nisi post adhibitam Baptismi cerimoniam, nullo adhuc sacrarum literarum testimonio probatum vidi. *Si quis dicat, quod nunquam Dei misericordia, pro libitu, signum in confederatis præveniat, nec quod simpliciter ad salutem necessarium est interius donet; profert hæresin, cui Scriptura nullatenus patrociniatur:* ait ANDREAS RIVETUS Cathol. Orthod. Tract. III. Quæst. III. §. II. Quavis Pontificii cum nostris litigent, an infantes sancti sint ante Baptismum; nihil tamen id obstitit quo minus *Episcopus Bitontinus* publice Romæ prædicaverit, *privilegio quodam Divina gratia per Christum posse sanctificationem consequi etiam in utero infantes, sicut fuit de Jeremia, de Johanne Baptista, & Virgine.* Paucisque interjectis concludit: *Constat, Divinam Christi gratiam sacramentis alligatam non esse.* CORNELIUS MUSSUS, commentario ad Rom. cap. v. Plenius eandem sententiam in Concilio Constantiensi tuitus est GERSON, in Concione ibi habita de Nativitate Virginis. *Constat, inquit, Deum misericordiam salvationis suæ non ita legibus communibus traditionis Christianæ, non ita sacramentis alligasse, quin, absque præiudicio legis ejusdem, possit pueros, nondum natos extra uterum, INTUS SANCTIFICARE GRATIÆ SUÆ BAPTISMO, vel virtute Spiritus Sancti.* *Debent igitur mulieres prægnantes, similiter & viri sui, per se & alios, diligentius preces fundere Deo, (addit pro superstitione istius ævi) & ad sanctos Angelos, custodes hominum, quatenus infans nondum natus, si forte moriturus est, priusquam ad Baptismi fluminis gratiam pervenire valeat, dignetur ipsum Dominus Jesus, summus Pontifex, Baptismo Spiritus Sancti præveniando, misericorditer consecrare.*

XXIX. Pergo: non solum liberum est Deo, regenerationis gratiam conferre electis infantibus ante Baptismi usum, sed & credibile, quod ordinarie ita faciat. Id ex ante dictis hoc modo inferitur. Quum Deus jam ab ipsa nativitate electos infantes receperit in communionem sui fœderis, univerit Christo, reconciliaverit secum, condonato peccati originalis reatu; ratio dici nequit, cur non eosdem eodem tempore regeneret, nisi naturali dispositione subjectum regenerationis incapax sit. Atqui infantes non esse regenerationis incapaces, modo a nobis est evictum. Porro, non putem ullo probari posse exemplo, aut testimonio, quod peccati alicujus reatus per remissionem tollatur, quin eodem simul tempore ejusdem peccati dominium infringatur: ut, dum amittit potestatem damnandi, simul amittat potestatem dominandi. Dum peccati dominatio imminuitur, mortificatur peccatum. Dum peccatum mortificatur, vivificatur anima. Vivificatio animæ ipsissima regeneratio est. Adde quod anima non uniatur Christo nisi per Spiritum

tionis gratia donare non baptizatos.

XXIX. Nec improbabile est, quod ordinarie ita faciat, circa eos qui in infamia moriuntur.

tum Christi. Spiritus Christi est spiritus vitæ. Rom. VIII: 2. Christus ipse vita nostra. Col. I: 4. Qui ergo fieri potest, ut anima a Deo electa, a Christo dilecta, a reatu peccati originalis absoluta, & vitæ fonti, per Spiritum vitæ, unita; a Christo & Spiritu ipsius, virtute istius unionis, non mox ad spiritualem vitam vivificetur? Ex quibus omnibus invicta conficitur sequela, quod qui infantes concipiuntur ante susceptum aquæ Baptismum participes fœderis gratiæ, uniti Christo, reconciliati Deo, absoluti a peccato originali, idem etiam eodem tempore concipi debeant, ut renati & vivificati per Christi Spiritum. Neque ulla mihi in contrarium occurrit ratio; quod ad eos saltem qui ante rationis usum ex hac vita exeunt.

XXX.

*Nam eorum qui
adol. scunt,
diversa vi-
detur esse
ratio. l*

XXX. Nam diversa aliquantulum eorum videtur esse conditio, quorum protractior vita ad rationis ipsos usum deducit. Quid enim ipsis a vitæ primordio præstitum sit, experimento agnoscitur quum adoleverunt. Insitum est pueris grandiusculis ætatis flexu respuere documenta pietatis, sive sint, sive non sint baptizati: neque electorum a non electis hic discernitur distinctio, nisi peculiaris Dei gratia accedat. Imo ut sunt diversæ indoles, & varia temperamenta, aliquando accidit, ut pueri ex fœderatis parentibus orti, & pro electis habiti, eoque nomine baptizati, intractabiliore & nequiores aliis comperiantur; qui tamen deinceps ad meliorem redeunt frugem, vocationem & electionem suam firmam faciunt. Quid de iis statuamus? Alterutrum necesse est, vel in infantia fuisse regenitos; sed semen illud sub glebis per multos annos delituisse, & juveniliū cupiditatum spinis ac tribulis tantum non suffocatum fuisse, donec accedente majori gratia, superatis tandem difficultatibus, fortius ac felicius prorumpat & germinet: vel Deum, qui nulli alligatus est tempori, novæ vitæ gratiam electis impartiri, quandocunque libuerit: eosque, licet ex charitatis iudicio rite baptizatos, aliquam multis sæpe annis relinquere in statu dominantis corruptionis, donec Spiritus sui gratia renoventur. Atque in hanc quidem sententiam inclinat MOLINÆUS Disput. de Baptism. part. III. §. XI. Ubi considerata diversa puerorum indole, diversisque moribus; ita tandem concludit: *Quapropter hanc occultam efficaciam Deo dispensatori relinquimus; cujus gratia non est alligata aquæ elemento. Quod & prudenter a venerabili BEZA animadversum est. Ad Acta Collat. Mompelgardensis. pag. 106. Ad infantes quidem quod attinet in Ecclesia natos, ac Divinitus electos, (cujusmodi non temere dixi cunctos præsumi) & antequam usum intelligendi nati sint, morituros, facile existimari, Dei promissione fretus, nascendo inseri Christo. De cæteris vero quid aliter*

aliter statuere, nisi apertissima temeritate, possumus, quam eos tum demum regenerari, quum vera fide ex auditu donantur? Nisi in nonnullis Dominus extraordinariam illam vim afflatus suo exercuerit: hoc vero tempus quis hominum definiet?

XXXI. Alteram sententiam tuetur GIBERTUS VOETIUS, immortalis nominis Theologus, & Venerandus Academiæ nostræ Parens: cuius hæc existant verba in istam rem valde notabilia. Disput. Tom. II. pag. 410. *Septima sententia est Reformatarum Doctorum communiter, quæ tribuit regenerationem omnibus & singulis infantibus fœderatis, sed electis: sive illi in infantia baptizentur, aut non baptizentur; sive in infantia moriantur; sive ab ineunte ætate in fide educantur, & vitam fidei continuo vivant; sive ante obitum actuali conversione ad fidem & resipiscentiam denuo adducantur. Et in hac sententia hætenus acquiesco.* Deinceps pag. 412. postquam ex tractatu Anglico CORNELII BURGESS de Baptismali regeneratione electorum infantium, laudasset distinctionem regenerationis in initialem & actuaalem, ita pergit: *Opinio hujus auctoris mihi hætenus placet, quod statuit in infantibus electis & fœderatis locum habere Spiritus Sancti regenerationem initialem, per quam principium & semen actualis conversionis, seu renovationis suo tempore secutura, imprimitur. Quod autem regenerationem hanc postponit Baptismo, eique tanquam causæ sine qua non, aut instrumento morali ad quem sequitur, aliat, id ex Theologis Reformatis ab ipso citatis non probatur.* NOTA EST SENTENTIA EORUM DE EFFICACIA BAPTISMI, NON IN PRODUCENDA REGENERATIONE, SED IN JAM PRODUCTA OBSIGNANDA.

XXXII. Vix dubitari potest, quin thesista de regeneratione infantium ante Baptismum, saltem secundum judicium charitatis de singulis, sit recepta ECCLESIE BELGICÆ sententia. In cujus Liturgia Baptismali, hæc parentibus, infantes suos ad Baptismum offerentibus, proponitur interrogatio: *Quamvis liberi nostri in peccato concepti & nati sint, ideoque omni genera miseriæ, ipsique adeo condemnationi æterna obnoxii; AN NON AGNOScant IPSOS IN CHRISTO SANCTIFICATOS, ET OB EAM REM UT MEMBRA ECCLESIE IPSIUS BAPTIZANDOS ESSE?* Ad quam interrogationem ajens exigitur responsio. Et hæc pro eorum faciunt sententia, qui infantium electorum & fœderatorum primam regenerationem Baptismo præstruunt. In quibus me hætenus acquiescere profiteor.

XXXIII.

*Amyral-
dus infan-
tes, ut re-
generatio-
nis incapa-
ces, in fu-
turam san-
ctificatio-
nem bapti-
zari con-
tendit.*

XXXIII. Longe tamen aliter instituunt aliqui magnæ existima-
tionis Theologi, contententes, infantes baptizari in futuram sancti-
ficationem, quam an & quomodo a regeneratione distinguant, fa-
teor me non liquido percipere. Ex multis MOSEN AMYRALDUM
nunc audire lubet, qui, ut solet, causam hanc eloquenter & copio-
se agit. Disput. de Pædobaptismo, Sect. XXI, XXII. *In infantibus,*
inquit, *non est eadem post justificationem indulgentiam, Spiritus sanctifican-*
tis illico communicandi vel necessitas, vel possibilitas etiam. Primum
enim dubitare nemo potest, quin eis facultates eo statu sint, ut Spiritus
in illis operari non possit æque ac in adultis. Quod postquam osten-
disset, sic prosequitur: Denique adoptantur illi quidem in spem, & fu-
turæ sanctificationis, & hereditatis æternæ. Ac quemadmodum, si quis
homo sapiens puerulum in cunis vagientem adoptaret, differret eum ad bo-
nos mores & virtutem informare, donec disciplina capax esset: sic sa-
pientissimus Deus, quum infantes adoptat, differt vim Spiritus sancti-
ficantis tantisper in eis exserere, donec status facultatum ipsarum eam
operationem admittat. Quemadmodum igitur, ut justificationem conse-
querentur, nihil necesse fuit habere eos fidem ullam, seu habitualement,
seu actualem; sufficit ut ex iis nascerentur ad quos Dei fœdus pertinet: sic
postquam iustificati sunt, absolute necessarium non est ut sanctificationem
obtineant illico, neque habitualement, neque actualem itidem: sufficit quod
id quod Deus spondit, id suo tempore bona fide præstiturus est.

XXXIV.

*Tollitur
verborum
ambigui-
tas.*

XXXIV. Ad quæ mihi hoc breviter observare liceat: si per
sanctificationem habitualement intelligat vir longe Doctissimus eam
Dei gratiam qua habitus spiritualis intelligentiæ, fidei, spei, chari-
tatis, mentibus induntur; eorum nec nos capaces censemus infan-
tes. Sin habitualis sanctificatio idem ipsi sit quod nobis regenera-
tio, sive ea Dei gratia qua novæ ac spiritualis vitæ facultas datur;
ex iis quæ modo a nobis sunt disputata, perspicuum esse arbitror,
quod talis novæ vitæ facultas infantibus deneganda non sit. Nihil
enim illa habet quod ætati isti convenire nequeat.

XXXV.

*Proœmia
futura san-
ctificatio-
nis, quæ
in quibus-
dam infan-
tibus sunt,*

XXXV. At plus lucis dabunt sequentia: *Non negamus tamen, ait,*
& posse contingere, & reuera contingere nonnunquam, ut Deus in infanti-
bus efficaciam aliquam exserat, quæ est futura sanctificationis veluti
προοίμιον aliquod atque μελετή. Inserit enim eorum animis aliquam
ἐνέργειαν, & in iis virtutum igniculos accendit, qui postmodum adolescunt,
& evadunt in præstantes virtutes. Recte hæcenus. Hoc ipsum est quod
nos

nos volumus. At mox addit doctissimus auctor, quæ profecto non ad Spiritum sanctum volumus. Sic enim pergit: *At neque id fit perpetuo, NEQUE, si perpetuo fieret, PROPRIE AD SPIRITUS SANCTIFICANTIS, QUATENUS TALIS EST, OPERATIONEM REFERRI DEBERET.* Quid ni? inquam ego. *Is enim, sic porro disputat, non aliter sanctificat, nisi quod objecta quæ in cruce, & resurrectione Christi, & in cæteris religionis Christianæ partibus, sunt pro incitamentis ad Christianas virtutes capeffendas, quæque prædicatione Evangelii nobis offeruntur, & mentibus nostris imprimit, & evanescencia ex animo reminiscentiâ revocat, & luce sua ita collustrat denique, ut ex mente ad affectus descendant, atque in iis adversus vitium a natura insitum continenter decerent.* Operatio vero illa potius ad EMENDANDUM CORPORIS TEMPERAMENTUM pertinet; quod sane fit actione quæ magis ad naturam causarum physicarum accedit, quam earum quæ versantur in objectorum vel impressione, vel representatione morali.

XXXVI. In quo discursu nonnulla deprehendo quæ animo meo non admodum allubescunt. I. Non satis iustis limitibus dirimere videtur ea quæ a Deo, ut naturæ humanæ auctore, & per communem suam providentiam rectore, proficiuntur, ab iis quæ ipsi debentur ut dispensatori salutiferæ gratiæ. Etenim illud quod laudat futuræ sanctificationis πρόσμιον, illi virtutum igniculi, qui in præstantes postmodum virtutes evadunt, non pertinent ad eam εὐφροσύνην quæ a Deo ut creatore est; sed ad creaturam novam & nobiliorem, cujus auctor Deus in Christo est, ex proposito & fœdere gratiæ. Nam id quo animus ad perfectiorem sanctificationem disponitur, ex eodem Spiritu est, qui, quod inchoavit opus illud perficit in diem Domini. Non progressus solum, & continuatio sanctificationis, sed & primum ejus initium, prima μελετή, eidem Spiritui sanctificationis imputanda sunt. Opera naturæ non sunt dispositiones ad gratiam. II. Nec illud valde placet, quod eam quam vocat εὐφροσύνην in sola fere temperamenti corporis emendatione collocare videatur, quum ad animæ statum præcipue Divina illa efficacia pertineat. Sicuti enim originaria vitiositas in anima potissimum sedem sibi suam fixit; ita & quod ei superandæ destinatum est in animam præcipue vim suam exserere oportet. Quid, quæso, obstat quominus gratia in eandem infantilem animam efficaciter operetur ad spirituales vitam, in qua peccatum operatur ad spirituales mortem? Nonne absurdum est, idem subjectum quod mortis capax est, non esse capax vitæ: quum mors nihil aliud sit nisi vitæ privatio in subjecto habili? III. Perperæ hujus, uti quidem ego arbitror, ratiocinationis causa, ea viri

Doctissimi hypothesis est, quod sanctificatio hominis non aliter peragatur nisi objectorum impressione vel repræsentatione morali: & quod actio Dei sanctificantis non admodum accedat ad naturam causarum physicarum. Ego vero uti moralem illam repræsentationem objectorum, in sanctificatione hominis adulti, suum habere locum, & vim pro isthoc causarum genere maximam, lubens agnosco; nemini tamen ad sanctificationem profuturam esse contendo, nisi accesserit efficacior Spiritus operatio, quæ virtute, quam hyperphysicam dicere convenit, ipsas hominis facultates immutet, & ad apprehensionem ac receptionem istorum objectorum idoneas faciat. Quam vero vim ὑπερφυσικὴν Spiritus sanctificans, in & cum repræsentatione objectorum exserit in adultis, quid ni eandem sine repræsentatione objectorum exserere possit in infantibus? ita jam tum disponens animum, ut, ætate provectior, ad apprehendenda, quum proponuntur, objecta, idonea se facultate instructum esse probet. Quemadmodum per ἐνφύσιαν naturalem hominibus quibusdam ab ineunte ætate ingenium inest artium plurimarum eximie capax: ita ea ἐνφύσια quæ a Spiritu sanctificante est, animum electis conciliat ad res Divinas ac cœlestes egregie dispositum.

XXXVII.
Observatio
nes Amy-
raldi ad
Johannis
Baptista
exemplum.

XXXVII. Vidit Vir sagacissimus, objici posse sibi Johannis Baptistæ exemplum, de quo Angelus dixit: *Et Spiritu Sancto implebitur, etiam a ventre matris sue* Luc. 1: 15. Et profecto magna istius argumenti valentia est. Ostenditur enim, & capacem sanctitatis esse infantiam, & sanctitatem eam ex Spiritu sanctificante esse: quorum utrumque negandum sibi sumsit judiciosissimus Theologus. At audiamus quid respondeat. Quod autem, sic inquit, de Johanne Baptista Angelus prædixit, fore ut Spiritu Sancto impleteretur etiam a ventre matris sue, maximi viri interpretantur quasi dictum esset aliquo modo ὑπερβολικῶς; quia in ipsa prima pueritia, quum aliqui pæne adhuc vagiunt, debuit ille præ se ferre illustres quasdam & plane inusitatas notas gratiæ Dei erga se, quæ postmodum magis ac magis inclaruerunt. Verum etsi nulla esset in iis verbis hyperbole, referri tamen possent ad incomparabilem & plane heroicam ἐνφύσιαν illam de qua superius diximus, quæ quemadmodum aliunde esse non potuit quam a virtute ALIQUA Spiritus Sancti, sic magnopere differebat ab ea ejusdem Spiritus operatione, quæ, postquam Johannes adolevit, eum ad omne genus præstantissimarum virtutum, præstantissimarumque actionum, & impulit, & informavit. Quidquid autem illud fuit, rarum est, & in paucissimis præter Johannem usurpatur.

XXXVIII.
Calvini ar-
gumenta
in contra-
rium.

XXXVIII. Mirum est, quemadmodum his exceptionibus; tanquam sibi objectis, responderit CALVINUS, si modo ordinem in-
vertas Inft. Lib. IV. cap. XVI. §. XVII. Atque ut oblocutu-

auturos hoc genus compesceret, documentum præbuit in Johanne Baptista, quem in matris utero sanctificavit, quid in reliquis posset. Nec qualidum tergiversatione quidquam proficiunt, id semel duntaxat factum: unde non statim consequatur, Dominum ita solere passim cum infantibus agere. Neque enim nos eum in modum ratiocinamur. Tantum ostendere animus est, inique & maligne intra eas angustias limitari ab eis Dei virtutem, quibus ipsa includi se non sustinet. Tantundem habet ponderis & alterum suffugium: usitato Scripturæ more tantundem valere particulam AB UTERO, ac si diceretur, E PUERITIA. Sed videre perspicue licet, Angelum, quum id Zachariæ denunciaret, aliud voluisse: nempe nondum natum Spiritu Sancto repletum iri. Ne ergo legem Deo imponere tentemus, quin sanctificet quos visum fuerit quo modo hunc sanctificavit: quando nihil ejus virtuti decessit. Ita Calvinus in Institutionibus.

XXXIX. Non lubet tamen dissimulare (nam ingenue semper agendum esse arbitror; neque humana auctoritate pugnandum, sed rationibus solidis) eundem Calvinum in aliam mentem verba Angeli interpretari suis ad Lucam commentariis. Tantum sæpe interest utrum quis cum adversario contendat, an libero animo commentetur. Quod ego quidem sollicite cavendum esse existimo. Sic ergo Calvinus ibi: *His verbis nihil aliud notatur, quam indolem apparituram in Johanne, quæ spem ostendat futuræ magnitudinis.* AB UTERO tantundem valet atque A PRIMA INFANTIA. *Fatemur quidem Spiritus virtutem in Johanne, quum adhuc inclusus esset utero matris operatam esse, sed heic aliud voluit Angelus: quod Johannes, adhuc infans, quasi in theatrum proferendus esset cum rara gratia Dei commendatione.*

*Qui tamen
sibi non
ubique
constat.*

XL. At causam non video; cur Calvinum prioris suæ interpretationis pœniteret. Ad eam enim nos ducit Græci sermonis efficacia: *ἔτι ἐκ κοιλίας μητρὸς αὐτοῦ.* Quod valet ETIAM A VENTRE MATRIS SUÆ. Nam, Illustri GROTIUS observante, ἐκ κοιλίας positum est pro ἀπὸ κοιλίας, id est, ab eo tempore quo erit in utero, quomodo hic verterunt Syrus & Arabs. Ita Paulus Gal. 1: 15. ὁ ἀφορίσας με ἐκ κοιλίας μητρὸς μου, respiciens illud quod ad Jeremiam dictum erat a Deo Jer. 1: 5. πρὸ τῆς σε ἐξελθεῖν ἐκ μητρὸς ἡγίακά σε. Eodem sensu Act. 1: 1: 2. χωλὸς ἐκ κοιλίας μητρὸς. Id est, claudus natus & conceptus. Nec emphasi sua carere videtur particula ἔτι, ETIAM, hoc est, jam tum ab utero, quod significationem intendit. Sic hanc vocem usurpat Lucas cap. XIV: 26. ἔτι δὲ καὶ τὴν ἑαυτοῦ ψυχὴν. Et Paulus Heb. XI: 36. ἔτι δὲ δεσμῶν καὶ φυλακῆς. Quum itaque præclara quæque ac

*XL. Quam-
vis ratio-
nem non
habuerit
sententia
recedendi.*

prorsus eximia de Johanne voluerit Angelus, & Lucas verba adhibeat quæ multa significatione sortita sunt, & de cætero Johannes omnibus muliere natis major exstiterit; nostræ pietatis non est quæsitæ interpretationis subtilitate sacri sermonis vim elidere.

XLI. *Heroica Johannis indoles, non ab aliqua virtute Spiritus Sancti, sed ab illius plenitudine erat.*

XLI. Id unum addo, bene fecisse doctissimum Amyraldum, quod heroicam illam ac plane incomparabilem Johannis indolem non aliunde esse fateatur quam a *virtute aliqua Spiritus Sancti*. At non video, cur tam minute ipsi loqui libuerit. Lucas enim non ALIQUAM Spiritus Sancti virtutem, sed illius PLENITUDINEM prædicat. Neque Spiritum Sanctum hic sub communi Deitatis notione considerat, quatenus omnium bonarum qualitatum quæ in quibuscunque inveniuntur hominibus auctor est: sed secundum œconomiam illam quam habet in dispensatione donorum gratiæ. Hoc enim phrasi illa passim denotari perspicuum erit, si attendamus ad id quod exstat commate 41. & *repleta est Spiritu Sancto Elisabetha*. Iterumque 67. & *Zacharias pater ejus repletus est Spiritu Sancto*. Rursus cap. IV: 1. *Iesus autem plenus Spiritu revertit a Jordane*. Denique Act. II: 4. *Repleti sunt autem omnes Spiritu Sancto*. Ecquis dubitat, omnibus hisce locis, & quæ id genus plura sunt, Spiritus Sancti denominationem pertinere ad œconomiam gratiæ? Sed, inquit, hæc Spiritus Sancti virtus multum differebat ab ea ejusdem Spiritus operatione, quæ, postquam Johannes adlevit, eum ad omne genus præstantissimarum virtutum impulit. Differebat sane: sed non ita, quin utrobique esset Spiritus sanctificans, qui infanti sanctæ indolis inseverat primordia, at adultum ad præstantissimarum virtutum exercitium incitabat. Subductis itaque omnibus rationibus, causam non video, cur statuendum sit, infantes fidelium in futuram solum regenerationem baptizari, eo quod præsentis capaces non sint.

XLII. *Argumenta eorum, qui regenerationem, ipso Baptismo momenti, ordinariæ infanti- bus conferri pugnanti*

XLII. Restat nunc quartæ discussio sententiæ, quam Theologi numero multi, eruditione incluti, auctoritate gravissimi, animose tuentur; regenerationem ex Divinæ bonitatis constitutione infantibus electis ordinariæ concedi in ipsa Baptismi administratione. Cui assertioni probandæ illa Scripturæ obtendunt testimonia, quibus *Baptismo servamur, ablui, & a peccatis mundari* dicimur; & Baptismus ipse vocatur, *lavato, ordinariæ regenerationis ac renovationis Spiritus Sancti*. Addunt, hanc esse passivam Patrum omnium, totiusque Ecclesiæ Christianæ per cuncta seculæ fidem. Quam etiamnum Protestantium Ecclesiæ profiteantur, tam illæ quæ Augustinæ confessioni addictæ sunt, quam quæ Reformatæ solent nuncupari. Hoc aperte, inquit, testantur publicæ receptæque Liturgiæ. Nam in forma administrationis Baptismi, qua Reformati in

Gallia

Gallia utuntur, minister, antequam infantem baptizet, a Deo petit ut *infanti remittat peccatum originale, cujus universa Adami progenies rea est; utque eum Spiritu suo sanctificet: & quo possit hæc a Deo beneficia impetrare, Deus eum inserere velit in Christi corpus & communionem, ut ita factus ejus membrum, bonorum ipsius particeps esse queat.* Quæ oratio manifeste supponit, infanti baptizando nondum esse remissum peccatum originale, nec illum adhuc esse Christo insitum, & gratiæ Christi participem. Quibus similia exstant in Liturgia Ecclesiæ Anglicanæ. Unde magna confidentia infertur, *temere & absque idoneo fundamento asseri, infantes in Ecclesiâ nascentes, ante Baptismum, a Deo salutifera gratia ordinarie donari. Certe istud repugnat communi consensui Christianorum, non solum Ecclesiæ, quum Græcæ tum Latinæ, sed etiam eorum omnium qui inter Protestantes dicuntur Theologi Confessionis Augustanæ, ac præterea maxima Reformationum partis. Et profecto tam concordi, tam antiquæ, & universali Christianorum sententiæ, absque argumento aliquo convincente sese opponere, temerarium mihi prorsus videtur.* Verbis hæcenus loquor Doctissimi Theologi, LUDOVICI LE BLANC.

XLIII. Enimvero magna in isthac oratione causæ elucet fiducia. XLIII. At nos sedato animo omnia expendamus. Non deesse iis qui in alia eunt, idoneum opinionis suæ fundamentum, neque argumenta, quantum *Quod tam-
men Scri-
ptura testi-
monia, ab
ipsis lau-
data non
asserunt.* causæ hujus indoles patitur, convincentia, supra, nisi fallor, a nobis demonstratum est; eatenus saltem, ut atro sententiæ calculo temeritatis damnari non debeant Viri circumspiciissimi. Sed nec ista quæ prolata modo vidimus talia sunt, quibus responderi nequeat. Scripturæ dicta quod attinet, ea aliquanto diligentius mox excutienda erunt, ubi de modo quo Baptismus operatur disputandum veniet. Nunc generalis hæc observatio suffecerit; Paulum Petrumque iis scripsisse temporibus, quibus adultis potissimum Baptismus administrabatur, de m ex Judæis & Gentilibus per Evangelii præconium colligebatur primum Ecclesiæ. Unde consequitur, descriptiones Baptismi, quæ in eorum Epistolis occurrunt, ita comparatas esse, ut de adultorum Baptismo, principe certe loco, intelligendæ sint. De adultis autem constat, prærequiri regenerationem, poenitentiam, fidem, a qua peccatorum remissio ne ad momentum quidem separari potest. Quod si verum est, uti est verissimum, nulla præter hanc ratiocinatione indigemus, ad demonstrandum, quod neque Paulus, neq; Petrus, laudatis testimoniis docere voluerint, ablu-tionem peccatorum, & regenerationem ac renovationem Spiritus, ordinarie non nisi in ipso Baptismo conferri solere: quandoquidem ad eum de quo præcipue agebant Baptismum semper prærequirerantur.

XLIV.
Eorum ve-
ramens.

XLIV. Quid itaque, tam magnifice de Baptismo loquentes, Apostoli Christi volebant? Respondeat pro me COCCÆJUS. Ad Quæst. LXXI. Cateches. Palat. *Quando dicitur Baptismus lavacrum regenerationis, significatur, quod credentibus datur testimonium suæ regenerationis, ut in Christo sint, ac filii & hæreses Dei sint. Item, quando quis dicitur ablueri peccata Baptismum sumendo; significatur accipere testimonium ablutiois peccatorum, atque ita sumendo sigillum deponere conscientiam peccati, & publice profiteri gratiarum actionem ob peccata sibi remissa.*

XLV. Pa-
trum dicta
adulorum
Baptis-
mum præ-
cipue respi-
ciunt; ad
quem rege-
neratio
prærequi-
ritur.

Molin. de
Necess.
Bapt. part.
1. §.
XXXVIII.

XLV. Sic itaque Scripturarum arce exculsi sententiæ hujus pro-
pugnatores, minus firmum in aliis præsidium invenient. Quod de
universalis Ecclesiæ consensu gloriantur, non ita prorsus est ut ipsi præ-
tendunt. Fateor Patres plerisque ita loqui, quasi regeneratio & justifica-
tio non nisi in Baptismi administratione darentur. Sed dubito an bene
attendant Viri Doctissimi, eosdem Patres hæc de adulorum Baptismo
ut plurimum prædicare, quorum regenerationem & justificationem ne
ipsi quidem Baptismi momento adstrinxerint; immo nec, si sapiant, Pa-
tres. Plena est historia vetus exemplis Catechumenorum, quorum fuit
excellens virtus & pietas: quæ sane nulla esse potest sine remissione pec-
catorum, & manu ductione Spiritus Sancti. Oppido notabilia sunt quæ
de Patris sui Baptismo narrat *Gregorius Nazianzenus* Oratione in illius
mortem. Ambrosius adhuc Catechumenus ad Episcopatum vocatus
est, quum jam increbuisse fama de ejus sanctitate vitæque disciplina.
Idemque de virtutibus fratris sui Satyri, nondum baptizati, multa
memorat. Constantini virtutes, & in Ecclesiam benefacta, uno ore præ-
dicantur a veteribus: qui tamen demum baptizatus est in ipso vitæ
mortisque confinio. Jam ergo receperant Spiritum Sanctum ante Bap-
tismum. Jam erant ipsis remissa peccata; ac proinde jam renati erant
secunda nativitate.

XLVI. Re-
generatio
quæ Baptis-
mo acqui-
ritur, sa-
cramenta-
lis est, di-
stincta a
reali, quæ
præsuppo-
nitur.

XLVI. Ut ergo Patres cum Scriptura, Experientia, & secum adeo
ipsis, in concordiam redigantur, gemina nobis distinguenda regenera-
tio & justificatio est: altera *realis*, altera *sacramentalis*. Realem voco,
quæ in ipsis electorum animis locum habet, & quæ ad spiritualem vitam
ac Divini favoris participationem renovantur. Sacramentalem, quæ
realis istius solemnisi declaratio, obsignatio & professio est, in usu sacra-
menti. Vide sis FORBESIIUM. lib. x. cap. VII. §. 8. Sine distinctione hac
intelligi, & secum conciliari Patres non possunt. Præxin fidemque Ec-
clesiæ primitivæ ex JUSTINO MARTYRE audiamus, tantæ antiquitatis
scriptore, ut videre potuerit Johannem Evangelistam, saltem claruerit
anno quadragesimo ab ejus excessu. Is præxin Ecclesiæ, quam dixi,
his

his narrat verbis in Apologia ad Antonium Cæsarem: Ὅσοι ἀν πει-
σθῶσι, καὶ πιστεύωσιν ἀληθῆ ταῦτα τὰ ὑφ' ἡμῶν διδασκόμενα, καὶ
λεγόμενα εἶναι, καὶ βίην ἔτως δύνασθαι ὑποσχυνται, ἔνχεσθαι τε
καὶ αἰτεῖν ηγεύοντες παρὰ τῆ θεῆ τῶν προσημαρτομένων ἀφ' ἑσιν δι-
δάσκονται, ἡμῶν συνευχομένων, καὶ συνηγευόντων αὐτοῖς. Ἐπειτα
ἀγονται ὑφ' ἡμῶν ἐνθα ὕδωρ ἐστὶ, καὶ τρόπον ἀναγεννήσεως, ὃν καὶ
ἡμεῖς αὐτοὶ ἀνεγεννήθημεν, ἀναγεννώμεθα. *Quicunque PERSUASI FUE-*
RINT, & CREDIDERINT vera esse quæ a nobis traduntur, & dicuntur ac
VIVERE SE ITA POSSE RECEPERINT, orare jejunantes, & petere a Deo
priorum peccatorum remissionem jubentur, nobis cum iis una & orantibus,
& jejunantibus. Deinde adducuntur a nobis ubi aqua est, atque, eo rege-
nerationis modo quo ipsi regenerati sumus, REGENERANTUR. Notate, ob-
secro, Viri eruditissimi, quid Baptismum antecedit, fides nimirum ex
vera animi persuasione orta, vitæ, quæ Christo atque Evangelio digna sit,
conscientia & promissio, oratio denique religioso juncta jejunio. Nonne
hæc Spiritus regenerantis & sanctificantis certissima sunt indicia atque
effecta? Eos autem qui ita regenerati sunt ad Baptismum adductos docet,
ut regenerentur. Videlicet qui ante Baptismum regenerati erant realiter,
in Baptismo regenerantur sacramentaliter. Ecquis dubitat, quin Cate-
chumenorum multi vera vivaque in Christum fide prædicti fuerint;
quum nonnulli eorum alacriter pro Christo gravissimos subierint cru-
ciatus, & dirissimas oppetierint mortes? Idem tamen, non nisi bap-
tizati, in *fidelium* transcribebantur ordinem. Erat ergo fides Baptismum
antecedens, eosque revera justificans ac salvos faciens. Erat etiam fides
Baptismo acquisita, quæ fidelium ipsis conciliabat nomen. Et quænam
hæc, nisi sacramentalis professio fidei? Si ergo consentanea sibi loqui
Patres credamus, ea quæ de regeneratione & justificatione per Bap-
tismum docent, sacramentaliter intelligenda sunt; si aliter senserint, &
sibi contradicunt, & veritati.

XLVII. Pro exemplo sit AMBROSIIUS, qui alicubi sic scripsit: Li. XLVII.
bro de initiandis cap. IV. *Credit Catechumenus, sed nisi baptizatus fue-*
rit in nomine Patris, & Filii, & Spiritus Sancti, remissionem non potest
accipere peccatorum, nec spiritualis gratia munus haurire. At oratione fu-
næbri in obitum Valentiniani Junioris Augusti, qui nondum suscepto
Baptismo decesserat, sic declamat: *Quem in Evangelio eram generaturus,*
amisi: sed ille non amisit gratiam quam poposcit. — Vita jam fruitur
eterna. — QUI HABUIT SPIRITUM TUUM, Sancte Pater, quomodo
non accepit gratiam tuam? Quæ, nisi nostra hac distinctione conci-
liantur, conciliari fortasse non possunt. Nobis illa pars doctrinæ

Patrum placet, qua docent posse quem habere gratiam, & Spiritum Dei, & vitam æternam, consequenter regeneratum esse revera, qui non sit regeneratus Baptismo. De cætero ipsi viderint.

XLVIII.
Nam &
Patrum
monuilli
Bapti-
smum re-
generatio-
nis typum
ac symbolo-
lum dixe-
runt.

XLVIII. At nec defuerunt in Patribus qui Baptismum regenerationis Symbolum Typumque dixerunt. CHRYSOSTOMUS in Caten. in cap. III. Joh. Ἐπεὶ καὶ Θανάτῃ καὶ ἀναστάσεως σύμβολον λέγεται εἶναι τὸ βάπτισμα, διὸ καὶ ἀναγέννησις καλεῖται. Quandoquidem Baptisma mortis & resurrectionis SYMBOLUM esse dicitur, idcirco & REGENERATIO appellatur. BASILIUS MAGNUS de Spir. S. cap. xv. Ὁ τὴν ζωὴν ἡμῶν οἰκονομῶν κύριος, τὴν τῷ βαπτίσματος ἡμῶν ἔθετο διαθήκην, Θανάτῃ τύπον καὶ ζωῆς περιέχουσιν: τὴν μὲν τῷ Θανάτῃ εἰκόνα τῷ ὕδατος ἀναπληρῆντος, τὸν δὲ τῆς ζωῆς ἀρραβῶνα πληρῆντος τῷ πνεύματος. Qui nobis vitam dispensavit Dominus, Baptismatis pactum nobis statuit, mortis ac vitæ TYPUM habens; mortis quidem IMAGINEM implente aqua, Spiritu vero vitæ arram præbente. Recte sane: est ergo in Baptismo, veluti typo ac symbolo, sacramentalis repræsentatio regenerationis.

XLIX. Li-
turgie Gal-
lica mens
ex senten-
tia Molini.

XLIX. At nec LITURGIE Ecclesiarum Reformatarum id dicunt, quod pugnant Viri eruditissimi. Non certe ita intellexerunt eas qui in GALLIA pro consummatissimis Theologis sunt habiti. Instar omnium PETRUS MOLINÆUS sit, qui millies eam Baptismi formulam Ecclesiis præivit: tantum tamen abest ut negaverit infantes in Ecclesia nascentes, ante Baptismum a Deo salutifera gratia ordinarie donari, ut contrarium operose probaverit. Vide sodes laudatæ aliquoties Disputationis de necessitate Baptismi Thesin XL. cujus hæc est conclusio. Erant ergo infantes in fœdus & gratiam Dei recepti, priusquam nullo sacramento visibiliter initiarentur, & signo fœderis signarentur.

L. Et Cal-
vini.

Instit. lib.

IV. cap. xv.

§. I.

§. VI.

cap. VI.

§. II.

L. At Liturgiæ, opinor, non meliorem CALVINO Interpretem alibi inveniemus. Is autem quæ de Baptismi effectu docuerit, ex pauculis illis constare poterit, quæ hic describere non pigebit. Et primo quidem inculcat, Baptismum nobis a Deo proponi, ut SYMBOLUM sit nostræ purgationis, & documentum: vel instar signati cuiusdam diplomatis, quo nobis CONFIRMET, peccata nostra omnia sic deleta, obduncta, oblitterata esse, ne unquam in conspectum suum veniant. Itemque: Baptismum TESTIFICARI, non modo in vitam mortemque Christi nos inuito esse, sed sic ipsi Christo unitos, ut omnium ejus bonorum participes simus. Rursus: Saperest ergo jam ut ex promissionibus in Baptismo datis quaratur qua sit vis ejus & natura. Scriptura ostendit, peccatorum remissionem, quam a Christi sanguine obtinemus, HIC PRIMO DEMONSTRARI. Deinde carnis wor-
tifica-

tificationem, quæ mortis ejus participatione constat, per quam in vita novitatem regenerantur fideles, atque adeo Christi societatem: Ad banc summam referri potest, quidquid in Scripturis de Baptismo traditum est. De Pædobaptismo specialius. Dei signum, puero communicatum, velut impresso sigillo, promissionem pio parenti datam confirmat, ac ratam esse declarat, quod Dominus non illi modo, sed semini ejus in Deum sit futurus. Iterumque: *Quare nihil plus in Pædobaptismo præsentis efficaciam requirendum est, quam ut fœdus cum illis a Deo percussum obsirnet, & sanciat.* Quid multa congero? Nihil clarius esse potest iis, quæ inveniuntur in Epistola ad Johannem Clauburgum. *Atque ut melius tollatur omnis dubitatio, semper tenendum hoc principium est,* NON CONFERRI BAPTISMUM INFANTIBUS UT FILII DEI FIAN'T, AC HEREDES: SED QUIA JAM EO LOCO ET GRADU CENSENTUR APUD DEUM, adoptionis gratiam Baptismo obsignari in eorum carne. *Alioqui recte eos a Baptismo arcerent Anabaptista. Nisi enim in eos competat externi signi veritas, mera profanatio erit, in signi ipsius participationem eos vocare.* Obtestor nunc Viros eruditissimos, ut ipsi pro æquitate sua judicent, an qui ita de Baptismo docet, uti docentem jam audivimus Calvinum, verba Liturgiæ eo quo ipsi modo expositurus sit; ut exinde concludat, peccati originalis remissionem, regenerationem, & communionem Christi, infantibus ordinarie non conferri nisi in ipsa Baptismi administratione, & per eam.

pag. mibi
244.

LI. Genuinum itaque Liturgiæ sensum inquiramus. Quando Ecclesia pro infante baptizando orat, ut Deus ei remittat peccatum originale, atque eum Spiritu suo sanctificet, & Christo inferat; commodissime eo id sensu exponitur, ut Deus rata habeat omnia quæ de remissione peccati originalis, & sanctificatione, atque insitione in Christum, sacramentaliter nunc significantur atque obsignantur: utque porro infantem a tristibus peccati originalis sequelis gratiose liberet, inchoatum regenerationis opus, succedente ulteriori sanctificatione, prosequatur, & baptizatum in communionem Christi omnibus salutaribus beneficiis mactet. Breviter, petitur hac oratione confirmatio ac certioratio gratiæ præsentis, ejusque continuatio & augmentum in futurum. Supponitur enim in Liturgia, *infantes eo ipso quod fidelibus parentibus nati sint, a Deo in suorum numero agnoscî, vix a promissa heredes esse, atque ita ab infantibus gentiliū & infidelium discerni, denique ad eos pertinere regnum cælorum;* unde colligitur non esse ipsos sacramentali Ecclesiæ communionem excludendos. His præmissis oratur Deus, *ut CONFIRMARE eam gratiam infanti velit, eumque in sanctam protectionem suam recipere,* DECLARANS

RANS se ejus Deum & Servatorem esse, in remissione peccati originalis; deinceps sanctificans eum per suum Spiritum, ut postquam ad aetatem discretionis pervenerit, Deum hunc suum solum agnoscat & adoret, tota enim vita sua glorificans, ad obtinendam continuo peccatorum remissionem. Ex quibus omnibus non obscure colligitur, hanc quam dixi Liturgiæ Gallicanæ mentem esse.

LII. Denique & collatione cum Liturgia Belgica.

LII. Eadem prorsus mens est LITURGIE BELGICÆ. Quum, uti supra monuimus, parentes ante Baptismum jubeantur profiteri infantes suos jam in Christo sanctificatos esse, & idcirco ut membra Ecclesiæ ipsius baptizandos; tamen orat Ecclesia, ut *Deus per Spiritum suum infantem hunc Jesu Christo inserat*; quod, nisi de sacramentali infertione, infertionisque realis confirmatione, augmento, & fructibus, intelligatur, manifesta contradictione Liturgia laborabit. Hoc autem de formula tam accurate examinata, tam communiter recepta, longaque annorum serie usurpata, præsumendum non est.

LIII. De Theologorum consensuum numero.

LIII. Porro quod maximam Theologorum partem in suam pedibus ire sententiam Vir Doctissimus gloriatur, in eo, ne quid gravius dicam, valde liberalis est. Mihi non lubet ad calculos sedere: quamvis existimem subductis bene rationibus, plures fortassis, neque minoris existimationis Theologos a nostris staturos partibus. Sed non est hæc res ex earum genere, quæ suffragiorum pluralitate deciduntur.

LIV. Cum Augustana Confessionis Theologis controversia super hac re reformatis est.

LIV. De Augustanæ Confessionis Theologis fateor: at eorum opinionem nostrates improbaverunt. Quod, puer propemodum, didici ex Synopsi Professorum Leidenium, Disput. de Baptismo quæ WALEUM auctorem habet. *Rejicimus, inquit, sententiam quorundam Ubiquitariorum, qui vim regeneratricem Spiritus Sancti ita aqua externa in Baptismo alligant, ut vel ea ipsi aqua insit, vel saltem non nisi in ipso Baptismi actu regenerationem inchoet. Pugnat hoc enim cum omnibus Scriptura locis, in quibus fides & resipiscentia, ac proinde & regenerationis initium & semen in baptizandis præexigitur. Paulo post: Efficaciam ergo Baptismi non alligamus ad momentum illud quo aqua externa corpus tingitur, sed in baptizandis fidem & resipiscentiam cum Scriptura præquirimus, saltem secundum charitatis judicium: idque tam in infantibus federatis, in quibus ex vi Divina benedictionis & faderis Evangelici, semen & Spiritum fidei ac resipiscentia statuendum esse, contendimus; quam in adultis. &c.*

LV. Disputationis istius conclusio.

LV. Concludo, non firmiter satis probatam esse eorum sententiam, qui Dei gratiam salutarem, remissionem peccati originalis, ac regenerationem, ordinarie infantibus in ipso Baptismi actu, non ante, concedi contendunt; neque temeritatis damnandos esse qui sentiunt aliter.

LVI. Vi.

LVI. Vidimus hætenus, quænam illa bona sint, quæ infantibus electis in Baptismo significantur, & obsignantur. Vidimus item, quem ordinem ea bona ad Baptismum habeant. Inquirendum nunc restat, quænam obsignationis istius ratio atque efficacia sit. Ubi illud generatim est tenendum, quum Baptismus sit sacramentum, & sacramentum sit sigillum, & sigilli usus sit aliquid confirmare ac certiorare; efficaciam Baptismi in *confirmatione* ac *certioratione* promissæ gratiæ consistere. Omnis vero illa efficacia *moralis* est, uti in scholis loquuntur; ac toto genere distincta ab efficacia *reali* ac *physica*. Bene FRANCISCUS BURMANNUS. Synop. lib. VII. cap. IV. §. XXVII. *Nec aliam sacramentorum potentiam agnoscimus quam moralem, qualis in signis, & verbis est; ad rem non efficiendam, & producendam, sed significandam & obsignandam.* Significatio autem ista, & obsignatio valida admodum est, & in legitimo usu *exhibitionem* quandam rei significatæ in sese continet: sed exhibitionem quæ cum natura sacramentorum conveniat. REMONSTRANTIUM de sacramentorum efficacia sententiam scito sermone exposuit eorum Apologista pag. 243. 244. *Modus, inquit, exhibendi, & obsignandi, est multiplex. Est exhibitio quædam PHYSICA, qua res aliqua vel signo ut cere impressa, vel signo ut vase contenta, vel signo ut instrumento affixa, vel signum nunc deconcomitans, vel sub speciebus signi latens, exhibetur; id est, ut rem clarius proponam, qua res aliqua, vel simul, vel una, vel cum, vel per, vel sub, vel in, vel apud, vel circa signa, physice, ut ita dicam, admoveatur, porrigitur, distribuitur. Est etiam exhibitio quædam hyperphysica, seu MIRACULOSA, qua res aliqua ignota, vel dubia, confirmatur, stabilitur, & certioratur, ac sic menti veluti videnda ac sentienda exhibetur: cuiusmodi signa sunt miracula, prodigia, virtutes omnem naturæ vim excedentes. Denique est exhibitio quædam SACRAMENTALIS, EVANGELICA, qua gratia Divina per signa quædam, non eminus aut de longo repræsentatur, nec sub typis, umbris aut figuris quibusdam, ut multo post futura, veluti per transennam ostenditur, sed qua gratia ista, ut jam præsens, ob oculos ponitur; adeo clare, ac si sensibus manibusque palpanda daretur; adeo efficaciter, ut efficacius non possit anima affici a signis istis, manente salva atque integra signorum & significationis natura ac proprietate. Atque hic tertius exhibitionis modus, est modus ille certius, quem designant Remonstrantes. Addit deinceps ad modi illius elucidationem pag. 245. *Dicet fortasse quispiam, exhibitionem illam concipi posse, si Sacramentorum usus serius ac legitimus statuatur conditio, ad cuius præsentiam Deus concedat, & quasi sentiendam exhibeat, specialiore aliquam gratiam suam; dum videlicet Deus, cum, qui signis istis juxta institutionem Christi, ex vera fide, utitur, & iis**

LVI. Baptismi efficacia tota moralis est, & in valida ob-signatione consistit.

utendo officium suum facit, sensu gratia sua singularis dignatur, ita ut ipse ille usus & exercitium veluti medium sit, quo utens alacrior & promptior redditur ad obsequium Divinum, & ceteras officii sui partes diligentius exsequendum. At nemo Remonstrantium erit qui id non libenter admissurus sit. Recte sane. Neque video quid ab homine Orthodoxo hac in parte ultra in iis desideretur. Ea autem significatio & obsignatio & sacramentalis exhibitio, quum interventum cognitionis alicujus requirere videatur, cujus infantes per ætatem capaces non sunt; quænam tandem utilitas & efficacia Pædobaptismi est?

LVII. Pædobaptismi utilitas, respectu parentum.

LVII. Magna enimvero. Et primo quidem respectu *piorum parentum*, quibus non potest non jucundissimum esse, quod charissima sua pignora novæ lucis usura donata, & mystici fontis tinctione sacra-
ta, Deo Christoque ejus sistantur, & Ecclesiæ communioni insita, ad participationem omnium salutarium bonorum solemniter admittantur; impressoque sigillo Dei & Christi esse declarentur. Ubi quum ingens sese proferat Dei benignitas, primum amplissimam gloriæ ipsius prædicandæ materiam suppeditat, & pia pectora læticia non vulgari perfundit, qua simul ad redamandum tam pium patrem vehementius incitantur, cui propter se posteritatem suam curæ esse perspiciunt. Et profecto si nihil aliud emolumenti ex Pædobaptismo proveniret, hoc maximum esse prudentes omnes fatebuntur, quod parentibus necessitatem imponat sacratissimam, liberos suos, quos tam mature Deo devoverunt, in Christianæ Religionis mysteriis, veraque vitæ sanctimonia, tam institutione ac monitis, quam exemplo bono, sollicitè informandi.

LVIII. Respectu infantium quum adoleverint.

LVIII. Deinde ad ipsos quoque *infantes* magna redundat Baptismi utilitas; tum maxime *quum adoleverint*, & quæ sibi vagientibus facta sunt pia meditatione recognoverint. Quam amica piis debet esse pectoribus Divinæ charitatis recordatio, quod modo natos, & adhuc a matre rubentes, e genitricis gremio in ulnas quasi suas solemniter deferri jusserit; quod canticum illud ori ipsorum indiderit, *Fecisti ut securus agerem ad ubera matris meæ: in te rejectus sum ex vulva, inde ab utero matris meæ Deus meus est.* Ps. xxii: 10, 11. quod denique a teneris, ut ajunt, unguiculis, sacratissimo sibi fœdere junxerit, ejusque bonis omnibus tam clementer initiaverit. Recordatio ejusmodi uti consolationis plena, ita etiam virtutum Christianarum, & exactissimæ sanctimonix promotrix est. Nihil enim nobis antiquius esse deberet, quam ut fœdus illud juventutis nostræ, primumque ac sanctissimum illud promissum, quod nostro nomine Deo factum est, sacrum atque inviolabile servemus.

LIX. Denique ne tunc quidem inutilis aut inefficax infantibus Baptismus est, *dum infantes sunt*. Nonnihil certe emolumenti ex Baptismo suo capiunt, quod, in corpus Ecclesiæ infiti, aliis membris sunt aliquanto commendatiores; ipsique Deo communibus totius cœtus precibus accurate commendantur. Sed quod præcipue notandum, est Baptismus ex eorum signorum genere quæ exhibitiva dicuntur; quæ ita rem significatam repræsentant, ut ea repræsentatione jus ad rem significatam exhibeatur. Veluti si infanti Regio, in cunis adhuc vagienti, sceptrum & corona, quæ regni insignia sunt, a regni proceribus deferantur; vel alteri alicui nobili puero ordinis singularis, & extraordinariæ militiæ symbola, uti torques conchyliatus, vel catena aurea cum vellere, vel fascia cœrulea decussata, cum appensa cruce, & affixa columba, & si quæ id genus plura sint. Quæ quidem ab illo infante, & ab isto puero, quod tendant non intelliguntur; non tamen *cassa* rerum signa sunt, sed maximæ dignitatis non fallaces tesserae. Sic & infans, dum sacro fonte mergitur, ignorat quid sibi fiat, atque hætenus ipsi signum non est; quum neque externam cerimoniam, neque rem significatam, neque relationem unius ad alteram dignoscat: unde nullum inde gaudium, nullam animi ad tantam dignitatem gestientis hilaritatem percipit. Attamen ea interim nanciscitur, quæ ex institutione Divina summæ felicitatis certissimæ tesserae sunt; quod non desinunt esse ignoranti: & quod revera sibi fuisse, vel in tempore, vel in æternitate, lætus experietur.

LX. Hætenus inter Orthodoxos omnes consensus est; quorum nemo, quod sciam, minus efficaciz Baptismo tribuit. At ulterius sibi pergendum esse, multi opinantur. Taceo Romanæ Ecclesiæ Doctores, crassos errores suos barbararum vocum portents imperite eructantes, & de opere operato nescio quid garrientes. AUGUSTANÆ CONFESSIO-
LX. Lutherano-
rum de Ba-
ptismi effi-
cacia opi-
nis.
 nis Theologi contendunt sacramenta esse organa, media, & ὀχήματα, vehicula per quæ Deus offert, exhibet, & credentibus applicat, promissionem Evangelii propriam de remissione peccatorum, justitia & vita æterna. Ac proinde esse instar Divinæ manus, qua Deus Pater vult gratiam suam exhibere, donare, applicare; & Filius Jesus Christus meritum suum applicare credentibus. & Spiritus Sanctus efficaciam suam exercere ad salutem omni credenti. Et super hac re controversiam movent, non ZWINGLIO solum, sed & CALVINO, BEZÆ, GRYNÆO, TOSSANO, PISCATORI, & Reformatis Doctoribus communiter, negantibus sacramenta habere revera in se thesauros & cœlestia bona, quasi per illa nobis donetur promissio. Vide JOHANNEM GERARDI in loco de sacramentis. cap. IX, sect. I. §. LV. LVI.

LXI. Re-
formatis
passim im-
probata.

LXI. Neque hactenus de calumnia conquesti sunt Theologi Reformati; sed & ipsi pro sua parte controversiam Lutheranis movere. BEZA, postquam nitide professus esset, *significative mundari Ecclesiam Baptismo aquæ, realiter Baptismo Spiritus*, sic pergit: *Contrarium dogma amon ex fœtidis Scholasticorum lacunis haustum est, qui, ut suum Satanicum characterem inveherent, causativam, ut loquuntur, vim conferenda gratiæ, principalem quidem Deo, instrumentalem autem sacramentis, tribuerunt?* Ad Act. Colloq. Mompelg. Dogm. I. & II. Non multum abludit ANDREAS RIVETUS, Venerandum non Gallicis solum, sed Belgicis Ecclesiis nomen; qui Disputationibus Leidensibus, Disput. XLIII. postquam recitavisset sententiam Ronaventuræ, Scoti, Durandi, Occami, Gabrielis, Richardi, &c. docentium, *sacramenta gratiam conferre, non quod eam producant, sed quia Deus ex pacto in usu sacramentorum eam producit et offert*: Theli xxviii. sic pergit: *Quamvis autem in eo sint culpandi, quod ὑποτυπώσας sanorum verborum rejecta, κερύσφωιάς introducant, ad rem nihilominus quod spectat, melius sentire videntur, quam qui a Luthero potius, quam a Christo, nomen sicut deducentes, de verbo & sacramentis ita loquuntur, ut ipsis etiam COLLATIONEM GRATIÆ ET JUSTIFICATIONIS tribuant: & opus operatum verbo rejicientes, non minus tamen efficaciam actioni externæ adscribunt, quam qui sacramenta causas gratiæ proprias statuunt.* In eo quidem calumniam nos tam a Pontificiis quam Lutheranis pati conqueritur, quasi signa nuda, vacua, & prorsus inefficacia statueremus; & mentem Reformatorum sic exponit; *quum præter significationem ex instituto Dei, suam etiam exhibitionem (sed modo sacramentis apto) & obfignationem promissionum Divinarum iis attribuamus.*

LXII. A
qua tamen
non abhor-
ret Ludovicus le
Blanc.

LXII. Diffidendum vero non est, nostrorum quosdam, etiam primi ordinis Theologos, non valde a Lutheranorum sententia abhorreere, quorum etiam consensum laudant. Judiciosissimus & Doctissimus Vir, LUDOVICUS LE BLANC, illis se Theologis consentire non posse protestatur, qui admittunt quidem sacramenta esse signa practica & exhibitiva, neque carere sua efficacia, quum rite administrantur non intelligentibus, nec habentibus usum rationis; sed tamen volunt, sacramenta non alia ratione activa & practica esse, quam obfignando gratiam jam acceptam, adeoque sacramenta, sive in adultis, sive in infantibus gratiam justificantem præsupponere; qua HENRICI ALTINGII sententia sit. Contra enim omnino tenendum existimat, Sacramenta non solum obfignare gratiam acceptam, sed etiam esse media gratia recipienda, & signa cujusdam

iusdam gratiæ præsentis, & quæ cum ipsis confertur atque communicatur. Putatque signis sacramentalibus, in eorum usu legitimo, virtutem quandam Divinam assistere, quæ ex certo pacto & promissione Dei, gratiam salutarem suscipienti confert, & in anima illius operatur. Vide Disputationem supra laudatam §. XLV. XLVI.

LXIII. At nemo, quod sciam, ex nostris prolixius Baptismi efficaciam auxit, extenditque ulterius, quam Clarissimus Vir, PETRUS JURIEUS, plurimis doctissimisque scriptis, multisque in Gallicanam præcipue Ecclesiam meritis, celebratissimum hodie nomen; quod non præsens modo seculum, sed & grata venerabitur posteritas. Cujus sententiam, quod bona Viri Magni, & Amici honorandi venia fiat, ex variis scriptorum partibus collectam, & aphorismis quibusdam comprehensam, candide hic exhibebo. Quæ itaque diversis occasionibus copiose disputat, in summam contracta huc redeunt.

LXIV. I. Præter efficaciam sacramentorum objectivam aliam quoque agnoscendam esse, qualis in iis fuit signis ad quorum præsentiam Deus olim patravit miracula. Talis erat impositio manuum, qua conferebatur quondam Spiritus Sanctus; & contactus Apostolorum, quo excitabant mortuos, & curabant ægros. II. Deum ordinarie conferre gratiam suam eodem tempore quo eam repræsentat, nisi singularis quædam ratio obstat. Non quin Deus gratiam non aliquando ante Baptismum conferat, verum id fieri intuitu Baptismi secuturi: quippe qui causa moralis est, & agit antequam existit. III. Infantes electos fœderatorum ante suum Baptismum esse filios iræ; quandoquidem usque ad Baptismum morti adhuc obnoxii sunt: plenamque eorum reconciliationem non fieri, nisi suscepto hoc primo fœderis gratiæ sigillo: neque amari a Deo amore complacentiæ, donec baptizati & sordibus illis abluti sint, in quibus omnes nascimur. IV. Per Baptismum ita reatum omnem peccati originalis tolli, ut nemo baptizatus propter peccatum originale damnetur. V. Infantes legitime baptizatos & in infantia morientes, certo servari, talemque Baptismum indubitabile iis electionis argumentum esse. At de salute eorum qui ante Baptismum moriuntur, non haberi certitudinem nisi ex iudicio charitatis. Quandoquidem peccati originalis culpa etiamnum adstricti tenentur, posse eam sufficientem reprobationis causam esse. VI. Baptismum ad salutem ita esse necessarium, uti necessarium est edere ut vivas, & medicinam sumere ut convalescas. VII. Deum quidem posse servare ac servare revera infantes aliquos citra Baptismum; cæterum id fieri modo extraordinario, & propemodum miraculoso, qui a sueta Providentiæ & Gratiae suæ via plurimum

recedat: uti multos longo tempore sine alimento sustinuit, & Danielis sociis in mediis flammis spiritum vitamque conservavit. VIII. Mortem infantium supplere Baptismi defectum; uti martyrium, secundum Romanensium doctrinam, in adultis.

LXV. *Cum
suis firma-
mentis.*

LXV. Ad tuendam hanc sententiam, primo Scripturæ quædam dicta adferuntur, tum consensus Patrum, uno, ut ajunt, ore eadem asserentium; denique suffragia præstantissimorum Theologorum. Quibus omnibus, qui non cedat, eum *Sacramentaria* hæresios reum pronunciant. Verum non existimo alienum esse ab officio hominis Theologi, ut diligentius aliquanto singula excutiat.

LXVI.

*Scriptura
non docet
vim effe-
ctivam Ba-
ptismi, quæ
ab efficaci
obsignatio-
ne distincta
sit.*

LXVI. A Scriptura ordiamur. Ea docet, *Christum semet ipsam exposuisse pro Ecclesia sua, ut eam sanctificaret, ab eo purificatam lavacro aquæ per verbum.* Ephes. v: 25. Docet, *Deum nos ex misericordia sua servasse, per lavacrum regenerationis, & renovationis Spiritus Sancti.* Tit. III: 5. Docet, *Baptismum, qui ut exemplar respondet diluvio, nos quoque servare.* I. Pet. III: 21. Docet, *Ananiam Paulo dixisse: surgens baptizator, & abluitor a peccatis tuis.* Sed quæritur, an id docendo, doceat Baptismi sacramento competere vim aliquam exhibitivam & effectivam, quæ ab efficaci obsignatione distincta sit: an doceat, regenerationis gratiam ita ordinarie per Baptismum conferri, ut miraculo simile sit, si quis citra Baptismum regeneretur & servetur. Quod ego me fateor non videre.

LXVII.

*Non Pau-
lus.*

LXVII. Paulus allegatis locis salutis nostræ causas diligenter exponit; quas, pro diversa sua indole, diversimode operari, consentaneum est. Quomodo autem operentur singulæ, hic quidem non exponit, sed aliunde colligendum relinquit. Principe loco Deum laudat, ex cujus destinatione & consilio prima salutis nostræ origo est: tum misericordiam Dei, quæ est causa proëgumena: porro Jesum Christum, qui uti Mediator & Sponsor, pro Ecclesia se sua exposuit: mox modum servationis, qui est purificatio, sanctificatio, renovatio per Spiritum Sanctum: denique instrumenta, quibus Deus & Christus ad harum rerum promotionem utuntur. Ea sunt Verbum & Baptismus. Verbi vis atque efficacia in eo sita est, quod veritates credendas, & pietatis officia, dilucide doceat, & ad fidem ac sanctimoniam valide hortetur. Quænam autem est specialis efficacia Baptismi? Ex his pericopis vix quisquam aliud didicerit, nisi generale illud, Baptismum aliquid conferre ad nostram purificationem, renovationem, & salutem. Quidnam autem illud aliquid sit, ex Baptismi natura & indole colligendum est. Quæ, quum, sicuti circumcisio, sit sigillum iustitiæ fidei, vim ejus in validissima & efficacissima obsignatione consistere oportet. Neque ignorant Viri Doctissimi, hanc receptissimam esse Reformatorum Interpretum expositionem.

LXVIII.

LXVIII. In sermone Ananiæ ad Paulum, Baptismus & peccatorum ablutio, sacramentali quodam nexu junguntur; at nequaquam docetur, nulla salutaris gratia donatum fuisse Paulum, neque remissa ipsi a Deo sua crimina ante susceptum Baptismi sacramentum. Ecquis dubitat, quin efficacem Divinæ gratiæ appulsum senserit, quum cœlesti voce in itinere Damasceno compellaretur? Quin interna Spiritus luce colustratus sit, quum corporis oculi squamis obducerentur? Quin suspicere, venerari, amare cœperit Dominum, ex quo gloriam ejus conspexerat, & junctam Majestati comitatem expertus erat? Testes animi salutariter saucii, peccatorum suorum convicti, ad uberiores gratiam anhelantis, eamque amica quadam vi Deo extorquentis, calida illa suspiria erant, & fluente lacrumarum, & ferventissimæ preces, & tri-duanum jejunium; quibus ita delectatus fuit Dominus, ut Ananiam ad ipsum ablegans, verba hæc sacratis jussibus suis inseruerit, *Ecce enim orat.* Sed & testis suæ in Divinum favorem, imo & amicitiam, receptionis, prophetica illa visio, qua monstratus ei est Ananias introiens, & imponens sibi manus, ut visum reciperet. Cum qua manus impositione visus receptio, & liberalissima Divini Spiritus communicatio juncta fuerunt. Sic enim Sacra habet historia. *Abiit igitur Ananias, & introivit domum illam, & impositis ipsi manibus dixit, Saul frater, Dominus misit me, Jesus, inquam, qui tibi visus est in via qua veniebas, ut visum recipias & implearis Spiritu Sancto. Statim autem ab oculis ejus deciderunt quasi squamae, & visum recepit illico.* Act. ix: 17, 18. Omnia hæc Baptismum ejus præcessisse videntur. Quid ergo ille ad ablutionem peccatorum ipsius contulit? Ob signavit collatam jam gratiam, & arrha fuit, non continuandæ solum, sed & amplificandæ; atque uti mentem implevit sanctissimis consolationibus, ita & animavit ad summa quæque in demandato sibi munere intrepide auspicanda.

LXIX. At minimum præsidii in Petrino dicto Viri Docti inveniunt. Enimvero testatur Petrus Baptismum nos servare; sed & explicat servandi modum. Non servat, inquit, nos, quatenus est *depositio sordium carnis*, sed quatenus est *interrogatio bonæ conscientie ad Deum*. Removet a Baptismo vim servandi, quæ sit causa. Quod Baptismus, ut causa, efficere potest, est depositio sordium carnis. Ea quidem habet vim significandi & repræsentandi depositionem sordium animæ; sed non habet vim efficiendi salutem nostram. Nisi aqua esset res munda, habens vim purgandi corpus a sordibus suis, non esset Baptismus id quod est, nempe signum justitiæ fidei, & asperisionis cordium a conscientia mala. Veteris Testamenti lotiones, dum physice purgabant corpus,

symbolice notabant puritatem cerimoniam, quam καθαρότητα τῆς σαρκὸς Paulus nuncupat. Heb. ix : 9. hoc est, ut corpus eorum posset stare, in locis qui sancti dicebantur, & potuerint uti sacris carnibus sacrificiorum. Ea corporis lotio, quæ in nostro est Baptismo, melioris purificationis est symbolum, ejus nimirum, quæ animam mundat, & accessum præbet ad cælum, & participationem spiritualium bonorum. At symbolum tantum. Similitudo enim ista non facit nos salvos, sed id quod cum aqua comparatum est, & aqua pura μεταφορικῶς dicitur. Vide sodes COCCEJUM in h. l. Quomodo igitur nos servat Baptismus? Quatenus est *interrogatio bonæ conscientie ad Deum*. Baptismus enim est solemnitas quædam conventio, confederatio, & mutua obligatio, qua Deus baptizandum interrogat, an promittat se bonæ erga se conscientie operam daturum; baptizandus rursus in bonæ conscientie fiducia Deum interrogat, an Deus suus esse & manere constanter velit. In prisca Ecclesia Episcopus, aut aliquis ejus nomine, Catechumenum baptizandum interrogabat, aut, quod idem est, stipulabatur, *Abrenuncias Sanatæ?* Respondebat: *Abrenuncio*. Rursus, rogatus, *Credisne Christo?* Respondebat, *Credo*. Hanc *sponsionem salutis* vocat TERTULLIANUS, CYPRIANUS, *interrogationem Baptismi*. Plane eodem spectant Petri verba. Nam si non eandem, similem certe ejusdemque valoris interrogandi ac spondendi formulam, Apostolorum ætate, in susceptione Baptismi usitatam fuisse, credibile est. Et tamen si nulla istius rei expressa formula fuisset, ipse tamen in se Baptismus, ut initiamentum fœderis, stipulationem illiusmodi continet. Porro obscurum non est, quomodo ista bonæ conscientie stipulatio nos salvos faciat. Concludo verbis BERNARDI, quibus nihil esse potest in hac materia disertius. *Dicamus, inquit, Apostolum respexisse ad interrogationes Catechistarum, quibus Catechumeni INTERIOREM BAPTISMUM JAM TESTIFICABANTUR EXTERIORE SANCIENTIUM. Unde illud Tertulliani quod est veluti commentarii vice in hunc locum, in Lib. de Resur. Carn. ANIMA NON LAVATIONE, SED SPONSIONE SANCITUR.*

LXX. *Patres in re sacramentaria hyperbolicis locutionibus luminant.*

LXX. Patres quod attinet, eorum sermonem ita plerumque tinere fateor, quasi gratiam salutemque Baptismi sacramento alligaverint. Non lubet mihi ipsorum errores acriore sermone exagitare: quod aliquibus nunc scriptoribus in more positum esse video; qui tam infana eos culpandi ac populo differendi impetigine laborant, ut nulla non occasione, imo & nulla, Patrum hallucinationibus chartas suas conspurcent. Eam reverentiam debere existimo hominibus de Ecclesia Christi, diligenter.

diligentia, zelo, & exemplo suo præclare meritis, ut nævos ipsorum cæteris virtutibus condonemus. Attamen dissimulandum non est, infelicitè ipsos aliquando de maximi etiam momenti causis disputare; & frequenter ejusmodi adhibere locutiones, quæ, nisi benigna interpretatione molliantur, vædorum sensum pariunt. Pro exemplo sint, quæ clarissimus JURIEUS operosa diligentia ex Patribus congeffit circa articulum adorandæ Trinitatis. Maxime autem luxuriarunt Patres circa Sacramenta: atque uti externum signorum usum superba cerimoniarum pompa exornarunt, ita & virtutem iis adscribere majorem quam Scripturarum patitur simplicitas. NAZIANZENUS, in carmine de vita sua, narrans quanto in periculo navigans fuerit, id sibi præcipue doluisse testatur, quod nondum esset baptizatus:

Καθαρσίῳ γὰρ, οἷς Θεοῦ μεθ', ὑδάτων
ἡλλοτριῶμην ὑδάσι ξενοκτόνοις.

Lustralibus etenim ab aquis illis, QUIBUS

Nos DEIFICAMUS, me arcebant undæ maris.

At Scripturarum simplicitati inhærere longe tutius est, quam rhetoricis Patrum amplificationibus, veluti torrente, abripi. Neque opinor, quemquam nunc esse nostratium Theologorum, qui per omnia iiscum in Baptismi doctrina facere velit. Nam certe limites excedendo nimium ei tribuerunt, & si se benigna verborum suorum expositione juvari negent, suis relinquendi sunt hyperbolis.

LXXI. Video tamen æquissimos nostrorum excusandis ipsis LXXI. *Ne omnem impendere diligentiam, quasi impropria locutione signis ad-* *que juvari*
scripserint quod rei significatæ debebatur. Sic BEZA, ad Acta Colloq. *possunt, ni-*
Mompelg. loco antea citato. Non diffiteor in hunc quantumlibet palpa- *si benigna*
bilem errorem, inductos esse nonnullos, male intellectis Patrum sentiis; tione.
qui, non certe ut signis aliquo modo tribuerent, quod est unius Spiritus
Sancti opus, sed ut sacramentorum usum & efficaciam commendarent, sæpe
sic de signis sunt locuti, ut quod unius est Divinæ virtutis, videantur illis,
quasi subordinatis, ut isti volunt, instrumentis adtribuere. Quibus illud
addo, rhetoricationes illas Patrum de Baptismi efficacia ac necessita-
te, & communem Ecclesiæ praxin plurimum discrepare, quod modo
luculenter demonstraturus sum.

LXXII. De Theologorum ὁμοψήφων numero, non cenſeo esse LXXII. *Theologo-*
altercandum. Religionis dogmata non humana, sed Divina auctori- *rum nu-*
tate, fulcienda sunt. Si tamen ea ratione dirimenda hæc foret *mero infe-*
controversia, multum mihi a plurimorum & doctissimorum *licitè pu-*
suffra-

suffragiis pollicerer. Qui hospes in Reformatorum Doctorum scriptis non est, facile animadvertit pro ea quam nos defendimus sententia integras stare legiones, junctasque umbone phalanges. Sed istis non pugno argumentis; neque ea admodum apud me valitura esse, profiteor.

LXXIII.

*Jurico op-
ponitur
Burman-
nus.*

LXXIII. Id solum sibi dici patiatur clarissimus JURIEUS, neminem me unum, in toto orbe Reformato, cujuscunque nationis, nosse Theologum, qui junctim eadem omnia cum ipso de Baptismo scripserit: & fallar, si ipse monstrare potis sit. Non est quod conqueratur cum indigno se committi adversario, si BURMANNUM ei opposuerim: qui contrariam suæ sententiam, non minori quam ipse fiducia, gravi & facunda oratione propugnat. Synop. lib. VII. cap. IV. §. XXVIII. *Nec satisfaciunt illi qui vim quidem internam, in animam agentem, sacramentis abrogant; sed eadem, qualescunque tandem causæ sint, infallibiliter tamen gratiam producere statuunt; Deo videlicet, ex quadam lege, seu pacto, ad eorum præsentiam operante. Quanquam enim hi virtutem omnem Deo, non sacramentis tribuant; tamen reliqua prioris sententiæ (qua physica virtus Sacramentis adscribitur) probra non effugiunt. Nam & Dei virtutem externis istis signis alligant, quasi ad eorum præsentiam solum operetur: quod & falsum est, QUOM ETIAM ANTE PERCEPTA SACRAMENTA GRATIAM SUAM LARGIRI DEUS SOLEAT, CUJUS ACCEPTÆ EA TANTUM SIGNA ET INDICIA SUNT; & parum a magica signorum & verborum superstitione abhorret. Prout Scriptura hos religionis corruptores, qui externis verbis & signis in sacris tantum tribuunt, magos appellare non semel solet. Et præterea externis illis symbolis fidelium animas nimium affigunt, & obstringunt; quum sine iis gratiam Dei, ac vitam æternam, vix dari autument.* Non dissimulo, sententiam a Burmanno impugnatam aliquanto ulterius procedere quam clarissimus forte Jurieus velit: id in præsentia sufficiat, eam Jurianis hypothesebus e diametro esse adversam.

LXXIV.

*Illiusque
sententiam
prisca &
recentioris
Ecclesiæ
praxis re-
solvit.*

*Vide Dal-
læum de
culcib. Re-
lig. Latin.
lib. I. cap.
III.*

LXXIV. Quas certe cum praxi, tam priscae, quam recentioris Ecclesiæ, conciliare difficile est: si non ἐκ τῶν ἀπὸ λῶς ἀδυνατώων. In prisca Ecclesia status Baptismati locus, stata plerumque fuerunt tempora. Initio quidem omne tempus Baptismo habile censebatur. TERTULLIANUS de Baptismo: *Omnis dies Domini est, omnis hora, omne tempus habile Baptismo. Si de solemnitate interest, de gratia nihil refert.* Dein duo anni festa, Paschatis nimirum & Pentecostis, sacro huic officio fuere adhibita, ad majorem solemnitatem; cujus ultra quam par est studiosi fuerunt Veteres. Idque jam Tertulliani tempore obtinuit, qui ejus rei rationes profert, sed nive frigidiores. Postea lege cautum fuit, ne alio tempore administraretur. LEO I. Episcopus Romanus, ad Siciliæ Epi-

Episcopos Epiphaniæ etiam die baptizantes, scripsit: *Baptizandis in Ecclesia electis duo tempora esse legitima: ideoque*, inquit, *dilectionem vestram monemus, ut nullos alios dies hujus observantia misceatis*. Tandem excommunicationis pœna in eum decreta est, qui, excepto mortis articulo, extra illud tempus baptizasset. In CONCILIO ANTISIODORENSI, quod habitum est Anno DXC. Canon. XVII. *sancitur eum qui id fecerit tribus mensibus a communione Ecclesiæ sequestrandum esse*. Scio, non fuisse ejusmodi sanctiones universalis & perpetuæ observantiæ; meritoque deinceps jure abrogatas. Attamen & Reformata Ecclesia Baptismum administrare non solet, nisi statis publicarum concionum locis ac temporibus. Exstantque ea de re ubivis fere Ecclesiasticæ constitutiones. Sed si verum illud esset, & pro vero communiter habitum, quod infantes ad usque Baptismum maneant filii iræ, neque amentur a Deo amore complacentiæ, & relinquuntur in reatu peccati originalis, & in Baptismo certe regenerentur, sine Baptismo autem non servantur nisi per *miraculum*; non modo durum, & iniquum, sed & tyrannicum, impium, sacrilegum, & plus quam paricidium foret, Baptismum certo tempori alligare. Ne ullum quidem prætermittendum esset momentum, ut charissima pignora, mox a partu, reatu peccati originalis solvantur, e statu iræ in statum gratiæ transferantur, & in certa æternæ felicitatis expectatione collocentur. Proh impios parentes, qui vel ad horæ momentum otiosi cessent! impiam Ecclesiam, quæ male feriatis constitutionibus suis venientes arcet, petentibus negat! impios sacrorum ministros, qui non, omni loco, omni tempore, ad tam necessariæ pietatis officium præsto sint!

LXXV. Sed & aliæ sunt difficultates, quibus Doctissimi Viri ^{LXXV.} *Sicut &* sententia premitur. I. Si sacramenta cum iis conferantur signis, aut instrumentis, ad quorum præsentiam Deus olim patravit miracula, quæ ^{multis} *premitur* ^{incommo-} *dis.* lia fuerunt, Apostolorum contactus, Petri umbra, Pauli sudaria; non solum ordinarius Divinæ Providentiæ in communicanda gratia sua cursus miraculis accenferi videtur; sed & omnis revera sacramentorum efficacia tollitur. Eæ enim res ad quarum præsentiam operabatur Deus, nihil omnino ad effectum miraculosum conferebant; cujus ne morales quidem causæ dici merebantur. In sacramentis aliter sese res habet, quæ ad id a Deo instituta sunt, ut sint instrumenta in suo genere valde efficacia, quibus Deus utatur, ut aliquid in nobis operetur. Nam analogia illa quæ inter signum & rem signatam intercedit, & institutio Divina, qua vim significandi & obsignandi nanciscuntur, eximiam iis conciliant pollentiam, ad gratiæ augmentum, ad confirmationem fidei, ad corro-

corroborationem spei, ad inflammationem charitatis. Uti Deus non solum ad verbi prædicati præsentiam, sed & per verbum, in cordibus electorum agit; ita per sacramenta: eo actionis modo & ordine, qui naturæ ipsorum consentaneus est. Atque hæcenus plus ego efficacitatis sacramentis attribuo, quam ipse Vir Doctus. At hoc fortasse minimum est.

LXXVI.

LXXVI. II. Si Deus ordinarie gratiam suam conferat, eodem tempore quo in sacramento repræsentatur; & in ipsa Baptismi administratione infantes regeneret, & peccati originalis reatu liberet; diligentia parentum, mature liberos suos ad Baptismum offerentium, regenerationem eorum cum suis sequelis accelerabit, negligentia retardabit: atque ita per hominum diligentiam aut socordiam ordinarie determinabitur Divinæ gratiæ in alios influxus. Quod autem additur, Deum quandoque gratiam conferre intuitu Baptismi secuturi; quo Scripturæ dicto, qua ratione sacra, demonstratur? Sufficitne in Religionis negotio, quidquid in mentem venit, & hypothesi quomodocunque inservit, pro auctoritate dictare?

LXXVII.

LXXVII. III. Si infantes ad usque Baptismum filii iræ sunt, & Baptismi susceptione mox in statum gratiæ transferuntur; si baptizatorum in infantia morientium salus certa est, de non baptizatorum salute non habemus nisi iudicium charitatis: iterum dico, inexcusabilem prorsus Christianæ *εὐσυνή*, paternæque pietatis defectum esse, si parentes non primo quoque momento Baptismum illum, tanta collaturum, procurent; neque ullo colore defendi posse constitutiones illas Ecclesiasticas quibus vel tantillum moræ Baptismi administrationi injicitur.

LXXVIII.

LXXVIII. IV. Si reatus peccati originalis per Baptismum ita semper tollatur, ut nemo baptizatus propter peccatum originale damnatur, qui tamen propter alia peccata damnationem non evadat; alterutrum necesse est, vel remissionem illam peccati originalis non fieri propter satisfactionem Christi, vel Christum satisfactionem suam ita cum quibusdam hominibus esse partitum, ut ipse partem in se susceperit, partem alteram iis reliquerit. Quorum utrumque vero dissentaneum esse antea docuimus. §. XI. Accedit & hoc incommodum. Cui in infantia peccatum originale, quo solo laborat, condonatur; is jam peccati omnis exfors est, is in statu gratiæ est; is Diaboli non est. Idem si crescente ætate actualibus se peccatis mancipet, quorum meritis damnatur, is ex statu gratiæ in statum iræ relabitur; & postquam Christi fuit, iterum incipit esse Diaboli, illiusque manet in æternum. Quæ qua ratione cum Reformatæ Ecclesiæ hypothesibus conciliari queant, ego quidem non video.

LXXIX.

LXXIX. V. Uti nec ista conciliare me posse profiteor: Baptis-
 mum ad salutem ita esse necessarium, uti cibus est ad sustentationem
 vitæ, & medicina ad restaurationem valetudinis; & miraculi instar esse,
 si quis sine Baptismo servetur; & quum de patratione miraculorum ni-
 hil temere præsumendum sit, debili fundamento niti iudicium illud
 charitatis de non Baptizatorum salute: atque interim mortem infantium
 supplere Baptismi defectum, sicut, secundum Romanenses, martyrium
 in adultis. Hæc mihi adversa fronte sibi invicem repugnare videntur.
 Si enim mors id præstet infantibus, quod ex Pontificiorum opinione
 martyrium adultis; infantium, sine Baptismo morientium, salus æque
 in tuto collocata erit, ac baptizatorum. Nemo enim in Romana Ec-
 clesia de salute martyrum dubitat. Unde autem id habet Vir Magnus,
 quod mors defectum Baptismi suppleat? Quo Scripturæ testimonio id
 didicit? Quodnam tam asseveratæ dictationis argumentum est?

LXXX. At finis tandem disputationis hujus esto: quæ, ut initio
 dixi, & nunc repeto, eo comparata est, ut veritati elucidandæ, simul-
 que paci fraternæ stabiliendæ, inserviat. Omnia itaque Christiana ob-
 testor pectora, quibus in hac controversia aliquid est negotii, ut, si in
 pagellas has nostras incidant, sine affectu, sine præjudicio, quæ dicun-
 tur expendant, uti a me sunt scripta. In summa rei, per Dei gratiam,
 Orthodoxi omnes convenimus. I. Sacramenta, respectu Divinæ gra-
 tiæ, carere omni efficientia physica, ac proprie dicta, & moraliter tan-
 tum ad eam concurrere: & quando de adultis ac ratione utentibus agitur,
 per sacramenta nihil omnino gratiæ conferri, nisi iis qui ad ea accedunt
 cum debitis fidei ac pœnitentiæ motibus: præterea, ne quidem in legi-
 timo sacramentorum usu ullum esse gratiæ meritum. II. Sacramen-
 ta tamen non esse nuda & vacua signa, sed sigilla gratiosi fœderis; quo-
 rum, ex institutione Divina, maxima efficacia est ad significanda & ob-
 signanda gratiæ Divinæ beneficia: imo tanta efficacia, ut nulla major
 in isthoc causarum genere desiderari possit. III. Gratiam Dei non esse
 ulli sacramento ita alligatam, quin citra sacramenti usum illam confe-
 rat Deus cuicunque & quandocunque libuerit; quamvis sacramento-
 rum usum ad gratiæ suæ consecutionem & augmentum Divino ius-
 su sanciverit. IV. Pædobaptismum in verbo Dei esse fundatum, &
 nominatim in gratioso illo fœdere, quo Deus non fideles solum, sed
 & semen eorum complectitur. V. Magnam esse Pædobaptismi utili-
 tatem: non eorum solum liberorum respectu qui adolescunt, sed &
 eorum qui in ætate infantili moriuntur; quibus, licet ignorantibus,
 certissima tessera est præsentis gratiæ & futuræ gloriæ. VI. Operam

proinde dandam esse parentibus, ut quam fieri potest maturrime, liberorum suorum Baptismum procurent. In his omnibus consensus est. Dissensus versatur circa modum operandi, & circa tempus.

LXXXI.

Qui tanti momenti non est, ut hæresin introducat, vel Ecclesiam pacem turbare debeat.

LXXXI. Qui tantus non esse videtur, ut pars altera dissentientium alteri, Sacramentariæ, aut Pontificiæ, hæresios dicam impingere debeat. Omnibus enitendum est, ut & sensus & locutiones suas ad Scripturarum amussim componant. Veritas in unaquaque re una tantum est: ei inveniendæ, hominis Theologi, imo & Christiani, officium est, sollicitam impendere diligentiam. Nihil hic censeri par est accuratatione nostra indignum. Attamen in hac mentium nostrarum caligine nemini irascendum est, qui non eadem in omnibus videt, quæ nos videre præsumimus, aut revera per Dei gratiam videmus. Veritatis & charitatis juncta ex æquo studia, Christianarum, hoc est, vere generosarum, mentium splendidissima ornamenta sunt.

LXXXII.

Mate nobis hanc discrepantiam objicerent Pontificii, plus ipsi discrepantis.

LXXXII. Unum adhuc addendum esse videtur, antequam Dissertationi huic imponam finem: non esse quod Romanæ Ecclesiæ Doctores sententiarum istam discrepantiam nostris hominibus exprobrent. Quum ipsi quoque, in eadem de sacramentorum efficacitate controversia, in non pauciores (mollissime loquor, dicendum fuerat, in multo plures) opinionum partes discreti sint. In eo quidem omnes consentiunt, quod Novi Fœderis sacramenta effectum suum producant ex opere operato. Atque hic barbarismus Romanensium Schibboleth est. Ubi autem portentosæ istius locutionis exponenda est significatio, ea de re tot fere sunt opiniones, quot capita: æque adeo sibi invicem repugnantes, ut tot contradictionibus manifestum incertitudinis suæ præbeant argumentum. Iis præterea ænigmatum gryphis inter se decertant, quibus non nisi Sphinges & Oedipi solvendis pares sint. *Potest, inquit GULIELMUS ESTIUS, in lib. IV. Sentent. Dist. I. Num. v. ea opinionum diversitas ad duos generales modos revocari. Nam alii volunt, sacramenta esse proprie dicta instrumenta Dei, tanquam principalis causa, ad gratiam producendam, & proinde virtutem aliquam iis tribuunt, quæ instrumentali causæ convenit, quatenus movetur ab agente principali. Alii vero, neque proprie dictam, id est, physicam instrumenti rationem in sacramentis agnoscunt, neque virtutem aliquam creatam illis inesse putant, quæ gratiæ effectum operentur: sed dicunt hactenus tantum sacramenta esse efficacia gratiæ signa, quia Divina virtus sacramentis ad producendum gratiæ effectum certo & infallibiliter, ex Christi promissione, assistit; ut videlicet habeant rationem causæ sine qua non, vel potius causæ instrumentalis generaliter dictæ. Instrumentum morale vocant. Cæterum hæc duæ Classæ generales*

nerales in varias rursus dispersitæ sunt turmas : quas omnes recensere prolixum foret. GABRIEL VASQUEZ Tom. III. in III. Part. Thomæ. Quæst. LII. Disp. cxxxii. Primo refert *quinque* opiniones eorum qui negant sacramenta esse causas physicas gratiæ : quarum *quatuor ei non placent ; quinta partim placet, partim displicet.* cap. I. Dein cap. II. refert *alias quatuor* eorum, qui dicunt esse instrumenta Dei ad gratiam physice producendam : quas omnes refellit. cap. III. & IV. Tandem cap. V. concludit, *PROBABILIOREM opinionem ferre, sacramenta Novæ Legis solum esse instrumenta moralia ad producendam gratiam ;* confutatis aliorum opinionibus, earumque infirmatis & convulsis firmamentis. Vide sis RIVETI Catholicum Orthodoxum. Tract. III. Quæst. II. Quum itaque tanta sit opinionum circa hanc rem in Romana Ecclesia diversitas ; minorem nostrorum discrepantiam in scandali occasionem trahi, iniquum foret. Si suæ opinionis aliqua ducuntur reverentia ; volupe iis esse deberet quod nostrum quidam propius ad ipsos accedant : uti nos propiorem a veritate distantiam ex animo iis gratulamur, qui nostris partibus viciniore sunt.

E P I L O G U S.

HÆc ego ita secundum animi mei religionem scripseram, & typographo characteribus suis excudenda commiseram : quum amicus quidam meus communicaret Epistolas posthumas Celeberrimi CLAUDII, moneretque ea quæ ordine septima & decima est totam istam de Pædobaptismi efficacia controversiam prolixè & nitide pertractari. Gavissus isthoc nuncio, simul ac per occupationes licuit, avide librum evolvo, Epistolam quæro, lego, nec cesso donec perlegerim. Verbis vix expressero, quanta voluptate animum perfundi senserim, dum tantam tamque exactam mearum cogitationum cum cogitationibus illustri Theologi consensionem deprehendo : adeo quidem ut meorum multa ex ipso transsumpta propemodum videri queant. Qua re uti vehementer in sententia confirmatus, ita & valide ad agendas Deo gratias impulsus sum. Sciebam enim quam magnum & memorabile Claudii nomen esset, præsertim apud dispersæ nunc per orbem terrarum Gallicanæ Ecclesiæ reliquias ; quæ ipsum toties, tam fortiter, tam perite, tam feliciter, causam veritatis agentem viderat & admirata erat. Atque hinc facilius in eandem mentem consensuros Fratres sperabam, quibus sacra tanti Viri memoria est. Non quod humana pugnare auctoritate velim, contra quam sæpe protestatus sum : sed quod

tam venerandi nominis præscriptione multorum animos excitatum iri confiderem, ad causæ momentum, rationesque eo facientes, curatius expendendum. Rogatos itaque Fratres velim, ut mea cum Claudianis conferre dignentur; eadem intentione, eodemque fine, addo, eadem fere per omnia mente, conscripta. Finire liceat Divino Pauli monito, & voto: IN EO AD QUOD USQUE PERVENIMUS, EADEM INCEDAMUS REGULA, ET IDEM SAPIAMUS. QUOD SI QUID ALITER SENTITIS, HOC QUOQUE DEUS REVELABIT.

EXERCITATIO XX.
D E
THEOLOGIA
GENTILIUM
in negotio
JUSTIFICATIONIS.
BREVARIUM.

- I. Per Justificationem intelligitur absolutio a reatu & judicatio vite æternæ. II. Vera Justificationis doctrina ex oppositis erroribus optime cognoscitur. III. Antiquissimi Christiani, vel Gentiles fuerant, vel Judæi. IV. Gentiles plerique in magna futuri seculi securitate vitam transgebant. V. Criminumque sibi veniam ex vera pœnitentia pollicebantur. VI. Præsertim si accesserit Confessio, & Deprecationes. VII. Precum vis, secundum Jamblichum. VIII. Cum precibus conjuncta fuerunt Cerimonia animi demissionem testantes. IX. Quo pertinet, quod Matronæ apud Romanos passis crinibus templorum pavimenta verrebant. X. Multum etiam tribuerunt lotionibus ac lustrationibus. XI. Reclamantibus tamen prudentioribus. XII. Igitur ad sacrificia expiatoria itum. XIII. Quamvis & iis sapientiores exiguum pretium statuerint. XIV. Attamen bonum factum fuit, quod animam animæ substituendam esse crediderint. XV. Ex quo principio notabiles orti Ægyptiorum ritus. XVI. A brutis sacrificiis tandem*

dem ad humana devenitum est. *XVII. Non modo ex plebis fece, sed & ex charissimis, & præstantissimis hominibus, eximenda. XVIII. Nec coacta mori, sed & sponte se oblatura. XIX. Quoniam incertum erat, an talis substitutio Numini placeret, tutius quibusdam visum est propriis perpeffionibus crimina sua expiare. XX. Vel ipsa etiam voluntaria morte. XXI. Quæ si necdum suffecerit, variis pænis purgatorii post hanc vitam. XII. De quibus multa Socrates apud Platonem, in Gorgia. XXIII. Et Phadone. XXIV. Cælum, beatarum animarum receptaculum, vel circa Lunæ orbem, vel inter Sidera, esse creditur. XXV. Ciceronis ea de re philosophemata. XXVI. De beatitudine cælesti quid senserint. XXVII. Eam non nisi sanctitatis & justitiæ studio acquiri, docuit Socrates. XXVIII. Et Cicero. XXIX. Conscientia sanctitatis in hac vita facit fiduciam felicitatis in futura. XXX. Quam fiduciam Divinationi imputabat Socrates, ut nos Christiani Spiritui Sancto. XXXI. Sacerdotes populum docuerunt, in arcanis quibusdam ceremoniis latere virtutem deificæ unionis, XXXII. Inchoanda in hac vita, consummanda in futura. XXXIII. Futura vita felicitate solari se lugentes possunt ac debent. XXXIV. Recapitulatio, qua ostenditur quid in omnibus hisce veri & boni, XXXV. Quid falsi ac mali sit.*

P R O L O G U S.

Prodierunt non ita pridem Antiquitates Apostolicæ, a Reverendo Doctissimoque Viro, GULIELMO CAVE, S. S. Theologiæ Doctore ac Professore & Canonico Windsorensi, Anglicano idiomate conscriptæ, ac, me suatore, in Belgicum sermonem translata. Ibi ad calcem Vitæ Pauli, sect. IX. occurrit Dissertatio, elegans profecto & erudita, de Præcipuis Controversiis, quæ Pauli ætate vigeabant. In iis locum suum habet Controversia de JUSTIFICATIONE, quam aliquanto aliter exponit, ac in Ecclesia Belgica fieri solet. Observat igitur, mentem Pauli optime intelligi posse ex ea lite quam libera Ecclesiæ Christiana intentabant non modo Judæi, Evangelii hostes, sed & quidam ex Judæis ad Christianismum conversi, at magna adhuc Mosaicarum legum veneratione ac zelo ducti. Atque illi quidem improbe pugnabant, non aliunde justitiam & vitam obtineri posse, nisi ex observatione legum Mosaicarum, quarum initium, radix aut fundamentum sit circumcisio: hi vero Evangelium quidem admittebant, sic tamen ut adjungi illi vellent circumcisionis cæterarumque ceremoniarum usum, uti partem necessariam illius qua justificari nos oportet justitiæ. Cum utroque hoc

hominum genere Paulo fuit negotium : contra tendenti, non esse justificationem quarendam ex Oeconomia legis Mosaicæ, neque in solidum neque ex parte, sed ex Oeconomia doctrinæ Evangelicæ, absque omni choroagionum ceremoniarum. Ideoque per Fidem intelligit aliquando doctrinam Evangelii, quam Legem Fidei vocat, oppositam doctrinæ Mosaicæ, quam vocat Legem Operum; aliquando efficacem illum assensum Evangelio præbendum, qui non notat hic virtutem aliquam specialem, sed universalem conditionem Novi Fœderis, & completitur in se exercitium omnium virtutum Christianarum. Unde concludit, Opera obedientiæ Evangelicæ non opponi Fidei in negotio Justificationis. Quæ omnia fuse & accurate Vir Doctissimus exsequitur. Dissertatio ista molestiam facebat Interpreti Belgæ, Viro Docto, & Orthodoxias studiosissimo, qui non sine difficultate aliquam persuaderi sibi passus est, ut eam sine observationibus aliquibus vernacule verteret. Atque hinc imposta mihi necessitas quadam est in controversias istas curatius inquirendi, veram Pauli mentem investigandi, simulque receptam Ecclesiæ nostræ doctrinam tuendi. Inde nata mihi sequentes quatuor Exercitationes: quas qua fide, judicio, & animi lenitate conscripserim, arbitrium penes æquum, istarumque rerum peritum Lectorem esto.

I. Per Justificationem intelligitur absolutio a reatu, & adjudicatio vitæ æternæ.

Requentissima in sacris literis, maxime in Divinis Pauli Epistolis, JUSTIFICATIONIS mentio est. Cujus doctrina tam prolixè exponitur, tam sollicitè inculcatur, tam diligenter adversus objectas difficultates vindicatur; ut, magnum oppido religionis Christianæ fundamentum in isthoc articulo situm esse, merito existimemus. Et sane, si quicquam aliud, hoc certe, ad Dei in Christo Sospitatore gloriam, & ad animæ peccatorum suorum mole pressæ, eorumque sensu tortæ, & ad vindicatricis Justitiæ Dei cogitationem trementis, consolationem apprime conducit; ut bene exploratum habeas, qua via, Deo reconciliatus, peccatorum nanciscaris veniam, & jus consequaris æternæ beatitudinis. In hisce enim duabus rebus justificatio consistit. Cui crimina sunt condonata, cui jus perpetuæ felicitatis addictum est, is eo ipso est justificatus. Quod nunc, tanquam rem extra controversiam positam, mihi sumo; semelque monitum semper menti obversari velim; ne tota hæc Disputatione videamur ἀποβατέιν. Hoc saltem ab æquis Lectoribus impetrem, ut, omiſsa omni de nominibus contentione, id agi meminerint, quid illud sit per quod, & propter quod, homo peccator absolvetur a reatu suorum criminum, & consequatur jus vitæ æternæ.

II. Pro-

II. Prudenter a Viris doctissimis observatum est, ad mentem Pauli Apostoli, qui omnium prolixissime & diligentissime hanc materiam exsecutus est, rite intelligendam, plurimum esse valiturum, si accurate perspectos habeamus errores istos, quibus imbuti erant hominum isto seculo viventium animi, & quos operosa disputatione confutare, ac discipulorum suorum mentibus radicitus evellere, conatus est. Idcirco hinc mihi ordiendum esse duxi, ut plenius ac distinctius quam hactenus ab Interpretibus & συζητηταῖς factum esse memini, grassantes eo ævo circa hoc negotium errores, ex antiquis monumentis explanem. Quod recte a me fieri non poterit, nisi & quædam præclare dicta intermisceam, quæ residui adhuc luminis debiles scintillationes sunt; eo gratiores, quod ex mediis tenebris micent. Non enim systema aliquod Gentilis, aut Judaicæ, circa hoc caput, doctrinæ formari poterit, nisi falsis misceantur vera.

II. *Vera
Justifica-
tionis do-
ctrina ex
oppositis
erroribus
optime co-
gnoscitur.*

III. Illi, quos Spiritus Sanctus sua per Pauli calamum institutione dignatus est, omnes tunc quidem CHRISTIANI erant: attamen eo discrimine, quod quidam ex GENTILISMO, alii ex JUDAISMO, ad fidem Christianam erant conversi. Utrique ante conversionem, tempore ignorantiae suæ, pravis opinionibus & alte radicatis præjudiciis imbuti erant, de ea re quam Paulus *justificationem* vocat, ista quam modo exposui mente. Multum autem operæ in eo sibi ponendum esse deprehendebat, ut veritatem, quæ tanti ad salutem momenti est, liquido exponeret, idoneis argumentis firmaret, & approbaret conscientiis; & quod rei caput erat, mentes longe aliter imbutas, erroribus ac præjudiciis suis, nondum bona fide prorsus depositis, exsolveret. Hoc itaque sedulo agit, ut tam *Gentiles* quam *Judæi* convincantur erroneæ suæ, qua hactenus temere animum inflaverant, vanitatis.

III. *Anti-
quissimi
Christiani,
vel Genti-
les sue-
rant, vel
Judæi.*

IV. GENTILES, ut de iis primo nunc loco dicamus, plerumque in vesana degebant securitate, non admodum vindictam Numinis metuentes, de beatifico ejus amore parum solliciti, & modo iis in hoc seculo bene esset, de futuri seculi felicitate nihil fere cogitantes, vel certatenues ac indignas cogitationes foventes, nulla propemodum illius assuequendæ cura tacti. Qui indole ac felicitate quadam nascendi, aut educatione, aut Philosophiæ studio, ad virtutem quodammodo formati, aliquam ei operam dabant; tam impense ista sibi virtute placuerunt, ut imputari sibi a superis, in laudem ac mercedem, postularent: vitiaque sua cætera, sine quibus neminem nasci fatebantur, insigni ista probitate abunde redempta esse arbitrarentur. Certe tantum sibi a Deorum suorum benignitate pollicebantur, ut, sine multa & operosa satisfactione, sola sua bonitate inducti, cæteræque probitatis intuitu, vitia

IV. *Genti-
les pleri-
que in ma-
gna futuri
seculi secu-
ritate vi-
tam tran-
sgebant.*

eiusmodi, a quibus vix est ut humana natura prorsus sibi caveat, propitii transmitterent. Quam facilem sibi Numinis placationem promitterent, colligere est ex *Jamblicho de Myst. sect. I. cap. XIII*. Ubi monet, offensionem Numinis non esse inveteratam quandam & permanentem iracundiam, ἀλλὰ τῆς ἀγαθοεργῆς κηδεμονίας περὶ θεῶν ἀΐατροφὴν, sed benefica Deorum curæ aversionem quandam: quam quidem curam ubi nosmet ipsi averterimus a nobis, tanquam a luce meridiei nos abscondentes, tenebras nobis accersimus, & bona Deorum indulgentia nos ipsi privamus. Mox addit: δύναται ἔν ἡ ἐξίλασις ἡμᾶς ἐπιστρέψαι πρὸς τὴν κρείττιστον μετῴσιαν, καὶ τὴν ἀνεσφαλμένην ἀφ' ἡμῶν θεῶν κηδεμονίαν εἰς κοινωνίαν προσαγαγεῖν, καὶ συνδῆσαι συμμέτρως τὰ μετεχόμενά τε καὶ μεταλαμβάνοντα πρὸς ἄλληλα. Potest autem placatio nos iterum restituere in participationem Divinam, & providentiam Divinam a nobis divulsam, iterum ad se communicandum invitare; & debito modo participantes cum participatis mutuo connectere.

V. Crimini-
pamque
sibi peni-
am ut ve-
ra peniten-
tia pollice-
bantur.

V. Verum si criminofam quis incestamque duxisset vitam, aut si ingenti scelere, sive hominum quispiam, sive integer aliquis populus, se obstrinxisset; ipsa illos naturalis docebat conscientia, provocatam isto facto esse Divini Numinis iram, & satisfactionem aliquam requiri, qua scelus expiatur, & propitiatur Deus. Atque hic quidem sollicito quadantenus animo occurrebat primum, necessariam esse male facti POENITENTIAM. Quæ, innocentiae propemodum æquiparanda, favorem Numinis pœnitenti conciliet. Hinc notum illud *Seneca* Tragicæ, *Quem pœnitet peccasse, est innocens*. Hinc & *Ovidii* illud de *Ponto* lib. 2. eleg. 1.

Sæpe levant pœnas, ereptaque lumina reddunt,

Quam BENE peccati POENITUISSE vident.

Recte dixit Poëta, bene pœnituisse: nam verum sinceramque pœnitentiam requirebant; eo demonstrandam, quod plus criminis fœditate, quam pœnæ metu, pœnave ipsa, torqueretur peccati convictus animus. Sic enim mentem suam porro exponit:

--- *Pœnitet. & facto torqueor ipse meo.*

Quamque sit exilium, magis est mihi culpa dolori:

Estque pati pœnam, quam tenuisse minus.

VI. Pra-
sertim si
acceserit
Confessio,
& Depre-
cationes.

VI. Neque tamen nudam sic sufficere putabant pœnitentiam, ut non adjungendam ipsi existimarent solennem criminum CONFESSIO-
NEM, demissique animi PRECES. De qua re eximius locus est Euripi-
dis in *Andromache*. v. 54.

ἡ πᾶς

Ἐν πως τὰ πρόθεν σφάλματα ἔχαιτ' ἔμεν.

Θεὸν παρ' αὐτοῖς εἰς τὸ λοιπὸν εὐμενῇ.

Ut deprecando prioris erroris veniam,

In posterum Deum sibi reddat placitum ac propitium.

In precibus tam *Græcorum* quam *Romanorum* partem non temerandam faciebant solennia carmina, quibus propitios sibi precabantur superos, eadem propemodum formula, qua usus in Evangelio legitur Publicanus. In quam rem eruditissimæ exstant Illustris SPANHEIM observationes ad *Callimach. Hymn. in Cerer. vs. 139.* Ἰλαθί μοι. Consuetudo nempe (sic commentatur grande illud seculi nostri decus) *uti fidelium, seu veri Dei cultorum, sicuti Publicani Luc. xviii: 13.* Ἰλαθῆτι μοι, sis mihi PROPITIUS, ita etiam Gentilium, seu Orphicis, seu Hæmericis, vel Homericarum hymnis, precandi formula, ἰληθι, κλυθι, ἔρχῃ ἰλα, sis propitius, exaudi, veni propitius: ac prout apud Latinos in iisdem Orphicis consensim dicitur:

Κλυθι θεὰ δέσποινα, καὶ ἰλαον ἦτορ ἔχουσα.

Audi Dea Domina, & propitium cor habens.

Ac ita circa finem Ἀδωνιαζουσῶν apud Theocritum, *Idyllio xv. v. 143.* ἰλαθι νῦν Φιλ' Ἀδωνι. Ubi Grammatici, ἰλαθι ἀντὶ τὸ ἰλαθῆτι, κατὰ ἀποκοπὴν Δωρικῶς. Eadem formula usi etiam passim Romani, in supplicationibus ac sacrificiis. Ut, *PRECOR TE JUPPITER, UTI MIHI VOLENS PROPITIUS SIES: nempe quod hic ad Cererem, ἰλαθί μοι. Vel, JUPPITER, &c. UTI SIES VOLENS PROPITIUS MIHI, LIBERISQUE MEIS. DOMUI FAMILIÆQUE MEÆ; prout ea leguntur apud Catonem de R. R. Festum, ac alibi. Cujus rei rationem reddit Jamblichus, de Myster. scē. 1. cap. xi. quod Dei ita non sit permanens, sed ἀποστροφὴ tantum, seu aversio, qua per ἐξίλασιν, placationem, seu, ut eas vocat Æschylus, *Charē*, v. 210. per τελεσφόρους ἐυχὰς perfectrices preces, possit tolli; atque ita Numen reddi propitium.*

VII. Tantum precibus Platonici tribuerunt Philosophi, ut non VII. *Pre-* solum placando Numini valerent; sed & insita sibi quadam virtute *cum vis,* hominem ad amicitiam ac similitudinem Dei adducerent. Qua de re *secundum* acute disputat Jamblichus scē. 1. cap. xv. Τὸ γὰρ θεῖον ἐν ἡμῖν καὶ νοητὸν καὶ *Jambli-* ἐν, ἢ εἰ νοητὸν αὐτὸ καλεῖν ἐθέλεις, ἐγείρεται τότε ἐναργῶς ἐν ταῖς *chum.* ἐυχαῖς, ἐγειρόμενον δ' ἐφίεται τῷ ὁμοίῳ διαφερόντως, καὶ συνάπτεται πρὸς αὐτοτελειότητα. Nam quod in nobis est divinum, quod intellectuale est, quod *numen*, vel, si quis vocare, intelligibile, exper-

giscitur plane inter precandum, experrectum vero appetit vehementer quod sibi simile est, & copulatur suæ ipsius perfectioni. Sic Interpres: Sed rectius verti puto, copulatur ipsi perfectioni, id est, veræ ac summæ perfectioni. Interjectis pauculis sic pergit: Ἡ μὲν γὰρ συναΐδησις τῆς περὶ ἑαυτὸς εὐδαιμονίας, ἐν τῇς ἡμᾶς παραβάλλων τοῖς θεοῖς κρίνεται, ποιεῖ τρεπιδαι πρὸς τὰς λιτὰς αὐτοφύως ἀπὸ δὲ τῆς ἰκετείας κατὰ βραχὺ πρὸς τὸ ἰκετεύμενον ἀναγόμεθα, καὶ τὴν πρὸς αὐτὸ ὁμοιότητα ἀπὸ τῆς συνεχῶς αὐτῇ προσομιλεῖν κτώμεθα, τελειότητά τε θείαν ἡρέμα προσλαμβάνομεν ἀπὸ τῆς ἀτελεῖς. *Propria enim conscientia quod nihili sumus, si quis nos cum Diis conferat, naturaliter nos ad preces vertit: jam vero & supplicationibus breviter adducimur ad id cui supplicamus, ET SIMILITUDINEM IPSIUS ACQUIRIMUS, EX JUGI GUM EO CONVERSATIONE, ET PRO IMPERFECTIONE NOSTRA, DIVINAM PAULLATIM ADSCISGIMUS PERFECTIONEM.* Quæ præclara esse, & proxime ad Christianismum accedentia quis neget? Utinam viam novisset, qua adiri se Deus vult, & nomen, in quo sunt concipiendæ preces.

VIII. Cum precibus conjuncta fuerunt ceremoniæ animi de submissione testantes.

VIII. Vix ulla unquam tam barbara fuit natio, quæ talium deprecationum necessitatem non agnosceret. Quibus suas singuli jungebant CERIMONIAS, ad indicandam animi submissionem, & intendendum, ut rebantur, orationis valorem. Assyriorum Rex, cujus metropolis Ninive erat, postquam iratum sibi suisque Deum intellexisset, ut instans, si pote, evitaret malum, purpuram ac diadema posuit, saccum induit, in cinere consedit, jejunium non hominibus solum, sed & jumentis indixit; ut hi quidem suis orationibus, illa vero suo boatu & balatu, Dei inelamarent misericordiam. Jon. III: 6, 7.

IX. Quo pertinet, quod Matronæ apud Romanos passis crinibus templorum pavimenta verrebant.

IX. Romani, si quando vel pestis sæviret, vel infelicitis belli atrocitas, portisque immineret hostis, supplicia indicebant, in quibus matronæ virginesque lamenti implebant omnia, PASSISQUE CRINIBUS TEMPLORUM FAVIMENTA VERREBANT. Exempla suppeditat Livius lib. III. cap. VII. Inopisque senatus auxilii humani, ad Deos populum ac vota vertit. Jussit cum conjugibus ac liberis supplicatum ire, pacemque exproscere Deum. Ad id quod sua quæque mala cogebant, auctoritate publica evocati, omnia delubra implent. Strata passim matres, CRINIBUS TEMPLA VERRENTES, veniam irarum cælestium, finemque pesti exproscunt. Rursusque lib. XXVI. cap. IX. Undique matronæ in publicum effusa circa Deum delubra discurrunt, crinibus passis aras verrentes, nixa genibus &c. Polybius eadem sic habet lib. IX. cap. VI. Ἡ δὲ γυναῖκες παραπορευόμεναι τὰς ναῦς ἰκέτουσιν τὰς θεάς, πλυνῆσαι ταῖς κίμαις τὰ τῶν ἱερῶν ἰδία φη. Τὸτο γὰρ

γὰρ ἔθος αὐταῖς ἐς ποιεῖν, ὅταν τις ὁλόσχερον τὴν πατρίδα κατα-
λαμβάνῃ κίνδυνον. *Mulieres vero circa Deum delubra discurrunt, sup-
plicia Diis faciunt, adium sacrarum pavimenta crinibus passis mundant.
Is namque illis mos est, quoties in aliquo insigniore & majore periculo pa-
tria versatur. Eodem tendit, quod de uxore sua narrat Ovidius Trist.
lib. I. Eleg. III.*

*Illam etiam ante lares, passis prostrata capillis
Contigit extinctos ore tremante focos.*

Atque hinc, ut in transitu id moneam, lux aliqua Evangelicæ affulget-
historiæ, ubi femina peccatrix, Christi affusa pedibus, lacrumis eos
suis lavisse, & capillis absterxisse memoratur. Luc. vii: 38. Nugas
enim agunt, qui de adscititio capillitio somniant, quod, capiti
amotum, lintei loco adhibuerit.

X. At revertor, unde digressus sum. Nihil vulgatius fuit Gen- ^{X. Mul-}
tibus propemodum omnibus, *Gracis, Romanis, Barbaris*, quam ut ^{sum etiam}
supplicationibus suis LOTIONES AC LUSTRATIONES quasdam adderent; ^{tribuerunt}
quibus non corpora solum, sed & animas, quodammodo mundari ^{lotionibus}
credebant. *Græcorum* consuetudinem repræsentat *Homerus Iliados* ^{ac lustra-}
lib. I. v. 313. ^{tionibus.}

Λαῖς δ' Ἀτρεΐδης ἀπολυμαίνεισθαι ἀνωγει
Ὅι δ' ἀπελυμαίνοντο, καὶ εἰς ἄλλα λύματα ἔβαλλον.

*Populos autem Atrides lustrari jussit:
Illi autem lustrabantur, & in mare sordes jaciebant.*

Hinc *Romani* hauserunt, teste *Ovidio*, *Fast. II. non procul initio*:

*Omne nefas, omnemque mali purgamine causam
Credebant nostri tollere posse senes.
Gracia principum moris fuit: illa nocentes
Impia lustratos ponere facta putat.*

Multa hac de re maxima diligentia collegit *Lomeyerus in libro de Lu-
strationibus Veterum*; cujus scrinia compilare non habet. Magnus
etiam lotionum apud *Agyptios* usus fuit, ac præcipue sacerdotes, cor-
poris & animi purgandi causa. *Niacis* sacris initiabantur per Baptis-
mum, quem & *Pelasii* sacris usurpabant; sic regenerari se, suasque
noxas & perjuria elui censentes. Uti *Tertullianus* disserit in *libro de Bap-
tismo cap. v.* Ex quo etiam cognoscimus, lavacris lustratos *Perfas Mithræ*
sacra suscepisse. Quem ritum ne nunc quidem dedidicit eorum soboles,

Guebri dicti, qui labes animi deleri existimant, vaccæ urina, & medicata quadam aqua. Præstant idem *Brachmanes*, qui peccata aqua deleri putant; vel marina, si certis quibusdam adhibeatur temporibus, & locis; vel dulci, ac præcipue *Gangetica*, cui eam arbitrantur inesse vim, ut si quis eam nec opinus subeat, nec de criminibus abstergendis cogitans, noxis tamen omnibus purgetur. Quod per nos quidem Ecclesiæ Romanæ sectatoribus cum doctrina sua de opere operato conferre licet. Magis ad rem nostram fecerit observasse, quod in piaculis aliquando & cinere usi fuerint; haut secus ac Hebræi ex instituto Moïsi. Num. XIX. Sic enim *Virgilius Eclog. VIII.*

*Fer cineres, Amarylli foras, rivoque fluente,
Transque caput jace.*

Similiter *Ovidius, Fast. IV.*

Ignem cremat vitulos, purget ut ille cinis.

XI. *Eccle-*
mantibus
tamen pru-
dentiori-
bua.

XI. At qui ex ipsis Gentilibus, tam *Græcis*, quam *Romanis*, ad peccati naturam paullo attendebant diligentius, facile convincebantur, nihil esse ineptius quam cassis id genus cerimoniis criminum expiandorum vim attribuere. *Stobæus, Sermone IV.* postquam citasset tritum illud *Euripidis* dictum:

Θαλασσα κλύζει πάντα τ' ἀνθρώπων κακά.
Mare cuncta hominum mala prorsus abluat,

mox addit: φέρεται δ' εἰς τὰς δεισιδαίμονας, οἱ θαλάσση περιπαύονται. *Cadit hoc dictum in supersticiosos, qui mari lustrari solent.* Idem aliquanto fortius dixit *Ovidius*, loco mox allegato:

*Ab nimium faciles, qui tristitia crimina cadis
Fluminea tolli posse putatis aqua.*

XII. *Igitur*
ad sacrifici-
cia expia-
torio itum,
vers. 495.

XII. Ulterius itaque progressæ, SANGUINE PLACANDUM Numen esse pleræque gentes putaverunt. Ubi primo ad *animalia* itum est, hominibus peccatoribus substituenda. *Homerus Iliad. lib. I.*

καὶ μὲν τὰς θυέσεις, καὶ εὐχολαῖς ἀγαθήσι,
λοιβήτε κνισσῆτε παρατρῶσ' ἀνθρώποι
λυσόμενοι, ὅτε κέν τις ὑπερβῇ καὶ ἁμάρτη.

Next

— — Flexibiles autem sunt & Dii ipsi.

Nam & hos quidem sufficientis & votis benignis,

Libamineque nidoreque, flectunt homines,

Precautes, postquam aliquis prævaticatus fuerit & peccaverit.

De Ægypti Regibus narrat Diodorus lib. 1. solitos fuisse sub auroram, lotos, & regni insignibus, splendidaque trabea ornatos, Diis sacrificium ire: adductis tum ad aram victimis, ex more Pontificem, Sacerdoti adstantem, magna voce, in conferta Ægyptiorum corona, preces pronuntiasse, ut Dii sanitatem, cum cæteris bonis omnibus, Regi largiantur. Romanorum sacrificia, ad Deorum a republica iram avertendam, sive ex Sibyllinorum librorum præscripto, sive alio quocunque modo instituta, omnes loquuntur historiæ. Communem omnibus fere Gentibus sententiam *Jamblichus* exposuit de *Myst. sect. v. cap. vi*. tantam sacrificiis efficacitatem tribuens, ὥς μὴτε λοιμῶν παύλαι, μὴτε λιμῶν, ἢ ἀφροδίας χωρὶς αὐτῶν γίνεσθαι, μὴτε ὀμβρῶν αἰτήσεις, μὴτε τα τμωιότερα τῶν, ὅσα εἰς ψυχῆς καθάρσιν, ἢ τὴν ἀπὸ τῆς γενέσεως ἀπαλλαγὴν συμβάλλεται. Ut sine eis non liberemur a peste, a fame, a penuria, nec impetremus imbres opportunos, nec ea quæ his omnibus præponderant, ea intelligo quæ ad animæ purificationem, aut perfectionem, & ad ejus e generationis sordibus emancipationem conferunt. In quam rem omnes fere totius orbis nationes consenserunt: improbantibus licet prudentioribus.

XIII. *Pythagoras*, *Plato*, *Porphyrus*, & sapientum alii, sacrifici- ^{XIII}
eius expiatoriis exiguum oppido statuebant pretium: mirabanturque ^{Quamvis}
quæ ratione tetrica ista consuetudo, innocentium animalium sanguine, ^{& his sa-}
atraque fuligine ac fumo delubra sordandi, totum pene mundum oc- ^{pietiores}
cupavisset. Quod tam ab omni sapientia alienum ratus est *Porphyrus*, ^{exiguum}
ut integra Dissertatione ostendere conatus sit, eam Deos colendi ratio- ^{pretium}
nem esse βλαβερὸν, παράνομον, καὶ ἀνόσιον, ποχίαν, illegitimam at- ^{statuerint}
que profanam. Vide sis *Euseb. de Preparatione Evangelica lib. iv. cap.*
XIV. Poëtæ etiam aculeatis Satyris vulgi circa sacrificia insaniam per-
strinxerunt. Fuit qui ita exclamaret; apud *Porphyrum de Abstinencia*,
lib. I. cap. XLVII.

Τὶς ὦδ' εἰ μῶν, καὶ λίαν ἀναιμὲν,

Ἐπιτοῖος ἀνδρῶν, ὅστις ἐλπίζει θεῶν,

Ὅσων ἀσάρκων καὶ χολῆς πυρρμένης,

Ἀκυστὴν πεινῶσιν ἐχὺ βρώσιμα,

Χαίρει ἀπάντας, καὶ γέρας λαχὼν τόδ' ἐγώ.

XXX 3

Quis

*Quis adeo stultus, & tam ignavi est animi;
Tam credulus quis est, ut autumat, Deos
Tostaque bile, & ossibus tantum meris,
Qua forte rodant nec famelici canes.*

Latarier, sibi que munus poscere hoc?

Qui crassior profecto error est, quam ut seriam refutationem mereatur. Eam tamen molitus *Jamblichus* est *sect. π. cap. x.* ubi adversus eos, qui credebant, Deos *nidoribus animalium in sacrificiis inescari*, disputans, hoc argumento utitur: *Ἐ γὰρ τί πᾶς καὶ περικείται τοῖς δαίμοσι σῶμα, ὃ δὴ τινες τρέφονται ἀπὸ τῶν θυσίων νομίζουσιν, αὐτρεπτόν ἐστι τῆτο καὶ ἀπαθές τε καὶ ἀνευδές, ὥς μήτε ἀπορρεῖν πῖ ἀπ' αὐτῶ, μήτε ἐπορροῆς ἔχειν αὐτὸ ποιοῦ εἶναι· εἰ δ' ἄρα καὶ τῆτο τις θείη, τῷ κόσμῳ, καὶ τῷ ἐν αὐτῷ αἰέρι, ἀνέκλειπτον ἔχοντος ἀπὸ τῶν περὶ τὴν γῆν ἀναθυμιάσιν, περιεχυμένῳ πανταχόθεν ἐπίσης τῷ τοιούτῳ πνεύματι, τίς ἀνέτι χρεία αὐτοῖς εἶναι τῶν θυσίων;* *Fac enim demonas vestiri corpori, quod quidam sacrificiis nutiri volunt, certe illud corpus immutabile est, & impatibile, lucidumque & nullius indigum, ita ut nihil effluat inde, nihilque necessario influat; & si forte sit necessarius influxus, quandoquidem mundus, & in eo aër, inexhaustam habeat a terrenis exhalationum copiam, undique adscendente quodam effluvio, quis potest esse sacrificiorum apud Deos usus? &c.* Nec frustra hæc ingerebantur animis superstitione captis, & Sacerdotibus vulgi insania ad quæstum & ambitionem suam abutentibus, stulteque credentibus, aut credere se simulantibus, Superos sacrificiorum nidore pasci, & taurinis vesci carnibus, ac hircinum bibere cruorem.

XIV. *At tamen bonum factum fuit, quod animam substituentiam esse crediderint.*

XIV. Fuit tamen in isthoc ritu aliquid, quod non prorsus spernas, aut negligas. Quatenus universalem generis humani confessionem complectebatur, ad avertendam irati Numinis iram idoneum aliquod sacrificium expiatorium requiri, quod NOCENTIUM HOMINUM LOCO Deo offeratur. Qui enim omnium prudentissime hac de re disputabant, ista fere oratione usi sunt: Quum multorum se criminum reos esse fatui cogerentur, eaque nec poenitentia, nec supplicationibus, nec lotionibus quibusdam, expiari possent; superesse ut λύτρον aliquod quæreretur pro noxiis animabus Deo offerendum: & quum in omni re sua nihil haberent præstantius vivis animalibus, ad vitæ sustentationem sibi concessis, ea in honorem superiorum mactare visum est, τῆς σφῶν ψυχῆς ἀντίψυχα προσκομίζοντες, *bestiarum animas quasi suarum animarum loco apportantes*: uti est apud *Euseb. Demonstr. Evang. lib. i. cap. x.* Hoc modo *Asclepiades* instituebat, cujus verba *Porphyrius* exhibet de *Abstin.*

Abstin. lib. IV. cap. XV. Τὸ πρῶτον ἔκ ἐθύετο τοῖς θεοῖς ἔθ' ἐν ἔμψυχον, ἀλλ' ἔθ' ἐ νόμῳ ἢν περὶ τέτα, διὰ τῷ νόμῳ φυσικῷ κεκωλύσθαι. Ἐπὶ δέ τινες καιρὸς πρῶτον ἱερεῖον θύσαι μυθεύονται, ψυχὴν ἀντὶ ψυχῆς αἰτομένους. *Primum nullum animal diis immolabatur. Neque lex ulla super hac re fuit, quippe quam prohibebat lex natura. Occasione vero aliqua animam pro anima exigente, primum sacrificium ex animalibus datum referunt.*

XV. Ex eodem principio Ægyptiis sacrificiorum suorum capitibus dira quævis imprecabantur, orantes superos ut in ea immitterent, quod quid cæteroquæ mali vel terræ Ægypti, vel aliis quibusvis sacra facientibus immineret. Obeandemque rationem nullo unquam ullius animalis capite vescabantur, ne forte in quandam diarum istarum communionem venirent: teste *Herodoto in Enterpe*. Addit *Plutarchus in libro de Iside & Osiride*, olim eos caput animantis, cui impositæ diræ erant in flumen projecisse, ut cum ipso sua mergerentur peccata (cui ritui valde consentaneæ Prophetica *ἡσ. 17. 19.*) at senioribus seculis epulandum illud dedisse peregrinis, ut quam Ægyptii meruerant execrationem, ea in miseros, fortisque suæ ignaros, alienigenas recideret.

XVI. At quum ne hoc quidem anxietatis conscientiae ad placandum XVI. A Numen sufficere videretur; ad HUMANA tandem ventum sacrificia est, ut ex hominibus sumeretur, qui pro hominibus lueret. Tales Græcis ἀναθέματα, βδελύγματα, περιψήματα, καθάρματα, ἀποτροπαίοι, ἀντίψυχοι, aliisque id genus nominibus vocabantur: quos quum maius aliquid civitati impenderet, pestis scilicet, aut fames, aut bellum, ad piaculum expiandum immolabant: cum hac imprecatione, *ὑπὲρ ψυχῆς* nostrum, hoc est, *salus & redemptio*: atque ita miserum præcipitabant in mare, quasi Neptuno sacrum solventes. De quibus ceremoniis vide quæ non indiligenter annotavi in *Exercitatione de votivo Anathemate Pauli. §. VI.* Adde quæ de *Gallis* *Cæsar* tradidit de bello Gall. lib. VI. *Natio est omnis Gallorum admodum dedita religionibus. Atque ob eam causam qui sunt affecti gravioribus morbis, qui in præliis periculisque versantur, aut pro victimis homines immolant, aut se immolatuos vident; administrisque ad ea sacra Druidibus utuntur: QUOD PRO VITA HOMINIS NISI VITA HOMINIS REDDATUR, NON POSSE DEORUM IMMORTALIUM NUMEN PLACARI ARBITRANTUR.*

XVII. Nos
modo ex
plebis fece,
sed & ex
charissi-
mis, & pra-
stantissi-
mis homi-
nibus, exi-
menda.

XVII. Verumtamen quoniam humana ista sacrificia vel ex hostibus erant, vel infima plebis fece, mortalium abjectissimi, (*λίαν ἀγενεῖς καὶ ἀκαθάρτοι* vocat Scholiastes Aristophanis) hinc scrupulus oriri poterat, quæ spes esset, ut diis litetur talium sacrificiis hominum, qui ipsis hominibus contemptui & abominationi essent. Indeque factum est, ut qui majori Numinis reverentia duci videbantur, nobilius aliquid quæsierint, & dignius majestate superiorum. Atque eo tandem ipsos anxii animi terror adegit, ut quod in omni re sua habebant charissimum, pignora sua dilectissima, quæ oculis cæteroqui plus suis amare natura jubet, devoverent iratis diis, & uti Michas loquitur cap. vi: 7. *fructum uteri sui pro peccato animæ suæ, & primogenitum suum pro transgressionem suam darent.* Hinc nefanda illa *Molochi* sacra, in quibus parentes dulcissimos natos suos, non modo supersticiosæ lustrationis causa per medios raptabant ignes, sed & flammis immanem in modum absumebant, ad procurandam cæteræ familiæ salutem. Quis sine horrore desperatum illud *Molochitarum Regis* facinus legat, qui in extrema belli necessitate constitutus, primogenitum suum, suo regnaturum loco, in obsessæ urbis suæ muro, & conspectu victricium copiarum, mactavit, combussitque in holocaustum? 2. Reg. i: 27. De Septentrionalibus populis refert *Dithmarus*, primo anni mense nonaginta novem sortito eligi solitos qui diis immolarentur: idque durasse usque ad Henrici I. Germaniæ Regis, tempora. Faustissimum vero id regno litamen existimatum, si SORS REGEM TIGISSET: quam victimam totius populi multitudo, summa cum gratulatione & applausu prosecuta sit. Adeo Barbarorum animis ista inoleverat opinio, id superis gratissimum esse, quod in suo genere est præstantissimum.

XVIII. Nos
cuncta mo-
ri, sed &
sponte se
oblatura.

XVIII. Cæterum quum hi, de quibus locuti sumus hactenus, diviti omnes cogerentur, facile nata est suspicio, quod eo ipso nomine minus accepti essent diis. Idcirco commodum sibi accidisse rebantur *Massilienses*, si, quoties pestilentia laborabant unus ex pauperibus sponte se offerret; alendus anno integro publicis & purioribus cibis, deinde ornatus verbenis ac vestibus sacris, & per civitatem circumductus, cum execrationibus projiciendus. Qua de re *Servius* ad illud *Virgilii*: *Ami sacra famas.* At quid pauperculus ejusmodi apud Superos valeret? Melius Græcis Romanisque prospectum fuit, quando civium honoratiorum, aut magnatum aliquis, aut principes populi, consules, ipsique adeo reges, sponte se pro salute publica devoverunt. Cujus frequentiora, & notiora ubivis exempla prostant; quam ut hic memorari necesse sit. Videri qui vult *Loweyerum de Lustrationibus* cap. xxi. Hoc unum nunc

annota-

annotare lubet, veterrimos & Apostolici ævi Christianos idem animadvertisse, & in rem suam convertisse. Sic enim *Clemens Romanus* in sua ad *Corinthios* Epistola §. LII. ex nupera *Clerici* editione. "ἵνα δὲ καὶ ὑποδείγματα ἐθνῶν εἰγκωμεν, πολλοὶ βασιλεῖς καὶ ἡγέμενοι, λοιμικῇ τινὶ ἐνσάντη καὶ ῥῥῃ, χρησιμοδοτηθέντες, παρέδωκαν ἑαυτοὺς εἰς θάνατον, ἵνα ῥύσωνται δι' ἑαυτῶν αἱματὶ τῆς πολιτείας. Ut autem etiam gentium exempla proferamus, multi Reges & Principes, pestifero tempore sæviente, quum oraculo admoniti essent, se ipsos morti tradiderunt, ut cives suo sanguine liberarent.

XIX. Quæ quamvis humanæ charitatis modum fere superare XIX. Quo-
videantur, remanet tamen in sollicitis animis scrupulus aliquis; ecquid *niam in-*
sanctissimo iustissimoque Numini placeat, ut quum omnes pariter pec-
catores sint, ex omnibus unus, sive invitus, sive sponte sua, constitua-
tur, qui omnium sic sustineat personam, ut pro omnibus luat. Quo-
niam suspicio ista fundamento non caret, reperti omni ævo fuerunt, *certum*
qui suis ipsi VOLUNTARIE SUSCEPTIS PERPESSIONIBUS pro peccatis fa-
tisfacere se postularunt. Veterem hunc apud *Syros* morem fuisse sacra-
docet historia: qua Baalis Prophetæ, ad conciliandam sibi numinis *erat, me*
istius gratiam, cultris & lanceolis se juxta ritum suum incidisse memo-
rantur, donec perfunderentur sanguine. 1. Reg. xvi: 28. Idem fie-
bat a *Dea Syria* cultoribus, qui & cultris & flagris sanguinem large *talibus sub-*
proliciebant, & virilia sibi devolvebant, nec linguæ parcentes. Præci-
pua *Brachmanum*, tam priscorum, quam recentiorum, in ejusmodi per-
peffionibus laus est. In lapidibus, aut in herbis viridibus, aut in terra *sumo est*
somnum per multos annos capiunt; vino, pane, & carnibus abstinent;
prudent glandes & olera; diuturna inedia corpus subigunt; quidam
nudi imbres, hiemes, & ardentes solis æstus tolerant; quidam irretortis
oculis solem per totum diem spectant; quidam ferventibus arenis insi-
stunt, alternis pedib; quidam ad arborem religati ætatem agunt; quidam
ferrea catena revincti ambulant; quidam antris & solitudinibus se occul-
tant. Mirabilia quoque sunt, quæ de spontaneis *Faqirorum* castigationi-
bus peregrinatores narrant. Hieme item & æstate nudi humi cubant sub
dio; nonnulli stant semper; alii brachiis in sublime porrectis ad mortem
usq; permanent. Sunt qui clavos corpori infixos gerant; qui resectas cor-
poris sui particulas ad sagittas alligent, & arcu in altum mittant; qui hu-
meros hamis ferreis transfixi in altum tollantur; qui candentes carbones
vertici imponant, & sustineant; qui lapides capite tundant, vel caput la-
pidibus; qui solis ardentissimi radios media luce nudi perferunt. Et quæ
id genus propemodum innumera apud sacundissimum *Huetium* le-

gi malo, quam huc transcribere. Vide *Alnetan. Quest. lib. III. cap. XIV.*

XX. *Vel ipsa etiam voluntaria morte.*

XX. Cæterum omnia ista, quantumvis dictu dura, perpassu aspera, ac fidem fere superantia, leviora aliis visa sunt, quam ut peccatis omnibus in solidum expiandis sufficerent. Iis præsertim, qui æternæ se mortis reos esse fatebantur. Hanc ut evaderent, corpus suum SPONTANÆ MORTI tradiderunt. Fuere qui, non ex insania aut desperatione, sed deliberato animo, gulam sibi præsciderunt; qui instructo sua manu rogo semet ipsos comburendos imposuerunt, aut in ignem insilierunt; qui carpentorum, sacra sua & Deos veheptium, rotis se subjecerunt, ab iis conterendi. Qualia aliquam multa in India sibi visa atque comperta esse fide digni testes retulerunt. Atque id quidem extremum est eorum omnium quæ ab homine, saltem in hoc sæculo, præstari possunt; nimirum ut voluntaria vitæ suæ, post innumerabiles atque incredibiles perpassiones, sponte susceptas, profusione, mortem æternam redemptam cupiat.

XXI. *Quæ si peccatum suffeceris, variis poenis purgatoris post hanc vitam.*

XXI. Si quid præterea faciendum restet, id animæ incumberet, a corpore solutæ. Hanc vero si vitiorum labe polluta hinc excesserit, VARIIS POENIS, PURGANDI CAUSSA, exerceri, antequam in beatorum sedem, quos *Elysios Campos* vocant, transire ipsi liceat, non Poetæ solum fabulati sunt; sed & magno serio Philosophi quidam docuerunt, & gentes universæ crediderunt.

XXII. *De quibus multa sententias apud Platonem, in Gorgia.*

XXII. *Socrates in Gorgia, sub finem, pag. 312. editionis Lugdunensis 1590. divina æternaque lege constitutum esse disputat, τῶν ἀνθρώπων τὸν μὲν δίκαιως τὴν βίον διαλθόντα καὶ ὁσίως, ἐπειδὴν τελευτήσῃ, εἰς μακάρων νήσους ἀπιέντα, οἰκεῖν ἐν πάσῃ εὐδαιμονίᾳ ἐκ τὸς κακῶν τὸν δὲ ἀδίκως καὶ ἀνόμιως, εἰς τὸ τῆς τίσεως τε καὶ δίκης δεσμοτήριον, ὃ δὴ τάρταρον καλεῖσιν, ἵέναι: Ut quicunque homines jure pietate vitam egissent, quæ e vita migrarent, ad beatorum insulas profecti, in omni felicitate uterent, a malis longe sejuncti: qui vero injuste impieque vixissent, in punitionis justique supplicii carcerem, quod appellant Tartarum, irent. Et ex his quidem alios describit ut curabiles, alios autem ut prorsus incurabiles. Utrosque post hanc vitam meritis subire poenas: sed cum discrimine; illos ut mudentur ac liberentur ab injustitia, hos, ut aliis exemplo sint. At ipsum, si lubet, philosophantem audiamus. Προσῆκει δὲ παντί τῳ ἐν τιμωρίᾳ ὄντι, ὥς ἄλλῃ ὀρθῶς τιμωρημένη, ἢ βελτίονι γίνεσθαι καὶ ὀνησθαι, ἢ παράδειγμα τι τοῖς ἄλλοις γίνεσθαι ἢ ἄλλοι ὁρῶντες πάσχειν αἰετὶ πάσχειν, φοβέμενοι βελ-*

βελτίως γίνονται. Ἐἰσὶ δὲ οἱ μὲν ὠφελόμενοι τε καὶ δίκην δίδόν-
 τες ὑπὲρ Θεῶν τε καὶ ἀνθρώπων, ἔτι οἱ ἂν ἰάσιμα ἀμαρτήματα
 ἀμάρτωσιν. ὅμως δὲ δι' ἀλγηδόνων καὶ ὀδυνῶν γίνονται αὐτοῖς ἡ ὠφέ-
 λεια, καὶ ἐνθάδε καὶ ἐν ἄλλῃ. ἔτι γὰρ οἰοῦντε ἄλλως ἀδικίας ἀπαλλάτ-
 τεσθαι. οἱ δ' ἂν τὰ ἔσχατα ἀδικήσωσι, καὶ διὰ τοιαῦτα ἀδικήμα-
 τα ἀνάτοι γέγονται, ἐκ τῶν ἰα παραδείγματα γίνονται, καὶ ἔ-
 τοι, αὐτοὶ μὲν ἔτι ὀνίναλοι ἔδεν, ἅτε ἀνάτοι ὄντες· ἄλλοι δὲ ὀνί-
 ναλοι, οἱ τῆς ὀρῶντες διὰ τὰς ἀμαρτίας τὰ μέγιστα καὶ ὀδυνηρά-
 τα καὶ φοβερότατα πάθη πάσχειν τὸν αἰὲ χρόνον, ἄτεχνῶς πα-
 ραδείγματα ἀνηρημένους ἐκεῖ ἐν ἄλλῃ ἐν τῷ δεσμωτηρίῳ, τοῖς αἰὲ τῶν
 ἀδικῶν ἀφικνεύμενοις θεάματα καὶ νεθελήματα. *Convenit autem om-*
nem qui ab aliquo recte punitur, vel ipsum fieri meliorem, utilitatemque
percipere, vel ceteris exempla dare, ut alii pœnas ejus conspicientes melio-
res ob timorem efficiantur. Qui vero apud Deos & homines ita dant pœnas,
ut utilitatem inde aliquam referant: hi sunt qui peccata sanabilia commi-
serunt; quibus dolor cruciatuque prodest, & apud homines, & apud in-
feros. NON ENIM ALITER QUIS POTEST AB INJUSTITIA LIBERARI.
Qui autem extrema injustitia desinentur, & propter ejusmodi delicta
sunt insanabiles, ex his exempla sumuntur: ipsique nullam amplius utili-
tatem inde reportant, utpote qui sanari non possint, sed prosunt dumtaxat aliis
per exemplum, qui eos intuentur propter flagitia maximis acerbisque ac ter-
ribilissimis pœnis omni tempore cruciatos, tanquam exemplum monimentum-
que & spectaculum apud inferos in carere prabentes injustis omnibus qui
ad ea loca descendunt. Non patitur autem Socrates philosophemata ista
fabulis accenferi. Sic enim præfatur: Ἀλλε δὴ (Φασί) μάλα καλῶ λό-
γῃ ὃν σὺ μὲν ἡγήσῃ μῦθον, ὡς ἐγὼ οἶμαι ἐγὼ δὲ λόγον· ὡς ἀληθῆ γὰρ
ὅτι σοι λέξω ἢ μέλλω λέγειν. Audi igitur, ut ajunt, pulcherrimum ser-
monem; quem te arbitror fabulam putaturum: ego vero non fabulam, sed
sermonem. Nam tanquam vera, quæ dicturus sum, tibi narrabo.

XXIII. Eadem fere habet in Phadone pag. 400. Οἱ δ' ἂν δόξωσιν XXIII. Et
 ἀνιάτως εἶχειν, διὰ τὰ μεγάλα τῶν ἀμαρτημάτων, ---- ἴσως δὲ ἡ προ- Phadone.
 σήκυστα μαῖρα εἰπλεῖ εἰς τὴν τάρταρον, ὅθεν ἔπολε ἐκβαίνουσι οἱ δ' ἂν
 ἰάσιμα μὲν, μεγάλα δὲ δόξωσιν ἡμαρτηκίαι ἀμαρτημάτων, -- τῆς
 δὲ ἱμπεσεῖν μὲν εἰς τὴν τάρταρον ἀνάγκη ἱμπεσεῖας δὲ αὐτῆς, καὶ ἐν-
 αὐτῇ ἐκεῖ γενομένης, ἐκβάλλει τὸ κῆμα. *Qui vero ex scelere magni-*
tudinis insanabiles esse videntur, -- hos omnes conveniens fors mergit in
Tartarum, unde postquam effunduntur. Qui autem sanabilia quidem
peccata,

peccata, sed ingentia commiserunt, --- eos in Tartarum quidem necesse est cadere; sed ibi per annum commorati a fluctu ejiciuntur. &c. Quæ eo tendunt omnia, ut doceamur, post hanc vitam aliquid adhuc peccatrici animæ faciendum patiendumque restare, quo purgetur ac delictorum veniam consequatur.

XXIV. Cælum beatarum animarum receptaculum, vel circum orbem, vel inter sidera, esse creditur.

XXIV. Atque ita quidem non indiligenter hactenus explicuimus, quo pacto Numen propitiari, & peccatorum veniam impetrari, Gentiles crediderint: nunc ad alterum caput transeamus, inquisituri, quid de COELESTI BEATITUDINE, illiusque CONSEQUENDÆ RATIONE, ii senserint, qui omnium & habiti sunt, & fuerunt sapientissimi. Plurimos fuisse constat, qui animam remanere post animal, palam sunt inficiati. Ego vero de iis nunc loquor, qui animarum immortalitatem agnoverunt, & locum illis statumque diversum, post hanc vitam, prout diversimode se in hac vita gesserant, assignaverunt. Omissis improbis & insanabilibus, de quorum exemplaribus in tartaro pœnis differentem modo audivimus Socratem; de sanctorum hominum animabus, rite purgatis, videamus. Qui omnium optime, & proxime religionem nostram loquuntur, easdem COELO locant. At quid isthoc Cæli nomine intelligunt? Apud Platonem (Tertulliani verbis utor, de Anima cap. LIV.) in Ætherem sublimantur animæ sapientes; apud Arium, in Aërem; apud Stoicos, sub Lunam.

XXV. Ciceronis ea de re philosophema-
to,

XXV. Operæ pretium erit Ciceronem audivisse 1. Tuscul. cap. XLIV. Nihil est animo velocius, nulla est celeritas, quæ possit cum animi celeritate contendere. Qui si permanet incorruptus sui que similis, necesse est ita feratur ut penetret, & dividat omne Cælum hoc, in quo nubes, imbres, ventique coguntur: quod & humidum, & caliginosum est, propter exhalationes terra. Quam regionem quum superavit animus, naturamque sibi similem contigit, & agnovit, junctus ex anima tenui, & ex ardore solis temperato, ignibus insistit, & finem altius se efferendi facit. Quum enim sui similem, & levitatem, & calorem adeptus est, tanquam paribus examinatus ponderibus, nullam in partem movetur, eaque ei demum naturalis est sedes, quum ad sui similem penetravit: in quo nulla re egens aletur, & sustentabitur iisdem rebus, quibus astra sustentantur, & aluntur. Quæ profecto crassa philosophatio est, supinam animæ, quæ mera mens est, ignorationem prodens. In somnio Scipionis, Scipionem Africanum, cum aliis illustribus viris, illum locum incolere dicit, quem Romani, ut a Græcis acceperunt, ORBEM LACTEUM nuncupant: quem definitis splendidissimo colore inter flammam elucens circum; ubi incolentium aures implet magnus dulcisque sonus, qui intervallis conjunctus imparibus, sed tamen pro rata portione distinctis, impulsu & mo-

*Et motu ipsorum celestium orbium conficitur: qui acuta cum gravibus tem-
perans, varios equabiliter concentus efficit.*

XXVI. At quid animæ, in cœlo, sive in regione sublunari, sive **XXVI. De**
inter sidera, sive in orbe lacteo, agunt? & qua in re earum consistit BEA- *beatitudi-*
TITUDO? Nimirum contemplatione, suavissimo animarum pastu, se *ne celesti-*
occupant, & oblectant. Supera ex vicino; ima ex alto lustrant, ac per- *quid senserint,*
vident. *Seneca ad Marciam cap. xxv. de filio Marcia: Arcana natura pe-*
netrat, & scrutatur celestium causas, & in profunda terrarum permittere
aciem juvat. Et ad Polybium cap. xxvi II. de fratre ipsius mortuo. Erui-
tur nunc aperto & libero cælo: ex humili atque depresso in eam emicuit locum,
QUISQUIS ILLE EST, QUI SOLUTAS VINCULIS ANIMAS BEATO RE-
CIPIT SINU: & nunc libere vagatur, & omnia rerum natura bona, summa
cum voluptate, perspicit. Socrates, apud Platonem aliquando impropriis
& Poëtici locutionibus, aliquando magis propriis ac Philosophicis, uti-
tur. Est ubi disputat, pias animas ad dextram mitti a iudicibus in subli-
mem cœli locum, per hiatum quendam animabus patentem: cœlestes
illas mansiones circumfluere deliciis, in quibus felicem cum diis vitam
animæ exigant, inter epulandum, & pulcherrimarum rerum spectacula:
loca hæc ipsum esse *Elysium Campum, Beatorum Insulas, Campum Verita-*
tis: Philosophos illic deos fieri, & sedes quasdam occupare, quarum
pulchritudinem homini effari nefas sit: deos quidem ipsos summa cœ-
li incolere fastigia, sed & sanctas animas in partem administrationis
mundi admittere; supremum denique beatitudinis apicem in Dei similitu-
dine esse situm. Juvat iterum quædam præstantissimi Philosophi verba
exscribere, quæ proxime citato loco inveniuntur. "Οἱ δὲ δὴ ἀν δόξω-
σι διαφερόντως πρὸς τὸ ὁσίως βιῶσαι, ἑτοίμειν οἱ τῶν δὲ μὲν τῶν τό-
πων τῶν ἐν τῇ γῇ ἐλευθερέμενοι τε καὶ ἀπαλλαττόμενοι, ὥσπερ δεσμο-
τηρίων, ἄνω δὲ εἰς τὴν καθάραν οἰκῆσιν ἀφικνέμενοι, καὶ ἐπὶ γῆς οἰκί-
ζομενοι. τῶν δὲ αὐτῶν οἱ φιλοσοφία ἱκανῶς καθηράμενοι, ἀνευτε σω-
μάτων ζῶσι τὸ παράπαν εἰς τὸν ἑπειτα χρόνον, καὶ εἰς οἰκήσεις ἔτι τῶν
καλλίους ἀφικνῶνται ἃς ἔτε ῥαδίον δηλῶσαι, ἔτε ὁ χρόνος ἱκανὸς ἐν ᾧ
παρόντι. Qui autem pie præ cæteris vixisse inveniuntur, hi sunt qui ex his
terrenis locis, tanquam e carcere, soluti, & liberati, ad altiora transcen-
dunt, rursumque supra terram habitant regionem. Inter has autem quicum-
que satis per Philosophiam purgati sunt, absque corporibus omnino totum
per tempus vivunt, habitationesque his etiam pulchriores nanciscuntur.
Quantum pulchritudo neque facilis dictum est, neque præsens tempus ad di-
cendum sufficeret.

XXVII.

*Etiam non
nisi sancti-
tatis & ju-
sticia sim-
do acqui-
ri, docuit
Socrates.*

XXVII. At quA tandem RATIONE CORLESTIS ILLA BEATITUDO IMPETRATUR? Non alia via, nisi studio Philosophiæ, justitiæ, sac-
citatis, quibus purificatur anima: ejusdem animæ a corpore rebusque
corporeis abstractione, & in se ipsam introversione: voluptatum car-
nalianum moderatione aut fuga: præclaris denique in Patriam meritis.
De quare iterum audiat Socrates, qui pag. 400. in fine, *Simmiam*

sic compellat. Ἄλλα ἴστων δὴ ἔνεκα χρηῶν διεληλύθαμεν, εἰ συμ-
μία, πάντα πείν, ὥς ἴε ἀρεῆς καὶ φρονήσεως ἐν τῷ βίῳ μέλασχει. κα-
λὸν γὰρ τὸ εἶναι, καὶ ἡ ἐλπίς μεγάλη. *Sed bonum quæ narrata sunt*
gratia, o Simmia, omni studio est annitendum, ut in hac vita prudentiam
sapientiamque consequamur. Præmium namque pulchrum est, & spes est
ingens. Alibi commendat pag. 385. 386. ut anima puram sese servet,
nil corporei secum trahat, in se ipsam se recolligat, & mortem per-
petuo meditetur: ac tum quærit: Οὐκ ἂν ἔτι μὲν ἔχουσα, εἰς τὸ ἑ-
μοιον αὐτῇ τὸ θεῖον ἀπέρχεται, ἢ θεῖον ἴε καὶ ἀθάνατον καὶ φρόνιμον;
οἱ ἀφικόμενῃ ὑπάρχει αὐτῇ εὐδαίμων εἶναι, πλάνης, καὶ ἀγνοίας, καὶ
φόβου, καὶ ἀγρίων ἐρώτων, καὶ τῶν ἄλλων κακῶν τῶν ἀνθρώπων
ἀπηλλαγμένη ὥσπερ δὲ λέγεται κατὰ τῶν μεμνημένων, ὥς ἀληθῶς
τὸν λοιπὸν χρόνον μετὰ θεῶν διάγουσα. Anima igitur sic affecta, non
ad sibi simile divinum abit? Divinum, & immortale, & sapiens? quæ
quum pervenerit evadit felix, ab errore, ignorantia, timoribus, amoribus
ferocibus, ceterisque humanis liberata malis: & quemadmodum de initi-
tis dici solet, REVERA RELIQUUM TEMPUS CUM DIIS AGIT. Neque
cum diis solum agit, sed & suo modo DEIFICATUR. Sic enim, aliqui-
bus interjectis, pergit: Ἔς δὲ γὰρ θεῶν γένῃ, μὴ φιλοσοφῆσαιτι,
καὶ παντὶ ὡς καθαρῶ ἀπιόντι, καὶ θεῖς ἀφικνεῖσθαι ἄλλω ἢ ἢ φιλο-
μαθῇ. In decorum verogenus nulli fas est pervenire, præterquam iis qui di-
scendi cupiditate flagrant, & philosophati sunt, & puri penitus discesserunt.

XXVIII.

Es Cicero,

XXVIII. Neque abludit apud Ciceronem Africanus Scipioni in-
culcans, ad locum cælumque beatorum non alia perveniri via, quam
si quis justitiam colat ac pietatem; quæ, cum magna sit in parentibus & pro-
pinqvis, tum in patria maxima est. Sic, inquit, habeto: Omnibus, qui pa-
triam conservarint, adjoverint, auxerint, certum esse in calo ac definitum lo-
cum, ut beati a vo sempiterno fruantur. Nihil est enim Principi Deo, qui om-
nem hunc mundum regit, quod quidem in terris fiat acceptum, quam consilia,
cæsusque hominum jure sociati, quæ civitates appellantur: barum rectores,
& conservatores, hinc profecti, huc revertentur. Rursus circa finem:
Sunt autem hæc optima cura de salute patriæ: quibus agitur & civi-
tatis

satus animus, velocius in hanc sedem, & domum suam pervolabit: idque ocyus faciet, si jam tum, quam erit inclusus in corpore, eminebit foras, & ea quæ extra erunt contemplant, quam maxime se a corpore abstrahet. Nam eorum animi, qui se corporis voluptatibus dederunt, earumque se quasi ministros præbuerunt, impulsuque libidinum voluptatibus obedientium, deorum & hominum jura violaverunt, corporibus elapsi circa terram ipsam volitantur: nec in hunc locum, nisi multis exagitatis seculis, reuertuntur.

XXIX. Porro suæ sibi Philosophiæ, virtutis ac puritatis conscientia tantam Socrati felicitatis istius faciebat fiduciam, ut de ea mox post mortem obtinenda bene speraret. Quod histestatur verbis: Ἡ δὲ ψυχὴ ἀρα, τὸ αἰεδὲς, εἰς τοῖστον τόπον ἕτερον ὀιχεται, γενναῖον, καὶ καθαρὸν, καὶ αἰεδὴν, εἰς αἰδὸν, ὡς ἀληθῶς, παρὰ τὸν ἀγαθὸν καὶ φρόνιμον Θεόν. Οἱ, Ἄν θεός θελῇ, ἄττικά καὶ τῇ ἐμῇ ψυχῇ ἴτεον. *Conscientia sanctitatis in hac vita facit fiduciam felicitatis in futura.*

Anima vero, quæ invisibile quiddam est, in similem quendam aliamque locum migrat, excellentem, purum, invisibilem, nobis occultum, reuera ad bonum sapientemque Deum. QUO, SI DEUS VOLUERIT, PAULO POST MEÆ QUOQUE ANIMÆ EST MIGRANDUM. Rursus pag. 379. Οὐκᾶν (ἐφ᾽ ὃ Σωκράτης) εἰ ταύτ᾽ ἀληθῆ, ὧ ἑταῖροι, πολλὴ ἐλπίς ἀφικομένῳ οἱ ἐγὼ πορεύομαι, ἰκανῶς ἐκεῖ, εἰπέρ πᾶ ἄλλοθι, κτήσασθαι τῷτο τῷ ἐνεκα ἢ πολλὴ πραγματεία ἡμῖν ἐν τῷ παρόντι βίῳ γέγονεν: ὥστε ἢ γε ἀποδημία ἢ νῦν ἐμοὶ προσεῖλαγμένη, μετὰ ἀγαθῆς ἐλπίδ᾽ ὅτι γίγνεται καὶ ἄλλῳ ἀνδρὶ, ὅς ἢ γένηται οἱ παρασκέυασθαι τὴν διάνοιαν ὥς περ κεκαθαρμένῳ. Si hac igitur, inquit Socrates, vera sunt, o amice, magna spes eum qui pervenerit illuc, QUO NUNC EGO PROFICISCOR, si usquam alibi, id illuc abunde consecuturum, cuius gratia tantum nos negotium in præsentī vitæ suscepimus. HANC ERGO MIGRATIONEM, IN PRÆSENTIA MIHI IMPOSITAM, BONA SPE SUSCIPIO; similiterque quisvis alius suscipiet, qui modo putat præparatam sibi mentem, tanquam purificatam. Unicuique enim eandem spem expositam esse docebat, modo eandem insisteret viam. pag. 401. Ἀλλὰ τῶτων δὴ ἐνεκα θάρρειν χρὴ περὶ τῇ αὐτῇ ψυχῇ ἄνδρα, ὅστις ἐν τῷ βίῳ τὰς μὲν ἄλλας ἡδονὰς τὰς περὶ τὸ σῶμα καὶ τὰς κόσμους εἵασε χαίρειν, ὡς ἄλλοτρίους τε ὄντας, καὶ πλείον θάτεροι ἢ ἡσάμεν ὅτι ἀπεργάζεσθαι τὰς δὲ περὶ τὸ μανθάνειν ἐσπεύδασέ τε, καὶ κοσμήσας τὴν ψυχὴν, ἢ καὶ ἄλλοτρίῳ, ἀλλὰ τῷ αὐτῆς κόσμῳ, σωφροσύνην τε καὶ δικαιοσύνην καὶ ἀνδρείαν καὶ ἐλευθερίαν καὶ ἀληθείαν, ἥτις περιμένει τὴν εἰς αἰδὸν πορείαν, ὡς πορευόμενῳ ὅταν ἡ εἰμαρμένη καλῶ. Sed. hanc gratia bonam spem de animo suo habere debet, quicunque voluptatibus

Ingratibus ornamentiisque corporis neglectis tanquam alienis, aliquid se amplius facturum existimans, voluptates quæ in discendo percipiuntur studiose sectatus fuerit, animumque non alieno, sed suo decoraverit ornamento, temperantia, iustitia, fortitudine, libertate, veritate, sic ex hac vita migrationem expectans, tanquam quum fatum vocaverit migraturus.

XXX.

*Quam si-
duciam*

*Divinatio-
ni imputa-
bat Socra-
tes, ut nos
Christiani
Spiritus S.*

XXX. Nos quidem Christiani arcano Spiritus S. testimonio futuræ salutis certitudinem imputamus. Socrates autem Divinationi cui, a Deo cui sacer erat, sibi concessæ. p. 387. Ἐγὼ δὲ καὶ αὐτὸς ἡγέ-
μαι ἐμὸς θεὸς γὰρ εἶναι τῶν κύκλων, καὶ ἱερός τῶ αὐτῷ θεῷ καὶ χεῖρ
ἐκείνων τὴν μαντικὴν ἔχειν παρὰ τοῦ θεοῦ, καὶ δις θυμότερον αὐτῶν
τῷ βίῃ ἀπαλλάττεσθαι. Equidem & ego arbitror me cygnorum esse confet-
uum, eidemque Deo sacrum, neque deterius vaticinium ab eodem dominoba-
bere, quam illos, neque remissione animo e vita decedere. Ex omnibus hisce
simul junctis colligere est, quas sibi ideas Socrates, & Plato, & Cicero,
de æterna felicitate formaverint; & qua via eam se consecuturos esse
speraverint.

XXXI. Sa-
cerdotes
populum
docuerunt,
in arcanis
quibusdam
cerimoniis
latere vir-
tutem dei-
fica unio-
nis.

XXXI. Qui quamvis præcipuam vitæ æternæ adipiscendæ spem
in Philosophiæ ac virtutis studio collocaverint, populus tamen, imo &
Philosophorum non infimi, a Sacerdotibus & sacrorum mystis induc-
ti sunt ut crederent, multum ad eam rem momenti situm esse in ARCA-
NIS RITIBUS QUIBUSDAM ET CERIMONIIS: per quas unire se cultori-
bus suis Numini visum est. *Jamblichus sect. II. cap. XI.* Οὐδὲ γὰρ ἡ
ἐννοια συνάπτει τοῖς θεοῖς τὰς θεωρίας· ἐπεὶ τὸ ἐκώλυε τὰς θεωρητικὰς
φιλοσοφίας ἔχειν τὴν θεωρητικὴν ἐνώσειν πρὸς θεόν; νῦν δὲ καὶ ἔχει
τόγε ἀληθὲς ὥτως. Ἀλλ' ἡ τῶν ἔργων τῶν ἀρρήτων, καὶ ὑπὲρ πάσαν νόη-
σιν θεοπρεπῶς ἐνεργουμένων τελεσιουργία, ἥ τε τῶν νοημένων τοῖς θεοῖς
μόνον συμβόλων ἀφ' ἐκείνων δυνάμεις ἐντίθησι τὴν θεωρητικὴν ἐνώσειν.
Nec enim cognitio conjungit cum diis cultores deorum: alioqui Philosophi di-
vina spectantes semper deificam unionem reportarent. Atqui revera ita se res
non habet. Nam unio illa deifica non acquiritur, nisi per CERIMONiarum
INEFFABILium OBSERVANTIAM, per operationes rite factas, diis dignas,
omnemque intellectum superantes, perque vim INEXPLICABILium SYMBO-
LORUM, diis solis intellectuum. Quorum Symbolorum vim neutiquam
dependentem facit a mente & attentione eorum qui iis utuntur, sed a
solo Numinis, imaginem in ipsis suam contemplantis, influxu. Sic enim
pergit: Καὶ γὰρ μὴ νοήτων ἡμῶν αὐτὰ τὰ συνθήματα ἀφ' ἑαυτῶν
οὐκ εἶναι τὸ οἰκτεῖον ἔργον, καὶ ἡ τῶν θεῶν, πρὸς ὧς ἀνήκει ταῦτα, ἀρ-
ρητῶς.

ῥητῶ. δύναιμι, αὐτὴ δὲ αὐτῆς ἐπιγινώσκει τὰς οἰκείας εἰκόνας, ἀλλ' ὃ τῷ διεγείρεσθαι ὑπὸ τῆς ἡμετέρας νοήσεως. *Nobis enim nec opinantibus divina synthemata per se opus suum perficiunt, & deorum virtus inefabilis, ad quos diriguntur synthemata, suas in iis ultro agnoscit imagines; non quasi a nostro intellectu excitata.*

XXXII. Porro deifica ista, quam laudat unio, non hujus vitæ XXXII. *Inchoanda in hac vita, consummata futura.* terminis continetur, sed per varios gradus ad æternam consummatamque beatitudinem deducit. De qua re *scilicet*, x. cap. v. sic differit. Ἡ δὲ ἱεραϊκὴ καὶ θεουργικὴ τῆς εὐδαιμονίας δόσις καλεῖται μὲν θύρα πρὸς τὸν θεμικὸν ὅλων, ἡ τόπος, ἡ αὐλὴ τῆς ἀγαθῆς δύναντος εἶχει πρῶτην μὲν ἀγνείας τῆς ψυχῆς πολὺ λελειοῦσαν τῆς ἰσχύος ἀγνείας· ἐπειδὴ καθάρτησιν τῆς διανοίας εἰς μέσσην καὶ θεῶν ἰσχύος ἀγαθῆς, καὶ τῶν ἐναλίων πάντων ἀπαλλαγὴν· μετὰ δὲ ταῦτα πρὸς τὰς τῶν ἀγαθῶν δόξας θεῶν ἐνωσιν. *Sacra vero & deifica felicitatis traditio appellatur quidem porta ad ipsum omnium opificem Deum, aut sedes & boni regio: & primam quidem virtutem habet animam mundandi ad munditiam omni corpora munditie perfectiorem: deinde preparat animam ad participationem & boni contemplationem, simulque ad contrariorum rejectionem, post hac ad UNIONEM CUM DIIS, BONORUM OMNIUM FONTIBUS.* Paullo post cap. vi. τότε τῷ ὅλῳ θεμικῷ τῇ ψυχῇ προσάγει καὶ παρακαλῶν καὶ ἐκτὸς πάσης ὕλης αὐτὴν ποιεῖ μόνῳ τῷ αἰδῶ λόγῳ συνενωμένην. TUNC ANIMAM OPIFICI UNIVERSALI SISTIT, ET APUD EUM DEPOSIT: LIBERATAMQUE AB OMNI MATERIA CUM SOLO ÆTERNO VERBO CONNECTIT. Atque hunc dicit esse finem sacre apud Ægyptios anagoges.

XXIII. Hac spe itaque se ipsos ad virtutis studium animabant, hac XXXIII. *Futura est felicitas solari se si modo, quid in illo pretiosissimum fuerit, intelligas. Imago duntaxat filii tui possunt ac debent.* alios suorum mortem lugentes solabantur. Sic certe Seneca in *consol. ad Marciam* cap. xxi v. xxv. *Quod unum ex tam bono filio dolere poteris, doluisti: cetera exempta casibus, plena voluptatis sunt, si modo uti filio scis, lugentes si modo, quid in illo pretiosissimum fuerit, intelligas. Imago duntaxat filii tui possunt ac debent.* est, despoliatus meritis alienis, & sibi relictus. Hac quæ vides, ossa circumvoluta nervis, & obductam cutem, vultumque, & ministras manus, & cetera quibus involuti sumus, vincula animarum tenebraeque sunt. Obruatur his animus, offuscatur, inficitur, arcetur a veris & suis, in falsa coniectus: omne illi cum carne gravi certamen est, ne abstrahatur, & fidat: nescitur illo, unde dimissus est: ibi illam æterna requies manet, confusis crassisque pura & liquida

liquidam sententem. Proinde non est quod ad sepulcrum filii tui curras: pessima ejus & ipsi molestissima istic jacent, ossa cineresque: non magis illius partes, quam vestes, aliaque integumenta corporum. Integer ille, nihilque in terris relinquens fugit, & totus excessit: PAULLUMQUE SUPRA NOS COM-MORATUS, DUM EXPURGATUR, & inberentia vitia, situmque mortalis avi excutit, deinde ad excelsa sublatus, inter felices curris animas, excipitque illum cætus sacer, Scipiones Catonesque, utique contemptores vitæ, & mor-tis beneficio liberi. Parens tuus, Marcia, illic nepotem suum, quamquam illic omnibus omne cognatum est, applicat sibi, nova luce gaudentem, & vi-cinorum siderum meatus docet: nec ex conjecturis, sed omnium ex vero peri-tus, in arcana natura lubens ducit. . . . Sic itaque, Marcia, te gere, tanquam sub oculis patris filiique posita, non illorum quos noveras, sed tanto excellen-tiorum, & in summo locatorum: erubescere quicquam humile aut vulgare, & mutatos in melius tuos flere. In aterna rerum, per vasta & libera spatia, dimissos, non illos interfusa maria discludunt, nec altitudo montium, aut ima valles, aut incerta vada Syrtium. Tramites omnia plani, & ex facili mobiles, & expediti, & invicem pervii sunt, intermixtique sideribus. Cætera apud Auctorem vide: nam, quamvis non injucundum, prolixum est omnia describere.

XXXIV.
Recapitu-
latio, qua
ostenditur
quid in
omnibus
disce veri
& boni.

XXXIV. Non omnia profecto, quæ memoravimus hætenus, improbanda sunt. Micant veluti in tenebris impressæ animis veri no-tiones, & superstites adhuc naturalis Theologiæ, veterisque catecho-sios, reliquiæ. Juvat videre, quomodo sua cuique crimina ipse ac-cusator animus apud Divinæ justitiæ tribunal intentet, ad pœnitentiam, confessionem, preces & supplicationes subigat, cum omnibus demissionis indicii provocato Numini offerendas. Juvat videre, quo modo in crebris lotionibus animi labem fateantur; & in sacrificiis om-ne genus, mortis se reos pronuntient: quomodo inquires semper ani-mus, non nisi in hominum, eorumque præstantissimorum, ac sibi charissimorum, & quidem spontanea morte, sibi satisfaciatur, nec sa-tisfaciat tamen; nondum reperto sacrificio, quod Deo dignum sit, & cui ipsi acquiescant. Juvat videre, quod æternos, quos meriti sunt, ac metuunt, cruciatus, temporariis & voluntarie susceptis redemptos cupiant, neque corporis mortem subire reformident, ut æternam illam animæ effugiant: imo ne his quidem omnibus Divinæ rigori ju-stitiæ satisfieri posse profiteantur, dum ad purgatrices futuri seculi pœnas se componunt. Juvat videre, quid de animarum a corpori-bus junctarum statu, & de vitæ æternæ felicitate, eminus, & per cras-sam nebulam, plus suspicati, quam conspicati sint: & quantopere
virtu-

virtuti, pietati, mentisque puritati studendum sibi existimaverint, ut felicitatis istius consortes evaderent: quomodo denique se & alios, intuitu istius felicitatis, ad virtutis studium animaverint, & adversus mortem solati sint. Hoc est in omnibus istis boni, quod suorum reatum peccatorum, respicientiae utilitatem, justitiae Divinae rigorem, convenientis sacrificii, & ex hominibus offerendi, necessitatem, anxii semper animi, frustra ad consolationem anhelantis, trepidationem; donec repertus sit idoneus generis humani sospitator, animarum separatarum existentiam, sanctorum ad caelum migrationem, & beatam ibi vitam, sanctitatisque cum beatitudine insolubilem nexum, agnoverint. Nihil horum est, quod Evangelium non pro fundamento sibi subternat, & ad malignam naturae faciem quomocunque deprehensum, in candidissima luce collocet.

XXXV. Cæterum omnes istae veritates gravissimis corruptae XXXV.
fuerunt erroribus: quod peccatorum sorditatem, reatus atrocitatem, *Quid falsi ac mali sit.*
justitiae Divinae severitatem, pauci, ut oportebat, agnoscerent; quod de vita & morte aeterna raro, nec serio, cogitarent; quod plerique nimiam sibi Dei ad condonandum facilitatem fingerent, eaque abuterentur; quod minutis quibusdam ritibus magnam expiandi vim adscriberent; quod, verum sacrificium expiatorium ignorantes, in iis expiationem quaererent, in quibus inveniri non potest; quod omnia in suis sive actionibus, sive voluntariis perpeffionibus, collocarent; quod Divinae revelationis ignari, nec expectato Dei jussu, pro suo sibi arbitrato, vel malorum geniorum fraudibus decepti, multa ad placandum Numen temere fingerent, Deoque, quantumvis ingrata, obtruderent; quod de animarum post hanc vitam statu ac caelesti beatitudine tenuiter admodum sentirent; denique, quod prorsus ignorata Dei justitia, quae non nisi in Evangelio revelatur, propriam justitiam, in omnibus, & ubique, stabilire voluerint. Quibus omnibus erroribus detegendis, ac refellendis, destinata Evangelica doctrina est.

Deus noster miserebitur ejus, & peccata remittet illi. Similiter. Prophetu Ezechiel XVIII: 20. Si convertit se homo malus ab omnibus peccatis quæ fecit, & servat mea precepta, faciens judicium ac justitiam, vivendo vivet, & non morietur. Omnium malitiarum ejus quas fecit non recordabor: in justitia quam fecit vivet &c. Vid. Coccej. Consid. Resp. Jud. Cap. IX. ad Quæst. VII. Mirum est quantum huic conversioni & pœnitentiæ tribuant. Magna, inquiunt, est pœnitentia: nam deducit hominem ad thronum gloriæ. Magna est pœnitentia: nam ob unum pœnitentem, & ipsi, & toti mundo remittitur peccatum. Pœnitentia est fundamentum & columna mundi: non enim consistit mundus, nisi per & propter pœnitentiam. Aliquam multa hujus generis collegit Buxtorfius in Lexico Talmudico ad vocem תשובה. Neque dubitant aliquando, hominem quem peccati sui pœnitet, illi anteponere qui nullum admisit. Hinc axioma illud, גדולה מעלתם של בעלי תשובה מצדיקים גמורים, major est dignitas pœnitentium, quam perfectæ justorum: &, in loco ubi stant pœnitentes, ibi non stant perfectæ justī, Alibi tamen haut paullo minus pœnitentiæ tribuunt. In tractatu Joma sub finem, mortem, diem expiationis, & pœnitentiam comparant in modo expiationis, & de pœnitentia sic scribunt: Pœnitentia expiat peccata levia, tam contra præcepta affirmativa quam negativa: gravia autem suspendit, donec veniat dies expiationis, & expiet.

IV. Specialim, Eleemosyna.

IV. Sic quidem generatim de pœnitentia & conversione loquuntur: alibi tamen descendunt ad specialiora. In tractatu Talmudico, cui titulus Ros Hasschana, quatuor esse tradunt quæ Deum movent ad mutandam suam de hominibus puniendis sententiam. צדקה צעקה שני דושם ושני דומעשה, eleemosynam, clamorem sive orationem, mutationem nominis, & mutationem operis. Magnam vim inesse credunt liberali ELEEMOSYNARUM erogationi. In Tractatu Gittin fol. 7. Qui aliquid, inquiunt, de bonis suis demit quod in eleemosynas impendat, is eo ipso liberatur a condemnatione gebenna. Rursus, in Talmude Babylonico Ros Hasschana, fol. 4. col. 1. Hic nummus, ait aliquis, cedat mihi in eleemosynam, ad id ut liberi mei vivant, utque ipse futurum seculum hereditatis jure consequatur. Doctissimus Lightfootus in Horis ad Mat. VI: 1. hanc unam ex rationibus esse putat, ob quam eleemosynam vocent צדקה, qua voce proprie justitia notatur, quod existimaverint, liberalitatem istam sibi pro justitia esse, plurimumque valere ad justificationem apud Deum. Cui observationi probandæ locum ex Talmude in hanc sententiam producit: Ob unum nummum quem quis pauperi donat particeps fit beatificæ visionis. Eoque trahitur Pl. XVII: com. ult. אני בצדק ארחץ פניך, quod vertunt ego ob eleemosynam videbo faciem tuam. R. Asai in Baba Batra fol. 9. col. 1. tantā

tantâ causâ hanc vehementia urget, ut dicere non vereatur: **שְׁכִילוּהָ** **הַצְדָּקָה כְּגֵד כָּל הַמִּצְוֹת**, *Eleemosyna tanti ponderis est, quanti omnium preceptorum Divinorum observatio.*

V. Amicæ eleemosynarum sociæ ac commendatrices sunt **PRECES**; quibus Judæi non impetratoriam solum, sed & expiatoriam, & cum commeratoriam vim attribuunt: præsertim, si in Synagogis & cœtibus suis fiant. Hinc eas sacrificiis æquiparant, atque aliquo respectu anteponunt. *sefione peccatorum.*
R. Isaac Ben Aram ad Levit. vi. **וְהַתְפִּילוֹת הֵם מַעֲשֵׂה הַקְדְּבָנִית וּמִשִּׁיבֵי הַיָּם**. *Preces sacrificiorum rationem habent, suntque illis potiores. Neque opus est dicere, bas illorum vices præstare, ex quo illa fieri desierunt.* Non procul a blasphemia abest, quod in Talmude Babylonico, titulo *Berachot fol. 8. col. 1.* Deus in hanc mentem loquens introducatur: *Quicumque operam dat legi, & exercitio misericordia, & quicumque orat cum Synagoga, cum tantum præstare censeo, ac si me & filios meos liberaret a nationibus mundi.* Quod omnes sane decori leges & limites migrat. Paullo modestiora sunt quæ ex Tractatu de Sabbato refert *Buxtorfius Synag. Jud. cap. x.* dum Judæi in Schola orationibus vacant, duos accedere Angelos, quorum alter bonus sit, alter malus, qui se ex adverso Synagogæ sistant: & si quem audiant cum studiosa, pia, & religiosa animi attentione orantem, illum duo isti Angeli domum deducunt, manibusque capiti illius impositis inquirunt: *Aufertur iniquitas tua, & peccatum tuum mundatur.* Orationum suarum non contemnendam partem constituunt in CONFESSIOE PECCATORUM, quam cum affectu singulari, & contusione pectoris pronunciare solent; hac fere formula: *Obsecro, Domine, peccavi, inique egi, pravaricatus sum coram te. Sic & sic feci. Ecce pœnitet me, & pudet me operum meorum. Nunquam revertar ad rem istam, &c.* Qui eruditi ac prudentes sunt, ordine ac singulatim peccata commissa enumerant, nec reticent eorum species ac circumstantias. In more quoque positum est diebus Lunæ & Jovis peccatorum edere confessiones, omnibusque præterea inedie diebus, at singulari ratione die jejunii expiatorii. Vide *R. Leonem Mutinensem de Cerimoniis & Consuetudinibus Judæorum. Part. v. cap. vi.*

VI. Miras etiam cogitationes de NOMINIS MUTATIONE formant: *VI. Mutatio nominis.* quasi ea integram integri hominis mutationem induceret: adeo ut peccata ab homine, dum antiquo vocabatur nomine commissa, non amplius illius esse peccata censeantur, ex quo novo nomine vocari cœpit: utque pœnæ quæ in hominem sub priori nomine decretæ erant, ad eum non pertineant post mutationem nominis. Vel saltem, quod mutatio ista nominis ingenerare animo debeat serium vitam ita mutan-

mutandi & emendandi propositum, ut in alium prorsus hominem evas-
sisse videatur. *Primam* hujus rei, ex suorum mente, rationem *Maimonides* exhibet in *Comm. Talm. ad tract. תשובה*. *Qui nomen suum mutat, perinde est ac si diceret: אני חדש ואני החדש שפעדו אידן והטעם*, ego nunc alius sum, neque ille vir amplius qui fecit opera ista. *Postremam* didici ex *R. Alphes*, quem citat *Buxtorfius* in *Præf. ad Concord. Hebr.* in hæc verba: *Ratio hujus rei est, quod mutatio nominis causam ipsi prabeat agendi penitentiam, dum in corde suo dicit: Ego non sum amplius ille qui fui prius, ac proinde emendanda mihi sunt actiones meae.* At *media* nostræ nunc potissimum considerationis est: plurimique Judæis æstimatur. Idque ex eo colligitur, quod in periculosis quandoque morbis ægri nomen, ad mortem, si fieri pote est, evitandam mutare soleant. Addito solenni carmine, quod ex libello precum, quæ Italis Judæis in usu sunt, transcripsit *Buxtorfius* *Synag. Cap. xxxv. Miscreatur Deus super NN. vitæque ac valetudini pristina eum restituat, voceturque nomen ejus in posterum N. Læsetur hoc nomine suo, & confirmetur illud in eo. Sit quæso beneplacitum tuum, o Deus, ut mutatio nominis ipsius faciat ad abolendum ab eo omnia decreta dura ac mala, & ad lacerandam sententiam contra ipsum latam. Si mors decreta est super nomine ipsius priori (puta Ruben) non tamen decreta est super nomine novo (puta Joseph). Si decretum malum factum est contra Ruben, non est factum contra Joseph. En hac hora est quasi vir alius, sicut creatura nova, & sicut parvulus recenter natus ad vitam bonam, & ad longitudinem dierum.* Si opinio ista Apostolorum ætate inoleverit, quod non videtur improbable, inquisitu dignum est, an non Apostoli de novo nomine, novæque creatura loquentes, eo fortassis alluserint. Cæterum illius rei discussio ab instituto nunc nostro aliena est; quoniam id hic duntaxat agitur, quid Judæi pro justificationis suæ causis habuerint.

VII. *Mutatio operis.*

VII. Quam quarto loco adjungunt, *MUTATIO OPERIS*, ea singularem habet considerationem. Eam enim non tam ad expiationem commissorum antea peccatorum, quam ad promerendum jus vitæ æternæ, pertinere volunt. Sic enim *Menasse Ben Israel, de Resur. Mort. lib. 1. cap. vi.* *Hac sententia nititur opinione quadam recepta, eaque inter veteres valde decantata ac celebri; nempe quod nullum peccatum possit extinguere bona opera, qua quis semel fecit; & vicissim quod bona opera non possint delere peccata semel commissæ. Sed, si quis est qui peccaverit, & vitis sese inquinaverit, primo ab iis se purgat, aut pro iis satisfacit; deinde ab iis liber & parvus redditus, fruitur premio bonorum operum. Quæ de remotis nobis melior dabitur dicendi occasio.*

VII. Quam



VIII. Præter ea quæ dicta sunt, plurimum ad impetrandam peccatorum remissionem valere existimant, AFFLICTIONES illas, quas patienti animo propter peccata sua sustinent; sive sint a Deo immixtæ, sive a Deo sponte susceptæ. Nullum existimant peccatum esse tam exiguum, quod non quodammodo puniatur: neque quenquam credunt, justitia sua efficere posse, ut peccatorum pœnam prorsus evadat. Sed castigationes hominum, satisfactiones esse pro ipsorum peccatis: iis ubi quis defunctus est, dispuncto reatu, immunis est & liber. Cæterum, ne quid insolutum remaneat, uti nuper de Gentilibus prolixè retuli, sic & Judæi, præcipue expiationis die, sponte sibi dura & aspera quædam imponunt. Quæ constituere solent, partim, in voluntaria abstinencia a rebus, ut arbitrantur, cætera jucundissimis; nimirum ab opere, a cibo ac potu, ab unctione, a calceorum indutione, denique ab usu lecti conjugalis: partim in inflictione dolorum. Jejunia nominatim sua care Deo venditant: si ad precatiunculam istam attendamus, qua commendare ea Numini consuevere. *Mi Deus, quo tempore stabat Sanctuarium, si quis peccatum committebat, offerebat coram te oblationem, & expiabatur. Nunc quando propter peccata nostra Sanctuarium est eversum, non habemus præter jejunia & preces nostras. Placeat itaque tibi, Domine Deus mi, & Deus patrum nostrorum, ut pinguedo & sanguis ille meus, qui hoc meo jejunio diminuitur, perinde coram te sit, ac si oblationem obtulissem, & gratus mihi esto.* Sed non contenti abstinencia a rebus jucundis; voluntariis se torquent doloribus. Qua de re *R. Leo Mutinensis Part. III. cap. VI.* Multi aqua se perfundi, pectusque suum tricies & novies virgis percuti permittunt, ictusque ita numerati nomine מכות ipsis veniunt. Et *Buxtorfius Synag. cap. xx.* Bini in peculiarem quendam scholæ locum eunt; tum alter humi se prosternit, vultu ad septentrionem verso, tergo ad meridiem. Alter vero loro scorteo, vel cingulo, triginta novem ictus dorso ejus infligit. Is qui flagellatur, interim confitetur, sibi que ipsi ad singulas voces pectus plangit. Flagellator interim ex *Pf. LXXVIII: 38.* ait: *Ipse misericors condonavit iniquitatem, neque disperdidit, & multiplicavit ut averteret iram suam, neque excitavit omnem excandescentiam suam.* Quasunque ita voluntarie subeunt afflictiones, eas Deum in accepti rationes referre persuasi sunt.

IX. Incredibile propemodum est, quantæ dignitatis, quanti etiam ad peccata expianda valoris CIRCUMCISIONEM esse arbitrentur; de qua Apostolorum quoque ætate ultra quam par est superbierunt. Ex Libro cui titulus *Cad Hakkgmach* citat *Buxtorf. in Pref. ad Synag.* prodigiosum hoc effatum: גדול כוח מצות מילה שכל מי שדמיא

תהיה לו יורד לגהנום *Tanta est virtus præcepti de Circumcisione, ut nullus circumciscus in Gehennam vel purgatorium descendat.* Imo, quod ridiculum, Abrahamum ipsum, ex beatorum sedibus accersitum, ad inferorum portam collocant, impediturum ne quis circumciscus eo propellatur. Passim laudantur *Maimonidis* illa ex tractatu *Milab* cap. III. §. 3. *Ideo per meritum hoc Deus vivus, portio nostra, petra nostra, præceptis liberare dilectos carnis nostra e fovea, propter fœdus quod posuit in carne nostra.* Tanti denique præceptum de Circumcisione faciunt, ut universæ legi Mosaicæ æquiparent. Quod ex istis *Mosis* verbis, quæ exstant *Deut.* xxx: 12. *מי יעלה לנו השמימה, quis adscendet nobis in cælum,* suo more colligunt. Observant, ex quatuor literis initialibus istarum quatuor vocum oriri vocem *מילה* quæ *Circumcisionem* notat. Ex qua observatione, parata, & ex ipso textu petenda, est responsio ad interrogationem. Nimirum Circumcisio est, per quam in cælum adscenditur.

X. *Lotiones & Lustrationes.*

X. Præterea plurimum sibi polliciti sunt a crebris LOTIONIBUS & lustrationibus ac purificationibus, quas ipse Deus per *Mosen* instituit. Eas vero non considerabant uti figuras spiritualis purificationis animarum, per sanguinem Messiae, & Spiritum Sanctificationis; neque credebant, non certe prudentiores, vim aliquam physicam purificandi a peccatorum labe inesse aquæ, aut sanguini, aut cineri, aut alii cuicunque rei de hoc genere: sed considerabant, ut ordinationes Divinas, quæ ex ipsius præscripto observatæ, revera animam a peccatis mundarent. Ita quidem, ut omnis illa mundandi virtus, nullo modo ex ipsa rerum istarum natura deducenda foret, sed unice a Dei institutione penderet, cui integrum peccata, qua libet conditione, remittere. Placuit autem supremæ ipsius Majestati ita cum Israelitis pacisci, ut ad consequendam conscientiam munditiem, illis nominatim purificationibus, eoque quem præscripsit modo, uterentur. Cui mandato Dei si quis pareret, is ex ordine Divinæ institutionis, suæque obedientiæ virtute, purum a peccatis animum reportabat.

XI. *Sacrificia pro peccatis.*

XI. Pariliter de SACRIFICIIS PRO PECCATO & pro reatu philosophati sunt. Stupidiores fortassis ex fece plebis opinabantur Deum mactatione pecudum, nidore carniū, & sanguinis libamine delectari; sanguineque taurorum aut hircorum mundari animos: verum qui aliquanto cautiores magisque exercitati erant, facile in animum induxerunt ut crederent, Deum condonare populo suo peccata, intuitu obedientiæ, quam sibi in sacrificiorum oblatione, & exacta omnium, quæ eo pertinebant, singularium constitutionum observatione, præstabant: vel etiam

etiam intuitu amoris istius ac reverentiæ quam deferebant Deo, in liberali earum rerum donatione, quibus cæteroquin ad vitæ suæ commoditatem, cum voluptate fuissent usi. Quod præsertim obtinebat in sacrificiis *spontaneis* ac *votivis*. Verbo ut absolvam, sacrificia habuerunt *pro mediis ad tanto facilius impetrandam remissionem peccatorum*: quemadmodum Doctus ille Judæus loquitur apud Coccejum *Consid. Resp. Jud. Cap. ix.* Consentit Aben Ezra, docens, *hominem integrum obedientiâ cum Deo conjunctum fuisse; sed lapsa sacrificia ceu medicinam esse imperata, ut per ea restitueretur conjunctioni cum Deo.* Locum allegavit, Vir doctissimus, mihiq; amicissimus, *Johannes Meyerus*, in erudito *L bro de Felsis Cap. 1. §. 23.* Eadem fere credo in mente habuisse *Philonem*, quando in libro *de animalibus sacrificio idoneis* sic scripsit: *Ἐπεὶ γὰρ βέλαιτό τις ἐξέταζειν ἀκριβῶς τὰς αἰτίας ὧν ἐνεκα τοῖς πρώτοις ἰδοῦσι ἀνθρώποις ἐπὶ τὰς θυσιῶν εὐχαριστίας ὅμως καὶ λιτὰς εἰλθεῖν, εὐρήσει δύο τὰς ἀνωτάτας· μίαν μὲν τὴν πρὸς θεὸν τιμὴν, τὴν ἀνευ τινὸς ἑτέρου διὰ τὸ μόνον γιγνομένην, καὶ αἰαγκαῖον καλὸν. ἑτέραν δὲ τὴν τῶν θύοντων προσηγμένην ὡφελειαν. διττὴ δὲ ἐστὶν ἡ μὲν ἐπὶ μετὰ τὰ ἀγαθῶν, ἡ δὲ ἐπὶ κακῶν ἀπαλλαγῇ. τὴν μὲν γὰρ κατὰ θεὸν δι' αὐτὸν μόνον γιγνομένην προσήκασαν ὁ νόμος ἀπένειμε θυσίαν ὁλόκληρον ὁλοκλήρῳ καὶ παντελεῖ, μηδὲν ἐπιφερομένης τῆς θνήσκουσας Φιλαυλίας ὁλόκληρον καὶ παντελεῖ. τὴν δὲ χάριν ἀνθρώπων, ἐπειδὴν διαίρεσιν ἐπέδεχτο ἡ δόξα, καὶ αὐτὸς διέβλε, κατὰ τὴν μετὰ τῶν ἀγαθῶν ὀρίσας θυσίαν ἣν ὠνόμασε σωτήριον· τῇ δὲ Φυγῇ τῶν κακῶν ἀπονέμει τὴν περὶ ἁμαρτίας. Si quis causas investigare velit, propter quas primi illi homines per sacrificia gratias egerint, itemque preces Deo fecerint, duas omnino præcipuas inveniet. Unam scilicet, Dei honorem: quæ res per se, sine ullo alio accidente cultu digna est, ac quidem bonum necessarium. Alteram, sacrificantium utilitatem: quæ duplex est; adeptio bonorum, & malorum averfio. Jam illi generi, quod Deo propter se fieri debet, Lex commode tribuit holocaustum: quod Deo integro & perfectò integrum ac solidum datur: mortalium cupiditate nihil sibi inde usurpante. Alterum autem genus bovium causa factum, quia divisit vulgaris opinio, divisit etiam & ipsa Lex; ita ut altero quarantur bona, quod salutare nominavit; altero mala averfiantur, cui placulare tribuit.*

XII. Cæterum in sacrificiis pro peccato singulare aliquid erat, XII. Sub-
 accuratiori animadversione dignum. Qui pecus, ex præscripto Numi- *stituta in*
 nis, pro peccato, ad altare sistebat; eum sic cogitare oportuit: *locum pec-*
cantium.
Ego ob crimina mea reus sum, ac majori cremariq; dignus; placuit
autem
 A a a 2

autem Deo, pro immensa bonitate sua, hanc mihi pecudem vicariam dare, ut illius sanguis loco mei sanguinis sit, illius anima loco mea anima. Hinc est, quod animalis istius capiti is qui offerebat manus suas, & cum manibus peccata imponeret; addito hoc solenni carmine: *אָמֵן יְיָ הֵאָחָזִי עֲשֵׂה לִי כַפָּרָה*: *Obsecro, Domine, peccavi, perversè egi, rebellis fui, feci sic & sic, & nunc redeo per penitentiam; atque hac sit expiatio mea.* Quibus ultimis verbis, hac sit igitur expiatio mea, quæ quisque victimam intuens edidit, hæc est subjecta sententia: *Qua in caput meum mala recidere iuste possent, ea recidant in victimam mea caput.* Aberbenel, meo quidem iudicio, ex præstantissimis Hebræorum interpretibus est. Habet ille in Præfatione Commentariorum suorum in Leviticum aliquid, dignissimum quod hic inferatur. *Adam, inquit, & filii ejus sacrificia obtulerunt, cogitantes, se per ea cultum Deo præstare. Adolebant enim adipem & renes pro renibus ac præcordiis suis: & sacrificiorum sanguinem libabant loco sanguinis & vita sua: cogitantes coram Deo, oportere sacrificantium ipsorum sanguinem profundi, & corpus offerri pro peccatis suis sed Divina benignitate bestiam succidaneam piaculum fieri: cujus sanguis & vita sanguinem & vitam sacrificantis redimat, vicemque ejus obeat.* In eandem sententiam R. Bechai ad Levit. 1. *Quum sons ipse dignus esset, cujus sanguis profunderetur, ut sanguis sacrificii, corpusque, ut sacrificii corpus, cremaretur: quumque Deus, cui laus, hanc victimam, ut rem vicariam, & לוֹטְרוֹ ejus, ab eo acciperet: vide quanta in eum Dei benevolentia sit.* Is enim pro misericordia sua & bonitatis amplitudine, ut ille expiaretur, anima ejus loco, bestia animam accepit. Quibus subjungit: *עָלֶיךָ הָאֵל הַלֵּב וְחַיִּים* *Atque hac sententia vera est, & rationi consentanea.* Multa ejus generis collegit Doctissimus *Outramus de Sacrific. lib. 1. cap. XXI. §. 9.* Qui ita sacrificia considerabant, omnium maxime sapere videbantur. Pauci oppido inveniebantur, qui mentis acie ad Messie sacrificium penetrarent, verum cunctarum istarum umbrarum corpus. Ad prisca sanæ catechesios rudera pertinet annotatio R. *Menachem*, explicantis mysterium arietis, quem Abraham filii sui loco immolavit, *Comment: in Legem, fol. 54: 4.* monentisque intelligendum illud esse ex loco Job. xxxi 11: 24. *Redime eum, ne descendas in foveam, invenit לוֹטְרוֹ.* Ut doceamur, inquit, quando decreta homini est mors, inventum ei esse advocatum & interpretem superne. Verum eo, ut monui, pauci sacrificia retulerunt: neque inliquido admodum est, quo ipsa illa Menachemi observatio pertineat.

XIII. *Præcipue Sacrificio iugis,*

XIII. Quanta expiandi vi QUOTIDIANA sacrificia valuisse existimant, colligi potest ex *Jalkut* ad Jer. 1; 21. p. 40. col. 4. in fine.

פּרָט

צדיק ילין בזה אומר רבי יודנה בן רבי סימון לא לן אדם בירושלים ובידו עין. כיצד. תמיד השחר מכפר על עבירות חלילה ושל בין הערבים מכפר. Justitia morabatur in ea civitate. *Ad hac verba dixit R. Juda, filius R. Simonis, non erat quisquam hominum Hierosolymis in cujus manu inventum fuerit peccatum. Quomodo tandem illud?* JUGE SACRIFICIUM MATUTINUM EXPIABAT PIACULA NOCTURNA, VESPERTINUM DIURNA; *Adeoque nemo Hierosolymis inventus in cujus manu esset peccatum. Vide Hackspanium ad Lipmanni Nitzachon. cap. II. sect. CXLII. p. 394.*

XIV. At nihil esse credunt majore ad expiationem faciendam vi XIV. *Sed præditum quam SACRA MAGNI DIEI EXPIATIONIS, præscripta Lev. xvi. & xxii. Quippe quo, ad præcedaneam Israelis pœnitentiam, non aliqua modo, & aliquorum, sed omnia prorsus peccata, a toto populo Israelitico auferuntur. Atque hinc volunt esse dictum יום כפורים diem EXPIATIONUM, in numero plurali: quod, quando aliis festis sua quoque peccatorum condonatio attribuitur, restingi illa debeat ad peccata isthoc die commissa; hæc autem expiatio ad omnia totius anni peccata extendatur. Mira sunt quæ in hanc rem R. Eliezer jactat in Pirke Aboth. cap. XLVI. Si non esset dies expiationis, non posset subsistere mundus: dies enim iste expiationem facit, & huic & futuro seculo: quam ob rem dicitur: Erit illud vobis Sabbatum Sabbatorum. Sabbatum, pro hoc seculo; Sabbatorum, pro futuro. Etiam si omnia festa præteritura aus abolenda sint, dies tamen expiationis nunquam præteribit. Hoc est quod dicitur: quia illo die propitiationem faciet super omnibus peccatis vestris. Non est scriptum, super peccatis vestris, sed super OMNIBUS peccatis vestris. Quibus subdit, Diabolum, quem Sammaëlem nuncupant, eo die quo lex lata est Deo dixisse: Domine mundi, potestatem mibi dedisti in omnes nationes terra, præterquam in Israëlitas. Cui responderit Deus: Ecce potestatem habebis super ipsos die expiationis, si quidem tum peccata habens; sin nulla tunc habeant, nulla etiam tibi in ipsos potestas eris. Sammaëlem autem, animadverso, nulla in ipsis peccata die expiationis deprehendi posse, porro dixisse: Domine, unicuique in terra populum habes, similem Angelis ministerii, qui in celo sunt. Quales sunt Angeli ministerii? Mundi sunt ab omnibus peccatis. Sic etiam Israëlita die expiationis ab omni peccatorum labe sunt purgati. Quæ uti fabulosa, ita & valde hyperbolica sunt. Majorem meretur considerationem, curiosa Magistrorum observatio, cur decimus dies Tisri a Deo in diem expiationis dilectus sit. Ejusceri hanc reddit rationem Aberbenet in Pensat. fol. 265. Quia in Tisri mundus est conditus secundum R. Eliezer: & Doctores per traditionem habent,*

habent, die decimo a mundo condito Adamum respicuisse a suo peccato; quod eodem die expiatum sit. Quamvis enim postliminio in Paradisum receptus non sit: Deus tamen reconciliato possidendam dedit vitam futuri seculi. Ideoque hoc die statutum est tempus beneplaciti coram Israëlitis, ut converterent se ad Dominum, & imitarentur ejus exemplum, & misericordiam a Deo in calis impetrarent.

XV. *Mors.*

XV. Si, post hæc omnia ad expiationem faciendam adhibita, aliquid fortassis restaret, novissimam spem in MORTE sua credebant esse repositam. Hanc intuebantur ut ultimum λύτρε quadrantem; quo soluto, omne expunctum sit debitum. Hoc solamine anxios ægrorum, morti vicinorum, animos solantur: quibus hanc, ex antiqua formula, orationem solent præire: *אם הרבה עת פקדתי למוות תהי מיתתי כפרתי* על כל רשאים ועונות ופשעים שחטאתי ופשעתי לפניך ביום דויתי: *Si tem; us v. sitationis mea advenit, quomibi m. riendum est, sit mors mea expiatio pro omnibus peccatis, iniquitatibus, & elictis meis, sive que nescias, sive que sciens commisi, ab illo die quo primum lucem hausi.* Cui orationi respondent adstantes ægro amici ac vicini: *Sit mors ejus expiatio pro ipso, & pro toto Israël.* Qua in re incredibile propemodum est quam sint liberales. Nam & homini facinoroso, qui capital admisit, justaque judicium sententia ad mortem damnatus est, eadem oratione uti permittunt; & ipsi judices, quum morti tradunt, apprecantur: *Sit mors tua expiatio pro te, & pro toto Israël.* R. *Eliezer*, aliquoties nunc nobis laudatus, cap. xxxi i i. Saulem ipsum mortem sibi conciscendo peccata sua expiasse tradit.

XVI. *Supplicium duodecim mensium in Gehenna.*

XVI. Hactenus persecuti carnales Judæos sumus in iis rebus, quas ut impetratorias suæ cum Deo reconciliationis causas considerant: & inutilem nusquam quiescentis animi fatigationem ad mortem usque deduximus. Verum si hic aliquando extiterit casus, quem frequenter extare oppido credibile est, ut Israelita aliquis, cujus mala opera plura sunt bonis, ex hac vita decedat sine sufficienti pœnitentia ac satisfactione, illine necesse erit æternum esse misero? Nequaquam, ajunt. Tam eximia Israelitarum prærogativa est, & tanta circumcisionis dignitas, ut omnibus circumcisis Israelitis, sua tandem portio in futuri seculi beatitudine contingat. Et quo tandem pacto? Prætendunt *משפט רשעים יורדים לגהנם ונרצחים ביב"ח* *Judicium impiorum. Israël non nisi ad duodecim menses duraturum.* In *Jore Deah. p. ult.* Similiter R. *Alphes*, ex sententia sectæ Hillelis. *Tom. i. fol. 308. c. i.* *חורש יב"ח* *Prævaricatores Israël descendunt in Gehennam, & plebuntur ibi menses duodecim.* Quod prolixius expositum est a *Josepho Albo*, in libro *Fundamentorum*

mentorum *serm. iv. cap. xxiv. p. 151. Supplicium Gehenna, sive ad corpus ipsum, sive ad animam simul cum corpore, sive ad animam solam pertinuerit, pro unius cujusque diverso statu ac conditione diversum est. Fieri enim nequit, ut in quo partim bona, partim mala existunt, maximis istis, quos memoravimus, cruciatibus æternum torqueatur: peracto enim certo tempore supplicium illud cessabit; postquam improba illa peccandi consuetudo absterfa penitus, & perpetua oblivione abolita fuerit. Et juxta Doctorem nostrorum sententiam, tempus illud duodecim mensium erit. Consule Windetum de vita sanctorum statu, sect. viii. Non diffiteor, Josephum de intermediis sermonem hunc habere: sed sciendum, quod Menasse monuit de Resur. lib. ii. cap. viii. antiquos in intermediorum ordinem recipere quemvis, qui ob unicum duntaxat præstitum præceptum, non rejiciens interim cætera, sed ea approbans, meretur nomen Israëlitarum. Quibus adde ea quæ habet in libello de Fragilitate humana. §. x. Inservit peccatis purgandis inferni pœna: quæ pro delicti quantitate intenditur, & remittitur. Purgata autem inferno a delictis anima, a Deo in Paradisum recipiuntur; ut pro bonis operibus præmium consequantur. His comprobatur illa Talmudistarum sententia quæ exstat in tractatu Sanhedrin cap. xi. Omnis Israël tenet partem in alio mundo. Ac plane ita est statuendum. Quisquis enim propter Mitsva aliquod, aut præceptum Legis observatum, nomine Israëlitis gaudet, is sine dubio feret portionem aliquam gloriæ in alia vita. Ad hanc Judæorum opinionem Jesum nostrum respexisse credunt doctissimi Scripturarum Interpretes, quando docuit, blasphemiam contra Spiritum S. non remissum iri, neque in hoc seculo, neque in futuro: hoc est, nullam prorsus ei expiationem esse reliquam, neque in hujus vitæ afflictionibus, neque in morte, neque in inferno.*

XVII. Atque hæc quidem Judæorum fuere cogitationes de modo XVII. *Jus impetrandi peccatorum veniam, & reconciliationem cum Deo: nunc ad vitam æternam alteram justificationis partem pergentes, inquiramus, quo pacto se Jus vite æternæ, in Scripturis promissæ, & ab ipsis desideratæ, acquisitionis crediderint. Ne longis hic ambagibus opus est. Quoniam in nulla id alia re fundaverunt, nisi in VIRTUTUM SUARUM DIGNITATE, & OPERUM MERITIS. Non potest sententia ista clarioribus exponi verbis, quam factum est a Menasse Ben Israël, uti alibi, sic & de Fragil. Hum. §. x. Est regula inter nostros Theologos, nullum bonum opus perdi: adeo ut, licet quis multa commiserit peccata, unum vero bonum opus tantummodo egeris, propter illud, post deliquorum subsequentem afflictionem, a Deo recipiat in gratiam. Hujus sententiæ veritas manifesto constat ex libro Seder Teh. ubi super Ps. lxi. antiqui hæc verba proferunt. Sit homo e. g. qui fecerit*

erit decem Missos, aut precepta legis, & contra decem peccata, atque is forsitan dicat; Nolo recipere primum benefactorum, neque etiam velim perpeti penas peccatorum, sed neutrum istorum in rationem venias, ut pares simus. Verum non vult Deus sic rationes inire. Sed prius ob delicta castigat; deinde, ubi sic purgarit, unicuique dat primum pro suis operibus integrum. Idem format Rabbenu Bahye, in Parasa de Hekkeb, illustrans Deut. x. 17. Deus non recipit personas, neque accipit munus. Pro injustitia nempe non recipit personas Deus: hoc est, nec justum respicit, ut non puniat eum pro peccato, quantumvis levi. Neque accipit munus: hoc est, licet fecisset mille Misvos, aut precepta, & unum duntaxat commisisset peccatum, nec ob omnia hac quicquam detraxerit peccato: sed purgato prius deliquio, pro preceptis mille primum mox debet. Eadem postquam laudavisset, de Resurr. lib. i. cap. vi. subjungit. Idem sentit R. Moses Aegyptius, in expositione cap. iv. Pirque Abot. Hac vero sententia hoc axioma nititur; omnis Israël partem habet in alio mundo. Quum enim propter aliquod bonum opus, dignus habitus sit nomine Israël; idcirco partem aliquam gloria in mundo resurrectionis obtinebit. Portio illa erit magna, aut parva, pro ratione operum quae singuli praestiterunt.

XVIII.
Qua ut
multipli-
carentur,
multipli-
cavit Deus
precepta.

XVIII. Unde consequitur, quod ex Judæorum sententia, bona opera non generatim solum mereantur mercedem vitæ æternæ; sed & specialius, quod gradus beatitudinis respondebunt proportionem meritorum. Atque hac in parte accommodavit se Deus illi desiderio merendi, multiplicando sua mandata. Quæ ut melius intelligantur, attendendum est, quod, secundum Judæos, ad promerendum jus vitæ æternæ, non requiratur totius legis observatio; sed sufficiat præstatio unius alicujus mandati. Sic enim Joseph Albo libro de Fundam. Serm. i. cap. xxi. Cujus verba, quia notabilia sunt, ex Hebræo describere non pigebit. שההשלמות האנושי ישג במצוה אחת ממצות תורת משה שאם לא כן תהיה תורת משה מרחקת את האדם מהשגת השלמות האנושי אשר כט אותו ר' אל' בחיי האדם הבא: אם היה צריך כל בעל תורת משה כל רבוי המצוות שבא בה כדי להקנותו המדרגה המדרגת חיי האדם הבא חיתתו תורת משה מרחקת את האדם מקניית השלמות יותר משה שהיה חיתתו מקרבה אותו וזה הפך מה שכוין ממנה: *Perfectio humana acquiri potest uno preceptorum Legis Moisaica. Alioquin Lex Moysis elongaret potius hominem ab acquisitione perfectionis sua, quam doctores nostri beata memoria vitam futuri seculi nuncupant.* Mox pauculis interjectis. Si omnibus Legem Moisaicam professis universa multitudo preceptorum, quæ ea continentur, necessaria esset ad acquirendum gradum aliquem ex gradibus vite futuri seculi; tunc lex Moysis magis repelleret hominem & arceret ab acquisitione perfe-



perfectiōnis, quam ut ad eam faceret appropinquare. Id vero scopo legis perquam est contrarium. Quorsum ergo ingens illa præceptorum multitudo tendit? Iterum illud Menasse dicat, de Frag. Hum. §. x. *Quum dederit Deus multa præcepta, dedit quoque cum illis rationem homini, ad acquirendos vario felicitatis gradus. Hinc dicunt antiqui: Voluit Deus Israël em mereri; ob id multiplicavit leges & præcepta. Quemadmodum enim qui opulentiori fruitur fortuna, se potest promovere facilius ad varias res, & dimittere bona sua in varias partes, quam cui una solum via patet: ita Deus quoque cum variis præceptis, quæ observet homo, domi, foris, in vestitu, in propria sua persona, multas ei aperuit vias ad commodum suum prosequendum.... Ac, ut animadvertit Rab Semuel Laniado in suo Cheli Hemda, non constituit tantum supernaturalia; sed & ea quæ natura sponte dicitur, ut sunt, non furaberis, non occides, non machaberis, honorabis patrem tuum & matrem tuam, & similia. Eoque Deus augmentavit leges, ut præmium acciperet, non qui propter naturam, sed propter Dei voluntatem, istas observasset. Ex qua postrema animadversione liquet, quod merendi vim non in convenientia boni operis cum natura & ratione collocent: sed unice in formali ratione obedientiæ, qua præstatur id quod jussum est.*

XIX. Dissimulandum non est, quod FIDEM quoque causis vitæ æternæ accenseant. Fides, inquit Joseph Albo, Serm. i. cap. xxi. est causa salutis, sicut est causa vita æternæ. Secundum Habacucii testimonium, JUSTUS EX FIDE SUA VIVET. Ubi non de corporali ac temporali vita agitur; quippe quam justus cum improbis communem habet; sed de vita æterna, quæ vita animæ est. Catechismus aliquis exstat, sub titulo Lekach Tob, eleganter & cum judicio scriptus, quem tam in Hebræorum quam Christianorum scholis publicus usus terit: in eo, non procul initio, ista occurrit Quæstio: *Qua ratione homo, muliere natus, certus esse potest, se ad quietem, possessionemque æternæ beatitudinis, perventurum esse, quæ expectatur in seculo futuro?* Ad quam quæstionem sic respondetur: צדיק באמונתו ובטוהו ב"י ובקבלתו. Justus per fidem suam & fiduciam in Dominum, & per susceptionem Legis ipsius quam Moses posuit coram filiis Israël, vivet in isto seculo. Porro quaeritur, quanam ista fides sit, quæ pro fundamento ac radice collocari mereatur? Ac respondetur: דאמונה דאזי מתנה הנחיל אלהים בנפשתי אשר באמצעותה אזי: Fides hæc est donum quod Deus animis nostris indit, quæ credimus omnibus verbis quæ nobis dixit ministerio servorum suorum Prophetarum.

XX. Ne autem nesciamus, quanti Judæis fides æstimetur, observandum est eam considerari ut COMPLEMENTUM OMNIUM MANDATORUM.

XIX. Fides quoque causis vitæ æternæ accenseant. Fides, inquit Joseph Albo, Serm. i. cap. xxi. est causa salutis, sicut est causa vita æternæ. Secundum Habacucii testimonium, JUSTUS EX FIDE SUA VIVET. Ubi non de corporali ac temporali vita agitur; quippe quam justus cum improbis communem habet; sed de vita æterna, quæ vita animæ est. Catechismus aliquis exstat, sub titulo Lekach Tob, eleganter & cum judicio scriptus, quem tam in Hebræorum quam Christianorum scholis publicus usus terit: in eo, non procul initio, ista occurrit Quæstio: *Qua ratione homo, muliere natus, certus esse potest, se ad quietem, possessionemque æternæ beatitudinis, perventurum esse, quæ expectatur in seculo futuro?* Ad quam quæstionem sic respondetur: צדיק באמונתו ובטוהו ב"י ובקבלתו. Justus per fidem suam & fiduciam in Dominum, & per susceptionem Legis ipsius quam Moses posuit coram filiis Israël, vivet in isto seculo. Porro quaeritur, quanam ista fides sit, quæ pro fundamento ac radice collocari mereatur? Ac respondetur: דאמונה דאזי מתנה הנחיל אלהים בנפשתי אשר באמצעותה אזי: Fides hæc est donum quod Deus animis nostris indit, quæ credimus omnibus verbis quæ nobis dixit ministerio servorum suorum Prophetarum.

comple-
mentum
opus lo-
gis.

RUM DEI. Quod auctor laudatæ modo Catechesios in præfatione, sic ex veterum doctrina exposuit. *Prophetarum aliquis omnia Divina legis præcepta undenario numero complexus est: alius redegit ad ternarium: tandem surrexis Prophetæ, qui omnia uno comprehendit verbo, nimirum hoc: Justus fidesua vivet.* Desumpta autem ista ex Talmude sunt, *Tract. Maccot. circa finem: ubi eadem res plenius & clarius habetur. R. Semlai docet: Sexcenta & tredecim præcepta tradita sunt Mosi in monte Sinai. Venit David, & reduxit ea ad undecim. Ps. xv. Venit deinde Jesaias, & reduxit ad sex. Jes. xxxiii: 15. Venit Micha, & reduxit ad tria. Mich. vi: 8. Denique venit Habacuc, & cuncta complexus est uno. Hab. ii: 4.* Ex quibus liquidum est, quod modo dixi, fidem a Judæis considerari, ut complementum totius legis, & complexum omnium bonorum operum.

XXI. Et ut
opus mora-
torum,

XXI. Quamvis ista ad veritatem Christianam propius accedere videantur; si tamen rite excutias, sub locutione plausibili latens Judaismi virus deprehendes. Quando enim animi sui mentem declaraturi sunt super modo quo per fidem justificentur, cuncta in suam operisque sui dignitatem recidunt, omisso neglectoque prorsus Messia cum justitia sua. Nimirum per fidem institutis Mosaicis adhibitam recipitur quis in ordinem Israëlitarum: & eo ipso quod Israelita est, non potest exfors esse æternæ beatitudinis. Sic *Moses Maimonides ad Tract. Sanhedrin fol. 121. col. 1. Si quis hac omnia credat, fidemque suam ore profiteatur, recipitur ad Ecclesiam Israëlitis. Ac si forte contingat, ad omnem nequitiam eum prelabi, ex vehementia corruptionis suæ, & pravarum cupiditatum; punietur quidem pro ratione delictorum suorum: non tamen idcirco amittet portionem suam in futuro seculo; quia receptus est in ordinem transgressorum Israëlitis.*

XXII. Cui
addi va-
lens spe-
cialis fi-
duciam in
bonitatem
Dei.

XXII. At præter communem istam fidem, qua agnoscuntur dogmata religionis Mosaicæ, requirunt etiam SPECIALEM FIDUCIAM in BONITATEM & misericordiam DEI, ut qui poenitentes servare velit. Quæ in laudata modo Catechesi a fide distinguitur, nec prorsus incommode definitur. Doctor discipulum suum sic affatur: *Quoniam explicuisti quid fides sit, & quinam ejus articuli, porro exponito quam sit fiducia illa, quæ quis iis adhaeret, quæque hominem juvat ut perveniat ad consummatam beatitudinem in seculo futuro.* Respondet discipulus: *הבטחת ד' את בני ישראל בנפשותיהם אשר באמצעותה אין במידים מותנתה שיהיה מותן דאשר דאמרת מצד דדוד דאמר עלי לא בצדקותי קרב מקדשתי וגם בגלם דודו שכל מוסדותי ימלא ויפתח את פי וישביו כל די רצון וקני כל אלהי ישכרו באמצעות דהבטחת דדא נתן לכלם את* *Fiducia ista est donatio a Deo in animis nostris datum, quo mediante certi evadimus delictorum: spiritualium,*
in qui-

in quibus vera beatitudo sita est, quam accepturi sumus ex Divina super nos benignitate, & non propter iustitias nostras, aut bonitatem operum nostrorum: confidimus etiam quod in hoc quoque seculo omnes defectus nostros supplebit, & aperiet manum suam, & satiabit quidquid secundum beneplacitum suum vivit. Unde omnium oculi in ipsum intenti, hac de qua agimus fiducia, sunt: & ipse dat omnibus illis escam in tempore suo, a cornibus monocerotum, usque ad ova pediculorum. Alibi, ad Questionem, quid faciendum nobis incumbit, ut istarum rerum evadamus compotes? Post commemorata & laudata alia sic pergit: *His succedit Fiducia, qua nos instar firmi fundamenti ejusdam, Deo simul adspirante, sustinens, animam corpusque reficit, & insigne in iis qua vel ad legem, vel ad res seculi pertinent, adjumentum præbet. Qui enim sperat in Dominum, eum circumdabit misericordia undique, nec pedes ejus declinabunt; uti iis evenire solet qui fiduciam suam in alia re quamcumque collocant &c.* Uti hanc fiduciam Deo gratam, & ad salutis procurationem utilem esse credunt; ita oppositam ei diffidentiam ac desperationem de Dei benignitate sex iis rebus annumerant quas Deus odit, & quæ valde noxiæ sunt. Nimirum si quis prorsus non confidat Divina misericordia, quasi nullum sibi superstes esset remedium, & quasi Deo manus non essent ad recipiendum penitentes in gratiam: non cogitans, misericordiam Dei esse super peccatores, Deumque velle eorum misereri; quamvis omnia quis peccata admisisset, modo eorum penitentia ducatur, veniamque humiliter & contrito animo imploret.

XXIII. Equidem non male, modo Dei benignitatem considera-
vissent in MESSIA, & fidem in ipsum non minus quam in Deum homini
peccatori commendassent: sed ipsum, ut & fidem in ipsum, in universo
æternæ salutis negotio prætereunt. *Judeus ille, cujus responsiones con-*
sideravit Cl. Coccejus cap. IV. rogatus, An fides in Christum sit necessaria
ad remissionem peccatorum? Respondit: Vocabulum fidei, de quo hic qua-
ritur, distinctione opus habet. Nam si per hoc intelligitur fides, quam in Deum
habere oportet; hanc Judæi neque collocaverunt, neque collocabunt unquam
in Messiam. Fides enim hujusmodi soli Deo debetur, non homini futu-
ro Messia. Si vero intelligitur de fide & certa spe, qua credi debet ven-
turus ad liberandum populum Israëliticum, Judæi semper obligantur, &
obligati fuerunt, hanc fidem habere, & censere pro articulo fidei & legis
sua: adeo ut eum qui non credit, Deum missurum Messiam, ad liberandum
populum Judaicum e servitute, eosque in terram suam colligendum, statu-
mus alienum a Republica Israël, & a spe salutis exclusum. Similiter Oro-
bini in Collectione cum Limburgio. p. 57. Si quidem in omnibus afflictioni-
bis a Prophetis admonebatur Israël, quod Legem Divinam servaret,
quod

XXIII.
Non in
Messiam.

quod erat unicam medium quo in Dei gratiam restitueretur: nunquam vero dixere, quod in futurum Messiam spem haberet, sed in Deum, ut ab inimicis liberaretur, & in sui gratiam restitueretur.

XXIV. Cuius iustitiam & redemptionem spirituales prorsus repudiant.

XXIV. Quemadmodum fidem in Messiam improbant; ita & iustitiam Messiae, & satisfactionem ipsius, & impetrationem aeternae salutis per ipsum procurandam repudiant. Judæus ille, apud Coccejum cap. VII. rogatus, *An liberatio, qua per Messiam fiet, solum erit corporalis, ac temporaria?* Sine hæsitatione respondet: OMNINO CORPORALEM FUTURAM CREDIMUS, qualis per Moysen facta est, qui populum liberavit a servitute Aegyptiaca. Nam SCRIPTURALIS LIBERATIO SOLUM-MODO DEPENDET AB OBSERVATIONE LEGIS, quam Deus in monte Sinai promulgavit: qua tum multo facilius observari poterit, adjectione corporalium bonorum, quibus tum populus Israëliticus fructur, & quia tolluntur omnia impedimenta, qua nunc observationem legis difficilem reddunt: accedente speciali quadam benedictione, quam Deus illis promittit per Ezechielem, sic dicens cap. xxxvi: 26. *Auferam cor lapideum ex carne vestra*, &c. Cui consona scribit Orobins l. c. p. 70. In hoc secundo sensu nullo Messia, nulla redemptione indiget, nec aliquando opus habuit ad salutem aeternam consequendam. SUFFICIT QUIDEM LEX DIVINA, QUAM UT UNICUM MEDIUM AD SALUTEM DEUS ISRAELI PRÆCEPIT. Post pauca: *At Israëlitis individua nullam aliam gloriam sibi proposuere propter Deum ipsum: cui, si Israël, Legem observans placueris, credis & sperat infallibiliter eo aeternum fruturum. Sed ubi, & quomodo, nec scit, nec scire unquam affectavit.* NEQUE PRO HOC DIVINO AC SUMMO BONO CONSEQUENDO, MESSIAE, AUT ALTERIUS REDEMPTIONIS, INTERVENTIONEM ADMITTUNT JUDÆI, aut necessariam esse crediderunt, sola Divina misericordia, & Lege contenti.

XXV. Quamvis frustra se coli Deus non possit, negant tamen collaudandum esse intuitu mercedis.

XXV. Ex quibus omnibus apparet liquidissime, quod tam absolutionem a suis peccatis, quam jus vitæ aeternæ, unice in suis ACTIONIBUS fundaverint, quas ex Legis præscripto peregerunt, & in Divina MISERICORDIA gratiose eas acceptante, CITRA INTUITUM MESSIAE. At quamvis suis se actionibus omnia ista consequi ac merere se posse crediderint: satius tamen existimaverunt, quidquid agunt, magis ex amore Dei, quam mercedis intuitu agere. Notissima est Antigoni monitio ex Pirke Abot. cap. I. *Nefitis tanquam servi, qui serviunt Domino, ea conditione ut recipiant mercedem; sed estote tanquam servi, qui obediunt Domino ex amore, si- que timor Domini super vos.* Memorabilis imprimis Catechizans

Hebraei,

Hebræi, aliquoties nunc nobis laudati, institutio est; *Questione secunda ita discipulum suum rogantis: Dic mihi quæso, in quem finem te Deus in pulcherrima hac forma creavit?* Respondet discipulus: כָּבוֹד לִבְרָאָתוֹ וְאֵי נִבְרָאתִי לְשֵׁמֶשׁ אֵת קוֹנִי וְלַחֲבֹבָה וְלִירְאָה וְלִירְאָה מִפְּנֵי כְבוֹדוֹ וְלַעֲשׂוֹת נֶחֱמָה רַחֵם לִפְנֵי שְׁלֵמָה עַל מַנְתָּ לִקְבֹּל פָּרָס אֶת עַל פִּי שִׁטָּה חֲשׂוֹר לְבָא בְּעוֹלָם שְׁכֵלִי אֶרֶץ וְלַחֲיִיתָ לִפְנֵי בְּנֵי־מִתָּה נֶחֱמָה: Cum-
Et ad suam creavit gloriam. Atque ego conditus sum, ut serviam Creatori meo, ut diligam ipsum, & timeam a gloria ipsius, utque quod ipsi gratum est faciam. Non profecto mercedis merenda causa, quamvis certe tandem merces futura sit in seculo altero, quod prorsus æternum est, ubi coram facie ipsius in æviteris victurus sum deliciis.

XXVI. Uti nuper quum *Gentilium* exponebamus de modo consequendæ felicitatis sententiam, ita & nunc, recapitulatione facta, quid in *Judaorum* opinionibus verum ac probandum, quid falsum ac rejiciendum sit, breviter, veluti in tabella exhibeamus. Verum est, quod nullus inveniatur mortalium, qui peccatorum expiatione non indigeat; nemo etiam a salute excludatur, qui eam rite quærit: quod generatim pœnitentia ac conversio ad Deum, specialius eleemosynæ, preces cum peccatorum confessione, & vitæ in melius mutatio, absolute necessariæ sint ad consequendum Dei favorem: quod castigationes Divinæ, cum submissione ac patientia susceptæ, promovendæ saluti plurimum inserviant: quod circumcisio magnum olim populi Israëliti privilegium fuerit: quod lotiones, & sacrificia pro peccato, a Deo per Moſen instituta, religioſe ex mente Legislatoris observata, durante œconomia Legalis, quandam purificationem & expiationem Israëlitis conciliaverint: quod magnus dies expiationis peccatorum remissionem, certo sensu, & convenienter isti œconomiz, attulerit: quod bona opera, & fides qua quis assentitur Divinæ revelationi, & fiducia in Dei misericordiam, peccatoribus pœnitentibus expositam, ad salutis consecutionem omnino requirantur: quod quamvis mercenarium sit Deum colere solo mercedis intuitu, Deus tamen nunquam se frustra coli postulaverit. Omnia ista, bene exposita, vera & sana sunt.

XXVII. At temerarium est, omnibus Israëlitis, quia Israëlitz sunt, quantumvis tota vita improbi fuerint, spem facere beatitudinis in vita futura. Erroneum est, pœnitentiæ, eleemosynis, precibus, confessioni, similibusque actibus humiliationis, attribuere virtutem expiatoriam. Superstitiosum est, vim & efficaciam aliquam adscribere mutationi nominis, ut & operibus illis pœnalibus nusquam a Deo iussis. Indignum est, de circumcissione gloriari, si quis non sit conditionibus fœderis

XXVII.
Quid falsi sit.

is Abrahamici. Contra mentem Legislatoris est, fiduciam collocare in usu lotionum, sacrificiorum, & quarumcunque ceremoniarum, si unice considerentur ut actus ex præscripto præstandi; quum Deus eas dederit ut figuras rerum spiritualium, quærendarum & inveniendarum in Messia. Absurdum est, satisfactionem constituere in castigationibus, in morte, & pœnis purgatoriis inferorum. Superbum est, gloriari in operum meritis; & generali ista fide, qua quis, Israël accensitus, extra damnationis periculum constituitur. Denique abnegatio est fœderis Abrahamici, & gratiæ Dei in Christo, salutem aliunde expectare, quam ex Messia & fide in ipsum.

EXERCITATIO XXII.

D E

CONTROVERSIIS.

quæ Apostolorum ætate

I N

ECCLESIA CHRISTIANA

circa

JUSTIFICATIONEM

ortæ sunt,

BREVARIUM.

I. Tres potissimum controversiæ in Apostolica Ecclesia ortæ sunt super observatione rituum Mosaicorum. II. In eo nunc consensus Christianus, quod Lex præcepti carnalis sit emerita. III. Quod tamen initio Evangelii nondum innotuerat. IV. Primo enim loco controversum fuit, an Judæis, post susceptum Christianismum, teneretur adhuc Lex Mosaica esset. V. Quæ questio tanti momenti habita non est, ut propter eam scinderetur pax Ecclesiæ. VI. Utrumque enim credebatur, non potendum esse justificationem ex Cerimoniis, sed ex Christo. & Fide in ipsum. VII. Non aliamvisi sistimantur Apostoli et Evan-

Evangelium gentibus predicandum. VIII. Narratio de Evangelio per Thaddaeum predicato Regi Edessa, fabulis est accensenda. IX. Cornelius, per Petrum ad fidem Christi adductus, primitia gentium est. X. Hunc secuti multo numero Graci quidam apud Antiochiam. XI. indeque nata est secunda controversia, an Christiani ex gentibus obligarentur ad instituta Mosaica. XII. Decisio Ecclesia Apostolica. XIII. Tertiam controversiam, an justificatio ex Cerimoniis petenda esset, moverunt Pseudapostoli.



Ræter crassos illos *Gentilium* ac *Judeorum*, de Justificatione hominis peccatoris coram tribunali Dei, errores, expendendæ nobis veniunt controversiæ illæ, quæ in ipso ECCLESIAE GREMIO, inter eos qui *Christiani* erant, vel eo saltem nomine dici postulabant, Apostolorum ætate, ortæ sunt. Controversiæ, circa eandem quidem rem versantes, at multum diversi generis, ordinis, ac ponderis; quarum aliæ aliis momentosiores ac periculosiores erant: ex Apostolica historia, in nativa sua facie, & quanta fieri potest accuratatione, hic exhibendæ. Animadverto igitur in prisca Ecclesia *triplex* fuisse discrimen circa observationem illius partis Legis Mosaicæ quæ CERIMONIALIS dici solet. Primum fuit inter CHRISTIANOS ex JUDÆIS & CHRISTIANOS ex GENTILIBUS, an hi quoque obligati essent ad suscipiendum Legis Mosaicæ jugum, tanquam partem religionis qua placeretur Deo. Tertium inter CHRISTIANOS ORTHODOXOS & SUPERBOS quosdam, audaces & pervicaces ex JUDÆIS, qui in Ecclesiam se ingesserant, & pro Christianis haberi volebant; improbe pugnantes, Fidem in Christum secundum doctrinam Evangelii ad Justificationem non sufficere; sed requiri præterea, ab ipsis etiam Gentilibus, observantiam rituum Mosaicorum, tanquam necessariam, &, si ita loqui fas est, essentialem Justificationis partem. Non abs re me facturum arbitror, si controversiarum istarum ortum ac progressum ordine enarrem.

II. In eo nunc universus toto terrarum orbe consentit Christianismus, Legem præcepti carnalis, sive præceptorum in placitis, ut Paulus nuncupat, quam in Scholis Legem Cerimonialem dicimus, quum contingeret umbram rerum futurarum, quarum corpus Christus est, ad corporis ipsius præsentiam, honeste loco cessasse: quum consisteret in primis ac rudibus mundi elementis, ac paedagogi vicem obiret, non amplius conve-

I. Tres p^o tiffimum
controversia in Apostolica Ecclesia orta sum super observatione rituum Mosaicorum.

II. In eo nunc consentit Christianif. quod Lex præcepti carnalis sit conve-

convenisse Ecclesiae, ex puerili aetate ad adultam provectae; quam generosior decebat educatio: quum duræ servitutis jugum esset, non esse imponendam cervici & humeris populi, in plenam, & adultis Dei filiis dignam, libertatem asserti: quum non data esset nisi ad tempus correctionis, postquam advenisset status promissæ consummationis, debuisset cessare: quum in ea Chirographum esset, fidelibus subcontrarium, quo edebatur confessio necdum præstitæ a Sponsore satisfactionis, scindi illud debuisset postquam solutio in solidum erat facta; quippe quod simul consistere nequeat cum apocha, a Deo Patre Sponsori data, quando eum suscitavit ex mortuis Unde consequitur, eum qui legis illius observationem a Christianis continuandam pertinaciter urget, inducere abnegationem satisfactionis Christi, & cum ea everisionem Christianismi. Hæc perspicua, constans, & evidentibus demonstrationibus comprobata Pauli Apostoli doctrina est, quam Catholica nunc Ecclesia unanimi consensu agnoscit.

III. Quod
sanctum in-
sit Evan-
gelii non-
dum inno-
tuerat.

III. Cæterum non omnes veritates Evangelii omni tempore æquali evidentiâ patefactæ sunt; sic ut fideles æque claras ac distinctas semper earum habuerint ideas. Tum minime, quum recens ex ignorantie tenebris prodeuntes, priscae præventionis præjudicia nondum satis deposuerant. Quod non ex plebe solum Christianis, sed & ipsis Apostolis, usu venit: etiam ex illo tempore, quo Divini Spiritus donis, Pentecostali prodigio, supra fidem aucti & locupletati sunt. Sufficiente tunc illos earum rerum cognitione instruxit Deus, quarum prædicatio tempestiva Ecclesiae erat. Quæ deinceps prædicandæ restabant, oportune revelaturus. Omnes ad unum Apostoli, Christianæ libertatis privilegia ignorantes, Mosaicæ Legis obligatione obstrictos se teneri crediderunt, donec Petrus, in ecstasi, aliter a Domino informaretur. Tunc primum intelligere cœpit, non esse sibi diutius pro impuro habendum, quod Deus mundaverit; & licere sibi, sine scrupulosa mundorum & immundorum ciborum distinctione, omnibus a Deo creatis ex æquo vesci. Tunc primum edoctus fuit, fas sibi esse homini gentili Evangelium prædicare, sine obligatione ad Legem Moysi. Tunc comperit, posse aliquem in statum gratiæ cooptari, & placere Deo, & admitti ad Ecclesiae Christianæ communionem, ac participationem donorum Spiritus Sancti, sine depositione præputii. Illa tempestate Petrus primus erat, & unicus, cui ea revelatio distincte erat facta. Cæteri fideles litæ ipsi super ea re intenderunt. Act. x. xi: 2.

IV. Primo
enim loco
controver-
sum fuit,

IV. Atque hæc prima realis, ut ita dicam, controversia est, quam in Ecclesia Christiana exortam esse legimus. & Cæterum fuit Petrus

Petrus idonea apologia se ipsum actionesque suas defendere : qua effe-
cit quidem ut acquiescerent illi qui sequius de ipso fuerant opinati, *an Judais,*
non ausi obniti Deo. At tamen eodem loco res mansit. Omnes qui ex *post susceptum Chri-*
circumcisione erant, nec ipsis, ut videtur, demtis Apostolis, pergebant *stianis-*
obsequium deferre legibus Mosaicis, si non ex opinione durantis adhuc *num, te-*
Divinae obligationis, saltem ex veteri instituto ac more majorum, & *nenda ad-*
metu scandali. Quod didicerant jam Apostoli, sibi scire contenti, non- *buc Lex*
dum ipsa exercebant praxi, nec docebant publice. Deprehendebant, *Mosaica*
Christianos ex Judæis vehementi pro tuenda lege zelo plerumque arde- *esset.*
re, neque consultum judicabant eos exacerbare & offendere : hinc tem-
peramento aliquo prudentiæ iis sese accommodaverunt, donec de
voluntate Dei plenius atque uberius constaret. Nemini plus lucis
circa hanc rem indultum fuisse apparet quam Paulo, qui pro libertate
stetit, tam acriter, ut diceretur, *omnes qui inter Gentes erant Judæos de-*
fectionem docere a Lege Moysis. Act. xxi. Hic tamen ipse Paulus a Jacobo
sibi persuaderi passus est, ad eum modum se in Templo Hierosolymita-
no gerere, ut omnes cernerent, *ipsum quoque ita incedere ut Legem obser-*
vet. com. 24. Hæc itaque prima fuit controversia : *An Judais, post*
susceptum Christianismum, observanda maneret Lex Moysis. Erant qui starent
pro parte agente : sed cum discrimine. Quidam arcessiebant ex religione
Divini præcepti, quod adhuc suum opinabantur tenere vigorem : alii
non agnoscebant nisi prudentem *συγκатаβασιν*, ad evitandam infir-
miorum offensionem. Atque huc probabile est consensisse Apostolos,
saltem quoad rei caput. Paulus certe facilis in eo fuit, *ut Judais fieret Ju-*
daus. I. Cor. ix: 20. At quoad circumstantias personarum, temporum,
locorum, alius *συγκатаβασιν* istam aliquanto extendit latius, alius
arctioribus ratus est includendam esse limitibus. Admodumque pro-
babile est, eos fuisse omnium liberalissimos, qui in ipsa Israëlidade,
medios inter Judæos morabantur.

V. Qui obligationem ex Divino, & adhuc durante mandato dedu-
xerunt, effecerunt quidem ut controversia aliquanto esset gravior. Non
tamen tanti eo tempore momenti visa est, ut ob eam Ecclesiarum paci-
mutuæque fratrum charitati quidquam decederet. Laudabatur utrinque *V. Qua*
questio
tanti mo-
menti ba-
bita non
est, ut prop-
ter eam
scindere.
sanctæ intentionis sinceritas, qua quisque, pro eo quo fruebatur lumine,
secundum animi sui religionem, Deum colere, eique placere nitebatur. *scindere.*
Neque ferebat Paulus, ut qui primas tenebat in cognitione, posterior *scindere.*
esset in charitate. Hinc præclara ista, nulloque satis sermone *scindere.*
prædicanda axiomata : *Alius quidem credit, edi licere quid-*
vis : alius autem infirmus edit, alera. Qui edit, neq. edentem ne pro

nihil habeto; qui non edit, edentem non condemnato: Deus enim eum assum-
sit. Qui curat diem, Domino curat: & qui non curat diem, Domino non
curat. Qui edit, Domino edit: gratias enim agit Deo. Et qui non edit, Do-
mino non edit, & gratias agit Deo. Novi, & persuasum habeo per Dominum
Jesum, nihil esse impurum per se, sed ei qui reputat aliquid esse impurum, id
ei impurum esse. Verum si propter escam frater tuus tristitia adficitur, non
jam secundum charitatem ambulat. Nempe igitur quæ ad pacem faciunt se-
demur, & quæ ad mutnam adificationem. Et quæ his similia exstant Rom.
xiv. Pulchra profecto, sancta, dignissimaque Apostolis monita! Utinam,
utinam ille, tot piorum votis expetitus, illucescat aliquando dies, quo
similes controversiæ, inter Orthodoxos cæteroquin, & in summa rei
conspirantes fratres, pari sapientia, modestia, æquitate, & animi lenita-
te, tractentur! Credibilene est, ex tam mansueto prudentique pacis
tuendæ studio quicquam damni passuram esse sacrosanctam Evangelii
veritatem?

VI. Utrum-
que enim
credeba-
tur, non pe-
tendam ef-
se justifica-
tionem ex
Cerimo-
niis, sed ex
Christo, &
vox erat: *Notum igitur sit vobis, Fratres, annunciari vobis remissionem
Fide in ip-
sum.*

VI. Rationem vero cur tam mollibus articulis controversiam
istam tractaverit Paulus, hanc esse reor: quod, qui ex circumcisione
erant Christiani in eo cum cæteris omnibus convenirent, quamvis reti-
nendæ adhuc essent ceremoniæ, non tamen in iis collocandam esse ul-
lam justificationis partem, aut causam. Hoc enim capite *Orthodoxi Chri-
stiani, & Justitiarum atque Operarii Judæi*, a se invicem discriminabantur.
Omnium Apostolorum, quoties Judæis Evangelium prædicabant, una
fuit, & vox erat: *Notum igitur sit vobis, Fratres, annunciari vobis remissionem
peccatorum per Jesum: & ab omnibus a quibus non potuistis per Legem Mo-
sis justificari, per hunc credentem quemvis justificari.* Act. xiii: 38, 39.
Huic veritati quicumque resistebant, & justitiam, vel in solidum, vel ex
parte, quærebant in nimium sibi amatis ceremoniis; ii non pro fratri-
bus æque pretiosæ fidei consortibus, sed pro dæceptoribus habebantur
spiritibus: uti mox luculentius patebit.

VII. Non
admodum
festinavit
Apostoli ad
Evangelium
Genti-
bus prædi-
candum.

VII. Cæterum & alia præter hanc mota est controversia, occasio-
ne Gentilium, qui suscepta Evangelii fide, per baptismum Ecclesiæ uni-
ti sunt. Eorum sic erat ratio: D. Jesus omnibus officiorum suorum nu-
meris in terra absolutis, jam jam in cælum adscensus, Apostolis suis
mandavit, ut in omnibus sibi gentibus formarent discipulos, & Evange-
lium omnibus prædicarent creaturis. Sed non videntur Apostoli men-
tem Domini, in omni extensionis suæ latitudine, rite affecti esse: sed
potius animum induxisse, quod non esset festinato opus, liceretque gene-
ralis istius mandati executione supersedere, donec vel ipsa temporis
oportunitas eos invitaret, vel Dominus voluntatem suam de rei ge-
rendæ

rendæ oportunitate ac modo uberius exponeret. Aliquid sane de ordine ac progressu Evangelicæ prædicationis præmonuerat. Act. 1: 8. *Eritis mihi testes, & Hierosolymis, & in tota Judæa, & Samaria, & usque ad ultimas terras.* Ex omnibus constabat vatum oraculis, initium prædicationis faciendum esse ab Hierosolymis. Atque ob eam rem aliquammultum temporis Apostoli in Metropoli ista exegerunt; omni, ut videtur, de Evangelio gentibus annuanciando, cogitatione seposita; vel certe nullo manifesto tantæ rei molimine.

VIII. Memorabilis historia est, quam *Ensebius lib. 1. cap. XIII.* se invenisse memorat in *Archivis Edessæ*, urbis cis Euphratem in Mosopotamia sitæ. Cujus urbis Rex, *Abgarus*, cum Domino Jesu, adhuc in terris versante, commercium habuerit literarum; petieritque, ut, itinere ad sui curationem instituto, regiam secum dignitatem atque urbem partiretur. Abnuisse id quidem Dominum, at pollicitum tamen, quamprimum cœlestis sui regni possessionem adierit, missurum ex suis aliquem, qui & morbo ipsum liberaturus, & viam ad veram æternamque beatitudinem monstraturus esset. Abhinc factum esse, ut recepto in cœlos Jesu, Thaddæus, unus ex LXX discipulis, Edessam profectus portentifica virtute invaletudinem Regis curaverit, totumque regnum Evangelii cognitione imbuerit. Sunt, etiam ex nostræ ætatis eruditissimis hominibus, quibus narrationi huic fidem adhibere lubet. In iis est Clarissimus *Cavius*, in *vita Thaddai*, & in *Historia Literaria*. Mihi secus videtur; quum ob alia multa, quæ fabulæ propiorem esse suadent, tum maxime, quod viam non inveniam eam cum Divina Lucæ historia conciliandi.

IX. Quippe ex qua constat, Cornelium, Centurionem, Cæsareæ *X. Hunc* morantem, primitias fuisse gentium Christo consecratas. Tota Lucæ *secuti multo* commemoratio id clamat; & Petrus ipse, in Concilio Hierosolymitano, Evangelii primum Gentibus prædicati gloriam sibi vindicat. Act. *Graci quidam apud Antiochi-* xv: 7. *Vivi fratres, Vos scitis, Deum jam pridem inter nos elegisse me, ut per meum os audirent gentes sermonem Evangelii, & crederent.* Quæ nescio, *am,* quomodo & a Luca narrari, & a Petro dici quiverint, si mox ab Ascensione Domini, per nescio quem Thaddæum, ad Regem aliquem Edessæ, & universum ejus regnum, accurata Evangelicæ doctrinæ annuntiatio facta, & fide ab iis recepta fuisset. Hoc itaque firmum nobis fixumque esto; Petrum primum omnium fuisse, qui diserto Dei mandato hominibus gentilibus prædicaverit Evangelium; Cornelium, primum esse, qui crediderit.

X. Hunc
secuti mul-
to numero
Græci qui-
dam apud
Antiochi-
am.

X. Quæ res, tametsi insigni prosperata esset successu, intra unum hoc exemplum aliquo tempore stetit. Fratres enim Hierosolymitani, dispersi persecutione qua Stephanus e vivis sublatus est, varias quidem regiones, ad Phœniciam, & Cyprum, & Antiochiam usque peragrarunt, attamen nemini nisi solis Judæis locuti sunt sermonem. Act. xi : 19. Primi qui Antiochiam appulsi Græcis sunt locuti, annunciantes iis Jesum, Cyprii quidam & Cyrenii homines erant: fuit autem manus Domini cum iis; multusque numerus fide ipsis habita conversus est ad Dominum. com. 21. Hi post Cornelium primi sunt ex gentibus qui crediderunt; & absolute primi, qui notabilem aliquem numerum facerent. Cujus rei fama quum ad aures Ecclesiæ Hierosolymitanæ pervenisset, visum Apostolis est, Barnabam eo amandare, virum omnibus naturæ & gratiæ dotibus ad eam rem instructissimum, qui proselytis illis gratulaturus, eosque in via veritatis confirmaturus, & cœptum feliciter opus porro promoturus esset. Quod & magna dexteritate præstitit, &, Domino prosperante, cum successu exoptatissimo: præsertim postquam Paulum laborum comitem nactus esset. Ab eo tempore, duo hi Christiani nominis proceres, ad Gentes ablegati & commissum sibi negotium summa fide ac diligentia executi sunt.

XI. Inde-
que nata
est secunda
controver-
sia, an
Christiani
ex Genti-
bus obliga-
rentur ad
instituta
Mosaica.

XI. Imprimis hic notandum est, quod nec Petrus, nec Cyprii illi ac Cyrenii fratres, nec Barnabas, nec Paulus, verbum Evangelii gentibus prædicantes, & qui credebant, ad communionem Ecclesiæ admittentes, ulla eos circumcisionis, aliarumve cerimoniarum Mosaicarum necessitate obligaverint: quasi illæ ad salutem vel prorsus essent requisi- tæ, vel eam saltem redderent expeditiorem & certiolem. Solummodo male consulti quidam, & fervidi ingenii homines, Judæa venientes, bene compositam Antiochenæ Ecclesiæ pacem turbabant: clamabantque, NISI CIRCUMCIDAMINI RITU MOSAICO NON POTESTIS SERVARI. Non ferebant illud Paulus & Barnabas, sed forti animo inconsiderato- rum hominum impetum retundentes, pro libertate stabant Christiana. Unde quum repugnantia & disceptatio non parva utrimque oriretur, constitutum fuit, ut Paulus & Barnabas, & quidam alii ex illis, ad Apostolos & Presbyteros, Hierosolymam, super hac quæstione, ad- scenderent. Incertum est, an præter Jacobum ac Petrum plures tunc Apostoli Hierosolymis fuerint: hi enim duntaxat nominatim laudan- tur. Nisi Johannem iis adungere lubeat, qui vel in eadem, vel ejus- dem saltem generis collatione, a Paulo iis jungitur. Gal. ii : 9.

XII. Deci-
sio Ecclæ.

XII. In collatione ista Hierosolymitana princeps fuit Petrus, qui animi sui promisit sententiam. Eo autem tota ipsius tendebat oratio,

oratio, non esse imponendum cervici discipulorum jugum, sub cuius onere & majores & ipsi tamdiu ingemuissent; quum experimento didicisset, posse aliquem cum præputio cordium scrutatori Deo placere; cuius rei illustre testimonium Deus ipse præbuerit, dato Spiritu Sancto: unde apparet, fide purificari corda, etiam sine cerimoniarum choro. Quæ sanctissimi gravissimique hominis oratio magno totius multitudinis silentio audita, Paulo & Barnabæ occasionem dedit prolixo sermone memorandi, quanta Deus edidisset signa & prodigia per ipsos inter gentes, quas tamen nulla suscipiendæ circumcisionis necessitate gravaverant. Ea vero narratione valide confirmata Petri sententia fuit. Denique surrexit Jacobus, Petro quoad rei summam ὁμοῦ καὶ ἑνός, pariterque censens, non esse obturbandos eos qui ex gentibus ad Deum se converterint. Verum, quum singulari affectu in fratres suos, Judæos, propenderet, consultum arbitrabatur, sine religionis ac veritatis dispendio, ad conservandam pacem, & vitanda scandala ac schismata, aliquid iis indulgere. Atque hoc quidem nominatim, scribendum esse ad conversos ex gentibus, *ut abstineant a pollutis per simulacra, & scortatione, & suffocatis rebus, & sanguine.* Huic voto cuncti assenserunt. Epistolaque in eam mentem concepta, ab omnibus approbata, & per Paulum & Barnabam Antiochenis fratribus reddita est. *Quam quum legissent, gavisi sunt, super ea exhortatione.* Act. xv. Non lubet nunc excurrere in commentarium super decreto isto Apostolico: quippe quod ab instituti nostri ratione alienum, & ab aliis multis, & Cæcio quoque nuper, erudite occupatum est. Id unum hic observasse suffecerit, hætenus stetit controversiam inter *fideles & fratres*, qui sine hæresios criminatione ac recriminatione, sine schismate, in Ecclesiæ unionem manserunt: atque ita quidem, ut qui optime instructi erant, & rectissime sentiebant, simul magnam cum prudentia arbitrentur, posse aliquid infirmioribus & errantibus, pacis tuendæ causâ, sine veritatis dispendio, indulgeri.

XIII. Insanum quantum ab hac controversia distat postrema illa, quam falsi quidam fratres, & dolosi doctores ad Evangelii eversionem, Apostolicæ Ecclesiæ moverunt: ingenti contumacia, & effreni petulantia, cum vilipendio Apostolicæ auctoritatis contententes, omnes qui Christo nomen dederant, sive ex Judæis, sive ex Gentibus, ad totius Synagagæ Mosaicæ observantiam teneri, non modo ex reverentia quadam quæ antiquis & a Deo institutis ritibus debeatur, verum etiam ad comparandam inde sibi justificationem. Cum eo hominum genere plurimum Paulo negotii erat; quos *canes, malos operarios, concisores*

XIII. *Ter-
tiam con-
trover-
siam, an Ju-
dæis, an Gen-
tibus, an Syn-
agagæ, an
Christi, an
Mosaicæ, an
Synagagæ
observantiam
teneri, non
modo ex
reverentia
quadam
quæ anti-
quis & a
Deo insti-
tutis ritibus
debeatur,
verum etiam
ad compa-
randam inde
sibi justifi-
cationem.*

nem vocat. Phil. III: 2. *Pseudapostolos, operarios dolosos, transfigu-
rantes se in Apostolos Jesu Christi.* 2. Cor. XI: 13. Quibus exprobrat, quod
non modo turbent Ecclesias, sed & transferre moliantur ad aliud Evan-
gelium, intervertentes Evangelium Christi. Gal. I: 6, 7. Describit eos ut
irrepositos falsos fratres, qui fuerant clam ingressi ad explorandam liberta-
tem, quam habent fideles in Christo Jesu, ut ipsos ad servitutem adigerent.
Quibus ne ad momentum quidem subjiciendo se cedere debuerit: ne quid
dispendii pateretur Evangelii veritas. Gal. II: 4, 5. Denunciat ipsis,
futurum esse ut condemnationem suam auferant, quique fuerint: vovet-
que, ut abscendantur. Gal. v: 10, 12. Breviter, ita iiscum agit, ut cum
pessimis hæreticorum. Atque hic quidem verus status est earum contro-
versiarum, quæ in primitiva Ecclesia agitatæ sunt super modo conse-
quendæ remissionis peccatorum, & juris ad vitam æternam. Qua au-
tem ratione, quibusve argumentis, singulas distincte tractaverit Pau-
lus, proxima Exercitatione disquiretur.

EXERCITATIO XXIII.

DE MENTE

P A U L I

in negotio

JUSTIFICATIONIS.

B R E V I A R I U M.

- I. Magnus Pauli zelus in tuenda vera doctrina de justificatione. II. Hoc potissimum agit in Epistola ad Romanos, ut Gentes pariter ac Ju-
daeos, ab omnibus suis quibuscunque operibus, ad solam Christi justi-
tiam, avocet. III. Justitia, qua coram Deo consistamus, non no-
stra, sed Dei est. IV. Ex fide, ad fidem. V. Non ex ullis ope-
ribus, cujuscunque Legis. VI. Neque observatione Evangelicorum of-
ficiorum, sed gratis, ex Dei gratia. VII. Lex operum est, qua ope-
ra præscribit, ut conditionem juris ad vitam: olim Adamo data; VIII.
Deinde a Mose repetita, ut inserviret fidei gratia: IX. At a ple-
risque Israelitis perperam accepta. X. Opera Legis, sunt officia ex
Legis præscripto. XI. Ea qua Paulus a Justificatione excludit,
non sunt illa qua conversionem & fidem antecedunt, XII. Quod
probo*

probatur exemplo Abrahami. XIII. Eximius Clementis Romani locus. XIV. Objeſtio. XV. Reſponſio. XVI. Non ſignificant opera Legis obedientiam perfectam, ſecundum rigorem ſæderis operum. XVII. Lex fidei, comprehenditur iſta formula, *Juſtus ex Fide Vivet.* XVIII. Non tamen Fides eandem relationem habet in ſædere gratiæ, quam opera in ſædere operum. XIX. Fides aliquando doctrinam Evangelii notat, ſed hic actionem quandam hominis. XX. Quam nonnulli definiunt, obedientiam mandatorum Chriſti. XXI. At perperam. XXII. Et invito Paulo. XXIII. Cui fides ſingularis virtus eſt, qua a Sanctitate Evangelica diſtinguitur. XXIV. Quid ſit obedientia fidei. XXV. Paulus non docet, fidem, Novam Creaturam, & obſervantiam mandatorum Dei, eandem rem eſſe. XXVI. Neque Jacobus opera vocat, quod Paulus fidem. XXVII. Verum Jacobus de alia Juſtificatione agit quam Paulus. XXVIII. Tota diſputatio Pauli contrahitur in tres fundamentales veritates. XXIX. Judæos non amplius obligari Cerimoniis, in Epistoſa ad Hebræos docet. XXX. Circa Gentiles acquieſcit ſententiæ Concilii Hieroſolymitani. XXXI. Judaizantium errores occaſionem præbuerunt ſcribendæ ad Galatas Epistoſa. XXXII. Illius argumentum & iſtitutum. XXXIII. Colatum cum Epistoſa ad Romanos.

In ſignem ſemper Paulus in univerſo Apoſtolatus ſui miniſterio I. Magnus Pauli zelus in tuenda vera doctrina de Juſtificatione. zelum oſtendit ad propagandam ac vindicandam puram Evangelii veritatem : omni opere anniſus, ut fideles accuratis de ea conceptibus formandis aſueſcerent, implerenturque agnitione veritatis, cum omni ſapientia & intelligentia ſpirituſali : ut deponerent errores ac præjudicia, difficulter cæteroquin animis exuenda, atque ita expurgarent vetus fermentum : ut denique adverſus omnia ſeducentium ſpirituum molimina ſtabiles & inconcuſſi manerent. Sic affectabat Eccleſiam æmulatione Dei, id agens, ut aptaret eam uni viro, Chriſtoque veluti virginem puram ſiſteret : veritus, ne, ſicut ſerpens Evam ſeducit calliditate ſua, ita & corruptæ fidelium cogitationes degenerarent a ſimplicitate qua eſt in Chriſto. Illuſtria imprimis hujus ſui ſtudii documenta exhibuit, in ſolerti ac ſolida earum quas modo expoſui controverſiarum tractatione. Quarum ſumma & præcipua maximeque capitalis hæc eſt, qua Chriſtianiſmus a Gentiliſmo & Judaïſmo potiſſimum dirimitur ; nimirum, an ullo aliquo opere humano, cujuſcunque demum ſit generis, an vero ſola Dei gratia, propter juſtitiam Chriſti, viva fide apprehenſam, obtineri queat peccatorum condonatio, & juſ aterna

æterna salutis. Atque hanc quidem causam, ex primis principis erutam, sapientissima & prorsus admirabili argumentorum connexionione, exsequitur in Divina sua ad *Romanos* Epistola. In Epistola denique ad *Galatas* adversus eos ex professo disputat, qui *fidem quidem in Christum præ se ferentes, justificationem tamen in ceremoniarum Mosaicarum observatione ex parte saltem collocabant.* Porro, *Leges Cerimoniales prorsus esse emeritas,* nullamque amplius sui cultoribus utilitatem adferre posse, postquam Christus passionibus consummatus, & in cælum susceptus, compleisset omnia, *Hebraeos* prolixis literis convincit. Sic tamen ut patissim in Epistolis suis, ubi commodum est, easdem res tangat.

II. Hoc possitissimum agit in Epistola ad Romanos, ut Gentes pariter ac Judæos, ab omnibus suis quibuscunque operibus, ad solam Christi justitiam, advocet.

II. Ab ea incipiamus, quam *Romanis* inscripsit. Formatam Romæ Ecclesiam invenit Paulus, non formavit ipse. Ea vero Ecclesia collecta erat partim ex *Gentilibus*, partim ex *Hebraeis*, Evangelii præconio ad fidem Christi conversis. Quum autem, ex Dei destinatione Gentium esset Apostolus, & Roma late dominantis Imperii Metropolis; officii sui esse duxit, florentem illam & ad magna crescentem Ecclesiam, in quam totius orbis oculos conjectum iri prævidebat, salubri informatione accuratius de Christianismi mysteriis erudire, ad fidei confirmationem & augmentum. Id quod concinno facit ordine. Postquam enim de Divina sui ad Apostolatam vocatione certiores eos reddidisset, protestatusque esset de ardenti suo desiderio, communicandi ipsis donum ali-quod spirituale, quo stabiliantur; monstrat, *Evangelium fide acceptum, unicum, & simul effioacissimum, medium esse, ad acquisitionem justitiæ, quæ apud Deum valeat, & per eam, vita æterna,* quoniam omnes ad unum homines, peccati reatu impliciti, iræ & maledictioni Divinæ obnoxii sunt: Gentiles, damnati Lege naturæ, cordibus ipsorum impressa, & propriæ conscientiæ judicio; Judæi adhuc multo magis Lege Mosaica quæ peccatum detegit, justitiam non donat. Unde concludit, omnibus iis quibus curæ est meritam condemnationem effugere, eam impositam esse necessitatem, ut *justitiam qua ipsi carent, extra se, in Christo* quærant, quem Deus in placamentum proposuit: cujusque communionem ac participationem, non ullo aliquo cujuscunque generis opere, sed salutari in ipsum fide, sibi comparent. Istud revera filum est bene connexarum ratiocinationum Pauli. Hoc non innuunt, sed indicant, & clamant illius phrasæ: quibus, quotquot sermoni ipsius assueti sunt, huc ducuntur, vel trahuntur. Hoc denique magnum illud caput est, dignum ac necessarium præ omnibus, quod tam Judæis, quam Gentibus, Romæ degentibus, quanta fieri poterat cura, inculcaretur.

DE MENTE PAULI CIRCA JUSTIFICAT. 577

III. Operæ pretium erit ut rem aliquanto propius & penitius in-
trospiciamus. Primam Thesios probandæ propositionem invenimus
cap. 1: 16, 17. *Non enim pudet me Evangelii Christi, potentia siqui-*
dem Dei est, validissimum medium, a Deo ordinatum, & Spiritu
ipsius roboratum, *ad salutem cuivis credenti, sine ullo nationum disci-*
mine, sola temporis differentia, *primum Judæo, dein & Græco.* Un-
de autem Evangelio tanta servandi efficacia est? Hinc est: quod *in eo*
reveletur vera justitia; quæ jus ad vitam dat, sive per quam gratia re-
dundat in omnes ad justificationem vitæ. Quænam est illa justitia?
Non nostra, in nostris virtutibus nostrisve sita operibus. Sed *Dei,*
quæ Deum auctorem habet, Philipp. 111: 9. quæ a Deo per Prophe-
tas promissa, Jes. XLV: 24. LVI: 17. quæ a Christo Θεανθρώπου, qui
est Jehova justitia nostra, præstita & adducta est, denique quæ prop-
ter suam perfectionem Deo probatur & coram eo valet. 2. Cor. v: 21.
Rom. v: 21. quæque *nostra* propriæ & personali opponitur. Rom. x: 3.
Hæc justitia *revelatur Evangelio.* Gentiles in statu naturæ prorsus eam
ignorabant. Natura nihil de ea docuit. Lex Mosis, aliquid. Sed
parce, & obscure. Deinde velamen cordibus Judæorum incumbbat,
ne scopum Legis attenderent. At Evangelium, tum reconciliatio-
nem peccatoris per Christum docet, pretiosissimum hunc Sacro-San-
ctæ veritatis unionem in lucem produxit, cunctorumque oculis spe-
ctandum exposuit.

IV. Porro eadem justitia est *ex Fide.* Retegitur, offertur, con-
fertur Evangelio ceu manu exhibentis eam Dei: accipitur fide, veluti *de, ad*
manu apprehendentis eam animæ. Porro sic est ex fide, ut & *ad Fi-*
dem sit. Est *ex fide,* qua credo testimonio Dei Patris de Filio suo,
& de vita quæ in ipso est, qua ad eum accedo ut petam jus filiorum
Dei, qua refugio ad ipsum uti ad arcem salutis, denique qua recipio
eum ut meus sit Servator. Est *ad Fidem,* qua credo & firmiter per-
suasus sum Deum esse clypeum meum & mercedem meam maximam,
Christum esse dulcissimum Servatorem meum, denique me nunc esse
in statu gratiæ certaue exspectatione gloriæ. Conf. Rom. v: 1. Nisi
sic malimus: *ex fide ad fidem,* ut denotetur, fide inchoari, adeoque
unam fidem hic esse quæ ab initio ad finem usque sola valeat, ut nec
ipsa in subsidium veniat antecedentium operum, nec in subsidium ad-
sciscat subsequencia.

V. Cur vero necesse fuit illam Dei justitiam quæ ex fide est
Evangelio retégi? Ideo fieri oportuit, quia neque Gentiles; neque
Judæi ullam propriam justitiam habent, qua impetrare sibi valeant
peccatorum expiationem & jus vitæ. Distincte id probat Apostolus,
*Non eni-
nullis operi-
bus, cujus
cunque Le-
gis.*

578 E X E R C I T A T I O XXIII.

primo de *Gentilibus* , qui sive palam scelerati sint , sive melius aliquanto morati , ita omnes adversus legem naturæ peccaverunt , ut in ejus legis damnationem incurrerint : dein de *Judeis* , a quibus adeo non est observata lex Mosaica , ut non minus quam *Græci sub peccato sint* . Unde fit *ut omne os obstruatur & totus mundus obnoxius sit condemnationi Dei* . Hinc concluditur , *ex operibus Legis* , neque naturalis , neque Mosaicæ , nullam carnem justificari : sed aliam requiri justitiam , quæ *absque lege manifesta facta est* : quippe quæ non consistit in officiis quibusdam a nobis ipsis ex obligatione legis ad justificationem præstatis : sed est *justitia Dei ex fide* ; a Deo donata , fide recepta ; quæque communis est credentibus , sine distinctione Judæi , aut Græci .

VI. Neque
observatio-
ne. Evange-
licorum offi-
ciorum, sed
gratis ex
Dei gratia.

VI. Porro ista justitia non collocatur in observatione officiorum Evangelio præscriptorum : quasi per illam nunc obtineatur , quod frustra Græci & Judæi , in suarum singuli legum , suæque religionis observatione quæsierant : nam *gratis* justificari dicimur , sine ulla justificationis causa quæ in nobis sit . Sed *Dei gratia* , & *Christi redemptione* , quem præstituit Deus , ut esset placamentum per fidem in sanguine ipsius . Denique huc tendunt omnia , ut Deo & Christo in solidum salutis nostræ gloria transcribatur , nostra autem *gloriatio* prorsus exsulet . Gloriatio est dicere aliquid de se ipso quod sit causa vel evadendi judicium , vel juris expectandi hæreditatem , vel etiam quidquam petendi a Deo . Talis gloriatio prorsus est exclusa : *non lege operum* , id est , ea doctrina quæ salutem per opera consequendam monstrat , hominique eam præstanti gloriandi fiduciam dat , *sed lege fidei* ; quæ docet justitiam quærendam in Christo & apprehendendam fide , sine ullis actionibus nostris , quæ hic quodocunque in considerationem veniant . Conf. Eph. 11 : 8 , 9 . Hic est processus disputationis Paulinæ , directe oppositus erroribus tam Gentilium quam Judæorum , qui in suis utriusque operibus noxarum expiationem vitamque quærebant , & justitiam Dei ignorantes propriam justitiam studebant constituere . Quæ sane controversia plurimum distat ab altera illa , an Cerimoniarum jungendæ sint Evangelio ; quam , ut diximus , in Epistola ad Galatas magis pertractat .

VII. Lex
operum
est, quæ ope-
ra præscri-
bit, ut con-
ditionem
juris ad vi-
tam : olim

VII. Ut vero omnia ista clariora ac confirmatoria sint , agedum , curate expendamus quid intelligat Apostolus quatuor his locutionibus , LEX OPERUM , OPERA LEGIS , LEX FIDEI , ET FIDES . LEX OPERUM ea est , quæ opera virtutis & religionis ab ipso homine præstanda exigat , tanquam conditionem vitæ , sive causam petendi mercedem : cujus hæc est formula , *Qui fecerit ea homo vivet in eis* . Rom. x : 5 .

Talis

Talis lex data fuit olim Adamo, qui, si in integritate sua perstitisset, *Adamo de-*
ex operibus justitiæ a se præstitis consecutus fuisset jus ad vitam æ-*ta-*
ternam.

VIII. Eandem doctrinam repetiit suo ministerio Moyses. Nam & VIII. Ds-
eadem præcepta inculcavit quibus fœdus operum inædificatum fuerat: *in. le a Mose*
& repetiit idem carmen, *Qui fecerit ea vivet in iis.* Lev. xviii: 5. *repetita, ne*
addiditque & alterum, *Maledictus qui non præstiterit verba Legis hujus fœderi Gra-*
faciendo ea. Deut. xxv: 26. Quam esse maledictionem legis, quate-*sia:*
nus fœderi gratiæ opponitur, Paulus docet. Gal. iii: 10, 12. Quod
tamen non ita est intelligendum, quasi voluerit Deus, ministerio Mo-
sis, novum fœdus operum cum Israëlè pangere, ad justitiam & salu-
tem in tali fœdere quærendum. Sed facta est ista fœderis operum com-
memoratio, ad Israëlitas peccatorum & miseriæ suæ convincendos, ex
se ipsis expellendos, de necessitate satisfactionis edocendos, & ad
Christum compellendos: & sic inservit fœderi gratiæ. Rom. x: 4.

IX. Interim carnales Israëlita, ad consilium Dei non attenden-IX. *At e-*
tes, a vero fœderis hujus sensu aberrarunt, & amplexi illud sunt ut *plerisque*
fœdus operum, atque ex eo quæsierunt justitiam suam. Vide sis *Israëlitis*
Rom. ix: 31, 32. Plerique enim ad fœdus Dei invitati, temere ad *perperam*
omnium a Deo edicendorum observationem se obstrinxerunt, neque
spiritualem legis perfectionem, neque suam impotentiam rite perpen-
dentes: rati nimirum æque propriis viribus utrique parti agendum
esse, ut æqua esset fœderis ratio; nec minus suis se staturos promissis
quam Deus. Et hac ratione totam Moysis legem sibi fecerunt legem
operum, dum incauta se promissione ad illius obedientiam obligarunt,
ut consequerentur promissam a Deo vitam.

X. Invento itaque quid sit lex operum, facile perceptu est, X. *Opera*
quid sint OPERA LEGIS: omnia nimirum *κατορθώματα* ex legis præ- *Legis, sunt*
scripto præstita, sive ea consistent in officiis virtutum moralium, quæ *officia ex*
sunt *ἐργα τὰ ἐν δικαιοσύνῃ, ἃ ἐπορεύσαμεν ἡμεῖς*, uti vocat Paulus Tit. i: 1: *Legis præ-*
5. sive in quarundam rerum præstatione quas Deus injunxit ad conse-
quendam typicam quandam peccatorum expiationem: præsertim si
stant cum opinione per ea opera vitam aut veniam consequendi.

XI. Nescio quo jure sibi postulet Vir Doctissimus, per opera le-XI. *Fa qua-*
gis quæ Paulus a justificatione excludit, intelligi opera *ante conv. rsto.* *Paulus a*
nem, sine fide. ex propriis viribus præstita. Quod Romanensium com- *Justifica-*
mentum Protestantium Antistites toties ac tam solide refutarunt, ut *sione exclu-*
mirum sit, inventum esse hominem Protestantem cui id rursus allube- *illa que*
scat: quum & Romanensium cordatioribus, ipsique adeo *Vaquezio,* *conversio-*
displacuerit. Vide *Rivet. Cathol. Orthod. Tract. iv. Quest. x. §. ix.* *fidem an-*
D d d d 2 *Excedunt.*

Ex nostris unus nunc pro omnibus audiat *Calvinus. Instit. lib. III. cap. XI. §. XIV.* Cujus tamen non auctoritate, sed argumentis pugnare institui. Subtile, inquit, effugium habere se putant Sophistæ, qui sibi ex Scripturæ depravatione, & inanibus cavillis, ludos & delicias faciunt: nam opera exponunt, quæ literaliter tantum, ex liberi arbitrii conatu, extra Christi gratiam faciunt homines regeneriti: id vero ad opera spiritualia spectare negant. Ita secundum eos tam fide quam operibus justificatur homo, modo non sint propria ipsius opera, sed dona Christi, & regenerationis fructus. Paulum enim non alia de causa ita locutum, nisi ut Judæos, viribus suis fretos, convinceret, stulte sibi arrogasse justitiam, quum solus Christi Spiritus eam nobis conferat, non studium ex proprio naturæ motu. Atqui non observant in antithesi Legalis & Evangelicæ justitiæ, quam alibi Paulus adducit, excludi quælibet opera, & quocunque ornentur titulo. Docet enim justitiam legis hanc esse, ut salutem obtineat qui præstitit quod lex jubet: justitiam vero fidei, si credimus Christum esse mortuum & resurrexisse. Rom. x: 5, 9. Gal. III: 11, 12. Unde sequitur, ne spiritualia quidem opera in calculum venire, ubi vis justificandi adscribitur. Nec vero Paulus ubi negat Abraham habere cur gloriatur apud Deum, quia operibus justus non est, restringi hoc debet ad literalem & externam virtutum speciem, vel liberi arbitrii conatum: sed quamvis spiritualis, & fere Angelica, fuerit Patriarchæ vita, non tamen suppetere operum merita, quæ illi justitiam coram Deo acquirant. His rationibus Calvinus, & quidem solide, nisi me judicium prorsus destituit, eam de solis liberi arbitrii actionibus cavillationem refutat. Eodem etiam argumento *Chrysostomus* utitur: quem lubentius, opinor, sua lingua loquentem Vir doctissimus audiet. Audiat igitur ita perorantem, *Homil. II. in Epist. ad Romanos.* Ὁ Ἀπόστολος βέλεται δείξαι, ὅτι καὶ Ἀβραὰμ ἐκ πίστεως ἰδικαιώθη, ὅπερ ἦν περιουσία νίκης πολλῆς· τὸ μὲν γὰρ ἔργον μὴ ἔχοντα ἐκ πίστεως δικαιωθῆναι τίνα ἰδίῳ ἀπενόησεν, τὸν δὲ κομῶντα ἐν κατεργασίαις, μὴ ἐντεῦθεν, ἀλλ' ἀπὸ πίστεως γενέσθαι δίκαιον, τῆτο ἦν θαυμάσιον. Viden, quam curate, quam sollicite, a justificatione removeat non eam solum justitiam, eave opera, quæ ante conversionem ex liberi arbitrii viribus facta sunt: sed omnia in universum, ea etiam quibus præ cæteris ornatissimus fuit Abraham?

XII. Quod
probatur
exemplo
Abrahami.

XII. At argumentum Apostoli, ex Abrahami exemplo ductum, aliquanto pressius urgeamus. Supponit tanquam rem certissimam, Abrahamum, patrem & exemplar credentium, justificatum esse. Quæritur duntaxat, quo modo? Tria in Abrahamo exstabant, de quibus cogitari poterat, an, & quem locum in hoc negotio haberent. Nimirum

DE MENTE PAÛLI CIRCA JUSTIFICAT. 581

rum CARO, OPERA, & FIDES. Per *carnem* hic nequaquam intelligendum arbitror vitiosam hominis corruptionem, & pullulantia inde peccata: quo sensu alibi de *operibus carnis* sermo est. Gal. v: 19. Sed *caro* hic notat externa quædam privilegia ex lege rituum prodeuntia: qua mente Judæi *in carne confidere* dicuntur, Phil. iiii: 3, 4. & lex Cerimoniarum, *Lex præcepti carnalis*, ejusque constitutiones, *justificationes carnis* vocantur. Heb. vii: 16. ix: 10. De hac re rogat Paulus Rom. iv: 1. *Quid igitur dicemus Abrahamum patrem nostrum nactum esse secundum carnem?* Invenisse ipsum justificationem in circumcisione, aliisve id genus carnalibus institutis? Ad quam quæstionem, quum nihil directe respondeat, perinde est ac si responderet negando. Palam enim est, nullas tunc extitisse institutiones Mosaicas; & Abrahamum diu fuisse justificatum antequam circumcideretur. Idcirco justificationem ex carne non habuit. At aliud fuit, quo excelleret, quod ipsum Deo acceptum, & venerabilem hominibus reddidit. Nimirum exploratæ virtutis sanctitatisque erat, quam luculentissime suis probavit *operibus*. Numnam igitur ex iis justificatus? Minime, ait Paulus. *Nam si Abrahamus ex operibus justificatus est, habet quod gloriatur*, in se ipso, suisque actionibus; *at non apud Deum*, in cujus solius gratia ac misericordia per Christum sanctos gloriari par est. Ideoque nunquam animum suum induxit Abrahamus, ut in se gloriaretur. Unde igitur justificatus est? Nemo hic respondeat. At loquatur *Scriptura*. Hæc dicit: *Credidit Abraham Deo, & imputatum est ei ad justitiam*. Hæc demum clara, sapiens, bene connexa, dignaque Apostolo ratiocinatio est.

XIII. Quæ vero totius Ecclesiæ Apostolicæ fides fuerit, non aliunde, si a Sacris literis recefferis, melius cognoscas, quam ex *Clementis Romani*, qui Pauli nostri cooperarius fuit, ad Corinthios Epistola. p. 41. edit. Oxon. mihi autem ex nupera Clerici edit. p. 164. §. 32. Πάντες ἔν ἰδοξάσθησαν καὶ ἡμεγαλύνθησαν ἐν διαύταιν, ἡ τῶν ἔργων αὐτῶν, ἡ τῆς δικαιοπραγίας ἧς ἐνεργάσαντο, ἀλλὰ διὰ τὸ θελήματος αὐτοῦ. καὶ ἡμεῖς ἔν διὰ τοῦ θελήματος αὐτοῦ ἐν χριστῷ Ἰησοῦ κληθέντες, ἐν δὲ αὐτῶν δικαιοσύμειθα, ἐν δὲ διὰ τῆς ἡμετέρας σοφίας, ἡ εὐσεβείας, ἡ ἔργων ὧν κατεργασάμεθα ἐν ὁσιότητι καρδίας, ἀλλ' διὰ τῆς πίστεως, δι' ἧς πάντας τὸς ἀπ' αἰῶνος ὁ παντοκράτωρ θεὸς ἰδικάσεν. ὃ ἔσω δόξα ἐν τοῖς αἰῶσιν τῶν αἰῶνων ἀμήν. *Iti ergo omnes (loquitur de prisca Testamenti fidelibus) gloriam & amplitudinem consecuti sunt, non per se ipsos, aut opera sua, aut justas actiones quas fecerunt; sed per voluntatem ejus. Et nos igitur ex voluntate illius in Christo Jesu vocati, non per nos ipsos justii efficiuntur, neque per sapientiam nostram, aut intelligentiam, aut pietatem.*

582 . E X E R C I T A T I O XXIII.

DIS SANCTITATE OPERATI SUMUS, *sed per FIDEM: per quam cunctos qui unquam iusti fuerunt, justificavit Deus omnipotens. Cui sit gloria in secula seculorum: Amen.* Potuitne quidquam clarius? quidquam efficacius?

**XIV. Ob-
jectio.** XIV. Objicit quidem Vir Doctissimus, non posse *opera obedientiae Evangelicae*, quæ sunt fructus Spiritus Dei, illiusque efficaci gratia producuntur, *fidei* in contradictione opponi; quia fides, quæ creaturam novam, & observantiam Divinorum præceptorum in se comprehendit, passim ad justificationem requiritur: cæteræque gratiæ & virtutes vitæ Christianæ ubivis in sacris commendantur, tanquam *conditiones* obtinendæ remissionis peccatorum & favoris Divini, & consequendæ communionis cum meritis mortis Christi, & magnæ promissionis de vita æterna. Cui fini multa laudantur testimonia, quibus resipiscencia & conversio ad Deum, & mutua delictorum condonatio, & exercitium iustitiæ, & ambulatio in luce, aliaque his similia, proponuntur veluti conditiones, ad quarum præstationem deletio peccatorum, & restitutio in gratiam Dei, & communio cum ipso promittuntur.

**XV. Re-
sponso.** XV. Ad difficultatem istam tollendam sollicitè distinguenda hæc duo sunt; Jus ad vitam æternam, & illius actualis **POSSESSIO**. Prius quod attinet, nihil usquam Deus ab electo peccatore exigit, nullum prorsus actum, cujuscunque generis sit, quo ipse sibi *jus* ad salutem comparet. Hoc Christus acquisivit & meruit suis, perfectissime; ideoque & unice. *Justificatio*, de qua Paulus agit, est *adjudicatio juris*, unice per Christum parti; idcirco neque conversio aut resipiscencia, neque sanctitatis studium, neque nova vita, ad acquirendam talem sententiam valent. Quippe quæ in nulla alia re fundatur, nisi in Christi Domini satisfactione & meritis, quem præstituit Deus placamentum per fidem in sanguine ipsius. Nusquam dixit Paulus, hominem virtute & pietate sua justificari: nusquam ullam hominis actionem in justificationis negotio fidei jungit: fidei, inquam, quæ hic aliquid singulare habet, nimirum, quod Christum accipiendo, animam ei ad omnium bonorum ipsius participationem uniat. Ut suo loco fufius probabitur. Quod vero actualem salutis *possessionem* attinet ex jure nobis per Christum parto, & in justificatione adjudicato, sic constituit sanctissima Dei sapientia, ut nemo ad eam perveniat, nemo etiam dulcissima illa consolatione, quam gratiosæ justificationis sententia animo intimanda gignit, fruatur, nisi fidei suæ addiderit virtutem. Hoc volunt omnia illa allegata testimonia, & quæ plura ejus generis sine numero sunt: nimirum, ad sensum gustum-
que

DE MENTE PAULI CIRCA JUSTIFICAT. 583

que nostræ cum Deo reconciliationis, & salutis jucundissimam certitudinem, indeque redundantem lætitiā illam gloriosā atque inefabilem, & consummatā demum beatitudinis fruitionem, non minus sanctitatis quam fidei praxin requiri. Quam sanctitatis omniumque virtutum Christianarum praxin, si cui *conditionem* antecedaneam vitæ æternæ vocare lubeat, non habebit me admodum repugnantem; modo conditio ista non juri, sed possessioni præstruatur,

XVI. Neque verum est, quod alias obtenditur, *opera legis*, quæ XVI. Non fidei opponuntur, significare *perfectam observationem legis qualem fœdus significans legale postulat*. Non enim fuit status controversiæ, an homo ex perfecta legis observatione, si eam præstiterit, justificandus foret; quod nemo sanus negaverit: neque an dentur homines quamplurimi, qui post primum peccatum Adami, toto vitæ suæ tempore nihil mali amiserunt, & omnem perfectionem, partium, graduum, & perseverantiæ, consummarunt; quod nemo sanus dixerit. Sed hoc quærebat, an Judæi ea legis observatione, quam præstare poterant, justificari possent. Id certe illi opinabantur, posse se justificari, si modo legem Moralem pro virili observarent, & pro delictis suis præstarent eas satisfactiones, quas lex Cerimonialis præscriperat. Hoc autem negat Apostolus. Innixus illi axiomati, justitiā quæ valitura sit coram tribunali Dei debere omnibus numeris perfectam esse: talia vero quum nulla quorumcunque hominum opera sint, concludit, nulla qualiacunque opera ad justificationem consequendam quicquam conferre. Apostolus sine dubio excludit ea opera, quibus illi vulgo innitebantur, qui propriam justitiā suam conabantur stabilire. Ex iis autem non credibile est quemquam fuisse, qui se per totum vitæ suæ curriculum ab omni vel minima peccati labecula intaminatum sese servasse dixerit. Hæc sunt evidentia. Neque plura de *Operibus Legis* addere necesse est.

XVII. Videamus porro quid sit LEX FIDEI. Quod non melius aliunde didicerimus, quam ex formula, toties a Paulo laudata. JUSTUS AUTEM EX FIDE VIVET. Nimirum Lex Fidei, est ea doctrina qua Fides in Christum præscribitur ut medium obtinendæ justificationis. Quæ doctrina non solum in Evangelio consummationis exstat, ubi nuda viget fides, sine Cerimoniarum choragio: sed & in Evangelio promissionis; ubi fides, una cum Cerimoniarum observatione, exercebatur. Hæc enim Lex Fidei, testimonium habet a Lege Moysis & Prophetis; & secundum eam Abraham & David, auctore Paulo, justificati sunt.

XVIII.

XVIII.

Non tamen ponatur *Legi Operum*, non tamen idcirco *Fides* substituatur loco *Operum*; eandemque relationem ad justificationem habeat in *Federe Gratiae*, quam habuerunt *Opera* in *Federe Operum*. Quæ profecto ingens esset hallucinatio, genio gratiosi foederis prorsus adversa. Loco per-
 re *Gratiae*, festæ illius obedientiæ ac justitiæ quam *Lex* ab ipso homine exigit, quam *Opera* in *federe* operum.

hic *operum* habet *Fides*, quam quod illam Sponsoris justitiam, in Evangelio oblatam, accipiat, apprehendat, nostramque faciat. Quam momentosam veritatem in mediis Papatus tenebris perspectam habuit, nec infelicitè explicuit Cardinalis *Cajetanus* in *Com. ad Rom.* 111. Si *quæris*, inquit, *quo pacto Lex Fidei distinguitur a Paulo contra Legem Operum*, etiam *moralium*; *quum etiam fides in genere operum comprehendatur*: credere enim est opus nostrum. Solutio est, quod credere in eum qui justificat impium, immititur justitiæ alienæ, scilicet Dei per Christum: reliqua vero opera immituntur justitiis propriis; ut scilicet quodlibet opus secundum se bonum est, & bonum reddit habentem. Et ideo justitiæ fidei distinguitur contra justitiam operum.

XIX. Fides

aliquando doctrinam Evangelii notat, sed hic actionem quandam hominis.

XIX. At ipsa tandem FIDES quid est? Fidem aliquando notare doctrinam Evangelii de salute per Christum consequenda, quia est sermo fidelis & dignus qui omni modo recipiatur, & quia credi sibi postulat ad salutem, nullus equidem ambigo; & sic opponitur *Legi operum*, cui non credendo, sed iussa perfecte præstando, satisficit. Sed & nemo inficiabitur, fidem in justificationis causa sæpenumero, si non plerumque, denotare actionem aliquam hominis qui justificatur, & qua justificatur. *Rom.* 1: 17. 111: 22. IV: 3, 5. *Gal.* 11: 16. & innumeris aliis locis.

XX. Quam

nonnulli definiunt, obediensiam mandatorum Christi.

XX. At quænam est hæc actio? si *Socinum* audiamus, in Christum credere, nihil aliud est quam Deo ad ipsius Christi normam & præscriptum obedientem se præbere, idque faciendo ab ipso Christo vitæ sempiternæ coronam expectare. A quo non longe recedunt, si modo recedant, illi quibuscum nunc disputamus Fratres, qui similiter fidem definiunt, novam quandam animi vitæque rationem, & obedientiam mandatorum Christi.

XXI. At

perperam.

XXI. Non negaverim sane talem obedientiam a fide, qua justificamur, sejungi non posse: verum eam fidei nomine intelligere quando illa operibus opponitur, ab instituto Pauli tam alienum mihi esse videtur quam quod alienissimum. Fatentur Fratres, Paulum adversus eos disputare qui justificationem quærebant ex observatione Legum
 Mosai-

Mosaicarum. Fatentur pariter, in Legibus Mosaicis trium generum praecepta inveniri; quorum alia Moralia, alia Forensia, alia denique Cerimonialia dici consueverunt. Et Forensia quidem atque Cerimonialia aliquantisper nunc seponamus. Moralium praeceptorum quænam præcipua sunt capita? Nisi fallor, hæc; ut quisque Israëlitarum toto corde se ad Deum convertat, eum omni animi nisu omniumque virium contentione amet, atque colat: proximum sicut semetipsum diligat, denique sanctus sit sicut Jehova Deus sanctus est. Hæc qui facit, facit opera Legis Mosaicæ, secundum illam certe partem quæ moralis est: quam utique nullo modo prætermittam volebant ii, qui ex lege quærebant justitiam. Nemo enim Judæorum aut Judaizantium Christianorum ad eum modum insaniit, ut crederet justificationem acquiri posse ex sola observatione legum Forensium ac Cerimonialium, insuper habita lege Morali. Pergamus. Quænam est summa mandatorum Christi in Evangelio? Ut quisque serio respiscat, Deum super omnia diligat, proximo faciat quod sibi fieri optet, sanctus sit ad exemplar ejus qui vocavit ipsum, denique perfectus sit sicut Pater suus cælestis perfectus est. Quantum hæc a Mosaicis distant? Adeo nihil, ut summam Ethices Evangelicæ iisdem quibus Moses verbis complexus sit Dominus. Doceri a Viris oppido doctissimis velim. I. Ecqua in re mandata Christi mandata Legis Moralis Mosaicæ exsuperent. Nihil enim mihi sublimius atque Divinius juberi posse videtur, quam ut Deum diligamus toto corde & animo, & sancti simus ad illius exemplar. II. Cur eadem obedientia, sive eorundem officiorum præstatio, in ordine ad mandata Legis Mosaicæ dicatur opus, in ordine ad mandata Evangelii dicatur fides. III. Cur Israëlita olim non potuerint justificari per eadem officia præstita Legi Mosaicæ, per quæ officia justificantur Christiani, si præstentur secundum Legem Evangelicam.

XXII. Aut si voluerit Paulus, Israëlitas olim quoque justificados fuisse sincera Legis Moralis observatione, cur non una distinctione, eaque facillima, rem absolvit; monendo justitiam non esse ex Lege Cerimoniali aut Forensi; sed Morali tantum, præsertim si ita consideretur uti Christus eam Evangelio illustravit? cur non addidit, eam observationem istius Legis novo vocatulo, & in eum sensum hactenus inaudito, a se *scilicet* dici? Nonne multo clarius distinctiusque dixisset? Justitia non est in ista parte Legis quam improbe urgeris, sed in altera ista quæ de charitate & sanctitate ad exemplum Dei agit, & quam Christus in Evangelio luculentissime novis com-

XXII.
Et in voce
Paulo.

586 EXERCITATIO XXIII.

mentariis illustravit, & quam ego nunc Fidei nomine commen-
do?

XXIII. Cui fides singu-
laris virtus
est, qua a
sanctitate
Evangelica
distingui-
tur. **XXIII.** Cæterum non in justificationis causa duntaxat, sed &
alibi passim, Scriptura Fidem ut singularem aliquam virtutem laudat,
a cæteris virtutibus, & obedientia mandatorum Christi, five sancti-
tate Evangelica distinctam. Paulus fidem esse ait *subsistentiam earum*
verum qua sperantur, & demonstrationem eorum qua non cernuntur: Heb.
xi: 1. Johannes eam collocat in *acceptatione testimonii Dei quod testifica-*
tus est de Filio suo. 1. Joh. v: 9. Joh. 111: 33. vel in *acceptatione ipsius*
Christi, ad id scilicet ut noster sit Servator. Joh. 1: 12. Alibi a spe &
charitate discernitur. 1. Cor. x111: 13. 1. Thes. 1: 3. 2. Thes. 1: 2.
ut & a sanctimonia. 2. Thes. 11: 13, Neque ullum memini exstare lo-
tum, ubi fides sanctitate ad normam Evangelii exacta definiatur.

XXIV.
Quid sit
obedien-
tia fidei.

XXIV. Enimvero Paulum novi fidei obedientiam Romanis com-
mendasse Rom. 1: 5. & xvi: 26. at liquidum est, bifariam id posse
intelligi. Primum enim ipsa fides *obedientia* dici potest, præstita ni-
mirum illi præcepto quo jubemur testimonio Dei assentiri, & cre-
dere in Christum, ut alibi laudavit *ὑποταγήν τῆς ὁμολογίας εἰς τὸ ὑπαγ-
γίλιον τῷ Χριστῷ*. 2. Cor. ix: 13. Quæ sane efficax admodum locutio
est. Nam assentiri mysteriis a Deo revelatis, quia revelantur a supre-
ma veritate, non tam ex naturali aliqua ratiocinatione procedit, quam
ex submissa animi, ad obsequium edomiti, sub verbo Dei subjectione.
Hoc arbitror Chrysostomum in mente habuisse, quando sic commentatur:
*Ὅτι ἵππει εἰς ἡτῆσιν καὶ κατασκευὴν, ἀλλ' εἰς ὑπακοήν. ὃ δὲ γὰρ ἐπὶ τῷ
φρεσὶ, συλλογίζεσθαι, ἀλλ' ὅτι ἐν χειρὶ δέχμεν, ἀποδύνα' ὅταν γὰρ ὁ ἀντί-
τας ἀποφύνηται τι, τὸς ἀκούοντας ὃ περιεργάζεσθαι καὶ τὰ λεγόμενα καὶ πλεον-
πραγμαίνειν, ἀλλὰ δέχεσθαι μόνον*. Deinde sic etiam exponi potest, ut
obedientia fidei ea dicatur, quæ ex fide, uti effectus ex sua causa, pro-
ficiscitur: sic enim solet loqui. *Gaudium fidei* vocat Phil. 1: 25. eam
læticiam quæ ex fide, ceu fonte, promanat. Eademque mente scri-
bit de opere fidei, & labore charitatis, & patientia spei. 1. Thes. 1: 3.
Laudem hic meretur Grotii annotatio: *Εἰς ὑπακοήν πίστεως. i. e. ut Deo*
obediatur per fidem Evangelio habitam. Genitivus saepe causam efficientem
exprimit. Sic. 1. Pet. 1: 22. Obedientia est id, quo tendit fides. Infra xv:
18. xvi: 19. 2. Cor. vii: 15. x: 5, 6. Philem. vers. 21. 1. Pet. 1: 2

XXV. Pau-
lus non do-
cet, fidem,
Novam
Creatu-

XXV. Frustra vero conferre jubemur Gal. v: 6. cum vi: 15. &
1. Cor. vi: 19. quasi ex eo quod primo loco dixerat, in Christo Je-
su neque circumcisionem quidquam valere neque præputium, sed fi-
dem qua efficax sit per charitatem; altero autem loco pro fide novam

creatu-

creaturam dicat, & tertio *observationem mandatorum Dei*; colligere li-^{ram}, & ceat, fidem prorsus idem esse quod est *Creatura Nova*, & quod est *observanti-^{am} am mandatorum Dei*. Etenim id solum ex iis testimoniis evin-^{corum Dei}, citur, longe minoris apud Deum pretii esse externarum quarumcunque ^{eandem} rerum præcellentiam, quam internas animi bene compositi habitudi-^{rem esse} nes, quales sunt fides, & Nova Creatura, & mandatorum Dei obser-
vatio: quæ cuncta ita ad interiorem hominem pertinent, ut non pro-
pterea eadem plane res sint. Nam certe fides a charitate, per quam
efficax est, discernitur. Rursus audiat *Grotius initio Comm. ad Ro-
manos*. *Alii per fidem intelligunt omnem illam quæ Evangelio debe-*
tur obedientiam. At nec hoc cum Pauli locutione congruit. Is enim di-
lectionem præfert fidei. 1. Cor. xiii: 13. *Et fidem dicit opus suum per*
dilectionem exsequi. Gal. v: 6. *Aperite a fide dilectionem, quæ præcipua*
pars est istius obedientiæ, distinguens.

XXVI. At neque Jacobus efficit ut credamus, Paulum per ope-^{XXVI. No-}
ra, quæ a justificatione excludit, intellexisse quæ vel ex propriis vi-^{que Jaco-}
ribus, vel secundum legem Mosaicam præstita fuere, per fidem au-^{bis opera}
tem observationem legis Evangelicæ: quasi Jacobus opera vocet id ^{vocat, quod}
quod Paulus fidei nomine designavit; ut ostenderet, Paulum per fi-^{Paulus fi-}
dem intellexisse opera ex Evangelii præscripto præstita. Nam quam-
vis Viro Doctissimo negare nolim, Jacobum doctrinam Pauli, a per-
versis hominibus eo quo non decebat obtorto collo raptam, vindic-
care atque exponere; de alia tamen Paulum, de alia Jacobum justi-
ficatione agere, mihi certe liquet.

XXVII. Nimirum quia Paulus docuerat, hominem justificari ex ^{XXVII.}
fide sine operibus, hinc inferebant nonnulli, perinde igitur esse quo
quisque modo viveret, sufficere ut persuadeat sibi, Christum esse ^{Verum Jaco-}
suum Servatorem. Quod inferre nulla specie potuissent, si constiti-^{bis de alia}
set, quod constare vir Doctissimus vult, Paulum per fidem pietatem ^{Justifica-}
& sanctitatem Evangelicam intellexisse. At quia Pauli sermo eum ^{sione agis}
palam præ se ferebat sensum, quod fides res esset ab omnibus san-^{quam Pau-}
ctimoniarum operibus distincta, uti revera est, hinc prætextus calum-
niæ fuit. Calumniæ, inquam. Nam quamvis docuerit Paulus ope-
ra sanctitatis ad justificationem, sive ad acquirendum homini jus sa-
lutaris, non facere; semper tamen docuit, ea ad possessionem salutis
non utilia solum, sed & necessaria esse, & fieri non posse ut sancti-
ficatio a justificatione sejungatur. Eandem viam insistit Jacobus, do-
cetque necessarium esse, ut is qui fide justificetur quoque ex operi-
bus: id est, ea opera præstet quæ veræ justitiæ indicia atque effecta

sint, quibusque non solum coram hominibus sed & coram Deo demonstretur ipsum esse justum: secundum illud Johannis, *qui facit justitiam justus est*. 1. Joh. III: 7. Nimirum gemina est justificatio; altera hominis *improbi* in seipso, qua absolvitur a peccato, & declaratur habere jus ad vitam æternam, propter justitiam Christi fide apprehensam, quam Paulus inculcavit: altera hominis *justi*, jam sanctificati per Christi Spiritum, qui talis esse declaratur ex suis dictis & factis. Hanc Jacobus adeo esse necessariam ac priori conjunctam dicitur, ut frustra sit qui illam jactat & hac destituitur. Cæterum quum ex professo alibi hanc causam egerim, hic ulteriore deductione supersedere liceat.

XXVIII.
Tota dispositio Pauli contrahitur in tres fundamentales.

XXVIII. Ex quibus omnibus satis evidenter constare existimo, Paulum, prioribus Epistolæ ad Romanos capitibus, capitales illos circa Justificationem errores confutare, quos Gentiles cum Judæis fere communes habebant: iisque opponere has tres fundamentales Evangelii veritates. *Primo*, Remissionem peccatorum, & jus vitæ æternæ, hominibus donari gratis, ex mera Dei gratia, sine intuitu ad qualiacunque ipsorum opera, sine ulla, quæ in ipsis existat, causa meritoria reconciliationis aut salutis. *Deinde*, solam Jesu Christi justitiam, meritoriam reconciliationis ac salutis causam esse. *Tertio*, Eam Christi justitiam nostram fieri, quando vera fide accipitur. Hæc est summa Evangelii salutis, anchora nostræ spei, gloria Christi, & gloriatio Reformatæ Ecclesiæ.

XXIX. Judæi non amplius obligari Cerimoniis, in Epistola ad Hebræos docet.

XXIX. Facilis interim Doctissimo CAVIO largior, multa passim in Paulinis occurrere Epistolis, quæ ad alias istius temporis controversias pertinent. Nulla est, quam non diremerit, & pro rei momento atque exigentia, idoneis argumentis refutaverit. Emeritas esse Mosis Cerimonias, post consummationem Ecclesiæ, a Messia consummato adductam, sic ut nullam amplius *Israëlitis* utilitatem adferre quiverint, aut pro parte cultus, quo placetur Deo, haberi debuerint, passim quidem, occasione id ferente, in Epistolis suis indicavit: verum accuratissima, solidissima, & sapientissima disputatio- ne confecit, in Divina illa sua ad Hebræos.

XXX. Circa Gentiles acquiescit sententia Concilii Hierosolymisani.

XXX. Ex quo, sponte quadam sua consequitur, id quod inutile jam Hebræis factum erat, non debere obrudi *Gentilibus* ad Christum conversis. Idcirco acquievit Paulus sententiæ fratrum Hierosolymitanorum. Ita tamen, ut, quoties usu venit, commonefecerit Ecclesias, constitutionem illam de abstinencia ab idolothythis, & suffocato ac sanguine, non esse æternæ necessitatis Legem; sed ad tempus tantum

tantum promulgatam, infirmiorum gratia, servandæ paci, & vitandæ offensioni. Ideoque, extra illum casum, haut nimis rigide urgendam. Vide 1. Cor. x: 19, 25. At prostremam illam controversiam, quam malevoli ex Judæis liberæ Ecclesiæ Christianæ faciebant, de Justificatione ex Cerimoniis petenda, ingenti zelo pertractat in sua ad Galatas Epistola. Cui scribendæ hæc est data occasio:

XXXI. Postquam Paulus purum Christi Evangelium fideliter
Galatas docuisset, supervenerant eo absente falsi quidam doctores,
verum semen vitiosis dogmatibus corrumpentes. Docebant enim ob-
servationem Cerimoniarum Christianis etiam hominibus rem esse ad
justificationem & salutem consequendam apprime necessariam. Et
quia aliam Paulo mentem esse ex toto doctrinae ipsius instituto palam
constabat, hinc auctoritatem Pauli omni calumniarum & cavillationum
genere imminutum ibant. Consensum autem jactabant cum Pe-
tro, Johanne & Jacobo, Apostolorum sine dubio celebratissimis.
Et fortassis, quo melius se Galatis venditarent, tantorum Apostolo-
rum nomina prætulerunt, quasi ab ipsis missi forent. Huic ja-
ctantiae viriliter se opponit, ne locum cederet mendacio, & veri-
tatem in sua persona opprimi sineret. Itaque non perfunctorie Ap-
ostolatus sui auctoritatem adversus nefariorum hominum calumnias
tueretur.

XXXII. Hac opera defunctus transiit sibi facit ad causæ tra-
ctationem sub finem capitis secundi com. 15. Eam vero ita exsequi-
tur, ut jam inde ab initio generalibus utatur argumentis, & iisdem
propemodum quibus in Epistola ad Romanos usus fuerat. Male,
inquit, a Gentibus ad Christum conversis Cerimoniarum observatio
ut pars justitiæ exigitur, quia in nullis cujuscunque legis operibus,
ideoque nec legis cerimonialis, sed in sola fide Christi, justitia est.
Huc enim pertinet quod Petro se dixisse memorat: *Nos natura Ju-
dai, & non ex Gentibus peccatores: scientes non justificari hominem ex
operibus legis, sed per fidem Jesu Christi: etiam nos in Christum Jesum
credidimus, ut justificaremur ex fide Christi, & non ex operibus legis:
propterea quod non justificabitur ex operibus legis ulla caro.* Quorum
verborum hic est sensus: nos qui videmur aliis præstare, & benefi-
cio fœderis semper fuimus propinqui Deo, tamen nullam salutis adi-
piscendæ rationem invenimus quam credendo in Christum: cur ergo
aliam præscriberemus gentibus? Nam si necessaria esset lex, vel pro-
desset suis cultoribus ad salutem; nobis maxime prodesset, quibus

590 EXERC. XXIII. DE MENT. PAULI CIRC. JUST.

data fuit. Quod si nos ea relicta concessimus ad Christum, multo minus Gentes urgendæ sunt ut illam suscipiant. Nos ergo quia natura Judæi sumus quid fecimus? credidimus in Christum, illius justitiam fide apprehendimus. Quis finis credendi? ut fide Christi justificaremur. Qua de causa? quoniam convicti eramus, non posse homines justitiam consequi ex operibus legis. Hic jam versatur in præcipua quæstione: imo in hac una propositione tota fere controversiæ summa inclusa est: uti optime observavit sagacissimus Divinarum literarum Interpres *Calvinus*.

XXXIII.
*Collatum
cum Episto-
la ad Ro-
manos.*

XXXIII. Atque ita, nisi fallor, in liquida luce posuimus, hunc esse Pauli in utraque Epistola, jam ad Romanos quam Galatas, scopum, ut Christianos homines, sive ex Græcis illi sive ex Judæis essent, ab omni propriæ justitiæ præsumptione, qua omnes naturæ turgemus, ad solam Christi justitiam, fide apprehendendam, revocet. Unde concludit, frustra esse Pharisaicæ doctrinæ æmulos, qui non contenti Christi justitia & simplici fide, Mosaicæ œconomiae necessitatem urgebant. Hanc vero controversiam in illa ad Galatas potissimum pertractat, partim iis argumentis quæ communia cujusque legis operibus sunt, partim iis quæ specialius ad ceremoniam legem referuntur.

ANI.

ANIMADVERSIONES
IRENICÆ,
AD
CONTROVERSIAS,
Quæ, sub infaustis
ANTINOMORUM
ET
NEONOMORUM
NOMINIBUS,
in BRITANNIA nunc agitantur.

THEOLOGOS
BRITANNOS:*Quo operis occasio & institutum panditur.*

REVERENDI DOCTISSIMIQUE VIRI, FRATRES ET SYMMY-
STA IN CHRISTO JESU, COMMUNI NOSTRUM OMNIUM
DOMINO, PLURIMUM DILECTI,



Unquam melius comparatum fuisse arbitror cum populo Chri-
stiano, quam quando sua se involvens credendi Evangelio
sanctaeque vivendi integritate, procul esse jussis curiosarum
questionum argutiis, in casto Dei Christique amore & cer-
ta aeterna vitae expectatione deliciabatur. Ita Christiani-
smum ab Apostolis didicerat prisca gens fidelium, quae sim-
plici & impolito sermone edocta, sed missorum ad se a Deo oratorum in-
credibili sanctitate commota, zelo accensa, prodigiosis operibus persuasa,
& accedente interna Divini Spiritus illuminatione, efficaciter de veritate con-
victa, ad Jesum Christum Filium Dei, tanquam unicam salutis auctorem
confugiens, ejus se nutui ducendam regendamque tradebat: tam ignara
subtilium disputationum quam studiosa pietatis. Tunc fuit quum Christiana
fides vim suam omnem in animis mortalium exsereret, magisque eos ad
mortem pro Christo fortiter oppetendam, quam ad contentiones de obscu-
rioribus religionis capitibus attritionem animaret. Atque hinc est quod sa-
pe animo mecum cogitaverim, felicissime fortassis cum iis hominibus agi,
qui non cognoscentes nisi Jesum Christum, eumque crucifixum, & ex E-
vangelii praescripto temperanter, jure & pie viventes, de Theologorum ri-
xis ne fando quidem audiverunt. Et hanc non minimam calamitatis nostrae,
vel certe molestissimam officii nostri partem esse existimo, quod qui rei Chri-
stianae praestites sumus in spinosarum controversiarum difficultatibus enodandis
prolixam saepe operam impendere cogamur. Ita seculum est: litibus per-
strepunt omnia. Ne ea quidem ade excepta, quam paci & concordiae sacravit
Dominus. Et profecto vix est, ut in tanto otio quo agimus hoc cui
quodcumque est, in tanta ingeniorum & indolis diversitate, in tanta subli-
miori

mioris scientiæ ambitione , in tanto denique rerum novandarum pruritu , evenire possit aliter. Velis nolis cernendum certamen est ; utinam semper pulchrum illud fidei , quod Timotheo commendavit Paulus ! Caterum si pugnam evadere non licet , prudentia justorum exigit , ut qui in Orthodoxia tutamine rigidos se veritatis satellites præstant , iidem studiose sibi ab iis rebus cavendum esse meminerint , quæ non licent sacerdotibus pacis. Atque huc sane pertinet , ut ii imprimis quibus Evangelii commissa prædicatio est , veritates a Deo revelatas liquido perspectas habere nitantur : ut eas verbis claris , propriis , & ex sacrarum literarum fonte petitis exponant : ut in consensu animorum serio exsultent , eumque , quantum salva veritate fieri potest , promoveant : ut in dissensu æquitatem suam ac modestiam Deo hominibusque probent cum lenitate sapiente : ut de se ipsis submisceant , de Fratribus præclare sentiant , non affectantes exquisitioris sapientiæ famam , sed dona Dei justo pretio in iis qui sibi proximi sunt aestimantes : ut nullius verba calumnientur , aut cavillando opiniones cuiquam imputent a quibus se profiteatur esse alienum : ut denique indignum hominis Theologi gravitate existiment de verborum apicibus otiose atque odiose digladiari , ubi circa rem ipsam exigua ac fere nulla discrepantia est. Si eo animo , ea via atque ordine , controversiæ nostræ in Belgio , vestræ , FRATRES , in Britannia , tractatæ fuissent , longe melius tam tranquillitati publicæ , quam veritati ipsi & pietati Evangelicæ , fuisset consultum. At quisque suos patimur manes. Et nostras quidem lites , quarum penitissimo sensu dolemus , silentio nunc transmittere liceat : vestrarum autem quæ sub infestis ANTINOMORUM & NEONOMORUM signis , quamvis improbaris utrimque nominibus , nimio fortassis calore , agitantur , vos ipsi , FRATRES , nolistis me esse expertem. Quidam enim vestrum , missis utrimque libris , meum etiam quælecunque iudicium postularunt. Ad quod expromendum non nisi tardus admodum ac renitente gressu processi. Primum enim in causâ cognitione , quæ multis subtilibusque involuta argutiis est , plurimæ mihi superandæ difficultates fuerunt ; eo majores , quod lingua vestratæ paullo minus quam mediocriter peritus sum. Dein haud parum in eo ponendum fuit laboris , ut quæ in negotio intricatissimo quodammodo saltem intellexisse videbar , concinnò ordine & oratione perspicua , quod præcipue opus esse intelligebam , exponerem. Denique meo me metiri pede gnarus , ignorare non poteram , nequaquam ea me sapientia atque auctoritate esse præditum , ut idoneus haberer tantæ litis arbiter. Quoniam tamen negotium cordi erat , ut quod maxime , nihil diligentia prætermisi ut assequeretur illud de quo disputatur. Et comperto , quod olim etiam observaverat JOHANNES HOORNBECKIUS , Vir integerrimus , & subacti iudicii Theologus , aliquoties contingere , ut discrepantia minus in re ipsa sit , quam in loquendi formulis & docendi me-

thodo, confidentius perrexi: futurum esse sperans, ut, remotis ambigui sermonis trictis, sola rei ipsius elucidatione controversia quadam dirimatur, & utraque contendendum pars fateatur, idem se, at diversa loquendi ratione, sensisse. Minus etiam verebar ne incurrerem in alterutris partis indignationem, quamvis neutris per omnia assentiar, quod disputationem universam a personalibus & verbalibus ad realia transfulerim; non nimio rigore inquirens, quid huic illive dictum aut indictum sit, quid bene aut sequius a legente vel audiente intellectum, sed quid dici debuerit, vel saltem meo iudicio convenientissime dicatur. Frequentissimum hoc disputantium vitium est, ut alter de male expressa, alter de non bene percepta mente conqueratur: unde fit ut tota saepe disputatio in meram elenchi ignorance evanescat, aut, quod pejus est, in iurgia indecora exeat. Id ego summo mihi opere evitandum esse censeo: huic uni rei incumbens, ut veritatem explanate traderem, sine hominis cuiuscunque lesione, sine studio partium; cuius causas procul habeo. Vos FRATRES, Batavum hunc candorem equi bonique consulite: neque sinceram transmarini hominis, veritatem cum civitate sectantis, operam adspernemini. Præterquam quod communis Christianorum ac Protestantium nomine gaudentes idem cæleste depositum cura nostra commissum habemus, Batavi Britannique ætiori nunc vinculo ligamur, sub ejusdem Optimi Principum, vestri quidem Regis, nostri vero Gubernatoris, GUILIELMI III, pio ac felici regimine degentes. Cui nihil magis in votis esse scimus, quam ut deletis factionum monumentis, tam in Britannia quam in Belgio, perennia Fratrum cœant in fœdera dextra. At præfationis abunde est. Ad rem veniamus.

CAP. I.

De Translatione Peccatorum in Christum.

I. Sex summa Controversiarum Capita. II. Sex controversia circa Imputationem salutis. III. Electio ad salutem. IV. Liberrima. V. Es invariabilis. VI. Pactum inter Patrem & Filium, de procuranda electis salute. VII. Cujus virtute in Christum translata sunt electorum peccata. VIII. Uti olim typice in sacrificium pro peccato, IX. Sic revera in Jesum Sponsorem. X. Quamobrem & ipsius peccata dicuntur. XI. Ita tamen ut ista imputatione, neque Christi sanctitati, neque judicii Divini veritati quidquam decedat. XII. Nam Christi non sunt, nisi quatenus personam peccatorum representat. XIII. An Christo imputentur etiam quoad maculam. XIV. Quo modo nostra non Christi; & rursus Christi, non nostra sint. XV. Emphatica Scriptura phrasés non sunt commutanda nostris quasi melioribus.

I. Quæ

I. **Q**Uæ maxime nunc controverti solent, ea ad VI summa capita I. *Sex sum-*
referri posse videntur. Nimirum disputatur, I. De ratione *ma Contro-*
ac modo IMPETRANDÆ SALUTIS. II. De impetratæ salutis APPLI- *versarum*
CATIONE. III. De JUSTIFICATIONE. IV. De natura atque INDO- *capita.*
LE FOEDERIS GRATIÆ. V. De UTILITATE SANCTITATIS & bo-
norum operum. VI. De Prædicatione LEGIS & EVANGELII. Sub
quibus generalioribus capitibus multæ comprehenduntur speciales
controversiae, distinctim enucleandæ.

II. Circa *impetrationem salutis* hæc potissimum disquiruntur: I. II. *Sex con-*
An solum POENÆ electorum peccatis debitæ, an vero ipsa electorum *troverſa*
PECCATA, tam quoad *maculam*, quam quoad *reatum*, in Christum *circa Impe-*
ut Sponsorem translata sint. II. An Christus propter illam translatio- *trationem*
nem æque PECCATOR sit ac dici debeat, quam ipsi electi, imo PEC- *salutis.*
CATORUM OMNIUM MAXIMUS. III. An per sponſionem Christi fa-
cta sit quædam PERSONARUM inter Christum & electos PERMUTATIO.
IV. An translatio ista peccatorum in Christum eorumque a Christo por-
tatio, INCHOANDA sit ab illius CRUCIFIXIONE, & terminanda in
RESUSCITATIONE ex mortuis. V. An Christus eo tempore quo ma-
xime ferebat peccata electorum SEPARATUS fuerit a DEO, DEO ODIO-
sus & ABOMINABILIS; & an Deus ad id tempus FILIUM suum AB-
DICAVERIT, rursusque pro Filio agnoverit, quando eum ex morte
suscitavit. VI. An Christus suscipiendo electorum peccata, & pro iis
Divinæ justitiæ satisfaciendo, electis SALUTEM ÆTERNAM ABSOLU-
TE sit meritus; an hoc solum, ut possint servari, & revera servandi
sint, *si credant*. Has ego quæstiones ita ordine exsequar, ut quid de
quaque statuendum esse existimem clarissime explicetur. Labet autem
rem a prima salutis origine deducere.

III. Deus O. M. ab æterno constituit gloriosum se, & admirabi- III. *Electio*
lem præstare, in certorum quorundam hominum, nominatim ad id *ad salutem.*
designatorum, liberatione a peccato & morte, eorumdemque salute
æterna; impetranda per Unigenitum Filium suum, cui uti ipse in se
vitam habet, pariter dedit vitam habere in se ipso, & applicandâ per
Spiritus vitæ.

IV. Quum Deus in omnibus actionibus suæ voluntatis prorsus IV. *Libera-*
independens, omniumque rerum ac personarum supremus arbiter sit; *rima.*
idemque unicus omnis boni, ac proinde omnis fidei, virtutis & fan-
ctitudinis in hominibus auctor, quarum rerum gratiam liberrime cui
vult confert, agens omnia ex consilio voluntatis suæ: nulla fides,
nulla virtus, nihil denique omnino boni in his magis quam in illis ho-
minibus præcognosci potuit, cujus intuitu hos potius quam illos ele-

gerit : sed tota hujus discriminis ratio in absoluto Dei dominio & immensa libertate gloriosæ gratiæ, de qua nemini respondet, collocanda est.

V. *Et invariabilis.*

V. Quandoquidem consilium Jehovæ in seculum consistit : quippe quod a Deo, pœnitere nescio, imperscrutabili sapientia ordinatum, immensæ omnipotentiae vim, ad ipsas hominum mentes, citra ullam rationalis libertatis læsionem, quo vult flectendas, subservientem sibi habet : fieri nullo pacto potest ut illi non serventur quos Deus destinavit ad consecutionem salutis.

VI. *Passum inter Patrem & Filium, de procuranda electis salute.*

VI. Ut destinationem hanc non modo sine ulla virtutum suarum imminutione aut obscuracione, sed & cum earum luculentissima demonstratione, exsequeretur ; sapientissime eodem æterno decreto constituit, unicum, coæternum & æqualem sibi Filium electis istis hominibus in Servatorem dare ; qui statò tempore humanam naturam ac formam servi assumpturus, & electos homines, velut eorum sive Sponsor sive Expromissor, repræsentaturus, Majestati ac justitiæ Divinæ, peccatis hominum læsæ, exactissima vitæ obedientia, & condigna mortis perpeffione satisfaceret ; ac perpeffionum omnium, ipsiusque mortis victor, caput constitueretur electorum in sempiterna gloria. Porro quum eadem Filii quæ Patris voluntas sit, Filius ad vadimonium illud pro electis suscipiendum præstandumque ultro se ab æterno obtulit. Atque in hoc voluntatis consensu quædam quasi mutue conventionis, sive pacti, similitudo est.

VII. *Cujus virtute in Christum translata sunt electorum peccata.*

VII. Virtute hujus pacti Deus Filio suo, quem Jesum Christum dixit, OMNIA OMNIUM ELECTORUM IMPOSUIT PECCATA : *peccata*, inquam. Sic enim passim Scriptura loquitur. Jes. LIII : 6. *Omnes nos ut oves erravimus, quisque in viam suam nos convertimus*, וְיָדוּחַ חַטֹּאתֵינוּ כְּכֹזֵבִים יִשְׁכַּח אֶת עֹן כָּלֵנוּ *Jehova autem fecit incurrere in ipsam iniquitatem omnium nostrum*. Rursus com. II. וְעֹנֹתָם הוּא יִסְכֵּל, & INIQUITATES ipsorum ipse portabit. Iterum com. 12. וְהוּא חָטָא רַבִּינִים, & ipse PECCATUM multorum tulit. Adde. I. Pet. I : 24. ὅς τὰς ἀμαρτίας ἡμῶν αὐτὸς ἀνέθηκεν ἐν τῷ σώματι αὐτοῦ.

VIII. *Usi olim typice in sacrificio pro peccato.*

VIII. Typice id olim præsignificatum fuit impositione manuum & peccatorum in pecudem sacrificio destinatum, hominique peccatori vicariam. Eo enim pertinebat ista cerimonia, ut notaretur peccata ab hominibus offerentibus auferri, & in hostiam transferri ; unde hostia ipsa חַטָּאת & חַטֹּאת peccatum atque reatus dicebatur. Ita vero hostia peccato sibi imposito impurata esse censebatur, ut qui circa eam in sacro ministerio occupabantur, & ipsi eo contactu inquinarentur. Sic enim usu veniebat non illi solum qui hircum piacularem seducebat
in

in desertum , Lev. xvi: 26. sed & qui vaccæ rufæ , hircisque combustis extra castra operabantur. Num. xix: 7, 8. Lev. xvi: 28. Adeo ut sacerdotes qui de ejusmodi hostiis epulabantur , quia partem illarum in suam convertebant substantiam , censerentur *portare iniquitatem carnis*. Lev. x: 17.

IX. Dubium non est quin ad Christum hæc referri oporteat : de IX. *Sic requo dictum est Jes. liii: 10. יְהוָה אֱמָנָה אֱמָנָה אֱמָנָה , Si posuerit se anima ipsius reatum , vel , si tu , oratione ad Deum versa , posueris , Jehova , animam ipsius reatum. Eodem nos Paulus ducit. 2. Cor. v: 21. Fecit Deus eum , qui peccatum non norat , peccatum pro nobis. Id est , sicut victima integra sine labe & vitio , fiebat peccatum , reatus merus , per substitutionem vicariam , quando Deus , cui satisfaciendum erat , substitutionem eam fieri voluit : ita & Deus Christum , in se sanctissimum , omnisque personalis peccati expertem , offendentium loco substituit , fecitque peccatum , id est , hostiam pro peccato , ut vere peccatum ferret & lueret , sicut typice faciebat hostia.*

X. Ita vero Deus electorum peccata in rationes Christi retulit , *X. Quamut ea , quantumvis aliena a Christo , CHRISTI tamen PECCATA dicantur. Sic enim de hac re ipse Christus loquitur : Ps. lxi: 4, 5. Quod non rapui tunc reddam. O Deus , tu nosti usque ad FATUITATEM meam , & REATUS MEI a te non sunt absconditi.* *obrem & ipsius peccata dicuntur.* Suppono ; Psalmum hunc orationem Christi Domini continere : quod ex crebra variarum illius particularum in Novo Testamento allegatione liquet. Queritur de perpeffionibus suis , & insolentia injustissimorum hostium suorum. Protestatur autem non sua se sibi culpa hanc calamitatem accersivisse ; sed luere quod non rapuerat ; quam tamen rapinam mox *suum reatum* vocat , quia Sponsoris personam sustinebat. Quasi diceret : Verum est , mi Deus , quod ego reatus subierim , & factus sim execratio ; sed novisti omnes reatus , usque ad levissimas culpas , pro quibus luam ; & quod nullum in omnibus iis reatibus , omnibus stultitiis , quas meas , sponforio nomine , voco , sit meum delictum proprium , quo jus tuum violaverim , ut restitutus sim quod ipse rapuerim. Similiter Ps. xl Christum loquentem introduci Paulus auctor est : ea vero persona cujus sermonem Psalmus iste exhibet , commate 13. sic inquit : *Assumentur me INIQUITATES meæ , adeo ut nequeam dispicere.*

XI. Porro hæc peccatorum nostrorum Christo imputatio sic in XI. *Ita ratelligenda est , ut per eam neque Divini judicii veritati , neque Christi Domini purissimæ sanctitati quidquam decedat. Non enim ita Deus peccata nostra Christo imputat , ut judicet Christum ea admisisse quæ nos admisimus : inebriatum esse quum Noach justo liberalius se* *men ut ista imputatio ne , neque Christi sanctiati , ne-*

*que iudicii
Divini ve-
ritati quid-
quam de-
cedat.*

prolueret mero : aut incestum commisisse cum Lotho , vel adulterium cum Davide. Quæ cogitatio tam procul ab omni ratione repulsa est, ut vix credam eam in ullum sanæ mentis hominem, nedum Christum, Deique reverentem, cadere unquam potuisse. Nos scimus, omne Dei iudicium secundum veritatem esse : falsissimum autem est, Christum commisisse, quæ commissa ab electis sunt. Neque nostra peccata ita unquam Christi esse censentur, quin ipse semper manet sanctus, ab omni malo alienus, sine labe, separatus a peccatoribus.

XII. Nam
*Christi non
sunt, nisi
quatenus
personam
peccatorum
representat.*

XII. Cæterum quum vi pacti istius, de quo supra dixi, Christus ex voluntate tam sua quam Patris, electorum Expromissor sit, eorumque personam in iudicio Dei repræsentet atque sustineat ; peccata electorum hætenus ipsi imputantur, & per imputationem ipsi esse dicuntur, ut non minus pro iis debendi reus sit, ac si ipse, quod absit, in sua persona ea perpetrasset. Id quando iudicat Deus, ex vero iudicat : nititurque iudicium illud æterna & sanctissima Patris

XIII. An
*Christo im-
putentur
etiam quoad
maculam.*

& Filii voluntate.
XIII. Porro in peccato distinctim consideranda est *macula & reus*. Quomodo electorum peccata Christo imputentur respectu *reatus*, ante expositis, nisi fallor, facile intelligitur. Sed & illud perspicuum esse arbitror ; nequaquam peccata electorum quoad *maculam* eo sensu Christo imputata esse, ut illa imputatione Christus physica aut, si mavis moraliter, certe inhærenter, quoquo modo imputetur. Verum hætenus, ut a Deo ita tractetur velut qui squalentium & sordidorum locum ac personam occupet : atque eo nomine *corrupti supra quemlibet specie fuerit, & forma deformi præ filiis hominum*. *Id.* *LII : 14.* Qua mente bene *Gregorius Nyssenus* dixit, Christum *culisse*

XIV. Quo
tam ἀμαρτιῶν ῥύωτο :
modo nostra
non Christi ;
& rursus
Christi, non
nostra sunt.

XIV. Utrumque sano sensu dici potest ; *peccata nostra*, quot quot electi sumus, *nostra* esse, *non Christi*, eademque peccata *Christi* esse, *non* amplius *nostra*. *Nostra* sunt, quia a nobis patrata, & qui nos iis contraximus nobis reatum mortis æternæ, & hætenus nostra manebunt in perpetuum : hoc est : semper erit verum quod nos a patravimus, & patrando iram Dei meriti sumus. Quod enim factum est infectum fieri nequit. Et sic *non sunt Christi*, quia Christus ea non patravit, neque personalem ullum reatum contraxit. Neque possunt Christi peccata fieri : quia rerum natura non patitur ut idem numero actus, qui a nobis patratus est, patretur a Christo. Et vero quæ nos commisimus peccata, *Christi peccata* evaserunt, quando ipsi ut *Expromissori* imputata sunt, ipseque ea expromissorio nomine suscepit, ut pro iis liberrime ac sanctissime a se susceptis luere ;

AN CHRISTUS PECCATOR DICENDUS. 599

ac *desinunt esse nostra*, quatenus ob ea, propter Christi satisfactionem, in iudicio Dei ad condemnationem aut satisfactionem in propria persona, compelli neque debemus, neque possumus. Atque hæc tam evidentiæ mihi esse videntur, ut de re ipsa nulla Orthodoxis inter ipsos queat esse discrepantia.

XV. Quæ quum ita sint, nescio cur quidam dicere malint, pœ-^{xv. Em-}nam aut reatum nostrorum peccatorum in Christum translata esse, quam ^{phastica} peccata ipsa quoad reatum. Quum posterius hoc ab ipsa dicatur Scrip-^{Scriptura}tura; cujus castissimas, sapientissimas, maximeque emphaticas lo-^{phrases non}cutiones, nostris nescio quibus lenioribus emollire velle, animi est ^{sunt com-}perperam delicati, neque sapientiæ sacrarum literarum justum suum ^{mutanda}pretium statuentis. ^{nostris,}
^{quasi me-}
^{lioribus.}

C A P. II.

An Christus recte dici queat peccator, adulter, idololatra &c.
& an facta inter Christum & electos quædam personarum permutatio sit.

I. Cavendum est a duris extra Scripturam locutionibus, præsertim in negotio Christi. II. Quem peccatum quidem Scriptura vocat, peccatorem nunquam. III. Quamvis peccatoribus adnumeratum. IV. Horridiora quorundam dicta non sunt trabenda in malam mentem. V. Christum peccatorem dixerunt Chrysostomus, Oecumenius, VI. Calvinus, VII. Et Jacobus Altingius. VIII. Vere facta inter Christum & electos quædam personarum permutatio est, IX. Magnifice prædicata a Justino, X. Luxulenter exposita a Turretino, XI. Approbata a Fratribus Angliæ.

I. **A**B altera autem parte non bonum neque prudens factum esse exi-^{I. Caven-}stimus, quod alii, justo ulterius procedentes, formulis utan-^{dum est a}tur durioribus, ac Spiritui Sancto infuetis: quæ vix est ut teneras au-^{duris extra}res non offendant. Verbi gratia, quum ajunt: nos non magis pecca-^{Scripturam}tores esse, quam Christus; qui, peccatum pro nobis factus, æque ac nos pec-^{locutioni-}cator sit: ita nostra peccata ipso actu in Christum translata esse, ut nos am-^{bus, præfer-}simus peccatores non simus. Quoties de electo sermo est, quamvis adul-^{sio Christi.}terium, furtum, idololatricam commiserit, eum non esse illum adulterum, furem, idololatram, sed id potius de Christo affirmandum. Nullum unquam in terris tantum transgressorem fuisse, quantum Christus: & quæ id genus plura. Hæc præter Scripturam sunt: quæ Christum peccatum quidem dicit, peccatorem nusquam.

II. Ne-

II. Quem
peccatorem
quidem
Scriptura
vocat, pec-
catorem
nunquam.

II. Neque profecto iis assentior, qui abstracta illa, & hyperbolica, ut ajunt, phrasi, vim concretæ locutionis intendi autumant: ut plus sit *peccatum* dicere, quam *peccatorem*. Paulus, ut solet, sua hæc ex Veteri Testamento mutuatur, & de reconciliatione nostri cum Deo per Christi sacrificium expiatorium agens, Christum revera talem hostiam esse docet, qualis in typo vocabatur ΝΩΤ & צוֹן, uti modo ostendi.

III. Quam-
vis peccato-
ribus adnu-
meratum.

III. At neque Christum peccatorem Propheta vocat, quando eum *prævaricatoribus adnumeratum* testatur. Jes. LIII. com. 12. Commo- diffime enim illud ad improba scelestissimorum hominum, mortem Christi procurantium, judicia referri potest. Tunc prophetiæ huic suum constitit complementum, quando Christus ceu latro apprehensus, seductionis, blasphemiæ, turbatæque reipublicæ postulatus, tandemque in crucem actus est, medio inter pessimos latrones loco. Hujus certe interpretationis auctorem habemus Marcum cap. xv: 28.

IV. Horri-
diora quo-
rundam di-
ctæ non sunt
trahenda
in malam
sententiam.

IV. Verum enimvero, quamvis cum Scriptura non loquantur, qui Christum *peccatorem, vere peccatorem, peccatorum omnium maximum*, vocare amant; quamvis etiam satius arbitrer ab locutionibus tam horridis facillique calumniæ expositis: quum tamen istarum phra- sium auctores intaminatæ Christi puritati sollicitè caveant, & nihil ho- rum intelligi velint nisi intuitu nostrorum peccatorum; quæ Christi non sunt, nisi per, salutarem nobis, Dei Patris imputationem, & sanctissimam Christi in se susceptionem; neque alio colliment, nisi ut ostendant imputationem istam plenissimam, & ad salutem nostram validissimam esse: nolim sinistra arripi, quod dextra datur, & inso- lentius dicta in calumniam rapi.

V. Christum
peccatorem
dixerunt
Chrysosto-
mus, Oecum-
enius,

V. Habent enim, & máxima quidem, quibus se tueantur, exem- pla. Chrysostomus Homil. XI. in II. ad Cor. τὸν γὰρ δίκαιον, φησὶν, ἐπιει- σεν ἁμαρτωλὸν, ἵνα τὸς ἁμαρτωλοῦς ποιήσῃ δίκαιος· μᾶλλον ὃ ἐδὲ ὅπως εἶπε· ἀλλ' ὁ πόλλω μείζον ἦν· ὃ γὰρ ἔξιν ἔθηκεν, ἀλλ' αὐτὴν τὴν ποιότητα· ὃ γὰρ εἶπεν, ἐποίησεν ἁμαρτωλὸν, ἀλλ' ἁμαρτίαν, ἵνα ἡμεῖς γενώμεθα, ἐκ εἰς δίκαιον, ἀλλ' δικαιοσύνην, καὶ θεῷ δικαιοσύνη: *Justum enim*, inquit, *PECCATOREM* fecit, ut peccatores justus efficeret. Imo ne sic quidem locutus est, sed quod multo majus erat: non enim posuit habitum, sed ipsam qualitatem: non enim dixit, fecit peccatorem, sed *PECCATUM*; ut nos efficeremur, non dixit justus, sed *justitia*, & *justitia quidem Dei*. Adde OECUMENIUM in cap. IX. ad Hebræos p. 845. Ἦν σφοδρὰ ἁμαρτωλὸς ὁ Χρῆς-τός, ὡς καὶ τὸ παντὸς κόσμου ἀναλαβὼν καὶ οἰκειοσάμενος ἁμαρτίας. *MAGNUS ERAT PECCATOR Christus, utpote qui totius mundi peccata in se suscepit, sive que fecerat.*

VI. Patres hos, at modeste, secutus est CALVINUS ad Gal. III: VI. *Cal. 13. Quod personam nostram susceperat, IDEO PECCATOR ERAT, & maledictionis reus; non tam in se quidem, quam in nobis: sed tamen ut necesse haberet nostro nomine desungi. Et in Marlorati Collectaneis ad II. Cor. V: 21. hæc invenio: non tantum pro nobis mortuus est Christus, sed tanquam a Deo maledictus, & PECCATOR OMNIUM SCELESTISSIMUS, mortuus est.*

VII. Planissime autem JAC. ALTINGIUS, *Diff. Theol. Hept. II. VII. Es Diff. I. §. 4, 5, 6, 7, 8. Venisse Christum in iudicium, ibique condemnatum, hoc est, IMPIUM seu NOCENTEM declaratum esse, constat ex eo, quod angustia iudicio societur. Jes. LIII: 8. Cujus iudicii sententia angustia ipsi fuit irrogata. Iudicium istud non fuit humanum, quod injustum esse potest: sed Divinum, eoque justissimum. Quandoquidem autem in Divino iudicio ad angustiam illam damnatus fuit Christus, utique REUM & NOCENTEM eum fuisse necesse est: quum in iudicem Deum non cadat nec cadere queat injustitia; qua tamen laboraret, siquidem justum & innocentem condemnasset. IMPIUS autem Christus & NOCENS non absolute, sed relate, quatenus Sponsor: qui, debiti proprii expers, alienum reatum sustinet, & hoc titulo creditori & iudici REUS & NOCENS sive IMPIUS est.* *Jacobus Altingius.*

VIII. Quas phrasas licet non usquequaque probem, tenendum interim est, ita se Christum pro electis substituisse, eorumque personam sustinuisse, ut quædam personarum facta sit permutatio; & quemadmodum Christus personam gessit electorum, dum eorum suscepit debita, & non minus pro iis solvit quam si ipse esset debendi reus, sic illi rursus in Sponsore solvisse judicentur, non minus quam si in propria solvisset persona. Neminem enim unquam repertum fuisse credo Theologiæ consultum, imo ne sanæ quidem mentis hominem, qui talem personarum mutationem somniaverit, qua factum sit ut Servator redigeretur in ordinem servandorum, aut servandi fierent Servator. Quam insanum illud, tam orthodoxum hoc est quod dicam: quod quemadmodum Christus, electorum personam gerens, peccatum pro iis factus est; ita & electi, in Christi persona considerati, rursus fiant justitia Dei in ipso: quodque ea Christi justitia æque ipsorum justitia sit, ac ipsorum peccata Christi peccata fuerunt; utrumque per imputationem. Sed imputationem tam validam, ut quemadmodum Christus non potuit non puniri ob imputata ipsi electorum peccata, sic electi non possint non servari ob imputatam ipsis Christi justitiam. Hæc quoad rem ipsam tam certa mihi & solida, imo & fundamentalia fidei mysteria esse videntur, ut Orthodoxis omnibus ἀναμφισβήτητα esse debeant. De verborum autem apicibus altercari nostrum non est.

IX. Magni-
fice prædi-
cata a Ju-
stino,

IX. Hanc personarum permutationem augusto sermone prædica-
vit *Justinus Martyr. in Epist. ad Diognetum.* Τί ἄλλο τὰς ἀμαρτίας ἡμῶν
ἡδυνήθη καλύψαι, ἢ ἑκεῖνος δικαιοσύνη; ἐν τίνι δικαιωθῆναι δυνατόν τὰς ἀνό-
μιους ἡμῶς καὶ ἀσεβεῖς, ἢ ἐν τῷ υἱῷ τοῦ Θεοῦ; ὃ τῆς γλυκίας καταλλαγῆς, ὃ
τῆς ἀνίχνυσσας δημιουργίας, ὃ τῶν ἀπροσδοκῶν ἐνεργειῶν, ἵνα ἀγομία πολ-
λῶν ἐν δικαίῳ ἐνὶ κρυφῇ, δικαιοσύνη δὲ ἐνὸς πολλὰς ἀνόμους δικαιώσῃ: *Quid*
aliud peccata nostra tegere potuit, quam ejus justitia? in quo alio nos ini-
qui & impii pro justis haberi possumus, quam in solo Dei Filio? O DUL-
CEM PERMUTATIONEM! O impervestigabilem operis concinnationem! o
inexpectata beneficia? ut multorum iniquitas in uno justo occulatur; justi-
tia vero unius multos iniquos justificet.

X. Lucu-
lenter ex-
posita a
Turretino,

X. Prolixè & præclare hæc exsecutus *Turretinus* est, de *Satisfac-*
tionis Christi veritate, part. II. §. xxxiv. Neque dividia cuiquam
fore credo, si ipsius verba hic quoque legantur. Quemadmodum ju-
stitia dicimur fieri in Christo ex imputatione, quia ob justitiam Chri-
sti, per fidem a nobis apprehensam, & a Deo imputatam, justī co-
ram ipso pronunciamur; ita vicissim, ut antithesios ratio constet, pec-
catum factus est pro nobis imputatione, quia reatus noster, quo in
Dei judicio obstringebamur, illi ut Sponsori nostro est impositus, ut
pœnas illi debitas ferret. *Eximie Augustinus in Enchiridio ad Laurent.*
cap. xli. Ipse peccatum, & nos justitia: nec nostra, sed Dei: nec in no-
bis, sed in ipso. Sicuti ipse peccatum; non suum, sed nostrum, nec in se,
sed in nobis factus est. Ita scilicet MIRABILI PERMUTATIONE mala
nostra in se recepit, ut bona sua nobis largiretur; recepit miseriam,
ut largiretur misericordiam; recepit maledictionem, ut benedictionis
suæ compotes nos faceret; recepit mortem, ut vitam conferret; re-
cepit peccatum, ut justitiam impertiretur. Quanquam vero hæc com-
mutatio duplex inter se in eo conveniat: primo, quod in utraque alie-
num quid judicii Divini æstimatione in personam transfertur; quæ
translatio non est judicii aberratio, sed ea dispositio, qua propter ali-
quid ab alio præstitum, tibi non nihil adscribitur ac si ipse ea perso-
na esses, a quo ortum est id factum, propter peccatum nostrum mors
Christo imposita, ac si ipse peccasset, & propter justitiam Christi vita
& hereditas nobis collata, ac si justī essemus legemque implevissemus.
Deinde, quod utrobique nexus esse debuit inter has personas: nam
neque Christo imputari potuissent peccata nostra, nisi tum naturæ ejus-
dem vinculo, tum voluntaria sponcione nobiscum unitus esset: neque
justitia Christi nobis imputaretur, nisi in unum cum ipso corpus coa-
luissemus. Tamen in eo longe differunt, quod Christo imputatio
facta est secundum justitiam, nobis ex misericordia. In illum pecca-
tum

tum transfertur, sed abolendum; in nos justitia, sed conservanda; in illum maledictio, sed absorbenda; in nos benedictio, sed continuanda; in illum sordes, sed abjiciendæ in profundum; in nos vestis nova primogeniti, sed induenda. Hinc est quod nos vere justî & filii Dei dici possumus; at non propterea Christus vel peccator, vel filius iræ: quia nec peccatum ex se habuit, nec ira Dei mansit sed transiit tantum super ipsum. Hætenus *Turretinus*: quibus, ut solide non minus quam eleganter dictis, mente calamoque subscribo.

XI. Postquam hæc ita scripseram, Londino ad me missæ sunt chartæ conciliatrices, in quibus magno cum animi mei gaudio ea inven-^{XI. Appro-} ni, quæ sarciendæ inter Fratres concordie apprime arbitror esse ido-^{bata a} nea. Haut immerito nonnullos offenderat inconsiderata assertio: non ^{Fratribus} esse permutationem personarum inter Christum & credentes. ^{Anglic.} Offendiculum illud hac declaratione e medio tollunt conciliatores: *Quandoquidem concipimus, doctrinam Justificationis, & Satisfactionis Christi, unde illa dependet, debite explicari ac defendi non posse, negata permutatione personarum inter Christum & credentes: idcirco declaramus, improbari nobis propositionem istam in generali suo sensu: mentemque nostram sic explicamus. Clarum est, non posse esse permutationem PHYSICAM, qua Christus & credentes, secundum substantiam, alter in alterum convertantur. Neque MORALEM, qua Christus inhærenter vitiosus & peccati labe infectus fiat, fideles autem immediate fiant innocentes, ἀναοὶ καὶ ἀπλᾶρτοι. Verum enimvero NON DUBITAMUS, QUIN SIT PERMUTATIO PERSONARUM SENSU LEGALI, sic ut Christus, ex conventionem inter Patrem & ipsum, suscepit PERSONAM, & venerit loco ac vice hominum peccatorum: non ut pro iis respiceret, & crederet, quod Evangelio requiritur, (quamvis impetraverit ut electi statim tempore ad eas res reddantur idonei) sed ut PRO IIS SATISFACERET OBLIGATIONI VIOLATÆ LEGIS OPERUM. Peccatum pro iis factus, quamvis peccatum non noverit, ut illi fiant justitia Dei in ipso. Et quod huic expositioni repugnat, judicamus esse erroneum & falsum. Hætenus Viri Docti. Et quis æquus rerum arbiter plura desideret?*

C A P. III.

Quando translatio peccatorum in Christum, eorumque a Christo portatio cœperit & finierit: & an Christus peccata electorum portans, separatus fuerit a Deo, Deo abominabilis, & a Patre abdicatus.

- I. Translatio peccatorum consideratur vel in decreto, vel in executione. II. Hæc incipit cum assumptione humanæ naturæ, finienda in morte III. Male creditur inchoata a cruce, & terminata in resurrectione. IV. An Christus, peccata nostra ferens, a Deo fuerit separatus. V. Sano sensu id agnosci potest. VI. Non tamen extremarum perpeffionum tempore nullo prorsus consolantis gratiæ sensu refocillatus fuit. VII. An Christus ob suscepta peccata Deo fuerit abominabilis. VIII. Calvinus, & ex veteribus quidam, dicunt fuisse damnatum. IX. Satis est intra Scripturæ phrasas se continere, quam aliis utendo multiplicare controversias. X. Formula Concordiæ. XI. An Deus Pater Filium suum unquam abdicaverit. XII. Christus in extremis etiam angoribus Deum ut Patrem agnovit. XIII. Act. xiii: 33. non docetur Christum in resurrectione ex mortuis iterum esse genitum. XIV. Ἀνάστασις agnitionem notat, in oppositione abdicationis. XV. Non fuit necesse Christum easdem determinate pœnas subire quas luent dammandi. XVI. Magna est inter utraque diversitas. XVII. Quæ tamen Christi λῦσις nihil detrahitur.*

I. Translatio peccatorum consideratur vel in decreto, vel in executione. **I.** **N**unc tertio loco inquiramus, an translatio peccatorum in Christum, eorumque portatio a Christo, INCHOANDA sit ab illius CRUCIFIXIONE, & TERMINANDA in RESUSCITATIONE ex mortuis. Ad quod quæsitum sic respondeo: Translatio peccatorum nostrorum in Christum considerari potest bifariam; vel ut est in decreto, & tum non aliud importat quam certitudinem illius rei quæ statò tempore futura est; vel ut est in executione, quæ tum heri cœpit, quando Filius Dei assumpta natura hominis & forma servi in eo statu fuit, ut actu Divinæ satisfacere justitiæ pro electis potuerit.

II. Hæc incipit cum assumptione humanæ naturæ, finienda in morte. **II.** Ipsa naturæ humanæ assumptio agnitio fuit suscepti a Dei Filio peccatorum nostrorum debiti: & sanguine circumcisionis ejus signatum est chirographum. Totum illud σχῆμα servi, & ὁμοίωμα σαρκὸς ἀμαρτίας, ab initio vitæ Christi ad mortem usque durans, translatus in ipsum peccati argumentum est. Omni enim illo tempore, quod in statu vili atque abjecto exegit, nunquam visus est sine peccato, ut Paulus ait Heb. ix: 28. Neque sola debiti confessio in ista vilitate atque ærumnis fuit, sed & pars satisfactionis. Nam sicuti mors, quam homini peccato minatus est Deus, ambitus sui amplitudine complectitur eas miseras, quibus homo peccator per totam vitam est obnoxius, quæ incumbētis ipsi maledictionis aliqua saltem pars sunt; ita par fuit ut Christus, ad suscepti ad se debiti solutionem, vitam degeret plurimis miserationum vicissitudinibus obnoxiam; qualis vita hominis peccatoris est. Uti vero Deus multa iræ dilatione utitur adversus peccatores, & vitæ amaritudi-

ritudines aliquo patientiæ dulcore temperat, donec dies iræ & justæ retributionis venerit, quando omne pondus maledictionis Dei damnato peccatori incumbet: ita nec Christus in conditione sua servili peccatorum sibi incumbentium pondere ita semper pressus fuit, quin insigni Divinæ gratiæ sensu subinde recrearetur, usque dum advenit hora & potestas tenebrarum, quando ad iudicium vocatus dirissima omnia subire habuit. Tunc potissimum exacta iniquitas nostra, tunc maxime afflicta Christus est; tunc absoluta ad ultimum quadrantem satisfactio. Verbo ut complectar: sicut omnes miseriæ simul sumtæ debitum peccati sunt; ita & Christus, in quem omne electorum debitum translatus est, dum vitam degit miseriis obnoxiam, quæ gravissimæ sub mortem fuere, omnibus illis miseriis simul sumtis, ipsaque morte maledicta, Divinæ justitiæ satisfecit. Sic ut omnia hæc in cumulo sumta absolvant *λύτρον*, quod pro peccatis nostris debebatur.

III. Itaque iusto tardius incipiunt, iustoque diutius producant III. *Male tempus quo peccata nostra Christo incubuerunt, qui illud inchoant creditur inchoata a cruce, & terminata in resurrectione.* a cruce, & terminant in resurrectione. Nam dolores istos quos Christus corpore & anima pertulit ante crucifixionem, ad peccatorum nostrorum pœnas pertinere, inque iis iræ Divinæ demonstrationem fuisse, alibi a me prolixè probatum est. Post mortem vero remansisse Christum peccatis adhuc nostris gravatum sædatumque, non convenit cum decantatissimo illo CONSUMMATUM EST; neque cum Pauli doctrina, asserentis Chirographum, quod adversus nos erat, cruci affixum, atque ita sublatum esse: Christumque exspoliatis traductisque palam omnibus imperiis ac potestatibus hostilibus, per crucem de iis triumphasse: Col. 11: 14, 15. nec denique cum aliis Doctorum virorum hypothesibus, mox examinandis. Concipi enim non potest, quæ Christus a Deo derelictus, abdicatus, eique abominabilis fuerit, quum Pater Spiritum Christi cœlo susceptum comiter amplexus est, & corpus in sepulcro jacens consideravit ut cadaver *חֲסִידוֹ Sancti sui*, se diligentis & a se dilecti: unde *caro ipsius habitavit secure*. Ps. xvi: 9. 10.

IV. Nam & illud quarto loco disputari video, an Christus toto IV. *An eo tempore, quo maxime nostra ferebat peccata, SEPARATUS FUE-Christus, peccata nostra ferens, a Deo fuerit separatus.* RIT. A DEO, Deusque a Christo: an Christus ob sæditatem translatus in se iniquitatum ODIOSUS & ABOMINABILIS DEO fuerit; an Deus ad id tempus FILIUM SUUM ABDICÁVERIT, rursusque pro Filio agnoverit, quando eum suscitavit ex mortuis.

V. Mihi, ut candide dicam, sic videtur: insolitum illud & durum quod in his verbis est, & quod eorum auctor singulari quadam *V. Sano sensu id agnoscere possit.* indolis proprietate sectatur, & amat, tantum horrore audientibus in-

cutere, ut stupeant magis ad τὸ ἀπροσδόκητον sermonis, quam ut idonei reddantur ad rem ipsam æqua lance trutinandam. Ego vero sine affectu id conabor. Et primum quidem quod attinet, quum in eo consensus sit, nullo unquam tempore solutam fuisse unionem hypostaticam: utrisque consentientibus illud Chalcedonenſis Concilii ἀχρηστὴ καὶ ἀδιαίρετος: atque interim constet Filium a Patre *derelictum* fuisse, *longinquo tunc a salute ipsius & a verbis rugitus ejus*, Pl. xxii: 2. nimirum quoad præſentem influxum lætificantis & consolantis gratiæ, ita tamen ut non defierit Deus omnipotente virtute ſua patientem naturam humanam, cæteroquin tantæ maledictionis moli ferendæ imparem, ſuſtentare: non video ſane quid realis controverſiæ remaneat.

VII. Non
tamen ex-
tremarum
perpeſſio-
num tem-
pore nullo
prorſus con-
ſolantis
gratiæ ſen-
ſu refocilla-
tus fuit.

VI. Niſi hoc fortaffis, an toto illo extremarum perpeſſionum tempore nullo unquam conſolantis gratiæ ſenſu refocillatus Chriſti animus ſit. Quod ego proſecto dicere non auſim. Portabat ſane peccata noſtra Chriſtus, quando in horto cœpit *ταραχθῆναι, καὶ ὑδαμῶσθαι, καὶ ἀδμονεῖν, καὶ περίλυπος εἶναι ἕως θανάτου*, & tamen cœlitus miſſum corroboraturum ſeſe Angelum eoſſe tempore habuit. Dum corpus ſuum exponebat percuſſoribus, & malas expilantibus, dum faciem abſcondebat a contumeliis & ſputo, Dominum Deum auxiliatorem expertus eſt: idcirco componebat faciem ſuam tanquam ſaxum adamantinum, quia noverat fore ut non pudeſſeret: propinquo quippe eo qui ipſum juſtificaret. Jeſ. l: 6, 7, 8. Nec probabile videtur in ipſa cruce adeo ſemper intentum Divinæ adverſus peccata noſtra ex-candefcentiæ fuiſſe Chriſti animum, ut non ſubinde repræſentaverit ipſi fides, quam gratum Patri ſuo offerret ſacrificium, & quam glorioſam, poſt maximos quidem, at breviffimi temporis cruciatus, Deo ſibi, electis ſuis reportaturus eſſet mercedem. Fieri ſane non poteſt, quin cogitatio iſta haud contemnendum ægerrimo animo levamen attulerit. Atque hoc Paulum voluiſſe puto, quando Hebræos ad pro-poſitum ſibi ſtadium per tolerantiam decurrendum hortans, ea fide qua creditur Deum præmia largiri iis qui ipſum requirunt, exemplum Domini iis ob oculos ponit: *intuentes*, inquit, *in fidei ducem ac conſummatorem Jeſum, qui pro ſibi propoſito gaudio ſuſtinuit crucem*. Heb. xi: 2. Hoc eſt, intuitu atque exſpectatione promiſſi ſibi gaudi-ii, ad ſuſtinendam crucem, imo in ſuſtinenda cruce, inſigniter animatus eſt. Et quod majus eſt, eo ipſo quo ſe Jeſus deſertum quiritabatur momento, in memoriam ſibi revocabat Deum, *ſuum ὁ Θεός Deum fortem, ſuum ὁ Θεός Deum confæduſum* eſſe: certus fortitudine iſta Dei ſui ſe ſuſtentatum iſſe, certus omnia fœderis promiſſa ſibi ſuiſque futura eſſe etiam & Amen.

VII. Ad

VII. Ad alterum nunc quæstionis caput veniamus, an recte di- VII. *An*
catur, Christum ob nostrorum criminum scditatem FOEDUM etiam atque *Christus*
 ODIOSUM esse factum, in eoque collocatum statu, ut ab ipso Deus AB- *ob suscepta*
 HORRUERIT. Ubi illud rursus extra controversiam est, Christum *peccata Deo*
 propter exactissimam sanctitatem suam semper fuisse Deo Patri accep- *minabilis.*
 tissimum, dilectissimumque: & tantum abesse ut propter voluntariam
 peccatorum susceptionem aliquid de ista Dei erga Christum charitate
 decesserit, ut contra nunquam magis Patri placuerit, quam quando
 ei se dicto morigerum præstitit ad mortem, mortem vero crucis. Hæc
 enim est eximia illa, incomparabilis, ac prope incredibilis obedientia,
 quam condigno immensæ gloriæ præmio remuneratus est Pater. Sed
 & illud utrinque in confesso est, Christum, non propter susceptionem
 peccatorum, quæ actio sancta est, Deoque gratissima, sed propter
 peccata quæ suscepit, & propter personas peccatorum quas sustinuit,
 repræsentatum fuisse non solum sub emblemate agni, quatenus est pe-
 cūs solidum, & ad aberrandum proclive, sed & lascivi, petulci, olidi
 birci Lev. xvi: 7. Imo & maledicti serpentis Joh. iii: 14. Eoque no-
 mine execrabilem & maledictum, etiam Deo, fuisse. Hoc enim ex-
 pressit Paulus asserit. Gal. iii: 13. in quem locum Calvinus: Non di-
 cit Christum fuisse maledictum, sed maledictionem; quod plus est: nam si-
 gnificat omnium maledictionem in ipso fuisse conclusam. Si cui hoc videtur
 durum, pudeat etiam ipsum crucis Christi, cujus confessione gloriamur.

VIII. Ex Romanæ Ecclesiæ Doctoribus quidam magna stili diri- VIII. *Cal-*
 tate exagitaverunt quod a *Calvino sect. x. Catechesios* dictum fuit de do- *vinus, &*
 loribus & pœnis Christi satisfactoriis, eum scilicet in tali fuisse damna- *ex veteribus*
 tione constitutum. Sed a nostris responsum est, eadem phrasi usum esse *quidam, di-*
Tertullianum lib. iii. contra Marc. cap. xi. Non erit indignior morte na- *cuns fuisse*
tivitas, & cruce infamia, & carne DAMNATIO. Cyprianus de passione
 Christi. DAMNATUS EST, UT LIBERARET DAMNATOS. Et Grego-
 rium Magnum, Mural. lib. iii. cap. xi. Qui Patri est equalis per Divi-
 nitatem, venit propter nos ad flagella per carnem; quæ nimirum flagella
 non susciperet, nisi formam DAMNATI hominis redimendo sumisset.

IX. Quum itaque veritatem hanc verbis efficacissimis expresserit IX. *Satis*
 Apostolus, nescio cur quemquam nostrum lubido incessat, alia iis vel *est intra*
 substituendi vel addendi, iisque sæpius fortassis quam ipso Pauli ser- *Scriptura*
 mone utendi. Quæ enim idonea ratio est, cur Christum odiosum at- *phrases se*
 que abominabilem Patri fuisse dicamus, quando dictatis Spiritus San- *continere,*
 cti inhærere licet, qui ipsum execrationem Dei fuisse pronunciat. Ve- *quam aliis*
 rum & illud scire exoptem, quid in illis humanæ inventionis verbis *usendo mub-*
 sit, præterquam quod sunt inventionis humanæ, cujus gratia ita of- *uplicare*
 fendant- *constat-*

fendantur alii. Si rem amamus, tantumne plus emphasios aut ponderis est, in nominibus foedi, odiosi, abominabilis, quam in nomine maledicti aut execrabilis? ecurr de vocabulis litigamus, quæ omitti sane possunt, si offensionem præbere comperiantur? sed & innoxie dicta, alioversum trahi non deberent.

X. *Formula Concordiæ.* Commodam Concordiæ viam invenisse videtur nuper mihi laudata charta conciliatrix, hac formula. *Quoniam permutatio personarum est inter Christum & fideles, reatusque nostrarum iniquitatum Christo impositus, Pater INFENSUS atque IRATUS ei exstitit. Non quod ulli unquam adversus eum commotus fuerit PASSIONE, quod generatim natura Divina perfectioni, quocunque demum intuitu, repugnat: neque quod ullo pacto infensus ipsi fuerit, multo minus ab ipso abhorrerit, quatenus considerabatur IN SE IPSO, sic enim erat omnis prorsus peccati expers. Sed quatenus considerabatur IN RESPECTU AD NOS, ut qui noster erat SPONSOR, nostra peccata in suo corpore portans, ita, si per animum INFENSUM atque IRATUM intelligas sanctam PUNIENDI VOLUNTATEM, Christus Dominus sensit ac tulit offensionem Dei, & pondus iræ ipsius, in pena peccatorum nostrorum, quæ in ipsum sunt translata. Nam placuit Patri contere ipsam, impositis ei omnium nostrum iniquitatibus. Si hæc, ut par est, utrimque concedantur, quid superest controversiæ?*

XI. *An Deus Pater Filius suum unquam abdicaverit.* Plus difficultatis est in ABDICATIONE quam ajunt FILII DEI, durante usque ad suscitationem ipsius e morte. Hanc enim phrasin, vel aliam ullam ei æquipollentem, nusquam in sacris literis nostris invenio. De eo certe non quæritur, an æternus Dei Filius Filius Dei, dum peccata nostra portabat, esse desierit. Anathema qui hoc docet. At nec istud quæritur, an non Pater tunc personam judicis adsumserit, qui Mediatorem Christum rebellium servorum personam sustinentem, uti talem severissime habuerit. Nam & hoc incontestatæ veritatis est. Illud fortasse quæri potest; an Deus, quum personam judicis erga Christum assumsit, personam Patris ita deposuerit, ut Christum unice veluti fontem consideraverit ac puniverit, seposita ea consideratione quod fons iste innocentissimus filius suus esset. In qua lite pars negans, meo judicio, agente potior est.

XII. *Christus in extremis etiam angoribus Deum Patrem agnovit.* XII. Nam quo modo Christus in extremis constitutus angonibus judicem suum pro Patre agnovit, ita & Deus judex Christum pro Filio. Hæc enim se mutuo consequuntur. Christus autem cum ingeminatione singularique affectu *Abba Pater* dixit: & de cruce pendens in *Patris manus* spiritum suum commendavit. Et paterni affectus fuit, quod, ut & nuper monui, Angelum ad ipsum confortandum miserit: (hoc certe non continget reprobis) quod Christo facultatem dederit

tum

tum quum maxime pauper & egenus esset, dicendi, *Ego quidem talis sum, sed Dominus cogitat de me.* Ps. xl: 18. denique quod animam corpore excedentem in domum paternam receperit.

XIII. Video equidem huc allegari, quod Paulus verba Psalmi XIII. Aët.
 11. *Filius meus es tu, ego hodie genui te*, ad resurrectionem Christi xiii: 33.
 referat. Aët. xiii: 33. quasi Deus in resurrectione Christi Filium suum non docetur Chri-
 iterum veluti generaverit: & filiatio per mortem peremta, per resur- sum in re-
 rectionem renovata sit. Verum hæc alio pertinent. Per resurrectionem suscitatione
 certe demonstratum est Christum esse filium Dei in potentia, non so- ex mortuis
 lum quia sua virtute se redivivum sistens probavit se vitam in semet iterum esse
 ipso habere; sed & quia Pater eum resuscitans hac ratione absolvit a genitum.
 blasphemia, ob assertam sibi Filii Dei dignitatem impacta: denique
 quia deposita tunc forma servi est, qua haud parum obscurata hæte-
 nus fuerat gloria velut unigeniti a Patre, neque palam fuerat illud
 τὸ εἶναι ἱσα Θεῷ. Sed si bene attendamus, aliam rem agit Paulus Aët.
 xiii: 33. Non probat resurrectionem Christi ex Psalmo 11. sed ex
 Jes. lv. 3. & Ps. xvi: 10. dum com. 34. ita inquit, *quod autem suscita-*
verit eum ex mortuis &c. ita dixit &c. Ut numero dicam, hæc Pauli
 mens est: Deum promissionem patribus factam implevisse filiis ipsorum,
 suscitato, id est, in carne exhibito, Jesu: hanc enim vim & alibi
 eadem phrasis habet. Aët. 11: 30. 111: 26. vii: 37. Quisnam autem
 ille est quem se exhibiturum promisit Deus? Id colligi ex Ps. 11. po-
 test, ubi pollicetur Ecclesiae, eum se illi regem daturum esse, qui
 Filius suus sit, singulari modo ab æterno genitus. Patet igitur quam
 nihil allegatio illa ad hanc controversiam attineat.

XIV. Nolo tamen, pro candore meo, dissimulare, aliud esse XIV.
 quod quodammodo huc referri queat: sed quodammodo tantum. ἀνάληψις
 Scriptura de Christi in cælos evectione agens, frequenter utitur voce agnitionem
 ἀνάληψις. Luc. ix: 51. Marc. xvi: 19. Aët. i: 2, 11, & 22. 1. Tim. notat, in
 111: 16. Est autem ἀναλαμβάνειν, ut Budæus notavit, *resumere*: & opposizione
 ἀναλαμβάνειν τὸν παῖδα apud *Demosthenem* contra *Nearam* opponitur abdicatio-
 τῷ ἀπικηρύττειν, sicut apud Latinos *agnitio* liberorum est contraria nis.
abdicatio. Censet itaque ἀνάληψιν significare *agnitionem Christi, a Patre*
velut antea abdicati. Beza id repudiat, tanquam argutiam inanem.
 At Cloppenburgius laudat; & ego olim professus sum me utraque manu
 amplexari: quippe quod & genio linguæ conveniat, & doctrinam
 exhibeat utilem. Missus in inferiorem hunc mundum a Patre Filius
 erat ad opus redemptionis in forma servi perficiendum, schemate tam
 vili atque abjecto, ut vermis potius quam homo, nedum gloriosissi-
 mus Dei filius videretur, nisi quod subinde radii quidam Divinitatis

emicarent: cæterum in exaltatione Christi ad cœlestem gloriam coram omnibus declaravit Pater se ipsum pro Filio suo agnoscere, & honore qui tanto nomine dignus sit decoratum velle. Verum hæc non important talem tamve rigidam abdicationem qualem viri Docti urgent, quæ a crucifixione inchoata cum resurrectione præcise desierit.

XV. Non
fuit necesse
Christum
easdem de-
terminare
pœnas subi-
re quas lu-
ent dam-
nandi.

XV. Nescio an non hæc præfracta qua in exponendis Christi perpeffionibus gaudent verborum durities ex eo profiscatur, quod existiment ita Christum substitutum esse peccatoribus, ut easdem determinate pœnas subire debuerit, quæ nostris cæteroquin peccatis debentur, & quas damnati in suis personis luent. Quam sententiam prolixè tuetur *Ouvendus in Prolegom. ad Hebr. Tom. 2. p. 80. & seq.* Ego vero me cum iis Theologis facere profiteor, qui credunt Patrem a Filio sufficiens quidem & dignum læsa Majestate sua *ἀντὶ τοῦ* exegisse; sic tamen ut non omnis exclusa fuerit *ἐνίκησις*, neque quidquid invenietur in justissimis reproborum hominum pœnis, inventum fuerit in Christi perpeffionibus. Nam nonnulla ex intaminata Christi sanctitate, ex pacto inter ipsum & Patrem, denique ex Divinæ personæ dignitate, in perpeffionibus Christi animadvertenda sunt, quibus nullus in æterna damnatorum miseria locus est.

XVI. Ma-
gna est in-
ter utras-
que diver-
sitas.

XVI. Dum impii homines frementes frendentesque, ac Diabolica rabie adversus Divinam justitiam furentes, irrogatas sibi pœnas subire coguntur, eo graviores, quod frustra obnitendo se misere fatigant, & quod conscientiæ, scelera continuo exprobrantis, non morituro vermi rodantur: Christus ex sanctissimo gloriæ Divinæ amore afflictiones suas, quamvis gravissimas, sponte subivit, infusum mixtumque sibi calicem cum placida voluntati Paternæ submissione hausit, gnarusque nihil sibi ob sua accidere crimina, conscientiæ integræ serenitate fruitus est. Improbis præfractæ legis rigor, & peremptoria inexorabilis judicis sententia, qua ad inevitabiles æternosque cruciatus damnati sunt, continuo ob oculos versans, horribili desperatione tormentorum diritatem insanum quantum auget. Christi vero sagax constansque fides, certissimas Patris promissiones de immenso pondere æternæ gloriæ, atrocissimos quidem, sed brevis temporis dolores, mox consecuturæ, identidem sibi repræsentans, animum ad eos alacriter ferendum addidit, in vehementissimo luctæ ardore victoriæ securum.

XVII. Qua
tamen Chri-
sti *ἀντὶ τοῦ*
nihil deira-
bitur.

XVII. Neque hæc, quæ evidentissimæ veritatis sunt, asserendo, quidquam de pretio passionum Christi demimus: quod non ex sola earum diritate, uti nec ex duratione, sed & ex patientis personæ dignitate æstimandum est; quandoquidem in talibus Divini Servato-
ris

ris nostri doloribus sufficiens, & electorum debitis æquivalens, λό-
γος est.

C A P. IV.

An Christus suscipiendo electorum peccata, & pro iis justitiæ
Divinæ satisfaciendo, electis salutem æternam absolute me-
ritus sit.

*I. Vis futura satisfactionis Christi, quoad salutem electorum, eadem est qua
facta. II. Perperam asseritur Christum salutem esse meritum, sub con-
ditione, ab hominibus præstanda III. Quoniam salutem absolute ele-
ctis meruit cum omnibus quæ ad eam præquiruntur. IV. Quod pro-
batur ex 2. Cor. v: 19. V. Et ex jure quod Christus sibi in electos pe-
perit. VI. Et ex potenti voluntate eos sibi vindicandi. VII. Denique
ex eo quod & remissionem peccatorum, & fidem & sanctificationem
suis meruerit.*

I. AD quintam nunc controversiam transeo, quæritur quid Christus *I. Vis futu-
ra satisfactionis Christi, quoad salutem electorum, eadem est qua
facta.* illa peccatorum nostrorum in se translatione & a se susceptione ele-
ctis impetraverit. Fructus atque effectus hujus rei bifariam considerari
potest, vel ante, vel postquam Servator peccata nostra tulit in corpore
suo in ligno. Pro certo autem tenendum est, tantam fuisse transla-
tionis istius efficaciam, ut valuerit etiam ad ἀπολύτρωσιν τῶν ἐπὶ τῇ
πρώτῃ διαθήκῃ παραβάσεων Heb. ix: 15. atque illius solius intuitu ser-
vati sint, quotquot sunt servati, ab omni retro antiquitate. Quum
enim sciret Deus Filium suum expromissorem bonæ fidei esse, & actua-
lis solutio sapientissimo Divinæ voluntatis consilio ad temporis pleni-
tudinem dilata esset; quoad salutem electorum gratiamque ad salutem
necessariam, tantundem valuit solutio certo futura, quantum nunc va-
let solutio actu præstita. Atque hætenus quidem si rei summam, &
ut nunc solemus loqui, essentiam spectemus, nullum in temporum
diversitate discrimen est: ejusdem salutis æternæ æque participes pro-
pter unicam Christi satisfactionem veterimarum ætatum fideles facti
sunt, atque illi qui post Christum consummatum vixerunt. Quamvis
si hujus vitæ gratiam attendamus, secundum extensionem & intensio-
nem, aliasque circumstantias, Deus de nobis potius quiddam providerit,
ne sine nobis consummarentur. Heb. xi: 40.

II. Quum tamen gatia Christi salutifera prolixius & explicatius
tradatur in Evangelio consummationis quam promissionis, ægedum vi-
deamus.

H h h h 2

deamus,

*sum salu-
tem esse
meritum,
sub condi-
tione, ab
hominibus
præstanda.*

deamus, quis fructus ex consummata Christi obedientia ad electos redundet. Atque hic assensum a me nullo modo impetrant quibus placet Christum peccatorum nostrorum susceptione & pro iis solutione, nostri cum Deo reconciliationem, atque adeo salutem æternam, meritum duntaxat esse sub conditione: ut tum demum meritum istud effectum in nobis suum habeat, si credamus; sic ut salutis nostræ possibilitas a Christo impetrata sit, salus autem ipsa a Deo ut supremo Domino, quibus visum est, & iis conditionibus, quas præscribere volet, impertienda restet.

*III. Quo-
niam salu-
tem absolu-
te electis
meritis cum
omnibus
qua ad eam
prærequi-
runtur.*

III. Ego sacrarum inductus auctoritate literarum, digniusque Christi *λύτρον* pretium statuens, sic credo: Jus ad omnia gratiosi testamenti bona cunctis simul electis Christi satisfactione partum esse, eatenus ut salva veritate & iustitia sua, salvo fœdere quod cum Filio pepigit, non possit Deus quenquam electorum addicere exitio, aut excludere possessione salutis; imo declaraverit, præstita a Filio, & accepta a se satisfactione, nihil electis aut patiendum aut faciendum restare, quo sibi immunitatem a pœna, aut jus ad vitam comparent: sed id unicum superesse, ut, suo singuli tempore, parto sibi per Christum jure, & possessione ex isthoc jure, gaudeant.

*IV. Quod
probat
ex 2. Cor.
v: 19.*

IV. Atque illud est quod Apostolus dicit 2. Cor. v. 19. *Deus erat in Christo mundum reconcilians sibi, non imputans ipsis offensas eorum.* Hoc est, quum acceptaret Deus oblationem Filii sui, in mortem se tradentis pro suis, eodem tempore in gratiam recepit, non modo reliquias Israelis quæ secundum electionem sunt, sed & quasvis gentes ac familias terræ, quæ alias in malo jacebant; declarans sibi pro peccatis ipsorum esse satisfactum, neque illa posthac imputatum in ad condemnationem, vel seclusionem a salutifera sua gratia.

*V. Et ex
jure quod
Christus si-
bi in electis
peperit.*

V. Dubium non debet esse, quin impetraverit sibi Christus jus in omnes electos, quod & lubens meritoque ipsi largitur Pater. Ps. 11:8. *Pete a me & dabo gentes hereditatem tuam.* Hoc est Christi *מַעֲלָה* opera pretium apud Deum suum, ut non modo custoditos in Israël reduceret, sed ut salus Dei sit usque ad finem terræ. Jes. XLIX: 4, 6. Utique ex promisso Jes. LIII: 10. *Si posuerit se anima ipsius victimam pro reatu, & dabit semen.*

*VI. Et ex
potenti vo-
luntate eos
sibi vindicandi.*

VI. Fieri non potest ut Christus nolit uti jure isthoc suo, quod tam care sibi acquisivit. Quidni enim actu sibi vindicaret, quos tanto pretio emit? Nisi fingamus non posse ipsum id effectum dare, illa humani arbitrii libertate. Enimvero hic infamis multorum naufragio scopulus est. At nos scimus, pollere Christi Spiritum vi flexanima & verticordia, quæ efficere valet, ut hi qui hætenus Diaboli fuere

fuere mancipia „ nunc lubentes Christum pro Domino recipiant; ei-
que liberrimo & constantissimo voluntatis assensu adhærescant. Ipsum
audiamus Christum : Joh. x: 16. *Alias quoque oves habeo, quæ ex
bac caula non sunt : & illas oportet me adducere : & vocem
meam audient.* Quia oves illæ jure ipsius erant, ideo decebat eum
ipso sibi facto illas vindicare. Et sciebat se id effecturum lubentifica
sua gratia : *Audient vocem meam.*

VII. Accedit quod electis suis impetrasse dicatur, non modo pos-
sibilitatem remissionis peccatorum, sed remissionem ipsam. Mat. xxvi: *que ex eo*
28. Eph. i: 7. neque ea solum lege si credant, sed & tractionem Pa- *quod &*
tris, & gratiam ut credant. Nulla sane benedictione spiritali bene- *remissione et*
dicit nobis Deus nisi in Christo : Eph. i: 3. id est, propter Christi *peccatorum,*
merita. Fidei autem donatio quum ex præstantissimis benedictioni- *& fidem &*
bus sit; Phil. i: 29. & illam nobis propter Christi merita obtingere *sanctifica-*
neceffe est. *Dedit semet ipsum pro peccatis nostris, ut eximeret nos ex*
presenti seculo malo, secundum voluntatem Dei & Patris nostri. Gal. i: 4. *merito.*
Meruit electis salutem, non ea conditione duntaxat, si ipsis lubeat
constantem sanctitati operam dare; sed & ipsam sanctificationem meruit,
ut partem salutis, & quæ illius consummationem necessario antece-
dat. *Dedit semet ipsum pro nobis, ut redimeret nos ab omni iniquitate,*
& purificaret sibi populum peculiarem, accensum studio bonorum operum.
Tit. ii: 14. Adde Eph. v: 25, 26, 27. *Christus dilexit Ecclesiam, &*
tradidit semet ipsum pro ea, ut eam sanctificaret... ut sifteret sibi glorio-
sam. Verum quum hanc rem ex professo alibi exsecutus sim, eo nunc
te, Lector, ablegari patiaris, & adito sodes *Oeconom. Fæd. Dei lib. ii.*
cap. vii.

C A P. V.

An jus æternæ hereditatis electis applicetur, a prima sui nati-
vitate; an vero in sui regeneratione. Et an Deus homini
electo dum in lasciviæ excessu degit nihil magis ad reatum
imputet, quam quando consummatus est in coelis.

I. Inter reprobum & electum ante regenerationem actu nihil interest. II.
Nisi quod ex consilio gratia huic concedantur media salutis, suo tempore
ad regenerationem valitura. III. In qua demum actualis applicatio sa-
lutis est. IV. V. VI. VII. VIII. Ordo salvifica applicationis. IX.
Electus ante sui regenerationem est in statu damnabili.

H h h h 3

I. Circa

I. *Inter reprobum & electum an re regeneratione actu nihil interest.* I. Circa Applicationem partæ per Christum salutis hæc controvertitur. 1. An jus æternæ hereditatis electis APPLICETUR A PRIMA NATIVITATE : & epocha applicationis figenda sit in NATURALI GENERATIONE, qua fiunt homines, non in SUPERNATURALI REGENERATIONE qua fiunt CHRISTIANI. 2. An nihil habeat Deus quod electis ad reatum imputet, etiam tum quando IN OMNI IMPROBITATIS ET LASCIVIAE EXCESSU DEGUNT : non magis, quam postquam vere SANCTIFICATI, imo etiam consummati ac COELO RECEPTI sunt. 3. An electi CHRITO UNIANTUR ANTE FIDEM. 4. An non FRUCTUS solum JUSTITIÆ Christi, sed & IPSA, imputentur electis, sic ut per imputationem istam NON MINUS JUSTI SANCTIQUE evadant, quam est ipse Christus.

II. *Nisi quod ex consilio gratia huic concedatur media salutis, suo tempore ad regenerationem vobiscum.* II. Et has ego controversias, quantumvis ingentes primo intuitu videantur, simplici & aperta veritatis declaratione dirimi posse confido. Ac primam quidem quod attinet, quid si ita rem concipiamus? Postquam Christus Divinæ justitiæ satisfecit, in universum etiam declaravit Deus non fore unquam ut ab ullo electorum satisfactionem in propria persona exigat : atque ita omnibus simul electis partum est jus immunitatis. Cæterum illud universale omnium electorum jus nemini in specie prodest, donec ei applicetur. Per electionem qua talem, nulla fit applicatio. Electio enim est actio Dei immanens, cujus proprius effectus est certitudo eventus. Hæc est ratio omnium decretorum Dei ut per se nullam inferant mutationem in subjecto : sed omnis actualis rei existentia per omnipotentem decreti executionem est. Executio decreti, est productio rei decretæ illius voluntatis qua jussit Deus ut res eo temporis momento existeret ; voluntate æterna tunc demum exeunte in actum illum quo res existit. Ergo ex electione ad gratiam & gloriam id duntaxat sequitur, ut homo, ita electus, statuto tempore ad gratiæ & gloriæ participationem admittatur. Antequam illa temporis ad executionem destinati plenitudo venit, electio Dei nullam realem mutationem in homine electo importat : qui ante sui regenerationem, æque ac reliqui quotquot sunt mortales, est in præsentī seculo malo, in regno & potestate tenebrarum, mortuus in peccatis & offensis, alienatus a vita Dei, filius iræ sicut & reliqui hostis Dei, laqueo Diaboli captivus ad ipsius libitum, metu mortis damnas servitutis, subjectus execrationi legis, extraneus quod promissiones pactorum attinet, absque Deo, absque spe in mundo, ut Scriptura passim loquitur. Atque hætenus inter electum & reprobum actu nihil interest : nisi quod, ut dictum, virtute electionis Dei, & satisfactionis Christi pro ipso, ex misero illo statu statō tempore certo liberatur.

liberandus sit; dum reprobi, quibus salus neque destinata a Deo neque parta per Christum est, æternum in misero suo statu mansuri sunt.

III. Executio autem electionis considerari potest bifariam. Et primo quidem respectu actionum quarundam externarum, quæ ex rei demum quidem natura nullum certum cum salute nexum habent, ideoque & actualis circa reprobos quandoque exercentur; ex Dei tamen destinatione circa hunc singulatim hominem, ad promovendum paullatim in ipso opus gratiæ, directæ sunt. Quum enim Deus electos complectatur amore benevolentiae singularis, exituro olim in amorem complacentiae, concedit iis media salutis, facitque ut audiant præconium Evangelii, dehortationes a vitiis, exhortationes ad officia virtutis, informationem de veritatibus salutaribus, quas naturali suo intellectu quodammodo perceptas infigant memoriæ, olim ad sanctificationem profuturas: accedente interim interna aliqua illuminatione mentis, & stimulatione voluntatis ad bonum, quamvis utraque evanida, & necdum salutari: atque illud omne ea intentione ut suo tempore per ista media efficaciter convertantur. Hæc omnia quum proficiantur ex consilio gratiæ, merito quoque ad electionis executionem referuntur: & quum fructus sint meritorum Christi, ad partæ gratiæ applicationem quodammodo pertinent; & sunt quasi molimina quædam illius qui id quod suum est vindicare sibi occipit. Quamvis non nisi tenuia quædam applicationis initia sint, quibus nondum Christo inferuntur electi.

IV. Succedit dein consummatio executionis ad gratiam, & solidior partæ per Christum gratiæ applicatio, eo momento quo electi, efficaciter vocati, ex semine incorruptibili sermonis Dei vivi & manentis in æternum, cooperante Spiritu vitæ, regenerantur, principio novæ ac spiritualis vitæ donantur, Christo actualiter uniuntur, ereptique ex potestate tenebrarum transferuntur in regnum dilecti Filii Dei.

V. Ordinem internæ hujus ac vere salvificæ applicationis a primo sui exordio, multis gradibus ad perfectam beatitudinem enitentis, in hominibus adultis, de quibus nunc solis loquimur, hac fere nobis ratione Scripturarum repræsentant oracula. Quamprimum hora gratiosæ visitationis, singulis electis certissimo Dei statuto præfixa, advenit, homini electo, sub prædicatione Evangelii degenti, repente ex appulsu vel influxu Spiritus Christi, mystice sibi animam unientis infunditur spiritualis vitæ principium, cujus actualitas primum exferere se incipit in intellectu insolita luce collustrato. Quemadmodum enim in veteri creatione, ita & in hac renovata, initium a luce est.

Quo-

Quoniam Deus, qui dixit ut e tenebris lux splenderet, splenduit in cordibus nostris ad lucem notitiæ. 2. Cor. IV: 6.

VI.

VI. Mox atque illuminatos illos mentis oculos homo electus aperit, cernere incipit generatim quidem dogmatum Evangelicorum veritatem, sed & specialius ad se ipsum reflectens, deprehendit quantum sit peccatorum suorum innumerabilium foeditas atque atrocitas, quantum divinæ justitiæ rigor, quam exigua vel nulla potius sua cunctarumque creaturarum ad miseriam suam sublevandam facultas. Fieri non potest quin hinc oriatur compunctio animi, dolor de commissis peccatis & offenso Deo, desperatio de se ipso & creaturis cæteris, denique anxium illud votum, *arummosum me hominem! quis me liberabit!*

VII.

VII. Trepidanti ad hunc modum animo conspiciendum se præbe benignissimus Sospitator Jesus, cum omni gratiæ ac gloriæ suæ abundantia, quam sponte ac liberaliter omnibus eam desiderantibus offert; nec offert solum, sed & ad eam amplectendam comiter invitat ac patheticè obtestatur, interimque Spiritus sui arcana efficacitate interiora cordis penetrans mentem simul ac voluntatem blanda vi pellicit: quo fit ut anima cœlestis hujus lucis jubare circumfusa, itaque pella, toto nisu Jesum in suum recipiat Servatorem, & inæstimabile hoc donum ista sua receptione ratum & irrevocabile faciat. Hæc est illa fides electorum Dei, cujus laudes toties sacræ literæ deprædicant.

VIII. Ordo
salvificæ
applicatio-
nis.

VIII. Quumque ea in receptione Christi consistat; palam est, tum demum Christum non jure modo, sed & possessione nostrum esse, ubi eum fide accepimus. Eum accipientes accipimus pariter, & accipiendæ nostram facimus, omnem illam quam pro nobis implevit justitiā: quæ arcano Dei consilio in nostras olim quidem relata rationes est, sed re ipsa ad possessionem offertur in efficaci vocatione, & possidetur cum salutari fructu postquam accepta est per fidem.

IX. Electus
ante sui re-
generatio-
nem est in
statu dam-
nabili.

IX. Porro mox atque justitia illa Christi per fidem nostra facta est, propter eam justificamur: hoc est, declarat Deus cum singulari ad personas appropriatione, nos nunc ex statu iræ transivisse in statum gratiæ, & pro eo quod nuper hostes eramus, nunc esse ei reconciliatos, & amicos factos; gavisuros posthac salutari suo favore. Hic est ille applicationis ordo, quem sacræ literæ ipsaque rei evidentia docent. Unde consequitur, hominem electum, ante sui regenerationem, dum luxuriæ, lasciviæ, omnibusque pravis cupiditatibus se mancipat, in via perditionis atque exitii esse, & in suis istis criminibus Deo obversari ut odiosum, abominabilem, omnique ira ac maledictione dignissimum, neque fieri ullo pacto posse ut imminentem iram evadat, si ea scelerum via grassari obstinato animo pergat. Enimvero
multo

Multo tutius sanctiusque est homini quam maxime electo hæc & quæ his similia severa oratione ingerere, ut terrore illo Domini permoveatur ad fidem, quam ista persuasione imbuiere, modo electus sit, etiam si sceleratissime vivat, nihil tamen esse quod ei magis imputet Deus quam si jam cælo receptus foret. Numero dicam: talis electus revera est in statu damnabili; non solum in foro suæ conscientiæ, sed & in foro Dei, cui forum conscientiæ nunquam debet esse contrarium. Tum demum a damnatione, quoad suam personam, absolvitur, quando incipit esse in Christo, non secundum præscientiam Dei, sed actuali unione per Spiritum. Ad illud usque tempus fuit sub lege peccati, & mortis; tunc incipit esse sub lege Spiritus vitæ in Christo Jesu. Rom. viii: 1, 2. Hæc perpetua est & constans Scripturarum doctrina, a qua ne specie quidem aliqua verborum recedendum est.

C A P. VI.

An electi Christo uniantur ante fidem, & an non fructus solum justitiæ, sed & ipsa, electis imputetur.

I. II. III. IV. Varii modi aut gradus unionis electorum cum Christo, ante & post fidem. V. Ipsa Christi justitia imputatur fidelibus. VI. Sicuti Adami peccatum suis posteris. VII. Etiam Christi sanctitas imputatur. VIII. Sano sensu dici posset, fideles perfecte justos & sanctos esse in Christo. IX. Et quia justus est per justitiam Christi, aequè justos esse ac ipse Christus. X. Non abludente Catechesi Palatina.

I. QUæ si rite attendantur, non erit difficile explicatu, *an & quo modo electi ante fidem Christo uniti sint, vel non sint.* Nimirum ^{modi aut gradus unionis electorum cum Christo, ante & post fidem.} uniti sunt Christo. 1. In æterno Dei decreto; quod tamen nihil infert, nisi unionem actualem suo tempore esse futuram: ut demonstratum supra est,

II. Unione confederationis æternæ, qua Christus a Patre constitutus est caput omnium servandorum, eorum personam repræsentaturus, unde factum est, ut, Christo obediente jussibus patris, & patiente pro iis, ipsi in Christo obedivisse, & passi esse, Divina reputatione censeantur. Hæc tamen omnia non obstant, quo minus in se ipsis considerati, ante sui regenerationem, pro præsentis isthoc statu, longe a Deo Christoque remoti sint. Eph. i: 13.

Tom. II.

I i i

III. Vera

Quoniam Deus, qui dixit ut ex tenebris lux ab ipsorum parte duntaxat
diab. nostris ad lucem notitia. 2. Cor.

VI.

VI. Mox atque illuminatos Spiritus Christi eos primum oc-
 rit, cernere incipit generati-
 tatem, sed & specialius a-
 sit peccatorum suorum
 tus divinæ justitiæ
 que creaturarum
 potest quia
 cati & off-
 que anxi-

VII.

V.

ben:

d-

Ab ipsorum parte duntaxat
 Spiritus Christi eos primum oc-
 rit, cuius vitæ initium aliunde
 Spiritu Christi; qui id animæ, sed
 ratione vitæ spiritualis, quod anima
 animalis & humanæ. Quemadmodum ita-
 ordine naturæ prior est vita hominis; sic
 & animæ prior est vita Christiani. Porro,
 ex principio spiritualis vitæ emanans, palam est,
 quod homo electus vere & realiter Christo uni-
 fide.

V. De imputatione justitiæ Christi ad perfectam justitiam, hæc ex
 Scriptura didici. Quemadmodum nostra peccata imputata sunt Chri-
 sto, quod supra probavimus, ita ipsa Christi justitia, sive obedientia
 quam præstitit Patri in perfectissima vitæ sanctitate, & voluntariis per-
 passionibus, nobis imputatur. Evidens est, *Christi justitiam* in Scrip-
 turis *nostram justitiam* dici. Nostra autem esse deberet, vel *inhabere*,
 per transfusionem quandam, qua habitus sanctitatis & justitiæ Christi
 nostræ animæ habitus fierent, qualis transfusio habituum absurda est
 & impossibilis; vel *per imitationem*, ut ei conformem justitiam ipsi
 præstemus: at isto sensu nostræ illam opponit Paulus Phil. 111: 6.
 vel denique *per imputationem*, sic ut nostra non minus censeatur, quam
 si a nobis esset præstita. Quum ergo duo priores illi modi, quibus
 justitia Christi nostra fieri posset, a ratione prorsus alieni sint, solus
 hic tertius restat: *Deo imputante homini justitiam sine operibus.* Rom. 11: 6.

VI. Sicut
 Adami pec-
 catum suis
 posteris.

VI. In confesso, nisi fallor, Orthodoxis omnibus est, ita cre-
 dentibus ad justificationem imputari justitiam Christi, quomodo ho-
 minibus ad condemnationem imputatur peccatum Adami: id autem
 ita imputatur, ut *omnes in ipso peccasse* dicantur. Sic & nos dicimur
 esse non justi modo, sed & mera *justitia*, neque solum justitia, sed &
 JUSTITIA DEI in Christo.

VII. Etiam
 Christi san-

VII. Porro justitia Christi consistit partim in perfectissima vitæ
 sanctitate, partim in passionibus & morte. Totam autem justitiam
 Christi

Christi nostram esse oportet, si ad justificationem nobis suffectura sit. *Et ita im-*
 ergo & sanctitas Christi nostra est; eo adpectu quatenus consumma-*putatur.*
 sanctitas requiritur ad jus beatitudinis. In Christo itaque justus &
 sanctus sumus, non nostra personali aut inhærente justitia & sanctitate,
 ea quæ Christi est, & nostra fit per imputationem.

VIII. Porro quum justitia illa & sanctitas Christi omnibus mo-*VIII. Sano*
 perfecta, eademque nostra sit, illius intuitu non male dicitur nos *sensu dici*
 Christo perfecte justos & sanctos esse, & quid ni licet addere? non *posset, fide-*
 us quam ipse Christus. Quamvis Christo soli præstitæ perfectæ *les perfecte*
 sanctitatis laus conveniat; nequaquam nobis, qui natura perditis pec-*sanctos esse*
 catores sumus, & gratiæ adjumento non nisi e longinquo ad perfe-*in Christo.*
 ctionem adspiramus.

IX. Probe secernenda sunt ea quæ ad justificationem ab iis quæ *IX. Et quia*
 ad sanctificationem pertinent. Si quis eo se in virtutis ac sanctimo-*justi sunt*
 niæ studio profecisse jactaret, ut summum illius apicem non minus *per justiti-*
 quam ipse Christus attigisset, is non mendacii solum & intolerabilis *am Christi,*
 arrogantiae, sed & insaniae & blasphemiae, merito ab omnibus postu-*æque justos*
 laretur. Sed quod fideles nequaquam in se ipsis sunt, id sunt in Chri-*esse ac ipse*
 sto. Nulla justitia est quæ Divini tribunalis severitatem sustinere queat,
 nisi quæ numeris omnibus est absoluta. Talis est sola justitia Christi.
 Quæ, virtute sponsonis ipsius pro electis credentibus, & unionis ele-
 ctorum cum ipso, electorum justitia fit. De qua quum omnes electi
 ex æquo participant, omnes etiam eadem perfectissima justitia Chri-
 sti perfectissime justos esse necesse est, æque ac ipse Christus; quum
 justitia electorum sit ipsissima Christi justitia: hoc solum discrimine,
 quod quæ Christi est, quia ab ipso præstita, ea nostra est, quia no-
 bis imputata.

X. Certe Paulus non veretur dicere, *nos esse in Christo completos.* *X. Non*
 Col. 11: 10. In quem locum *Davenanti* illud *Chrysostomi* laudat ex *abludense*
Homil. xvii. in x. ad Rom. Quod si Christo credideris & legem implesti, *Catechesi*
& multo plura quam ea præceperat; multo siquidem majorem jam accepisti *Palatina.*
justitiam. Græca Chrysostomi paullo altius repetita sic habent:

Μὰ τοίνυν φοβηθῆς, φησιν, ὡς τὸν νόμον παραβαίνων, ἵπειδὰν τῇ πίσει προ-
 σῆλθες· τότε γὰρ αὐτὸν παραβαίνεις, ὅτε δὲ αὐτὸν τῷ Χριστῷ μὴ πιστεύσης. ὡς
 εἰ πιστεύσης αὐτῷ, κακέινον ἐπλήρωσας, καὶ πολλῷ πλέον ἢ ἐκέλευσε· πολλῷ γὰρ
 μείζονα δικαιοσύνην ἔλαβες. Neque abludit *Catechesis Palatina* ad *Quæst.*

LX. Ita mihi perfecta satisfactio & sanctitas Christi imputatur ac donatur,
 PERINDE AC SI NEC ULLUM IPSE PECCATUM ADMISISSEM, nec
 ulla mihi labes inhæreat. Imo vero quasi eam OBEDIENTIAM, QUAM
 PRO ME CHRISTUS PRÆSTITIT, IPSE PRÆSTITISSEM,

CAP. VII.

De essentia Fidei.

I. Quatuor controversia de Justificatione, II. Status prima controversia. III. Distinctio fidei ; vel ut est in idea , vel ut est in subiecto. IV. In idea , est firmissima persuasio de meo ad Christum omniaque beneficia salutaria jure. V. Ea mente definitur a Catechesi Palatina. VI. Fides tamen ista gradus potius roborata fidei est quam illius essentia. VII. Quippe quae non in omnibus semper fidelibus inveniatur. VIII. Facientibus etiam iis qui fidem per certiorationem de remissis peccatis definiunt. IX. Chamierus laudatus. X. Molinaus. XI. Perkinsus. XII. Et Davenantius.

I. Quatuor I. controversia de Justificatione.

ATque hac quidem via sensim nos ad Justificationis doctrinam deductos esse comperimus. Circa quam hæc potissimum inter Fratres, quibuscum nunc nobis res est, controverti video. I. An essentia Fidei justificantis consistat in interna & firmissima *persuasio* sive *πληροφορία*, QUOD CHRISTUS MEUS SIT, & quod peccata mea omnia certo mihi per Christum remissa sint. II. An Fides in Justificatione consideretur ut JUSTIFICATIONIS jam factæ *indicium* & argumentum, an ut CONDITIO a Deo ad JUSTIFICATIONEM PRÆREQUISITA, an ut INSTRUMENTUM quo Christi justitiam apprehendo. III. An DOLOR de admissis peccatis, POENITENTIA ac RESIPISCENTIA, ut CONDITIO aliqua DISPONENS, peccatorum remissionem *antecedant*. IV. An OMNIA PECCATA, non PRÆTERITA modo, sed & FUTURA, credentibus in Justificatione ita simul ac semel remittantur, ut Deus in justificatis *nullum* amplius *peccatum videat*, ut nulla peccati *deformitas*, nullus *reatus*, nullum *onus* iis incumbat, ut nullum quantumvis grande peccatum VERE IIS NOCEAT, ut Deus nullo eorum crimine OFFENDATUR, ut neque *humiliatione*, neque *confessione*, neque *precibus* ad recens admissi peccati veniam consequendam *indigeant*; ut denique MOX POST ADMISSIONEM PECCATI *æque certi sint veniæ*, QUAM POST HUMILIATIONEM *accuratissimam*.

II. Status prima controversia.

II. Incipiamus a prima controversia: & inquiremus qua in re *essentia fidei justificantis* consistat. Sunt qui eam definiant *interna ac firmissima persuasio*, quod *Christus meus sit*, & quod *peccata mea omnia certo mihi propter Christum sint remissa*. Aliis id minus caute atque accurate dictum esse videtur.

III. Mea

III. Mea sic est ratio : fidem bifariam considerari posse , vel uti *III. Distin-*
est *in se* & in idea , ut loquuntur , vel uti est *in subiecto*. Priori in-
tuitu est virtus præstantissima delineata Evangelio , ad cuius perfectio-
nem hominem quemque Christianum eniti decet. Posteriori respectu
sæpe debilis admodum crassisque involuta nebulis in fidelibus invenitur. *subiecto.*

IV. Si fidem in idea attendamus , constans Ecclesiæ Reformatæ, *IV. In idea,*
& Scripturis consona , sententia est , eam non solum consistere in
αληθοφωρίᾳ firmissimæque persuasione de veritate Evangelii generatim, *est firmissi-*
sed & speciatim de meo ad Christum omniaque beneficia salutaria jure. *ma persuasio*
Idcirco operam dandam esse cuivis Christiano ut semetipsum cogno- *de meo ad*
scat in fide & in Christo esse , & dicere cum Paulo queat : *Christum*
Christus , & vitam quam nunc vivo in carne , vivo per fidem filii Dei,
qui dilexit me , & tradidit semetipsum pro me : novi cui crediderim , &
mibi persuasum est eum posse depositum meum in illum diem custodire : nam
mibi persuasum est , neque mortem neque vitam neque ullam rem aliam
conditam posse nos separare a charitate Dei , qua est in Christo Jesu Do-
mino nostro. *beneficia sa-*
lutaria
jure.

V. Hac mente Catechesios Palatinæ auctores, cum innumeris aliis *V. Ea men-*
nostræ communionis Theologis, dixerunt, fidem *non esse tantum cer-*
tam notitiam , qua firmiter assentior omnibus qua Deus nobis in verbo suo
parefecit , sed etiam certam fiduciam , a Spiritu Sancto , per Evangelium
in corde meo accensam , qua in Deo acquiesco , certo statuens , non solum
aliis , sed mihi quoque , remissionem peccatorum , æternam justitiam & vi-
tam donatam esse , ex Dei misericordia , propter unius Christi meritum. *ta definitur*
a Catechesi
Palatina.

VI. Sed quamvis fiducia istiusmodi ad fidem omnino pertineat, *VI. Fiducia*
gradum tamen fidei eminentissimum , ad quem non nisi præviis mul-
tis fidei actionibus scandatur , potius esse existimo , quam ut ipsa fi-
dei essentia in ea collocetur. Hic enim naturalis , ut ita dicam, fidei
processus esse videtur , ut anima credens mysterium Dei & Christi in
lumine gratiæ intueatur , mox illius veritatem , propter auctoritatem
testificantis Dei , pleno assensu agnoscat ; tum porro veritatem istam
amet , in ea exsultet Deumque glorificet : impense quoque commu-
nionem Christi desideret , ut ea quæ vera sunt in Christo sibi quoque
ad salutem vera sint ; idcirco Christum , quando & quo modo sibi in
Evangelio offertur , summa lubentia accipiat , illi innitatur , in illum
se reclinet , illi se tradat ac mancipet : & demum post hæc omnia,
comperta nunc mutua sui cum Christo unione , Christum suum esse
glorietur , in eo quam jucundissime delicias.

VII. Ecquis dubitat , quin hæc desiderabilis quædam fidei valde *VII. Quip-*
roboratæ perfectio sit , digna ad quam omnes toto animi nisu conten-
damus, *pe que non*
in omnibus

semper fidelibus innotescatur. damus, & quam Apostoli atque Apostolici viri, & chari Deo martyres, aliique quibus insignior Spiritus mensura indulta est, revera consecuti sunt, cujus denique exempla ne nostro quidem tempore defuerint: imo quam credibile est Deum, parcius aut uberius, plerisque electorum suorum aliquando saltem in hac vita concedere. Nequaquam enim omnibus fidelibus contingit illud jucundissimæ sanctissimæque gloriationis culmen ita conscendere, ut in eo securi lætique continuum ævum agitent. Quod fieri tamen oporteret, si quidem in fiducia istius *παρρησία καὶ πληροφορία* ipsa fidei essentia consisteret: quam ego potius in receptione Christi ut Servatoris & Domini, animæque ad eum refugio collocaverim. Optime confessio Anglicana Anni 1645.

Fidei præcipui actus sunt acceptare & recipere Christum, & in eo solo acquiescere ad justificationem, sanctificationem & vitam æternam virtute Fidei Gratia.

VIII. *Fa-*
sensibus
etiam iis
qui fidem
per certio-
rationem
de remissis
peccatis de-
finiunt.

VIII. Ipsi illi Theologi qui fidem per istiusmodi certiorationem de remissis peccatis definiunt, observant tamen, non in omnibus eam credentibus semper inveniri.

IX. *Cham-*
mierus lau-
damus.

IX. *Chamierus* ex iis est qui docent, fideles scire per fidem, non tantum universali, vel potius indefinita quadam notione, aliquos salvos futuros; vel salvos futuros eos qui crediderint; sed etiam particulari se ipsos salvos futuros, quia credant. Atque adeo hanc applicationem subministrare differentiam fidei veræ justificantis a fide historica. Addit, hanc scientiam conjunctam esse cum certitudine; sed cujus mensura non sit alia quam fidei. Itaque perfectæ fidei perfectam esse certitudinem; imperfectæ, imperfectam. *Sed quomodo*, inquit, *naturam fidei describentes, non debemus hære in singularum personarum defectibus; ita & in hac certitudine. Quomodo ergo pronunciamus, fidei opponi non tantum rei creditæ falsitatem, sed etiam personæ credentis διαγών, quamvis nemo sit, quamdiu est in hac vita, adeo provelsus, ut non exeat prece, Marc. IX. Credo, Domine, succurre incredulitati meæ: omnino similiter in hoc negotio. Fidelis est, certo statuere se per fidem salvum fore; neque fidem esse, nisi ita statuatur: etsi verum sit, ex sensu carnis, propriaque infirmitatis alios sensus suggeri, quibus concutiat eam ejusmodi certitudo: adeo ut videatur nonnunquam in ἀπιστία degenerare. Sed enim in eis etiam, ut in aliis temptationibus περιπατοῦμεν. Hæc gravissimus ille Theologus, qui paucis interpositis, subjungit: Absit ut adeo ignoremus humanam infirmitatem, quam negamus unquam omnino nullam esse in quantumvis regnito, ut fidem ponamus extra omnes temptationis sensus. Sentis, sentit illi profecto, nec raro, miros motus ab indignitate sui, a mundo, a satana: & ita sentit, ut non possit non affici, atque adeo vacillare, & ferme despo-*
rabam

*rabunda similis esse. Sed eadem aliquando luctata, eluctatur denique. Itaque nunquam desperat. Laxius dixi, quod ne ipsi quidem negent Pa-
pistæ. Dico ergo amplius: nunquam non credit: nunquam non certo cre-
dit, suam esse salutem; nimirum quia credendo pugnat, credendo vincit.*
Hæc Chamierus *Panstr. Tom. III. lib. XIII. cap. I.*

X. Chamiero jungatur *Petrus Molinaus*, qui, postquam pluribus X.
egisset de illa persuasionem qua quis promissiones Evangelii sibi applicat, Molinaus.
credens peccata sibi propter Christum esse condonata, eleganter in hæc
verba fatetur: *Non tamen hæc eo pertinent ut albo fidelium expungantur,*
quotquot hanc fidei πληροφορίαν nondum sunt affecuti, quam Deus non dat
omnibus eodem tempore, nec mensura. Sed ut doceamur, hanc fiduciam
a Deo juberi, & ab ipso enixe petendam esse, & toto conatu in id incum-
pendiam, ut precibus & bonis operibus roboretur & crescat. Adde, quod
infirma fidei, sed non simulata, suus est locus: etiam lippientibus oculis
cernitur via. Nec qui serpentis anei aspectu sanabantur pariter erant per-
spicaces. Hæc *Molinaus Disput. de Fid. Just. Part. II. Thef. xxxix.*

XI. Prudentissime etiam animadvertit *Perkinsius* in *Catholico suo XI. Per-*
Reformato Controv. xvi. De Fide implicita; dextre declarandam esse kinfius.
Catechismorum quorundam institutionem, qui fidem in summo & per-
fectissimo gradu definire videntur, dum eam dicunt esse certam men-
tis persuasionem de amore Dei & favore erga nos in Christo. *Nam*
licet, inquit, omnis fides ex natura sua certa sit persuasio, sola tamen per-
fecta persuasio est firma & consummata fides. Proinde debebat fides defi-
niri, non solum in genere & gradibus summis; sed etiam varii ejus gradus
& mensura declarari, ut & qui infirmi sunt vere & recte de suo statu
possint edoceri. Neque dubito quin & ipsi quoque id fassuri sint Fra-
tres, qui cæteroquin in extremis versari, & rigidas atque hyperbo-
licas locutiones amare videntur.

XII. Concludo verbis *Davenantii*, quibus vix clarius quicquam XII.
atque accuratius dici potest, & in quæ omnes consentire ex animo Et Daven-
optem. *Fiducia, inquit, vocabulum duo designat. Ipsum actum inni-* nantiur.
tendi & adharendi Jesu Christo, quo quasi ambabus ulnis Christum ample-
ctimur, & per eum actum veniam, gratiam & gloriam conamur obtinere
a Deo Patre: atque hunc putamus esse illum actum ad quem semper sequi-
tur justificatio, id est, absolutio a peccatis, & acceptatio in gratiam favo-
remque Divinum: sive peccator illo ipso primo momento πληροφορίαν concipiat
obtentæ remissionis, sive non. Solet etiam aliquando fiducia denotare
consequens effectum fidei justificantis, nempe plenam persuasionem & quasi
vividum sensum remissionis impetratæ & obtenti favoris Divini. Fatemur
hanc fiduciam non esse fidem justificantem, sed fidei justificantis filiam: ad
quam

quam anima non nisi post multa fidei & sanctitatis exercitia solet emitti. Hæc venerabilis iste doctissimusque Sarisburiensium Præsul, magna olim Dordracenæ nostræ Synodi pars, in libro cui titulus est, *Determinationes quarundam questionum Theologicarum. Quest. xxxvii.*

C A P. VIII.

Quam *σχέσις* fides ad Justificationem habeat.

I. An fides sit justificationis causa quædam, an jam facta indicium. II. Ill. IV. V. Justificatio varios habet articulos, quorum aliqui fidem antecedunt. VI. Alii fidem sequuntur. VII. Ordinarie Scriptura justificationem describit ut fructum fidei. VII. An fides in justificatione sit conditio succedens in locum perfectæ obedientiæ. IX. Ea sententia ex Evangelio facit novam legem. X. Quatuor illius errores. XI. Sententia D. W. XII. Eorumque qui libro ipsius subscripserunt. XIII. Quia via sternitur ad concordiam.

I. An fides sit justificationis causa quædam, an jam facta indicium. **C**OMmodus hinc nobis ad eam questionem transitus est, quam *σχέσις* fides in justificationis negotio habeat; an ut illius faciendæ causa quædam, an ut jam facta indicium atque argumentum. Plurimum hæc a se invicem distare videntur, si vocum sonos attendamus; at multo minor apparebit controversia, ubi res ipsa, verborum ambiguitate evoluta, nuda se oculis objicit, simulque patebit quorum locutiones Scripturæ stilo magis sint consentaneæ. Quod hac ratione effectum dare conabor.

II. Justificatio varios habet articulos, quorum aliqui fidem antecedunt. **II.** Justificatio est absolutio a peccatis. Absolutio a peccatis est declaratio, Divinæ justitiæ pro iis a Sponsore esse satisfactum. Ea declaratio importat, ut peccata pro quibus satisfactum est non imputentur electis peccatoribus ad condemnationem, sed imputetur iis satisfactio Sponsoris ad justitiam. Imputatio justitiæ Sponsoris varios habet articulos: & vel ad omnes electos generatim refertur in unum corpus mysticum coactos, vel ad singulos. Nam, quod aliquoties nunc inculcatum est, moriente Christo, Deus totum electorum suorum mundum simul sibi reconciliavit, pronunciavitque, se non imputaturum iis offensas suas, atque id propter Christi consummatam satisfactionem. 2. Cor. v: 19. Per me itaque licet ut hæc Dei actio, generalis electorum justificatio dicatur. Sane Christus justificatus est, quando Deus eum ex mortuis suscitavit, & apocham præstitit a Christo, &

& acceptæ a se solutionis dedit. Idemque Christus suscitatus est ad nostri justificationem. Rom. IV: 25. Nam quum ipse justificabatur, simul justificabantur electi in ipso, quippe quorum gerebat personam.

III. Lubet hic appingere CHARNOCI commentarium in laudatam modo Pauli pericopam: *Operum ipsius Anglicanorum Tom. II. p. 321. Quum perplacerent Deo Christi perpeffiones in monte Calvaria, nostrorum gratiose obliviscebatur peccatorum: & ex rebellibus declarabat nos heredes. In hac Christi absolutione FUNDAMENTALIS JUSTIFICATIO est eorum qui aliquando futuri & credituri sunt; non formalis tamen neque actualis antequam credant Sicuti in lapsu Adami fuit fundamentalis condemnatio eorum omnium qui lumbis ipsius continebantur; non actualis; donec ipsi existerent, ejusdem cum ipso naturæ facti participes: ad eundem modum, dum Christus uti Sponsor absolvebatur, illi omnes, quorum personam gerebat, & peccata portabat, in hac ipsius absolutione fundamentalem absolutionem ab omnibus pœnalibus perpeffionibus habent. Quando veluti communis persona, multorum peccata in sui ipsius oblatione portabat, & pro ipsorum reatu satisfaciebat; tunc uti caput nactus est absolutionem eorum omnium quorum in se susceperat reatum; ne illi unquam sub onere peccatorum suorum fatiscerent, aut in pœnas lege denunciatas incurrerent. Hæc ex Charnoco sufficiant: prolixiora enim sunt, quæ sequuntur. Nos ad institutum redeamus.*

IV. Generalem hanc, sive, ut Charnocus vocat, *Fundamentalem*, justificationem sequitur alia specialior, & magis actualis, quæ cuique electo capitatim applicatur. Atque hæc rursus vel eo tendit, ut homini, propter Christi pro ipso satisfactionem, primum gratiæ salutiferæ ac spiritualis vitæ initium communicetur: vel ut declaretur jam esse in statu gratiæ. Fieri sane non potest, ut Deus primo gratiæ suæ appulsu hominem peccatorem beare, vitæque spiritualis initio donare animum inducat, nisi intuitu meritorum Christi, quæ ad hunc hominem singulariter pertinere declarat quando incipit ei conferre ea, quæ Christus obedientia & morte sua impetravit. Atque hæc tenus dici potest, eum hominem in prima regeneratione sua justificari, id est, declarari unum ex iis esse, quibus jus vitæ a Christo partum est; cujus juris virtute nunc a morte spirituali ad vitam suscitatur.

V. Clarum est, omnes hos articulos imputationis justitiæ Christi fide actuali anteriores esse, & si eas justificationis nomine designare velis (quod tamen dubito, an Scriptura præeunte facturus sis) sane hoc intuitu fides justificationis sequela, fructus, indicium atque argumentum est.

VI. Alii
fidem se-
quuntur.

VI. Cæterum justificatio ex stilo Scripturæ plerumque notat eam Dei actionem quâ declarat hominem jam transivisse ex statu iræ & hostilitatis in statum gratiæ atque amicitiae, & gaudere privilegio remissionis peccatorum, & spe gloriæ quæ non pudefaciat. Hæc autem justificatio ex fide & per fidem est, ut ubique Paulus docet: & consequenter effectus & fructus fidei, sequela regenerationis & vocationis efficacia. *Quos vocavit, justificavit. Hæc eratis quidam, sed abluti estis, sed justificati estis. Corde creditur ad justitiam. Scientes hominem non nisi fide Jesu Christi justificari, etiam nos in Christum Jesum credidimus ut justificaremur ex fide Christi.*

VII. Ordinarie Scrip-
tura justifi-
cationem
describit ut
fructum fi-
dei.

VII. Nimiſ evidentes, propriæ & efficaces hæ Scripturarum phraſes ſunt, quam ut quæſitis interpretationibus alio trahantur. Negari ſane non poteſt, quin ex ordinario, ſi non perpetuo, Scripturæ tenore loquatur, qui fidem cauſſis illius justificationis adnumerat, de qua omnis Paulo diſputatio eſt. Non diſputabat autem Paulus de ſola manifeſtatione justificationis, ſed de ipſa. Multo magis præcedit fides ſenſum justificationis & delicias dulciſſimæ pacis atque amicitie cum Deo.

VIII. An
fides in ju-
ſtificatione
ſit conditio
ſuccedens in
locum per-
fectæ obe-
dientiæ.

VIII. At ſi cauſſis justificationis adnumerandâ fides ſit, qualis cauſſæ rationem habeat? an ut *conditio justificationis* quam exigit Evangelium loco *perfectæ illius obedientiæ*, quam olim exigebat lex, an ut *instrumentum* quo apprehendimus Chriſtum & juſtitiam illius Evangelio oblatam?

IX. Ea ſen-
ſentia ex
Evangelio
facis novam
legem.

IX. Mihi ſane, ut rotunde loquar, prior illa ſententia novæ legis introductio eſſe videtur, qua dulciſſimus, gratioſiſſimus ac Chriſto glorioſiſſimus Evangelii genius non parum corrumpitur. Nihil nunc Socinum moror, qui negata Chriſti ſatiſfactione, & imputatione juſtitiae ipſius, totum Evangelium pervertit. Cum Fratribus mihi quibusdam res eſt, ſatiſfactionem Chriſti venerantibus, & juſtitiam ipſius, ut unicam ſalutis noſtræ cauſſam meritoriam, pie agnoſcentibus, de fide tamen minus caute loquentibus. Hos in eo errare puto:

X. Quatuor
illius erro-
res.

X. 1. Quod fidei nomine includant veniæ ſpem & Dei dilectionem, itemque dolorem de peccato, & novæ vitæ propoſitum, ac uno verbo omnes actus ad veram ac ſeriam reſipiſcentiam requiſitos, & obedientiam ſincero corde ex fide Evangelio præſtitam: atque hæc omnia velint eſſe quiddam neceſſarium, & omnino prærequiſitum, ut aliquis in gratiam Dei recipiatur, & ab eo deinceps habeatur pro juſtificato. Cui aſſertioni conſiderationes meas nuper oppoſui: quibus nunc addo, Doctiſſimos noſtræ religionis in Belgio Profeſſores cenſuiſſe, quod Remonſtrantes eandem doctrinam conſimilibus verbis expo-

exponentes, *sublato velo fidei tribuant Sociniano-Pontificiam justificandi rationem.* Quod solidis argumentis probatum dant. Vide *Censuram Profess. Leidenf. cap. x. §. 2, 3.* tantum abest ut Ecclesia nostra eam unquam doctrinam pro sua agnoverit. **II.** Quod fidem hanc succedere velint in locum perfectæ illius obedientiæ quam fœdus legale postulabat. Huic enim in fœdere gratiæ substituitur perfecta obedientia Christi, qua jus legis impletum est. **III.** Quod fidem ea notione ac significatione considerent ut *actionem ex præscripto*, & per gratiam Dei a nobis præstitam, cujus intuitu Deus velit nobis donare Christi iustitiam, & remissionem peccatorum, ex gratiosa quadam constitutione. **IV.** Quod eam conditionem *Evangelio* a nobis *exigi* velint, ut apud Deum iusti & infantes habeamur. Conditio enim justificationis, proprie loquendo, non est nisi perfecta obedientia. Hanc exigit lex. Neque Evangelium substituit aliam. Sed docet, legi satisfactum esse per Sponsorem Christum: fidei porro officium esse, satisfactionem sibi oblatam acceptare, acceptando suam facere: & sic secundum gratiosam Dei constitutionem, Evangelio revelatam, fide justificari omnes credentes. Atque hæc genuina Ecclesiæ Reformatæ sententia est, alibi prolixius a me asserta.

XI. Nunc paci & concordiæ litemus, postquam consulimus veritati. A qua non omnes eos procul hac in causa recedere qui cætera *XI. Sententia D. W.* quin *Neonomorum* nomine quibusdam veniunt, uti Britannia novit, ita nec Belgio nostro ignarum esse velim. Enimvero non finit candor, neque permittit pietas, ut illaudatum prætermittamus Fratrum quorumcunque in Orthodoxia consensum. Ego certe magna cum animi mei voluptate legi, claram illam distinctamque de justificatione & fide justificante Catechesin, qua in *defensione veritatis Evangelicæ* mentem suam explicuit Reverendus Vir, Daniel GULIELMIUS. pag. 13. Cujus summam hic quoque exhiberi & ipsius & publici interest. Profitetur itaque & docet: Peccata nobis nostra remitti unice propter merita & iustitiam Christi nobis imputatam. Fidem nostram non esse eam iustitiam, propter quam, aut cujus gratia, condonationem nanciscamur. Non admittere Deum, acceptilatione quadam, fidem ullamve imperfectam obedientiam, loco perfectæ illius quam lex exigit, uti iustitiam, cujus intuitu Deus nos dignos peccatorum condonatione aut vita æterna censeat, quasi propter Christum in hunc finem legem abrogasset: hac enim ratione excludi Christi merita ut unicam causam impetratoriam remissionis peccatorum & vitæ æternæ. Neque fidem, neque ullam aliam rem quæ in homine sit, causam remissionis esse: quippe quæ libera & liberalis Dei gratia sit. Non

solummodo decrevisse Deum, aut meruisse Christum, ut electi ad consequendam remissionem idonei sint, si credant: sed & ut certo credant, & infallibiliter remissionem consequantur. Fidem illam cui remissionem addidit Deus, esse eam fiduciam in Christum crucifixum Servatorem meum, qua totum recipio Christum, exclusis omnibus rivalibus, ad justificationem, sanctificationem & gloriam: recumbens in ipsius merita, plenitudinem, potentiam, & curam ad illud omne sua via perficiendum, quod ipse promisit, & quo ego indigeo. Non quidem nos remissionem accipere priusquam recipiamus Christum; sed recipere Christum ipsum cum omnibus suis beneficiis: sic tamen uti prius credam in ipso remissionem peccatorum repositam esse, mihi æque ac aliis peccatoribus, modo ipsum fide recipiam. Usus fidei ad consequendam remissionem hunc esse, non ut eam mereatur, apportet, aut quoque modo efficiat: sed ut respondeat regulæ Evangelii, secundum quam Deo visum est applicare nobis Christi justitiam, sic tamen ut ipsa fides fructibus mortis Christi adnumeranda sit. Idcirco non per fidem nancisci nos jus ad remissionem propter Christum: sed Dei promissionem jus nobis ad remissionem propter merita Christi dare, quando credimus. Interim fidem conditionem remissionis appellare mavult quam instrumentum: quia existimat instrumenti notione plus justo causalitatis fidei adscribi; ita tamen ut facile excuset eos quibus hac voce uti libet, quum credat eos nihil aliud intelligere nisi instrumentum morale, quod conditioni æquipollet: unde Orthodoxi promiscue iis vocibus uti solent. Addit, officium fidei esse, ut respiciat ad Christum illiusque justitiam, in eam recumbat, eamque acceptet ad condonationem: atque in ea re singularem esse fidem præ omni alia inhærente gratia rationem. Attamen quod per fidem obtineamus condonationem, non tam ex eo esse quod fide Christum recipimus, quam quod hæc sit Dei ordinatio, ut quicumque Christum fide recipit ei condonentur peccata.

XII. Eo-
rumque
qui libro
ipsius sub-
scripserunt.

XII. Quibus nunc addo conciliatricis chartæ ex Anglia mihi missæ, eximia verba: *Declaramus, quod, quamvis Regeneratio, Conversio ad Deum, Fides in Dominum nostrum Jesum Christum, & sancta Conversatio, expresso Dei verbo requirantur ut manifeste ad salutem peccatorum necessaria; attamen nihil horum, aut ullum opus ab homine factum, aut per Spiritum Dei in eo productum, sit sub nozione subordinationis, aut sub alia quacunque denominatione, pars justitiæ illius ob quam, aut cujus intuitu, Deus condonat, justificat, & in gratiam recipit peccatores, aut jus ad vitam iis adjudicat; quum hoc sit sola justitia Jesu Christi extra ipsos, ipsis imputata, & ab ipsis per solam fidem accepta.* Sic Theologi Angli, qui Danielis Gulielmii libro subscribere,

XIII. Hæc

**XIII. Quae
via sterni-
tur ad con-
cordiam.**

C A P. IX.

An resipiscentia remissionem peccatorum antecedit.

*I. Status questionis. II. Actus fidei & resipiscentie quum tempore simul
sint, hæc eodem modo remissionem peccatorum antecedit quo fides. III.
Resipiscencia, siue ut beneficium, siue ut officium consideretur, est ante
actuale condonationem.*

I. **C**æterum & hoc considerationem meretur, an dolor de peccatis, i. *Scilicet* poenitentia ac resipiscentia, sive propositum vivendi secundum *questionis* voluntatem Dei, justificationem & remissionem peccatorum, uti conditio disponens, in subjecto prærequisita, antecedit. Et hic longe mihi antiquior est simplicitas Scripturarum omnibus subtilitatibus scholarum; *ἁγίων ζητήσεις παρέχουσι μᾶλλον ἢ οἰκοδομίαν Θεοῦ τῶν ἐν πίστει*. Nimirum hæc res est:

II. Simulac novæ vitæ principium homini adulto per Spiritum II. *Actus*
 gratiæ inditum est, mox omnis generis actuositas spiritualis ex eo prin- *fidei & re-*
 cipio pullulat, actionibus ita se invicem permeantibus, & altera alteram *spificentia*
 protrudentibus, atque in exercitio confusis, ut in ipsa praxi vix dif- *ferentia tem-*
 ferentibus, ut in ipsa praxi vix dif- *ferentia sum-*

*sint, hac
eodem mo-
do remisso-
nem pecca-
torum ante-
cedis quo
fides.*

cerni valeant, aut determinari quæ tempore prior, quæ posterior sit. Fieri sane non potest, quin anima per Spiritum vivificata, ad supernaturalem eam lucem qua collustratur, & seipsam videat, peccatis innumeris* foedam perditamque, & Christum videat plenum gratiæ, veritatis atque salutis. Ea contemplatio non potest non efficere, ut & sibi ipsi cum pudore ac dolore displiceat, & ingenti desiderio ad Christum feratur. Hinc oritur receptio atque acceptatio Christi, ut a foeditate & reatu suorum peccatorum liberetur. Recipere autem Christum non potest ad justificationem, nisi simul eum recipiat ad sanctificationem: neque recipere ut *sacerdotem*, qui peccata expiat, nisi pariter recipiat ut *Regem*, cui se submittat ad obsequium. Unde conficitur, non posse eam fidei actionem qua Christum recipimus ad justitiam exerceri, sine vel prævia, vel certe concomitante resipiscencia, ac proposito novæ vitæ. Si ergo fides justificationem antecedit, uti modo jecimus; idem statuendum est de resipiscencia, simul cum fide ex eodem vitæ spiritualis principio pullulante.

*III. Respi-
scencia, sive
ut benefi-
cium, sive ut
officium
consideretur,
est ante
actuale
condonatio-
nem.*

III. Porro pœnitentia & resipiscencia ista considerari potest bifariam: vel ut est *beneficium* foederis gratiæ, ac fructus meritorum Christi, & sic ex dispensatione Divina, ordine naturæ saltem, antecedit aliud beneficium justificationis personalis, & actualis condonationis peccatorum: vel ut est *officium* hominis, & sic exigitur a Deo ut actio ab homine præstanda ad consecutionem veniæ; non quæ veniam quomodocunque mereatur, aut cuiquam jus præbeat ad veniam, sed quæ ad minimum demonstret hominem in eo esse statu cui soli promissa est venia, id est efficaciter vocatum atque regeneritum.

IV.

IV. Hic ergo subsistere malim, quam nil profuturis vexatarum disputationum subtilitatibus mihi aliisque negotium faceffere. Hac enim ratione optime consulitur & liberæ Dei gratiæ, & pietati Evangelicæ, & præscinditur via calumniæ.

C A P. X.

Explicatio quorundam Paradoxorum.

*I. Quo sensu dicatur, omnia peccata simul condonari, etiam futura. II. Deum nulla in fidelibus peccata videre. III. Nullam in iis esse peccati deformitatem. IV. Nullumque reatum novo crimine contrahi. V. Non habere eos peccata conscientiam vastantia: nec Davidem ex vero de peccati sibi incumbentis onere conquestum esse. VI. Peccatum nullam in ab-
ferre*

ferre noxam. VII. Nec Deum ullo ipsorum crimine offendi. VIII. Confessionem non esse necessariam ad impetrationem veniæ. IX. Uti nec sensum peccati, aut humiliationem animi. X. Aut preces quotidianas.

I. Ultima nunc quæstio superest, in qua plurima concurrunt audi-
tu insolita, at, ne male intelligantur, disertioris explicationis
indiga. Ac primum quidem illud de *omnium simul peccatorum*, non
præteritorum solum & *præsentium*, sed & *futurorum* remissione, per se
satis clarum est. Quum enim omnia prorsus credentium peccata in
Christum translata sint; & pro omnibus a Christo satisfactum, hinc
convenienter hypothesibus suis inferunt Viri Docti, in justificatione,
quæ applicatio satisfactionis Christi est, declarari credentibus pro om-
nibus peccatis ipsorum esse satisfactum, & consequenter nullum omni-
no esse, sive præteritum, sive futurum, quod imputari iis ad con-
demnationem queat.

II. Deum *non intueri iniquitatem in Jacobo, nec adspicere perversi-
tatem in Israele*, totidem verbis Bileamus dixit. Num. xxiii: 21.
Hac mente, ex ipsorum mente: *videt* sane Deus per *omniscientiam* suam
quidquid a quovis delinquitur. *Videt* etiam peccata fidelium, ut fi-
delium peccata, quatenus ab iis sunt admissa: quidquid enim verum
est, id Deus videt esse verum. Sed *non videt* etiam peccata fidelium
ut fidelium peccata, quatenus non ipsorum amplius sunt, pro quibus
ipsi luendum habeant; sed Christi, cui sunt imputata, & qui pro iis
nunc satisfecit.

III. *Labem* ac deformitatem peccati monent considerari posse du-
pliciter; vel in ordine ad *sanctificationem*, vel in ordine ad *justificatio-*
nem. Priori intuitu adeo ea maculari fideles docent, ut optima quo-
que ipsorum officia, si cum divinæ legis exactitudine comparentur, nil
nisi sterces sint. At posteriori respectu, quum Christus quidquid est
peccati ab electis in se sumserit, eosque Deo gratos atque acceptos
fecerit, negant fideles ulla criminum suorum fœditate Deo abomina-
biles fieri, aut favore ipsius justificante excidere.

IV. Hominem justificatum, si in enorme aliquod crimen incidat,
novum sibi creare *reatum*, aliquo respectu affirmant, alio negant. Af-
firmant, quoad *factum*, sic ut convictus sit in conscientia, & teneatur
confiteri coram Deo, se crimen tale commisisse; ad cujus negationem,
vel qualemcunque excusationem, nihil a se adferri possit; & quo se-
cundum legis sanctionem comminatoriam meritis sit æternum exitium.
Negant, quoad *sententiam* justificantis *Dei*, qua ab omnibus peccatis
suis absolutus quum sit, fieri non potest, ut sententia condemnatoriâ
ob

ob novum hoc peccatum feriat. Affirmant igitur, ut scholarum glossemate utar, de *reatu* in *actu primo*; negant de *reatu* in *actu secundo*. Illustrantque mentem suam exemplo hominis, qui seditionis aut perduellionis reus, culpam & pœnæ meritum coram tribunali fateatur, interimque penes se habet libellum veniæ ex Principis sibi clementiæ concessæ.

V. Non habere eos peccata conscientiam vastantia: vastantia: nec Davidem ex vero de peccati sibi incumbens onere conquestum esse.

V. Immane assertum videtur, quod his ipsi verbis expressere: *Vocem esse spiritus mendacis qui dicat fidelibus, habere eos peccata conscientiam vastantia, & quæ ipsis incumbant veluti onus gravius quam ut portari queat; ac Davidem, dum id de se querebatur, non ex vero esse locum.* Cæterum mentem suam ita exponunt: Christum onus peccatorum nostrorum in se suscepisse, portasse, & portando abstulisse; sic ut nemo fidelium eo gravari, ad exitium, vel ad desperationem, possit, & conscientia ipsius ita vastari, ut ex vero testetur, Deum non esse ipsi propitium. Distinguenda in Davide, Asapho, Hemane, Jobo aliisque sanctis esse, ea quæ in *anxiis* tentationum, ex fidei quodam deliquio, minus caute de Dei bonitate loquuntur, ab iis quæ, postquam se ipsos recollegerunt, ex vivæ fidei principio pronunciant. Cujus rei exempla tam sint peritis Scripturarum obvia, ut ulterior deductione non indigeant.

VI. Peccatum nullam naturam suam adferre noxam.

VI. De noxa & *&* damno peccati sic differunt: peccatum, si in se consideretur, omnium pessimorum fructuum radix, illiusque stipendium mors, est; nullumque tam exiguum censi debet, ut non mereatur æternos inferorum cruciatus. Ea etiam facie obversari fidelibus par est, quotiescunque ficta ac mentita blanditiæ ad sui perditionem pellicit: tunc enim res est omnium terribilissima: quippe quæ dilectissimum Dominum nostrum Jesum suffixit cruci. At *peccata fidelium*, qui Deum propitium sibi Patrem habent, nullam iis *veram noxam* inferunt, neque est quod ab ea sibi metuant. Vera enim noxa est *pœna proprie dicta*, & pars aliqua condemnationis, quam in solidum a suis amovit Christus. Idem terribilitatem omnem peccati ferendo, peccatum interemit, effecitque ut fideles non magis sibi ab eo metuendum habeant, quam a mortuo leone. Quod nequaquam a se dici protestantur de peccato quando blanditur, & allicit; sed de peccato admissio, quod incumbit conscientiæ fidelium, & tentat ipsos ad abnegandam liberam Dei gratiam & amorem, atque omnisufficientiam meritorum Christi.

VII. Nec Deum ulla ipsorum criminum offendere.

VII. Quum *negant*, Deum *offendi ulla*, quantumvis grandi, *bonis justificati peccato*, iterum illud intelligi jubent respectu plenissimæ illius reconciliationis quam impetravit Christus, & quæ fidelibus ad iudica-

judicatur in justificatione. Sic enim instituunt : non offenditur Deus sine caussa. Caussa offensionis nulla est, præter peccatum. Peccata omnia fidelium, justissimamque Dei propter ea offensionem, tulit & abstulit Christus. Neque partem modo aliquam offensionis, sed omnem, prorsus omnem. Ergo nulla superest quæ incumbat fidelibus. Istis dicit Deus, *ira non est mihi.* Jes. xxvii: 4.

VIII. De confessione peccatorum sic sentiunt : eam justam, deco-^{VIII. Con-}ram ac necessariam esse ad id ut glorificetur Deus, Jos. vii: 19. tan-^{fessionem}quam unicus miserorum hominum Sospitator; & ut agnoscat necesse-^{non esse ne-}ritas, dignitas, & efficacia meritorum Christi. Negant tamen con-^{cessariam}fessionem peccatorum causam esse qua procuretur remissio, vel ejus^{ad impetra-}etiam certitudo. Qui vere fidelis est, tantundem fundamenti habet *venia*. ad animum securandum de remissione peccati sui ante confessionem, quam post eandem. Unicum certiorationis fundamentum est verbum gratiæ: *Ego, ego sum qui deleo peccata tua propter me.* Ejus verbi, semel in justificatione pronunciati, veritas & valor manet in perpetuum. Fidei est verbum illud apprehendere, sibi que ad fiduciam applicare; non expectare solenni confessione, tanquam aliquo prærequisito. Ipsa enim confessio, si ex fide hujus verbi non proficiatur, grata Deo esse nequit.

IX. *Sensum peccatorum* ad sanctam animi humiliationem sinceram-IX. *Uti nec* que poenitentiam, pro officio *desertuosa pietatis* agnoscunt: sed eum pu-^{sensum pec-}gnant multo facilius meliusque provenire ex fide jam *impetrata venia*, ^{casi, aut}humiliatio-^{nam animi.}quam aliunde. Quando enim Christus cum omni gratiæ suæ jucun-^{dis-}dissima benignitate animæ peccatrici se ostendat, & tot tamque gra-^{vis-}vium criminum veniam ultro largitur, mirum quanto facilius sanctius-^{que}que in uberrimas sinceræ poenitentiae lacrimas liquefcant, quam ubi luctandum habet cum infidelitate ac desperatione.

X. De *precibus quotidianis pro remissione peccatorum* hæc tradiderunt: X. *Aut* remissio peccatorum universalis facta est in Justificatione. Pro ea ut ^{preces quo-}facta Deo sunt agenda gratiæ. Sed remissio peccatorum quandoque ^{sidianas.}notat ejus *manifestationem ad conscientiam*, in continua novæ gratiæ col-^{latione}latione, in deliciis Divini amoris, in contemplatione lucis faciei ipsius, & in collustratione animæ, quæ fit radiis ex sole justitiæ co-^{ruscantibus}ruscantibus, & sanitatem afferentibus. Hæc digna sunt quæ quoti-^{dianis}dianis precibus sollicitentur. Sic tamen ut credamus ea nos cum om-^{nibus}nibus beneficiis spiritualibus in Christo habere; & ex ejus plenitudi-^{ne}ne, non propter nostras preces, a Deo accepturos esse. Hactenus sententiam Fratrum, quanta potui fide, accurate, & perspicuitate exposui.

Judicium de istis Paradoxis.

I. II. III. IV. V. VI. VII. Verum est in justificatione homini credenti promulgari sententiam de omnium suorum, sine exceptione, peccatorum plenaria expiatione. VIII. Calvinus laudatus. IX. Et Charnocus. X. XI. XII. Respondetur objectionibus. XIII. Non videt Deus peccata in justificatis ad condemnationem: sed videt cum sancta displicentia. XIV. Et ira, non quidem rigidi judicis, sed indignantis patris. XV. Non justum semper modum querimonis suis Job, Heman, &c. posuere; & nec sine causa questi sunt. XVI. Plurimam noxam peccatum, etiam justificatis, adfert. XVII. Chamierus laudatus. XVIII. Et perquam necessaria iis sunt dolor, pœnitentia, confessio, preces ad consequendam novorum criminum veniam. XIX. Imo & veterum, licet olim condanatorum. XX. Occurritur argumentis adversantibus. XXI. Abstinentia a locutionibus ὑδιαβλάτοις.

I. *Verum est in justificatione homini credenti promulgari sententiam de omnium suorum, sine exceptione, peccatorum plenaria expiatione.* **N**unc subjungere meam liceat: quæ, procul esse jussis omnibus verborum portentis, ex limpido Scripturarum fonte leni sermonis agmine fluet. Et primo quidem apud omnes in confesso Orthodoxos est, id quod aliquoties nunc jecimus, Dominum nostrum Jesum Christum pro omnibus omnino electorum peccatis Divinæ justitiæ plenissime satisfecisse: qui quatenus ipsi quoque futuri erant, omnia ipsorum peccata veluti futura sine ullo discrimine Deo & Christo obversabantur: atque ita pariter Christo moriente uno die deleta sunt; & Christo resurgenti apocha, in plenariæ solutionis testimonium, publice ac solemniter data est.

II. In justificatione vero singulis credentibus, non pars aliqua, sed totum jus a Christo partum adjudicatur: tota Christi justitia imputatur, ad immunitatem ab omni condemnatione, certamque expectationem æternæ salutis. Et consequenter non præterita solum peccata remittuntur, ea lege, ut, si salvi fieri velint, nullum postea admittant, aut, si forte admiserint, ipsi de nova recentium peccatorum expiatione solliciti esse jubeantur: sed promulgatur iis omnium peccatorum, uno Christi sacrificio perfecte expiatorum, venia: nullo manente, vel mansuro, quod condemnationem iis importaturum, vitæque æterna multaturum sit.

III. Hoc enim gratiosi fœderis promissum est; *Ero propitius iniquitatibus eorum, & peccatorum ipsorum, & transgressionum ipsorum non recordari.*

recordabor amplius. Heb. viii: 12. Hoc est privilegium fidelium quod in Christo habeant *redemptionem per sanguinem ipsius, remissionem lapsam ex divite ipsius gratia.* Eph. 1: 7. Non quorundam duntaxat, sed sine exceptione, omnium. Nam Christus sanguine suo *aternam redemptionem nascus est.* Heb. ix: 12. id est, cujus meritum & efficacia in æternum duret, & non minus in futurum se porrigat, quam valet circa præterita.

IV. Secus si foret, nemo ex justificatione solidam perciperet consolationem. Quid enim juvat scire, ea solum quæ hæcenus commisi peccata condonata mihi esse, dum in singula momenta pecco, novumque mihi debitum contraho? An non æque anxium, qui conscius sibi sit, unum vel minutissimum peccatum, non condonatum, sufficere ad id ut excludatur cælo?

V. Quo autem fundamento de præteritorum peccatorum remissione certioratur hominis credentis animus? Nullo certe alio nisi quod illa in Christum impacta, ab ipso lata, & ablata sint. Id non de præteritis solum peccatis, sed & futuris æque verum est: nam, quod modo monui, nostrum qui nunc vivimus respectu, omnia pariter futura erant, dum Christus pro iis satisfecit. Quæ ergo ratio vetat, imò quæ est quæ non jubeat, hominem fidelem credere, non magis futura sibi peccata ad condemnationem imputatum iri quam præterita; quoniam Christus illa non minus quam hæc eodem sanguine eademque morte expiavit.

VI. Difertus admodum in hanc rem Paulus est. Rom. viii. *Nulla*, inquit, ne una quidem, *condemnatio est iis qui sunt in Christo Jesu.* Nullum prorsus peccatum, quod condemnationem iis illaturum sit. Licet fidelibus, etiam in futurum, sancte securis esse. *Nam is qui proprio filio non pepercit, sed eum pro nobis tradidit, quomodo non etiam cum eo nobis omnia gratificabitur?* Omnia quum dicit, non certe excipit peccatorum, quæ quotidie admissuri sumus, veniam. Sic enim pergit: *Quis intentabit crimina adversus electos Dei? Deus is est qui justificat*, ab omni peccato absolvit. *Quis est qui condemnat? Christus is est qui mortuus est*, & moriendo pro omnibus in solidum peccatis satisfecit, scisso in cruce chirographo: *imo vero qui etiam suscitatus est*, accepta a Patre præstitæ satisfactionis apocha: quæ non ipsi tantum servit, ne iterum in jus vocari queat, sed etiam debitoribus, pro quibus sponso titulo satisfecit: *qui etiam est ad dexteram Dei*, quo pervenire non potuit nisi *facta prius purificatione peccatorum nostrorum per seipsum.* Heb. 1: 3. & postquam *unica oblatione in perpetuum consummasset eos qui sanctificantur.* Heb. x: 12, 14. *qui etiam interpellat*

pro nobis, ex pacto postulans, ut jus nobis a se partum in solidum quoque applicetur. *Quis nos separabit a charitate Christi?* inducendo nos in tale crimen, quo charitate Christi excidamus. Nulla enim alia ratio excogitari potest, qua vel homo, vel Angelus, vel quæcunque demum alia res condita, a charitate Christi nos separare queat, nisi interveniente peccato.

VII.

VII. Quæ quum ita sint, non paradoxis annumeranda, sed evidentissimæ veritatis assertio est; in justificatione eam homini credenti promulgari sententiam, qua certior reddatur pro omnibus suis peccatis, præteritis, præsentibus, futuris, sine discrimine, esse satisfactum: omnia in solidum morte Christi esse expiata: nullum superesse, sive admissum hætenus, sive posthac admittendum, quod unquam ei ad condemnationem valiturum sit. Mirari vix satis possum, repertum esse castioris disciplinæ Theologum Gallum, qui sententiam hanc, tanquam a mente Ecclesiarum nostrarum alienam, paucis fortasse in Batavia Theologis impuret, quos singularium opinionum cassa ratione lubido temere incescit.

VII. Calvinus laudatus.

VIII. A qua eos invidia vel solus absolvere Calvinus deberet, cujus memorabilia in hanc rem verba exstant. *Inst. lib. III. cap. XI. §. XI.* Quia experientia plus satis notum est, manere semper in justis reliquias peccati, necesse est longe aliter justificari quam reformantur in via novitatem. Nam hoc secundum sic inchoat Deus in electis suis, totoque vitæ curriculo paulatim, & interdum lente, in eo progreditur, ut semper obnoxii sint apud ejus tribunal mortis judicio. Justificat autem, non a parte: sed ut libere, quasi Christi puritate induti, in cælis compareant. Neque enim conscientias pacaret aliqua justitia portio: donec statum sit nos Deo placere, quia sine exceptione justus coram eo sumus. Unde sequitur, perverti & funditus everti justificationis doctrinam, ubi animis injicitur dubitatio, concutitur fiducia salutis, libera & intrepida invocatio remoram patitur: imo ubi non stabilitur quies & tranquillitas cum spiritali gaudio. Vide quæ sequuntur: & patebit, iisdem propemodum Calvinum quibus nos argumentis uti.

IX. Et

Charnocum.

IX. Calvino addere, ex infinitis aliis, lubet Charnocum, recentis in Anglia memoriæ Theologum, qui in *Medit. ad Ps. xxxiii*: in *Supplem. Oper. p. 107.* sic loquitur. Christus peccatum pro nobis factus est, ut OMNE PECCATUM TOLLERET. Imperfecta enimvero fuisset satisfactio, si satisfecisset, pro usuris, non pro sorte: aut pro sorte, non pro usuris. Nulla prorsus condemnatio est iis qui sunt in Christo Jesu. Nullus itaque reatus, aut causa damnationis relicta. Alioqui stulta, quod absit, fuisset Pauli provocatio, qua quidquid est in omnibus rebus conditi

provo-

provocat ad crimen intentandum adversus electos Dei; si vel minimum peccatum, non condonatum, remaneret: super quo negotium facessere posset, vel Dei justitia, vel legis severitas, vel conscientiae acrimonia, vel ipsius malitia Diaboli. Quam ad hunc finem in mundum venerit, ut destrueret opera Diaboli, quibus aliquam sibi nequam ille spiritus potestatem in homines acquisiverat; ne UNUM QUIDEM CRIMEN FIDELIUM REMANSIT, pro quo non ita sit satisfactum, ut eo nomine ullam sibi juris particulam in hominem credentem arrogare possit Diabolus. Eat nunc celeberrimus cæteroquin auctor; & tam receptam liquidamque sententiam, qua nihil frequentius in cujusvis notionis scriptoribus Reformatis occurrit, præter omnem rationem inseribat παραδείξας.

X. Audio declamantem, alienum ab omni ratione & indignum Deo esse, ut peccata nondum commissa anticipata remissione occupet: at velim mihi dicat vir sapientissimus, eccur minus a ratione alienum Christoque minus indignum sit, ut pro debitis nondum contractis anticipata solutione satisfaciatur. Sed, nullus, ait, Pater, nullus Rex, nullus Princeps, eo unquam absurditatis devenit, ut, dum veniam præteritorum facit peccatorum, etiam perpetranda in futurum condonet. Haud negaverim. Verum quis ita in rebus Theologicis cæcutit, ut tam evidentem disparitatis rationem non cernat? Quando Pater aut Princeps crimen condonat, ex mera id facit gratia, sine ulla expromissoris alicujus satisfactione, qui pœnam omnibus istius delinquentis criminibus, sive præteritis, sive futuris, debitam luit. Cæterum quum Deus homini in Christum credenti, omniaque ejus merita ad certam consummatamque salutem sibi applicanti, præterita crimina remittit, simul insinuat, nec futura ad condemnationem imputatum iri; quia utrumque nititur intuitu λόγου a Christo æque pro futuris quam pro præteritis peccatis soluti.

XI. Instat: nulla est peccati condonatio, nisi post pœnitentiam: pœnitentia autem est μετάνοια ac μεταμέλεια, quæ sequuntur peccatum. Respondeo, quod generalem hanc de qua loquimur omnium peccatorum condonationem, antecedit etiam universalis quidam hominis credentis dolor, pudor, atque humiliatio, non solum intuitu criminum actu commissorum, sed & inhærentis illius naturæ suæ perversitatis, cum qua videt perpetuo sibi luctandum fore, & unde prævidet multa imposterum pullulatura esse peccata. Universalis iste dolor certa quadam proportionem universali isti justificationi responderet.

XII. At si contingat hominem justificatum se grandi rursus aliquo crimine obstringere, hunc esse credo Divinæ clementiæ ordinem, ut generalem illam sententiam ad hujus singularis delicti condonationem

non specialiter applicet, neque accusanti, exprobranti, & convincenti conscientiae insinuet, ad consolationem, gaudium & readmissionem paternae familiaritatis, nisi post seriam convenientemque ejusdem delicti poenitudinem. Qua de re mox plura. Erudite ac judiciose hanc ipsam controversiam tractavit *Antonius Struckney*; in Academia Cantabrigiensi quondam SS. Theologiae Professor Regius, in *Praelectionibus Quib.* XIII. p. 118. & seq. Ubi, quod & nos conamur, veritati simul & paci consulit, ostenditque, diverso sensu Problema hoc vel affirmari, vel negari posse, salva utrinque Orthodoxia.

XIII. Non
videt Deus
peccata in
justificatis
ad condem-
nationem:
sed videt
cum sancta
displicentia.

XIII. At neque illud negandum est, quippe quod totidem verbis in Scriptura asseritur, Deum non intueri peccata in justificatis. Sed intelligendum est probe. Non intuetur sic ut propter illa condemnare eos instituat. Ea enim mente dicitur peccata eorum tegere, pone tergum rejicere, profundo mari mergere, ne unquam in conspectum suum prodeant. Locum hic suum & laudem meretur elegans *Charni* observatio ad Ps. xxxii. Oper. ipsius pag. 102. Liber rationum, cujus lineae veru transfixa sunt, nullius in judicio auctoritatis est. Veru istud argumentum est soluti pretii. Debitum tale legi fortasse potest: exiguum potest. Nihil impedit quo minus Deus peccata condonanda legat in libri omniscientiae suae: sed non exigit unquam in foro justitiae suae. . . . Non prorsus Deus peccatorum obliviscitur: nihil enim scientiae ipsius aut memoria excidit. Non recordatio peccatorum, actus voluntatis potius quam intellectus est. Obliviscencia ista, non naturalis est, sed legalis. Factum ut ignorat Deus; sed poenam metumque poena remouet: deponendo memoriam ira, non scientia. Reminiscitur ut pater, ad castigationem: non ut judex, ad condemnationem. . . . Quamvis non imputetur peccatum; at inhaeret tamen. Non tollitur illius existentia, at potestas deturbatur throno. Tollitur non quoad maculam, sed quoad reatum. Optime: nam sane videt Deus peccata fidelium: intuetur, uti labem qua anima conspurcatur, uti naevos quibus pulcra facies deturpatur, uti saniem qua decora sanctitatis stola collutulatur, uti lepram qua totus homo inficitur; quod David confitebatur quum hyssopo se mundari peteret. Et videt cum insigni displicentia. Non enim est Deus qui delectatur iniquitate; minime eorum qui sui sunt.

XIV. Et
ira, non
quidem ri-
gidi judi-
cis, sed in-
dignantis
patris.

XIV. Videt etiam cum ira & exandescencia, non rigidi & condemnaturi judicis, sed sancti & indignantis patris. Ita iratus fuit *Aron* & *Mosi*, quamvis caeteroquin Deus condonans; iratus *Miriam*, uti si pater obstrepenti filiae contumeliose in faciem despuisset; iratus Ecclesiae electorum suorum, quae se ad iram patris sui coelestis ferendam patienti animo componit. Mic. vii: 9. Eo usque nonnunquam pro-

procedente indignatione, ut non modo blandam suam ab iis faciem abscondat, a longinquo stet, non audiat clamantes, sed & fumet contra orationes eorum, æstibus iracundiæ suæ transeuntibus super ipsos; imo vero hostiliter cum iis agere videatur, reputet eos ut inimicos sibi, rescribat contra eos amaritudines, ponat in compede pedes eorum, & imprimat se eorum radicibus, & sagittæ omnipotentis ejaculentur in ipsos, quarum virus ebibat spiritum eorum, & conturbationes Dei velut acie instructa ipsos impugnent. Hæc enim omnia meris Scripturæ dictis constant. Vid. Jes. viii: 17. Ps. x: 1. xxx: 8. xxi: 3. lxxxviii: 16, 17. Job. xiii: 14. vi: 4. Eleganter Cl. Stuckney, loco modo laudato. *Non obstante remissione vel justificatione ista prævia, peccata sequentia reatum particularem contrahunt, in se iræ æternæ meritum, eumque insuper in hominem justificatum ita redundantem, ut paternam Dei in eum iram cieat: eumque licet NON FILIUM IRÆ, AT SUB IRA FILIUM constituat.*

XV. Non diffiteor equidem haud eum semper quem par est que-^{xv.} Non rimoniis suis Jobum, Hemanem aliosque viros sanctos posuisse mo-^{justum sem-} dum: attamen nec hoc mihi quisquam negabit, non defuisse ipsis^{per modum} omnem tantarum querelarum causam. Certe non fuit querimonia^{querimoniis} ipsorum rebellio. Et quamvis importunum sit singula dicta vexare, ^{suis Job,} Heman, & ad stateram accuratissimæ exactitudinis appendere, cuncta tamen^{etc. posuere; at nec sine causa questi sunt.} ostendunt in quam vehementem aliquando patris sui cœlestis indignationem, ipsi quoque justificati inciderint.

XVI. Tantum abest ut peccata nullam iis noxam inferant. Quip-^{xvi. Plu-} pe quæ, præterquam quod mereantur desertionem Dei omnimodam^{rimam no-} & exheredationem, ipso actu pacem conscientiae turbant, fidei ^{nam peccat-} & ^{etiam} ^{justificatio-} ^{advers.} *εὐλα* & *πληροφωρίαν* tollunt, gaudium salutis adimunt, spiritum gratiæ^{nam, etiam} contristant, vitam spiritualementem lædunt, habitus virtutum Christiana-^{justificatio-} rum, quoad felicitatem & promptitudinem agendi, plurimum immi-^{advers.} nuunt, vehementem aliquando animæ syncopen inducunt, ipsum vitæ principium suffocaturam, nisi reatu per sanguinem Christi ablato, vivificus ejusdem Spiritus hanc eorum mortiferam vim gratiose retunderet. Uti non nolo inculcari, nulla esse justificatorum peccata quæ ad ipsorum condemnationem valitura sunt: ita eosdem non minori serio moneri velim, pestiferam esse peccatorum vim, quam ipsi quoque non ad mortem quidem, sed ad ægritudinem morti vicinam, & ad cruciatus illis geminos qui ex crucifragio oriuntur, quandoque expecturi sint.

XVIII. Chamierus Orthodoxæ Ecclesiæ sententiam adversus Bel-^{XVII.} larmini calumnias, sic exponit. *Panstrat. Tom. III. lib. xv. cap. 11. §. Chamierus*
laudatus.
XII,

XII. Nos dicimus peccata omnia nocere, etiam ea quæ remittuntur. Immo non remitti, nisi noceant. Non efficiunt quidem ut ne obtineatur salus, quomodo non effecit blasphemia, non effecit abnegatio, non effecit adulterium, ut damarentur Paulus, Petrus, David: quia intercessit remissio. Sed non nocere, insanum est dicere. Nullum enim malum non nocet: quia nec malum esset, si non noceret. Ac peccatum, etiam remissum, malum est: ut remitteretur, nisi malum esset. Itaque peccatum, etiam remissum, nocet. Hoc scivit Paulus. Paulus ille, qui certus de remissione peccatorum suorum, vel consentientibus Papistis, certe ipso proficiente (*ἀλλ' ἁλὲν ἐγὼ* inquit) tamen exclamabat: Miser ego homo, quis me eripiet ex isto corpore mortis? Potuit ne miser esse, si nihil nocuisset peccatum.

XVIII. Et perquam necessaria dō sunt dolor, paenitentia, confessio, precēs ad consequendam nostrorum criminum veniam.

XVIII. Neque profecto verum est haud indigere homines justificatos dolore, poenitentia, confessione, precibus ad consequendam veniam peccatorum quæ quotidianæ, ut Tertullianus ait, incursionis sunt, aut atrociorum etiam, si committantur, criminum. Quamvis enim supra jecerim in prima justificatione omnia simul condonata esse; complectitur tamen generalis ista condonatio suos quosdam specialiores articulos & gradus. Quo pertinet, ut universalis illa sententia ad speciales casus per ipsum Dei Spiritum applicetur, sine qua rectus animus recentis sibi criminis conscius: ut Pater cœlestis, severam quandoque, castigationis virgam amoveat: ut seposita indignatione confessum peccatorem ad familiare commercium readmittat. Hæc sunt quæ passim in sacris remissio peccatorum dicuntur; ad quam non perveniri nisi via poenitentiae, confessionis, repetitarumque crebro precum, tota Scriptura cum perpetua fidelium experientia docet.

XIX. Immo & veterum, licet olim condonatorum.

XIX. Immo & hoc attendi velim, homines pios, & in devotionis suæ exercitiis singulari Spiritus directione gubernatos, non recentium solum criminum veniam petiisse, sed & antiquissima, a prima juventute, sibi Deoque in memoriam iterata confessione revocasse, ut quæ olim remissa crediderant, & experti erant, ea nunc vere sibi esse condonata renovatis Divini favoris indiciis iterum animo persentiscant. Quod præclare a Calvino observatum *Instit. lib. III. cap. xx. §. ix.* ubi laudata Davidis oratione, qua postulat ne meminerit Deus peccatorum juventutis suæ. *Ps. xxv: 6.* sic pergit: ubi etiam videmus, non satis esse, si in singulos dies pro recentibus peccatis nos ad calculos vocemus, nisi in memoriam nobis redeant quorum oblivio pridem inducta videri poterat. Nam & idem Propheta alibi scelus unum grave confessus, hac occasione usque ad uterum matris revolvitur, in quo jam labem contraxerat: non ut culpam ex natura corruptela extenuet, sed ut totius vitæ peccata accumulans, quo severior est in se dammando, magis exorabilem Deum reperiat.

XX. Sciō

XX. Scio esse humiliationem aliquam & liquefactionem animi in dulcissimas pœnitentiæ lacrimas, quæ ex sensu Divinæ charitatis oriantur. Sed & esse scio, quæ eundem antecedunt. Scio, nihil horum caussis aut conditionibus meritoriis, vel sua virtute impetratoriis remissionis accensendum esse. Sed de eo non controversatur: sufficit a Deo prærequiri in homine, non tamen sine sua gratia, ante ulterioris gratiæ concessionem. Scio, non posse placere Deo nisi ex fide proficiantur. Sed & hoc scio, posse aliquid ex fide esse, quod non sit ex certioratione & sensu impetratæ remissionis. Is quoque ex fide agit, qui credens in Christi satisfactione & meritis plenissimam esse peccatorum expiationem, eo se recipit, ut sibi quoque ad suam consequatur salutem, quod credentibus omnibus promissum esse ex Evangelio didicit. Scio denique fundatissimum fundamentum certiorationis nostræ de remissione peccatorum esse verbum Evangelii. Sed & hoc scio, sinceram pœnitentiam nobis pro certo argumento esse, quod verbum illud gratiæ ad nos pertineat. Hoc enim nemo novit, nisi qui peccatorum suorum pœnitentia ducitur.

XXI. Concludo caput hoc cum calido voto, ut facebant dehinc immania isthæc dicta, neque ex ullius unquam Reformati Theologi ore, in sanctissimæ religionis nostræ dedecus atque opprobrium audiantur, peccatum nullam noxam damnumve inferre fidelibus, & hominem fidelem, mox post atrocissimi criminis perpetrationem æque veniæ certum esse, quam esse possit post accuratissimam humiliationem.

C A P. XII.

De Fœdere Gratæ.

I. *Quæstiones circa Fœdus Gratæ.* II — IX. *Tentatur via concordia.*
X. *Chamieri sententia.*

I. **C**IRCA FOEDUS GRATIÆ hæc controversari video. I. An illud uni-
ce consistat in æterna illa CONVENTIONE inter PATREM & FI-
LIUM, ut CAPUT REPRESENTATIVUM OMNIUM ELECTORUM, qua
Filius, secundum voluntatem Patris, recepit se omnia quæ virtutibus
Dei digna sunt facturum, ut salus *διωργανός* ad electos perveniat: An
vero præterea agnoscenda sit CONVENTIO quædam inter DEUM &
HOMINES ELECTOS, de modo quo partæ per Christum salutis actu
evadant participes. II. An CHRISTUS OMNES CONDITIONES fœderis
Tom. II. M m m m gratiæ

gratiæ ita IN SE RECEPERIT, ut NULLA omnino CONDITIO ab HOMINE ELECTO exigatur, aut exigi possit, præstanda per Dei gratiam ex merito Christi, ante actualem possessionem salutis.

II. *Tensa-
tur via
concordia.*

II. Adeo hic multa esse deprehendo, in quibus Fratres confentiant, ut, modo absit studium partium, & pervicacia ea defendendi quæ semel dicta sunt, in re ipsa non magnam controversiam superfluenturam esse sperem.

III. In eo, nisi fallor, utrimque conveniunt, ut agnoscant admirabilem illam Patris & Filii de salute electorum procuranda conventionem, in qua Filius electos omnes repræsentavit, ea pro iis facturum quæ ipsis cæteroquin facienda incumberent

IV. Sed & hoc ab æquis rerum æstimatoribus impetraturum me confido, ut agnoscant esse quandam confederationem inter Deum & electos, de modo placendi Deo & potiendæ beatitudinis: etsi fortassis necdum agnoscere velint eam definitione fœderis gratiæ, comprehendere. Toties enim tamque disertis verbis confœderatio talis in Scriptura docetur, ut non videatur in dubium vocari posse. Tale fœdus pepigit Deus cum Abrahamo & semine ipsius Gen. XVII. ubi præfatus se esse Deum ad omnem beatitudinem sufficientissimum, exigit, ut indefinenter coram ipso ambulet, & integer sit. Rursus pollicetur, se ei Deum fore, & semini ipsius post ipsum: sed & postulat, ut fœdus suum servet, ad cujus confirmationem signum circumcisionis dat, in sigillum justitiæ fidei. Quam solemnes sæpe narratur populi Israelitici cum Deo confœderationes? quas equidem Nationales vocari posse non abnuo: tantum tamen abest ut quidquam continuerint quod genio fœderis gratiæ adversum est; ut contra fœdus gratiæ involverint ac supposuerint. Certe respectu electorum; de quibus Ps. I: 5. *Congregate mihi quos benignitate persecutus sum, qui iterunt fœdus mecum super sacrificio.* Et Ps. CIII: 17, 18. *Benignitas Jehovah est erga observantes fœdus ipsius.* Adde Jes. XXIV: 5. *Irritum faciunt fœdus perpetuum.* & Jer. I: 5. *Adjungent se Jehovah fœdere perpetuo, quod non tradetur oblivioni.* Mitto alia id genus quam plurima: quæ non lubet nunc valde urgere. Id modo generatim nunc contendendo evincere, præter æternum illud Fœdus quod inter Patrem & Filium est, esse Fœdus aliquod quod in tempore pangitur inter Deum & electos.

V. Et hoc in confesso est: veram & proprie dictam fœderis gratiæ conditionem, qua præcipue distinguitur a fœdere operum, hæc esse; ut omnis justitia, in qua jus vitæ unice fundatur, præstetur a Mediatore & Sponsore fœderis, Unde consequitur, admissa hac Spon-

toris

foris iustitia, non posse ab electis ullam conditionem proprie dictam exigi, qua sibi immunitatem a poena aut jus vitæ acquirant.

V. Sed & hoc omnes concedent, quod Apostolus fœdus gratiæ non semel nomine Testamenti designet. Testamentum autem est immutabile Dei consilium a nulla suspensum conditione: quod quum omnem suam firmitatem habeat a morte testatoris, non potest suspendi ab ulla conditione per hominem præstanda: præsertim quum eodem testamento non minus de fine & sanctimonia heredum, quam de ipsa salutis hereditate caverit Deus. Unde est quod formula fœderis meris quandoque pollicitationibus absolvatur. Jer. xxxi: 33. & xxxii: 38, 39, 40.

VII. Neque illud controversatur, quod illa ipsa, quæ certo respectu conditiones a quibusdam dicuntur, alio respectu ad beneficia fœderis pertineant. Nam & ipsam respicientiam ac fidem, & novæ vitæ initium, progressum & non intercisam continuationem, non minus quam beatam illius consummationem eodem fœdere Deus pollicetur: ut ex modo allegatis Jeremiæ vaticiniis liquet.

VIII. Et illud certum est, Deum sapienter admodum & sancte ita instituisse, ut nemo ad salutem perveniret nisi via fidei & sanctimoniæ, atque eo ordine promissiones suas disposuisse, ut nemini ulterius & perfectius bonum obtingeret, nisi qui antecedentium promissionum jam factus esset compos. Fieri enim non potest, ut quis sine fide Deo placeat, sine sanctimonia Deum videat.

IX. Denique negari non potest, quin Scriptura alicubi formulam fœderis gratiæ conditionali carmine exhibeat: Rom. x: 8, 9. *Hoc est verbum fidei quod prædicamus: si professus fueris ore tuo DOMINUM JESUM, & in corde tuo credideris quod DEUS EUM SUSCITAVIT EX MORTUIS, SERVABERIS.* Joh. xiii: 17. *Si hæc noveritis, beati eritis si ea feceritis.* Rursus xiv: 23. *Si quis diligit me, sermonem meum observabit, & Pater meus diliget eum, & ad eum veniemus, & apud eum habitabimus.* Et sic alibi sæpius. Atque hoc sensu conditio aliqua in fœdere gratiæ admittenda est; quatenus notat officium ex voluntate Dei, ab homine, convenienter indoli istius fœderis præstandum, antequam consummatæ salutis possessionem adeat. Si in his omnibus consensus sit, uti spero: vestram Fidem, Fratres, quid est de quo super hoc capite litigetis?

X. Lubet, mantissæ loco, subicere præstantissimi Chamieri super x. Chæ hac controversia sententiam, de qua eruditi judicent. Is ergo contra Bellarminum disputans *Panstrat. Tom. III. lib. xv. cap. III.* docet verum certumque discrimen inter legem operum & Fidei, esse conditionem

nem operum & fidei. Hoc est, legem operum proponere salutem sub conditione legis perficiendæ. At legem fidei eandem proponere, sub conditione tantum credendi in Christum. Ne tamen quidquam inexplicatum relinqueret, observat, condiciones in contractibus duum esse generum; quorum alias præcedentes, alias consequentes vocare liceat. Præcedentes illas dicit, quæ causam dant contractui, ex formula, *do ut des*. Nimirum, quum quis agrum vendit certa pecunia. Consequentes autem adduntur præcedentibus, tanquam ex iis sequentes: quæ quidem mutæ sunt inter partes, sed obligant alterutram tantum: ita ut propter eas nihil amplius reliqua teneatur facere. Ut si quis fundo donato venditove imponat pensionem annuam pecuniæ, erogandæ in pauperes. Solent autem, quæ sunt ejusmodi conditiones, suo defectu irritum contractum facere: & non efficere tamen contractum. Imo, nisi plena jam & perfecta venditio esset, nulla esset annua pecuniæ pensio. Distinctionem hanc præsentī instituto Doctissimus Theologus sic applicat: Lex operum exigit impletionem legis tanquam conditionem antecedentem, qua sine ulli homini in vitam æternam non tantum possessio non sit, sed ne jus quidem. At hoc eodem conditionis sensu lex Fidei opera non admittit; sed tantum altero: nimirum, ut vi donatæ jam propter fidem vitæ, necessaria sint opera, adeo ut, qui opera nulla exhibeat, is excidat ab omni jure quod habebat, vel potius habere videbatur, propter externam vocationem, etsi alioquin opera non sint causa vitæ donandæ. Hæc Chamierus. Confer *Stucknejum*, in *Praelectionibus Theologicis*. p. 233.

CAP. XIII.

De utilitate Sanctitatis Paradoxæ assertiones.

I. Quinque paradoxæ assertiones. II. Verborum tinnitu horrenda. III. At molliendæ ex mente auctorum, & commodiore explicatione. IV. Quæ sensu dicatur, bona opera nihil conferre ad possessionem salutis nec quæ viam ad regnum. V. Nefas esse quidquam facere cum intentione promovendi salutem nostram. VI. Nihil boni bene agendo acquiri, nisi mali evitari. VII. Sanctitatem ætuoſam non esse sufficiens indicium salutis gratiæ. VIII. Optima fidelium opera non nisi sordes & stercore esse.

I. Quinque paradoxæ assertiones.

DE UTILITATE SANCTITATIS & BONORUM OPERUM hæc disputari deprehendo; an recte dicatur: I. Nihil nobis conferre

ferre bona opera ad possessionem salutis, sic, ut quamvis agnoscantur non esse *caussa regnandi*, ne VIA quidem AD REGNUM cenferi possint: quidquid boni agimus, id NON NOBIS nos agere; sed CHRISTO: non esse aliquid agendum UT VIVAMUS, sed QUIA VIVIMUS. II. *Nefas* esse quidquam *boni agere* ea intentione UT ID AGENDO NOS-TRAM PROMOVEAMUS SALUTEM. III. Nullum esse virtutis aut san-ctimoniae officium, etiamsi quanta maxima hic fieri potest perfectione praestitum sit, quo VEL MINIMUM BONI nobis LUCRIFACIAMUS, si-ve in hac sive in futura vita. Neque enim quicquam *mali* & incom-
modi id agendo *evitari*, neque pacem conscientiae, aut laetitiam per Spiritum Sanctum, neque fiduciam de remissione peccatorum, aut con-
solationem ex ea hoc pacto promoveri posse. IV. Exercitium sancti-
moniae & bonorum operum ne pro *idoneo* quidem & SUFFICIENTI
INDICIO atque argumento habendum esse, quod simus in statu gratiae,
& certa expectatione gloriae. V. Ipsam FIDELIUM sinceram SANCTI-
TATEM, profectam a Spiritu gratiae, in sui exercitio, SORDES &
STERCUS esse coram Deo; & consequenter eum qui tanta quantam
adhibere potest diligentia sanctitati operam dat, NIHILO GRATIO-
REM atque acceptiorem Deo esse quam SI ILLAM NEGLIGERET aut
indulgeret vitiis.

II. Hæc sane ipso verborum tinnitu tam sunt insolita, & inexpectata ex ore hominis Christiani, nedum illius qui sanctimoniae Evan-
gelicæ Doctor cluet eamque vitæ pietate proficetur atque exercet, ut
non possint non horrorem incutere audientibus, animumque implere
validis adversus Doctorem & doctrinam præjudiciis. Sed & illud fa-
tendum, non parum horrore isti decessurum esse, ubi ipsum Virum do-
ctum, & qui ab ejus partibus stant, pleniori sermone animi sensa ex-
plicantes audiverimus. Quod sane ad quæstionis ac controversiæ di-
judicationem apprime necessarium est. Id ergo nunc agamus.

III. Generatim docent sanctitatem & bona opera adeo a salute
sejungi non posse: ut pars salutis sint, a Christo nobis partæ. Con-
diti enim sumus in Christo ad bona opera. Addunt, fines bonorum
operum oppido insignes esse: nimirum manifestationem obedientiæ
& subjectionis nostræ; promotionem gloriae gratiæ Dei, in eo ut aliis
prodesse conemur; ædificationem proximi nostri; aggregationem no-
stri ad Christum Jesum, qui pollicitus est se in iis inventum iri. Præ-
terea monent in omnibus assertionibus unicum hunc sibi propositum
esse scopum, ut gloria gratuite justificationis Deo & Christo illibata
mancat, neve nostris qualibuscunque operibus ulla justificandi vis at-
tribuat.

IV. Quo
sensu dica-
sur, bona
opera nihil
conferre ad
possessionem
salutis nec
esse viam
ad regnum.

IV. Præmissis generalibus hisce animadversionibus singulas theses hoc ferme modo exponunt. 1. Nullus est sub cœlo fidelis cui datur cœlestia scandere testā antequam consilio Dei serviverit in generatione sua; nemo credit in Christum eumque fide recipit, qui non post Christi receptionem conditus sit in Christo ad bona opera ut in iis ambulet. Interim Christus unica ad vitam via est, sanctimonix praxis est necessaria occupatio & operositas eorum qui hac via ambulant. Porro nihil boni pro nobis ipsis agimus, quum omnia quæ ad salutem requiruntur abunde pro nobis præstiterit Christus: *qui unus pro omnibus mortuus est, ut qui vivunt posthac non sibi vivant, sed ei qui pro ipsis mortuus & suscitatus est.* 2. Cor. v: 15. Fœderis legalis formula est, fac hoc & vives. Sed doctrina gratiæ est; vivificavit te Christus, ergo tu vivito in vita filii Dei, eamque sancta actuositate demonstrato.

V. Nefas
esse quid-
quam face-
re cum in-
sensione
promoven-
di salutem
nostram.

V. II. Benedixit nobis Deus omni benedictione spiritali, in cœlis, in Christo: neque certiores alibi salutis securitatem invenire est quam in Christo: qui eam perfectissime nobis confectam dedit. Si itaque eandem nobis ipsi conficere postulemus, quid nisi actum agimus, laborantes in cassum? Præterea generosus veri Christianismi spiritus procul ab omni mercenaria vilitate abest: neque sic instituit: ego sedulo me bonorum operum exercitio dedam, ut æternam mihi lucrificiam mercedem; sed ad hunc potius modum, funiculi mihi ceciderunt in locis amœnis, pulchra hereditas mihi obtigit, benignitas & gratia prosequuntur me omnibus diebus meis: & quia tam abunde mihi prospectum est a Christo, hinc tanta opulencia contentus, & nihil ultra meis operibus fatagens, ipsum & corpore & animo meo glorificabo, & generationi meæ in honorem gratiæ ipsius inserviam.

VI. Nihil
boni bene
agendo ac-
quiri, nihil
mali evi-
tari.

VI. III. Nostra officia, etiam optima & præstantissima, nullam ex se ipsis efficaciam habent conferendi nobis ullum bonum: omnis efficacia ex Dei in Christo benedictione pendet. Nihil mali nos precibus nostris aliisve religionis exercitiis averruncare posse ideo inculcandum est, ne, quod fieri plerumque assolet, ullam iis Deum nobis conciliandi vim, quæ in sola Christi satisfactione sita est, attribuamus. Quid denique ad pacem conscientix, & lætitiā in Christo nostravalem opera? quæ, si ad eorum imperfectionem & qua fœdantur habem attendamus, non nisi bellum clamant: solus Christi sanguis dedit pacem, quam frustra alibi quæras. Ipse est pax nostra.

VII. San-
ctitatem
adversam
non esse sus-
ficiens indi-

VII. IV. Argumenta ex quibus constet nos in Christo esse a multis hæc creduntur esse præcipua: universalis obedientia, sinceritas animi, & amor erga fratres. Cæterum quamvis hæc in suo genere intra sphaeram suam insignem ad hanc rem usum habeant, tamen qui

per carnem debilitata sunt, vix est ut animo ad solidam securitatem *cum statu* sufficient. Nemo enim est quin, modo ad se ipsum attendat, facile *gratia* deprehensus sit, tantis hæc omnia nævis laborare, ut anxius salutis suæ animus difficulter sibi in dignoscendis istis signis satisfaciatur. Prius oportet Spiritum Domini gratiam suam nostro revelare spiritui, & nos fide donare qua testimonium illud Divini Spiritus recipiamus, ut eo testimonio contenti animum tranquillemus, antequam ullum sanctitatis officium tantæ rei evidentiam conciliare queat. At postquam testimonium Divini Spiritus fide receptum securitatem animo ingeneravit, tunc dona Divini Spiritus una cum Spiritu Domini & corde hominis credentis testimonium perhibent.

VIII. v. Quando Paulus Phil. 111 : 8. omnia se pro damno & VIII. *Opti-* stercorebus ducere testatur, propter eminentiam cognitionis Christi Je- *ma fide-* su, & ut Christum lucrifaceret, iis verbis, quod ad justificationem *um opera* coram Deo attinet, omnia opera excludit, tum præcedentia, tum con- *non nisi* sequentia fidem, uti præclare a Beza observatum est. Ad cujus rei *sordes &* elucidationem conducit animadvertere hæc sequentia. I. Gratia Spi- *stercus esse.* ritus sanctificantis limpidæ mundæque e scaturigne sua profluunt. II. Quando autem cordium nostrorum vitio infectorum canales permeant, ex illorum sordibus immunditiem contrahunt. III. Atque hinc est quod optima quæque officia atque exercitia nostra polluta sint. IV. Et consequenter pro justitia nostra coram tribunali Dei censeretur nequeant. V. Idcirco non est cur de officiis recte præstitis gloriemur, aut eorum causa nos commendemus Deo; sed potius pudore suffusi humiliter precemur veniam. VI. Quidquid a nobis proficiscitur, comparatum cum purissima Dei sanctitate, respectu adhærentis imperfectionis, quæ ex mixtura inhabitantis in nobis peccati est, efficit ut officia a nobis præstita, si in se considerentur, nil nisi sterces sint. VII. Attamen per fidem in Christum omnis illa peccatorum nostrorum spurcicies abluitur per Christum, qui ea, suo solius sanguine mundata, Deo repræsentat, efficitque ut ei grata atque accepta sint: quod non facit, nisi nobis ipsis nostræque justitiæ prorsus renunciaverimus, eamque omnem pro damno & stercore reputaverimus. VIII. Denique quum nos ipsi, & spirituales hostiæ quas Deo offerimus, acceptæ Deo non sint nisi per Jesum Christum, 1. Petr. 11 : 5. nefas est tantum de sanctificatione nostra quantacunque præsumere, ut propter eam, in se consideratam, & sejunctam a Christo, Deo nos placere postulemus.

CAP. XIV.

De utilitate sanctitatis doctrina Scripturæ.

I. Horridis ejusmodi dictis male consulitur religioni. II. In re ipsa aliquid probandum, alia improbanda videntur. III. Scriptura docet, agendum esse aliquid ut servemur. IV. Sanctitatem esse viam vitæ. V. Non repugnare ut & Christo vivamus, & nostris consulamus commodis. VI. Bene agendum esse quia vivimus, & ut vivamus. VII. Bonum sanctumque esse ut nostra quoque salutis rationem in studio bonorum operum habeamus: VIII. modo amor ille nostri rite subordinetur amoris Dei. IX. Pietatem ad omnia esse utilem. X. Per eam impendentes calamitates evitari, & pacem conscientia, ac letitiam promoveri. XI. Perperam nonnulli videntur negare, quod sanctificatio sit argumentum justificationis. XII. Spiritus quidem Dei testatur nos esse Dei filios. XIII. Sed nec cum spiritu nostro: quem excitat ad cernenda quæ in nobis sunt gratia charismata. XIV. Ex conscientia virtutum Christianarum est certitudo electionis. XV. Ex iis demonstratur an quis in fide & Christo sit. XVI. XVII. Ipsæ secus sententiarum hypotheses eodem ducunt. XVIII. Certitudo certitudinis quæ ex testimonio Divini Spiritus est, cum illa quæ ex intuitu gnorismatum gratia oritur. XIX. Sanctitas fidelium, quam imperfecta, Deo placet propter Christum. XX. Imo etiam, quatenus vera sanctitas est, propter se. XXI. Unde quo quis sanctior eo & acceptior Deo est. Charnocus laudatus.

*I. Horridis
ejusmodi
dictis male
consulitur
religioni.*

Hoc fere modo Viri Docti mentem suam exponunt, quæ, remota Gorgonea ista durissimarum locutionum larva, longe alia facie se repræsentat. Enimvero nequeo satis mirari, quam ob rem placuerit Viris eruditissimis ita orationem suam comparare, ut non nisi lapides loqui viderentur; quorum in unum congesta durities audientibus propemodum omnibus cerebrum comminuit. Pessime isthac ratione non suæ solum existimationi, sed & universæ religioni Reformatæ consuluerunt; quæ imprudenter admodum & sine ulla probabili causa, exposita est cavillis & calumniis adversariorum. Non ita pridem invidiam doctrinæ Ecclesiarum Reformatarum, quasi inimica foret pietatis & bonorum operum, conciliare conatus est *Arnaldus*, celebris Jansenistarum Patriarcha, ne scilicet ullo pacto cum Calvinis facere crederetur. Hinc obtentui fuit innocentissimas quasdam nostrorum hominum phræses, quas iniquissima interpretatione alio quam par est torfit. Quid non fecisset, si insolentissima hæc dicta, & quæ his sunt similia, fuissent

fuisſent ei cognita; ſique eorum auctores pro Reformatæ Eccleſiæ Doctõribus agnoviſſet? Et vereor ſane ne id fecerit: ſaltem ex parte. Vide *Jurieu juſtificat. de la morale lib. III. cap. II.* Quid hoc malæ rei eſt, ita ex deſtinato conſilio loqui, ut mox proluxa explicatione indigeas apud auditores ſimplices & candidos, & apologia apud minus faventes ac ſuſpicaces? Quum perſpicuitas princeps virtus orationis ſit, quid obſtitit quo minus, prætermiſſis omnibus illis ænigmatum mæandris, jam inde ab initio illuſtrate dixeritis, quod ſperare poteratis mox ſe approbaturum eſſe piorum hominum conſcientiæ? At hæc de locutionum rigore ſatis nunc dicta ſunto.

II. In re ipſa eſt quod probem, eſt quod improbem. Probo e-II. In re quidem totius hujus doctrinæ ſcopum; quæ eo collimat ut homines *ipſa ali-* ab omni propriæ juſtitiae præſumptione avocentur, atque ad generosæ *quid pro-* pietatis, quæ ex puro fonte Divini amoris ſcaturiat, exercitium in- *bandum,* ſtituantur. At non æque probo quod fructum omnem atque utilita- *alia impro-* tem, toties in Scriptura bonis operibus aſſertam, magna ſaltem *banda vi-* ex *dentur.* parte iisdem demere videatur. Ita conſulendum gratuitæ juſtificationi eſt, ut nihil derogetur beneficio ſanctificationis. Et quemadmodum ea Divini Spiritus oracula, quæ de illa loquuntur, ſecundum omnem verborum valentiam interpretanda ſunt, ne quid unius Chriſti meritis deliberetur; ita quæ de hac agunt, non ſunt quæſitis interpretationibus extenuanda. Accurate diſtingui oportuit, inter jus ad vitam, & vitæ poſſeſſionem. Illud ita Chriſti obedientiæ vindicandum eſt, ut omnis noſtræ ſanctimoniae valor prorsus excludatur. Ad hanc vero noſtra certe opera, vel ea potius quæ Spiritus Chriſti in nobis & per nos efficit, aliquid conferunt. Et hic rursus nimius ille diſputandæ rigor τῆ ἐπιτελείᾳ & benignitati Scripturarum diſſonus eſt. Quod par- titim atque ordine oſtendam.

III. I. Scriptura docet, agendum aliquid homini eſſe, ut ad ſa-III. Scrip- lutis, per Chriſtum partæ, poſſeſſionem perveniat. Chriſtus dixit: *tura docet,* *operemini cibo qui permanet ad vitam æternam,* quod de fide quidem po- *agendum* ſtea interpretatur, ſed ſic ut aperte ibi fidem in operum cenſum redi- *eſſe aliquid* gat: non enim de juſtificatione agitur. Joh. vi: 27, 29. Et Paulus *ut ſer-* *mon.* diſerte: *cum timore ac tremore veſtram ipſorum ſalutem conſicite.* Phil. 11: 12. Ac rursus: *Itaque fratres mei dilecti, ſtabiles eſtote, immoti,* *eminentes in opere Domini ſemper, quam ſciatis laborem veſtrum non eſſe inanem in Domino.* 1. Cor. xv: 58.

IV. Neque quia Chriſtus via vitæ eſt, idcirco praxis ſanctimoniae IV. Sancti- Chriſtianæ non eſt via vitæ. Chriſtus eſt via vitæ, quia jus nobis ad *ratem eſſe* vitam peperit. Praxis ſanctimoniae Chriſtianæ eſt via vitæ, quia ea *viam vitæ.*

ad possessionem quæsit per Christum juris contenditur. Hæc enim plus centies viæ nomine designatur : nunc *via Domini*, nunc *via iustitiæ*, *via bona*, *via pacis*, imo, nequid desit, *via vitæ & salutis* dicitur. Prov. VI: 23. *Lucerna præceptum est, & doctrina lux, viaque viæ correctiones erudientes.* Et x: 17. *Iter ad vitam est servantis eruditionem.* xv: 24. *Iter vitæ sursum est intelligenti.* Ps. L: 23. *Qui componit viam suam, faciam ut is fruatur salute Dei.* Et quid Christus ipse intelligit per strictam illam *viam quæ ad vitam ducit* Mat. VII: 14. nisi accuratam religionis Christianæ praxin? quæ *via salutis* vocatur Act. XVI: 17.

V. Non repugnare ut
& Christo
vivamus,
& nostris
consulamur
commodis.

V. Certum equidem est, hominem vere Christianum Christo vere, id est ad Christi gloriam: at non exinde consequitur nihil ipsum in sua agere commoda. Non est alienum a sancti hominis officio, ut *delectetur vita, amet dies & frui bono.* Ps. XXXIV: 13. Nec male consulit Eliphazus Themanites Job. XXII: 21. *Assuesce, quæso, cum illis & pacem habe: in hac obveniet tibi bonum.* Neque nefas est cogitando præcipere, quam bene mihi futurum sit si vivam Christo. *De me itaque propinquum esse Deo mihi bonum est.* Ps. LXXIII: 28.

VI. Bene
agendum
esse quia
vivimus,
& ut vi-
vamus.

VI. Denique nihil repugnat aliquid ex eo agere quia vivimus, & ad id ut vivamus. Nemo sane edit quin vivat, sed idem edit ut vivat. Sancte agere & possumus & debemus; quia vivificati sumus Spiritu Dei: sed & sancte agendum est, ut vita ista in nobis conservetur, augeatur, desinatque tandem in vitam non desituram atque æternam. Optime olim Moses Deut. xxx: 19, 20. *Conceptor huius contra vos cælum & terram, me vitam ac mortem proposuisse tibi: quæ vitam eligito UT VIVAS, diligendo Jehovah Deum tuum, auscultando vocem ejus & adharendo ei: nam ipse est vita tua.* Deut. VIII: 1. *Observantes facitote, UT VIVATIS.* Et xxx: 6. *Circumcidet Jehovah Deus tuus animum tuum ad diligendum Jehovah Deum tuum UT VIVAS.* Quæ sane non legales, sed Evangelicæ conciones sunt.

VII. Bo-
num san-
ctumque
esse ut no-
stra quoque
salutis ra-
tionem in
studio bo-
norum ope-
rum habea-
mus:

VII. II. Indigna profecto generosis Dei filiis mercenaria vilitas est: sed nec interdicat ipsis Pater cælestis, ne ullam commodi sui rationem in sanctitatis exercitio habeant. Non permittit solum, sed & vult, ut per tolerantiam QUÆRAMUS OPERIS GLORIAM & bonorum & incorruptibilitatem; iisque qui ita faciunt RETRIBUET vitam æternam. Rom. II: 6, 7. Et quamvis sui amorem præ omnibus postulet, non tamen omnem nostri amorem prorsus exulare jubet. Neque enim ad amorem proximi tenemur, si non ad amorem nostri. Hoc quoque nostri amore sanctitatis studium accendi in nobis par est. Nam quæso spectant omnes illæ promissiones, quibus sua nobis mandata commendavit Deus, nisi ut eorum stimulati desiderio alacrius ipsi obedire-

diremus? Bona promissa non amare, est bonitatem promittentis Dei contemnere. Eorum desiderio non animari ad pietatem, est iis alio abuti quam quo a Deo proposita sunt. David ipse fatebatur praecepta Dei eo quoque nomine desideratissima esse prae auro, & quidem auro purgatissimo quam plurimo, & dulciora melle, ac quidem aceto melle, quia *in observatione eorum est emolumentum magnum*. Ps. xix: 11, 12. Et Moſis fides propterea laudatur, quod *intueretur in premii retributionem*. Heb. xi: 26. Imo ab omnibus qui ad Deum accessuri sunt ea fides exigitur, qua *credant premia largiri iis qui ipsum requirunt*. ibid. com. 6.

VIII. Verum hic quoque amor nostri ex amore Dei scaturire, ei VIII. modo subordinari, & ad eum referri debet. Non licet Deum amare nostri amor ille causa, sic ut nos ipsos veluti finem consideremus, Deum veluti me- nostri rise subordine-
dium, cujus fruitione reddamur beati. Sed quoniam nos res Dei su-
mus, quem ante omnia amare oportet, ideo etiam nos ipsos diligere Dei.
tenemur cum illo ad Deum respectu. Bonum nostrum ideo quæren-
dum est, ut in eo suavitatem Domini gustemus, & peculium Dei tan-
to reddatur auctius. Ita in Oceano isto Divini amoris nostri amor tan-
dem absorbetur. Quæ alibi a me observata, heic repetere res ipsa
coëgit.

IX. III. Neque id perpetuo Scripturarum tenori consonum est, IX. *Pieta-*
nullam nos ex officiis recte præstitis veram utilitatem percipere, nihil
mali precibus, jejuniis, poenitentia averruncari; nec conscientiae pacem
animique lætitiæ virtutis exercitio promoveri. Certe contrarium
hoc Mosæicæ doctrinæ est Deut. vi: 18. *Facias quod rectum est, ut
bene sit tibi*. Adde v: 39. vi: 3. *Qui sectatur justitiam & benignita-
tem, consequetur vitam, justitiam & honorem*, ait Paroemiaſtes. cap.
xxi: 21. *Pietatem magnum questum, eandemque ad omnia utilem esse,
ut quæ habeat promissionem vite præsentis & futura: & ea quæ honesta
sunt, pariter bona & hominibus utilia esse*, Paulus auctor est. 1. Tim.
vi: 6. iv: 8. Tit. iii: 9.

X. Poenitentia impendentes calamitates evitari docet Deus Jer. X. *Per eam*
xviii: 7, 8. Et insignis est Zephaniæ concio cap. iii: 3. *Quærite impenden-
Jehovam omnes mansueti terra, qui ejus jus operantur: quærite justitiam, tes calami-
quærite mansuetudinem, fortassis abscondemini die ira Jehovæ. Porro opus ri, & pa-
justitiæ pacem fore, & effectum justitiæ fore tranquillitatem & securitatem cem con-
usque in seculum, apud Jesaiam exstat. cap. xxxiii: 17. Idem docet, si sciensia, ac
qui desinant male facere, discant bene facere, futurum esse ut eorum pec- promovendi,
cata, quamvis velut dibapha fuerint, tanquam nix exalbescant; quamvis
rubra fuerint veluti coccineum, similia lanæ evadant. cap. i: 16, 17, 18.*

Itemque, si quis *Sabbata Jehova* rite *observaverit*, eum *sefe in Jehova oblectaturum esse*. cap. LVIII: 13, 14. Quæ dum Scripturæ omnia ista asseveranti credimus, non credimus virtutis aut religionis exercitium tale quippiam mereri, aut tantam esse officiorum illorum efficaciam, ut per se, seposita Dei benedictione, bona producere, aut mala avertere queant: sed credimus tantam esse Patris nostri cœlestis bonitatem, ut sinceris filiorum suorum, placere ipsi gestientium, conatus, propter Christum, liberaliter remuneretur. *Non enim injustus est Deus, ut obliviscatur operis vestri, & laboriosæ charitatis, quam ostendistis erga nomen ipsius*. Heb. VI: 10.

XI. *Perpetram nonnulli videntur negare, quod sanctificatio sit argumentum justificationis.*

XI. IV. De gnomismatis gratiæ multo difficilius dixerò quid controvertatur, quam quid secundum sacras literas statui debeat. Aliquando enim negari videtur, ullas inhærentes qualitates esse idonea argumenta justificationis. *Ne tua consolatio*, inquit aliquis, *debeat ex tua personali sanctificatione, quia hinc nulla certa & constans consolatio fluere potest*. Rursus: *ex sanctificationis effectibus est quod homo quod animum suum de justificatione disceptet: quare nullum sanctificationis effectum potest anima monstrare suam justificationem*. Anima quæ suam justificationem apprehendit in Christo, non solum novit eam, sed & vivit per eam, suavisque ejus fruitur fructibus, pace, gaudio, corroboracione, atque ulla in se sanctificatione. Nequis tamen hinc inferat, sanctificationem a justificatione prorsus sejungi posse, mox additur: *Quemadmodum non debemus inferre justificationem nostram ex aliquo effecto sanctificationis; ita nec illa apprehensio justificationis est a Deo, quæ hominem abluat a mediis & regulis sanctificationis: namque indecorum est non ambulare sancte secundum verbum Dei*. Aliquando autem agnosci videtur, sanctificationem illiusque effecta esse indicia justificationis in suo genere insignia; at non satis convincentia absque testimonio Divini Spiritus. Quis tam intricata extricet?

XII. *Spiritus quidem Dei testatur nos esse Dei filios.*

XII. Quanto clarior hic rursus est Scripturarum simplicitas? Ea geminam viam docet qua quis ad certam status sui cognitionem deveniat: harum altera ex sola Divinæ gratiæ illuminatione, & liberrimo Sacrosancti Spiritus ad nostrum spiritum testimonio, dependet; altera vero nostræ commissa est diligentiae. Testimonium Spiritus quale concipiant, & quale in animis suis experiantur, Deus novit, & ipsi. Ego haud negaverim esse internum quendam, nulloque humano sermone explicandum instinctum, qui dilectos Dei arcana conscientiae convictione justificationis & adoptionis suæ certiores reddat.

XIII. *Sed una cum spiritu no-*

XIII. Attamen quum ordinaria gratiosæ providentiæ Divinæ dispensatio, quæ electis omnibus communis est, distinguere debeat ab extraordinari-

traordinariis illis Spiritus revelationibus, quæ propriæ fuerunt Pro-
phetis; quumque hoc de quo nunc agimus Spiritus testimonium non
tam in verbis quam factis consistat; credibile est ita plerumque Spi-
ritum Sanctum in animis fidelium operari, ut spiritum eorum, cætero-
quin languentem, ad diligentem earum qualitatum quæ animæ insunt,
& eorum quæ in atque ab ea aguntur, observationem excitet, ocu-
los mentis supercœlesti luce irradiet, ne per speciosa magis quam so-
lida fallantur, neve ea prætervideant, quæ Deus gratiæ suæ argumen-
ta esse in Scriptura docuit. Ita enim testatur Spiritus Dei, ut una te-
stetur cum spiritu nostro, eum ad verum testimonium perhibendum
excitans, illiusque testimonium confirmans, & conscientiam de illius
veritate convincens. *Attestante mihi simul conscientia mea per Spiritum
Sanctum.* Rom. IX: 1. Atque ita ne ipsum quidem Divini Spiritus
testimonium prorsus sejunctum est ab animadversione gnorismatum
gratiæ. Accedit autem non raro, quod Dei Spiritus iis beneficentissi-
mi amoris blanditiis electos suos complectatur, ut, dum spiritualibus
illis & ineffabilibus deliciis fruuntur, quas terrestres animæ nec ca-
piunt nec gustant, non minus de electione & justificatione sua persuasi
sint, quam si in ipsis Dei manibus nomina sua cœlata cernerent.

XIV. At præterea officii nostri pars est ut *studeamus vocationem* XIV. Ex
& *electionem nostram firmam facere*: 1. Pet. I: 10. id est, operam de-
mus, ut evidentibus indiciis de illo Dei erga nos amore persuasi si-
mus. Qua vero id ratione assequemur? *Si omni collato studio adijciamus*
fidei virtutem, virtuti notitiam, &c. Hæc enim si nobis adsint & abundant,
non inertes nec infructuosos efficient in Domini nostri Jesu Christi agnitione.
Nam cui hæc non adsunt, is cæcus est, nihil procul cernens, oblitus sese a
veteribus peccatis suis fuisse purificatum. com. 5--9. Itaque ex conscien-
tia virtutum Christianarum oritur in hominibus piis certioratio suæ
electionis & vocationis: suntque virtutes istæ, uti eleganter Bernardus
loquitur in *lib. de grat. & lib. arbit. Spei quadam seminaria, charitatis in-*
centiva, occulta prædestinationis indicia, futura felicitatis præsagia.

XV. Paulus quoque jubet, ut quisque semetipsum *tentet atque* XV. Ex iis
exploret an in fide sit, & an Jesus Christus sit in ipso. 2. Cor. XIII: 5. *demonstra-*
Ad quam explorationem rite peragendam necesse est ut primum ex ver-
bo Dei solide erudiamur, quænam sint signa diagnostica status gratiæ; *in fide &*
deinde instituamus diligens conscientiæ nostræ scrutinium, an ea in
nobis inveniantur. Si verbum Dei consulamus, ubivis fere deprehen-
demus heredes præsentis gratiæ & futuræ gloriæ describi a qualitati-
bus ac virtutibus suis, earumque exercitio. Vide sis Ps. xv. & xxiv.
& Mat. v. Imo est ubi expressim docemur hinc statum nostrum esse

dignoscendum. 1. Joh. III: 14. *Nos scimus nos esse translatos ex morte ad vitam, quia diligimus fratres.* Rursus com. 19. *Et per hoc cognoscimus nos ex veritate esse, & coram ipso secunda reddemus corda nostra.* Hæc certe longe diversum sonant, & quod e diametro contrarium est iis quas nuper audivimus assertionibus.

XVI. *Ipsa
secus senti-
entium hy-
potheses eo-
dem du-
cunt.*

XVI. Mirum quoque est, quum fateantur viri eruditi sanctificationem esse sequelam & effectum justificationis, & quidem tale effectum quod saltem a conscientia justificationis sit inseparabile, cum negent eam esse certum justificationis indicium. An ergo ex effectibus propriis non potest cognosci causa? ex duorum beneficiorum inseparabilium uno non potest inferri alterum?

XVII.

XVII. Haud inficiantur Fratres non posse quemquam conscientiam suæ justificationis habere, nisi ex fide & per fidem. At quomodo quisque novit se fidem habere? Ex rei, inquit, evidentiâ. Quum enim anima suarum sibi actionum immediate conscia sit, novit an audiat testimonium Spiritus Dei, an illud recipiat, & credens respondeat: fides enim est echo & quædam quasi Divinæ vocis animum alloquentis repercussio. Non lubet refragari. At causam tandem dicant, cur minus animus sui affectus quam sui assensus conscientiam habeat. Qui sit, ut non æque agnoscam me frequenter de Deo cum jucunditate quadam cogitare, illius familiarem communicationem impense desiderare, & cupere, atque in eo esse ut quæ grata ei sum faciam, dolere denique ubi ab officii norma aberravero: quam æ agnoscam arcanum Dei ad animum meum alloquium vere alloquium Dei esse, eique animum meum fidei assensu respondere. Unde concludo, sanctificationem illiusque effecta nequaquam insuper habenda esse, ubi de animo justificationis suæ certiorando agitur.

XVIII.

*Collatio
certitudinis
quæ ex testi-
monio Di-
vini Spiritus
est, cum
illa quæ ex
intuitu
gnorisma-
rum gratia
oriuntur.*

XVIII. Neque inconsultum erit certiorationem eam quæ ex testimonio Divini Spiritus est conferre cum illa quæ ex intuitu gnorismatum gratiæ oritur. Si testimonium Spiritus Sancti in se spectetur, & agnoscatur esse ipsius Spiritus testimonium, profecto nihil eo certius, nihil fide dignius excogitari potest. Quod eximie amplificavit Origenes *Homil. XIV. in Epist. ad Rom.* Οὐ τὸ χάρισματός ἐστιν ἡ ἐνὶ τῷ μόνον, ἀλλὰ καὶ τὸ δόντος τῆς δωρεᾶν παρακλήτε. ὅταν δὲ τὸ Πνεῦμα μαρτυρῇ, ποία λοιπὸν ἀμφισβόλια; εἰ μὲν γὰρ ἀνθρώπου, ἢ ἀγγέλου, ἢ ἀρχαγγέλου, ἢ ἄλλης τινος τοιαύτης δυνάμεις τὸτο ὑποχρεῖτο, καὶ ἀμφισβόλλων ἐν αὐτῷ τινὰς, τῆς δὲ ἀνωτάτης ἐσίας, τῆς καὶ δωροδοκούντος τὸτο, καὶ δι' ὃν ἐκείνου εὐχεσθαι, μαρτυρούσης ἡμῖν, τίς ἀμφισβητήσει λοιπὸν περὶ τῆς ἀξίας; *Nam doni solum hac vox est, sed & Paracleti, qui donum largitus est. Quum autem Spiritus testatur; quæ tandem restat ambiguitas? Nam si vel bonum*

*vel Angelus, vel Archangelus, vel alia hujusmodi potestas hoc polliceretur, conveniens esset nonnullos hæsitare. Quum autem summa essentia, & ea quidem quæ donum hoc largita est, etiam per ea quæ nos orare jussit, nobis testetur, quis tandem de dignitate ambiget? Non dubito etiam quin testimonium Spiritus, ubi præsens est, tam illustri cœlestis lucis coruscatione in animis fidelium splendeat ut Deum esse qui loquitur planissime persuadeantur. At cupio audire ex hominibus piis, quo modo in se testimonium illud experiantur, an per modum actus alicujus continui; an intermittentis quidem, sed oppido frequenter repetiti; an rarius, & per longa intervalla ac spiramenta temporum dulcissimo isthoc alloquio frui ipsis contingat. Si perpetuo, aut frequentissime tam jucundæ familiaritatis commercio maectentur; est quod ipsi insignes Deo gratias agant. Neque caussa dici potest cur alii tam inusitatam iis felicitatem invideant. At neque ipsi temerario judicio injuriosi sint in progeniem filiorum Dei, quibus non licet esse tam beatis; ut de tam frequenti, nedum perpetuo Spiritus testimonio glorientur: & quorum fides plerumque non est echo, aut repercussio interni istius de peccatorum suorum remissione alloquii, sed assensus Evangelio, uti a Christo & Apostolis prædicatum, & instinctu Spiritus Sancti scripto consignatum est. Ponamus vero, dudum esse quod fidelis aliquis tam dulci Spiritus alloquio gavisus sit; an illius memoria tam alte menti impressa manet, ut post prolixiores moras eadem lucis suæ claritate semper animo obversetur, neque subinde dubitandi rationes oboriantur, ecquid fortasse sua se imaginatione fefellerit, & pro dictato Spiritus arripuerit, quod non nisi deceptæ mentis suaviludium erat? Mihi sane in cura animarum, quam nunc ultra quadraginta annos sustineo, non raro id genus hæsitationes ex iis audire contigit, de quibus sequius suspicandi rationes nullas habebam. Cæterum quum habitus virtutum Christianarum permanentes sint; quamvis non eodem semper gradu actuosi; quumque non eorum æqualis continuo vividitas, sed sinceritas, indicium gratiæ sit; quum denique non admodum difficile sit homini dignoscere, quo modo erga Deum affectus sit; & ex quo principio, quo proposito, in Dei cultu & virtutis exercitio versetur: plerumque comperi plus solidæ & permanentis tranquillitatis gigni ex perpetuo studio bonæ conscientiæ conservandæ, quam ex memoria nubila Divini ad animam alloquii, quod in nostri ævi hominibus Christianis non solet esse creberrimum. Beati illi quibus cum Paulo licet dicere: *Gloriatio nostra hæc est 2. testimonium conscientiæ nostræ, quod cum simplicitate & sinceritate Dei, non cum sapientia carnali, sed cum gratia Dei versati sumus in mundo.* 2. Cor. 1: 12.*

XIX. *Sanctitas fidelium quamvis imperfecta, Deo placet propter Christum.*

XIX. v. De pulcritudine virtutum Christianarum, & de earum *evangelica* in conspectu Domini, sic arbitror. Nullam cuiquam in hac vita contingere tam examussitam sanctitatem quæ non suis laboribus imperfectionibus: ob quas, si ex legis rigore agere, summoque nobiscum jure experiri vellet Deus, pro resectanea censeretur posset. Unde fit, ut justitia nostra apud Deum, in ordine ad justificationem, nullo pacto esse queat. Et si quis ad istum eam finem Deo obtrudere præsumeret, revera ipsi sterco fieret & damnum. Neque in re ipsa hic dissentiant Fratres. Utrumque enim doceri video, *etiam optimi Christianorum id incumbere officii, ut renuncient omni gratiæ quam possident, omni bono quod faciunt, quasi vel minimum conferat ad expiationem criminum, vel consecutionem juris ad vitam: imo condemnari eos qui negant, præstantissimam quamque obedientiam nostram mereri ex legis rigore maledictionem, & indigere venia: aut qui negligunt auditoribus suis inculcare, omnibus iis rebus renunciandum esse quæ in nobis ipsis inveniuntur, ut modo pro causa expiationis aut condonationis peccatorum habeantur.* At ubi per justitiam Christi fide apprehensam persona hominis credenti grata facta est Deo, tunc virtutes ipsius, quas ex gratia sanctificationis nactus est, & exercitium virtutum ex eadem gratia promanans, Deo quoque grata sunt: & quod iis de nostro adhærere nævi, id perfectissima Christi justitia & sanctitate obtegitur.

XX. *Imo etiam, quatenus vera sanctitas est, propter se.*

XX. Interim quum ea sanctitas ad quam a Patre prædestinatus sumus, quam suo nobis sanguine meruit Christus, quæque nobis infunditur efficacitate Sancti Spiritus, revera sanctitas sit, ipsaque Dei ad quam reformamur imago; non potest ea, etiam sui ipsius intuitu, quia est sanctitas, & quatenus est sanctitas, Deo non placere. Atque hac ratione virtutes Christianæ, non sunt sordes & stercorea; sed *pulcritudo Regiæ sponsæ, & decus quo tota honorata est intro. Ps. XLV: 12, 14. Domui Jehovæ decora est sanctitas in longitudinem dierum. Ps. XCIII: 5.*

XXI. *Unde quo quis sanctior eo & acceperit Deo est. Charnocus laudatus.*

XXI. Porro quum Deus non possit semetipsum non amare, delectatur etiam eo quod sibi simile est; & quo plus suæ imaginis in quaque re animadvertit, eo etiam magis in illa *inductus*. Elegit Charnocus de Sanctitate Dei p. 509. *Ita sanctus est Deus, ut non possit non amare sanctitatem in aliis. Per naturam suam non potest quin delectetur id quod naturæ suæ consentaneum est, & in quo sapientiæ ac puritatis pulchram desprehendit effigiem. Fieri nequit ut non delectetur sui ipsius imagine. Non esset natura sanctus, nisi sanctitate delectaretur in omni natura. Suam ipse naturam abnegaret, si amore non prosequeretur omne illud in quo expressa quædam naturæ suæ effigies est.* ADEO QUIDEM UT SI IPSOS CACODÆMONAS CADERE POSSET ACTUS ALIQUIS JUSTI-

TIA

TIA, DEUS SANCTITATE SUA INCLINARETUR AD EUM DILIGENDUM IN SPIRITIBUS ISTIS NEQUAM AC REBELLIBUS. Unde consequitur, tam acceptos ipsi esse qui gnaviter sanctitatis Christianæ exercitio incumbunt, quam odiosi sunt qui suis obsequuntur cupiditatibus. Quidquid aliis videatur, ego non dubito, quin generosa sit & laudabilis ea Christianorum φιλοτιμία qua alter alterum in studio pietatis antevertere nituntur, ut, quemadmodum Evangelia edocti sunt, quemadmodum oportet ambulare & placere Deo, in eo magis excellent. 1. Thef. IV : 1. Διὸ καὶ φιλοτιμώμεθα, ἵνα ἡδομῶντες, ἵνα ἡδομῶντες, ἡμέτεροι αὐτῷ εἶναι. 2. Cor. V : 9.

C A P. XV.

Quo modo, atque ordine prædicatio Legis jungenda sit cum prædicatione Evangelii.

- I. II. Lex & Evangelium vel arctiore, vel latiore significatione veniunt.
- III. Lex considerari potest, vel ut norma officii, IV. vel ut conditio fæderis; tam operum, V. quam illius quod est inter Patrem & Filium.
- VI. Non ita illius quod est inter Deum & electos. VII. Variis tamen respectibus ad fædus gratia refertur. VIII. Evangelium in latiore significatione suam quoque legem habet. IX. At strictissime sumtum meris constat promissis. X. Sub Oeconomia Evangelica legem quoque cum suis usibus prædicari oportet. XI. Sed & Evangelium cum omni gratia sua opulencia. XII. Utrumque in summo perfectionis apice. XIII. De ordine non est valde laborandum, quum utrumque simul prædicari oporteat. XIV. Initium novæ vitæ ex prædicatione Evangelii est. XV. At in progressu nunc Lex nunc Evangelium primas secundasve tenent.

I. Denique quæritur, quo modo, atque ordine, prædicatio Legis jungenda sit cum prædicatione Evangelii. Ad cujusquæ fiti determinationem præcognoscendum est, quid per LEGEM, quid per EVANGELIUM intelligatur. Lex hic notat eam verbi Divini partem quæ præceptis & interdiktis constat, cum pollicitatione præmii conferendi in eos qui dicto audientes sunt, & comminatione poenæ in immorigeros. Evangelium significat doctrinam gratiæ plenissimæque salutis in Christo Jesu, ab electis peccatoribus recipiendæ per fidem. Itaque omnis præscriptio quarumcunque virtutum & officiorum, omnes exhortationes, & dehortationes, omnes increpationes

& comminationes, omnes etiam promissiones præmii ad perfectæ obedientiæ remunerationem, pertinent ad Legem. Ad Evangelium autem pertinet quidquid homini peccatori spem salutis conciliare potest, nimirum doctrina de persona, officiis, statibus, beneficiis Jesu Christi, omnesque promissiones quibus innexa est peccatorum venia, & annexa possessio gratiæ per fidem in Christum obtinendæ. Hæc est artificiosa utriusque vocis notio: ad quam in tota hac disputatione est attendendum.

II.

II. Notum cæteroquin omnibus sapientiæ nostræ consultis est, Legem aliquando tam lata significatione usurpari, ut totum salutis doctrinæ systema, cujus potior pars Evangelium est, complectamur. Jes. II: 3. XLII: 4. Evangelium etiam quandoque notare omnem illam doctrinam quam Christus & Apostoli tradidere, qua & mandata, & interdicta, & exprobrationes, & comminationes comprehenduntur. Marc. XVI: 15, col. cum Mat. XXVII: 20. Rom. II: 16.

III. Lex
considerari
potest, vel
ut norma
officii,

III. Lex autem in strictiori ista significatione considerari potest bifariam; sive uti est *in se*, sive quatenus inservit alicui *fœderi*. In *se* Lex est absolutissima norma omnis officii, in quocunque statu, ab homine præstandi, sic ut omnium, sine exceptione, actionum rationalium bonitas vel malitia ad eam exigenda sit.

IV. vel ut
conditio
fœderis;
tam opo-
rum,

IV. Sed aliam præterea *externam* nanciscitur, quando *fœderi* alicui Divino *inservit*. Inservit autem olim *fœderi Operum*: & inservit etiamnum *fœderi Gratia*. In *fœdere operum* præscripta fuit, ut *conditio*, quæ perfecte præstita jus dedisset ad præmium.

V. quam
illius quod
est inter
Patrem &
Filium.

V. Fœdus gratiæ vel ea parte spectari potest, quatenus *pactum est* inter *Jehovam & Virum* cujus nomen est *Germen*; vel quatenus *intercedit Deo* cum peccatoribus *electis* & fidelibus. Illo intuitu, certe incredibilis propemodum gratiæ est, quod Sponsorem non admisit solum, sed & ipse dedit nobis Deus; at Sponsori tamen satisfaciendum fuit secundum rigorem Legis; qui respectu Sponsoris major fuit, quam in prima conventionione fœderis inter Deum & Adamum. Ea enim Adamus obligabatur, vel ad obedientiam omnibus numeris absolutam, vel ad pœnam: Sponsor vero noster obligatur ad utrumque simul. Sponsori autem nostro non promittitur operæ suæ pretium, nisi simul & consummatissimam legi præstet obedientiam & pœnam peccatis debitam sustineat. Ideoque *Lex* in omni suo rigore, tam quoad partem sui præcipientem, quam quoad sanctionem pœnalem simul, est *conditio* illius *Fœderis* quod intercedit inter *Deum & Sponsorem*.

VI. At si fœdus gratiæ attendatur uti conventum est inter Deum VI. *Non ideo*
 & electos; non puto dicendum esse, quod Lex, uti a nobis sincere *illius quod*
 præstanda, hujus quoque fœderis conditio sit. Plurimum enim eos *est inter*
 falli, qui contendunt loco perfectæ obedientiæ quæ primo fœdere exi- *Deum &*
 gebatur successisse sinceram obedientiam mandatis Christi præstandam, *electos.*
 quæ fidei nomine veniat, supra abunde demonstratum est.

VII. Variis tamen respectibus Lex ad fœdus gratiæ refertur. I. VII. *Variis*
 Quatenus cooperante Spiritu gratiæ, hominem omni propriæ virtutis *tamen re-*
 & justitiæ fiducia exuit, & miseriæ suæ agnitione ad humilitatem su- *spectibus*
 bigit, atque ita ducit ad Christum monstratum Evangelio. Rom. x: 5. *ad fœdus*
 Gal. III: 24. II. Quatenus ingreditur promissa fœderis, in quibus *gratiæ re-*
 non est minimum quod de inscriptione Legis in cordibus electorum *feruntur.*
 suorum pollicitus est Deus. Jerem. xxxi: 33. III. Quatenus est icon
 veræ virtutis, delineatio internæ & externæ probitatis, & exemplar
 sanctitatis quam Deus approbat, & quam nos oportet sectari. IV. Qua-
 tenus est norma nostræ gratitudinis quam debemus immeritæ Dei gra-
 tiæ. V. Quatenus sincera illius obedientia plurimum conducit ad Dei
 gloriam, ad proximi ædificationem, & ad nobis ipsis conciliandum
 multa commoda. Nam sincera ejusmodi Divinæ Legis obedientia, ar-
 gumentum atque indicium fidei non fucatæ, & habitantis in nobis
 per Spiritum suum Christi, & regenerationis ac reformationis ad Dei
 imaginem, & adoptionis ad gloriosam hereditatem est. Præterea af-
 fert nobis serenitatem conscientiæ, consolationem adversus convitia
 malignantium, pacis ac familiaritatis cum Deo commercium, &
proprietatem fidei ac spei in ipso mortis articulo. Adeo denique ad con-
 sequendam salutis possessionem utilis non modo, sed & necessaria est,
 ut sine ea nemo visurus sit Deum. Quæ modo fufius demonstrata
 sunt. Hæc vero omnia præstat Lex, non ex auctoritate suæ potesta-
 tis, quæ nil nisi quod perfecte sanctum est admittere potest, damnat-
 que omne illud quod vel minima est taminatum labe: sed ex aucto-
 ritate gratiæ Christi, cui nunc ancillatur, & cujus jussu opera, ex
 gratia sanctificantis Spiritus præstita, quamvis imperfecta, sincera esse
 declarat, & eatenus tanquam sibi conformia approbat. Hæ sunt
ex parte Legis, quatenus inservit fœderi gratiæ.

VIII. Atque hinc non difficulter terminari mihi posse videtur ve- VIII.
 xata quæstio: *an fœderi gratia, sive Evangelio, sua quoque sit Lex.* *Evangelii-*
 Nimirum si per Evangelium intelligamus totum istius doctrinæ syn- *um in lo-*
 tagma quæ a Christo & Apostolis prædicata est, dubitari nequit quin *ciore signifi-*
 quidquid ad virtutum omnium officia pertinet non solum repetatur; *catione su-*
 sed & luculentius in Evangelio tradatur, cum validioribus ad ea ex- *am quoque*
 legem ha-
 bet.
 horta-

hortationibus, quam unquam a Mose & Prophetis est factum. Atque hætenus ea doctrinæ Evangelicæ pars *mandatum Christi, lex Christi*, & perfecta illa *lex libertatis dici potest*. Quid ni enim intrepide dicamus, quod præit nobis ipse Dei Spiritus? Certe non caret emphasis quod Paulus de Novo Testamento dixit, *ἐπὶ κρείττοσιν ἐπαγγελίας νομί-
στῆται*, *præstantioribus promissis in legis formulam redactum est*. Heb. VIII: 6. Nam & ipsa fidei doctrina sub formula mandati aliquando inculcatur. Marc. I: 14, 15. Act. XVI: 31.

IX. At stri-
ctissime
sumtum
meris con-
stas pro-
missis.

IX. Cæterum si Evangelii vocem stricte sumamus, prout est formula testamenti gratiæ, quod meris constat promissionibus, sive absoluta exhibitione salutis in Christo, tunc nihil proprie præscribit et officium, nihil exigit, nihil mandat; ne hoc quidem, Crede, Confide, Spera in Dominum, & quæ sunt similia. Sed refert, nuntia, significat nobis, quid Deus in Christo promittat, quid facere velit, & facturum sit. Omnis præscriptio officii ad Legem pertinet, quemadmodum, post alios, optime inculcavit Venerabilis *Voetius Disputat.* 4. p. 24 & sequentibus. Et hoc omnino tenendum est, si, cum omnibus Reformatis, perfectionem Legis, omnes virtutes, omnia sanctitatis officia, ambitu suo continentis, constanter tueri velimus. Verum Lex attemperata Fœderi gratiæ, & juxta illud inscripta cordi electorum, jubet ea omnia quæ in Evangelio proponuntur fide non solum amplecti, & convenienter isti gratiæ ac gloriæ vitam suam instituire. Quando ergo Deus in Fœdere gratiæ promittit peccatori electo fidem, resipiscentiam, & consequenter vitam æternam, tum Lex cujus obligatio nunquam potest solvi, quæque ad omne se officium extendit, obstringit hominem ut illi veritati assentiat, promissa illa bona magni faciat, impense desideret, quærat, amplectatur. Porro quando quidem admiranda Dei Providentia eo ordine promissa disposuit, ut præcedat fides & resipiscentia, sequatur salus, homo eadem lege obligatur, ut hanc Dei ordinationem approbet, & amet, neque aliter nisi juxta illam salutem sibi polliceatur. Homo autem promissa fœderis eo quo proponuntur ordine acceptans, ea acceptione se ipsum obstringit, ut prius officiis quæ anterioribus promissis continentur operam det, quam se speret ad fruitionem posteriorum perventurum esse. Et hac ratione fœdus fit mutuum. Deus promissa sua in Evangelio certo ordine proponit. Homo vi Legis, subservientis Fœderi gratiæ obligatur ut promissa illa eo ordine amplectatur. Dum id facit fides, simul se obligat fidelis, ad vitæ novæ studium, antequam de vita beata præsumat. Et hoc modo conventio est *διπλευρε*.

X. Quam

X. Quum itaque nunc perfectum habeamus, quomodo lex ^{Sub Oe-}soederi gratiæ atque Evangelio subserviat, dubium non est quin veri- ^{conomia}tates istæ sub Oeconomia Evangelica, etiam Testamenti Novi, præ- ^{Evangelica}dicandæ sint. Nec perfunctorie profecto, sed sedulo ac serio: ut ani- ^{legem quo-}mus intimo peccatorum sensu percitus ad Christi gratiam anhelet: ut ^{que cum}agnoscat præstantiam perfectissimæ illius obedientiæ quam pro suis ^{suis usibus}consummavit Christus: ut suo pretio æstimet beneficium inscriptæ in ^{prædicari}mentibus Legis: ut inflammetur amore castissimæ illius sanctitatis quæ ^{operetur.}lege delineatur: ut exploret debitæ gratitudinis officia: ut Deo ad decus ac laudem, proximo in exemplum sit, suæ denique saluti ea qua par est diligentia operetur.

XI. Interim in omni quoque gratiæ suæ opulentia prædicandum ^{XI. Sed}est Evangelium. Ut convincatur animus, salutem suam unice in Dei ^{Evange-}gratia & Christi satisfactione sitam esse, nihil a se aut esse præstitum, ^{lium cum}aut præstari unquam posse, quo vel minimam particulam juris ad vi- ^{omni gra-}tam sibi comparet: Christum sua potenti gratia prævenire homines ^{sua}peccatores, & eopse sæpe momento quo in sceleribus suis incredibili- ^{opulencia.}ter infaniunt, exserta manu eos apprehendere ut suum peculium, & absque ulla prævia laudabili dispositione prima communicatione sui Spiritus sibi ad novam vitam unire. Vitam, quam in se recipit fove-
re, excitare, conservare, & ad beatam æternitatem promovere. Et quamvis fieri haud queat, ut qui per Christum vivificatus est non vi-
vat Christo: nihil tamen esse, de quo etiam qui sanctissime vivit glo-
rietur, quod jactet, quod Deo ostentet, cui denique quatenus a se
est renunciare non debeat, quatenus autem a Dei Spiritu est in soli-
dum imputare Divinæ gratiæ. Enimvero & hæc tanta sunt, tamque
momentosæ veritatis, ut satis inculcari non possint.

XII. Atque ita tam Lex quam Evangelium in summo perfectio- ^{XII.}nis suæ apice, sub Oeconomia Evangelica, prædicanda sunt, ut neque ^{Utrumque}Legis obligationi quatenus sanctitatem Deo dignam præcipit quidquam ^{in summo}deteratur per Evangelium, neque liberalissimæ gratiæ Evangelii vel ^{perfectioris}apice, ^{apice.}minimum derogetur per Legem.

XIII. At quo ordine instituenda prædicatio est? Ea mihi quæstio ^{XIII. De or-}propemodum supervacanea atque inutilis esse videtur; quum utrius- ^{dine non est}que prædicationem jungi semper oporteat. Cui enim probabitur tam ^{valde labo-}imprudens rerum æstimator, qui animum inducat continuato per men- ^{randum,}ses aliquot legis præconio animos scilicet emollire & præparare Chri- ^{quum u-}sto, nulla interim facta Christi mentione? Aut quis notabili temporis ^{trumque s-}spatio solis Evangelii blanditiis aures demulceat, neque simul incul- ^{mul prædi-}cet, vivendum esse sicuti dignum est Evangelio? Frustra legis terrore ^{cari, oper-} ^{seas.}

mentes perculeris, imo ne hoc quidem effeceris, nisi & Jesum ma-
stres quò confugiendum sit. Neque illucet unquam salutifera Dei ga-
tia hominibus, quin mox erudiat, ut, abnegata impietate & ma-
danis cupiditatibus, temperanter & juste & pie vivant in præsentis
culo. *Resipiscite & credite Evangelio*, uno halitu proclamabat Christus.
Et Petrus: *Resipiscite, & baptizetur unusquisque vestrum in nomen Je-
su Christi, in remissionem peccatorum*: & prima ista oratione, aliis so-
monibus plurimis obtestabatur & exhortabatur auditores suos, dicens, se-
vaminini ex gente ista prava. Act. 11: 38, 40. Apostoli passim quocun-
que concionaturi accederent, & Jesum prædicabant cum resurre-
ctione mortuorum, & mandabant hominibus ut resipiscerent, eo quod
Deus diem statuit quo juste judicaturus est orbem terrarum, per eum
virum quem constituit. Act. xvi 1: 18, 30, 31. At nec privatim cum
Felice agebat Paulus, quin dissereret de fide in Christum, sed & si-
mul de iustitia, & continentia, & iudicio futuro. Act. xxiv: 24, 25.
Idem quando suum ad Thessalonicenses ingressum memorat, *nostis, in-
quit, quomodo unumquemque vestrum, tanquam pater liberos suos hortaba-
mur & consolabamur, & obtestabamur, ut ambularetis sicut convenit De-
o vocante vos ad suum regnum & gloriam*. 1. Thes. 11: 11, 12. Adeo sem-
per jungi oportet annunciationem fidei & excitationem ad studium sa-
ctitatis, ut neutrum unquam ab altero divellatur. Nec ulla lege ob-
stringimur, ut vel ea quæ ad legem, vel ea quæ ad Evangelium per-
tinent, alteris semper præmittamus. Arbitrarius iste orationis ordo
est, pro rerum personarumque varietate prudenter variandus.

XIV. Ini-
tium novæ
vitæ ex
predicatione Evan-
gelii est.

XIV. Non dissimulo tamen, in ea me esse sententia, initium no-
væ vitæ non ex prædicatione legis, sed Evangelii esse. *Evangelium*
est semen regenerationis nostræ, & lex Spiritus vitæ quæ liberat a
lege peccati ac mortis. Nimirum dum Christus annuntiatur & vita
in Christo, Spiritus Christi illabitur in electorum animas, indeque
principium spiritualis vitæ. *Is quia voluit progenuit nos sermone veri-
tatis, ut essemus primitiæ quadam eorum qua creavit*. Jac. 1: 18. *Hæc*
solum velim discere ex vobis, ex operibus legis Spiritum accepistis, et ex
auditione fidei, Galatas olim rogabat Paulus. cap. 111: 2.

XV. At in
progressu
nunc Lex
nunc Evan-
gelium pri-
mas secun-
dæ re-
sponsæ.

XV. Ubi vero vita ista, per Spiritum, mediante Evangelio, in-
fusa, actiosa esse incipit, plerumque, nisi fallor, hoc ordine procedit:
ut anima, velut ex profundo somno, aut deliquio, vel morte verius,
excitata, semetipsam contempletur peccatis sædatam, criminum mul-
torum ream, Deo abominabilem, omni ratione miserrimam, & ad
sui liberationem prorsus invalidam: atque idcirco ingenti dolore per-
cussa, ac de se ipsa desperabunda, ad salutem aliunde sibi obventuram
anhe-

hanhelet; cui rei inservit ministerium legis: mox Christum videat, Evangelio monstratum, deprehensaque in ipso salutis plenitudine, & gratiæ abundantia, continuo se ad eum recipiat, prorsus sui vacua, ut ab ipso impleatur, in se & a se perditā, ut per ipsum servetur. Porro fieri non potest, ut, Christum apprehendens, & ab ipso apprehensa, tam inæstimabili Christi bonitate non accendatur ad illius amorem, nec se totam impendere velit illius ministerio, cui suam se salutem debere profiteatur, neve pro Domino agnoscat quem Sospitatorum experta est. Atque ita rursus Evangelium ad legem deducit tanquam normam gratitudinis. Unde claret, quo modo mutuas sibi operas in promovenda electorum salute lex & Evangelium præsent, & nunc illa, nunc hoc, primas secundasve teneat.

E P I L O G U S.

ET hæc quidem hætenus ita nobis disputata sunt. Ex quibus ista veluti consecratoria elicio: optime facturos, si relictis extremarum opinionum præcipitiis, facili, plana, tuta Scripturæ via gradiamur, cujus simplicitas omni pratumida sapientia sublimitati longe anteponenda est: si neque dicere reformidemus quæ Scriptura dicit, stulte sperantes ea quæ duriuscule dicta esse videntur nostris nos commodioribus phrasibus sapienter lenituros; neque moderatas Scripturæ locutiones nostris rigidis, præfractis, hyperbolicis & Spiritui Sancto insuetis exasperemus, μηδεμίαν ἀφορμὴν δίδοντες τῷ ἀντιμαρτυρῶν λωιδωρίας χάριν, si, quæ a nobis incautius dicta esse deprehenduntur, ipsi candide & generose inducamus, castigemus, retrahemus; quæ vero aliis improvide exciderunt, modo de mente non mala constet, ea benigna potius interpretatione juvemus, quam inclementi vexemus: si ita liberam Dei gratiam asseramus, ne quis licentia prætextus detur carni; ita gratuitam justificationem laudemus, ne quid derogetur sanctificationi; ita unicam Christi justitiam, quæ sola coram tribunali Dei consistat, inculcemus, ne nostræ pietati abjudicetur quam Scriptura ei addidit utilitas ac merces; ita denique salutiferam Evangelii gratiam prædicemus, ut & sanctissima legi suus maneat locus & usus. Hæc si sincere utrinque præstiterimus, Deo dante futurum est ut pro caliginosarum controversiarum argutiis, clara Evangelicæ veritatis dies illucescat, & phosphorus oriatur in cordibus nostris: ut pro spinosarum litium carduis & palmaris, justitia & pax e terra progerminet; & valere iussis insularum dissensionum iurgis, junctis omnes vocibus Dei in Christo gloriosam gratiam celebremus, junctis viribus castam Christi sponsam decore sanctitatis acupictis vestibus & aurea torque virtutum Christianarum, certatim exornemus. Quo nos beneficio, ex immensa gratia

gratiae suae opulentia, clementer mactet, beatus ille Deus & solus Princeps, Rex ille regum & Dominus dominorum, qui solus habet immortaliam lucem habitans inaccessam, quem vidit nemo hominum, neque videre potest, cui honor & robur aeternum! Amen. Idem Regem GUILIELMUM, Anglii non minus nostri quam vestrae Britanniae amorem atque delicias, memorum consiliorum suorum executioni (sic vovemus) destinatum, nunc in annos faxit sospitem; bellorum suorum, quamdiu gerenda erant, Imperatorem fortem atque felicem; pacis solidae in Europa arbitrum; & sacri in Ecclesia concordiae sequester. Ita scribebam, & calidis votis continebam Traiecti in Batavis. VIII. Kal. Mart. MDCXCVI. & repensam Lugduni Batavorum MDCXCIX.

ORATIO

INAUGURALIS

FRANEQUERANA,

DE

VERO THEOLOGO.

Dicta

Anno MDCLXXV. XVI. KAL. MAJ.



Supendis rerum vicissitudinibus, pro liberrimo absolutissimae potestatis suae arbitrio, sed intaminata semper sanctitate, & imperscrutabili ac inaccessa nobis sapientia humana cuncta moderatur supremus omnium arbiter, Deus. Quae nunquam cogitata mortalibus, quae extra quorundam metum, quae supra aliorum vota erant, derepente subinde jube emergere; mirantibus universis, ac directricem Numinis manum, tam inopinatis se eventibus pandentem, prona facie adorantibus. Hinc sacrum illud canticum quo magni quondam gnati pia mater Divinam providentiam devenerata est: *Dominus depauperat & dicit, deprimam etiam & extollit, Erigit e pulvere tenuem, e sterquilinio extollit egenum,* collo-

collocando eos cum ingenuis, & faciendo ut solium gloriæ possideant: nam Domini sunt cardines terræ, quibus imposuit orbem habitabilem. Id ego, si quisquam, in tota vitæ meæ ratione, & præ primis in functione sacratissimi muneris quo me dignatus est Dominus, & in quo jam duodevigesimalum annum ago, singulariter expertus sum. Ecclesiæ me quidem tenellum adhuc puerum, pii parentes devoverunt, curaruntque iis doctrinæ ac pietatis præceptis imbui, quibus paullatim ad virum domui Dei non indecorem efformari possem: sed modestorum votorum suorum una mecum damnates fuerunt, quando non procul ab urbe patria, ex humili suggestu, ac in cœtu non admodum frequenti, de Divinis eloquiis disserentem, cum ædificatione aliqua, audiverunt. Nunquam illi in animum induxerant, nunquam ego, fore aliquando ut tot ac tam celebrium & florentium Ecclesiarum ministerio defunctus, & per varias Fœderati Belgii provincias circumactus, tandem honorificentissimam hanc in Alma Frisiorum Academia stationem obtinerem. Non possum quin grata hæc mente pensitans ex imis præcordiis suspirer; *Quis ego sim, Domine, & quæ est familia mea, quod deducis me huc usque? Et quid pergam loqui apud Te? Tu enim nosti servum Tuum, Domine.* Verum enim vero non exiguus, atque is quidem iustissimus, rei me bene ordiendæ metus incessit. Non tam exhilarat, quam terret, totoque corpore contremiscere facit, hæc Cathedra; quæ sibi non parem nacta, quum non nisi se dignum nancisci optaverit, majoribus fuera, dedignari hunc homuncionem videtur. Perstringit oculos meos insolitus illis splendor, & dum a catechesi parvulorum vel ætate vel scientia, a cubilibus ægrorum, e tuguriolis pauperum, quibus mea nuper opera impendebatur; vel a suggestu Ecclesiastico, ex quo non diserta, sed fortia, & ab omni secularis sapientiæ typho remotissima, plebi Christianæ ingeminabam, novus repente Orator in Augustum hoc Musarum sacrarium, & in frequentissimam Doctissimorum Viro- rum coronam prode- o, quos omnes nunc a meo unius ore pendulos videre est; ita animum obfirmare non possum, quin labascant genua, lingua hæsitet, totaque mens ingenti horrore percellatur. Sed quid agam? Jacta alea est. Et quamvis proloqui vix possim, filere tamen amplius non datur. Hoc unum solatio est, quod non malis artibus, non ullo meo ambitu, loco huic inhiaverim: sed unanimi Principis Procerumque voluntate, accedente totius Ecclesiæ ardenti desiderio, in quibus rebus ipsam Numinis vocem agnoscere prudentes jubent, huc accitus pertractusque sim. Quidni ergo jucundissima mihi illa Domini verba applicem, quibus servum suum Josuam quondam affatus est: *Nonne ego præcepi tibi? Confirmare igitur & fortis esto; quia*

tecum est Dominus Deus tuus quocunque iveris. Licet infirmitatis meae conscientia anxium reddat, reficit tamen Divinae gratiae, nunquam suos deferentis, ad sustentandum prompta facilitas. Illius autem gratiae, cui lubitum est virtutem suam in infirmitate consummare, quæque abjectissimis sæpe & rei gerendæ minime idoneis instrumentis utitur, ut totius operis gloria in solidum ac illibata sibi remaneat. Faciunt nonnunquam dona Dei minora, quod non possunt majora: quippe quum hæc vulgi captum superent, cui illa magis attemperata sunt. Potest id e digitis minimus, quod non potest maximus. Potest ferrum, quod non potest aurum. Et cur non liceat nobis sperare, non defuturam nunc labori nostro eam benedictionem, qua antea tenues conatus profecuta Domini benignitas est? Saltem in ipsius nomine, quod felix faustumque esse jubeat, novi muneris auspicium hodie facio. In quo fideliter obeundo ut minus peccarem, ipse mihi VERI AC SINCERI THEOLOGI ideam præformavi, quam ob oculos semper haberem, quamque hac oratione, nativis quantum pote coloribus suis depictam, contemplandam vobis offerre decrevi. Uti Moyse quondam in monte instar monstrabatur tabernaculi ab ipso construendi; ita ego hanc mihi formam officii mei jure exemplar esse volo: ad quod non omnino infelicitè exprimendum, virtute Domini fretus, sedulo enitar, ac ubi cæspitavero identidem recurrā; ab infinita Numinis clementia, & vestra, Proceres, facilitate, defectuum mihi veniam pollicitus, quotiescunque magnis ausis excidere continget. Quis enim suæ sibi tenuitatis conscius, non viribus, non rerum experientia, tantæ moli par, mei denique similis, in opere tam arduo, sub onere duplicato, frequentes fatiscantis subinde animi titubationes vitaturum sese præsumat? Juvat tamen perfectam numerisque omnibus absolutissimam sibi speciem deformare, ad quam defectus proprios melius conspiciens quam humillime de te sentias, & coram aliis salutariter erubescas; cujusque intuitu acrius ad officium exstimuleris, certus, quantumcunque præstiteris, immenso te adhuc intervallo a propositi exemplaris accuratione abfuturum.

THEOLOGUM quum dico, eum intelligo, qui solida Dei & rerum Divinarum cognitione, ipso Deo Magistro, imbutus, non verbis duntaxat, sed & universo vitæ suæ instituto, admirandas Dei virtutes celebrat, totusque adeo ad ipsius gloriam est. Tales olim sancti Patriarchæ erant, tales Divinitus inspirati Prophetæ, tales universi orbis Doctores Apostoli, tales aliquot eorum quos Patres nominamus, late splendentia priscae Ecclesiæ lumina: quorum scientia non in acuminatis curiosarum quæstionum subtilitatibus, sed in devota Dei Christi-

stique ejus contemplatione, consistebat: quorum docendi ratio simplex & casta, non prurientes aures demulcebat, sed menti rerum sacrarum characterem imprimens, earundem amore animum inflammabat: quorum inculcata ipsisque hostibus laudata morum innocentia, professioni respondens, irrefragabili doctrinam testimonio muniebat, & familiaris cum sanctissimo Numine commercii evidens signum erat. Talem nos Theologum ita consideremus, ut primo inquiramus, quibus in Scholis, sub quibus Præceptoribus, qua Methodo, ad tam sublimem sapientiam proficiat: tum qua ratione ea, quæ ipse edoctus est, alios optime doceat: denique quo animi habitu, qua vitæ politia, doctrinæ suæ ornamento sit; sive ut tribus verbis dicendorum omnium summam complectar, repræsentemus nobis verum Theologum *in discendo, docendo, vivendo*. Nemo enim bene docet, nisi qui prius bene didicerit. Nemo bene discit, nisi qui discit ut doceat. Utrumque vanum & cassum est, si praxi destituatur.

Ab imo igitur ordiamur. Qui verus Theologus, & magnifico isthoc nomine dignus cluet, eum oportet studiorum suorum tyrocinia in inferiori naturæ schola ponere, & ex conditu universi, ex Providentiæ Divinæ admirandis, ex veteris ac recentioris historiæ monumentis, ex quarumcunque artium penetralibus, ex variarum linguarum elegantis, ea congerere, atque in memoria veluti sanctiore ærario reponere, quæ, mox ad superiorem Academiam promotus, grandiori ædificio quasi fundamenta substernat. Non frustra Deus visibiles invisibilium virtutum suarum notas operibus suis impressit. Non frustra hominem sagaci donatum mente in augustum hoc mundi theatrum introduxit. Non frustra in universi moderamine, rerumque humanarum mutationibus, tam constanti inconstantia, tam sapienti arbitrio, cuncta dispensat. Non frustra naturæ opera ita disposuit, ut in iis typum quendam operum Gratiæ & Gloriæ, & melioris mundi quasi rudimenta cernere sit. Sed voluit, ut ex iis omnibus attenta consideratione disceremus, quis qualisque ipse sit; Æternus, Imensus, summe Potens, summe Sapiens, Optimus simul & Maximus, sibi ipsi ad plenam beatitatem sufficientissimus, quum omnibus vitam, & halitum, & omnia det; dignus denique, quem colamus, quem imitemur, cui nos dedamus totos, & in cujus amore & fruitione felicitatis nostræ apicem collocemus. Voluit ut Majestatem suam in ipso cordis nostri meditullio fulgoris sui radios exerentem, inibi leges dantem, delicta veloci pœna vindicantem, bene acta placidissima approbatione, & jucundissima animi tranquillitate remunerantem, suspiceremus. Voluit ut probe animadverso, quam fluxa, evanida, & plus

quam vitrea sint, quæ falso æterna credebantur, ad cœlestia anhelamus, & ipsum adeo cœli Dominum, qui stabilis manens cuncta moveri facit. Neque Dei duntaxat opera Theologus noster contempletur, sed & quidquid humana industria ad mentem in veritatis investigatione dirigendam, ad linguam, ut commodus mentis interpret sit, informandam, excogitavit, in comperto habere allaboret. Logicæ, Grammaticæ, Rhetoricæ magistros haut perfunctorie consulat; illis ut olim Israëlita Gibeonitis utens, qui lignis findendis, aquisque in usum Sanctuarii hauriendis, operam navabant. Illi definiendū, dividendi, disponendi præcepta tradant, hi pure ac terse, imo eleganter etiam & flexanime dicendi artem doceant, ut sic utrique Dei tabernaculo inservientibus aptissime famulentur. Præcepta virtutum ex philosophorum placitis, exempla ex historiarum monumentis congerat, ut vel ad ulteriora tendenti calcar sint, vel, si id minus præstant, turpissimum languorem & inertiam exprobrare valeant. Varias linguas sedulo addiscat, eas ante omnia, quibus cœlestia oracula sua edere dignatus est Deus: ut Deum proprio idiomate loquentem intelligat, neque interprete apud eum Deus indigeat qui ipse Dei interpret & os audit. Quicquid in humanis artibus sani & sobrii, quicquid in philosophia veri & solidi, quicquid in politicioris literaturæ apparatu elegantis & decori est, id omne a Patre luminum, omnium rationis, veritatis, elegantiae, inexhausto fonte promanat: quod idcirco undique collectum ipsi rursus sacrum fieri debet. Minuta licet & terrena hæcce videantur, attamen minuta & terrena ista acus sum, quibus aurea veritatum cœlestium fila introducamus, & animis nostris firmiter insuamus: specula sunt, quorum adminiculo subtilissimæ rerum supernaturalium imagines oculis nostris renovatis clarius percipiantur. Rudimenta hæc futuri Theologi sint, quibus superciliose spretis vix est, ut cum optato fructu in superioribus versetur, & nomini ac officio suo satisfaciat. Sed rudimenta tamen.

Nolim enim hic ætatem terere Theologum meum. Ex humili isthac naturæ schola in superius Scripturæ gymnasium adscendat: & ad Magistri Dei pedes desidens, ex ipsius ore abdita salutis mysteria discat, quæ nec oculus vidit, nec audivit auris; quæ nemo principum seculi hujus cognovit; quæ nulla quantum libet subacta ratio excogitare potis est; & quæ cœlestes Angelorum chori, jugiter licet Dei faciem contemplant, cernui scrutantur. In arcanis Scripturarum libris, neque uspiam nunc alibi, sacratioris sapientiæ secreta panduntur. Quicquid ex iis non eruitur, quicquid iis non superstruitur, quicquid cum iis non exactissime conspirat, quantacunque se subli-

mioris

mioris scientiæ specie venditet, quantacunque se vel traditionis anti-
 quitate, vel doctorum consensu, vel verisimilium argumentorum
 pondere tueatur, vanum, futile, merum denique mendacium est. AD
 LEGEM ET TESTIMONIUM. Nisi in illam quis loquatur sententiam, non
 rutilante gaudebit aurora. Hæc cœlestia oracula exosculetur Theo-
 logus; hæc nocturna ac diurna manu verset; hæc meditetur; in his sit;
 ex his sapiat; cum his omnia cogitata sua componat; nihilque in re-
 ligione amplectatur, quod hic non reperiatur. Non homini, non Pro-
 phetæ, non Apostolo, non ipsi Angelo magistro fidem substringat suam,
 quasi vel hominis alicujus vel Angeli dictata norma credendorum sint.
 Deo, Deo soli fidat. Non humana enim, quam discimus, quam do-
 cemur, fides est; sed divina plane: eousque delicata, ut nullum sibi
 fundamentum stabile satis arbitretur præter unicam, nunquam falsi,
 nusquam fallentis, Dei Auctoritatem. Habet quoque attenta Scrip-
 turarum lectio nescio quid ἡλυσμένον. Implet intellectum nitidissimis
 cœlestium veritatum ideis; quas pure, solide, certo docet, sine ul-
 lius erroris mixtura. Mulcet animum ineffabili dulcedine, sedat san-
 ctam scientiæ famem ac sitim torrentibus rivis mellis & butyri, pene-
 trat ima & intima cordis virtute insuperabili, imprimit dictata sua men-
 ti tam firmiter ac fixe, ut non minus secure anima fidelis iis acquie-
 scat, quam si in tertium subvesta cœlum ex ipsius Dei ore ea audivisset:
 afficit affectus omnes, & suavissimum ubique sanctimonix odorem ex-
 halans, pio illum lectori inspirat, etiamsi fortassis non omnia quæ
 legit assequatur. Dicit non potest quantum nobis præpostera illa stu-
 diorum, quæ nimis eheu! invaluit, methodo oblimus, quotiescun-
 que ex humanis scriptis conceptus formamus de rebus divinis, qui-
 bus postmodum firmandis Scripturæ aliquot loca inquirimus, vel ab
 aliis adducta, quasi eo facientia, sine ulteriori examine, temere arri-
 pimus: quum ex ipsis immediate Scripturis ideas divinarum verita-
 tum haurire debeamus, neque aliter humanis scriptis uti, quam ut
 indicibus, ea nobis loca ad singula Theologiæ capita monstrantibus,
 ex quibus de sententia Domini erudiamur. Non possum hic mihi tem-
 perare, Auditores, quin subtilissimi TWISSI de JOHANNES PISCATO-
 RE, & ea qua usus est ratione, judicium repræsentem: qui postquam
 magnifica omnia de illius doctrina & eruditione sacra prædicasset, in hæc
 tandem verba fatur: *Tantum dicam vere suspiciendum mihi esse illum Theo-
 logum, qui sola sacrarum literarum professione, communibus tantum discipli-
 nis in subsidium vocatis (Grammaticam dico, Rhetoricam & Logicam, in
 quibus eminet) adeo accuratam Theologica, non vulgariter, sed scholasticè
 tractandi rationem affectus est, ut vix inter Scholasticos ipsi parem, certe*

Chryso-
 Orat. 3.
 in Lazar:
 Μαλιστα
 μὴ καὶ μὴ
 εἶδης τὰ
 ἡγουμένα,
 ἀπ' αὐτῆς
 τῆς ἀνα-
 γνώσεως
 πολὺς ὁ ἀ-
 γισμὸς
 γίνεται.

Vide sis,
 Lector,
 Sculteti
 præfat:
 ante Exer-
 citat: suas
 Evange-
 licas.

Vindic.
Grat. p.
254. col.
1. c.

agnoscere non possim superiorem; quasi in ipso curioso hoc auge, & seculari eruditionis cum sacra confundenda nimium ambitioso, exemplum exflare voluerit Pater Clementissimus, quo demum accurata & Scholastica in rebus ad salutem conducentibus eruditionis, vel ex sola Sacrarum Scripturarum lectione, assidua meditatione, in easque commentatione, provehi possimus, missis illis summis, sententiariis, & scholasticis ad unum omnibus. Ita fortissimus ille Pancrantiastes de hac quam laudamus studendi methodo sensit, ita locutus est. Quæ non eo a me dicuntur, quasi Doctissimorum Virorum commentaria Theologi mei manibus excussa velim, ut a se ipso, id est, a præsumptione, pessimo præceptore, discat; Scripturam interim obtentui habens, cujus verba male intellecta errori suo prætexat. Multa Illustres Ecclesiæ Viri, qui humanis curis altius caput exertantes toti vacabant Deo, ipsum diligentes & ab ipso dilecti, in sacris literis viderunt, ex iis eruerunt, scriptisque mandata in candidissima luce posuerunt, quæ nos alioquin in tantis tenebris vitæ æternum fortasse ignorassemus, neque proprio Marte in fodiis illis reperissemus ubi abdita latebant. Et quamvis ex Scripturarum lectione plurima ipsi animadvertamus, magno tamen solatio, maximo firmamento est, si ejusdem veritatis, ex eodem fonte manantis, revelationem aliis prius concessam cernamus ab eodem Domino, qui nostras quoque non dedignatur illuminare spinas. Laudanda utique Hieronymi modestia est, protestantis, nunquam se in Divinis voluminibus propriis viribus credidisse, nec habuisse opinionem suam; sed ea etiam, de quibus scire se arbitrabatur, interrogare solitum, quanto magis de iis super quæ anceps erat? Neque sine ratione beatus Athanasius in principio Orationis suæ contra Gentes, amicum suum, hominem Christianum, ad quem scribit, laudat hoc nomine, quod quum idoneus esset ad inveniendum in Sacris Scripturis ea, quæ de fide Christiana ex Athanasio quærebat, attamen & ex aliis modeste audiret. Illud unum duntaxat ingemino, nihil cuiquam mortalium de Scripturarum sensu asseveranti credendum esse, nisi hunc esse Scripturarum sensum ex Scripturis ipsis ad conscientiam demonstraverit, ut indice quidem homine, sed Doctore tamen Deo, ad salutem sapiamus.

Catech.
iv. Capi.
de Spirit.
Sancto.

Hoc ipsi præstantissimi Scripturæ interpretes alta voce inclamarunt. *Nolim*, inquit Cyrillus Hierosolymitanus, *mibi hac differenti simpliciter credas, nisi eorum quæ predicantur demonstrationem in Divinis Scriptis accipias*: addita hac cedro digna ratione: *Salus enim hac fidei nostra, non est ex quadam orationis profluentia, sed ex demonstratione divinarum Scripturarum*. Cui consonum est quod Justinus Martyr dictitabat: *Non sentior hominibus, ne si vel plurimi illa sentientes mibi dicerent: si quidem*

non

non humanis doctrinis jussi sumus ab ipso Christo parere, sed in qua per Prophetas predicata sunt & ab ipso docta. Sapienter admodum, quem modo laudavi, Athanasius observat, ipsum Paulum Apostolum, doctrinam suam ex Scripturis confirmasse, neque sua simpliciter auctoritate usum. Quod si fecerit ille, qui verba audivit ineffabilia & arcana mystes fuit, & Christum in se loquentem habuit, quomodo igitur nunc periculosum non fuerit, alia quam Scripturarum auctoritate, ad credendum induci? Huc omnia quæ dixi recidunt: Verus Theologus humilis Scripturarum discipulus est.

Sed uti sola Scriptura norma est omnium credendorum, ita ut Scripturam spiritualiter ac salutariter intelligat, Spiritui Sancto intus se erudiendum tradere Theologus noster debet; atque ita qui Scripturam est discipulus, cum Spiritus quoque discipulum esse oportet. Qui limis naturæ oculis cœlestia contemplatur, nativum illorum splendorem pulcritudinemque non videt, sed falsam quandam eorum imaginem intuetur: aliam enim in se ipsis habent, alia vero eorum animis quibus tam obscure obversantur imprimitur. Ut spiritualia assuequamur spirituali mente imbuere necesse est. Abdita Scripturarum ingenii mere humani, acutissimam licet, aciem fugiunt; neque intellectus naturalis ea melius percipit, quam sonorum rationem nares, vel odorum aures. Magnus igitur hic animarum Doctor Spiritus, ut tantæ infirmitati subveniret, alumnis & discipulis suis novam Cœlestemque mentem tribuit, quam purissimo collustrat lumine, ut super cœlestia mysteria in nativa luce sua intueri valeant. Una cum rebus Divinis animum largitur, qui Divina sapiat & intelligat. Res Christi una cum mente Christi impertit. Ita in spirituali ac cœlesti Academia institutus Theologus, non modo genuinas rerum Divinarum ideas in mente sua formare discit; sed & ipsis illis rebus Divinis, inæstimabili sane thesauro, donatur. Non enim tanquam mera verba, & nuda commenta; non velut vana somnia, vel inania phantasmata, a Spiritu Doctore repræsentantur; sed tanquam solidæ & permanentes, ea loqui liceat, rerum substantiæ, in animam vere eas cognoscentem introducuntur, omnibusque affectibus ac toto cordis nisu recipiuntur. Non novit duntaxat, non credit solum, sed & sentit quandoque cœlestis hujus Academiæ alumnus, quid sit remissio peccatorum, & privilegium Adoptionis, & familiare Dei commercium, & Spiritus patri inhabitantis gratia, & amor Dei effusus in cor, & manna absconditum, & suavissima Jesu oscula, arrhabo denique & pignus consummate felicitatis. Multa sunt in secretiori hac sapientia, quæ nisi habendo, & sentiendo, & gustando, nunquam bene discas, Non cognosci-

ις ευρε-
λογίας,
ἀλλὰ ἔξ
ἀποδείξεως
τῶν θείων
ἰσὶ γρα-
φῶν.

In dialogo
cum Try-
phone p.
63. Edit.

ὁ τῶν ἀρχή-
των ρημά-
των ἀκροα-
τῆς, ὁ τῶν
ἀπορρήτων
μυστικῶν, ὁ
τὸν χριστὸν
ἔχων ἐν
ἐαυτῷ λα-
λῶντα.

Vide hæc
fuse dedu-
cta a F.
Rous in
Academia
Cœlesti.

gnoscitur novum nomen, nisi ab eo a quo possidetur. Hoc facit Magister Spiritus ut videant & gustent discipuli ejus quam suavis sit Dominus. Introducit eos in locum convivii dum pro vexillo illis est amor: comedite, inquit, amici, bibite & inebriamini, dilecti: atque ita de re, non Liberi Patris, sed Liberatoris Jesu, liberaliter aspersi, multo clariores ad cœlestia cernenda oculos acquirunt, quam Jonathan olim postquam de favo mellis gustaverat. Et quæ quis ita gustando didicit, ea tam firmiter animæ infixæ sunt, ut nullæ argumentationum argutiae, nulli tentationum insultus, impressam hujus sigilli formam delere valeant. Unica responsione objectiones omnes diluere in promptu est: frustra nempe contra gustum disputari. Non enim, inquiunt viles, arte compositas fabulas sectati sumus, quando credidimus Domini nostri Jesu Christi potentiam & adventum, sed oculis nostris aspeximus illius Majestatem: neque possumus non vera esse credere, quæ oculis nostris vidimus, quæ auribus nostris audivimus, & quæ manus nostræ palpaverunt, & quæ os nostrum gustavit de sermone vitæ. Quæ quum in sola Spiritus Academia, tam dilucide, tam sancte, tam salubriter discantur; quis non videt supra omnia necessarium esse, ut in hujus se Magistri disciplinam Theologus noster tradat? In quam ut recipiatur propriæ sapientiæ ex animo abrenuntiet: stultescat apud se ipsum, ut vere evadat sapiens. Novus novæ Theologiæ mundus a Deo creatur sicut vetus, fundatus scilicet in nihilo. Amando prope accedat ad Deum, & amore consiliorum ipsius communicationem eliciat. *Qui diligit me, a Patre meo diligitur, & ego diligam ipsum, & manifestabo me ipsum illi*, blande amatoribus suis pollicetur veracissimus Jesus. Dictata Spiritus memori mente reponat, & frequenti meditatione iterum iterumque præsentia sibi sistat. Non legendo tantum sed & orando studeat; non cum hominibus duntaxat loquendo, sed in precibus cum Deo, in meditationibus secum. Sancti viri animæ parvi Sanctuarii instar est, in quo habitat per Spiritum suum Deus, & ubi Spiritus Dei devotis precibus consultus, ea sæpe revelat, quæ principes hujus seculi nullo studio unquam ita assequantur. Denique operam det, ut nitescat animæ suæ speculum, & spiritualiter purum sit, quo Spiritui puro, & spiritualibus illis quas Spiritus exhibet imaginibus recipiendis idoneum comperiatur. *Beati mundi corde qui ipsi Deum videbunt.* Atque his demum gradibus, Spiritu Magistro, cognitionis Theologus pertinebit, ut in Dei lumine, Deum fontem luminis conspiciat, & in Deo ac Dei cognitione exsulet gaudio ineffabili & glorioso.

Porro a cœlesti illa Spiritus institutione eximiam quandam *docendi artem* Theologus noster consequetur, quod alterum in eo requisitum esse jam ante jecimus. Etenim quum a Sancto contemplationis monte candidissimo fulgore circumfusam & resplendentem animæ faciem ubique circumferat, percussos ejusdem lucis radios cum aliis communicare omnium optime idoneus est. Ad intimam verbi Divini venam postquam ductore Spiritu pervenit, eam tam perite incidere potis est, ut uberrimæ aquarum ad vitam æternam salientium scaturigines, sedandæ fratrum siti, erumpant. Idem tamen verbum aliis, hoc lumine cassis, quid nisi torrida rupes est, de qua dicant, *nunquid aquam vobis ex hac petra eliciemus?* Et quandoquidem non audivit solum aliquid, sed & vidit, & palpavit, & gustavit de sermone vitæ, neque meris speculationibus, sed experientia condocfactus est, ea quæ ita comperit, ex certa animi persuasione secure inculcat, & prudenter cujuscunque conditionis hominibus applicat, ex se ipso gnarus quid conveniat cuique. Quantum interest inter expertum militiæ ducem, qui exercitiis imperitavit, urbes expugnavit, hostium insidias detexit, cunctaque belli stratagemata ad unguem callet, ac sæpe per obstantes catervas explicuit sua victor arma, longoque usu didicit

Res gerere & captos ostendere civibus hostes,

& inter tumidum aliquem ac vaniloquum Thraſonem, qui parma inglorius alba, Martem in ventosa lingua gestat, cæterum acies nisi forte in charta depictas nunquam vidit: tantundem interest inter expertum Theologum, qui cum Paulo Christianæ Religionis curriculum, per gloriam & ignominiam, per laudem & opprobrium aliquoties confecit, ut ignotus, & tamen notus, ut moriens & tamen vivens, ut tristis & tamen semper gaudens, ut pauper, & tamen multos ditans, ut nihil habens & tamen omnia possidens; & inter pædagogum aliquem Scholasticum, ac per indices modo sapientem raphſodum, qui mente parum, parum corde, at memoria, & lingua quum possit plurimum, Theologorum Alpha sibi videtur. Quid hic nisi frigidas aliquas de militia Christiana præceptiunculas, quarum usum ipse experiendo nunquam didicit, garrere potest, quæ neque afficiunt Auditores, neque solide instruunt; quum alter ille omnem debellandi Diaboli, superandi mundi, & potiundæ tandem cœlestis Hierosolymæ rationem, sine vaniloquentia & fastu, sed prudenter, sed scite disse- rat, fortitudinis simul & modestiæ exemplum in se ipso præbens.

Neque satis est Theologo ut comperta sibi & explorata proponat, nisi quoque ex puro id faciat amore. Si Deum sapientiæ omnis

Tom. II.

Qq qq

largito

largitorem, si discipulos ut filios vel fratres suos in Christo, si veritatem sibi concreditam, ardenti charitatis affectu prosequatur; fieri non potest quin omni ope operaque multos Deo lucrificare contendant: ut plures sint qui una secum solum illum Sapientem adorent celebrentque, qua in re animo ipse suo nunquam satisfacit. Id agit præterea, ut, omni comitate, lenitate, & tædii nescia assiduitate alumnos suos foveat, non modo Evangelium Dei, sed si fieri posset propriam iis animam, aut, quod mallet, Spiritum Christi impertiri desiderans, docens, monens, obtestans, itaque manibus suis quasi faciens & formans, quo tandem eos Deo sistens, plenus gaudii, ad exemplum præceptoris Christi, suo quodam modo dicere queat, *Ego & filii quos dedit mihi Dominus, qui facti sunt uti signa & prodigia in Israël.* Neque servum illum nequam imitabitur, qui talentum Domini, sudario involutum, sub terra recondebat; sed cœlestis veritatis gaza, quæ non præstantissimo Ophiris auro, non pretiosissimis unio- nibus æstimari potest, quam plurimos conabitur locupletare, gnarus nihil sibi decessurum, si aliis multum accedat, imo plurimum sibi accessurum, si in dispensando fidum, in distribuendo largum Dominus comperit. Atque ita ex sincera caritate docens, non caupenabitur verbum Dei, neque sermone assentatorio utetur, neque avaritiæ causa quicquam prætexet, neque gloriam quæret ex hominibus, iisve placere studebit, sed Deo soli qui explorat corda.

Faciet hæc eadem caritas, ut non nisi certa, sana, solida, quæ fovendæ fidei, excitandæ spei, promovendæ pietati, retinendæ unitati, & paci idonea sunt, proponat: omnia peragens sine præiudicio, nihil in alteram partem inclinando, quam sollicitè abstinens ab omnibus vocum novitatibus, & vaniloquentia, & verborum odiosis contentionibus & quæstionibus curiosis, stultis & indisciplinatis, quibus animi simplicium turbantur, Ecclesia in partes scinditur, intus omnia suspicionibus ac susurris implentur, foris jucundum hostibus spectaculum editur, atque ipsi denique Satanæ maximæ fiunt deliciae. Hæc tu fuge, o homo Dei, neque ullam unquam ex inventionum novitate ingloriam gloriam aucupator. Habemus per Dei gratiam, habemus in Ecclesiis & Scholis nostris præclarum Divinæ veritatis depositum, tam luculenter ex sacris literis demonstratum, tam fortiter adversus quoscunque hostes defensum, tam uberi consolationum scarigine, tantaque ad ingenerandam sanctitatem pollentia, conscientie se approbans, tot denique carissimorum Dei martyrum sanguine firmatum: neque dubitari potest quin hoc quod habemus sufficiat fidelibus ad salutem perducendis, & viro Dei consummando, ut ad omne bonum

bonum opus perfecte instructus sit. Ingrati animi est, nec bona sua agnoscantis, in tam clara Evangelii luce de horrida caligine conqueri; Chryso-
 neque secus in Ecclesiis Reformatis trepidare, quam si eundum esset ^{stom. ad}
 per tristes sine sole domos, & loca senta situ, noctemque profundam. Gal. 1:9.
 Quænam ergo ista, malum! intempestiva novandi prurigo est, qua ^{ἀκρίτως}
 nonnulla hodie convelluntur, alia turbantur, cætera miris & insuetis ^{τί φασιν ὁ}
 verborum formulis implicantur, quæ sanius & planius & curatius an- ^{Παῦλος,}
 tehac tradita & credita fuerunt? Liceretne id agentibus inclamare, ^{ὅτι τὸ}
 (& quid ni liceat?) quod ille aurei oris Episcopus, novatoribus olim ^{Εὐαγγέλι-}
 dicebat: *Audiant*, inquit, *quid Paulus dicat, Evangelium eos perver-* ^{ον ἀνέτρε-}
tisse qui vel paululum novitates sectantur. Neque tamen ii fumus qui ^{σαν ὁ καὶ}
 profectui velimus intercedere. Nihil dulcius esse potest animæ fideli, ^{μικρόν τε}
 nihil utilius Ecclesiæ, quam plurima indies ex Scripturis discere, ni- ^{καινοτο-}
 zidiores de rebus Spiritualibus ideas formare, arctissimum veritatum ^{μῦθος}
 salutarium in unam admirandæ sapientiæ catenam nexum clarius cer-
 nere, pluribus & novis, sed evidentibus tamen nec contortis argu-
 mentis, antiquam veritatem addicere; obscuris lucem fœnerari, æ-
 nigmata Prophetarum cum timore ac tremore scrutari, vim demon-
 strationum Christi & Apostolorum ostendere ad conscientiam, vete-
 rum cerimoniarum picturas cum Christo archetypo studiose componere,
 & hoc sensu se gerere ut Scribam exercitatum in regno cælorum, qui
 e bono thesauro cordis sui nova & vetera promit. Hic Rhodus, hic
 saltus est. Huc comportemus omnes, si quid est in nobis eruditionis
 vel industriæ. Fiet hoc nemine bono invidente, gaudente Ecclesia,
 ringente Diabolo, & fortunante Sanctos conatus Deo, qui pollicitus
 est, tempore finis multos scrutaturos, & auctum iri scientiam. Sed
 apage vana illa, curiosa, audacia, contorta, solo novitatis illicio qui-
 busdam abblandientia, ab aliis mero partium studio arrepta, quæ ta-
 men nulli bonæ rei sunt, sed potius quæstiones præbent, quam ædi-
 ficationem Dei quæ est per fidem.

Cui ædificationi ut melius consulatur, caste Theologus cœlestes
 veritates habeat, neve eloquia Dei humanæ Philosophiæ quibusdam
 veluti nœniis intercalaribus dehonestet: magnalia Dei, quæ grallatis
 vocabulis non indigent, vi sua nituntur, & omnem intellectum tran-
 scendunt, in categoricum ordinem ne cogat: neque vernilem famu-
 larum vestitum Dominæ adjiciat ac velut suum accommodare nitatur.
 Res Dei commodius explicari non possunt verbis Dei. Male putat
 quisquis præsumit, se accuratius, vel clarius, vel efficacius, vel ad
 intelligendum aptius Theologiæ arcana explanaturum, quam iis ter-
 minis & phrasibus, quibus post Prophetas Apostoli usi sunt, ab eo

dictatis qui homini os & linguam formavit , qui fingit singulorum corda & idcirco omnium optime novit qua ratione cor instrui & moveri debeat. QUI LOQUITUR , LOQUATUR UT ELOQUIA DEI, non quemadmodum otiosa & odiosa Scholasticorum barbaries , sed quemadmodum Spiritus Sanctus dat proloqui. Per umbraticas velitationum formulas augustissima mysteria vexare , Scholarum molesta glossemata & ampullas & vocum ludibria & canoras nugas in Theologiae quasi venas & viscera trajicere , ac Reginam illam scientiarum in stridentium vocabulorum praedagogicas compedes induere , non est hoc , mihi crede , non est pro tua , non est pro illius quam profiteris sapientiae , dignitate , Vir Dei.

Dignitatem eam ut decenter tuearis , simpliciter loquere , non persuasoriis humanae sapientiae verbis , sed in demonstratione Spiritus & potentiae , totamque institutionem tuam eo dirige , ut discipuli tui non vanis phantasmatibus mentem repleant , sed aedificentur in fide , exardeant in charitate , splendescant in sanctitate , & assurgant in similitudinem Dei. Utinam , utinam aliquando in Academiis Reformatis sancta illa & tot piorum votis expetita Theologica tractandi methodus vigeat , quae non in casca fidat contemplatione , non in litigiosa disputationum jurgia evanescat , sed vivida luce in mente rutilet , vegeto calore cor accendat , & Naziræos nostros in typum celestium veritatum quasi transfundat.

Quod quo animo , quo successu ille allaborabit , qui non prius ipsum sese Deo dignum finxerit ? Atque hoc ultimum erat , quod Theologum nostrum consummare diximus , morum scilicet professioni suae respondentium intaminata castitas. Sanctificari vult Dominus in iis qui ad ipsum accedunt , & sacerdotes suos iustitia indui. Nisi ipsi in omnibus virtutibus Christianis fidelium exemplaria sint , nisi dicere queant cum Paulo , *quæ & didicistis , & accepistis , & audivistis , & vidistis in me , hæc facite : & Imitatores mei estote , quemadmodum ego Christi sum* : plus improba vita destruunt , quam sana doctrina aedificant , dedecori sunt sanctissimæ Religioni , de veritate eorum quæ prædicant addubitare docent , atque ita Libertinismo & Atheismo latam portam pandunt. Et qua quæso ratione fieri potest , ut is qui veritatem cognoscit uti veritas in Jesu est , non incendatur illius amore , nec sanctificetur in veritate ? ut is in cujus tentorio familiare Domini commercium est , non Henochi vel Noachi instar cum Deo ambulet ? ut is cujus animo rerum coelestium sensus quidam ac gustus inditur , conversationem in coelis non habeat ? ut is qui ipsissimas Dei virtutes , resplendentes in facie Jesu Christi , quotidie intuetur , circumfusum
undi-

undique lumine gratiæ, non ad imaginem illam transformetur ex gloria in gloriam, sicut per Domini Spiritum? Ego asseveranter pronunciare non dubito, non esse illum vere Theologum, nec hilum cognovisse de Divinis mysteriis sicut oportet cognoscere, qui non ista cognitione veritatis pollutiones mundi & dominium peccati effugit. Ita enim dixit Dominus: *Cognoscetis veritatem & veritas vos liberos faciet.* Intellectum intelligendo omnia fieri, vetus Philosophorum axioma est. ^{ἀποθεῶτα} Id in Divinarum idearum contemplatione potissimum obtinere Plato ^{ῶσον δυνα-} nis Schola contendit, quarum sublimi cognitione homo quasi Deus fit, ^{τὸν ἀνθρώ-} quantum quidem fieri potest ut homo fiat particeps Divinæ sortis & ^{πρὸ θεῶς} conditionis, quemadmodum pulcherrime Hierocles olim loquebatur. ^{μύρας με-} Sed quod Philosophia cultoribus suis præstare non poterat, quippe ^{ταλαχῶν.} non aliter iis Divinas perfectiones monstrans, quam sub maligna natura luce, id Theologia suis abunde præstat, virtutes Dei & Christi ^{In com-} ejus contemplandas exhibens in splendidissima luce gratiæ, atque ita ^{ad aurea} suos faciens Divinæ participes naturæ: uti plus quam hominem spi- ^{carmina} rans Petrus Apostolus scribit. Deus autem sanctitas est. ^{Pythago-} ^{ra.}

Sanctitatem quum dico, ejus ambitu virtutes omnes complector, quam singulas exequi nec temporis hujus nec loci est. Cæli desiderium, mundi contemptus; infucata gravitas; sua sedulo agens alienis se non ingerens modestia; de se ipso modice de aliis præclare sentire docens humilitas; pacis non minus quam veritatis retinendæ studiosus animus; fervens zelus blanda lenitate temperatus; longa injuriarum & convitiolorum patientia; prudens tam rerum gerendarum quam commodæ opportunitatis circumspectio; rigida sui exactrix ^{ἀκρίβεια}, sed multa fratribus condonans facilitas; & quæ plura ad augustum hoc choragium pertinent, hæc sunt quæ Theologum non exornant modo, sed & faciunt. Ostende mihi virum qui cælestibus meditationibus intentus, non barba, non toga gravitatem simulat, sed ad superna & æterna anhelans, divitum pavimenta ridet & totam cum auro & argento suo terram: qui Sospitatoris Christi gratia & inhabitantis animo Divini Spiritus consortio contentus, omnes mundanarum vanitatum illecebras ex alto despicit, non voluptatum, non opum, non honorum avidus: qui animarum curæ & Spirituali Christi regno tuendo, promovendo, amplificando totum se impendens, omnique opera Spar- tam quam nactus est ornans, nihil foro, nihil campo, nihil curiæ debet; nihil officio advigilat, nulla rostra præoccupat, nulla prætorica observat, cancellos non adorat, subsellia non contundit, justisque spatiis Ecclesiam, Academiam & Curiam discriminans, suggestu se suo & cathedra continet; qui quo altius in contemplatione Cæle-

stium & profectu virtutum subvectus est, eo minus gloriam proximi obfuscatum it, se ipsum non cum se ipso, sed cum perfectioribus, & ante omnia cum perfectissima Dei lege metiens: qui quoties causa Dei, & salus animarum, & defensio Ecclesiæ, & tutela cœlestis doctrinæ agitur, totus zelo Dei exardescit, & centies mortem oppetere mavult, quam ut minimum in causa non sua, sed Domini, adversariis concedat; qui tamen idem privatas injurias nullus ulciscatur, maledicta in suum proprie caput contorta modice ferat, & in rebus mediis, non suæ insistenti imaginationi, omnia paci & concordiae condonet: qui, quod de Athanasio Veteres dicebant, percutientibus adamas, dissidentibus magnes occurrit: qui prudentia ubique in consilium adhibita, nihil temere aggreditur, nihil turbulenter molitur: qui denique non fecte aut superficialiter, sed candidissima se simplicitate omnium pedibus subjicit, se nemini, neminem non sibi præfert, omnes honore prævenit, proximum præstantiorem æstimans se ipso: ostende mihi, inquam, talem virum, & eum ego Theologum salutabo, eum suspiciam, eum exosculabor, agnoscens eum esse, & in eo esse gloriam Christi. Ita mihi, Auditores, Theologi ideam deformavi: cui quam parum similis, quam longe dissimillimus sim, nemo me melius novit. Quos non gemitus, quas non lacrymas hæc meditati excutere deberet, propriæ ignorantiae, & inertiae & omne genus defectuum conscientia? Sancte protestor coram Deo & electis Angelis ipsius, vosque omnes declarationis hujus meæ testes esse jubeo, tremere me ac palpitare, quotiescunque animo recolo, quot & quanta, ea, quam Deus, quam vos nunc me sustinere voluistis, persona, exigat. Num tamen propterea animum plane despondere debui? num exactam officii normam adulterare, ut deviationes meas minus arguat? Ne firmit hoc unquam Deus. Malo equidem, Auditores, ut quam exiguus præ eo quod esse debeo, quam nullus sim, deprehendatis omnes: malo ut centies quotidie de defectibus meis erubescam, quam ut imperfectius exemplar proponens, minus aliis displiceam, mihi dulcius sed stultius blandiar. Polliceri tamen per gratiam Dei audeo, omni me nisu conaturum ut fidem vobis meam & diligentiam probem. Veritatem docebo, pietatem inculcabo, solida sectabor, vana, curiosa, litigiosa, ex esse jubebo. Quod de se olim apud Tacitum Segestes Germanus, id ipse de me germana fide dixero: *Vetera novis, quieta turbidis antehabeo*; neque assurgo quorundam, qui libertatem prophetandi crepare amant, consiliis, quæ *speciosa verbis, sed re inania sunt ac subdola*; quantoque *majoris libertatis imagine teguntur, tanto eruptura in insensum servitium*: ut hæc

hæc quoque Taciti verba mea faciam. Ita veritati litabo, ne pacem turbem. Ita pacem colam, ut nullo tamen eam veritatis dispendio redemptam velim. Ac nisi me, quod ne unquam mihi eveniat, ex imis præcordiis deprecor, Divina destituat gratia, faxo ut vobis, *Clarissimi Collegæ*, non injucundus convictor; vobis, *Præstantissimi Juvenes*, non seducens ductor sim. Et Te quidem, *Celeberrime ARNOLDE*, Orthodoxias in Frisia nostra Propugnator Acerrime, qui in Palæstra hac Academica veteranus es, oro atque obtestor, ne novitio mihi atque inexperto, exemplo, voce, ope, consilioque desis. In vindicanda veritate, in debellandis hæresibus, in commendanda pietate, duc, dirige, præi: non passibus æquis, sed sequar tamen. Tu, ut aquila in nubibus altum evola, mihi volupe erit pullum non omnino degenerem e propinquo advolare. Socias jungamus dexteras: non pallidus livor, non dira Erynnis, non malefuada æmulorum obtrectatio, animos in Deo unitos distrahat. Ego canis tuis verum pretium suum statuam. Tu mihi, operi, quod jam aggredior, minus sueto, præsidio & solatio esto.

Vos autem, *sacri Deo Juvenes*, mea olim futuri lætitia, & gloria, & corona in Domino, dociles vos, & ductiles nobis præbete. Quicquid habeo, si quid habeo, vobis de hinc habebō. Quicquid possum, vobis potero. Quicquid sum, vobis ero. Vobis studebo, vobis laborabo, vobis commentabor. Vos in oculis, vos in sinu geram. Neque macerari ac consumi detrecto, dum vobis inserviam. Tunc demum vivere mihi videbor, si propitio conatibus nostris numine id consequar, ut ex disciplina nostra venientes, probatos vos parentibus ac Mecænatibus, idoneos Ecclesiæ, sanctos & gloriosos Deo sistam. Vos modo vobis ipsis non desitis, sed dum virent genua, dum opportunum gratiæ tempus affulget: dum Cœlestis sapientia ædis suæ portas pandit, tantam salutem non negligentes, indefessa diligentia, devotis precibus, inculcata probitate, dignos vos Deo, dignos ministerio ejus fingite.

Hæc utrinque agentibus, imo ut hæc utrinque agamus, adsis nobis Spiritu tuo omnis sapientiæ Doctor Datorque Deus. Illumina oculos nostros, ut videamus mirabilia legiæ tuæ. Sint casta delicia nostra Scriptura tua Sancta: nec fallamur in iis, nec fallamus ex iis. Sanctifica nos in Veritate tua, Verbum tuum est Veritas. Serva, tacere, amplifica Academiam hanc gloriæ tuæ consecraneam. Invidia, lites, schismata, hæreses, æternum exsunt. Vigeat orthodoxia, floreat pietas, benignitas & fides sibi mutuo occurrant, justitia & pax se invicem osculentur. Charissimam patriam mirifica tua dextra tot malis ereptam, incolamem ac pacatam præsta. Benedic Principi Gubernatori nostro, ad maxima nato, ad magna in dies

dies assurgenti , qui una cum Arasionum Principe , avi nostri miraculo, columen Patriæ, mora fatorum est. Benedic Heroine Matri , in qua antiqui temporis Deborah sæculo nostro reddidisti, quicquid scævum sævumque est, a caris istis capitibus æquus averrunca. Benedic Proceribus, ut prudenter, cordate, feliciter Reipublicæ consulant. Benedic universis civibus; nulla eruptio, nulla querela in plateis nostris sit. Et post exactos in prolixa felicitate vitæ nostræ dies, tandem nos cum omnibus electis tuis transcribas calo. Hæc voti, hæc spei nostræ summa est. Audi, Exaudi nos in simplicissima unitate adoranda Trinitas.

ORATIO

INAUGURALIS

TRAJECTINA

DE

PRÆSTANTIA

VERITATIS EVANGELICÆ,

Dicta

II. KAL. MAJ. CID IDC. LXXX.



Quemadmodum inviolabili naturæ lege ortus quæque suos repetunt; ita etiam officii ratio exposcit, ut cui rei initium sui singula debent, ad eam rem omnis eorum usus fructusque pertineat. Quî in ipsis rerum primordiis e terra ascendeabat vapor, idem in terram recidens limpidi roris sui guttulis almæ matris gremium fecundabat. Æquitati & justitiæ quid magis est consentaneum, quam ut is qui plantavit vineam uvis illius vescatur, qui pascit gregem lacte illius ac vellere fruatur, qui spe messis agrum colit spei suæ compos votorumque damnas evadat? Deus ipse, qui rerum omnium principium,



DE PRÆSTANT. VERIT. EVANG. 681

pium, idem & finis est, A pariter atque Ω: uti ex ipso, & per ipsum, ita & ad ipsum omnia. In humana quoque societate nemo est liberaliter educatus, cui non educatores, cui non magistri sui atque doctores, cui non locus ille mutus ubi ipse alitus atque doctus est, cum grata recordatione in mente versentur. Honestum est, ut quid cuique acceptum ferre & pro tua copia rependere debeas, sollicitis animi cogitationibus identidem expendas. Omnes in hoc urbes, omnes etiam ex Barbaris regionibus gentes conclamant. In tanta judiciorum diversitate, referendam bene meritis gratiam esse, omnes uno ore adfirmant. In hoc tam discors turba consentiens est. Ne igitur scdissimo crimine in æquissimas eas leges peccare comperiar, quas & natura Barbaros, & ratio eruditos, & Sacer Dei Spiritus Christianos docet: primum atque ante omnia profiteor, nihil in me vel ingenii, vel doctrinæ, vel eloquentiæ esse, quantulum illud cunque est, si tamen aliquid est, nihil esse quod meum sit: nihil, quod non immortalī Deo debeam; Deo inquam, qui docet nos præ bestiis terræ, & sapientiores facit volatilibus cœli; qui consiliorum suorum arcana timentibus sese pandit; qui, uti avicularum linguas ad laudum suarum cantillationem mirifice ciet; ita & homini os statuit, & loquelam indidit, & psalmos dat noctu. Ejus itaque ut & usu, quemadmodum mancipio, totus sim, jus & fas omne exigunt. Ubi ubi terrarum degam, faxo ut Dei me semper esse meminerim. Ejus gloriæ illustrandæ, ejus regno amplificando, ejus cultui promovendo, ejus peculio exornando, si quid in me vel ingenii vel industriæ est, in solidum impendetur. Id non ore magis quam corde proclamo (audiat jus, audiat fas, audiat ipse cordium renumque scrutator Deus,) nullum unquam mancipium magis Domini sui fuisse, quam ego me Dei esse velim. Quamobrem omni honoris proprii, aut privatæ utilitatis, & qualiscunque commodi ambitiosæ inhiationi renunciāns, non quæ mea, sed quæ Dei Christique ejus sunt, unice post hac quærere, curare, satagere, animum induco. *Os meum narrabit justitiam tuam, Domine, toto die salutem tuam: quamvis numeros illius ignorem. Veniam per præpotentiæ Domini Dei, memorabo justitiam tuam, tuam solius.* Sed & illud mihi profitendum est, VIRI ULTRAJECTENSES, si non omnia, pleraque saltem mea, post Deum O. M. vestræ me inclutæ Urbi, vestræ in ea Ecclesiæ, & celeberrimæ huic Academiæ debere. Hic ego ex domestica meorum institutione emancipatus primum solidioris doctrinæ succum hausi. In hujus me Ecclesiæ gremio renatum ex semine incorruptibili, per sermonem Dei vivi & manentis in æternum, in Domino gloriari licet. Hic primum mysticæ dapis particeps, ac Domi-

nicae mensae conviva factus sum. In hoc ipso secretioris sapientiae sacrario, in iis ipsis subfelliis, quae nunc stipata studiosae juvenutis corona conspicio, ad Doctissimorum Virorum pedes quondam me confedissem memini? & ex hac ipsa cathedra, quae suis & olim & nunc Doctoribus superbiens, tam disparem illis homuncionem tantum non dedignatur, ex hac ipsa, inquam, cathedra, VORTIOS, HOONBERCKIOS, BRUNIOS, ESSENIOS, NETHENOS, at quanta nomina! qui tunc Academiae hujus lumina erant, de Divinis rebus sapientissime & copiosissime dissertanteis audivisse me grata mente recorder. & profecto citius obliviscetur sui dextra mea, citius arido palato adhaerescet lingua, quam ego Ecclesiae atque Academiae hujus, beneficiorumque ab utraque in me collatorum obliviscar, desinamque & illas & haec efferre supra summam laetitiae meae. Neque possum quin gratias agam immortalis Deo gratissimas, quod occasionem nunc mihi suppeditaverit affectum hunc non verbis modo testandi, sed & effectis comprobandi. Non quod FRISIAE me meae piguerit, quam ego studiorum, honorum, commodorum meorum altricem praedicare nunquam desinam: aut quod ad stationis hujus sublime decus ambitiose anhelaverim; cuius rei praeter Deum & conscientiam, Amplissimum Urbis hujus Magistratum, & Venerandum Ecclesiae Presbyterium testes habeo: sed quum jure suo repetitum venirent quod liberaliter pridem impertierant; non debui committere ut malum nomen videri possem; aut Deo me vocanti subducere, quo minus cum honore refunderem, quod non nisi mutuo olim acceperam. Meminique nisi gavissimum me dicam incredibili illa tam Politici quam Sacri Ordinis benevolentia, qua me mirabili animorum consensione ad bene de egregio publico merendum invitaverunt. Hac ergo fini nunc adsum, VIRI ULTRAJECTENSES, ut quam capeffivi erudiendae pubis Academicae provinciam eam nunc cum bono Deo auspicer. Deliberanti autem quam primo sermoni materiam seligerem, nihil opportunius visum est, quam ut Veritatis inter vos Evangelicae Doctor designatus, de ejusdem EVANGELICAE VERITATIS PRAESTANTIA perorarem. Quod dum procul omni conquisitorum verborum lenocinio, procul omnibus artis Oratoriae pigmentis conabor, quippe quae casta nostra Diva, ingenita sibi contenta pulcritudine, spernit atque averfatur: Vos mihi, AUDITORES, aures animumque advertite, & a carceribus nunc prodeunti, ad cursum alacriter inchoandum, feliciter persequendum, benevolentia vestra veluti stimulos & calcaria admoveite.

EVANGELIUM quum dico, intelligo laetissimam illam annuntiationem salutis per Christum aeternum aeterni Dei Filium humano generi

generi partæ. Postquam malefuadi veneno serpentis infecti mortali-
um primi veritæ arboris fructum nefario ausu temeraverunt, & ipsos
se, & posteros secum omnes, ejusdem reatu criminis implicitos,
ea qua tunc fruebantur felicitatis continuatione, & amplioris beati-
tudinis consequendæ spe exturbarunt, præcipitaruntque in barathrum
inevitabilis exitii. Contemta Numinis Majestate, violata præcepti
religione, spreta interminatione dirissimæ æternæque mortis, insuper
habitis præstantissimorum bonorum promissis, &, ut numero dicam,
apto contumaciter fœdere quo obstricti D. O. M. erant, amicitiam
ejus justissimo odio atque ira infelicitè commutarunt. Quæ ira Dei
ab eo tempore cœlitus manifesta facta est adversus omnem hominum
impietatem & injustitiam: & persequentur in conscientia ad quamvis
Numinis vocem trepidante: & omnium denique ærumnarum, quæ
æterni interitus prænunciæ sunt, amara scaturigo est. Quod autem
omnium est hac in re miserrimum, repudiata semel immortalis Dei
amicitia, omnis coalituræ iterum pacis spes prorsus decollasse vide-
tur. Non enim finit Dei sanctitas, ut communionem sui peccatori
indulgeat, ne ipsi videatur esse similis. Justitia vindictam exigit:
Veritas interminata est mortem. Ac nequaquam expectandum est,
ut Deus, in hominis peccatoris gratiam, pacem redintegret cum ulla
virtutum suarum læsione. Accedit quod ipse homo tam mente cap-
tus, tam sibi ipsi inimicus sit, ut vel oblatam Dei gratiam sit rejectu-
rus, ad interitum suum insane obdurans. Adeo eum sibi mancipa-
vit Diabolus, ut libere admodum ac liberaliter ei serviat, pristinæ-
que oblitus felicitatis, & suas nunc ipse catenas deperiens, de se in
libertatem asserendo, & cum Deo in gratiam redeundo, cogitare nec
velit nec possit. In eo rerum statu natura nos omnes deprehendit:
quoquo versemus oculos, nulla alicunde spes affulget, nisi ut fortiter
æternumque nos miseros esse jubeamus. Deus tamen, qui non sibi
tantum & creaturis suis rationalibus ad omnem felicitatem sufficientissi-
mus est, tantam in se opulentia ubertatem possidet, ut, quod incre-
dibile esse modo jecimus, illæsis virtutibus suis, Deus & salus fieri
possit peccatoris. Et quum intelligentiæ ipsius nulla sit pervestigatio,
non difficile ei fuit viam invenire, qua quidquid se miserorum homi-
num salutis objiciebat superaretur. Filium enim habet, qui suscepto
vadimonio humanam se carnis induere, & pro hominibus omne jus legis
tam agendo quam patiando exsequi, atque ita Divinæ Sanctitati, Ju-
stitiæ, Veritati nostro loco satisfacere possit. Porro is Filius Spiritum
habet longe valentiorum spiritu inferorum, qui merita Filii mortali-
bus applicare, & flexanima ac vorticordia virtute sua odium Dei men-

tibus expectorare, ejusdemque amorem indere iis norit. Hoc est *my-
sterium illud Dei & Patris & Christi, in quo sunt omnes thesauri sapien-
tiæ atque notitiæ absconditi.* Ex ista Divinarum opulentia perfectionum
profluxit CONSILIUM illud PACIS quod est inter JEHOVAM, & inter
virum cujus nomen est GERMEN. Quo consilio & hereditas Testa-
mento descripta, & heredes nominatim designati sunt, & modus con-
stitutus est Deo dignus, quo destinata hereditas ad heredes deveniret.
Eam voluntatis suæ partem, cui cætera omnia cum sapientiæ cum po-
tentiae opera inserviunt, mox a peccato protoplastis Deus significavit.
Verum iis verborum involucris, & ænigmatum ambagibus, ut, nisi
uberius accessisset explicatio, de mente Dei ambiguus manere necesse
fuiſſet. Credibile ergo est familiaribus colloquiis plura de consilio suo
Deum exposuisse, quam in tanta scripti brevitate narravit Moſes.
Hoc utique constat, primævæ promissioni de semine mulieris caput
serpentis contrituro, multas alias cum tempore accessisse, quæ illi
non confirmandæ solum, sed & illustrandæ atque amplificandæ inſer-
virent. Donec tandem Meſſiæ persona, & duplex quoad utramque
naturam egressus, & nativitas e Virgine Regia, & ortus ex Bethle-
hem, & vita quam privata quam publica, & paſſiones, & mors, &
refuſcitatio e morte, & aſcenſio in cælum, & officia omnia, & be-
neſicia ſuis conferenda, prophetiarum præconiis, typorum emblematis,
cerimoniarum figuris, pro œconomiae iſtius ratione artiſtice
admodum delineata atque expreſſa ſunt. Additis temporum charac-
teribus, quo ea quæ fieri cernebat populus Iſraëliticus facilius dignoſce-
re, & cum priſcis oraculis certius contendere poſſet. Quum autem
plenitudo temporis advenſiſſet, e cælo deſcendit Dei Filius, & quum
humanum ſibi corpus ex carne & ſanguine Virginis Mariæ in vivum
Deitatis ſuæ templum formaffet, plaudentibus cœleſtium Angelorum
choris, homines ut fratres ſuos viſitavit. Et poſtquam de poſitis pue-
ritiæ tyrociniis, quibus Hebræorum ſapientiſſimos quoſque in templo
ſecum diſſerentes in ſtuporem dederat, in virilem ætatem maturuiſſet,
a Johanne Baptiſta, inſigni Viro, quem Deus exulceratis iſtis tem-
poribus velut alterum Eliam commodaverat, palam pro Meſſia agni-
tus atque prædicatus eſt. Ipſe quoque ſe eum eſſe quem promiſerat
Deus, quem exſpectaverant Patres, ad cujus adventum omnium paſ-
ſim animi ea tempeſtate anhelabant, ſermonum ſuorum admirabili
ſapientia ac potentia, & incredibili miraculorum patratiōe, ceu
totidem invictis argumentis, comprobavit. Et quemadmodum omni
vita exactiſſimæ ſanctitatis exemplar expreſſit, ita & diriffimis crucia-
tibus, atque immeritiæ morti, impiorum ſibi manibus inferendæ, ultro
ſcis

sefe & alacriter obtulit. Ut & pro peccatis nostris patiendò reatum eorum expungeret, & omnem justitiam præstando jus nobis ad vitam æternam acquireret. Sed fieri non poterat, ut morte, quam moriendo vicerat, detineretur. Quapropter tertio a sepultura die, tremente terra, ministrantibus Angelis, stupentibus monumenti custodibus, sua ipsius virtute, vivus exiit, gloriosam indutus immortalitatem. Neque voluit inferiores has mundi partes relinquere, nisi postquam frequentibus apparitionibus vivum se suis exhibuisset, ad indubiam veritatis demonstrationem una cum iis prandens cœnansque. Tum demum aspectantibus undecim Apostolis, pleno die, per medium aëra, in cœlum raptus est; donec interveniens nubes intensam oculorum aciem fregit. Ibi vero se & vivere, & regno potiri, effuso, ut prædixerat, ubertim Spiritu manifestum fecit. Eo quippe Spiritu, qui momento temporis omnem ingenii ruditatem Apostolis defricuit, fecitque ut insciti hætenus idiotæ, qui patrium modo sermonem vix balbutierant, nunc quarumvis nationum linguis magnifica Dei opera sapienter & copiose prædicarent. Hic est ille Jesus quem præstituit Deus placamentum per fidem in sanguine ipsius, ut quisquis credit in eum non pereat, sed habeat vitam æternam. Et doctrina tantæ salutis nuncia, ea demum est quam EVANGELIUM vocamus. Quid enim hoc nuncio lætius jucundiusque contingere potest homini criminum sibi suorum conscio, anxioque salutis? Lætum, inquires, & jucundum profecto est; modo VERUM sit, neque arte consutis fabulis, veluti somniorum ludicris, avidus animus decipiatur.

Imo, inquam ego, adeo verum est, adeo certum, nulla ut veritas Geometrica solidius demonstrari queat. Quod dum firmissimis rationibus additum eo, non existimo mihi necesse esse, ut iterum benevolentiam attentionemve vestram emendicem. Sive enim ipsa disciplinæ hujus DOGMATA spectemus, sive eorundem INTER SE & NOVORUM cum ANTIQVIS CONNEXIONEM atque harmoniam, sive HISTORIAM Christi & rerum ab eo gestarum, sive MIRACULA ad harum confirmationem patrata, sive denique horum omnium EFFICACITATEM in qualiumcunque animorum convictione: in singulis quidem seorsim sumtis, magis tamen in omnibus junctis, non veritatis solum, sed & Divinitatis certissima deprehendemus argumenta.

Ad DOGMATA quidem quod attinet, ea partim talia sunt ut eo-
rum cognitionem aliquam confusam atque vacillantem a natura habeamus, quæ tamen Evangelium multo patefecit luculentius, ac firmitus
mentibus hominum persuadet. Unde factum, ut tametsi ex libris
Philosophorum, & omnium populorum consensu, & ipso sensu con-
scien-

scientiæ, constat, Evangelium in iis verum esse, mirerur tamen, postquam tanta lux nobis affulsit, res tam certas & indubitatas non nisi dubitanter præstantissimis ingeniis perspectas explicatasque fuisse. Talia sunt quæ de Deo illiusque virtutibus, quæ de mundi conditu, quæ de hominis ad Dei imaginem primæva creatione, quæ de legi menti inscripta, quæ de peccatorum atrocitate & meritis, quæ de immortalitate animæ & de diversa piorum impiorumque post hanc vitam conditione, vel traduntur in Evangelio, vel supponuntur. Sed & alia docentur de quibus ne hilum quidem homines suspicati erant, quæ tamen postquam innotuerunt, apparuerunt manifesto & rectæ rationi esse admodum consentanea, & cum iis quorum notitiam aliquam ex ipsa natura hauseramus arcte cohærere, & ad summum bonum consequendum esse absolute necessaria: unde fit ut in iis ex animo acquiescamus. Atque eorum sane esto exemplum satisfactio valoris infiniti, quæ Deum atque homines immensa voragine diremptos veluti ponte facto junxit. Post tot irritos hominum conatus in reperienda ratione salutis hominibus impetrandæ, re desperata, quis dubitabit Deum illum esse qui princeps vitæ rationem invenit, &

*Fluctibus e tantis vitam tantique tenebris
In tam tranquilla ac tam clara luce locavit?*

Denique nonnulla nos edocet Evangelium, quæ mentem humanam superant, quæque ideo prima fronte eam perturbare & offendere posse videntur. Attamen si quis in ea paullo diligentius animum intendat, comperiet primum non everti iis veritatis principia, quæ natura mentibus nostris impressit; deinde animadvertet, cum aliis rebus, quæ vel natura quadantenus cognitæ, vel postea revelatæ sese mentibus nostris evidentia veritatis persuaferunt, ita apte conjuncta & connexa esse, ut hæc negari non possint, quin & illa labefactentur ac corruant: denique perspiciet tantam in iis esse tamque Deo dignam sublimitatem ac sapientiam, ut neque ignota reperiri, neque reperta componi connectique ab humano ingenio potuerint. In hunc censum refero adorandæ Trinitatis mysterium, & quæ illud consequitur, incarnationem Filii Dei ex intacta Virgine. Quæ hominum, quæ Angelorum solertia, hæc tam abdita, tam sublimia, tantoque intervallo omni omnium creaturarum captum transcendentia, excogitare valuisset? Cui id in mentem venire potuit, unam atque individuum D. O. M. essentiam tribus subsistere Personis, quæ, licet suis discretæ characteribus, unus tamen Deus sint: aut æternum Dei Filium hominem, in tempore nasci, quo legem hominibus latam impleat: & quidem ex hominibus

bus nasci, uti eos ceu fratres, ac proximos sibi diligit ac vindicet: e Virgine tamen illibata, nequicquam ex humanæ vitiositatis spurcitie, per ordinariam connubii viam in posteros sese diffundente, contraheret. Hæc quam arcte cum toto salutis nostræ negotio cohærent? quam satisfaciunt animæ beatitudinem sitienti, & nusquam alibi securæ? quantam habent secretioris sapientiæ profunditatem? quam inaccessa semper hominibus mansissent, nisi per scripturas Propheticas ex imperio æterni Dei ad obedientiam fidei omnibus gentibus essent notificata?

Sed & CONNEXIONEM omnium dogmatum suavissimumque consensum videamus; sive *inter se* conferantur singula, sive ea, quæ *Novi Testamenti* monumentis exposita sunt, cum iis contendantur quæ antiquis sunt prodita oraculis. Verum vero esse consonum, falsum autem multiforme sibi que dissonum, communis ratio dicat. Porro nulla est scientia, ars nulla, cujus præcepta arctius aptiusve cohæreant, quam instituta Evangelii: quæ omnia uni superædificata fundamento mirabili partium coagmentatione in augustæ pulcritudinis templum asurgunt. Artificiosæ catenæ instar habent, cujus nullus unus annulus solvi potest, quin tota mox luxetur compages. Ex uno omnia principio, concatenatis seque invicem firmanibus conclusionibus, nullo uspiam hiatus, ordine deducuntur. Adeo, ut qui principium illud norit, is norit omnia; quatenus id novit, in quo omnia veluti in centro suo conveniunt, e quo deduci, ad quod reduci debent. Quam rem singulatim ostendere quamvis in proclivi sit, non horæ tamen unius, sed dierum aliquot, vel mensium etiam spatio opus est.

Id tamen prætermittere non possum, quantum Evangelii placita firmamen in Mosaicis institutis habeant. Cum Mose olam locutum esse Deum, e medio tonitruum & fulgettorum, spectante & audiente innumerabili populi Israëlitiçi multitudine, negare nemo potest, nisi qui eadem opera solem mera meridie lucere neget. Quid enim tandem ex omni historia verum est, si non hoc sit, quod eo conscriptum est tempore ac loco gestum; & conscribi, populoque commendari, ab eoque filiis ferisque nepotibus tradi non potuisset, nisi revera ita gestum esset? Quis unus homo sibi scienti volentique ita imponi passus est, ut crederet atque adstrueret a se visa atque audita, quæ nunquam viderit atque audierit? Nedum ut tanta multitudo, eaque satis procax atque immorigera, in tanti mendacii auctorem impetum factura non fuerit. Ponamus igitur Mosi locutum esse Deum, eumque commendasse populo ut fidelem servum in tota domo sua, cujus ministerio de omni veritate in omne tempus omnes filii Dei erudiendi sunt.

sunt. Addamus, a Deo ipsum accepisse quicquid rituum cerimoniarumque Israëlitis tradidit, quod Aaronidarum non satis ex præscripto facientium prodigiosa mors, & Coræ, Dathanis atque Abirami contra litigantium fœdus tremendusque exitus, ut cætera taceam, abunde comprobant. Sed & id jaciamus: inesse statutis illis sapientiam rationemque Deo dignam: neque enim summum Numen ludicris quibusdam ac scenicis sine mente exercitiis populum suum fatigare voluisse credibile est. Hoc tandem fidenter assevero, non posse eorum commodam aptamque rationem inveniri, nisi umbræ statuuntur esse earum rerum quarum corpus panditur in Evangelio. Veniamus in rem præsentem. Concurrent omnes novitii Hebræorum Magistri; accedat ipse Moses Maimonius, qui fato quodam ac sorte nascendi primus solusque in ea gente intellexisse dicitur, quid sit hoc, non ineptire; intendant omnes ingenii nervos; omnes excutiant industriæ fecundæque suæ loculos: nihil in assignandis Mosaicorum rituum rationibus ex hypothesebus suis extundent quod non Hibera nive frigidius sit. Librum composuit is quem modo laudavi Maimonius: in eo se Doctorem perplexorum esse gloriatur: hunc enim, superbum satis, libro titulum fecit. Atque id potissimum agit ut Mosaicarum legum causas investiget. Neque diffitendum est, quin occurrant subinde nonnulla quæ legisse hauri pignoret. Ubi tamen eo deventum est, ut externarum illarum cerimoniarum arcani significatus explicandi sint? dici non potest quam ipse hic Doctor perplexus hæreat, & in quam futiles nœnias tota ipsius exeat commentatio. Verum si Evangelii nostri lux accesserit, tum demum patebit, omnia ista picturas figuræque esse, summa arte a Spiritu Dei elaboratas, ad Messiam, illiusque officia, & beneficia, populo repræsentandum. Hæc doctrina clavis scientiæ est, qua abdita fieri non potest quin Mosis Prophetarumque commentarii crassissima caligo sint: ea autem rite usurpata quicquid in sermonibus Dei impervium esse videbatur in clara luce collocat. Hinc nullo negotio exponitur, quid Tabernaculum cum aulæis suis & asseribus discretisque receptaculis; quid altare, tam æneum holocaustorum, quam aureum suffitus; quid candelabrum cum septem suis lampadibus; quid mensa aurea cum panibus propositionis; quid Arca fœderis cum propitiatorio & Cherubinis; quid Pontifex cum omni suo sacro apparatu; quid sacrificia; quid frequentes illæ lustrationes; quid cinis vaccæ rufæ; & quicquid denique in religione Mosaica Hieroglyphicum est, significare Ecclesiæ debuerit. Quo pacto autem id non verum, non Divinum esse potest, sine quo prisca illa instituta nec veritatem habent nec sapientiam; quodque cum

figuris

figuris illis tam exacte convenit, ut si singula conferantur, neque figuras istas artificiosius conformari potuisse ad eas res exprimendas, neque res ipsas a figuris ulla in parte discrepare, manifestum sit?

Transeamus nunc ad *HISTORIAM* Jesu rerumque ab eo gestarum prout eas scriptis Evangelistæ persecuti sunt: & ipsa mihi dicat pertinacia, dicat in perniciem suam conjurata impietas, quid ulli unquam historiæ fidem conciliaverit quod huic desit. Quatuor æquales scriptores, homines uti non mali, ita nec stulti profecto aut stolidi, suæ gentis, sui ævi res memorantes, quibus maximam partem ipsi interfuerant, vel quarum ipsis aliunde plena fides facta erat, ea de Jesu Christi nativitate, vita, sermonibus, miraculis, morte, resurrectione, adfensioneque in cœlum narrant, quæ notiora vobis omnibus sunt quam ut repeti hic debeant. Quid causæ dici potest, cur minus huic historiæ adhibeatur fides, quam aliis omnibus de quarum veritate nemo dubitat? Alexandrum Magnum Persarum monarchiam debellasse, Augustum Romæ rerum potitum esse, Constantinum Imperii sedem Byzantium transtulisse, quam de suo nomine Constantinopolim dixerit, nemo tam bardus ac stipes, nemo tam opiniosus & pertinax est, qui non credat ac fateatur. Et qua re inductus? Nimirum quia temporum illorum scriptores constanter id asseverant. Atqui idem hic obtinet: & qui gesta Jesu memorant, in iis quæ fidem quam maxime exsuperare videntur, ad populi procerumque conscientiam, & plus quam quingentos testes provocant. Denique circumstantias omnes enarrant; tempus, diem, horam, locum, urbem, pagum, domum; personas, viros, mulieres: quæ quo plura, eo ad convincendum faciliora. Nec vero in Judæa de rebus in India gestis loquuntur; sed ad portas urbis, apud Bethaniam & Betsaidam, in suburbiis, in urbe ipsa, eo vico, ea porta, ea piscina. Vivebant testes, videbant cæci, ambulabant mortui. Iis se circumstantiarum angustiis arctare non est profecto mos mentientium. Et quæ tandem hæc fuisset tam demens impudentia, de rebus eopse tempore & loco gestis, apud homines cuncta sollicitè observantes, eosdemque rerum Dominos, tam petulanter mentiri? Aut quæ mendacii merces? Non opes enimvero, non honores, non voluptates: sed contraria omnia, odium plebis & primatum, carceres, flagra, exilia, mortes dirissimæ. Quæ cuncta obsequioso harum rerum silentio redimere potuissent. Jam vero ut quis sensus sui compos talia toleret ob conceptam animo opinionem, fieri fortasse possit: at ut ob falsum quod falsum esse norit tam dura pati velit, non unus aliquis, sed plures, quorum id falsum credi nihil intersit, res est plane incredibilis. Aliud

*Ipsa testi-
um lauda-
torum ver-
ba exhibens
Grosius &
Huetius,
nonnulla
quoque
Mornani.*

dicam quod pervicacissimo cuique ad sensum extorqueat. Ipsi illi qui ætatis istius proximi, Christianæ tamen rei hostes fuere infensissimi, suo Evangelii Historiam testimonio confirmaverunt. Viculo terræ Judææ ortum fuisse Jesum, puella pauperula, fabri materiarii uxore, & in Ægyptum profugisse, agnoscit Celsus, Christianismi impugnator acerrimus. Berleheemi natum probant tabulæ censuales Romanorum, ad quas Justinus, Tertullianus & Chrysostomus provocarunt, quod profecto non fuissent ausi, nisi perspectum id certo explorarumque habuissent. Novum sidus post Christum natum apparuisse, ad eumque Magos venisse, non diffiteretur Julianus; sed ad causas naturales stellæ ortum accommodare studet. Prophetam fuisse Jesum, a quo futura cognita atque prædicta sint, tradidit in Chronicis Phlegon, Adriani Imperatoris libertus. Edita esse ab ipso prodigia, neque Celsus, neque Julianus, quum in Christianos scriberent, negare ausi sunt: Hebræi vero, Talmudici conditores operis, aperte fatentur. Dæmonum vero vim ac potestatem adventu Christi infractum, Porphyrius ipse agnovit. Eundem Jesum a Pontio Pilato Judææ præfide cruci affixum, & Judæi tradunt, qui in vespéra Paschatis suspensum Jesum scribunt, quum tamen non ignorent eo se nomine, quod majores sui Pilato id statuendi auctores fuerint, gravissimam invidiam apud Christianos, quorum sub imperiis passim degunt, sustinere: & pagani scriptores idem memoriæ prodiderunt. Imo multo post tempore exstiterunt acta Pilati, ad quæ Christiani nonnunquam provocabant. Mirabilis illa Solis defectio, & ingens terræ motus, quæ moriente Christo contigerunt, itidem narrantur a Phlegonte illo, supra nobis laudato. Atque hæc ipsa in aliis etiam Ethnicorum commentariis reperiri, testatur in Chronicis Eusebius, testantur & alii. Thallum quoque eandem eclipsin memorasse, prodidit insignis temporum metator Africanus. Eundemque mundi casum in Romanorum Archivis relatum, Tertullianus, & ante eum Lucianus Antiochenus Martyr, in Apologiis suis urserunt. Imprimis memorabile est quod ex Sinensi Historia Hadriani Gressonii observavit Petrus Daniel Huetius, Vir Clarissimus, adnotasse Sinas in rerum suarum monumentis, ad id tempus ad quod annum ætatis Christi xxxi i. nos Christiani conferimus, circa mensem Aprilem, solare deliquium præter ordinem naturæ & leges curriculum astrorum præfixas contigisse: qua rei novitate Quamvutium Imperatorem vehementer fuisse commotum. Nescio an adjungere debeam illustre illud Josephi de Christo testimonium, quod rejectum a quibusdam, assertum ab aliis, doctissimis seculi nostri Viris eruditissimarum dissertationum materiam exhibuit. Pro eo certe facit con-

*De Eclipsi
hac a Si-
nensibus ob-
servata, vi-
de prolixè
in Actis
erudit. Lips.
ad Menf.
Mart.
1687. p.
130.*

stant

stans & perpetuus codicum omnium, sive exaratorum calamo, sive ^{Prolixæ} typis impressorum, consensus. Facit & Eusebii & Hieronymi & Isidori Pelusioræ auctoritas, qui illud tanquam legitimum & genuinum ^{testimoniis} repræsentarunt. Suadet idem præterea & ratio: cui enim credibile ^{hujus vindicias vide} sit, Josephum scriptorem diligentissimum, quum res Judæorum per- ^{apud Hæ-} sequeretur, de eo viro tacuisse, qui maximos in ea gente ac per uni- ^{rum, De-} versum fere orbem excitavit motus, sectamque longe lateque diffu- ^{monst. E-} sam de nomine suo condidit? Quis eum putet elogio dignos censuisse ^{vang. Pro-} Johannem Baptistam, & Jacobum Domini Fratrem, indignum vero ^{pos. III.} mentione Christum Jesum existimasse, ^{Thes. XI.} cujus longe clarius nomen fuit? Quum præsertim Jacobum laudans, ut notum hunc faceret, fratrem esse scripserit Jesu qui Messias dictus est, quem videlicet longe notior-
rem esse sciebat. Sed quid conquirendis extraneorum testimoniis ultra laboro? quæ tamen maximi in hoc negotio valoris esse nemo prudens negaverit. Vel me tacente PRODIGIA a Christo, ab Apostolis, a primorum seculorum Christianis edita, non veritatem modo, sed & Divinitatem vociferantur doctrinæ illius cui confirmandæ patrata sunt. Prodigia, inquam, non in uno loco facta, sed pluribus; non in hypogæo, sed frequenti foro; inspectante toto populo, & in populo multis eruditis, qui ut Christo illiusque discipulis male volebant, ita cuncta ipsorum opera observabant: eademque sæpe repetita, & quorum effectus non momentanei fuere, sed permanentes: nequis præstigias fuisse impudenter causserur. Ubi ægrotis repente valerudo, claudis incessus, cæcis natis visus, surdis mutisque auditus & loquela, mortuis vita restituitur; ubi rudes animi subito rerum Divinarum scientia, futurarum præscientia, cœlestium visionibus, & incognitarum antea linguarum peritia imbuuntur; ubi excisa evulsæ penitus linguæ sermonis facultas ususque remanet, quis non ibi virtutem humana omni creataque majorem agnoscere cogatur? Atqui hæc in initio Christianismi tam fuere frequentia, ut nusquam prædicaretur Evangelium, quin eadem simul conspicerentur admiranda. Nec paucorum modo hæc virtus annorum fuit, aut certis adstricta locorum finibus; sed qua patet orbis, ubicunque publicata fuit doctrina fidei, solidis se aliquot seculis exseruit; donec sufficienter confirmato Evangelio, tot Divinitatis argumentis & arcana Spiritus obsignatione contentos nos esse Deus voluit. Illustria, neque ignota eruditis sunt Justinii Martyris, Irenæi, Tertulliani, Origenis, Cypriani, Lactantii, aliorumque testimonia, qui ad prodigia suis adhuc temporibus frequentata passim provocant. Quod autem de sermonibus eorum quibus rescissa a Ty-

rannis lingua erat modo allegavimus, illius rei non in solo Romano martyre habemus exemplum,

*Plectrum Palati ac faucium sevus cui
Tortor convulsit, nec tamen silentium
Indixit ori, quo fatebatur Deum.*

Sed idem Reparato aliisque confessoribus Vandalis contigit. Cujus miraculi non Victorem modo Uticensem, & Marcellinum Comitem, & Æneam Gazæum, & Procopium, & Gregorium Magnum, & Ildorum Hispalensem testes laudare possum; sed ipsum Romani Imperii Principem JUSTINIANUM. Cujus, in codice Lib. I. Tit. XXVII. de officio præfecti prætorio Africæ, hæc verba exstant: *Vidimus venerabiles viros, qui abscissis radicibus linguis pœnas suas miserabiliter loquebantur.* Quid tandem, AUDITORES, quid ad tanti prodigii confirmationem desiderari ultra potest? Non de plebe aliquis, non ex honoratorum civium numero, non ex Senatorio aliquis ordine gravitate ac sapientia cum maxime conspicuus, ad testimonium dicendum evocatur; sed ipse Romanæ Imperator Reipublicæ, cujus post Deum majestas humano generi veneranda est, ultro testimonium dicit; nec dicit tantum, sed & rescripto in omne ævum perennaturo inserit; idque de re non olim aut procul gesta, quam fando a viris fide dignis acceperat, sed quam præsentem suis ipse oculis auribusque usurpaverat. Quo nunc confugient quibus tantæ veritatis evidentiæ cedere nondum lubet? Num veram eam doctrinam esse inficiabuntur, cui testimonium præbuit Deus tot signis & prodigiis variisque virtutibus, & Spiritus Sancti distributionibus pro sua voluntate? Num vel sine Deo hæc fieri possunt? vel Deus virtutem suam, non semel atque iterum, quod fortassis explorandæ suorum fidei interdum faciat, sed toties tamque constanter, commodaret mendacio? Aut malorum hæc attribuent illusionibus demonum, magicæque artis præstigiis? Verum doctrina Christi cui probandæ opera ista adhibebantur, malis spiritibus plane adversatur, hominesque avocat ab eorum cultu, & omni morum immunditia, quæ tales spiritus delectantur. Et quantumcunque olim valuerit Magia, quæ tamen non tam ars est, quam vanissimi cujusque ludibrium, id certum est, invicta Christianismi valentia vim illius plurimum infractam atque imminutam esse. Si quid tunc potuit Magia, si quid adhuc potest, cur id non imprimis efficit, ut Christianorum nomen, tam suo inimicum honori atque efficacitati, prorsus oblitteretur atque intereat? Vel an eo tandem devenient, ut præfracta mente, perfricta fronte, miracula hæc omnino facta esse negent? Sed quo pacto id negari potest, quod

tot consciis factum est hominum millibus? Si tamen negent, quid hoc igitur miraculi est, quod tot tantique populi, homuncionem miserum, inopem, humilem, nullis miraculis persuasi, inter tela sequantur; mortuo immoriantur; & pro crucifixo mortem, ignominiam, & cætera extrema pati, felicitatem, decus, gloriam putent?

Singularem doctrinæ illius genium esse necesse est, cujus tanta est in alliciendis ac devinciendis hominum animis EFFICACITAS. Atque hoc ultimum ex iis argumentis erat, quibus Evangelii veritatem confirmare instituiamus. Perpendite mecum, AUDITORES, quantum ea res admirabilitatis habeat. Duodeni primum homines, nulla re nisi probitate sua, & infucata morum simplicitate commendabiles, orbem inter se partiti terrarum, non tantum per omnes Romani Imperii partes, sed ad Parthos quoque & Indos progressi, intra triginta annos circiter, Evangelii fama cuncta repleverunt. Crassam ubique offendebant ignorantiam, præjudicia valida, animosque falsæ religionis circa fictitia numina veluti æstro quodam percitos. Obstabant iis instituta majorum, philosophorum dolosæ disputationes, vis omnis potestasque imperantium. Non ostentabant Geometriæ studium cum Platonis, aut plantarum & animantium historiam cum Peripateticis, aut Stoicorum dialecticam subtilitatem, aut Pythagoricam numerorum & concentuum peritiam: nulla iis facundi sermonis concinnitas, qua Græci olim Romanique Oratores plebis animos veluti incantabant. Sed nullo hominum auxilio nixi, nullo secularis sapientiæ apparatu instructi, sine ullis verborum illecebris, Christum crucifixum prædicant, eo successu, ut viri, feminae, dites, inopes; nobiles, plebei; sapientes, idiotæ, abjuratis priscae superstitionis vanitatibus, in omnibus quocunque venirent orbis terrarum tractibus, Christo nomen dent: tam constanter, & quemadmodum Paulus noster dicit ἀπεριόριστοι, ut nulla deinceps sermonum vafritie, nullis promissionibus, nullis minis, nullis cruciatibus mortibusve dimoveri ab incepto potuerint. Ab India usque ad Britanniam, a rigida septentrionis plaga usque ad fervores Atlantici Oceani, in insulis & provinciis omnibus quas sol oriens atque occidens lustrat, innumerabiles populi, & tantarum gentium multitudines Christi crucifixi leges acceperunt. Bessorum feritas & pellitorum turba populorum, qui mortuorum quondam inferiis homines immolabant, stridorem suum in dulce crucis fregerunt melos, & totius mundi una vox, Christus est. Deposuit pharetras Armenius, Hunni discunt Psalterium; Scythiæ frigora fervent calore fidei: Getarum rutilus & flavus exercitus Ecclesiarum circumfert tentoria. Hæc enim a Patribus olim observata, & magnifice, uti merentur, prædicata,

in usum nostrum libentes transferimus. At non in eo solum vis daret veritatis Evangelicæ quod tot gentes tam subito ad fidei obedientiam edomaverit; sed vel in hoc maxime, quod ii qui semel Evangelium ex animo amplexi sunt, omnia quantumvis sibi charissima dederere, & extrema quæque experiri maluerint, quam ut suscepto Evangelio renunciarent. In proverbium abiit Christianorum constantia. Galenus, Medicorum post Coum senem celebratissimus, quum Medicorum & Philosophorum quorundam sui temporis pertinaciam notare vellet, *citius ait Christianos religionem suam ejuratos esse quam si ipsi meliorem induant sententiam.* Et quid ulla unquam ætas huic rei simile conspicata est? Non incestus, non parricidii, non veneficii scelerata atrociora tunc pœna vindicabantur, quam nudum Christianismi nomen: non crimine aliquo, ut Tacitus ait, sed odio generis humani convictum. Non sufficiebant sueta tormentorum instrumenta, non unci, non laminæ, non gomphi, non equulei, non cruces, non metalla, non bestię, non visa pridem vivicomburiorum exempla. Nova conquirenda erant expiandæ nominis hujus atrocitati. Nunc videbatur clementiæ, Christianos homines ad stipitem dimidii assis vel assis devinctos sarmentorum ambitu exuri, idque tam frequenter, ut *sarmentitiorum & semaxiorum* exinde iis nomen hæreret: ignota prius severitas exigebat, ut ubi dies defecisset in usum nocturni luminis flammarentur, tæda, papyro, & cera, tunicaque alimentis ignium illa atque intexta circumvestiti, stipite interim qui in os emergeret, per vivos homines adacto. Usque tamen adeo inviso Christianorum nomine exsultabant fideles, ut ne mille quidem mortibus permutatum illud vellent: sed vel rogati, vel sponte etiam, se *Christianos* esse non faterentur modo, sed & gloriarentur: etiam tum quum minus opportuna professio illa videri poterat. Christianismi rei, gaudebant: accusatio, votum erat; pœna, felicitas; denotati gloriabantur: accusati non defendebant: damnati agebant gratias. Et dum vel ungula fodiebant, vel cruces suspendebant, vel ignes lambebant, vel gladii guttura detruncabant, vel bestię insiliebant, obfirmato animo hincque facie Christianos se esse prædicabant. Quantam oportuit doctrinæ illius efficacitatem, quam alte, quam valide infixam animis virtutem esse, quæ tam immani cruciamentorum sævitæ par, ex iis omnibus victrix emerit?

Hæc omnia, AUDITORES, non modo veram esse Evangelii doctrinam evincunt, sed & simul veritatis istius præ cæteris omnibus PRÆSTANTIAM arguunt. Ita enim hæc duo conjuncta sunt, ut quibus rationibus Evangelii VERITATEM confeceris, iisdem illius DIV-

MITATEM conficias. Quæ autem a Deo est profecta, & tot cœlestibus prodigiis confirmata, tamque incredibili virtute prædita veritas, quomodo non hæc eadem rebus omnibus anteponenda sit, concipi nullo pacto potest. Labet tamen meditationi huic aliquantulum immorari, & quantum Evangelii doctrina cæteris disciplinis omnibus PRÆCELLAT, quæ quam maxime ad generis humani decus atque utilitatem pertinere judicantur, instituta utrarumque comparatione docere. Latus hic iterum nobis dicendi campus aperitur: sed in gyrum compescam gestientis orationis impetum, & tribus quatuorve ad summum capitibus quicquid animo meditatatus eram complectar. Contendo igitur veritatem Evangelicam primo SUBLIMITATE sua, dein JUCUNDITATE, postea SANCTITATE, & denique UTILITATE, quicquid alibi veri cernitur immenso propemodum intervallo post se relinquere.

Cæteræ disciplinæ, scientiæ artesque omnes ita comparatæ sunt, ut quod in quaque veri est sagacium ingeniorum industria inveniri, inventum accurato sermone exponi, & ab omnibus qui non prorsus stolidi sunt, modo animum adverterint, percipi & in usus suos transferri queat. At Evangelii arcana tam sunt humanis mentibus IMPER-VESTIGABILIA, ut ne a cœlestibus quidem geniis primum excogitari potuerint, & postquam a Deo revelata, Propheticiisque atque Apostolicis scriptis consignata, aut viva etiam voce prædicata sunt, a nemine mortalium rite atque salutariter intelligantur, cui non singulari Dei dono nova mens indatur, quæ sola spiritualium ac cœlestium rerum capax est. Sunt enim talia ut neque oculus ea viderit, neque auris audiverit, neque ulli unquam mortalium in mentem venerint, Deusque solus ea retegat per Spiritum suum. Ad incomparabilem hujus lucis splendorem mortalium omnium oculi, veluti noctuarum ad solem, caligant. Prodeant e Synagogis, aut Templo, Sacerdotes, Scribarum, Phariseorum versatissimi: accedant, ex Academia, aut Peripato, Porticuve, Philosophorum subtilissimi; suo omnes ingenii acumine ac multiplici eruditione superbi: exponantur iis secreta Evangelii placita, fatebuntur aut scandalum sibi esse aut stultitiam: non deprehendent in iis, quos tamen Angeli stupent, Divinæ sapientiæ inæstimabiles thesauros: & quæ percepisse se credent in illis foedissime hallucinabuntur, res Dei ad confusas distortasque suorum conceptuum ideas prave torquentes, non conceptus suos, uti par est, sed res Dei conformantes; breviter, nusquam veritatem in nativa sua luce, forma, ac pulchritudine conspicient, sicuti veritas in Christo Jesu est. Quicunque unctionem habent a Sancto illo profectam, quæ docet

docet de omnibus, illi demum idonei disciplinæ hujus auditores sunt: illi soli assequuntur sapientiam Dei in mysterio, occultam illam, quam præfinit Deus ante secula ad gloriam nostram, quam nemo principum seculi hujus cognovit: illi puro in lumine lumen conspiciunt; tremendorumque secretorum mystæ primum, mox epoptæ, cominus ea cernunt, quæ Angelorum diu fatigarunt satagentiam.

Quæ quum cernunt, dici non potest, quanta JUCUNDITATE fruuntur, quanta voluptate perfundantur. Est sane veritas omnis quidam veluti animorum pastus; sed quo illa momentosior, quo abstrusior est, eo inventa & cognita exuberantius adfert gaudium. Quid illud est quod literatis tantum studiorum ardorem injicit, ut projecta sæpe rei familiaris, neglecta corpusculi cura, perdii ac pernoctes chartis impallescant, meditationumque intentione atque assiduitate vitales spiritus exhauriant, nisi veritatis inveniendæ spes? Eam autem ubi invenerunt, vel invenisse se putant, quam gestiunt? quam exultant? quam triumphant? quam cæteros ignavos illos & inficientes, avertisque Musis natos, præ se despiciunt, suum illud cum Archimede ΕΥΡΗΚΑ miro gratulantis sibi animi applausu ingeminantes? Juvat imprimis abditas rerum causas rimari, & naturam universi non ab hac solum parte videre quæ publica est, sed & in secretiora ejus penetrando collectis admirandorum effectuum experimentis, quid naturæ opifex Deus quotidie faciat in comperto habere, & quid ipse facere possit, naturæ leges tuis accommodando institutis, cum rudiorum stupore experiri. Nisi ad hæc admitterer, exclamat aliquis, non fuerat nasci. Quid enim erat, cur in numero viventium me positum esse gauderem? An ut cibos, ut potiones percolarem, ut hoc corpus causarium ac fluidum perituumque nisi subinde impleretur farcirem, & viverem ægri minister? Detrahe hoc inæstimabile bonum, non est vita tanti ut fudem, ut æstuem. Tunc animus consummatum habet plenumque bonum fortis humanæ, quum, calcato omni malo, petit altum, & in interiore naturæ sinu venit. Tunc juvat inter sidera ipsa vagantem divitum pavimenta ridere, & auratas porticus, & lacunaria ebore fulgentia, & tonsiles silvas, & derivata in domos flumina.

Et sane pias quoque mentes contemplatio ista operum naturæ mirifice quandoque afficit. At ubi animus limpidiori circumfusus luce, & generosiori agitatus spiritu, supra naturam se extollit, Deumque sibi repræsentat, non ut conditorem modo rectoremque universi, sed ut sospitatorem perdit peccatoris, qualis in Evangelio describitur; tum demum illud in se gaudium præsentiscit, quod Petrus Apostolus gloriosum & ineffabile vocabat. Ubi singulatim lustratis immortalis
Dei

Dei virtutibus, quas natura confuse duntaxat & quodammodo docet, at Evangelium distincte atque plenissime, admirabilem illam Oeconomiam trium in una Deitate personarum attentius meditatur; ut in facie æterni Patris immensi erga se amoris pietatem cernat, in facie co-æterni Filii sanctissimæ φιλαδελφίας comitatem: in lumine Spiritus Sancti vinculum suæ cum Deo unionis; tunc lubet exclamare, Inveni te o rupes Salutis, o Deus plenissimæ exultationis meæ. Inveni & agnosco te, quem reliquus mundus ignorat, & sapientissimi mortaliū Athenienses ΑΓΝΩΣΤΟΝ sibi esse fatebantur. Ea nunc de te scio & in te agnosco quæ omnem sermonem, intellectum omnem superant: quæ incomprehensibili infinitate tua digna sunt: quibus denique ab omnibus gentium idolis, & quæ quisque sibi formavit falsis numinibus, distinctus, solus homini ad salutem sufficit. Quando vero ipsum illud salutis opus menti obversatur, inde ab æterno Dei consilio quo universam illius rationem deformavit, usque ad executionem per Christum, & applicationem per Sacro-Sanctum Spiritum; præprimis si inspecto Patris testamento suum quoque nomen inter heredes deprehendat, Christique sanguine ablatus, & Spiritu in libertatem assertus, charitatem Dei in corde effusam sentiat gustetque; tum sui propemodum impos in excessu isto spiritualis lætitiæ lymphatur. Cujus vel minima guttula, anhelanti instillata ori, maximas ægritudines facile dispellet, amarissimas amaritudines edulcorat, & ad acerbissima quæque pro Deo Christoque alacriter atque intrepide subeunda vehementer animat. Hæc illa est interioris gaudii immensa suavitas, quæ lapides torrentis dulces fecit Stephano, crucem Andreæ, violentam pellis detractionem Bartholomæo, craticulam Laurentio, virgas, ungulas, equuleos, rotas, flammæ, ut de carceribus & exiliis nihil dicam, tot myriadibus sanctissimorum Dei martyrum, viris, fœminis, pueris etiam innuptisque puellis, qui dulcedine hac Evangelii degustata, ad immanissima tormenta, tanquam ad lautissimas epulas, læti cantantesque ducebantur, & in mediis cruciatibus, Deo pleni, & quasi extra dolorum sensum positi, sævissimorum tyrannorum carnificumque crudelitatem lassaverunt.

Neque tamen metuendum cuiquam est, ne in excessu hujus gaudii peccet, quum Deus ipse non ad hilaritatem tantum, sed & ad sanctam quandam mysticamque ebrietatem invitet. Quo quis de spiritali hoc nectare uberius haufit, licet aliis deliciarum istarum ignaris insanire videatur, eo tamen & sapientior & sanctior est. In vino corporeo spiritus sunt, qui corporeos spiritus exhilarant: sed ubi justo copiosius bibitur, turbat cerebrum, & insanire facit sapientes, At vi-

num spirituale, quod totum est spiritus, & spiritus in apice atque excessu spiritualitatis, summa quidem vi, & quasi extatica, animum invadit, & abripit: non tamen turbat, nisi salutariter, & sapienter, & sancte; ut sui impos, Dei plena, cœlo proxima, supra hominem sapiat & loquatur.

Nam & hoc sibi Evangelica veritas præcipuum vindicat, quod SANCTITATEM eximiam, & ad ipsius Sanctissimi Numinis exemplar castigatam, DOCEAT, URGEAT, & REIPSA mentibus INSPIRET. Non inficior gentium Legislatores præclara quædam institutis suis inseruisse; laudo etiam celebrique ea quæ de virtutibus, Socrates, Plato, & post eos Cicero, Seneca, Marcus Antoninus Imperator, & quem omnibus anteferre non dubito Epictetus, copiose atque eleganter disseruerunt. Sed utur magnifica prima specie appareant, præ ea tamen sanctitate quæ Evangelio traditur, frigida prorsus, inania, inanima sunt, veluti statua quædam fabre facta, at mentis ac spiritus expers. Præclare admodum cum cunctis omnium nationum honeste factis agebatur, si ex virtutis illius quam cognoscebant amore procederent, qui quum ad Deum ipsum non adscenderet, sed in rei creatæ ruinosa celsitudine, qualis eorum virtus erat, terminaretur, non erat Sancta Charitas, sed vitiosa cupiditas, quæ in obliquo ad ipsum hominem respectu male desinit. At Christianæ Sanctitatis praxis ex puro Dei amore procedit, enixoque studio (*φιλοτιμία* vocat Apostolus,) ipsi placendi: ut Deus e cœlis despiciens, vivamque virtutum suarum imaginem in creaturis cernens, ad tam jucundum spectaculum veluti subsistat. Non quod nostri nobis amorem Evangelium plane prohibeat: sed eum rite temperare, Deo subordinare, & ad Deum referre doceat. Non licet nobis Deum amare nostri causa: sic ut nos ipsos ut finem consideremus, Deum in mediorum redigamus ordinem, cujus fruitione reddamur beati. Sed, quoniam nos res Dei sumus, quem ante omnia tenemur amare; ideo etiam nos ipsos diligere debemus cum illo ad Deum respectu. Bonum nostrum idcirco quærendum est, ut in eo suavitatem gustemus Domini, & ut peculium Dei tanto reddatur auctius. Ita in Oceano illo Divini amoris nostri tandem amor absorbetur; quo quid potest dari purius atque generosius?

Philosophi Sanctitatis suæ normam statuerunt Naturam hominis, Rationem Rectam, & præstantium Virorum Exempla: pauci præceptorum Dei meminerunt, & Exempli quod ipse nobis dat, idque parce admodum ac tenuiter. Evangelica autem Sanctitas normam longe præcellentiorē habet, sive Præcepta attendas, sive Exempla. Præcepta

cepta illius ex perfectissima Dei lege petita sunt : non illa modo, cuius rudera & quasi fugientis imaginis tenues umbræ in conscientia hominis naturalis superstintant ; sed & illa quam tanta cœlestis gloriæ magnificentia , in frequentissima populi sui panegyri, olim publicavit Deus, quam suis ipse digitis tabulis lapideis insculpsit, quam luculentissimis Prophetarum commentariis auxit, quamque secreta Spiritus sui efficacitate electorum inscribit animis : quæ non modo sanctissimæ suæ voluntatis, sed & naturæ & virtutum suarum, in quantum imitabiles homini sunt, accuratissima expressio est : neque solum externas actiones, & dicta aliis audienda, componit & ordinat ; sed & in penetralibus suis hominem sequitur, intima cordis regit, penitasque vitiorum fibras, usque ad primos subnascentis concupiscentiæ motus, evellit ; omne illud rigide damnans in quo vel minima mali labes aut species est. Pro Exemplis autem sibi proponit non Socratem aliquem, vel Catonem, aut Lælium, quos hac fini Seneca commendat : sed viros generosiore Dei Spiritu agitato, Patriarchas, Prophetas, Apostolos, simileque in utroque sexu heroas, quos suo commercio & elogio ipse dignatus est Deus : sed cœlestium turmas geniorum, qui candidissima luce perfusi, & purissima charitate flagrant, & faciem Dei contemplantes jugiter, nunquam non creatoris sui laudes celebrant, illiusque iussa incredibili alacritate exsequuntur : sed denique ipsum Dei Filium humana carne indutum, qui omnium sine exceptione virtutum nitidissimum nobis exemplar reliquit. Scilicet hoc post protoplasti fatalem lapsum mundo hætenus defuerat, hominem habere qui intactus vitiis, quasi viva spiransque lex, in medio fratrum suorum versaretur. Eum nobis in Christo Deus exhibuit : in quo virtutem sanctitatemque ipsam quasi spiritu animatam cernimus. Quis non fateatur magnam hic esse Evangelii præ quibusvis aliis disciplinis, in excolenda vitæ sanctitate præstantiam ?

Sed quam docet Sanctitatis sublimitatem ; eandem etiam validissimis rationibus URGIT, quibus non dicam pares, sed vix similes, haut temere alibi reperias. Hic, hic ad vivum repræsentatur tetra peccatorum fœditas, & quæ eorum non patratiorem modo, sed & destinationem & cogitationem, comitatur animi labes, sequitur damnantis conscientiæ carnificina, & iræ Dei sensus, & infernalium æternitas cruciatuum. Quibus quid cogitari potest ad animos hominum a peccato absterrendos potentius ? Hic se patefacit admiranda illa Dei Christique erga miseros peccatores charitas, quæ vel glaciè congelata corda liquefacere, & ardentibus mutæ redamationis flammis accendere,

dere, supra res omnes apta nata est. Hic virtus describitur, & consequenter maxima creaturæ felicitas, quæ non potest in alia re quam in fide Dei consistere. Hic præmia virtuti proponuntur & exspectanda impofterum, quibus nihil augere vel desiderio expeti potest: serena nimirum conscientia & libertas ad Deum accedendi, & familiare & blandissimæ Divini Spiritus consolationes, & securitas; donec id quod credidit, quod speravit imaginatione celsius attamen quodammodo præsertim consequatur. Et hæc quidem omnia cum gemina sunt, tanta sententiarum densitate, tantum ac pondere, tam vehementi dicentium affectu, innotantur, ut ferocissimos mortalium primo attendere, dein sperare, & vel invitos propemodum subigant. Paulum modo vobis repræsentate, Procuratorem de justitia, temperantia & æternitate uti Christianismi causam apud Agrippam regerente Dei terrore Corinthios ad fidem sollicitat, Dei, quasi obtestante per ipsum Deo, ad reconversionem invitatur: sive uti Romanos per miserationes Dei sua Deo sisterent, hostiam vivam, sanctam & placentem ad sacræ concordie studium excitat, solatio in Christo Jesu est, si quod solatium charæ miserationes, suum in hac re gaudium expleat, ut vos perorantem audire existimate, & tunc quam alibi legeritis, vel fando unquam acceptum monis pollentia virtutem mentibus insinuet.

Amplius dicam. Ea est veritatis Evangelicæ imbuendos efficacia, ut recte cognosci ab hominibus eum a peccati servitute in libertatem asserat, & Divinæ imaginem puritatis. Quod Plato de Socrate merito de virtute dixerunt; tantam esse illius puritatem oculis conspici posset, incredibilem hominum pelliceret amorem. Nusquam autem virtus purior, quam in Evangelio: quæ in lege quidem pressa coloribus, sed picta tantum est, sine fide & motu: hic autem viva spiransque cernitur, ut mentis oculis usurpata, contemplantem in ea formet ex gloria in gloriam, sicut a Domini Spiritu



familiaire Dei commercium in sacro monte admissus quadraginta ibi dies exegisset, cutis faciei ejus tanto coruscabat fulgore, ut ferre eum Israëitarum oculi nequiverint. Idem iis contingit, qui Jesum, Regem gloriæ, resecta facie in pulchritudine sua intuentur. Cœlestis spiritus radii copiose ex ipso emanantes, intimas animæ partes permeant, novumque iis spiritualis vitæ vigorem largiuntur. Quo sapius eum fidelis animus intuetur, eo clarius perfectiones ejus, quorum ornamentum sanctitas est, cognoscit. Quo clarius eas cognoscit; eo ardentius diligit. Quo ardentius diligit; eo similior iis evadere cupit. Amor enim tendit ad similitudinem cum amato. Imo in ipsa charitate jam magna similitudo est: nam Deus est charitas. Ita sanctificantur animi in veritate: & quæ eam tradunt utriusque fœderis instrumenta, merito a Veteribus dicta sunt τὰ ἱεροποιῦντα καὶ διοποιῦντα ὑπόμνητα.

Et quid tandem de Evangelicæ veritatis UTILITATE dicam? quæ non hujus inclusa ævi angustiis in interminabilem se protendit æternitatem. Non pollicetur quidem Evangelium opes honoresve seculi, & quæ hominibus glebæ addictis in pretio esse solent: (quamvis & hæc polliceatur, ut majoris boni adjectiones, modo ei quod summum est non obsint) præstantiora longe & pulchriora ostentat bona, quæ non pretiosissimo Ophyris auro, non gemmis aut unionibus, non omnibus Cræsi divitiis, aut Persarum gazis, æstimari queant: quippe quæ permanentia sunt, & solida, neque fallunt quærentes, neque destituunt possessores. Non sistit nos Evangelium ad quosdam creatorum, ideoque imperfectorum & finitorum, bonorum quasi rivulos, qui, ut ut sùaves videantur, sitim acuunt magis quam ut exstinguant: sed ad ipsum boni fontem deducit, in quo quidquid desiderari potest, sine modo ac mensura abundantissime invenitur. Ex quo non haurire solum sitibundis licet, sed & immergere se ei ad plenissimam satietatem. Quod frustra Philosophia quæsit, summum bonum, id Evangelium & docet, & monstrat homini, & præstat. Nusquam id invenias nisi in Deo; neque Deum nisi in Christo; neque Christum nisi in Evangelio. Quæ de animæ immortalitate negavit cum suis Epicurus, dubitanter disputaverunt Plato & Socrates, suspicati sunt Indorum Brachmanes & Druides Gallorum: quæ de futura illius post hanc vitam conditione infinitis fabulis involverunt Poætæ, ea nobis & dilucide & asseveranter exponuntur Evangelio, non credenda solum, sed & prælibanda, ut ex iis quæ nunc possidemus, cernimus, gustamus, certa fiat fides futurorum.

Christiana veras voces emisisse. Et hic *Marcellinus* etiam *alter* est oc-
 latus testis : namque adjicit multos ex iis religiosissimos se vidisse vi-
 ros Constantinopoli sine linguis, integre voce. Est & *tertius*, *Lucas*
Gazæus in *Theophrasto* his verbis, εἶδον ἔγωγε τὸς ἀνδρας καὶ λαλῶν
 ἤκουσα, καὶ τὸ σῶμα διανοίζων ὅλην ἐκ εἴζων ἀνασπασθῆσαν ἰδούρων τῶν γλῶτ-
 τῶν. Et *quartus*, *Procopius* de *Bel. Vandal.* cujus hæc sunt verba perperam
 interpretata a *Volaterrano*. πολλῶν καὶ τὰς γλῶττας ἀπέτμηκεν ἀπ' αὐτῶν
 οὐλῇ· οἱ ἔτι καὶ ἐς μὲν περιόντες ἐν Βυζαντίῳ ἔχρυντο ἀκραιφνῆς τῇ συνήθει-
 ᾳ, ὅπως τί ἂν ταύτης δὴ τῆς τιμωρίας ἐπαιθανόμενοι, ὡς δὴ δύο ἐπεὶ καὶ γυναι-
 κῶν ἰταίραις πλησιάζον ἐγνώσαν, ἕκ ἑτέρι φθέρησθαι τὸ λοιπὸν ἰσχυσαί. Multum
 ait sua ætate fuisse Constantinopoli superstites adhuc, quibus tamen
Honoricus linguas radicitus amputasset, tamen integer erat vocis usus,
 perinde ac si nullam talem ab eo poenam pertulissent. Duos tantum
 ex iis cum se scortis miscuissent amplius loqui nequivisse. Tot testi-
 bus etiam addi potest *Victor Uticensis* libro de *persecutionibus Africæ*, &
Paulus Diaconus in *Odoacro*. Hastenus Cujacius : ex quo plerique alii
 juris interpretes eadem fere descripserunt. Conferri potest *Johannes*
Gerhardus Vossius de *Idololatria* lib. III. cap. XLIV. Memoratu dignum
 est quod ex Actis Martyrum sub Commodò refert *Baronius* ad Annum
 Christi cxcii. Tom. II. p. 249. *Julius* Senator Romanus, Christianæ
 religione imbutus, renuebat cum cæteris in eam impietatem consentire
 ut Commodò, tanquam Herculi, sacra faceret. Hanc ob rem *Vitel-
 lio* militum tribuno ad necem traditur; qui eum tam diu ignominiose
 fustibus cædi jussit donec animam exhalaret. Cujus corpus quoniam
 Christiani sublatum curassent ac sepeliissent, in crimen vocati quod bo-
 na Senatoris diripuissent, ejus rei occasione diram de illis judex qua-
 stionem habuit, equuleo torquens. QUUMQUE EUSEBII, UNUS
 EX ILLIS, LINGUAM RADICITUS PRÆCIDI JUSSISSET, EO NIHI-
 LOMINUS RECTE LOQUENTE, ANTONIUS CARNIFEX, VISA AE
 TANTA, CHRISTO CREDIDIT, ATQUE CAPITE TRUNCATUS EST.
 At neque recentiora tempora ejusmodi prodigiis caruere. Referunt
 Martyrologia nostra de STEPHANO-MANGINO, qui *Meldis* Christi
 confessus est Anno MDXLV. eum amputata sibi a carnifice lingua, &
 extincto sermone ter dixisse : nomen Domini sit benedictum. Similiter
 GABRIEL BERAUDINUS Chamberiaci, ob testimonium Jesu combus-
 tus Anno MDL. præcisa quamvis lingua non cessavit mirabilia Dei prædi-
 care. Indignanti hoc carnificemque increpanti judici, quod non tam
 accurate linguam excidisset, non minori cum indignatione respondisse
 fertur carnifex, in sua non esse potestate sermonis usum martyrem privare.
 Imprimis autem memorabilia sunt exempla JOHANNIS FILLEUL, &
 JULIA.

JULIANI LE VEILLE, *Sanpetri* in Gallia igne absumptorum Anno MDLV. quorum linguæ ex sententia judicum excisæ postridie in curia repertæ sunt; attamen, Deo defectum naturæ miraculose supplente, præclare de Divinis rebus, audiente stupenteque civitate, disseruerunt. Inter cætera hanc edentes vocem, quum ad locum supplicii devenissent: *Nunc tandem res suas habere sibi jubemus peccatum, carnem, mundum, diabolum: nihil nobis ex hac hora faceissent negotii.* Carnifici denique pulverem pyrium iis præparanti, *probe*, inquiebat *Fillenl, probe salito putridam hanc carnem.* Nec abludit historia BERTRANDI LE BLAS, qui eodem anno horrendum in modum Tornaci excruciatum, præcisa lingua Deum laudavit, donec ferro in os adacto vocem veritatis hostes præcluderent. Non debet nobis incredibile videri, Deum suis quoque prodigiis testimonium veritati perhibere, quando ad tam incredibilem constantiam non minori prodigio martyrum suorum animos obfirmat.

O R A T I O

I N A U G U R A L I S

L E I D E N S I S,

D E

THEOLOGO MODESTO.

Dicta

XVI. OCTOB. MDCXCVIII.



Uod non solum votorum semper meorum superavit vecundiam, sed & meæ fortis homini, suo se pede metiri gnaro, pertimescendum magis quam expetendum videri poterat, id mihi hodierno die usu venisse, non sine insigni quadam animi ad inopinum Divinæ Providentiæ ductum trepidantis commotione, experior. Placuit supremo rerum nostrarum arbitro, post crebras stationum in florentissimis Belgii Ecclesiis & Academiis mutationes, indignissimum

Tom. II.

U u u u

famulo-

famulorum suorum, inclinata jam ætate, in Augustissimum hoc sapientiæ Templum producere, quod totius Europæ celeberrimum, & doctissimorum virorum copia instructissimum esse, consentiente fama prædicatur. Heic loci ad eam me redactum esse necessitatem video, ut neque tacere liceat, quippe ad dicendum vocato, neque sperare datur, ea me oratione dicturum, quæ & vestræ expectationi, & meo desiderio respondeat: nedum ut teretibus istis delicatisque auribus satisfaciat, quibus placere nihil solet nisi quod sufferti aliquid tinnit, aut Arpinis possit comparari chartis. Novissime quidem Ultrajectum me habuit, & ipsa amœnissima cultissimaque Musarum sedes; tuncque, Leida (ne succenseas) laudis & gloriæ æmula. Ibi ultra duodeviginti annos, grande mortalis ævi spatium, in aliqua hominum luce vixi: atque ita vixi, præfiscine dixerim, ut neque me Ultrajecti, neque Ultrajectum mei pudere ac pœnitere debeat. Eo certe Procerum favore, ea plebis Ecclesiasticæ gratia, eo pubis Deo consecratæ studio atque concursu, eo laborum fructu ac præmio gavissus sum, ut ob eas res oculos sibi aliquoties doluisse ipsa fassura sit invidia. Quæ ex quibus profecta sint caussis, alios arbitrari malo. Equidem ut eorum quibuscum tunc versabar benevolentia ac facilitati potius, quam meis, si quas habeo, virtutibus ac meritis imputem, suadet juberque ea quam toto vitæ meæ instituto professus ac sectatus sum modestia. Nimirum ita, nisi fallor, res erat: ego assueveram Ultrajecto, Ultrajectum mihi; quæ diuturno multorum annorum usu edocta quid valerent, quid ferre recusarent humeri mei, neque ea quæ vires meas superare norat improbe efflagitabat, & defectibus meis clementer indulgens veniam, in ea quam tenebam docendi ratione, sincera certe, neque indiligenti, placide acquiescebat. Nunc vero alia mihi prorsus rerum facies surgit. Labentibus cito pede annis senectuti propior factus sum: quæ licet vigorem omnem viroremque nondum sit depasta, neque animum bene de publico merendi fregerit; attamen de ingenii vivacitate, de memoriæ tenacitate, de laterum firmitate, de vocis canora suavitate, plus quam vellem delibavit. Ita comparatus in novum, idque amplissimum orbis literati prodeo theatrum; post tot Roscios, iisque inspectantibus, acturus. At quod ego theatrum memoro Theologus? qui sane nunquam me theatro venditare volui, nihil admodum vitæ illorum felicitati invidens

Quos vehit ad scenam ventoso gloria curru.

Quid Roscios laudo? qui tota vita, a mimis maxime abhorruī, & in exempla mihi præfuit Apostolos Apostolicosque viros, & proxime
ad

ad eos accedentes sive prisca sive propioris ævi Theologos, nulla magis re quam vitæ sermonisque simplicitate commendabiles. Ne erratis, Auditores, illud intueor theatrum, ubi editor Deus est, actores sancti Dei homines, spectatores cœlestium myriades geniorum populi que Christiani panegyris, ludus ipse nihil minus quam ludus, sed jucundissima, eademque castissima rerum spiritualium ac cœlestium repræsentatio, non ad inanem brevis horæ voluptatem comparata, sed ad delectationem perennem, & gaudium gloriosum atque ineffabile. Roscii autem mihi sunt, non qui in religionis negotio histrioniam exercent, damnata orco capita: sed qui Divini, quod promitto, juris incomparabiles Antecessores, & inimitabiles artis suæ magistri sunt: nusquam fortassis terrarum, absit dicto invidia, præstantiores, quam in illustri hac concione inveniendi. Talibus ego viris nunc sive addor, sive succenturior. Mirumne igitur est, si insolita hætenus hujus loci Majestas, tot clarissimorum hominum venerabilis præsentia defixique in me oculi, & meæ denique conscientia tenuitatis, animum valde percellant, efficiantque ut mens hæsitet, lingua tertiata verba balbutiat, ipseque toto corpore contremiscam, non secus atque olim

Lugdunensem Rhetor dicturus ad aram.

Non quod vestræ, OPTIMI AUDITORES, benignitati indulgentiæque prorsus diffidam: harum enim nisi spe fultus essem, haud profecto hic me hodie videretis. Sed quod nondum diligentiam meam, & in indaganda tradendaque veritate industriam, & candorem, & fidem, & moderationis studium, ipso facto comprobare vobis potuerim; quibus solum virtutibus, defectus meos, primo se congressu prodentes, redimi, eorumque veniam impetrari posse persuasus sum. Utcunque res cadat, jacta, quod ajunt, alea est: susceptam semel provinciam detrectare non licet, nec libet, etiamsi liceret. Non enim nisi rite prius in consilium auxiliumque vocato Divino Numine, postquam a Vobis, ILLUSTRES PROCERES, honestis conditionibus propensique animi haud obscuris indiciis invitatus eram, in amplissimam hanc, & modestis semper votis meis longe sublimiorem cathedram adscendi. Deo fretus, ut qui in hunc usque diem suam in mea infirmitate virtutem consummavit, lassoque vires suffecit, ne nunc quidem servum suum unice ab ipso pendentem prisca gratiæ suæ favore destituat. Quod itaque Academiae huic, quod Ecclesiæ universæ, Christus O. M. felix faustumque esse jubeat, ipso auctore, duce, auspice, demandati mihi apud vos muneris periculum hodie facio. Eam autem habendæ nunc orationis selegi materiem, quam neque ab hoc

loco & tempore alienam, neque ætati & professioni meæ indecoram, neque benevolis auribus vestris ingratam fore arbitratus sum. Nimirum de MODESTIA dicam, ea imprimis quæ hominem THEOLOGUM decet, quæque in rerum Divinarum tractatione religiose servanda est. Virtus enimvero omnium prope mortalium laudibus celebrata, sed a moribus hujus seculi adeo abhorrens, ut in disputantium Theologorum cathedris & scriptis, cum affinium sibi ac necessariorum virtutum choragio, rara admodum appareat. Modestiam quum laudo, eam intelligo animi bene compositi æquabilitatem, qua quis de semetipso modice, de aliis præclare sentiens, tractanda sibi negotia prudenti moderatione expedit, uti singulorum naturæ, indoli, ac momento consentaneum est. Monstra mihi hominem, qui sui neque contemtor neque admirator sit; qui Divinæ munificentiae dona, procul invidia, æquo pretio in aliis æstimat; qui affectus in ordinem cogere, & animum, linguam, stilum moderari didicit; qui res quasque suis prudenter momentis librat, easque ita prosequitur uti singularum genio convenit; qui neque rigidus neque mollis est, sed tractabilis; sine pusillanimitate lenis, sine lentitudine patiens, sine terribitate gravis, sine jactantia fortis, sine contumacia constans: talem, inquam, mihi monstrato hominem, & eum ego vere MODESTUM VIRUM appellabo. Qui idem si omnes hæc virtutes ad rerum Divinarum tractationem conferet, iisque reverentiam addet quæ tremendis religionis nostræ mysteriis debetur, eundem ego MODESTUM salutabo THEOLOGUM: illi assurgam, in illius amplexum meum, illum exosculabor, illius pectori admovebo meum, arctoque amoris nexu comprimam, donec venerabilem istum characterem menti meæ impressero, exprimendum moribus. Quemadmodum oculi a jucundis aut admirandis spectaculis non facile recedunt, & si per vim eos abstrahas, sponte sua eodem rursus feruntur; ita & mens vix ab earum rerum contemplatione avellitur, quæ primo intuitu suis se illibris animo insinuarunt. Et sicuti ingentis pretii cimelium ex æro, adamantibus, margaritis, ordine concinno locatis, artificie compositum, ad primum confusumque adspectum, tot in unum fulgorem collectis rutilantium gemmarum radiis, oculos percellit, sed & mox eosdem ita in se defigit, ut singula undique repetitis vicibus intueri volupe sit; ad eundem modum ea quam animo deformavi MODESTI THEOLOGI effigies, tam pulchra tamque amabilis menti obversatur, ut & diutius ejus contemplationi inhærere, & singula quæ ipsam absolvunt propius lustrare, non jucundum minus quam utile futurum esse credam: si fortassis attenda tot quæ hic concurrunt

virtutum

virtutum meditatione ad eandem nos imaginem gloriose transformari contingat. Agite igitur, Auditores, & quo modo MODESTUS THEOLOGUS DISCAT, quo modo DOCEAT, quo modo VIVAT, partitim expendamus.

Docere nemo potest, nisi qui prius rite DIDICERIT. Nec rite discet, nisi pro studiorum suorum fundamento illam collocaverit virtutem, cui prisca Romuli nepotes nomen non invenerunt, sed quam nos Christiani humilitatem dicimus. Propriæ enim insipientiæ agnitio primus est ad veram sapientiam gradus. Id discendum ante omnia, quantumvis cæteroquin polleamus ingenio circa res naturales & humanas; ad spirituales tamen & divinas ubi eventum est, stultos nos esse, bardos, stipites, caudices, & ut in antiquissimo Israëlitiæ Ecclesiæ monumento exstat, velut onagrorum pullos. Hoc Sophar ille Jobi necessarius, hoc Asaph, hoc David, hoc Salomo, sapientum principes, ingenue de semet ipsis professi sunt. Neque alia cuiquam conditione introitus in cœlestis sapientiæ scholam conceditur: quippe cujus augustæ portæ aureis inscriptum esse literis Divinum hoc Pauli monitum existimate: NULLUS SE IPSUM SEDUCAT, SI QUIS SIBI VIDETUR ESSE SAPIENS IN HOC SEculo, STULTUS FIAT, UT FIAT SAPIENS. Qui præceptorum arroganter opinionum fastu tumidam distenderunt mentem, non absimiles pueris esse videntur, qui obviis in littore conchis & umbilicis faccos suos replevere, deplendos utique, ut argenti, auri & custoditu dignorum thesaurorum capaces sint. Ita exornare animum oportet omni vana scientiæ præsumptione, ut veræ sapientiæ locus pareretur; quæ quo spatiosius invenerit vacuum eo & lubentius intrabit, & copias suas liberalius explicabit. Hoc modo præparatam, & noxia præjudiciorum faburra vacuefactam mentem, modestus Theosophiæ candidatus Deo, supremo cœlestium veritatum doctori, unice formandam singendamque tradat: ab ipsius ore pendeat, cunctaque sine exceptione oracula, in solis nunc utriusque instrumenti tabulis exstantia, obsequiosa fidei submissione recipiat. Id unum imprimis agens, ut limpidissima Spiritus Sancti luce undique circumfusus, evidentibus & infallibilibus indiciis convincatur, & superata omni hæsitazione firmissime persuadeatur, Deum esse qui in Scripturis loquitur. Hoc ubi semel fixum animo federit, omnes in contrarium murmuraciones, omnes falsi nominis scientiæ objectiones, omnia fastiosæ carnis sophismata, ad tanti luminis jubar dispalescere necesse est: uno hoc, quod modestiæ sufficit, argumento; Deo loquente omnis sileat, audiat, credat intellectus. Neque hæc est, quod quidam garriunt, abjecti nec

suo se pretio æstimantis animi vana credulitas ; sed bene certioratæ intelligentiæ sub clare perspecta primæ veritatis firmitudine generosa subiectio. Habet sane cœlestis sapientia arcana sua, & inaccessa mentibus humanis mysteria, quæ sua quidem & digna Deo luce radiant, nostri tamen intellectus respectu venerabili sunt involuta caligine, nulla propioris intuitus curiositate temeranda. Ea non admittere nisi prius omnibus sui partibus explorata, & ad suetarum nobis ratiocinationum libram expensâ, insanientis sapientiæ superbia est. Modestia autem homine Theologo digna, omnia Deo de se testanti, eo solum nomine quod testatur, credenda esse sciscit : justis persuasa rationibus, Divinarum perfectionum immensitati consentaneum esse ea de se deque consiliis suis patefacere, quæ humani angustias intellectus immane quantum excedunt : ubi mirari, non rimari, sapientia summa est. Ipsa etiam sciendi, quantumvis cæteroquin laudabilis, ambitio, modestiæ est circumscribenda limitibus : multaue cum laude ignorantur, ad quæ scrutanda non nisi temerario & in cassum recasuro nisu adspires. Quæ certe non eo a me dicuntur, ut præsidium hic sibi ignavia inveniat. Hujus enim rationes ab illis modestiæ longo intervallo remotæ sunt. Non advertere Divinæ institutioni animum, consulto nescire quæ disci tamen poterant, adscendendi labore deterritum ad culmen non eniti, sed in inferioribus otiose consistere, in eodem primorum elementorum orbe repetito identidem gyro circumagi, & in hoc instituto tanquam tutissimo prudentissimoque sibi placere, aliorum autem magna industria profectus suos urgentium, & secundum Pauli monitionem omisso qui in Christo rudes inchoat sermone ad perfectionem anhelantium, conatus fastidiose insectari, non est hoc, quidquid honesti nominis prætexatur, non est hoc, mihi credite, Auditores, laudabilis modestia, sed culpabilis socordia, & damnabilis inertia : & quidquid sibi ille segnis ac molestiarum impatiens plauserit, a Domino tandem servus decoctor ac nequam audiet.

At quam in discendo, eandem etiam in DOCENDO modestiam Theologus adhibeat : atque imprimis meminerit, se non nisi interpretem verborum Domini esse ; quibus nihil addere licet, nihil demere. Summa fide, prudentia ac religione in tractandis Dei oraculis versandum est, quibus de suo vel aliunde haustam mentem inferre, eave quovis, vel levissimo, torquere modo, ut præjudicatis respondeant hypothesibus, nefas ac propemodum scelus est : sed verus eorum ac genuinus sensus ex accuratissima verborum & rerum omnium eo facientium indagazione eruendus, apertoque sermone ad conscientiam auditorum demonstrandus est ; ita quidem ut Divinorum eloquiorum sapientia,

pietia, sanctitas, simplicitas, majestas, & quam Græci eleganter dicunt *σιμπλῆρες*, in candida luce collocentur. In re religionis nihil audere dicere, nisi quod dicentem audiveris Deum, quodque ex Dei sermone, omni adhibita animi contentione, probe intellexeris, hæc demum vera est Theologi modestia. Sed in Sacrosancta sapientissimi Numinis oracula dictatoriam sibi quandam arrogare censuram, ut, quod quidam faciunt, miniatulis ceris tuis eorum dictionem castiges, & nunc demendo, nunc addendo, nunc transponendo, nunc alia aliis substituendo, ex conjecturis tuis corrigas, & clementer te cum Prophetis & Apostolis agere opineris, quando veniam scilicet iis facis incommode locutionis: vel etiam, res ipsas arcanis voluminibus proditas, ubi a sucto naturæ tramite recedunt, earumque occulta ratio nostræ forsantis mentis ratiocinationibus expediri non potest, ita tractare, ut quod in iis extraordinarium, miraculosum ac prodigiosum est, prodigiosa simplicium verborum torsione tollas, quod nonnulli sibi licere postulant, id non immodestia, molliore quam pro re vocabulo, sed audacia, protervia, contumelia, impietas dicendum est. Cæterum quandoquidem in sacris nostris non omnia æque cuivis obvia, nonnulla etiam ob prisca temporis sermonisque ignorantiam obscuriuscule proposita, alia denique ex ipsa rerum natura a multorum perceptione remota sunt, modestiæ est ita in eorum expositione versari, ut nihil temere definias, nihil superciliose præscribas, sed potius quid tibi, omnibus expensis, probabilissimum & verisimillimum videatur, verecunde profitearis, relicta prudentioribus dissentendi libertate. Enimvero nihil indecentius, nihil a Christianismi genio, & Novi Testamenti libertate magis alienum est, quam unum aliquem exurgere, qui se supra fratres suos æque pretiosæ fidei consortes efferat, eosque, in Cæritum tabulas relatos, ad suorum verborum formulam adigat. Quod utique procul repulsum esse debet ab homine sui non ignaro, & quid sibi desit, quoties erraverit, tum etiam quum minime se errare crederet, tam aliunde, quam ex quotidianis profectibus suis, experto. Christianæ fidei Doctores quotquot sumus, fratres sumus ad unius magistri, Christi, pedes ex æquo adfidentes. Rebellis in magistrum est, & fundamentales scholæ leges proterviter conculcat quisquis sibi imperium arrogat in condiscipulos. Isti autem imperio, sive unius, sive plurium in eandem tyrannidem consentientium, sponte se submittere, isti jugo colla subdere, isti cippo crura dare, non generosa modestia, sed abjecta pusillanimitas, & indigna res libertate Batava est. Ferreum istum, qui volet, calceum ignavus induat: ad meum certe pedem non facit, non faciet. Ipsi etiam discipulis, si quid forte aliunde

aliunde iis patefactum sit, animi sensum coram doctore, salva modestia, promere fas est: qua libertate qui eos privat, perinde facit, ut in Hebræorum est adagiis, ac si filium familias arceret a cernenda hæreditate paterna. Modestus itaque Theologus sua nemini vehementer obtrudit, nec ab aliis obtrusa pavidus credulusque suscipit: attamen ex aliorum inventis amat proficere, iisdemque id quod debet lubenter & grato animo acceptum fert. Ex plagio, male dissimulato, congestas jactare divitias, aliarum se avium plumis exornare, interimque primæ vindicare inventionis gloriam, ridiculæ cujusdam, ipsisque adeo Poëtis explosæ, arrogantia est. Tempestive in mentem mihi venit præclarum ac memorabile Nepotiani exemplum, cui elegantissimum Hieronymus Epitaphium scripsit; ubi cæteris laudibus ipsis hanc quoque, de qua nunc agimus, modestiæ laudem adspersit. *Quamvis Nepotianus ille lectione assidua & meditatione diuturna pectus ipsæ suam Bibliothecam fecerat Christi, tamen ingenio pudore qui ornabat aetatem, quid cujus esset, simpliciter confitebatur. Atque hoc modo eruditionis gloriam declinando habebatur eruditissimus. Illud, agebat, Tertulliani, istud Cypriani, hoc Lactantii, illud Hilarii est. Sic Minutius Felix, ita Victorinus, in hunc modum locutus est Arnobius.* Pulcre enimvero! ac laudabiliter! Non tamen idcirco existimandum est, modestiæ leges ab eo migrari, qui in tractandis Divinis voluminibus summa diligentia diu multumque versatus, aliquid in iis deprehendit, aliis, quantum constat, nondum animadversum, illudque ad communem ædificationem candide fratribus impertit. Male profecto cum liberalibus ageretur ingeniis, si, interdicta iis ultra tendendi facultate, nihil in publicum proferre liceret, cujus non alium ante se auctorem laudare quirent. Pessimeque consultum fuisset rei Theologicæ, si eadem lege vixissent majores nostri. O quam multis ac præclaris careremus observationibus, quas nunc tanquam sacræ eruditionis gemmulas quasdam suspicimus! Nondum ita exhaustæ Divinarum literarum aurifodinæ sunt, ut non sedulo scrutantibus novi quos reperiant thesauri, dignum diligentia sua præmium, super sint. Quam novæ inventionis laudem, cunctis expositam, adspernari, non modesti, sed segnis ingenii, eam autem aliis invidere, malevoli animi argumentum est. Uti nec modestiæ imputare velim, quod, quem semel studiorum ducem sive casu nactus sis, sive judicio elegeris, eum ita tibi in omnibus sequendum putes, ut ne latum quidem unguem ab illius recedas placitis. Pulcrum est quod Galenum de Posidonio tradidisse memini, **MALUISSE EUM SECTAM QUAM VERITATEM DESERERE.** Ast non paucos hodie sic videmus esse animatos, ut in omnia magistri sui dictata, nullo

Illo prævio examine, nulla admissa meliori informatione, jurent, & nere arreptas opiniones præfracte tueantur, pro iis tanquam pro aris focis dimicent, & quia decretoriis armis non possunt, rudibus sæpe & cæstibus pueriliter batuant, in iis solis omnis sapientiæ proram puppim collocent, & qui iisdem non pariter cum ipsis assurgunt, tanquam inscitos homunciones adunco suspendant naso, vel, quod re nihilo melius est, tanquam pravæ novitatis suspectos calumniose educant. Hoc, si vera rerum vocabula nondum prorsus amissimus, hæc est, modestia non est.

Quam ego modestiam non minus in *simplici, placido & æquabili cendi modo*, quam in *ipsarum rerum expositione* elucere velim. Casta ei eloquia religiosa fide, facili vena, integro candore, procul omni idio, casto spiritu ac sermone tractanda sunt. Non dehonestanda manæ philosophiæ veluti næniis quibusdam intercalaribus, non demanda barbararum & insularum locutionum incondito strepitu; nec contra verecundiæ leges Rhetorum pigmentis fucanda. Omnis rebus Divinis sermo eo melior est, quo simplicior. Addo etiam, eo placidior. Tunc enim omnium facillime in mentes auditorum illucitur, quando blanda ac mansueta se veritatis & charitatis demonstratione insinuat. Non ignoro equidem contingere aliquoties, ut in iis standum viris Dei sit, armaque a dextris & sinistris adversus contrarios veritatis & pietatis hostes expedienda veniant. Mollibus tunc tuniculis tractari sese res non patitur. Dulcissima Christi columba & nitidissima sponsa, cujus labia cæteroquin favum stillant, cujus linguæ el & lac subsunt, tunc terrifica evadit ut instructæ vexillis; similis est turri Davidis ædificatæ ad armaria, de qua millena scuta penant, omnes umbones potentum. Tunc cernendum præclarum certamen. Tunc pugnandum pro fide semel sanctis tradita: neque per imbelliam nostram committendum ut illius syllaba vel apex corrumpi iatur. Tunc pacis præcones cataphracti evadunt milites, fortissimi incratiastræ, non minus quam sexaginta illi Heroës, qui Salomonis stum circumstabant, omnes stringentes gladium, edocti bella Jewishæ. Cæterum, in his ipsis præliis non minus mansuetudinis quam ritudinis Christianæ spiritum elucere oportet: ut cum erroribus & iis potius bellum geri appareat, quam cum errantibus: ad quorum lutem promovendam piæ istæ concertationes comparatæ esse debent. unquam ab animo meo impetrare potui, ut absque exceptione laurem immoderatam illam sive veterum sive recentium Theologorum hementiam, qua adversarios sæpe suos exceperunt, vix aliter quam num, porcorum, nebulonum, aliisque id genus elogiis, eos prosequen-

quentes, & impetuosi sermonis nimbo ac grandine obruentes. Fecerint illud Athanasii, Nazianzeni, Basilii, Hieronymi, alii, qui doctrinæ suæ oblocutores, aculeatis orationibus ac steliteuticis, quamvis alioqui virtutibus abundantes, & imperatoria quandoque majestate verendos, traduxerunt palam, infamiæque objectarunt: fecerint illud patrum nostrorum ætate magni illi & immortalis memoriæ Heroës, quorum opera ad pellendam crassissimam ignorantiae ac superstitionis caliginem uti Deo libuit; ego, Auditores, istam verborum duritiem, seculi vitio, hominumque illorum ingenio (nam quantumvis sancti, homines tamen fuerunt) imputare, cæterisque maximis virtutibus ipsorum condonare, quam Prophetarum & Apostolorum, ipsiusque adeo Christi exemplo exculpere, & ad imitationem commendare malo. Potior mihi semper Apostoli & fratris Domini nostri Jesu Christi ratio erit, cui Divinas has debemus sententias: *Quis sapiens & scientia præditus est inter vos? demonstret ex bona conversatione opera sua cum lenitate sapiente.* Et rursus: *Ea quæ superne est sapientia, primum quidem casta est, deinde pacifica, aqua, obsequens, plena misericordia & fructuum bonorum, absque disceptatione, & minime simulata.*

Talem etiam Theologum nostrum præstat, non in doctrina duntaxat sua, sed & in UNIVERSO VITÆ INSTITUTO. Ubicunque enim cœlestis illa sapientia animum penetravit, sibi que, ut par est, mancipavit, ibi amarulentia, invidia, & rixa, & inquieta vita, & omne opus pravum, exesse jubebuntur: ibi lenitas, & mansuetudo, & injuriarum patientia, & aurea pax, cum omnium bonarum rerum affluentia, prosperum felixque obtinebunt imperium: ibi redivivos habebimus Satyros, *satisfactioni faciles, difficiles ambitioni, sanctos pudori*: sic enim fratrem illum suum depingit Ambrosius. Non audientur stultæ immeritarum, multo minus propriarum laudum ebuccinationes, cum aliorum, multo fortassis meliorum doctiorumque, contemptu. Non turbabuntur res Ecclesiæ aut Academiæ, audacium hominum, cuncta ad suam curam rapientium, improbis moliminibus, & damnata Petro πολυπραγμοσύνη. Quisque eo quod rodendum sibi contingit offe contentus, suis se involvet negotiis; ab alienis manum abstinebit. Non ibitur in partes, non reciprocabuntur Tusca jurgia, non gerentur fraterna & triumphis caritura bella. Nullius eruditioni ac virtuti invidiæ obtendetur nebula. Non promovebitur indignus, quia favet factioni. Non arcebitur dignissimus, quia in pauculis fortasse levibusque dissentit. Dici denique non potest, quantum commodorum in rem literarum ac religionis publicam illatura modestia sit. Quid animus Deo loquenti docilem & obsequiosum præstabit? Modestia.

Quid

Quid eundem à tremendorum myſteriorum male conſulta temeratione arcebit ac deterrebit ? Modestia. Quid ſanctiſſimæ religionis noſtræ dogmata felici in animos illapſu veritatis amantibus perſuadebit ? **Traſtantium** ea interpretum Modestia. Quid infaſtas lites vel præveniet, vel dirimet ? quid inutiles, ſed magno ſæpe animorum motu agitatæ, **controversias** componet ? Modestia. Quid, ubi pugnam pro Dei cauſa detrectare nullo pacto licet, victoriam conciliabit & faciliorem & laudabiliorem ? Dimicantis Modestia. Quid inſanum novaturiendi pruritus, quid partium ſtudia, quid nocentiſſimarum factionum peſtem è Scholis & Eccleſiis pellet ? Modestia. Quid animos manusque in ſancta inviolabilis pacis & amicitie fœdera junget ? Eadem Modestia. O ſancta & beata Modestia, tot averrunca malarum peſtium, tantorumque conciliatrix bonorum, quo te terrarum proripis ? Cur oculis te noſtris ſubducis, tuique tabentes deſiderio miſere deſtituis ? Siſte gradum, redi propitia, occupa animos noſtros, inque iis placidiſſimi dominatus tui thronum : occupa hanc Academiam, hanc Cathedralam, tuis devotam ſacris : crepante invidia, frendente diſcordia, fremente ambitione, conculcatiſque omnibus Erebi monſtris, & exulare juſſo quidquid perpetuæ adverſatur tranquillitati, tuo nos præſidio, tuis muneribus æternum bea.

Ignoscite Enthuſiaſmo huic, Auditores, in quo Sacroſanctæ modestiæ flagrantiffimo amore ac deſiderio correptus, & mihi & vobis propemodum ereptus, & utrorumque oblitus videri poſſem. At certe non oblivifcor, dum modettiam, reginam virtutum, propitiam mihi vobiſque conciliare conor, & ad perpetuos hic ſibi laeis figendos enixiſſima prece invito.

Cæterum ipſa nunc illa Modettia aurem mihi vellicat, lenique monet ſuſurro, non eſſe committendum ut patientia veſtra longiore oratione abutar. Finem itaque dicendi faciam, ubi eos primum paucis compellavero, quibus vel obſequia, vel officia mea debentur.

Ad vos igitur, **ILLUSTRES ACADEMIÆ ET REIPUBLICÆ HUIJUS PROCERES**, mea ſe convertit oratio. Vobis pro benevolo veſtro de me judicio, præſtitoque in hac vocatione honore, immortales habeo & ago gratias. Ut multa de me pollicear, non permittit, quam tota oratione laudavi, Modettia. Una hac proteſtatione deſungi liceat : ſi quid dedit mihi Deus, ſi quid dabit, ſi quid poſſum, ſi quid ſum, id veſtrum veſtræque Academiæ uſu erit & mancupio totum.

Vos vero, Clariffimi Divinæ humanæque ſapientiæ **PROFESORES**, eruditionis fama per univerſum terrarum orbem,

X x x x 2

ſura

surgente a sole ad eum quo

Vespertina repet regio, ———

celebratissimi, in vestrum me ordinem haud illubentes recipite: quem collegam non prorsus incommodum, certe nihil minus quam morosum, futurum esse, optima fide spondeo. Vos imprimis *Rei Theologica Antistites*, Tu inclute SPANHEMI, grande ordinis nostri decus, cujus

uno se pectore cuncta vetustas

Candidit, & major collectis viribus exit:

Tu facundissime TRIGLANDI; Tu doctissime MARCKI, veteri mihi necessitudine juncti sodales,

anima, quales neque candidiores

Terra tulit, neque quis me sit devinctior alter;

socias porrigite dexteras, quibus cæspitantem firmetis, labantem sustineatis, festum viæ protrahatis, molestiarumque, sine quibus hæc vita non est, saturum amicitiae suavitate socilletis.

Vos denique, NOBILISSIMI JUVENES, sacra Deo, chara mihi pignora, si quid est, quod ars mea, efficere vobis queat, id vestris ab hinc commodis additum dicatumque esse scitote. Quod Frisiis olim meis, quod postea Ultrajectinis dixi, id vobis nunc eadem propensi animi alacritate repeto. Quidquid habeo, si quid habeo, vobis habebō. Vobis studebo, vobis laborabo, vobis commentabor. Vos in oculis, vos in sinu geram. Neque macerari me detrecto, modo vobis prosum. Vos vicissim vobis ipsis ne desitis: sed dum virent genua, dum opportunum gratiæ tempus affulget, constanti diligentia, sincera pietate, & inculcata probitate, dignos vos Deo fingite. Mea etiam, si lubet, fruimini disciplina: cujus utilitatem & fructum vos experiri, quam me prædicare malo. Rogate modo, postulate, obtundite: omnia quæ mea sunt vobis exigit; quia vestra non minus quam mea esse volo. Ita denique hoc homine utimini, uti qui vestri nunc juris factus, injuriam sibi fieri credet, nisi vobis inserviando consumatur.

Tu, Alme Deus, omnis gratiæ & sapientiæ fons perennis, conatibus adspira nostris, & Nominis Numinisque tui reverentiam docentibus pariter discitentibusque inspira. Incolumem servato, & gratiæ tuæ opulentia locupletato, Academiam hanc, Patriam, Ecclesiam. Incolumem servato, vitæ & valetudine in multos producta annos satiato, Serenissimum Magnæ Britanniae Regem, Academiae Statorem, Patriæ Liberatorem, Ecclesiæ Vindicem. Incolumes servato, omni-que benedictionum genere cumulado, Illustres ac Nobilissimos, non
Athe-

Athenæi modo hujus, sed Universæ Reipublicæ Proceres, & veri nominis Curatores. Sub felici ipforum regimine

redeat concordia, virtus,

Cumque fide pietas alta cervice vagetur.

Procul a nobis, quæ meruimus, mala, clementer arceto : quæ non meruimus, bona, benigne concedito : & tunc ipse tuis fave muneribus, ac felicitati nostræ adde perpetuitatem.

D I X I.

ORATIO

PANEGYRICA

DE

THEOCRATIA

ISRAELITARUM.

Dicta

ULTRAJECT. XVI. MART. MDCLXXXVII.



Nnus nunc est, AUDITORES, quod quinquagesimum Academiae hujus natalem, lætis omnium ordinum acclamationibus, solenniter atque auspicato celebravimus. Deo primum O. M. pro tanto tamque constanti erga literariam hanc Rempublicam favore, tum & Amplissimis Magistratibus nostris pro singulari sua cura atque munificentia, immortalis agentes gratias. In eam rem verba tunc nobis præbat, JOHANNES GEORGIUS GRÆVIUS, Vir disertissimus, qui Lycei nostri ortum, progressum, incrementa, candidos atrosque dies, fata denique omnia, prospera, adversa, sed mox excepta lætioribus, facundissima oratione enarravit. Hodie autem, ne quid

X x x x 3

dissi-

diffimulem, alia plane res agitur: cui nisi aliunde decoris aliqui splendorisque accedat, metus est ne præ alterius illius magnitudinis hæc prorsus vilescat, & vix digna tam Illustri gravissimorum hominum concione videatur. Nimirum Academiæ fasces, quos præter mihi hoc anno Patres Conscripti voluere, uti non invito animo susceptos, ita pari lubentia ei ex Collegis tradendos nunc habeo, quæ Recturæ meæ successorem literariæ rei Proceres designarunt. Quod quidem intra privatos Curia nostræ parietes factum hætenus; nunc haut paullo solemnius in Amplissima hac Panegyri fieri iusserunt, quibus nostra debentur obsequia.

Cæterum si intra angustos hujus qualiscunque ceremoniæ cancellos claudi nostra deberet Oratio, tralatitiam admodum ac sterilem esse oporteret, & cui graviores vestras melioresque occupationes male postpositas esse non immerito jure quereremini. Quid ni hic licet libeatque, generosiorum meditationum veluti alis quibusdam in sublime evolare, & occasione sceptrorum, quæ Academici sunt insignia Magistratus, quæque mihi hætenus prægestata, alteri mox præteriri videbitis, ad æterni illius sceptri attentam cogitationem eniti, quo Universi quidem totius, sed Ecclesiæ præcipue fata moderatur summus omnium Arbiter Deus. Abjectæ mentis est circa exilia ista & propemodum ludicra hære: majora nos ac celsiora decent, quos generosior spiritus agitat, & non homines solum, non Philosophos, sed quod iis omnibus longe augustius est, Christianos, id est, candidatos, facit. Et quem præter hunc de Regno Dei sermonem ab hoc homine expectetis, qui neque didicit aliud, neque docere potest: qui magni Regis sui incomparabili fulgore unice perstrictus ad cetera omnia caligat: cujus idcirco in quovis alio argumento langueret, fringeret, serperet oratio, non edocta assurgere, nisi quando Divini amoris flammis illustratus pariter accensusque animus, de Deo & Christo ejus loquendum habet.

At ne per immensa Regni Dei spatia libere nimis, justoque ditius, nostra vagetur Oratio; de illo nunc solum REGNO DEI dicimus quod in prisco erexit ISRAELE. Imo & hoc ipsum ea sola facie intuebimur, qua *Civilis Regiminis* formam habuit, cujus nomine Israëlitarum Respublica THEOCRATIA dici mereatur. Illius tamen quidem *initia*, sed mirabilem prorsus *auctum*, totamque adeo *indolem* & rationem, quanta fieri poterit brevitate, exposituri.

Deum REGEM esse, & inanimata sentiunt, & bruta loquuntur, & mali dæmones, quamvis ejurato Regis obsequio, frementes frendentesque agnoscunt, & qui proxime iis accedunt Athei, insancien-

infanientis contra Deum sapientiæ magistri, arcanis animi sui convictionibus inviti experiuntur.

Sed præter hoc UNIVERSALE REGNUM Dei, cui sol cum omnibus astris suis, cui mare cum suis fluctibus, cui venti cum omni flatuum suorum vehementia, cui anni tempestates cum suis vicissitudinibus, cui diei noctisque alternæ reciprocationes, cui omnia terræ imperia, quantumvis sibi invicem minitantiæ, subsunt; cui cœlestes genii obsequiose parent; cujus jussa Diabolorum ferocissimi, quamvis renitentes, exsequuntur tamen; præter, inquam, illud universale Regnum in omnes & omnia, quod NATURÆ merito dixeris, aliud sibi formavit Deus in populo huic fini speciatim electo. *Abrahamum* e Syria accitum sibi vindicavit, ingentibus quidem oneratum promissis, sed quorum exsecutio, in multos protracta annos, infatigabilis spei longum exercitium fuit. Etenim quum centesimum ætatis annum sine prole exegisset, pulchræ quidem uxori junctus, sed pertinaciter sterili; ex ea jam effœta ac nonagenaria majore unicum tandem suscepit filium, *Isaacum*, promissionum omnium ex asse hæredem. Hujus ex *Israële* nepotes, numero septuaginta, fame urgente in Ægyptum venire, initio quidem haut incommodam ibi peregrinationis suæ sedem nacti; sed mox sub sævissimorum Tyrannorum truci iniquitate adeo pressi, ut vilissima mancipiorum invidenda præ iis sorte gauderent. Hi tamen sunt ex quibus populum sibi formare Deo lubuit: quem valida manu, ac fidem propemodum superantibus portentis, ex ergastulis suis extractum sibi asseruit. Edomito primum & ad manumissionem adacto Pharaone, mox eodem cum omnibus suis copiis rubri maris fluctibus absorpto, ut ne nuncius quidem tantæ cladis Tanim revertetur. Et quod incredibile dictu est, ejusdem maris undas, ad extensum Moïsi ministri sui baculum hinc atque hinc divisas, murosque instar utrinque consistere jussit, ut siccum Israëlitarum agminibus transitum fundus præberet. Cujus prodigii memoria non sacris solum voluminibus nostris prodita, sed & sinus Arabici accolis, Barbaris licet ut qui maxime, per multa secula conservata fuit; exstantque illius in Diodori Siculi commentariis non contemnenda vestigia.

Ecquis dubitet, quin Deus ille, cui creationis jure absolutum in omnes atque omnia dominium est, singulare sibi in eum populum imperium vindicare potuerit, quem præ cunctis mundi nationibus tam inauditis beneficiis obstrinxerat? Sed qua est lenitate atque clementia, omni suo summoque jure uti in hoc negotio noluit. Consultius arbitratus, populi se suffragiis votisque in Regem eligi, quam invitis aut refragantibus obtrudi. Idcirco, hominum more munus aliquod ambien-

ambientium, (quod tamen citra ullam Divinæ Majestatis læsionem dictum esto,) egregia illa potentiae, sapientiae ac bonitatis suae specimina nuper edita populo in memoriam revocat: ut exinde constaret, neminem ne cogitando quidem fingi posse, qui Regis personam majore cum dignitate, magisve ex usu populi sustineret. Sancte insuper promittit, se in fidem ac clientelam suam eos recepturum, et servili conditione in regnum sacerdotum evecturum, in foecundissimas regiones hæreditario jure possidendas introducturum, & ut peculium præ rebus sibi omnibus charissimum diligenti cura conservaturum, modo morigeros se dictoque addientes exhiberent. Hæc iis per Moysen internum dicitur; eo successu ut uno ore omnes sibi Deum Regem deposcerent, nihil se detrectaturos polliciti.

Exod. xix:
3, 4. & seq.

Exod. xix:
16. xxi.

Deut. iv.
32.

Deut. v:
29, 34.

Exod.
xxiv.

Mox Regem agere cœpit: convocatoque ad radices montis Sinai populo, ipse è montis cacumine, coruscantibus fulgetris, crepitantibus tonitruis, mugientibus ventis, horrida caligine, trepidante ad præsentiam Numinis terra, & si quæ plura aderant plena Majestatis prodigia, sacratissimas leges suas universæ panegyri promulgavit. Quis unquam post ultimam hominum memoriam fando audivit, fuisse sub cœlo gentem, quam tam familiari, sed tamen augusto, alloquio compellare dignatus est Deus? Cæterum quum populus, ferendo tantæ Majestatis fulgori impar, enixe contenderet, ne amplius ad eum modum loquentem sibi Deum audire cogeretur: ipse cum Moysæ agere occepit, de Tabernaculo sibi in habitaculum Regium parando, & legibus de Republica ac Religione fanciendis.

Quarum absolutissimum Systema antequam Moysi traderet, certis quibusdam ritibus fœderalibus se populo, populum sibi obstrinxit. In pangendis fœderibus vetustissimi moris cerimonia est, ut puræ castæque mactentur victimæ, earum sanguine adspargantur confœdusti, iique oblatarum victimarum partem una comedant. Nihil eorum in fœderis hujus confirmatione desiderari passus est Deus. Etenim postquam Moyses promissa ac præcepta quædam Dei inscripsisset libro, populusque iterato assensum suum testatus esset; Moyses cæsis ex more hostiis, sanguinis partem sparsit super altare, quod Dei locum representabat, partem alteram super populum addito hoc carmine: *Hic est sanguis ille fœderis quod pepigit vobiscum Jehova super cunctis sermonibus hisce.* Dein in montem adscenderunt Moyses & Aaron, Nadab & Abihu, & LXX Seniores, qui populi personam gerebant, & postquam singulari Numinis indultu gloriam ejus, quatenus mortalibus fas est, oculis usurpassent, & sub pedibus ejus vidissent veluti opus pavementatum Sapphyro; sacris divinæ mensæ epulis admoti, ederunt biberuntque.

Firmo

Firmato in hunc modum fœdere, omnia sibi Deus ad quæsitissimam Regiæ magnificentiæ pompam, in ipsis quoque Arabum desertis, parari iussit. TABERNACULUM ad monstratum e cœlo instar constructum est, multa cedro conspicuum, multo auro splendidum, vasisque tam materia quam arte pretiosissimis superbe ornatum; variis etiam distinctum receptaculis. *Exterius Atrium* populo omni, nulla immunditiæ polluto, ad obsequia precesque Regi offerendas patebat. In *interiori Aula* consistebant Sacerdotes, veluti Purpurati Regis, & interioris admissionis ministri. Ibi candelabrum aureum cum septem affabre factis lampadibus: ibi mensa aurea cum panibus quos vocant propositionis: ibi altare aureum ad suffitus. At in *intimo Adyto*, cui oppansum artificiosissimum aulæum erat, & quod *Sanctum Sanctorum* dicebatur, solium erat divinæ gloriæ, quo pedem penetrare mortalibus omnibus sub mortis pœna interdictum, solo excepto Pontifice; idque non nisi semel quotannis. Ibi *propitiatorio operculo* aureæ cujusdam *arca*, prodiga arte factæ, & *Cherubinis* aureis, monstrosæ formæ animantibus, facie ad operculum conversa, & alis operculum regentibus, symbolo singulari præsentis Majestatis suæ, insidebat Deus. Inde consultus responsa dabat: inde precibus votisque annuebat: inde Psal. xcix. 1.
velut ex abdito venerabilem se faciebat suis. *Jehova Rex est, contremiscant populi, insidet Cherubinis, contremiscat terra.*

Adeo ne hac quidem parte Israëlitarum Rex, Deus, maximis Orientis Regibus minor esse voluit. Nam habebant & illi tentoria sua, quorum recessibus plurimum obtekti sedebant; nisi quod aliquando subiectis se exhibere, & responsa velut oracula dare dignarentur. Quumque ista quæ dixi tentoria in tholum surgerent, & aurea essent, vel auro magnificentius ornata, χρυσοι ὑγάνιστοι *aurei caluli* dicebantur, quasi terrestrium numinum habitacula, & propter Regum responsa, ἐπιφανείς καὶ χρηματιστικαὶ σκηναί, *illustria & oracularia tentoria*: quo nomine *Ptolomai Evergetis* cœlum insignivit *Polybius*.

Sic nunc prospectum Israelis Regi de *Palatio* erat. Instruendum porro *famulitium* tanto Rege dignum. Eo autem honore mastrata *Aaronis* familia est. Hinc universus *Sacerdotum* ordo, quæ vox Hebræorum lingua *Principes Regis ministros* notat. Quibus omnibus Aaron, *Maximi Pontificis* titulo, præfectus fuit: ipsi vero pro inferioris ordinis famulis, contribules suos, *Levitas*, habebant.

Et hic quoque ex decoro composita fuerunt omnia. Integro corpore viri, omnis labis vitique expertes, candidis vestibus ad decus ornatumque induti, die noctuque, redeuntibus ordinum vicibus, Regi suo ministrabant, velato quidem reverenter capite, sed nudis semper

pedibus coram eo consistentes. Nihil autem magnificentius Pontificis Maximi apparatu cogitari potest. Cujus pectorale sacrum, & amiculum, & pallium, & tunica tessellata, & cidaris, & balthus, & lino, ex lana, ex hyacinthino, & purpureo, & coccineo dibapho, & xylino internexo, & auro, prout singula requirebant, opere artificiosissimo contexta, cum insitivis pretiosissimis lapidibus, & dependentibus ubi conveniebat tintinnabulis aureis & malogranatis, & lamina aurea inscripta nomine Jehovahæ, nostra quidem oratione dignissima sunt, sed prolixiora quam ut singulatim exponantur. Cæterum ita comparata fuerunt omnia, ut sacrum quendam horrorem tanti decoris apparatus intuentibus incuteret, & vel stolidissimi cogerentur Regis illius Majestatem cum stupore venerari, cujus minister vix sine stupore videbatur.

Ea itaque tentorii sacri, ut & deinceps templi ratio, quæ Regi cujusdam domicilii Deo in habitaculum destinati: ut ita fere inter populum suum Deus habitasse censeatur, quemadmodum inter suos terrarum Reges solent. Hinc splendidissima Sanctuarii supellex, & quasi rei familiaris magnificus admodum apparatus. Hinc amplissimum, suisque discretum ordinibus, ad varia ministeria famulitium. Alii a sacris, alii a custodia, alii qui Musicæ operam darent, qui, dum flagrabant holocausta, vinumque rite libabatur, voce, buccina, chordisque, veluti inter Regias epulas, canerent. Hinc mensa semper panibus instructa, ignis in ara perpetuo ardens, suffitus bis quotidie incensus, totiesque profecta victimarum ad aram, ceu mensam Dei admota, profectisque sal, vinum, & ferta addita. Atque hæc quidem ad *Regiam Dei pompam* pertinebant.

Nolim tamen ita de Israëlitis Rege arbitremini, *Auditores*, quasi terrenis hisce & egenis mundi elementis, non dicam valde, sed quodammodo afficeretur. Non habitat in templis manu factis, qui pro throno cælum, & pro scabello terram habet. Non indiget hominum ministerio, cui cœlestes Angelorum turmæ ad nutum semper præsto sunt. Imo ne cœlo quidem Angelisve indiget, qui, suis se involvat virtutibus, sibi solus ad omnem beatitatem sufficit: in perfectionum suarum infini- ta opulentia contemplanda, amanda, fruenda, omnes felicitatis numeros inveniens. Sed crasso Israëliti populi genio id damnum est, qui per externa hæc & visibilia ad sublimiorum rerum cogitationes, & invisibilem Dei, Regis sui, virtutum contemplationem evahi necesse habebant. Ne de Messia nunc mysteriis dicam, quæ hisce omnibus adumbrata fuisse, nos quidem Christiani pro indubitato agnoscimus.

Sed nec illud velim existimetis, Israëlitarum Regem ignavis illis & inficientibus Orientis Regibus similem fuisse, qui abjecta Reipublicæ cura, solis opulenti otii deliciis Majestatem tuebantur. Quidquid expectari a vero Rege potest, abunde a Deo Israëlitis est præstitum.

Regis est, convenientes Reipublicæ *leges* præscribere. Id tanta sapientia, justitia, sanctitudine fecit Deus, ut gentes quævis aliæ Israëliti populi hac quoque in parte felicitatem præ cæteris omnibus prædicare debuerint. Quidquid in Lycurgi legibus, quidquid in Atticorum Axonibus, quidquid in Romanorum XII Tabulis præclari fuit, ex Mosaicis constitutionibus haustum fuisse, certe nihil in iis laudabile esse quod non multo sit in hisce excellentius, longa exemplorum inductione pridem a Viris eruditissimis est demonstratum.

Regis est, *jus dicere* civibus; in minoribus quidem causis per Judices a sese constitutos, in majoribus aut obscuris sic ut ipse quod ex æquo & bono est pronunciet. Id fecit in Israël Deus, non solum ubivis locorum Judices constituens; quibus sollicitè inculcabatur, judicium non hominum, sed Dei esse; verum etiam nonnulla legibus haut definita sibi reservans, de quibus per Moysen, aut Pontificem Maximum, consuli se volebat: adeo ut singulari casu ne de familia quidem herciscunda respondere dedignatus sit.

Regis est, populo de omnibus *necessitatibus prospicere*, ne annonæ desit, cæterave sine quibus vita aut nulla, aut vitalis non est. Id Israëlitis præstitit Deus, quos per fabulosa Arabiæ deserta palantes, omnique destitutos commeatu, rore quidem purissimo, sed incrassato, quem *Manna* dixerunt, pavit, & fluentibus ex rupe, Moysis baculo percussa, aquarum rivis, liberaliter totos quadraginta annos potavit, effecitque ne vestimenta veterascerent, aut calcei detererentur: quibus prodigiis mirabilitatem demere, ut fides adstruatur, seculi nostri non laus, sed probum est.

Regis est, non pacis solum sed & *belli negotia* curare. Neque hic sibi suisve Deus defuit. Ex nutu Jehovæ aut offerenda pax, aut inferendum bellum erat. Ex nutu Jehovæ struendæ acies; & quæ in principiis, quæ post principia, Israëlitarum tribus; quibus primus in hostem faciendus impetus esset, Jehovæ oraculo, per Urim & Thummim, tam nota priscis quam ignota nobis instrumenta, definiebatur. In ipsis quoque Israëlitarum castris metandis, dum per inculta locorum oberrabant, militiæ ordinem servari voluit. Si quo movendum esset, duce nubis ignisque columna præibat arca cum Cherubinibus, luculenta præsentis Imperatoris symbola, & quod Romanæ Aquilæ, id ipsis, tanquam omen victoriæ in quoscunque irent. Si figenda alicubi

statio, in mediis castrorum Dei struebatur Tabernaculum, cui proximi cum suis tentoriis Levitæ, ad excubias, erant: reliquus Israëlitarum exercitus, in quatuor tributus agmina, circum Tabernaculum tentoria collocabat. Ubi in hosticum ituris via invia, aut rapidus obstabat amnis, id sibi imprimis negotii sumsit Deus, ut complanaret omnia, & præeunte arca, non, quod Imperatores alii, pontibus fluvios jungeret, sed incredibili prodigio maximorum amnium alveos repente depleret, consistere jussis aquis donec transmississent legiones.

Jos. III:
II.

At quid ego nequicquam orationis meæ humilitate tantorum miraculorum gloriam detero? dum Regiis verbis magnifica supremi Regis opera exponere licet. Regem itaque audite Regis sui encomia grandiloquo ore canentem. EXEUNTE ISRAELE EX ÆGYPTO, FAMILIA JACOBI E PEREGRINI SERMONIS POPULO, FUIT JUDA SANCTITAS, ISRAEL DOMINIUM EJUS. VIDIT MARE ET PROFUGIT, JORDANES DIVERTIT RETRORSUM. SUBSILIERUNT MONTES VELUT ARIETES, COLLES UT SUBRUMÆ PECUDES. QUID TIBI MARE, CUR FUGERES? QUID VOBIS MONTES, CUR SUBSILIRETIS UT ARIETES, COLLESQUE UT SUBRUMÆ PECUDES? AD PRÆSENTIAM DOMINI CONTREMISCE TERRA, AD PRÆSENTIAM DEI JACOBI, QUI MUTAT RUPEM IN STAGNUM A QUARUM, SAXUM ADAMANTINUM IN FONTEM RIVORUM.

Pf. CXIV.

Ita suos Deus in promissas patribus regiones deduxit: ubi quum superanda immanium gigantum ferocia esset, & expugnandæ urbes munitissimæ, Josuam, Heroem fortissimum, exercitus sui Imperatorem creavit: sic tamen ut suis omnia auspiciis geri ipso facto demonstraret. Tunc præcipue quum Jerichuntis mœnia, quæ prima ipsis urbium in Cananæa post permeatum Jordanem erat, ad clangorem tubarum & circuitum arcæ, nulla admota machina, sua sponte concidere jussit: tantoque cæteros terrore perculit, ut ejectis veteribus colonis, optatis sibi sedibus haut difficulter Israëlita potirentur.

Jos. VI.

Sic omnes Regis partes Regni sui *initio* præclare implevit Deus. Neque minus se mirabilem in *progressu* præstitit. Suorum quidem rebellionem acriter quandoque, per injurias a vicinis illatas, vindicans, sed quoties pressi calamitatibus gratiam ipsius opemque implorarunt, toties egregios publicæ libertatis vindices concessit. Qui, licet ad illos actus cum summo præessent imperio, non tamen nisi *Judicium* titulo ac dignitate censebantur; Deum semper ut Regem venerantes. Memoratu imprimis digna sunt generosi illius Gideonis verba: cui quum hereditarium regimen inconsulto deferret populus, *Apagite*, inquit, *neque ego dominabor vobis, neque filius meus dominabitur vobis, sed Je-*
hova

bona dominabitur vobis. O felices sub cœlesti hoc Rege Israëlitas, si bona sua novissent!

Sed nescio quibus malæ mentis furiis agitados pigere tandem Divini Imperii cœpit. Tumultuose Samuëlem Judicem adeunt, præfate petentes Regem sibi præfici, qualem vicinæ gentes habebant: fortassis & secreto & alte dissimulato rituum & numinum gentilium desiderio. Egerrime, ut par est, id tulit Deus, in sui hæc omnia contumeliam spretique injuriam regiminis interpretatus. Et quum in promptu haberet tam fœdæ rebellionis vindictam, maluit tamen populi votis satisfieri, quibus meritas stultitiæ suæ poenas ipsi sibi arcescebant.

1. Sam.
VIII.

Juris ergo Regii rationem omnem diligenter a Samuële conscribi jussit, quod quantum a sui regiminis justitia & æquitate abesset, facto utriusque conflictu liquido constabat. Perseverantibus tamen insana flagitatione Regem, sed sortito, dedit; id est, sua cum monstrante providentia, ne abdicasse se Regno videretur. Atque hunc ipsum a suo adeo pendere voluit arbitrio, ut ne de tempore quidem ineundæ pugnae, de trucidandis aut parcendis victis hostibus pecudibusve, disponere pro lubitu suo licuerit. Quod quum sibi arrogasset *Saulus*, (id primo Regi nomen erat,) regni jactura luendum habuit.

1. Sam.
XIII: 8.
XV: 16.

Suffectus ipsi, sed a Deo iterum, interveniente vatis opera, David est; qui reverenter admodum Divinam Majestatem coluit, quod omnia Regum omnium superba palatia longo post se intervallo relinqueret. Ex Davidis filiis, quos multos nobilissimosque habebat, non David, sed Deus iterum successorem elegit *Salomonem*, qui meditata Patris feliciter exsecutus, incomparabili structa æde, sed ad formam ab ipso descriptam Deo, ne quid humani consilii Divina corrumpere, gloriam Dei illustribus in Israël incrementis auxit.

1. Sam.
XVI.

Tantum à vero repulsa eorum opinio est, qui Regnum Dei extremum fere spiritum in Salomone efflasse pugnant, quum nunquam magnificentius opulentiùsve quam Salomone regnante cultum sit; ipseque Salomon in *Throno Jehova* consedissee dicatur. Arcam quidem in Sanctuarium intulit Salomon, perpetuo ibi quieturam, quam Moses, Josua, Judices, Saulus, David, itinerum bellorumque suorum comitem habuerant; verum id ipsum quantum ad commendandam Dei Majestatem pertineret, & David innuit, dum tanta sollicitudine locum quieti arcæ idoneum quærit, inventoque exsultat, proclamans: SURGE JEHOVA, ADITURUS REQUIEM TUAM, TU ET ARCA FœDERIS TUI: & Deus approbat dicens: HÆC EST REQUIES MEA IN ÆTERNUM, HIC HABITATURUS SUM, QUIA HOC EXPETIVERAM.

1. Chron.
XXVIII: 5.
1. Chron.
XXIX: 23.

Y y y 3

Dolen-

14.

Dolendum equidem est affecta ætate Salomonem ad gentilium deflexisse Idola, atque hinc regni primum dilacerationem, dein labentibus seculis ruinam, populique universi in Assyriam & Babyloniam deportationem consecutam esse: nunquam tamen Deus, quam semel sibi vindicaverat, Regis dignitatem potestatemque deposuit. Nam & exilia ista a se indicta sunt populo, Assyriorum & Babyloniorum Regibus non nisi iræ Divinæ ministris: & in exiliis istis non modo fuit est tuitus, sed & hostibus immortalis Regni sui confessionem extorsit.

Dan. III: REVERA, inquiebat Danieli Nebucadnetzar, DEUS VESTER EST
17. DEUS DEORUM ET DOMINUS REGUM. Iterumque, EXCELSO
Dan. IV: NEDIXI, ET VIVENTEM IN PERPETUUM LAUDAVI ET GLORIFICAVI,
34, 35. QUOD DOMINATUS ÆTERNUS, ET REGNUM EJUS IN OMNI
GENERATIONES. OMNES HABITATORES TERRÆ NIHIL REPUTATUR,
PRO VOLUNTATE SUA FACIT EXERCITUI COELI ET INCOLIS TERRÆ, NEQUE EST QUI PROHIBEAT MANUM EJUS, DICATVE EI, QUID FACIS?

Desperatas quidem Israëlitarum non pauci in istis exiliis cogitationes fovebant; fore in posterum ut, omnibus Divini Regiminis beneficiis exclusi, a cæteris mundi nationibus nullo discrimine se jungerentur, renunciantes fœderi perpetuo, quod cum majoribus ipsorum pepigerat Deus: *Et nos, inquiebant, erimus aliquando sicut iste gentes, servientes ligno & lapidi.* Sed indigne admodum id tulit Deus, juratque minime omnium futurum esse quod animo ipsi suo meditantur: *sed se in ipsos regnum habiturum manu valida, & brachio extenso, & excandescencia effusa, atque ita eos ex populis, in quibus dispersi erant reduciturum.* Quod & re ipsa præstitit: asserto sibi in Israëlitas dominio, notabilibus gratiæ, potentiæ atque iræ suæ effectis. Iræ, inquam, primo in Israëlitas, dein & gentes, inter quas captivi degebant.

Et quid illustrius Divini in Israël Regni documentum esse potest quam quod celebrem illum Persarum Regem Cyrum, ducentis fere antequam nasceretur annis, suo illo nomine prædictum, ad obsidendam Babylonem animavit atque accinxit, ipsi adventanti aspera viarum planans, valvas chalybeas frangens, vestes ferreos succidens: *ut cognoscas, inquit, me Jehovah qui voco te nominatim, Deum Israël esse. Propter servum meum Jacobum, & propter Israël meam, propterea te vocavi de nomine tuo, cognominavi te, quamvis ignores me.*

Jes. XLV: 3, 4. Neque ipse id Cyrus dissimulavit, scripto in omne ævum duraturo protestatus, omnia sibi Regna a Jehova Deo cæli tradita esse, jussuque ædificare Deo domum Hierosolymis, populoque liberam in civitas sedes remeandi potestatem promulgare. Sic Israëlitarum exilio sola Regis sui potentia ac bonitate impositus finis est.

Non

Non ea profecto mente, ut in patriam reduces præsidio suo destitueret : quamvis enim initio solutæ captivitatis in re tenui fuerint, vicinarumque gentium odio atque ludibriis multifariam vexati, Dei tamen Regis sui clementi tutela non subistere tantum, sed immensis incrementis aucti, & terram suam frequentissimis urbibus vicisque impleverunt, & in quibusvis Europæ, Asiæ atque Africæ partibus suas habuere colonias. Multa hujus tutelæ Divinæ exempla proferre possem : sed parcendum tempori est. Unum ex plurimis præterire non possum.

Alexander dum Tyrum oppugnabat, scriptis ad Jaddum Judæo- Joseph:
rum Pontificem literis petebat auxilium, & commeatum, & quidquid Antiq. xi:
prius Dario conferre solitus fuerat. Pontifex, vir integerrimus, & viii.
intemeratæ fidei, renunciat, sacramento se Dario obstrictum esse, id-
que ratum fore quamdiu vixerit. Coxit iram Alexander, donec ex-
pugnata Tyro, propere Hierosolymam cum victricibus copiis movit.
Ibi Jaddus, irato Regi impar, & consilii inops, in varias animum
partes incassum rapit. At Deus in somniis apparens, bono animo
esse jubet, & coronata urbe portas aperire : utque populus albis vesti-
bus prodiret obviam, ipse vero cum reliquis sacerdotibus solenni or-
dinis sui cultu sequeretur, securi de Dei providentia. Læti mandatis
parent. Audite vero rem prorsus admirabilem. Dum Phœnices &
Chaldæi omnia sibi in Judæos pollicentur quæcunque ab irato Rege
sperare poterant, plane contrarium evenit. Alexander enim, ut vi-
dit e longinquo candidatum populum, & sacerdotes in amictu byssino,
Pontificemque in stola hyacinthina auro distincta, tiaram in capite ge-
stantem cum præfixa lamina aurea insculpta nomine Jehovæ, solus ad
eum accedens nomen illud adoravit, ac salutavit Pontificem. Judæis
uno ore Alexandrum consalutantibus, & in orbem cingentibus, Sy-
riæ Reges & reliqui obstupuerunt, vix credentes Regem mentis esse
compotem. Solus Parmenio propius accedens rogavit familiariter,
quid ita, quum ipse adoraretur ab omnibus, nunc adoraret Judæorum
Pontificem ? At ille, *non hunc se adorasse respondit, sed Deo, cujus*
Pontifex esset, eum honorem exhibuisse : Hunc enim, inquit, eadem spe-
cie habituque vidi quum in Dio Macedonia essem, qui me, de Asia subju-
ganda deliberantem forti animo esse jussit, & sine mora exercitum trajicere :
suo quippe ductu Persarum imperio potiturum. Hæc Parmenioni locutus,
& comiter complexus Pontificem, deducentibus Sacerdotibus in ur-
bem ascendit, sacra Deo facturus. Ostensoque Danielis libro, qui Dan. viii:
Græcum quendam Persas debellaturum vaticinatus fuerat, id de se in- 21.
terpretatus, Judæos non pœna solum absolvit, sed & omnibus eorum
postu-

postulatis abunde satisfecit. Potuitne Deus luculentiori argumento asserere, Israëliticum populum sibi, ut Regi, cordi ac curæ esse?

Joh. XIX: 15. Ingens certe rerum mutatio accidit, quando *Herodes Idumæus*, totus a Romanorum nutu pendens, thronum Israëlitis invasit; major adhuc, quando Judæa Syriæ attributa, & in Provinciæ formam redacta, Romani præsidis imperio paruit. Aperta denique Regni Dei ejuratio ex Primoribus populi audita est, clamantibus *nullum se Regem agnoscere nisi Cæsarem*. At nec sic tamen throno cessit Deus. Mansit Hierosolyma Civitas Magni Regis, donec mansit.

Sed non diu mansit. Spretus a populo Deus, sprexit populum, & Romanorum, quos sibi impie prætulerant, armis usus, civitatem ac templum funditus evertit, terram Israëlitis universam anathemate percussit, innumerabilem Judæorum multitudinem ferro, fame, peste necavit, plurimos sub hastam misit, superstites per omnes sub cælo gentes dispersit, ubi cæli folique sui extorres, neque Deo placentes, & omnibus hominibus adversi, spectaculum facti sunt mundo & Angelis, omnium purgamenta & ramenta in hunc usque diem.

Atque hic quidem finis est Theocratix Israëliticæ, non restaurandæ in æternum. Etenim quamvis populi Israëlitis futuram aliquando ad spirituale Messix Regnum reductionem, disertis utriusque instrumenti oraculis nixi, firmiter credamus: neque eos de suo olim in terram reditu desperare jubeamus; ut in illo quoque populo, illa terra, illa urbe, ubi crucifixus est Christus, dominetur, colatur, adoretur, & adventanti cum gratia sua lætis acclamationibus accinatur, Matt. *Benedictus qui venit in nomine Domini*. Non tamen patitur spiritualis Regni Christi indoles, ubi non est Judæi & Græci, Barbari & Scythæ, discrimen ullum, ubi remoto pariete intergerino in unam summam redacta sunt omnia; non patitur, inquam, Regni istius genius, ut unus aliquis populus, seorsim a cæteris, Theocratici Regiminis prærogativa gaudeat. Zach. XIV: 9. *Eo die Jehova Unus erit, & nomen ejus unum in universa terra. Tempore illo erit Israëlitarum gens tertia Ægyptia & Assyria, Benedictio in medio terræ. Cui benedicturus est Jehova exercituum, dicendo, BENEDICTUS POPULUS MEUS ÆGYPTIUS, ET OPUS MANUUM MEARUM ASSYRIUS, ET ISRAELITICUS POSSESSIO MEA.* Ad quæ beata tempora uti calidis votis suspiramus, ita eadem euntibus ordine fatis, in spe ac silentio expectamus.

Cæterum, *Auditores*, ea quæ de civili hoc Dei apud Israëlitis Regimine dicta sunt, non ista solum vos parte intueri volo quæ Politis hujus mundi haut usquequaque dissimilis in oculos incurrit. Alius penetrandum est, levatoque externæ hujus pompæ aulæo, in latentia intro-

introspectendum mysteria. Vix a me impetro ut non irascar mihi ipsi, quod, aliis prolixius immoratus, præterlapsus nunc tempus animadvertam, quod sublimioribus hisce cogitationibus majori cum fructu impendi potuisset. O quam vellem occasione *mundani* hujus, sic enim & ipse Paulus loquitur, mundani, inquam, hujus regni occasione *spirituale* illud ac *caeleste* Christi Domini regnum exponere! Quam *volupe* mihi esset Jesum vobis ostendere, qui electos suos ex plusquam Ægyptiaca Diaboli, mundi, peccati servitute liberatos sibi asseruit: qui assertos inviolabili fœdere sociat: leges suas non tabulis, sed cordibus inscribens: qui non portatile tabernaculum, sed ædificium vivis lapidibus constans sibi fabricat; in quo non symbolis quibusdam, sed Spiritus sui efficacia, habitet: qui per inculta mundi hujus, variis anfractibus, ad cœlestem patriam suos deducit: qui, quidquid prisca illa magnificentia figurari potuit, revera confert. Qui non Arcæ alicui aureæ, aut Cherubinis humana arte factis, insidet, sed throno Patris sui cœlestis, stipatus Sanctorum Angelorum turmis, Ecclesiam gubernat, tuetur, omnique bonorum opulentia locupletat: cujus regnum non cum externo ullo apparatu venit, sed est mera *justitia*, per Spiritum Sanctum, neque pauculos solum Israëlitas completur, aut angustæ continetur regionis terminis, sed totum Israël mysticum comprehendit, diffusum per omnes partes orbis habitabilis, quas sol oriens aut occidens lustrat. Utinam quidquid est in noto ignotoque orbe mortalium, extra anni solisque vias, Regis hujus Majestatem cognosceret, agnosceret, adoraret; & in illius cultu atque amicitia, ubi sola sita est, veram solidamque felicitatem inveniret! Utinam ea sonoræ vocis intentione, quæ per omnia regna, provincias. urbes, ædes audiretur, clamare possem: ATTOLLITE PORTÆ CAPITA *Psal.* VESTRA, ET ATTOLLITE VOS OSTIA SECULI, UT INGREDIATUR *XXIV: 6.* REX GLORIÆ. QUIS EST ISTE REX GLORIÆ? JEHOVA ROBUSTISSIMUS ET POTENTISSIMUS BELLATOR. ATTOLLITE PORTÆ CAPITA VESTRA, ATTOLLITE, INQUAM, OSTIA SECULI, UT INGREDIATUR REX GLORIÆ. QUIS EST ISTE REX GLORIÆ? JEHOVA EXERCITUUM, JESUS SOSPITATOR NOSTER, IS EST REX GLORIÆ. Imo vero Christe Jesu, aperimus tibi portas, intra tu modo cum omni gratiæ tuæ opulentia; intra in provincias, urbes, ædes, corda nostra; ibi vive, ibi regna; istoque regno tuo pio, felici, Augusto, nos æternum bea.

D I X I.

Tom. II.

Z z z z

ORA-

O R A T I O

D E

FELICI an INFELICI
R E I P U B L I C Æ
L I T E R A R I Æ , H O C S E C U L O , S T A T U .

Diſta

ULTRAJECT. XVI. MART. CIOIOCXCVIII.
Quo die Fasces Academicos iterum deposuit.

I, quemadmodum hodierna lux necessitatem mihi quædam in Augustissimo hoc bonæ mentis templo dicendi imponit, ita eadem orationis definivisset argumentum, solum anxia deliberatione animum, ad præcipue tractandæque materiæ meditationem haud paullo altius appulisset. Sciebam equidem, dandam mihi operam esse, ne quid pro amplissima hac clarissimorum doctissimorumque hominum concione dislicerem, quod non & loci huius sanctitudine, & vestra gravitate, & mea denique persona atque ætate dignum foret. Sed quum huc illuc circumspicienti aliquam multa occurrerent, quæ neque auribus vestris ingrata, neque juventuti Academicæ inutilia, neque a mea vivendi ratione aliena videri poterant; longa tandem fluctuatione lassatæ menti hæc sententia sedit, ut *infelici an infelici Reipublica literaria hoc seculo statu compendiosa oratione disputarem.*

Quæ causâ nec tam in liquido posita est, quin multarum utriusque rationum conflictu controvertatur; nec tam remota a cognitione vestra, ut non & animadversionem vestram mereatur, & insigni isti, qua polletis, prudentiæ atque integritati decidendam sese tuto committat. Interest quoque omnium nostrum, ut quid gratulandum nobis in hac rerum conditione sit, quid deplorandum; quid laudandum

quid desiderandum, exploratum perspectumque habeamus. Quam ob rem, ut mihi nunc potissima tam notabilis causæ momenta libratur benevolas aures præbeatis, ab æquitate vestra (videte fiduciam meam) non tam posco, quam exspecto.

Patrum nostrorum ætate, post longam, quæ universo terrarum orbi incubuerat, spissæ caliginis noctem, exortum serenioris lucis jubar esse, ingratis profecto mortalium simus, si non lubentes meritoque agnoscamus. Deposita tunc illuvies, ablutus squalor, deterfa rubigo est, quibus fœdata, inquinata, & infecta erant omnia.

Rediit humano generi, tetra nuper barbarie conspurcato, rationis suæ nitor. Rediit Ecclesiæ Christianæ, cui a nequissimis tenebrioribus, sub religionis prætextu, miserrime illudum erat, doctrinæ suæ puritas. Rediit bonarum artium studiis suus vigor, eloquentiæ suum decus, sapientiæ sua laus. Nihil rerum Divinarum humanarumque est, quod non verecundius, exactius elegantiusque tractari cœperit. Sapientissimorum hominum, cum ex Græcia, tum e Latio, elaborata volumina, quæ blattis pridem tineisque pro pabulo cesserant, latibulis nunc excussa suis, multorum versata sunt manibus: unde restituta postliminio eruditæ antiquitati sua veneratio est. Pro stridentium, & nihil quicquam sani significantium, verborum incondito strepitu, politiori sermonis genere, cujus puritatem, elegantiam, venustatem, nec ipsa sub Augusto Roma suam esse inficietur, delicatissimæ etiam delinitæ aures sunt.

Principio quidem in acie, adversus insanos, furiosos rabidosque barbariei propugnatores, standum fortissimis viris fuit: quibus non de fama solum & fortunis, sed & de salute, non corporis modo hujus, verum, quod miremini, æterna etiam illa animarum, controversiam faciebant, stolidissimi simul & crudelissimi mortalium. At bonum factum est, quod in bello tam necessario, tamque honesto, undique velut agmine facto, junctisque phalangibus, suppetias laboranti sapientiæ latum venerint, præstantissimi quique heroës: quibus non cum hominibus, sed cum belluis, hominum speciem mentientibus, & cum harpyis, contactu suo omnia fœdantibus, dimicandum fuit.

Enimvero favit justissimæ causæ Deus. Propitio pugnatum est Marte. Pulsa, fusa, fugata, profligata, æternæque mancipata nocti infausa Erebi monstra sunt. Victores autem pro coronis, laureis, ovatione, triumpho, ut cujusque dignitas & merita fuerant, immortalem adepti gloriam, trophæa perennaturæ laudis in honoris fano ad Memoriarum aram feliciter suspenderunt.

Ex eo tempore fecundo ipsis otio frui licuit : quod, missis scholarum odiosis & inutilibus jurgiis, indagandæ rerum naturæ, & expandæ impenderent veritati. Ea autem veritas nusquam se patet explicatius, quam ubi animum nanciscitur ab altercationum æstu tranquillatum, & præjudiciis affectibusque vacuum. Hac via conigitur, ut disciplinæ propemodum omnes, pomœria sua ulterius promoveant, & insigni nitoris incremento auctæ ornataque sint.

PHILOSOPHI, valere jussis elenchorum Sophisticorum trophis, & subtilibus, si vultis, at spinosis, nulliusque bonæ frugis argutiis, placidæ supremi Numinis, in rerum natura intimoque mentis recessu sese patefacientis, contemplationi vacare; & totam rerum universitatem animo complexi, generales cunctorum quæ exstant actiones casto sermone exponere; atque in ipsa maximorum Dei operum viscera incredibili sagacitate penetrare, latentesque rerum causas indefessa industria eruere cœperunt. Naturam, non ex otiosorum hominum, intra claustrum se sui angustias temere jactantium, futilibus commentationibus, sed ex rerum ipsarum inspectione, & variorum sæpiusque repetitorum experimentorum comprobatione, explicantes. Ad quam rem plurimum utilitatis conferre microscopia, quorum, si non inventio, certe exactitudo communiorque usus, sæculi nostri felicitas est, nemo, opinor, ingenuus negaverit. Horum enim operum oculis subjiciuntur fidelibus minimarum particularum minutia, quæ vel Lynceum hætenus visum effugerant, & sine his effugissent æternam. Quæ tamen detectæ conspectæque, uti nunc sunt, rationem quæ corpora generantur, nutriuntur, crescunt, & loco sese movent, in admirabili luce collocant: infinitamque viventium animalculorum, in omnibus fere corporum animalium partibus sese motitantium, multitudinem, cum effectuum suorum innumerabili varietate, ob oculos ponunt, non sine stupore spectantium. Atque hoc quidem modo nobilitata ætate nostra Philosophia est.

Sed & MEDICINA habet quorum accessione majorem se in modum locupletatam esse gaudeat. Opis meæ non est ut singula cœmerem. Prætermisissis cæteris, unica illa observatio de perpetua sanguinis circulatione per arterias & venas, suis præditas valvulis, quarum illæ a corde versus extrema, hæ ab extremis versus cor aperientur; unica, inquam, ista observatio, nescio an prorsus ignara veteribus, certe neglecta posterioribus, nunc autem industriorum hominum experimentis clarissime demonstrata, quanti ad rem omnem Medicam momenti sit, quis est qui nesciat?

dam dici posse arbitratus sim. Sed parcendum esse existimavi vitarum modestiæ, & declinandam mihi, sive laudis, sive silentii indidiam. Hoc unum addidisse sufficiat:

Habet etiamnum Belgica nostra quod cœlo imputet. Profecto aliunde Musæ lares hic suos fixisse videntur. Nusquam locorum sanctiora iis exstructa templa, nusquam castiores dati sacerdotes, nusquam reverentius ac religiosius habitæ sunt. Neque immerito dubitemus, an ulla uspiam in terris regio tantam bonarum simul artium ubertatem, tantam doctissimorum in omni facultate virorum celebritatem, tantam illustrium Scholarum florentiumque Academicarum, in quibus, apage livor! nostra hæc vix ulli concedit alteri, frequentiam, in tam exiguo tractu conspexerit.

Atque hæc quidem ita a me disputata sunt, Auditores, ut ceteras disciplinas suo æstimaverim pretio, at THEOLOGIÆ meæ nullam hæcenus injecerim mentionem. Nolim autem existimetis quod me oblitum fuisse, aut oblivisci potuisse, sapientiæ, cui a teneris catus unguiculis, cui innutritus sum, in qua omnes spes, opes & deliciæ meæ sitæ sunt, quam ultra quadraginta annos in Ecclesiâ, & viginti tres in plus una Academia summa cum voluptate docui, & in cujus jucundissimis amplexibus animam exhalare, solationum meorum ultimum erit. Judicio itaque factum est, quod eam, quamvis omnium principem, in extremum hunc locum seposuerim; quippe præcipua mihi cura dicendam esse memineram.

Credo equidem, provido sapientissimi Numinis consilio facultibus cæteris tam fulgidam accensam fuisse facem, ut THEOLOGIÆ potissimum prælucere: cujus majestati quo obsequiosiore se cultu submitunt, eo se plus laudis ac gloriæ habituras esse sciant. Neque profecto officio hic suo defuerunt illustres animæ; quæ, quidquid in Philosophia invenerant solidi, quidquid in antiquitate Hebrææ, Græcæ, Romana eruditi, quidquid in arte Hippocratica, aut juris civilis prudentia, quod aliqua se cum sacris nostris literis affinitate commendaret, id omne ad eas illustrandas insigni dexteritate contulerunt. Atque ita usu venit, ut Theologia, suis cæteroquin opibus contenta, nunc exoticis quoque divitiis, velut opimis spoliis, locupletata, cultius quam unquam in publicum prodierit, majestatisque suæ confessionem æmulis etiam atque invitis extorserit. Proh sanctissimum opumque Numen! quanto intervallo Divinæ istius tuæ, cœlitusque revelatæ doctrinæ peritia, non modo a præteritorum nuper seculorum pudenda ac plus quam Scythica ignorantia, sed & ab ejus ætatis quæ Apostolicam proxime secuta est luminibus, determinatur? Nunquam cœle-

eccelestes veritates purius enucleatæ; nunquam sapientissima earum connexio clarius demonstrata; nunquam Divinarum cum hominibus fœderum ratio, eorundemque diversa dispensatio, illuminatius exposita; nunquam errores solidius confutati; nunquam veri Scripturarum sensus diligentius indagati, feliciusque in lucem producti, quam hoc seculo sunt.

Non postulo, Auditores, quippe quod nullo mihi jure postularem, ut judicio in hac causâ meo plus deferatis, quam ipsis vobis æquum esse videbitur. Dicam tamen quod sentio: atque ita dicam, ut orationi quidem meæ sua, quam hominibus ingenuis negare nefas est, libertas constet; omnem tamen livorem ac scævitatem, obtrectandique lubidinem, quæ honesta pectora dedecent, procul esse appareat. Enimvero fateor in pervolvendis Patrum, quos vocant, scriptis non trivisse me ætatem; cum quod laboriosissimæ vitæ occupationes haud tantum mihi abs re meâ otii concederent, tum quod meus me genius, ne quid dissimulem, alio magis studiorum genere delectatus, eo non duceret traheretve. Legi tamen, neque perfunctorie legi, partem non contemnendam eorum, quæ tam Orientalis quam Occidentalis, tam Græcæ quam Latinæ Ecclesiæ cordatissimi Doctores pro exponenda, tuenda, vindicandaque Evangelii veritate scripserunt. Legi quæ in Veteris Novique instrumenti libros quosdam commentati sunt: legi quæ hæreticis, sanctissimarum tabularum corruptoribus ac calumniatoribus, opposuerunt.

Profiteturque, maximopere me aliquando affectum fuisse eo pro Divini nominis gloria zelo, ea animi bene persuasi firmitate, ea fidei, si Græca hic mihi voce uti liceat, *πληροφορία*, quæ plerumque in libris ipsorum elucent. Unde ægerrime semper eorum institutum tuli, qui quavis, non data solum, sed & quæsita, occasione, in Patrum nævis detegendis ingloriam diligentiam exercuerunt. At ignoscant mihi sanctorum Heroum candidissimæ animæ, si nostro huic seculo quendam, quo carendum ipsis fuit, felicitatis gradum Divina munificentia obtigisse pronunciem. Jecerint illi eruditionis Theologicæ fundamenta; non abnuo. Viam straverint accuratiori indagationi; non repugno. Polluerint ingenio atque industria; ipse ego laudibus ista meis majora esse prædico. At certe non pauca esse, neque exigua, quæ nostris nunc Theologis, ex omnibus antiquitatis, præcipue Orientalis, recessibus, incredibili labore eruta, & ad oraculorum nostrorum mentem exponendam feliciter adhibita sunt, priscis autem illis ne fando quidem audita erant, nemo, nisi inexpertus, aut oppido cervicosus, inficias iverit. O quam beatos sese ipsi illi Veteres prædicavissent, quanto

quanto exultavissent gaudio, in quas immortali Deo gratias se effundissent, si ex omnibus illis, quibus nos nunc abundamus, Christianæ religionis institutionibus, Hæreticorum refutationibus, in sacris literas commentationibus, pauculas quasdam, sed insigniores, percurrere datum iis fuisset! Facile mihi foret, Auditores, copiosa oratione cuncta ista amplificare, exemplisque firmare omni exceptione majoribus: sed thesauris nostris tacita incubare lætitia malo, quam intempestiva facundia provocare invidiam.

At nulla me res impedire debet, quo minus vestrum omnium nomine, quotquot non iniqui Divinæ beneficentiæ æstimatores estis, gratias Deo immortali, omnis veræ sapientiæ largitori, & habeam & agam gratissimas, pro incredibili illa disciplinarum omnium ubertate, qua seculum & Belgium nostrum, & quid ni addere liceat, nostram quoque Academiam, tam insigniter beavit: ipse modo suis favet muneribus, tantisque bonis addat perpetuitatem.

Atque hæc quidem de præclara literarum hoc seculo felicitate dicta nobis sunt. Ea tamen lege, ut nequaquam dissimulemus ingentes istas calamitates, quibus huic quam prædicamus felicitati de splendore suo plurimum decessit; & quas infausta properantis ruinæ omnia esse, prudentissimi viri, non sine ratione, metuunt. Abutimur enim, Auditores, abutimur Divinæ beneficentiæ muneribus, eoque non modo non in honorem, sed & in contumeliam vertimus donantes.

Quotusquisque eorum qui ad copiosum hunc optimarum artium mercatum invitantur, tam beati temporis opportunitatem redimit, debitaque diligentia abunde sibi de iis rebus prospicit, quibus eruditionis famam tueri, & egregium publicum promovere queat? *Puilli* plerumque animi studiis dicata juventus est: multis præclare se rem gessisse arbitrantibus, si artis quam professuri sunt elementa eatenus memoriæ impresserint, ut, qualicunque eorum in examinibus redditatione, lauream Academicam, aut dicendi pro plebe facultatem consequantur. Qui generoso molimine ad artis suæ culmen adspirant, & nil volentibus arduum esse credentes, ad sublimia quæque indefesso conatu enituntur, ex immensa aliud agentium multitudine vix totidem sunt, quot Thebarum portas vel Nili ostia fuisse perhibent. Maçti isthac virtute estote, Adolescentes Nobilissimi, urgete tam laudabile institutum, fulcite labantia studia, & sustinete spem non de generis posteritatis. Quo pauciores estis numero, eo magis conspiciendum erit decus vestrum, vestraque ista strenuitate vel reparabitis ignavorum illorum infamiam, vel certe incutietis illis ruborem.

Ceterum

Cæterum non sola hic juventutis culpa est : quæ & levis & excusabilis videri potest , si cum aliorum quorundam agendi ratione conferatur , qui stationem illustrem , & celebre in Republica literaria men habent.

Nam & eos quandoque videas moribus parum honestos , fastu decoro turgidos , gloriosulos sui jactatores , invidia liventes , factionibus implicitos , de rebus nihili temere litigantes , acerbis se invicem convitiis proscindentes , quoties ad scribendum se accingunt calami non salubri atramento , sed fucco loliginis atræ tingentes , alios aliorum famam maledicis libellis & carminibus grassantes , & quamta vita ambitiose quæsierant , faventibusque multorum judiciis obtulerant , eruditionis laudem , quasi animi gratia sibi invicem erepturantes. Nullo profecto operæ pretio , nisi quod , detesta utrinque ditare , aliorum se cachinnis ac sibilis , aliorum fastidio & contemptui ponant. Unde in animis illiteratorum quidem , at catorum & prurientium hominum , facile nascitur foveturque probrosa ista ordini novo opinio , nullos sæpe minus sapientes esse , quam qui sapientiam rebus ad pompam compositis publice promittunt. Mea sic est sententia , Auditores , ludicris id genus ac pudendis certaminibus , majestatem literarum , quam sanctam atque inviolabilem servare oportuisset , irrimum lædi atque imminui.

Sed nec hæc , quantumvis magna , præcipua tamen fundi nostri , lachryma est.

Graviora longe mala ex abusu CRITICES & PHILOSOPHIÆ nascuntur.

Quæ disciplinæ si in homines modestos inciderint , ac suis se contentant terminis , dici satis non potest , quam salubriter lucem suam in omnem rem literariam diffundant : sed si arrogantium ingeniorum prositati famulari cogantur , tum nefando earum abusu non cæteris modo facultatibus ad civilem vitam pertinentibus , sed & sacratissimis oculis nostris , totique adeo religioni , præsentissimum creatur crimen.

Audax hominum genus CRITICORUM natio est , nihil sibi nisi in omnes & omnia permissum esse temeraria præsumptione finis. Nihil vel profanum , vel sacrum est , quod violentas ipsorum manus evadat. Nihil tam exiguum aut humile , quod infra curam non positum esse arbitrentur , circa verborum tricas & literarum apiculis totos dies insaniens. Nihil rursus tam grande atque excelsum , quod non pædagogicæ ferulæ subjiciant. Postquam superbientis anilubidinem in secularibus scriptis male mutandis (ipsi corrigere

vocant) expleverunt; pari confidentia in sanctissimorum oraculorum arcana volumina involant. Quorum orationem, addendo, demendo, transponendo, fingunt ac refingunt pro lubitu. Idque sine ulla aliorum codicum auctoritate, contra antiquissimarum versionum fidem, contra vetustissimorum interpretum consensum, sola nixi hariolantur audacia. Ea tamen artis suæ fiducia, ut non minora in Moſen & Davidem, in Petrum & Paulum ausi ſint, quam in Polybium & Livium, in Ariſtophanem & Plautum. O indignam neque ferendam cœleſtibus viris contumeliam! qui Divino Spiritu afflati entheum aliqui ſonant, ſupra hominem loquuntur, ſuæque ſe majeſtate a miniſtris Pædagogorum ceris facile vindicant.

Non decet enimvero, non decet hominem Chriſtianum in cingendo ſanctorum vatum ſermone ad omnes Grammaticorum vel Diſlecticorum regulas nimis eſſe ſcrupuloſum. Conſtat orationi ſacræ ſapientia, &, vel invitis iſtis magiſtellis, conſtabit æternum; quavis jejuna ſcholarum præcepta, velut infra ſublinitatem ſuam poſita, ſecure deſpiciat. Sapientia iſta in abdito eſt: quam, niſi fodienſes, & ſcrutando non aſſequaris. Ubi autem aſſecutus fueris, ſimul intelliges, non potuiſſe eam rem convenientioribus exponi verbis, iſta ſaltem ætate, & pro iſtius, cui primum deſtinata fuerunt, populi genio.

Verum utinam intra hos terminos manſum fuiſſet! Latius graſſata peſtis eſt, quam ut ſe verborum aut commatum aliquot transformatione contineri ſiverit. Integras odas, integros libros adortur, eoſque critico veru crudeliter tranſfixos ex Divinorum voluminum albo, dictatoria auctoritate, expungit: ac, ne quid deeſſe videatur impietati, myſtica carmina, quibus caſtiſſimi Chriſti & Eccleſiæ amores elegantiffime pinguntur, cum Polyphemi fiſtula, ſuos erga Galatæam furores Cyclopiceis modulis ludente, iniquiſſima comparatione contendit.

Exhorreſcitis, video, Auditores. Vix mihi, vix auribus veſtris habetis fidem. Tantæne unquam uſpiamve in ſacraſſima oracula injurias maledico ore evomi, ab hominibus, ſapientiam & Chriſti ſimul religionem profeſſis! Imo vero, credite mihi, Auditores, & cetera ſunt quæ dixi, & pauca de iſto genere. Nec clam, quod fortaliſ ſuſpicamini, in angulo, apud conjurata ſectæ myſtas muſſitantur: ſed jaſtantur in publico, typis excuſa proſtant, omnium teruntur manibus, &, quod impietatis ſaſtigium eſt, pro non vulgaris ſapientiæ argumento habentur. O ſeculum! O mores!

At non minora eorum flagitia sunt, qui Philosophico fastu inlari, tantum sibi in res ipsas Divinis voluminibus comprehensas, quantum Critici in verba & stilum, licere postulant. Hi rationis suæ vana, quantumvis curta, cuncta sibi metienda sumunt. Et quod Philosophiæ, quam quisque pro captu sibi suo fingit, scitis minus consentaneum videtur, id mox ut Deo indignum rejiciunt, tametsi discretissimis verbis a sanctis Dei hominibus inculcatum sit.

Ex his principiis ingens Mosis dica scribitur, super iis quæ de rerum omnium origine, & mundi solo Dei nutu conditi ordine, quæ de primorum parentum per serpentem seductione, quæ de orbis terrarum universali diluvio inundati interitu, quæ de Lothi uxore in salis statuam conversa, quæ de prodigiis in Ægypto & Arabiæ deserto factis, scripta reliquit: eaque vel palam falsi postulantur, vel alienissima interpretatione ita torquentur, ut alia omnia menti repræsentent quam clara præ se fert verborum simplicitas. Quidquid in stupendis summi Numinis operibus admirandum est, id vel albis dentibus, uti absonum, rideretur, vel omni admirabilitate sua spoliatur, ut naturæ legibus, quas ad unguem se callere jactant, non minus respondeat quam ea quæ cottidie usu venire videmus. Ipsa denique Religio Christiana, mysteriis suis omnibus exuta, in mere naturalem & rationalem Numinis cultum, si modo Numinis cultum, convertitur.

Quis dubitat, Auditores, quin ad totius religionis internecionem, ad pietatis ac sanctimonix extirpationem, ad salutis nostræ interversionem, comparata sint hæc omnia? Quibus tamen dici non potest quam multi capiantur, qui rarioris, liberæ ac generosæ cujusdam sapientiæ nomen affectant. Eo autem periculosiora sunt, quod tot simul pestibus compescendis nulla usquam idonea & efficacia satis inveniantur remedia. Deum, ipsum Deum intervenire oportet, ut, si quid adhuc integrum superest, a lue præservet, grassantis pestilentix imperum sistat, impendentemque capitibus nostris supremam necessitatem propitius avertuncet. Ab hominibus enim quæ tandem spes salutis restat?

Ea, si non aliunde, à THEOLOGORUM saltem ordine expectanda foret. Hos decebat junctis animis, manibus, armis, ad laborantis causæ tutelam, quasi ad ararum focorumque defensionem, concurrere. Et ad eum modum pro sacris, custodiæ suæ concreditis, pugnare, ut non minora lucis quam fervoris, prudentiæ quam zeli, mansuetudinis quam fortitudinis exempla ederent. Ut denique non suos sibi triumphos, sed Dei gloriam, veritatis patrocinium, pacis studium, communisque salutis promotionem cordi esse, omnibus cu-

ris, consiliis, actionibus suis, palam facerent. Utinam, dum Hannibal portis imminet, cessarent nunc saltem intestina illa super minoris momenti controversiis dissidia, de quibus, incolumi religione ac pietate, placide transigere satius esset! Utinam componerentur tandem acerba illa, & plus quam civilia, quia fraterna, bella, nullos unquam habitura triumphos! Utinam aliquando cœlestium virorum animos amor ille quo cœlum tegitur regat! nullaque ab hinc deprehendatur æmulatio, præter unam hanc, ut commissas sibi quisque partes, procul ambitione, optime tueatur; ut veritati simul & paci sanctissime litet; ut eam qua præditus est sapientiam, pulcherrimis mansuetudinis, æquitatis ac charitatis fructibus, tanquam certissimis Divinæ originis argumentis, cœlo asserat. Cæterum hæc quæ calidis optamus suspiriis, quorumque ardentissimo desiderio languidi fatiscimus, voti, proh! dolor, voti magis quam spei sunt: nisi quæ spes quandoque nostras transcendere amat Dei Optimi Maximi-que benignitas, nec opinantibus nobis, desperatis conclamatique rebus succurrat.

Quæ quum ita se habeant, expensis nunc partis utriusque rationibus, utrum prædicanda sit Reipublicæ literariæ felicitas, an deploranda potius illiusdem calamitas, vos ipsi, Auditores, pro prudentia vestra & æquitate arbitremini.

Si meæ poscitis sententiæ prærogativam, neque defugere responsionem licet; sic habete. Non absimilem Rempublicam literariam hoc tempore videri navi affabre factæ, pretiosisque mercibus probe onustæ, & cursum desideratam versus patriam tenenti, sed quam gubernatores, nautæ, vectores, aliis cessantibus, paucis Dei hominum-que fidem frustra inclamantibus, nefario ausu spoliant, & de partientibus mercibus scelerate altercantes, omisso gubernaculo ventis exponunt, allidendam cautibus, absorbendam fluctibus, aut diripiendam prædonibus.

Quotiescunque præclaram illam rerum Divinarum humanarum-que notitiam, nulla invidia seculo nostro abjudicandam, animo intueor, toties exclamare lubet, o splendidam lucem ab ipso Patre luminum clementer nobis accensam! o beatos, si bona sua norint, iisque recte utantur, mortales! Ubi vero animum converto ad plerorumque eruditorum, ingenio & literis suis abutentium, superbiam, acerbitatem, convitiandique lubidinem; ubi considero quantum noxæ a subtilibus & ad omnem nequitiam edoctis insanientis sapientiæ magistris sanctissimæ religioni nostræ, omnique rei Christianæ inferatur; prope est ut mallet nullas exstare, quam cum tam detestabili earum abu-

sa, literas : eosque agnium felicitates esse pronunciem, qui
tal eruditorum commercio, nil nisi Deum in Christo cognoscent
& amantes, sancta mentis simplicitate saluti suae promovendae uni-
acumbunt.


Dixisse me dicerem, Auditores, nisi meminissem solenni hoc
ponendos mihi Fasceis esse, Academici, quem hoc anno gessi,
istratus insignia. Eos, Nobilissimi & Amplissimi urbis hujus
sules & Senatores, Inclutae hujus Academiae Curatores, ad vestros
ono pedes, illi abhinc praegestandos cui dignitatem eam destina-
s. Ego equidem pro insigni isthoc praestito mihi honore, caete-
ue beneficiis vestris, tam prolix & munifice in hunc hominem
tis, immortalis Vobis habeo & ago gratias. Quas quum nisi
s referre non possim, D. O. M. supplex veneror, ut vos Reipu-
re, Rempublicam vobis diu sospitet. Floreat semper Academia
ra docentium celebritate, fide, concordia; discipulorum frequen-
tate, modestia: omnium ordinum ad virtutis ac sanctimoniae
ium amica conspiratione.

D I X I.



A a a a 3

IN



INDEX LOCORUM SACRÆ SCRIPTURÆ

*succinctius, aut prolixius hoc in Opere
illustratorum, & explicatorum.*

E			Cap.	Verf.	Pag.
GENESI,					
Cap.	Verf.	Pag.			
VI:	9.	378	XVII:	19.	156
IX:	25.	325	XVIII:	19.	153
XVII:	19.	386	XXI:	2, 3.	47
XVIII:	1.	390	XXXVI:	6.	377
XXI:	1.	29			
XXIV:	23.	160	DEUTERONOMIO,		
XXXIII:	18.	189, & seqq.	IV:	30, 31.	40
XLVIII:	16.	101	VI:	40.	379
			VII:	25.	473
EXODO,			XI:	26.	47
VIII:	11.	33	XXVIII:	24.	339
XXIII:	31.	339	XXXII:	64.	338
XXXIII:	14.	100	XXXII:	22.	421
			XXXIX:	20.	22
LEVITICO,			XXXIII:	8.	378
X:	17.	597		12.	206
XXI:	14.	377			
XXVI:	44, 45.	40	LIBRO JOSUA,		
			VI:	17, 18.	45
					XV:

INDEX LOCOR. S. SCRIPT.

	<i>Verf.</i>	<i>Pag.</i>	<i>Cap.</i>		<i>Verf.</i>	<i>Pag.</i>
	63.	194, 199			8.	228
II:	28.	<i>ibid.</i>	II:		64, 65.	225
			IV:		5.	226
I.	25.	<i>ibid.</i>			13.	228
			VI:		22.	167
LIBRO PRIMO SAMUELIS,			X:		8.	47
:	4.	29				
:	37.	156		LIBRO NEHEMIAE,		
LIBRO SECUNDO SAMUELIS,			V:		7.	229
	6.	195, & <i>seqq.</i>	XI:		4.	199
V:	24.	<i>Collat.</i> I. Chron.		LIBRO ESTHER,		
	XXI: 25.	198				
LIBRO PRIMO REGUM,			I:		6.	26
	22.	208		LIBRO JOB,		
	5.	<i>Collat.</i> I. Chron.	X:		17.	18
	XXXI: 16.	39	XIX:		25.	92
	24.	338		LIBRO PSALMORUM,		
	42.	47	II:		12.	160
LIBRO SECUNDO REGUM,			VI:		4.	37
	29.	150	XIII:		2, 3.	<i>ibid.</i>
V:	12, 14.		XVII:		15.	550
			XVIII:		9.	22
LIBRO PRIMO					30.	196
PARALIPOMENON,			XXII:		2.	606
:	19.	81			29.	416
:	4.	375	XXV:		6.	640
II:	16.	360	XXVII:		8.	29
			XXXIX:		14.	32
LIBRO SECUNDO			XL:		7, 8.	29
PARALIPOMENON,			XLVIII:		3.	199, 200.
:	16.	375	LXVIII:		7, 9.	417
VI:	18.	225			68, 69.	206
			LXIX:		4, 5.	596
LIBRO ESRAE,			LXXII:		8-II.	339
	2.	224	LXXIV:		I.	22
					LXXX:	

INDEX LOCORUM

Cap.	Verf.	Pag.	Cap.	Verf.	Pag.
LXXX:	5.	37		9.	318
LXXXVI:	2.	378	XLII:	19, 20. <i>Collat.</i>	
XC:	13.	37		Verf. 1, 2.	36
XCIII:	1.	416	XLIII:	28.	47
XCIV:	10.	472	XLIX:	8.	84
XCIX:	1.	9	L:	11.	31
CX:	2.	318	LI:	1.	418
CXXXII:	13, 14.	206	LII:	4.	167
CXXXII:	7.	286		7.	416
CXLI:	5.	196		14.	597
CXLIX:	2.	132	LIII:	12.	600
			LIV:	5.	132
SALOMONIS PROVERBII,				11.	210
XX:	17.	471	LIX:	19.	317
				21, 22.	340
ECCLESIASTE,			LX:	13, 17.	210
VII:	22.	471	LXVI:	18, 19.	317
XI:	2.	172			
	9.	31	JEREMIA,		
XII:	1-7. 131, & seqq.		I:	10.	34
			VII:	16.	30
JESAIA,				33.	<i>ibid.</i>
II:	2, 3.	317	XVII:	1.	471
IV:	4.	421	XXVII:	7.	221
VI:	1-13. 2, & seqq.		XXII:	18, 19.	213
VII:	8. 32, & seqq.		XXIV:	5, 6.	221
	20.	15	XXV:	17, 18.	222, 223
XI:	9.	339	XXXI:	31-33.	449
	15.	365		35, 36.	40
XIX:	23-25. 173, & seqq.		XXXII:	39, 40.	488
XXI:	7, 9.	224	XLVI:	28.	221
XXIII:	17.	338	LII:	28-30.	220
XXIX:	10. <i>Collat. Rom.</i>				
	XI: 8.	36	THOMAS JEREMIA,		
	13.	30	V:	16.	23
XXXII:	3.	32			
XXXVI:	1.	399	EZECHIELE,		
XL:	6.	398, 412	V:	3.	221
			X:	7.	27
					XII:

SACRÆ SCRIPTURÆ.

	Pag.	Cap.	Vers.	Pag.
16.	221	Iv:	1.	421
39.	31		5, 6.	407
2.	200		MATTHEO,	
17, 18.	26		1.	398
3.	ibid.	i f t:	4.	399
DANIELE,			2.	403
38, 39.	338		11.	419, & seqq.
44.	416		15.	403
18, 22.	ibid.	vii:	14.	61
16.	381		14.	403
21.	381	x:	16.	403
13. 103, 107, 384.	384	xiii:	14.	39
1.	97	xvi:	3.	406
HOSEA,		xix:	17, 18.	379
5.	40	xx:	22.	421
JOELE,		xxii:	36-38.	379
17.	421	xxvii:	35.	379
MICHA.		xxiv:	39.	40
8.	410	xxv:	14.	319, 345
475. 171, & seqq.	410	xxvi:	45.	408
ZEPHANJA,		xxviii:	2.	ibid.
9, 10.	317		17.	199
ZACHARIA,			18, 19.	318
12.	37		MARCO,	
1, 2.	98, 101		6.	399
10.	317		10.	320
4.	386		15.	318, 320
9.	317, 340, 416		19.	609
12.	340		LUCA,	
MALACHI,			2.	39
11.	317		3.	403
1.	9.		6, & seqq.	378, & seqq.
Tom. II.			15.	500, & seqq.
			17.	497
			26.	163
			1.	348
		Bbbbbb	III:	

INDEX LOCORUM

Cap.	Vers.	Pag.	Cap.	Vers.	Pag.
LXX:	5.	37	XLII:	9.	31
LXXIV:	2.	378	XLII:	19, 20. Collat.	36
XC:	13.	37	XLIII:	Verf. 1, 2.	47
XCIII:	1.	416	XLIX:	28.	84
XCIV:	10.	472	L:	8.	31
XCIX:	1.	9	LI:	11.	418
OX:	2.	318	LII:	1.	167
CXXXII:	13, 14.	206	LII:	4.	416
CXXXII:	7.	286	LIII:	7	597
CL:	5.	196	LIII:	14.	608
CLIX:	2.	132	LIV:	12.	132
SALOMONIS PROVERBIIIS,			LIV:	5.	210
XC:	17.	471	LIX:	11.	317
ECCLESIASTE,			LIX:	19.	340
VII:	22.	471	LX:	21, 22.	210
XI:	2.	172	LXVI:	13, 17.	317
XII:	9.	31	JEREMIA,		
XII:	1-7. 131, & seqq.	31	I:	10.	34
JESAIAS,			VII:	16.	30
II:	2, 3.	317	XVII:	33.	471
IV:	4.	421	XXVII:	1.	221
VI:	1-13. 2, & seqq.	421	XXII:	7.	213
VII:	8. 32, & seqq.	15	XXIV:	18, 19.	221
XI:	20.	339	XXV:	5, 6.	221
XII:	9.	365	XXVI:	17, 18.	222, 223
XIX:	15.	365	XXXI:	31-33.	449
XXI:	23-25. 173, & seqq.	224	XXXII:	35, 36.	488
XXIII:	7, 9.	224	XLVI:	39, 40.	231
XXIV:	17.	338	LII:	28.	230
XXV:	10. Collat. Rom.	36	THOMAS JEREMIA,		
XXVI:	XI: 8.	30	V:	16.	33
XXVII:	13.	32	EZECHIELE,		
XXVIII:	3.	392	V:	3.	27
XXIX:	1.	398, 412	VI:	7.	XII:
XL:	6.				

SACRÆ SCRIPTURÆ.

Cap.	Verf.	Pag.	Cap.	Verf.	Pag.
XII:	16.	221	IV:	I.	421
XX:	39.	31		5, 6.	407
XL:	2.	200	MATTHÆO,		
	17, 18.	26	III:	I.	398
XLI:	3.	ibid.		4.	399
DANIELE,				9.	403
II:	38, 39.	338	II.	419, & seqq.	
	44.	416		15.	423
VII:	18, 22.	ibid.	VII:	14.	650
VIII:	16.	385		24.	408
IX:	21.	383	X:	16.	ibid.
X:	13. 103, 107, 384.		XIII:	14.	36
XI:	1.	97	XVII:	3.	406
HOSEA.			XIX:	17, 18.	379
III:	5.	40	XX:	22.	421
JOELE,			XXII:	36-38.	379
II:	17.	421	XXIII:	35.	372
MICHA.				39.	40
III:	8.	410	XXIV:	14.	319, 345
V:	4, 5. 171, & seqq.			45.	408
ZEPHANJA,			XXV:	2	ibid.
III:	9, 10.	317	XXVI:	17.	199
ZACHARIA,			XXVIII:	18, 19.	318
I;	12.	37	MARCO,		
III:	1, 2.	98, 105	I:	6.	399
IX:	10.	317	XIII:	10.	320
XIV:	4.	286	XVI:	15.	318, 345
	9.	317, 340, 416		19.	609
	12.	140	LUCA,		
MALEACHI,			I:	2.	90
I:	II.	317		3.	442
III:	I.	9		6, & seqq. 378. & seqq.	
Tom. II.				15.	500, & seqq.
				17.	407
				26.	103
				I.	348
			B b b b b	III:	

INDEX AUCTORUM

*qui hoc in Opere laudantur, notantur, expli-
cantur, illustrantur, emendantur,
refutantur.*

A.

A Barbanel.
Aben Ezra.
Abulensis.
Acta Eruditorum Lipsiensia.
— Synodi Carthaginensis.
Ælianus.
Æschylus.
Agatharchiades.
Albertus Aquensis.
R. Alphes.
Altingius.
Amelius.
Amesius.
Ambrosius.
Ammianus Marcellinus.
Ammonius.
Amyraldus.
Anselmus.
Antonius Nebriffensis.
Apollinaris.
Apulejus.
Appianus.
Aquila.
Arias Montanus.
Aristophanes.
Aristoteles.
Arnaldus.

Arnobius.
R. Asai.
Asclepiades.
Athanasius.
Athenæus.
Avenarius.
Aventinus.
Avicus.
Augustinus.

B.

B Aal Aruch.
Babha Bathra.
Bailius.
Balsamon.
Baronius.
Barlaamus.
Barlæus.
Bartholinus.
Basilius.
R. Bechai.
Beda.
Bereschith Rabba.
Bernardus.
Beza.
Bellarminus.
Benjamin Tudelenfis.
Bentlejus.

II * LOCORUM SACRÆ SCRIPTURÆ.

INDEX AUCTORUM

*in hoc in Opere laudantur, notantur, expli-
cantur, illustrantur, emendantur,
refutantur.*

A.

Barbanel.
Aben Ezra.
Abulensis.
Acta Eruditorum Lipsiensia.
Synodi Carthaginensis.
nus.
rylus.
harchiades.
rtus Aquensis.
Alphes.
ngius.
lius.
sius.
rosius.
nianus Marcellinus.
nonius.
yraldus.
lmus.
onius Nebriffensis.
llinaris.
lejus.
ianus.
ila.
s Montanus.
tophanes.
toteles.
aldus.

Arnobius.
R. Asai.
Afclepiades.
Athanasius.
Athenæus.
Avenarius.
Aventinus.
Avirus.
Augustinus.

B.

BAal Aruch.
Babha Bathra.
Bailius.
Balsamon.
Baronius.
Barlaamus.
Barlæus.
Bartholinus.
Basilius.
R. Bechai.
Beda.
Bereschith Rabba.
Bernardus.
Beza.
Bellarminus.
Benjamin Tudelensis.
Bentlejus.

B b b b 3

Ber-

INDEX AUCTORUM.

Jalkut.
 Jamblichus.
 Jarchius.
 R. Jochanan.
 Johannes Gerhardi.
 Joma.
 R. Jonathan.
 Jore Deah.
 Josephus.
 — Albus.
 — Voisin.
 R. Juda.
 Julius Cæsar.
 Junius.
 — Patritius.
 Jurieus.
 Justinianus.
 Justinus.
 — Martyr.
 Juvenalis.

K.

KImchius.
 Kircherus.
 Knatchbul.

L.

LAstantius.
 Lanfius.
 a Lapide.
 Latus.
 Lekach Tobh.
 Leo de Modena.
 R. Leo Mutinensis.
 Lerus.
 Ligtfootus.
 Lipsius.
 Liturgia Belgica.
 — Gallica.
 Livius.
 Lipmannus.

Lomeyerus.
 Lorinus.
 Lucianus.
 Luitfius.
 Lyra.
 Lyranus.

M.

MArinæus.
 Marinus.
 Mafius.
 Maximus.
 Maimonides.
 Marckius.
 Marcus Antonius.
 Marloratus.
 Marshamus.
 Martialis.
 Martinius.
 Matthæus Parisiensis.
 Menagius.
 R. Menahem.
 Menasse Ben Israel.
 Mercerus.
 Meyerus.
 Mæbius.
 Molinæus.
 Momma.
 Mornæus.
 R. Moses Ægyptius.
 — Gerundenfis.
 Munsterus.
 Musculus.
 Mussus.

N.

NAzianzenus.
 Nicephorus.
 Nubienfis *Geographus*.
 Numantianus *Rutilius*.
 Numenius.

O. Oct

SACRÆ SCRIPTURÆ.

<i>Verf.</i>	<i>Pag.</i>	<i>Cap.</i>	<i>Verf.</i>	<i>Pag.</i>
16.	221	IV:	1.	421
39.	31		5, 6.	407
2.	200			
17, 18.	26			
I: 3.	<i>ibid.</i>	III:		
DANIELE,				
38, 39.	338		I.	398
44.	416		4.	399
18, 22.	<i>ibid.</i>	VII:	9.	403
I: 16.	381		11.	419, & <i>seqq.</i>
21.	383	X:	15.	423
13.	103, 107, 384.	XIII:	14.	659
1.	97	XV:	24.	408
		XVII:	16.	<i>ibid.</i>
HOSEA,		XIX:	14.	36
5.	40	XX:	3.	406
		XXI:	17, 18.	379
JOELE,		XXII:	22.	421
17.	421	XXIII:	36-38.	379
		XXIV:	35.	372
MICHA.		XXV:	39.	40
8.	410	XXVI:	14.	319, 345
4, 5.	171, & <i>seqq.</i>	XXVII:	45.	408
		XXVIII:	2.	<i>ibid.</i>
ZEPHANJA,			17.	199
9, 10.	317		18, 19.	318
ZACHARIA,				
12.	37			
1, 2.	98, 105			
10.	317			
4.	286			
9.	317, 340, 416			
12.	140			
MALACHI,				
11.	317			
1.	9			
Tom. II.				

Bbbbb

III:

INDEX AUCTORUM.

Semedus.
Seneca Rhetor.
 — **Tragicus.**
Serarius.
Seldenus.
R. Semlai.
Servius.
Simonius.
Simplicius.
Smalcus.
Socinus.
Socrates.
Soher Tobh.
Solinus.
Sophocles.
Sotah.
Sozomenus.
Spanhemius Pater.
 — **Filius.**
Spartianus.
Spencerus.
Stanlejus.
Stephanus.
Stobæus.
Strabo.
Struckius.
Strukney.
Sulpitius Severus.
Surius.
Suetonius.
Suicerus.
Suidas.
Syrianus.
Symmachus.

T.

T Aanith.
 Tacitus.
Talmud Tract. Berachoth.

Talmud Beth Habbechira.
 — **Cholin.**
 — **Gittin.**
 — **Maccoth.**
 — **Mila.**
 — **Middoth.**
 — **Midhrasch Tillin.**
 — **Sabbath.**
 — **Sanhedrin.**
 — **Tefschubha.**
 — **Tora.**
Tanchuma.
Targum Babylonicum.
 — **Hierosolymitanum.**
Tarnovius.
Terentius.
Tertullianus.
Theocritus.
Theodoretus.
Theodotion.
Theophrastus.
Theophylactus.
Thomas de Pinedo.
 — **Stanlejus.**
Tibullus.
Torniellus.
Tossanus.
Tremellius.
Turretinus.
Turrianus.
Twissus.

V.

V Alefius.
 Valla.
 Varro.
 Vartomannus.
 Vasquez.
 Vedulius.

INDEX AUCTORUM

Verulamius.
de Veil.
Versio Æthiopica.
—— Anglica.
—— Arabica.
—— Belgica.
—— Chaldaica.
—— LXX. Interpretum.
—— Syriaca.
—— Vulgata.

Vitringa.
Villalpandus.
Vincentius Bellovacensis.
Virgilius.
Vogelsangius.
Voetius.
Vorstius.
Vossius.

U.

URsinus. *Job. Henricus.*
Usserius.

W.

WAlæus.
Waserus.
Wardus.
Wilhelmus Tyrius.
Willetus.
Windetus.
Witzius.


X.

XAverius.

Z.

ZEgerus.
Zemach David.
Zeno.
Zoroaster.
Zwinglius.





I N D E X

Rerum, Phrasium, ac Verborum locupletissimus.

A.

A *Bia*. Fuit Abia filius Rehoboami. 212.
Quibus copiis instructus Jeroboamum vicerit. *ibid*.
Quot Æthiopes prælio commisso deleverit. *ibid*.
Hierosolymam maxime locupletavit. *ibid*.
Abrahamus. De Abrahamo insignis prædicatur pietas. 149.
Vocatus est a Deo ad possessionem terræ Canaan. *ibid*.
Accad. Urbs Accad ubi sita. 164.
Dicta etiam Nisibis. *ibid*.
Quomodo a Ptolomeo vocata, item ab Eusebio & Hieronymo. *ibid*.
Ægyptii. Ex quo principio notabilia Ægyptiorum orta sacrificia. 535.
Ægyptus. Fuit Ægyptus olim lerna semper idolorum. 174.
Multæ in Ægypto fuere Ecclesiæ florentissimæ. 175.
Quando Ægyptiis Evangelium prædicatum. *ibid*.
Hodie ibidem religio Muhammedica colitur. *ibid*.
Emblema Ægyptus est Antichristianismi. *ibid*.
Ælia Capitolina. Sic vocata ab Hadriano nova in solo Hierosolymitano extructa urbs est, cujus portæ suæ insculpi curavit: 276. quod Julæis pertinacissimæ occasio fuit rebellionis. *ibid*.
Non nisi abusive Hierosolyma vocatur. 278.

In hanc Urbem pedem inferre Judæi severa lege ab Hadriano prohibiti sunt, nisi una duntaxat quotannis die, ad miserum planctus. *ibid*.

Ænon. Describitur Ænon ratione situs. 426.

Ætas. Eorum ætas qualis, qui olim admodum fuerunt sacris, in Ecclesia Israëlita; 446. & prisca Christiana. 447.

Agar. An Sina, vel alius aliquis Arabiz mons Agar sit dictus. 113. & *seqq*.

Agar Sina potest dici ob significationis convenientiam. 117, 118.

Concinna typi (Agaris) cum antitypo convenientia. 128.

Agrippa. Cujus auspiciis Agrippa rex Judæorum creatus. 255, 256.

Ejus indoles, & mors memorabilis. 257. & *seqq*.

Ei in Judææ administratione præterito filio quissam, & quotus successerit Procurator, & a quibus missus. 258.

----- *Junior*. quibus regionibus, & a quo Imperatore, donatus hic Agrippa fuerit. 259.

Ei in Templum Summosque Pontifices potestas concessa est. *ibid*.

Æpides. Fuere *æpides* Johanni pro cibo, quæ nec arborum summitates, aut filiquas, sed locustas notant. 401, & *seqq*.

Ἀρχαίμενοι. 50.

Ala. Cur in visione Jes. vi: 2. singulis Seraphinis senæ tributæ alæ, & quis earum usus. 14, & *seqq*.

INDEX RERUM, PHRASIIUM, ac VERBORUM.

אלח. 39.

Alexander Jannæus. Fuit hic Alexander Rex Judæorum. 237.

Hic quomodo regnum suis filiis reliquerit. *ibid.*

----- *Magnus.* Tyrum obsidet. 230.

A Pontifice Judæorum Maximo commeatum petit, sed ei negatur, quidque exinde secutum. *ibid.* & 727.

Adorat nomen Jehovah. *ibid.*

Quenam privilegia Judæis concesserit. 231, & 727.

Ubinam mortuus fuerit. 231.

אלישב. 376.

אלון. 39.

Albinus. Procurator Albinus a quo, & in cuius locum in Judæa creatus sit. 260.

Ananum Pontificem Jacobi Apostoli interfectorem vehementer increpat. *ibid.*

Amasia. Quis Amasia fuerit, quibusque imbutus moribus. 212.

A Joaso Israëlitarum rege prælio victus, quos casus ipse, & urbs Hierosolyma, sit expertus. *ibid.*

America. An per Apostolos primo nascentis Christianismi seculo Evangelii præconium, vel saltem ejus fama, ad Americanas gentes penetraverit. 316.

Quod Evangelium omnibus gentibus notificatum perhibetur, illud & Americanis prædicatum esse oportet, 324, 325. nam neque inculta tunc prorsus America fuit, *ibid.* neque Americanæ gentes ulla ferali Dei sententia a salutis communione exclusæ. 325, 326.

Reliquæ sunt Veterrimi Christianismi in America, 328, 329. cujus sententiæ oppositæ difficultates. 329, 330.

America forsân Atlantis Platonis an sit. 330. Phœnicibus olim navigata. 331.

Græcis antiquis & Romanis cognita fuit, 331, 332. & in ea Romani commercii indicia. 332.

Terra quoque adiri posse aut potuisse Americam, credibile est. 334.

Quæ de veteris Christianismi reliquiis in America narrantur, fortasse ficta esse memoratur; 355. aut si vera, non sunt argumenta Christianismi. *ibid.* & 356.

Quædam eorum, aut vera aut ficta, indi-

cia sunt prævæ superstitionis. 356, 357.

Incognitam veteribus Americam fuisse, contenditur. 357.

Dicta quædam Veterum amplius probare non possunt, quam ipsos de hoc novo Orbe aliquid audivisse vel suspicatos esse; quem tamen nemo Europæorum viderit. 361, 362.

Bicipitum Aquilarum in America signa, & nummus Augusti, (de quibus pag. 332.) commentis accensenda sunt. 362.

Cur Veterum cum Americanis commercium tot seculis interruptum fuerit, causa dici non potest. *ibid.*

Non constat Americam orbi nostro cohærere, vel proximare. 364, 365.

אמון. 21.

Amygdalus. Quid Ecclesiastes Cap. xxi: 5. his verbis, florebit Amygdalus, significare velit. 141.

Ἀναλαμβάνειν, 609.

Anathema. Ἀνάθεμα (penultima syllaba correpta) & Ἀνάθημα (penultima longa) an, & quid differant: ubi antiquorum Patrum, ut & recentiorum, item Auctoris de iis vocibus opinio & ἐπίκρισις recensetur. 43, & seqq.

An qui sub Anathematis specie erant, Synagogis publicis fuerint ejecti. 48. & seqq.

----- a Christo quid sit, quotuplicesque hæc locutio significationes habeat. 51. & seqq.

----- pro fratribus, quomodo hæc phrasis explicanda. 54, 55.

Qua mente Paulus optaverit Anathema a Christo esse pro fratribus. 55, & seqq.

Anathemata. Quales Græcis erant homines ἀναθήματα. 45, 46, 535.

Angeli. Cur Angeli in S. Scriptura ut stantes describantur. 13.

An conditio eorum, gloriam Dei testata, illa fidelium, eam retestata facie, dum his in terris degunt, intuentium, minor sit. 14, 15.

Qui eis pedes adtribuuntur. 15, 16.

----- boni. Quare boni Angeli, Michaelis Angeli dicantur. 97.

Angelus Interpres. Quis sit Angelus Interpres. 107.

----- Princeps populi Israelitici. Veterum Hebræo-

I N D E X R E R U M,

bræorum de Angelo Principe populi Israelitici catechesis ; ubi notabile quid ex Tanchuma , vetusto Commentario Hebraico adducitur a Masio , & ejus acuta circa hanc rem observatio. 99, 100.

Insignis de hoc Principe Angelo est Mosis Nahmanidæ locus. 100.

Animus. Generosi animi est , a minutiis rerum terrenarum ad divina & cœlestia adscendere. 496.

Antinomi. Controversiæ , quæ , sub infaustis Antinomorum & Neonomorum nominibus , in Britannia nunc agitantur , ad quot generaliora & specialiora capita possint referri , & qui conciliari. 595. & seqq.

Antiochus Magnus. Res Judæorum quomodo se sub hoc Antiocho , ejusque successoribus habuerint. 231, 232.

----- *Epiphanes.* Miseranda ab hoc Antiocho Epiphane urbis Hierosolymæ memoratur vastatio. 232.

Ejus temporibus surrexit familia Hasmonæorum. 233.

Quanam hic Epiphanes perierit morte. *ib.*

Ἀντιόχοι. 45.

Apostoli. An semper Apostoli in dictis suis Apostolicam obtendant auctoritatem. 125. 126.

A Christo Apostoli ad Evangelium ubivis terrarum prædicandum missi , 318, 319. assignatio temporis ipsis facta est , quocurium istum suum absolvendum haberent ; 319, 320. quibus Domini jussis Apostoli paruerunt : 320. sic ut Evangelii lux non minus omnes mundi partes illustraverit quam solares radii. *ibid.* & 321.

Terrarum Orbem an inter se partiti sint , & in quam partem quilibet profectus sit. 326.

Quidam in Indiam Orientalem pervenerunt. *ibid.* alii in Occidentalem quoque penetrasse narrantur. 327.

De amplitudine regni Christi oracula ad Apostolorum ætatem arcare nefas est , 339. nonnulla agunt de senioribus temporibus : *ibid.* ergo ex iis inferri non potest absoluta Apostolicæ prædicationis universalitas , 340. quam nec mandata ad Apostolos arguunt ; *ibid.* quippe quæ

ad eorum successores etiam referenda sunt , 341. & Apostoli scriptis suis docturi sunt usque ad novissimum diem. *ibid.*

Post acceptum Spiritum S. Apostoli Hierosolymis & in vicinia substiterunt , usque ad colloquium illud , de quo Act. xv. *ibid.* & 342. quod multis annis post Christi resurrectionem habitum fuit. 343. & seqq.

In longinquas terras profectos Apostolos inde Hierosolymam rediisse , ex Sacris non constat : 344. ecclesiastica enim de istis temporibus monumenta scatent fabulis. *ibid.* & 345.

Quæ de Apostolis orbem terrarum inter se partientibus anno Claudii 2. Christi 44. narrantur , palam fabulosa sunt ; 350, 351. ut & ea quæ a singulis patrat dicuntur. 351, 352. nominatim Thomæ apud Indos prædicatio. *ibid.* & seqq.

De miraculosis Apostolorum itineribus Sacre Literæ nihil docent. 365.

Non admodum festinarunt Apostoli ad Evangelium Gentibus prædicandum. 570.

Ἀποστολῶν γίνεσθαι. 48.

----- *ποιεῖν.* 49.

Ἀποστόλοι. 45, 515.

Arauna. Rex Jebusæorum Arauna , ad quod usque tempus Hierosolymæ manserit. 197.

Ejus area Davidi ob quam rationem iacratissimus deinde locus fuerit. 198.

Quanti David aream Araunæ emerit ; qua occasione conciliatur locus 2. Sam. xxi: 24. cum 1. Chron. xxi: 35. *ibid.*

An , ubi hæc Araunæ area fuit , idem locus fuerit quo Abrahamus Isaacum ligaverit ; *ibid.* ubi plurimæ de hac re Jebusæorum traditiones. *ibid.*

Templum Hierosolymitanum postea ædificatum in hujus Araunæ area. 199.

Archangelus. Quoties Archangeli nomen in S. Scriptura existet. 95.

Non nisi unus est , & ceterorum omnium Angelorum princeps. 96.

Tubam Archangeli etiam notare posse tubam Christi , qua se Angelorum demonstraret Dominum , docetur. 106.

Archelaus. Hic Archelaus cujus in regno Judæorum successor fuerit. 252.

P H R A S I U M , ac V E R B O R U M .

Eo remoto Judæa in provinciam redacta, & Syriæ adjudicata est. 253.
 Archelaus qui in exilium pulsus, Judæa sub Procuratoribus fuit Romanis numero sex tem. 255.
Ariani. An Ariani locum 1. Joh. v: 7. expunxerint. 88.
Aristobulus. Fuit hic Aristobulus filius Johannis Hyrcani. 236.
 Primus ex gente Hasmonæa Rex, sed unius duntaxat anni. *ibid.* & 237
 Describitur ratione impietatis & infelicitatis *ibid.*
 ----- **Alexandri Jannæi filius,** Rex Judæorum, quare cum fratre de regno contenderit. *ibid.*
 Ei a Pompejo abrogatum regnum est, factumque Romanis tributarium. *ibid.* & 238.
Ἀρχιτεπὺς. Quid Ἀρχιτεπὺς apud Lucam notet. 373, 374.
Artaxerxes. Familia Artaxerxis quomodo dicta. 168.
 Instaurator fuit regni Persici. *ibid.*
 Quamdiu ejus posteritas regnavit. 169.
Asarhaddon. Cujus filius Adarnaddon fuerit, ejusque res gestæ quænam. 165.
Assur. Assyriacæ dominationis initium cur non ab Assur derivandum. 163.
 Ipsa vox quid sonet. 164.
Assyrii. Nomine Assyriorum multæ designantur gentes. 163.
 Assyriacæ dominationis initium non est ab Assur, sed a Ninive derivandum. *ibid.* & 164.
 Terræ Assyriorum elogium. *ibid.*
 Regnum Assyriacum Nimrodi quibus inclusum fuerit limitibus. 165.
 Quæ de antiqui imperii Assyriaci amplitudine, & annis primorum regum apud Eusebium dicuntur, verane sint an fabulosa. *ibid.*
 Quo tempore Assyriorum regnum in immentum creverit. *ibid.* & 166.
 Primus Assyriorum Rex cujus post Nimrodum in S. Scriptura mentio fit, quisnam sit. *ibid.*
 Ultimus Assyriorum Rex fuit Sardanapalus, filius Phulii, quem devicit Medorum Artabaces: *ibid.* & quænam regna ex ejus reversione nata sint. *ibid.*

Sub quibus regibus Assyriorum res multis accessionibus auctæ sint. *ibid.*
 Duplices reges quo tempore in Assyria fuerint. *ibid.*
 Destructa Ninive Babylonici nominis gloria increbuit, & Assyriaci evanuit. *ibid.* & 167.
 Occupato a Babyloniis regno Assyriaco, Babylonici reges Assyrii quandoque dicuntur; quippe in Assyriorum jus successerant; 167. & ob eandem causam, debellatis Babyloniis, Persæ dicti sunt Assyrii. *ibid.*
 In Assyria postea rerum potiti sunt Seleucidæ: ubi locus Num. xxiv: 25. examinatur: *ibid.* & 168. quibus successerunt Parthi, nomine Arsacidæ; *ibid.* qui distinguendi a Persis sunt. *ibid.*
 Arsacidarum familiæ successisse narratur familia Chosroorum, restituto Persarum nomine: *ibid.* sequuti sunt Saraceni in Assyria, 169. quos Turcæ tandem ex Assyria ejecerunt. *ibid.* & 170.
 Concluditur Assyrios dici posse omnes qui terræ olim ab Assyriis possessæ imperant, & consequenter Persas etiam, Saracenos ac Turcas. *ibid.*
 Vaticinia in S. Literis de Assyriis occurrentia, quousque se extendant. 171.
Atlantus. Quomodo Atlantis a Platone describatur. 357. 358.
 An America fuerit. *ibid.*

B.

Babel. Urbs Babel a quo ædificata. 164.
 Fuit principium regni Nimrod. *ibid.*
 Babylonici nominis gloria quando increbuerit. 166.
 Babylonicum regnum cum Assyriaco a quo & quando junctum. *ibid.*
 Babylonici reges, destructo regno Assyriorum, reges Assyrii quandoque dicuntur, quippe qui in Assyriorum jus successerant. 167.
 Ob eandem causam, debellatis Babyloniis, Persæ dicti sunt Assyrii. *ibid.*
 Captivitatis Babylonicæ anni variz a Viris eruditis computantur. 222, 223. ubi & ejus computationis examen. 223. & seqq.
 Baby-

I N D E X R E R U M,

Babyloniam Captivitatem quis, & quare solverit. 224.
Ob quas causas plurimi Judæorum Babylonem, captivitate soluta, manserint. 225.
Babylonii. An distinguendi sint Assyrii Babylonii & Assyrii Ninivitarum. 167.
Baldwinus. Fuit Balduinus Rex Hierosolymæ, 308.
Ejus memorantur expeditiones, ibid. & in hoc regno, donec Turcis cesserit, successores. ibid.
בבלי. 228.
Baptismus. Profelytismi Baptismus ante Johannem non videtur Divinæ institutionis fuisse. 416, & seqq.
Quæstio de Baptismi Christiani efficacia & utilitate modeste est tractanda. 482.
Quæ bona Fœderis Gratiæ Baptismo significantur & obsignentur, & quinam horum ordo sit. 489, & seqq.
Efficacia Baptismi tota moralis est, & in valida obsignatione consistit. 509.
Opinio de Baptismi efficacia Lutheranorum, Ludovici le Blanc, & Petri Juriei; & opinionis eorum confutatio. 511, & seqq.
In quo Orthodoxi circa Baptismum consentiant & dissentiant; & an dissensus tanti momenti sit, ut hæresin introducat, vel Ecclesiæ pacem turbare debeat. 521, 522.
Bar Cochab. Fuit hic Bar Cochab rebellionis Judæorum contra Imperatorem dux. 277.
Hic sedem belli in urbem Bitter transtulit, ibid. qua ab Hadriano occupata, Bar Cochab supplicio affectus, multa milia Judæorum perire. 278
Barfillus. Memorabilis Barfillai ad Davidem, invitati ad ejus contubernium, oratio. 137.
Basilica. Hierosolymitana Basilica describitur ratione structuræ, pulcritudinis, capacitatis, aliarumque circumstantiarum. 207, 208.
Huic ædificio juncta erat domus reginæ, cujus ornamenta quænam fuerint. ibid.
Totum ædificium summatis depingitur. ibid.
Basilus. Imperator Basilus quo tempore vixerit. 209.

Divitias & opes quantas possederit. ibid.
בכור. 448.
Βελύματα. 45, 535.
Beatitudo. Beatitudo cœlestis non nisi sanctitatis & justitiæ studio acquiri, docuit Socrates, 542. & Cicero. *ibid.*
Berenice. Quare Titus hanc Berenicen, quam tam vehementer deperibat, dimittere cogebatur. 264.
Bethesda. Mirabilis piscina Bethesda cur sic dicta, 247. ubi sita, & an fuerit piscina Siloam. 248.
Ejus vis curandi miraculosa fuit, non naturalis. 249, & seqq.
A quo tempore vis illa aquæ huic adfuerit, incertum est: 251. de qua tamen re non inutiliter disserit Gomarus. ibid.
Ejus Josephus, Talmudicique Scriptores non meminerant, an ideo Evangelistæ Johannis fides in dubium vocanda sit. ibid. & 252.
Bitter. Urbs Bitter post excidium Hierosolymitanum a rebellionis duce Bar Cochabo Judæorum Metropolis constituta. 277.
Expugnata ab Imperatore Hadriano Judæis multa mala peperit. ibid. & 278.
Bullionæus (Gothefridus) primus ex Christianis Principibus Hierosolymorum Rex creatus est. 306.
Immanissimam belluam necat. 307.
Corona spinea cur, & quo tempore, insignitus fuerit. ibid.
Ejus in hoc regno Successor quisnam. 308.

C.

Cæsarea. Quomodo Cæsarea olim dicta fuerit. 269.
Terra Judææ vendita, Cæsarea Palæstinæ Metropolis manet. 270.
ככור. 17.
Cham. Quinam populi Chamj progenies stuantur. 325.
Chebron. Urbs antiquissima & laudatissima Chebron, ubi sita. 389.
Fuit patria Johannis. ibid.
Circa eam Abrahamo promissus Isaac est. ibid. & 390.

PHRASIUM, ac VERBORUM.

Mira quæ Josephus narrat de hujus urbis antiquitate & celebritate. 389, 390.
Cherem notat Hebræis rem vel personam devotam destructioni; 47, 48. ut & separationem a populo Dei, duobus aut tribus gradibus distinctam. *ibid.*
 Qui hoc Anathemate percussus fuerit, an desierit esse pars cœtus Israëliti, *ibid.* numque publica Synagoga sit ejectus, 49, & *seqq.* Divinæque execrationi subiectus. 51.
 Credibile est, Paulum hæc omnia Rom. ix: 3. Anathematis vocabulo comprehendere. 51, 52.
Chosroës. Fuit Chosroës rex Persarum. 169. Mauritiū Cæsaris filiam duxit, unde in ejus gratiam se baptizari curavit. *ibid.*
 Adversus hunc Heraclius Saracenorum ope bellum gessit. *ibid.*
 Hic Chosroës in captivitatem abductis sex civium milibus, cum cruce Christi, urbem Hierosolimam capit, 298. quam tamen ejus filius restituit. 299.
Oppn. 379, 380.
Christianus. An Christianis exemplum Pauli pro regula esse debeat, ut nempe ipsi ex lege charitatis parati esse teneantur aliorum æternam salutem sua, si fieri posset, redimere. 65, & *seqq.*
 An purus Dei Divinæque gloriæ amor ita absorbere debeat nostri ipsorum amorem, ut illius intuitu æternam salutem nostram pro re indifferente habeamus, & æque lubenter æternum damnemur quam servemur, modo in nobis glorificetur Dominus. 66, & *seqq.*
 Frequentem ante Judææ vastationem habuere Christiani Hierosolymis Ecclesiam. 271.
 An Pella Christiani redierint Hierosolimam post ejus excidium. *ibid.* & 272.
 Quo instigatore, & quinam nominatim Principes Christiani ad sacram expeditionem profecti sint. 301.
 Signo crucis se signarant Christiani Principes, sed omnibus flagitiis cooperti, dedecus ubique Christianissimi erant, & plerique foede in via perierunt; 302, & *seqq.* attamen ex immensa multitudine quidam in Palæstinam venerunt, & Tom. II.

Hierosolyma tandem potiti sunt. 306.
 Antiquissimi Christiani vel Gentiles fuerunt vel Judæi. 527.
Christus. Est Christus caput Ecclesiæ. 53.
 Quare a Johanne Ἀγῶς τῷ Θεῷ vocetur. 82, & *seqq.*
 Varia Christi epitheta. 113.
 Quomodo hæc phrasis, Pascha est Christus, intelligenda sit. 118.
 Cur discipulis suis commendaverit memoriam uxoris Loti. 148.
 De Christi consanguineis narratio Hegesippi ad Domitianum examinatur. 272.
 Loci illius, in quo postremum insisterant Christi vestigia, narrationes, veræne sint an fictæ. 385, 386.
 Oracula, de amplitudine regni Christi, ad Apostolorum ætatem arctare nefas est. 339.
 An Christus soleis usus sit. 419, 420.
 Quo sensu Christus & pone Johannem venerit, & eodem validior sit. *ibid.*
 Baptizavit Spiritu S. & igne, quando ignem Spiritum abunde in suos fecit descendere: *ibid.* etiam igne baptizavit quando immorigeros cremavit igne inextinguibili. 421.
 Cur placuerit Christo ad Johannem venire & Baptismum ab eo petere. 422.
 An, & quo modo peccata electorum in Christum ut Sponsorem sint relata. 595, & *seqq.*
 An Christus recte dici queat, peccator, adulter, idololatra, &c. 599, & *seqq.*
 An inter Christum & electos permutatio quædam personarum facta sit. 601, & *seqq.*
 Quando translatio peccatorum in Christum, eorumque a Christo portatio coeperit & finierit. 604, & *seqq.*
 An Christus electorum peccata ferens fuerit a Deo separatus, 605. Deo abominabilis, 607. & a Patre abdicatus. 608, & *seqq.*
 Deum ut Patrem in extremis etiam angribus agnovit Christus. *ibid.*
 Num necesse fuerit Christum easdem determinate poenas subire quas luent damnandi. *ibid.*
 An Christus suscipiendo electorum peccata, D d d d d &

INDEX RERUM,

- & pro iis iustitiæ Divinæ satisfaciendo, electis salutem æternam absolute meritus sit. 611, & seqq.
- Ejus iustitia imputatur fidelibus. ut Adam peccatum suis posteris. 618.
- Historia Christi & res ab eo gestæ, five miracula ad confirmationem Evangelii dogmatum patrata. 639, & seqq.
- צִדְקָה & חֶסֶד quid differant. 378.
- Chynaladan. Fuit hic Chynaladan rex Assyriorum & Babyloniorum. 166.
- Ejus tempore Thraortes Medorum Rex Niven frustra obledit. *ibid.*
- Communio. Communio cum Christo est bonum Foederis Gratiæ quod Baptismo significatur & obsignatur. 489.
- Quid communio cum Christo importet. *ib.*
- An communio cum Christo Baptismum antecedit. 490, 491.
- Conscientia. Problema de conscientia nunquam, aut aliquando errante, nimis agitatum est præjudiciis. 471.
- Quot conscientia dicat. *ibid.*
- Est facultas hominis, non tamen ab intellectu & voluntate realiter distincta, sed ipse intellectus in ordine ad certas actiones. *ibid.*
- Prior conscientia actio in quo consistat, & circa quæ versetur. 472.
- Altera conscientia actio in quo consistat, & circa quæ versetur. *ibid.* & 473.
- Errori esse obnoxiam probatur. *ibid.* & 477, 478.
- Non semper officio suo recte fungitur. 475.
- An definat esse conscientia, quia destituta est solida scientia. *ibid.*
- Conscientia non bene informata, an norma sententiæ sit, aut non sit. 476.
- Ad argumenta de conscientia nunquam errante responderetur. 477, & seqq.
- Non est lex incipra cordi; sed cor cui inscripta est lex. 479.
- bona } 472.
- idoli } quid 473, 474.
- infirma } sit. *ibid.*
- inquinata } *ibid.* & seqq.
- male edificata } *ibid.*
- Constantinus Magnus. Splendidissimum Constantinus Hierosolymæ ad sepulchrum Christi struxit Templum, 282, & seqq.
- solenni ritu dedicandum: 284. cujus fulgore perstrictus Eusebius, novam se in eo Prophetarum Hierosolymam cernere, falso autumavit. 284, 285.
- Judæos iterum rebellantes poenis ac legibus compescit. 294.
- Constantius. Sub Imperatore Constantio rebellantes Judæi profligantur. *ibid.*
- Contemplatio rerum Divinarum non est utilis, nisi animum Dei reverentia imbuat. 298.
- Contubernium. Magni viri contubernium multum valet. 442, 443.
- Cornelius. Centurio Cornelius, per Petrum ad fidem Christianam conversus, promittitur Gentium est: 571. quem secutus multo numero Græci quidam apud Antiochiam. 572.
- Corpus. Imbecillitatem corporis exsequitur Ecclesiastes per catharros, 139. tremorem brachiorum ac pedum, *ibid.* indurcitatem dentium ac oculorum, 139, 140. loquelæ difficultatem, *ibid.* sonni defectum & surditatem, *ibid.* pavorem & canitiem, *ibid.* & 141. membrorum cum levium gravitatem, & privationem voluptatis; *ibid.* quæ tandem morte terminantur: *ibid.* sic tamen, ut partes internæ ac vitales primum deficiant. 142. contractis aut laxatis nervis, *ibid.* corrupto cerebro, *ibid.* jecore & venis 143. denique corde & arteriis: *ibid.* unde mors sequitur corporis. *ibid.*
- Critici. Criticorum hoc seculo audacia in secularium & sacratissimorum Auctorum scripta. 737, 738.
- Crux Christi. Historiam Crucis per Helenam repertæ, fabulam esse multis argumentis evincitur. 288, & seqq.
- Ctesias. Fabulosam Ctesias de regno Assyriaco tradidit historiam. 165.
- Custodes domus de quibus Eccles. xii: 3. quid notent. 139.
- Cyrus. Avus Cyri quisnam. 167.
- Ante eum quot tam Assyriorum quam Medorum reges fuerint. *ibid.*
- Israelitis quare redire in patriam ex captivitate Babylonica concesserit. 224.
- Templum reedificari permisit, *ibid.* suppeditatis in eam rem rebus necessariis, rediditque Templi instrumentis. *ibid.*

PHRASIMUM, ac VERBORUM,

D.

Darius. Quisnam ille Darius fuerit sub
cujus regimine Judæi reduces Templi
ædificationem consummarint. 226.

David. Fuit David Rex Israelitarum. 195.

Jebusæos bello perit. *ibid.*

Ad ejus usque tempora Arauna, Jebusæo-
rum rex, Hierosolymæ mansit. 197.

David emens ab Arauna aream suam, ob
quam rationem sacratissimus locus fa-
ctus. 198.

Urbem Hierosolymam splendidis ornat æ-
dificiis. 201.

Amicitiam ac societatem init cum Hiram,
rege Tyri. *ibid.*

Ejus regia: amplitudo quanta, & quot
prætorianorum militum ibi excubias e-
gerint. *ibid.*

Quantas opes in Urbe collegerit, 201. &
seqq. quarum fontes indicantur: 203,
204. de quibus, post inæstimabiles im-
pensas, plurimum superfuisse ad tumu-
lum condendum, auctor est Josephus.
204.

Quoties, victor semper, pugnaverit. *ibid.*

Ejus filius & in regno successor quis. 205.

727. 83, 90.

Deus. Quare Deus humana se specie frequen-
ter exhibuerit. 7, 8.

Duplex ei in S. Scriptura adscribitur so-
lumen. 9.

Cur Jehovah Sebaoth dictus. 17, 18.

Quare dicatur Creator, & quidem in nu-
mero plurali. 131, 132.

Quid sit Dei Creatoris meminisse. 132, 133.

Regit constanti providentia rerum huma-
narum inconstantiam. 215.

Deus sapienter poenas in Judæis propter
crucifixionem Christi ordinavit. 264,
& *seqq.*

Deus suis viam, si ipsi non inveniant, fa-
cit: quod sacris probatur exemplis.
334.

Quid Deo gloriosum sit, non ex nostro
sensu, sed ipsius consilio arbitrandum
est. 337.

Consultum duxit gratiam suam non omni-
bus simul, sed nunc his, nunc illis na-
tionibus offerre. *ibid.* & 338. univer-

salissimæ enim locutiones restrictionem
aliquam admittunt. *ibid.*

Ex incredibili Dei erga genus humanum
amore concludere non licet omnibus
simul Gentibus prædicari debuisse E-
vangeliæ præconium. 349, 350.

Nihil docet supernaturali revelatione, quod
principiis natura notis contrarium est.
463.

An Deo liberum sit regenerationis gratia
donare non baptizatos: 495. & an pro-
babile sit quod ordinario ita faciat cir-
ca eos qui in infantia moriuntur. *ibid.*

An Deus homini electo, dum in lasciviæ
excessu degit, nihil magis ad reatum
imputet, quam quando consummatus
est in coelis. 616, 617.

Non videt Deus peccata in justificatis ad
condemnationem: sed videt cum san-
cta displicentia, & ira, non quidem
rigidi judicis, sed indignantis patris.
638.

Deum Universi Regem esse, omnes & om-
nia experiuntur. 719.

Speciale Deus regnum in populo Israeliti-
co, quem magnis sibi vindicavit pro-
digiis, formavit, *ibid.* dignisque Regi
& Populo conditionibus in fidem ac
clientelam suam suscepit, 720. eique
sacratissimas leges suas ad radices mon-
tis Sinai promulgavit; *ibid.* super qui-
bus foedus omni ceremoniarum solen-
nitate, cum populo sanxit. *ibid.*

Omnes regii muneris partes in populo
Israelitico absolvit. 721. & *seqq.*

Non indiget neque afficitur externa pom-
pa. 722.

Qui Israelitis hominem regem concesserit.
725.

An Dei regnum sub Salomone expirave-
rit. 726.

Maxime Deus se regem gessit in reductione
exulum Israelitarum ex Babylone: *ibid.*
quod & illustre Alexandri Magni exem-
plum docet. 727.

Dies. Quid per dies Ecclesiastes cap. xxi: i.
significare velit. 137.

Domus. An tres distinctæ domus fuerint, do-
mus regis, domus reginæ, & domus
saltus Libani, de quibus i. Reg. vii.
mentio fit, disquiratur. 207, & *seqq.*

D d d d d 2

--- Salomo

INDEX RERUM,

----- *salsus Libani* unde dicta sit. *ibid.*
Donum discretionis spirituum qui describatur.
 444.

Αυσοντα. Inter *δυσοντα*, quæ in Paulinis
 Epistolis Petrus laudavit, haud postre-
 mum locum tenet pericopa, quæ habe-
 tur Gal. IV: 21-26. 159, & seqq.

E.

Ecclēsia Apostolica. An Judæis post suscep-
 tum Christianismum tenenda adhuc Lex
 Mosaica esset, prima realis in Ecclesia
 fuit Apostolica quæstio: 369. quæ tanti
 momenti habita non est, ut propter eam
 scinderetur pax Ecclesiæ: *ibid.* credebatur
 enim utrinque, justificationem non
 petendam esse ex Cerimoniis, sed ex
 Christo, & Fide in ipsum. 570.

Unde altera realis in Ecclesia Apostolica
 quæstio, scil. an Christiani ex Gentibus
 ad instituta Mosaica observanda obliga-
 rentur, fuit nata, 572. & quam circa
 eam Ecclesia Apostolica dederit decisio-
 nem. *ibid.* & 573.

Qui tertiam realem quæstionem in Eccle-
 sia Apostolica moverint, & in quibus
 constiterit. *ibid.* & 574.

----- *Christiana*. Quis Ecclesiæ Christianæ
 caput. 53.

Ipsa quomodo in S. Scriptura vocetur. *ibid.*
 Separationem ab Ecclesia Christiana magna
 olim comitabatur semper indignitas at-
 que ignominia, quandoque etiam tra-
 ditio Satanz ad vehementem corporis
 per morbos doloresque vexationem. 54.

Sub quo Imperatore pax Ecclesiæ Christia-
 næ effulserit, 171. & quando ea rursus
 turbata. *ibid.* & 172.

Per Hierosolymam fuit adumbrata. 210.

Ecclesiastes. Tota Ecclesiastis oratio ad virtu-
 tem & felicitatem est composita, 130, 131.
 maxime autem pericopa quæ existat cap.
 XII: 1-7. *ibid.* cujus argumentum & par-
 tes describuntur, & explicantur. *ibid.*
 & seqq.

Eden. Hortum Edenis in Assyria fuisse, cur
 multi crediderint. 282.

Electi. Quale inter reprobos & electos ante
 regenerationem discrimen. 614.

Sunt electi ante regenerationem in statu
 damnabili. 616, 617.

An electi Christo uniantur ante fidem.
ibid. & seqq.

Electio. Decretum electionis est liberrimum,
 invariabile, & luculentissime Dei de-
 monstrans virtutes. 595, 596.

Certitudo electionis est ex conscientia vir-
 tutum Christianarum. 635.

Elisabet (uxor *Zachariæ*.) Nomen hoc est in-
 certæ originationis. 376.

Hæc quomodo ex filiabus Aaronis & simul
 cognata Messiz esse potuerit. *ibid.* & seq.

Laudatur quod sit iusta: qua occasione
 examinatur an vox צדיק illustrior timi-

lus sit quam חסיד. 378, & seqq.

Prægnans idoneas ob causas quinque mer-
 ses se occultavit. 390.

Sexto mense invisit ad eam Beata Virgo
 e Spiritu Sancto prægnans: in quo cea-
 gressu acciderunt aliqua perquam mira-
 bilia. 391.

Encenia. Hujus festi memoratur auctor, ratio
 nominis, cur, & quando celebratur.
 232, 233.

Εφμερίδα. 375.

Ephesus. Fuit Ephesus omnium Asiæ Minoris
 Ecclesiarum metropolis. 452.

An Timotheus a Paulo Ephesi ut Episco-
 pus, aut Archiepiscopus relictus. *ibid.*
 & seqq.

Erec. Qualis urbs Erec sit, & ubi sita. 163.

Efras. Scriba Legis Efras quo tempore, &
 in quem finem Babylonia profectus Hie-
 rosolymam venerit. 227.

A quo, & quando ei rerum summa dela-
 ta fuerit. 229.

Est. Vocabulum *Est* quot & quales signifi-
 cationes habeat. 113.

Evangelista. In quo dignitas muneris Evange-
 listæ consistat. 443.

Evangelium. An per Apostolos, primo na-
 scentis Christianismi seculo, Evangelii
 præconium, vel saltem ejus fama ad A-
 mericanos, & terræ Australis adhuc no-
 bis incognitæ incolæ, penetraverit. 316,
 317.

Quibus ad Evangelium ubivis terrarum
 prædicandum mandatum. 318, 319.
 assignato tempore quo cursum istum
 suum

P H R A S I U M , ac V E R B O R U M .

suum absolvendum haberent. *ibid.* & 320.
 Ejus lux non minus omnes mundi partes illustravit , quam radii solares. 320, 321.
 quod prisci Ecclesię Doctores egregie exornarunt. *ibid.* & 322.
 Ante excidium Hierosolymorum nondum Evangelium omnibus & singulis gentibus prædicatum erat. 344.
 Quum Marcus Apostolos ubique prædicasse dicit , multa aut quævis loca intelligit sine discrimine , non omnia sine exceptione. 346.
 Quo sensu Paulus tota Orbe Evangelium annunciatum scribat. 347, & seqq.
 Ex communi Dei *φιλανθρωπία* non licet inferre , quod omnibus simul Gentibus prædicari debuerit Evangelium , 349, 350. aut Americanis nominatim per Apostolos. *ibid.*
 Evangelium & Lex vel arctiore , vel latiore significatione veniunt. 657, 658.
 Habet Evangelium in latiore significatione suam quoque legem. 659, 660.
 Strictissime sumtum meris constat promissis. *ibid.*
 Cum omni gratiæ suæ plenitudine sub œconomia Evangelica prædicari oportet Evangelium. 661.
 Ex hujus prædicatione est initium novæ vitæ. 662.
 Quæ doctrina Evangelium vocetur. 682, & seqq.
 Dogmata Evangelii qualia sint. 685, 686. & qualem inter sese , sive ea N. T. monumentis exposita , sive antiquis prodita sunt oraculis , connexionem habeant. 687. & seqq.
 Evangelii dogmatum efficacia in qualiumcunque animorum convictione. 693. & seqq.
 Sublimitas dogmatum Evangelii. 695.
 Jucunditas dogmatum Evangelii. 696. & seqq.
 Sanctitatem Evangelium docet , urget , & reipsa inspirat. 698, & seqq.
 Utilitas dogmatum Evangelii. 701, 702.
 ----- *Johannis* a recentioribus Platonis laudatum. 75.
Eunice. Describitur Eunice ratione status spiritualis & matrimonii. 439.

Timotheum enixa est , & ei nomen imposuit. *ibid.*
Excommunicatio. Quot vulgo gradus Excommunicationis ab Hebræis statuuntur, 47, 48.
Exsecratio. Quot significationes execrationis vocabulum habeat. 111.
Ezechias. Describitur Ezechias ratione pietatis & felicitatis. 212.
 Ejus expeditiones quænam. *ibid.*
 Qua in re oblitus tandem beneficiorum Divinorum sit , quidque Deus ei annunciarı jussit. *ibid.*

F.

Felix (*Claudius*). Hic Felix cui in administratione Judææ successerit. 259.
 Ejus tempore invaluit Junioris Agrippæ in Judææ auctoritas. *ibid.*
 Hic est ille qui (Act. xxiv: 24.) Pauli causam cognovit. 260.
Festus (*Persius*). Fuit hic Procurator Judææ. 259.
 Sub ejus regimine Agrippa Rex domum , unde prospectus in Templum esset , struxit Hierosolymæ. *ibid.* & 260.
Fideles. An fidelium conditio , quod illis , dum in terris degunt , gloriam Dei recta facie intueri datum sit , illa Angelorum , facies regentium , potior sit. 15.
 An fideles æque iusti ac Christus. 619.
 Perquam fidelibus necessaria dolor , poenitentia , confessio , preces ad consequendam novorum criminum veniam , imo & veterum , licet olim donatorum. 640.
Fides. Christiana fides non est stupentis animi cæca obstinatio ; sed convictio rationalis , per lucem Divinæ revelationis , qua animus undique illustratur. 466.
 Habet suos *λογισμὸς* ; in quibus singulari utitur sagacitate : quod exemplo Nathanaelis claratur. 467.
 Ex tenui indicio multa solertia res maximas colligit ; in qua collectione attendendum rationi est ut omnes artis suæ regulas observet. *ibid.* & 568.
 Non tam ratiocinationum subtilitate , quam Divinæ illustrationis valentia plerumque fides gignitur. 469.
 Judæi quoque fidem causis vitæ æternæ annu-

INDEX RERUM,

annumerant, 561. eamque considerant ut complementum totius legis, 562. & ut opus meritorium: *ibid.* cui addi volunt specialem fiduciam in Dei bonitatem & misericordiam; *ibid.* non in Messiam. 563.

Fides non eandem relationem habet in Fœdere Gratiæ, quam Opera in Fœdere Operum. 584.

Quo sensu doctrinam Evangelii notet, & quo actionem aliquam hominis. *ibid.*

Quatenus est aliqua hominis actio, an recte definiatur, quod sit obedientia mandatorum Christi. *ibid.* & 585.

An essentia fidei justificantis consistat in interna & firmissima persuasione sive *πληροφορία*, quod Christus meus sit, & quod peccata mea omnia certo mihi per Christum remissa sint. 620. & *seqq.*

An fides in justificatione consideretur ut justificationi: jam factæ indicium, an ut conditio a Deo ad justificationem prærequisita, an ut instrumentum quo Christi iustitiam apprehendimus. 624. & *seqq.*

Filius Dei. Competit Filio Dei nomen *ΥΙΟΣ*, *Κύριος*, *Dominus*, in omni significationis valore. 9.

Unde Johannes denominationem *Λόγος τῷ Θεῷ*, qua Sospitorem generis humani aliquoties designat, habeat. 70. & *seqq.*

Quid Apostolus Johannes denominatione *Λόγος πρὸς Θεῷ*, tributa Filio Dei, importet. 82. & *seqq.*

An solus Johannes ex omnibus Novi Testamenti Scriptoribus nomine *Λόγος τῷ Θεῷ* insigniverit Filium Dei. 90. & *seqq.*

Indignum est maiestate Filii Dei, quod non ausit maledictum ingerere Diabolo. 104.

Fimbriæ replentes Templum, de quibus *Jes. vi.* quid. 10, 11.

----- **Vestis Pontificiæ.** Descriptio fimbriarum vestis Pontificiæ ratione dispositionis & typi. *ibid.*

Florus (*Gessius*). Cui hic Florus in Judææ administratione successerit. 261.

Fuit hic ultimus Procurator, incendiarius belli Judaici: *ibid.* ejusque belli summa & exitus. *ibid.* & 262.

Fœdus. Duo fœdera, de quibus *Gal. iv: 24.*

non sunt fœdus Operum & Gratiæ; 126, 127. sed fœdus Sinaiticum Legale, & fœdus pure Evangelicum. *ibid.* & 128.

----- **Gratiæ.** Promissiones Fœderis Gratiæ propriæ ad electos pertinent, neque omnes conditionatæ sunt. 488.

Quæ bona Fœderis Gratiæ Baptismo obtinguntur, & quinam horum ordo sit. 489. & *seqq.*

Quot controversiæ circa Fœdus Gratiæ, sub infautis Antinomorum & Neononomorum nominibus, in Britannia nunc agitentur, & qui conciliari possint. 691. & *seqq.*

Fumus. Cujus rei fumus symbolum in S. Scriptura. 21.

----- **replens Templum** in visione *Jes. vi: 4.* quid notet: 21, 22., quidque eo Judæis exprobratum. 22, 23.

Funus argenteus de quo *Eccles. xii: 6.* quomodo explicandus. 142.

G.

Gabriel. Angelus Gabriel uno Michaelæ adjutore contentus fuit. 107.

Nomen hoc plurima significatione actum, non appellativum, sed proprium est. 384.

Qui quum dicitur adstare coram Deo, indicatur functionis eminentia. *ibid.*

Est aliquoties adhibitus ad nuntianda ea, in quibus potentia gratiæ Dei elucet. *ibid.* & 385.

Zachariæ annunciat exauditas esse preces ipsius, non tam privatas, quam publicas. *ibid.*

Gal. iv: 21-26. Octo hic textus Pauli laborat difficultatibus circa Verborum constructionem & expositionem. 109, 113.

Discussio difficultatis

Primæ, 111. & *seqq.*

Secundæ, 112, 113.

Tertiæ, 113.

Quartæ, *ibid.* & *seqq.*

Quintæ, 120.

Sextæ, *ibid.* & *seqq.*

Septimæ, 122. & *seqq.*

Octavæ, 123.

Quot hic Pauli textus difficultates habeat in Rebus ipsius. *ibid.* & *seqq.*

PHRASIUM, ac VERBORUM.

Concinna in hoc loco typorum cum antitypo convenientia. 128.
Gentiles. Qui Gentiles ænigmatice lapidibus comparentur. 418, 419.
 Memoriam Dei Creatoris Gentiles commendarunt, 133, 134. cum monela, ne tanto nos unquam opifice indignos præstemus, 134. sed sacramento ei ad perpetuum devoveamus obsequium. *ibid.* & 135.
 Plerique Gentiles in magna futuri seculi securitate vitam transegerunt. 527, 528.
 Crininum sibi veniam ex vera poenitentia pollicebantur; 518. præsertim si accesserit Confessio & Deprecationes. *ibid.*
 Quantum ad placandum Numen tribuerint precibus, 530. lotionibus ac lustrationibus. 531.
 Qui ad sacrificia expiatoria iverint. 532.
 Sapientiores Gentiles quamvis ad placandum Numen exiguum pretium in sacrificiis expiatoriis statuerint, bonum tamen fuit factum quod animam animæ substituendam etc. crediderint. 533, 534.
 Qui a sacrificiis brutis ad humana, non modo ex pl. bis fecerunt, sed & ex charissimis, & præstantissimis hominibus, eximenda, nec coacta mori, sed & sponte se oblatura, de egerint. 535, & seqq.
 Quoniam incertum erat, an talis substitutio Numini placeret, tutius quibusdam visum est propriis perpeffionibus crimina sua expiare; 537. vel ipsa etiam voluntaria morte; 538. quæ si necdum suffecerit, variis poenis purgatoriis post hanc vitam; *ibid.* de quibus multa Socrates apud Platonem, in Gorgia, *ibid.* & Phædone. 539, 540.
 Quid Cœli nomine, animarum beatarum receptaculi, intelligant. 540.
 Quid de beatitudine cœlesti senserint. 541.
 Sacerdotes Gentilium docuerunt populum in arcanis quibusdam ceremoniis latere virtutem deificæ unionis, 544. inchoandæ in hac vita, consummandæ in futura. 545.
Gloria Dei. Quomodo gloria Dei definiatur. 17, 18.
 Qui gloria Dei totam terram implere dicatur in visione Jes. vi: 3. *ibid.* & 18.
 Trisios, 447.

Græci. Quem morem Græci observarint circa infantes recens natos. 391, 392.
Gratia. An detur communis gratia, quæ infantibus rite baptizatis ad salutem sufficiat, sed non certo ducat. 487.

H.

H Adrianus. Imperator Hadrianus in solo Hierosolymitano novam urbem condidit sub nomine Eliæ Capitolinæ, quod Judæis pertinacissimæ occasio fuit rebellionis. 276.

De profanata ab Hadriano ex odio quoque Christianæ religionis Hierosolyma, Patrum quorundam citantur querelæ, 280.

Harad. Quamnam civitas Harad, ubique sita fuerit. 178.

Fertilitas ejus. *ibid.*

Hafmonæ. Familiæ Hafmonææ ortus. 232. & exitus ejusdem. 240. & seqq.

Hebræi. Hebræis moris fuit, ut qui dies infanti lustricus idem & nominalis esset: incertum tamen ex quo tempore circumcissioni jungi cœperit impositio nominis. 391, 392. quæ conjunctio non ex mandato aliquo Dei, sed congruentia rei, orta esse videtur. 392.

Constantem Hebræi habent traditionem, jus non esse matri filium circumcidere. 450.

גאק. 113.

גאק. 228.

Helena. Mater fuit Helena Constantini Magni. 285.

Describitur ratione pietatis & in Christum zeli. *ibid.*

Historia Crucis Christi per Helenam repertæ: 286. quam fabulam esse multis argumentis evincitur. 288. & seqq.

Heraclius. Imperator Heraclius quo successu adversus Chosroem bellum gesserit.

Utitur Saracenis militibus, quibus & regionem inhabitandam dedit. *ibid.*

Recuperat Syriam, & Hierosolymam, aliasque provincias a Persis. *ibid.*

Ἡράκλειος Λίθος. An Lapis Herculis magnus fuerit. 363.

Non ab Hercule Tyrio, sed ab urbe Heraclea dictus est: *ibid.* ubi elegantissime Bochari

INDEX RERUM,

Bocharti ad Fullerum observationes. *ibid.* & 364.
Herodes (Magnus). Fuit hic Herodes Rex Judæorum. 238.
 Memoratur quorum auxilio & qua occasione ad regnum pervenerit. 239.
 Hierosolymam expugnat in fugam dato Antigono, a Parthis Judæorum Rex constituto. *ibid.* & 240.
 Quamvis Judæorum Rex, mancipium tamen Romanæ magnitudinis fuit. 241.
 Regiam qualem Hierosolymis extruxerit. *ibid.* & 242.
 Arcem Templo adsitam renovavit, & Antoniam vocavit. *ibid.*
 Murum etiam Urbis cum aliis modis, tum tribus insignibus turribus munivit. 243.
 Theatrum Hierosolymis extruxit, *ibid.* & 244. & immensæ opulentæ Templum, 244. cui structuram 46 annis continuatam adscribunt Judæi. 245.
 Templum Herodis an pro tertio habendum sit; *ibid.* & 246. eximiis ornatum fuit donariis, *ibid.* in quibus excelluit Vitis Aurea, eique adjacebat Curia Synedrîi Magni. *ibid.* & 247.
 Qua occasione ad regnum Judæorum pervenerit. 370. & *seqq.*
 Ad finem vergente Herodis regno conceptus, natusque Johannes Baptista est. *ibid.*
 ----- (*Antipas*) quis fuerit. *ibid.* & 428.
 Hic initio veneratur Johannem. *ibid.* attamen in incestuoso Herodiadis amore & connubio frædam vitam transigit, *ibid.* & 429. ob eamque rem liberrima Johannis oratione increpitus, 429, 430. in carcerem eum conjicit, 430. non tam arctum tamen, quin discipulis ad Jesum ablegandis, indeque redeuntibus, liberitus & reditus esset. 431.
 Qua occasione Johannem in carcere decollari jussit. 433. & *seqq.*
Herodias. Quænam fuerit Herodias. 428. Petit caput Johannis ab Herode, in cujus gratiam in carcere decollatus est. 434.
 Veterum Christianorum de Herodiade, & filiz ipsius exitu apocryphæ historiæ. 437.
Hettan. Hortus Hettan describitur ratione distantiz ab Hierosolyma, & amœnitatis. 209.
Hierosolyma. Urbs Hierosolyma olim dicta

Jebus, Salem, & Jerusalem: quidque quodlibet nomen denotet. 388. & *seqq.*
 A quo Jebus dicta sit. *ibid.*
 Quare Hierosolyma Salem dicta. 189. & *seqq.*
 Variæ vocis Jerusalem etymologiæ. 191.
 An a Judæis Ægypto profugis sit condita. *ibid.*
 Male a Josepho Solyma vocata est. *ibid.*
 Probabilis vocis Jerusalem derivatio. *ibid.* & 192.
 Conditor hujus Urbis an Melchisedecus, id est, Sem fuerit. 192.
 Incolæ urbis Hierosolymæ fuerunt olim Jebusæi primo soli, dein Israelitis mixti, donec David Urbe positus est. 194. & *seqq.*
 Quot partes urbis Hierosolymæ fuerint. 195, 196.
 Situs Hierosolymæ describitur respectu Tribunalis: quod illustrat locum Matth. xxvi: 17. pag. 199.
 Situs Urbis quis fuerit respectu partium. *ibid.*
 Quot muros habuerit Urbs. *ibid.*
 Mons Hierosolymitanus, dictus Sion, an ad Aquilonem situs fuerit, an ad Meridiem. *ibid.* & *seqq.*
 Urbem splendidis ædificiis ornavit David. 201.
 Incredibilem in ea opum a Davide collectarum recensio. 202. & *seqq.*
 Templum Hierosolymitanum, a quo meditatum, & a quo constructum. 205.
 Urbs Jerusalem Civitas Dei in Sacris vocata, 209. typus est Ecclesiæ, tam in gratia quam in gloria. 210.
 Quo tempore Urbi huic multum decreverit. *ibid.* & 211.
 Quænam fata urbs Hierosolyma ab obsidione Sisaci experta fuerit usque ad excidium Babylonicum. 212.
 Annus excidii regni Hierosolymitani a Nebucadnezare Babylonio difficilis putari est. 214.
 Quomodo res sub Alexandri Magni temporibus se habuerint? 231. sub Ptolemæis Ægypti regibus; *ibid.* sub Antiocho Magno aliisque Syriæ regibus. *ibid.* & *seqq.*
 Qua occasione a Pompejo capta. 237. 238. Regimen

P H R A S I U M , ac V E R B O R U M .

- Regimen Hierosolymæ** quale fuerit sub Archelao; quo remoto Judæa in provinciam redacta, & Syriæ attributa est. 252. in qua mutatione viri docti observant characterem Chroxicum nati Messiz; 253. at minus solide. 254. & seqq.
- Finis Hierosolymæ** sexies captæ, 262. de qua subacta Titus cum patre Vespasiano triumphavit. 263.
- Ejus excidium iræ Dei** adversus Judæorum scelera a Tito & Josepho imputatur. 264.
- Catalogus Episcoporum Ecclesiæ Christianæ Hierosolymorum** traditur, 272. quos in parte Urbis a Tito non vastata sedisse, veterum plerique crediderunt: *ibid.* & 273. at perperam cum tota Urbs solo æquata sit. 273, 274.
- In ejus solo Hadrianus Imperator** novam Urbem condidit, quam vocavit Æliam Capitolinam. 276.
- Quo tempore antiquum nomen** receperit. 278.
- Quare tam frequentes olim & superstitione ad Hierosolymam peregrinationes** fuerint institutæ. 291.
- Quibus gradibus Episcopus Hierosolymitanus Patriarchæ nomen ac dignitatem** nactus sit. 292, 293.
- A Peris capitur**, sed non diu post Christianis redditur. 298, 299.
- Saraceni quo tempore Hierosolyma** possuntur, & Homar Muhammedicæ religioni templum ædificat, eo loco ubi Salomonis steterat. 299, 300.
- Dum Mahometanis** mancipata fuit, frequenter mutavit dominos: variis acta satis, donec recuperata a Christianis est. 300.
- Quo tempore & a quibus Christiani Hierosolymam ceperint**, 306. & quis primus ibidem Rex ex Christianis Principibus creatus. *ibid.* & 307.
- Regni Hierosolymitani Christianorum brevis historia.** 308. & seqq.
- Everſo hoc regno Muhammetanis** servit Hierosolyma in hunc usque diem. 311.
- Urbis, uti nunc est, accurata delineatio.** *ibid.* & seqq.
- Hiramus.** Fuit Hiramus rex Tyri. 201.
- Tm. II.
- Cum eo David amicitiam & societatem** iniiit. *ibid.*
- Homo.** Plurimi homines in lapideas statuas mutati narrantur. 159.
- השן.** 32, 33.
- Hyrcanus.** Fuit Hyrcanus, Alexandri Jannæi filius Pontifex maximus Judæorum. 237.
- Ejus minor frater Aristobulus regnum** tenens ei occasionem dedit de regno contendendi; hinc occasio fuit, qua regnum Romanis factum fuit stipendiarium. *ibid.* & 238.
- I.
- Jacobus Apostolus.** Hic Jacobus a quo nominatim Pontifice interfectus. 160.
- Non vocat Jacobus opera,** quod Paulus fidem. 587.
- De alia agit justificatione** quam Paulus. *ibid.* & 588.
- Jaddus.** Fuit Jaddus Judæorum Summus Pontifex. 230.
- Alexander M. literas ei scribit,** commentum petens, quod ei a Jaddo negatur, quidque exinde secutum. *ibid.*
- יְהוֹשָׁפָט.** 386.
- Jebus.** Quæ urbs Jebus fuerit, & a quo nomen acceperit. 188.
- Jebusita.** Olim Jebusitæ Hierosolymam inhabitaverunt. 194.
- Eos debellavit David & excidit.** *ibid.* & seqq.
- Ultimus eorum rex quisnam,** & ad quod usque tempus Hierosolymæ manserit. 197.
- Jechonias.** Quamdiu Jechonias rex Judæ regnaverit. 213.
- Sponte se regi Babylonico tradidit.** *ibid.*
- Jehovah Sebaoth.** V. Deus.
- Jeroboam.** Quisnam Jeroboam fuerit. 211.
- Hic defecit a rege suo Rehoboamo.** *ibid.*
- Denz ex duodenis Tribus ejus imperio** se submiserunt. *ibid.*
- Urbem Sicimam,** quam sibi regiam constituit, ubi condiderit. *ibid.*
- Jesaias.** An Jesaias visione, de qua Cap. vi:1. agitur, Propheta primum constitutus sit, an vero ea in Prophetici muneris functione insigniter confirmatus. 4, 5.
- E e e e e
- Quo

INDEX RERUM,

Quo tempore apparitionem hanc sibi factam esse, Propheta annotaverit, & cur ejus epocha figatur in anno Ulsæ emortuali. 5, 6.

Quis Dominus ille quem hac in visione Propheta viderit. 8, 9.

Causæ consternationis Prophetæ ad conspectum gloriæ Dei. 23. & seqq.

Qui Prophetæ percussus animus recreatus & refocillatus sit. 27.

Invitatio ejus iterata ad munus Prophetici, a Deo, & quidem interrogative proposita, quid doceat. 28, 29.

Ejus alacritas in munere Prophetico iterato suscipiendo. 29.

Judicium quod Jesaias prædicare a Deo jubetur populo Israelitico, in quo consistat, 30, 32. cui adtribuendum, 32-35. quid inducat, 35. quare potissimum huic populo tempore patefacti Christi incubuerit, 35, 36. & cur tanto ante tempore prænuntiandum fuerit. 36.

Ejus pro hac Gente interpellatio. 37.

Jethro, Jethro focer Moïsis, ex qua gente, & quali munere functus fuerit. 177.

Impositio manuum. Descriptio impositionis manuum ratione originis, adhibitionis, ritus adjuncti, & mysteriorum quæ continebat.

Infans. Infans lapideus mortuæ matri exemplus est, quem 27 annis gestavit. 160.

Infantes. Foederatorum infantes insigni gaudent prærogativa. 482, 483.

Infantes foederator. ut electos intueri licet, donec contrariis se indiciis prodant. 483.

Ut infantes suos ad sacrum Baptismi lavacrum offerant parentes, sanctitas foederalis sufficit. 484.

Qui Theologi omnibus rite baptizatis infantibus gratiam quandam Baptismalem adtribuunt. 485. & seqq.

Quæ bona Foederis Gratiæ iis significentur & obsignentur per Baptismum. 489. & seqq.

An regeneratio locum habere possit in infantibus, 493. & an iis ad salutem absolute sit necessaria. 494.

An probabile regenerationis gratiam electis in infantia morientibus ante Baptismi cerimoniam a Deo conferri. 495. & seqq.

Sententia Voetii de regeneratione infantium electorum ex foederatis parentibus ortorum. 497.

Quid Amyraldus de regeneratione infantium sentiat, & qui refutetur. 498. & seqq.

Ingenium. Ingenia non annis, sed virtute censenda sunt. 449, 450.

Exempla illustrium ingeniorum. *ibid.*

Joasus. Israelitarum rex Joasus fuit. 212.

Hic Amasiam, expugnata Hierosolyma, vicit cepitque. *ibid.*

Hic a Pharaone captus qua poena multatus fuerit. 213.

Quamdiu regno præfuerit. *ibid.*

יחזקאל. 386.

1. *Joh.* v. 7. Commia hoc in multis antiquis defuit exemplaribus. 87.

In aliis tamen antiquissimis existit. *ibid.*

Pro genuino retinendum est. 88.

Extrusio ejus Arianis non est imputanda, sed aliis, ante Arii tempora, hæreticis, Deitatis Christi hostibus. *ibid.* & seqq.

Johannes Apostolus. Evangelium Johannis a recentioribus Platonis laudatum. 71. Λόγος Johannis & Λογος Platonis plurimum a se invicem distant. 76.

Perperam statuitur, Johannem Platonis phrasen induxisse in Evangelium: 79. quippe qui Philosophorum inanes disputationes neque ipse didicit, neque edoctus est a S. Spiritu: *ibid.* & 80. quamvis fieri potuerit, ut altercationes Philosophorum & Gnosticorum occasionem ipsi præbuerint, Divinam veritatem hoc modo explicandi. *ibid.*

Unde denominationem τῷ Λόγῳ, quæ quoties Sospitorem generis humani designat, habeat. 80.

An solus ex omnibus N. Testamenti Scriptoris Dei Filium denominatione τῷ Λόγῳ insigniverit. 90. & seqq.

----- **Baptista**. Vergente ad finem Herodis Magni regno conceptus natusque Johannes Baptista est. 370.

Ejus parentes quinam fuerint. 371. & seqq.

Non sine mysterio est quod Johannes & que viri eximii ex sterilibus parentibus nati sint. 380, 381.

Patria Johanni fuit in montanis Judææ.

P H E A S I U M , ac V E R B O R U M .

- babuliter Chebron , circa quam Abrahamo promissus Isaacus est. 389, 390.
- In Johannis circumcisione & nominis impositione , ex impedito in Zacharia linguæ usu , multa fiunt insolita. 393. & seqq.
- Pueritia ac juvenus Johannis in desertis exacta , 394. & quæ ad eam ætatem pertinent silentio transmissa , usque dum se ostendit Israeli. 394, 395.
- Prophetici ejus muneris functio quoto anno inchoata non liquido constat : 396, & seqq. ideoque abstinere tutius est ab ingeniosis quibusdam , sed parum solidis , parallelismis & synchronismis. 397, 398.
- In publicum prodire Johannes neque injussus sustinuit , neque jussus tardavit. 398.
- Prædicavit in deserto , tam literaliter quam mystice. *ibid.* & 399.
- Amictus ejus ex pilis cameli , nec splendidus , nec plane sordidus , sed vilis ac rudis. *ibid.* & 400. an , & quatenus , in exemplum trahi oporteat. 401.
- Rapides* quæ Johanni pro cibo erant , non arborum summitates , aut siliquas , sed locustas notant ; *ibid.* & seqq. quibus addidit mel silvestre : circa quod inepte curiosos aliqui se ostenderunt. 403.
- An Johannes tam supersticiosè hoc genus cibi affectaverit , ut nullo unquam alio usus sit. 404.
- Abstinent per totam vitam ex mandato Dei a vino omnique potu inebriante : 405. ex quibus quid discendum nobis incumbit. *ibid.* & 406.
- An ut Sacerdos docuerit , an ut Propheta. *ibid.*
- Docuit ut Elias : nam & cor patrum ad filios , & filiorum ad patres convertit : *ibid.* & 407. & rebelles adduxit ad prudentiam justorum. 408.
- Mirum videri potest , qui Johannes in virtute & spiritu Eliæ veniens , miracula patranda facultate fuerit destitutus : 409. in ejus rei rationes inquiritur. *ibid.* & seqq.
- Quo sensu se Eliam & Prophetam esse negaverit. 411. & seqq.
- Jesaiæ vaticinium de voce clamantis in deserto , an Johanni recte ; & si recte appropice applicandum sit. 412, 413. an directe & proprie : quod præfertur. 413. & seqq.
- Summa doctrinæ Johannis multum a tunc recepta discrepabat. 415. & seqq.
- Baptismus Profelytismi ante Johannem non fuit Divinæ institutionis. 416. & seqq.
- Baptismus Johannis e coelo est , ad similitudinem illius qui tunc erat in usu. 417.
- Quum dixit Johannes , Deum ex lapidibus posse Abrahamo excitare liberos , credibile est , eum respexisse ad veterem Historiam vel Prophetiam : 418. & ænigmatische innuisse vocationem Gentium. *ibid.* & 419.
- Qui Johannes indignus Christi soleas portare. 419, 420.
- Cur placuerit Christo ad Johannem venire & Baptismum ab eo petere. 422.
- Graves rationes Johanni fuere cur Baptismum illum deprecaretur , 423. optime tamen fecit , quod tandem Christo cesserit. *ibid.* & 424.
- An Christum cognoverit dum sermones invicem recipiebant. 424, 425.
- Rixa discipulorum Johannis super Baptismo Jesu , hominumque ad illum confluxu : 426. qua occasione præclarum Johannis de Jesu testimonium. 427.
- Quare & a quo in carcerem conjectus , in eodemque decollatus. 430. & seqq.
- Hyrcanus. Hic Hyrcanus creatus est post occisi patris mortem Dux & Pontifex Judæorum , 235, 236.
- Ulciscitur necem patris sui , *ibid.* multaque prospere agit , Divino etiam dignatus colloquio. 246.
- Jojakim. Fuit Jojakim fratris in regno Judæ successor. 213.
- Describitur ratione ingenii , impietatis , & sævitie , maxime in Prophetas. *ibid.*
- Sub ejus imperio Hierosolyma capta a Nebucadnetzare est , quæque exinde secuta sint. *ibid.*
- יְהוֹנָדָב. 556.
- Jonadab. Cujus filius fuerit Jonadab , & quo tempore vixerit. 179.
- Quomodo Jonadab filius dicatur Rechab. *ibid.*
- Quale institutum Rechabitis injunxerit. *ibid.*

I N D E X R E R U M,

An idem sit Jonadab qui Regi Jehu occurrerit. *ibid.* & 180.
An, ut Hebræi putant, Jonadabus suo instituto posteris suis de parabili victu prospicere voluerit. 181.
Rectene fecerit Jonadab regulis illis, quas præscripsit. Rechabitas obligando. 182. & *seqq.*
Ejus institutum an religiosum fuerit. 183. 184.
In posteris Jonadabi est rarissimum filialis obedientiæ exemplum. *ibid.*
An qui postea Hasidæi dicti, filii Jonadabi sint. 186.
Jonas. Propheta Jonas quo tempore Niniven venerit. 166.
Jonathan. Fuit Jonathan Dux & Pontifex Judæorum. 234.
Ejus res gestæ, & cujus insidiis perierit. *ibid.*
Josæ. Memorabilis Josæ pietas recensetur. 213.
Fuit instaurator cultus Divini. *ibid.*
Ejus filius, in regno successor, quis. *ibid.*
Josua. Quis Josua fuerit. 194.
Occupavit Hierosolymam, & quale miraculum eo die a Deo factum. *ibid.*
יוסף. Hujus vocis origo & significatio. 191. 192.
Ismael. In qua regione Ismael uxorem duxerit. 118. 119.
Quare ejus posterii Agareni dicti. *ibid.*
Israel. Promissio gratiæ populo Israelitico a Jesaja cap. vi: 13. in quo consistat, quomodo explicanda, & quare ei facta. 39. 40.
Qui, & quare quidam ex hoc populo, vocati semen sanctum. 40.
Israelitæ. Israelitis a Deo est præstitum, quod a vero rege expectari potest. 723. & *seqq.*
Imperii Divini pertæsi, magno suo malo hominem regem petierunt. 725.
Qui Deus Israelitis hominem regem concesserit. *ibid.*
Judas Maccabæus. Hic Judas describitur ratione originis & nominis. 232.
Tyrannidi Antiochi Epiphanis fortiter ac feliciter se opposuit. *ibid.*

Ejus auspiciis Encoenia celebrata sunt. *ibid.* & 233.
Bella Judæ Maccabæi cum Antiocho Epatore. 234.
Ejus gloriosa mors, & successor quisnam fuerit. *ibid.*
Judæa. Quo tempore Judæa in provinciam formam redacta fuerit. 252. 253.
Archelao rege in exilium actio sub Procuratoribus Romanis fuit, septem numero; 255. donec Cajus Caligula Herodem Agrippam regno avito donaret, ibid. & 256. quod confirmavit auxitque Claudius, vulgato etiam notabili in favorem Judæicæ nationis edicto. *ibid.*
Agrippa ultimo rege mortuo a quibus nominatim Procuratoribus Romanis Judæa administrata fuerit. 258. & *seqq.*
Judæi. Apud Judæos, non recentiores solum, sed & antiquissimos, receptissimam sententia est, plerasque Vet. Test. Historias præ ceteris notabiles, præter sensum historicum habere quoque mysticum. 126.
Judæi qui stragem Hierosolymitanam effugerunt, in quot distributi sint classes. 218.
Aliqui, Nebucadnetzare Judæam occupante, refugium quæsiiverunt apud vicinas gentes, 219. alii in Judæa relictæ abierunt in Egyptum, ibi perituri, ibid. præcipui deportati sunt in Babyloniam: at numero valde exiguo: 220. ubi multa exilii levamina Divina iis Providentia concessit: ib. & 221. non sic tamen, quin Sionis recordatio iis infandum renovaret dolorem. *ibid.*
In exilio Babylonico, sub trina regum dominatione, annos exegerunt quingenta, 221, 222. qui varie a variis tantur. *ibid.* & *seqq.*
Iis redeundi in patriam & Templum reedificandi facultatem concessit Cyrus, 224, 225. suppeditatis in eam rem rebus necessariis, redditisque Templi instrumentis. *ibid.*
Numerus Judæorum cum Zerubbabele redeuntium, sublata computationis difficultate. *ibid.*
Plurimi varias ob causas in Babylonia restituerunt. *ibid.*

Rede

P H R A S I U M , ac V E R B O R U M .

- Reduces** quando Templi ædificationem orsi, & consummarint. 226. & *seqq.*
- Quibus** periodis reducum Judæorum variata politia fuerit. 228. & *seqq.*
- Soluta** Captivitate sub Persarum imperio primo fuere, & quale tributum iisdem solverint. 228.
- An** reduces suis vixerint legibus & institutis; qualesque ipsis dati fuerint Præsides. *ibid.* & 229.
- Quomodo** Alexandri Magni tempore se res Judæorum habuerint. 230, 231.
- Oratio** ad Deum pro reconciliatione Judæorum. 266.
- Post** a Vespasiano excidium Hierosolymitanum Judæi se paullatim in terra sua recolligunt, & celebres Academiæ & Scholas instaurant, 270. suum & creaverunt Patriarcham, qui & Apostolos suos habuit. *ibid.* & 271.
- Sub** Trajano Imperatore rebellantes quam crudelitatem exercuerint. 276.
- Occasio** pertinacissimæ rursus sub Hadriano Imperatore Judæorum rebellionis. *ibid.* & 277.
- Quam** exosi Romanis & contemti fuerint. 279.
- Tres** hominum classes constituunt Judæi, quorum singuli peccatorum remissione indigent, quam suis ipsi actionibus possint acquirere. 549.
- Ut** criminum suorum consequantur veniam, inter ea quæ præstanda sibi censent, est generatim poenitentia, *ibid.* & 550. speciatim eleemosyna, *ibid.* preces cum confessione peccatorum, 551. mutatio nominis, *ibid.* & 552. & operis. *ibid.*
- Plurimum** præterea ad impetrandam peccatorum remissionem valere existimant afflictiones, sive a Deo immisæ, sive sponte susceptæ, 553. circumcisio, *ibid.* & 554. lotiones & lustrationes, *ibid.* sacrificia pro peccatis, *ibid.* substituta in locum peccantium, 555. præcipue sacrificia jugia: 557. sed omnium maxime sacra magni diei expiationis; *ibid.* mors, 558. suppliciumque duodecim mensium in Gehenna. *ibid.*
- Fundant** jus vitæ æternæ in operum meritis: 559. quæ secundum eos, ut multiplicarentur, multiplicavit Deus præcepta. 560.
- Fidem** quoque causis vitæ æternæ annumerant, 561. eamque considerant ut complementum totius legis, *ibid.* & 562. & ut opus meritum: *ibid.* cui addi volunt specialem fiduciam in Dei bonitatem & misericordiam, *ibid.* non in Messiam. 563.
- Messæ** justiciam & redemptionem spiritua-lem prorsus repudiant. 564.
- Quamvis** frustra se coli Deus non postulet, negant tamen colendum esse intuitu mercedis. *ibid.*
- Judicium.** Distinctio inter judicium animi & conscientiæ, an solida sit. 475.
- Julianus.** Imperator Julianus Templum & sacra Judæorum instaurari jussit, at cœlitus impedito molimine, 294, 295. quod & Judæis & Gentilibus Scriptoribus observatum est. 296.
- Jurisprudensia.** Jurisprudentiæ hoc seculo præclara felicitas. 733.
- Justificatio.** Quid per justificationem intelligendum sit. 526.
- Vera** justificationis doctrina ex oppositis erroribus optime cognoscitur. 527.
- Theologia** Gentilium circa justificationem: 527. & *seqq.* & quid in illa veri & boni, falsi & mali sit. 546, 547.
- Theologia** Judæorum circa justificationem: 548. & *seqq.* & quid in illa veri ac falsi sit. 565, 566.
- Controversiæ,** quæ Apostolorum ætate in Ecclesiâ Christiana circa justificationem ortæ sunt. 567. & *seqq.*
- Mens** Pauli in negotio justificationis. 575. & *seqq.*
- Quot** controversiæ circa justificationem, sub infaustis Antinomorum & Neonomorum nominibus, in Britannia nunc agitentur, & qui conciliari possint. 628. & *seqq.*
- Varios** habet justificatio articulos, quorum aliqui fidem antecedunt, alii sequuntur. 624, 625.
- In** justificatione homini credenti promulgatur sententia de omnium, sine exceptione, peccatorum plenaria expiatione. 634. & *seqq.*
- Justinianus.** Imperator Justinianus quo tem-

I N D E X R E R U M,

pore & quo successu Hierosolymæ ædem
Deiparæ Mariæ struxerit 296. & seqq.
Ecclesiæ antiqui Judæorum Templi spoliis
Hierosolymæ locupletavit. 298.
Elucidatio & confirmatio Edicti Justinia-
nei, quod exstat *Cod. lib. 1. tit. xxvii.*
de off. *Præf. Præf. Afric. 706. & seqq.*
Justitia. Justitia, qua coram Deo consistamus,
non nostra, sed Dei est, 577. ex fide,
ad fidem: *ibid.* non ex ullis operibus
cujuscunque Legis, *ibid.* & 578. neque
observatione Evangelicorum officiorum;
sed gratis, ex Dei gratia. 578.
Juvenis. Quale Ecclesiastes cap. xii: 1. ju-
venibus commendat officium. 135.
Eximium eorum ornamentum quale. 136.
Exhortatio ad eosdem. *ibid.*
Meditatio senectutis juvenibus commen-
datur, ut iisdem utilissima. 137, 138.
Juventus. Juventutis apud antiquos termini.
448, 449.

K.

K *Ἀδάματα.* 535.
Καταγύγιον. Quale *Καταγύγιον* apud
Ephesios festum fuerit. 456.
Kenai. Quales populi fuerint Kenzi, quis
paterfamilias eorum, qualique nomine
postea vocati. 177.
Jethro Kenzus quis. *ibid.*
Distinguendi sunt hi Kenzi a Kenizzæis &
Kadmonzæis. *ibid.*
Ubi, & quando se Israelitis associaverint.
ibid. & 178.
Ab Israele distincta gens num manserit.
ibid.
Quo nomine a Bileamo laudentur. *ibid.*
Tribui Judæ deinceps adhæserunt partim,
partim prope Kades habitaverunt. *ibid.*
Καράτις. 402.
קול חקירה. 20.

L.

L *Λίθ.* Dari spiritum lapidificum, memo-
ratur, qui corpora apprehensa in
lapidum duritiem convertit. 157, 158.
Fluvii narrantur, in quibus virgulta &
folla lapidescunt. 158.

Homines in salarias aut lapideas statuas
mutatos esse, memoratur. 159.
In civitate Aquensi excisum est e rupe in-
tegrum hominis sceleton. *ibid.*
Lenticula. Phrasis hæc, & quassetur lenticu-
la aurea, Eccles. xii: 6. quid notet. 142.
Lex. Elegantissima ab Apostolo Paulo vocis
Legis pertractio. 112.
Per Legem Legi mortuum esse, quid sit.
ibid.
Legis prædicatio quo modo atque ordine
cum prædicatione Evangelii sit jungen-
da. 657. & seqq.
Potest Lex considerari, vel ut norma offi-
cii, vel ut conditio foederis, tam Ope-
rum, quam illius quod est inter Patrem
& Filium; non ita illius quod est inter
Deum & electos. 658.
Variis respectibus ad foedus Gratia refer-
tur. 659.
Sub œconomia Evangelica Legem quoque
cum suis usibus prædicari oportet. 661.
----- *Cerimonialis.* In eo nunc consentit
Christianismus, quod Lex præcepti car-
nalis sit emerita. 567, 568.
Eam esse abolitam initio Evangelii non-
dum innotuerat. *ibid.*
----- *Fidei.* Qua formula Lex Fidei com-
prehendatur. 583.
----- *Operum.* Quid Paulus intelligat per
Legem Operum. 578.
Olim Adamo fuit data. 579.
Fuit a Mose repetita ut inserviret Foederi
Gratiae: *ibid.* at a plerisque Israelitis per-
peram accepta. *ibid.*
Locusta. Qui hæc phrasis Eccles. xii: 5. &
bajulatur, vel oneri erit locusta, & æ-
plicanda. 141.
Λόγος τῷ Θεῷ. Unde Johannes hanc deno-
minationem, qua Sospitatorem generis
humani aliquoties designat, habeat. 70
& seqq.
Quid Apostolus ea denominatione impor-
tet. 82. & seqq.
An solus Johannes ex omnibus Novi Te-
stamenti Scriptoribus hoc nomine Dei
Filium insigniverit. 90. & seqq.
Lotus. Describitur Lotus quoad parentes &
cognatos. 148.
Imprudenter ab Abrahamo ad Sodomitas
con-

P H R A S I U M , ac V E R B O R U M .

concessit : *ibid.* at non sine insigni Divinae Providentiae ductu. 149.
 Commendatur ob singularem pietatem. *ib.*
 Quare Deus ipsi prohibuerit ne post se respiciat, cum egrederetur Sodoma. 150.
 An ejus uxor statua facta sit per veram metamorphosin, 152. & an ea adhuc exstet. 154. & *seqq.*
Lucas. An Lucas Evang. cap. 1 : 2. & Act. xx : 32. Filium Dei Λόγον vocaverit. 91.
Lystra. Fuit Lystra oppidum Lycaoniae nulla laude incluturum. 439.
 Hoc in oppido natus est Timotheus. *ibid.*

M.

Magnes. Vim gubernatricem Magnetis non ignorasse Phoenices, contendit Fullerus, 332, 333. & quamvis ignoraverint, tamen navigabilis & navigatus fuit Oceanus. 333.
 Salomo an ejus vim gubernatricem sciverit. *ibid.*
 Lapis Herculis, an Magnes fuerit. *ibid.*
 Ejus usum priscis temporibus incognitum fuisse probatur. 363.
 Sapientiam Salomonis pertinuisse ad Magnetem non liquet. *ibid.*
Majestas Divina. Mortales, etiam principum amicorum Dei, cur semper fere conspectu Divinae Majestatis terrore percussi fuerint, 24.
Manasses. Describitur Manasses ratione vitae scelestae, 212, 213.
 A Rege Assyriorum captus Babylonem deportatus est, & quare iterum dimissus. *ibid.*
Maranatha quid sit : ubi explicatur locus 1. Cor. xvi : 22. 52. & *seqq.*
 An secundum quosdam vox hæc corrupta sit, quaeritur. 53.
 Ex quibus vocabulis composita sit docetur. *ibid.*
Masada. Arx omnium Judææ munitissima fuit Masada. 269.
 A quo, & in quem finem exstructa. *ibid.*
 Victa Hierosolyma, mutua eade necatis civibus, vacua Romanis cessit. *ibid.*
Massilienses. Quem morem Massilienses tempore pestilentiae observarint.
Matthæus. Nusquam dicere Nicephorum pro-

batur, Matthæum apud Cannibales prædicasse Evangelium, & quæ dicit, ridicula esse. 354, 355.
Matthias. Hic Matthias describitur ratione originis & muneris sui. 232.
 Fuit auctor familiæ Hasmoneorum. *ibid.*
Medicina. Medicinæ hoc seculo præclara felicitas. 732, 733.
Melchisedecus. Nomen Melchisedeci quid significet. 189.
 Ubinam rex fuerit. *ibid.*
 An Conditor urbis Hierosolymæ fuerit. 192.
 Sem an idem sit qui Melchisedecus. 193.
Μέλι ἀγρίον. Fuit μέλι ἀγρίον Johanni pro cibo. 403. & *seqq.*
 Quotuplex apud Israelitas fuerit. *ibid.*
Meminisse. Dei Creatoris meminisse in quo consistat. 132, 133.
 Gentiles etiam memoriam Dei Creatoris commendarunt. 133. cum monela, ne tanto nos unquam opifice indignos præstemus, 134. sed sacramento ei ad perpetuum devoveamus obsequium, *ibid.* & 135. ubi circa hanc rem notabile Simplicii votum. *ibid.*
 Omni quidem ætati, at singulatim juventuti, memoria Dei Creatoris commendatur, 135. & *seqq.* propter senectutis incommoda, elegantissime ab Ecclesiaste per partes exposita. 137. & *seqq.*
Memoria. Quem locum in homine memoria obtineat. 147.
 Est facultas cui non nisi præstantia quæque commendanda sunt. *ibid.*
 Cur Christus Discipulis suis commendaverit memoriam uxoris Loti. 148.
Menahem. Rex Israelis Menahem a quo in regno confirmatus. 166.
Mens. Hominis præcipua pars mens est. 138.
 De ejus imbecillitate in senibus differitur. *ibid.*
Messias. Judæa facta provincia attributaque Syriæ, quaeritur, an in ea mutatione observari possit character Chronicus nati Messiae. 253.
 Ejus crucifixio maximum fuit Judæorum scelus. 264.
 Judæi Messiae iustitiam & redemptionem spirituales prorsus repudiant. 564.
Metatron. Sic quandoque vocatus est Archangelus Michael. 101.

Quo-

I N D I E X R E R U M,

Quomodo Hebraei de Metatron commententur. *ibid.*
Hebræorum commentationes de Metatron Cabbalisticæ sunt. 1 6.
Michael. Ejus nomen sexies in Sacris exstare docetur, ubi simul loca indicantur. 95.
Quot de Michaelē sententiæ sint quæritur. *ibid.*
Vox Michael quid notet, expenditur. *ibid.* & 96.
Michael five Archangelus non nisi unus est, & cæterorum omnium Angelorum princeps, 96. idcirco boni Angeli, Angeli Michaelis dicuntur. 97.
Idem magnus Princeps populi Dei est. *ib.*
Judas ei eadem attribuit verba, quæ Zacharias Angelo qui est Jehova, *ibid.* & 98.
Vocatus etiam est Metatron, & quare. 101.
Alii Michaelē unum ex creatis Angelis esse volunt: 102. quia Archangelus a Christo distinguitur, *ibid.* & Michael unus principum primariorum dicitur, 103. eique limitata adscribitur potentia, *ibid.* & persona aliqua Divina quæ missa est, se a Michaelē distinguit. *ibid.* & 104.
Nomen Michaelis pie imponi potest personæ creatæ. 104, 105.
Michaeli non minus sui Angeli tribuuntur quam Draconi. 105.
Persona creata, cui & Michaelis nomen imponitur, tam princeps populi Israelitici esse potest, quam Diabolus princeps hujus mundi. *ibid.*
Zacharias de Angelo Domino non prorsus eadem dicit, quæ Judas de Michaelē. *ib.*
An Daniel. x: 13. Michael a Christo, an a Gabriele distinguitur. 107.
Sunt qui putant per Michaelē aliquando Christum, aliquando creatum Angelum designari. 108.
Midian. Cujus filius Midian fuerit, docetur. 177.
Midianita. Qualis Gens Midianitæ fuerint. *ibid.*
מימר. }
מימרא. } 70. & 199.
מכבי. 232.
מלח. 169.

ממעל. 13.
Mina. Quot libris mina apud Hebræos constet. 202.
Miraculum. Uti nimia facilitas, ita & nimia difficultas in admittendis miraculis improbanda est. 157.
מנרה. 228.
Molito. Quid Ecclesiastes cap. xi: 4. his verbis, submissa est vox molitionis, indicare velit. 140.
Molitrices. Quid hac phrasi, molitrices sunt otiosæ, Eccles. xi: 4. significetur. 139.
Moria. Arauzæ Jebulzi area in colle Moria fuit. 206.
Ibidem ædificavit David altare. *ibid.*
Templum Hierosolymitanum extructum a Salomone in Moria fuit. *ibid.*
Hujus montis situs describitur ratione portionis in duas Tribus, Judæ scil. & Benjaminis. *ibid.*
Moses. Cur Diabolus Mosis defuncti corpus petierit, expenditur; ubi locus Deuter. xxxiv: 5, 6. explicatur. 98.
מצוות. 379.
משמרות. 375.
משפטי. 379.
Mysterium. Religionis mysteria transcendunt axiomata rationis. 464.

N.

N **Nabopolassar.** Hic Nabopolassar junctis cum Cyaxare viribus, urbem Niniven expugnavit. 166, 167.
Fuit pater Nebucadnetzaris Magni. 166.
Ei obtigit regnum Babyloniz. *ibid.* & 167.
Narcissus. Fuit Narcissus Episcopus Hierosolymitanus. 281.
Ejus describitur historia. *ibid.* & 282.
Natalitia. An Natalitia quotannis celebrare hominem pium deceat, disputatur. 433.
Nazirai. A quibus rebus Naziræi apud Hebræos se abstinerint. 184.
Similitudo & dissimilitudo inter eos & Rechabitas. *ibid.*
נרמתי. 23.
Nebucadnetzar. Fuit hic Necadnetzar filius Nabopolassari. 213.
Hic quot reges Judæ cepit, memoratur. *ib.*

Quæ:

P H R A S I U M, ac V E R B O R U M,

Quare Hierosolymam expugnaverit. *ibid.*
 Celebris illa Captivitas Babylonica sub eo incidit, *ibid.*
 Annus, quando exciderit Hierosolymam, difficilis putatu est. 214.
 Quoties Judæos, & quot qualibet vice Babylonem in captivitatem abduxerit. 220.
Nehemias. Quis Nehemias fuerit. 227.
 Qua occasione Nehemias urbem Hierosolymam ædificavit, eique de incolis prospexerit. *ibid.*
 Eo mortuo an Præsides alii a Persis substituti fuerint. 230.
Neonomi. V. *Antinomi.*
Neolus. 448.
Niddui. Qualis gradus excommunicationis Niddui noetur apud Hebræos. 47.
Nimrod. Nomen Nimrod Hebræo sermone quid significet. 163.
 Babel urbs ab eo condita. 164.
 Urbs Ninive ab eo ædificata est. *ibid.*
 Assyria cur terra Nimrod vocata. *ibid.*
 Quare e terra Sinear egressus sit in Assyriam. *ibid.*
 Regnum Nimrodi in Assyria quibus fuerit circumscriptum limitibus. 165.
Ninus. Urbs Ninus quomodo in S. Literis vocetur. 163.
 In ea Assyrii primo imperium & sedem habuerunt. *ibid.*
 Quid statuendum de iis, quæ Justinus & D. Siculus de Nino tradunt. 165.
 Destructa Nino Babylonici nominis gloria increbuit, evanuit Assyriaci. 166.
 An sic destructa Ninus fuerit, ut ubi sita fuerit, nemo hodie sciat. *ibid.*
 A quibus diu post instaurata. 169.
 A Saracenis rursus excisa est. *ibid.*
Nomen. Impositio nominis, quamvis ad patriam præcipue pertineat potestatem, a matribus tamen sæpe usurpata fuit. 439.
 נון. 20.
 נציב. 155. 159, 160.

O.

Obedientia Fidei quid sit. 586.
Opera Legis. Quid Paulo sint Opera Legis. 579.
 Ea quæ Paulus a justificatione excludit, *Tom. II.*

non sunt illa quæ conversionem & fidem antecedunt: *ibid.* & 580. quod probat exemplo Abrahami, *ibid.* & 581. & claratur eximio Clementis Romani loco: *ibid.* ubi objectioni doctissimi Viri responderetur. 582.
 Non significant obedientiam perfectam, secundum rigorem Fœderis Operum. 583.
Opes. Priscæ opes ex nostra paupertate æstimandæ num sint. 204, 205.
Ophir. Salomonis Ophir creditur esse Monomotapa Castrorum. 331.
 Jobi & Davidis tempore jam cognita fuit. 360.
 Quomodo in Sacris vocata. *ibid.*
 In Orientali India potius esse querendam, in insula nimirum Taprobana, monstratur, *ibid.* quam in Occidentali. 361.
Oraculum. De amplitudine regni Christi Oracula ad Apostolorum ætatem arcere nefas est: 339. nonnulla agunt de senioribus temporibus, *ibid.* ergo ex iis inferri non potest absoluta Apostolicæ prædicationis universalitas, 340. quam nec mandata Christi ad Apostolos arguunt. *ibid.* & 341.

P.

Pactum salis. Quid pactum salis notet. 153.
Pædobaptismus. Quid sufficiens Pædobaptismi fundamentum sit. 484.
 Nullam obsignat gratiam, nisi electis. 485.
 Qui Theologi omnibus rite baptizatis gratiam quandam baptismalem adtribuant. *ibid.* & seqq.
 In quibus consistat. 489.
 Quæ bonæ Fœderis Gratia significet & obsignet, & quinam horum ordo sit. *ibid.* & seqq.
 Ejus efficacia tota moralis est, & in valida obsignatione consistit. 509.
 Utilitas Pædobaptismi respectu parentum, & infantum quum adolefcunt, 510. & quum infantes sunt. 511.
Παρακολούθειν. 442.
Paraphrases Chaldaicæ Dei Verbum in significatione personæ Divinæ sæpe usurpant, 70, 71. & a Deo cujus est Verbum distinguunt. ibid.
 Fffff Partibi.

INDEX RERUM,

Parthi. Dux eorum quis fuerit. 168.
 Quomodo horum regum familia vocata, & quousque duraverit. *ibid.*
 Non confundendi cum Persis sunt. *ibid.*
 Eorum metropolis quænam sit. *ibid.*
 Quales populi, unde originem trahant. *ibid.*
 Ubinam regiam suam tempore hiemis habuerint. *ibid.*
Pascha. Quomodo hæc phrasis, Pascha est Christus, sit intelligenda. 118.
Patres. Patres in re sacramentaria hyperbolicis locutionibus luxuriantes, juvari non possunt, nisi benigna interpretatione. 516, 517.
Patriarcha. Post excisam a Romanis Hierosolymam Judæi sibi creaverunt Patriarcham, 270. qui describitur ratione officii, dignitatis & auctoritatis. *ibid.*
 Quibus nominibus ab Imperatoribus ornati fuerint. 271.
 Quibus gradibus Christianorum Episcopus Hierosolymitanus Patriarchæ nomen ac dignitatem nactus sit. 292, 293.
Paulus. Qua mente Paulus optarit Anathema esse a Christo pro fratribus. 55. & *seqq.*
 An Filium Dei Hebr. IV : 12. Λόγον vocaverit. 91. & *seqq.*
 Frequenter usus est figura Antanaclassi. 111.
 Qua variante elegantia in voce Legis utatur. 111, 112.
 Quomodo per Legem Legi mortuum se dicat. *ibid.*
 Ejus itinera cum Timotheo. 451, 452.
 Magnus Pauli zelus fuit in tuenda doctrina de justificatione. 575.
 In Epistola ad Romanos potissimum hoc agit, ut Gentes pariter ac Judæos ab omnibus suis quibuscunque operibus, ad solam Christi justitiam avocet. 584.
 Quid intelligat per Legem Operum, 578, 579. Opera Legis, 579. Legem Fidei, 583. & Fidem. 584. & *seqq.*
 Non docet, fidem, novam creaturam, & observantiam mandatorum Christi, eandem rem esse. 586, 587.
 Non vocat fidem quod Jacobus opera. *ibid.*
 Tota ejus disputatio circa justificationem in quot fundamentales contrahatur veritates. 588.

Judæos non amplius Cerimoniis obligari, in Epistola ad Hebræos docet. *ibid.*
 Circa Gentiles acquiescit sententiæ Concilii Hierosolymitani. *ibid.*
 Judaizantium errores illi occasionem præbuerunt scribendæ ad Galatas Epistolæ: 589. cujus argumentum proponitur, *ibid.* & quæ cum Epistola ad Romanos confertur. 590.
Peccatum. Ablutio peccati in quo consistat. 489.
 Est ablutio peccati bonum Fœderis Gratiæ quod Baptismo significatur & obsignatur. 496.
 ----- **Originalis.** An detur remissio peccati originalis, a qua sejuncta aliorum peccatorum remissio. 487.
 An remissio peccati originalis Baptismum antecedit. 491, 492.
 Quam ob rem, & quo modo electorum peccata Christi dicantur. 596. & *seqq.*
 An peccatorum remissionem resipiscencia antecedit. 629. & *seqq.*
 An omnia peccata, non præterita modo, sed & futura, credentibus in justificatione ita simul ac semel remittantur, ut Deus in justificatis nullum amplius peccatum videat, ut nulla peccati deformitas, nullus reatus, nullum onus iis incumbat, ut nullum quantumvis grande peccatum vere iis noceat, ut Deus quilo eorum crimine offendatur, ut neque humiliatione, neque confessione, neque precibus ad recens admissi peccati veniam consequendam indigeant; ut denique mox post admissionem peccati æque certi sint veniæ, quam post humiliationem accuratissimam. 630. & *seqq.*
Pedes. Quæ humani corporis membra pedum nomine Hebræis veniant. 15.
Περσῆς. Quinam homines per hoc vocabulum denotentur. 45, 46.
Persæ. Reges Persarum quare reges Assyrii dicti. 167.
 Eorum regnum a Græcis occupatum. 168.
 Distinguendi sunt a Parthis. *ibid.*
 Eorum metropolis quænam sit. *ibid.*
 Hi, ejectis Parthis, qui post Græcos Persiam tenuerant, duce Artaxerxe recuperant Persiam. *ibid.* & 169.
 Instaurarunt Niniven. *ibid.*

P H R A S I U M, ac V E R B O R U M.

Pestis. Apud antiquos tempore pestis multi reges & principes se ipsos morti tradiderunt. 46.

Petrus Eremita. Hic ad sacram expeditionem Christianos ita excitavit, ut auctore Urbano Pontifice, cum magni nominis Principibus incredibilis hominum multitudo, suscepto crucis signo, in Orientem contenderent, 301. attamen consilium hoc Deo non placuit, nam Pontifices suæ solum avaritiæ & ambitioni litabant. 302.

Pharnaces. Pharnaces exstinxit Assyriorum regnum victo Sardanapalo. 366.

Philosophia. Sanctissimam Personarum Trinitatem priscam Philosophiam adnovisse & professam esse, etiam ex Christianis multi doctores statuerunt. 75.

Philosophiæ hoc seculo præclara felicitas. 731. & seqq.

Phœnices. An Phœnices Orbem terrarum circumnavigaverint, 358. & quousque colonias duxerint. 359.

Phœnices. 408.

Phul. Primus Rex Assyriorum cujus post Nimrodum fit mentio in S. Literis vocatur Phul. 165.

Hic Israelitidem invadens regem Menahem in Israelitarum regno confirmavit. *ibid.* & 166.

Creditur esse ille, sub cujus regno Niven profectus est Jonas. *ibid.*

Ejus filius quisnam fuerit. *ibid.*

Pietas. Ad omnia pietas est utilis. 651.

Per pietatem impendentes calamitates evitantur, & pax conscientiæ, ac lætitia promovetur. *ibid.* & 652.

Platonici recensiores. Quid recentioribus Platonici phrasîς λόγος τῷ Θεῷ significet. 74. & seqq.

Iidem laudant Evangelium Johannis. 75. Differentia inter λόγος Platoniorum & λόγος Johannis. 76.

Quædam ex Evangelio sumta Philosophicis subtilitatibus corruerunt. 78.

Perperam ex eorum schola Christianorum dogma arcessitur. 79.

Pars a Jesaia populo Israelitico cap. vi: 11. &c. denunciata, in quo consistat. 37. & seqq.

Pompejus. Hic Pompejus qua occasione urbem Hierosolymam in suam potestatem redegerit, regnumque Judæorum Romanis tributarium fecerit. 237. 238.

Pontifex Maximus. Magna semper in Republica Judaica potestas Summi Sacerdotis fuit; 229, 230. cujus rei memorabile in Jaddo exemplum est, cui plurima indulsit Magnus Alexander. 230. & seqq.

Porticus Templi describitur ratione altitudinis, longitudinis, & latitudinis. 10.

Postes Templi. Qui postes liminum Templi in visione Jesai. vi: 4. ad vocem clamantem Seraphini commoti dicantur, quid illa commotione significatum, & qualis nexus inter istam nutationem & clamantis vocem, 20, 21. quidque ea Judæis exprobratum sit. 22.

Præsides Hierosolymitani. Eorum describitur potestas circa res Ecclesiasticas & Civiles. 228, 229.

Quando eorum potestas in Pontifices Maximos fuerit translata. 230.

Preces. Precum vis secundum Philosophos Platonicos. 529, 530.

Cum precibus Gentiles jungebant ad placandum Numen cerimonias animi demissionem testantes: *ibid.* quo pertinet quod Matronæ apud Romanos passis erinibus templorum verrebant pavimenta. *ibid.*

Προσβύριον. Quid hoc vocabulum in S. Scriptura notet. 445.

Προσβύριος. *ibid.*

Propheta accurate tempus visionum adnotant. 5.

Ptolemæus Lagi. Fuit hic Ptolemæus primus post Alexandri M. mortem Ægypti rex. 231.

Quomodo sub eo ejusque successoribus se res Judæorum habuerint. *ibid.*

Puteum. Quam significationem phrasîς hæc, quassatio rotæ ad puteum, Eccles. xii: 6. habeat. 143.

R.

Ramantha. Cujus derivationis & significationis vox Ramantha fit, queritur. 52.

Ratio. Quantum rationi tribuendum sit. 157.

FFFFF

S. Scrip-

I N D E X R E R U M,

- S. Scripturis fasces submittere debet ratio.** *ibid.*
- In historia uxoris Loti ratio nihil invenit quod horreat :** 158. quum & aliæ mutationes huic quodammodo similes in natura inveniantur. *ibid.*
- Circa rationis usum in rebus fidei aliqui in excessu peccant , alii in defectu.** 458, 459.
- Hac in re medium tenere tutissimum.** *ibid.*
- Præcognita ad rite formandum statum controversiæ circa usum rationis in rebus fidei ,** 459, 460. & verus controversiæ status. *ibid.*
- In nemine mortalium , si pro facultate sumatur , prorsus est recta.** *ibid.* & 461.
- Ab omni errore , quantumvis nitatur , sibi cavere non potest.** *ibid.*
- Solet maxime circa res Divinas , quamvis alioqui solertissima , errare :** *ibid.* cui corruptioni tollendæ nulla externa veritatum Divinarum sufficit propositio. *ibid.*
- Unde pateat rationem in statu naturali non esse idoneam rerum Divinarum arbitram.** *ibid.*
- Est , licet corrupta , unica facultas quæ res Divinas cognoscit.** 462.
- Format ex residua sibi luce axiomata quædam incontestatæ veritatis ,** *ibid.* & ex iis quasdam deducit conclusiones liquidissimas , quæ Recta Ratio merito dici possunt, *ibid.* imo & Dei , per rationem docentis , dictamina : *ibid.* non sic tamen , ut par veritatis certitudo iis competat ac S. Scripturæ. *ibid.* & 463.
- Habet aliquando pro aperta veritate , ubi latet error , & sæpe putat aliquid cum perspicua veritate pugnare , quod ei amice conspirat , ut duobus claratur exemplis.** *ibid.*
- Nefas est rationi vim facere in exponendis Dei eloquiis , ut ei gratificemur in tuendis ipsius axiomatibus.** 464.
- Non est consulenda ratio in inquirendo Divinorum verborum sensu , quid ex se de iis rebus norit , sed unice attendendum , quid ipsa verba notent ,** *ibid.* quod exemplo claratur , 465. & illustratur pulchra observatione Verulamii , *ibid.* Heidant , 466. & Cocceji. *ibid.*
- Regeneratio. An detur veri nominis regeneratio , quæ terminari potest morte æterna.** 488.
- Quid sit regeneratio.** 490.
- Est bonum Fœderis Gratiæ quod Baptismo significatur & obsignatur.** *ibid.*
- Quotuplex de ordine regenerationis Theologorum sit sententia.** 492.
- Modestæ litare videntur qui ei nullum certum temporis determinant articulum.** *ibid.*
- An possit habere locum in infantibus ,** 493, 494. & an iis ad salutem absolute sit necessaria. *ibid.*
- An Deo liberum sit regenerationis gratiam donare non baptizatos ,** 494, 495. & an probabile , quod ordinarie ita faciat circa eos qui in infantia moriuntur. *ibid.* 496.
- Qui regenerationis ordo se habeat respectu eorum qui adolescunt.** 496, 497.
- Sententia Voetii de regeneratione infantium electorum ex fœderatis parentibus ortorum.** 497.
- Præstruit Baptismo regenerationem Liturgia Belgica.** *ibid.*
- Amyraldi sententia de regeneratione infantium , & qui refutetur.** 498 & 499.
- Argumenta eorum Theologorum , qui regenerationem , ipso Baptismi articulo , ordinarie infantibus conferri pugnant ,** 502, 503. eorumque refutatio ex testimoniis S. Scripturæ , Patrum , & Liturgiis tam Gallica quam Belgica. 504. & seqq.
- Quid Confessionis Augustanæ Fratres de regenerationis articulo sentiant.** 508.
- Reges. Ubi reges antiquitus jus dixerint.** 510.
- Rechab. Nomen Rechabi quanti inter Kenos fuerit æstimatum.** 179.
- Quando vixerit , incertum est.** *ibid.*
- Ejus filius quisnam fuerit.** *ibid.*
- Rechabites. Ex qua Gente Rechabites fuerint.** 177.
- Socer Moysi Jethro an fuerit ex ea Gente.** *ibid.*
- Eorum apud Israelitas laus.** 179.
- An fuerint ad Reipublicæ Israeliticæ dignitates promoti.** *ibid.*
- Institutum eorum quod a Jonadabo acceptum , quale fuerit ,** *ibid.* quidque in eo observandum, *ibid.*

PHRASIUM, ac VERBORUM.

Nunquam bibebant vinum, nullas exstruebant domos, nullas conferebant vineas, habitantes in tentoriis. 181.
 Rationes redduntur quare has regulas Rechabitis præscripserit Jonadab. *ibid.* & 182.
 Rectene fecerit Jonadab Rechabitis his regulis obligando. *ibid.*
 Obedientia Rechabitarum circa institutum Jonadabi ex quo motu fuerit. 184.
 In iis apparet rarissimum filialis obedientiæ exemplum. *ibid.*
 Gemina difficultas ex Jerem. xxxv: 6, 7. circa Rechabitis a Jonadabo datum institutum soluta. *ibid.*
 Cur in conclavi Templi Rechabitarum constantiam explorare Deus voluerit. 185.
 Promissio Rechabitis facta; quæ eleganter explicatur ab Altingio, & Scaligero. *ibid.*
 Benjaminis de regno Rechabitarum fabulæ. 186, 187.
 Rechabotas. Urbs Rechabotas ubi, & a quo constituta. 164.
 Rehoboam. Fuit Rehoboam filius Salomonis, successor & Rex Hebræorum. 211.
 Multum decessit Hierosolymæ sub ejus regno, quando defectione Jeroboami solius Judæ Metropolis facta est. *ibid.*
 Ejus tempore Ægypti rex Sisac Hierosolymam obsidens, quibus donis datis ab urbis obsidione deliterit. *ibid.*
 Ejus filius quisnam. *ibid.*
 Resipiscencia. An resipiscencia peccatorum remissionem antecedit. 629. & seqq.
 Respublica Literaria. Utrum Reip. Literariæ hoc seculo felicitas prædicanda, an potius illiusdem calamitas deploranda, expenditur. 730. & seqq.
 Rex. Regii muneris partes quæ sunt. 723. & seqq.
 Ritus Mosaicus. Quot & quales potissimum controversiæ in Apostolica Ecclesia ortæ sint super observatione rituum Mosaicorum. 567. & seqq.
 Romani. Quem morem Romani observarint circa nativitatem infantium suorum. 391. 392.
 PAV. 26.

S.

Sacerdos. In quot classes Sacerdotes apud Judæos tributi fuerint. 374. & seqq.
Salem. Sic vocata olim Hierosolyma est, & quare sic dicta. 188, 189.
 Ejus Rex quisnam fuerit. 189.
 An alia quædam Scythopolis fuerit. *ibid.*
 Salomon. Libri Ecclesiastis auctor an Salomon sit. 130.
 Quo ætatis tempore librum Ecclesiastis scripserit. *ibid.*
 Demonstratur eum non solum summum Theologum, sed & Philosophum fuisse. 131.
 Meditatum a patre Templum Hierosolymitanum Salomo exstruxit & consummavit. 206.
 Regia ejus qualis: qua occasione disquiritur, an tres distinctæ domus fuerint, quarum prima domus regis, altera domus saltus Libani, tertia domus reginæ diceretur. 207, 208.
 Diurna annona ejus familiæ quanta fuerit. 208. ejusque splendor. 209. & seqq.
 Arma ejus pretiosissima, supellex regia, navigia, &c. enumerantur. *ibid.*
 Sapientia ejus quanti ab omnibus gentibus æstimata. *ibid.*
 Ejus Templum quamdiu steterit. 214.
Salus. De ratione ac modo impetrandæ salutis quot potissimum, sub infausis Antinomorum & Neonomorum nominibus, in Britannia nunc disquirantur, & qui conciliari possint. 595. & seqq.
 Quæ inter eosdem Theologos controversantur de Applicatione partæ per Christum salutis, & quomodo ea concilianda. 614. & seqq.
 An recte asseratur Christum salutem esse meritum, sub conditione, ab hominibus præstanda. 612.
 An jus æternæ salutis electis applicetur a prima sui nativitate; an vero in sui regeneratione. 614. & seqq.
Sanctitas. Conscientia sanctitatis in hac vita facit secundum Socratem fiduciam felicitatis in futura: 543. quam fiduciam Divinationi imputabat, ut nos Christiani S. Spiritui. 544.
 Quot controversiæ de utilitate sanctitatis, sub

INDEX RERUM,

sub infaustis Antinomorum & Neonomorum nominibus, in Britannia nunc agitentur, & qui conciliari possint. 645. & *seqq.*
 Sanctitatem esse viam vitæ probatur. 649, 650.
 Fidelium sanctitas, quamvis imperfecta, Deo placet propter Christum: 656. imo etiam quatenus vera sanctitas est, propter se. *ibid.*
 ----- Dei qui definiatur. 17.
 Elogium sanctitatis, de Deo, in visione Jesaiæ cap. vi: 3. a Seraphinis repetitum, quid indicet. *ibid.* & 18.
 Salsoduchinus. Hic Salsoduchinus imperium Assyriacum & Babylonicum simul post Assarhaddonem administravit. 166.
 Quisnam hic credatur esse libro Judithæ. *ibid.*
 Saraceni. Unde oriundi Saraceni sint. 169.
 Nominis Saraceni derivatio. *ibid.*
 Eorum dux quisnam fuerit. *ibid.*
 Eorum opera usus est Imperator Heraclius adversus Chosroem Persam. *ibid.*
 Ob quam causam Christianis irati, ipsis bellum intulerint. *ibid.*
 Quæ postea regna, & quo temporis intervallo occuparint. *ibid.*
 Occupata ab aliis quoque Persia Babylone regni sui sedem constituerunt. *ibid.*
 A Turcis tandem ex Oriente ejecti sunt. *ibid.*
 Quo tempore Saraceni urbem Hierosolyman, & quoto obsidionis anno ceperint. 299, 300.
 Eorum Dux Homar Muhamedicum templum Hierosolymis ædificat eo loco ubi Salomonis steterat. *ibid.*
 Sardanapalus. Cujusnam filius fuerit, quibusque imbutus moribus Sardanapalus. 166.
 In eo extinctum est regnum Assyriorum. *ibid.*
 Sasanidae. Familia Sasanidarum quænam. 168, 169.
 Hi ejectis Parthis Persiam occuparunt. *ibid.*
 Ejus familiæ auctor quisnam. *ibid.*
 Quamdiu in Persia regnarint. *ibid.*
 Sarsifalio. Vis futuræ satisfactionis Christi, quoad salutem electorum, eadem est quæ factæ. 611.

Schammata qualis gradus Excommunicationis apud Hebræos. 48:
 Schesbazar. Hic Schesbazar an primus Judæorum ex captivitate Babylonica rediit cum Præfectus fuerit. 228.
 Quam coluerit religionem, disquirunt. *ibid.* & 229.
 S. Scriptura. Quando hæretici sacrilegas manus injecerint S. Scripturæ. 120.
 Quomodo S. Scriptura ea, quæ spiritualia sunt, & quæ in æternam terminantur gloriam, vocare soleat. 121.
 Ad ejus intellectionem quid requiratur. 123
 Ratio humana se S. Scripturæ submittere debet. 157.
 Quidquid S. Scripturæ historia dicat, quantumvis improbabile, verum tamen ac certum est. 161.
 Quidquid ei contrariatur, licet seposita sacra historia probabilissimum censeatur; admittit tamen ejus historiæ fidei, non jam probabile amplius, sed liquide falsum est. *ibid.*
 Quid doceat S. Scriptura de utilitate sanctitatis. 648. & *seqq.*
 סְכִימָה. 371.
 Seleucida. Quando, & a quo familia Seleucidarum orta sit. 168.
 Quare Assyrii quoque dicti sint. *ibid.*
 Quamdiu Babylonem post Alexandri M. mortem tenuerint. *ibid.*
 Sem. An Semus Noë filius, Melchisedecus fuerit. 192.
 Ejus soboles ubi sedes suas habuerint. 193.
 Quam regionem ipse Sem potissimum inhabitaverit. 194.
 Semiramis. Historia Semiramidis verane sit an fabulosa. 165.
 Senectus. Meditatio senectutis juvenibus commendatur, ut iisdem utilissima. 137, 138.
 Ejus incommoda Ecclesiastes elegantissime exponit, orsus ab imbecillitate mentis, indeque pergens ad imbecillitatem corporis. 138. & *seqq.*
 Non omnibus æque gravis senectus est. 143, 144.
 Piis etiam optata & felix est senectus, 144. iisque definit in placidam mortem, *ibid.* cujus memorabile exemplum in Jacobo Fabro Stapulensi est. 145.

P H R A S I U M , ac V E R B O R U M .

Seraphini cur sic dicti , qui & quot. 12 , 13.
 Eorum gestus & situs in visione de qua Jes.
 vi: 2. 13 , 14.
 Cur senz singulis hſte alæ , & quis earum
 ulus. 14. & ſeqq.
 Clamor alterius ad alterum qui intelligen-
 dus. 16.
 Symbolum unius ad Iſaiam advolantis
 quale, cujuſque ulus & ſignificationis, &
 quomodo ab Seraphino expoſitum fue-
 rit. 26. & ſeqq.
Siloam. Ubi Siloam ſita , & an piſcina fuerit.
 248.
 Ejus vis curandi an miraculoſa , an natu-
 ralis fuerit. 249. & ſeqq.
 Incertum a quo tempore vis curandi huic
 aquæ adfuerit. 251.
Simeon. Fuit Simeon hic Dux & Pontifex
 Hebræorum. 234 , 235.
 Hic populum Judaicum a jugo Macedonum
 proriſ liberavit. *ibid*.
 Impie convivio caſus eſt. *ibid*.
Sion. Mons Sion an ad Aquilonem ſitus fue-
 rit an ad Meridiem. 199. & ſeqq.
 Nomen Sionis quoruplici in Sacris veniat
 ſenſu. 206.
 Recordatio Sionis Judæis in captivitate
 Babylonica infandum renovabat dolo-
 rem. 221.
Siroes. Fuit Siroes Rex Perſarum. 299.
 Hic preſſus ab Heraclio Imperatore , ur-
 bem Hieroſolymam , quam pater ejus
 ceperat, reſtituit. *ibid*.
 Crucem Chriſti , quam Chſroes deporta-
 verat , ſolenniter, nec ſine prodigio ſuis
 humeris in Calvariam tuliffe fertur. *ibid*.
Sifac. Fuit Sifac rex Ægypti. 211.
 Hic ingentibus copiis Hieroſolymam obſi-
 dens , quibus acceptis donis ab Urbe re-
 ceſſerit. *ibid*.
 Quales columnas in Judæa poſuerit. *ibid*.
 שלכת. 39 , 40.
Smalcus. Putat Smalcus aſſertum de vera ac
 æterna Chriſti Deitate pugnare cum aſ-
 ſerto Incarnationis. 464.
Socinus. Socini ſententia de Satisfactione
 Chriſti. 463.
Solium. Cujus rei ſolium ſymbolum. 9 , 10.
 Deo frequenter in Sacris duplex adſcribi-
 tur. *ibid*.

Quid in viſione , de qua Jeſ. vi: 1. cel-
 ſum ſolium , & an in Templo con-
 ſpectum , quidque ſeſſio Domini in eo.
 9 , & ſeqq.

S. Spiritus. Qui S. Spiritus operationes igni
 comparari poſſint. 420 , 421.

סלי. 10.

Συτήρησις. Qua ratione conſcientia a Recen-
 tioribus *συτήρησις* dicta , & an recte
 hoc faciant. 472.

Synagoga. An Anathemate percuffus publica
 ſit Synagoga ejectus. 48. & ſeqq.

Quomodo hæc vox in Evangeliiſ paſſim ſu-
 matur : item apud Hebræos & Helleni-
 ſtas. *ibid*.

An qui Synagoga , etiam Templo ſit eje-
 ctus , quæritur. 50 , 51.

T.

T *Abernaculum*. Tabernaculi deſcriptio.
 421.

Quare Deus exſtrui juſſerit Taberna-
 culum. *ibid*.

Tabernaculi miniſtros qua ex familia Deus
 elegerit , *ibid*. & qualia in iſis recognoſce-
 rit. *ibid*.

Talentum. Quotuplex talentum apud antiquos
 Hebræos fuerit. 203.

Templum. Ejus deſcriptio ratione homony-
 miæ & partium. 10.

Qui introitus Templi Anathemate Cherem
 percuffo licitus fuerit. 50 , 51.

Hieroſolymitanum Templum quiſnam
 meditatus fuerit, quiſnam auguſtum iſtud
 opus conſummaverit. 205 , 206.

Ars conſtructionis ejus cum incredibili
 materiæ copia ac pretio laudatur. *ibid*.

Locus exſtruendi Templi a quo deſignatus,
 & quomodo vocatus. *ibid*.

Stupenda Templi hujus magnificentia. 206.

Operariorum numerus in exſtruendo Tem-
 plo occupatorum deſignatur. 207.

Quod temporis ſpatium impenſum fuerit
 exſtruendo Templo. *ibid*.

Quamdiu Templum Salomonis ſteterit. 214.

Ejus vaſa , quæ Nebucadnetzar ſuſtulerat,
 quem numerum efficiant. 225.

Quonam tempore Templi reedificationem
 orſi fuerint reduces ex Babylone Judæi , &
 quonam

I N D E X R E R U M,

- quonam opus consummarint. 226. & seqq.
- Tempus.** Quanti tempus æstimandum sit. 214.
- Thaddæus.** An narratio de Evangelio per Thaddæum prædicato Regi Edessæ, fabulis sit accensenda. 571.
- Theocratia.** Israelitarum Respublica Theocratia dici meretur. 718.
- Decrementum Theocratiz Israelis, & finis. 728.
- An Theocratia Israelis restauranda. *ibid.*
- Beatum Theocratiz Israelitarum complementum in spirituali Messiz regno est. 729.
- Theologia.** Mysticæ Theologiæ circa purum Dei amorem subtilitas. 66.
- Non usquequaque Evangelii simplicitati consentanea mystica Theologia est. 67.
- Theologiæ hoc seculo felicitas & calamitas. 734. & seqq.
- Theologus.** Qualis persona Theologus verus. 666.
- Quibus in Scholis, sub quibus Præceptoribus, & qua Methodo ad veram & tam sublimem Theologus verus veniat sapientiam. *ibid.* & seqq.
- Qua ratione ea, quæ ipse edoctus est, alios optime doceat Theologus verus. 673. & seqq.
- Quo animi habitu, qua vitæ politia, doctrinæ suæ Theologus verus sit ornameto. 676. & seqq.
- Qualis persona Theologus modestus. 708.
- Quo modo modestus Theologus discat, 709. & seqq. doceat, 710. & seqq. & vivat. 713. & seqq.
- Thomas Apostolus.** An Thomas in America Evangelium prædicarit: hujusque rei rara Hornii observatio. 327, 328.
- Fabula est, quod Thomas dicatur apud Indos Evangelium prædicasse: 352. & seqq. cui originem dedit alterius Thomæ multo recentioris historia. 353. 354.
- Ineptissime Thomas a Malabaribus ad Brasilienfes transportatur. 354.
- Tiberius Alexander.** Fuit hic Tiberius Procurator Judææ. 258.
- Sub ejus regimine magna ab Agabo prædicta fames accidit. *ibid.* & 259.
- Tiglatpilesar.** Fuit Tiglatpilesar instaurator regni Assyriaci. 166.
- Galilæam hic in provinciam redegit. *ibid.*
- Damascenum regnum ab eo excisum est. *ibid.*
- Timotheus.** Patria & parentes Timothei. 439.
- Nomen ei a matre esse datum credibile est. *ibid.*
- Ejus pueritia. 440.
- Cur Paulus eum appellet germanum in fide filium. *ibid.*
- Fuit patri suo spirituali simillimus tam doctrina; quam agendi ratione. 441. & seqq.
- A prima juventute magni viri contubernio, quod plurimum valet, fructus est. 442.
- In Evangelistam a Paulo consecratus est secundum Prophetias, ordinatusque impositione manuum, 444. a Paulo & Collegio Presbyterorum, 445. simulque nactus est magnum gratiæ incrementum, 446. adhuc admodum juvenis. *ibid.* & 449.
- Cur circumcisis fuerit. 450.
- Paulo multorum itinerum comes, & in Evangelio συνεργός fuit. 451.
- Thessalonicam & in Macedoniam semel atque iterum a Paulo missus fuit. 452.
- An a Paulo Ephesi ut Episcopus, aut Archiepiscopus relictus fuerit. *ibid.* & seqq.
- Ecclesiæ Ephesinæ Angelum, de quo Apoc. 11:1. esse Timotheum, non est simile veri. 455.
- Ejus ex Metaphraste martyrium. 456.
- Icon corporis & animi ejus. 482.
- Tolpædo.** 107.
- Trajanus.** Sub Imp. Trajani imperio Judzi rebellantes profligati sunt. 275.
- Turcæ.** Qualis populus Turcæ & unde prodierint. 169.
- Subsidio venerunt Persis a Saracenis prefis. *ibid.*
- Quam Religionem acceptarint. *ibid.*
- Ejecto Calipha Babylonico (Saraceno) occupant Persiam. 170.
- Eorum regnum quousque deinceps extensum fuerit. *ibid.*
- Furor Turcarum quomodo, & a quibus Christianis Principibus oppressus fuerit. 173.
- Quo tempore, & sub quo Imperatore urbem Hierosolymam ceperint. 311.
- V. Vauici-

PHRASIUM, ac VERBORUM.

V.

V*Asicinium*. Prisca Vet. Testamenti vaticinia an universalem omnium Gentium vocationem polliceantur, 317. eamque per Apostolos initio prædicationis Evangelicæ peragendam. 318.

Venidius (Cumanus). Cui hic Cumanus in procuracione Judææ successerit. 259.

Sub ejus regimine 20000. Judæi uno tumultu Hierosolymis perierunt. *ibid.*

Verbum Dei. Paraphrases Chaldaicæ Verbum Dei in significatione Personæ Divinæ sæpe usurpant, 70. & a Deo, cujus est Verbum, distinguunt. 71.

Ouweni circa hanc phrasin observatio notabilis. 71, 72.

Isaac Aramæus Verbum Dei exponit per Dei nuncium. *ibid.*

Notabilis locus ex libro Sapientiæ in eandem mentem, 72, 73. & tria insignia ex Philone, 73. alia ex Zoroastre, Orphicis, Heraclito, Platone. 74. & *seqq.*

Unde Johannes Apostolus hanc denominationem, qua Sospitorem generis humani aliquoties designat, habeat. 80, 81.

Quid Apostolus hac denominatione respectu Filii Dei importet. *ibid.* & *seqq.*

An solus Johannes ex omnibus Novi Instrumenti Scriptoribus hac denominatione Filium Dei insigniverit. 90. & *seqq.*

Vespasianus. Hic Vespasianus cum filio Tito Hierosolymam expugnavit. 263.

In ejus rei memoriam numismata, quæ hodieque existant, cula sunt. *ibid.*

Viri robusti. Quid Eccles. xii: 4. hac phrasi, incurvantur viri robusti, significetur. 139.

Viso de qua *Jes.* vi: 1. an ea Jesaias Prophetam primum fuerit constitutus, an vero insigniter in Prophetici muneris functione confirmatus. 3, 4.

Cur epocha visionis ante dictæ in anno Uffiæ emortuali figuratur. 6.

Hujus visionis significatio mystica, 11, 12. applicatio ad animum, 13. & pie super rebus in ea occurrentibus meditationes. 18, 19; 25.

----- Dei quid sit. 7, 8.

Votum. Illud Pauli votum de quo Rom. ix: 3. Tom. II.

quo optat Anathema esse a Christo pro fratribus, quibus difficultatibus prematur. 55, 56.

An illud Pauli votum temerarium, utilitate carens, & sanctitati contrarium fuerit. 56, 57.

Varii Interpretum in tollendis circa hoc votum difficultatibus labores. *ibid.*

An recta eorum opinio, qui volunt Paulum animum suum testari, qualis erat tempore sui Pharisaismi. *ibid.*

Qui hoc votum interpretantur de morte violenta, aut annihilatione, an satisfaciant. 57, 58.

Propius ad Pauli mentem eos accedere monstratur, qui per id intelligunt separationem non solum ab Ecclesia, sed ab ipso Christo, non tantum ad tempus sed & in æternum, exclusis tamen damnatorum peccatis: ubi difficultates, quibus hæc premittitur explicatio, solvuntur. 58. & *seqq.*

Toti huic voto subesse conditionem, probatur. 64.

U.

U*Reus*. Phrasis hæc, & frangeretur ureus ad fontem, quid Eccles. xii: 6. notet. 143.

Urina. Ob quam causam urina aqua pedum dicatur. 15.

Uxor Loti. Describitur uxor Loti a Rabbini quoad Nomen, genus, familiam, & mores. 149.

Mandatum Dei de non respiciendo Sodomam inconsiderate ab ea spretum est: ubi descriptio fit ratione culpæ ejus & poenæ. 150. & *seqq.*

Quod respexerit Sodomam, nonnulla ad facti illius excusationem aliquam allegari possunt: 151. at multa in eo concurrunt, quibus valde criminofum esse probatur. *ibid.* & 152.

An per veram metamorphosin statua salis facta sit, 152. & an ea adhuc existet. 154. & *seqq.*

Observationes practicæ circa historiam uxoris Loti. 161.

G g g g g

Uffia.

I N D E X R E R U M,

Uffiu. Annus Uffiz emortalis valde est notabilis. 6.

Nexus inter ejus mortem, & manifestationem regni Christi. 6, 7.

Ejus expeditiones. 212.

Instauravit Hierosolymam. *ibid.*

Quisnam ejus filius fuerit. *ibid.*

Υποβίπτους. 50.

Υποβίπτους. 441.

Z.

Zacharias, Pater Johannis Baptiste. Ejus nomen Hebraice quid notet. 371.

An idem fuerit quem Dominus inter Templum & Altare trucidatum memorat. 372. & *seqq.*

Summus an gregarius sacerdos fuerit. 373. & *seqq.*

Ex qua classe fuerit. 376.

Ejus uxor quanam. *ibid.*

Laudatur a Luca quod sit justus, ubi examinatur an צדיק illustrior sit titulus

quam חסיד. 378. & *seqq.*

Cum Angelus ei appareret, non annum sed quotidianum suffitum fecit, non in sancto sanctorum, sed in sancto. 381. & *seqq.*

Ut gregarius sacerdos, sorte, uti jus erat, delectus est. *ibid.* & *seqq.*

Ipsa intus agente, tota populi multitudo

precabatur foras: quod claratur ex antiquis Hebræorum ritibus. 382. & *seqq.*

Quanam suffitus hora Angelus ei apparuerit, iacertum est. 383. & *seqq.*

Ei annunciat Gabriel exauditas esse preces ipsius, non tam privatas quam publicas; 385. habiturumque filium, cujus nomen divinitus, quod paucis accidit, prædictum, futurum sit Johannes. 386.

Quamvis admodum similia Zachariz & Abrahami verba sint, hujus tamen laudatur fides, illius incredulitas, *ibid.* & 387. puniturque sic ut repente murus & surdus fiat: 388. in quo signo quædam concurrant notabilia. 398, 399.

In Johannis circumcisione & nominis impositione, ex impedito in Zacharia linguæ usu multa sunt insolita: 393. cui ad celebrandas Dei laudes repente redita loquela est. 394.

צדקת. 16, 17.

Zedekias. Urbis Hierosolymæ ultima clavis & excidium quare in Zedekia incidit. 213.

Ejus filii in ejus conspectu a Babylonis trucidati sunt. *ibid.*

Zerubabel. Quot Judæi duce Zerubabele ex captivitate Babylonica redierint. 225.

An Zerubabel primus Judæorum ex Babylonia reducum Princeps fuerit. 229.

F I N I S.



JUDÆUS CHRISTIANIZANS

CIRCA

PRINCIPIA FIDEI

ET

SS. TRINITATEM.

AUTHORE

HERMANNO WITZIO.

Lugduni Batavorum,
apud CONRADUM MEYERUM,

Judicium RR. DD. Revisorum Venerandæ Classis Enchusanae.

Testatur nos infra scripti, postquam ex speciali mandato ac nomine Reverendae Classis Enchusanae hoc Scriptum Reverendi & Doctissimi D. HERMANNI WITSII perlegimus, cui titulus est, *Judæus Christianizans &c.* nos in eo nihil reprehendisse, quod aut sanae doctrinae aut verae pietati repugnet: quin imo hodiernis in *Judaos* hactenus ex propriis ipsorum scriptis atque fundamentis fideliter oppugnati, feliciter victos, & propria ipsorum gladio docte satis nostro judicio transfixos esse. Dignum itaque hoc scriptum judicamus, & consensum nostrum nomine praedictae Classis facit probemus, ut publicis typis mandetur. Utinam advenisset tempus gratiae, in quo *Judaus* pristini sui populi misereatur! Datum Enchusae 12. Julii.

JOHANNES ROLDANUS.
LAURENTIUS HOMMA.

GENEROſO ET MULTIFARIAM ILLUSTR
DOMINO,

D. JOHANNI,
BARONI DE REEDE,

Domino ac Toparchæ de Rensvroude, &c. Equiti
Regii Ordinis DANIÆ, qui ab Elephanto nomen habet,
Præpotentium Ordinum Provinciæ Ultrajectinæ Præ-
sidi perpetuo, eorundemque nomine in Collegio Potentiſſimo-
rum Ordinum Generalium Aſſeffori Ordinario &c.

GENEROSE ET ILLUSTRIS DOMINE,

Quod tot aliis conſeſſum, ut in librorum ſuorum fronti-
ſpicio Nobiliſſimum nomen Tuum collocent, id nec huic
meo qualicunque ſcripto denegatum iri ſpero. Sacrum
eſt quod offero: & is in quem collimo ſcopus, Judæorum
ſcilicet converſio, dignus item Tuis, dignus Potentiſſimorum
Collegarum Tuorum curis. Id ſatagere, ut Nobiliſſimi *Abrabe* ne-
potes, Gens olim Deo dilecta, nunc omni ærumnarum genere
miſerrima; cujus quondam fuere fœdera, cujus promiſſiones,
cujus Patres, imo ex qua *Chriſtus* ipſe quoad carnem attinet, ſed
quæ nunc & ſe & Deum & Chriſtum ipſius turpiter ignorat, Deo,
Veritati, Meſſiæ faſces ruruſus ſubmittat, id Summi, id Chriſtiani
Magiſtratus præſtantiſſimum ac divinum plane munus eſt. Hoc
utique ſummopere decet eos, quibus non Reipublicæ modo, ſed
& regni ſui tutelam, imo & augmentum commiſit Summus om-
nium Dominator JESUS, ut quoscuque alios, ſed eos impri-
mis quibus priinitus promiſſus Meſſias erat, ſceptro ipſius ſub-
jiciant, pomœria Cœleſtis iſtius regni quantum in ſe eſt dilatan-
tes, donec plenitudo corporis ipſius adveniat, & ipſe fit omnia
in omnibus. Id eſſet non Magiſtratum tantummodo gerere, ſed
& Dei vices agere, imo & Deum ipſum eſſe in terris. Quid enim

divinius excogitari potest, quam non Judææ sed coelo restituere eos, quos Coeli pariter solique sui extorres indoluimus nuper! Sane ut in id porro incumbant *Suprema Patria nostra Dominationes*, quarum Tu, *Nobilissime Heros*, Pars magna es, & meum & bonorum omnium solemne est votum. Id ordinis etiam nostri homines Theologos, id omnes omnino Christianos pro suo modulo agere velim. Omnibus quidem debitores sumus: sed *Judæo primum, dein Græco*. Is ut bonum nomen simus & D. JESUS, & officium nostrum, & quod pro foribus jam stare videtur conversioni ipsorum destinatum tempus, obnixe petunt, rogant, efflagitant. Concurrent huc non dicam ut ille, omnes augures, haruspices, sed quicquid est uspiam hominum eruditiorum ac Dei timentium, fociasque jungant operas, omnia asportantes, quæ non confundendo jam Babeli, sed vindicandæ Hierosolymæ faciant; vindicandæ, inquam, è teterrima servitute diaboli in beatam libertatem filiorum Dei. Hoc profecto satius erit quam inutiles rixas inter fratres ferere, & quod in superba Babylone spolianda factum Poëtarum, bellagerere nullos habitura triumphos. Hæc demum prælia sunt Jehovæ, in quibus non nobis, sed Veritati, sed CHRISTO, qui & ipse veritas, nunquam intermorituræ gloriæ Triumphus quæritur, nec quæritur tantum: ipso tam sancta consilia cœli fortunante. Imo ubi & is qui vincitur infinitis honestioribus encomiis à Deo & illius Angelis maestatur, quam à debellato ultimo Oriente reportavit olim Alexander. At magnum aliquid in hoc negotio moliri, non est cujusvis; nedum ut ad tantum opus notabile aliquod præstare possim tantillus ego. Aliquid tamen non peragere, sed conari, nec potui sed volui, ne talentuli quantulicunque mei decoctor audirem. Id Tibi nunc, *Nobilissime Domine*, quam possum humillime offero, dico, dedico, *Μὴ κατὰ τὴν τύχην εἴη ὁ Σίβαστις μᾶλλον ψυχῆς· Ἀλλ' ὁ πλεον ἔχον, πλεονέκτω*, ut olim Augusto Græculus. Plura, fateor, debeo humanissimæ isti comitati Tux, qua tantopere me Tibi devinxisti. Sed dignum redhostimentum nec fors Tua permittit nec mea. Syngrapham saltem hanc accipe, qua coram toto mundo sincere profiteor, me ad ultimum usque vitæ halitum futurum esse

GENEOSÆ NOBILITATIS TUX

℞ Museo meo M DC LX.
Frid. Non. Sept.

humillimam Clientem
HERM. WITZ
In

In Commendationem doctissimi hujus
O P U S C U L I

Προσφώνησις ad JUDÆOS.

GRata Deo quondam quo Gens ruis? anne, relicto
Mose, putas Moſis gratior eſſe Deo?
Falleris: at Moſis tunc deſeris ora, loquentem
Cum Moſis reprobas corde tenere Deum,
Neſcis (ſed dicis) quis fit Deus ille, recuſas:
Caca ſed an toties Luce beata manes?
Haſtenus in tenebris eſſi latitaſſet, apertum eſt
Jam tamen, Amramidis quis fiet ille Deus.
Trinus iſ & ſimplex; Moſi ſic cognitus omni,
Sic quoque fatidicæ cognitus uſque ſcholæ.
Nec veſtris ignotus Avis; namque ipſa miniſtrans.
Riſe tibi Triados Scripta Paterna notas;
Hic patet: & propriis ad eam propelleris armis,
Et ſupereſſugii rimula nulla tibi eſt.
Teſtior hic fateor, Moſes, ſed clarius illo
Pagina ſacra Novi Fœderis illa docet.
Moſis apoſtolicas hinc ſemper jungito chartas;
Illarumque animi diſcuſe Luce dolos.
Et clare max mente Deus, qui Trinus in uno,
Unus & in Trino eſt, conſpiciendus eris.
Nil Kabala hic, nec quid monſtroſa volumina Talmud,
Quod ſatis hic fidei eſt Lux ea ſola dabit,
Hoc Noſtro monſtrante viam: huc ſeſtina venito
Ex templo atberiis irradianda modis.
Dumque Is aberrantem Te vult ſalvare Catervam;
Tu mihi ne medicam deſpice, quaſo, manum?
Jeſus adeſt, Popularis adeſt, ſpes unica Patrum,
Nec quoque Moſes abeſt, ſi modo Jeſus adeſt.
Juſtaque ſi ſervi fuit unquam cura Figuræ.
Qui minor & Domini Corporis eſſe poteſt.
Huc ades, Abramides, ſanctiſque hac auribus hauri,
Maxque eris Abramides Chriſtiadesque ſimul.

GUILLIELMUS SELDENUS.

PROLEGOMENA,

In quibus inquiritur quid sit Judaizare, & quinam
hoc Sæculo Judaizantes dici possint?

MEa sic stat sententia, *Christiane ac pie Lector*, nusquam eruditos nostros, Theologos comprimis, meliorem ac publicæ rei utilio-rem jam operam ponere, quam ea meditando quæ ad Judæorum conversionem spectant. Insignes Dei promissiones toties in Sacris litteris inculcatæ, quibus miserrimi populi restitutionem pollicetur, animum cunctis addere debent quorum cor ad id tetigit Jehova; efficiunt certe ut non incassum hic à nobis laborari firmiter sperare possimus. Adde quod multa hic adhucdum facienda restent. Reliqua Theologiæ capita, quæ Christianis inter ipsos controvertuntur, sic satis nunc à quam plurimis pertractata otium parne reliquis fecere. Atque utinam nimium altercando veritas non quandoque amissa foret! Charitas certe nimium quantum læsa. Imo & ea quæ sanctissimæ religionis nostræ praxim concernunt (ac in praxi quidem tota consistit religio) tam copiose à pie eruditis, qua viva voce, qua scriptis cum latine tum in vulgaribus linguis editis, tradita nunc sunt & traduntur quotidie ut pristinis Ecclesiarum querelis & votis hac in parte mediocriter satisfactum sit. Restaret jam ut unanimiter ad externos nos conferremus, ac seposita istâ animorum contentione, quâ Fratres inter se digladiantur, collatis viribus extraneos ad nos pellicere conaremur, imo non ad nos; sed ad Christum. Nihil amplius à nobis tentari ad plenius erudiendos Christianos in Oriente, non omnino indociles (ut ex nuperis Cyrilli Patriarchæ Constantinopolitani scriptis, illiusque apud populum favore liquet) nescio quo colore excusari queat. Sane Pontificii magis satagunt Papæ sui pomæria dilatare, quam multi nostrum Christi. Et, si quod res est dicere liceat, nimis desides sumus circa Arabes, quibus Agyrtarum Coryphæus Muhammed tam dirum in modum imposuit, quosque tot jam sæcula fascinos tenet. Quantum hic inculti agri sit, quod primo occupanti cedere possit, norunt omnes, qui sciunt quantulum hic sit actum. Hic Rhodus, Hic saltus est. Hic habent ubi se exerceant luxuriantia ingenia, quæ se invicem lacessere ac consumere sæpe malunt quam otio suo non abuti. Utque ad Judæos meos redeam, nimium sane iis debemus, quam ut tam perfunctoria circa eos opera defungi nos posse arbitremur. Ego me nullum esse fateor, ac minimum in Domo Dei mei, saltem æstive nimis ad has controversias viaticatum, quam ut eas digne tractare

tractare existimem opis meæ esse. Ac nisi me Amicorum quorundam vota & crebri hortatus in hunc campum pertraxissent, non ausim polliceri me sponte mea plus præstiturum fuisse, quam ignavissimus quisque. At illud saltem me hoc qualicumque scripto lucraturum spero, ut alii, quos sæculum nostrum doctissimos habet, ea corrigere ac supplere contentur, quæ mihi deesse vident. Id utique omnibus dignum erit, miseræ nunc, at olim Deo dilectæ genti convertendæ impendere, quidquid in arte sua possunt promittere curæ. Non sine tædio ac nausea, imo nec sine intimis suspiriis aliquoties jam in hodiernis quorundam scriptis observavi Christianis Doctoribus *Judaizantium* nomen impingi. Quasi vero id artis aut laudis sit Christianos in Judæos transformare. Quin potius ex Judæis conamur facere Christianos? Impulit me tamen hæc toties iterata *Judaizantium* nomenclatura, ut quid *Judaizare* sit diligentius paululum apud me expenderem, & quinam hoc sæculo *Judaizantes* dici possint æquis rerum æstimatoribus expendendum proponerem.

Judaizare, ut constat, verbum est derivatum à *Judaus*, quo nomine posterius Jacobi post abductionem decem tribuum indigitari cœpere. Hebraice dicitur יהודי. De quo nomine scribit *Elias Levita in Thisbi*. ידוע כי כל ישראל נקראים יהודים אבל לא נמצא במקרא שנקראו יהודים רק בזמן גלות עשרת השבטים ונשאר מלכות בית יהודה מאז נקראו יהודים ולשונם לשון יהודית ולא קודם לכן וגם שבט בנימין עמהם שנאמר במדכא איש יהודי וגומר והוא איש ימימי. Notum est omnes Israelitas vocari *Judaos*, non tamen hoc *Judaorum* nomen ipsis in sacris litteris attributum legitur, nisi ex illo tempore quo decem tribus in captivitatem abductæ sunt, & superstes mansit regnum domus *Juda*. Post illa vocati sunt *Judei*, & lingua eorum, lingua *Judaica*; non antea. Immo & tribus *Benjamin* cum illis. Dicitur quippe de *Mordechai* viro *Judæus* *Hest. II. 5.* quum tamen esset feminita. De vocis hujus Etymologia ridicule *Tacitus Histor. Lib. 5.* *Judaos* *Creta* *Insula* profugos novissima *Libya* infedis memorans, qua tempestate *Saturnus*, vi *Jovis* pulsus, cesserit regnis. Argumentum è nomine petitur: Inlicitum in *Creta* *Idem* montem, accolæ *Ideos*, aucto in *Barbarum* cognomento, *Judaos* vocitari (quasi *Ideos*). Æque sapienter, id est æque stulte *Muhammedani* *Judæorum* nomen deducunt à verbo Arabico *panituit*, quia scilicet resipuerunt à cultu vituli. Uti ex *Beidavi* hoc refert *Celeberr. Histor. Orient. p. 214.* Similiter portentosum est, & cum summa inficitia conjunctum, quod *Aristoteles* apud *Clearchum* autumavit, *Judæos* esse ab *Indis* sapientibus propagatos, sed nomen mutavisse, quippe *Philosophos* illos, qui apud *Indos* callant appellantur in *Cava Syria* *Judæos* dici. Pudet

Pudet me anilitatis, adeo hoc nihili est, merito dixerim cum Cunæo de Re-
publ. Heb. pag. m. 19. Certum est, originem suam habere à Jehuda filio
Jacobi, sic dicto quod mater à partu ipsius Deum celebrasset. Gen. xxix.
35. Derivatur enim hoc nomen à verbo הוֹדָה, quod est laudare, cele-
brare, ad quod eleganter alludit Patriarcha Gen. xlix. 8. הוֹדָה יְהוּדָה
יָרִיבֶיךָ *Jehuda te celebrabunt fratres tui.* Ab hoc Juda nepotes ipsius
primum dicti sunt Judæi, quod nomen etiam communicatum tribui Benja-
min, uti ostensum modo, quippe quæ cum tribu Juda in unum regnum
coaluerat. Tandem & omnes residui sic appellati, qui post captivitatem
Babylonicam, in quibusdam suis reliquiis tribui Judæ, quæ primas tendens
adjuncti, unum cum ipsa corpus constituere.

Postea (quod magis ad rem nostram facit) Judæorum nomen non
Patronymicum modo fuit ac genilitium; sed & religionem & professionem
notabat; uti idem nomini *Hebraeorum* accidit. Jonas rogatus quis es,
respondit עֲבָרִי אֲנִי, *Hebraeus ego sum.* Jon. i. 9. ubi Aben Ezra notat He-
bræos illos dici עֲבָרִי אֲנִי *qui sunt in fide Hebræi.* At Chal-
dæus Jonam respondentem inducit יְהוּדָאָה אֲנִי *Judaus ego sum.* Et sine
dubium non est, quin & illi Judæi dicerentur, qui licet non profapia u-
les, religionem tamen eorum amplectebantur. Sic Josephus scribit Ido-
mæos, qui tempore Hyrcani in Judæorum morem transgrediebantur et il-
lo tempore Judæos dictos *Archæos. Lib. xiii. cap. xvii.* *ὅτε ἀπὸ τῶν Ἰου-
δαίων: sic ut deinceps Judæi essent.* Sic & Sulp. Sever. Hist. sac. Lib. ii. de
Achior. *is post victoriam circumcissus, Iudaus factus est.* Et disertus admo-
dum hic est Dio Cassius (citante Seldeno de Success. ad Leges Heb. p. 194.)
qui postquam dixisset nomen *Judæi* patriam denotare, deinceps superaddit,
*ὅτι οἱ καὶ ἐπὶ τὰς αἰῶνες ἀνδρώπεις, ὅσοι τὰ νόμιμα αὐτῶν καὶ παρ' αἰσθητικῶν ἐ-
λπίσιν.* Pertinet etiam ad alios homines, quotquot eorum *instituta* amplectantur,
etiamsi sint alienigenæ. Hinc *Judaismus* non tam statum populi Judaici quam
religionem Judæorum notat. Sic Paulus dicit se profecisse super æquales
suos, ἐν τῷ Ἰουδαϊσμῷ Gal. i. 14. id est, in Judaicorum rituum cognitione &
praxi, & 2 Macchab. viii. 1. Judas Macchabæus narratur secum sumisse
τὰς μεμενηκότας ἐν τῷ Ἰουδαϊσμῷ. id est, qui patriam religionem constanter re-
tinuerant. Et manifeste admodum in hunc sensum loquitur idem Author
Cap. xiv. com. 38. ἢν γὰρ ἐν τοῖς ἑμπεσοῦσιν χρόνοις τῆς ἀμιξίας κείνης
εἰσενηνεγμένῳ Ἰουδαϊσμῷ, καὶ σῶμα καὶ ψυχὴν ὑπὲρ τῷ Ἰουδαϊσμῷ
παράδεβλημένῳ μετὰ πάσης ἐκτενείας. *Natusque erat retro temporibus
fuerit Judaismi testimonium* (id est, se sincerum Judæum esse sine ulla com-
mixtione

PROLEGOMENA.

9

mixtione cum Idololatria Gentilium) & corpus & animum pro Judaismo constanter admodum tradiderat.

Hinc jam *Judaizare* est in Judæorum religionem & sacros ritus transire, eosque æmulari. Hebraice dicitur התירך vel אתירך, & semel duntaxat, quod sciam, in Veteri Testamento extat, Hesth. viii, 17. מְתִירָיִם *Judaizabant* aut *Judei fiebant*. Ad cujus instar dixit Aben Ezra Levit. xxi 14. המְתִירָהּ השְׂבוּיָה הבְּתוּלָה *Virgo capta Judaizata*. Arabice وَتَهَوَّرَ *Havada & Tabavvada* significant amplecti religionem Judaicam, ut ex Beidavi docet Hotting. loc. cit. Græce est Ἰουδαῖον. Qua voce Paulus utitur Gal. ii, 14. τί τὰ ἔθνη ἀναγκάζεις Ἰουδαῖον, quod Syrus transtulit אֵיכָנָא אֶלְפִי אֲנָתָה *Quomodo tu cogis gentes ut Judaice vivant?* Sic habemus quid sit *Judaizare*, *Judaice vivere*, *Judaice sentire*.

Hoc tamen pro diversa temporum ratione diversissimum quid sonat. Fuit enim quum *Judaizare* in laude esset, ac idem valeret quod veram religionem amplecti. Nunc autem *Judaizare* in vitio est, & tantundem notat ac veram religionem, in ea saltem parte qua *Judaizatur*, abnegare. Diversitas à tempore est: Prout Judæi considerantur, vel ante Messiam revelatum in carne, vel post. Ante eum, certe *Judaica religio* unica erat à Deo instituta (licet ex proprio scrinio multa adjunxissent Pharisei & qui iis erant similes) sic ut tunc extra eam nulla esset salus. Deus enim Iacobo nota fecerat verba sua, *Israëli institutiones & jura*. Sic nulli fecerat populo, ideoque jura ipsius ignorabant. Ps. cxxlvii, 19. 20. Postquam vero Christus in carne apparuit, ritus eos omnes qui ad tempus tantummodo correctionis instituti erant abrogavit, ac modum Divini cultus instituit in circumstantiis à priori valde diversum; sic ut egena illa mundi elementa, quibus populus sub pædagogia legis continebatur, revocare, & antiquum illud *Judaicorum rituum jugum* suis aliorumve humeris rursus imponere, aperta sit veræ religionis abnegatio.

Antiquitus cum gentiles *Judaizarent*, id est ab idolis suis converterentur ad verum Deum illiusque genuinum cultum, dicebantur *proselyti*. Hebraice כְּתֻבִּיּוֹת, ac initiabantur Judæorum sacris במילה ובקרבן *Circumcisione, Baptismo & Oblatione*. Fœminis naturæ privilegio à circumcissione exemptis: uti hæc jam omnibus pæne nota sunt. Neque enim Baptismus solis Christianis peculiaris est, uti nec circumcisio solis Judæis: quam non maribus tantum suis, sed & fœminis quarto decimo ætatis anno applicatum ivisse Egyptios docet Ambrosius Tom. iv. de *Abrab. Patr. lib. 11. cap. xi*. Verba citavit Gomarus de *circumcisione Christi*, operum suorum pag. 255. *Egyptii quarto decimo anno circumcidunt mares. Fœmina apud eos eodem*

anno circumciduntur. Quod eo scil. anno incipiet flagrare passio virilis & feminarum menstrua sumant exordia. Dixerint licet Judæi אִשָּׁה לֹא בֵּת מִלֵּה מִלֵּה mulier non est filia circumcisionis. Sic & Baptismus antiquus est apud Judæos ritus, quo initiabantur ii qui in ipsorum sacra transibant. *Arianus in Epistolum* hoc notavit (ut nihil de Judæorum testimoniis dicam quæ ubique prostant) *Lib. II. cap. IX.* Καὶ ὅταν τινὰ ἐπαμφοτερίζοντα ἴδωμεν, εἰώδαμεν λέγειν, ἢ ἐστὶν Ἰουδαῖος, ὅταν δὲ ἀναλάβῃ τὸ πάθος τὸ τῷ βαρμμένῳ καὶ ἡρημένῳ, τότε καὶ ἐστὶ ὄντι καὶ καλεῖται Ἰουδαῖος. Quam autem quenquam in utramque partem hesitantem conspiciamus, solemus dicere, non est Judæus. Postquam vero induit affectum Baptismi & inter sectatores asini, tunc & revera est, & nomine vocatur Judæus. Quem Baptismus, seu lavacri lustrationem, etiam in celebrioribus initiamentiis suis Gentiles adhibuisse docet Doctissimus *Seldenus de Success. ad Leges Heb. p. 199.* Atque huc potius respexisse Johannem ac Christum in Baptismi institutione & usu, quam ad alios Judæorum καθαρισμῶς, quos habebant frequentes, nullus equidem dubito. Scilicet *Profelyti justitia* faciendi erant illius temporis Judæi, & non Moysi amplius sed Christi ritibus paulatim initiandis qui veram justitiam, quam præstare lex non poterat, impetraret ac donaret suis. Ejus rei Symbolum ac Sacramentum volebat Deus baptismum esse, non incognitam Judæis cerimoniam, sed ad alium modo usum traductam.

Ejusmodi autem judaizantem, qui illis quos diximus ritibus judaismum amplexus esset, habebant pro regenito, vel recens nato. Nam sic loquuntur Talmudici גַּר שֶׁנִּתְגַּיֵּיר בְּקֶטֶן שֶׁנּוֹלַד דְּמִי. *Profelytus qui profelytus est factus, infanti recens nato similis est.* Adeo ut pro consanguineis ipsius non ultra reputarentur ii quibus sanguine junctus erat, quosque reliquerat in Gentilismo. Parentes ipsi, fratres, liberi ante conversionem suscepti illius non censebantur, nec quisquam eorum defuncti erat hæres. Pristinos natales omnes exuebat, & judaica religione imbutus Patrem accipiebat Deum, matrem Synagogam, fratres ejusdem secum fidei consortes, cognitionem denique omnino novam. Veteres & naturales consanguinei nihili reputabantur, sic ut ex istiusmodi regeneratione nulla impofterum restaret cognatio gentilis, quemadmodum fere jure cæsareo post manumissionem nulla cognatio servilis. Uti non infelicitè hæc explicat *Cl. Seld. l.c. p. 191.* Huc fortasse spectat *Tacitus Hist. Lib. V. Circumcidere genitalia institueret ut diversitate noscantur. Transgressi in morem eorum idem usurpant. Nec quidquam prius imbuuntur, quam contemnere Deos, exuere Patriam, parentes, liberos, fratres vilis habere.* Quippe de novo nati censebantur, & nativitatem novam

novam sequebatur vita nova, & rursus novam hanc vitam nova cognatio, nova jura, nova denique omnia. Atque hinc originem suam traxisse notissimum apud Christianos regenerationis nomen, nemo nunc tam lippus est qui non videat. Non quod velim regenerationem, nihil aliud esse quam talem mutationem status, per quandam quasi juris fictionem. Est enim actualis mutatio hominis, qua ei in peccatis antea mortuo vita spiritualis per Sp. S. inditur. Sed animus modo fuit ostendere, qua ratione Judæi veteres (unde certum est multas loquendi formulas mutuatos esse Ecclesiæ priscos doctores) hisce de rebus locuti sint. Atque hinc est, quod perstrin-gebat merito D. Jesus puerilem hanc ignorantiam in Nicodemo, qui tra-latitiam istam apud suos Phrasiologiam, doctor licet ipse Judæorum, non intelligeret. Qua quidem ita hic explicare libuit, non tantummodo ut ri-tus patefcerent quibus olim gentiles Judaismo initiabantur; sed etiam ut originem Christianarum caerimoniarum ac Phrasium indicarem: inprimis quum fortasse non omnibus hæc usque quaque explorata ac obvia sint.

Nescio an & illud præterire debeam, Paganos scriptores, harum re-rum imperitis, Christianos Judæorum nomine antiquitus designasse, sic ut putarent eos qui Christo nomen dabant judaizatos (ut ita dicam) esse. Quo pertinet notus ille Suetonii locus, Lib. v. Cap. xxv. *Judeos impulsore Chre-sto assidue tumultuantes Roma expulit.* Per Chrestum hunc Christum notari, non est dubitandum. Nam & Christianos Chrestianos Gentilibus dictos esse, jam pridem ab aliis ostensum est. Hinc Judæos male tractantes, exi-stimabant se item male facere Christianis: quasi utrorumque religiones in-divulsi sibi junctæ essent, sic ut unius interitus alterius esset *αυτολύπη*. Ita Sulpitius Hist. Sac. Lib. II. *At contra alii & Titus ipse evertendum templum imprimis censebant, quo plenius Judæorum & Christianorum religio tolleretur. Quippe has religiones licet contrarias sibi, iisdem tamen auctoribus profectas, Christianos ex Judæis extitisse: radice sublata stirpem facile perituram.* Causam hujus *ακυρολογίας*, imo absurdæ nomenclaturæ, non hanc tantum esse arbi-tror, quod utraque religio in Judæa nata, saltem Christi & Christianismi in Judæa natales erant; sed & illam comprimis, quod videbant Christianos Judæorum Synagogas quandoque frequentare (ut ex Apostolorum Actis li-quet) & quosdam adhuc Judæorum ritus usurpare, Judæis ad Christia-nismum conversis id urgentibus, & Apostolis ad tempus permittentibus, ut Synagoga jam mortua honeste sepeliretur.

At his missis, videamus quinam nunc postquam Evangelii doctrinae plene revelata est, judaizantes dicantur & dici debeant. Illi videlicet qui vel omnes vel quasdam Veteris fœderis caerimonias observatas volunt, con-

tra libertatem nobis Christi sanguine partam. Vel sic, judaizantes non illi sunt, qui vel opinione vel praxi Judæis se conformant, in quantum illi discedunt à vero & libero ac sp̄ rituali Christianismo. Sic in Codice Canonum Ecclesiæ universæ Can. 153. citante D. Coccejo in *inogat. natu Sabb.* p. 177. ὅτι οἱ δὲ χριστιανὸς Ἰουδαίζειν &c. εἰ δὲ εὐσεβεῖεν Ἰουδαῖσαι ἐν σὺν ἀνάθεμα παρὰ χριστῷ. *Quod non oporteat Christianos judaizare, qui si reperi fuerint judaizare, anathema sint à Christo.* Hinc semper inter Hæreticos reputati qui post Apostolorum tempora volebant judaizare. Tali judaizans erat *Cerinthus* quem Epiphanius Hæresi xxviii. tradit antesignum fuisse eorum qui necessitatem observandæ legis urgebant, & seditionem in ecclesia excitabant, ut loquitur *Curcellanus in Diatriba de usu sanguinis* p. 91. Tales erant *Nasaraei*, qui cum Dei filium confiteantur esse Christum, omnia tamen veteris legis observant, qua Christiani per Apostolicam traditionem non observare carnaliter, sed spiritualiter intelligere didicerunt. Verba sunt Augustini, de Hæresib. Cap. ix. Tales *Symmachiani*, à quibus Lampades tabernaculi Veteris instauratæ, velum de uno obtensum, pædagogia vetus restituta, & cum Evangelii doctrina conjuncta, vel judæorum gratiæ accipandæ, vel Judæis & Christianis demerendis, ut ait Cl. Vir *Fred. Spanh. Dub. Evang. Part. ii. p. 636.* Tales *Ebionæi* de quibus August. Cap. x. *Mandata carnalia legis observanti Circumcisionem scilicet carnis. & cetera à quorum oneribus per novum Testamentum liberati sumus.* Tales plures ex antiquis, quorum nomina omnia inquirere apud Epiphanium (qui etiam mihi nunc ad manum non est) ac Augustinum, nec jam vacat & fortassis supervacuum esset. Majus erit operæ pretium si modeste inquiramus, qui in controversiis hodie exagitari solitis (etiam inter Orthodoxos) ad judaizantes proxime accedant, & odioso hoc judaizantium nomine (quo omnes indignos velim) maxime sint digni.

In qua quidem controversia nihil ipse dictatoria Autoritate definiam, sed uti modestos decet (qui vitiligari nolunt, minus cum animorum exactione altercari) quæstiones tantummodo proponam, cum quibusdam rationibus, ob quas ego & mei similes, quibus altius sapere non datum est, in hanc potius quam in illam partem propendimus? donec melius erudimur à Doctis.

Queritur ergo 1. An illi dici possint *Judaizantes* qui luteo hoc & securo sæculo tam acriter legem moralem prædicant, detegendo hominum peccata, comminando iram & maledictionem Divinam adversus illa & striete urgendo hominis officium, ut Auditores suos doceant de se ipsis despectare,

rate, & à multis laxioribus convitium hoc dicam? an elogium reportent, quòd sint *præcones legis*? Rationes dubitandi hæc esse videntur. *Pro affirmante.* Quod semper Judæorum Doctores legem admodum urserint, unde notissimum in Evangelio *Νομικῶν* nomen; quod præcipuum ac fere totum ipsorum studium in meditanda ac explicanda lege constiterit. Unde integram Theologiam suam vocarunt *היריעה התוריית* *Scientiam legalem*, Theologiæ studium *תלמוד תורה* *Studium legis*: quod ad inculcandam legem omnes qui illius periti sunt obligatos velint, vel pro contemptoribus verborum Domini habendi sunt. Nam sic loquuntur, *הלומד התורה ואינו סלמדה דבר יי בזה* *Qui discit legem, nec docet illam, peccat in illud.* Verbum Domini (previt. Num. xv, 31. Vide *Buxtorf. Lex. Talm. p. 983.* Paulus è contra fatetur se *non esse Ministrum Veteris pacti sed Novi.* 2 Cor. iii, 6. *Pro Negante* hæc adduci possent rationes; Quod legem moralem prædicare ut perfectissimam normam officii nostri, quam non liceat ulli mortalium ceu Lesbiam regulam ad hominum beneplacitum inflectere; sed quam omnes tenentur sine ullo hominum adspectu ex sententia Legislatoris explicare, Judaicum dici non mereatur; quippe in quo omnes Christiani (anomis & antinomis exceptis) omnes saltem reformati conveniant. Quod alio omnino modo Judæi legem urgebant, alibi Christiani illi de quibus quaeritur. Nam A. Judæi circa legem cæremonialem illiusque observantiam imprimis erant solliciti, quod ex omnibus ipsorum scriptis & commentariis, Talmudicis præsertim liquet. Hi vero Christiani Doctores quod multa abolita malint, quæ antiquas Judæorum Cæremonias sapiunt, multum coguntur sustinere invidiæ.

B. Judæi legem prædicabant tanquam justificationis instrumentum, & Paulo teste justitiam quærebant ex lege. Nam sic *Menasse in Concilia: Quæst. vii, in Levit. Quippe data est lex in deserto, loco omnibus communi, quo significatur; posse quicumque vellent per eam salutem obtinere.* Sic etiam *Aben Ezra præfat. ad Decalogum.* *וצרקה תהיה שצריקים נהיה לנחול העול* *הכח.* *Et justitia eris, qua justi erimus ad hereditandum futurum seculum.* Atque hoc sensu Paulus se N. Pacti ministrum negat. At ii de quibus quaeritur Christiani ita legem prædicant, ut *viam sternere* dicantur *ad desperationem*: certe desperationem, sed sanctam, sed desperationem de semetipso suisque meritis, ut homo nihil de se ipso, omnia de Divina misericordia præsumere addiscat, atque ita lex sit *pedagogus ad Christum.*

C. Denique Judæi litteræ ac cortici legis hærebant, non sensui ac medullæ. Quod dicat pro me *Grævus de jure belli & pacis lib. 1. Cap. 11 par. VI.* „Sed ad intelligentiam verborum Christi omnino notandum legem

„per Moſem datam dupliciter accipi, aut ſecundum id quod commune ha-
 „bet cum aliis legibus, quæ ab hominibus condi ſolent, quatenus ſcilicet
 „graviora delicta pœnarum aſpectibilium formidine coercent, Heb. II, 2. &
 „populum Hebræum hac ratione in ſtatu ſocietatis civilis continet, quoſen-
 „ſu dicitur νόμος ἐντολῆς ſαρρικήs, Heb. VII. 13. & lex factorum Rom. III, 27.
 „aut ſecundum id quod legis Divinæ eſt proprium, quatenus ſcilicet etiam
 „mentis requirit puritatem, & actus aliquos qui ſine temporali pœna
 „mitti poſſunt, quo ſenſu vocatur νόμος πνευματικός. Rom. VII, 14. exhibe-
 „rans animum Pl. XIX. qui Latinis XVIIII, 9. Legisperiti & Phariſæi prius
 „illa parte contenti, ſecundam quæ potior eſt inſuper habebant, neque
 „inſculcabant populo, quod verum eſſe non ex noſtris duntaxat libris, ſed
 „ex Joſepho quoque & Magiſtris Hebræorum oſtendi poteſt. Haſtenuſ
 „Grotius. Cujus ſententiæ veritatem ex Joſepho & Rabbiniſ oſtendem,
 „quod in promptu foret, ne prolixus nimis ſim, lubens ſuperſedeo. At ii
 „de quibus controvertitur Chriſtiani ita legem prædicant, ut doceant reſpi-
 „ciendum eſſe ad totam legem ejusque ſingulas partes, particulas, minutias (ut
 „loqui liceat) usque ad motus primoprinos, minimas cogitationes, verba, geſtus,
 „& usque ad minimos atque ultimos conſcientia caſus, & factorum conſequentia
 „& circumſtantias; ut ſic in omnibus ſe quam exactiſſime conforment perfectiſſimæ
 „illi normæ, ne jota quidem boni omittendo, & ne ſpeciem quidem mali admittendo
 „aut committendo. Sic ut ex hac collatione diſci diu auctōr à Judaicis Doctores
 „diſtare videantur.

Quæſitur 2. An illi qui ita pietatem inculcant, docentes ſedulam
 „quemque Chriſtianum ad id eniti debere (licet obtenturus tantummodo
 „hanc perfectionem in Cœlis ſit) ut ſe in omnibus quam exactiſſime legi Divi-
 „næ conformet; & ſemper ac continuo conetur ſingula mala omittere, & bona
 „facere in gradu intenſiſſimo, ex & cum intentione proxima obediendi Deo,
 „& remota glorificandi Deum; ſic tamen ut minus attendat ad externas actio-
 „num quarundam formalitates, magis ad cor ſuum & Internas ejus motus
 „& ſinceras intentiones & ut tanto humilior ſit quanto magis in cœpiβία po-
 „ſicit, tantoque magis à Dei gratia dependeat, tanto minus apud alios oſen-
 „det, ubi gloria nominis Divini id neceſſario non requirit: An illi, in-
 „quam, qui id docent (quos *Præciſiſtas* nonnemo & *Dominoſ Præciſiani* vo-
 „cat) Judaizantes ac paria cum Phariſæis facientes dici poſſint?

Rationes dubitandi hæ ſunt *Pro affirmante.* Quod Phariſæi, præci-
 „pua Judæorum ſecta, ſingularitatem aliquam affectarent, & majoremptz
 „reliquis ſanctimoniam; ut ille qui gratias agebat Deo ὁτι, inquit, ἐπὶ ἐμοὶ ὡς
 „ὁ λαός σου ἀνθρῶπων. Luc. XVIII, 2. Hinc vel ipſi Paulo dicuntur ὡς ἄλλοι
 „Αἰ.

Act. xxvi, 5. Hinc usitata ipsis quæ ordine Suidas recenset, nempe *παρθενίας νησεία δὲ τῶ σαββάτῃ, ξερῶν καὶ πινάκων καὶ ποτηρίων καθαρισμοὶ, ἀποδεκατώσειθε καὶ ἀπαρχαὶ καὶ ἐνδελεχεῖς εὐχαὶ* in compitis in triviis, quæ omnia quoque ex Evangelio sunt notissima. Sic ut ratione doctrinæ & modi eam proponendi, in multis ex amussi Præcisissimus (sic vocant doctrinam in quæstione propositam) cum Pharisaïsimo conspiret. Pro negante dici posset. Plurima, imo omnia recte attendentibus observari Pharisaïsimo cum maxime dissimilia. Nam 1. Pharisaorum præcisitas talis erat ad quam posset quis in hac vita plene pertingere. Uti in ipso tractatu nostro cap. 1. vii. luce meridiana clarius ostendi. Quibus nunc addo quod recensetur in *Sanhedr. Clar. Cocceji. p. 401.* De Rabbi Eleazare ægrotante, quod diceret R. Aquibæ, כלום חסרת' מן כולה, *Num ex tota lege quicquam reliquum feci, quod non præstiterim?* Sic apud Talmudicos פרוש סה חובתי עור ואעשנה *Quodnam est debitum meum amplius & faciam illud. Hott. Thes. Phil. 4. 29.* At hæc Christianorum præcisitas id est ἀκριβεια (nam nihil aliud per præcisitatem intelligunt) ex ipsorum sententia *intenta quidem est in hac vita, obtenta autem in cælis.* 2. Pharisaorum præcisitas tantummodo consistebat in externis quibusdam, ac futilibus minutis, quas præstare facile erat Graphicis ac maximis Hypocritis. De corde vero ejusque interna puritate securi omnino erant: extima poculi ac patinæ perpurgabant, interiora plena relinquebant rapinis ac intemperantia Matth. xxiii. 25. Hæc vero Præcisitas quam Christiani Doctores inculcant; *ad cor ipsum & internas ejus motiones & sinceras intentiones maxime attendit.* 3. Pharisaorum præcisitas in speciem & pompam comparata erat, jejuniis ipsorum cum deformatione faciei conjuncta, elemosyna in omnium conspectu, preces in compitis & triviis, ut *viderentur ab hominibus* Matth. vi, 5. eodem modo quo hodie Monachorum simulata Sanctitas in Papatu, super quam *παραστήτων* suorum justitiam vult Dominus. Matth. v, 20. Hinc apud Talmudicos פרוש שכמי, qui imitatus Sichemitas, circumcisionem admittit, bonis operibus vacat, *Phariseus Sichemita. Vid. Hott. Thes. Philol. p. 27.* Sed hæc quam Christiani quos diximus docent, *tanto minus se ostendat ubi gloria nominis Divini id necessario non requirit, quanto magis excellit.* 4. Pharisaorum præcisitas elatos ipsos ac superbos reddebat, adeo ut reliquos omnes præ se despicerent: *Non sum sicut hic publicanus. Noli me tangere quia sanctior sum te.* At hæc quam supra delineavimus, *tanto humilior fit quanto magis proficit, facile condonat & indulgens ac benigna est erga alios, si alicubi ab aliis invisibili puniuntur videretur recedere.*

Breviter

Breviter vix quidquam videtur ostendi posse in quo hic quem dicunt Præcisissimus cum Pharisaïsimo conveniat.

Queritur 3. An Judaizantes dici possint qui pro festis quibusdam diebus, ut Paschatis, Pentecostis, nativitatis Domini, in novo Testamento à quibusvis observandis, tanquam pro aris & focis digladiantur, quique ægerrime ferunt alios optare illa aboleri, quum ad minimum adiaphora judicent abusus inquinata, quumque nec à Domino Jesu, nec à Sanctis Apostolis instituta sint?

Rationes dubitandi hæc sunt. *Pro Affirmante.* Quod Judaicum fidei-
rum aliquod discrimen constituere, & ut Apostolus noster loquitur, *non
astimare præ die.* Quod Judaicum sit, sentire quodlibet tempus, etiam Mel-
sæ, præter Sabbathum festos suos dies habiturum; uti prolixè ostendit &
contra quascunque objectiones defendit Abravanel citatus Clar. Viro D. *Joh.
Hoornb. contra Judæos* p. 463. Quod ut Judaicum & superstitiosum id à
nostris improbatum sit in Pontificiis, quorum antagonistæ hic videri pos-
sunt. Quod præstantissimi Ecclesiæ reformatæ Doctores, imo & integre
Synodi ab exordio reformationis habitæ, se iis ipsis Festis, tanquam jure
quo liberi Christiani gravari non debebant, opposuerint. Uti quedam
de re testimonia enotavit modo à nobis laudatus D. *Hoornbeeck Summa con-
trov.* p. 634. imo & addi posset quod ipse Paulus dies ejusmodi festos ut Ju-
daicos damnaße videatur. Col. II, 16. Gal. IV, 10. *Nam etsi præcise his locis
damnentur observationes dierum Judaica; sequitur tamen eo magis damnari debent
hominum constitutiones, quæ eandem rationem cum Judaicis habent.* Inquit; Co-
leb. Theologus Rivetus T. 2. p. 544. *Pro negante* dici posset quod Judæo-
rum festa celebrare, eodem præcise tempore cum illis, judaizare sit, quare
Victor Romanus Episcopus voluit Pascha celebrari semper die Dominica,
ne scilicet cum Judæorum Paschate concurreret nisi fortuito. Aliam vero ra-
tionem esse festorum Christianorum, qui aliis diebus & alio fine celebra-
ntur, quo modo etiam Pontificii distinguunt inter imagines Gentilium, & im-
agines Christianorum, & illas volunt præcepto secundo veritas, has non
item. Et tamen (ne quid dissimulem) vetus est hæc exceptio, cujus men-
tionem facit Hieronymus in Epist. ad Gal. cap. IV. *Dicas aliquis, si dies ob-
servare non licet & menses & tempora & annos, nos quoque similia crimina in-
currimus, quartam Sabbathi observantes & parascevem & Dominicam & jejunium
Quadragesima, & Pascha, festivitatem & Pentecostis letitiam, & pro varie-
tate regionum diversa in honore martyrum tempora constituta.* Ad quod qui sim-
pliciter respondebis, dicet, non eosdem Judaica observationis dies esse, quos nostri.
*Non enim Azymorum Pascha celebramus sed resurrectionis & crucis. Nec septem
juxta*

juxta morem Israel, numeramus hebdomadas in Pentecoste: sed Spiritus Sancti veneramus adventum. Quamquam paulo post subjungit: Qui vero proposita quaestioni acutius respondere conatur illud affirmat, omnes dies aequales esse nec parasceve tantum Christum crucifigi & die Dominica resurgere: sed semper sanctum resurrectionis esse diem &c. Nec scio an quidquam præterea assignatum sit notabile, in quo dicta hæc Christianorum festa à Judaicis differant. Dici posset ex præcepto Divino Judæis incubuisse necessitatem festa sua celebrandi; apud Christianos hoc liberum esse, ordinis tantum gratia instituta ab Ecclesia; ne inordinata congregatio populo fidem minueret in Christo, ut loquitur Hiero. loc. cit. Nisi æque facile opponi posset, liberam tunc esse Ecclesiæ abrogationem istorum festorum, si liber sit usus. Per quod enim quid ligatur, per idem & solvi potest, imo debet ubi ligatio multis malis ita contaminata est, ut aut parum aut nihil inde boni resulet.

Queritur denique 4. An Judaizantes dici mereantur, qui docent quoslibet Christianos ex vi præcepti quarti (utpote ad legem moralem decalogi pertinentis) obligatos esse ad unum aliquem ex septem diebus in cyclo hebdomadæ continuo recurrentem (quem D. Jesus, vel illius Apostoli, vel Apostolica saltem Ecclesia determinarunt primum fore in hebdomada) ita observandum, ut teneantur omnia servilia quotidianæ vocationis opera non necessaria omittere, quibus sancta quies vel sanctificatio illius diei impediretur, eumque totum consecrare Deo & solemni illius cultui?

Quia in antecedentibus prolixior fui quam cogitaveram, brevitati jam studebo; ac parallelismum tantummodo instituam, inter Judaicam sententiam de Sabbatho, & hanc quorundam Christianorum, ut integrum judicium æquus & eruditus lector relictum sibi videat. 1. Judæi si non omnes quam plurimi certe præceptum hoc iv. morale esse negant, vel quod idem est, ad illius observantiam omnes teneri. Nam sic in Rituali, precatione Sabbathica, quam ab Ezra & viris Synagogæ magnæ traditam sibi nugantur. Et non dedisti, Sabbathum Domine Deus noster Gentibus terra, neque hereditati illud dedisti, Rex noster, idololatriæ, & in requie ejus non habitabunt impii, quoniam Israeli populo tuo dedisti illud, ex amore erga semen Jacobi quod elegisti. Idem Judæi statuunt (ait Dom. Coccej. in indagat. nat. Sabbath. p. 247.) nisi Gentilis circumcidatur & sic fiat גר צדק Profelytus justitia, non licere ipsi vel Sabbathum observare, vel alio die opinione cultus cessare, sed debere contentum esse præceptis Noachi. vid. Cod. de Syned. cap. 7. fol. 58. 6. lin. 3. a fine. Illi vero, de quibus queritur Christiani, volunt omnino id quod in præcepto iv. præcipuum est, observationem solemnem certæ alicujus diei in hebdomada,

moralem esse ac omnes obligare, juxta determinationem ultimæ Synodi Nationalis Dordracenæ.

2. Judæi docebant Sabbathum sine ulla mutatione celebrandum semper esse die septima & ultima hebdomadis. Hinc errorem statuunt esse Christianorum, quod festum suum agant in prima Sabbathorum. Sic enim loquuntur (apud eundem D. Coccej. ibid) וְיָדְעוּ בְּמַצוֹת שֶׁל אֱוֹנוֹתָם לֵאמֹר בְּשַׁבָּת הָאֵלֶּה נִשְׁמָר לַיהוָה שְׁמוֹתָם לֵאמֹר לֵבָיִשׁ נָא בְּשַׁבָּת *Nazareni of qui ambulat in errore illius Viri, qui præcepit ipsis facere diem calamitatis* (festum intelligit) *in prima Sabbathorum.* Hinc septimum diem in otio transigere Judaizare veteribus dictum fuit. Nam sic prohibetur in Cod. Can. Eccl. universalis Can. 153. ὅτι οἱ δὲ χριστιανὲς Ἰουδαΐζουσιν καὶ ἐν τῷ σαββάτῳ σχολάζουσιν, ἀλλὰ ἐργάζεσθαι αὐτοὺς ἐν τῇ αὐτῇ ἡμέρᾳ. τὴν δὲ κυριακὴν πεσοτιμῶντας εἶγε δύναιτο σχολάζουσιν ὡς χριστιανοί. *Quod non oportet Christianos judaizare & otiosi in Sabbatho, sed operari eodem die. Praesentes autem in Veneratione Dominicam diem, si vacare possint, ut Christiani busfiant.* Et hoc est quod Christiani hi Doctores volunt; non amplius nos Præceptum IV. obligare, nisi in quantum docet unum aliquem ex septem hebdomadæ diebus solemni cultui Divino consecrandum esse, qui jam ex Apostolorum & Apostolicæ Ecclesiæ praxi dies est Dominica. Hoc ipsum docuit Chrysost. ad 2. Genes. (quod semel hic pro semper dictum velim, loca hæc Patrum describo ex aliquoties jam dicto D. Cocceji tractatu: neque enim mihi, fateor, vacavit vasta ipsorum volumina percurrere.) Sic ergo ille. *Hinc ab initio enigmatice docuit Deus, monens, ut unam diem in cyclo septimana quamque consecremus & separemus spiritualium operationi.*

3. Judæi ita observabant Sabbathum suum, ut in ipsa cessatione, otio, & ægyla sanctimoniam aliquam constituerent. Atque hinc est quod apud ipsos בְּשַׁבָּת שְׂכִיטָה מַצוֹת *Præceptum quietis Sabbathicæ*, præceptum sit per se, distinctum à præcepto sanctificationis Sabbathi. Vide *Hotting. Jus Heb. p. 87.* Hinc semper, veteres disputabant contra Judæos Sabbathum non consistere in otio. αὐτὴ ἡ ἀργία ἐστὶ τὸ σαββάτον ἀλλ' ἡ ἐξομολόγησις καὶ ταπεινὴ τὴν ψυχὴν inquit Athanasius. Atqui illud ipsum volunt Christiani hi Doctores, qui quietem Sabbathicam mandatam tantummodo dicunt in ordine ad sanctificationem, non quasi ipsa quies per se sanctum quid & Deo gratum sit, sed ut quid removens impedimenta, quæ sanctificationem illius diei remorarentur. Quod passim docuerunt Patres. Clemens Roma Lib. VII. cap. XXXVII. *Legem ipsis dedisti decem verborum, tua voce pronunciatam & manu scriptam. Sabbathizare præcepisti, non causam otii præbens; sed occasionem pietatis ad cogni-*

tionem

tionem tua potentia, ad impedimentum malorum &c. Rursus libr. vi. Cap. xxiii. dicit Deum iussisse σαββατίζειν δι' ἀργίας διὰ τὴν τῶν νόμων μελέτην. *Sabbathizare per otium propter meditationem legis.*

4. Judæi in exigenda isthac quiete admodum erant inclementes, adeo ut opera pæne præsentis necessitatis ne tunc quidem concederent, & nescio quas minutias vetitas vellent, qualia sunt pomum assandum igni admove-re, pulicem venari quando hinc inde saltat, speculum fustum intueri, ne quis pilos à capillitis avulsos & pendulos conspiciat, quibus auferendis si manum admoverit, opus prohibitum fecerit; & quæ id genus plura sunt, de quibus prolixè in codice Talmudico, tit. פסחים, ex quo multa excerptit Cl. nobisque amicissimus Vir D. Anton. Hulsus Theol. jud. pag. 251. At illi de quibus quæritur Theologi, rejicientes ineptas & curiosas multorum vitiligationes, qui disputare malunt quam *ἀσπάζων*, non ultra quietem Sabbathi urgent, quam in quantum per eam impedimenta tolluntur sanctifica-tionis Sabbathi: & nihil temere volentes determinare, in particularibus casibus judicem appellant propriam cujusque conscientiam, ut ab iis ope-ribus supersedeat quibus se in solemnì religionis exercitio, tunc præstando, citra necessitatem impediri cernit. Neque enim puto quonquam hodie esse, qui existimet *levius esse crimen homines mille jugulare, quam semel in die dominico calcem alicui consuere.* Quod scholasticis impropenatum ibant Pro- testantes in *Gravam. oppos. concil. Trid. p. mibi* 13. Interim hoc quo dixi modo die dominica otiaandum, non Judæorum sed Patrum est dogma. No- mocanon Photii tit. vii. c. 14. *ὅτι κατὰ τὸ ἐγγράφον δὲι χολάζειν τὴν κο- ριακὴν. quoad ejus fieri potest dominico die ab operibus vacandum esse.*

5. Denique Judæi non solum concedebant, sed etiam jubebant Sab- batho suo & in illius honorem delitiis, ornamentis & voluptatibus carnali- bus indulgere. *Voluptas Sabbathi in eo consistit, ut commedas carnem & pisces & bibas vinum, & quisque juxta facultatem suam deliciis vacet;* Inquit Mi- kotzi *Præc. affirm. xxx.* Et quam genialiter Sabbathum suum transigere solent, omnes jam norunt ex Buxtorf. *Synagoga Judaica.* Vide commenta- rores ad Jes. Lviii. 13. At Christiani hi Doctores nullo modo concedunt suis recreationes istas carnis & gaudia mundana; sed ob increpatas illius diei profanas deambulationes, lasciva convivia, ridiculos sermones, muta- toriorum pompam & similia Mundi illecebramenta mu'tum sustinent invidiæ; existimantque se Judæis hac in parte dissimillimos esse; eorum autem sen- tentiam ad Judaicam accedere, qui Sabbathis licere existimant cauponas in- vilere,

visere, ut generosiori humore se oblectent ii qui eum in cella habere non solent, magnamque Diei dominicæ partem putant sine scrupulo impendi posse hastiludiis aucupiiis lusui globi, pilæ, clavæ &c. Hoc est judaice Sabbathum celebrare ut docuit *Ephrem. lib. de penit. Cap. II.* Sic ut nec in explicanda natura præcepti quarti, nec in determinatione diei Sabbathicæ, nec in otio nec in sanctificatione diei, nec in rigore, Christiani hi Doctores cum Judæis conveniant. Quid sit in quo Judaizantes dici possunt, aliis inquirendum relinquo. Ego te amplius non morabor, Christiane lector, sed rogo ut mecum Deum O. M. continuis precibus sollicites ut det suis *ἀδελφότητι ἀγάπην* Licet prolixius multo jam dudum præfatus sum, quam pro mole opusculi; non possum tamen non rationem reddere cur inter principia fidei Judicæ *Targumim* sive Paraphrases Chaldaicas & *Masorim* non numeraverim. Contra quam ab aliis fieri plerumque assolet. Cuique quæ velit sentiendi libertatem libens assero, modo & eadem mihi facta testis maneat. Qui aliis ingenium ac iudicium mancipavit suum, spem omnem bonæ mentis penitus mihi egisse videtur. Propria sapiendum est mente, uti propriis videndum oculis. Solis Sacratissimis Prophetarum Apostolorumque litteris fides absoluta debetur, aliis quorumcunque scriptis iudicium; cujus animam esse modestam libertatem qui dixerit, is sententiæ suæ ascribat meam. Scio non deesse eruditos (quos nemo fortassis impensius quam ego colit) qui existiment Chaldaicas Paraphrases, *Onkelosi* imprimis & *Jonatha* Judæis Divinæ esse Authoritatis: Sed velim id luculentius ex ipsorum scriptis demonstratum ivissent. Et tunc certe nullo negotio, in locis non oppido paucis facilitatem istarum Paraphrasium ostendissem. Utique in eximio honore *Onkelos* & *Jonathan* eorumque commentaria Hebræis sunt; an in Divino, dubitem. Non sum usque adeo male in eorum scriptis versatus, ut ignorem quod ubique extat; quosdam ipsorum dicere Jonathanem accepisse doctrinam suam Targumicam à Prophetis Zacharia, Haggæo & Malachia; *Onkelosum* vero à R. Eliezaro & R. Jehosua; qui itidem suam ex Prophetarum ore hauserant. Nec ignoro miracula illa quæ facta nonnulli jactant, quomodo transferendæ legi operam daret Jonathan; aviculas scilicet super ipsum transvolantes momento exutas esse; terram Israelis commotam esse ad quadraginta usque milliaria; & exivisse oraculum cœleste (quod mirabili nomenclatura *דור בת* vocant) dicens, quis est ille, qui revelavit secreta mea filiis hominum? & injungens præterea ne in transferendis Hagiographis pergeret: quia scilicet finis Messicæ panditur in Prophetiis Danielis. Quasi hæc sacra Cereris essent quibus tantundem de Authoritate decederet, quantum homines in eorum cognitione proficerent. Uti omnes hæc pene de-

scriptum

scripsere ex Buxtorfio; qui ex Bava Batra & Megilla ea eruderaverat. Addo etiam omnino me credere duas has translationes sic satis antiquas esse, & Jonatham vixisse ante Christum, Onkelosum simul cum Christo; *ἀρχαίους* enim fuisse dicitur R. Gamalielis qui Præceptor est celebratissimus per discipulum suum, Apostolum nostrum Paulum. Et tamen hæc omnia non possunt mihi persuadere, ut in animum inducam credere, vulgarem Synagogæ sententiam Divinam & *ἀρρητόντων* Authoritatem dvabus hisce Paraphrasibus adscribere. Nimis enim sæpe observavi, Judæos audacter admodum, ubi modo lubitum est, Paraphrasibus istis, contraire. Quod certe non ita auderent, si Divinitatem aliquam iis crederent inesse. Inipiciantur modo speciminis gratia loca in quibus incidit Messiae mentio; quæ omnia in Lexico suo Talmudico diligentissimus Buxtorfius enotavit. p. 1268. &c. conferantur cum interpretamentis recentiorum, Jarchii, AbenEzræ, Kimchi, Aberbenelis &c. & videbis ad oculum, quod sine ullo scrupulo à Paraphrastis suis in alia omnia eant. Certe tam generose nunquam contemnunt suum Talmud. Exempla non adscribam, quia prolixum nimis esset nec hujus operæ. At ne quid dissimulare videar, candide monebo lectorem quid opponi posset. Dicerent fortasse non se à Jonathane vel Onkeloso dissentire; sed Onkelosi vel Jonathanis textum inibi corruptum esse. Et sane in hac sententia fuit verporum omnium quotquot uspiam exitere doctissimus Maimonides, qui fato quodam & forte nascendi primus solusque in illa gente intellexit, quid hoc sit, non ineptire. Quo elogio digne ipsum ornavit eloquentissimus *Cumaus de Republ. Heb. lib. 1. Cap. 11.* Is ergo Maimonides in suo *More Nevochim cap. XLVIII. Par. 1. p. 72.* *Corrupta*, inquit. & *depravata in exemplaribus nostris est hæc expositio, sine controversia elegantissima & optima, in tribus locis, in quibus invenio מורו, cum secundum hanc sententiam debuisset reddi מורו &c.* Mihi enim valde probabile videtur errorem aliquem librariorum hic irrepsisse. Quia tamen non est penes nos ipsius Onkelosi autographum, nihil certi affirmare possumus; sed credendum nobis est Onkelosi istam expositionem esse. Ita etiam de corruptione hujus Targum conqueritur Elias Levita. *לולי באו כבר נעשית התורה כשתי תורות ולא היו שני כפרים משכמים יחד כאשר קרה לשאר כפרי המכתרים ולתרגום אונקלוס Nisi venissent (supple Masorethæ) jam dudum facta esset lex sicut dua leges, & vix esset duo exemplaria reperire sibi invicem consentientia; uti id aliis aliorum Authorum scriptis accidit, imo & ipsi Targum Onkelosi.* At præterquam quod impossibile sit, saltem nemini qui suæ sponis est credibile, tot tantasque periodos usque adeo corruptas esse, ut nihil de sententia genuina Au-

thoris sui retinuerint: id ipsum certissimo argumento est, Judæos nunquam pro Authenticis Paraphrases istas Chaldaicas habuisse. Alias quippe diligentiores fuissent in iis integris asservandis. Nec, puto, temere reperies ubi ita de corruptione Talmudis sui quiritabuntur. Adde quod *Gerardus Velsvicius* in Schebille Tohu asserit citante Viro Clar. *D. Hotting Thef. Phil. p. 257.* אמרנו התכוננתי כי גם ספרדים אין נשענים על אמת *Cognovi quod etiam Hispani non imitantur veritati Paraphrasticos, propterea quod viderunt discrimen esse inter eam & Scripturam.* Imo est ubi Elias diserte Targumim reprehendit. In præfatione sui *Meturgeman* דרך שסרו לפעמים דרך *Paraphrasta quandoque non observaverunt rationem Grammatices.* Quod miracula, de quibus supra, & personas ex quibus sua hausissent magni sane & eruditi hi Viri, libere lectori indicabo quid ego de iis credam. Arbitror illa conficta esse a quibusdam particularibus Doctoribus male feriatis, ut haberent quod opponant Judæis Hellenistis, quædam his non admodum dissimilia de sua versione græca jactantibus. Indubium est, Judæis Hebraizantibus semper exosam admodum fuisse versionem Græcam, à septuaginta quoque ajunt interpretibus. *Ptolomæi* auspiciis adornatam שבעה חזנול *ויהו היום קשה לישראל כיון שנעשה חזנול* *Es fuit dies iste datus Israeli, uti dies quo factus est vitulus,* inquiunt *Ta'modistæ.* Et sane dolorem suum propter hanc rem quotannis solemnij jejunio ad diem VIII. Teveth confessi sunt. Attamen Judæi Hellenistæ de eadem versione sua sic narrant. *Ptolomeus Rex congregavit LXXII. Senes, & collocavit eos in LXXII. adiculis, nec indicavit illis cur convocasset eos; sed unusquemque separatim collocatum sic affatus est. Scribite mihi legem Moysi Magistri vestri* נון המקום עצה כלב כל אחד ואחד הסכימו דעת לדעת אחת *Id unuscujusque cordi consilij indidit Deus ut singulorum sententia in unam sententiam convenirent. Et sic exaraverunt legem singuli ipsorum seorsim.* Vide *Iodes Wovverii Syntagma de LXX. interpretibus. Riveti Isago. ad Script. Cap. x. Hotting. Thef. Phil. Lib. 1. Cap. III. Sect. 1:1.* His jam ut ægre facerent alii invidiæ cæstro perciti non tantummodo miracula hæc rejecerunt, sed & per modum retorsionis similia commenti sunt de suis Targumim, quibus gloriam celebratissimæ versionis Græcæ se obscuraturos arbitrabantur. Dolus an Virtus, quis in hoste requirat? Erat hoc par pari eludere. Fictum Schema per fabulam æque insubidam evertere. Hæc saltem nostra conjectura est, de qua judicabunt eruditi. De Masora hoc unum sufficit, ad ostendendum, eam Judæis authenticam non esse, quod eruditissimus scriptor *Aben Ezra* &

qui

qui ei haud multum cedit Elias Levita statuant, si non primos præcipuos saltem Masoræ Authores fuisse Doctores quosdam Tyberienſes, qui poſt confectum Talmud circa ſextum à Chriſto nato ſæculum vivere; de quibus prolixè videri poteſt *Buxtorff. in Tyberiadè Cap. IV.* Et quod uſque adeo per ſcriptorum luxuriem (qui eam tam affabre pingebant ut Maſorethicæ notæ uſarum, canum, leonum, boum aliarumque animantium figuram præ ſe ferrent) eam corrumpi ſiverint, ut vix quarta pars ſuperſit; & quidem in ea nihil ſolidi, nihil quod non potius anilem recentiorum ſuperſtitionem ſapiat, quam Ezræ & Synagogæ magnæ gravitatem. Neque enim ego credere unquam potui, tantum ex ſuperſtitioſa hac Maſoretharum diligentia utilitatis redire, quam quidem multi perſuadere nobis voluerunt. Myſteria nonnullibi ab iis assignata frigidiora ſunt quam Hiberæ narniæ, ostenduntque otio magis iſtos homines abundaſſe quam ingenio. Sed id jam non agimus. Voluimus tantummodo inſtituti noſtri rationem reddere, cur de Talmude & Cabbala loquentes, Targumim & Maſoram tacuerimus. Quia ſcilicet noluimus quicquam Judæis affingere, de quo non eſſemus perſuaſiſſimi, id eos pro ſuo agnituſ. Nunc te dimittam, *Leſſer*, poſtquam veniam impetraverò tam prolixe præſationis; quæ ultra quam ſperaveram ſub calamo crevit. Vale.



ARGU-

ARGUMENTUM CAPITIS

I.

Methodus disputandi contra Judaeos. Eorum errores circa principia fidei. Distinctio Judaica inter Hagiographos & Prophetas. Ea consutae Propheta per influxum Prophetici Spiritus non orbabantur suis sensibus eorumve usu instar Lymphaticorum. D. Coccejus laudatus. Distinctio Judaica inter Moysen & reliquos Prophetas. Ea evertitur. Elias, Enoch Isai Judaei ἀνυμάρτητοι.

C A P. II.

Novi Testamenti Divina Auctoritas demonstratur. Miracula D. Jesu & Apostolorum vindicantur. Zalman Zebi negat Jesum ea fecisse per secretum Schem Hamphoras. Judaei ipsi loquuntur de lege nova danda per manus Messiae. R. Elias laudatus. Judaeorum objectiones refutatae. CL. L'Empereur laudatus. Novi Testamenti cum Talmude collatio.

C A P. III.

Hebraeorum sententia de Lege Orali. Quomodo Traditiones olim addiscerentur. Argumenta contra legem oralem. Prodigiola solertia Otinolis. Distinctio inter תורה & מצוה. Ea consutata. Aben Ezra laudatus. Lex eleganter comparatur soli. Judaeorum Doctores etiam legi scripta, multa superaddunt. Cabbai sive Samaritani, Sadducei, Karraita omnes traditionibus obloquuntur. Samaritani & Karraita an iidem?

C A P. IV.

Misna, Tosephta, Baraita, opinatores quid sint. Talmudus Auctoritas. Talmud legis potius explicatio est, quam ipsa lex. Contra expressam Dei prohibitionem scripto consignatum est. Contradictoria, absurda, blasphemata Talmudica. Certo, siiri nequit penes quem ex Doctoribus Talmudicis vera traditio sit. Eximius locus Mornai. Absurda Talmudica an parabolice explicanda.

C A P. V.

Kabbala quid, & quotuplex. Triplex juxta Judaeos Scriptura sensus. Atbach, Albam Atbach quid. Notarikon. Gematria Blasphema species. Practica Kabbala. Illius notabilia quaedam exempla. Kabbala verba, juxta Judaeos, equiparanda verbis legis. Lex Moysi ita non est scripta, ut undiqueque potuerit legi. Judaei ipsi aliquando Kabbale obloquuntur. Nugae Kabbalisticae. D. Joh. Leusden Laudatus. Quid □ clausum sibi velit in voce לְמַדְרַשׁ יוֹסֵף 19 6. Historia Jona Kabbalistice explicata. D. Joh. Hoornbeck laudatus. Practica Kabbala est tetra Magia. Vermiculus שֵׁטֶל Lepida Historiola. Paranesis ad Judaeos.

DIS



DISSERTATIO DE PRINCIPIIS FIDEI JUDAICÆ.

CAPUT I.

Methodus disputandi contra Judæos. Eorum errores circa principia fidei. Distinctio Judaica inter Hagiographos & Prophetas. Ea confutata. Propheta per influxum Prophetici Spiritus non orabantur suis sensibus, eorumve usu instar Lymphaticorum. D. Coccejus laudatus. Distinctio Judaica inter Moſen & reliquos Prophetas. Ea evertitur. Elias, Enoch, Isai Judæis ἀντιπρότερον.

Varie à variis disputatum est quomodo de fidei controversiis cum Judæis institui deberet disceptatio. Ego, salvo aliorum judicio, quos ita ut decet veneror, aliam in orali, aliam in scripturaria collatione methodum tenendam esse arbitror. Quippe uti illic, pro Judæi, quicum tibi res est, captu aliter atque aliter procedendum esse ipsa docet ratio, disputatione vel hinc vel inde exorsa, pro re nata (ubi tamen nihil mihi videtur esse *καὶ δὲ τὸ ἀντιπρότερον*, nihil arctius hos homines constringens, quam à deplorato, & ipsis eorum hostibus lacrimas moturo statu, initium facere) ita hic Systematice procedendum esse omnino reor: ut à principiis incepta disputatio, unde reliqua omnia ordine deducenda sunt, in quatuor quæ vocant extrema desinat. Nos, in hac de principiis veræ fidei dissertatione, specimen aliquod pio lectori dare conati sumus, quomodo ipsos Judæos ex Judæis eorumque hypothesebus refutare queat. Semper enim se mutuo perimunt mendacia, uti olim fabulabantur veteres de Cadmæis fratribus. Ego ipsa experientia edoctus, certissimus sum, pæne in omnibus controversiis fidei capitibus hebræos inter se committi posse, & vel antiquis à recentioribus, vel recentioribus ab antiquis contradici. Quibus plus est quam nobis otii, & qui minus in ipso-
rum

rum scriptis sunt hospites, luculentius id possent demonstrare. Suffecerit nobis ea Lectoris judicio subicere, quæ valde Juvenes hinc inde excerpta nunc paulum in ordinem digessimus. Ubi ad ædificationem tabernaculi non possumus aurum nec gemmas, pelles saltem offerentes & caprarum pilos. Sed ad rem ipsam.

1. Circa fidei principium dupliciter Judæi peccant; tum in defectu, tum in excessu. In defectu primo circa Vetus, dein circa novum Testamentum. Circa Vetus. Nam etiamsi in eo nobiscum convenire videantur, quod omnes veteris Instrumenti libri *שִׁנְיָנוּסִים* sint *הם* *אֲדֻרְתִּינוּ*, rejectis ab utraque parte Pontificiorum Ecclesiasticis additamentis: in eo tamen haud leviter peccant, quod hagiographa & Daniele imprimis (quem perperam ex Prophetarum albo eliminant, de quo videri potest *Can. de Repub. Heb.* 458. *Maimon. More. Nevo. par. 2. cap. 45. & Hott. Thes. Phil. p. 511.*) intra Prophetas suos vocant, hosque omnes infra Moſis scripta nimium quantum deprimant. De aliis crudis ipsorum circa sacra quædam scripta calumniis, quæ maleferiatis nonnullis doctoribus excidere, litera omnibus non intendam. Referam tamen, ut horreant simpliciores, dediscantque mirari quos ad superstitionem usque colunt Rabbinos suos. In Tractatu Talmudico cui titulus *Masse. Sabbath. c. 2.* hæc occurrunt. *בְּקֶשֶׁר חֲכָמִים לִגְנוֹחַ סֵפֶר קִהְלֹת מִפְּנֵי שְׂדֵכְרֵי סוּתְרִין זֶה אֵת זֶה אֵף סֵפֶר מִשְׁלֵי בְּקֶשֶׁר לִגְנוֹחַ מִפְּנֵי שְׂדֵכְרֵי סוּתְרִין זֶה אֵת זֶה* *Studerunt Sapientes occultare, apocryphum facere* (id enim esse *לגנוח* ut hoc in transcurso notem, vide apud *Hott. Thes. Phil. p. 521.*) *librum Ecclesiasticis eo quod verba illius sibi invicem contradicerent. Similia conati sunt circa librum proverbiorum, quod & illius verba sibi invicem contradicerent.* Imo (quid non audent humani animus ubi semel frænum hoc reverentiæ Divinis oraculis debite excussit) eousque vesaniæ prorupit Aristarchorum hornm, quidlibet pro arrisio dijudicantium profana lubido, ut in *Mas. c. 3.* *יְדִים* c. 3. aperte scribere non dubitaverint *יְדִים* *קִהְלֹת מִסְמָא אֵת יְדִים. Ecclesiastes polluit manus.* Quod illico etiam ipsis vitio verſum est à Sadducæis, quibus injuria fitum hagiographa abnegare dicuntur, quod hostes eorum infensissimi *Lipman. in Sepher Niszachon, passim, & Menaf. Ben. Isr. de resur. mort. cap. 6.* diferte fatentur. Illi ergo c. 4. trac. sup. cit. ita dixisse memorantur. *אֹמְרִים צְרוּקִים קִיבְּלֵנוּ עֲלֵיכֶם פְּרוּשִׁים שְׂאֵתֶם אֹמְרִים כְּתָבִי הַקֶּרֶשׁ מִסְמָאִים אֵת הַיְדִים סִפְרֵי הַמִּינִים אֵינֶם מִסְמָאִים אֵת הַיְדִים* *Dicunt Sadducæi, est quod de vobis conqueramur o Pharisei, eo quod scripta sacra manus pollvere asseratis; scripta autem hæreticorum non item.* Has & similes blasphemias, quas corradere nec mei est otii nec lectoris negotii, sicco pede trans-

ibo, eas tantummodo propositurus controversias, quæ generatim Judæis nobiscum intercedunt

2. Hæc ergo prima quæstio sit:

An libri Hagiographi minoris auctoritatis sint quam Prophetici reliqui, & an bi rursus infra Mosem subsideant? Jud. Aff. Nos Neg.

Ad majorem quæstionis hujus elucidationem præcognoscendum, quid stantiam discriminis inter libros hagiographos & Prophetas. Hagiographa כתובים sic appellabantur שרם כתובים ברוח הקדש ut *Kimchi* loquitur *pref. in Psal.* Quod scripti sint à Spiritu Sancto: quem distinguunt à רוח נבואה Spiritu Prophetico, cujus meminit *Targumista* Eccl. XII. 9. Item Jes. LXI. 1. & *Kimchi*, & *Aberb.* ad eum locum, & commentatores passim. In eo autem collocant discrimen: quod רוח קדש *Sp. S.* ubi in hominem agit, usum ipsi sensuum integrum permittit. At רוח נבואה *Sp. Propheticus* hominem in ecstasim rapit, ut quod intra se agatur omnino ignoret. Aut ut *Maim.* mihi verba fœnerer ex *More Nev. par. 2. cap. 41.* In tali negotio sensus omnes à functionibus suis quiescunt, & venit influentia illa supra facultatem rationalem, ac ab ista diffunditur in facultatem imaginatricem. hocque pacto opus suum perficit. Vide sodes *Kimchium* loco citato. Inter hagiographa septem numerant Psalmos, Proverbia, Jobum, Danielelem, Ezram, Nehemiam, libros Chronicorum. Prophetas dispeſcunt in anteriores, posteriores. Anteriores sunt Moſes, Joſua, Author vel Authores libri Judicum, Samuelis & Regum. Posteriores sunt Majores tres cum duodecim minoribus. Minoribus libellis, Cantico, Ruth, Threnis, Eccieſiaſti, & Eſtheræ peculiarem locum assignant, ut plurimum immediate poſt pentateuchum & appellant שמע בני לוי quinque libellos. Præterea animadvertendum, quæſtionem propoſitam bimembrem eſſe. Vel enim hagiographos concernit, cum conferuntur cum prophetis: vel prophetas, cum conferuntur cum Moſe. De utroque membro ſpeciatim agemus. De priore prius.

His præmiſſis, Judæorum hypotheſes, in quibus differentiam inter Prophetas & hagiographos fundant, confutatas demus, & ſic tota hæc quæſtio decifa erit. Prima ipſorum hypotheſis eſt, libros hagiographos à Sp. San. exaratos eſſe, contradiffinſte ad Prophetas. Quod manifeſte falſum. Quippe omnes æqualiter Θεόπνεστοι non niſi unum & eundem agnoſcunt inſtinctum Spiritus. Id ipſa nos Judæorum ſcripta docent, quæ indiffinſtatim aliquando Sp. San. tum per prophetas, tum per alios ſcriptores ſacros loquentem faciunt. Textus eſt diſertus in Maſſe מסי' c. x. אמרו מי חלל

ה' אליעזר אומר משה וישראל אשרונו בשעה שעמרו על הים הם אמרו

לא לנו יי ונו מתיבה רוח הקדש ואמרה למעני למעני מעשה וכו
Psalmum hunc quis dixit? R. Elezer ait. Mose & Israel dixerunt eum,
quo tempore astabant mari. Dicebant autem, non nobis, non nobis Domine &c,
(quod extat Pl. CXV.) Respondit Spiritus Sanctus & dixit. Propter me, pro-
pter me faciam illud. quæ sunt verba Dei apud Prophetam Jesaiam Cap.
 XLVIII. 11. Viden' jam quomodo Sp. S. id adscribatur, & recte quidem,
 quod ipso inspirante per Prophetam Jesaiam consignatum est? Prophetam
 extra controversiam, & cui, solo Mose excepto, supra reliquos omnes pri-
 mas prolixè tribuit *Aberbenel in Pref. ad Prop. Maj.* Adde quod *Paraphra-*
ses Chaldaus in Psa. CXXXVIII. 5. loquens generatim de revelatione ali-
 qua tum facta dicat, קול רוחא מתיבא קול רוחא Respondit vox Spiritus San-
 cti. Nulla hic distinctio Prophetarum vel hagiographorum locum habere
 potest. Ingenue omnino *Maimonides, More Nev. p. 2. cap. 45. Daniel &*
Psalmi, & libellus Ruth & libellus Esther, omnia hæc per Spir. San. scripta sunt,
omnes item generatim Prophetæ appellantur. Optime, mi Doctor, & consen-
 taneæ Tuo *Paraphrasti ad 2 Sam. XXIII. 1.* Ubi ille tam diserte ut nihil su-
 pra עלמא לסוף דאחתנכי דוד נבואת רוח ואלין פתגמי נבואת דוד *Et hæc sunt verba Pro-*
phetiæ Davidis, quæ prophetavit de fine mundi. Sic Hagiographi, inter quos
 primus David, Prophetæ appellantur, ipsorum scripta, Prophetiæ. Futilis
 ergo est hæc inter Prophetas & hagiographos distinctio. Sed pressius adhuc
 demonstremus Spir. Prophetiæ, & Spir. Sancti eundem esse: nec diversitatem
 hîc talem fingendam. Quæro, per quem Spiritum scripsit & locutus est Da-
 vid? Sine dubio per Spiritum Sancti. respondebunt Judæi. Atqui, inquam, is
 est Sp. Prophetiæ. Si mihi non credant, quod nequaquam postulo, ac credant
 saltem suo Targumistæ: qui, nulla necessitate ductus, id ipsum quod ego dico
 asserit. Commate 4. Cap. Sup. cit. Sacer textus sic habet רוח יהוה רבר כי
 אמר דוד ברוח נבואה דיי אנא ממלל אלין *Id Targumista sic παραφράζει*
Dixit David Spiritu Prophetico Domini ego hæc loquor. David inter hagiogra-
 phos primus est, & ab illius Psalmis, ut à potiore parte, reliqui omnes
 sæpe denominantur. David tamen præditus fuit Spiritu Prophetiæ רוח
 & per eum est locutus. Ergo hagiographis non est adscribendus,
 pro signo diagnostico, Sp. Sanctus; Spiritui Prophetico contradistinctus.
 Quorum non diversus tantum, sed & contrarius agendi modus esset. Con-
 cludam hoc verbis *Aberbenelis* quibus ille utitur assignaturus diversitatem
 graduum in Prophetiis, *pref. ad Prop. Maj. p. 1. col. 3.* כלם רבר אחד מצד
 תועל ונותן השפע לפי שבכל אחד מהם יהיה משפיע הכורא יתברך
Omnia hæc unum sunt ex parte causæ efficientis & dantis influxum. Quippe uni-
bus

bique D. O. M. is est qui influit. Sic est, nulla hic est distinctio, sive tu Spiritum Sanctum, sive Propheticum dicas. Nam uti Apostolus noster loquitur. πάντα ταῦτα ἐνεργεῖ τὸ ἐν καὶ τὸ αὐτὸ πνεῦμα. Dicent fortasse Judæi, etiam se id existimare, unum eundemque in se esse Spir. Sanct. & Spiritum Propheticum; differitatem se tantummodo ponere in agendi modo. Sit ita. Id saltem credunt, aliter Deum operatum esse in hagiographis, eoque respectu appellant Sp. Sanct. aliter operatum esse in Prophetis, eoque respectu vocant Sp. Propheticum. Atqui jam ex Talmud demonstravimus. ita Deum loqui in Prophetis, ut possit dici & dicatur Sp. Sanctus; ita rursus loqui in hagiographis, ut possit dici & dicatur Sp. Propheticus. Quod omnino distinctionem hanc evertit.

IV. Altera Judæorum hypothesis consistit in speciali differentia hujus assignatione. Quasi scil. Prophetæ Lymphaticorum instar, omnibus sensibus suis orbi, uti Sibylla illa Virgiliana, influxum Propheticum reciperent. Hagiographorum vero Authores videntes vigilantes quid intra se ageretur perspicerent. Videamus quid ipsi dicant, & quomodo quod dicunt conentur stabilire. *Aberbenel in præfatione jam sæpius citata* plene hanc sententiam expressit. Hebraica verba, quia longiuscula sunt, non adscribam. Sensum fideliter dabo. Sedulus lector cum Authentico conferat. *Juxta sententiam, inquit, הרב i. e. Maimonidis, dum Propheta prophetando occupatus est, sive id in somnio fiat sive in visione, semper cum anima ejus adhareat & copulata sit superis, לא יוכל הנביא להשתמש בחושיו כלל, non potest Propheta nullo modo sensibus suis uti, excepto solo Mose. Probationem autem bujus asserti assert ex Dan. x. 8. Et videbam visionem magnam hanc, nec supererant in me vires: & splendor meus mutabatur mihi in corruptionem, sic ut nullas vires retinerem. Additque & incidebam in soporem super faciem meam, ac facies mea terram versus erat. Quo probat visionem propheticam cessationem omnium sensuum inferre.* Duo nunc nobis agenda. Primo impugnanda hæc sententia. Tum refutanda illius probatio. Supra de Davide dicentem audivimus Paraphrastem, *Spiritu Prophetico Domini ego hæc loquor.* Sine dubio, sciebat David quid loqueretur, sciebat se non esse solum, videbat aut audiebat astantes sibi suos, & meditato sermone ultimum vitæ suæ actum concludere volebat. Quis enim credat extra se tunc raptum fuisse Regem, ut quid in se perageretur, quid ipse diceret omnino ignoraret. Et tamen juxta Targumistam Spiritu Prophetico inbutus hæc narrabat. Ergo non semper iste Spiritus in ecstasim homines rapit. Probatio quam ex Daniele annectit Maimonides nihili est. Nam 1. non statim

sequitur, id quod Danieli contigit, omnibus Prophetis commune est, atque adeo tanquam signum diagnosticum Prophetæ ab Hagiographo statui debet. Plurima enim uni vel alteri Prophetarum contingere, quæ non singulis. Immo quia id de Daniele tam diserte narratur, de multis aliis Prophetarum non item, quis non videt, id ipsi in hac prophetia peculiare potius statuendum esse, non commune omnibus? 2. Danielis exemplum nihil ad rem facit. Nam ex Judæorum, immo ex Talmudica sententia Daniel Propheta non est, sed inter hagiographos censendus. Id docetur Gemara Sanhed. cap. xl. וראיתי אני דניאל את המראה והאנשים אשר

היו עמי לא ראו את המראה. ומאן ניהו אנשים אר ירמיה ואי תימא ד חא בר אבא זה חגי זכריה ומלאכי אינהו עדיפא מניה ואיהו עדיף מינייהו. Sensus in versione sua breviter sic expressit, doctissimus Vir & in hac litteratura ad invidiam usque excellens, D. Coccejus. *Et vidi ego Daniel visionem illam, & viri qui mecum erant non viderunt* (Locus est Dan. x. 7.) *Quinam illi? Putant quidam illos fuisse Haggæum, Zachariam & Malachiam. Hi præstabant ipsi, cum essent Propheta, Daniel autem non fuerit Propheta.* Si jam Propheta non est Daniel uti hîc asseritur, quoniam falsissime, qua ratione ipsius exemplo probari poterit. Prophetas extra se rapi, ubi imbuuntur Spiritu Prophetico? Et sane, quis hic est argumentandi modus? Vulgaris Judæorum error est, Talmudis autoritate nixus, Danielem non esse Prophetam. Quomodo tamen commentitius ille Prophetandi mos stabiliendus est, nullus occurrit quilibascenti causæ suppetias ferre queat, nisi unus hic Daniel. 3. Argumentum omnino posset inverti ac retorqueri in Judæos. Hoc modo. Quod ipsis hagiographis contingit, id non potest esse prophetarum ab hagiographis diacriticum. Atqui in extasim rapi, cum prævalet Spiritus Dei, hagiographis nonnunquam contingit, E. G. Danieli. Ergo. Concludo itaque, omne istud discrimen nullum esse: & consequenter perperam Judæos hagiographos prophetis minores facere, uti modo dicebant de Haggæo &c. quod eo nomine præstarent Danieli, cum idem sit qui ipsos duxit Dei Spiritus, eodem modo agens, saltem non tam diverso ut illi sibi fingunt. Quod nisi fallor, clare nunc demonstratum.

§. Hæc jam quoad primam quæstionis propositæ partem. De altera Judæorum primo sententiam proponamus, tum confutatam demus. Refert hanc *Manasse in Conciliatore p. 16. Volumina Moysi mensura sunt reliquorum librorum. Quemadmodum in cantu tanta est dulcedo omnium vocum, quanti*

reliquorum harmonia cum organo aut infima voce : eodem modo vera aut falsa sunt reliqua scripta, quo magis conveniunt cum Mosaica aut ab eadem abeunt (voluit dicere Mosaicis, aut ab eisdem.) Unde sequitur nos ex Mosaica contra reliqua argumenta petere posse, reliquorum autem argumenta nullam vim habere ad destruendam vel minimam doctrinam Mosaicam partem. Idque non modo in externis omnibus libris locum habet, sed etiam in ipsis Bibliis & libris Canonicis: qui si quid habeant discrepans à sententia Mosaica, necessario deferendi sunt, aut ita interpretandi ut cum Mosis scriptis conveniant. Hactenus ille. Et quas vulgo Mosis supra Prophetas reliquos prærogativas ascribant, jam dudum Pueros nostros docuit incomparabilis Buxt. Synag. Jud. C. 1. Imo tanti ipsis est hæc Mosis præcellentia, ut non dubitaverit Maimonides inter tredecim fidei suæ articulos hunc septimum facere. Mosem reliquorum Prophetarum maximum dignissimumque esse, eumque summum humanæ sapientiæ, perfectionis ac honoris fastigium attigisse; sicut cum ipsis angelis paria faciat. In præfatione Halichot olam, & alibi apud scriptores hebræos passim, dicitur יהוה הנביאים, Dominus Prophetarum. Nec tantummodo Mosis personales quasdam prærogativas supra ceteros adscribunt; sed & ipsius Prophetiam & Prophetica scripta reliquis præferunt. Præter id quod supra dictum est, ex Manasse id manifestum erit. Probl. vi. de creatione. Prophetia Mosis per omnia tanto dignior præstantiorque fuit ceterorum omnium prophetarum prophetia, quod &c. Differentiam in eo collocat; quod reliquis Prophetis res tantummodo prophetia comprehensa revelabatur; non item verba quibus exprimenda erat. Mosis autem & res & verba. Quod docte re-
 • futatum est à D. Hoornbesk Proleg. Theol. Jud. p. 46. Sic ut vix videam quid superaddi queat.

VI. Sed revera hyperbolici hic valde sunt Judæi. Ac, si, quod res est, dicere debeam, quædam non longe absunt à blasphemia. Quæ ab aliis item, uti nunc ostensum eo, merito castigantur. Blasphemum sane est, quod Manasse reliquis scriptoribus falsitatem aliquam imputare ausit, ubi à Mose recedere videntur. Absurdissimum omnino quod necessario aliquando deferendi sint. Quippe talis casus dari nunquam poterit, ubi inter Mosem & reliquos vera sit pugna. Vulgaris est hæc Judæorum confessio, qua articulo sexto inter suos *Ikkarim*, prout extant in vulgaris precum formulis, profitentur שלמה שלמה בידה נאמרה, fide perfecta credere quidquid à Prophetis traditum est, id omne verissimum esse. Quid ergo FALSUM ibi, Manasse, quid deferendum? An non hic jure meritissimo læum habet, quod absurde etiam contradicentibus Rabbini vestris applicatis: אילו ואילו דברי אלהים Et hæc & illa verba sunt Dei vivens: Peremptorium illud est, quod *Ismael* dicit apud Vossium, in disp. de adventu Messia. Tradunt Rabbini
 nes

re. Certe alia omnino dici oportuit, quibus commendaretur Moses.

7. Non ingratum tamen credo, lectori erit, si paululum hic digrediar, & Judæosque inter se committam, ut videant nostri quam nihil etiam in hac materia sit in quo sibi invicem non contradicant. Monstratu facile est ex ipsis Judæorum scitis alios Prophetas multum Mosis præferendos. Sane, sine dubio is qui nunquam peccavit, præstat illi, qui aliquoties. At Moses sæpius peccavit, sæpius à Deo reprehensus est, ob neglectam circumcissionem filii, infidelitatem in ter percutienda rupe, & similia. Alii vero inter Prophetas peccarunt nunquam. *Μέγα λον ἄσκημα*, dices. Recte. Addo ego, & falsum. Ex Judæorum tamen doctrina, certissimum. Ipse nobis *Menasse*, testis sit, *de resurr. mort. p. 33*. Ubi hæc R. Jehudæ verba citat. מה שהיה כבד הוא אם יאמר לך אדם שאילו לא חטא אדם הראשון ואכל מאותו העץ היה חי וקיים לעולם אמור לו אתה כבד היה ~~לעולם~~ *Quod fuit jam est. Si quis tibi dicat, si Adamus non peccasset, neque comedisset de arbore illa, viveret & maneret in perpetuum* (dicendum potius, *vixisset & mansisset*) *Responde illi, jam est Elias qui non peccavit, & vivit ac manet in aeternum.* Ecce unum jam *ἀνυμάρτητον* Eliam. Quod eò magis huc facit, quia tum nullius criminis postulari poterit, ob violatam legem Mosaicam, de non faciendo nisi in templo. Addamus & alterum Hanochum. Qui similiter Propheta, cujus Prophetiam etiam noster Judas in epistola Catholica citat. De eo sic ipse *Menasse lib. cit. p. 336. Quia nullum vitium & peccatum commisit, idcirco à morte præservatus est.* Dubito an subjungere debeam & tertium: quia Propheta non fuit. Sed eo fortius astringitur nodus. Si enim ex plebe homines quidam Mosis præferendi, quanto magis ex Prophetis? Is de quo loquor est Isai, pater Davidis: Lubet hîc adscribere quæ Paraphrastes nugatur in *Rutha Cap. iv. com. ult.* ועובר אוליד ית ושי דמתקרי נחש בגין דלא אשתכחת ביה עולא ושחיתא לאתמסרנא בידוי דמלאכא דמותא למסכית נפשיה מיניה *Obed genuit Isai, qui vocatus est aneus. eo quod nulla in ipso perversitas & corruptio reperta est, ob quam traderetur in manus angeli mortis, ut auferretur ab eo anima ipsius.* Falsissima sunt hæc omnia. Scio. Ostendunt tamen falso & inepte Judæos ita de Mose suo passim jactare, qui ut reliqui nihil humani à se alienum novit. Cujus tamen scripta infallibilia esse fortiter asserimus, uti & reliqua prophetica juxta cum ipsis Divinæ sunt authoritatis.

CAP. II.

Novi Testamenti Divina Authoritas demonstratur. Miracula D. Jesu & Apostolorum vindicantur. Zalman Zebi negat Jesum esse se esse per secretum Sibem Hamphoras. Judei ipsiloquuntur de lege Nova danda per manus Messia. R. Elias laudatus. Judeorum objectiones refutata. C. L'Empereur laudatus. Novi Testamenti cum Tabnude collatio.

Alia nunc restat quaestio, maximi quidem momenti illa; sed tamen tractatu difficillima, illi praesertim cui non nisi ex Judaeorum hypothesebus contra Judaeos agere decretum est.

An scilicet praeter Veteris instrumenti libros, in quos ab utraque parte confitemus, scripta Evangelistarum & Apostolorum Divina sint Authoritatis? Judei negant, Nos affirmamus.

Hinc omnia porro dicenda Judaeis pendent. Hoc totius rei cardo est. Et hoc evicto vix ulla nobis cum hoc hominum genere disputatio restabit. Ubi Evangelium sartum tectum est, jam Messiam habemus unicum, & eum quidem Jesum, jam spirituale illius regnum, jam personarum Divinarum trinitatem (quae tam manifesta in Novo Testamento, ut vel ipsi Mohammedani eam ibi videant) jam caerimoniarum Mosaicarum abrogationem, breviter omnia fere de quibus incredula gens controversiam nobis movet. Pressè igitur, & quantum in hac materia, ubi de ipso principio agitur, fieri potest, accurate affirmativam nostram demonstrare conabimur.

1. Primum argumentum nostrum hoc est. Si, quidquid Judaei pro Divinitate Mosis & reliquorum Prophetarum, id nos pro Divinitate Evangelii asserere possimus; immerito haec ab ipsis negatur. Sed verum prius. Ergo. Consequentiam ipsum rationis lumen suppeditat. Ubi enim paria sunt rei convincendae argumenta, ubi tantumdem pro hoc, quam pro illo dici potest, certe ibi à solo praesudicio stabit, quo minus utrique adhibeatur fides. Jam & hoc manifestum est, nihil Judaeos pro Mose aut Prophetis asserere posse, quod non aequè nos pro Apostolis ac Evangelistis. Fiat periculum. In rem praesentem veniatur. Sanctitatem Mosis & prophetarum crepant, alio numque ab omnibus mendacis animum: Recte id quidem. Sed an nos hoc aequè est in D. Jesu, sacrisque scriptoribus eorum quae ab ipso gesta dictae sunt? Ubi non candida ubique simplicitas? Ubi non admiranda in suis, suorumque naëvis detegendis ingenuitas? Ubi non elucet animus omnis fuci tescius: Cujus vel causas longe habuerunt. Nam quod demum mendaci

dacii præmium, ubi veritatis redhostimentum erant flagra, crux, rogi. Quod in Mose certe secus. Qui per suam istam quam cœlitus apportabat doctrinam, sibi diadema pæne regium, dictaturam saltem in isthoc populo, fratri vero summi sacerdotii infulas consecutus est. Nam *Philoni in libris de vita ejus* non semel REX dicitur: immo & Ἀρχιερεὺς. Itemque in *Semoth Rabba Sect. xxxvii.* רבנין אמרו כל שנה שהיה ישראל במדבר שמש משה בכהונה גדולה *Narrant Rab. per omnes illos annos, quibus Israelita in deserto commorati sunt, Mosén sacerdotio summo functum esse.* Tale quid ne vovendo quidem polliceri sibi Apostoli poterant. Aut quænam fuisset ista in Apostolis pessime sibi contulens mentiendi lubido, quæ de rebus suo sæculo, in omnium conspectu, frequentissimis urbibus gestis, tam impudenter falsa narraret? Et hæc scil. tantam mererentur fidem apud omnis generis, ætatis, ordinis, sexus homines, etiam illius terræ, earumque urbium, ubi hæc facta dicuntur, indigenas? Pergunt Judæi & afflatum in Mose Prophetisque cœlestem assignant, revelationes Divinas, frequentissima cum Deo colloquia? Optime. Sed quotidiana pæne hæc omnia nostris Apostolis. Excipiunt ficta hæc esse & mendacia malefactorum hominum ludibria? Videant an non item in suum Mosén hæc cudatur faba. Quid respondebunt sic excipienti Ethnico? Idem & Apostolis nostris applicent. *Peigainus.* Referunt Judæi, ad probandam scriptorum Mosaicorum auctoritatem, eximiam rerum quæ inibi tractantur sublimitatem, incomparabilem sanctitatem præceptorum, styli sanctam simplicitatem, denique in omnibus sibi convenientem dictorum seriem? Qua quæso in re Evangelium nostrum Mosaicæ legi cedit? Heic mysteria habes recondita à multis retro sæculis, quæ nulla Piscatorum solertia fingere, nulla humana ratio assequi potuerit, immo εἰς ἃ ἐπιθυμοῦσιν οἱ Ἄγγελοι παρακύνῃσαι ut Petrus nos-
ter loquitur. Heic Divinæ similis perfectio inculcatur. Heic nulli πειθοὶ ἀνθρωπίνης σοφίας λόγοι ἀλλ' ἀπόδειξις πνεύματος καὶ δυνάμεως. Denique heic omnia inter se, &, quod amplius est, cum Mosaica lege ad amissum convenient.

3. Rursus. Miracula sua jactant? Et pluribus & illustrioribus in-
claruere nostri Apostoli. Supposititia hæc esse dicunt? Meminerint
idem Mosi objectum iri à Gentilibus. Contendunt Magica hæc arte facta
esse: Sed videant an non multo majore cum probabilitate id Mosi impro-
perari posset, qui diu inter Ægyptios magis conversatus, eorumque disci-
plinis imbutus, ab eo cui altercandi studium est, haut omnino improbabili-
ter traduci queat. Duo hic jam addam, imprimis observanda. 1. Ju-

dæos ubi apud se sunt, & nonnihil desinunt ineptire, Jesum nostrum & Apostolos ab hac Magia per secretum שם הכפריס *Nominis occulti, vel expositi*, excusare. Notatu digna sunt verba *Zalman Zebi*, Judæi germani, in tractatu, quem inscripsit *Judischer Tyriac*, cap. I. num. VIII. Citat. à *Cl. Haspan.* in annotatis ad *Sepher Nitrachon*, p. 388. Quæ fideliter ex Germanicis latina facta adscribam *אני אומר* ego dico hanc *הכל* *vanitatem nunquam me audivisse, multo minus scriptam reperiisse.* Non usque adeo pueri sumus & vanitati tali adhibeamus fidem. Nemo tam stultus est qui soñniet *Jesum Nazarenum intrasse בית המקדש* domum sanctuarii, indeque suffuratum שם הספור *nomen expositum, quod dissecta pellicula occultasset; tum exivisse, pelliculam infusus dissecurasse, & exinde sumxisse nomen illud quo tot mirabilia patraret.* Sed frustra hic est Judæus, id quod ab ullo creditum negat expressim narrat in Talmude, uti infra suo loco ostendemus. Id interim lubentes accipimus, quod vanitatem id vocitet Judæus; immo puerilem stultitiam, cui nemo sanus fidem suam oppignoret. Ergo Jesus noster, præcipuus auctor & materia Evangelii, non per magiam, non per occultam virtutem commendandi illius nominis miracula sua patravit. 2. Et illud notatum velimprimis Judæos de Mose dicere, ob quæ, nullo suo merito, apud extraneos in Magiæ suspicionem venire posset. Notum est quod Kabbalæ suæ Authorem Mosen deprædicent. Kabbalam autem hanc dividunt in Theoreticam & practicam. Jam vero Kabbala practica quid aliud est, quam mera merissima necromantia, à qua illam parum aut nihil distare vere olim dixit *Sinus Senensis*. Nos infra cap. V. num. 15. ex professo hoc probamus. Quod obsecro, vide lector, & cum hisce confer. Judicet jam quivis, cujus miracula majori cum specie Necromantiæ incusari queant, an Mosis quem Kabbalæ id est artis necromantiæ Authorem faciunt, an Apostolorum & D. Jesu de quibus nemo nostrum vel per somnium tale quid cogitavit? Hæc eò à me non dicuntur, quod Mosem suspectum facere velim, cujus miracula omnium magorum captum & virtutem longe superabant: Sed ut ostendam non minoris æstimii ea esse debere quæ D. Jesus & Apostoli perpetraverunt. Stat ergo argumentum nostrum: Nihil Judæos pro Mose & Prophetis asserre posse, quod non item nos pro Evangelio.

IV. Secundum argumentum nostrum hoc sit. Quod nequicquam renitentibus inferorum portis, per tot jam sæcula feliciter perennat; id eo ipso & verum & Divinum esse evincitur: præsertim quum omnibus suis in contrarium machinis, id effectum jam dudum hostes crediderint, ut vel ante mille annos extincto nil nisi lugubris lessus illi parandus fuerit. At
qui

qui tale est nostrum Evangelium. De veritate absoluta antecedentis prolixè nunc non inquiram. Id sufficit si Judæis meis eam probatam dem. Diserte eam asserit Celeberrimus Historiographus & sacerdos illorum *Josephus*, cum in libris contra *Appionem*, ubi eodem argumento Mosaicæ doctrinæ Divinam auctoritatem adstruit. Quem locum mihi fateor suppeditatum à Cl. Viro D. *Joh. Hoornbeck contra Jud.* p. 266. Verba *Josephi* hæc sunt. Ἐπεὶ τοίνυν ὁ πολὺς χρόνος πιστεύεται πάντων εἶναι δοκιμασῆς ἀληθέστατος, quandoquidem magnum tempus omnium creditur esse verissimus probator, hunc ego testem faciam virtutum legislatoris nostri, & quam ille de Deo tradidit doctrinā. Deinceps de eodem legislatore suo. Τῷ δὲ τῆς ἀρετῆς πάλαι μὲν ὁ μὲτ' ἐκείνου δὲ μάρτυς, ὁ χρόνος ἔσχηται γεγενημένον. Huius virtutis testem primo quidem Deum, post illum vero tempus fuisse compertum est. Nihil jam restat nisi ut illud ipsum Evangelio, & Evangelicis scriptoribus applicetur.

v. Tertio loco sint illustria aliquot Judæorum de futuro aliquo Evangelio, vel nova, uti vocant, lege testimonia. Quæ ego perpauca me hætenus reperisse fateor. Quibus plus est vel ætatis, vel otii ad hæc conquirenda, eos obtestor ne communi causæ se subducant. Ea tamen nunc asseram quæ impræsentiarum suggerit sublæsta nimis prohi dolor! memoria. In *Talmud ad Jef. II. 7.* hæc extant verba. הקב"ה יושב תורה וחדש חסד על יד משיח. *Sed & D. O. M. & expendis novam legem quam daturus esset per manum Christi.* Quem Hebraismum, ut hoc in transcurso notem, imitatus est *Paulus Gal. III. 19.* ἐν χάριτι μωσείᾳ. Idem

Author ad *Psal. II. 7.* De Messia itidem loquens ait, תתן מלכותך ליהוה אלהינו ונאמנו ליהוה אלהינו. *Dicturus est D. O. M. ascende, ut novum cum eo fœdus pangam.* Cujus etiam sine dubio novæ tunc sunt futuræ tabulæ. Et quid per novam istam legem, aut novum illud fœdus intelligant, iste loquendi modus docet quo recentiores Evangelium nostrum indignant. *Elias in Thisbi ad vocem גלית* ita loquitur. הנהגה החדשה של חסד ושל אמת. *Christiani appellant novam legem suam Evangelium.* De qua nomenclatura valde detorta per Judæos videri potest à curiosis Cl. *Buxtorf. Lexi. Thalm. p. 42.* Si ergo Messias daturus populo suo novam legem est; certe non est quod Judæi Evangelio nostro tam infensi sint. Et, quod omnino hic putem observandum, sic cadunt adversariorum argumenta, ab omnimoda perfectione & immutabilitate legis Mosaicæ contra Evangelium desumpta. Non dicam nunc de testimoniis extraneorum, qui extra partes positi hant exiguum præjudicium Judæis de causæ nostræ bonitate ingene-

rare deberent. Hæc sæpe tam sunt evidentia ut nihil supra. Quid discretius esse potest iis verbis quæ ex Elmacino de Muhammede citat Cl. Hattingerus *hisor. Orien. p. 248. Mandavit quoque populo suo ut crederent Prophetis & Apostolis, omnibusque, qui ad eos demissi sunt, libris. Item Christum filium Mariæ filium Dei esse; Christum ejus & Apostolum ejus. Peracim agnovit legem & Evangelium.* Sed non fert instituti ratio ut hæc talia perquiramus. Alias quidni hos illis testes opponam, cum ipsi nobis prætorum, dicendo contra fidem nostram testari Ismaelitas, ait in simili casu D. Vocius disputat. de adventu Messie.

VI. Quarto denique loco sic argumentabor. Quod ad quascunque Judæorum objectiones inconcussum stat, & cui nihil tandem opponi potest, quod non item Mosi & Prophetis, & præsertim Judaico Talmudi, id inamerito à Judæis rejicitur. Atqui ita se res habet cum Evangelio. Longum oppido, immo immensæ esset operæ omnia hic percurrere, et propriis ipsorum exceptionibus diluere. Ne tamen temere quicquam dixisse videar, objectiones omnes ad tria capita generalia redigam, & sic collecta in generalibus terminis, etiam ex adversariorum hypothesebus resellam. Objectiones omnes, quascunque mihi videre datum est, delinuntur 1. Ex eo quod multa in Evangelio nostro tradantur cum recta ratione & sensu pugnancia. 2. Quod quædam doceantur Divina Majestate parum digna. 3. Quod multa & cum se ipsis, & cum veteris instrumenti libris non bene conveniant:

V. I. Quoad primum: id in antecessum notatum velim, plurima Judæos sibi invicem narrare, quasi in Evangelio nostro contenta de quibus Viri Dei ne per somnium quidem cogitarunt. Unico exemplo emillenis id ostendam. Memini legisse in libro de fide Judæorum & Christianorum, ex editione Munsteri hanc tam lepidam fabellam, ut omnes Pontificiorum legendas, nisi fortasse ex illis hausta sit, facile superet. נחמך בתורתך Scriptum est in lege ipsorum, scil. Christianorum. „Sanct. Gregorius Sacracenorum sepulcra aliquando lustrans, inscriptum alicujus monumenti reperiebat, quot annis Saracenus iste vixisset, & quam fuisset justus & beneficus erga quandam foeminam: Cujus filius ab uno ex illius servis per summum nefas erat trucidatus. Jussit autem istum parricidam revulæ, ceu filium matri, per totam vitam servire. Sed paulo post laum, hanc sententiam justissimus Princeps ad plures abierat. Quo lecto; misericordia commotus Gregorius, ardentissimis precibus obnixè à Deotani viri salutem contendit, rogavitque ut esset anima ipsius נפשו in sciculum beatarum animarum collecta in Paradiso. Sed obstabat quod



„ non esset baptisatus. Attamen baptismi vicem subibant Gregorii lacrum, quibus assatim rigabatur sepulcro jam conditum corpus, inunctum, que simul Gregorio ne tale quid imposterum peteret. Et hæc scilicet in Evangelio Christianorum scripta. Tum & hoc observandum, trabem in Judæorum oculis esse Pontificiorum monstra de transubstantiatione, de *μετεσώφισι* corporis Christi, de missa & similibus insubidis commentis, quæ nos juxta cum Hebræis execramur, negamusque in Sanctissimo Christi Evangelio tradi.

VIII. His præmissis, respondeo. 1. Nihil esse in N. Testamenti libris quod tam absonum videatur, cui non simile ostendi possit in V. Testamento. Proponunt Judæi magnum illud mysterium Pietatis, Christum revelatum in carne, & duas in una persona naturas. Ego opponam Fabricam arcæ, totamque adeo historiam diluvii, de quo haut paulo minus credibilia Divinus Vates edisserit. Increpant illud Christi miraculum, quo quinque panibus ac duobus pisciculis tot hominum millia satiabat, atque ita quidem ut residuum nimium quantum superaret illud ipsum, à quo primum cibandi initium sumebatur? Ego illud comparabo cum Israelitarum transitu per mare rubrum, cum Evæ creatione ex costa Adami, cum fabrica templi, cum Salomonici, tum illius quod apparuit Ezechieli, concilianda omni ex parte cum dimensionibus Mathematicis, & aliis multis, in quibus ipsi valde defudant; imprimis cum oleo viduæ tam miraculose multiplicato per Elisæum & per eundem cibatis centum hominibus ope viginti panium hordeaceorum, sic ut adhuc superesset. Hæc ubi credibilia aliis fecerint, nobis non multum supererit negotii. 2. O quam velim istos homines secum habitare! Respiciant suum Talmud, & quæ non ibi reperient opinionum monstra? De Vermiculo שמיר, de Leviathan, de Behemoth, de prodigiosa ista ave, de leone cui comparatur Deus, aliaque suo loco plenius narranda. Unum tantummodo nunc dicam, quod hodie casu reperienti non potuit non movere risum. In tractatu Talmudico *Sanhedrim* ita fabulantur, judicet quivis harum rerum peritus quam insicete. בשעה שנשא שלמה יאח בת פרעה ירד גבריאול ונועץ קנה בים והעלה שירשון ועליו נכנה כרך גדול שכרומי *Eo tempore quo Salomo in uxorem duxit filiam Pharaonis, descendit Gabriel & fixit calamum in mare, qui attraxis oceanum, in quo adificata est urbs magna que est Roma.* Quid in Evangelio istis nugis & sua se absurditate confutantibus portentis simile?

IX. Quoad secundam objectionum classẽ, quibus ea urgent quæ Deo minus digna videntur, juvat specimen aliquod proponere verbis Nobilissimi Viri D. Conf. L'Empereur, in dissertatione ad Lectorem præfixa *Halicæ Olam*

Olam. Ubi magnus ille Orientis referator, & verus ævi nostri Mithridates, ita loquitur, modum simul ostendens quo talibus objectionibus respondendum est. *Quum in Evangelio Christi querimoniam deprehendunt, Deus mi, Deus mi; quare me deseruisti! Insultant.* אים היה אלוה למם קרם. כן והלא כל הצרות כלן באות לו מרצונו. Si fuit Deus quare ita dimavit? nonne omnia adversa obvenerunt ipsi voluntate sua: *Atqui, non ipsi similia Deo tribuunt: Codice Berachot, sive de precibus fol. 3. p. 1.* שוש

שפחח הוי לילה ועל משמר ומשמר יושב הבה ושואג כארי ואימר אי שהחרכתי את ביתי ושרפתי את היכלי והגליתי את בני לבין אומות העולם. Tribus vigiliis definitur nox, singulisque præsidens Deus Lemus instar rugit: atque hæc loquitur. Hei mihi quod domum meam destraverim, & templum meum combusserim, atque filios meos inter mundi nationes in exilium miserim. *Hic ego eodem modo ex ipsis quæro, quare Deus singulis noctibus ter clamare non desinit? Nonne hæc omnia secundum voluntatem suam ipsi obvenerunt? Immo non tantum per Prophetas hanc voluntatem seipsi indicavit; sed se omnia ista sua providentia facturum fuisse non uno modo demonstravit. Quod rugiens iste Deus sit, non impedit illas sine intermissione singulis noctibus repetitas querelas, & vociferationes: quidni ergo Christus fuerit Deus licet ibi semel lamentatus perhibeatur: Præsertim cum natura humana suas passiones isto clamore expresserit; Deus vero Pater non nisi in natura Divina rugire solum censeatur.* Hactenus ille doctæ gentis meritissimus imperator. Addamus nunc paucula alia in quibus velint nolint plurimum absurditatis fateri coguntur Judæi. *Codice חולין Cap. 3.* extat contentio Lunæ cum Deo, quod antea soli æqualis, nunc eo multo esset facta minor (quam lepidam fabellam suam etiam fecit R. Salomo Jarchi ad Genes. 1. 16.) cui cum nunquam posset Deus satisfacere, tandem culpam fateri & expiare coactus fuit. Inquiens את הירח עלי שמעטתי את הכפרה *expiationem pro me adducite, eo quod diminui lunam.* Quid de eo videtur, lector, quod in Bava Metzia Cap. vii. narrat Authenticum Judæis Talmud? *Quum olim Rabini quidam adversus R. Eliezarem disputationem instituisent, Deus voce cælestis dimissa sententiam contra eos pro R. Eliezare protulit. Quam ob rem indignati Rabini Deum anathematis pœna damnaverunt. Tum Deus ipse subridens. Fili, inquit, mei me vicerunt.* Refert hoc Celeb. Hottingerus, in disputatione habita Heydelbergæ, de scriptorum Hebræorum in N. T. usu. Unum adhuc subjungam ex infinitis. *Codice Berachot cap. 9.* sic fabulantur, נסעה

שוקכה וזכר את בניו ששרוים בצער בן אומות העולם מוריד שתי רמעות לים הגדול וקולם נשמע מסוף העולם ועד סופו *Eshera qui*
Den

נהלקו בש ובה הללו אומרים הלכה כמותנו והללו אומרים הלכה כמותינו ויצא בת קול ואילו רברי אלהים חיים הן והלכה כמותנו עירובין *Legimus in codice referente R. Abba dixit R. Samuel, tribus annis diffensio fuit inter familiam Schamuaï & familiam Hillelis, utraque volente juxta se decidendum esse. Venit cœleste oraculum asserens & hoc & illud verba esse Dei viventis. Quam tamen statuendum sit juxta sententiam Hillelis.* Duo hic sunt manifeste contradictoria : (nam dissensiones hæ tantæ erant, ut iis solvendis solus sufficeret Elias) utrumque tamen verum est, utrumque, quod plus est, Dei verbum. Dato ergo, non concessio, male Evangelicis scriptis inter se, male cum Prophetis convenire : non potest tamen Judæus convenienter suis hypothesebus idcirco eos arguere falsitatis, aut humani figmenti. Quippe qui contradictoriorum utrumque verum esse posse statuit. Et hanc esse communem ipsorum in explicandis scripturæ locis sententiam notat *Hacspan in notis ad Lipm. p. 188. & seqq.* 2. Nos id negamus, veram esse inter Apostolos & Prophetas pugnam. Si quas obijcerent *ἑταῖροι*, nos plures & majores monstrabimus in Mose & Prophetis, in quibus solvendis ipsi non minus desudabunt, quam nos in nostris. 3. Immo sic nostra causa multo potior est Judaica. Quippe ipsis fatentibus reliqui canonici libri, aliquando, NON CONVENIUNT CUM MO-

f

SAICIS,

SAICIS, *ab iisdem* ABEUNT ac DISCREPANT, uti supra loquentem audimus ac refutavimus *Manassem*. Cui addatur id quod ex כ"ג legitur in libro *Juchasin* p. 18. הכה בקראות כותרין זה את זה ואין אפשר לעמוד עליהן ולישבן רק בתורה שבעלפה *Multa sunt in scriptura sibi invicem REPUGNANTIA, quibus inniti, aut que conciliare non possumus nisi adminiculis legis oralis.* Eadem multis exemplis fusc demonstrata habet *Lipm. Nura* p. 39. 40. 41. 4. Ut jam ad Talmud veniamus, cujus intolerabiles magis passim jam cogor comparare cum Divinis scriptis, quam abunde ibi non dicam *ἑναντιοφανῶν*, sed verarum contradictionum seges? Quas nec eas nec contemnendas suo loco reservaturus, hoc unum jam dicam, ipsos etiam eorum doctores eas observasse, quarum solutio plurimum iis facili negotii, atque ita quidem ut nec sibi nec aliis satisfaciant. Videatur ipsa clavis Talmudica *Hali Olam* p. mibi 28. לטן מריה כשבקשה ומשליך משניות בריתות הסותרות זו לזו *Vox opponendi locum habet ubi quis difficultatem movet, & profert constitutiones Misnaicas & exoticas, quarum altera alteri repugnat.* Paulo post, pag. 29. Ipsa veritas id extorquere hominibus videtur, si quid ipsis super sit cerebri, ut tacite apud se admirentur, & sine dubio quædam rideant, אלא לשום אדם אלא וזעני מתקין שאינו מקשה לשום אדם אלא לעצמו שהוא תמה בעצמו על דבר משנה ויודע שהוא אמת אלא שמתמה לעצמו טעמה *Invenire est verbum impugnat, de eo qui meminem impugnat præter se ipsum: qui in se ipso verba Misna miratur, quæ verissima agnoscit, sed miratur quæ ratio subesse queat.* Quod deinceps exemplo R. Ramis illustratur. Video quidem quid author noster addat, ipsum scilicet verba Misnae verissima agnoscere. Sed præterquam quod ex Judæorum sententia duo contradictoria simul vera esse queant, ego non possum mihi persuadere, id ipsum apud se statuere qui tam notoriam absurditatem manifeste conspicit. Vide sodes, lector, ea quæ loco citato sequuntur, & aut ego valde fallor, aut ea ibi à Rabbino Misnae opponi videbis, ad quæ frustra Judæi responsum quærant.

xi. Sic jam satis Authenticam Novi Testamenti Authoritatem contra Judæos assertam reor, ac ab exceptionibus eorum vindicatam: fons saltem solutionum generalium indicatos, quorum sola applicatio restabit, nisi quis ad particularia descendere velit, quod nimis hic prolixum esset, & ab instituto nostro alienum.

CAP. III.

Hebræorum sententia de lege Orali. Quomodo Traditiones olim addiscebantur. Argumenta contra legem oralem. Prodigiosa solertia Ornelis. Distinctio inter מצוה & תורה. Ea confutata. Aben Ezra laudatus. Lex eleganter comparatur soli. Judæorum Doctores etiam legi scripta multa superaddunt. Cathæi sive Samaritani, Sadducæi, Caraitæ omnes traditionibus obloquuntur. Samaritani & Caraitæ an iidem?

Ventilatis nunc istis controversiis quibus Judæos circa principium fidei in defectu peccare demonstratum est, minus admittentes quam admittere debeat: ad alias accedamus, quibus, an iis quæ jam dicta sunt, Vetus scil. & Novum Testamentum, alia insuper addenda sint, disquiratur. Ubi primo in genere disputabimus, an præter legem scriptam, admittendæ sint aliæ traditiones orales, tum in specie, de Talmude & Cabbala videbimus. Argumentum ergo capitis hujus hoc sit.

An præter legem Scriptam alias etiam traditiones amplecti debeamus tanquam indubitatum fidei principium? Judæi Aff. Nos neg.

II. Ut status controversiæ clarius innotescat, nosque deinceps cum majori luce disputationem aggrediamur, operæ erit primitus *ὑποβολή* Judæorum circa תורה quam vocant *שבעל פה* *legem oralem*, amplificationes lectori proponere. Primus nobis hîc auctor & Thrafo sit R. Isaac Corbelenfis *המורה נבוכים* fol. 29. אל תחשוב כי עיקר התורה שבכתב כי אדרבה עיקרה אותה שבעל פה ועל תורה שבעל פה נכרת ברית דכתיב כי על פי הדברים האלה כרתי אתך ברית והן אוצרו הקדוש ברוך הוא *Ne putes fundamentum esse legem scriptam. quin contra fundamentum est lex oralis: quippe juxta legem oralem pactum est fœdus, sicut scriptum est Exod. xxxiv. 27. Quia juxta verba hæc pango tecum fœdus & hæc sunt thesaurus D. O. M. Videat qui vult plura apud Buxtorf. in recens. oper. Talm. p. 323. Et notet quæso Christianus lector, unde Theologi isti Pontificii sua hauserint, quibus placebat in Synodo Tridentina, universam doctrinam Catholicam pro fundamento habere traditionem, quia ipsi Scriptura non creditur nisi propter traditionem, ut refert Author Historia Conc. Trid. p. 132. noviss. edit. Sed ad rem Juris Hebræorum, quod explicuit Hotting. præceptum LXVII. est, *אחריו רבים* *de inclinatione post multos. Quod interpretantur Apellæ suo more, hoc est ineptissime. Quum duo æque periti *שמואל* de lege disceptant, eam partem esse sequendam quæ plurimos suffra-**

gatores habet. Sed ipsos loquentes audiamus. נצטוונו עכשיו בפירוש לקבל בה דעת רוב חכמים יש תורה אחת לכולנו והוא קיומנו גדול בה לקבל בה דעת רוב חכמים יש תורה אחת לכולנו והוא קיומנו גדול בה *Nunc dum expresse nobis injungitur eam amplecti sententiam qua plurimum sapientum calculo comprobata est; una nobis est lex, idque maximum nobis in eo stabilimentum est; nec licet ab illius sententia recedere, Sic scilicet Deus exegeticis illis traditionibus cavit, ut peculiari præcepto utra ex duabus contradicentibus acceptanda sit docuerit; atque ita quidem acceptanda, ut ab illa vel tantillum recedere nefas sit. Quod qua fide ab ipsis præstetur porro audi ואפילו האל משלימין מצות האל ואפילו האל ובכן בעשותינו מצותם אנו משלימין מצות האל ואפילו האל *Et sic dum eorum præcepto obedimus, mandatum etiam Dei præstamus. Et etiamsi aliquando veram nobis viam non monstrarent (quod tamen absit) ipsorum esset peccatum, non nostrum. Nec est quod mireris. Lector, tanti hæc à gregariis Judæis fieri: ipsi Salomoni usque adeo perplacuerit, ut de quovis verbo scribarum mille & quinque rationes dederit. Extat hæc fabula in codice עירובין cap. 11. אמר שלמה על דבר ודבר של תורה שלשה אלפים משל ועל כל דבר ודבר של *De quovis verbo legis dixit Salomo tria millia parabolarum. De quovis autem verbo scribarum mille & quinque rationes attulit. Accurate computatum. Sine dubio per viam multiplicationis. Quomodo autem Moses tantum hunc Thesaurum à Deo acceperit, quomodo item per fidelem traditionem hæreditario jure ad Rabbinos pervenerit, fuscè edisserit Hoornb. lib. cit. p. 60. 61. Adcant præterea curiosi præfatorem R. Moses Mikkozi ad libr. præceptorum.***

III. Id nunc juvat addere, qua ratione olim discipuli Sapientum oralem hanc legem didicerint. Quod is, qui plurima Christianos docuit, Author *Halichot Olam cap. 1. sui tractatus* his verbis proponit, זאת לפנינו בישראל התעורה והתורה יהיו חכמים מקבלים איש מפי איש ולומדים המשנה על פה כאשר נמסרה יאלא שהיו התלמידים עושין סמנין למשנתן וכותבים אותם מפי השכחה המצויה כרברים והיו מסתירין אותם וקורין להם מגלת סתרים והיה הדבר נוהג כן עד עמור כהן לאורים ותומים משרת לאלהיו בחכמה וביראת חטא חזא הרבי קדוש ארון השלמים *Hæc autem erat olim in Israele consuetudo & lex Sapientes alii ab aliis accipiebant & viva voce discebant statuta, quemadmodum, tradita fuerant: nisi quod discipuli statuti istis signa quadam apponerent, eaque, ne oblivio in multis obrepens invalesceret, conscriberent: quæ tamen occultabant; & librum occultorum vocabant. Hic mos obtinuit donec Sacerdos cum Urim & Tummin adestet, Deo suo ministrans cum sapientia & metu peccati. Is est doctor noster Sanctus, omnium integerrimus. Id est usque ad tempora conscri-*

conscripti Thalmudis. Sed ostendamus hæc omnia, si primam, illam antiquitatem spectes, meras esse fabulas: ac tantundem hic Judæos audere, quantum Græcia mendax audet in historia. Affero ergo confidenter nullam legem Mosi traditam fuisse, nullam item antiquos patres illos habuisse, præter hanc quam scripto consignatam juxta cum Hebræis veneramur. Ac ne quid temere dixisse videar, non una ratione id quod assero evincam.

IV. Primum & id quidem validissimum argumentum defumi potest ex 2 Reg. xxii. 8. Quod egregie proposuit *Hoornb. p. 64.* Ego non tam ex loco ipso argumentabor, quam ex notis *Kimchi*, cujus verba licet prolixiora non pigror adscribere. Tota illa historia fusius ab ipso his verbis narratur. דרשו כי אחז שרף את התורה והתמינו מפניו ספר תורה אחר והתמינוהו תחת הנרדך ועכשיו מצא חלקיה ספר התורה הזה ורחוק הוא זה שחזקוהו שבא אחריו שרבץ תורה בישראל איך לא הוציאו זכמה ספרי תורה הנית חזקוהו כמותו אלא מנשה מלך זמן רב שהרי מלך נה שנה ועשה הרע בעיני " כתועבות הגוים ובנה מזבחות לעז בבית " והוא השכיח התורה מישראל ואין פונה אליה כי כולם היו פונים אל אלהים אחרים ואל חקות הגוים ובנה שנה השתכחה התורה ועכשיו כאשר צוה יאשיהו לחפש בית " לכל אשר ימצא שם בדק ולהוציא הכסף המובא בית " והיה חלקו מחפש בחית " ובבית קדש הקדשים וכרבי מצא ספר תורה שהיה מונח במקומו מצד הארון זכן הוא אומר ברברי הימים ובהוצאת את הכסף המובא בית " מצא חלקיהו הכהן ספר תורת " ופתח וקראו ונתנו אל ספר המלך שיביאנו אל המלך שיקרא בו ויראה איך שכחו חתורה המונעת כל המעשים שהיו עושים בישראל *Rem ita explicant. Achaz combussit legem. Unum tamen exemplar aliqui sub strue lapidum occultarunt. Id Hilkia nunc repperit. Alienum autem hoc videri posset, quod Achazi successor Hizkia, qui recubare fecit legem in Israele istud non produxerit in lucem; cum etiam plurimos libros legis post mortem suam reliquerit. Verum enimvero Menasse regnavit diu, annis nimirum Lv. fecitque quod malum est in oculis Domini juxta abominanda gentilium, erexitque altaria idolis vel in ipsa ade sacra. Ipse item in causa fuit ut lex oblivioni traderetur in Israele. Nec erat qui ad illam respiceret. Omnes autem respiciebant ad alienos Deos, & ad instituta gentilium. Ita illis Lv. annis oblivione oblitterata lex est. At nunc quando praecepit Iosias diligenter rursari domum Domini, ubique demum fissura vel rimula aliqua reperiretur, simulque proferre argentum in ad eum introductum, Hilkia id officii prestitit & in templo & in Sancto sanctorum, atque ita in adyto invenit librum legis suo loco repositum ad latus arca. Hoc est quod dicitur a Chr. xxxiv. 14.* Ex quom educerent argentum allatum in

templum Domini, invenit Hilkia sacerdos librum legis Domini, *quem aperuit & legit, & dedit scriba Regis, ut regi illum traderet: & is item in legeret, videretque quomodo obliti essent legis prohibentis omnia isthac scelera quæ tunc temporis inter Israelitas vigeant.* Hactenus ille.

v. Historiolam hanc rigide non examinabo. Suffecerit illinc quæ ad rem præsentem faciunt breviter annotasse. Id observatu dignissimum. Ubi quid ferreo isto Judaismi sæculo lege scripta factum sit, tam accute non à sacris modo scriptoribus, sed tam fulse etiam ab ipsis Judæorum magistris narratur, ibi de orali ista quam somniant lege tam pertinax & silentium. Certo argumento, nihil tunc tale fuisse. Quis enim istelistorias scribendi modus est, minus necessaria sedulo exponere; de majori momenti negotiis ne gru quidem dicere? Aut quis sani sincipitis Author de fundamento ipso religionis, in quo totius rei cardo vertitur, altum taceat, ubi prolixè religionem corruptam & scripta quædam illius instrumenta abolita esse vociferatur? Legem, ajunt, scriptam delere conatus est Achaz, & post illum Menasse, quod pæne perfecerant. Rogo, ubi jam lex oralis? An non & in illam Tyrannorum istorum sævitia exarsit? Aut an delere non potuerunt? Et cur quæso? An miraculose illam servavit Deus? Apud quos? In quorum cerebro? Cur res tam mirabilis non æque narrata, nec à sacris scriptoribus, nec à te aut tuis, Kimchi? Si deleta est, unde restituta? Quando? A Quibus? Si non est, quomodo aboleri potuit lex scripta, cujus non nisi prolixus commentarius lex oralis est? Quis crediderit textum ipsum oblivioni traditum, sic ut postmodum casu repertus novum quid hominibus sonaret, etiam ipsi regi, immo sacerdoti, ex cujus ore hujus petenda erat cognitio; interimque in memoria reservatas fuisse illas in textum, ut ita dicam, notas? Quis ex hominum memoria, per temporum istorum socordiam, tantillum abolitum dixerit, quantum lex scripta est: tam vastam vero, & nullo ordine, nulla methodo coacervatam traditionum seriem integram remansisse? Quis inquam id dixerit, aut si quis dicat; quis crediderit, nisi qui sit Hippocrati tradendus ut cerebrum curet? Vel, si & ipsa lex oralis ex hominum memoria per sævam istam persecutionem oblitterata sit, quis illam demum Judæis reddidit? Cur tacent hîc antiquæ historiæ, in re quæ tantum momenti ad Ecclesiæ fidem afferat? Aut quis potuit restituere? An novus aliquis Otniel emerfit, qui tôt millia traditionum ex ingenio depromplerit rursus, uti antehac factum fabulantur. Pigeret lectorem tam lepida dicam, an insubida fabella fradare. Israelitæ, inquiunt, Mosem lugentes ter mille traditiones sunt obli-

liti. Surrexit Otniel qui Caleci filiam Aclani post paulo deduxit domum, & prodigiosa solertia ex memoriæ scrinio omnia de novo docuit. Refert hoc *Hiornb. loc. cit.* ex tractatu Temura cap. 11. Ego apud *Jarchium* inveni-
 neram ad *Jud. xv. 15.* Cujus hæc sunt verba. *אלו ספר רבותינו אמרו אלו קרית*
Kiriat Sepher, narrantibus Rabbini, sunt traditiones oblivioni tradita diebus lucis Mo-
saici, quas Otniel filius Kenazi acuta disquisitione restituit. Conveniens sane
 materiæ probatio, id est, dignum patellæ operculum. Sed de simili Ot-
 niele Josiæ tempore nondum memini me legere. Sic jam ex istius rei
 (quantum quidem mihi saltem innotuit, semper gratias acturo ei qui plu-
 ra docebit) apud Rabbinos ipsos silentio, valide contra traditiones non
 scriptas argumentamur.

vi, Secundum defumam ex annotatis Rabbiorum ad Exodi Cap.
 xxxiv. com. 3. & 4. Unde evincam omnia præcepta quæ cœlitus accepit
 Moses, scripta ab ipso fuisse, & consequenter nullam esse legem *אמור*.
 Rab. Salomo Jarchi sic commentatur. *ואת כל המשפטים שבע מצות שנצטו בני*

נוח ושבת וכבוד אב ואם ופדה ארומה ורינים שנתנו להם במרד' וכתוב משה
Omnia judicia, id est septem
PRÆCEPTA (N. B. מצות) injuncta posteritati Noachidarum, & Sabbathum,
& honorem patris matrisque, & de vacca rufa, & judicia data ipsis in Mara.
Et scripsit Moses. Gesta scilicet à condito mundo usque ad lationem legis scripsit
PRÆCEPTA mandata ipsis in Mara. AbenEzra. *ותעס ויבא מהח בתוך*
מחנה ישראל ויספר לעם את כל דברי " מצות עשה ולא תעשה שהם כתובים
Sensus est, Venit Moses ad castra Israelis & narravit populo omnia verba Domi-
ni, PRÆCEPTA affirmativa & negativa, quæ & scripto consignata sunt. Paulo
 post *אחר שספר להם את כל דברי השם המצות והמשפטים כתבם זהו ספר הברית*
Postquam narravit ipsis omnia verba Domini, PRÆCEPTA nempe & statuta,
scripsit ea etiam, & hic est liber fœderis.

vii. Ex quibus verbis dupliciter jam argumentor. i. Qui מצות
 PRÆCEPTA divinitus sibi tradita, & ea quidem omnia conscripsit, is nul-
 lam præterea oralem legem non scribendam accepit. Atqui id fecit Mo-
 ses. Minorem quater paucis hisce verbis Rabbini ipsi asserunt. Major est
 evidens. Quippe, si Judæis credimus, vox מצוה PRÆCEPTUM illud no-
 tat quod alias autumant scribi non debere, ea scil. oracula quæ Moses no-
 ctu accepit in monte Sinai, cum nulla esset lux ad quam scriberet. Sic
 פירוש התורה תורה שנכתב והמצוה 12. ad com. 12. apud Aben Ezr. ad com. 12. apud Gaon
 תורה

תורה שבכתב *Vox תורה significat legem scriptam. Vox מצוה notat legem oralem.* Viden jam quid dictantibus Judæis vox מצוה denotet? Illam partem legis quam nec Deus nec Moyses in monte scripsit, & quam putant non consistere nisi traditionibus *מורשתאבותיהם*. Sic etiam in *Massibet Beraibot fol. v.* *LEX est מקרא Scriptura Sacra. PRÆCEPTUM est Misna.* & similia occurrunt passim. Si ergo & illa deinceps scripta sunt, PRÆCEPTA nempe, quæ non scribenda Judæi existimant, certe nihil amplius restabit legis non scriptæ, quod tanquam cœlitus profectum adorent. Hinc patet (ut hoc jam in transitu notem) ineptissime aliquando Judæos ex hoc ipso loco, & hæc ipsa voce מצוה legem suam *אקראפון* probare. Quod miror ab ipso Maimonide factitatum in initio sui *Jud Chasaka*. Nam, ut modo dixi, ipsæ *מצוות* scriptæ sunt. Et figmentum est revera nullo fundamento nixum, hanc esse distinctionem inter מצוה & תורה, quod מצוה legem non scribendam notet, תורה legem scriptam. Ipse Aben Ezra id vidit, sententiam Gaonis refutans his verbis. *לדעת כי התורה הדבור הראשון והחמשי והמצוה השמנה דברים*. Meo quidem judicio, LEX denotat hic mandatum primum & quintum decalogi, PRÆCEPTUM vero reliqua octo. Vide quam parum sibi consent, & quam ficulneæ sint quibus nituntur rationes. Præterea 2. Qui legem illam scripsit, juxta quam pactum est cum Judæis fœdus, is totam rationem consilii Divini scripto reliquit. Atqui id fecit Moyses. Nam, testante Aben Ezra, liber quem scripsit est liber fœderis. Jam vero quod præcipue, si non in totum, juxta legem quam non scriptam opinantur fœdus initum sit, docuit me Isaac Corbelensis quem supra dicentem audivimus. *Propter legem oralem initum est fœdus, sicut scriptum est, quia juxta verba hæc pango tecum fœdus & cum Israele.* Sic jam ex ipsis Judæis vel invitis & *נאמרי רי פיו* ostendi, omnia præcepta, & totam adeo legem juxta quam fœdus cum Israele pepigit Deus, conscripta à Mose fuisse, & per consequens nullam præterea legem oralem restare.

VIII. Tertio loco contra oralem legem ex legis scriptæ perfectione argumentabor; præceptoque Dei, de nihil huic addendo. Atque ita simul invertam argumentum Menassis, qui ex legis scriptæ imperfectione, hanc quam impugnamus legem stabilitum it. Verba illius in *Concil. in Exod. Quest. 1.* hæc sunt. *David Ps. XIX. dicit legem Domini perfectam esse. Jam vero quum perfectio cujusque rei in eo consistat, ut neque abundet in ea quicquam nec desit, legem ore traditam necessariam esse considerandum est. Nam multa sunt præcepta in quibus desiderari aliquid videatur, in aliis rursus sunt quæ abundant judicaveris &c.* Ego lege contrariorum sic argumentor. Si omnibus numeris absoluta sit lex illa quam scripto consignaverunt Divini Vates; utique

nulla alia indigenus. Atqui verum prius. Ergo. Patet minor non tantum ex citato jam loco, verum & elegante ac emphatica paraphrasi Aben Ezra. וַיֵּצֵא לְאִמּוֹר חֲמִישָׁה כְּגֵנִי חֲשֵׁמֶשׁ בְּעֵבֶר הָיְתָה הַשֶּׁמֶשׁ חֲמִישָׁה בְּאִרְצָהּ וַיִּנְהַג כְּלִבְנָה *Perfectam legem esse dicit comparare cum sole, qui & ipse perfectus est in sua luce, & non sicut Luna.* Id est, si aut ego quicquam capio, aut magnus ille doctor quicquam sapit, is est Divinæ legis splendor qui alia mutuatitia luce neutiquam indigeat, sed solus sibi sufficit instar solis; qui in eo dispar est lunæ, quod hæc alieno igne micet. Adde jam quod idem ille doctor dixit ad Prov. xxx. 5. 6. אִמְרוּ טְהוֹרֹת " אִמְרוּת אִמְרוּת כַּעֲנִין אִמְרוּת " כל אִמְרֵי אֱלֹהִים צִדְקָה כַּעֲנִין אִמְרוּת " אִמְרוּת טְהוֹרֹת " אִמְרוּת טְהוֹרֹת וְכֵן חֲשַׁבְתָּ יִרְאַת ה' וְאֵין רֹאֵי לְהַתְעַסֵּק בְּוִלְתָּהּ " וְכֵן אֵל תּוֹסֵף אֵל דְּבָרֶיךָ אֶתְּהִי אֵל כַּעֲנִין לֹא תוֹסֵף עָלָיו וְלֹא תִגְרַע מִמֶּנּוּ פֶּן יִכְזֶּה

Omne eloquium Dei purgatum est, *juxta id quod alibi dicitur, eloquia Domini, eloquia pura. Eloquia autem hæc sunt præcepta purgata, sicut aurum defacatum: & in his sapientia est senioris Domini, cui uni studere debemus. Idcirco, nihil verbis illius superaddes, scil. su O hiel, juxta illud, non addes illi quicquam nec subtrahes, Deut. xii. com. mlt. ne forte increpet te, eo quod transgressus es præceptum negativum: Vide item quæ Rabbinæ ad Deut. iv. 2. Sicut etiam ex hac ipsa prohibitione ex; ressum præceptum negativum facit Moses Mikkotzi quod est ordine trecentessimum sexagesimum quartum. Unde sic argumentor. Cui nihil addi debet nec detrahi, ei non sunt superaddendæ tot traditiones. Atqui &c.*

ix. Sed in mundo hic est Judæis exceptio quam semper huic argumento opponunt. Per legem cui nihil addendum & scriptam & oralem simul intelligi. Sic Mikkotzi loc. cit. כלומר אל תוסיף על התורה שבכתב. ועל התורה שבעלפה. *Quasi diceret, nihil addes legi & scripta & orali simul.* Verum enimvero duo sunt, quibus exceptionis hujus futilitatem demonstrari posse putem. Primo, sumamus id quod supra R. Gaon dicebat, vocem תורה absolute positam, ut Exod. xxiv. 12. legem scriptam notare, & applicetur id deserto isti loco quem mox allegavimus ex Ps. xix. Deinde, dato non concessio, per legem etiam traditiones istas Mosaicæ intelligi; ne sic quidem increpationem Divinam effugere Judæi poterunt. Quippe qui & istis superaddunt plurima. Ut heautontimorumenos mox subjungit Mikkotzi. אבל יש רשות לבית דין לאסור דבר המתיר כרי לעשות סיע לתורה, ולא שיחא איסור מן התורה. *Licet tamen domo judicii vetare rem concessam (ut legem quasi sepimento muniant) quanquam prohibitio eorum non exsurgat ex lege.* An non hoc jam est, etiam ipsi legi orali quicquam superaddere?

Pluribus id exemplis possem demonstrare. Cæterum libellus ipse jam non est ad manum. Nec quicquam illius suppetit nisi tumultuaria quædam excerpta quæ hinc inde valde juvenis descripsi, quibusque non ausim nimium fidere. Unum tamen suppeditabit *Maimonides in tract. Iom. Job. Cap. I. Para. XXI.* Verba describam prout citata sunt à *Capello in epist. ad Kloppenbur. de paschate Christi evangelium.* Illud, inquit, quod nos facimus extra terram (Judæam scil.) ut nempe in unoquoque festorum memoratorum (Paschatis, Pentecostis & Tabernaculorum) duos dies observemus סנהדרין consuetudo est tantum. וְשֵׁנִי מְדַבְּרֵי סוֹפְרִים הוּא *diesque festus secundus observatur tantum ex institutione scribarum, estque ex earum rerum numero quæ innovata sunt in captivitate ista.* וְאִין עוֹשִׂים כְּנִי אֶרֶץ יִשְׂרָאֵל שְׁנֵי יָמִים *neque observant incola terra Israel duos istos dies* בְּלִבְר *nisi duntaxat in initio anni.* Viden nunc multa ipsorum scribas legi superaddere, immo & illis traditionibus quas Mosi cœlitus datas hæriolantur? Nec refert quod duntaxat id spectet circumstantiam temporis, rem scil. parvimenti, quæque ad *travels* solummodo Synagogæ pertineat. Nam ex similibus circumstantiis legē scripta non expressis, illius imperfectionem, & oralis legis necessitatem probare satagit *Messiasse problem. mox citato.* Patet itaque Judæos in perfectionem Divinæ legis & præcepta de nihil ei addendo variis modis injurios esse.

x. Quarto denique loco, nube testium Judæos hodiernos opprimam, qui ex ipsorum sinu deprompti, ad unum omnes traditiones rejectum eunt, quas cæteri malefani tanto molimine propugnant. Immo sectas integras iis opponam, quæ unam hanc Pharisaicam facile devorent. In his primi, quantum observare potui, Samaritani sunt, quos Cuthæos passim nuncupant: uti Josephus nos docuit *antiquit. lib. IX. cap. ult. οἱ κατὰ τὴν τῶν Ἑβραίων ᾠδῶν γλῶσσαν χυδαῖοι, κατὰ δὲ τὴν Ἑλληνικὴν Σαμαριτῆται.* Similiter *R. Benjamin in itinerario p. 57.* וְשֵׁם כְּמוֹ עֶשְׂרֵה יְהוּדִים וּמֵאָתִים כּוֹתִיִּים. וְהֵם הַיְּהוּדִים הַשּׁוֹמְרוֹנִים הַנִּקְרָאִים שְׁמֵרִיטָנִים *Nique Judæi præter præter sunt decem. Cuthæi vero ducenti. Atque hi sunt Judæi Schomronitæ, qui vulgo Samaritani audiunt.* De his, quod ad rem præsentem facit, non multo post testatur. כּוֹתִיִּים שּׁוֹמְרֵי תוֹרָה מִשֶּׁה לְבָרָה *Cuthæi solum Moysi legem observant.* Quod similiter observat *Maimonides codice Berachot Cap. VIII. Sec. VIII.* נִאֲמַרְתָּ הַיּוֹמִים לְמַדּוֹ הַתּוֹרָה וּקְבִלּוּ עָלֶיךָ פְּשׁוּטָה *אמרו היום למדו התורה וקבלו עליהם פשוטה* וְהַמִּצְוֹת אֲשֶׁר הָיוּ בְּתוֹכָן הֵיוּ מְקֻבְּלִים עֲלֵיהֶן וַיִּשְׁמְרוּ לָבָב *והמצוות אשר היו בתוכם היו מקובלים עליהם ושמרו לבבם* וַיִּחְדְּדוּ בְּרִיתָם וַיִּחְדְּדוּ *וחדדו ברתם וחדדו* *legem*

legem, quam acceperunt in sensu orali: (non admissis stultis sapientum scil. glossematis) Præcepta autem qua assumserunt observabant quam accuratissime, adeo ut affirmarentur credentes in statuta nostra, & unum saltem colentes Deum. Ita enim puto intelligendum esse מִיִּחוּדֵינוּ. sicut etiam eo sensu in Alcorano passim illi opponitur associatores. Hisce gemina germana habet Obadias de Bartenora citatus Hottingero in Exercit. Anti. Mori. p. 15. והיו שמרים תורה שנכתב וכל מצוה שחזונו כה מרדקיים כה יותר מישראל Observabantque legem scriptam, & omne præceptum, quod tenuerunt, id longe diligentius & accuratius observabant, quam ipsi Israelitæ. Nota, solam legem scriptam servabant, idque non laudabili modo, sed & reliquis Judæis invidendo zelo. Nam quæ postea sequuntur de ipsorum idololatria, ea ex odio potius dicta arbitror, quam ex veritate. Uti stulte etiam de iis nugatur Benjamin, quod careant tribus hisce litteris פ ה & ו. Quivis hoc jam novit quam falsum sit. Et olim illustris Scaliger, Elenchi Tribus. cap. XVI. Ipsi, inquit, manu sua, & totum Alphabetum nobis descripserunt, & nomina Patriarcharum iisdem literis ad nos miserunt. Sed sic solent Judæi. Qui fortius inter ipsos pro veritate decertant, publici odii & rancidissimarum calumniarum victimæ fiunt.

XI. Parla Samaritanis in rejectione traditionum faciunt ex iis prognati Sadducæi, de quibus, ne ea repetam quæ fuse & erudite lector apud Hoornbekium reperiet, sic testatur Josephus. Νῦν δὲ δηλώσαι βέλομαι, ὅτι νόμιμα πολλὰ τῶν πατέρων τῷ δήμῳ ἐν Φαρισαῖοις, ὥς πατέρων διαδοχῆς ἅπασιν ἀναγέγραπται ἐν τοῖς Μουσεῖς νόμοις καὶ διὰ τὰ ταῦτα τὸ Σαδδουκαίων γένος ἐκβάλλει, λέγων ἐκεῖνα δεῖν ἡγεῖσθαι νόμιμα τὰ γεγραμμένα, τὰ δὲ ὥς παραδόσεις τῶν πατέρων μὴ τηρεῖν. Nunc autem narrare volo, multa Phariseos tanquam lege præcepta populo tradidisse, ex acceptione (Kabbala, id enim Græce est διὰδοχι) majorum, qua Moysi legibus scripta non continentur. Atque id propterea Sadduceorum genus hæc rejicit, ea demum legitima censenda dicens qua scripta sunt, qua vero traditione sola constants observanda non esse. Josephum sequatur, triumphator Lipmannus numero LXII. צדוקין נקראין בומנינו קראים שמיאנו מכותיהם לקבל תורה שנעלפה Sadducæi vocantur nostro tempore Karræi, eo quod eorum majores venerunt admittere legem oralem. Huc facit etiam quod habet num. 143. הצדוקים מפרשים תמיד לפי פשוטו Sadducæi interpretantur semper verba juxta sensum litteralem. Quibus affinia sunt quæ reliquit Maimon. in commentariis אבות cap. 1. Ubi de Sadducæis & Baitosæis hæc narrat. והם אשר התחילו להשיב על הקבלה ולפרש על המסוקים כפי מה שיראה להם

להם לבלתי שישמעו חכם כלל *Es illi in:eperunt se opponere traditionibus, & explicare versiculos* (id est, inquit Buxt. in Lex. ad vocem מִצְוָה inhz-
 zere textui Biblico) *prouz conveniens ipsis videbatur, adeo ut nullum omnino sa-*
pientem audirent. Sed quid verborum prodigus sum in re p̄r̄spicua? Qui
 vel à limine Hebræorum scripta salutavit, certum esse novit, quod dicit
 alicubi Drossius: *Legem ita recipiebant Sadducei ut expositionem Sapientum om-*
nino rejicerent. Ab his an distincti semper fuerint Karræi multum equidem
 dubitaverim. Dissentiunt eruditi. In qua controversia ego Polæmon esse
 nolim. Magnus Scaliger contra Serarium agens Cap. II. quid primum,
 quid denique senserit his verbis exprimit. *Judei, inquit, Historiarum im-*
peritissimi, nobis persuaserant Karraim eosdem esse cum Sadduceis. Quo nihil fal-
sus. Quod deinceps alicujus Philippi Frederici autoritate confirmat, qui
 Constantinopoli magnum eorum Karraim usum habuerat. Addit etiam te-
 stimonium R. Abrah. Zacuth. Quibus adjungi possent quæ ex libro Cosiri
 citavit Buxt. loco supra allegato. Aliter tamen non Lipmannus modo, de
 quo supra, sed & Aberbenel, imo ipsi Scaligero usque adeo semper depre-
 dicatus Mose Ben Maimon. Qui an historiarum suæ gentis tam fuerit im-
 peritissimus, haut facile dixerim. Ego sic cogitavi. Olim eosdem fuisse
 cum Sadduceis Karræos, deinceps ad saniora consilia redactos in sola tra-
 ditionum rejectione laudabili perseverantia constituisse. Sic ut ex Samarita-
 nis exorti Sadducei sint, non paucas hæreles eorum schismati addentes,
 ex his Karræi tractu temporis ad veritatem propius accedentes, ab utrisque
 tandem tam Samaritanis quam Phariseis distincti. Ab illis certe discretum
 eos distinguit R. Benja. in itin. p. 52. וְשֵׁם כְּמוֹ מִן קְרָאִים וְשֵׁם כּוֹתִיִּים כְּמוֹ בִּי
 מִנּוֹת *Ibidemque* (loquitur de Ascalone nova) *quadragesima p̄ne Karræi, &*
Samaritani ferme trecenti. Rursus p. 57. de iisdem loquens narrat, pacem
 quidem illos colere sed connubia inter se non jungere. Sed e diverticulo
 in viam. Karræos hosce traditiones omnes constanter rejicientes, nil præ-
 ter legem scriptam pro Authentica fidei norma admittere, vel Judæorum
 pueri norunt. Inter hos, ut ait iterum Benjamin noster, וּבֶן הָרַבָּנִים
 שֶׁהֵם תַּלְמִידֵי חֲכָמִים מְחִיצָה *& inter Rabbanaos, qui discipuli sunt sapien-*
tum, paries est intergerinus. Hi omnes non infimo loco inter Judæos cen-
 siti nec censendi, sicutarum ~~αυθεντικων~~ ex æquo nobiscum hostes fuisse Sa-
 maritanorum schisma neutiquam ego probo. Sadducæorum alias hæreles
 detestor. Karræorum integritas omnibus deprecata, quibus propositum
 non est litare τῇ διὰβολῇ. Sic ut nulla mihi videatur lubeſcē ratio, cur
 horum omnium unanimis consensus soli Hypocriticæ Phariseorum sectæ
 possit

postponendus sit. Obtestor vos omnes quotquot ex semine Isaacis superatis, cur plus apud vos ponderis habebit planorum istorum simulata sanctitas, qui id unum operam dederunt ut præceptum Dei irritum facerent suis institutis; quam Samaritanorum vobis ipsis laudatus zelus, qui solam legem scriptam amplexi placato jam Deo ab devorantium leonum furiis liberati sunt; quam Sadducæorum, quos in rejectione Kabbalæ, Josepho vestro teste, ditissima olim populi pars secuta est, quos protexit quondam Alexandræ filius Aristobulus, quosque armis potius quam sacris litteris crudeles Pharisei straverunt; quam Karræorum, qui longè Rabbanæis meliores ומתן בעלי אמונה במשנה *fidelissimi in negotiationibus*? Resipiscite tandem, & antiquam veritatem tot figmentis misere mersam, denuo productam in lucem, postliminii jure in integrum restituite.

XII, Argumenta Judæorum pro lege sua scripta adeo sunt futilia, ut quivis ex Tyronibus ea tam facile difflet quam folia ventus. Videant studiosi ea quæ sedulo conquiſiuit *D. Hoornbeck*. Ad exceptionem de legis scriptæ obscuritate id unum superaddi velim, quod ipsis fatentibus non minor sit obscuritas in lege orali. Dicat id pro me *Ausbor Halicbot Olam pag. mi. 17.* והיה הכל מבוחר לו לרוחב שכלו אך לבאים אחריו עסקו. דבריו מי ירד לסוף דעתו ומי יבא עד תבונתו. למיכך ראה אחד מתלמידיו לחבר ספר לנלות ולמלאות דברי רבו ולבאר אותיותיו אלה בקרבו *Omnia ipsi, scil. Ribbi, ob ingemii acumen perspecta erant: at posterioribus verba illius fuisse difficilia.* Quis ad cognitionis ipsius fastigium pertigit? Quis aptam ejus dispositionem est assecutus? Idcirco discipulorum cuidam librum componere visum fuit, quo præceptoris verba declararet & suppleret, & has ejus litteras in ipso explicaret. Viden? Ipsa oralis lex, prout à Doctore Sancto scriptis consignata est, suas habet difficultates, cunctis pæne in explicabiles, suaque indiget interpretatione. An plus Apellæ de legis scriptæ obscuritate audent dicere? Non putem.

CAP. IV.

Misna, Tosephta, Baraita, opinatores quid sint. Talmudis Autoritas. Talmud legis potius explicatio est, quam ipsa lex. Contra expressam Dei prohibitionem scripto consignatum est. Contradictoria, absurda, blasphema Talmudica. Certo sciri nequit penes quem ex Doctoribus Talmudicis vera traditio sit. Eximius locus Mornaï. Absurda Talmudica an parabolice explicanda?

I.

Postquam nunc in genere legem scriptam eversum ivimus, facili negotio & Talmud & Kabbalam, quæ oralis legis quasi quædam partes sunt, de ponte dejicere poterimus. A priori exordiamur, disquiramusque hoc capite.

An doctrina TALMUDICA sit Divina Authoritalis? Jud. Affirm. Ne Neg.

Ad majorem hujus controversiæ elucidationem quædam sunt præcognoscenda. Notum est omnibus doctrinam illam, quam à Deo Moysi traditam volunt Hebræi, sæculo post everisionem secundi templi secundo, à Rabbi *Jebuda Hakkados*, ab eximia illis temporibus sanctitate sic denominato, scripto comprehensam fuisse, quod ille *Mischnam* appellavit, quasi tu dicas legis *deuteros*. „Antea viva voce omnia docebantur, donec ille „doctor sapientiæ vim petire animadvertit, afflictionesque graves abigit „sapientes in ultimas terras, legemque ore traditam admodum deprimi, „& neminem vel hîscere audere propter Tyrannidem Græcorum aliorum „que, qui ut illos ab eloquiis Dei vivi avocarent, decreta concipiebant „usque ad tempora Ribbi. Cui Deus Antonini gratiam & favorem conciliavit: nam ab angustia respirarunt, ipse vero coram illo misericordiam, „gloriam, & gratiam nactus fuit, & quietem legi conciliavit. Is cum „senatu suo, consensu sapientum qui ejus tempore vivebant, librum Traditionum in Sinai acceptarum componere aggressus fuit, idque ex illo Sacrarum literarum mandato Ps. CXIX. 126. *Jehovah agendi tempus est*. Itaque eos convocavit & congregavit, qui eo sæculo *disponuntur* & traditionum erant peritissimi. Adeo ut eo sapientes omnes convenirent ut Dei judicia edocerent. Quisque ergo in medium proferrebat quæ audire acciperat, longa nempe serie *disponuntur* inde à Domino nostro Beato Moysi ex imio illo accepta. Quocirca D. noster traditiones *disponuntur* conscripsit, eas in quibus sapientes dissentirent, ad suos quosque Authores suo loco nominatim retulit. Verbis hætenus utor *Halikut Olam ex versione C. L'Empereur p. 13*. Et hæc est prima Talmudis pars. Postquam ob concisum Mischnæ stylum plurima obscura essent, aliquis ex discipulis Ribbi elucidationis librum conscripsit, quem vocavit *תוספתא* *Tosifta* רענינה תוספת על המשנה זילי טעמה *Quasi dicas, additio ad Mischnam & manifestatio sensus ejus*: inquit noster Auth. p. 17. Cui R. Chya & R. Osaja *Baraitot*, id est, *Exotica* addidere. אשר כדברי רבם נשמעות *quæ in præceptis verba prætermissa erant*. Hoc autem nomen, *Exotica*, q. d. extra doctoris nati

S. m. d.

Sancti explanationem. Vis scire, quid in Talmude pro Exotica istiusmodi traditione habere debeas? Ubicunque occurrit LECTIO, vel LEGUNT MAGISTRI, Baraita est. Id noster ita exprimit p. 39. וכל תניא ותר בריותא. ומה שלא הי' Vis scire cujus sit Authoritatis? Idem p. 224. sic docet. ומה שלא נחלקו עליו מכל הדברים האלה היא הלכה מקוימת *Quidquid illorum non vocatur in controversiam constitutio est stabilis.* Neque enim omnia quæ in Gemara occurrunt æqualis sunt Authoritatis. Quæ distinctio ab aliis ignorata, à plurimis neglecta, & quam fortassis æternum ignorassemus, nisi nos eam doctor ille edocuisse, facit ut minus valide quidam ex Thalmude contra Judæos argumentati sint. Fateor nec me semper ad observatunculas istas attendere. Sed mihi jam sufficit ostendere, non defuisse semper doctores qui plus aliis sapuerint saltem sapere voluerint. Postea Magister Ase hæc omnia collegit, & duo Gemaræ exemplaria composuit, *πυκνωμένην* priorem & posteriorem; unam prolixam, alteram brevem. Atque hoc pacto obsignata Gemara est, cui nihil vel addere licet vel detrachere. ולתי רבנן סבוראי שעמדו אחרייו הוסיפו בו קצת תוספת. *Nisi quod Doctores dicti OPINATORES, qui illum sequuti sunt quædam addiderint,* ait noster Author p. 18. Vide sodes, Lector, integrum istud Caput primum, quod in hac materia lectu dignissimum est. Reliqua de Talmude nota sunt, & ubivis à studiosis peti possunt.

II. Id nunc porro notandum, quanti apud Judæos codex iste fiat. Pudet ac piget rancidas illas & protritas pridem in S. Scripturam blasphemias prolixè hic describere. Quorsus enim actum agerem, me & lectorem inutili molestia fatigans? Si cui volupe sit istas audire, legat *Buxtorf. in recensione operis Talm. pag. mihi 222. & seqq. & Hoorub. p. 202.* Id unum dicam non satis ipsis esse ut futiles has nœnias *Θαυμάσιους* scriptis exæquent. Præponere iisdem non verentur: inania ac insubida otiosorum hominum commenta, Divino verbo. Horresco referens. Scias, inquiunt Magistri in *Mass. Berachot Talm. Hyerosol. verba Sapientum magis desideranda esse quam verba legis, & verba Seniorum, quam verba Prophetarum.* Itemque in *Sanhedrim Cap. x. חומר ברכי סופרים מרכי תורה* *Gravius peccatur circa verba Scribarum quam verba legis.* Cui affine quod habet *Lipmannus num. 323.* Ubi stulte à suorum opinionibus, etiam contrariantibus totam legem Divinam suspendit. Sic ille יראה לסנהדרין לפי התורה והמרות להם שכל פי התורה והמרות אותו רבן שמא יודה שמא כי הוא השי שנתן

הָקֵן לָנוּ הַתּוֹרָה תְּלָה אֹתָהּ בְּדַעַת הַחֲכָמִים לְפִי רְאוּת עֵינֵיהֶם וְעַל
 הַנֶּאֱמָר כִּי מֵצִיִן תִּצַּא תּוֹרָה רַל תִּצַּא דְּבִי תּוֹרָה הַיּוֹם שְׁלֹא יֵצֵאת
 אֶתְמוֹל. *Si videatur Synedrio juxta legem & consuetudines* (Nota sodes a
 transitu quid significet עלִפִּי & quam ridicule sui obliuiscantur quum
 hac phraziologia legem oralem elicere student, aquam ex pumice) *etiam
 quam esse puram, erit pura. Si aliud postea Synedrium surgat cui videatur in
 eandem esse impuram, erit impura. Quippe D. O. M. qui legem nobis det,
 eam suspendit à sententia sapientum, juxta contemplationem oculorum eorum. Et
 circo scriptum est Jes. II. 3. A Sione egredietur lex. Q. D. egredietur co-
 bum legis hodie quod non est egressum heri. O acumen Judaicum! imo bene
 coecitas! Imo tanti traditiones has Talmude comprehensas faciunt, ut earum
 studioso sine exceptione beatitudinem coelestem polliceantur. Sic enim
 Halic. Olam p. 9. כל השונה בהן מוכחש לו שהוא בן העולם הבא. Qui
 cumque in iis discendis occupatur, ei promittitur filium fore futuri seculi. Hoc
 praeterea monendi lectores, non omnia Talmudica ejusdem esse authorita-
 tis. Multum vulgo Misnam Gemarae praefereunt: quippe cum Sanctus ille
 Juda parem sibi inter saeculi sui sapientes nullum habuerit. Quanquam
 Gemarae studium multo majorem laudem mereatur. Nam ut est in Bava
 Metzia. Qui operam dat Bibliis aut aliqua virtus est aut nulla. (id est dubio
 an virtus sit dicenda) Qui Misna, certe virtus est ob quam accipitur premium.
 Qui Gemara, nulla virtus est huic gemina. Praedictis gemina germana citat
 Clar. Hosting. Thef. Phil. p. 563. ex Mass. Saphir. Cap. XV. Similis est textus Bi-
 blicus aquis, Misna vino, Sex ordines i. e. Gemara condito. Itemque si-
 milis est lex sali, Misna Piperi, Gemara Aromatibus. Sed in ipsa tum Misna,
 tum Gemara non ejusdem dignitatis authoritatisve omnes Doctores sunt.
 Quis autem cui praeferratur prolixius est quam ut hic explicari aut possit, aut
 debeat. Cui vacat hac de re integrum caput videat in tract. V. Halic. Olam,
 qui totus in eo infumitur, ut doceat juxta quam sententiam ex discrepan-
 tiis sit facienda decisio.*

III. Nec possum praeterire Talmud à Judæis vulgo *legem oralem* appella-
 ri: ut inter alios à R. Bechai in libro *Cadus farinae* fol. 77. col. 3. וְעַל
 הַסְּדֵרִים הָאֵלֶּיךָ הַזֶּה שֶׁבְּעֵלְפָהּ. & *sex hi ordines sunt ipsa lex oralis.*
 Sed rectius ab aliis annotatum, minus id accurate dici. Potius dicendum
 esse legis quamdam interpretationem. Id diserte habet *Zalman Zebi* in tra-
 ctatu Germanico, *Jüdischer Expiac*, cujus originalia verba citata *Cl. Ha-
 span.* in *pres. ad Lipm.* p. 268. ita verto. *Talmud glossa est & interpretatio legis
 scriptae. Ut P. G. ubi Talmud explicat מֵאֲבֵית וְלֹא מֵאֲבֵית עֲמוּנִית מֵאֲבֵית*
 אמר

Ammon & non Ammonitis, Moab & non Moabit. Christiani ipsi fateri debent legem scriptam hanc explicationem pra se ferre. Similiter introducunt Judæi Alphonsum Regem loquentem ad Philosophum Thomam in *Schebet Jebuda* Cap. VII. *Haut procul ab initio.* Qui tractatus cum in præsentiarum ad manum non sit nisi Germanice typis Hebræo-Germanicis Amstelodami editus, verba translata tantum exhibeo. Scio, inquit Alphonsus Thomæ, te ex lege Judaica satis peritum esse istorum risum, prout illos à majoribus acceperunt: exploratumque habes an illius rei (Pascha scil. celebrari non posse sine sanguine humano) vel vola extet vel vestigium in ipsorum lege, aut in explicatione quam habent super Bibliis, in illo inquam libro quod vocatur Talmud, quod nihil aliud est quam פירוש Explicatio עשרים וארבעה ספרא Sacrarum literarum. Viden jam juxta accuratiores Judæos Talmud non tam legem oralem esse quam legis quandam explicationem. Et sane prolixus tantum in legem est commentarius. His nunc ad majorem quæstionis elucidationem præmissis Judæorum affirmativam impugnemus, ac vastum hoc Talmudis corpus deturbemus folio.

IV. Primum nostrum argumentum hoc sit. Quod contra expressum Dei mandatum est id quod est, id non potest esse *Θέμιον*. Atqui Codex Talmudicus est contra expressum Dei mandatum id quod est, scripto videlicet consignatus. Ergo. Major, nisi fallor, ex terminis patet. Minorem disertis Doctorum testimoniis probo. *R. Isaac Corbelenfis in עמורי גולה*

fol. 39. de lege orali ita loquitur והן ארצו של הקבה כי היה גלוי לפניו שיהיר ישראל עתידים להיות גולין בין אומות ויעתיקו הננים ספריהם לפיכך לא רצה שתיכתב. Et hac sunt thesaurus D. O. M. apud quem exploratum fuit, Israelitas exulaturos inter Gentiles, eosque ipsorum libros translaturus, & idcirco noluit legem oralem conscribi. Prolixius adhuc & dilucidius *Author Hali. Ol. in initio cap. 1.* Dixit R. Johannes, Deus Sanctus laudandus non nisi traditionum non scriptarum nomine fœdus pepigit, quandoquidem *Exod. xxxiv. 27.* dicitur, quia secundum os horum verborum pango tecum fœdus & cum Israele. Hic argute discurret R. Jebudas filius Nabmanis, interpret *Resch Labischi.* Scriptum est. Scribe tibi verba hæc. Etiam scriptum exeat. Quia secundum os istorum verborum. En quomodo? Verba que scripto tradenda sunt, non licet tibi voce eadem tradere, & verba que voce tradenda sunt, scripto tradere non licet. En prohibitio Dei, & quidem, si placet, ex Scriptura evicta. Post paulo, posterioris hujus asserti rationem hanc affe t. Quæ viva voce tradita sunt ea explicant quæ scriptis consignata sunt: & quum non nisi viva voce tradantur, iis imitari aliter non possumus, quam ex ore docentis qui

qui discenti explicationem enarrat. Quod si ergo atramento in libro exarata essent, dubitari posset an illi oratio clare perspecta sit. Similiter *Mikkotzi* in præfatione explicationis suæ in 613. præcepta legis, rationem hanc allegat, cur venterit Deus legem oralem conscribi, ne scilicet transcriberent illam Gentiles, & transcriptam adulterarent. Nam maxima semper invidia id operam dedere Judæi, ne arcana ipsorum sacra aliis innotescerent. Hinc in proverbium ipsis abiit. נִי הַעוֹסֵק בַּתּוֹרָה חַיִּיב מֵיָתוּם *Gentilis operam danti legi reus est mortis. Sanhe. Cap. vii.* Huc facit quod de se ipso magnus ille *L'Empereur* refert in *epistola dedic. Clavis Talm.* Judæos nempe tantum ipsi in Talmudicis similibusque libris profectum invidisse: præceptorique hoc à Synagogæ præfectis interdictum fuisse, ne in ista ipsi opera navanda pergeret. Fatentibus itaque Judæis conscribi & in unum tale corpus redigi Talmud non debuit. Disertum, inquiunt, Dei mandatum obstabat. Et quam perperam fecisset Moses non scribendo scribenda, tam fecisset perperam scribendo non scribenda. Rogo nunc, quis Sanctum illum Judam à tam expresso Dei mandato dispensavit? Quis Author illi fuit, ut vestigiis majorum, Synagogæ magnæ, ipsorum Prophetarum, qui non minus credo quam ipse pro religione patria zelotas se præstitere relictis, scripto mandaret, quæ illi viva tantum voce tradenda Deo ipso authore judicaverant? An vero alia posterioris hujus, quam priorum temporum ratio fuit? Sed quæ? An minus tunc periculi Gentiles legem oralem descripturos, aut adulteraturos? Imo majus jam discrimen. Ope quidem R. Jehudæ, auspiciis tamen Pagani Cæsaris Antonini, pretiosum hunc thesaurum in charis reperimus. Quî poterat petenti Cæsari illiusve proceribus exemplar unum atque alterum denegari? Rerum potiebantur gentiles, Judæis, utut superciliosis sola obsequii gloria relictæ erat. Si unquam sacra ipsorum scriptis consignata in propalationis discrimen incurrebant, certe aut tunc erat, aut nunquam. An cum R. Jehuda traditiones has atramento in libro exaravit, dubitari nequit an oratio illi clare perspecta sit? An vero oblivionis periculum ob toties iteratas persecutiones ipsos vel nolentes eò adegit? Atque necessitas à Divino mandato absolvit? Præsertim quum legem usque adeo immutabilem credant, ut id ipsum fundamentalibus fidei suæ articulis inferendum esse duxerint. Aut an talis antehac necessitas nulla fuit? Etiam non in Captivitate Babylonica? Nequidem isthoc tempore ubi tanta scriptæ legis homines oblivio cepit? Aut an quod antehac vetitum postmodum concessum est? Et prior lex alia sequente abrogata? Sed cedo permixti tabulas. Cedo legem R. Jehudæ datam. Neque enim sine probatione quicquam asserentibus, vel juratis, hilum crediderim. Imprimis quum

rationi

rationes prohibitioni de non scribendis traditionibus adjunctæ perennent. Concludo itaque nequitiam *Θίνωνρον* esse Talmud, quippe fatentibus Judæis contra expressam Dei prohibitionem scripto consignatum. Atque hæcenus primum nostrum argumentum.

V. Secundo ita argumentor. Quod continet multa contradictoria, absurda, blasphema, id non potest esse ejusdem cum Sacris litteris auctoritatis. At multa talia continet Judæorum Talmud. Ergo. Latus hic mihi campus panditur, & materia quæ, nedum dissertationi, justo volumini sufficiat. A multis etiam, quod fateor, tractata, quos nominavit *D. Hoornbeek*, libri aliquoties jam à nobis laudati p. 106. quorum alii nunquam mihi visi, alii vix de nomine noti. Quod monendum hîc lectorem duxi, ne si forte contingat eadem me proferre quæ jam dudum ab aliis prolata sunt temere inculser plagii. Si quorundam hic opera utor, id quod debeo, ut ingenuos decet. acceptum ipsis feram. Accingor itaque ut per partes argumentum illustrem probemque.

VI. *Contradictoria*, inquam, multa Talmude continentur, quæ arguunt illud à mendacii potius patre profectum esse, quam à veritatis Authore, qui sibi semper constat. Scio, Judæos negare contradictoriorum alterum semper esse falsum. Unde tritum apud illos de contrariis sententiis Hillelis & Schammai, *utraque esse verba Dei viventis*. Evidens exemplum ex Lipmanno supra attulimus. *Cap. II. Parag. 10.* Sed & hoc scio, cum omni ratione & ingenitis toti generi humano cognitionis principiis tam incomprehensibilem sententiam pugnare: immo & Judæos ipsos melius judicare & candidius loqui, ubi apud se sunt. Evincat id quod ex libro *דברי חיים* citat *Hacspan. ad Lipm. p. 288.* *Quis est dissensus qui est propter Deum; Is est Hillelis & Schammai. Expositio hac est. Et si prima fronte apparet, ac si Dei nomine non susciperentur, quum impossibile sit verba utriusque esse vero consona; hoc tamen non obstante dicimus, quum intentio eorum in Deum feratur, utraque esse verba Dei viventis.* Omitto alia quæ in hoc discursu evidenter absurda sunt. Id unum arripio, IMPOSSIBILE ESSE UT UTRUMQUE SIT VERO CONSONUM. Addo quod quum Judæi nobiscum disputant, frequenter contradictiones soleant urgere. *Menasse* impugnans eorum sententiam, qui statuunt animam esse totum in toto corpore sed & totam in qualibet corporis parte, quod ad me attinet, inquit, videtur id mihi manifestam involvere contradictionem. *De resurr. Mort. lib. I. Cap. VIII.* Quid tum, si veritas unius contradictoriorum alterius veritatem non evertat? Huc facit etiam quod *Hottingerus* notavit ad *juris Hebræorum Legem LXXXI.* Ubi à dicendo testimonio

Simpliciores qui הפתאים שאינם מבינים דברים המותרים או את, excipiuntur, *contradictiones non assequuntur.* Quorum quæso attinet illarum observatio, si ex iis non pateat veritas? Sed plus satis jam confirmavi, quod nemo qui suæ spontis est in dubium vocare potest.

VII. Quarundam contradictionum exempla jam vis? Ne ea repetam quæ supra dixi, hæc habe. Notum est Judæorum magistros ubi premuntur tempore adventus Messiae, quod jam dudum præterit, tritum habere refugium ad popularium suorum pertinacem nequitiam, quæ scilicet venturo Messiae moram injiciat. וְלָכֵן כִּי כְתוּב וְהָיוּ לִפְנֵי הַמָּקוֹם שֶׁאֵין יִשְׂרָאֵל נִגְאָלִים עַד שֶׁיַּעַשׂ חֲשׂוֹבָה מֵעוֹנָה שְׁבִידִים. Inquit *liber Askat Rochel* part. II. *Notum sit vobis scriptum ac statutum esse apud Deum, non redemptum iri Israel, donec resipuerit ab iniquitate manuum suarum.* Parum id esset, nisi in eum finem traheretur ab ipsis Talmud. Certe sic legitur in *Gemara Sanhedrin*. דִּין אִם רַב כָּלָו כָּל הַקִּיצִין וְאֵין הַדָּבָר תָּלִי אֱלֹה בַחֲשׂוֹבָה וּבִמְעַשִׂים טוֹבִים. *Raf. Elapsi sunt omnes termini & res non pendet nisi à resipiscentia & bonis operibus.* Paulo post ex traditione R. Eliefaris. אִם יִשְׂרָאֵל עָרְשִׁין תְּשׁוּבָה נִגְאָלִין וְאִם לֹא אֵין נִגְאָלִין. *Si Israelica penitentiam egerint liberabuntur; sin secus, non item:* Alia in hunc sensum lubens omitto, quippe quæ obvia sunt, & ab aliis notata. Id meminerit lector Talmudicum dogma esse, non veniet Messias nisi resipiscentibus Judæis. Contrarium ex eodem codice, imò eodem capite probatum desideras? Hæc lege: quæ, quia Hebræice transcribere nimis longum est, ex versione D. Cocceji exhibebo. Extant in ipsius *Sanhedr*, p. 345. *Traditio. R. Neborai ait: Quo sæculo filius Davidis veniet, adolescentes viros proventa ætatis pudefacient; seniores adolescentulis assurgunt; filia insurget contra genetricem, & nurus contra socrum; frons sacali camina erit, neque filius patrem reverebitur.* *Trad. R. Nebemias ait: Quo sæculo filius Davidis veniet, illo impudentia crescet, honorati quique fraudibus & nequitiiis utentur. Vitis reddet Fructum suum & nihilominus carum erit vinum.* Sol. ob hominum luxuriam, & ebriositatem. Quibus plures deinceps doctores astipulantur. Similia notavit idem ille Vir Doctissimus ex *Beth. Sfard. fol. 50. col. 4.* Compose hæc jam cum præcedentibus, & vide an aqua igni magis repugnet, vel tenebræ luci, quam hæc sibi invicem. Aliud p. 364. in *Cocc. Sanhed.* וְהָיוּ אֵלֶּיָּהוּ שֶׁשֶׁת אֲלָפִים שָׁנָה הָיָה עַל מֵה שְׁנֵי אֲלָפִים תְּרוּשָׁנִי. *Denique bis mille annis dies Christi.* Notissima fabula: cujus varia glossemata vide apud Clariss. *Hulsium, Theolog. juda. tom. I. p. 497.* Hanc certo cre-

dux

dunt Judæi, & ex hac sæpius argumentantur. Cui tamen eodem quasi paragrapho ab aliis contradicitur. Quippe *R. Cabanan filius Thabali-phe R. Josepho sic mandavit. Reperi hominem, qui habebat volumen, scriptum caractere Assyrio, lingua sancta. Quæsi unde haberet. Respondit ille, quum facerem stipendia, inter thesauros Roma inveni. In eo scriptum extabat. Post annos quater millenos, ducentos nonaginta & unum à conditu mundi elapsos mundo finis erit. Ex illis erunt praelia draconum, ex illis praelia Gogi & Magogi. Quod reliquum erit, dies Messia erunt. Et Sanctus benedictus ille non renovabis mundum suum nisi post septem annorum millia. Raf Amma, filius R. Abba ait, dictum est post quinque mille annos. Concilia hæc si potes. Quid videtur, Lector, an non scite alicubi D. Hulsius hunc ita sibi contradicentium Rabbiorum coccysum coæquantibus ranis comparavit, quas simul quasi canere, & alteri tono altera alterius inconditum sonum corrigere videntur?*

VIII. Scio quid hic responsuri sint Judæi, particulares hic tantum recenseri particularium Doctorum opiniones, quæ contradictionis quidem Rabbinos arguant, sed non ipsum Talmud: quum penes unum tantummodo sit *Halacha*, ut loquuntur. Sed & tu facile vides, mi Lector, nihili esse hoc effugium. Nam quisque pro opinione sua, quam licet absurdissimam amare tamen solet ut simiæ suos catulos, tamquam pro aris & focus decertans, eam venditat ut traditionem Moysi è Sinai. Et unde mihi possibile scitu erit quis vera dicat, quis me seducat à veritate, quum uterque sententiam suam ut traditionem *πατριάρχιδος* proponat? An Canones suos habent Judæi quibus docent quis cui præferatur, quales Autor *Halachot Olam* proponit plurimos pag. 203. & seq. Sed dubitare licet an regulæ hæc usque quaque certæ sint & sine exceptione. Nam video ipsos Hebræos Doctores hodiernos sæpiuscule inter se dissentire, dum hic illius alter istius ex Talmudicis Authoribus opinionem ad sententiæ suæ firmamentum adducit. Confecta res esset si respondere posset adversarius, non hujus sed illius Doctoris autoritate standum: quod ex vulgatis istis Canonibus scitu facile foret. Nunc, cum observaverim quemvis promiscue pene citari à Judæis ipsis modo vel tantillum opinioni ipsorum favere videatur, facile inducor ut credam gnorismata isthæc ne ipsis quidem exploratissimæ veritatis esse. Verbi gratia. Dixerat R. Hanina in Talmude Hierosolymitano cadavera terræ Sanctæ primum resurrectura. Contradicunt alii, existimantes hoc pacto multum derogari iis sapientibus qui extra terram Sanctam obierant. Medius intercedit Rabbi Simai, qui eos conatur conciliare dicens, illos sapientes per interiores terræ cavernulas usque ad terram Sanctam devolutum iri, & sic ibi cum reliquis primo esse resurrecturos. Quor-

sum tam absurda opinio iis conciliandis excogitata, si in mundo esset dicere ex indubitata fidei canonibus R. Haninam veram traditionem habere, & non illius adversarios, vel contra: Imo neque ipse Menasse Ben Israel celeberris apud ipsos Author scire potuit quid de hoc R. Simai statuere deberet: an scilicet illius sententia pro traditione Mosaica admittenda esset, ubi explicatur allegorice; an secus. Nam *Libr. II. de resurr. mor. Cap. II.* ubi omnia quae dixi narrat, de hac sententia R. Simmai ita subjungit. *Atque hoc sensu* (scilicet allegorice) *ea omnino intelligenda sunt, aut si aliter intelligamus, non nisi pro particulari opinione habenda est ista sententia; quin & rejicienda.* Viden quam dubitanter loquatur? Tanti tamen hic Simmai & haec illius sententia aliis est, ut in eam tanquam certissimam pedibus eant. Docet id *Elias* in suo *Thisbi ad vocem גלגול* ubi sententiam hanc tanquam communem

Doctorum proponit. *וזה ר"ל כי בתחיית המתים לא יחיו רק הנקברים בארץ ישראל הנקברים בחוצה לארץ אינם חיים אלא דרך גלגול מחילות רוצה לומר שיתגלגלו תחת חקרקע עד תוך ארץ ישראל ושם יחיו.* *Existimant Rabbini nostri p. m. in resurrectione mortuorum non vivificandos esse nisi illos qui sepulti sunt in terra Israelis; at eos qui extra hanc terram sepulti sunt, non resuscitatum iri nisi via revolutionis per foramina, volo dicere sub solo illos debere volvi, donec perveniant ad medullium terre Israelis, ibique resuscitabuntur.* Stulte huic doctori tanta adhiberetur fides, si certo sciri posset juxta eum non esse statuendum. Præterea, absurde personales prærogativæ Doctorum & hujus acumen præ illo urgetur, ubi quaestio est de traditionibus an Mosaicæ sint an secus. Neque enim illæ à persona Doctoris, sed à Mose vel potius ab ipso Deo auctoritatem suam nanciscuntur. A quo nisi traditæ sint, nihili sunt. Si sint, quid refert à quo proponantur? An V. G. Rabbæ fati quodam & nascendi sorte contigit, in veras semper incidere, Josepho autem vix reperire præter *υποβολιμαίους*? Sed ubi hoc uni præ sodalibus promissum? & unde quis veritatis studiosus citra metum contrarii illius poterit esse certus? Sed agendum. Sint quædam gnomismata, quæ sic certe satis me doceant, quis Doctorum cui præferendus sit, an dignum hoc est Spiritui Sancto, dignum Divinis scriptis, ex tam diversis opinionibus jugiter se mutuo evertentibus confarcinari? Farrago tale scriptum videri posset & Rapsodia, cœlestis & Divinum nisi præjudictis fascinato non posset.

IX. A contradictoriis Talmudicis, ad absurda transeamus. Certe id docet ratio, nihil minus Deo adscribi posse, quam id quod sua se absurditate confutat. Fateor id omnem religionem habere, omniaque scripta, quæ aut Divina falso creduntur aut revera sunt, ut multa contineant quæ
rationi

rationi aliena videntur, ejusque captum superare, uti eleganter notatum à judiciosissimo Authore Gallico *Petro Charron* in vernaculo tractatu, *de Sapientia lib. 11. Cap. v.* Nullum tamen scriptum vere Divinum ea docere potest quæ in se & revera abscondita sint. At qui talia in Talmude non observavit, nã ille oculis hunc librum nunquam vidit suis. Paucula speciminis gratia annotasse sufficiet. De origine Romæ legitur, præter id quod supra retuli, in *Massef. Sabb. fol. 56.* Citante *Buxi. in Lexi. Talm. p. 2219. col. 2.* אחרון היום שהכניס ירבעם שני עגלי זבח אחד בביתאל ואחר ברן נבנה צדק אחר והוא אישליא של ין. *Eo die quo introduxit Jeroboam duos vitulos, unum quidem in Dan, & unum in Bethel, tugurium aliquod edificatum est, quod est Italia Græcie.* Hoc est Roma. Nam sic insubidam istam nomenclaturam explicant in *Massef. Megilla cap. 1.* Nugæ quod est hoc die. Rectius in *Chroni. Cario. p. m. 61.* *Regnante Achaz, anno primo septima Olympiadis Romulus & Remus condere Romam ceperunt, ut scribit Dionysius Halicarnassensis. Et moenia primo inchoata sunt XXI. Aprilis.* Aliud subjungam multo magis ridiculum: quod suppeditavit mihi *Cl. Hulsius* lib. jam aliquoties cit. p. 127. De magnitudine urbis Romæ sic loquitur *R. Ula*, (verius *Ulula*, cui, si superstes foret, legendum commendarem lepidum libellum ad Patres Ululantes) ex *Megilla Cap. 1.* *Italia Græcia est magna urbs Roma quæ trecentas habet Parfas* (id est milliaria Germanica, una enim Parfa continet 4000. passus, sive quatuor milliaria Italica) *in longitudine, & totidem in latitudine, suntque in illa 365. plateæ, juxta numerum dierum solis, inter quas omnium minima est forum volatilium, quod est 16. milliarium in longitudine, & totidem in latitudine.* (intellige 16. milliaria Italica, id est 4. Germanica, unum enim טל est quadrans Parsæ.) *Rex autem singulis diebus unam ex plateis illis cibatur, & quicumque ibi commoratur, etiam si ibi natus non sit, frustum cibi habet à domo Regis, & qui ibi natus est, etiam si non habitet, frustum tamen suum habet à Rege. Sunt etiam ibi tria millia balnearum, & quingenta fenestra sumum extra murum attolentes. Ab una parte habet mare, ab altera montes & colles* (festinanti *D. Hulsio* per sphalma exciderat, *valles*, nam in Hebraico est נבעור) *tertium latus muro ferreo clausum est, & à quarto ager est incultus.* Quis unquam portentosa magis mendacia audivit? Tu si sapias Lector, multo verius hæc disces ex *Lipsii tractatu de Magnitudine Romana*, imprimis *Lib. 111. Cap. 11.* Quod velim à te videri ut evidentissima hujus fabulatoris falsitas appareat. Ignoscet, credo, Lector, si de Roma loquens, quanquam paulo extra propositum id subjungam, quod de hodierna Hebræus *Benjamin* narrat itinerarii sui pag. mibi 11. Ut ita quivis videat, quam fabulose & audacter de rebus sibi incognitis garrere

garrire soleant appellæ. Is ergo sic loquitur. וְכִי הַמִּישֵׁב הַחֵרֶב מִן רוֹמָא
 " כִּד מִלִּין וְשֵׁם שְׁמוֹנִים הִכְלוּת מִשְׁמוֹנִים מַלְכִּים גְּדוּלִּים בַּתּוֹרָה חֲנֻקָּיִים כּוֹלֵם
 אֵינְפִידוֹר מִמַּלְכוּת טַרְקִיִּינוֹם וְעַד מַלְכוּת פִּיפּוֹם אַבִּי שְׁלֹקְרִלוֹ. *Roma qua habitata
 qua vastata 24. patet milliaria* (quod certe immensum quantum adhuc distat
 à commento Talmudico) *continens palatia LXXX. regum LXXX. qui sui juris
 periti vocantur omnes imperatores, inde à Tarquiny regno ad regnum Pipini patris
 Caroli.* Oportet omnium reliquorum oculos nescio quo efficaci fascino cor-
 ruptos esse, solos Judæos cernere, qui octoginta hæc palatia animadver-
 terunt, à nemine quod sciam antehac detecta. Sed satis jam de Roma.
 Redeamus ad lineas.

X. Æque sapienter de creatione universi differunt Talmudistæ, fin-
 gentes Deum ante creationem sæculi, ut scil. otii tædium falleret, varios
 mundos extruxisse quos deinde destruxerit. vid. *Maimon. More. Nevo. lib.
 II. cap. III.* Quas non affanias commenti sunt ut putidum istud de deliciis
 Sabbaticis somnium mundo obtruderent, de quibus videri potest *Buxt. Syn.
 cap. X.* Quis puerorum nostrorum, jam ignorat portentosas illas fabulas,
 de Leviathane macerato, sale condito, & in cibum ad tempus Messie asser-
 vato? Quid opus de ista *מַעֲרֻקְטָנִים* magnitudinis ave dicere, de qua in *Bava
 Batra c. v.* aut de Leone illo Sylvestro de quo in *Cholek. c. III.* quorum ple-
 na nunc omnium ora, pleni omnium libri, quæque breviter & eleganter
 disputatione quadam collegit Clar. Hottingerus. Quam egregium illud est,
 & quam dignum acumine Judaico, quod de Adamo & Eva scribere non
 erubescunt in *Mass. עֵרֻכִּין c. II.* כָּל מֵאָה וְשָׁלוֹשִׁים שָׁנָה שְׁפִירָשָׁה חוּהַ מֵאֲדָם
 וְחוּהַ זְכָרָתָהּ הָיָה מִתְחַמְמִים מִמֶּנָּה וְהָיָה יוֹלֶדֶת מֵהֶם יוֹרְחוֹת נִקְבָּוֶת הָיָה מִתְחַמְמִים
 מֵאֲדָם וְהָיָה יוֹלֶדֶת מִמֶּנּוּ. *Omnibus illis C. & xxx. annis quibus Eva seorsim ab
 Adamo vixit, Spiritus masculini rem habuerunt cum illa, estque ex illis facta pe-
 tens. Itemque Spiritus feminini rem habuerunt cum Adamo, pepereruntque ex
 ipso.* Quæ quomodo ex Mosaico textu eliciantur, videat si vult Lector apud
Hacspan. in annot. ad Seph. Nitzachon. p. 282. Nam pudet me hujusmodi
 impuritatis. Pergamus. Quam absurda adulterii Davidici excusatio, pro-
 ut ex Talmude eam refert triumphator *Lipmannus num. CLXXXII.* כִּתְּשֵׁכֶּה
 לֹא חָטָא פְּנִיָּה הִזְיָה כִּי כָּל הַיּוֹצֵא לְמַלְחָמָה בֵּית דֹּד גִּישׁ כִּרְיֻחוֹת כָּתֵב לֵאשְׁתּוֹ פֶּן
 יָמוּת בַּמַּלְחָמָה וְלֹא הָיָה עֲרִים לְמִיתָה וְחֻתְעָן. *In negotio Batfaba non peccavit,
 quippe qua fuit vidua. Nam sic solebant tempore Davidis: qui in prælum abi-
 bat libellum repudiij scribebat uxori suæ: ne si forte contingeret ipsam occidi absque
 testibus, ipsa nimis diu morari teneretur.* Quot verba, tot *דְּרֹגָה*. Quis non
 omne cerebrum iis hominibus elisum dicat, quum tam stolide ineptiunt?
 Non

Non peccavit David? Cur ergo disertis verbis id constat Nathani? 2 Sam. XII. 13. Ast vidua erat Bathseba. Fuerit. An licet viduam stuprare? Sed falsum est fuisse. Nam cur accivit David maritum Bathsebæ nisi quo palliaret delictum? At erat tempore belli. Imo hoc ipsum est, quod peccatum aggravat. Non licebat cuiquam lascivire donec arca & Israel & Juda in tentoriis erant, & Joab cum militibus in aperto campo 2 Sam. XI. 11. Eo imprimis tempore populum suum sanctificari jusserrat Dominus. Uti ex Deut. XXIII. 9. erudite observatum à pio scriptore *Hildersham. in Ps. LI. pag. 7. c. 1. edit. Belg. in fol.* Omnino simile est quod Divina somnia Josephi criminis loco ipsi imputent *Masse. Berachot. Cap. IX.* מכני מת יוסף קורא אחיו מפני שהנחית עצמו ברכנות *Quare Joseph ante fratres suos obiit? Quia se iis preposuit in dominio.* Scilicet. Similia deliria de morbo & morte Elisæi narrant in Sanh. cap. ult. ex editione Cl. Cocceji p. 416. Quæ lector ibi potest videre.

XI. Quotiescunque ad intermissos hos labores meos redeo, frigidus quidam horror totum corpus percurrit, quum fanatica ejusmodi emotæ mentis indicia in isthac gente animadverto, cui soli antehac circa Divina sapere datum erat. Justissimum sed tremendum hoc est Dei judicium, quo infra homines fere deprimit eos, quos pene supra humanam sortem ad tam arctam sui communionem admiserat. Hoc scilicet est quod Apostolus noster dicebat. Quandoquidem Deum cognoscentes ipsum non celebrarunt ut Deum, nec ei egerunt gratias, *ἐματαιώθησαν ἐν τοῖς διαλογισμοῖς αὐτῶν, καὶ ἠσκοτίαθη ἡ αὐτῶν καρδία. Ψάσκοντες εἶναι σοφοὶ ἐμωράνθησαν.* Et sic velim te hæc legere, pie lector, ut miserandæ gentis stultiloquia, quæ pro Divinis eloquiis adorant, commiserationem tibi potius moveant quam stomachum vel risum, & mecum tremendam numinis vindictam, qua veritatis Evangelicæ rejectionem ulciscitur, admirabundus suspicias. Ea spe, licet fastidii jam pridem satur, in enarrandis his futilitatibus pergam. Interim dolori ac suspiriis meis paragraphum hunc dare debui.

XII. Non minus absurdum est quam superiora quod ex *Nidda Cap. XII.* *Menasse noster* narrat de *resurr. mort. lib. II. Cap. VII.* *Inquiunt antiqui, infanti quamvis in utero matris est, candelam supra caput positam esse, qua perlustrat ac videt omnia, qua fita sunt inter utrumque mundi cardinem. Quum autem nascitur, angelus occludens infantis os, seu potius impediens lingua usum, extinguunt lumen: Quumque vi eripit ex utero infans, eorum omnium obliviscitur qua ante perspecta habuit: ideo ortum ac natam suam irrigat lacrymis.* Scio quod

quod Menasse hoc parabolice explicet; Sed de Parabolicis istiusmodi explicationibus postea. Id unum nunc dicam, affabulationem fabulæ in absurditate nihil concedere. Ejusdem furfuris est, quod ex Talmudistis demonstratum docet *Cl. Voetius* noster in *disputat. de Judais.* quæ extat in *Part. II. Disput. Selec. p. 85.* Non esse peccatum si Judæus Christianum occidat, si adulterium committat cum ejus uxore, si ejus bona suffuretur, rem perditam retineat, &c. Id quod in mentem mihi venire facit ejus, quod apud *Const. L'Empereur* inveni in *notis ad Bava Kama p. 71.* Ubi ita Maimonides de Christianis loquitur Misnam aliquam illius codicis explicans. *Quia Israelita controversia est cum Gentili, conditio litis apud ipsos talis est. Sicut in eorum juribus commodum aliquod, ipsos secundum jura sua judicabimus, ita dicemus, sic postulare ipsorum jura. Quod si nobis in jure nostro appareat utilitas, judicabimus ipsos secundum jus nostrum, iisque dicemus sic postulare jus nostrum.* Neque mireris hac de re, nec durum videatur in oculis tuis, sicuti tibi sive crudelis tibi non videtur mactatio bestia, quamvis non peccaveris. *לפי שמי שאין לו שלמות הסדור האנושיות אינו ככלל האדם על האמת אבל* *Quia cui non inest perfectio virtutum humanarum, inter homines non comprehenditur revera: sed finis essentia ipsius est ut hominis necessitati inserviat.* Hinc jam facile judicium quo loco nos habeat Judæi, nimirum bestiarum numero: adeo ut ipsis inservire & ipsorum commodum vel vivere vel mori debeamus. Id scilicet est quod Deus dixerat Num. xv. 16. *Lex eadem & ratio eadem esto vobis & peregrino qui peregrinatur apud vos.* Sed hujus tam diri odii sublæsta fundamenta vide in anterioribus. Similia habes apud *Hacspan. l. c. p. 278. & 280.* Illi qui in medio Christianorum degunt, ac superbum istud collum ipsorum jugo subjicere coguntur, facile fastum illum ac typhum dediscunt, ac clementius multo de Christianis, humiliter de se loquuntur, quod ex Schebet Jehuda, Aberbenele, Menasse nullo negotio probatum darem, nisi prolixum nimis & hujus loci non esset. Quondam in ditione Arausienensi, quæ in fluminis ponte quodam transeundo vectigal penderetur, æqualia solvebant Judæus & porcus, Judæa prægnans & sus fræta. Certe tam effusi arrogantia ipsi Judæi bestiis æquari meruerant. Sed non ita pridem, gratia ab illustrissimo laudatissimæ memoriæ Principe concessa, id mutatum est. Sic decet Christianos ex Salvatoris præscripto etiam immerentibus, etiam hostibus, etiam maledicentibus benefacere, & ut in omnibus reliquis, ita etiam comitate ac benevolentia erga miseros, & per superbiam suam bismiseros, super quoscunque excellere. Plura cogitaveram addere,

nescio

nescio an absurdiora, an profaniora. Sed vereor ne lectori nimium fastidium pariam.

XIII. Absolvisse me hoc argumentum putaram. Ast fallor. Præcipuum adhuc restat, & talia, quæ animus meminisse horret, dictuque refugit: blasphemiarum nimirum quibus tot *ἔθνη*, & Divinæ Majestati indignissima supremo Numini adscribunt, ut multo cautius de Deastris suis Philosophati Gentiles sint. Paucula exhibebo *καὶ ἐν τούτοις*. In *Mass. Sabbath.*

Cap. XIV. ait Raf. יב שעות היו ביום ג שעות ראשונות יושב הקבה. יעוסק בתורה: שניות יושב ודן אח כל העולם כולו שלישיות יושב וזן את העולם כולו מקרני ראמים ועד ביצי כננים. *Duodecim sunt horæ diei. Tribus primis sedet Deus O. M. & studet in lege. Secundis pro tribunali sedet, judicans totum mundum. Tertiis sedet & nutrit totum mundum à cornibus unicornium, usque ad ova pediculorum.* Nec studet tantum Deus, sed & orat.

Mass. ברכות cap. 1. מנין שהקב מתפלל: שנא והביאתי אל הר קדשן. ושמתים בבית תפילתי בבית תפילתם לא נאמר אלא בבית תפילתי מלמד שהקבה מצלי מאי מצליא? אמר רבא יהי רצון מלפני שיכבשו מלפני את כסעין. *Vnde habemus D. O. M. orare? quia dicitur, & adducam eos ad montem sanctitatis ejus, & exhilarabo eos in domo precationis meæ. Jesa. LVI. 7. Non dictum est, domo precationis eorum, sed precationis meæ: quod nos docet D. O. M. precari. Sed quid precatur? Placeat mihi ut misericordiæ meæ vincant iras meas.* Quando putas eos homines, tam accurate Deo pensa sua assignantes, & intimas illius cogitationes propalantes è cælo delapsos esse, ubi hæc omnia audiverint vel viderint? Fortasse simul cum Homero, quando versibus suis ea explicabat quæ Junoni in aurem insurraverat Jupiter. Adde quæ supra diximus Cap. II. Para. IX. de Deo Leonis instar rugiente, & lachrymante ob filiorum desolationem, ac ridente quod à filiis suis victus sit. In *Massé Sabbath.* iterum nugantur, Deum quoties reminiscitur, calamitatum, quas à Gentibus Judæi perpetiuntur, lacrimas duas in Oceanum effundere, pectusque præ dolore utraque manu contundere. Subjungam denique docta & pathetica verba *D. Mornai ex Parænesi ad Judeos p. 407.* O quam vellem latina me habere, ut eo plures intelligere & memori mente reponere possent. Sanctum illud & totum ad convincendos Judæos factum alloquium. Sic ergo Divinum illud ingenium ad vere miseros nostros Israelitas.

„XIV. Et voulez vous voir enfin, comme l'Esprit de Dieu, ains l'Esprit humain, main mêmes vous à depuis manqué, n'en croyez autre que vostre Talmud.

„Ce Talmud toutes fois, ou Dieu, dites vous, étudie les quatre premières heures du jour, pour auquel lire ruinant Hierusalem il se réserve trois courées pour s'asseoir, & il n'estoit pas encore ramassé. Et cependant quelles blasphemies n'y trouverons nous, contre Dieu, contre les saints Patriarches, contre la loy, contre la charité? Dieu devant que créer ce monde, s'exerçoit à en faire qu'il bâtissoit & détruisoit tant qu'il ut appris à faire cestuici. Il a certains jours destines à s'affliger, de ce qu'il en colere à ruiné vostre cité & vostre temple, & c'est lors qu'il esclaire & qu'il tonne. Il ordonne aux Juifs toutes les nouvelles lunes un sacrifice pour expier le tort, qu'il avoit fait à la lune lui ostant sa lumiere, pour la donner au soleil. Il se courrouce tous les jours une fois, & lors les crestes des cocqs perdent leur couleur. Un jour estant arbitre entre quelques Rabbins & R. Eliezar il prononcea pour lui: Les Rabbins l'Excommunierent, & lors il dit en souriant, mes enfans m'ont vaincu. De ceux qui parlent ainsi de Dieu qu'attendez vous? Pensez vous en conscience qu'ils le croient? qu'au moins, il en fassent tant d'estat que d'eux mesmes? Erudite & pie. O utinam hæc ad animum revocarent illi, quorum salutem ex animo desideramus!

XV. Restat unicum Judæorum *apocryphon*, quod, ut eo magis ad incitas redigantur, ipsis adhuc eripiendum est. Absurda hæc, inquam, Parabolice explicanda, non minus quam multa eorum quæ Christus docuit in Evangelio. Sic *Menasse de resur. Lib. II. Cap. XIX.* epulum illud de pisce Leviathan allegorice explicat, de intima ac perfectissima rerum cognitione, qua anima post resurrectionem gaudebit. Ubi etiam promittit de Rabbimorum & Talmudis allegoriis peculiari tractatu agere: qui an editus sit nescio. Sic item in *lib. חזקוני Par. I. Cap. II. paragr. VI.* proluxe hæc exceptio proponitur. Multi item ex nostris quos nimius istarum fabularum amor tenet eas hoc modo excusare conantur. Ita *Gassarellus*, qui apud Orientales suos delirare didicit, in libello Gallico cui titulum fecit *Curiositas inouies*. Ita *Schickar. in Bechin. Happeru. p. 144.* Ita *Buxtorf. in præfatione Lex. Talm.* Ita *Cl. D. Leusden. in Dissert. IV.* quam præfixit suo *zona illustrato*, quem ex amicissimi illius Viri liberalitate possideo. Nec ego plane abnuam quædam esse quæ tu stulte ad litteram torqueres. Videor mihi ipse observasse, ac tamen non observassem, tantis in hac litteratura viris lubens crederem.

XVI. Tria tamen notanda puto quibus tota hæc res absolvatur. 1. Eum fuisse antiquorum istorum nugatorium genium, tam stulta docere quorum posteros puderet, quæque commoda interpretatione mollire deberent

nepo-

i 3

Divine

Divinæ meminisse *ὡς ἀγνῆς ἔσης*, quam non conveniat *βιβήλοις τόμεσαι διασφᾶ-
δαι*. Si profanorum calamo historiam sacram attingi nefas fuit, quanto
magis tam horrendis ac Deo injuriis glossæmatis perverti? *Εἰκὸς ἐπὶ οἷς
ἄλλοις*. Id est sacris litteris, id est ipsarum Authori Deo quam proter-
vissime illudere. Stat itaque conclusio nostra: ex his omnibus liquere,
Talmud Judæorum neutiquam esse Divinæ Authoritatis, sed farraginem
potius contradictionum, absurditatum, impietatum denique ac blasphemiarum.
Atque illud erat, quod probare intenderamus.

CAP. V.

*Kabbala quid, & quotuplex. Triplex juxta Judæos Scriptura sensus. Atbbah.
Albam. Atbasib quid. Notarikon. Gematria Blasphema species. Præfina
Kabbala. Illius notabilia quadam exempla. Kabbala verba, juxta Judæos,
equiparanda verbis legis. Lex Mosis ita non est scripta, ut undique po-
tuerit legi. Judæi ipsi aliquando Kabbala obloquuntur. Nuga Kabbalistica.
D. Job. Leusden laudatus. Quid □ clausum sibi velit in voce למרכבה *Is. ix.
6.* Historia Jona Kabbalistice explicata. D. Job. Hoornbeck laudatur. Præ-
fina Kabbala est terra Magia. Vermiculus שמיר. Lepida Historia. Parame-
sis ad Judæos.*

I.

Judæorum Talmud ipsorum CABBALA sequatur, id est vara vibiam. De
qua sic sumus impræsentiarum acturi, ut primo quid sit explicemus, de-
inde cujus Authoritatis apud Judæos, denique quomodo convelli possit, ac
demonstrari non pro Divino principio, sed pro futili, humano saltem com-
mento esse habendam.

II. Quod ad vocem ipsam attinet, ridiculum est quod Sophistæ qui-
dam antehac in caliginosa ista barbarie & omnium bonarum rerum igno-
rantia asseruerunt, Cabbalam fuisse hominem Diabolicum & hæreticum: un-
de Cabbalistas omnes hæreticos esse: uti refert *Reuchl. de arte Cabbali. lib. 1.
p. 7.* Quod vidi à Pico Mirandula etiam esse narratum apud *Horting. in
Ihes. Phil. p. 437.* Non minus ridiculum, quod alius nescio quis dicebat,
cabbalam vetulam fuisse beneficiis deditam. Revera nomen est verbale,
deductum à voce קבל *accepit, & accipiendo didicit.* Correlatum vocis קבלה
est מסורה, *παράδοσις, traditio.* Unde relatum per correlatum suum expli-
cans *R. Salomo* ait, Cabbala est *מסורת ומנהג שקיבלנו מרבותינו* *Traditi-
tio*

tio & ritus quem accepimus à Doctoribus nostris. Quomodo etiam utrumque à Paulo nostro conjungitur 1 Cor. xi. 23. Ἐγὼ γὰρ παρέλαβον ἀπὸ τοῦ κυρίου ὃ καὶ παρέδωκα ὑμῖν. Id Hebraice sonaret קבלתי מאדני שמסרת לי אותו לכך Et rursus Cap. xv. 3. παρέδωκα γὰρ ὑμῖν ἐν πρώτοις ὃ καὶ παρέλαβον. Sic & Fagius notat ad Cabbalam alluisse Paulum 1 Tim. i. 15. πρὸς τὸν λόγον καὶ πάσης ἀποδοχῆς ἁγίας. Ubi ἀποδοχῇ idem esset quod קבלה. De voce sic scribit Elias in suo Tisfi. לא נמצא רק בעזרא וברכרי הימים ובאסתר שהם ספרי הגולה ופעם אחת במשלי שמע עצה וקבל מוסר Non invenitur nisi in Ezra & Chronicis, & Esther, qui libri sunt Captivitatis (hoc est circa captivitatem Babylonicam conscripti) & semel in Proverbiis scil. Cap. xix. 20. Audi consilium & accipe castigationem. Hinc vox Cabbala aliquando sumitur pro scriptis Prophetarum, quippe quæ קבלו acceperunt à Spiritu Sancto: uti docet Author Hali. Olam Cap. 11. Unde & Elias loco citato de Cabbalisticis libris dicit, quod contineant mysteria legis

& Prophetarum. שקבל איש מפי איש ער מרעה, quæ alter ex alterius ore accepit ad Doctorem Mosén P. M. Est autem hæc Cabbala duplex. וזריא נחלקת לשני חלקים עיונית ומעשית Et hæc dividitur in duas partes, Speculativam scil. & Practicam, ait noster Author. Speculativam definit Reuchlinus p. 6. versa. Divina speculationis, ad salutiferam Dei & formarum separatarum consemplationem tradita, symbolica perceptio. Alibi p. 51. dicit Cabbalam nihil aliud esse nisi symbolicam Theologiam, in qua non modo litteræ & nomina sunt rerum signa, verum etiam res rerum. Aliter rursus Rittangelius ad Seph. Jetzira. p. 29.

III. Ut autem penitus rem hanc perspectam habeamus, præcognoscendum est, duplicem apud Judæos statui Scripturæ sensum: unum simplicem & naturalem, quem פשוט appellant, Q. O. nudum & detracta velut veste spoliatum; alterum allegoricum, quem vocant מרשׁ vel מרשׁרשׁ ab inquirendo, quod opus habeat magna & exquisita inquisitione ut inveniatur, quemadmodum non infeliciter explicat Ludov. Capellus in Exercit. ad locu. Sobar. in initio. Vel ut accuratius & plenius adhuc Hulsius Theol. Jud. part. 1. p. 443. Tria habent vocabula quibus sensum à sensu distinguunt. Primum est שמע, Auditus, qui secundum litteram proprie sumtam intelligitur, sive de intentione Spiritus Sancti sit, sive non sit. Alterum est פשוט, simplicitas, sensus planus & simplex, quem proprie Spiritus Sanctus intendit, sive propriis sive figuratis verbis proponatur. Tertium est מרשׁ inquisitio, sensus allegoricus, ejus commentaria vocant מרשׁי, Doctorem מרשׁן. Videatur etiam Hoornb.

contem.

contra *Jud. lib. 1. cap. xi. & Hottin. Thef. Phil. p. 438.* In hoc sensu investigando Cabbala occupatur per varias trajectiones, mutationes numerationes litterarum, aliosque modos ab aliis antehac quamvis diversimode pene semper explicatos. Tria sunt præcipua scripturam Cabbalisticè interpretandi genera generaliora. Temura, Notaricon, Gematria, de quibus prolixè satis *Rittangel. l. 6. p. 29. & seqq.* Ubi exempla rei illustrandæ addidit, quæ lector ibi videre potest, neque enim aut lubet aut vacat omnino actum agere. Temuræ rursus variz sunt subdivisiones. Celeberrimæ illius species sunt

אלכא אטבח & אטבח

IV. Atbach illa Alphabeti ratio est, qua N sumitur pro מ, & כ pro מ &c. aut contra מ pro נ, מ pro כ & sic deinceps. Exempli gratia נז Ezech. XLVII. 13. sumitur pro ז. Nam ז & ז inter se commutantur per modum Atbach indicante Kimchio. Unde & Chaldæus reddit per זי quod æquipollet זי Hebræorum. Et Cap. XXI. 15. מנחת חרב *nomen gladii*, explicat per מנחת *manationem*, juxta eandem formulam. אב istiusmodi commutationis species est, in qua N sumitur pro ל, כ pro מ, ג pro ו, ו pro ד &c. aut vice versa ל pro N, מ pro כ &c. Hujus meminit R. Salo. & Aben Ezzr. ad Jes. VII. 6. *Athbasch* ea commutatio est qua N venit loco מ, & כ loco ש, & ג loco ו, & sic consequenter per totum Alphabetum, vel contra. Per hanc figuram Jer. XXVII. 26. ex ששך faciunt Babel, uti & Chaldæus sic transtulit מלכא רבכל. Sic & שרה per Athbasch scribitur כנצ quæ literæ in numero faciunt XCV. Totidem valet nomen proprium יסכח Gen. XI. 29. Unde colligunt hanc jiscam esse ipsissimam Saram. Sed ut plenius hæc intelligantur, juvat in usum studiosorum ex Buxtorfio harum Permutationum tabulas ascribere. Nam apud otiosos non illepidus hic est quandoque ingenii lusus. Et memini cum Groningæ Sacris litteris operam darem, studiosos quosdam eleganter in defendentium quos vocant nomina luisse, eorumque laudes deprecasse per Cabbalisticas harum litterarum permutationes. Quod cuivis Hebræi idiomatis mediocriter gnaro, si tentare lubeat, ex subsequenibus tabellis facile erit.

Per *Atbach* alphabetum dividitur in tres classes: prima continet litteras quarum binæ in numero semper constituunt decem: altera quæ centum: tertia quæ mille. Hoc modo.

IO	IO	IO	IO
ר	ג	ח	ט

100	100	100	100
יז	כב	לע	סמ
1000	1000	1000	1000
קץ	רף	שן	תם

Ubi omnes Alphabeti litteræ præter ד ה ו נ ד cum quibus nulla alia combinari potest, ut superior aliquis numerus exprimatur.

Per *Albam* in duas classes secatur alphabetum hoc modo.

א ב ג ד ה ו ז ח ט י כ
ל מ נ ס ע פ צ ק ר ש ת

Ubi inferior cum superiore, vel superior cum inferiore pro re nata commutatur.

Athbasch hoc modo in tabulam redigi potest.

את בש גר דק הז רף זע חס טן ים כל
לך מי נט סח עז פו צה קר רג שב תא

Ubi inter se permutantur litteræ collaterales, juxta invicem positæ. Sed videat Lector Buxtorfium in tractatu de abbreviaturis. Satis jam & fortasse plus fatis de Temura cum celeberrimis suis speciebus.

V. *Notarikon* Cabbalisticus modus est, quo ex singulis vocis litteris, totidem formantur integra vocabula. Ut ex מכבי quomodo Macchabæos Judæi indigitant formari potest יהוה באלי מי כטוך כאלים יהוה, *Quis sicut tu inter Deos o Domine?* Sic ex ארם, *homo* מרה דם, אפר, *Cinis, sanguis, fel.* Ex ישוע, *Jesus* עמו וגאל *Dominus audivit & redemit populum suum.* עורים באמת רואי ישראל, *Cecire vera sunt videntes in Israele*, id est qui videre se putant. Et quæ infinita talia comminisci cuius promptum est. *Gematria* modus est, quo diversæ dictiones eundem numerum litteris suis expriment. Sic צמח *Sachar*. iii. 8. valet 138. totidem valet מנחם *consolator*, quod nomen Cabbalistæ & Talmudici inter nomina Messiz numerant. Sic & Gen. XLIX. 10. יבא שילה facit 358. totidem facit משיח, ut notavit *Baal Turim*: quapropter & Chaldeus transtulit per משיחא. Vide si velis *Reuchl. de arte Cabba.* p. 64. & seq. Adjungam eas blasphemæ Gematriæ species, quas ex R. Jehudæ de Modena manuscriptis schedulis Cl. Voetius annotavit *part. 11. Disp. Select.* p. 123. ישו נצר, *Jesus Nazareus* litteræ hic faciunt numerum 666. quem Antichristi illius magni characterem designavit Johannes Apoc. xii. Unde Irenæus formavit suum ΛΑΤΡΙΝΟΣ, & quem numerum in numeralibus sequentium vocum litteris deprehendit Nobilissimus Plessæus. PAULO V. VICE DEO, qualem titulum cum vera anti-Christiana pictura Pontifici Paulo V. ascriptum fuisse narrat in prima facie multorum librorum ipsi dicatorem, qui Romæ Bononiæque impressi sunt. Quod in transitu. Rursus Modena. ישו ומרים, *Jesus & Maria*, ubi litteræ faciunt numerum 612.

Cum eo conferebat Deut. xxxi. 16. *אלהי נכר הארץ* *Dii alienæ terre*, quæ vocabula totidem valent. Ut & seorsim nomen *ישו*, cujus litteræ valent 316. conferebat cum vocibus *אלהי נכר*, quæ eundem numerum continent. Sic in Italia Judæi de Christo loquuntur, & silent pravitatis Hæreticæ inquisitores. Quod si quis in Papam auderet, immanissimæ flammæ & Nebucadnetzaris fornax expiando crimini aut satiandæ vindictæ vix sufficerent. Hæc exhibui, ut gustum Theoreticæ Cabbalæ præberem. Plura fortasse exempla deinceps danda erunt.

VI. Restat ut de Practica Cabbala jam dicamus aliquid. Ea est Judæorum talis scientia, qua per litteras aliquas & quarundam vocum certam pronuntiationem mirabilia se patrare posse putant. De ea integros libros conscripserunt, aliosque pluribus exemplis ac instructionibus repleverunt, de quibus videri potest *Buxtorfii Bibliotheca*. Hac morbos se curare posse jactant, litteris quibusdam certo quodam modo conscriptis, iisque pro amylo ad collum alibive suspensis. Eodem modo quo Pontificii de Evangelio Johannis, & certis quibusdam nominibus sanctorum sanctarumve delirant. De quo tamen reformando in ipso Concilio Tridentino actum fuit, plerisque Patrum consentibus hæc omnia, tanquam rerum sacrarum impios usus, non damnanda modo & vetanda sed & severiter castiganda esse. Licet non deessent qui contra dissererent, & quæ illi velut impia ac superstitiosa damnabant, horum quædam non tolerabilia solum, minimeque damnanda, sed licita, pia, ac religiosa contenderent. Uti refertur in illius Concilii Historia p. 141. Edit. Noviss. Adeo profundas *radices male suadae* superstitio in multorum animis egit, ut optima ac necessaria quam maxime impediri, quam pestem hanc evelli malint. Similis his nugis Practica Judæorum Cabbala est, unde fortassis originem suam duxere. Hoc sensu Baal Aruch Cabbalam vocat, *alligamentum, amyletum, pittacium*. Hac se in aliam ab humana specie effigiem mutari posse narrant. Hac celebris Ramban navim, quam nulla pene humana vis in mare deducere potis erat, facili negotio juramentis quibusdam adhibitis ad se pertraxit. Plurimum hac in re valet secretum *שם הספורש* de quo videatur Lutheri libellus, & *Buxtorf. in Lexi. Bibl. ad vocem הוה*, per cujus rectam pronuntiationem paucissimis notam, Moses scil. omnia sua miracula patravit. Cujus peritum fuisse volunt D. Jesum, qui hoc ipso medio tantorum miraculorum authorem se Deo hominibusque probavit. Audivimus quidem supra Salman Zebi id negantem. Sed frustra. Res est ex Talmude clara. Integram fabellam & Talmudistarum verba exhibet Buxtorf. loc. cit. Huic simile

est, quod de Pseudo-Messia David Alroi narrat *R. Benjamin in uimera. p. m. 91.* quam historiam etiam descriptam reperio in *Schebet Jebuda.* Planus iste postquam credulis Judæis ad promissum Messiam anhelantibus, eum se esse persuasisset, à Persarum Rege captus, ipse se è carcere solvit, Regi intrepidum se sistit, ac roganti quis ipsum illuc adduxisset aut quis solvisset vincula, respondit, mea solertia. Regi inclamanti ut eum caperent, re-gesserunt servi, se vocem quidem hominis audire, hominem non videre. Pergit hic Messias, & rei miraculo permotum regem cum Principibus & famulitio ad ripam fluminis trahit, quod accepto sudario & super aquas expanso transivit, eodem die decem dierum iter emetiens: addit Benjamin **המפורש בשם** *idque virtute nominis expofiti*, id est Jehovæ, de quo vid. *Cl. l'Empereur ad hunc locum.* Sic & R. Meir per nomen Divinum vel ab Eth-nico prolatum ipsam uxoris suæ sororem à corruptione diversorii lupanaris servavit, quam vi prostitutam nullus ganeonum, verbo dicto, etiam quan-tumvis robustus violare ac stuprare poterat. Referente *Reuchl. ex porta lu-cis, pag. XXI.*

VII. Nunc quantæ Authoritatis apud Judæos Cabbala sit dispicia-mus. Primus Cabbalistarum, de quo ego me legere memini, Patriarcha Abrahamus fuit, quem integrum librum Cabbalisticum conscripsisse ajunt, cui titulum fecit *Sepher Jetzira*, quem variis Cabbalistarum commentariis auctum latine nobis dedit Rittangelius. Hunc à tanto Authore profectum plurimi semper fecerunt Judæi. Ipse Propheta Jeremias sæpe hunc diur-na nocturnaue manu versare solebat: uti ex **ספר כטחון** refert *Reuchl. de arte Cabbal. p. 73. versa.* Imo venit ad eum **כל בת סול** hoc est Divinum ora-culum, quo jubebatur tribus integris annis eidem volumini insudare. Alii originem Cabbalæ saltem quoad præcipuam partem à Mose arcessunt. Nar-rant enim legem primitus scriptam fuisse in igne fulco, super dorsum ignis candidi: litteris inter se confusis ac inglomeratis, quas harum rerum stu-diosi Spiritu Sancto ducti, hinc inde, prorsus rursus, legere & inter se combinare poterant, ac undiquaque sensum exsculpere in bonis bonum, in malis malum. Hanc artem imprimis Moses à Deo in monte edoctus erat, quam cum Josua & LXX. communicavit. Et hinc Cabbalisticus iste modus litteras inter se componendi, dividendi, permutandi pro re nata. Hoc est quod Cabbalistsæ narrant apud *Reuchl. p. 52.* **כברו אמר רבותינו**

חמשים שערי בינה נבראו בעולם יכולין נמסרו למשה חזי מאחז שנה
ותהסרוהו מעט מאלהים *Pridem dixerunt Magistri nostri, quinquaginta*
porta intelligentia creata sunt in mundo, & omnes Masi tradita una excepta, Scri-

ptum quippe est. Paulo minorem fecisti ipsum Deo Psal. viii. Hinc tritum illud מסיני למשה קבלה *Cabbala Mosis è Sinai.* Hujus Cabbalæ beneficio ad tantum sapientiæ fastigium pervenit Salomo : saltem si Gerundensi credere fas sit : qui, postquam multis sapientiam Salomonis deprædicasset sic *isopā ברקרושיה בה בפירושה והכל מצא זה ירע בתורה והכל מצא זה ירע בתורה ובקוציה באותיותיה* *Totumque hoc cognovit ex lege ; & in ea reperit per explanationes ejus, per Grammaticas subtilitates, per litteras & calamistraciones ejus.* De hac Cabbala intelligi volunt quod Salomon ait Proverb. xxii. 20. 21. *Nonne insignia tibi scripsi de, omni consilio & sapientia? Ut notificarem tibi certitudinem eloquiorum veritatis?* Nam sic solent Cabbalam appellare אמרי נאמרי *eloquia veritatis*, scripta scilicet על דרך האמת *juxta viam veritatis.* Uno verbo, quid de eo sentiendum indicant in *Rosib Haf-sibana.* דברי קבלה כדברי תורה דמו *Verba Cabbala verbis legis æquiparanda sunt.*

VIII. Nos vero Cabbalam nihil aliud esse putamus quam ingenium nugarum seriem : in qua nihil certi, nihil solidi, nihil Divini, nihil quod non in omnes pæne formas torqueri ac retorqueri potest. Aliud sibi negotium datum esse autumarunt prisca Patres, quam ut istiusmodi naniis conquirendis vacarent. Hæc quæ jam admirantur, suspiciunt, tanquam cœlitus data suscipiunt, recentiorum Judæorum commenta sunt, qui relicto purissimo Dei verbo, unico omnis lympidæ sapientiæ fonte, nugatorio otio abundantes ad *σσεφισμὸν μύθος* conversi sunt. Quod instituti nostri memores, ex ipsis Judæorum hypotheseibus, his argumentis ostendimus.

IX. Primò, Fundamentum ipsum cui hæc omnia superstruuntur cariosum admodum est, quod scil. lex tam miraculose à Deo fuerit scripta, ut undique potuerit legi & commodum nancisci sensum, quem Divinitus edoctus fuerit Moses. Cui enim bono miraculosa hæc scriptura? An ut eo majores viderentur tremendæ legis divitiæ, quum tot inde sensus exsculpi, doceri, disci quiverint? Atqui non usquequaque dignum est supremo aumini ita cum maleferiatis hominibus quali per otium ludere. Nec in eo consistit cœlestis sapientia ut mortuas nos litteras & cuivis nugatori obvias earum transpositiones doceat, sed ut Spiritum, ut veritatem, ut rationem qua deperditam salutem indipisci rursus queant suis communicet. Aliud in Sacris litteris quærendum est quam ingeniorum ludus ac lusus. Gerres lingitis, & garum putatis. Nec in eo divitiæ legis sitæ sunt, quod tot modis exponi possit. Quod enim tot sensus habet, nullum habet, *αὐτὸ καὶ ἄλλο*, *αὐτὸ καὶ ἄλλο*, inquit eleganter Aristoteles. Apollinis Loxiæ est, atque adeo
ejus

ejus qui proposuit fallere, consulto ambiguum esse, quod de Tiberio Cæsare notavit Tacitus. Sed pone ita Deum scripsisse legem suam, adde varias lectiones istas didicisse Mo'em in monte; rogo qua ratione Moyses hæc alios docere potuit? Quippe non prostabant publicæ hæ tabulæ quas Deus propria manu consignarat; sed asservatæ sunt in arca procul ab omnium conspectu. Et certe omnibus impossibile fuit hæc percipere & discere, nisi *divinitus*. At liberales sumus. Plus aliquid concedamus, quod tamen volentibus Judæis modo retractandum. Scripserit ita Deus legem: sciverit id Moyses: docuerit id Josuam & LXX. senes. Adde, valeat Cabbala circa legem. Quid hæc ad Prophetas, quid ad Hagiographa, circa quæ non minus insaniunt Cabbalistæ? Imo quid hæc ad integrum pentateuchum, exiguâ illa Decalogi particula excepta? Nunquid & hæc tam miraculose in tabulis à Deo conscripta sunt? Sane fatentibus vobis non sunt. Quodnam ergo Cabbalæ circa illa fundamentum? Imo nequidem Decalogi scriptura, ut modo dixi, tam mirabilis fuit quam fingitis: quod ex vestrorum nunc testimoniis demonstratum eo. *Aberbenel* hac de re loquens folio 211. col. 3.

quibusdam tantummodo suorum sententiam hanc ascribit. *יש מחול שאמרן עדיה הכתוב מפולש עד שהיו האותיות נוקבות מעבר לעבר* *Sunt ex sapientibus nostris qui ajunt scripturam fuisse penetrantem, sicut littera ab uno latere ad aliud fuerint perforata.* Ubi quibusdam sapientum opinionem istam vindicant, alios fuisse subinnuit qui in alia omnia iverunt. Rabbi *Levi Ben Gerson* in legem fol. 113. col. 1. Diserte latis eam improbat dicendo *וזה דרך דרש* *Atque hac expositio est allegorica*, quod solent dicere, quum revera aliud quid docere textum autumant. In libro *Zohar* ratione ex ipsa lege scripta desumpta commentum hoc refutatur: *לדעתיהו ראנין ראמרין* *נקיבין הו מי בלוהות כתיב על הלוהות כתיב* *Id est interprete Buxtorf. in Differ. de deca. Thes. xxx. Contra illorum sententiam qui dicunt perforatas fuisse litteras, est, quod non est scriptum sculpta בלוהות in tabulis; sed על הלוהות super tabulis, scriptum est.* Alias aliorum judæorum sententias mysticæ huic plane contrarias vide apud *Buxt. loc. cit.* Si ergo Decalogus non est tam miraculose scriptus, non admittit etiam tam varias explicationes, ex varia litterarum inter se combinatione ortas, non potuit etiam Moyses esse edoctus hæc mysteria, quæ nulla sunt, non potest denique Divina concedi Cabbala, qui hæc omnia Cabbalæ sunt fundamentum.

X. Secundo. Judæi ipsi ubi lubitum est Cabbalæ contradicunt. Notissima est R. Eliæ celebris Cabbalistæ assertio, quæ mundi durationem sex annorum millibus definit: duo millia assignans *למחור האשתיא*, duo *למחור*

legi, totidem לימות המשיח diebus Messia, & tunc חר חריב anno destruetur. Traditionem hanc plurimi fecere veteres: indeque pridem apud eos ut Pseudo-Messia, gnari & apud gnaros, jam dudum elapsum esse tempus, non modo in Sacris litteris, sed & Sapientum traditionibus adventui Messie præfixum. Sed jam eventu optimo Prophetiarum interprete Judæos ad incitas redigente stante hoc diſterio, varias illius explicationes commenti sunt, quibus omnibus quum itidem excidere, tandem illi aperte obloquuntur. Tanti Judæis Cabbala est, modo ipsorum negotiis obſit. *Mnasse de creat. p. 136. aperte & candide. R. Moses Aegyptius alique mali existimant mundum fore æternum &c. Idcirco hujus sæculi Cabbalista animadvertentes difficultatem dissentiant ab antiquis &c.* Adde quod ex Pefikta refertur

Abkat Rochel נשבר הקבה עולמו פשט ירו תחת כסא הכבוד והושיא נשמת המשיח אמר לו רוצה אתה לחבר אות ולגאול את בני אחר ששת אלפים אמר הן *Quum creavit Deus benedictus mandatum suum, extendit manum suam sub folio gloria, eduxitque animam Messia, cui dixit, vis tu creari & redimere filios meos post sex annorum millia? Respondit, Fia.* Ubi jam nunc Cabbalistica illa traditio, quæ integra duo postrema annorum millia diebus Messie assignabat? Plura ejusmodi, ubi alter alteri contradicit, in mundo esset afferre.

XI. Tertio, infinitæ nugæ ex Cabbala educuntur, &eductæ ab ipsis Judæis sunt. Unum atque alterum exemplum dabo. Legimus Genes. xxv. 29. ויבא עשו מן השררה והוא עיף *Et venit Esau ex agro, eratque lassus.* Hinc concludunt Esavum isthoc die tria commisisse peccata, quæ causæ fuerint Divini erga ipsum odii de quo Mal. i. 7. Primum Esavi peccatum esset furtum. Hic enim habetur יבא, Jam vero vocabulum ab eadem radice ortum בא usurpat Obadiah, ubi de furibus sermo est. Obad. i. 5. לאו לך גנבים אם *si fures veniant ad te.* Alterum peccatum esset stuprum virginis desponsatæ. Idque probatur ex voce שרה, quo utitur etiam Deus, ubi legem fert contra ejusmodi stupratores Num. xxi. 25. 27. Tertium peccatum esset homicidium. Idque evincitur ex vocabulo עיף, quod Jer. iv. 31. jungitur voci להרוגים, id est occisis. Næ ego fungos potius esse arbitror quam homines, qui hæc talia in animum suum inducere queunt. Non minus elegans est quod apud *Aberbenelem reperi in Jefa. fol. xxxv. col. 2.*

אמר ר' תנחום מעני מה כל מם שנאמצע התיבה בתורה וזו סתומה נקשו הקבת לעשות לחזקתו משיח ולסנחריב גוג ומגוג אמרה מרת הדין לפני הקבה ומה דוד מלך ישראל שאמר לפניך כמה שירור ותטבות

ותושבחות לא עשיתו משיח חזקיהו שעשית לו כל חננים הללו ולא
 אחר לפניך שירה כמה וכמה שלא תעשהו משיח
 Antequam hæc
 vertam, quo manifestius sit quid Cabbalistæ velint, paucula præfabor.
 Norunt omnes quinque esse litteras in Alphabeto Hebraico, quæ aliter in
 initio aut medio vocis, aliter in fine pinguntur. Inter illas Mem est.
 Quam Curiosi Masorethæ observarunt in hoc versu Jesaia ad quem alluditur
 (est autem is vers. 6. cap. ix.) in media voce finali figura scribi, hoc modo
 למרה. In quo putant mysterium aliquod latere Judæorum Doctores.
 Uti aliud hic Aben Ezra sibi fingit, aliud rursus Aberbenel. Nam sic so-
 lent ex litteris majusculis, minusculis, suspensis, inversis, quæ aliquando
 in Sacro textu occurrunt (quarum quædam annotatæ à Masorethis in prin-
 cipio Geneseos ac in principio Chronicorum, omnes autem accurate à Bux-
 torfio in commentario Masorethico, & Præceptore nostro D. Leusden. Phi-
 lo. Hebr. Dissertat. x.) secreta quæ sibi fingunt sculpere. Inter alios myste-
 rium hic rursus pati sunt Cabbalistæ: quod ex Talmude sic proponitur. Dixit
 R. Tanchum. Cur omne Mem in medio dictionis apertum, hic autem clausum
 est: Conatus est Deus Sanctus Benedictus Hitzkiam Messiam facere, & Senna-
 cheribum Gogum & Magogum. Respondit proprietates judicii (quod quid sit vid.
 Buxtorf. Lexic. Talm. voce סוד) coram Deo S. B. quorsum tendunt hæc? Da-
 videm Regem Israelis qui tot tibi Psalmos Hymnosque obtulit, Messiam non fecisti:
 & Hitzkiam eo honore decorabis, apud quem omnia hæc miracula patrasti, quique
 nullum tibi composuit canticum? Tunc suspensus & quasi victus in judicio suo
 Deus fuit, ac impeditus quo minus pergeret: & in ejus rei signum scili-
 cet hæc est clausum מם Mem. Deliria! ex quibus si tu sapientiam elicere
 velis cum Aberbenele, id ages ut cum ratione insanias. Ejusdem farinae
 est argumentum, quo Divini Cabbalistæ (sic Menasse loquitur) resurre-
 ctionem mortuorum probant ex Historia Jonæ. Per Jonam allegorice intel-
 ligunt animam. יונה enim Hebraice significat columbam, & sicuti illa si-
 ne felle est, sic anima libera est ab omni peccato, antequam in lucem edi-
 tur. Sed quum illa secuta est, & obliviscitur quam ob rem & quo fine in
 mundum venerit, prona in vitia & peccata prolabitur. (Nam תרשיש
 Tarsus significat שני דברים duo vitia) id est honestum relinquit & sequitur
 tantum bonum utile & delectabile. Descendit Japhuntem atque ibi repe-
 rit navem: id est anima cœlitus venit pura & formosa, nam יפח Japho ve-
 nit à יפה, quod significat pulcrum. Sed in navi ingenti procella jactatus,
 hoc est, anima in corpore existens multis affectibus veluti tempestate ma-
 gna agitur, & propter incuriam & segnitiam suam à Deo castigatur &c.
 Vide

Vide sis similitudinem hanc sic porro deductam apud *Menassem de resurr.* p. 34. & seq. Similes elegantias multas reperire est in libro Zobar, cujus gustum Christiano lectori in peculiari exercitatione dedit Ludovicus Capellus Vir Clar. Sed an non lepidus iste argumentandi Modus est? Quam velim! cogitasset Menasse, quum hoc pro divinatorum hominum argumento venditaret, quod ejusdem libri p. 38. dicturus erat. *Sciendum est Scripturam semper secundum litteram intelligendam & explicandam esse, nisi explicatio contineat aliquid quod implicat contradictionem &c.* Si enim cuique pro arbitrio suo liceat sensu allegorico explicare Sacras Litteras, qua certitudo explanationis erit? Sensum quem quisque volet sibi finget, unde in infinita ac innumerabilia nos incidere necesse erit absurda. Vide sodes, Lector, quæ sequuntur, quibus contra hanc ἀλλογομαχίαν eleganter satis declamat. In *Tikkune Zohar. lib. 1. Tikkun. Lvi. fol. 92. col. 12.* Explicatur nomen tetragrammatum Jehova hoc modo. יהוה איהו י אה ה אה כן ה בת *Prima littera vocis Jehova, Jod notat Patrem; secunda littera He, Matrem; Tertia littera Van, filium; Quarta littera He, filiam.* Quid fingi potest stultius ac indignius Deo quæcunque demum mysteria hic sibi imaginentur? Portenta hæc sunt opinionum, ac certius talia videbuntur, si scias quid per patrem ac matrem, filium & filiam intelligant blasphemæ nugatores: scilicet mentem & opus, vocem & verbum, uti alius eodem libro docet. Quod certe est nihil dicere, & magno molimine id unum agere, ne à quoquam intelligaris.

XII. Imo & ipsi Judæi vanitates Cabbalisticas observarunt & ut tales rejecerunt *Jes. vii. 6.* Legitur nomen proprium *טבאל*, quod quidam interpretes vertunt per *טלאל*, per speciem commutationis Albam de qua supra. Subjungit autem AbenEzra *וזה הכלל. Hoc est vanitas.* Quodlibet enim ex quolibet hoc modo colligi posset. Ex Diabolo Deum, ex Deo quis facere posset diabolium. Nam, si Rittangelio fides, bis mille & sedecim ipsis sunt notissimæ combinationes litterarum inter se. Si uno modo delirium ipsorum non procedat, promptum est refugium ad aliud. Quid non fingeret mens humana ubi tam latum campum commentis suis nanciscitur? Præcipua etiam religionis nostræ capita, Judæis adversa ex Cabbala deduci possent. Picus Mirandulanus testatur id aperte, apud *Clar. Hotting. Thes. Philol. p. 244.* *Vidi, inquit, in illis (testis est mihi Deus) religionem non tam Mosaicam quam Christianam. Ibi Trinitatis mysterium &c.* Vide sis lo. cit. nam dignissimus liber in omnium manu est. Si supposititia & ficta non sint, quæ in libris suis Galatinus ex Raimundo plerumque de-

sumta

sumta Cabbalists ascriptum it, mira certe sunt, & antiquorum fidem recentiorum perfidia è diametro oppositam luculenter commendant. Ast nos sim lectorem veritatis Studiosum it innti. Idem mihi iudicium de illis ferendum videtur quod de Sybillinis carminibus, quæ per nimiam evidentiam *ὑποβολιμαία* se esse eruditis probant. Hoc tamen indubium, multa ex Cabbala defumi posse, quibus hodiernos Judæos, si non passive, active saltem convincas. Specimina aliquot exhibuit *D. Hoornbeck*, p. 96. Nos fortassis data occasione ex it quos vidimus Cabbalists, perpaucis licet, nec pauca nec nullius facienda proferre conabimur.

XIII. De practica Cabbala manifestum est meram merissimam esse Necromantiam, tetram saltem Magiam. Testis sit toties jam citatus Celebris ille *Ménasse de cren.* p. 88. Ubi hæc verba inveni. *Et multi sane reperiuntur qui demonas istis adjurationibus suis advocant, & necromantias ope mira admodum multa patrant. Quin & in libris quibusdam Cabbalistarum, quæ sunt Pirke Ebaloth Raziel, & aliorum reconstentur eorum nomina, exorcismi & incantationes.* Vide quid Practici illi Cabbalists doceant? Nomina, incantationes, & exorcismos demonum. Et ingenue Benjamin, illum quem supra diximus Pseudo-Messiam, ob miracula quæ virtute Cabbalistica edebat, vocat **יְהוָה** INCANTATOREM. Lubet adjungere verba *Dan. Suveneri* de libro Raziel, quæ habet *Buxtorf. Bibl. Rab.* p. mibi 488. Liber est continens nomina Angelorum & Spirituum variorum, ac docens quomodo tam boni quam mali sint conciliandi, quomodo cum sole & luna loquendum, quomodo morbi procreandi itidemque iterum curandi, civitates evertende, terra motus excitandi &c. Continet artem vaticinandi & ex astris pradicendi: videndum exhibet baculum Moysi characteribus insignitum, quorum virtute signa & miracula ediderit, item characterum concursum, quem Magi Almandel Salomonis vocant, de quibus inter alia hæc expresse habet, si scripseris Almandel Salomonis &c. mira poteris experiri de mira incarnatione Messia, de qua si sapius interrogationem institeris, gratus & acceptus eris superis ac inferis. Hæc docet Cabbala Practica Judæorum, quod si Magicum non sit, quid demum erit Magia? Recte judicavit de hoc libro Galatinus, quum scribit. *Nolo addere librum Salomonis sub nomine Razielis inscriptum, quia est fictio magica.* Sic solent impii Cabbalists ad præstigiatum suatum patrociniū Mosem & imprimis Salomonem adducere; qui, ut supra ostensum, Cabbalam suos tam sollicite (si Deo placet) docuit. Hunc narrant per vermiculum **רמון**, quem arte Cabbalistica ab Asmodæo Diabolorum principe acquisiverit, ut est in Talmud *Gittin*, rupes fuisse & saxa dedolasse, sic ut minus mirum sit nihil fabri-

lium instrumentorum in structura templi adhibitum esse, quod Spiritus Sanctus testatur 1 Reg. VI. 7. Nihil affingo Judæis. Multis fabulam hanc Kimchi edisserit in commentariis suis ad lo. cit. qui subjungit Cabbalam hanc esse à temporibus Moſis, qui similiter in dedolendis lapidibus ephodi hoc vermiculo usus est, ideoque nullo modo à nobis revocandam in dubium, Qui plura desiderat, adeat *Buxtorf. Lex. Talm. p. 2456*. Non satis est Cabbalisticis ut ipsi præſtigiatores & magi ſint, niſi in ejusdem criminis communionem cœleſti numine afflatoſ Prophetas pertraxerint. Minerval hic Judæis debet impoſtorum Corypheus Muhammed, ex cujus ſententia Arabs Beidavi narrat, Salomonem ad perficiendum opus templi à Davide inchoatum dæmones conduxiffe. Nonnihil autem operis conſummationi deerat, quum mors illius inſtaret, quo de certior factus, rogavit Deum ut mortem ſuam dæmones celaret, ne inſtitutum opus abruptepetur &c. vide *Hetting. Hiſt. Oric. p. 67*.


XIV. Sed ut ad inſtitutum redeam, unde me tam aniles fabulæ abduxerunt, editus eſt Venetiis anno 331. id eſt Chriſti 1571. brevis tractatus cum titulo **משוֹשׁ תְּהִלָּה** *Uſus Pſalmorum*, quo declaratur, ſitoties vel toties recitentur, vel pergamento virgini inſcripti à collo ſuspendantur, addito nomine angeli ſpecialis, quem Cabbaliſtice ex Pſalmo ſingunt, & neſcio qua precatiuncula ad Angelum directæ, miri quid per eos perpetrari poſſe, ſive abortus mulieris impediendus ſive procellolum mare ſedandum, ſive capitis dolores curandi, ſive denique corpus immunne ſervandum à vulneribus, & quæ ſunt ejusdem commatis plura: quæ paulo ſpecialius tradita ſunt à *Buxtorf. Biblio. Rabb. p. 415*. Lepidum eſt quod hac occaſione ex Luthero narrat. Judæum quendam voluiſſe Albertum Ducem Saxoniz hujusmodi artem docere contra vulnera. Ille quam miraretur quomodo hoc fieri poſſet, cum Judæo ruri hac de re conferens, dixit: Ut certior ſim, in te prius experimentum capiam, & extracto gladio Judæum ita læſit, ut neque per Schem Hamphoras, neque per appenſum pergamenum ſacris nominibus perſcriptum, ſanari potuerit. Facile credo: & tali caſu bonum emplaſtrum mihi malim, quam quidquid eſt Judaicorum pergamenorum. Sed teſtor tuam fidem, Hebræe, an non aperta eſt Magia, ita per ludibrium ac vilipendium Divini verbi & quod teterrimum eſt omnium, per certas quaſdam preculas ad diabolos directas, conſueſcere cum Dæmonibus, eorumque opera uti in iis peragendis, quæ aut omniño nobis interdixit Deus, aut per legitima ac ordinaria media divi-

divinitus concessa peragi jussit? An ita potuistis oblivisci severam illam Dei vestri legem, qua omnes incantatores & magos è medio populi sui excindi voluit? An potestis, an audetis, si vel mica adhuc bonæ mentis vobis restet, superstitiones illas, blasphemias, & non à Mose, non à Spiritu Sancto, sed à Diabolo magistro traditas nugas, eo honore dignari, ut partem eas facere velitis celestis sapientiæ? quæ casta, munda soli Deo supplicare, confidere, & ab ipso angelorum suorum subsidium implorare docet, ut in omnibus viis nostris nos deducant; non inferni, non dæmonum, à quibus doceri vel juvari nolumus, nec sine teterrima idololatria, Dei nostri ludibrio ac contemptu, & denique æterno animarum nostrarum detrimento possumus. Missas ergo facite quisquilias istas. Habetis Legem & Prophetas, & ò utinam adderetis Domini nostri Jesu Evangelium, hæc diligentia vestra sufficiens, hæc medicamina, in his sitis, hæc nocturna manu versimini, versimini diurna. Addite preces ad Deum assiduas, quas nos vobis præimus, ut velamen illud à cordibus vestris auferatur, scripturam legentes scripturam intelligatis, hæc vobis vitæ cynosura, hæc ad promissum Messiam pædagogus sit, ut DEUM, ut Christum ejus cognoscatis, donec id lumine ejus videbitis lumen.

Amen.



DISSERTATIO
DE
SACRO-SANCTA
TRINITATE,
EX
SCRIPTIS
ET
HYPOTHESIBUS
JUDÆORUM.



LECTORI S.

Siste sodes paulisper gradum, paucis te volo, *benevole*
Lector! Methodus hæc disputandi, quam contra Judæos
 institui, in argumento præsertim tam abstruso, uti hoc
 de adoranda TRINITATE est, nescio an admodum pro-
 babilis tibi videbitur. Non sum in ea hæresi (ne & tu illud
 nescias) posse per naturam solam tremendum hoc mysteri-
 um cognosci, quippe quod naturalis ingenii captum infinitis
 parasangis superet. Superet, inquam, non repugnet. Nec
 propria solertia quenquam quidquam ea de re scivisse unquam
 ego existimavi; nedum Judæos meos, quibus eruditionis
 & acuminis specialem laudem, pauculis quibusdam excep-
 tis, tribuere nunquam soleo. Quicquid hîc quasi per trans-
 ennâ viderunt, ex Mosis Prophetarumque scriptis, & an-
 tiquorum Patrum, quibus se ipsum revelaverat Deus, tradi-
 tionibus haustum est. Imo nec totum illud tam liquidum, ut
 distinctam & claram mysterii hujus cognitionem, quæ cum
 Christianorum luce comparari ullo modo queat, veteres ipso-
 rum Doctores habuisse, aut mihi persuadere possim, aut ti-
 bi persuadere velim. Præsertim postquam lucem, cum ha-
 berent, usurpare oculis noluissent, & Evangelium, non ea
 propter coelitus demissum, *non hoc donatum munus in usus*, tam
 proterve sprevisent. Id tantum animus fuit ostendere, pri-
 scos Hebræorum Patres, eos imprimis qui à temporibus Chri-
 sti propiores erant, per nebulam saltem lucem eam vidisse,
 quæ nunc tam clare revelata est in Evangelio, quam tu solem
 hunc nostrum mero meridie lucere cernis. Lucem aliquam

in Caliginosis & senticosis Targumistarum, Cabbalistarum, Rabbinorumque scriptis deprehensam à nobis, ni fallor, animadvertes; sed lucem maculis jam respersam, ac mixtura caliginis varia distinctam.

*Nec tenebras, sed enim tenebras prope dicere possis,
Nec possis lucem, sed enim prope dicere lucem.*

Quale fere in crepusculo, declinante sole jam crassas tenebras minitante. Aut

*Quale per obscuram noctem sub luce maligna
Est iter in sylvis.*

Si sine sole, non sine luna. Sic est crepusculum tunc fuit apud Judæos, aut nox luna saltem aliqua illustrata: præ ea quæ consequuta est plusquam Cymmerica caligine, qua nunc immersi jacent: Deo spretum filii sui Evangelium tam dirum in modum, sed justissime, vindicante. At certe nonnihil me præstitisse reor, si hodiernis Judæis demonstraverò, id ipsum mysterium cui tam præfracte nunc obstrepunt, visum esse eorum avis, licet non distincte animadvertum, licet non cominus; uti de stella ex Jacobo oriunda vaticinabatur ferme Balaam. Adeste sultis, Aben Ezræ, Kimchii, Lipmanni, Aberbeneles, Menassæ, & quotquot à Mosis, à Prophetarum, à Patrum antiquiorum scitis, nec scitis sed craculis desciscitis, cernite hic priscorum fidem, cernite vestram perfidiam, & discite rursus adorare à Patribus creditum, à Christo & sanctis ipsius Apostolis plenius ac planius revelatum, verum Israelis Deum, quem unum vobiscum fatemur (Anathema qui plures Deos somniet, imo anathema sit Maranatha) sed quem Trinum simul esse, & ipse nos docuit, & patres vestri pro temporum istorum ratione didicerunt. Non nova est doctrina quam
appor-

apportamus ; sed eadem quam Majores crediderunt vestri. Hoc saltem discrimine quod dilucidius multo & sine involucris eam proponamus , Deo sapienter id ita dispensante , ut planior hæc sui cognitio Messiae temporibus asservatur , non revelanda nisi per filium. Ast tecum, *Lector*, brevi colloqui proposueram , & rursus me impetus ad Judæos abripuit. Hoc te tantummodo monitum volebam : non me hæc argumenta , quæ ad hominem modo sunt (ut loquuntur) iis æquiparare quæ nude deducuntur ex scripturis. Neutiquam. Sed hanc me ingressum esse viam , tum quod nescirem an à quoquam id antehac ex professo tentatum sit ; tum quod existimarem , hodiernorum perfidiam ab antiquorum fide maximo intervallo distare hoc modo commode demonstrari posse ; id saltem obtineri , doctrinam nostram de hoc articulo non tam exosam Judæis esse debere , quandoquidem cum Doctrina & Phrasibus Patrum ipsorum tam admirandum in modum conspiret. Hoc si evicero , voti damnas sum. Tu, *Pie Lector*, seu Judæus , seu Christianus , seu quicumque tandem sis , vide & judica.



DIS-



DISSERTATIO DE TRINITATE.

I.

DE Trinitate ex Judæis contra Judæos disputaturus hanc mihi observandam methodum esse existimavi. *Primo* ut tollam præjudicium illud, quod per sententiam Christianorum derogetur unitati essentiz Divinæ, quam toties & merito inculcant Judæi. *Deinde* ostendam in genere, non posse non, juxta propria ipsorum scita, pluralitatem aliquam personarum in Deo agnoscere. *Ac denique* probem in specie, tres illas personas esse, Patrem, Filium & Spiritum Sanctum, nota ac vulgata apud ipsos nomina.

II. Ante omnia id quod dixi præjudicium removendum arbitror. Hoc enim semper est quod regerunt; ac fere primum quod opponunt nobis. In articulis fidei Judaicæ, Symbolo nostro quod Apostolorum dicunt è diametro plerumque oppositis, secundus est, Deum esse אֱלֹהֵי הַיְחוד. *Unum quam maxime unum.* Notum est quantopere ingeminent sonum illud קריאת שמע, id est verbum desumptum ex Deut. vi. 4. & quamdiu ibi producant cantationem vocis אֱלֹהֵי. Quomodo item hoc quasi Symbolo utantur ad suos à quibuslibet aliis distinguendos, uti olim fiebat per Schibboleth. De eo *Lipmannus* num. cxxvii. in fine ait. מקבלים אנחנו שפסוק זה אומרים השבטים ליעקוב אבינו כששאלם לפני מותו על הייחוד הוא ענה אחריהם בשכמלו. *Accepimus ex Traditione, duodecim tribus verbum hunc dixisse Jacobo Patri nostro, quum jam moribundus ipsos interrogaret de Unitate Dei: eumque respondisse, benedictum sit nomen gloriosum regni ejus in seculum & sempiternum.* Quæ verba desumpta videntur ex commate 19. Psal. lxxii. Magis ridiculum est quod Aberbenel habet ad Jes. v. 11. אמר ר' אבהו לא חרבה ירושלם אלא בשביל שבטלו בה קש שחרית וערבית

וערכית שנאמר חוי משכימי וגו' *Dixit R. Abba, non est desolata Hierosolyma, nisi quia omiserunt lectionem illam: Audi Israel &c. mane & vespere recitare. Scriptum quippe est. Væ iis qui mane surgunt &c. Adeo ut, si Rabino huic fides, unica causa destructæ Jerusalem sit lectionis hujus neglectus. Quæ ita amplificat, ut magis suos muniant contra sententiam Christianorum, de personarum in Deo trinitate, qua unitatem Dei omnino everti autumant.*

III. Sed tollamus hoc præjudicium multifariam. *Primo*, disertam confessionem nostram opponendo, quam quia elegans est & Hebraice expressa, ex *Fagii Sepher Amana n. 111.* hic dabo. יש להאמין באמונה שלימה ששלוש שמות שהמשיחיים מאמנים בו שם תואר אחד הוא ואין שום חילוק ביניהם ומציאות אחת הוא וכוח אחד ויסרו אחד ורשות אחד הוא ואין לאחד כוח יותר מחבירו גשמות אחת הן גוף אחד. Non veritam locum, quia despero energeticam Hebraicorum verborum emphasis Latine exprimere.

IV. *Secundo*, accusant nos Judæi quod unitatem omnimodam essentiae Divinae tollamus, contra apertam protestationem nostram. Sed si accusasse sufficiat nec ipsi erunt innocentes. Nam & ipsi in Alcorano dicuntur *Associatores*, quod Ezram numinis instar venerentur, adeoque eundem Dei socium constituent. *vid. Hotting. Histo. Orient. p. 70.* Injuriam sibi fieri vociferabuntur: totam praxin ipsorum & uniformem confessionem obstare. Idem & nos de nobis dicimus, scribimus, ac conceptis verbis juramus; parati vel sanguine nostro Articulo de omnimoda unitate essentiae Divinae subscribere, eumque morte obsignare.

V. *Tertio*, fatentur gravissimi & eruditissimi Judæorum Doctores, nos Unum eundemque cum ipsis Deum colere, verum Creatorem Cæli ac Terræ. Quomodo ergo idololatraz iis sumus & *עובדי אלילים*? *Aberbenel ad Jes. xxxv.* monstraturus, Edomæos sive Christianos (nam hoc eo loci agit ut Edomæos Christianos esse probet) cum Judæis convenire sicut olim Esavus cum Jacobo, ita loquitur. וכבר נמצאו רמזים מתייחסים בין הרומים וישראל כמו שהיה בין עשו ויעקב הראשונה שכמו שישתתפו עשו ויעקב מפאת אביהם ואמונתם ככה אמונת הנוצרים הישראלים משתתפים בשאב אחד לכולם באמונתם הוא אלהי האלהים כי כולם היו משערים במציות הסבה הראשונה ופונים אליה בלתי עובדים לכוכבים ולשרים העליונים וגם תורה אחת להם לפי שאלו ואלו קיימו וקבלו תורת משה לאמתית. *Es dudum inventæ sunt similitudines, qua Romanis comparatæ ad Israelitas applicari possint, uti Esavo collato cum Jacobo.*

Jacobo. Prima est, quod sicut conveniebant Ezau & Jacob ex parte patris sui & fidei suæ; sic etiam Christiani & Israelitæ in eo conveniunt, quod unus Pater omnium sit in fide ipsorum, qui est Deus Deorum. Quia omnes existentiam causæ primæ confitentur, eamque suspiciunt, nec colunt stellas aut principes superiores. Atque etiam una lex iis est, quia utrique sincere admittunt ac stabiliunt legem Moysi. Candida confessio! Aurea verba! quæ in tota illa Aberbenelis disputatione, licet arguta satis, omnium optima sunt. Similiter Menasse Ben Israel in epistola dedicat. lib. de resur. Mort. ita ad Christianos: Unum enim Deum colimus, ejusque præceptis nos subicimus. Iterumque in dedicat. Lib. de fragili. humana. Tam hujus quam illius Religionis, in unum tamen Israelis Deum credentes homines. Optime. Sed quæ sit ergo ut tam crebro nobis πολυθεΐαν obijciatis, verpi? Deum Trinum personis colere nos nostis omnes. Eundem illum esse confitemini, in quem vos creditis, quem Patrem vestrum jactatis, quem unum dicitis, quem nos unum credere affirmatis ipsi. Quomodo ergo ea multitudo à nobis introducta, quæ unitati ab utrisque concessæ derogat? Trinitatem Personarum confitemur. Scitis. Unum tamen Deum. Fatemini. Definite tum plures nobis Deos obijcere, vel alios ab eo qui veri & antiqui Israelis est.

VI. Eximium est testimonium de fide nostra & cedro dignum, quod ipsi scriptum reliquerunt in *Schebet Jebuda*, editionis Hebræo-Germanicæ Amstelod. p. 8. versâ in fine, & init. p. 9. Thomas ibi loquitur cum Alphonso, & id quod narrat, ait se habere ex ore Aberbenelis. Contextum totum non pigebit describere, quia multa continet observatu digna. Sic ergo Thomas. In Hebræa lingua discrimen est inter נכרי quod peregrinum notat, & inter נוצרי Nazarenum (sic vocant Christianos) quod equipollet גוי, Gentili. נכרי sive Peregrinus is est, qui se ipsum abalienat à Creatore suo, nec credit articulos fundamentales legis. At נוצרי sive Christianus, quandoquidem credit creationem mundi in tempore factam, & miracula Dei, & cultum qui ipsi debetur, non vocatur Peregrinus. Respondet Rex, quandoquidem credimus בנארו דה' in eum virum (sic vocant Dominum Jesum) & Trinitatem, quomodo non reputamur Judæis Peregrini? Regessit Thomas. Sciat Rex, eundem illum magnum Sapientem Aberbenelem mihi explicationem quandam dixisse super hac re, nomine magnorum Doctorum, qui olim jam ante sexcentos annos extiter. Atque hæc mecum verba commutavit. Qui credit Deum ubique esse, & mundum in tempore conditum, & Prophetiam Dei ad Prophetas, & mercedem ac pœnam à Deo retribuendam, is recte credit, is est Orthodoxus. At Christiani hæc omnia credunt, etiam si credant Deum in tribus personis subsistere, id non tendit ad abnegationem amici illius Dei. Quandoquidem ergo dicunt is a unitatem Dei subsistere, hinc voca-

qui credentes in Deum. Hactenus Schebet Jehuda, à Judæo conscriptus, à Judæis ipsis (nequid de nostro additum calumnientur) editus. Judicet nunc quivis, an non ἀντοκατήκριτοι sint Judæi, quum nobis πολυ-θείτητα exprobant.

VII. Imo pergam, ostendamque κατὰ τὸ βίαιον plus Judæos Divinæ Unitati derogare per suas ספירות, *numeraciones vel lumina* (de quibus multa dicenda haberem nisi mallet quantum pote est studere brevitati) quam nos per nostram doctrinam de personis. Sed operæ pretium tamen erit audire quomodo Judæi de istis *Sephiroth* philosophentur. In libro טעמי מצות האלו העשר ספירות הם נקראו מדותיו של

הקנה והם דבקים בהקדוש ברוך הוא כשל הכת קשורה בנחלתם ונמצאליהם סמנו וכאמצעותם נברא העולם. *Et hæc sunt decem Sephiroth, ut vocantur, attributa Dei benedicti & Sancti, quæ Deo Sa. Ben. inhaerent, uti flamma innexa est pruna: & emanant ex eo & mediantibus iis creatus est mundus.* Plenius adhuc Menasse Probl. xxvii. Dicimus illas *Sephiroth*, seu divinas perfectiones, aliud quid esse quam essentiam Dei: neque etiam dicimus illas esse distinctas creaturas; sed emanationes quasdam essentia conjunctas, perinde ut radii solarescum sole, flamma cum prunis ardentibus, aut, uti Plato ait, ultimum linea punctum cum linea conjunctum est. Vide & AbenEzz. ad Exod. iii. Reuchl. de Cabb. Lib. iii. & Rittangelii Sepher Jetzira p. 96. & Viden jam, Judæe, plus te pluralitatis in Deo statuere, quam quisquam nostrum? Neque enim nos dicimus, personas esse aliud quid quam ipsam essentiam Divinam; sed ipsam illam unicam & incomprehensibili modo unicam essentiam Dei, aliter solummodo atque aliter characterizatam. Uter jam nostrum majori cum fundamento negat in Deo esse שני דברים? Quod emanare eas à Deo dicis, accipimus & sano sensu personis applicamus. Christus de seipso dicit, *Εγὼ ἐν Θεῷ ἐξῆλθον* Joh. viii. 42. Iterumque Joh. xvi. 28. *Εξῆλθον παρὰ τῷ πατρί.* Et Spiritus Sanctus passim dicitur *ἐκπορεύεσθαι* ut Joh. xv. 26. Pleræque item aliz similitudines, quibus tu hic uteris, jam pridem à nostris ad hoc mysterium explicandum adhibitæ sunt. Non possumus ergo nos ulla cum specie abnegatæ unicæ Divinæ Essentiz inculari, magis quam Judæi ipsi.

VIII. Hoc itaque præjudicio, quo dogma nostrum quam maxime laborabat, sublato, certitudinem illius demonstratum eamus. Ubi variz argumentorum sedes se statim offerunt, Scripturæ dicta prout à Rabbinis explicantur; Targumistarum placita; Cabbalistarum scita, quæ omnia

nobis nec paucas nec contemnendas rationes suppeditabunt, ac, ni fallor, luce meridiana clarius ostendent, recentiorum perfidiam ab antiquorum fide maximo intervallo distare.

IX. Primo itaque Scripturæ loca se offerunt, ex quibus tamen absolute non argumentabor (quia id ab aliis contra quoscunque adorandæ Trinitatis hostes, & copiosius & eruditius quam à me fieri potest, factum est) sed annotabo tantum quæ ab Hebræis doctoribus circa illa dicta sunt. Summe ipsum Geneseos principium בְּרֵאשִׁית בָּרָא אֱלֹהִים, certe in mirabili hac constructione singularis cum plurali, insolitum aliquod observari & potest & debet; præsertim quum vox אֱלֹהִים, quæ hic in plurali ponitur, in singulari itidem usitata sit. Idem notavit Aben Ezra. אַחַר שֶׁמֶצְאָנוּ אֱלֹהִים יָדַעְנוּ כִּי אֱלֹהִים לְשׁוֹן רַבִּים. *Postquam invenimus singulare אֱלֹהִים, agnovimus pluralis numeri esse.* Fateor, subjungit id dici כְּכֹדֶר a formulam esse honoris, idque usitatum in omnibus linguis barbaris. Sed in eo fallitur Doctor. Crediderim ego nullam esse linguam in mundo, in qua talis constructio singularis cum plurali honoris gratia usitata sit. Certe non in Chaldaica, Syriaca, Græca, Latina, Gallica, Belgica, quas nos delibavimus simile quid ostendi poterit; nec in Grammatica Arabica potui reperire. Ut ut ergo contrafuriat furiosus Lipmannius, *Nam. v.* certe hic aliquid peculiare est, & admirandum. Ad ea quæ opponi possunt, multo eruditius ac argutius quam à Lipmanno factum est, accurate respondit Capellus in *dissertat. de Nom.* אֱלֹהִים quæ adjuncta est ipsius Criticæ Sæcæ, ubi multa habet curiosa ac nova.

X. Plus adhuc roboris est in Gen. i. 26. Ubi Deus pluraliter dicit *Faciamus hominem secundum imaginem nostram.* Trabs sunt hæc verba in oculis Hebræorum. In *Beresith Rabba* ait R. Samuel Bar Nahman verbis R. Je-honathan. *Moses cum in scribenda lege ad hunc locum, Faciamus hominem, pervenisset, dixisse, Domine mundi, quare occasionem præbes hominibus errandi in simplicissima unitate tua? Eique respondisse Dominum, tu modo Mose scribe, & qui errare cupiet erret.* Verba sunt Menassis in *Concil. ad hunc locum.* Propterea etiam hunc locum inter illa numerat Ben Gorion, quæ Alexandrini interpretes studio aliter interpretati sunt: ne scilicet errandi ansam darent imperitis. Vide *Cl. Hott. Thes. Phil. p. 327.* Nugatoria quidem hæc, fateor. Tantum tamen est ut exinde liqueat, vi conscientiæ adactos Judæos peculiare hic aliquid agnoscere. Et sane quo refugient? An negabunt Deum hic in plurali loqui? Sunt qui cousque frontem perficere, dicentes אֱלֹהִים non esse primam personam pluralis in futuro Kal, sed tertiam personam singularis in Præterito Niphal, ut Grammaticorum terminis utar; adeoque

verum-

vertendum esse, non *Faciamus hominem*; sed *Factus est homo*. At putidum id est commentum, cui sequentia repugnant, & de quo merito AbenEzra לזה הפירוש חסר לב. *Et hæc explicatio infrunita est.* An vero honoris gratia ita de se loquitur Deus? Velit quidem id AbenEzra, sed è contra R. *Selemob* dicit, Deum his verbis humilitatem nobis commendare, tanquam principem omnium virtutum, eoque sæpius sic loqui, quasi accipiat consilium ab inferioribus: ait Menasse *loc. cit.* Cui rursus repugnat arrogantissimus mortalium Lipmannus, qui se solum putat sapere, & optime Hæreticos, quos vocat, refutasse. Is dictatoria Authoritate definit, Deum Terram alloqui, eamque ad sociandam secum operam in hominis creatione invitare. Sic ille Num. vi. אֵךְ אֲנִי מוֹסֵר בִּי נַעֲשֶׂה אָדָם קָמִי עַל הָאָרֶץ. *Est ego dico, illud Faciamus hominem Terram respicit &c.* Ecce Α'ν'ο'ς ε'φ'ου. Quis non crediderit? Ego non. Etiam si centum & mille Lipmanni hoc dicant, ego confidenter asseram absurdissimam esse blasphemiam. Ut enim alia omittam, evidenter *utroque*; consilium creandi, multo minus creationem ipsam nulli creaturarum communicatam esse, non solum Deus ipse docet Jes. xl. 13. sed & Judæi *ad eum locum Kimchi.* אֵין מֶלֶאךְ וְכֹל שֶׁכֶּן אָדָם שִׁיתֵּקֵן אֶת רוּחוֹ. *Nullus angelorum, multo minus hominum direxit Spiritum ejus, aut suggessit ei consilium cum crearet mundum. Itemque Aberbenel.* יְהוָה יָתֵב כֹּרָא כֹל זֶה מְבֹלִי דְּנֵר כִּכְחוֹ הַבְּכָה. *Ipsæ Benedixit hæc omnia creavit absque ulla alia re, per potentiam suam infinitam. Respondeat nunc Lipmannus ipsi Deo, respondeat Rabbini suis jam citatis. R. Amè uno ictu omnia præscindit, dicens Deum cum corde suo consultavisse, ut significet non cum ulla creatura sed secum tantummodo locutum. Verba sunt Menassæ loco citato. Et tamen consultationem hanc pluralitatem inferre, consentiant plerique alii, uti AbenEzra hoc diserte docet ad Gen. iii. 22.*

Optime R. *Simeon in Tikk. sohar.* נַעֲשֶׂה אָדָם לְמֵן אִמֵּר הָאֵל, אֵלֵלָא ע' *הע אמר ליור הא ואו הא דאיהו לגו מים. Faciamus hominem, cui dixit hoc? Utrique causarum dixit id ipsi Jod, He, Vau, He, (id est ipsi Jehovah) qui est in medio (hoc est in intimis penetralibus) decem Sephiro.*

XI. Antequam sic ab initio Geneseos discedam, adjungere debeo explicationem R. *Salomonis Jarchii*, super istis verbis Moysi: & *Spiritus Jehovah ferebatur super aquis.* In qua aut sententiam nostram de Trinitate proponit, aut nihil dicit magnus iste Doctor, nec se ipsum intelligit, ita abreptus modis loquendi quibus uti solebant Veteres, ut quid dicat ipsemet ignoret. Verba illius hæc sunt. כִּסֵּא כְבוֹד עוֹמֵר כְּאוֹר וּמְרָחֵף. *על*

ול פני המים ברוח פיו של הקנה ובמאמרו ביונה מרחפת על הקן
 SOLIUM GLORIÆ *stabat in aëre, & ferebatur super aquis per SPIRITUM in*
D. B. & per VERBUM ejus, sicut super nido suo fertur COLUMBA Solium
 Gloriæ Rabbiniis Thronum significat Majestatis Divinæ, atque adeo ipsum
 Gloriosum Deum, Deum prout Majestatem suam eximio modo alicubi ostē-
 tat. Uti & nomen Cœli ipsum notat Deum. Quid autem est cœlum ni
 thronus Dei? sic ut, qui per cœlum jurat, juret per eum qui insidet illi
 throno. *Math. xxiii. 22.* Habes hîc *Spiritum Dei Benedicti*, qui quidem
 creatus aliquis Spiritus aut flabrum esse nequit. Quid enim ille ad solium
 gloriæ? Et tamen à Deo Benedicto distinctus, quia illius Spiritus est, &
 ipso etiam emissus, ut *Aben Ezra* scribit נכך הרוח על השם בעבור היותו שלוח בחפץ השם
Spiritum (inquit) Dei esse dicit, quia missus est ad ben-
placitum Dei. Cui concinnam adjungit *R. Salomo* nomenclaturam & simi-
 litudinem *columba*, cujus figuram placuit Spiritui Sancto aliquando assu-
 ere, & sub ea præsentem se hominibus ostendere. Loquitur etiam de *Ver-*
bo Domini, atque id quidem vocabulo Hebræis minus usitato, Chaldeis no-
 tissimo ubi *רֹחַ הַלֹּגֶן* denotare volunt uti deinceps ostendetur plenius.

XII. Notus est locus *Jes. lxiii. 9. 10.* Ubi de *Domino* loquitur *Pro-*
pheta qui liberavit populum suum; de *Angelo faciei* per quem liberavit;
 & de *Spiritu Sanctitatis* quem ingrati Israelitæ dolore affecerunt. Dominus ille
 sine dubio est Israelis Deus. Videamus modo quid de angelo isto & *Spiri-*
tu Sancto Hebræorum Doctores scribant. *R. Selomo* vult Angelum illum
 esse Michaëlem, quem הפנים שר vocat *principem sacerum* hoc est סלאך
 הרוואה תמיד פני המלך יתעלה *Angelus qui videt semper faciem regis exul-*
si, uti phrasiologiam hanc explicat *Elias in Thishi, voce סטטרו*. Sed re-
 pugnat *Aberbenel*, qui omnes recte sentientes existimare vult, quod *redem-*
tio ex Egypto & ductus populi in deserto non fuerint facta per Angelum, sed quod
Deus ipse per amorem & sollicitudinem suam liberaverit populum ex Egypto. Ver-
 ba Hebraica hæc sunt; neque enim volo videri quidquam Hebræis affingere
 לא חשבו מפני זה כי גאולת מצרים והנהגת העם במדבר היתה על ידי
 מלאך כי האל יתברך באהבתו ובחמלתו הוא בעצמו גאלם מסצרים
 Et sane quum vellet Deus, rebellionem Israëlitarum irritatus, creatum ali-
 quem Angelum mittere, qui porro populum deduceret per desertum, ar-
 dentibus votis id deprecatus est Moyses, obtinuitque ut ipso Dei facies eo
 comitaretur. *Exod. xxxiii. 2. & 14. &c.* Si ergo ipse Deus populum suum
 liberavit & per desertum deduxit, nec creatorum Angelorum (quos eleganter
 alias *Aberbenel* vocat כלי השגחה *instrumenta Divina Providentia*) ad
 hoc

hoc usus est ministerio, uti jam (ne de Mose dicam) ex Aberbenele ostendimus, oportet utique angelum hunc de quo loquitur Jesaias ipsum fuisse Jehovah Deum, & tamen aliquo modo ab ea persona, cujus dicitur esse angelus, distinctum. Quoad Spiritum Sanctitatis attinet, quem accusantur Israelitæ dolore affecisse, eum Kimchi dicit esse דברי הנביאים הנאמרים ברוח הקדש *Verba Prophetarum ejus quæ dicta sunt per Spiritum Sanctum.* Et sic ait explicasse Jonathanem. At AbenEzra innuit esse inter suos qui dicant, quod Spir. Sa. ejus sit angelus gloriae. Verum enimvero utrumque est absurdum. Nam ut à posteriori incipiam, Angelus gloriae esse non potest, quia ab eo diserte distinguitur. Nec potest notare Prophetarum verba: qui enim ea afficerentur tristitia? Sed eum notat qui in Prophetis locutus est, & per quem (ut se ipsum corrigit Kimchi) dicta sunt Prophetarum verba. Quis autem ille est, nisi verus Israelis Deus? Certe id docet Aberbenel ad Jesh. LXI. Ubi hæc verba, *Sp. Domini Jehovah super me*, sic *אנשׁ אבלי הים* *אנשׁ אבלי הים*

Ne arguatis Verba mea mendacii, quia non sunt verba hominis, sed verba Dei gloriosi, quippe Spi. Prophetia est super me. Deus ergo est hic spiritus, & tamen iterum aliquo modo distinctus ab eo cujus est spiritus.

XIII. Pergamus nunc ad Thargumistas, Onkelosum imprimis & Jonathanem, quorum versiones antiquæ sunt, & in magno apud Hebræos honore. Ex quibus hic quem modo tractavimus locus non exiguam poterit fœnerari lucem. Et in quibus non contemnenda vestigia antiquæ veterum Judæorum fidei, circa articulum Trinitatis, extant. Solent Chaldæi Paraphrastæ tribus distinctis vocabulis uti, quorum singulis Deum notant, sic tamen ut Deum uno nomine significatum distinguant à Deo alio nomine notato, & singulis ea adscribant quæ nonnisi personarum sunt. Primum nomen est Hebraicum illud *איה*, quod sancte retinent, sed hodie solent in libris impressis scribere per duplex Jod, hoc modo *ייה*, quondam uti alij narrant (quodsi verum est non caruit mysterio) tribus Jod hoc modo *ייהייה*. Alterum nomen est *מישרא*, Verbum Domini. Tertium *שיכנתא*, de quorum significatione ulterius & distinctius inquirendum.

XIV. Fateor Chaldaicam vocem *מישרא* quandoque idem esse quod Hebræorum *דבר*, & quaecunque verbum, sermonem, eloquium denotare: quandoque idem esse, quod *נפש* Hebræorum & *עצם* Rabbiorum, sensu reciproco quem nullo pronomine sermo Divinus exhibere potest, ut annotavit Hasspian ad Zeph. Niz. p. 367. Sed id pertendo infinita talia loca

loca esse ubi neutra hæc significatio obtinere potest. Sume verbi gratia Num. xi. xx. חֵלֶף דִּקְצָתָן יְיָ מִיִּמְרָא דִּי דְּשִׁבְיָנְתָּיָה שְׂרָיָא בִּינָךְ. *Eo quod rejecistis verbum Domini, ejus sancta Majestas habitavit inter vos.* Hic habes *Jehovam*, habes ejus *verbum* habes שְׂרָיָא, quæso te quid Verbum significabit? an notabit Hebræorum נִפְשׁ aut Rabbīnorum נִפְשׁ? Sed quam absurde & inepte hic diceretur Hebraice "נִפְשׁ אֵת מִסְתָּחִם Concinnius multo locutus est Moses. Nec necesse habuit Paraphrastes tali se absurditate implicare. Simpliciter potuisset transferre, uti in Hebræo est "קִצְתָּן יְיָ. An vero illud מִיִּמְרָא hic verbum, id est sermonem & eloquium domini notabit? At cur pro Deo toties verba Dei substitueret Paraphrastes? Non jam hoc esse caute & verecunde scripturam transferre (de quo semper laudatur Onkelos, tam ab Hebræis, quam à nostris) sed quam audacissime pervertere.

XV. Adde, quod huic verbo personalia multa adscribantur, ut Gen. xxxi. 49. בִּנְאָה וּבִינָךְ יֵסֶךְ מִיִּמְרָא דִּי בִּנְאָה וּבִינָךְ *Speculetur Verbum Domini inter te & te.* Certe hic eloquium aliquod Dei non significat, & nisi personam aliquam trinitatis notet nullum habet sensum. Rursus Levit. xx. 23. וְרִחֵק מִיִּמְרֵי יְהוָה & aspernatus est ὁ λόγος meus eos. Quam absurde hoc diceretur Hebraice בָּכָה יְהוָה עֲצָמֵי בָכָה? Nunquam sic loqueretur Rabbini: nunquam tam insubido sensu Onkelos. Eximium est, quod extat Deut. xx. 1. אֵלֶיךָ מִיִּמְרֵיהֶם בְּסַעַד דְּמִסְכָּךְ *Ne timeas ab eis: eo quod Jehovah Deus Tuus, verbum ejus in auxilium Tuum, quod ascendere fecit te à terra Egypti.* Verbum hoc est Angelus ille de quo Jesh. Lxii. 9. Quid enim hic notabit verbum nisi personam aliquam Trinitatis? Et quid aliud notare potest Cap. ii. 7. מִיִּמְרָא דִּי אֵלֶיךָ בְּסַעַד דְּמִסְכָּךְ *Verbum Domini Dei Tui, in auxilio Tuo, non indigniſti ulla re.* Ubi passim est in ipso textu sacro nomen Jehova absolute. His adjuuge Deut. xviii. 19. וְלֹא יִשְׁלַל בְּשֵׁם יְיָ לִפְתָּגָם דִּי יִשְׁלַל בְּשֵׁם יְיָ *Ubi in cygnea cantione sua confidenter grandævus Vates* קִרְיָתִי יְהוָה קִרְיָתִי *Quæ*

Quem verum dictus Targumista sic παραφράζει לפורקניה אמר אבנן יעקב לא לפורקניה לפורקניה דשמעון דהוא פורקן עביר אלא דגרען בר יאש סכית נפשי דהיא שעה ולא לפורקניה דשמעון דהוא פורקן עביר אלא לפורקנא דאמרת במימדך למית' לעמר בני ישראל ליה לפורקנא סכית נפשי, *Dixit Pater noster Jacob, non redemptionem Gideonis filii Joas expectas anima mea; ea quippe temporaria est: nec redemptionem Simsonis qua est transiens; sed redemptionem quam dixisti, per λόγον tuum obventuram filiis Israel, eam, inquam, redemptionem expectet anima mea.* Hic habes quid sit משיח Messias nempe, de quo hoc capite & hac periodo sermonem institui, plurimi Hebræorum Doctores hilari fronte largiuntur. Nugæ quod hic *verbum* illud promissionem aliquam Dei notaret. An non & eæ liberationes quam Gideon, quam Simson procuravere, juxta promissiones Divinas Israelitis obtigerunt? Quibus tamen hæc per λόγον obventura opponitur. Omnis vitilitigandi antea præscinditur ab eodem Paraphraste ad Deut. xxvii. 17. 18. ית ממרה דיי אמליכותן עליכון יומא רין למדהו לכן לאלהא: ומימרה דיי אמלך עליכון לשמיה לעם חביבא. *Verbum Domini regnare fecistis super vos hodie, ut sit vobis in Deum. Et verbum Domini regnare fecit se super vos, ad constituendos vos sibi in populum dilectum.* Qua specie hoc aliter quam de vero Israelis Deo & certa aliqua Deitatis persona explicari poterit?

XVI. Plura similia corradere facile esset. Sed satis dictum est ei, cui non stat sententia qua jure qua injuria διαφυλάτταν τὴν θείαν. Pertinacibus nunquam satis dixeris, etiamsi tu solem, quod ajunt, manu tua portes. Talis erat antiquorum Hebræorum circatemps D. Nostri Jesu Theologia, talis Phrasiologia. Unigenitum Dei filium vocabant משיח *verbum*. Quæstionem absolvit & difficultatem omnem tollit is quem modo laudavi Hierosolymitanus interpres ad Gen. iii. 22. אמר משיחא דיי אלהים הא אדם. דברית צויה יחיד בגו עלמי הך מא דאנא יחיד בשמי מרומא. *Dixit Verbum Domini Dei, ecce Adam quem creavi unigenitus meus est in mundo, sicut ego unigenitus in cælis excelsis.* Viden jam quid sit verbum Domini? Unigenitus in cælis. Τὸν μονογενῆ, τὸν ἐκ πατρὸς ὄντα λόγον, dixit ad Johannem Cyrillus. Hinc jam arcessenda est abstrusa quidem alias, sed apud antiquos Judæorum Theologos tralatitia illa nomenclatura τῷ λόγῳ, qua toties usus Divus Johannes noster.

XVII. Nec Johannes tantum noster, sed & Judæus Philo. Quis autem Philo? Idem ille quem Præstantissimus Historiographus Josephus, itidem Judæus, & gentis suæ non postremus honor, *Antiquit. Judæi. lib. xviii. Cap. x.* hoc elogio exornat, φίλων ὁ προεστὴς τῶν Ἰουδαίων τῆς παρεβείας, ἀνὴρ

τὰ πάντα ἐνδοξόν, Ἀλεξάνδρου δὲ τῷ Ἀλαβάρχη ἀδελφῶς, καὶ φιλοσοφίας ἐκ ἁπείρου. Philo, qui præsuit *Judaeorum legationi*, (illi nimirum admodum solemniter ad Imperatorem Cajum, in qua de summa rerum agebatur) *Et in omnibus eximius, & Alexandri Alabarchi* (primarius is erat apud Alexandrinos magistratus) *frater, ac Philosophia non imperitus*. Is ergo Philo, libro περὶ τῆς Μωσέως κοσμοποιίας, Editionis illius qua ego usus sum pag. 3. postquam docuisset non processisse Deum ad exterioris hujus mundi creationem, nisi postquam aliquam illius imaginem sibi effinxisset, addit quod ideatus ille (ut ita dicam) mundus, ὁ ὢν τῶν ἰδεῶν κόσμος. ὃς δ' ἐν ἄλλοις ἔχει τὸν, ἢ τὸν Θεῶν λόγον τὸν ταῦτα διακοσμήσοντα, nullum aliud habuerit locum, quam Divinum verbum quod hac omnia fabricavit. Quippe per filium suum Deus καὶ τὰς αἰῶνας ἐποίησεν. Haud multo post subiungit Philo. Μωσέως γὰρ ἐστὶ τὸ δόγμα τῆτο, ἐκ ἐμόν. *Mosis enim illud dogma est, non meum*. Mox. Τὸν δὲ ἀωρητὸν καὶ νοητὸν Θεῶν λόγον καὶ Θεῶν λόγον εἰκόνα λέγει Θεῶν. Καὶ ταύτης εἰκόνα τὸ νοητὸν Φῶς ἐκείνο, ὃ Θεῶν λόγος γέγονεν εἰκὼν, τῷ διαρρηνύσαντι τὴν γένεσιν αὐτῆς. Καὶ ἐστὶ ὑπερβαρύνει ἀσὴρ, πηγὴ τῶν αἰδετῶν ἀστέρων καὶ ἐκ ἀπὸ σκοπῆς καλέσει ἀντὶς ὑπαυγεια, &c. *Invisibile autem hoc, & sola mente percipibile divinum Verbum aut Dei Verbum, imaginem dicit esse Dei* (scilicet Moses.) *Hujus vero imaginem intelligibile illud lumen, quod divini verbi factum est imago, istius inquam Verbi quod nobis generationem illius explicuit. Quodque est supercælestis stella, fons sensibilibus stellarum, quam non sine ratione quis dixerit splendorem &c.* Confer Phrasin Apostolicam Heb. 1. 3. Aut ego nihil intelligo, aut se ipsum non intellexit Philo, aut hæc præclara sunt de fide nostra testimonia. Obscura, fateor & involuta, sed sic tunc erant tempora; & plenior horum mysteriorum revelatio à D. Jesu arcessenda erat. *Unigenitus qui est in sinu Patris ipse revelavit nobis*, ut convenienter Philoni divus Johannes ait. Sed satis jam de מִדְבָּרָה sive τῷ λόγῳ. Hoc tamen unum non possum prætermittere, quod vel ipso Alcorano Christus vocetur Dei verbum. Sic enim Suratæ IV. Muhammed. *Certe Christus Jesus Maria filius est nunciis Dei, vel Apostolus, & VERBUM ejus, quod immisit in Mariam etiam Spiritus ex eo, scil. Deo*. Suppeditavit mihi hunc Alcorani locum eruditissimus Hascspan. ad Nitzachon. p. 366. Ubi ipsa Arabica Verba videri possunt.

XVIII. Nunc videamus quid מִדְבָּרָה aut Chaldaice, in statu quem vocant emphatico מִדְבָּרָה sit: cujus vocis creber est apud Targumistas usus. Sed quid significet, in eo non consentiunt Authores. Nescio quis R. *שפ*

seph Chaquetilla ex ea Angelum aliquem facit apud *Menassen* in concil. *Quæst.* LXIV. Sed absurdissime & falsissime ac contra omnium suorum mentem. Alii putant ea voce denotari gloriam & Majestatem Dei. Quod quamvis fortasse aliquando verum esse non negaverim; certum tamen est Chaldaeos aliud omnino vocabulum habere, quo Hebraicum כבוד, quod gloriam notat, exprimunt. Ubi enim in Hebraico est כבוד יימה Targumistæ si non semper (quod tamen crediderim) saltem ut plurimum id vertunt קרא רי. Recte *Fagius* ad Cap. XXIX. *Exod.* Hebraei, inquit, presentiam Dei, que se in tabernaculo circa arcam exerebat, à quiescendo, quod ibi videretur quiescere & sedem suam habere Deus, שכנה appellabant. Revera hoc שכנה sæpe significat; Divinitatem in quantum hominibus, gratia, auxilio & salutari præsentia adest. Sed an nihil præterea notet, id vero videamus.

XIX. *Elias* in suo *Thisbi*, ad vocem שכנ, liberabit nos hoc dubio, cum inquit קרא רבותינו ז"ל רוח הקדש שכנה על שם שהוא שכן על הנביאים וכן שכנה ורחי רוח יעקב פירש רשי שרתה עליי שכנה *Vocantur Rabbini nostri p. m. SPIRITUM S. Schekina: quia ille habitat super Prophetas. Atque ita dicitur, & revixit spiritus Jacobi, Gen. XLV. 27. R. Selomo Jarchi id explicat, quievit super eo Schekina.* Apposite hunc locum in mentem mihi venire fecit *Elias*. Nam sane inde liquebit, quid per שכנה intellexerint Veteres. Tota, fateor, hæc Judæorum explicatio absurda est. Nam quod de ipso Jacobi animo intelligendum est qui refocillabatur mirum in modum, per dulce illud Evangelium, de vita carissimi filii Josephi, illi inepte ad Spir. S. traduxerunt, quem discessisse ab ipso nugantur, quando Fratres Josephum vendidere. Hinc est quod de שכנה redeunte loquatur R. Selomo. Id autem quod ipse Schekina vocat, Onkelos appellat רוח קדשא *Spiritum Sanctum*. Jonathan רוח נבואה *Spiritum Prophetia*. Sic ut recte & solide hinc probet, is quem aliquoties jam laudavi *Elias*, Rabbinos suos Spiritum S. vocare שכנה. Idem Rabbi Selomo (ut in Lexico suo notavit *Buxtorf. p. 2395.*) 1 Sam. I. 15. scribit ad verba Hannæ sacerdoti Eli respondentis, *Non mi Domine*, scil. ebria sum, sed mulier amaro animo, id est tristes ac morosa. Q. D. *Non Tu es Dominus & judex in hac causa, sed prodixit te ipsum* שאין רוחו הקדש שרתה עליך, quod Spiritus S. non quiescat super te. Glossa hæc petita est ex Talmud, cujus peritissimus fuit R. Selomo, ubi legitur, לא ארון אמת ברבר זה לא איכא שכנה ורוח הקדש גבר שנתני *Non Tu es Dominus in causa hac, non est Divinitas, Schekina, aut Spir. S. super Te, ut judicares me &c.* Hic jam rursus vides, quid sit Schekina Spir. S. scilicet, quæ duo pro eodem sumunt R. Selomo & Talmudistæ. Optime *Capell. in exerc. ad locum*

locum Zoh. p. 261. Spiritus Dei, per quem sanctificantur homines, vocatur à Judæorum Doctoribus שכינא, sic autem ab eis vocatur, quia habitat in cordibus fidelium, quæ habitatio adumbrata fuit per tabernaculum, in quo Deus censetur habitare, proptereaque dictum est משכן, quasi dicat, habitaculum, scilicet Divinitatis.

xx. Spiritum Sanctum autem a'ibi eos distinguere à Deo, ex eo liquet quod differentiam constituturi inter Hagiographos & Prophetas, dicunt illos à Spiritu Dei instructos esse potius, quam à Deo: uti prolixè ostendimus in *dissertat. Præcedente*. Nec semper notat Spiritus S. חכמה גדולה *sapientiam magnam*, uti id explicat R. Josue Aben Sueb. Neque enim negaturi sunt Judæi, prophetas scripsisse cum magna sapientia, etiam si negent scripsisse per Spir. Sanctum. Fateor Spir. S. aliquando donum aliquod Dei significare, non apud Rabbinos saltem, sed & in Sacris Literis, nec tantum in Vet. sed & in N. Testamento. Sed semper per Spir. S. vel hic, vel ibi donum aliquod notari, & non aliquando personam, id est quod pernego. Sumatur tantum illud ex *Mass. פסחים Cap. x.* Ubi hæc leguntur. *Hymnum hunc quis dixit, R. Eliezar dixit, Mose & Israel dixerunt cum quo tempore astabam mari dicentes, non nobis Domine non nobis &c. Ps. cxv. משיבה רוח הקדש ואמרה למעני למעני* אעשה כי איך יחל. Respondit Spiritus S. & dixit, propter me, propter me faciam illud, nam quomodo prophanaretur alias? An quidquam facit Deus propter donum aliquod suum? Nunquid omnia propter se ipsum? Prov. xvi. 4. Contra suas quidem Hypotheses Sp. S. per prophetam loquentem introducunt. Sed de eo ipsi viderint. Meum non est ipsorum contradictiones conciliare. Sufficit mihi, si ostendam Spir. San. aliquando substantialiter sumi, & tamen alibi à Deo *υποστατικῶς* intelligendo distingui. Vide fides plura Hebræorum testimonia apud *Cl. Hæsp. lib. aliquoties jam citati. p. 381.* quibus ea Spiritui Sancto adscribuntur quæ personarum propria sunt.

XXI. Ad Cabbalistas nunc transeamus, in quorum scriptis plurimè Trinitatem se reperisse jactarunt. Nota sunt Pici Mirandulani verba, alibi à nobis citata, quibus Deum testatur, se in iis Religionem non tam Mosaicam, quam Christianam vidisse, & inter cætera Trinitatis Mysterium. Imo & ipsi Judæis narrantibus, Thomas in Cabbalisticis libris eam invenit. Operæ pretium erit, ipsa verba Schebet Jeshuda dare p. 13. *Tres magnos sapientes Germanos vidi, inquit Thomas, ac per eos didici ex libris Cabbalisticis, & animadverti distincte tres personas unum tantummodo esse.* Sic ipsi loquentem introducunt Thomam, magnum ipsorum apud Alphonsum Regem

gem Patronum, quem antea hoc ornaverant elogio, quod esset acutus sapiens, & quod ex Judæorum Lege eorum ritus moresque didicisset, quos acceperant à Patribus. Et sane mira in Kabbalistarum scriptis extant, in quibus rudera aliqua antiquæ fidei cernas, sed tot figmentis, vanitatibus ac quæsitis subtilitatibus involuta, ut vix percipias quo tendant. Mystéria sunt quæ tractant, sed infinitis aliis futilissimis mysteriis, ac nemini intelligibilibus mysticis loquendi formulis ea quam sollicitè operiunt. Fortassis ne perpluant. Elias quem laudavi supra, postquam sententiam suam de voce *Schekina* explicasset, subiungit שכינה על מלת גדלות יש מדות הקבלה ילבעלי. Et Cabbalista magna secreta habent circa vocem שכינה. Videamus jam quid de Cabbalisticis mysteriis circa Trinitatem sentiendum sit, & in quantum nobis prodesse queant.

XXII. Extat inter Judæos sic satis antiquus & celebris tractatus: cum titulo ספר יצירה *Liber Creationis*. Eum compositum esse dicunt à Patriarcha Abrahamo, & parum abest quin Divinam illi Authoritatem ascribant, antiquitatem certe ipso Mose aliquot sæculis vetustiore. Nam sic in libro *Cofri, Orati: 14. Num. xxv.* de illo scribitur. ספר יצירה והוא לאברהם. *Liber Jetzira liber est Abrahami Patris nostri, estque profundus, & explicatio ejus longe arcessenda, ac docet Deitatem Dei illiusque unitatem.* Vide Buxtorf. *Biblioth.* De eodem illo libro ex Cabbalisticis narrat *Reuchlinus Cabbala pag. mibi LXXIII. 11.* quod Propheta Jeremias eum sapissime legeret, & cum noctes diesque in illius studio consumeret, venisse ad illum oraculum cœleste, quod juberet illum eidem volumini tribus annis insudare. Tantæ dignitatis tantæque sapientiæ opus est. Sed quum brevis sit tractatulus, & quod majus est reconditis mysteriis plenus, non potuit non obscurus esse: hinc varii fuere, qui suis illum commentariis ac notis illustrarunt. Quæ omnia Latine nobis dedit Rittangelius, Judæus conversus, & tunc in Academia Regiomontana linguarum Orientalium Professor Extraordinarius. Placuit ita hujus libelli peculiarem aliquam descriptionem facere, ut videat Christianus Lector, quantæ Authoritatis sit apud Judæos, ac quanti ponderis argumenta inde porro deducenda.

XXIII. Notum est & antea explicatum Kabbalistas statuere in Deo decem *Sephiroth*, quarum septem inferiores vocant מדות sive *attributa*: reliquas tres dicunt esse Spirituales & primordiales. Earumque nomina hæc sunt. Prima vocatur CORONA SUMMA, secunda SAPIENTIA PRIMORDIALIS, tertia INTELLIGENTIA. De iis sic differit Author libri Jetzira,

ותנחזי הא נקרא שכל מופלא (כע) והוא אור מושכל. " quisquis tandem ille sit. קדמון והוא כבוד ראשון אשר אין כל בריה יכולה לעמוד על מציאותו. *Semita prima, vocatur intelligentia admirabilis, vel abscondita* (hæc est CORONA SUMMA) *estque primum lumen intellectuale, & gloria prima, cujus essentiam nuda creaturarum valet assequi* ותנחזי חב הוא שכל מזהיר והוא כתר הבריאה וחדר האחריות *Semita secunda & intelligentia illuminans, estque Corona creationis, & splendor unitatis maxime æqualis, estque elevata supra omnia in caput, & vocatur juxta Cabbalistas gloria secunda.* Hæc eadem est quam alias *sapientiam primordialem* dicunt.

ותנחזי הג נקרא שכל מקדש והוא יסוד החכמה וקדומה הנקרא אמונה אמן ושרשיה אמן והוא אב האמונה שמכחו האמונת נאצלה. *Semita tertia vocatur intelligentia sanctificata, & illa est basis sive fundamentum sapientie Primordialis, atque artifex vocatur fidei, & radices ejus sunt אמן.* *Estque parens fidei, quoniam ex ejus virtute fides emanat.*

XXIV. Non est animus glossis aliquot ex proprio scrinio petitis admirabilem sensum citatis verbis adscribere, & sapientiores in hoc mysterio Cabbalistas facere, quam revera fuerint. Tantummodo lectorem obsecro consideret, quantum hic antiquæ Theologiæ restare videatur, quantamque hæc loquendi formulæ convenientiam habeant cum Phrasibus Evangelicis. Primam semitam vocat noster *lumen intellectuale*, Jacobus *Patrem luminum* Jac. I. 17. Adjungit noster eam esse intelligentiam admirabilem vel absconditam, nullamque creaturarum essentiam illius posse consequi, quid hoc aliud est quam quod Johannes dicit, *nemo unquam Deum vidit*, Joh. I. 18. & Paulus, *habitat lucem inaccessam, quem nemo unquam vidit nec videre potest.* 1 Tim. VI. 16 Semitam secundam vocat noster, *intelligentiam illuminantem*, Simeon, *lucem ad illuminationem Gentium*, Luc. II, 32. Johannes Cap. I, 8. *Veram lucem illuminantem omnem hominem venientem in mundum.* Paulo post. Noster eam vocat *sapientiam primordialem*. Et quid vulgaris quam secundæ Trinitatis personæ sapientiæ nomen tribuere, *in qua omnes thesauri sapientiæ & cognitionis reconditi sunt* Col. II. 3. *quæque facta est nobis à Deo sapientia* 1 Cor. I. 30. Addit sapientiam primordialem קדומה utpote quæ ab initio fuit Joh. II. Hinc est quod Hierosolymitanus Paraphrastes, ubi Moses habet בראשית Gen. I. 1. verterit " ברוכמה ברא per Sapientiam creavit Deus. Et certe fuit קדמי מימי קדם, à diebus primordiis Mich. V. 1. Vocat illam porro noster coronam creationis, quippe per quam Deus אלהים τὸν κόσμον Hebr. I. 3. & rursus, *Splendorem Unitatis maxime æqualis.* Paulus ἀσκή-
σαν

קדמונה ד'ג' Heb. 1. 4. Subjungit noster, *estque elevata super omnia in caput*, Paulus, & *constituit ipsum caput super omnia* Eph. 1. 22. confer Phil. 11. 9. 10. Et vocatur juxta Cabbalistas *gloria secunda*. Hinc ipse petit, & *nunc Pater glorifica me apud Te ea gloria, quam habui apud Te antequam mundus esset*. Joh. XVII. 5. Semitam tertiam vocat Cabbalista noster *Intelligentiam Sanctificatam*, quis ibi non videt Spiritum Sanctum? qui Sanctificatus dicitur (neque enim ausim מקורש quod in Pual est & passivum, vertere per *Sanctificans*, uti fecit Rittangelius) eodem modo quo Deus dicitur glorificari: aut מקורש deberet hic sumi pro nomine verbali, & idem significare, quod Sanctus. Addit porro noster semitam hanc *parentem esse fidei & ex ejus virtute fidem emanare*. Sic & Paulus eam appellat *Spiritus fidei* 2 Cor. 14. 13. confer 1 Cor. 12. 9. Gal. 5. 22. Nescio quomodo Judæi hæc sua Cabbalistica dogmata aliter explicaturi sint, si ullum ipsis sensum præter hunc quem dixi dare queant. Hoc scio mirabili me gaudio perfusum esse, ubi in hac antiquorum Judæorum Theologia Phrases reperiẽbam adeo cum Apostolicis consonantes. Non nova commenti sunt Sacri Novi fœderis scriptores, sed tralatitiis utentes loquendi formulis, ac notissimis apud eos quibus scribebant, Sacratissima mysteria clarius ac dilucidius multo explanarunt. Quid non reconditæ Theologiæ in Divi Johannis Evangelio ac Pauli Epistolis extat? Et quam multa prohi dolor! etiam eruditos adhuc fugiunt ex antiquæ illius Judæorum Theologiæ, quum populus adhuc Dei essent, ignorantia & neglectu? Sed id jam non agimus.

XXV. Ad Cabbalistas nostros redeamus. Notatũ digna sunt verba Mose Botril, qui commentatus est in hunc librum Jetzira שחיים רוח מרוח

ביאור רוח מרוח הקדש דל רוח היוצא מרוח אלהים חיים היינו רוח שניה ובה נברא רוח ותחת וזרבע רוחות. *Duo sunt Spiritus de Spiritu: Hoc est Spiritus de Spiritu Sancto. Vult dicere, Spiritus egrediens ex Spiritu Dei viventis: hic est Spiritus secundus, & per eum creata sunt superiora & inferiora & quatuor mandata plaga.* Confer confessionem Concilii Niceni. *Deus de Deo, Lumen de Lumine, Verus Deus de vero Deo.* Rursus idem ille Mose Botril alibi. רוחא יחיד קול רוח דבר כנגד רוח אלהים חיים שלם בסוד *Ipse Unicus est, Vox, SPIRITUS, & VERBUM, juxta illud, Spiritus Dei viventis, & tres sunt in mysterio.* Similiter Tikkune Sohar R. Simeon ait. רוחא תלת אומני הוו ער

Tres fuerunt artifices, quarum singuli tribus primis diebus operabantur, & absoluebant artificiam

etiam suum. De creatione loquitur & ostendit in sequentibus, quid quique suo die operatus sit. Sane cautius nos & magis *Θεωρητικῶς* de Deo loquimur. Haud dissimilia habet R. Mose Ben Nahman. עד עליון שהוא קדמך הוא רוח אל הים חיים והחכמה הוא רוח מרוח והכינה מים מרוח *Corona, summa quæ est Primordialis, est Spiritus Dei viventis, Sapiens est Spiritus de Spiritu, & Intelligentia aqua sunt ex Spiritu.* Aquis autem Spiritum Sanctum apud Prophetas comparari tralatitium est. Rursus in Tikhune Sohar citatus modo Simeon. נר דאתקרי אל עליון קונה חכמה, וכינה אלהינו כינה אלהי אבותינו חכמה *Corona vocatur Deus summi possidens Sapienciam & intelligentiam.* DEUS NOSTER *Intelligentiam* nec, DEUS PATRUM NOSTRORUM *Sapienciam.* Non omnia hæc probantur mihi, uti nec Judæis meis probari cupio. Id tantum intendo demonstrare, obscure & quasi per nebulam Antiquos illos de Trinitate quippiam vidisse. Si quis enim distincta admodum & Cabbalisticis nugis non involuta sibi polliceatur in isthoc infantie tempore, imprimis post rejectum Dominum Jesum, qui ipsius Prophetarum scriptis, in hoc mysterio minus dæris, per se ipsum & Apostolos suos faciem prætulit; nec is errat insigniter. Omnia illa testimonia quæ tam evidentia sunt, qualia multa corraxi Galatinus de Arca, Cathol. Verit. lib. II. per totum præsertim C. XI. & XII. supposita esse videntur. Idemque de iis iudicium ferendum quod de Sybillinis carminibus, prout à Lactantio & aliis allegantur, quæ per nimiam evidentiam *εποβολήματα* se eruditius probant. Quis qui suæ spontis est crediderit, distinctius multo Veteres Judæorum Doctores de tam profundo mysterio locutos (quod omnino factum esset, si genuina sunt Galatini testimonia) quam ipse D. Jesus, qui tamen è sinu Patris exiens isthæc nobis revelavit, quam Sancti ipsius Apostoli, qui Spiritu Dei pleni ea quæ ipsi in Cælo didicerant explicuere? Nimis genio suo in istiusmodi fingendis indulserunt Veteres. Non pia hæc fraus est, sed me iudice omnino impia: qua nimium præjudicium creatur veritati tam male defensæ. Non ita propriis armis improvisa est, ut ea à jurato hoste suo falsitate mutuari necesse habeat. Ingenue agendum est, nec quicquam affingendum adversariis nisi quis candoris famam decoquere, doli mali apud omnes æque iudices postulari, ac Veritatem ipsam tot figmentis misere vincitam, ut lacertos movere nequeat, hostibus tradere malit. Sed ad lineas.

XXVI. Specialius paulo incipiamus agere: ac ostendamus filium Dei qui ab æterno destinatus est, ut Messias munere in tempore fungeretur, & Spiritum Sanctum, secundam esse & tertiam Trinitatis personam.

XXVII.

XXVII. De filio sive de Messia (id jam mihi unum idemque erit) primo sic argumentor. Cui competit nomen Jehova, is est verus DEUS. Atqui Messia competit nomen Jehova. Ergo. Majorem aliquoties discretè affirmant Judæi. *Kimchi ad Hof. XII, 8.* sic habet. **בשם אל ואלהים** הוא משתתף עמהם אבל כזה השם לא משתתף עם זולתו. *In nomine El & Elobim communicat cum iis (supple angelis) sed in hoc nomine Jehova*

cum nullo communicat. Aben Ezra ad Ies. XLII, 8. **הוא שמי הנכבד כי** אין במקרא שם עצם לברו רק זה לברו. *Hoc est nomen meum, gloriosum. Nam non est in tota Scriptura nomen ita proprium ut hoc, quod ipsi soli proprium est. Aberbenel ad hunc locum notat in Tanchumo scriptum esse.* הוא שמי שקרא לי אדם הראשון הוא שמי שהתניתי ביני ובין עליונים. *Hoc est nomen meum quo me appellavit primus homo. Hoc est nomen meum quo pactus sum inter me & inter superiores. Hoc est nomen meum quo pactus sum inter me & inter Angelos ministerii.* Pactus sum scilicet, ut illud mihi soli retinerem. Hinc vocant illud **המיוחד שם הנצח** *nomen appropriatum, & שם הנצח nomen proprium*, quod apponitur appellativo: uti ex Aben Ezra jam vidimus. Neque enim putandum est nomenclaturam istam Grammaticam tam late semper sumi, quam fit à *Mose Kimchi* in *Idioscopia* sua *Soff.* III. & *Elia* ad istum locum. Variæ sunt illius significationes, & quandoque **שם הנצח** opponitur **שם הכללי** *nomini appellativo*. Vide sodes l' *Emperour in suis notis*. Imo ex regulis quibuscunque Grammaticis probari potest, nomen Jehova soli DEO proprium esse, uti id accuratè fecit (is quem honoris causâ nomino) Cl. Vir D. *Johannes Leusden Jona illust.* p. 72. Quæ prolixius hic adducere volui, quod videam D. *Hacspannum* (ad *Lipmanum* p. 363.) contra semihebræos quos cum Schickardo vocat declamantem, in alia omnia ire. Licet fortassis ad incitas redacti Judæorum Doctores quidam, præsertim recentiores, incommunicabilitatem vocis Jehova negent, ea tamen quæ jam produximus tam clara sunt ut nihil opponi queat: nec ex Galatino aut Munstero descripta (quod multos sine judicio facere jure conqueritur) sed ex ipsis fontibus.

XXVIII. Porro quod diximus Messia aliquando in Sacris litteris adscribi nomen Jehova, & in eo astipulantes habemus Judæos. Manifestum id est *Jer. xxiii. 6.* Ubi de Messia sermonem esse & res ipsa clamat (vocatur quippe **צמח** *germen*, v. 5. nomine ab ipsis Judæis passim

Messiae attributo) & Chaldaus disertè asserit, qui sic *ܡܫܝܚܐ* ומשיחא אמר יי ואקים לדור משיחא דצדיקיא. *Ecce dies veniunt, inquit Dominus, & suscitabo Davidi Messiam justorum.* Kimchi similiter, *Germanium* וזהו המשיח, *hic est Messias.* Et paulo post וזהו המשיח תמיד. *Ipsi vocabit Messiam hoc nomine, Jehova iustitia nostra, quia in diebus illius erit iustitia Domini nobis stabilis & perpetua.*

XXIX. Eximius est hic locus ad Deitatem Messiae asserendam, idque operæ pretium erit adjungere & confutata dare ea quibus illum pervertere conatus est Aberbenel. Nam is est Aberbenel quem superiorem Christianis Judæi putant, qui solide eorum argumenta solvere, & loca è sacris litteris producta ita enervare, ut eadem etiam in Christianos retorquantur, possit. Prout de eo testatur C. l. Emper. in pref. comment: super Prophetiam xxx. *Isaia.* Et sane acuminis ac eruditionis laudem (modo iis semper pane non abuteretur contra veritatem) nemo ipsi detrahere potest. Is ergo Aberbenel ita in hunc locum.

וזה הסוף ירמיהו לבאר כאן מה יהיה
שמו כאשר יקראו ה צדקנו וכבר זכרתי בשאלות כמה
מהקושי יפול בקדושת מלך המשיח ולא שום בריה אחרת בשם ה אל
עולם כי הוא השם הנכבד הוא הנקרא שם המפורש לפי שלא
ישתתף בו זולתו ואיך יקרא שם המשיח בזה השם והמפורשים
אמר שמלך יקראו חזק לישראל שהוא יקרא את המשיח בן ושמעך דבין קרא את
השם נבי יעקוב קרא את המזבח אל אלהי ישראל וכן בדברי הנביא יחזקאל על
ישראל שם העיר כי שם נאמן זהו היתר לספק כא תוספת זרת בכל שאר
המקום שזכר ודאי לבקש בהם פי נכון יש מפורשים שלא היה שם המשיח אלא
צדקו בלבד לא שם ה ויהיה פי הפסוק זה שמו אשר יקראו ה כי הוא יהיה אז הקרא
שם צדקו ודויתר נכון בעיני הוא שלא אמר הנביא שיהיה שם המשיח לא ה
צדק ולא צדקנו בלבד אבל שיהיה שמו צדק כשא ועל אותו שם אמר זה שמו
י צדק דוד אמר יקראו ה צבאות שהוא צדקנו והוא יקראו בשם ה רל צמח צדיק
בזהו בזה השאלה חד :

XXX. Nunc pergit Jeremias, explicaturus, quidnam sit futurum ipsi
nomen, quum dicis & hoc est nomen ejus quo vocabit eum Jehova iustitia
nostra.

nostra. *Et antea explicari in propositione questionis, quot difficultates moveri possint circa sanctificationem Regis Messia. Neque enim ulla alia creatura in mundo hoc nomine appellatur: Hoc quippe est nomen gloriosum, hoc vocatur nomen separatum, quia nemini communicatur præter Deum. Quomodo itaque ibi Messias hoc nomine indigitatur? Est nonnemo ex interpretibus, qui dicit vocem Vocabit eum referri debere ad Israel, qui ita Messiam appellaret, & Dominum nostrum Moysen vocasse altare Jehova vexillum meum, & Jacobum altare vocasse DEum fortem, DEum Israelis, atque ita in verbis Prophetæ Ezechielis de Jerusalem, & nomen Urbis ab isthoc tempore Jehova ibi. Quod non est solvere dubium, sed plures difficultates movere, circa reliquos omnes versus quos allegat: atque in iis etiam conveniens & firma explicatio investiganda est. Sunt qui ita hunc locum explicant, nomen Messia nihil aliud esse quam Justitia nostra tantum, non nomen Jehova; At tunc sensus versus esset. Est hoc est nomen quo vocabit eum Jehova, nam is esset tunc persona vocans eum hoc nomine, Justitia nostra. Firmiter autem mihi videtur, quod non dixerit Prophetæ, nomen Messia fore, Jehova, Justitia nostra, aut Justitia nostra tantum, sed fore nomen ejus Germen justum, sicut antea dixerat. At de eo nomine dicit, & hoc est nomen ejus, scilicet Germen Davidis, quo vocabit eum Jehova exercituum, qui est Justitia nostra. Is vocabit eum nomine hoc, scilicet, Germen justum. Atque hoc modo soluta est questio quarta. Hactenus Aberbenel.*

XXXI. Ex cujus discursu hoc primum arripio non exiguas nec contemnendas difficultates Judæis moveri posse ex hoc versu, quod amplificaverat etiam in ipsa propositione questionis. Secundo & hoc notatu dignum est, quod non modo fateatur nomen Jehova præter DEum nulli competere, sed & alia explicatione emollienda doceat isthæc loca ex quibus contrarium nonnulli elicere annuntur: uti accurate & plenissime ad illa responsum est (ut alios taceam) à Zanchio de tribus Elohim Lib. 11. Cap. 11. Tertio & illud mihi probatur, quod reficiat eorum commentum, qui duo hæc Jehova, & Justitia nostra quæ conjungenda essent divellunt, & Jehova in nominativo casu sumunt, Justitiam nostram in accusativo. Sic ut is qui nomen hoc dat Jehova esset, nomen autem ipsum quod datur Messia Justitia nostra. Quod ideo refutare supersedeo, quia ipsi Aberbeneli displicet. Sed videamus num ipsius effugium accommodatum magis sit.

XXXII. Repudiat omnium illorum sententiam, qui hæc verba, Jehova Justitia nostra, sive conjunctim sive à se invicem separata, putant nomen esse Messia. Nomen, inquit, Messia est Germen justum quod repetendum

sui. Et habitabit ibi gloria ipsius & Schekina ipsius. Vocatque ipsum Dominum, quia revera totius terra Dominus est, ipsumque murmurationibus illis suis querebant. Conclude ex hisce omnibus simul collatis. Ergo Messias est Angelus fœderis, & consequenter ab eo à quo missus est distinctus: & simul gloriosus ille, juxta AbenEzram; DEus judicii, juxta Iarchium; Nomen gloriosum (sic vocant Jehovah) cui Sanctificatum est templum, nomen nisi soli DEO consecrandum; cui adscribitur, non gloria tantum, sed & שכנה, id est Divina plane Majestas, qui totius terræ Dominus est, quemque omnibus suis votis expetiverunt Patres, juxta Aberbenelem. Utique desiderium gentium, ut Messias Haggæo dicitur.

XXXIV. Iterum. Citatur in Epistola ad Hebræos, & quam maxime apposite, comma 7. Psal. 11. ad demonstrandam inde Deitatem Messie. Ut autem eo magis urgeatur argumentum, hæc duo mihi probanda sumam. Primo de Messia hoc Psalmo Davidem loqui: dein, ea hic de Messia dici, quæ nudo homini non competunt. Nam utrumque à Judæorum quibusdam negari video. De priori sic *Aben-Ezra* הכנך בעני כי יוז המזמור חברו אחר מהמשוררים על דוד ביום המשחן. *Firmum in oculis meis est, aliquem Cantorum Psalmum hunc composuisse de Davide, die unctionis sue.* Sic & *R. Salomo* juxta litteralem sensum Davidi applicari debere docet. Similiter *Lipmannus*, non tam loquitur, quam fuit *Num. cclxxi* כל המזמור. מוכיח כי על דוד עצמו קאי. *Totus Psalmus docet Davidi ipsi eum applicandum esse.* Sed fugit eos ratio. Aliter eum explicuere Veteres & meliores ipsorum interpretes, qui ab antiqua Veritate amplius aliquid retinuerant. *Iarchius* id disertim fatetur רבותין דרשו את הענין על מלך המשיח. *Rabbini nostri negotium hoc explicuere de Rege Messia.* Et sane expressus in hanc rem textus est in *Thalmudico codice* סוכה fol. 52. p. 1. תר משיח בן דוד שעתיד להגלות

במחרה בימינו אומר לו הקב"ה שאל ממני ואחזן לך שנאמר אספדה אל חק " אמר אלי בני אתה אני היום ילדתיך שאל ממני ואחזנה גרים נחלתך. Hoc est, interprete *Constantino l' Empereur in Dissert. præfixa Hal. Olam. Tradunt sive legunt Magistri nostri Messia filio Davidis, qui revelandus est brevi, diebus nostris. Huic dicit Sanctus laudandus. Pete à me aliquid, & dabo tibi: quia dictum est (Psal. 11. 7. 8.) Decretum enarraturus sum; Dominus dixit mihi, filius meus es: Ego hodie genui te: Pete à me & dabo gentes in hereditatem tuam.* Clare hic Psalmi Verba ad Messiam referuntur. Imo *R. Josephus Jabetz* apud citatum modo l' Empereur ex professo refellit eos, qui Psalmum hunc

Davidi soli applicatum eunt: dicent אשר לפרש כל המזמור על שלמות לפי זה חרדך. *Non est possibile, ut totum hunc Psalmum perfectè isthac via exponamus.* Chaldaeus, versum hunc, de quo agitur, transferens, ita loquitur. אשרעי קימא ד"י אמר חביב כבר לאבא לי אות זכאה כאילו ימא דין ברחך. *Enarrabo statutum Domini. Dixit dilectus, sicut filius parenti, ita tu mihi mundus ut die isthoc quo produxi te.* Nunquid hoc in Davidem quadrat, tot peccatis, & quidem tam enormibus, ex propria confessione, inquinatum? Ut ea taceam, quibus ex ipso Psalmo evinci manifeste potest, plurima hic dici quæ Davidi neutiquam conveniunt.

XXXV. Hoc itaque monstrato, Davidi soli hæc Verba applicanda non esse, pergam, probaturus talia ea esse, quæ plusquam nudum hominem, aut, ut Græci loquebantur, *ψυχὴν ἀνθρώπου*, Messiam esse ostendunt. Ab ævo Christiani hoc argumento contenderunt: quod *Kimchi*, in solutione objectionum quas Christiani ex Psalmis nectunt, hoc modo proponit, והגדרים מפרשים אותו על אמנותם. והפסוק אשר הם מביאים אותו ראיה ממנו ועושין בו ספק הוא אמר אלי בני אתה כי לא יתכן לומר בן האל על בשר ודם. כי הבן הוא ממין האבי כי לא יתכן שתאמר הסוס הזה בן ראובן. אב למי שאמר לו האל בני אתה צריך שיהיה ממינו. יהיה אלה כמוהו. ועוד שאמר אני הימם לרחוק והלילה הוא ממין הילד: *Christiani Psalmum hunc de fide sua exponunt. Versus autem unde argumentum desumunt & cui imituntur, hic est. Dixit mihi, filius meus tu es. Quippe incongrue caro & sanguis (id est naturalis homo) filius DEI nuncuparetur. Filius enim ejusdem cum Patre est speciei. Incongrue atque equum dixeris filium esse Ruben's. Quod si ita est, is cui dixit Deus, filius meus tu es, necessario ejusdem speciei esse evincitur, & Deus esse sicut ille alter. Idque eo magis, quia dicit hodie genui te. Genitum autem est ex specie generantis.*

XXXVI. Neque omnia hic dicit *Kimchi*, neque prorsus nihil. Non ita argumentamur. Quidquid DEI filius est & dicitur in scriptura, ejusdem est cum DEO naturæ. Scimus enim DEum verum omnium parentem dici posse, per creationem, Electorum Patrem per adoptionem, & respectu regenerationis Spiritualis, juxta quam à DEO geniti esse dicuntur Joh. 1. 13. & speciatim Davidis Patrem, respectu regiminis, in quo DEI vicem gerunt ii quos Magistratus in terra constituit, juxta id quod scriptum est Psalm. LXXXII. 6. *Ego dixi Dii estis, & omnes filii Altissimi.* Sed primo id notandum, magnum aliquid & valde memorabile Regium vatem loqui, quod sine præfativuncula, qua attentionem excitaret, haut proponendum duxit. *Narrabo*, inquit, *statutum Domini*, Secretum & mysterium magnum est, quod

quod edisseram, quodque in hac mea coronatione, in qua regis Messiz typum gero, aliquatenus adumbrare voluit Dominus. Neque enim moris est judiciosissimo Poëtarum ita ordiri, ut scriptor Cyclicus olim, ac grandi cothurno magna polliceri, quæ tamen in ridiculum murem exeant. Sane magnum aliquid & admirandum revera agi ostendit, dum ita præfatur. *Deinde* & illud est observandum, tam signanter hic aliquid personæ adscribi, de qua sermo est, ut nemini simile quid à DEO dictum sit. Fateor fideles, Fateor Angelos, Fateor magistratus DEI filios nuncupari, nego tamen tam solemniter cuiquam dictum esse, filius meus es, ego hodie genui Te, uti id factum, tanquam æternum DEI statutum, tanto cum apparatu hic narrat David. *Tertio*, id quod subjungitur. *Ego hodie genui Te*, satis docet de quo filio hic sit sermo, filio scilicet non adoptivo, filio non modo per externam quandam denominationem; sed filio nativo. De quo certum est quod ejusdem debeat esse speciei, aut potius ejusdem naturæ (sic convenientius locutus esset Kimchi) cum Patre. Illud *genui te* Christo proprium est, qui propterea unigenitus est. Non nescio quosdam ex interpretibus, etiam nostris, paulo aliter hæc verba explicare, imo etiam D. Paulum Act. xi. 33. generationem hanc ad resurrectionem Domini Jesu referre, sed quocunque tandem sensu sumatur, omnia, per quæ hæc phrasiologia explicatur, æternam istam generationem præsupponunt. Et speciatim in Actis locus hic resurrectioni applicatur, quia tum maxime patet facta fuit filii ex Patre æterna nativitas. Confer Rom. i. 4. Quum autem aliquid declaratur; tunc dici solitum est in Scripturis, fieri. Uti erudite hæc explicat Zanchius de trib. Eloh. pa. mibi 48. Denique quæ sequuntur com. ult. Osculandum esse eum filium, metuendum esse ab illius ira quæ perditionem minatur, fiduciam in eo collocandam, atque ita quidem, ut qui id faciat beatus sit, Divina plane sunt & ultra sphaeram honoris deferendi nudis creaturis. Hæc argumenti nostri summa est: atque hoc fere modo proponendum à Kimchio fuerat, nisi ipsi sibi monstra fingere vellet, quæ deinceps debellaret.

XXXVII. Videamus autem quæ excipiat. Summam dabo: nam omnia verba adscribere prolixum nimis foret. Negat Divinitati Patris aut filii nomen convenire. At aliter intellexit Agur Prov. xxx. 4. *Quodnam est nomen ejus, & nomen filii illius si nosti?* Et in Tikkune Sohar Cabbalistæ de DEO loquentes, aliquoties, Patrem & filium loquuntur, ut videri potest in Rittang. Sepher Ietzira p. 59. Quod quo sensu fiat, aliis investigandum relinquo. Ego fateor me non posse percipere: tam intricatè philosophantur. Negat præterea Kimchi, Divinitatem ulla ratione dividi,

dividi, cum omnibus unitatis modis una sit. Negamus id & nos, indivisibilem illam unitatem tribus communem esse asserentes : & supra Num. VII. ostendimus plus illos indivisibili unitati DEI derogare per suas Sephirot, quam nos per nostram doctrinam de tribus personis. Opponit leges generationis, juxta quas Pater Filium tempore antecedit. Licet enim Pater ante Pater non sit, quam filium habeat, tamen ille qui vocatur pater, antiquior est filio, quem genuit. Sed non videt alios omnino de DEO conceptus formandos esse, alios de creaturis. Absurdum est nostri intellectus decempera Divina metiri velle. *Via mea non sunt sicut via vestra*, proclamat ipse Jes. LV. 8. Multa in DEO sunt quæ religiose mirari potius debemus, quam curiose rimari. Hoc fidei nostræ exercitium est, credere quæ non percipis, tantamque revelanti DEO deferre observantiam, ut omnes cogitationes captivas ducas, sub illius obedientia. Imo id ipsum mysterium hoc commendare debebat, quod omnem intellectus humani caput transcendat. Inde evincitur non nostrum esse commentum, sed quod nec nos nec quisquam alius potuissemus unquam cogitare, nedum credere ; nisi revelatum id invenissemus in S. S. L. quibus non judicium amplius debetur, sed cæca, ut ita dicam, fides. Nimis abjecte de DEO sentit, qui non infinite plura ipsi possibilia præsumit, quam finita & tot rerum naturalium ignara mente ipse queat percipere. Nec intelligit, quid fidei sit, qui, etiam circa Divina mysteria, rationem & sensus suos in consilium vocat.

XXXVIII. Nec ipsi Hebræi Doctores id ignorant, fatentes mysticam Theologiam suam, non mortalium rationem probationibus, non sententiosis inanum verborum contentionibus, non humanis syllogismis, propter Divinitatem suam, subjectam esse : quin imo tam magna, tam grandia, tam infinita mysteria continere, ut una hominis ætate, vel si libeat denique pluribus, omni quantumcunque indefesso labore superari non possint ; etiam si vitæ nostræ anni tendant in multa sæcula, nobis plane in hoc luto, in hac argilla, in hoc densi corporis cemento spirantibus, & corporeo sensu cuncta præsumantibus. Ajunt enim Hebræorum sapientes magistri *אשר דם אי אבשר כח מעשה בראשית לבשר דם אי אבשר* quod *explicare virtutem operis creationis carni & sanguini impossibile sit*. Quanto magis id verum erit de opere Mercava, quo mysticam Theologiam suam & Metaphysicam designant. Vid. sodes Reuchli : de Kab. mi. p. 6. Ideo quondam R. Eliezar dicenti sibi benigne magistro suo R. Johanan, veni & docebo te opus Mercava, prudenter respondit *אל קטני* *nondum canis* ; innuens se ad hæc tanta mysteria percipienda ineptum esse, nisi cum ardore juvenili refrige-

frigerato sedatior, annisque provectior foret. Apprime ad rem facit, quod *R. Abraham* annotavit ad *Librum Jeczira* apud *Rittang*. p. 52. Ubi de mysterio emanationum ita loquitur. *Ex ha semita emanant de origine recondita & abscondita, ubi nulla creaturarum poteris stare apud veritatem ejus, (id est veritatem ejus assequi) & nulla speculatio poteris stare supra essentiam ejus, deficiunt omnes in apprehensione ejus.* Hinc est quod coronam summam (per quam quid intelligant Cabbalists numero XXIII. exposuimus) mirabili nomenclatura vocent *NON* sive *NON ENS*, ac non finis, hoc est *אין סוף*, quia nos tam tenui erga res Divinas ingenii paupertate multati, de iis quæ non apparent, haut secus atque de iis quæ non sunt judicamus. Ut id explicat laudatus modo *Reuchlinus* p. 62. versa. Applicet id Kimchi æternæ generationis mysterio, & suam potius ignorantiam ac paupertini ingenii imbecillitatem fateatur, quam ut tam carnalibus ratiociniis tremenda mysteria oppugnet.

XXXIX. Rogat num DEUS sit, cui ex nostra sententia Pater dicit, postula à me &c. ; & quonam modo Patrem Filius roget, si filio æque DEO ac Pater est eadem cum Patre potestas competat : Sed quidni is DEUS sit, qui Patrem rogat, quum non roget qua Deus, sed qua Mediator ? An tibi Tuisve Kimchi absurdum est dicere, quod DEUS ipse oret ? An non hoc totidem est in *Massechet Berachot* Cap. 1. Ubi non dicitur saltem, sed & Talmudice, hoc est inepte probatur ex *Jes. LVI. 7.* Ubi DEUS loquitur de domo orationis suæ, quem locum superiore dissertatione, ni fallor, adduximus. Rogat porro, an non & ante postulationem hanc, gentes possessio illius essent ? Erant sane ab illo tempore, ex quo Pater filio omnia dedit, quæ Patris sunt, præter esse Patrem; si filium consideres in quantum Deus est. Sin consideres eundem, in quantum Mediatoris & Messie munere fungitur, eo sensu possessio gentium data est, quum eam sanguine suo redemisset : juxta promissum *Jes. LIII. 12.* Excipit, Christo secundum carnem nullum fuisse regnum. Nec de terrena aliqua & mundana pompa hic agitur. Ipse Rex noster confitebatur, regnum suum de hoc mundo non esse. Imo, inquit, nec Spirituale regnum intelligi potest, quia nec Judæi nec Ismaelites, qui majorem orbis partem constituunt, fidem ipsius susceperunt. At, velim, dicat mihi ipse, quomodo applicabile sit promissum hoc regno terrestri Davidis, quod sane angustis Palæstinæ limitibus terminabatur. Adde, utique per totum orbem prædicatum fuisse Christi Evangelium, & si non à singulis acceptum, attamen sine discrimine, Tros Rutulusve fuit, generatim omnibus oblatum. Eleganter *Tertullianus* libro adversus Judæos. *In quem enim aliam universa gen-*

tes crediderunt, nisi in Christum qui jam venit? Cui enim alii Gentes crediderunt, Parthi, Medi, Elamita, & qui habitant Mesopotamiam, Armeniam, Phrygiam, immorantes Egyptum & regionem Africa, qua est trans Cyrenem, Romani, & incolae, tunc & in Hierusalem Judai, & Gentes caetera, ut jam Gentium varietates, & Maurorum multi fines, Hispaniarum omnes termini, & Galliarum diversa nationes, & Britannorum inaccessa loca Romanis, Christo vero subdita, & Sarmatarum, & Dacorum, & Germanorum, & Scytharum, & abditarum multarum Gentium, & provinciarum, & insularum multarum vix ignotarum, & qua enumerare minus possumus? In quibus omnibus locis Christus nomen qui jam venit, regnat.

XL. Alius locus est non minus illustris, Psal. XLV. 7. 8. *Thronus tuus, O DEUS, est in saeculum & sempiternum; sceptrum justitia est sceptrum regni Tui. Dilexisti justitiam, & odio habuisti iniquitatem; ideo nunc tu, O DEUS, DEus tuus oleo letitiae, supra omnes consortes Tuos.* Et hunc à Christianis, ad Messiae dignitatem adstruendam, adduci solere observavit Kimchi. Ac merito quidem. Etenim de Messia hic sermonem esse; ejusdemque spirituali conjugio cum Ecclesia, representato per Salomonem, illiusque matrimonio cum Filia Pharaonis, non nostri saltem, sed Hebraei interpretes annotarunt. Chaldaeus sane versum tertium ita exponit.

סֵדֶךְ מַלְכָּא מְשִׁיחָא עֲדִיקָא מְבִנִי נִשְׂא אֶתְהִיב רִיחַ נְבוּאָה בְּסִפּוּתָךְ מִשּׁוֹל כֵּן בְּרַכְךָ עֲלֵמָא. *Decor tuus, O Rex Messias, praestantior est filiis hominum; datus est Spiritus Prophetiae in labiis tuis, ideo benedixit Tibi DEUS in saeculum.* De hoc Messia versu 7. dicitur, quod DEus sit, quod thronum habeat in saeculum & sempiternum. Et tamen hic DEus, qui supra omnes consortes suos, omnes fideles, omnes Prophetas, omnes Reges, Spiritualis oleo letitiae unctus est, ab ungente ipsum DEO, vers. 8. Hypostaticè distinguitur. DEUS, inquam, hic dicitur, quod inepte *Selomoh Iarchi* vertit עֲלֵמָא שֶׁר וְנִשְׂפָט *Principem & judicem* sicut Mose dicitur Pharaoni datus in DEum: quum vox אֱלֹהִים absolute hic ponatur, sine ulla additione (ut in dicam) malignante, & quidem in vocativo casu, quomodo nunquam (credo) ostendetur, ubi proprie DEum non notat. Vidit id Chalkers, qui ita commentatur. קִים לְעַלְמָא עֲלֵמָא כֹּרֵם יָקִיד " *Solum decoris tui, O JIHOVA, Stabile est in secula seculorum.* Kimchi, ut argumentum hoc edat, hunc vult esse sensum; ut David per deprecationem DEum alloquitur; O DEUS, Thronus tuus sit in saeculum & sempiternum. Sed refutat hoc Abenezra. הַשֵּׁם הַזֶּה הוּא אֲחֵרִי יִכְחִישֵׁנו *Qui dicit, inquit, Verba haec Thronus referri debere ad DEum, is falsitatis in-*

vincitur per verbum sequentem. Sed mirabili commento verba hæc torquet. Vult hunc esse sensum, Thronus tuus Thronus est DEI, sic ut vox Thronus ἀπὸ τῆς αὐτῆς repetatur & tunc confert id quod dicitur, 1 Paral. xxix. *Sedebat Salomo super Throno Jehova.* At quis, nisi in arcto constitutus, effugia tam parum tuta quærat? Fatemur Thronum Regum, Thronum Dei esse, non modo in quantum terra est Domini, & plenitudo ejus; sed etiam in quantum DEUS is est qui Reges in throno suo constituit, quique Thronos & sceptrum Regum sibi inservire vult, utpote qui mancipio illa sibi retinet, hominibus tantummodo usu dat. Sed id hic non quæritur. Is quem David alloquitur DEUS vocatur, eique ascribitur thronus, à Davidis & Salomonis Throno distinctus, duraturus non modo לעולם quod de illis etiam dici posset (nam לעולם sæpe prolixum notat tempus) sed לעולם ועד, in *seculum & æternitatem*, id est, ut Paraphrastes dixit in *secula seculorum*: quibus phrasibus infinita & absoluta æternitas, saltem à parte post (ut in Scholis loqui amant) indigitatur. Id quod revera Messie competit. Is postquam semel inchoavit regnum gratiæ, continuabit illud usque ad illustrem illum ac gloriosum adventus sui diem, post quem commutabit illud in regnum gloriæ, idem Rex manens, eosdem retinens subditos, modo tantum regendi, qui totus tum incomprehensibilem gloriam spirabit, tam respectu Regis quam subditorum, immutato; atque illustri sceptro suo coruscus, ad DEI Patris dexteram sedebit in infinita sæcula. Secus quam de Messia suo, non satis magnifice, nec pro dignitate, Judæi philosophantur. Excipit cum Kimchi *Lipmannus Num. 277.* huic, de quo sermo est, adscribi vers. 10. conjugem שגל, quæ vox naturalem coitum cum fœmina importat, quod DEO indignum. Sed falluntur hi Doctores. Cum Parabolice vox ista Messie applicari debeat, inepte propria significatio urgetur. Sufficit ex ea desumere, intimam conjunctionem & ex illa resultantem amorem, quæ intercedunt inter Christum & Ecclesiam. Nec ad propriam istam significationem attendit Chaldaeus, qui per שגל intelligit ספר אוריתא *librum legis*. Licet melius ipse Lipmannus postea dicat כל המזמור מדבר בכנסת ישראל שנקראת בת *Totus Psalmus loquitur de Synagoga vel Ecclesia Israelis, quæ vocatur filia &c.* Quomodo jam stolidus nugator Israeliticæ Ecclesiæ versu 10. applicabit, si carnalem istam significationem vocis שגל, juxta originem suam, retinere velit?

XLI. Præteriri sine piaculo non potest eximius ille locus, qui extat Jes. ix. 6. Ubi promissi Messie conditionem ac naturam breviter quidem, sed paucis verbis plenissime explicat. Prælagit ipsum à DEO vocandum fore, *Admirabilem, Consiliarium, DEUM fortem, Patrem æternitatis, Princi-*

pax ; quæ omnia talia sunt, ut Divinam plane Majestatem spirent. Dicit Messiam ita vocatum iri, id est Messiam id revera fore, quod hisce nominibus indigitatur. Neque enim τὸ Μῆσις καλῶν in scriptura, semper referenda sunt ad externam appellationem nominis, sed interdum ad efficientiam, כפי פעולתו dicit hoc loco Aberbenel, interdum ad applicationem rei per nomen designatæ. Erudite hoc observavit *Chrysostomus Homil. V. in Matthæum*. Ἔδος τὰτο τῇ γραφῇ, τὰ συμβαίνοντα πράγματα ἀπὶ ὀνόματων τίθενται. Et res clara est ex *Jes. VIII. 3. Jer. III. 17. &c.* Erit Messias ergo *admirabilis*, non tantummodo in officiis suis, sed & in naturis, utpote Θεῶνθρωπος. Is utique qui apparebat Manoz, cui Manoa sacra faciebat, quem Manoa Deum fatebatur, quique ipse de nomine suo interroganti respondebat למי זה תשאל לשמי והוא פליא Jud. XII. 18. Plane mihi is, à quo Jacob Israelis nomen obtinuit, respondebat ipsi Gen. XXXIII 19. Erit *consiliarius* præterea Messias, quippe personalis illa Sapientia, quæ de seipsa prædicat, *Consilium & Prudentia mea sunt*. Prov. VIII. 14. Erit non Deus tantum, sed & cum epitheto *Fortis ille Deus*. Nequis existimet, Dei nomen illi attribui, sicut angelis & iudicibus nonnunquam. Ac nequis dubitet eum æterno patri suo ἰσοῦσιν & coæqualem esse, subjungit Dominus, eum ipsum fore *Patrem æternitatis*, non tantum quia ipse est æternus (*nam exitus ejus ab initio & à diebus sæculi* Mich. v. 1.) sed præcipue, quia effectior & dator est vitæ æternæ, quapropter à Johanne nostro vocatur, *Verus Deus & vita æterna*. I Joh. v. 20. Et denique *princeps erit pacis*, pacem conficiens suis cum Deo, cum propria conscientia & inter se, religionem instituens quæ fratres faciat, vel quos hostes reperit, utpote præfiguratus per Melchisedeck, qui & מלך שלם dicitur, id est Apostolo nostro interprete, Rex pacis. Quot nomina hic Messie tribuuntur, totidem sunt argumenta ad Deitatem ipsius asserendam.

XLII. Urget hic locus Judæos, ideoque in omnes partes se vertunt, illum ut Christianis excutiant. Præcipue Nobilis ille Aberbenel, & suorum tueatur perfidiam,

— *animum nunc hac celerem, nunc dividis illud,
In partesque rapit varias, atque omnia versas.*

Opera pretium erit exceptiones illius aliorumque omnium, quos inspicere jam vacabit, proponere. Non tantummodo ut videamus, quam varia illi comminiscenda sint effugia, qui unice ac simplici veritati nuncium misit: sed præcipue, ut deinceps ex iis, quæ ab unis conceduntur, contra alios argumentemur, domesticis eos convincentes testibus.

XLIII.

XLIII. Communis pæne omnium error est, agi hic non de Messia, sed de Achazi filio Hizkia. Ita *Iarsbius*, ita *Kimchi*, ita *Aberbenel*, ita *Lipmannus Num. 226*. Sed perperam. *Chaldaus Jonathan*, eum de quo hic agitur, dicit esse *משיחא דשלמא יסגי עלנא בימורא*. *Messiam, in cuius diebus multiplicabitur super nobis pax*. Adde quod veteres Talmudistæ sequentem versum Messiaæ applicuerunt; & tamen de eodem & hic & ibi sine du-

bio agitur. Aberbenel disquirens cur in voce *למרבה וחכמים ול' נתנו טעם* *Et sapientes p. m. banc assignarunt rationem, quia Dominium Regis Messia clausum est nunc*. Ergo de Rege Messia ibi agi fatentur. Ne dicam descriptionem illam regni hoc versu contentam talem esse, quæ Hizkia non competat. Nunquid illius dominium & pax sine fine fuit, cum utrumque toties turbatum sit? An ille confortavit & corroboravit thronum Davidis in sæcula, cui ob inconsideratam arrogantiam prædictum fuit per Iesaiam, omnes thesauros regni Davidici transportatum iri Babelem, & filios ipsius aulicos fore apud Regem Chaldaeorum? *Jes. xxxix. 6. 7*. Non erat hoc Hizkia, confirmare solum Davidis; sed erat hoc Messia, ut optime Chaldaeus. *במימרא ד' צבאות חתעבר דא- Per verbum, ד' ל' ל' ל' ל' Domini exercituum peragetur hoc*.

XLIV. Excipit tamen Lipman: Messiam intelligi non posse, quia loquitur Iesaias de puero jam nato, de filio jam dato, in præterito tempore; sed non post tot sæcula demum nascituro & dando. Quod & Aberbenel innuit. Sed mirum est, magnos hos Doctores jam oblitos, quod toties alias inculcant, creberrimam esse futuri & præteriti in Prophetiis præsertim, enallagen. *Kimchi in Obad. v. 2*. *בנבואות עבר במקום עתיד*. *In Prophetiis præteritum loco futuri ponitur*. Item in *Am. ix. 8*. *דברי הנבואה*. *הם במקומה רבים עבר במקום עתיד*. *In verbis Prophetia saepe est præteritum loco futuri*. *AbenEzra* similiter in *Jon. ii. 2*. *רבר שנויר להיות ידבר בלשון עבר*. *Res qua decreta est fieri, de ea loquuntur in præterito*. Pueri hoc norunt, & ridicula pertinacia est tali argumento pugnare. Modus iste loquendi tendit ad maiorem certitudinem rei. *ל' ל' ל' ל' ut solent dicere*. DEO futurum præsentia sunt. Apud eum dicta æquipollent factis; decreta & destinata executioni. Id ipse animadvertit *Aber. ad Jes. xlviii*. *בעת שיצאו מפי השם וגורו מלפניו כבר יש להם מציאות*. *Quum aliquid ex ore Dei exiit, & ab eo decretum est, tunc ut jam modo existens reputatur*. Imo & Prophetis ita certa erant à se prædicta, ac si jam actu ipso fuissent adimpleta, unde de futuris frequentissime loquuntur ut de præteritis. An

mirum ergo vel insolens id hoc quoque loco fieri? *Vid. Spanbe. Dni. Evan. Pat. II. p. 505.* Imo ipsa attributa, quæ hic personæ, de qua sermo est, assignantur, aut nomina sub quibus venit, talia sunt ut nodæ creaturæ assignari non possint. Difficultatem hic cernunt Judæi, ideoque instar lubricarum anguillarum quaquaversum se flectunt, in id unum allaborantes ut quacunque demum specie elabantur. *Dic aliquem tandem, de Quintiliane colorem.* Multa dicunt, sed ubi propius consideras, nihil dicunt.

Pergula pictorum, Veri nihil, omnia ficta.

XLV. In duas potissimum dispelcuntur classes, qui locum hunc pervertere conati sunt. Sunt qui omnia hæc nomina pro nominibus Hizkiz sumunt, quæ suo more tum explicant. Sunt qui quatuor prior nomina dicunt esse illius qui vocat, id est Dei, & ultimum modo nomen esse Hizkiz. Sic ut Deus Op. Max. qui est Mirabilis, Consiliarius, Deus fortis, Pater æternitatis, Hizkiam vocaret Principem pacis. Utramque sententiam plausibiliter admodum proponit Aberbenel. Eam ergo loquentem audiamus.

XLVI. De priore in hunc prope sensum scribit. „ Subjungit „ Propheta nomina quibus indigitandus est Hizkias juxta opera sua. Vocatur **נִלְבַּד** *Mirabilis*, ratione prodigii & miraculi quod factum est in diebus illius, quum prolongaretur ipsius vita. *Consiliarius* ratione sapientiz suæ, sicut scriptum est, *consiliarius Regis* 2Chron. XXV. 16. **יְהוָה** *Deus*, quia „ futurus esset Judex Israelis; nam eodem sensu hic vox Deus sumitur, quo „ Exod. XXII. 9. *Ad Deos deveniet utriusque causa.* *Fortis*, in lege & ad faciendam voluntatem Patris sui, qui est in cælis. **אֲבִי**, *Pater meus* vel *Pater*, quia clemens ac misericors erit erga populum suum, sicut Pater indulgens est erga gnatos. **לָקַח** *Spolium*, quia dignus judicabitur spolio Sennacherib & exercitus illius, & spolio Cus & Ægypti quos secum tulserit „ Sennacherib: juxta illud Gen. XLIX. 27. *Mane comedet prædam.* Ubi item in Hebraico est **לָקַח**, quod prædam isthic loci notat. Aut quod probabilius est, conjunctim hæc sumi debent, *Pater præda*, aut *Pater spolia*, quod in manus ipsius devenit, eo modo quo nunquam factum esset, & nunquam post illa fiet. Et R. AbenEzra explicat illud **לָקַח**, sicut eo „ indicetur regnum Judæ illius causa protrahendum esse ac duraturum diutius. Atque tum **לָקַח** *æternitatem ac perpetuitatem* notaret, sicut de Deo „ dicitur, **לָקַח** *inhabitans æternitatem* Jes. LVII. 15. *Princeps*, quia revera erit Princeps & Magnus in Israele. *Pax*, quia pax & veritas erit in „ diebus

„diebus illius. Atque hoc sensu omnia hæc nomina essent nomina Hiz-
 „kiaz. Ita dicitur in Capite *Cheleck*. Veniet Hizkias octo nominibus in-
 „signitus, & vindictam sumet de Sennacheribo, item octo nominibus ap-
 „pellato. Ac tum porro octo hæc nomina enarrantur, quibus octo Sen-
 „nacheribi nomina adduntur. Sed hæc ad institutum nostrum non faciunt,
 ideoque nec ascribo.

XLVII. De posteriori sententia prædictus modo Aberbenel ita loqui-
 tur. „Sed juxta sententiam Jonathanis & R. Salomonis Jarchii, omnia
 „hæc nomina sunt Dei O.M. tantummodo posterius illud, *princeps pacis*, Hiz-
 „kiaz competit. Et tunc sensus textus hic erit, & Deus O. M. qui est mi-
 „rabilis, Consiliarius, Deus fortis, Pater æternitatis, is, inquam, Bene-
 „dictus vocabit Hizkiam principem pacis; quia pax & veritas erit in diebus
 „illius. Et argumentum pro se ex ipsa scriptione vocis *חִזְקִיָּא* desumunt,
 „ubi sub Jod est Chireck, & sub Resch Kametz, Christiani vero translu-
 „lerunt *חִזְקִיָּא*, sic ut 'ub Koph sit Kametz, & sub Resch tzere, adeo ut a
 „creaturis ita appellandus foret. Atque ita dicunt transulisse LXX. inter-
 „pretes. Tunc subjungit quæ non ratio ipsi, sed furor & splendida bilis
 dictavit in D. Jesum, probatque eum hic intelligi non posse, quippe qui
 plus quam quingentos annos post illud tempus natus est, cum tamen Pro-
 pheta in præterito, de re jam facta loquatur. Quod nos supra refutavi-
 mus.

XLVIII. „Sed redeamus, inquit, ad sectionis hujus explicationem.
 „Juxta sententiam Jonathanis aliorumque interpretum, conveniens duxit
 „Propheta Deum ipsum hoc loci omnibus istis nominibus nuncupare: ut
 „pote quæ appropriata sunt actionibus illius, quas peregit tempore Hiz-
 „kiaz. *Mirabilis* dicitur, propter miracula quæ fecit in interitu Senna-
 „cheribi, in sanatione Hizkiaz, in retrogrado recessu umbræ solaris. *Con-*
 „*siliarius*, quia consilium ejus consistit, & non consilium Sennacheribi.
 „Sicut dixit Jes. viii. 10. *Inite consilium & dissipabitur*. Et Psalmista, *con-*
 „*silium Domini subsistet*. Psal. xxxiii. 11. *Deus*. Quia ipse est verus Deus,
 „& non juxta blasphemiam Sennacheribi. *Quinam sunt ex harum terra-*
 „*rum Diis, qui terram suam ex manu mea eripere potuerunt*. Jes. xxxvi. 20.
 „*Fortis*. Quia ostendit fortitudinem suam in interitu Sennacheribi. *Pa-*
 „*ter æternitatis*. Quasi dicas Pater temporis & ævi, quippe in cujus manu
 „fuit addere ad Hizkiaz vitam xv. annos. Et hoc modo posset etiam id
 „quod sequitur, *Princeps pacis*, Deo applicari, quia ipse est princeps &
 „Dominus pacis. Et tunc, cum dicit & *vocabit nomen ejus*, non esset pro-
 prie ullius nominis appellatio, sed claritatem ac celebritatem notaret, sicut
 Ruth.

Ruth. IV. 17. וְקָרָא שֵׁם בְּנֵית לֵהָוָה. Hoc est, habeat celebre nomen in Bethlehem. Similia loca adducit plura. Et subjungit. Si denique reliqua omnia hæc nomina Hizkia applicare, poteris illud facere, quia mos est, linguæ Sanctæ communicare nomina Dei benedicti, cum iis qui ipsum ti-
ment, & de nomine illius cogitant. Sic Hizkia fortitudinem denotat Dei, Jesaia salutem Dei &c.

XLIX. Ex prolixo hoc discursu id *primum observe*, magnam hæc sententiarum varietatem satis ostendere, Judæos mera ac inania effugia querere: nullamque adeo explicationem iis satisfacere, quum novam continuo investigent. Quod palpitantis assidue & nusquam sibi placentis ingenii indicium est. Sic solent illi qui *κρησφύγετον* illud in quo latent, minus tamen existimantes, aliud continuo captant, ubi melius se post carecta latere sperant. Poëtam laudat Flaccus, qui, quæ

Desperat tractata nescere posse, relinquat.

In sacrarum litterarum interprete, qui tot se invicem destruentia commiscitur, fugam id veritatis notat, à qua alias atque alias perpetuo labra sibi quaerit. Veritas in unaquaque re una tantum est. Falsitas tortuosa ac multiplex. Tot itaque ambages querere, fugientis potius quam triumphantis indicium est.

L. Secundo, in hac sententiarum Judaicarum discrepantia multum pro veritate præsidii est. Videant Judæi quid respondendum sit ad argumenta inde desumenda; & facile ea se sibi intrivisse cernant, quibus exedundis non sunt, nisi manus dare veritati, cujus solius hic triumphum optamus, malint. Ego duas theses tantummodo proponam, ex allegatis expositionibus inter se collatis, quibus nostra, id est Orthodoxa sententia plane contineatur.

LI. 1. *Nomina hæc non sunt nomina illius, qui hic introducitur ut persona nominans, sive, non pertinent ad enunciationis hujus subjectum, sed sunt nomina illius, de qua sequenti versu agitur (quem ex Abertemel ipso ostendimus esse Messiam) sive, pertinent ad prædicatum.* Hoc fatentur illi omnes qui ad Hizkiam hæc nomina referunt. Hoc diserte afferunt Talmudistæ in Capite Chelek, qui non Dei nominantis, sed personæ nominatæ dicunt esse nomina. Id vulgo dicti septuaginta Judæorum interpretes confirmant: qui ita transtulerunt. ὅτι παιδίον ἐγενήθη ἡμῖν, ὃς καὶ ἐδίδου ἡμῖν, ὃ ἦν καὶ ἐγενήθη ἐπὶ τῷ ὄνομα αὐτοῦ, καὶ καλεῖται τὸ ὄνομα αὐτοῦ, Μεγάλη Βαλῆς ἄγγελος. Imo id res ipsa clamat, neque enim solet scriptura tot epitheta Dei cumulare sine causa & exigentia loci. Id Sultatum potius T-

carum deceret, quam Deum Israëlitis. Neque Deo absolute summo unquam consiliarii nomen tribuitur, quod filio Dei, qui totum consilium Patris nobis revelavit, apprimè convenit. Denique scopus est Prophetiæ, non Dei absolute, sed Regis populi sui personam & officium describere. Quod ex omnibus textus circumstantiis manifestum est. Id nunc primo observetur.

LII. 2. Nomina hæc talia sunt, ut commode, nisi de Deo qui Deus est explicari nequeant. Id fatetur Jonathan, id R. Sal. Jarchi, id Lipmannus vult, & plures alii, dum dicunt hæc nomina esse Dei benedicti, nec audent ea creaturæ applicare. Et sane quomodo tot eximia epitheta simul, מְלִיךָ עוֹלָמֵנוּ מִירְבֵּי חַסֵּד מִרְבֵּי רַחוּם מִרְבֵּי שְׁמוּעָה מִרְבֵּי נֶחֱמָה מִרְבֵּי חַיִּים מִרְבֵּי אֱמוּנָה מִרְבֵּי יְרוּשָׁה מִרְבֵּי צְדָקָה מִרְבֵּי לֵוִי מִרְבֵּי אֲבוֹתָיו מִרְבֵּי אֲבוֹתָיו מִרְבֵּי אֲבוֹתָיו Mirabilis, Confiliarius, Deus Fortis, Consistens in sacula, ut illud עַד אָבִי explicat Jonathan, nudo alicui homini-convenient? Ubi in Sacris litteris huic simile quicquam extat aut secundum? Deus dicitur, non quo sensu iudices Dii sunt, (ubi in Hebraico etiam est אֱלֹהִים & non אֱל) sed, ut Aberbenel hanc sententiam explicans ait, הוּא ה' לְפִי שְׂמוֹת הָאֱלֹהִים quia verus Deus est. Et abi עַד אָבִי non quasi esset, Pater spoliū. Nugæ sed quia in sacula consistit, ut Jonathan; קִיין לעולם והוא אבי הזמן, Consistens in sacula & Pater temporis, ut Kimchi; אָבִי עַד יִרְמֹן לְחַיִּים הַנֶּחְמָה. Pater æternitatis significat vitam æternam, ut Aberbenel loquitur sicut עַד non sit hic in significatione spoliū, sed מְלִיכָה התמדת sed in significatione perpetuitatis, ut AbenEzra scribit. Quod quo sensu in hominem, quo in Hizkiam quadrat? An quod xv. anni vitæ ipsius additi, pater vocatur æternitatis? Num quindecim anni in Judæorum lingua æquipollent æternitati? Non sane. Idem hic significat æternitas, quod Jes. LVII. 15. fatente AbenEzra, ubi præter absolutam æternitatem Dei nihil notare potest. Atque uti æternitatis vox inepte quindecim illis annis applicatur, ita nec propter eos æternitatis Pater dici Hizkias potest: Qui enim hic æternitatis Pater dicitur, ita vocatur כְּרֹמֵה וְגִידוֹ שְׂמוֹת בְּרָאוֹת לְהוֹסִיף וּלְגָדוֹעַ quod ipse creaverit eam, quodque in ipsius manu sit, tempus hominis augere vel minuire, ut Kimchi ait. Quum ergo nomina hæc talia sunt, ut Divinam omnino gloriam significant, uti hæc thesi ex ipsis Rabbīnorum dictis ostendimus: Quumque illius nomina sint, qui à Deo ipsum his nominibus vocante distinguitur, uti thesi præcedente ex alijs probavimus: Concludo, eum de quo hic agitur verum Deum esse, & tamen ab alio, qui itidem verus Deus est personaliter distinctum:

LIII. Neque meræ aut inanes argutiæ sunt quibus Judæos conor ir-
retire, id uni, aliud alteri præter mentem suam surripiens, quo ipsum po-
tius & locios oppugnem. Sed animus tantummodo fuit conclusionem

meam elicere ex iis præmissis, quas ipsi Judæorum doctores mihi dede-
runt. Quod & candide feci. Id ut liqueat, argumentum in forma pro-
ponam. Cui talia adscribuntur nomina, quæ præter verum Deum nemi-
ni competunt, is verus Deus est. Atqui Messia hic talia adscribuntur no-
mina, quæ præter verum Deum nemini competunt. Ergo. Majorem, præ-
terquam quod ex se ipsa evidens sit, probavi Num. XLII. Minor est bimem-
bris, dicitque primo de Messia hic agi, quod probavi Num. XLIII. secun-
do hæc nomina talia esse quæ soli Deo competant, quod demonstratum
Num. LII. Et quia excipi potest, etiam si hæc nomina verum Deum in-
nuant, & etiam si his versibus de Messia agatur, tamen non sequi Messiam
esse verum Deum, quia non sunt nomina Messia, sed illius qui Messiam
appellabit Principem pacis, ideo hanc exceptionem, quæ unica supererat
everti, Num. LI. certus me nihil dissimulasse, vel quicquam dolo ma-
lo alicui affinxisse. Et de filio Dei hæcenus.

LIV. De Spiritu Sancto pauciora me in Hebræorum scriptis, præter
ea quæ supra dicta sunt, reperisse fateor. Atque si ad hominem, uti hæ-
cenus feci, argumentari volo, vix quidquam occurrit ad illius Divinam
personalitatem à Patre & Filio distinctam demonstrandam, præter ea quæ
Commentatores annotarunt ad Jes. XLVIII. 16. *Et nunc Dominus Jehova mi-
sit me* & SPIRITUS ILLIUS. Unde sic jam argumentor. Is qui Prophetas
ad prophetandum mittit, verus ac æternus est Deus. Atque Spiritus San-
ctus distincte à Patre Prophetas mittit. Ergo.

LV. Major non tantummodo patet ex Jer. XIV. 14. 15. Ubi Domi-
nus Prophetas esse negat qui à se missi non sunt; sed & emphatica para-
phrasi Aberbenelis. Is ita ad hunc locum annotavit. כשכר וכוב נביאים
הנביאים כשמי לפי שלא שלחתים בשליחותי ולא צויתי אותם לדבר אל
העם ולא דברתי אליהם דבר מבלי שליחות ולכן אינם נביאים ואין
ענינם נבואה. *Falso & mendaciter prophetarunt propheta illi in nomine meo,*
quia non misi illos missione mea, nec precepi illis ut loquerentur ad populum meum,
nec unquam sine missione ad illos locutus sum, ideoque propheta non sunt, nec nego-
tium ipsorum est Prophetia. Viden? Prophetæ illi non sunt, quos non mi-
sit Dominus. Et per consequens solius Domini est Prophetas mittere. Sed
speciatim, Jehovah eum fuisse à quo missus est Jesajas, docet Kimchi ad
Jes. LXL. I. וזה לומר כי הכשירות הטובות שאמר ושעתיד לומר רוח.

הנבואה מאת ה' היא משרתה עליו ושלוהו האל לבשר בהם ישראל
העתידים להיות. *Vult dicere, quod vaticinia istius bona, quæ prædixerat*
ante;

ante hac, & etiamnum predicturus erat, provenirent à Spiritu Jehova ipsum inhabitante, & quod missus esses à Deo ut futura Israeli vaticinaretur. Sic est, præter Deum nemo fuit qui Jesaiam ad prophetandum misit. Quo incipimus facit quod Veteres Judæorum interpretes annotarunt apud Aberbenelem ad Jes. vi. 8. Ubi ita loquentem introducunt Deum. חַיִּיךְ שָׁכַל &c. הַנְּבִיאִי *Ita vivas Jesaia, omnes Propheta prophetarunt, propheta ex ore propheta, dictum quippe est, quievit Spiritum Elia super Elisa, & Spiritum Moysi super LXX. senioribus, לפי הנבירה מלך אתה איך מנבא מלא לפי הנבירה* Verum tu non prophetas nisi ex ore Fortitudinis (sic aliquando Rabbini appellant Deum) Hoc illud est quod dicitur, Spiritus Domini locutus est in me, verbum ejus in lingua mea. Ecce, si Rabbini hisce credimus, peculiare hoc habuit Jesaias, quod immediate per eum locutus sit Deus, & consequenter ipse immediate à Deo missus.

LVI. Jam vero non Deus tantum (voce hac *שְׁמוֹת* sumpta pro Patre) sed & Spiritus Dei misit ipsum. Utique Spiritus Dei, idem Deus est, uti *supra* Num. xii. ex Aberbenele probavimus, qui rursus diserte hoc asserit in propositione quæstionis secundæ, ad Prophetiam xxxiv. Jesaiæ incipientem cum com. 7. Cap. Lxiii. *Posuit in medio ipsius (inquit) Spiritum Sanctitatis sue, רוח הקדוש ברוך הוא, שדומה רוח הקדוש ברוך הוא qui est ipfissimus Sanctus Benedictus.* Ex tamen Spiritum Dei hic à Deo distingui, non tantum textus ipse docet, sed & plerique Judæorum interpretes, AbenEzra, Haggagion, Kimchi, alii observarunt. At ubi, quid per Spiritum Dei intelligi debeat, explicaturi sunt, inter se non conveniunt. AbenEzra Angelum esse vult Persiæ regno præfectum, uti cuique regno angelum suum præfectum esse ex Daniele liquere ait. Kimchi similiter per Spiritum Dei Angelum intelligit, quo mediante Deus Prophetæ locutus est. Et rationem, cur hic speciatim Spiritus mentio fiat, hanc assignat; quod quandoque propheta vocem audiret, non viso angelo, nunc autem simul per visionem propheticam angelum cerneret. Sed vana sunt hæc commenta. Ne enim id repetam, quod modo demonstravi, à solo Deo Jesaiam missum esse; nunquam in Sacris litteris Angelus aliquis Spiritus Dei appellatur. Viderat hoc Kimchii Pater, qui referente filio, sic annotavit. ועתה ה' אלהים שלחני ורוחו שם בקרבי להתנבא העתידות. *Et nunc Dominus Deus misit me, & Spiritum suum posuit in medio mei ad vaticinandum futura.* Nunquid Spiritus iste, qui Prophetis insidet, per quem futura vaticinantur angelus aliquis est? Nihil minus. Nec hoc, credo, Judæi dixerint. Saltem non omnes ut Num. xx. ostendi.

LVII. Aliter solent Hebraei de Spiritu Sancto per
quomodo magnis hisce doctoribus in mentem venerit
angelum ex eo facere. Nunquid Angelum notat cum
ז הקדש ואמר שלשה ספרים. pag. 2. col. 4. משלי קוהלת ושיר השירים
Habitavit SPIRITUS
dixit per eum tres libros. Proverbia, Ecclesiasten, &
Nunquid Angelum innuit Targumista Onkelos, qui
ושרת רוח קורש על יעקב אברהם
Et habitavit
Jacobum Patrem ipsorum. Sane tales hæ Phrasiologia
sunt dicere voluerit D. Paulus, ὁ ἀνὴρ τὸ θεῶν ὁ λόγος
Id enim mihi admodum volupe semper fuit, Aposto-
lulas cum veteribus Judaicis componere. Ut cor-
ritus Sanctus creatum aliquem angelum non notat.
tat: quippe aliquem cum Authoritate mittere personam
personam divinam notat: quia prophetam mittere a
Dei opus est. Ac denique personam divinam notat
quia Patri hic adjungitur, & ejus dicitur esse Spiritus
pra probavimus.

LVIII. Tu Deus, qui unus & Triunus es, I
Sanctus, misere afflictiſſimæ gentis, sed gentis qui
velum, quo tam diu cooperti jacere, ab ipsis
jam sæcula dictum est *Lo Ammi* & *Lo Ruchama*, dici
et illud *Ammi* & gratiosum illud *Ruchama*: Inde it
mentibus ipsorum, ut Te agnoscant verum Deum,
Christum, per virtutem Sacro Sancti Tui Spiritus.

וְעַתָּה יְצִינֶךָ בְּמַהֲרָה בְּיָמֵינוּ:
אָמֵן. וְאָמֵן.

HERMANNI WITSII
AD
AMPLISSIMUM VIRUM,
ULRICUM HUBERUM,
DISSERTATIO EPISTOLICA,

In qua de Scripturæ Sacræ Auctoritate Divina ex
sola Ratione adstruenda ; de Operationibus Spiritus
Sancti in electis, mediatis an immediatis ; de conscien-
tia nunquam, aut aliquando errante, placide discu-
tatur.

Addita est, ob materię adfinitatem,

O R A T I O,
DE
PRÆSTANTIA VERITATIS
EVANGELICÆ



ULRICO HUBERO
S U O
HERMANNUS WITSIIUS
S. P. D.

AMPLISSIME VIR!

QUæ subortæ apud vos sunt controversiæ, eas, tam ex litteris tuis, quam ex ultro citroque editis libellis, non sine insigni mœsticia intellexi. Mirabar tantum nobis, in tam universali rei Christianæ calamitate, ac tam deplorato propemodum statu, otii atque securitatis esse, ut nescio qua ingenii prurigine occasionem demus infauftis litibus, quibus in propria læviamus viscera. Sed & indignabar, me quoque, qui ex minimis, sed pacificis in Israele sum, ad partes rapi. Nam illos, quibus diversum à te sentire lubuit, me plus semel pro se citare deprehendi; at sale prius comico adpersum, vel, si verum dicere liceat, succo holliginis atræ. Et tamen, pro veteri nostra necessitudine, haut paullo humanius urbanusque sententiam meam atque consilium exposcis. Equidem expertus jam multifariam seculi malignitatem sum: atque hos demum vitam vivere tranquillam animadverti, quibus eam silentio transigere licet, sic ut officio suo placide fungentes, de cætero sibi canant, suisque, quod ajunt, Musis. Hinc est, quod aliquot jam retro annis in publicum non prodierim; quamvis repetitis vicibus, impugnatus, laceffit, provocatus, diæteriis etiam & opprobriis proscissus. Hortabatur aliquando amici, ut me meaque, sine ratione, uti illi quidem credebant, impugnata, defenderem. Non deerat scriptionis materia, & in promptu habebam quæ reponi possent. Sed obstitit, mihi crede, reverentia

rentia nominis, & conscientiae tranquillitas, & pax atque ædificatio Ecclesiae. Quas ego res, non universas solum sed & singulas, qualiscunque existimationis meae diminutione haut gravate redemptas cupiebam. At neque magnam sic agendo existimationis jacturam metui; dummodo non verbis, sed factis, comprobatum darem, ejus me sapientiae candidatum esse, quæ *superne veniens primam quidem casta est, deinde pacifica, aqua, obsequens, plena misericordia & fructuum bonorum, absque disceptatione & minime fucata.* Memineram ejus quod Jacobus olim scripsit: *quis sapiens & scientia praeclatus inter vos, is demonstret ex bona conversatione opera sua in operibus suis.* Neque invidibam aliis quam affectare videbantur acuminis ac voluminis laudem, modo eam modestiae ac lenitatis retinerem. Et doctrina quidem eorum hactenus ad animum revocavi, ut serio excuterem memetipsum ecquid ex vero traherent, quo admonitus increpitusque ea corrigerem quæ non via atque ordine à me gesta esse convincebar. Deo immortali agebam gratias, quod acerbiori aliorum calamo mei molirentur emendationem: eorum interim misertus, qui, ut ego forte emacularer, ipsi sese affectuum suorum labe conspurcabant. *Doctrinam* autem meam, & sententiam de iis quæ hodie inter Theologos disputari solent, ita clare, distincte, nitide me exposuisse arbitrabar, ut satisfactum causæ esset, neque reformidarem piorum atque eruditorum, qui extra partes positi sunt, etiam sine ulteriori mea replicatione, tribunal. Ignoscant mihi Viri eruditissimi, si dicam quod res est; nullam me in ipsorum impugnationibus argumentationem invenisse, quæ à sententia discedere subigeret. Sed neque *candoris & modestiae* conscientiam excusserunt. Quod enim me ex eo plurimum profecisse cavil'entur, cujus placita nonnulla ad examen revocare atque improbare sustinui, id ipsum ego in non minima candoris parte colloco. Dona Dei in omnibus servis ejus suspicio; eo præsertim Viro, quem illi quidem stupent, ego autem veneror; sic tamen ut hominem esse meminerim, qui sicut cæteri, ex parte cognovit, ex parte prophetavit. Et cur nefas mihi fuit aliquid ex eo haurire, cujus ipsi sine delectu deglutiunt omnia? Quis mihi, sine populi suffragio Dictator, eam legem fixit, ut ex eo quod viritum terit publicus usus aut omnia sumenda essent aut nihil? Neque fane profectuum meorum auctorem dissimulavi, quem toties à me laudatum æquus lector deprehendet. Nunquid necesse, aut decorum fuit, ad singulas etiam minutias, illius prædicare elogia, quem nostris majorem esse ipsi credunt, neque ego abnuo? Porro quod de violata *modestia, æquitatis ac charitatis* lege objectant, id frustra ab iis dici, probe mihi conscius sum. Nihil enim hic mihi summi, præter dissentientiæ liberta-

libertatem. Dissensum autem iis verbis testatus sum, quæ nemini agere possunt nisi vel valde iracundo, vel admodum querulo, vel nimio certe opinionum suarum amatori. Et cedant, si possint, ex suis aliquem, qui, non dicam me, sed maximos etiam Viros, ac Celeberrimos quæ patet reformatus orbis Theologos, diversum ab iis sentientes, vel decim parte ejus lenitatis exceperit, quam ego me Viris eruditis debere existima- vi. Et quid multis? Conferantur cum meis quæ *Meynertsenius* ille vixit pridem adversus *Wolzigium*, nuper contra *Spanhemium*, nunc quoque contra te, *Amplissime Habere*, commentatus est, nonne mea sesamum atque papaverem dixeris, illius autem splendidam bilem aut æruginem meram? Hæc ego animo meo tacitus sæpe numero agitabam; atque, ubi commo- dum erat, exponebam amicis, operosioris Apologiz securus. Neque co- gitabam futurum esse ut enarrarem publico. Verum, uti res humane sunt, aliæ ex aliis nascuntur occasiones. Inque eo me theatro collocant sortis nostræ arbiter, ubi mutam semper personam agere non licet. Atque hoc rerum cardine necessitas aliqua mihi imposita esse videtur, quæ utrimque compeller, ad veritatis elucidationem, symbolam quoque meam conferendi. Nimirum disputari apud vos ceptum est, an *errorem cur- rentem*, ad quem ne gradus quidem absque flagitio fieri possit, illi committant, qui intrepide & ipsi credunt, & aliis inculant, quæ rationi recte adversissima sunt, modo id in scripturis contineri sibi persuasum habeant? Num Scriptura Divini- tas, quæ auctoritas ejus omnis nititur, aliunde quam ex ratione adstrui possit? Num culpa liberandi fins, qui adferere sustinent, si Ratio aliud quid nobis dis- taret quam Scriptura, Scriptura potius esse credendum? Omnia alia, quæ juve- nilis calor impetu effusa, ad vivum ressecanda non arbitror. Verum & de *Spiritus Sancti in electis operationibus* contendi deprehendo, & quid de iis seorsim ab *Enthusiasticis* Reformata Ecclesia doceat? Item de *Conscientia* ho- minis, ecquid ea, ab errore omni immunis, non nisi quod verum atque certum est dicere possit? Hæc indigna sane problemata, quæ nostram quoque ex-erceant industriam. In quibus finiendis si quid fortasse aliud sentiam quam nonnulli Academix Vestræ Procures, nolim id profecto in *Academia cum- meliam* trahi: cujus florens status non nisi invidis hominibus, hoc est ma- lis, & tui mei que valde dissimilibus, *sudes in oculis* esse potest. Ego certe omnes invidiæ causas procul habeo, & tot ei me nominibus devinctum agnosco, ut nunquam destitutus sim sana ei, sancta, ac prospera omnia apprecari. Quod propositum excussura mihi non sunt aliorum quantu- vis inclementia dicta aut facta. At non male mox de Academia mereatur, qui non omnia omnium Professorum molimina approbat, & juventutem

teneram sedulo monet, ne quovis doctrinæ vento abripi se patiatur. Cæterum ad rem, si placet, veniamus.

I. Equidem sic existimo; quemadmodum in omni quæstione ita & in hac, certa ab incertis, ea de quibus disputari potest ab iis quæ citra omnem disputationis aleam posita sunt, prudenter esse distinguenda; & rei potius momenta esse libranda, quam ut de vocula incommode dicta otiose atque odiose altercemur: nisi fortassis vehemens suspicio sit, virus aliquod subesse, quod vires suas periclitari gestiat.

II. Atque in eo primum omnes conveniunt, *non posse id non esse verum quod recta Ratio homini dicat*, sive quod ex indubitata veritatis principiis, evidenti, perspicua, & nusquam hiante argumentatione, deducitur. Quia ipse Deus, Veritatis fons, ac mentis nostræ Auctor, luminisque in ea splendentis origo, id nos per Rationem docere censendus est.

III. Sed & id apud nostræ professionis homines extra controversiam esse debet, *primi parentis vitio ac crimine vigorem humanarum mentium, ingenii acrimoniam ac judicii soliditatem, plurimum imminutum atque retusam esse*, sic ut plurima scitu utilia ignorare cogamur, alia multa difficultate vix tandem adsequamur, in nonnullis etiam, quæ certo nos scire opinati sumus, valde erremus atque fallamur. Cujus erroris causa non Deo, sed communi naturæ corruptioni, & nostro quoque vitio, adscribenda sit.

IV. Tertio & hoc in confesso esse arbitror, *rationem nostram naturalem certis circumscriptam esse limitibus, quos transcendere non valeat, quantumvis nitatur*. Posse quidem hominem solo rationis lumine adjutum, eoque diligenter utentem, multa de se, multa etiam de Deo cognoscere, quæ ad Dei essentiam, existentiam, attributa, virtutes; quæ ad creaturarum omnium omnimodam à Deo dependentiam; quæ ad hominis officia; quæ ad bonorum ac turpium discrimina pertinent; aliaque id genus aliquammulta. Sed & non pauca superesse cognoscenda ad veram æternamque beatitudinem, quæ aliunde discenda quam ex lumine Rationis, quæque immenso propemodum intervallo excedunt eam altitudinem ad quam accuratissimis etiam meditationibus eniti mens humana valeat. Talia sunt, trium personarum in individua Deitate Unitas, eaque omnia fidei nostræ mysteria de quibus Paulus dixit: 1 Cor. II. 7. 8. 9. *loquimur sapientiam Dei in mysterio, occultam illam, quam praeferat Deus ante secula, ad nostram gloriam: quam nemo principum seculi hujus cognovit: sed sicut scriptum est, quæ oculus non vidit, nec auris audivit, nec in mentem hominis venerunt*. Quæ hujus generis sunt, ea si cogniturus sit homo, oportet ut per supernaturalem Revelationem, quæ à mera rationis lumine diversissima est, notificentur.

V. Porro quum *Manifestatio* quæ per *Naturam* sit, eaque quæ ex *supernaturali Revelatione* est, pariter ex Deo sint; palam est, *alteram alteri repugnare non posse*. Non enim Deus ea mentibus nostris axiomata iniecit, quæ vel destruant sublimiora fidei mysteria, vel ab iis destruantur. Aliud est, *Natura axiomata* longe subsidere infra *Revelationis dogmata*, neque ad ea pertinere, aliud iis *repugnare*. Iterum aliud est, *Revelationis dictata Natura* scita *transcendere*; aliud ea *convellere*.

VI. Qui itaque scripturam Divinitus revelatam agnoscit, is, si sanæ mentis sit, persuasum habere non potest, *scriptura contineri qua Rationi Rectæ adversissima sunt*: neque potest ea *qua rationi Rectæ adversa novit*, vel ipse credere, vel aliis inculcare, eo argumento quod in *Scriptura* *existens*. Neque ullum Theologorum nostrorum novi tam stupidum, ut tam crassum errorem erret. Ideoque ærem ferire videtur, qui nescio quibus tam flagitiosum, ut ait, errorem imputat. Aliud est, si quis clare animadvertens aliquid in *Scriptura* contineri, exinde inferat, non posse illius contrarium, utut ab aliis, vel à se ipso etiam, pro *Rectæ Rationis dictamine olim acceptum*, *Rectæ Rationis dictamen* esse. Ea enim illatio legitima est, ex concessio utrimque principio, *Verum Vero non potest esse contrarium*. Idcirco, quando vera deprehenditur contrarietas, necessum est errorem esse vel in *argumentatione rationis*, vel in *intellectu scripturæ*. Ubi vero quis persuasus est, non errare se in *interpretatione scripturæ*, simul eum persuasum esse par est, errorem latere in *illatione rationis*. Ideoque nemo mortalium est, nisi *delirus*, qui credat aliquid *Rationi sanæ* esse *adversissimum*, & insimul persuasum habeat, illud in *scriptura*, quam pro *Divina*, id est *sapientissima*, summeque *rationali* habet, contineri. Uti nemo est, nisi *religionis expertus*, qui, ubi aliquid *clare in scriptura assertum* invenit, non sit *mendacium impatiurus rationi*, quantumvis pertinaciter contra garrienti. Licet disputare jam videar atque arguere, ea tamen me puto dicere, quæ cuivis attendenti tam sunt evidentiæ, ut pro concessis merito sumi queant.

VII. Hujus generis & illud est: *Revelationem supernaturalem certæ quadam gnorismata atque indicia habere*, quibus de illius Divinitate constare possit. Etenim nemo obligatur ad aliquid pro *Divino recipiendum*, quod *Divinum esse* neque novit, neque certis argumentis nosse potest. Fides religiosa non est *stoliditas*, sed certa quædam *notitia*: est *ἔλεγχος ἀποδείξει*, & *φανερώσει ἀληθείας πρὸς συνείδησιν*: ut Theologi nostri omnes ex Paulo arguunt. Illa *demonstratio & manifestatio ad conscientiam*, gignens *πληροφορίαν τῆς συνείδησιν εἰς ἐπίγνωσιν τῆς μυστηρίου* *plene certioratam intelligentiam ad agniti-*

nem mysterii, Col. II. 2. supponit *indicia*, quibus vera revelatio à ficta dignosci queat, & *indiciorum* illorum *dignotionem* importat.

VIII. Denique & illud certum est, *dignotionem istam opus Rationis esse*, id est *mentis*, sive *intellectus* nostri. Neque enim alia facultas homini à Deo concessa est, qua verum à falso dirimat, præter *rationem*, sive *mentem* suam. Atque hoc sensu bene dicitur, *per Rationem* nostram, id est *per mentem* illiusque operationes, *scripturarum Divinitatem adstrui*. Nam & ipsa *fides*, *mentis* nostræ operatio est. *ἕκαστος ἐν τῇ ἰδίᾳ νοὶ πληροῦσθαι δυνάμεναι.* Unusquisque mente sua plene certus esto. Rom. XIV. 5. *Fidei oculi* sunt *πνευματικοὶ ὀφθαλμοὶ τῆς διανοίας*, *illuminati oculi mentis*. Eph. I. 18. Atque hæc hæcenus sunt *ἀναμφισβήτητα*.

IX. Sed duo quaerenda restant: primo, *ex quibus principiis*, sive *axiomatibus*, *adstruenda Revelationis Divinitas* atque *auctoritas sit*; deinde, *an ita disposita sit nostra Ratio ut per se sola*, *ex illis axiomatibus argumentando*, se, atque *alios*, *de Divinitate Revelationis convincere possit*; &, *si quid Rationi nostra accedere debeat*, *quid illud tandem sit*, *ac quomodo operetur*. Duæ hæc quaestiones rite à se invicem discernendæ sunt: quippe ex quarum confusa aliquando tractatione confusi sunt formati conceptus, & locutiones intricatæ.

X. Primam quaestionem quod attinet, sunt qui dicant, *Revelationis Divinitatem*, &, quæ ei innitur, *Auctoritatem*, *non nisi ex Ratione adstrui posse*. Ea verba hunc sensum legentis menti ingerere videntur, *ex solius rationis principiis, axiomatibus, scitis, de Divina Revelationis Auctoritate & certitudine disputandum esse*. An id velint, an aliud, Thesicos illius defensores, ipsi viderint, & videt Deus. Ego de re dicam.

XI. Atque ita existimo: distinguendum esse inter *Revelationem* quæ *alicui immediate*, atque *extra ordinem*, à Deo obtingit; atque inter *Revelationem*, quæ, *alteri facta*, *mibi*, Dei nomine, vel *verbo*, vel *scripto*, *annunciatur*. Prioris generis revelationibus Patriarchas, Prophetas, aliosque interioris admissionis suæ amicos, olim dignatus est Deus. Quomodo autem illi de *Divinitate revelationis sibi facta* convicti sint, operæ pretium est anquirere.

XII. Non puto eos excussisse *rationis* suæ *serinia*; atque ad *axiomata* pridem *recepta*, & pro liquidissimis veritatibus habita, diligenter examinasse quæ nunc sibi recens revelabantur, ut exinde iudicium facerent, utrum pro *Divinis* recipere, an ceu *illusiones* mali dæmonis rejicere, tenebantur. Adeo quidem, ut si cum *rationis* suæ *priscis dictatis* convenirent, *admitterent alacriter*; sin *illis repugnare viderentur*, *repudiarent*, vel cer-

te ampliandum censerent. Eam si institissent viam pii illi neque minus prudentes Dei amici, vix videtur fieri potuisse, ut tanta alacritate amplecterentur factas sibi à Deo revelationes.

XIII. Sumamus pro exemplo *Abrahamum*. Tentavit eum Deus, deditque in mandatis, ut filium suum, unicum suum, dilectum suum, Isaacum, ex quo promissa sibi erat innumerabilis seminis multiplicatio, offerret in holocaustum. Persuaderi ante omnia Abrahamus debuit, *Divinitus hoc sibi fuisse injunctum*. At quo pacto persuasus est? An attendit ad *innatas* sibi, aut *acquisitas* ratiocinatione *ideas*? Nunquid invenit in iis, pulcrum atque decorum parenti esse, filium unigenitum, eumque optimum, mactare? Aut gratum esse numini *φιλανθρωπίω* sancti juvenis holocaustum? An viam expediebat *Ratio*, *Ratio*, inquam, non *Fides*, *mandatum* hoc conciliandi cum *promissionibus Divinis* de Isaac? Si vel omnes *idearum* suarum, quas *Ratio* suggererat, forulos vacuefecisset Abrahamus, an ex omnibus invenisset aliquas, quæ Divinitatem mandati suaderent? an certe non multo plures, quæ scrupulum injicerent?

XIV. Neque velim excipias, hoc profecto rationem dictare, *Dei, aut supremo Domino, parendum esse in omnibus*. Non enim ea res nunc agitur. Bene est, si jam *constet* aliquid à Deo esse mandatum. Verum id quaeritur, *unde constare possit*, id quod nunc animo meo obversatur vere à Deo mandatum esse? Hic ego contendo, *parum* aut nihil Abrahamo *pro-fuisse, obfuisse* potius, *Rationis suæ axiomata*.

XV. Idem observare licet in iis *Revelationibus*, quæ olim *Prophetis & Apostolis* factæ, nunc *sacris litteris comprehensa*, pro *Divinis à nobis recipienda* sunt. Ut animus noster de Divina earum auctoritate convincatur, non consulenda sunt *Rationis nostræ dictamina*, neque *Scripturæ dogmata ad ea primum exigenda* veniunt, ut postquam *Rationis examen* sustinuerint tum demum pro *Divinis* habeantur. Pro exemplo hic sit ea *Scripturarum revelatio*, qua docetur *personarum in una atque individua Deitate Trinitas*. Quibus *argumentis* adstruetur revelationis illius *Divinitas*? An ex *rationis* penu depromtis? At quid vidit, quid deprehendit, quid concepit unquam *ratio*? quid in omnibus ideis suis animadvertit huic rei simile?

XVI. Sed *nihil habet*, inquis, *Ratio*, quod veritatem hanc, ubi proponitur, *dissuadeat*. Nescio an id ita sit, si de *Ratione nuda* ac mera agas, quæ nondum ad *obsequium fidei subjugata* atque edomita est. Sed demus esse. Non sufficit illud. *Argumenta* quaerimus *demonstrantia*, cogentia, convincentia, quibus tuto inniti *fides* queat: talia denique quibus valide ad quamvis conscientiam adstruatur *Revelationis*, de qua loquimur, *Divinitas*.

nitas. Ea ego in universo Rationis thesauro inveniri, non arbitror. Si sint, gratam rem fecerint Viri eruditissimi ea eruendo.

XVII. In promptu sane assertionis hujus nostræ ratio est. Quippe *Ratio* humana, uti supra jecimus, certam quandam actionum suarum *sphæram* habet, quam non excedit, nisi aliunde sublimius evecta. Intra illam sphæram fidei mysteria, in scriptura revelata, non continentur. Quod adeo verum est, ut ne *Smalcius* quidem dissimulare id potuerit; qui adversus *Frantzium*, Disput. III. de Sacramentis p. 371. *Nos vero ultro fatemur*, inquit, *plurima esse in Religione Christiana, quæ rationem superent, & tamen nobis necessario sint credenda ob id ipsum, quia quantumvis rationem superent, tamen in sacris litteris prodita exstent.* Hinc ego infero; si *supra rationem sint*, hætenus etiam *extra Rationis jurisdictionem* esse, ut emendicare à *Ratione suffragium* non teneantur, quo suam adstruant *Divinam auctoritatem.*

XVIII. *Animalis homo*, ἀνθρωπος ψυχικός, qui non nisi *animam*, sive *mentem* suam, pro principio suarum actionum habet, non percipit ea quæ sunt *Spiritus Dei*, excedunt ratiocinationis suæ captum; &, quantumvis enitatur, non potest cognoscere, ut rite de iis judicet. Quare? ὅτι πνευματικῶς ἀνακρίνεται, quia *spiritualiter* dijudicantur. Pertinent ad *sublimiorem sphæram*, ad quam *Rationis axiomata* non pertinent. I Cor. II. 14. *Chrysostomus*: ὑπερβαίνει γὰρ αὐτῶν τὸ μέγεθος ἐκ ποσῶν τῶ περιόντος τῆς ἡμετέρας διανοίας τῇ ἐντίλειαν.

XIX. Eleganter Apostoli mentem *Musculus* exposuit, cujus verba non pigebit appingere. Quid ergo (sic ille) hic relinquitur viribus rationis in cognoscendis rebus fidei Christianæ? scilicet duobus verbis veluti fulminibus prostermitur omnis conatus sapientum hujus mundi in rebus Dei. Nec potest, inquit, cognoscere. Ergo ubi animalis homo conatur ad cognitionem pertingere Regni Christi, frustra laborat; ubi de rebus Spiritus disputat, garrit; ubi pronunciat, mentitur; ubi in Religione statuit, temerarius est.

XX. Non inutile erit & ea subungere quæ Celeberrimus Coccejus commentatus est ad I Tim. II. 14. §. LXX. Id propter quod amatur Deus à peccatore, & quo Deus glorificatur ut justificans improbum, & ipsum illud quod cognitum necessarium est, ut Deus cognoscatur sapienter & cum demonstratione justitiae suæ justificare improbum, nempe Deum habere filium, & eum esse Christum, non cognoscitur ex iis qui in toto mundo sunt, quæque in eo fiunt, neque sensu aut Ratione deprehenditur, sed est mysterium quod revelatione opus habet. Quod Apostolus vocat mysterium Dei Patris & Christi, in quo dicit omnem sapientiam & prudentiam contineri absconditam. Col. II.

2. 3. *Ideoque Apostolus monet ibidem v. 8. NE NO AGI PER PHILOSOPHIAM, ut nihil velimus credere: ne & pervestigatione natura deprehendimus in rebus cre*

XXI. Neque hæc sola causa est, ob quam nedum iis solis, adstrui Divina Revelationis auctoritate ad mysteriorum sublimitatem non pertineant. Accersumpta nunc omnium hominum naturalium ratio circa res Divinas, axiomata Rationis, quæ in isthac certissimis habent miseri mortales, plerumque n Unde nihil potest esse periculosius simul atque in illius & perversæ Rationis (neque enim alia nunc d rum Auctoritatem examinare. Quid hoc aliud e bris spiritualibus sibi de suo accendere lumen, & se m cingere? ut postea in focum ignis quem de se succender sillis pereant. Uti de istis Rationalibus loquitur Pr

XXII. Triste nobis hic exemplum præbet ascleclis. Qui postquam semel animum induxerit: *ἰσάκωσιν τὰ λόγια*, satisfactionem Christi, & simi dogmata, cum Rectæ rationis evidentissimis axiomati communi, manifeste pugnare, intrepide asserunt: lationes Divinas exstare, neque adeo exstare posse. arcana, & quidquid olim *Judeis offendiculo*, *Græci* huc est τοῖς Ἰουδαίοις & Evangelii adversariis, id or & deletum eunt. Et magnum illud pietatis myster minis bonum est, quod non nisi purgatissimis mer lens Religionis pestis ac venenum exauctoratum est.

XXIII. Et quorsum hæc tandem evadant. Scriptore Gallo, qui videri voluit exhibere nobis *gorum Belgicorum super Historia Critica Richardi S* suæ tribunal plerosque Scripturarum Sacrarum Lit quo modo, exempli gratia, de *Libro Jobi* ratiocin Ratio: non esse admodum Divina Majestati cons cum *Cacodemone* sermonem habuisse censeatur: ut crisi calumniam retundendam, fidelem servum si xandum tradiderit. Porro, probabile non esse, lem, uno eodemque tempore tamque concinno, repente incubuisse, ut primo adhuc nuncio, qui tristitia sociorum fata exponenti, mox alter succede

Neque valde credibile videri, ignem Dei de cœlo cadentem pecudes cum pueris absumsisse, uno solo ad nuncium superstiti. Quantum enim ignis diluvium requiri, ad unico quasi haustu consumendum septies mille pecudes cum omnibus pastoribus suis? Adde, indignum esse, Deum in theatrum inducere Diabolo dicentem, quod ad pii hominis probitatem demonstrandam, in Diaboli gratiam, sine causa eum perdiderit. Quis enim concipere potest ita Deum cum homine numinis sui studio agere ad confundendum Diabolum? Cui præterea credibile est, amicos Jobi, ad eum consolandum accedentes, septem integros dies cum noctibus humi cum ipso consedis, nullo interim habito sermone, eo quod viderent dolorem ipsius perquam vehementem esse? Qui fieri potest, ut quis in tanta afflictione integros septem dies silentio, sine planctu, sine querimonia, transigat? Et quid hoc amicorum genus est, qui hominem miserrimum tanto tempore in cinere & sordibus relinquunt, ac non potius molli lectulo blande componunt? Neque hic subsistit cum suis argumentationibus ratio. Plura quæ carpat invenit, longeque majora. Vide, inquit, crassum errorem. Introducit auctor Jobum Cap. III. ea verborum acrimonia animique impatientia conquerentem, quæ non solum indignæ sunt homine pio, & veri Dei cognitione imbuto, sed indignæ etiam homine gentili, Philosophiæ principiis leviter tincto. Imprecatio ista qua diei suo natali maledicit, non convenit homini tanta pietate prædito quanta Jobo adscribitur: in quantumvis extremitatem adactus videatur. Palam omnis Decori leges violas, qui tam impotentem sermonem attribuit homini pio: uti & alterum illum qui exstat cap. X. 2. *Dicam Deo, ne condemnes me; notum fac mihi quam obrem contendas mecum. An bonum est tibi quod opprimas?* &c. Post hos sermones, qui parum à blasphemia absunt, secundum Tragediæ illius auctorem, Jobum laudat Deus quod recte de se locutus sit; atque ira adversus amicos ejus exardescit, qui crediderant eum propter peccata sua affligi. Ex his & similibus, quæ referre prolixum foret, conficitur tandem, non esse hanc de Jobi calamitate veram Historiam, sed fictam Tragediam, in qua contra omnes decori & probabilitatis leges plurifariam peccatum sit, quæque consequenter Dei Spiritum Auctorem habere non possit.

XXIV. Ad eundem modum ex rationis suæ scitis de *Psalmis* quibusdam, & maxime de *sacris paræmiis* philosophatur. Bona, inquit, fide fatendum est, sine Prophetico Spiritu melius aliquid dici potuisse iis quæ exstant. Prov. XXX. 18. 19. 20. *Tria ista occulta à me, imo quatuor hæc non novi &c. Tenuiter admodum de Spiritu Prophetico judicet oportet, qui ab animo suo impenare potest ut talia eum didicisse existimas.* Canticum Canticorum pro Eidylio

vel

vel *Ecloga* habet, cujus stylus *Græcis Latiniſque Theocriti & Virgilii carminibus* ſimilis ſit, niſi quod pro captu gentis Hebrææ aliquanto ſit *durior*; cujuſque comparationes Capite IV. conferri mereantur cum iis quæ *Polyphemo* attribuit *Ovidius Metamorphoſeon* XIII. Piget plura referre. Atque hæc ipſa fortasſe nimia ſunt. Sed oftendendum fuit, quorſum prolabamur, ſi id ſemel *Rationi* fuerit conceſſum, ut ex ſuis *Axiomatibus de ſacrarum litterarum Divinitate* atque *Auctoritate* determinet.

XXV. Verum, inquis, unde tandem *Revelationis Divinitas* adſtruetur, ſi non ex *Rationis principiis*? Oportet enim eam manifeſtam fieri ad conſcientiam. Hic, ordinis à me in ſuperioribus poſiti memor, primum de ea *Revelatione* respondebo quæ ſingularibus quibusdam Dei amicis *immediate* contigit. Ea indubium eſt quin *ex ſe ipſa, & per ſe ipſam* cognoſci potuerit: ſicuti ſol ſuo lumine cernitur. Tanta enim Divini luminis copia, tantus ſacræ majeſtatis ſplendor adfuit, tanta vis omnes interiores animi, ut ita dicam, partes penetrans, convincens, & ad ſeſe rapiens, ut non magis dubitare potuerint quin Deum ſibi loquentem audirent, quam quis mera meridie fulgidiffima luce circumfuſus dubitare poteſt ſe ſolis radios videre. In rebus naturalibus id quod ſua evidentia menti ſe ingerit, ita animum ad aſſenſum cogit, ut non poſſit non aſſentiri, quantumvis nitatur in contrarium: cujuſ rei nulla ulterior ratio dari poteſt, niſi ipſa veritatis evidentia. Quid enim eſt cur certi ſimus, *idem non poſſe ſimul eſſe & non eſſe, totum eſſe majus ſua parte, bis duo eſſe quatuor*; niſi quia illa per ſe tam ſunt liquida, ut ullam probationem non requirant, imo ne admittant quidem, quum nihil magis liquidum proferri poſſit. Eodem modo tanta Divinitatis luce revelationes iſtæ piorum mentes circumfulſerunt, *ὡς τὸν λαμπρότητι τῆς ἡλίου*, Act. XXVI. 13. ut non minus piis perſpicuum eſſet, eas à Deo proficiſci, quam perſpicua nobis ſunt ea quæ retulimus notiſſimæ veritatis axiomata. Atque hinc factum eſt ut eas mox receperint ſine anxio examine, ſine hæſitatione ulla, ſine deceptionis metu. Non ex ratione utique, ſed *inevitabili Divinitatis ſenſu*: quem exponere non poteſt, niſi qui expertus.

XXVI. Idem propemodum ſtatuendum de ea *revelatione*, quæ, *ſacris litteris comprehenſa*, nunc nobis pro fidei noſtræ objecto proponitur. Quemadmodum Deus *cæteris operibus* ſuis ea incomparabilis ſapientię, potentię, bonitatis cæterarumque virtutum ſuarum indicia impreſſit, quibus *Dei opera* eſſe cognoſcuntur; ita & in *Scripturis Sacris* exſtare voluit *indubitata Divinitatis ſuę argumenta*. Quumque auctor luminum omniſque ſapientię inexhausus fons ſit, in librum quem ipſe exarandum curavit,

eos Divinitatis suæ insinuavit radios, quorum qui non plane cœcutiunt, fulgorem facile oculis usurpare queant. Huc pertinent, *Historiarum* ibi narratarum ea conditio ut ne fingi quidem potuerint; *Prophetiarum* mirabilis cum rebus postea gestis convenientia; *Præceptorum* incomparabilis sanctitas; *Dogmatum* stupenda sublimitas, quæ talia sunt ut nec ignota reperiri, nec reperta cum aliis rebus componi & inter se connecti ab humano ingenio potuerint; *Potentia* denique illa doctrinæ incredibilis, quæ semel penitus menti infixæ, nullis perniciosus erroribus corrumpi, nullis artibus aut strophis labefactari, nulla oblivione deleri, nulla spe evelli, nullis tormentis extorqueri possit. Hæc, & quæ plura huic fini dici possunt, quæque passim apud Theologos exstant, Divinitatis Scripturarum non tam *argumenta* sunt quam *fulgura*, quibus tanquam propriis radiis apud conscientiam omnem attendentem ad convictionem coruscant. Ex his *insitis Scripturæ* characteribus, non ex *Rationis* nostræ axiomatis, unice adstrui Scripturarum Divina Auctoritas potest debetque.

XXVII. Atqui hoc ipsum, ajunt, nos quoque volumus. Deo gratias, inquam ego. Porrigite igitur nobis dexteræ, Fratres. Nam utriusque hoc velle debemus. Sed per Deum immortalem, si serio ita *vultis*, cur non ita *loquimini*? Neque enim verba vobis defunt; quæ estis ingenii ubertate & dicendi nitore, quibus mentem vestram exponatis. Cur ita sermonem consulto, uti opinor, consilio comparatis, ut ex eo nemo id vos velle vel levissime suspicari queat? Serio ac bona fide, si quis legat, *scripturarum* Divinitas non aliunde nisi ex ratione adstrui potest, illene cogitabit hunc esse illorum verborum sensum, *Divinitas scripturæ non potest probari nisi ex characteribus Divinitatis quos Deus ipsis scripturis impressit*? Hæccine est illa conceptuum accuratio? hæccine illa sermonis perspicuitas? Itane loqui decuit subtilem Philosophum? Aut Theologum decuit eam *quæ suam facere*? Idemne vobis est Ratio, id est, uti ipsi exponitis, *Veritates menti ex insitis principiis cognita*, atque *characteres Divinitatis Scripturis impressi*; ut quod ex his probatur ex illa adstrui dicendum sit? Verum quidem est, quod *characteres* isti à *Ratione* nostra percipiantur, eique *consensantes* sint, dum sese adprobant conscientiæ: at non idcirco ratio dici merentur. Quid nî? inquirunt. Sic enim formandum est argumentum. *Quæ Scripturæ in se tales habet characteres, E. G. prophetias post centurias annorum accuratissime impletas, ea est Divina auctoritatis. Sed hæc. Ergo. In Majore hic est omnis vis argumentationis. Minor, scripturam probe intuenti, ad oculum monstratur. Majoris autem vis non aliunde quam ex ratione petenda est. Ergo ex ratione probatur Scripturæ Divina Auctoritas.*

XXIX. Verum ita institueret si liceat, an non eadem methodo ostendam, *Trinitatis mysterium, & salutis per Christum*, ex *ratione* probandum esse. Sic enim argumentor: quod Deus de se suoque consilio testatur, id agnoscendum est pro vero. Atqui Deus in suo verbo testatur Patrem, Verbum, & Spiritum, illos tres, unum esse, & intercedere consilium pacis inter Jehovam & Virum cui nomen est German. Ergo. *Majoris vis* non aliunde quam ex *Ratione* petenda. Ea docet, Deum qui suprema veritas est, non posse testari nisi verum. *Minor* primo quidem supponit Scripturam esse verbum Dei, & continere Dei de se testimonium. Atqui hoc ipsum non nisi ex *Ratione* adstrui posse audimus. Eo autem supposito, porro scripturam intuenti ad oculum monstratur. Exstat enim ibi totidem verbis: non minus, certe perspicue quam ibi exstant *apertissime* Divinitatis. Ergo ex *ratione* mysteria illa adstruuntur. Quandoquidem utraque argumenti hujus propositio *ratione* nititur, altera partim monstratur *apertissime*. Non puto viros eruditissimos huc facile deventuros. Videant itaque & agnoscant male consuta istius palliationis inutilitatem.

XXX. Sed quid iis demum verbis fiet? NEQUE EOS. CULPA LIBERO QUI ASSERERE SUSTINENT, SE RATIO ALIUD QUID NOBIS DICTARET QUAM SCRIPTURA, SCRIPTURÆ POTIUS ESSE CREDENDUM. Atqui hoc asserunt omnes *Orthodoxi* Theologi, adversus *Sacimianos* disputantes: non quod existiment, *Recta Rationis vera axiomata Scriptura* unquam *repugnare* posse, aut *Scripturam* iis: sed quando, ab una parte militare videtur *Ratio*, cujus *cacitatem* *Orthodoxi* omnes agnoscunt, ab altera parte *Scriptura*, cujus *infallibilitatem* venerantur, inclinandum potius esse ad *partes* *Scripture* quam ad *partes* *Rationis*: neque tam id agendum, ut quæsitæ *subtilitate* simplicitas verborum *Scriptura* torqueatur quo consentiant cum *ratione*, quam ut *Ratio* humili *submissione* in concordiam redigatur cum *Scriptura*.

XXXI. Non est mihi prolubium invidiam cuiquam creare malæ scævæ nominibus: sed non possum quin Theologiæ *Sacimianæ* processum, nostrorumque hominum de ea iudicium, hac occasione exponam. Illi quid in Religione scire atque agnosci oportet cum *ratione* convenire debere, primum atque ante omnia sciscunt. Sic *Smalcius* contra *Franzium* Disp. iv. de Just. p. 137. *Nulla enim Christianæ Religionis particula est quæ cum ratione non conveniat. Et quæ cum ratione non convenit opinio, ea etiam in Theologia nullum locum habere potest.* . . . SUMMA ENIM ET IPSA RATIO RELIGIO EST.

XXXII. Hoc fundamento posito, *dogmata Religionis* omnia ad *dictatam* *Ratio-*
nis

tionis examinant, & si quidem ea repudiet Ratio, quam *Rectam esse* contendunt, ea in *Scripturis* contineri non posse, intrepide asserunt. *Ostorod. Instit. cap. IV. p. 30.* Si quis autem diceret hanc nostram rationem non valere, quoniam in *S. Scriptura* talia de Christo filio Dei & *Sp. S. scripta sunt* &c. ad hoc respondemus, valde quidem illud deplorandum esse, in tam crassa cecitate habere homines, quoniam impossibile est eandem rem simul falsam & veram esse. Si ergo Ratio, id est ingenium, vel intellectus, exserte ostendat, Trinitatem personarum in Deo falsam esse, quomodo unquam homini intelligenti in animum veniret, illam nihilominus veram esse posse & verbo Dei probari?

XXXIII. Quia tamen aliquando contingit, ut verba *Scripturae* cum *Rationis dictatis* non videantur convenire; remanet difficultas, cui potius ingenii nostri ope medela aliqua adhibenda sit, an *Rationis dictatis*, an *Scripturae verbis*? *Schlichringius*, quae est æquitate, ita determinat: adversus *Meisnerum* p. 67. Si de rebus agatur obscuris, non est in id adhibenda RATIO, quasi *SCRIPTURÆ* aliquid affirmanti aut neganti OPPONI possit, sed tantum ad declarandum an quidpiam *Scriptura* contineat: Si CONTINERE CONSTET, QUIDQUID TANDEM RATIO CONTRA DICAT, FALLI EAM NECESSE EST. Cæterum quum illud certum sit, non posse *Scripturam* aliquid continere cui contradicat Ratio, malunt *Scripturae verba* quælibet interpretatione ita flectere ut cum *Ratione* consentiant, quam *Rationem suspectam* habere, ut eam corrigant ad *Scripturæ verba*; id est eum sensum quem verba in nativa sua significatione præ se ferunt. Audiamus *Smalcium*. Homil. VIII. ad Cap. I. *Joh. Credimus, etiam si non SEMEL atque ITERUM, sed SATIS CREBRO & DISERTISSIME scriptam exstaret, Deum esse hominem factam, multo satius esse, quia hæc res sit ABSURDA, & SANÆ RATIONI PLANE CONTRARIA, & in Deum blasphemia, MODUM ALIQUEM DICENDI COMMINISCI, quo ista de Deo dici possint, quam ista simpliciter ita ut verba sonant intelligere.* Similia habet *Socinus* de *Servat. Part. III. Cap. VI.*

XXXIV. Quid autem de hac methodo judicaverint *Orthodoxi*, ut alia multa omittam, discere possent studiosi vestri ex accurato & solido responso quod *Heidanus* atque *Coccejus*, magni illi Viri, Ordinibus *Hollandiæ* dederunt, quum ab iis consulti essent super famosissimo libro, *Philosophia Scripturae interpret.* Quod Responsum exstat in *Operibus Cocceji Tom. VI.* Itemque ex elegantissima *Diatriba Heidani de Socinianismo*, quam cuperem à Theologis Vestris *Rationariis* istis commendari. Ibi invenient quid reposuerint nostri *Socino* & sectariis, qui principium *Religionis* & *Theologiæ rationem* statuentes, non nisi in *Scriptura dedecus* & depressionem illam tantopere extollere & exornare comperiuntur. *Licet enim* (sic facundissimus *Heidanus* lo-

quitur) quandoque videri nolint Rationi humana nimium tribuere, quod vere voces etiam quandoque ab invicis peccatoribus erumpant: tamen quum rem ipsam sine ambagibus eloquuntur, & domesticum sensum produunt, ita insistant: ID Nullo modo verum esse posse, cui Ratio prorsus communisque sensus repugnet: adeo ut si id scriptura asserat non tamen credendum sit, quod Ratio contra militet. Quæ quomodo ad Religionis Christianæ perniciem comparata sint fule, porro, erudite, & eleganter docet.

XXXV. Quantillum quæso ab his absunt ista Theses apud ventilatæ verba, quæ haut immerito Tibi, *Utrix Optime*, displicuerunt? Vim mihi facio ea hic repetendo. Repetenda tamen sunt, ne in cassum hactenus disputasse videar. Ita autem habent: *Neque eos culpa libero qui asserunt sustinent, si Ratio aliud quid nobis diceret quam scriptura, huic potius esse credendum: quasi aut scriptura rationi adversari, aut contraria simul vera, aut illud verum esse possit quod Rationi contrariatur. Sed non est cur Philosophus utilibus verbis, aut id genus hominibus, quidquam juris in libertatem suam concedat; sed integra & Scriptura Auctoritate, & Rationis certitudine, illud semper reputans, Veritatem Veritati non esse contrariam, secure philosophetur licet, & de cætero in utramvis aurem otiose ut dormiat.*

XXXVI. Equidem tam horridas sententias Auctori suo relinquere mallet, quam meas facere, &, nescio qua arte, in alienum detortas sentum, tueri. Optimum autem omnium autumarem, male consultum juvenem, si fidei mei commissus esset, salutari monela ad meliorem mentem revocare. Ac si quid à me salubre admittere velit, suggero ei aurea verba *Francisci Baconis de Verulamio*. De Augme. scient. Lib. IX. initio, quæ ita placuere Venerando *Heidamo*, ut sua fecerit laudata mox Diatriba.

XXXVII. *Prærogativa Dei*, inquit, totum hominem complectitur: nec minus ad Rationem quam ad Voluntatem humanam extenditur: ut homo scilicet in universum se abneget, & accedat Deo. Quare, sicut Legi Divina obedire tenemur, licet reluctetur voluntas; ita & verbo Dei fidem habere, licet reluctetur Ratio. Etenim si ea dumtaxat credamus quæ sunt Rationi nostra consentanea, rebus adsentimur, non Auctori: quod etiam suspectæ fidei rebus prestare solemus. Quanto igitur mysterium aliquod Divinum fuerit magis absolum & incredibile, tanto plus in credendo exhibetur honoris Deo, & fit Victoria fidei nobilior. Post pauca. Quin etiam, si attente rem perpendamus, dignius quiddam est credere quam scire, qualiter scimus. In scientia enim mens humana patitur à sensu, qui à rebus materialis reficit: in fide autem anima pa-

titur

tur ab anima, inquit ille, ego malim dicere, à Dei Spiritu, qui est agens nobilior.

XXXVIII. Addam & alterum non minus elegans ex laudata jam sapius Heidani Diatriba Cap. II. §. 1. *Quum fidei sit rationi prescribere, & id facere ut ne sit opus ratione; in contrarium evenit ut ratio prescribas fidei, & fidem de loco moveat. Quum rationis sit, etiam nulla ratione reddita, Deo credere. Cui si credas, cur ergo rationem requiris, quæ efficere possit ut non credas? sin rationem requiris, & querendam putas, ergo non credis: ideo enim quæris, ut sequaris quum inveniatis. Hæc ego illis inculcare malo qui mihi operam dant, quam ferocientis rationis fastui palpum quomocunque obtrudere.*

XXXIX. Sed tempus esse videtur, ut ad alteram quæstionis partem accedamus; num ita disposita sit nostra Ratio ut per argumenta ista quibus scripturarum probatur Divina auctoritas valide convinci possit, nisi quid ei aliunde accedat. Atque accurate primum distinguenda est convictio. Alia salutaris est, conjuncta cum amore veritatis, cum sanctificatione animi, cum consolatione solida, cum gustu rerum celestium, cum prælibatione futuræ gloriæ; alia hisce omnibus destituta, in solo mentis assensu posita, sine amore veritatis, imo aliquando cum ipsius, seu voluptatibus importunæ atque adversæ, odio, sine vera cordis emendatione, sine sancto gaudio, quæ denique nullum cum salute nequam habens in improbis quoque & reprobis invenitur.

XL. Hanc si spectamus, ita statuendum est: Tam efficacia esse ea argumenta quæ pro scripturarum Divina Auctoritate adferri solent, si non singula, certe universa, ut cuivis conscientia attendenti sese approbare & debeant & possint. Non enim nostræ pietatis est, haut satis auguste sentire de radiis istis Divina lucis quos scriptis suis adspersit Pater luminum. Neque id proprie ad hanc quæstionem pertinet, qua non agitur de argumentorum pondere, sed de mentis nostræ constitutione; an ea satis disposita sit, ad istud pondus æqua lance librandum? an ea per se possit & velit attendere ad æquum Divinitatis sacris literis insita, quibus reapse convincatur?

XLI. Atque hic cum Scriptura experientia docet, ita pterumque præjudiciis fascinosos, ita affectibus mancipatos, & voluptatum suarum servos esse miseros mortales, ut oculos ad lucem, etiam invitis sese ingerentem, pertinaciter claudant: à quibus præjudiciis nunquam liberari possunt, nisi ab illo illuminentur, qui Lux mundi est. Lux ista lucet quidem in tenebris, sed tenebra eam non comprehenderunt. Joh. I. 5. Unde hæc est condemnatio quod lux quidem venit in mundum, sed dilexerunt homines potius tenebras quam lucem. Joh. III. 19.

XLII. Neque admodum hic prodesse solet naturalis *ingenii solertia*, aut *acrimonia iudicii*, quum iis potius abutatur homo naturalis sibi relictus ad subtilius cum Deo sophisticandum. Unde quo quis maiorem sapientiam præfert & magis ratione nititur videtur, eo inimicior deprehenditur Evangelio.

XLIII. Accedit & altera ratio, cur Evangelii Divinitas operta sit hominibus naturalibus: quia nimirum *Deus huius sæculi occæcavit mentes eorum, ne irradiet eos illustratio Evangelii gloria Christi.* 2 Cor. IV. 4. Τὸ φῶς τοῦ εὐαγγελίου, sunt præjudicia opinionum & cor iis opinionibus ac præjudicata sapientia obfirmatum. Hæc impediunt attentionem, inquisitionem, scrutationem, ἀνάκρισιν, νόησιν σύνεσιν, ἐπιμαρτυρίαν, γνῶσιν: atque etiam ἀποδοχὴν: quod percommode ad hanc Pauli pericopam observavit Coccejus. Τὸ φῶς οὐκ ἐστὶν ἡ ἀποδοχή, uti πνεύματος ἐνεργήτος ἐν τοῖς ὕμνῳ τῆς ἀπαθείας. Eph. II. 4. Et quamvis plurima in Evangelio Lux sit, id tamen potissimum agit princeps tenebrarum, ne illustratio Evangelii miserorum mortalium mentes irradiet. Atque hinc est quod illa evidentia veritatis argumenta à paucis, minime omnium à σιγητοῖς τῷ αἰῶνι τῷ τούτῳ, apprehenduntur. Licet fortassis, evigilante tandem conscientia, cogantur sentire, Deum quem fugiunt ad se locutum esse.

XLIV. Quid ergo? Præter internum illud conscientia lumen, cujus accensio, in communem omnium hominum usum, Deo, ut *Reßleri Univerßi*, adscribenda venit; præter, inquam, illud conscientia lumen, aliud datur, quod ad *æconomiam Evangelii* pertinet, accensum à Spiritu Sancto, ut *tributore donorum* usui Ecclesie inservientium. Quod in duplici iterum differentia est: vel proprium electis, vel iis cum reprobis commune. Nam & hi quandoque illuminati sunt, non illa solum luce quæ in singulorum lucet conscientia; sed & ea quæ à Spiritu Sancto est; cujus suo modo facti sunt participes. Qui non solum convincit animum de veritate Evangelii eamque fidem ingenerat quæ Historica dici solet; sed & eam rerum Religionis infundit peritiam, ut in nomine Christi prophetare valeant; imo gustum aliquem conciliat celestis illius doni, & boni verbi Dei, & virtutum futuri sæculi. Hebr. VI. 4. 5. Cujus instar in Bileamo est. Denique & illud efficit ut per agnitionem Domini & servatoris Jesu Christi inquinamenta mundi effugisse videantur, quamvis tamen intus canes suesque maneant. 2 Pet. II. 20. 22. Tales illi sunt qui insignite adversus Spiritum Sanctum peccare dicuntur; Spiritum nempe ipsos intus informantem, illuminantem, convincentem; cujus convictionem proterve, contumaciter, & cum horribili contemptu atque odio, spernunt atque

atque blasphemant. Hæc eo à nobis sine memorantur, ut appareat, agnoscendam esse *internam Spiritus collustrationem*, in iis quoque mortalibus quos non *regenerat* neque *sanctificat*. Quando ergo id accidere videmus, ut homines *irregenerati* animum inducant *attendere* ad gnotissima Divinitatis in Evangelio, adeo quidem ut *convicti* id pro *vero agnoscant*, cedentes argumentorum evidentia; non tam illud meræ nudæque *rationi*, & *Deo* quatenus in *regno natura conscientiam* informat, quam *Spiritus Sancto*, quatenus in *commodum Ecclesia* operatur, illiusque *luminis*, attribuendum esse videtur. Paracletus ille Spiritus *ἡλύχῃ τὸν κόσμον*. Joh. XVI. 8. Atque hanc præstantissimorum Theologorum sententiam esse, haut contemnendis rationibus nixam, vestri ignorare neque debent, neque possunt; nisi & se ipsos ignorare didicerint.

XLV. Cæterum quanto sublimior est *salutaris illa fides*, quæ cum *veritatis amore* & interioris hominis *sanctificatione* est conjuncta; tanto sublimioris ordinis est *lumen* illud quod in *electorum* mentibus accenditur per *Spiritum Christi*, quem ille *suis* meruit, quique ex ipso, ceu *capite*, influit in electos, ceu *membra* corporis sui mystici. Atque hac quidem de re nulla nunc est controversia. Illud operæ pretium est pressius anquiri, *quo modo* is Spiritus Christi ad *salutarem convictionem* procedat. Ego sic concipio.

XLVI. Primo Spiritus Sanctus electis suis *novam*, ut ita dicam, & Spiritualem *mentis facultatem* concedit, qui rebus Spiritualibus certa quadam proportionem respondeat. Hoc Paulus vocat *ἀνοικταίνωσιν τῶ νοῦς* Rom. XII. 2. & *πεφωτισμένους ὁφθαλμούς τῆς διανοίας* Eph. I. 1. Et Petrus *τὸν κρυπτὸν τῆς καρδίας ἀνθρώπου*. 1 Pet. III. 4. Nimirum ea *facultas*, qua clare aliquid perspicere sumus, aptam in sese *habitudinem* & rei *objecta* accommodatam habere debet. Sic *auribus* sonos discernere, *odores* naribus haurire, & *colorum* varietatem *oculis* usurpare solemus. Rerum autem *oculiorum*, & à *materia separatarum* intelligentia, neque *oculis*, neque *auribus*, neque *sensu* ullo, sed sola *mentis* ac *rationis* vi comprehenditur. Eademque servata analogia, si adscendere altius, & *spiritualium*, *caelestium*, *Divinarumque* rerum contemplationem capessere velimus, ad eam rite instituendam *facultas Spiritualis*, *caelestis* ac *Divina* requiritur. Magnus itaque ille & incomparabilis *animarum Doctor*, Spiritus, ut huic nostræ impotentia subveniret, *alumnis* suis *novam caelestemque mentem* tribuit ac *Divina* eos *natura* *confortes* facit 1 Pet. I. 4. ut res *caelestes* ac *Divinas* percipere possint. Una cum *rebus Divinis* *animam* largitur qui *Divina sapias* atque intelligat.

Ros

Res Christi una cum mente Christi impertit. Nos autem mentem Christi habemus. 1 Cor. II. 16.

XLVII. Porro novam hanc mentis spiritualis facultatem excitat Spiritus Sanctus, ad *agnoscendam* sacrarum literarum Divinitatem. Neque dubitari potest, quin id præstet *ingerendo menti* ea quæ memoravimus *Divinitatis gnorista*; faciendoque ut *mens* ea in *nativa sua luce conspicans*, valide illis non *afficiatur* tantummodo atque *tentesur*, sed & *plene convincatur*, non minus certo quam si vel *rebus* ipsis præsens *adsuisset*, vel in *cælos evecta verba* scripturæ *ex ipsius Dei ore* audivisset. Non enim certe *bruta vi* agit Dei Spiritus, dum hanc suis certiorationem confert, sed quandoquidem *sapientes est facit, sapienter operatur*, & sicut *creatura rationali* conveniens est. Quid minus verisimile est, quam Deum in hominum mentibus fide imbuendis adhibere methodum naturæ nostræ minime consentaneam, atque adeo indignam præstanti intellectu quo nos voluit anteire cæteros animantes? Et quid magis indignum est homine, quam rei incognitæ cæco quodam ac sui ipsius inscio impetu assentiri? adeo ut nihil respondere valeamus, nisi, *hoc mihi persuasum est quia persuasum est*: quod vix ferimus in infantibus aut mente captis. Facit ergo spiritus ut norimus τὰ πνευματικὰ τοῦ πνευματος συγγράμματα.

XLVIII. Id tamen observandum, non semper eos qui *certissime* de Divinitate scripturarum *persuasi* sunt, pro ea proportionem *liquido, distincte & partitim* memorata *gnoristata discernere*, nedum ut ea *exponere & vindicare* norint. Docuit enim ab omni ævo experientia, eos qui cæteris, non hominibus solum, sed & fidelibus multis, *simpliciores* minusque callidi erant, tanta fidei *ελαφροφροσύνη* Evangelii veritates amplexos esse, ut præ eruditis illis carceres, bestias, cruces, busta, equuleos, & cruciatus bustis ipsis ac crucibus atrociores, ingenti animo pro veritatibus istis sustinuerint. Idem tamen si interrogati fuissent de *πνευματικῇ* Divinitatis Evangelii, pauca eorum enucleate edisserere, nullum fortassis adversus hostium sophismata tueri, ratione valuissent. Nimirum id efficit Dei Spiritus, ut *confertam Divinitatis lucem* liquido cernant, etiamsi non discernant quo pacto sese *radiis* spargant. Utique tam certo discernit ab arbore turrim in loco partitum, & intervallo mediocri positam, qui eo usque oculis valet ut id conspicuo sit, quam qui tam lynceus est, ut observare queat omnes lapiconsequi potest, aut tenuissimas strias columnellarum. Et sane fieri possumus, ut subtiliora, magis ex ingenii sui *solertia* circa *singula* occupati, mihi test, ut subtiliora proficiant, quam illi quibus *minus ingenii*, sed *amplius* Spiritus

Spiritus mensura concessa est, quique minus distincte videntes magnum tamen luminis globumprehendunt.

XLIX. Accedit & aliud quo certitudo illa valde corroboratur, nimirum quod Spiritus Sanctus, præter *lumen* illud quo *videntur* res spirituales, earundem *gustum* animæ exhibeat. Multa enim talia sunt quæ *videndo*, & *ratiocinando* nunquam plene cognoscas; quæque non aliter quam *experiendo* & *gustando* rite discuntur. Fructus, etiam naturales, suos proprios saporibus habent, qui quales sint nunquam recte prius intelligi potest, quam ipsius gustus & palati iudicium adhibeatur. Non desunt tamen fructus alii, qui, cognitione quadam naturæ, aliqua saltem illius saporis repræsentamina adumbraverint. Nihil autem *terrenum* *Divinarum* rerum *saporem*, nec ejus *umbram* quidem exhibere nobis potest: *proprio* tantum *gustu* dignoscuntur. Hoc est *Manna* illud *absconditum*, quod nemo novit nisi qui edit. Spiritus ergo Sanctus veritates eas cœlestes quæ sacris literis traduntur, *experundas* *gustandasque* discipulis exhibet: dicens, *gustate & videte quam suavis sit Dominus* Pl. XXXIV. 9. *Ut modo geniti infantes lac illud sermōnis sincerum expetite; ut per illud augeamini.* Si quidem *gustastis* quod bonus sit Dominus. 1 Pet. II. 2. 3. Sic dum *gustamus* veritates, id est vim earum ad *lætificationem* animi *experimus*, eas *certius* cognoscimus; & quo magis cognoscimus, eo magis *amabimus*: & sic *gustandi*, *amandi* & *cognoscendi* orbem interminatum volvimus, qui tanto quotidie crescit magis, quanto sæpius à nobis iterando percurritur.

L. Hæc autem institutio Spiritus quæ *gustando* consummatur, tantam intelligentiæ *certitudinem* de rebus ita cognitis adfert, earumque veritatem & præstantiam simul tam firmiter in animo *signat*, ut omnes argumentationum nodi, pericula, & tentationes impressam hujus sigilli formam delere nequeant. Utut enim vaferrimus insidiator Diabolus, hominesque profani & hæretici, laceessant disputationibus, terreant minis, illicere studeant promissis, nihil proficiunt; anima unica responsione objectiones omnes diluit, frustra nempe contra *gustum* *disputari*; neque posse non verum esse quod experiendo didicit. Potest mens sic adfecta in sophistarum strophis, tanquam in vinculo hæsitare: at eas vel sua vi dirumpit, vel dissolvit solo contemptu.

LI. Hoc modo *Spiritus*, operans in *cordibus* electorum, testatur quod *Spiritus*, loquens in *Scripturis*, sit *veritas*: & vice versa. 1 Joh. V. 6. *In qua demonstratione nullus est circulus, sed Divina lucis undique coruscantis & in semet reciprocata plenissimus fulgor.* 2 Cor. III. 18. *Quippe in Scriptura Auctorem conscientia invenis animus, & in conscientia auctorem Scriptura: in reparatione*

siane imaginis Dei Creatorem, in Creatore Sanctificatorem, in ejusdem imaginis typo veritatem, in ipsa formula Divinitatem: uti nerve et emphatice Coccejus. Sum. Theo. Cap. III. §. XXXVIII.

LII. An præter jam dicta ad testimonium illud pertineat speciale & expressum Spiritus Sancti ad animam alloquium, & qua in re alloquium illud consistat, difficile explicatu est. Uti cæteri termini *lucis*, *visionis*, *gustus*, metaphorici sunt, à rebus corporeis ac naturalibus ad mentales & spirituales translati; ita & *alloquii* vox quando de Deo & anima agitur. Ideoque ita est intelligenda, uti naturæ Dei & anima est consentaneum. Quemadmodum ergo homines suas sibi mutuo cogitationes per alloquia, id est articulos sonos in aëre formatos, communicant; sic & Deus tum animam alloqui dicitur, quando arcana sua operatione efficit ut id cognoscat quod cognoscere eam vult. Unde *notificatio* hujus de qua agimus *veritatis*, efficacique *mentis excitatio* ad eam cognoscendam, ipsissimum Dei ad animam alloquium est.

LIII. Quæ porro inter vos de aliis Spiritus Sancti operationibus, iisque, sive *mediatis*, sive *immediatis*, controvertuntur, ea fateor me non satis assequi. Nam neque tu, *Amplissime Hubere*, in tuis ad me literis discrete hanc causam exponis, verbulo tetigisse contentus; neque ex Theologi vestri *manifesta* quænam sit illa sententia tua, quam Enthusiasti damnat, liquido colligere potui. Verum quum materia ipsa, sua tam jucunditate quam utilitate, comiter invitet, lubens admodum hanc quoque disputationem suscipio, sine tamen ullo adpectu eorum super quibus inter vos male convenit: quippe quæ hætenus mihi incognita sunt.

LIV. Præter illas operationes Spiritus Sancti quæ tendunt ad fidem Divinitatis Scriptura electorum mentibus ingenerandam, de quibus hætenus sumus locuti, multas alias agnoscendas esse, & sacra oracula docent, & experientia sanctorum. Ac, nisi me fallit animus, præcipue saltem earum hæc tria capita referri possent. Nimirum ad INFORMATIONEM, ad SANCTIFICATIONEM, ad CONSOLATIONEM.

LV. Omnibus Dei filiis ea competit unctio per quam non minus Prophetæ quam Sacerdotes aut Reges constituuntur. Joel. II. 28. collat. cum Act. II. 17. 39. Prophetis proprium est, immediate à Deo doceri, & sapere infusu celesti. Id fidelibus quoque convenit; secundum promissum Jes. LIV. 1.; וְכָל בְּנֵי לְמֹדֵי יְהוָה *Et omnes filii tui erunt docti Domini, Seditatores.* Quod Dominus Jesus ad internam illam animi informationem refert ab ea quæ per verbi predicationem fit distinctam, & à qua huic omnis sua

vis. Joh. VI. 45. *Scriptum est in Prophetis, & erunt omnes docti a Deo: Quis-que ergo auditit à Patre & didicit, venit ad me.* Hæc est unctio illa de qua Johannes I Epist. II. 20. *Vos habetis unctionem à sancto illo, & nostis omnia.* Iterum vers. 27. *Sed unctio quam accepistis ab eo manet in vobis: nec necesse habetis ut quisquam doceat vos: verum sicut eadem unctio docet vos de omnibus, quæ & verax est, & non mendax, & sicut docuit vos manebitis in eo.* Ubi rursus manifesta est distinctio inter eam eruditionem quæ humana ope per verbum extrinsecus prædicatum, & eam inter, quæ per Spiritum in anima peragitur, tanta virtutis hyperphysicæ efficacitate ut sapientiam vel fatuis ingeneret. De eadem Paulus: I Cor. II. 10. *Nobis ea retexit Deus per Spiritum.*

LVI. Non quod *alias res* doceat Deus per Spiritum quam per verbum, sed quod *aliter* doceat. Verbi enim omnis institutio moralis est, & sæpe, imò sine Spiritu semper, in casum adhibetur. Spiritus institutio est realis & hyperphysica, atque hæcenus immediata, res in mentem inducens, mentem in res. Adeo quidem ut homo eas spiritualiter cognoscens id non Apostolo, aut Propheta, qui non nisi rerum ideas menti per prædicationem obijcere potuerunt, sed in solidum Deo debeat, qui sapientiam dat sine exprobratione.

LVII. Non male operam suam collocavit Theologus Vester, quando prolizas *Heidani* vindicias, quibus adversus Episcopium, eadem fere agentem quæ nonnulli nunc agere videntur, Apostoli doctrinam tuitus est, in Latinum sermonem transtulit, operis sui Anti-Wolzogiani Lib. II. p. 40. Earum ego hanc solum particulam exhibebo. *Sapientia Dei qua in mysterio est, quæ occulta est, quam nemo principum hujus sæculi cognovit, à nemine sola externa revelatione cognosci potest, sed ad eam interna Spiritus revelatio necessaria est. Quid? an illa sapientia solis Apostolis mysterium occultum est, reliquis piis non item? imò vero multo magis. Mysterium Dei, & quidem occultum, non nisi à Deo detegi potest & revelari: idque Deus non aliter quam per suum perficit Spiritum. Et post aliqua. Talem hic nobis sapientiam describit Apostolus, ut nisi immediate nobis per Spiritum reveletur, nullum aliud homini medium supersit, quo ad cognitionem hanc perveniat. Quod nemo principum hujus sæculi cognovit, quodque oculus non vidit, neque auris audivit, neque in mentem hominis venit unquam (quæ unica via sunt quibus ad cognitionem pervenire, naturali modo, homo queat) illud aut occultum nobis semper manere debet, aut IMMEDIATA SPIRITUS REVELATIONE acquiri. Quam non singulis minus fidelibus quam Apostolis necessariam esse, multo argumentorum pondere Vir Venerandus evincit.*

LVIII. Meministine, *mi Utrice*, quid ipse ille *Vester* olim *Volxgio* dixerit. lib. II. pag. 45. RIDE QUANTUM LIBET, IMO SPIRITUS HOC IMMEDIATE DICTAT; ET NISI TIBI IMMEDIATE ID DICTET, CARNALIS ES, NUNQUAM VEL UNICAM VERITATEM RITE VIDES.

LIX. Præterea, quum pleraque sacrarum litterarum *præcepta generalia* sint, & in *singularibus*, quorum infinita varietas nulla communi lege circumscribi potuit, multum *prudencia* fidelium relinquant; hic succurrit Dei Spiritus, præsertim si seriis precibus imploretur, & dubium cæteroque animum interiori sua vi eo quo vult impellit, sic ut magna conscientie serenitate eam in dubiis partem amplectatur, quam sibi à Dei Spiritu monstrari sentit. Atque hæcenus Spiritus aliquid *extra verbum* docet: non equidem quod in *verbi generalitate* haud continetur, sed quod nusquam in verbo *expressum* & *determinatum* sit. Sic Spiritus est *magister prudentia iustorum*, informans eos quid *hic & nunc* agendum sit, quod nullis communibus regulis definiri potuit.

LX. Hoc credunt atque experiuntur pii omnes, qui quoties magna res agenda est, circa quam distractus animus vario reciprocantium cogitationum æstu agitur, Dei ductum & consilium accuratis precibus implorare solent: quo impetrato solvitur animus suis anxietatibus, & intrepida alacritate eo fertur, quo se à Deo duci deprehendit. *Benedicam Iehova qui consilium dedit mihi, etiam nocte erudiunt me renes mei.* Ps. XVI. 7. Quæ verba ita *Christi* sunt, ut in *fidelibus* etiam, servata proportionem consentanea, verent.

LXI. Pulcherrime hæc expressit *Bisterfeldius*, de Scripturæ Eminentia §. LXIII. Cujus verba sibi reddi non est quod ægre ferat *vester i Merydonpenis*. *Quilibet fidelis habet verum ac spirituale Urim & Thummim in pectore suo, nempe lucidissimum ardentissimumque modo indicatum summi Sacerdotis Domini nostri Jesu Christi Spiritum.* Rom. VIII. 9. 14. Gal. IV. 6. *Quilibet etiam fidelis est Sacerdos, qui & consuli & consulere potest.* Apoc. I. 6. Nimirum ardens instansque precatio est catholica illa Jesu Christi per Urim & Thummim interrogatio, cui ipse, per ineffabilem lucem irrevocatumque motum & impulsus, piarum consulentium conscientia ita respondet, ut de officio suo certi, & de salutari event. sint securi.

LXII. Quin nec hoc præfracte abnuendum esse videtur, contingere nonnunquam piis *specialium eventuum revelationes*, quoad tempus, modum, cæterasque circumstantias. Nimirum sunt quidam egregie à vitiorum sordibus repurgati, familiariter in sacrarum precum ac devotarum meditatio-

num



num exercitio cum Deo conversantes, necessarii summi numinis, atque intimæ admissionis amici, quibus haud parvo se liberalius communicat quam aliis et turba fidelibus. Iis aliquando futura, vel alia cæteroquin arcana, patefacit, ad eundem ferme modum quo priscis prophetis.

LXIII. Inter eos qui primam veritatis lucem, post Antichristianismi tenebras, in Scotia accenderunt, fuit *Georgius Wishart*, Vir profapia, eruditione, pietate nobilissimus, qui, ad Domini sui exemplum, dies docendo, magnam noctium partem orando transigebat. Is Cardinalis *Betonii* sceleratis moliminibus ad rogam damnatus, e mediis flammis alicui ad constantiam eum hortanti animose respondit: *Flamma corpus quidem meum lambunt, at Spiritum non domant: ceterum*, inquit, ad Cardinalem conversis oculis, qui sancti hominis supplicium è fenestra prospectabat, *idem ille Vir, qui ex alto nos tanto cum fastu despicit, cis paucos dies ibidem tanta cum ignominia videbitur, quanta nunc cum protervia prospectat*. Et sane paullo post à conjuratis trucidatus *Betonius*, ex eadem fenestra fœdum populo Sanctandreano spectaculum exhibuit. *Burnetus*, emunctæ naris scriptor, nihilque minus quam *Enthusiasta* aut *Tremulus*, hæc referens in Histotia Reformationis Anglicanæ, Lib. III. ad annum MDXLV. addit: *persuasum populo fuisse, Wisharto huic (vere Sophocardo) indultam extraordinariam plane Spiritus Divini manifestationem. Quippe cujus vita omnis sancta atque exemplaris exornata fuerit donopradicendi res futuras. Quumque uti predicta erant passim evenirent, non minus pro Propheta, quam pro Sancto habebatur*.

LXIV. Magna cum animi mei voluptate atque ædificatione legi scriptum Anglico sermone publicatum, *de impletionem Scripturæ*, cujus Auctor, Vir pius, gravis ac judiciosus, probe mihi cognitus, ad calcem libri memorabiles narrat historias, fide dignis testimoniis comprobatas, de singulari prorsus atque eximia Spiritus Divini copia in quibusdam *Scoticane Ecclesiæ*, sive *ministis*, sive *membris* nobilioribus. Ex quibus unum saltem alterumve exemplum proferre molestum non erit.

LXV. *Patricius Simson*, Vir Græce & Latine eruditissimus, & pietatis defecatissimæ, quum uxor gravissimo morbo pressa, horrendisque tentationibus afflictæ decumberet, solus in hortum abiit, ardentissimis precibus horas aliquot intentus. In quibus ea sibi evenisse testatus est, quæ fidem propemodum superant, nisi ex talis tantique viri ore prodissent. *O quis ego sum*, amicæ cuidam suæ & sorori in Christo dicebat, *quis ego sum, pulvis ac cinis, quod sacri ministratorii spiritus ad me mittantur, ad deferendum mihi è celo nuncium*; ac porro narrabat, contigisse sibi visionem Angelorum, qui *audibili voce* exposuerint, quid de uxore futurum esset. Cui exacte cum

omnibus circumstantiis respondit eventus. In cuius rei memoriam libris quibusdam suis inscripserat: *memento anima mea, neque oblivisceris unquam* 1x. diei Augusti, (eo die hæc contigerant) *quam consolationem concesserit tibi Dominus, & quo modo promissa impleverit, secundum id quod dictum est Zach.* III. 2. *nonne hic est titio ex igne ereptus?* Super quo negotio differentibus amicis respondit: *Absit mihi gloriari in aliquo, nisi in Domino Deo meo.*

LXVI. Alius cui nomen *Hen Kennedy*, non quidem Evangelii minister, sed exactissimæ sanctimoniz Christianus, eoque nomine celebris, sera nocte ad amici cujusdam sui fores pulsans, iussit eum e lectulo surgere, secumque ad preces ire: etenim, inquiebat, filius meus, aliique amici nostri, qui peregre aberant, in summo versantur vitæ discrimine. Postquam vero tempus aliquod precibus impendissent, læto vultu surgens dicebat amico: *jam in salvo sum.* Eventu comprobante, easle hora filium ipsius, è præsentissimo periculo, singulari Delope, cum comitibus, ereptum fuisse.

LXVII. Facile credo, hæc atque id genus quam plurima quæ referre prolixum foret, pro melancholicorum capitum insectis imaginationibus à philosophis nostris ac rationariis, exhibitum iri; quod nihil tale vel experti fuerint ipsi, vel inter gregarios suos deprehenderint. Verum ego, uti fidem hominibus, prudentibus æque ac piis, comperta sibi narrantibus, denegare durum esse arbitror; ita nequaquam eorum cum Deo familiaritatem ex nostra inertia, *νοσηφιλία*, ac devotionis defectu sive tepore, æstimari velim. Et quæ tandem hæc protervia est, sanctis Dei amicis adeo illud cœli commercium invidere, ut pro delirio aut mendacio traducas? Quæ sana ratio, quæ scripturæ pericopa, vetat hæc talia credere?

LXVIII. Atque hæc quidem operationes Spiritus Sancti sunt, ad *Informationem* fidelium pertinentes. Sed & aliæ considerandæ veniunt, quas ad SANCTIFICATIONEM non incommode referas. Nimirum sicut Spiritus Christi, qui est *Spiritus vite* Rom. VIII. 2. *principium vite spiritualis*, arcana, sed efficacissima, operatione, electis indit: ita continua virtutis suæ radiatione atque influxu vitam illam non *conservat* solum, sed & *actuosam* efficit. Adeo quidem ut non tam *ipse homo* vivere videatur, quam *in homine Christus*, per suum Spiritum. Gal. II. 20. Et quemadmodum *vita rationalis*, cujus subiectum homo est, fluit ex *unione anima cum corpore*; sic tamen ut animæ potissimum debeatur: ita *vita spiritualis* fluit ex *unione Spiritus Dei cum anima*, sic ut primum ac præcipuum illius principium *Spiritus* sit. Quod *anima* est *corpori* nostro, id *Spiritus Dei* est *anima*. Qui,
ut

ut optime alicubi Calvinus noster, *virtutis sua afflatu Divinam nobis vitam sic inspirat, ut jam non agamur ipsi à nobis, sed ejus actione & motu regamur.*

LXIX. Vix est ut *impertinenter* id exponam quam verbis Rodii, qui nobilis Scotus fuit, Theologus celeberrimus, pius, eruditus, judiciosus si quisquam, iisque nominibus Riveto nostro in summo pretio habitus. Is in suis commentariis quibus Pauli ad Ephesios epistolam luculenter exponit, de vita spirituali hoc modo disserit. p. 540. VITA DEI, quam pii ut tales vivunt, appellatur, non quod Deum Auctorem habeat, quomodo vitam omnem à Deo esse diximus: verum potius quod à Dei præsentia gratiosa, per Spiritum suum in nobis habitantem, IMMEDIATE promanet; & ejus voluntati conformis sit, per Spiritum sanctificationis, qui est vita nostra vita, & anima nostra anima. Sicut enim hec vita naturalis ab anima rationalis præsentia, & unione illa personali cum corpore immediate promanet atque dependet, estque vel illud ESSE viventis, quod ex anima cum corpore conjunctione nascitur, vel proxima & propria anima functio sive operatio . . . atque ita omnium viventis, qua vivens est, actionum principium est. Ita etiam vita illa nova & spiritualis, à Spiritus Sancti præsentia & gratiosa in nobis habitatione promanet; estque vel novum illud ESSE quod habemus in Christo Jesu, simulatque ipsi per fidem insiti sumus, & Spiritus ipsius facti participes, . . . vel ipsa Spiritus Sancti in cordibus nostris efficax operatio, qua novum sensum, motum, adfectum, in nobis producit, nosque ad novas & spirituales actiones, Dei voluntati conformes, idoneos reddit; ita ut nova hac vita donati alia plane sapere & sentire, alia plane querere & curare, alia prorsus eligere atque diligere, aliis denique adfici, moveri, delectari incipiamus, quam quæ nos antea capiebant atque tangebant, quamdiu vitam tantum animale degeremus. Hæc uti olim Magnifico vestro insignia visa sunt, & magnifice dicta, antequam novorum philosophematum lux ei adfulsisset; ita mihi etiamnum talia videntur.

LXX. Non est etiam hic negligenda ea Spiritus Sancti operatio, qua fideles ad preces excitat, ut Spiritus gratia ac precum. Zach. XII. 10. Non solum mentes eorum illuminat, ut videant quæ sibi desint, & quanta sit bonorum spiritualium ac celestium præstantia atque appetibilitas, & quanta eorum penes Deum in Christo ubertas; sed & desideria istorum bonorum ardentia in languida cæteroquin anima accendit; sed & fidem excitat posse ista bona à Deo piis precibus obtineri; sed & gemitus in corde format, & linguam ad loquelam ciet, & mentem quasi in cælum evehit, & coram Dei throno sistit, ut cæterarum rerum oblita cum solo Deo & Christo agat; sed & orationis formulam quasi animo dicat: idque ea facit interiori efficacia,

citare, ut non tam homo ipse orare videatur, quam Spiritus Dei in homine. *Spiritus* non solum facit ut nos clamemus, sed & clamat in nobis Gal. IV. 6. *Spiritus ipse intercedit pro nobis, gemitibus inenarrabilibus, secundum Deum intercedit pro Sanctis.* Rom. VIII. 26. 27. Quibus nihil dici potuit Divinius ad arcanam illam Spiritus operationem insinuandam.

LXXI. Prætermitto alia: neque enim licet singula *ἰστορήσειν*. Ad ea nunc properat oratio, quibus Spiritus CONSOLARI ac demulcere fidelium mentes solet. In quibus cæterorum omnium veluti fundamentum est, *testimonium* illud quod *una cum Spiritu nostro* perhibet, à Deo nos in filios adoptatos esse. Rom. VIII. 16. Qua de re memini me alias non indiligenter dixisse. Summa huc redit. Tunc Spiritus Dei *adoptionis* nobis nostræ *testimonium* præbet, quando non modo *Spiritum nostrum*, torpentem aliquin & languentem, *excitat* ad diligentem observationem eorum quæ animæ nostræ insunt, atque ab ea, vel in ea à Deo geruntur, quæque ut adoptionis indicia describuntur in sacris; sed & oculos mentis supercœlesti luce irradiat, ne per speciosa magis quam solida decipiamur, neve ea prætervideamus, ex quorum animadvertione consolatio nostra pendet, Neque hoc tantum. Sed accedit *internus* quidam, nulloque humano sermone explicandus, *insinatus*, immediate dilectos Dei adoptionis suæ certiores reddens, non minus quam si, in Paradisum Dei rapti, ex ipsius Dei ore, sonoro aliquo oraculo, id accepissent. Psal. xxxv. 3. *Dic anima mea, salus tua ego sum.* Denique quum nullum testimonium validius sit eo quod ipsis factis comprobatur, iis quoque non sinit se *ἀπαγγέλλειν* Dei Spiritus; ciens in fidelibus generosos motus, dulcissimosque raptus, & demulcens eos tam suavis, tam blandis, omnemque adeo mentem superantibus consolationibus, ut non possint eas aliter quam totidem adoptionis suæ testimonia considerare. Ita Spiritus Dei *ad cor fidelium* loquitur. Hof. II. 14. & ostendit iis *divitias supereminens bonitatis suæ, & quæ sit spes illa vocationis suæ, & quæ opes gloriæ hereditatis suæ in sanctis.* Ephes. I. 18. Ita eos aliquando, veluti manu prehenso, in *penetralia* cœlestis sponsi *introducitur*, Cant. I. 4. levatoque sipario & diductis cœli cortinis, ea quæ intra velum sunt, ipsas nimirum cœli delicias, ac futuræ vitæ gaudia, menti contemplanda, animoque prælibanda exhibet.

LXXII. Sed & singulare aliquid contingit quandoque piis, quod ad *prophetici Spiritus raptus* proximè accedere videtur; maxime ægris ac moribundis. In quorum phantasia, sive vigilantium, sive dormientium, Spiritus Dei lucidissimas rerum cœlestium imagines ita nonnunquam distincte depingit, ut eas non mente solum, sed & oculis coram cernere videantur.

deantur, neque aliter iis adfecti sint quam si rebus ipsis præsentes inter-
essent. Quo anima propior cœlo est, eo etiam luculentioribus supercœ-
lestis luminis radiis collustratur, emanantibus ab eo qui est *αυτοφῶς*, & lu-
cem habitat inaccessam, & puriori gaudio repletur, cœlo in animam qua-
si descendente, antequam anima recipiatur cœlo. Frequenter id ægris ac
moribundis accidere, historiæ de vita ac morte piorum, & diligens ægro-
rum visitatio evincunt.

LXXIII. Quamvis homines carnales & *δονησιόφους* adunco hæc ta-
lia naso suspendere, ac pro melancholicis deliriis, aut febricitantium in-
eptis imaginationibus rideant: ii tamen qui experiuntur, sciunt à Deo si-
bi dari cœlestium gaudiorum primitias. Non ingratum Tibi futurum ar-
bitror, *Hubere Amplissime*, neque inutile iis qui tecum hanc Epistolam le-
gere dignabuntur, ad Spiritus gloriæ glorificationem, si exemplis quibus-
dam, quæ pauca erunt ex plurimis, observationem hanc firmatum eam.

LXXIV. De *Olympia Fulvia Morata*, litterarum & pietatis laude
incluta fœmina, refert maritus ejus *Andreas Gruntlerus*, in epistola ad *Cæ-
lium Secundum Curionem*, quæ cum *Olympia* Epistolis ac Poëmatis Græcis
& Latinis edita est, hæc sequentia. *Ierme moriens, quum è somno paulula
ante experrecta esset, visa est mihi, nescio qua dulcedine lata, clanculum ridere.
Acceffi propius, & quidnam tam suaviter rideret, interrogavi. Videbam, inquit
illa, modo in quiete locum quendam pulcherrima clarissimaque luce refertum;
quumque plura præ imbecillitate proloqui non posset, Age, inquam ego, bono esto
animo, mea uxor, in illa pulcherrima luce tu habitabis. Subridens iterum, an-
nuis capite. Et paullo post, tota, inquit, sum lata. Nec plura deinceps locuta
est, nisi quum jam oculorum acies bebesceret: Vos quidem, inquit, vix amplius
agnosco, omnia autem cætera mihi videntur plena esse pulcherrimis floribus. At-
que hæc quidem postrema fuit illius oratio. Non multo post, quasi dulci quodam
somno oppressa, efflavit animam.*

LXXV. Non absumile est, quod *Caspar O'evianus*, cui Catechesim
Palatinam potissimum debemus, morti vicinus, *Johanni Piscatori* narravit.
*Heri, inquit, post decessum comitum juniorum, ineffabili gaudio quatuor horis
amplius persusus sum: adeo ut miratus fuerim, cur & uxor & parens mea iden-
tidem ex me quererent, ecquid meliuscule haberem. Et revera, melius habere
nanquam potuissem. Videbar autem mihi versari in prato elegantissimo, in quo
quum obambulairem, rore perfundebar cœlesti, non guttatim, sed magna copia,
& patinis quasi plenis: unde letitiam tum corpore tum animo cepi longe maxi-
mam. Ad hæc quum Piscator: Pastor ille bonus Christus Jesus duxit te in
pasua*

pascua sua. Imo, inquit æger, duxit me ad fontem aquarum viventium. Vide lodes vitam Oleviani apud Melchiorum Adamum.

LXXVI. Adde, si placet, id quod *Comenius* refert apud *Latum* in *Historia Universal* pag. mihi 528. *Venceslaus Baro de Budova*, decus nobilitatis Bohemicæ, qui Religionis Reformatæ adsertor constantissimus, anno hujus Seculi XXI, capite plexus est. Is triduo ante, uti *Zydnovio*, famulo suo retulit, in amenissimo prato deambulantiem se per somnium viderat, & accepisse à quodam librum, quo inspecto, folia sericea candidissima quidem fuisse, sed nihil inscripti continuisse præter hæc *Davidis* verba: *Devolve super Dominum vias tuas, & spera in eum; ipse faciet: & quum quid sibi verba vellent anxius cogitaret, accessisse alium, qui stolam candidam ei injecerit. Expergefactus de morte agi intellexit. Idcirco in theatrum productus dixisse fertur: Ecce jam pallio justitia rectus incedo, ut compaream in conspectu Dei, in quem speravi.*

LXXVII. Quibus prorsus gemina sunt quæ *Casparus Kaplitz*, vir ordinis equestris, senex LXXXVI, annorum, pastori suo dixit. *Reclinamur miserum hoc corpus super pulvinar, sed qualis mihi potuit esse somnus? In dormieram tamen, & vidi duos Angelos venientes ad me, qui lintheo pretioso valutum meum detergebant, & ut ad iter una cum illis paratus essem hortabantur. Credo autem Deo meo, presentes me habere, non per somnium, sed vere, Angelos, qui mihi & dum vivo inserviunt, & à morte animam meam in suam Abraba deportabunt.*

LXXVIII. Neque magnos solum viros & Heroes Ecclesiæ suæ hoc honore tractat Dominus; sed & quosvis è plebe credentium. Sæpe mihi, at nunquam sine magna animi mei voluptate, in memoriam revoco, quod ipse expertus sum in puella quadam rustica, septendecim præter propter annorum, quam ego sacri mei ministerii primitias fuisse firmè persuasum habeo. Illa paucis ante mortem horis, quasi ex extasi ad se rediens, & mihi & cæteris qui aderant, cœlestia quædam visa sub jucundissimarum rerum emblemate sibi ostensa, & colloquia animæ suæ cum Jesu, ea spiritali sapientia, ea gestientis animi lætitia, ea pulcri oris facundia, edisserabat, ut omnes in stuporem rapti Spiritum Dei Magistrum agnoscere cogeremur. Unde enim huic rudè Catechumenæ talia?

LXXIX. Ex iis quæ disputata sunt hætenus, non difficile collectum est, quid statuendum sit de operationibus Spiritus *mediatis* an *immediatis*. Si enim rite attendamus, comperiemus certo quodam adpectu *omnes immediatas* dici posse, quatenus hyperphysica sua virtute ipsam hominis men-

tem intime penetrant, sine ullo alterius causæ, reali efficacia agentis, interventu.

LXXX. Alio tamen adspectu haut incommode in *mediatas* & *immediatas* dispescuntur. Ut *mediata* illæ dicantur, quas efficit Spiritus *intercedente morali operatione verbi*, quod non nisi objecta proponendo, suadendo, mandando, promittendo, agit. Sic convertit, vocat, regenerat, sanctificat, consolatur Spiritus S. electos *per Evangelium*; quo exponitur ipsis peccati scditas, justitiæ Divinæ severitas, hominis naturalis miseria, Dei in Christo superabundans gratiæ opulencia, virtutis, quippe Divinæ imaginis, pulcritudo, cœli gloria; additis motivis validissimis ad oblatam salutem alacriter amplectendam. Quæ dum monstrante Spiritu ab electis, ita ut sunt, & uti veritas in Jesu est, cernuntur, promovetur ipsorum conversio, fides, & sanctificatio. Hinc regeneratio dicitur fieri *ex verbo veritatis*. Jac. 1. 18. *ex semine incorruptibili, per sermonem Dei vivi & vivum*. 1 Pet. 1. 23. *& fides esse ex auditu, auditus autem per verbum Dei*. Rom. x. 17. Imo Evangelii præcones dicuntur *Dei cooperarii, evangelizatores, & ministri per quos credidimus*. 1 Cor. III. 5. 9.

LXXXI. Attamen aliæ operationes *prorsus immediata* sunt, sine interventu verbi, uti infusio luminis spiritualis; inditio novarum facultatum, quibus apprehendi debet Dei verbum antequam ullam salutarem efficaciam exerat; revelatio rerum arcanarum particulares eventus spectantium, de quibus in Scriptura nihil est traditum; responsio ad preces; inclinatio animi ad singularia quædam amplectenda vel fugienda, quæ magis ex circumstantiis suis quam generalibus Scripturæ præceptis determinanda sunt, imo ipsa verborum Scripturæ ad informationem vel consolationem interior suggestio, & quæ id genus plura referre in promptu est.

LXXXII. Hæc si ad rem præsentem applicentur; negandum equidem non est, operationem Spiritus Sancti qua fidem Divinitatis Scripturarum mentibus nostris ingenerat, hoc adspectu *mediatam* dici posse, quatenus ea fides oritur ex consideratione radiorum Divinitatis, qui per totum Scripturæ corpus varie sparsi illustri splendore micant: sed & id fatendum, operationem eam Spiritus Sancti qua oculos dat ad cernendos eos radios, qua voluntatem efficaciter fleat, ne obnitatur luci ultro se ingerenti, *immediatam* esse. Similiter sapientiam spirituales docet nos Spiritus operatione *mediata*, interveniente doctrina Scripturarum, quæ possunt nos sapientes reddere ad salutem: quod tamen earum mentem salutariter intelligamus, hoc ex interna atque *immediata* Spiritus institutione est. Atque hoc

sensu *immediatam* Revelationem mysteriorum Evangelii omnibus fidelibus necessariam esse, præstantissimi Theologi docent.

LXXXIII. Hæc si tua quoque sententia sit, *Habere Amplissimæ*, uti esse prorsus confido, ego te ab *Enthusiasmi* impactu crimine fidenter absolvo. Scio te in litteratura Græca probe esse eruditum : idcirco opus non est ut moneam, voces *ἐνθουσιασμῶν*, & *ἐνθουσιασῶν*, per se medix significationis esse ; & nunc in bonam, alias in malam partem exponi. *Hesychio* *ἐνθουσιασμός* ἐστὶν ὅτε ἡ ψυχὴ ὅλην ἑαυτὴν ἀποδίδωκε τῷ Θεῷ, quando anima universa illuminatur à Deo. *Suida* δὲ *ἐνθουσιαζόμενος* sunt *ἐκκαυπόμενος*, illuminari & *ἐνθουσιῶν* est ὑπὸ *ἐνθὺ πνεύματος* κατέχευεσθαι, à Divino Spiritu constringi. Apud *Plutarchum* in *Solone*, *ἐνθουσιαστικὴ σοφία* est sapientia qua numinis adflatus concipitur. Dicebantur etiam *ἐνθουσιαζόμενοι* simpliciter *ἔνθου*. Hoc sensu *Nazianzenus*, de incarnatione Christi loquens, exclamat Orat. XXXIX. *Ὅου δύναμαι κατέχειν τὴν ἡδονὴν, ἔνθους γίνομαι.* Animi voluptatem tenere nequeo, Divino furore corripior. Et Orat. XVIII. *Ἵσπερ ἔνθους ὅφ' ἡδονῆς.* Ipse *Moses Philoni* dicitur *ἔνθους*, ob *ἐκκρίσιν* τῆς *προφητικῆς* πνεύματος. Alias tamen in vitium sonant eadem hæ voces, & *ἐνθουσιασῆς* est *μωανόμενος*, *imphaticus*, mente captus. Sano sensu omnes vere Christiani *Enthusiasta* sunt, sive *Θεοφόροι*. Secundum Pauli illud ad Romanos VII. 14. *Ὅσοι γὰρ καταμαρτυροῦνται Θεῷ ἄγονται.* *Ἴσθαι* ἵσθαι υἱοὶ Θεοῦ. Iterumque Gal. V. 16. *ἀγνοεῖτε περιπατεῖτε.* Hoc est, uti optime *Coccejus*. SIC AMBULATE UT SPIRITUS DOCET, DUCIT, ET AGIT. Verum alia nunc mente usurpari ea vox solet. *Enthusiasta* nostris hominibus sunt homines fanatici, qui adflatum & inspirationem Dei vel fingunt, vel præsumunt, & vel Diabolicis, vel melancholicis, vel voluntariis illusionibus Divinam revelationem tribuendo, se aliosque circumveniunt.

LXXXIV. Neque controversum fuit inter illos & nostros, an dentur immediata operationes Spiritus Sancti ? an oporteat Christianos præter externam institutionem Scriptura, internam quoque Spiritus habere ? an lumen Spiritus ab exercitio nostræ ratiocinationis distinctum sit ? an aliquando singularia æqua doceat Spiritus, quæ Scriptura comprehensa non sunt ? an internum illud testimonium de adoptione nostræ distinguendum sit à morali ejusdem veritatis representatione quæ per verbum fit ? Ea enim utrimque concessa sunt.

LXXXV. Verum hic est controversiæ status, prout eum finit *Spohmius* Pater in eruditis de *Enthusiasmo* disputationibus. *Utrum præter, vel extra Scripturam S. ex peculiaribus Enthusiasmis, & privatis revelationibus, petenda sit norma sive credendorum, sive faciendorum ?* Nimirum id contendunt stolidissimi mortales, verbum Dei mancum, mutilum, obscurum esse, nos

se, non omnibus semper, non ipsis, perfectis videlicet, simpliciter sequendum; sed Spiritum, ejusque adflatus & dictata, præter etiam & contra Scripturam. Scripturam simplicem litteram esse, elementum, Alphabetum criminantur, solis pueris datam; non adultis & perfectioribus, quales ipsi sunt, imperandam aut præscribendam. Spiritum suum ajunt verum Dei verbum, internum ac spirituale esse, normam ac judicem Scripturæ: hunc audiendum sequendumque, non Scripturæ textum & sensum verba-lem; quem obscuris, non intelligibilibus & cothurnatis loquendi modis exponunt. Atque hoc Spiritu correptos, ajunt se vulgo *Deificari*. Adeo quidem ut ne ipsos se agere putent, sed Christum & Spiritum ejus, ipsique & Christus sint & Dei Spiritus. Hinc ea propudiosa nonnullorum verba: *Ego sum Christus, ego sum verbum Dei vivum*. Sic & *Quintinus Piccardus* docuit, *unumquemque fidelem esse Christum*. Ridiculum est quod de eo *Calvinus* memorat adversus Libertinos Cap. xvii. *Quintinus*, ait, *excandescit, quoties rogatur ut valeat? Quomodo, inquit, an Christus male habere potest? Aliquando me presente Quintinus homini vehementer agrotanti, propterea quod solum id dixisset: Heu Deus mi, quantos dolores sentio! adjuva me; ob-jurgans respondit: Ita vero? Rectene hoc dicitur, Christum male habere? Nonne dolores ipsius omnes præterierunt? Et quis finis est ineptiarum?*

LXXXVI. Numero dicam, in Enthusiastis hæc sunt quæ ab Orthodoxis improbantur. I. Quod illusiones vel mali dæmonis, vel melancholici sui cerebri, pro adflatu Spiritus Sancti temere arripiant. II. Quod adflatum illum habeant pro norma credendorum, & faciendorum. III. Quod non permittant illum ad Scripturam examinari. IV. Quod Scripturam criminantur ut elementariam, rudem, infantibus datam, litteram mortuam & occidentem. V. Quod Spiritum illum suum extollant ut Doctorem longe præstantiorum, sublimiorum, Diviniorum veritatum, quam quæ Scriptura continentur. VI. Quod nescii rite concipere subordinationem causæ secundæ sub prima, in adflatu & influxu Divini Spiritus omnem humani intellectus actionem absorberi arbitrentur. Non attendentes quam sapienter hæc in homine Christiano jungantur, *πνεύματι ἡγουμένῳ*, & *πνεύματι περιπατεῖν*, *πνεύματι σοφίᾳ*. Gal. V. 15. 16. 25. Hæc omnia Theologi Vestri æque ac ego norunt: studiosi autem discere possunt ex *Marnixii* adversus Enthusiastas vernaculo libro, ex *Christiani Becmanni* Exercitatione xxi, ex *Spanhemii Patris* Disputationibus Anti-Anabaptisticis, ex *Hoornbeekii* Summa controversiarum, aliisque. Quantum autem tu, *Amplissime Hubere*, ab ejusmodi opinionum portentis ablis, nemo ignorare potest, nisi qui te ignorat.

LXXXVII. Superest quæstio de *Conscientia nunquam an aliquando errante?* quam magnis alicubi animorum motibus agitatam novimus, volitantibus hinc inde, vel *Pelagianismi*, vel *Scepticismi* criminationibus; ne quid dicam gravius. Et nunc quidem Tragica verba lego; quæ Theologus vester sua defendendo facit: *Dolendum est viros non tantum obscuros, omniumque scientiarum ignaros, sed & multarum rerum cognitione insignes & celebres, audere profiteri, se talia philosophemata,* (scilicet de Conscientia nunquam errante,) *non capere, quin & negare.* QUO TAMEN FACTO CERTISSIME ATHEISMO ET SCEPTISMO PATET JANUA. Adeo ut tale quid statuunt, quod ipsos, si omnes inde fluentes consequentias admitterent (quod tamen nemo eorum facit, nec scit eas revera inde fluere) deiceret incautos in istam, quam multi impie nobis foderunt, foveam. Quis istic voltus, quæ caligans tristitas? Non tamen ea me absterrent quo minus animi mei sententiam candide tibi, *Amplissime Hubere*, exponam. Meo autem id faciam more, placide ac modeste: & si possim, ordine & perspicue; rem ipsam paullo altius exorsus, quo omnis vitiligandi occasio præscindatur.

LXXXVIII. CONSCIENTIA tria dicit. 1. *Cognitionem veri & falsi, honesti & turpis.* 2. *Actum mentis reflexum*, quo scimus nos eam cognitionem habere. 3. *Respectum ad alium, cum quo cognitionem eam communem habemus.* Est enim Conscientia *communis scientia*. Nempe partim cum aliis hominibus, quoad *ius*; omnibus enim creaturis rationalibus easdem generales recti bonique rationes dicat conscientia. Partim *secum* tanquam cum alio: sæpe enim contra hominem illiusque cupiditates testatur. Sed potissimum cum Deo: *συνοιδε* Οἰψ. 1 Pet. II. 19. Job. XVI. 19. *Et nunc ecce in cælis testem meum, & conscium meum in excelsis.*

LXXXIX. Conscientia solet in sacris proponi ut *facultas* hominis. Vocatur COR. 1 Joh. V. 20. 21. 1 Cor. IV. 5. Rom. II. 15. Jer. XVII. 1. Eccles. VII. 22. & MENS. Rom. XIV. 5. Est & ubi adjungitur menti, ut ejusdem cum ea naturæ: Tit. I. 15. denique ipsa hominis ANIMA dicitur Prov. XX. 17.

XC. Non est tamen facultas ab intellectu & voluntate realiter distincta, sed ipso intellectu *relate ad certas actiones*.

XCI. *Actiones* conscientiz potissimum dua sunt. 1. *Notitia veri & falsi, recti & pravi*, quam homo cum Deo, ut cum auctore & exemplari, communem habet: ita quidem ut de vero, quando id debite videt & cognoscit, dubitare non possit. 2. *Notitia suorum actuum*, ut conscius sit sibi homo, & quid egerit, & quo modo; & status sui ex actibus, ut cognoscat, num amoris & gratiz, num odii & iræ Divinæ objectum sit.

XCII. Re-

XCII. Respectu prioris conscientia pro objecto suo habet *πᾶν τὸ γνωστὸν τῷ Θεῷ*, quod quomodocunque Deus in homine manifestavit, sive per *naturam*, sive per *revelationem supernaturalem*. Nam & revelata habent *φωτισμὸν πρὸς πᾶσαν συνείδησιν*. 2 Cor. IV. 2. Quia comperiuntur arcte coherere cum iis veritatibus quæ per se homini notæ sunt, & sapientiam sublimem Deoque dignam continere. Est enim hæc conscientia vis, ut non possit homo non assentiri iis, quæ vera esse ei demonstrantur.

XCIII. Sed maxime conscientia dicat homini *τὸ πρακτὸν* Rom. II. 14. 15. *Gentes legem non habentes sibi ipsis sunt lex. Ut qui ostendant opus legis scriptum in cordibus suis. Una testimonium reddente ipsorum conscientia.* Idque Dei nomine. Psal. XXVII. 8. *לִּי אֱמַר לְבִי tuam vicem dicit mihi cor meum.* Hinc Deus dicitur *מֶלֶךְ גִּבּוֹר*, qui erudit gentes, & qui docet homines scientiam. Psal. xciv. 10. intus nimirum, per dictamen conscientia. Adeo quidem ut non possit homo quicquam bene agere nisi de bonitate rei agenda *ἐν ἰδίῳ νοτὶ πληροφορηθεὶς*, firmiter persuasus id Deo esse gratum. Rom. XIV. 5.

XCIV. Huc pertinet 1 Tim. I. 5. *Charitas ex bona conscientia*: id est qualem & quantam dicat conscientia, sive animus considerans regulas iustitia, natura notas, & verbo Dei notificatas. Et vers. 19. *qui repellunt bonam conscientiam*, dum non *δοκιμάζουσιν τὰ διαφέροντα καὶ τὸ εὐαγγέλιον τῷ Θεῷ*. Rom. II. 18. XII. 2. ad fidem pervenire non possunt. Itemque 1 Pet. II. 19. *Si quis patiaturs propter conscientiam Dei*: quia quicquid obnitatur mundus, non audet aliter agere atque conscientia Dei nomine dicat.

XCV. Hujus officii ratione conscientia à recentioribus quibusdam *συντήρησις* dicitur. Sed observante Coccejo ad 2 Tim. I. §. xv. fictum id vocabulum est, quo nec Scriptura utitur, neque alius bonus auctor, nec vulgus, in illa significatione, ut notet notitiam recti & contrarii: cujus notionis exemplum non invenitur in lexicis.

XCVI. Alterum conscientia officium est, ut observet, indicet, judicet *facta* hominis, & ex iis *statum* coram Deo. De *factis* judicat num *gesta* sint. Rom. IX. 1. Joh. VIII. 7. & num *bene gesta*, 1 Cor. IV. 4. 2 Cor. I. 12. Huc refero Act. XXIV. 16. *Interea vero ipse me exerceo, ad conscientiam habendam sine offensa, apud Deum & apud homines semper*: Id est, animum qui nihil mihi scelerati, hypocritici, pravi exprobrat; sed contra sinceritatis, virtutis, sanctimonie testimonium prabeat. Similiter 2 Tim. I. 3. *munda conscientia* dicitur quæ testatur de munditia animi & operum. Nam prout ea comperit, vel *accusat*, vel *excusat*. Rom. II. 15.

XCVII. Ex

XCVII. Ex *factis*, non tam *singulis*, quam eorum *tenore*, arbitratur de suo *statu* coram Deo. Secundum Deut. vi. 25. *Et Justitia erit nobis, id est signum boni status, & juris ad vitam æternam, si observantes fecerimus omnia hac precepta, coram Jehova Deo nostro.* Et I Joh. iii. 7. 8. *Qui exercet justitiam, justus est, qui dat operam peccato, ex diabolo est.*

XCVIII. Quicquid dicat & arbitratur id facit *nomine Dei*, illius. que *vicem*: vel saltem id præ se fert. Ideoque omni conscientia dictamine hætenus obligatur homo ut nihil contrarium sine peccato queat facere. Involvit enim talis actio manifestum numinis contemptum, cujus vocem dehortatoriam peccator in corde vel audit revera, vel saltem se audire putat.

XCIX. In omni suo *judicio de factis vel statu*, citat hominem ad *Dei Tribunal*, ibi ulterius judicandum, & quidem secundum *judicium conscientia*. I Joh. iii. 20. 21. *Nam si nos condemnet cor nostrum, nempe Deus potentior est corde, & novit omnia. Si cor nostrum nos non condemnet, libertatem loquendi habemus apud Deum.*

C. Non tamen ex his inferre cogimur, quod *conscientia errare non possit*. Quum enim animæ nostræ *facultas* sit, ipsaque hominis *mens* & *cor*: omnes autem facultates nostræ post lapsum errori obnoxie sint, & homines in sacris describantur *רוחי שׁוּגָה errantes spiritu* & *נמרוד לב* *præcipientes corde*, qui nimis cito decernunt ac definiunt. Jes. xxix. 24. xxxii. 4. quo privilegio excipitur conscientia?

CI. Paulus ipse satis docet conscientiam posse errare. I Cor. viii. 7. *Sed non in omnibus est ea cognitio: nonnulli enim cum CONSCIENTIA IDOLI usque ad hoc tempus, ut idolis immolatum edunt, & CONSCIENTIA eorum INFIRMA, quum sit, INQUINATUR.* Quid ibi *Conscientia Idoli*? Audiamus Cocceji expositionem: Conscientiam idoli habere, est *judicare per Idolorum nomen contaminari res ab Idololatris, ut non liceat Dei cultori ea re uti frui; idque propter preceptum datum Israeli.* Nota, *judicium hoc conscientia attribui*: & tamen esse *erroneum*. Rursum, quid *conscientia infirma*? *Qua non permittit homini, quod permisit ipsi Deus, destituta cognitione libertatis Christiana.* Num ea errat an rectum dicat? Denique quid *Conscientia inquinata*? *Qua hominem condemnat, ut peccato, & communione idoli, & idololatris participatione inquinatum.* Quod tamen non esset homo, si non ederet eum conscientia idoli. Quot verba, tot argumenta ad evincendum conscientia errorem: quem initio indicat Paulus, dicens, *non in omnibus est cognitionem*, hoc est non omnium conscientiam bene esse informatam.

CII. Novum argumentum suppeditat versus 10. *Conscientia illius qui*

qui infirmus est, edificatur, (ironice) è statu non optimo ad peiorem deturbatur, ad idolothytum comedendum: nempe ut conscientia ipsius quod bonum esse testari non potest, testetur bonum esse, Idolothyta comedere. Iterum sunt Cocceji verba ad 2 Tim. 1. §. XVI. An in tali testimonio conscientie male edificatæ non est error?

CIII. Equidem observavi quod notat Celeberrimus Interpres: concurrere hic iudicium conscientie & ignorantiam. Ignorantiam, quod præceptum de Idolothytis vitandis tam accurate, ut qui comederit idolothytum, quum non prius diligenter inquisiverit, per ea polluat, sit certi temporis. Conscientia dictamen, præceptum Dei servandum esse. At hæc mihi subulia magis videntur quam solida. Si enim nihil aliud ad conscientie dictamen pertineat quam hoc unum, servandum esse præceptum Dei, quomodo ea conscientia dicitur conscientia idoli, & quomodo conscientia infirma? Nisi error ille, ignorantia illa, in conscientia ut in subiecto sit, quæ ratio dici potest cur ab illis ἡτρήματα conscientia denominetur? Accurate itaque loquendo, in dictamine talis conscientie est aliquid veri, nimirum parendum esse mandato Dei: est & aliquid erronei, videlicet mandatum Dei adhuc obligare ad tam sollicitam idolothyti fugam.

CIV. Et quid manifestius, efficaciusque in hanc rem eo quod exstat 1 Cor. X. vers. 28. 29. (conscientiam autem dico, non tuam, sed alterius illius. Cur enim libertas mea damnatur ab alia conscientia? Paulus opponit ibi duas conscientias, quarum altera pro libertate iudicat, altera contra eam. Altera iudicat, idolum non habere vim polluendi cibos à Deo homini Christiano ad manducandum concessos, ideoque non esse sollicite inquirendum an Deo aut Deæ alicui consecrati fuerint: & recte iudicat. Altera ex adverso iudicat, abstinendum omnino tali cibo esse: ideoque edentem monet ne edat. Hic suadet Paulus, ut Christianus pius ac prudens, dictamine conscientie suæ bene informatæ contentus, usu libertatis suæ tantisper superseadeat, ne sine causâ iudicetur, id est condemnetur, ab alterius conscientia, utique erronea, & condemnante quod bonum, vel certe licitum est.

CV. Audio Viros doctos monentes, diligenter distinguendum esse inter opinionem hominis & JUDICIUM ANIMI, & JUDICIUM CONSCIENTIÆ. Non enim omne quod sentit homo, vel opinatur, vel iudicat, est iudicium conscientie. Nam in opinione & sententia hominis potest versari ignorantia & ærorela, & sic error. Vid. Rom. 1. 21. Non quicquid iudicat homo, id ex conscientia iudicat. Sed quod omnibus probe consideratis cum scientia iudicat. Non potest esse conscientia, ubi non est scientia. Cocc. Sum. Th. cap. XXII. §. XV.

CVI. Sed liceat nobis opponere considerationes nostras. Secundum phrasin scripturæ *conscientia* nihil aliud est quam hominis *animus* in quantum judicat de faciendis & fugiendis; & velim mihi vel unum è sacra pagina monstrari textum ubi *judicium animi* circa τὰ πρακτὰ à *judicio conscientia* distinguatur.

CVII. Officium quidem conscientia est, ut non judicet nisi cum scientia, probe consideratis omnibus: sed non semper omnes officii sui regulas conscientia observat. Sane tunc non, quando est *παραλογισμὸς*. 1 Tim. IV. 2. Tum enim *rationationibus fallacibus à remorsu ad stuporem traducta*, uti bene V. C. ad Jes. XIV. §. LXXXIV. omittit hominem officii sui rite commonefacere. Tales, sic pergit Magnus Auctor, sunt *Libertini post Valentinianos, omnem metum peccati (quasi per mortem Christi omne peccatum indifferens factum esset) excludentes, & solam opinionem peccati, & quod sit cum opinione peccati, peccatum judicantes.*

CVIII. Nec idcirco desinit esse conscientia, quia destituta est solida scientia. Datur enim conscientia, uti modo vidimus, *infirmata*, id est *hæsitans, cœspitans*, circa ea quæ cognoscenda erant: quam eodem hoc, capite. §. x. ita describit Theologus Celeberrimus. *Est conscientia Principii Divini & timoris ac honoris Deo debiti, DESTITUTA COGNITIONE DONATE LIBERTATIS.* Nota, ipsi conscientia attribuitur ignorantia, (hanc enim eandem rem esse puto cum destitutione cognitionis) & sic *ἀσυνείδητος* acque error.

CIX. Illustremus rem exemplo; & fingamus hominem pium *vi-ventem* durante œconomia legali. Illius animus dictabit ipsi observandas esse ceremonias, & dictabit recte, & vocabitur conscientia. Sed pone interim promulgari libertatem Christianam, de qua ille non satis informatus est, pergit sibi idem animus dictare quod olim; & male nunc dictat; quæ causa dici potest cur idem ejusdem animi dictamen modo conscientia tribuatur, nunc nescio cui rei à conscientia diversæ?

CX. Quidquid sit, tota disputatio tam calido agitata, in frigidam *λογισμὸν* recidit: id enim solum quaeritur, utrum animus judicans circa τὰ πρακτὰ, si fortean male judicet, conscientia dici mereatur. At quantillum hoc est? Et sic tamen puto nos scripturam pro nobis habere. Nam *Paulus conscientiam* vocat eam quæ alterius libertatem injuste damnat.

CXI. Novi aliquem qui dicit, *conscientiam illam quæ nondum informata est de libertate, non debere esse normam sententia suæ ut secundum eam de abominabilibus factis judicet.* Sic enim loquitur vernacule: quam eleganter & concinne, nunc non examinabo. At nullam; quantumvis mediter, rationem excogitare

gitare possum, cur conscientia, quæ nulli errori obnoxiam se esse postulat, minus norma sit iudicii de *aliorum* factis, quam de *suis*. Imo, inquit, conscientia clare dicitur, non esse judicandum temere, omnium minime de fratribus, hominibus spiritualibus, idque in iis rebus quæ à solo Dei beneplacito pendent. Verum, inquam ego, si conscientia, ad quam nulla adhuc cognitio libertatis Christianæ pervenit, homini dicet observanda adhuc esse illa dogmata, quæ olim præcepit Deus (quod conscientiam dicitare in tali casu, Vir ille doctissimus adseverat) non potest temerarium iudicium ei conscientiæ videri, quo arbitratur fratres suos, quantumvis spirituales, eadem secum lege teneri. Quandoquidem non dicitur conscientia, eos qui sub eadem cœconomia vivunt, diverso jure uti.

CXII. Instat vir Eximius, rem eam declarari posse exemplo. *Ponamus, ait, exercitui alicui, ab Imperatore in mandatis datum esse ut confligat cum hoste, quod dum facit receptui canitur. Qui id audiunt a pugnando desistunt; remotiores, qui non audivere, persequuntur hostem. Utrique mandato imperatoris hætenus parent. Nolo vexare singula. Hoc unum notari velim; eos omnes qui putant sibi ex mandato imperatoris persequendum esse hostem, non posse non ignaviæ apud animum suum accusare eos, qui gladium vaginæ condentes passis manibus conquiescunt.*

CXIII. Præterea scire aveo qua arte eludi possit illa Pauli pericopa. Tit. 1. 15. *Inquinatis autem & infidelibus nihil est purum, sed inquinata sunt ipsorum & mens & conscientia.* Vidi equidem celeberrimi interpretis verba allegari, quasi ea sufficientem totius difficultatis solutionem exhiberent: sed quid futurum est, si quis seposita auctoritate rem ipsam urgeat? Nimirum, ut præclare Magnus interpret, *significat Apostolus, peccatum hominem facere impurum: & , quum homo per peccatum impurus est, tum etiam res Dei ei per peccatum impuras esse, h. e. tum hominem usu rerum Dei purarum, tanquam impurarum, inquinari & pollui. Quia peccatum facit hominem injustum, sive adimis ei jus utendi rebus Dei.* Videmus ergo, quid sit inquinatio hominis, scilicet peccatum. Pergamus: quid est inquinatio mentis? Iterum id dicat idem interpret: *MENS IMPURA EST, quia non amant veritatem, neque eam cognoscunt; sed tenebras amant. Mens enim significat hic quod nomine ANIMÆ, SPIRITUS, CORDIS, notari solet, nempe διανοία & διάνημι.* Optime. Unum nunc restat exponendum; quid est INQUINATIO CONSCIENTIÆ? Hic sudat cum Magistro suo Vir quidam doctissimus, & comminiscuntur multa; sed doceri exopto, si inquinatio hominis infidelis, peccatum sit; si inquinatio mentis, etiam peccatum, sit; quæ causa dici possit, cur inquinatio conscientiæ non pariter sit peccatum? Quum enim de homine, de mente, de conscientia idem prædicatur;

dicatur; singularem aliquam & vāgrandem rationem esse oportet, ob quam idem prædicatum alio sensu intelligendum sit, quando *conscientia*, quam quando homini aut menti attribuitur. Quod quum nulla discriminis nota monnerit Apostolus, velim discrimen illud non dictari, sed, quod fieri oportet, certo argumento demonstrari.

CXIV. Sed audiamus quid per *conscientiam inquinatam* intelligant. I. Eam qua non est bona, sive qua hominem non excusat, neque exultat. II. Qua non potest non iudicare ipsos impuros esse, & non habere per quod purificentur. III. Qua non potest non terrere & incutere pavorem. Perpendamus hæc recte. Conscientia hæc omnia faciens contra hominem peccatorem, officio suo probe fungitur, agit id quod iustum, pium, sanctum est, quodque à Deo iussa est agere. An quia sancte, & ex Dei præscripto agit, inquinata dici meretur? idque eodem anhelitu quo homo improbe agens, quo meus impie iudicans, inquinari esse dicuntur? Cogor fateri, hæc captum meum superare.

CXV. Non minus id quod dicam observatu dignum esse videtur. Res Dei homini impuræ sunt, quia ipse per peccatum impurus est, & quia mens ipsius per peccatum impura est. Tantum enim est peccati venenum, ut inficiat omnia quæ peccator contingit. Hæc solida, plana, & facilia intellectu sunt. Sed non æque planum est, quomodo *conscientia pie & sancte iudicans*, res Dei puras, impuras homini efficiat. Bene quidem iudicat, eas impuras esse peccatori, si id iudicet; sed non ideo impuræ sunt quia id iudicat. Tales eas esse vere iudicat, quia tales sunt.

CXVI. Atque ita nunc meam de hac re, quæ communis est passimque recepta, sententiam firmavi. Ne grave sit, *Amplissime* Hubere, si præcipua secus sentientium argumenta examinem: Opponunt ergo, in vocabulo ipso esse manifestam contrarietatem: Nam *conscientiam errantem non magis dicere convenit quam scientiam errantem, quum scientia non sit nisi veritatis*. Respondeo, vitreum id acumen esse, quod dum pellucet frangitur. Facultas hæc à scientia nomen habet, quia percipit, arbitratur, iudicat, quomodocunque, sive bene, sive male. Etiam cum fallit, scientiam prætendit, illiusque specie agit. Confer: Jer. XLII. 10. *SAPIENTIA TUA, ET SCIENTIA TUA IPSA PERVERTIT TE*. Matth. VI. 23. *SI LUMEN QUOD IN TE EST, TENEBRÆ SUNT*.

CXVII. Inst. Si erraret conscientia, nulla esset in homine certa ullius rei cognitio. Resp. Quid ni eadem sequelæ necessitate dixerim si errat intellectus aliquando, non erit ulla intellectui certa ullius rei cognitio? Imo, inquiunt, *Ratio* non magis errare potest quam *Conscientia*, quoties clare ali-

quid,

quid, ac distincte percipit. At quid illud est, *clare ac distincte percipere*? Est, inquit, rei alicui nihil adtribuere, nisi quod ei liquido adtribuendum est, & nihil de realiqua negare, nisi quod liquido negandum est. Cæterum quum omnis error in eo situs sit, quod neganda adfirmantur, aut adfirmanda negentur; si dicam non errare me quando aliquid clare ac distincte percipio, perinde est ac si dicerem, secundum hanc explicationem, non errare me quando non erro. At vero in eo sæpenumero errat Ratio, quod existimet se aliquid clare ac distincte percipere, quum tamen contra sit. Injurius me esse putarem in prudentiam ac sinceritatem Magnifici vestri, si existimarem eum de hac ipsa clara ac distincta perceptione contra Nobilissimum Wolzogium operose disputasse, quæ non clare à se ac distincte percepta credebatur: uti injurius forem in pietatem ejus, si suspicaret eum non esse secutum Conscientiæ suæ dictamen. Quæ tamen, nisi fallor, nunc paullo aliter dicat.

CXVIII. Sane Apostolus quum Rom. XIV. 5. monet *ἐκαστος ἐν τῷ ἰδίῳ νοτὶ κληρονομάδῳ*; per *mentem*, uti constat, *conscientiam* intelligens, innuit, & errorem posse esse in conscientia, qui admonitioni huic occasionem det, & certitudinem, ad quam jubet eniti.

CXIX. Porro urgent, non posse non ab errore immunem esse conscientiam, *quam quis communem cum Deo habet, quæ suæ dictata nomine Dei proponis*, & cui *nemo sine crimine potest esse immorigeratus*. At explicemus singula. Homo sua facultate cognoscente circa eadem versatur quæ Divinæ quoque cognitionis objecta sunt. Sed *Deus*, modo qui se dignus est, id est, perfectissimo, ac sine modo: *homo*, modo humano, id est, imperfecto; *homo peccator*, valde defectuose, propter eas tenebras quibus obfuscata ejus mens est. Idcirco nihil impedit, quo minus ea scientia, quam homo peccator communem cum Deo habet, suo defectu, suo vitio laboret. Porro, *Dei nomine* proponit sua, quia eam Deus tanquam sui *vicariam* in hominis mente constituit. At postquam per peccatum omnia in homine corrupta sunt, non consequitur, eam quæ Dei vicaria est, partibus semper suis rite defungi, nihilque dicere nisi quod jussu est. Quia tamen Dei prætendit nomen, & non constat falso id prætendi, palam est violati Divini numinis reum esse, qui conscientiæ suæ dictamini refragatur.

CXX. Denique id quoque alicubi invenio: *Error circa ipsa principia veri & boni non magis conscientia adtribui debet, quam perversa approbatio infandorum criminum in gentilibus dici debet opus legis inscriptum cordibus ipsorum.* Uti in artibus certissimis, puta Geometricæ, vel Arithmeticæ, facile est ut quis per errorem existimet se bene mensurasse, non tamen idcirco errat Geometricæ vel

Arithmetice Cæterum si ea ratio quidquam valeat, conscientia non est consideranda ut aliqua hominis *facultas*, sed notabit *axiomata* à Deo menti humanæ indita, eritque ipsa Dei *lex* cordibus hominum inscripta. Sane sic definit toties laudatus Interpres: *Conscientia est ea insita homini lux, an lex, per quam cognoscit Deum, ac qua secundum imaginem Dei, & contra eam sum.* Ad 2 Cor. II. §. LXXII. Hucine ergo redibit tota disputatio, an Lex Dei conscientia inculpta unquam inducat hominem in errorem? At quis de eo dubitavit mortalium? Tantine idcirco movendi fuere fluctus, ut nihil diceretur, nisi quod creditum dictumque est ab omnibus? & quod dici ex iis quæ dicuntur vix intelligi potest? Ah quanto satius est otiosi quam nihil agere?

CXXI. Cæterum an cum Scriptura & Ratione Recta illi Conscientiam vocat, quod aliis est Lex naturæ & Notiones æqui ac boni? Non putem. Nam uti probatum in antecedentibus, Scriptura conscientiam vocat, *cor, mentem, animam*, quæ ab insita sibi luce & lege distinguenda sunt. Lex est inscripta cordi, sive conscientia, non conscientia ipsa. Adde, quod attributa conscientia, *infirmetas, impuritas, mutatio, latitudo*, τὸ ἀσυνεπές, τὸ παρορμητικόν, atque id genus plura, *facultati* alicui bene convenient, *notioni* aut *legi* non convenient. Qua sermonis concinnitate, qua mente, de luce aut lege nobis insita dici potest, *purificari eam ab operibus mortuis*? Ex his, nisi fallor, palam est, nos quando de Conscientia, uti de Facultate loquimur, Scripturam, ac Rationem ducem habere.

Atque hæc quidem ego, *Amplissime Hubere*, ita secundum animi mei religionem commentatus sum hætenus. Non utique ut per πολυπραγμοσύνην quandam alienis me rebus ingererem. A quo ego vitio singulari naturæ inclinatione semper abhorruī, φιλοτιμέμενοι ἡσυχάζειν καὶ πράσσειν τὰ ἴδια. In quibus sane tantam invenio occupationum molem, quæ *per caput & circa salient latus*, ut foris querendum non sit negotium. Sed veritas commune depositum est, omnium fidæ adservationi, tutelæ ac vindictis commissum. Huic uni elucidandæ mea destinata opera est. Non certe fodiendo igni, sed sopiendo: quem extinctum nunc vellem, non accensum maluissem. Neque despero futurum esse, ut in summa rei idem se mecum sentire Fratres profiteantur; controversiam de loquendi formulis magis quam de mente esse. Utinam ita sit! Sed quid obstat quo minus clare ac nitide mentem nostram exponamus, ab iis locutionibus abstinentes, quæ, ut mollissime dicam, vix est ut in sequiorem sensum possint non trahi? Nonne satis altercationum est? Quorsum datur occasio novis, in quibus ea se produnt impotentis animi indicia, quorum pudere nos debebat. An criminati-

minationibus, convitiis, contumeliis, ne in gentili quidem philosopho ferendis, promovebitur causa Veritatis? Itane didicimus Christum: Tu, *mi Hubere*, ne sequitor, ne comitator. Generoso animo convitia contemno. Spreta exolescunt, si irascaris agnita videntur. Tantum jam te in virtuti studio profecisse arbitror, ut adnumerari iis merearis, quos nec *Falsus honos juvat, aut mendax infamia terret*. An ignota tibi protervia & licentia hujus ævi est, quo palmam fert *ὅς μετὰ πᾶσιν ἐρίζουεν ἐξοχὸς ἐστὶ*. Faciant! nos contemnamus, & cum Demosthene decretum habeamus *τὰς τῶν διαβυδόντων βλασφημίας ἔργῳ ἀπολύειν*. Me quod attinet, si minus prospicenter me tetigisse Clarissimus *Wagenus* vester arbitretur, & præoccupatum errore aliquo, reconcinnandum esse, obtestor eum per communem Dominum, ut faciat id cum Spiritu lenitatis, ea vitans omnia quæ non licent Sacerdotibus pacis. Ne patiat me se duce & auspice pro deridiculo à pueris haberi. Si nolit id dare veteri amicitia; at det ætati, qua ipsum anteeo; det muneri, quod uterque in pari sustinemus dignitate; det communi honestati, quam neque didicerunt neque tenent incauti juvenes, *οὐκ ὁ θεὸς ἀπὸ τῶν ἀνθρώπων ἀπολύει*. Si quid à me peccatum erit, honestius vapulare potero, & vite aliqua centurionis. Quidquid autem inceptet vester, ego me componam ad patientiam: hujus destinationis certus, *ἐκ ἀντιπνεύαν ἀνέμοις*. & vivam, etiam ipso nolente, amicitia; nostræ memor: in cujus dissolutione hoc me valide solatur, quod non dissenserim ab ipso, nisi postquam ipse dissensit à se; & incredibili *μεταμορφώσει*, novam repente indutus formam, in alia omnia ivit, ubi ipsum per animi mei religionem sequi aut comitari non poteram. Sed tempus est, ut manum tollam de tabula. In voto finio. Deus Optimus ille & Maximus, Pater luminum, Doctor incomparabilis, imbuat te, imbuat me, imbuat omnes conservos nostros, imbuat cunctos electos suos, Spiritu ex alto, ut veritates cœlestes in liquida luce cernentes, idem de iis sentiamus, idem loquamur, eodem earum amore accensi per eas sanctificemur, ipsi luminaria facti in medio generationis perverſæ ac tortuosæ, exemplaria modestiæ, prudentiæ, lenitatis, sinceritatis, zeli, pietatis, omnisque denique virtutis. Jehova unus sit, & nomen ejus unum in universa terra. Concurrent undique gentes, habitentque Hierosolymis: anathema ibi omne exesto: incurvent se omnes populi, honorem exhibentes Regi Jchovæ exercituum, celebraturi nobiscum lætissimum illud, ac tot piorum votis expetitum, festum Tabernaculorum. O quando exorietur ille dies, qui suspiriis filia; Zionis imponens finem, induat eam vestibibus salutis & amiciat pallio justitiæ: quo neque occidat amplius sol ejus neque luna recipiat se, sed completis diebus lætus sui Jehova ipsi

ipsi sit in lucem perpetuam. "Εξελ' εξελ' α' Φιλ' η' λυε. Vale, mi Hubere, & me ama. Dabam Ultrajeeti postridie Kal. Dec. Anno ætæ Vulgaris MDCLXXXVI.

Prorsus oblitus sum judiciozæ istius allegationis, qua verba quædam mea, ex iis quos olim publicavi de Oeconomia Fœderum Divinorum libris, ita laudantur, quasi firmandæ sententiæ illi facerent, quam tu improbasti. Quæ tamen ad hanc rem pertinere, prout mea est simplicitas, equidem non intelligo. An unquam tu in dubium vocasti, quod *Gratia* supponat *Naturam*, à se *perficiendam*? aut quod *veritates* in *Evangelio revelata* substernant sibi pro fundamento *veritate*: *Natura notas*: aut quod cognitio quam *Natura* docet, SANCTIFICATA PER SPIRITUM, animum instructiorem reddat ad eas veritates amplectendas, quæ *naturam superant* quidem, sed *perficiunt*, tantum abest ut *destruant*? Quis unquam, menus suæ compos, Theologiæ Naturali suam constare utilitatem negavit? Quis dubitavit, *mysteria* Trinitatis, *ἑσχατισμους* Filii Dei, redemptionis nostræ per Christum, pro *fundamento* sibi substernere *veritates natura notas* de Dei Unitate, Immentitate, Potentia, Sapientia, Justitia, Bonitate? Quis asseruit, Veritates Evangelii destruere naturam; Et hoc quidem totum est, quod allegata pericopa scripsi. At quis, nisi cum ratione infaniens, hinc collegerit, Divinitatem Scripturæ non nisi ex ratione probari posse? Cæterum ne ignorent Vestri, si tanti id ipsis est, aut saltem ne ignorent alii, qui paullo de nobis clementius arbitrantur, quem usum Rationem præbere posse putem in adstruenda Veritate Evangelii, consultum duxi adjungere Orationem quandam meam, in qua *πρωγματικώς* de toto hoc negotio disleritur. Ibi itur in rem præsentem; ipsoque facto ostenditur, & quid subsidii Revelatio à Ratione habeat, & quantum tamen supra Rationis imperium emineat Revelationis gloriosa Majestas. Si validiora pro Revelationis Divinæ Auctoritate argumenta in Rationis suæ thesauris viri eruditissimi inveniant; bene de publico merebuntur, ea proferendo. Tunc demum ea qua pollent ingenii dexteritate rite utentur, si eam sacratissimis Religionis nostræ mysteriis, non ad suas ideas torquendis, sed illustrandis, comprobandis, vindicandis adhibeant. Hoc longe satius, ac piis hominibus jucundius utiliusque erit, quam litigiosis disputationibus oculos animosque fauciare. At nimis te moror. Iterum Vale, HUBERE AMPLISSIME.



100

100

100

100

100

100


100


100

100









A 411413

DUPL

UNIVERSITY OF MICHIGAN



3 9015 06226 3077

PROPERTY OF

*University of
Michigan
Libraries*

SCIENTIA VERITAS

